



გური ოტობაია
სივოსხლეისჯილაბი
||
როკი





ერთი
© ბელეტრისტის
ტრიბუნა

გური ოტობაია

სიცოცხლისჯილბი

რომანი-ტრიადა

წიგნი

II

რ თ კ ი

თბილისი

2005

სონეტი როკის*

კირდეს გიმვორექ მერეხელი ვერეხი როკი,
გონერჯეკელი, უფურცელი, ბორჯესუ ბჭვიშუნქ,
ჭარკინტე ბორიფეს იანარსუ ნოცელით ბჭვიშუნქ,
მივოტე ტყა დო გურგინგ-ტყვაცმა მალეხბიროკი.

შქაბანია სერს გვერშაპიში იჭყაფე ზილოკი,
გიმაკიროკუ, ბჯღვალკანსუ, ბორზალსუ ბჯგვიშუნქ.
გესინტორებუნჯ: ყვარიფშე ნაბადებს იბშუნქ,
მაჩილამურუ — ნტერს ირე შარა გეგნუსიროტი.

თაკარია დლას დუდიშ უფი მებთხოზ ნარჩასუ,
ბნატრულენქ წყურგილს, ვაბსუმარენს ზლოურგ მეშარე,
ქიმკობდვა თოლსუ — ეგებე სისმარქ მალეხვარჩასუ,

მარა ლურიშე ცა მურიცხეფიშე ქაცუთ ეფშა რე,
დომზარზალუანს — თოლონჭესე მითინგ ვეშარე,
გესერელიშა ქიანას ყინგი მიკუკვარჩასუ.

როკი

antithesis

ლიმა პირველი

ტალკანი*. ბაზარი

076923

ჩრდილოურ სადღეგრძელოებში ტყუილად როდი შეწყვილებია ციმი-რული ჭანმრთელობა კავკასიურ მზემრავლობას. ამით გასაოცარი ჰარმონიაა ნასურვები ადამიანთათვის სუფევის გზაზე — სვეისუხვე, როგორც აუცილებელი პირობა თვითდამკვიდრებისას და საღ-სალამათობა დასახულ მიზანთა სრულფასოვნად მობოჭვის წილად. ერთი ავსებს მეორეს და ეს უკანასკნელი ცხოველყოფელი შინაარსით ალიპლიპებს პირველს; ჭიგო და ვაზივით გადახლართვიან ურთიერთს, მაგრამ დღის თორმეტი საათისთვის, როგორც კი ზაფხუ ხმით მიაძახეს ბურაველების საკანს:

— ოდიშელია, ნა ვიხოდ!* — როკის მუხლებში ზღვისხელა წყლები ჩაუგუბდა.

პატიმრებმა იციან შენი გასაჭირი — კრონოსის ისრებს უხილავი მავთულით უკან ექაჩება უჩინმაჩინი; უბასრესი ნემსებით გეჩხვლიტება მხართეძო, შხუილი მატულობს ყურებში და მარჯვენა თვალი კარმუშკასკენ* გებრიცება. ამიტომაც ალიონიდანვე მხიარულდება მთელი სამშო, ისინიც კი, ვისაც სერიოზულად დაჯახებინარ, საქმე გარჩეულა, გადახვევიხართ ერთმანეთს, მაგრამ მოჭიშპეს გულში კვლავაც ჩარჩენია ვერგადახდილი სამაგიეროს ჟინგარო, ჰოდა, სანამ მისჯილის ქვიშის საათი პირწმინდად ჩამოიმარცვლებოდეს, ხმიანებს გიტარა, იჭრება ტუზებით დამები და კაროლები, თავმოხსნილია ანეგდოტების გულად.

აი, ზონის პერსონალი გასაღებების ასხმას აჩხარუნებს. შენ უკვე ფუთიანი ფეხებისგან აგეხსნება ყოველგვარი სიმძიმე. მეგობრების მოხვევისაგან ტკაცატკუცი გაუდით აქამდე რის ვაი-ვაგლახით გამრთელებულ ძვლებს. მხოლოდ გახვერეტილთეფშიანი ბინადრის ამოხაპული მზერა გეჭინჭრება შორიდან და დასაწყისიდან ყურთამდე გამოღებულ სატუსალოს ალაყაფის კარები მომუშაული რომ იყო მთელი საუკუნე კანონის უმკაცრესი განჩინებით, ცის გახსნასავით იბრუნებს შემოსვლის დროინდელ მდგომარეობას — შენ ამიერიდან თავისუფლების მონა ხარ.

კვირაზე მეტია, რაც ათკილოგრამიანი ამანათი ჩამოგსვლია შინიდან, რომელშიც დედის ხელით საგანგებოდ შეფუთული ტანსაცმელი ალაგია. გათვალისწინებულია ყოველი წვრილმანი შენი ადგილსამყოფლის ამინდია-ნობის კვალობაზე. გაკრული ხელით ნაწერი სამკუთხა ბარათიც ფხაკუნობს სადღაც, შარვალ-კოსტუმს შორის თუ შალის წინდების სიახლოვეს. სულ-მოუთქმელად ჩაიკითხავ, მშობელთან გულდინჯი საუბრისთვის გგონია მოგვიანებით მოიცილი. ამ ნეტარებისთვის თავზესაყრელად გამოგეჩითება დრო, საზიდარზე, მანქანაში, მატარებელსა თუ თვითმფრინავში. უთვალავჯერ ამოგყვება იგი გულისჯიბიდან ამოღებული ცხვირსახოცი და დაფლილი შუბლის მოწმენდისას, ხანაც სიგარეტის კოლოფს აეწებება მზაკვრულად, ხან კიდევ გაგიღოდება ხელიდან და ფაფუკ თოვლში ჩაენისკარტება, მაგრამ ჯერაც დამათრობლად, ეკლესიის ზარებივით გიგუგუნებს ყურთასმენაში დედამიწის მიზიდულობის კანონივით მარადიული ფრაზა: „პრაშაი, ვასია“* და ამის საპასუხოდ ათრთოლებული ხმით შელულულდება შენი: „ესემ ქელაიუ სვობოდუ, ბრატვა!“* ეს არის და ეს.

უკვე წინგოსმაგვარი კანი გაგვარდისფრება. დანისლული სარკის ნატეხს ხელისგულს გადაუსვამ ერთხელაც. სამახსოვრად შეათვალღიერებ შენს ნებიერ გამომეტყველებას. ხანდაზმულ წვერს მკერდზე ჩამოივარცხნი თითებით. ელოლიავეები ზეზეური მარტვილობის ჟამს უღლის ჯიგრულად გამწვევს. მერმე მარცხენა ხელში მოიმწყვდევ მერნის ფაფარსავით და სალოკის გასწვრივ მიჰყვები ყვრიმალებს. უმტკივნეულოა სამართებლის კვლები ყბებზე, ნიკაპზე, ყანყრატოსთან. ისე შემოიტარებ აფხიანებულ ლითონს მთელს სახეზე, ბეწვიც არ დავარდება ძირს. შემდგომ არ იცი რა მოუხერხო ამ მფარველ ავგაროზს, პირსახოცში გაახვიო თუ ჩრდილოეთის მეწყრების ღრიანცელს გაატანო და გელიმება, გელიმება ბავშვური წუწურაქობის გამო.

ჭრაჭუნებს ახალთახალი ფეხსაცმელი. ხერხემალში გაგმართავს ყელზე ფერადოვანი ჰალსტუხის შენასკვა. მხრებამდე გცემს მაკრატელდაუკარებელი თმა, რომელსაც ვერცხლის ძაფებიც ჩაკინძვია აქა-იქ. ძველმანებს შეხვეულად გადასცემ ბადრავს, თანაც გაუხსნელი სიგარეტის კოლოფებს უწვდი ასანთთან ერთად სათითაოდ და განთავისუფლების ცნობაზე ხელმოწერების თაღაროგს შეუდგები.

შენ უამისოდაც გაქროლდებოდი თვალისმომჭრელი თოვლეთის ტრამალებში, მაგრამ აზატობის გუჯარმა ჩირაღდანვიით უნდა გიმეგზუროს მთელი ოთხიათასი კილომეტრი მშობლიურ კერიაში. ისაა შენი პირადობის ერთადერთი მოწმე, შენი არსებობის ერთადერთი უტყუარი დასტურ-ლამალი და იწყებ შემოვლას ლიფსიტებიდან. ბოლო სადგური, როგორც წესი, ზონის უფროსთანაა.

„ადამიანის შექმნას უსირცხვილოდ იბრალებს მამადმერთი. ეშმაკის ნაღვაწი უდრტვინველად მიუთვისებია. დიდი პლაგიატი ვინმეა. სხვის ნაოფლარს ისეთი უცოდველი გამომეტყველებით იმკის, ლამის ერწმუნო, ლამის

გაფილვინებულ ყურთბალიშზე მიუსვენო ჭინკებითა და ალ-ქაჯებით გამოტენილი თავი, — ფიქრობდა გაორმაგებული კარცერიდან გუშინწინისწინ გამოდწეული ოდიშელია, — მისი ძეობილის მორალით ხომ მთლად მიმტევებლური თავაზიანობით უნდა მიადგე კარზე ახლა კაცუნას, რომელმაც ბურების რეკორდი მოგახსნევინა. ვერ მიართვეს! ასეთნაირმა ხეპრულმა სულგრძელობამაა ჯოჯოხეთური ცეცხლის ალში გაჰხვია დედამიწა სრული. ჰმ! თხუნელას თვალებს ზემოთ დამსახურებისამებრ დახეთქვია წარბი და გადლუნვია ცხვირი უმაღლესი განათლების სამკერდე ნიშნის მხარეს“.

ჩამოთვლილი ჯილდოების გამო როგორი ციებ-ცხელება მოუპრავლდა როკის, მთელი ქვეყნიერებისთვის იყო ცნობილი, მაგრამ ქალაქებში ჩაფლული ზონის უფროსის ავადმყოფური სიძულვილის გამომჟღავნებას თავისუფლებანაბოძები მაინც რამდენადმე იოკებდა.

ფანჯრებზე შავი ფარდები ჩამოეფარებინა პოლკოვნიკ სტეპანცევს. შემომსვლელისთვის მაშუქით განათებული მაგიდალა აღიქმებოდა თავდაპირველად და ამ ცრიატში სანთელივით დაღეული კოლონიის უფროსის ნაკვებები ფოტოგრაფის გულმოდგინებას იმკიდა, რომელიც ეს-ეს არის მორჩენილა სურათების გამჟღავნებას და ფიქსაჟით ამგრებს დატყვევნილ სახეებსა.

დამხდურმა წარმოსადგე ახალგაზრდა კაცში ველარაფრით ამოიცნო მისი გაუგონარი სადიზმის ღირსეულად ამტანი ოდიშელია. მორჩეული სკამიც კი შესთავაზა სტუმარს, მაგრამ როცა განთავისუფლების ცნობა მიაწოდეს და წყვილი სათვალთ დააშტერდა ფარატიანა ქალაქს, გოცებაშეცბუნებისგან ნაწიბურიანი წარბი აუთამაშდა.

— ხელმოწერისთვის გეახელით მოქალაქე-უფროსო, — თქვა ირონიულად ფეხზედგომელა როკიმ.

— რატომ პატიმრის ჟარგონით?! თქვენ ხომ თავისუფალი ხართ უკვე?! — გაიკვირვა პოლკოვნიკ სტეპანცევმა და შუბლი გაშლილ ხელისგულს დააყრდნო.

— ჩვეულებისამებრ, მოქალაქე-უფროსო, ჩვეულება კი რაჯულზე უმტკიცესიაო, ამბობენ ჩვენში.

— დააა. ხელმოწერისთვის მოხველ, — ისე დაიწრობინა სტეპანცევმა, თითქოს ვერ მიხვდა აგდებულ კილოს, — მთელი შვიდი წელიწადი სისხლისმწოველი კაცის დასტური აზატობაზე. ისე, ჩვენში დარჩეს და მიმადლოდ უნდა ცოტას.

— ეგ რომელი დამსახურებისთვის?! — სქელი წარბები შეყარა როკიმ.

— ჩემისთანა პრინციპული ჩინოვნიკი რომ არა, დიდი ხნის ჩამოწერილი იქნებოდი, ოდიშელია, სამოცდაათ კაპიკად. ოჩანის გაქრობას რაღა უნდა?! ან ნაჯახით წავათლევინებდი თავს, ან კიდევ საკანშივე მოვაშთობინებდი. ცოტა ხალხი მყავს იქ თუ რა, მაგრამ ჯიუტის, ურჩის მოთოკვის პროცესია ჩემთვის ხელოვნება, დავაპატებდი — ერთგვარი აზარტი, ცხოვრება თავად მთელი სიგრძე-სიგანით.

— მამაზეციერი იფარავს ყველას, — როკიმ დიპლომატი სკამზე ჩამოდ-
გა, — ალბათ, მეც მათ შორის.

— ოდიშელია, ადამიანის ამტანობის დიაპაზონი რა ხანია დადგენილია
ჩვენში, — მაგიდაზე დადებულ განთავისუფლების ცნობას დასწვდა სტეპან-
ცივი. გარიჟიგებული თვალები ააყოლ-ჩააყოლა, ხელმოსაწერად მოიჩოჩა და
განაგრძო, — ამ შვიდი წლის მანძილზე შენ ჩვენი მეთოდების არსენალის მე-
სამედიც რომ გეწვინა, აქედან ზოგიერთივით ზოლებიანი ხალათით გახვი-
დოდი, მაგრამ მე ზურგი შევაქციე უკიდურესობებს. ადამიანი საკუთარ ასო-
ზე მაღლა არ უნდა აახტუნო, უფრო სწორად, არ უნდა მოსთხოვო სალტო-
მორტალე, თორემ თამაშის პირობები დაირღვევა; ჭადრაკის უდიდესი პარ-
ტია შეგრჩება ხელთ, სადაც შიშველი მეფის წინააღმდეგ ერთდროულადაა
დაძრული ორი მძიმე და სამიც მსუბუქი ფიგურა. ამისთანა შემთხვევას ყა-
იმი მოსდევს უპირატესად. მოკლედ, უმეტესი პარამეტრით გამოკვლეული
ხარ უკვე. შენი ამტანობის შესაძლებლობათა ზღვარი, მართლაც რომ შე-
საშურია. ამას იქით ზებგერითობაა, ჩვენი სმენისთვის აღუქმელი, მიუწვდო-
მელი ხმანება. ყოჩაღ, ოდიშელია! მაგრამ მიკვირს, წმინდა სისხლის მუჟი-
კი, ქურდულ კანონებს რისთვის მისდევ?! სამართლიანობის სადარაჯოზე
დგომა ყოველთვის როდი ემთხვევა ქურდულს. მოგვეპოვება ცნობები შენი
ნაკითხობის თაობაზეც და ეს მიიღობს საუბარს. იცი, რასკოლნიკობა გა-
განია ცეცხლში საკუთარი ნებით შესვლაა. როდიონის გვარი შემთხვევით არ
მომდინარეობს ხსენებული ვულკანიდან, მაგრამ აქ საინტერესო სხვა რამეა
და ამის დამალვას არც ვაპირებ ჩიტვივით თავისუფალი კაცის წინაშე, —
ბოლო ოთხი სიტყვა ცინიკური ხაზგასმით წარმოთქვა პოლკოვნიკ სტეპან-
ცივმა.

— რას გულისხმობთ? — დაინტერესდა საუბრის თემით როკი და ხე-
ლები სკამის საზურგეს ჩამოაყრდნო.

— დაბრძანდით, ოდიშელია. მაგალითისთვის ვყვები, უმიზეზოდ როდი
მოწმდება პატიმრის პოტენციები მრავალი ასპექტითა და პარამეტრით. ვინ
სირბილშია მაგარი, მაგრამ კოჭებამდე წყალი ახრჩობს. ვის ენა უჭრის სა-
მართებელივით, ჭიანჭურია, თუმცა კი „პრავდის“ ნახევარი არ ჰყოფნის ჩეჩ-
მის ოთხკედელშია. მართალია, ბევრჯერ აკრძალული იღეთებით ვიჭვრიტე-
ბით უადგილო ალაგას, მაგრამ სამაგიეროდ ამით უზუსტესად განიზომება
ტუსალის სუსტი და ძლიერი მხარეები, რათა საჭიროების ჟამს მის სიახლო-
ვეს სასურველ ნიაგ-ქარს უხმო, და შემდგომ პატიმრის ყურები და თმა თავისით
წაიღებენ ჭერისკენ გახუნებულ უშანკას. აქედან გამომდინარე სრუ-
ლიად საკმარისია საკანში ერთი გრებენის* მოთავსება. ეს ერთეული დია-
ხაც აკმაყოფილებს ხატას* მოთხოვნილებებს, როგორი მრავალწევრიანიც
იყოს იგი, რამეთუ ბაითი* ამ აღნაგობით პოლიანდრიული წყობისაა, მრავალ-
ქმრიანი დინასტიისა, მატრიარქატის დროის მსგავსად. საკმარისია საკან-
ში გაჩნდეს მეორე გრებენი, რომ ოჯახიც შაითანის ბაზარით აირ-დაირევა.

დაესევიან ერთმანეთს ზვერები, დიკარები და ნენცები*, წყალში ჩაგეყრება წლების გარჯა და შრომა. მყისვე იფეთქებს კონკურენცია მოთხოვნილება-სა და შესაძლებლობას შორის. როცა გრებენი ერთია, ქვეითდება პატიმრების სექსუალური მიდრეკილებანი, თანაც აქ ჩვენ დიდი რაოდენობით გვეზოგება ბრომი. მსგავს ექსპერიმენტს კი, ცხადია, სამხედრო შენაერთებში ვეღარ დანერგავ და გასაკვირია განა ჩვენი მეცადინეობით გამონთავისუფლებული პრეპარატი ასაზრდოებდეს დღეს ფაქტობრივად კავშირის შეიარაღებულ ძალებს?!

იგივე ითქმის კვებაზეც. ბოლო ათ წელიწადში ჩემის დიდი ძალისხმევით ბურავიკის* ულუფა ექვასის გრამიდან ოთხასამდე ჩამოვიყვანე დღე-ღამეში და გაჩნდა მშვენიერი იდეა ტალკანისა, ანუ გამორჩევითობა ყოველდღიურ საზრდოსა და სადღესასწაულოს შორის, რაღაც იდეალის ილუზია, რომელიც ხელის ერთი მოსმით ავსებს კვირის მანძილზე, დეკადაში დაკარგულ კალორიებს ორგანიზმისას.

მაიორი გავხდი ამ გამოგონებისთვის. უძრავმა და დაქანავებულმა დღეებმა კი პოდპოლკოვნიკად მაქციეს. პოლკოვნიკად შენს გამო ვეკუროთხე, ოდიშელია, როგორც უნიკალური შემთხვევის გონივრულად გამხსნელი. აგრეთვე ჩემი ექსპერიმენტებით სულდგმულობს დაბის მოსახლეობაცა და თვით ქარხანა-ფაბრიკების მრავალრიცხოვანი მუშა-პერსონალიც, რომელთა მეურვეობა ოსტატურად შემითავსებია ძირითადი საქმიანობისთვის.

— წუნს ვერ დაუღებ, — თქვა ისევ ირონიით როკიმ.

— დიახაც. აქაური პრობლემები კბილანებივითაა ერთმანეთში ჩამჯდარი, ურთიერთდამოკიდებული, როგორც საერთოდ სამყაროში ნებისმიერი მოვლენა, ნებისმიერი პროცესი. ეს ყველაფერი პირდაპირპროპორციულ მიმართებაშია ქვეყნის ეკონომიკასთან, მის ბედელთან, მაგრამ არის უფრო რთული მომენტები, სადაც თვალის მეტი დაცეცებაა საჭირო და ხშირ შემთხვევაში თავად მზერაგადმოკარკლული სიარულიც უმაქნისია.

სიცხადისთვის აქილევსის სინდრომზე მოგახსენებ. ნაკითხ კაცთან მიხედება საუბარი და დეტალებში ჩაწვირილმანება უადგილოდ მიმაჩნია. აქილევსის რისხვას მარტოოდენ ბრისეიდას წაგვრა რომ აპურებდეს, რამდენადმე ეშველებოდა საქმეს, მაგრამ, ოდიშელია, ეს მალემსრბოლი პელაზგი, ქალწულებრივად რომ იმოსებოდა მითოლოგიური დეზერტირის კვლობაზე და ყოველნაირად გაურბოდა ტროელების იავარქმნას, ილიონელთა ნათესაობით აისხნება ლიტერატურათმცოდნეობაში, თუმცა როგორც მომავალ გენერალს გული მიგრძნობს, ძაღლის თავი სხვაგან მარხია, კონკრეტულად კი — აბჯარ-საჭურველში. აქილევსი არ ჰგავს იმ კაცს, რომელიც თუნდაც საფიცარი მეგობრის მოკვდინებისთვის თავზე ნაცარს დაიყრის, მაგრამ საგანგებოდ მისთვის გამოჭედილი ფარ-მუზარადი ჰექტორმა აართვა თუ არა ძლეულ პატროკლეს, ღმერთებმა ტროელებს ზურგი შეაქციეს. ილიონის ბურჯისა და ფეხმარდი აქილევსის შეტაკება პიროვნულ ინტერესებამდე კონ-

კრეტდება, კერძომიზნისეულია, შელახული ღირსების პირამო. უფრო ძლიერისგან ქალის წართმევა დიდი ბედენა როდია შედარებით სუსტი ადამიანისათვის. სამშობლოს მიტაცებასაც ეგუება მასა და ინდივიდი, მაგრამ, აი, პიროვნულობის, თავისთავადობის, მეობის საზღვრების მოშლას — ნურას უკაცრავად და იწყება გლობალური ჯანყი, ყველა დამცავი მექანიზმის სასოწარკვეთილი თავგანწირვით ამოქმედებისათვის.

შენს გამძლეობათა წყებას ეს ფაქტორი ესაძირკვლებოდა, ოდიშელია. სწორედ ამ მომენტმა აიძულა რასკოლნიკოვი ციხის კედლებისთვის გადაებარებინა სულის გალავნების პირწმინდად ჩამომშლელი დანაშაული თვისი. მოკლედ, მომავალში ერთიასად გასათვალისწინებელია პატიმრებზე ფსიქოლოგიური ზემოქმედების მეთოდების სრულყოფა. კაცისმკვლელის დაზვრეტა, ელექტროსკამზე დასმა თუ გილიოტინის ქვეშ დაყენება ვერ ახორციელებს ინდივიდში დანაშაულის ძირისძირამდე გაცნობიერების მომენტს, უფრო რე იმიტომ, ბედოვლათი ცოდვილი გაორებულია, გასამებული და, ვინ იცის, რამდენად დაქუცმაცებული რელიგიათა თუ იდეოლოგიების მეოხებით, სახელმწიფო მანქანას რომ შეუმუშავებია საუკუნეების მანძილზე.

მოჭრილად თუ ვიტყვით, სიკვდილმისჯილს შიშის იმპულსები იქობამდე გამოწურავს მძლავრი მარწუხებით, მას დროც კი არ რჩება ჩადენილი დანაშაულის ჯეროვნად გაანალიზებისთვის, რადგანაც მატერიალიზმი ეუბნება:

ვერასდროს მოხვალ ამ ცისქვეშეთშიო, წუთისოფელში აღესრულები ერთხელ და სამუდამოდ და ბაღინჯოსხელა შანსიც არ არსებობს შენი გამოვრებისაო.

თეოლოგიის ნაირსახეობანი: ზოროასტრიზმი, ბუდიზმი, ქრისტეს რჯული თუ მუჰამედის მოძღვრება ამსუბუქებენ თითქოს ამ გულისშემკუმშველ სურათს და უფლის ძალმოსილებით ნაწილდები მერე მარადუცვლელ ფენებში, ჯოჯოხეთისაა ეს თუ საღვინობელ-სამოთხისა, მაგრამ როგორი კოშმარულიც გახლდეს ადუღებულ კუპრში ყურყუმელობა, მაინც სიცოცხლის სკალაზე ხარ, ღვანკალებ, არსებობ ბოლოს და ბოლოს და ამდენად, მოლოდინი გასულდგმულებს, ოდესმე, გნებავთ მილიარდი წელიწადის შემდეგ სასჯელის შემსუბუქებისა, დანაშაულის გამოსყიდვისა.

შეხედე, რანაირ გათიშულობაში ჩავვიკვებებია თურმე ეს უბედური ზვარაკი მეოცე საუკუნისა, ჰომო საპიენსი?! აქედან გამომდინარე, შენეული მრწამსი ბოროტებასთან უკომპრომისობის თვალსაზრისით, ერთდროულად ბორკილიცაა შენთვის და კვარცხლბეკიც. გმირის საპარადო მონუმენტიც განაღდებული გაქვს უბირი ბრბოსგან თაყვანისცემის შეხვედრის სახით და აქვე ოსტატურად გასანთლული თოკიც დაშვებულა შენს დაბეგვილ კისერთან სახელმწიფოს ხელით. მოჭრილად რომ ვთქვათ, ჩვენი ექსპერიმენტული ზონა ფასდაუღებელი აკადემია იყო შენთვის, რადგანაც აწი, ესოდენი კირთების საკუთარ სხეულზე გამოცდელი, შედარებით მოზომილი გახდები და ყოველი სულელური წვრილმანისთვის ქაჯი იქნები ჯოჯოხეთში დურთოთ თავი.

მოგეხსენება, სასჯელმოხდელი იშვიათად უბრუნდება სტატუს ქვოს*7 მორიგი დანაშაულის შემდეგ, აღმატებული სიმკაცრის ცენტრის კვლევის ობიექტი ხდება და დარწმუნებული ვარ, თუკი მსგავსი რეციდივი ცხოვრებაში შეგვემოხვა, უკვე გააზრებულად, აუცილებლობის შეგნებით შეუდგები ჯვარს შენსას, განსჯილად, აწონილ-დაწონილად და არა — ქუჩური ზერელობით, როცა ჯერ თავია მოკვეთილი და მერე თივა ბოჩოლასთვის დაყრილი. ასე რომ, ოდიშელია, როდესაც გუშინწინ, გუშინ, ჯერაც გაუცნობიერებლად ხტებოდი ეტნაში,*ამიერიდან მიზანდასახული მიემართები გოლგოთისაკენ და უსამართლობაა მოკვდავმა ამაზე მეტი ჯილდო მოსთხოვო საწუთროს.

ერთსაც გაგიმხელ ჩიტივით თავისუფალს, ამ პროგრესმა შესძლოა შენს პიროვნებას უფროვე გაუმძაფროს კატეგორიულობის სინდრომი — არა, იგივე არეგების, ტაბუდადებულია...

— ამისთანებს ჩვენში ვაშინერსს ეძახიან, მაღშიდს.

— ოჰ, კარგია, კარგი! ვაშინერს, მაღშიდ. დიახ, ამ ვაშინერს-მაღშიდ რუბიკონის წყალობით უკიდურესობამდე იხვეწება ინდივიდუუმის ზოგადად, ამჯერად კი შენი დამოკიდებულება გარემომცველ სამყაროსთან და მსგავს ვითარებაში, როგორც მოუთოკავ ტიპს, არასასურველს ერთდროულად, კამერის მბრძანებელთათვის, თუ ცხრაკლიტულთა ზედამხედველობისათვის, მშობლიური კოლონიები კინწისკვრით გამოგისვრიან კვლავაც ჩვენი ლაბორატორიების სასარგებლოდ. ასე რომ, მენდე, ოდიშელია, საშენო კოიკამ უკვე ჭრაჭუნებს რომელიღაცა ზონაში, ჩვენს მეზობლად თუ ზემორე.

— მოქალაქე-უფროსო, — გაბზარული ხმით წამოიწყო როკიმ, — თქვენი მსჯელობანი ადამიანის ბედ-იღბალზე უფრო მეტად მზარავს, ვინემ ერთად აღებული შვიდი წლის ბურები და კარცერები. აქ შემოსვლამდე კაცს ეშმაკის შექმნილი ვუწოდებ მე, რომელსაც ყოვლისმომცველი ღმერთი ეხარბება, მაგრამ რანაირი უთანასწორო ბრძოლებიც გველოდეს წინ, არაფრის-დიდებით დავიშურებთ ჩვენ აჯანყებულ სხეულებს ჭიმ-ჭილაგის სიწმინდის გადასარჩენად.

— არის აქ კიდევ ერთი ნო, ოდიშელია. კარანტინის დღეებში შენი წელ-შიმოუხრელობა საკუთარი ნებით, რაც საერთოდ პროსტატიტის ჯირკვლის მდგომარეობის გამოსაკვლევადაა მოგონილი ჩვენს მიერ, ამოუხსნელი, ბურუსით მოცული დაგვრჩა. ჩვენ მის გამოსარკვევად ათასი საშუალება მოგვეპოვებოდა ვულგარული ბოთლიდან მოყოლებული, მაგრამ შენი ტიპაჟი ბოლომდე სრულყოფილი რომ შემენარჩუნებინა და თვითნაბადი ხასიათი ძირისძირამდე ამომეცნო, საქმე არ გაგირთულე.

როკი ზამბარასავით წამოიმართა კაცუნას თავსზემოთ.

— აი, ხომ ხედავ, შენი ჩიტივით თავისუფლება როგორ ნავარდობს ექსპერიმენტულ ზონასა და ზექსპერიმენტულს შუა?! აქამდე, ოდიშელია, შე-

ნი წარმატებების საწინდარი უბადლო აღლოიანობა იყო: სანგვინიკისათვის ნიშანდობლივი სიტუაციის სწრაფი შეფასებისა და ელვისებური გადაწყვეტის უნარი. ეს იგივეა, რაც მაკედონელს საუკუნეში ვერგასახსნელი გორდიას ნასკვი რომ მიართევს და მანაც კვანძების განთავისუფლების ნაცვლად თვალისდახამხამებაში აკუწა ქურუმების ნაჩხიბი წინაღობა მსოფლიო ბატონობის გზაზე: ან კიდევ ბონაპარტეს კვერცხი რომ დაუდეს წინ წვეროზე შესაყენებლად და ნაპოლეონმაც უმაღლესად დააკოსა იგი ფიცხელი ბუნების წყალობით. შენც, ოდიშელია, ამგვარი უპირატესობების გამოისობით უსხლტებოდი ხოლმე ხელიდან საგანგებოდ დაგებულ ხაფანგებს, მაგრამ ვნახოთ, მომავალში როგორ მორიგდება წუთისოფლის „კი“ და შენი — „არა“.

ახლა ზონიდან რომ გადისარ ჩიტივით თავისუფალი, მიპასუხე გულწრფელად, როგორ ახერხებდი სამიათსეკესასი პატიმრისათვის ბურის საკნიდან გეკარნახა?! რა ხანია ზონაში არ გიშვებდი. ბურში ქურდის პალაჟენიაშიმ იმყოფებოდი, აქედან არჩევდი ზონაში მომხდარ კონფლიქტებს და ინციდენტებს. რამდენი ქსივა* დავიჭირეთ შენი. ორმოცი ეროვნების ხალხი თვალეში რომ მოგჩერებოდა რუსული ენის თითქმის უცოდინარს, რა პიპნოზს უკეთებდი ისეთს, რა მალამოს უსვამდი?! შენამდე ქურდის პალაჟენიაში მყოფი ორი არესტანტი* დაბრიდეს*. მართალი გითხრა, წავყურე და მკვლელი ვერ მოიძებნა, რადგან ისეთი პარაზიტები მომამორეს, პირიქით, კვალის მიჩქმალვაში მივხმარე ძიებას. შენ სრულიად ახალგაზრდა მოხვედი ჩვენთან. შენს საბუთებს კარანტინში გასინჯვის დროს, მერეც მრავალგზის რომ გადამითვალეერებია, საქართველოს სამმართველოს ოპერ-ნაწილის დახასიათებაც ახლდა, რომელიც დღემდე დამამახსოვრდა:

საქართველოს უამრავ ციხესა და კოლონიაშია ნამყოფი, უკან არცერთი ღებულობსო. სამ ზონაში იყო ქურდის პალაჟენიაში და სამივეგან გადატრიალება მოახდინაო. გამოირჩეოდა სევეპეს* წვევების მიმართ სისასტიკითო. იყო მსხვერპლი და მატერიალური ზარალიო. ქურდული მასტიაო*, ფიზიკურად ძლიერი. ხელჩართულ ბრძოლაში შეუდარებელი და ჭკვიანიაო. მიდრეკილება აქვს მკვლევლობისაკენო. შიშის გრძნობა საერთოდ არ გააჩნიაო.

გავიდა წლები და იქ, საბუთებში, რაც გეწერა, სრული ჭეშმარიტება აღმოჩნდა. მოგვიანებით იმ დახასიათებას ჩვენი მხრიდანაც წაემატა რალაც-რალაცები. მოსვლა და ორ თვეში ზონა დაითრეე. ვინც ზონას უყურებდა გავარვარებული კაჩერკითმ დაღეწე, ვითომცდა მე მეხმარებოდა, ჩემი კაცი იყო.

აქ როკიმ შეაწყეტინა.

— შენი სტუკაჩიმ რომ არ ყოფილიყო, იმას ზონაში გააჩერებდი? შენი დავალებით ცემდნენ ხალხს სამუშაოზე გაუსვლევლობის გამო და მიიღეს კიდევ თავიანთი. დაე, იმუშაონ დათვებმა და სპილოებმა. ოფლისღვრა რომ

მდომებოდა, გარეთ გავირჯებოდი ფულზე, სუფთა პაერზე, აქ რომ წელებზე ფეხი არ შევიდგა მუქთად. ჩემი ნაჯაფარ შენ ზონის გეგმა შეასრულო და წოდება რიგგარეშე დაირტყა?! არ გამოვა! ჩემისთანა ჭკუის კაცისგან შენ თავის ტკივილის გარდა ვერაფერს მიიღებ.

— ამიტომაც არ გიშვებდი ზონაში, რომ იქაც გადატრიალება არ მოგეხდინა, — ჩაერთო სტეპანცევი, — გაიხსენე რამდენჯერ მქონია შენთან საუბარი მოწმის თანდასწრებით. რა არ შემოგთავაზე:

დაანებე ამ უბედური ქურდული იდეით ცხოვრებას თავი-მეთქი. ზავ-ხოზად* გიშვებდი. ზონის კომენდანტს ვხსნიდი, შენ მაგის ადგილს გთავაზობდი. ეს ხომ იგივე კოლონიის მეორე უფროსია?! ნარიალჩიკობა შემოგთავაზე, საუკეთესო თანამდებობა პატიმრობაში, სასადილოს გამგეობაც, მაგრამ შენ ხომ აკრძალული გაქვს ქურდული კანონით ადმინისტრაციის ნებისმიერ წინადადებაზე თანხმობა?! მაინც არ მიპასუხე შეკითხვაზე, როგორ ახერხებდი ბურის საკნიდან სამიათას ექვსასი პატიმრის კარნახს?!

— მიკვირს შენგან ასეთი გულუბრყვილობა. როგორ გგონია იესო ქრისტე იქნებოდა ესოდენ პოპულარული ხალხში, ჯვარზე რომ არ ეცვა პილატეს?! ფიზიკურად რამდენადაც ამდაბლებ ადამიანს, იმდენად მაღლდება იგი სულიერად. ცხადია, ეს ყველაზე არ ითქმის. საქართველოსა თუ თქვენთან, ჩრდილოეთში, ყოველი კარცერი, დაკეტილი და ბური მე ლეგენდებით მმოსავდა. ჩემი სახით ეს თქვენ და თქვენისთანებმა შეუქმენით პიროვნება არესტანტებს, რომლის ყოველ სიტყვას კანონის ძალა მიენიჭა.

— პანტერა ვიცი რატომ შეგარკვეს, მაგრამ როკი თუ ნიშნავს რამეს თქვენებურად?

— როგორ აგიხსნა, წარმოგიდგენია ხე, რომელიც ნაჯახს არ იკარებს, არც — დანას.

— ძელქვა?!

— კიდევ უფრო ფიცხი და მიუდგომელი. ახლა რაც შეეხება წელანდელ შემოთავაზებულ თანამდებობებს. მოქალაქე-უფროსი, ამისთანა თბილ ადგილზე თანხმდება კაცი, ვისაც ნებისყოფა, ამტანობა დალატობს და კუჭის ჭკუაზე დადის. ოღონდ ახლა იცხოვროს და ხვალინდელ დღეზე არც ფიქრობს. იცი თუ არა აქიდან გასული თქვენი დაწინაურებული ხალხი რა დღეშია?! ქუჩაში ვერ გასულან შიშით. დაფეთებულებს მუდმივი ჰალუციონაციები სჭირთ. ყველა შემხვედრი, გამვლელი და გამომვლელი, მტერი ჰგონიათ. ღამით სახლში რომ დაუძახო, თვითონ ოთახში ჩაიკეტებიან და ცოლს გამოაგზავნიან. ასეთი კატეგორიის ხალხი ცოლს კი არა შვილსაც გასწირავენ, ოღონდ საკუთარი ტყავი გადაარჩინონ. იმდენი ცუდი აქვთ ზონაში გაკეთებული, სულ მიქელ-გაბრიელი ელანდებათ. მე კი კავშირის ნებისმიერ კუთხეში ლალად ჩავდივარ. ყველგან მანქანებით და პურ-მარილით მხვდებიან. ქუჩაში რომ მივდივარ, აქეთ-იქით როდი ვაცეცებ თვალებს, რადგანაც ამისი მიზეზი არა მაქვს. რაც შეეხება ქურდულ კანონებს და იდე-

ებს, იმიტომ ვუჭერ მხარს, რომ ვაჟკაცურია, სამართლიანი და ალტერნატივა არ გააჩნია, თორემ სწორად რომ იცოდე ჩემი ნატურა, მე ის კაცი არა ვარ სხვას მივბაძო რამე არასწორ ქმედებაში. ჩემთვის სულ ერთია, ეს იქნება გლეხი, მუშა, ახალგაზრდობის გვერდში მყოფი ინტელიგენცია თუ ქურდი. აქ ჩამოთვლილ კატეგორიის ხალხს მე ყველას პატივს ვცემ. ჩემს თვალში ისინი თანაბარი უფლებებით სარგებლობენ, მაგრამ თუ რომელიმე მათგანი გზაზე გადამიდგება და შორსგამიზნული პირადი ინტერესით ჩემს დაჩაგვრას, ჩრდილის მოყენებას ეცდება, მე ვფიქრობ ამ ჩანაფიქრს განხორციელება არ უწერია, რადგანაც ვარ სუფთა კაცი, ყველას პატივმცემელი და დაუმსახურებელ საყვედურს მე არ ვღებულობ. იმწუთასვე სწრაფ ანალიზს ვუკეთებ ჩემს მიმართ ნათქვამ ყველა არასწორ სიტყვას, რასაც მოპყვება სწრაფი რეაგირება. თავდაცვის ყველაზე კარგი მეთოდი შეტევააო, თქმულა, რასაც არასდროს უმტყუნია ჩემთვის. თავის ქება კიტრად არ ღირს, მაგრამ ფაქტი ჭიუტია. რახან გახსნილი საუბარი გწადია, აქაც ბოლომდე წარფელი ვიქნები შენგან განსხვავებით. ხომ ვიცი საითკენ უმიზნებ. არც მეკითხები, მაგრამ სულით და გულით გინდა გაიგო, თუ რა აზრის ვარ თქვენს ექსპერიმენტულ ზონაზე. ჩემი პასუხი მკვეთრი და მარტივია, სტეპანცეე!

თქვენი ექსპერიმენტი ბლფია, არაოფიციალური კონცლაგერი. ზედა ეშელონებში ცნობილი არ არის თქვენი თავნებობა, ან თუ არის, რაღაც გამორჩენის მიზნით წაგიყრუებენ. თქვენ ჩვენი კანონების მიხედვით ვინ მოგცათ უფლება დროებით იზოლირებულ ადამიანებზე ექსპერიმენტი ატაროთ?! პატიმარი თქვენ ბოცვერის დონეზე მიგიჩნევიათ, ცდებქვემ რომ აყენებენ. ეს არაადამიანური თქვენი რეჟიმი ხელოვნურია და დასაღუპავად განწირული. თქვენებური მეთოდებით წამებანი პატიმრის წესდებამი არსად წერია, თქვენს სამმართველოს ფარგლებს არ სცილდება, ამიტომაც არის თქვენთან ფაციფუცი, როცა მოსკოვიდან კომისია ჩამოდის წელიწადში ერთხელ, ან ადამიანის უფლებათა დაცვის საერთაშორისო ორგანიზაციებიდან გესტუმრებიან, დიდის ამბით გვაფრთხილებთ, არაფერი წამოგცდეთ, თორემ ისინი წავლენ, ერთ დღეში ხომ არ მოგვხსნიან და მერე გაგისწორდებით, ჩამოგწერთო და არა ერთი და ორი შემთხვევა ყოფილა ასეთი, თქვენი პრესხატის* ხალხის წყალობით. თქვენ სამმართველო წინასწარ გაცნობებთ კომისიის ჩამოსვლას, რადგანაც რაიმე გაუთვალისწინებლობის შემთხვევაში იმათაც მოხვდებათ ცხვირში. სამმართველოს ხალხი და თქვენ ერთი ოჯახის წევრები ხართ. ისინი წაუყრუებენ თქვენს ექსპერიმენტებს, რადგან ეს მაგათ წისქვილზე ასხამს წყალს. თქვენთან ზონაში წესრიგია, ვინაიდან ნებადართულია ნებისმიერი მეთოდით იმოქმედოთ. სამმართველოს ხალხი წოდებით წინ მიიწევა თქვენი ექსპერიმენტების წყალობით, მაგრამ თუ ფეხი დაგიცურდათ, გენერალი ლიახოვი ხელს არ შეგაშველებთ და ჩაიძირებით.

ის იტყვის: თურმე დამოუკიდებლად მოქმედებდნენ, არაკანონიერი მე-
თოდებითო. იტყვის: ნაღდი დასასჯელნი არიანო.

თქვენ თქვენი ექსპერიმენტებით ცეცხლს ეთამაშებით და ბეწვის ხიდზე
მიდისხართ, სტეპანცევ! რაც დღეები გადის, მით უფრო შიშის გრძნობა გე-
პარებათ, მაგრამ თავს ძალას ატანთ. მიტომ არის დღეში სამჯერ თვრებით
და პახმელის ბურავიკებზე გამოდისხართ. თქვენს ამ სისუსტეებს, ჩვენ, პა-
ტიმრები, მშვენივრად ვატყობთ ხოლმე, როცა კომისია ჩამოდის რა დღეში-
ცა ხართ, როგორ გიკანკალებთ ხელები, შიშისგან როგორ აცეცებთ თვა-
ლებს. ბედი იმაში გწყალობთ, რომ აქ თქვენი ზონის სამიათას ექვსასი პატი-
მარი სევებეს წევრია. ჩვენ თქვენი გვარის ხომ არა ვართ და თქვენს არაკა-
ცურ ენაზე ხომ არ ვილაპარაკებთ?!

მოკლედ, მოვრჩეთ ბაზარს, მომიწერე ხელი! მეწყერს, მეწყერს-მეთქი
თქვენცა და თქვენი ექსპერიმენტული ზონაც!

კოლონიის გასასვლელს ორი თეთრი და ერთიც შავი „ოცდაოთხი“
მოსდგომოდა. ნახევარ მეტროზე გამოღებულ რკინის ფურცლებისგან შეკ-
რულ, ალაყაფის მძიმე კარებიდან როკის არ გაჰკვირვებია დამხდური შვიდე-
ული. მისი რანგის პიროვნებისთვის ასეთ პატივს სულაც არ ეთქმოდა გან-
საკუთრებული. ისიც მშვენივრად მოეხსენებოდა ოდიშელის როგორი სის-
წრაფით ვრცელდება ამა თუ იმ ასის სუფთა ჰაერზე გამოსვლა.

ჯერ კიდევ თავისუფლების გუჯარის მოხელთებამდე საკნის კედლები
გულმოდგინედ აკაკუნდებიან და მორზეს ანბანივით შემოატარებენ წუთში
სასჯელმოხდილის გაფრენის ამბავს ოთხიათასულიან კოლონიაში. აქედან მო-
ყოლებული ინფორმაცია ფიქრზე უსწრაფესად აედევნება ბოძებზე დაჭიმულ
ტელეგრაფის მავთულებს, საზიდრებითა და „პოლტარატონკებით“ გაიკვლევს
გზას დაბისკენ, ოლქის ცენტრისკენ; შთამომავლობის გადასარჩენად მდინარეთა
სათავეებისკენ დაძრული ორაგულების ქარავანივით მიიკაფავს ბილიკებს დიდი
ქალაქებისკენ და რალაც დღე-ღამის განმავლობაში შენებურები უკვე ჯამ-
ჭურჭელს აჩხარუნებენ ჯურღმულიდან ამოდწეული შვილის ღირსეულად დახ-
ვედრისათვის.

აწონილ-დაწონილია ყოველი წვრილმანი. როგორც წესი, განსაკუთრებუ-
ლი შეფერილობის მანქანა შენს გამგებლობაშია, ოღონდ მგზავრობისას შუაში
მოგიმწყდევნებს და ასე, თავისუფალი საძმოს ხელებს მინებებული, მიქრიხარ და-
თოვლილი ნაძვის ხეების ღრმა კალაპოტში.

მუჰისხელა დაბის მღვრიე სასადილოს ზეიმის ხანა დასდგომია. ოფიცია-
ნტები ქათქათა ხალათებით შემოსილან. გამქრალა ჭუჭყი და მტვერი ფუნ-
დუკის კედლებიდან, ჭერ-იატაკიდან. კრიალებენ თეფშები და ჩანგლები. პა-
ტარძლებივით მორთულან მაგიდები — რომელიღაცა ასის აზატობის დღეა
და ყოველი კაპიკი ხარს დატოლებულ გომბეშოსავით ათ მანეთამდე იბერე-
ბა, ფაფხურობს, ფეხს გამოჰყოფს დასაჭედად, მეც ნახირ-ნახიროო. მაგრამ

აქ არ არსებობს დანახარჯის მოთხოვნები, არც საანგარიშოს კენჭები ჩხაკუნებენ ფოლადის ჩხირებზე, ჩარჩოს მარცხენა კედლის მიმართულებით. არავის წამოცდება დამრგვალებული ციფრი, წამატებული თუ წაბეგრებული. აქ ყველაფერი წინდაწინვეა ნავარაუდევო, გნებავთ სულაც ჩაიფუშოს ასის გამონთავისუფლება. ჩამოშვებულია ვიტრინებზე სქელი ფარდები. სასადილო სანიტარულ ორშაბათს გამოაცხადებს, გნებავთ პარასკევი იყოს თუ კვირა და სიურპრიზის მოლოდინში ცერზე ტრიალებს დიდ-პატარა.

აგერ, საძმო სუფრას უსხედან დოსტები. შემკვეთის სცენარით აფუსფუსდება ფუნდუკი და დამხვედრთა მეთაური ვასია ზატოჩნიკივით გამომგონებლური ნიჭით ცხებულები ცთუა, თავისუფლებამოპოვებულს მრავალი ბედნიერი წუთი ელის კვლავაც.

ბურ-მარილის უვერტიურა ბურის სიუჟეტისაა: ალუმინის ტოლჩები შემომწკრივებია სამაგონით* აესებულ მომწვანო ფერის წაგრძელებულ სამლიტრიანს. ტანკენარ ოფიციანტს დიდრონი სინით შემოაქვს რაღაც განსაკუთრებული კერძი, რომელიც საგულდაგულოდაა დაფარული ქათქათა ხელსახოცით.

— რა უნდა იყოს პანტერ, ამ ლანგარზე? — გამომცდელად ეკითხება სუფრის თავში მოკალათებულ მეგობარს მრავალნაცადი ზატოჩნიკი და თიოეული ცნობისწადილით იძაბება.

თვალყუყუნა სვეტლანას არსებობაც გადავიწყნიათ. ძმაკაცს მიჩერებინან, უკეთ მის ინტუიციას, ალღოიანობას უსინჯავენ ფხას: ჯოჯოხეთიდან ამოდწეულს ხომ არ დაჰკარგვია ძველებური გეში; ხომ არ უმუხთლა მიხვედრილობამ. სხვა იარაღი მისთვის ისედაც აუყრია ბუნებას. თუკი ლანგარის ხელით მოსინჯვა მოიწადინე, უკვე სანახევროდ დაცემული ხარ, უკვე სანახევროდ გიწვენევია მარცხი და კერძის მოფათურების მერმე მისი ასავალ-დასავალი უზუსტესადაც რომ ამოიცნო, გულში სინანულის ჭავლები მოუმრავლდება ყველას, რადგანაც აშკარაზე აშკარაა — აუტანელმა შვიდმა წელიწადმა, ბურების მარწუხებმა თუ კარცერთა წნეხებმა, საკმაოზე მეტად გამოგაყუყუჩეს, წაგრტაცეს თვითნაბადი გუმანის უცილობელი სიბასრე, განახევრებული ხარ სამომავლო საქმეთათვის და მშობლიურ კერასთან ჩამოქვეითებამდე რამდენიმე დღით ჩაგასწრებს მოტეხვის დასანანი საგა. ოდიშელის გონებაში კი ელის უსწრაფესად გაირბინეს საგნებმა და მოვლენებმა:

სტეპანცევის თავს ნამდვილად ვერ მოართმევდნენ მეგობრები, რადგანაც ის კვახი ჭერაც მკვიდრად ამშვენებდა კოლონიის უფროსის კაფანდარა ტანს. არც ქუჩაში დაჭერილი ნაგაზის რბილოვანების შემოთავაზებისთვის გაირჩებოდა ზატოჩნიკის მენცარული გონება, იქ, ტყისმჭრელებთან, გიგანტი ნაძვების კოჭებთან დანთებულ ცეცხლზე რომ ააშიშინებდნენ წკირებზე წამოცმულს და მერმე მთელი ღამე ეკალშესეულ სიზმარში გეყმუილებოდა ან მარჯვენა ფეხი მესრისკენ გაგირბოდა წერასატანილ ქოფაკის

მსგავსად. ათი წამიც არ დახარჯულა როკის გონებაში ამ განსჯისათვის.

— ტალკანი, — თქვა მან და თოთხმეტწლიანი ჩვევის შესაფერისად წვერ-წართმეულ სახეზე ჩამოსვა ხელი.

ფეხზე წამოიშალა მასპინძელთა ექვსეული. გადააკოცნეს, მხარზე ეამბორნენ.

ზატოჩნიკმა ღიმილით შეავლო თვალი ტილოსგან შეკერილ ტოპრაკს. არც მაგრად შემოჭერილ ზონარს შეხებია კბილები. მაგიდაზე დადებული სინი ხელის მოძრაობით გაატანინა ოფიციანტს. რალა დროს დღესასწაულებში სატკბარუნებელ ტალკანზე ფიქრია?!

ასების განთავისუფლების ამბის გავრცელების შესახებ მეტნაკლებად მოგახსენეთ ზემორე. დაახლოებით იგივე ითქმის ზონაში მათ შემობრუნებაზეც, მაგრამ განსხვავება ის არის, რომ თუკი პირველ შემთხვევაში გამოღწევის ინფორმაცია ფართო მასშტაბისა და ლამის მთელს შავ სამყაროს მოიცავს, ამჯერად მისი საზღვრები შედარებით ლოკალიზებულია და ოდესღაც ლალი სადავეები ძირითადად მაკონტროლებელი ორგანოების ხელთაა. ცნობის გაჟონვა დასაშვებია ამ უკანასკნელთა დოკლაბობის თუ მამონასმოყვარეობის წყალობით, ასევე იმ მსტოვართა მეოხებითაც, რომლებიც ქურდულ სამყაროს ანგარიშგასაწევი რაოდენობით ჩაუსვამს ფარაონთა რიგებში.

რაც შეეხება ემიგრანტი პატიმრების სავიზიტო ბარათების მუხტს, აქაც დიაპაზონი განაპირობებს ყოველივეს — ვეშაპებს ადეკვატური გაბარიტის ამბავი ჩაასწრებს ზონაში, ხოლო ლიფსიტებს თავად უხდებთ სამშობლოს ცხრაკლიტულებში რუდუნებით მოპოვებული სახელების სიზიფესავით მთის მწვერვალზე მერამდენედ აგორება.

ოდიშელიას ნაჯდომობა ჯერ კიდევ ძუძუმწოვრულად მიიჩნეოდა. ეს იგივე იყო, რაც გიჟმაჟი თერგის გადამცურავი ლენას დამდოვრებულ, მაგრამ უკიდევანო მდინარებაში შეგაგდონ და შენც იძულებული ხარ ძალღონე გამოიზოგო, მკლავების მოძრაობა მის ბუნება-ხასიათს შეუსაბამო, მართონელი ბრძოლისთვის განეწყო, რადგანაც სამშობლოს სატუსალოებიდან შენი გამოქვეებისა და ჩრდილოეთში განმწყესების მოტივები ჯერაც არ ჩამოქანდაკებულა ლეგენდების დონეზე.

შენი შვიდწლიანი პატიმრობა, როგორი მშფოთვარეცაა იგი, ასების კასტას სასაცილოდაც არ ეყოფა. მოკლედ, უმეტეს შემთხვევაში ადგილმონაცვლეს წყალში ჩაგყრია პერიფერიული გმირობანი, ნულოვანი წერტილიდან გინდება სახელის მოხვეჭა, მაგრამ ქუდბედი თუ ხარ, უფალს აქაც გაახსენდები და ისეთნაირად წარგიმართავს საქმეებს, შთამომავლობამ მართლაც მითების სიმალლეზე აიტაცოს შენი წარმოთქმული ყოველი ფრაზა, წარბის თუ ხელის თითოეული მოძრაობა.

საკანი, რომლისკენაც ექვსდღიანი კარანტინის შემდეგ მაჯებდასივებულ ოდიშელიას უბიძგებენ, ბურავიკების იზოლატორადაა ცნობილი. ჯერ

აქ კარგად დაგამუშავებენ, ზონაში მხოლოდ მერმე გადაგიყვანენ. დერეფნის გაყოლებაზე ჩამწკრივებულ ბურავიკების სამფლობელოში, თხუთმეტამდე საკანში, სამასამდე ძნელადმოსარჩლებელი პატიმარია შექუჩებული, დაახლოებით რვა-ცხრა პროცენტი განსაკუთრებული ექსპერიმენტული ზონის მკვიდრისა და შენი ბუნების ევოლუციური გახსნისათვის დრო თითქმის ამოწურულია, რადგანაც მთუთქავი ცეცხლით დაზაფრული უფროვე გათარანებულ საკირეთში ენარცხები. ნაბრასლეტარი მაჯები დოლაბის ქვებივით დაგმძიმებია. დილის საუზმე მოსტუმრებულია. სამათხოვრო ოთხასი გრამი შავი პური შენთვისაც მოუჩეჩებიათ. შიმშილის გრძნობა ზედმიწევნით გადაუფარავს გარუმბული მაჯების კვილს და სანამ მისაყრდნობელ ნაპირს მიადგებოდე ოცი თავზეხელაღებული ბურავიკის საუფლოში, „პანტერ, ვალერიანოვიჩ“-ის ლულულულით ძმაკაცი ზატოჩნიკი გეხვევა და განჯღრევს, თავად კი საპირფარეოსკენ მიეჭანები მოწყვეტით, რათა წყლის ცივი ნაკადით გაინელო გაგარვარებული კიდურების ყმული. წყალი სანახევროდ ამცირებს აუტანელ ტკივილთა წყბას და შენი გუნება-ხასიათიც სწორედ ამდენით მოიცლის ბურავიკების ყოფა-ცხოვრების მოსახილველად. კარანტინის შემდეგ იზოლატორში გადმოყვანა ეკლისგან განთავისუფლებული ქუსლებით მგ ზავრობის ტოლფასია. მართალია, საკნისგან განსხვავებით აქ ზამბარებიანი საწოლი არსად ჰაჭანებს, თუმცა სარეცლის მაგივრობას ბუშლატი გაგიწევს და კარცერში თექვსმეტი საათის ფეხზედგომისგან ქანცაგაწყვეტილს ზედ გაგორება სამოთხე გგონია. ბურავიკების საკანთა კედლები თხელია და ხმაგამტარი. სამასკაციანი მათი სამყარო ექსტაზით მისცემია დაჯარიმებულ, მაგრამ ქედუდრეკელ ცხოვრებას. არის გადაძახილები:

- მეექვსე ხატა, ტარიანი* გაგვიჩალიჩე!
- ტრინადცატი, პადგანიტე ბაიან!*
- პანტერა პრილეტელ! მეცხრე, მეცხრე, ერთი მოდულემა ჩინხარი!*
- როგორ? რანაირად? — ეხმიანებიან იქიდან და კვლავ პასუხად, —

პადგონიმ განცა,* — ანგარიშგასაწევია იზოლატორის მოთხოვნები.

საპირფარეოს მოშორებით ადულეებენ ზანგელა ჩიფირს* პანტერასათვის. მათ ხელმარჯვნივ ყომარბაზობენ სხვები, მიღმა კი სუსტად აღიქმება ვიწრო სარკმლებით ჩარუხებული საკნის სიღრმე.

ნახევარ საათზე მეტია მაჯები არ მოუცილებია მოშვებული ონკანის ნეტარი ჩხრიალისთვის ოდიშელიას, მაგრამ ალაგი, სადაც მრისხანე მეფენიც კი თავიანთი ფეხით დადიან, შესაძლოა სხვასაც მოესურვოს და ახალმოსახლეს კოლხური თავმოყვარეობა აიძულებს ცოტა ხნით მოაშოროს მასულდგმულეებელ ოაზისს თაკარა უდაბნოს დიუნებისმაგვარი მაჯები.

პირველი, როკის მაჯათა მცხუნვარებით ვინც ინტერესდებოდა, იზოლატორის ავტორიტეტი ვასია ზატოჩნიკია — სახენაიარევი, ქერათმიანი ახმა-

ხი შრატისფერი თვალებით. დახედავს მრავალნაცადი სვოიაკი*დალურჯე-
ბულ, გაუპატიონსებელი ცხედარივით გაზიზინებულ ხელებს და კბილებში
გამოსცრის:

— ტფუ, ტვარი!*

ამ მრავლობით ჭილდოში ზონის უფროსი, მაიორი სტეპანცევი იგულის-
ხმება დამქაშებითურთ. მერმე მხარს ზემოთ მიატრიალებს თავს. ჰინოზური
მზერა იპოვის სასურველ ბაქანს და მის ადგილსამყოფელს ლისი სამ ნაბიჯზე
მოუახლოვდება.

— ნემსი! — დაავალებს და თვალს თვალში გაუყრის ნახევარი საათის წინ
იზოლატორში შემოგდებულ მეგობარს.

— ძვალი თუა მთელი, პანტერ?! — თანაგრძნობა ეხატება სახეზე ზატოჩ-
ნიკს!

როკი გაუჩიებუღია რამდენიმე წამს, მაგრამ არც უპასუხობა ივარგებს
და ყრუდ ამოიხრიალებს:

— გამივლის, ძალი კოჭლობით არ მოკვდება.

— დღეს ჩვენი რიგია, სტეპანცევის ხალხი გადაგვივლის.

— წიწილებს შემოდგომით ითვლიან, — ამბობს ოდიშელია და მასპინძ-
ლის ზურგს რადიატორთან დაგებული ბუშლატისკენ მიჰყვება.

— დოქტორს მიხმე! — ავლებს ზატოჩნიკი ადვენებულ ლისის და რამ-
დენიმე წუთში ავადმყოფური სიგამბდრის წოწოლა კაციც მათ გვერდით
გაჩნდება.

— დოკ! — ანამუსებს ახლმოსულს ზატოჩნიკი, — კარგად გასიჩვე, სტე-
პანცევის ბრასლეტებისგანაა!* ძვლები საღსალამათი თუ შერჩენია, ეგერ ნემ-
სი და დატრიალდი შენებურად!

დოქტორი ჩაიმუხლებს ბუშლატზე მოკალათებული როკის წინაშე, მა-
ჯებზე წაავლებს ხელებს, სახსართან შეატრიალ-შემოატრიალებს. მავთულ-
წაჭერილი ტოტის მსგავსია ოდიშელიას ზედა კიდურები, ოდესღაც თეთ-
რეულის გასაფენად რომ გააჭიმვინა დიასახლისმა აივნის სვეტსა და შტოს
შუა, მერე დროთა ვითარებაში ხემ იმოზვრა, შეიუჩინარა მავთული. როდის-
როდის მიასხიპეს ზედ, მაგრამ მისი ფარული მოქმედება ძალაში დარჩა და
გადმოფოფოვდა მერქანი, გადმოფუვდა ცომივით. როკის საქმეც დაახლო-
ებით ასეა, იმ განსხვავებით, რომ ჩავიწროვებულ სივრცეს სულისმხუთავი
რგოლი შემოცლია.

— მგრძნობელობა სავსებით დაუკარგავს, შესაძლოა გაუშემდეს, —
ეუბნება ზატოჩნიკს დასტაქარი.

— ნუ პროფესიორობ! აიღე ნემსი და საქმეს შეუდექი! — ზატოჩნიკი კა-
ტეგორიუღია.

დოკი მლოცველი ინდუსის პოზაში მკერდზე ხელებს მოაყრევინებს ოდი-
შელიას, დაწვდება ნემსს და ჯერ მარჯვენის ჩხვლეტას მიეძალება, მერე — მარ-
ცხენისა.

დასტაქრის საქმიანობას თითების მოძრაობითლა აღიქვამს როკი. ორ-მოცდაათჯერ დაეშვება მბზინავი ლითონი მარჯვენაზე და ამდენივეჯერ — მის მეზობლად, მაგრამ ასეული ნესტარი ერთხელაც ვერ შეატოკებს, თითქოს ცოცხალი ადამიანის ხელებს კი არა ადრეულ გაზაფხულზე მოჭრილი არყის-ხის მორს მსჭვალავენო.

ამასობაში დერეფნიდან ყრუდ ახმინდება ნალებიანი ჩქემების მწყობრი ნაბიჯები. ტალანი ექოსავით უკუაგდებს ნაგაზების გამყვან ხაფხაფს, უკუაგდებს და ამრავლებს ერთიასად.

— მოდიან! — თავს ასწევს დოკი.

— მოდიან და მოვიდნენ! — კბილებში გამოსცრის ზატოჩნიკი.

ბუშლატზე წამოწოლილი ოდიშელია უნებურად წამოიძარება, მისი მდგომარეობის კაცისთვის მისატყვებელია იზოლატორის თავდაურ ლოგინზე ნებივრობა, მაგრამ როკი უკვე მეწინავეთა რიგებშია.

გაიღება კარმუშკა და მაიორ სტეპანცევის კვადრატული თავი გამოჩნდება ზურგსუკან ხელჯოხიანი ჯარისკაცების ოცეულით.

— გაადე! — უბრძანებს იგი მორიგეს. მალე იზოლატორის სიღრმეში მოიწევა.

ზედგამოჭრილი კაცუნაა. ოდიშელისა უკვე ჰქონდა ბედნიერება ახლოს გასცნობოდა ამ მაჯლაჯუნის ექვსდღიან მწვალელობებს, მაგრამ მკითხველისთვის ნათელი რომ შეიქმნას ზონის უფროსის გარეგნობის ავლა-დიდება, მის აღმატებულებას კალმის ერთ მოსმას ვაკმარებთ:

სათვალეზე სათვალე წამოუყოსებია ქაჩალს და თვალეები შეჭირხლული მინიდან მბუტუტავ ნათურებივით მოუჩანს. სიფიცხე-სიმკვირცხლე არ აკლია მის მოძრაობას, მაგრამ ჯარისკაცებით ზურგგამაგრებული ისეთი თავდაჯერებული ნაბიჯებით მიმოდის იზოლატორის ბინადართა შორის, ბოროდინოს ბრძოლების ქუდმოშვლეპილი გმირი გეგონება შორეული კორსიკიდან.

— ააა, შენც აქა ხარ, ოდიშელია?!

— და გრაჟდანიინ-ნაჩალნიკ! — ზანტად პასუხობს როკი.

— მომახსენე, რამდენი კაცია საკანში, ვინ არის მორიგე?!

— რუსულად ვედარ ვითვლი, — ვითომ ოხუნჯობს ოდიშელია, თუმცა ვაი, ასეთ ოხუნჯობას. გრძნობს ქოთებს ვედარაფრით აიცდენს, არადა, ხომ აკადრა ბითურმა, მომახსენეო?! ამაზე მეტი შერცხვენა იქნება საპატიმროში?! რალაც განსაკუთრებულს უკირკიტებს მისი გონება. ამ სამასკაციან ბურავიკებში და კიდევ ექსპერიმენტული ზონის სამიათასექვსასიან თხლეობაში არავინ უწყის მისი პიროვნების ავანჩავანისა. სამშობლოს სატუსალოებში გარდახდილ კოშმარებსა და ფათერაკებზე რამდენიც იყბედოს თავად, ვინ მიუგდებს ყურს?! საკუთარი თმის მოქაჩვით ჭაობიდან ცხენიანად ამოხტუნებულ ბარონ მიუნჰაუზენის დონეს ვერაფრით გაცდება და ვიდრე ჯარისკაცები დუბინკებით დაერევიან საკნის ცენტრში თავმოყრილ ბურავიკებს, რალაც გაუგონარს ეპოტინება. ჯერ ერთი, საარაკო ქმედებით ორ კურდღელს დაი-

ჭერს ერთდროულად: პირველ რიგში ჯავრს ამოიყრის მაიორ სტეპანცევის ექვსდღიან ექსპერიმენტებზე; მერმე მთელს ზონაში ლეგენდარულ სახელს დაიგდებს, მოკლედ, სანამ საპატიმროს უფროსი როკის განზრახულს იქნოსავე და ჯარისკაცების ალყას ტანზე ჯავშანივით მოირგებდეს, უგრძობელი მარჯვენა გამეტებით ამოეკერება ყბაზე და მაიორ სტეპანცევიც აირით დატენილ ტიკინასავით წამოიწევა იატაკიდან; წამოიზრდება, მიჰყვება და მიჰყვება დარტყმის ტრაექტორიას, დამსხვრეული სათვალეები უკვე იატაკზეა ჩამოცვნილი. ის კი კვლავაც განაგრძობს ჰაერში ნავარდს, გაოგნებული ჯარისკაცების ხელჯოხებს ზემოვრე მიფრინავს და ვიდრე დამსჯელ რაზმს დუბინკების არსებობა გაახსენდებოდეს, ორმოცივე კაცი თვალნათლივ შენიშნავს დაჩუქული ბურთივით როგორ მიებლდატება ბებერი ლოსის შეფერილობის ხორკლიან კედელს, სველი ტილოს მიტყლაპუნების ხმას გაიღებს და წამით გაირინდება წაგრძელებული ტალანი, ბურავიკების სმენადქცეული საკნები თუ დენთთან ასანთმიტანილი იზოლატორიც თვალსისხლიან ქოფაკებიანად. მერმე რომელიღაცა ჯარისკაცის ხელიდან გავარდნილი დუბინკის ტყლაპანი თვალის დახამხამებაში ჯოჯოხეთს დაატრიალებს. სანახევროდ აშვებული ნაგაზები ზღაპრული მხეცებივით მიისწრაფვიან პატიმრების ბარძაყებისკენ, ხოლო ხელკეტების ბათქაბუთქი ბურავიკების თავ-კისერზე, ამრავლებს ყვირილს და კენესას იზოლატორის კედლებში. თუნუქის ჭურჭლეულობა ხორხოცებს მეზობელი საკნებიდან. ოდიშელია ხუთიოდე წუთს ზამბარასავით იკუმშება და იშლება მოვლილი ჯარისკაცების გარემოცვაში. ვისაც კი გრძობადაკარგულ მუშუტებს მოუნაცვლებს მისრიალებენ ჰორიზონტალურ მდგომარეობაში, მაგრამ თვალების დამნაპერწყლებელ დარტყმებს თვითონაც იგემებს ბოლოს და ბოლოს და გონს რომ მოეგება, ოფლის და საკნის სპეციფიკურ სუნთან შეზავებული საკუთარი სისხლის სურნელი უღიტინებს ცხვირში.

გათრეულია ცოცხალ-მკვდარი სტეპანცევი. როკი ბუშულატზე წევს სარკმლის სიახლოვეს. თავზე ადგანან ზატოჩნიკი და ნაკლებად დაზარალებულნი. დოკი გაფხრეწილი გიმნასტურათი უხვევს რამდენიმე ადგილას გახეთქილ კეფას, მაგრამ ამ ტკივილს წართმევია წამების ნიშნები, შვებისმომგვრელი უფრო ესადაგება, ვინაიდან „პანტერას აბერკოტსა“* და მაიორ სტეპანცევის ფრთააწურულ ფრენოლოგიაზე ბურის თხუთმეტივე საკნის კედლებმა გულიანად იჭორავს დასავლეთიდან აღმოსავლეთისკენ და ჩრდილოეთიდან სამხრეთის მიმართულებით.

გადართვა საჭირო. აკანკალებული ხელით წრეში ჩამოატარებენ ტარიანს. როკის ბუშულატ-ლოგინის სიახლოვეს. ორი ბურავიკი ოთხასგრამიანი შავი პურის დამუშავებას შესდგომია. ეს სურათი ოდიშელიასთვის სიახლეა და ამიტომაც უმზერს ღიმილით. დაწული სამფა ძაფისთვის ბოლოებში ფართო ფოლაქები გამოუბამთ, ასეთი გახლავთ ბურავიკების ხერხი. მსგავს ინსტრუმენტს თხილისგან ამზადებდნენ როკი და მისი თანატოლი

ერგეტელები, მალურნაიას ეძახდნენ. თხილი ნაწიბურისკენ ორნახვრეტანია. მეორე მხარეს — ერთნახვრეტანი, შიგ გაყრილია გასანთლული ძაფი, დაახლოებით ბურავიკების ხერხის სისხოსი. გაწელავდი მალურნაიას და დაიწყებდა ღელუნს: ღუმ-ცვალი, ღუმ-ცვალიო. ბურავიკის დიდრონ ღილებიან ხერხთან მეორე პატიმარს გაშლილი გაზეთის პერპენდიკულარულად მიაქვს სარეცხი საბანისხელა შავი პურის კუბიკი. ეს უკანასკნელიც სამ ადგილას გადახერხავს ჩვენი არსობის სატანურ წყალობას. გაყვითლებულ ფურცელზე ცვივა ქვიშისხელა ნამცეცები, მერმე სამივე ნაჭერს რამდენჯერმე გაუხახუნებენ ერთმანეთს და ახლა შედარებით მეტი ნაფხვენი შეუერთდება ძმათა იმ სასაფლაოს. ნაფშვენისგან ნელინელ იფარება გაზეთის სივრცე. აქა-იქ მინიატურული გორაკივით დააჩნდება იგი მეოთხე ხელისუფლების ბაირაღს, თითქოს საპარის უდაბნოს ქვიშნარები ფიცხელ ქარიშხალს წაუქარავნებიაო. ღიმილით უმზერს როკი თუ როგორი მონდომებით ჩაყრიან იმ მარცვლებს მიტკლის ტოპრაკში, რაფერ მიუმატებენ თითო ჩაის კოვზ შაქარს საკუთარი მარაგიდან, რანაირად ანჯღრევენ შემდეგ ზონრით თავმოკვანძულს და რარიგად ჩამოდებენ რადიატორზე მსგავსი ტოპრაკების გვერდით. დაიწყების ქარს გაატანს მოგვიანებით ტალკანი როკისთვის დიდედს მომზადებულ სატებარუნებელ ნაზუქებს, გოზინაყს თუ ჩურჩხილებს, ტუბილისკვერს და ფელამუშს, რუსეთის შაქარყინულებს თუ აღმოსავლეთის რაპათლუკუმს.

ტანკენარმა ოფიციალტმა ზატოჩნიკის ხელის აქნევაზე მსწრაფლ მოაშორა მაგიდას ტუბილ-მწარე ტალკანი, მთელი ევროპის კონდიტერიაზე უტკბესი, ნამცეც-ნამცეც ნაკოწიწები, ოდიშელიას თვალებში ნეტარების ნუგბარი ცრემლის ამტორტმანებელი.

სუფრა მალე აზვირთდა ზუთხეულით და სოკოს მწნილეულით, შებრაწული, ვაშლებმემოწყობილი ბატით, სახელგანთქმული ლაბათი; წითელი ღვინოები ჩამწყკრივდა ხორბლის არყების გვერდით.

ქეიფის ეშხში შესულ ზატოჩნიკს გეგმაზომიერად შეახსენებდა ღროს ის ტანკენარი ოფიციალტი:

- ოთხია უკვე;
- აჰა, ხუთი შესრულდა;
- ექვსი მიიწურება სადაც არის.

თვრამეტი საათის მოახლოებამ თანამეინახენი დააფაცურა. გულისამაჩუკებლად ჩაიარა დამშვიდობების ცერემონიალმა. მეგობრებმა მანქანებს მიაშურეს. შავ „ვოლგაში“ კვლავაც ოთხნი ისხდნენ. წინა სალონში ძველებურად ოდიშელია მოათავსეს. უკანაში — ზატოჩნიკი და სრულიად რუსეთის მშვენება, სიონაგრძნობი ვერხვის ფოთოლივით მკრთომარე სვეტლანა. მიადგნენ ქარბუქიან ბაქანს, უკაცრიელს, ათიოდე ნათურით განათებულს. მატარებელი არსად ჩანდა. სადგურის ბოლოს „ჩორნი ვორონები“* შემოეწყვნენ.

— ერთი, ორი, სამი... — ხმამალა ითვლიდა როკი.

— ალბათ, შემადგენლობაში სტოლიპინისკიც ყოფილა, — განმარტა ზატორნიკმა. — ვის ჩააბარე ზონა?

— შლანდორიკი და როსტოველი კაზბეკა, გაიგებდი, გახურებული კაჩერკით დაველწე. თავს ვავიდნენ, გვარცხვენდნენ ყველას აუტანელი აბიჟნიკობით. ლიოხა ნარილსკის.

— აჰ, ზალატაუსის დაკეტილიდან რომ მოვიდა? შლანდორიკს და კაზბეკას კარგა ხანია ვიცნობ. მომავალი უჭყოდათ შენ რომ არა, — იცინის, — მალე ფრთოსნები გახდებოდნენ.

მატარებელმა გაბმულად მოაკივლა ძვალკანა სადგურს და ფანტელების ფუტებით ჩამოღდა.

— ყველანი მეცხრე ვაგონისკენ, — ჩვეული ტონით წარმოთქვა მანქანიდან გამოსულმა ზატორნიკმა.

შეფიცრული, მოხვეტილი ბაქნისკენ დაიძრნენ.

საერთაშორისო ვაგონი თვალშისაცემია მთელს შემადგენლობაში, გნებავთ კილომეტრის სიგრძისა იყოს იგი. ორმოციოდენ ნაბიჯის გადადგმაც არ დასჭირვებით იქ მისალწევად. უკვე სიტყვებმა ფასი დაჰკარგეს, მღუმარედ ათვალეირებდნენ ერთმანეთს.

— ბილეთი! — გაახსენდა უცებ ზატორნიკს, საფულე ამოიღო, გულსიჯიბეში ჩაუტურა მეგობარს, — სვეტლანას მანქანამ აწყინა. იმედია, დაიმგზავრებ, — თქვა, გადაეხვია ძმობილს, თან ყურში უჩურჩულა, — ვფიქრობ, გრევს* არ დაეწუნება! — მერე ხმას აუწია ვითომ სერიოზული გამომეტყველებით, — დაგვესწებოთ ბოლოს და ბოლოს?!

სვეტლანა და როკი ვაგონზე ავიდნენ.

— მატუშკა მოსკოვამდე, ბრატვა! — იძახდა ზატორნიკი ბორბლების რიტმულ ხმაურში და თითებგადაჭდობილ ხელებს თავსზემოთ გამალებით უქნევდა ქარბუქიანი ბურუსისკენ დაძრულ შემადგენლობას.

მიწის, საკუთარი კარ-მიდამოს მოვლა-პატრონობით ქართველი გლეხკაცი გამორჩეულია რომ მთელს დუნიაზე, ეს ექვს სრულებით არ უნდა იწვევდეს. რაც შეეხება ეზოს, მართლაც ცხენების სათარჩიო არე გაუტყენებია უფუნქციოდ, თვალის საღალღებლად, სადაც კონინდარი ხასხასებს უკიდურეს მიჯნებამდე, სამზადის ლაფარომდე თუ მამაპაპურ ოლაგემდე.

ალიონიდან მოყოლებული ორგზის მაინც იცოცხება, სუფთავდება, კოპწიავდება შემოგარენი ჩამოცვენილი ფოთლებისგან თუ უხეში ბალახულაზისგან. შეიხედავ კოლხის სამკვიდრობელში და თავი სამოთხეში დაგეგულვება. თქვა ამის თაობაზე ოდიშელების უხუცესმა კაცმა, ძაკა პატენმა:

— ამხელა ეზოები, რომ გვაქვს, ბაბაგე, როკი, მთლად უტყუობისა და უყარათობის გამო როდია. წარმოიდგინე, სტუმარი მოადგა ჭიშკარს და გიხმობს მასპინძელს, ხოლო ოჯახის უფროსი რაღაც ფინთ ხასიათზე ხარ,

შინაურებისვე წყალობით. აი, სწორედ ამისთანა დროისთვისაა მისი გაშლილობა კურთხეული. ასი, ასორმოცდაათი ნაბიჯი მოგაწყარებს გათარანებულს, საკუთარ თავს გაბოვნიებს. ასე რომ, ოჯახისგან გაუქმებული შენი გუნება და მისგანვე წახდენილი განწყობილება, იშვიათად გადაედება უცხო ადამიანს.

ოდა-სახლი გაშლილი ხელებით შემოგაფრინდება, ვარდისფერი ფარდებითა და ქონგურებიანი აივნებით. დამახასიათებელი ისიც არის დასავლეთ საქართველოს არსებობისთვის, რომ საძინებლისგან მოშორებით ჩამწკრივებულა სამზადი, საჩეხი, საქათმე თუ ნალია, ხოლო ფეხის ალაგი, იგივე ჩეჩმა, ხომ სადღაც მივარდნილ, ყველაზე მიყრუებულ ადგილასაა მიყუჟული. ეს ყოველივე ქმნის ოდის, ადამიანის სამკვიდრებლის ეპიცენტრულობას, რომ ღვთისშვილია მთავარი ცისქვეშეთში და თავისი თავის უფალი ძეობილი მამაზეციერისა, ოქროს შუალედის პრინციპით მოვლენათა შუაგულში ტრიალებს სულ, საიდანაც თანაბრად მიუწვდება ხელი სტუმრისთვისაც და მომხდურისთვისაც, გუთნისთვისაც და საქონლისთვისაც.

ერგეტელი ძაკა ოდიშელის კარ-მიდამო ბევრად როდი განსხვავდებოდა სხვა შეძლებული ოჯახების მამულისგან, თუმცა მის ნავთსაყუდელში განთავსებულ ყოველ ნაგებობას თუ ხეხილს მეურნე კაცის წინდახედულება ასაზრდოვებდა.

ცხრა შვილის პატრონ ძაკას ქურახანაც კი მოეპოვებოდა. ყველაფერს ასწრებდა ეს მართლაცდა განუქმორებელი პიროვნება: საზამთროებისა და ნესვის ფართობებს ცალკე; თონიდა, სიმინდის ყანას — ცალკე. ჭისკენ მიმავალი ბილიკი არასდროს გადაიხლართებოდა ბოსტნისკენ გატყეპნილ სავალზე.

მცირემიწიანობის გამო შამგონიდან გადმოსახლებულ ოდიშელიების მრავალრიცხოვანი ოჯახი შეიძლება გაწონასწორებული ადამიანების სავანედ ჩაგეთვალათ. პირუტყვების სიმრავლე მათ სამოსახლოსთან, არასდროს შეინიშნებოდა გარეგნულად, მაგრამ საარყე ჭვებით ყოველ ცისმარე დულდა რძე გაჭვარტლულ ნაჭაზე და ლედვის მოხრილი ტოტი გამუდმებით მოიქებნებოდა მახლობლად იმ სიქათქათეში ჯვრის გამოსასახად.

გაიხსენებს მოგვიანებით ჩრდილოეთის საპატრიარქოში განმწესებული როკი ყუბანელი გლეხების გაოცებას, როცა სამხედრო სამსახურს გამოქცეული ჭაბუკი ბოშათა ფორნების კვალდაკვალ ეხეტება შეფვარებულის პოვნის იმედით. იქაურები თურმე ჭერმით ადვდებენ რძეს და მაწვნისგან მოხდილი ერბოთი დღვებავენ კარაქს. სწორედ ოდიშელია ასწავლის კოტიონიკოვებს მაჭიკის სასწაულმოქმედებას. როგორი სალი, მთვარისხელა ყველს ამოაყვანინებს ერთ ანკარა დილას, ასევე ჭიშთან, მკლავებდაკარწახებულ დუნიქას; ან მეორე თუ მესამე დღეს რანაირ ზორბა სულგუნს ჩამოაქნევენებს სულგანაბულ ჯალაბში. ხშირად გააღიმებს როკის ხოლმე კოტიონიკოვების შუბლზე დამსხდარი წარბების მოგონება, განსაკუთრებით, როცა ბაბილინა ბებიას კალუიას მსგავსი, ლედვის მოხრილი რტოთი, ჯვარს დაუსვამს

რძის ზედპირს, თანაც დაიწრუწუნებს ორგზის, სწორედ იმგვარად, დაგე-
შილ მიმინოს რომ უხმობს პატრონი. დააფახულებენ თვალებს, მაგრამ რა-
რიგად: ნორჩებიც, ჭეველებიც და ხანდაზმულებიც, თუმცა ეს თემა უფრო-
რე განშტოებითია და უმჯობესია ჩვენ ოდიშელიების ჰარმონიული თანაარ-
სებობის კენწეროს მოვუბრუნდეთ, რომელიც ადრე თუ გვიან, გარეგანი თუ
შინაგანი მიზეზების წყალობით, მაინც უსათუოდ უნდა დარღვეულიყო.

ძაკა ოდიშელის ხუთი ვაჟიშვილი უმისამართოდ შეიწირა დიდი სამა-
მულო ომის გაგანამ. მოტყდა ჯანმაგარი კაცი. ქუთუთოები ჩამოეზიდა,
რომლებშიც დღემოსწრება სათითისხელა ცრემლი კამკამებდა.

ადრე სამუშაოზე სხვადასხვა ხელსაწყოს რომ წარტანდა ძაკა ოდიშე-
ლია — თოხნით დაღლილი ბარკით ისვენებდა, თიბვით დამაშვრალი ღობ-
ვით იქარვებდა დაქანცულობას, უცებ მოეშვა. როკი თვალნათლივ აღადგენ-
და ბაბუას სახეს, მის ნალოლიავებ წვერს, გადაჟღაყებულ, ტლანქ ნაკეთებს,
ძარღვებდამსხდარ ხელებს. რა უდრტვინველად შეისრუტა წუთისოფლის
გულქვაობამ სანთელივით მართალი მისი ოჯახის იდილია? სიტყვები კი, ყა-
ლიონის პლაკუნში თქმული სიტყვები, სამუდამოდ ჩარჩა მესხიერებაში:

— ბაბაგე, როკი, მამაკაცის შესაცნობად ქალზე უკეთესი საზომი არ მო-
უგონია განგებას. დიახ, ქალით და მხოლოდ ქალთან ურთიერთობით განისაზ-
ღვრება ჭეშმარიტი ყაზაყის* ღირსება-კნინი. დედად საკადრისს თუ შესაფე-
რისი ძეობა ვერ გაუწიე, გნებავთ სხვა ოჯახისას; თუ არ ჩათვალე, რომ შენი
მშობელივით გაპურებდა დამჭკნარი მკერდით, გასულდგმულებდა დღემოს-
წრება, მისი სიზმრების ხალიჩებით გადაუვლიდი ათას დაბრკოლებას და ეკალ-
ლიჭით ჩანახშირებულ არეებს, მოკლედ, თუ იცოტავა განჩინებამ შენთვის დე-
დაშვილობისთვის სამყოფი სითბო და მადლი, ვერასდროს შექმნი შთამომავ-
ლობისთვის სამახსოვრო რამეს, ვთქვათ, ძაძამიძეების ქამარ-ხანჯალი რომაა,
პაჭკორიების — მალამო, ჭგერენაიების — ურმები, ჭანიების — ჩონგური თუ
კვარაცხელიების მთვარისფერი ჯოგი;

და ვერც მაშინ, ბაბაგე, როკი როცა ძმის უბედურებით დამდულრე-
ბულ დის ცრემლდაწვეთებულ ალაგას, ბალახი რომ ვერ ეკარება ცხრა წე-
ლიწადს, პირუტყვული საზომით მიუდგები, მორჩენილია საქმე. მგლოვია-
რე, როგორი ეშხიანიც უნდა იყოს იგი, ღმერთის საუფლოშია თავისი გან-
ცდების სიწრფელით და იქ ეშმაკის ჩლიქებისთვის კარები გადაარაზულია;

და ვერც მაშინ, ბაბაგე, როკი, თუ ხელგახსნილ ოჯახში სტუმრად შე-
სული მოგუგუნე ბუხართან ღომის ზელვაში გართული რძლის მოღედილი
მკერდის ნაცვლად სარკმელთან აჩურჩულებულ ალუბლის რტოებს არ გა-
ესაუბრები, მაგრამ კალთამადლიანთან პირუტყუ რომ მოიქცე, ისეთ საქირ-
ქილოს გაგივრცელებს ხალხში, კბილებით ტუჩების კვნეტა უსარგებლო იქ-
ნება ერთხელ შებარბაცებული სახელისათვის.

ამიტომაც, ბაბაგე, როკი ყოველი მოვლენა, ყოველი ადამიანი შესაფე-
რის მიდგომას საჭიროებს. ცხენის ნალი კამეჩისთვის აღარ გამოვადგება და

არც რამდენიმეგზის დაყვედრებული ნაბადი — იმწუთიერ წვიმას გადარჩენილს, ვინაიდან უმჯობესია ამისთანა როყოთა წინაშე პელაგონ ენგურში გადაეშვა და ათმაგად გაილუმპო, რათა მომავალ შეხვედრებისას ნაბდის პატრონს თავად დაეკარგოს მისი ჩაცმის სურვილი: გაიჯოგება ერთხელ და სამუდამოდ, ვინაიდან ყურყუმ დინებაში ამოვლებული ხომ ვერასდროს დასველდები იმაზე მეტად?!

იშვიათი მესხიერების პატრონს, რომელსაც თავიდან სიღარიბის გამო სულ დაძინილი წიგნებით უხდებოდა გაკვეთილების შესწავლა, იმ გახუნებული ფურცლებიდან სიტყვების ჯოლოკეტით ამოთრევას მეცადინეობის დროს დახსომება ერჩია. ოდიშელია მაგნიტოფონის ფირივით ისრუტავდა მოსაუბრეთა ტემბრს და ინტონაციებს.

ფისო ქუჩულორიას შერჩეული წიგნები თუ გზადაგზა ხელში მოხვედრილი, უნებურად ამახსოვრდებოდა, და მეგობრებს ბევრჯერ გამოუცდიათ მისი გონების საკვირველი თვისება, როცა „ვეფხისტყაოსნის“ ოთხ თარგმანს — ნუსუბიძისეულს, ჟვანიასეულს, პეტრენკოსი თუ შაბოლოცკისას, გნებავთ ორიგინალთან შეჯერებულს, მიყოლებით ჩამოაწიკწიკებდა.

კონკრეტული ადამიანისთვის, მისი უმწეობის გამო შევარდენივით გამუდმებით ცერზე შემდგარი როკი, ვერაფერმა მოთოკა და თანდაყოლილ სისუსტეებს შეძინილი მრისხანების სიმხურვალით შეიშრობდა, ვიდრე გულიდან წამოსული ცრემლი თვალთა გუფეებამდე მოაღწევდა. ასეთნაირად უდაბნოს მდინარეებს ემართებათ ხოლმე.

სადადიანოს ცენტრში სრულიად უწყინარი ბალდის იერით ჩამოსახლდა როკი მშობლებთან და ძმებთან ერთად.

ფუძეს გამოყოფილი ოდიშელიების ავლა-დიდება ურმეულზე ეტეოდა. ძროხებისა და კამეჩების კუთვნილი წილით ზუგდიდის ბაზარს მოახლებულებს სარფიანადაც უნდა გაეყიდათ საქონელი, რომ მორიგებული ოჯახის პატრონიც სანახევროდ გაესტუმრებინათ და საღამოსთვის უკვე საკუთარ ჭერქვეშ ეზვიმათ ახალმოსახლეობა.

დედ-მამას ნაბოლარასთან მოტიტინე რომ ეგონა შუათანა ბიჭი ბოშათა ფორნებით ბრეზენტის ნაჭრით გადახურულში, მხოლოდ მაცხოვრის კარზე აღწეულებმა მოიკითხეს, მაგრამ როკი არსად ჩანდა ბოთურიათურთ.

ადულებული ბაზრის ჭრელაჭრულათი თვალმიტაცებული ბავშვი წყალში შესულივით შეეტყუა ბზრიალასავით მოკვარკვანტე მის სხეულს. მხოლოდ გასასვლელის ბოლოს, პორტალს მიღმა, მოისაკლისა მშობლები მხარაქცეულმა მალხაზმა. ვიდრე გონს მოეგებოდა, საკმაო ხანიც გავიდა და ახლა სულ იმას დარდობდა, თავისიანები რანაირად მოეძებნა, თუმცა კი იცოდა, ვალერიანი ჭინჭრის მცხუნვარებას არ მოაკლებდა. ამასობაში პირმორღვეული ცით ერთიანად გაზუნზლული როკი ვეება ჭადრის გვერდით, ნათურაჩამტვრეულ ბოძს მიყრდნობოდა მხრით.

გაწუწული ძალი წკმუტუნებდა, გრძნობდა პატრონის შეჭირვებუ-

ლობას და ბიჭიც, როგორც წყალწალღებული ხავს ისე ებლაუჭებოდა ბო-
თურიას უერთგულეს გამოხედვას.

— ნურაფრის გეშინია, ვიპოვით ჩვენებს, ცოტაც მოითმინე და ყველა-
ფერი წესრიგში იქნება, — ამხნევებდა გზააბნეული გასაცოდავებულ მეგო-
ბარს.

ოდიშელების ერგეტიდან აბარგებას კი ყლაწვართული გედის ისტორია
დაედო საფუძვლად.

ზუგდიდში ჩამოსვლამდე წელიწადნახევრით ადრე ვალერიანმა სამხრე-
თისკენ დაძრული ღერღეტების ქარავანს ორლულიანი თოფი დაახალა.

ტალახში ეგდო ფრთამომსხვრეული ტყეური. მათი სამოსახლოს თავ-
ზე კი ფრინველები გულისდამთუთქავად ფუთფუთებდნენ. დროდადრო
წრეებს უვლიდნენ. ლამის აცერებული ხეების კენწეროებს შეხებოდნენ მომ-
რგვალებული მუცლებით. მერმე ისევ აიჭრებოდნენ ცაში საწყალობელი ყიპ-
ყიპ-ჭყავილით.

როკის მონდომებამ თავისი გაიტანა და ბუნების უმშვენიერეს ქმნილე-
ბას სიცოცხლე შეუნარჩუნა, ჭრილობაც მოურჩინა. ყოველღიურად თავ-
ვისი ხელით აპურებდა. დაუძმაკაცდა. უკვე მყირალობის მეორე წელიწადი
იწურებოდა, მათ ეზო-კარს ყარყატების რამდენიმე გუნდმა გადაუფრინა.
დიდხანს უშხუოდა როკის ყურში გულსაკლავი გადაძახილები, მაგრამ ფრინ-
ველები საოდიშელიოს რატომღაც ვერ ელევოდნენ.

ბიჭუნა საოჯახო საქმეებს მოითავებდა თუ არა, თავის გედთან განმარ-
ტოვდებოდა, თავზე ხელს გადაუსვამდა, ნებიერ ყარყარა ყლზე უაღერსებდა,
კოცნიდა:

— აბა, აფრინდი, აფრინდი! — ეჩურჩულებოდა გამუდმებით, თუმცა
ფრთოსანისთვის ეს ხმა-ჩიჩინი სრულიად უცხო იყო. როკიმ რამდენჯერმე
მისი ძალისძალათი ცაში ატყორცნაც მოინდომა. ოდა-სახლის აივნიდან გე-
დის სწორუპოვარი ტანი ვინ იცის, რამდენგზის მოუქნევია, რამდენგზის
აუშმატებია.

„ალბათ, დაშინებულია ნაიარევით და ფრენას ამიტომაც ვერ ბედავ-
სო“, ფიქრობდა. მაგრამ ნელ-ნელა მიეჩვია გედი ჰაერში ნავარდს, ნისლის-
ფერ ფრთებს გაშლიდა, ონავრის ოცნებებს შეისვამდა, იტრიალებდა ჰაერ-
ში, იფარფატებდა, გულის მოსაოხებლად სანუკვარ სივრცეს დაიურვებდა
და უცნაური შარიშურით მალხაზის მუხლებს მოაშურებდა.

— აფრინდა ჩემი გედი, აფრინდა! — დასცხებდა ყიჟინას როკი და მისი
უსაზღვრო სიხარული მთელს ერგეტას წვდებოდა.

ერთ ალიონზე კი აიჭრა ცაში ფრთაშრიალა გედი და აღარ დაბრუნე-
ბულა. მოიწყინეს კედლებმა. სადილ-ვახშამი ჩამწარდა ოჯახს. როკის ფან-
ჯარასთან მიედგა სკამი და სრულებით გადავიწყნოდა საუზმის შემდეგ პირ-
ში ლუკმა რომ არ ჩასვლოდა.

კვირადღე იყო. სწავლა ჰქონოდათ, ცოტათი გაიქარვებდა წუხილს, მაგრამ გაუთავებელმა მოლოდინმა თვალები ამოუშრიტა პატარას. ეტირა მაინც, იჯდა კუშტად, ჭიშკრის ზემოთ, ალვის ხეების სვეტებში გახირულ სივრცეს მიშტერებული და ისე ჩააწვინეს ლოგინში, იქვე მითვლემილი სარკმელს არ მოსცილებია.

მომღევნო დილით სოფლის ცენტრში, საპარიკმახეროში, სამხედრო სამსახურიდან ახლახან დემობილიზებული ტაუ ადელუამ იმნაირი თავმომწონეობით წაიტრაბახა წუხანდელი ნადირობა, პეროვის გმირები ტოლს ვერ დაუღებნენ.

— ავწონეთ, ოცი კილოგრამი გამოდგა, — ამაცობდა ტაუ.

ვალერიანს გული გადაუქანდა, მაგრამ ვაჟიშვილის სადარდებელი უცებ არ გაუშქლავებია. ეგ იყო მხოლოდ, შეეჭვიანდა ცრუპენტელა მონადირის მონაჩმახში და როცა ყველანი ადელუებისკენ დაიძრნენ და ჩასაცივებას მორჩენილი ფრინველის ნახევარი დაანახეს სტუმრებს, ბუმბული ხომ არ გადაგიყრათო, იკითხა ვალერიანმა.

— როგორ გეკადრებათ, — იწყინეს მასპინძლებმა, — გავრეცხეთ კარგად და ერთ სადედოფლო ბალიშს გამოტენის, — განაცხადეს, თან თვალსაჩინოებისთვის მისით გაფიჭინებული კალათი დაუდგეს წინ და მაშინ შემოირტყა თავზე მარჯვენა ვალერიანმა.

— როკის გედი მოჰკალი, არაკაცო?! — სწვდა ყელში ტაუ ადელუსა. ძლივს გამოგლიჯეს ხელიდან. მერე ბუხარს ეცა გადარეული ოდიშელია, საცივით სავსე ზორბა ქვაბი ამოატრიალა და სამზადის მიწატყეპნილ იატაკზე ატყდა ქალების თეძოებით ნავარდი.

ასეთი ფათერაკი პირველი არ გახლდათ ვალერიანისთვის.

— ღორივით დაგკლავ უბედურო! — კიდევ იქით ემუქრებოდა ნასალდათარს და ყველაფერი ძაკას ყურს რომ მისწვდა, ოჯახის უფროსმა დაუნდობლად ამოიბერტყა გული:

— შენ არ ესროლე პირველად იმ ფრინველს, არამზადავ?! რა იცოდა ჯოგოს ბიჭმა როკის გედი თუ იყო?! როდის აქეთ უსინჯავდა მონადირე ბუმბულს გარეულ ფრინველს, მოშინაურებულია თუ არაა?! მთვარიანი ღამით ესროლა ჯარიდან დაბრუნებულმა ჰაერში აშხუილებულ ტყეშურს და ოჯახი გაახარა. მართალია, გული დაუკოდა ჩვენს ბიჭს, მაგრამ მოფიქრებულად ხომ არაა?! რატომ გგონია ისინი არ ინანებდნენ ამ ამბავს, როცა შეიტყობდნენ?! უმჯობესი იყო გავვეფრთხილებინა მთელი სოფელი:

არიქა, როკის გედია გაპარული შინიდან და ვინმეს თუ შემოგეფეთათ, ნუ დაუმიზნებთ, ბიჭის ჯავრს სამარეში ნუ ჩაიყოლებთო.

მხეცი! გედი იმდენად არ გადარდებდა შენ, ვინემ ხელების ქავილი. კარგი ხანია არ გიჩხუბია სოფელში და ხომ უნდა დაგერღვია ადრე დადებული ფიცი — უმიზეზოდ არ დაჩაგრავედი ერგეტელ კაცს. რა ფასი ექნება ამიერიდან ჩემს ნათქვამს, როცა სხვების გამმარებელს, შუამავლები იქით

მეყოლება ადელუებთან მისაგზავნი?! მოაქუჩე შენი ბაღაჭუჭები და თვალი-
თაც არ დამენახო! — მიხვდა ძაკა ოდიშელია ზედმეტი მოუვიდა, მაგრამ გაქ-
ცეულ სიტყვას აწი უკან როგორ დაიბრუნებდა?!

სამი დღე ეზოში არ ჩამოსულა ვალერიანი. ცოლი მეორე დღით გა-
ამგზავრა ზუგდიდს:

— მიდექ-მოდექი შენთანებთან, იქნებ სამოსახლო ნაკვეთი მოიძიო. ქი-
რიების მხარდაჭერით და ნაცნობობით აღმოეჩინა ასეთი ეზო-კარი
მაცხოვრის კარის ეკლესიის სიახლოვეს ყენიას, თანაც — ძალზე იაფად. ნა-
ხევარს ახლა ითხოვდა პატრონი და დანარჩენს — მომდევნო შემოდგომაზე.
ზოგი ჭირი მარგებელიაო, თქმულა. უსიტყვოდ შეუდგნენ სამზადისს. უსაყ-
ვედუროდ მიდიოდა ოჯახიდან ვალერიან ოდიშელია. ძაკა ბაბუა იჯდა აივ-
ნის ტახტაზე, შვილიშვილები შემოესხა გარშემო. ჩამოზიდულ, აქამდეც
ცრემლით ავსებულ ქუთუთოებს გუბურები ორმაგად მომრავლებოდა. ბავ-
შვებს ბოლომდე ვერ გაეცნობიერებინათ უბედურებაგადატანილი ოჯახის
უფრო მწარე საკენესელი — გედის სიმღერა ძაკა ბაბუასაც მალე მოუღებ-
და ბოლოს. მაგრამ ყველაფერზე უმძიმესი ვალერიანის იდუმალი მიმოსვლა
გახლდათ და მოუზომავი სიტყვების გამო მოსინანულე მოხუცს ლახვარივით
ესობოდა გულზე შვილის თითოეული შეუბრალებელი ნაბიჯი.

ურმებს ხარ-კამეჩები შეუბეს, ჭალებზე მიაბაწრეს მეწველი ძროხა,
ფურ-კამეჩი, ფაშატიანი ცხენი. დააწყვეს საწოლები, საბან-ლეიბი, ყენიას
მზითევი. ამას დაამატეს თხთმეტწლიანი რძლობის პერიოდში შენაძენი ავ-
ლა-დიდება და უკანმოუხედავად აიბარგნენ.

ყველას რომ ეგონა, წუთისოფლისგან დაბეჩავებულ მამას ერთ სანუ-
გეშო სიტყვას მაინც დაუტოვებს ვალერიანიო, ნურას უკაცრავად! უხმოდ
გადაეხვია დიდს და პატარას: წვრილშვილ ძმა — დათიკოს, რძალს, დედას,
მეზობლებს, დაბმულ ბოთურისასაც კი გადაუსვა თავზე ხელი, მაგრამ აივ-
ნის ტახტაზე მოკალათებულ მშობელს ერთი ძაღლშუმადური ფრაზაც რომ
არ აღირსა, მოხუცი მოიკუნტა, ხელებში ჩარგო თავი და ისე აყოვლდნენ მამ-
ლები ტყვიისფერ ცაში მოახლოებული დილის სიხარულით, ვერავინ შეეხ-
მიანა. მხოლოდ ბაბილინა ჭანხემ მოახურა ბეჭებზე დაბამული ქურთუკი
და იმნაირად ამოიოხრა, ვერავითარი ფრაზა დაანუგეშებდა უკეთესად სა-
სოწარკვეთილ ბერიკაცს. აქვითინებული უმზერდა ბოთურისგან აწყვეტილ
ჯაჭვს, პირუტყვის ერთგულებას მისტიროდა.

ტროტუარიდან ნაბიჯი რომც არ წაედგა როკის, ახალგაზრდა მძლო-
ლი ისედაც აპირებდა მანქანის გაჩერებას. ამ თავსხმა წვიმაში ადამიანის შუ-
აგზაზე მიმტოვებელი ბუნების როდი გახლდათ პეტეკო თოდუა. ტაქსი ვერ
კიდევ უცხო ხილი იყო ზუგდიდის სინამდვილეში და საკუთარი მანქანით მო-
ქალაქებს თუ ემსახურებოდნენ, ამით თუ არჩენდნენ ოჯახს, ეს სათაკილოდ
არ აღიქმებოდა იმდროინდელ ოდიშში; პირიქით, საზოგადოების პატივის-
ცემად ჩამოერთმეოდათ ქალაქში აღმა-დაღმა ბორიალი.

— ჰე, ბიჭო, შემოლაგდით! თქვი, საით მივდივართ? ძაღლია მაკლდა, ამოღერღე-მეთქი, თორემ დასდო სააღდგომო კვერცხი ინდაურმა ბაგაჟნი-აშიშ და გამოჩეკა, ალბათ, კიდეც.

— ვალერიან ოდიშელის სახლში მივდივარ, ძია, — თქვა გულწრფელობით ერთიანად დარცხვენილმა ბავშვმა, — ოღონდ ეგ არის, რომ მისამართი არ ვიცი.

— ბიჭო, ოდიშელები იმდენია ზუგდიდში, ერთი ქვა რომ ააგდო, ორს დაეცემა თავზე. წვიმა რომ არა, მაძებარი ისეთი გყოლია, რას გაგეჭირვებდა? ბაბუაშენს რა ჰქვია?

— ძაკა. ძაკა ოდიშელია.

— ჩემზე ხუმარა თუ ვინმე იყო არ მეგონა. ერგეტაში გინდა დამატოვები-ნო ცინცხალი მანქანა? მერე თავში წავიშინო ბაბუაშენის აგურები?! ბუხარი კი ამოვაყვანინე მისით, მაგრამ იმ რკინასავით აგურების სახლელად ეგ გოგრა ჯერ არ მომწიფებულა. კახათელი ქალი დღეობაში როგორ გაჰყვა მამაშენს, მიკვირს! ძაღლის ბედი გქონია სწორედ. დედაჩემისიანია ყენია, ჰოდა, ვიკატაოთ აწი კახათსა და ერგეტას შორის. ქოფაკს ხომ არ მომყიდდი?

— ბოთურია ჩემი გაზრდილია. მეორე მყავდეს გაჩუქებდი. ძია, სახლ-კარი ნაშოვნი გვაქვს, მაგრამ რად გინდა, მისამართი არ ვიცი.

— მიკბინა, — შესტა განგებ პეტიკო თოდუა, — იმისთანა ბაბუის შვილიშვილს რწყილის წამალი გეცოდინება. არა?! დაფშენილი აგურია. ფეხებით დაიჭერ რწყილს, თვალბეში ჩააყრი და მორჩენილია მისი საქმეც. ესე იგი არ მაძღვე ბითურისას, ხომ? ამ დილით ჩამოხვედით ერგეტიდან?

— ხო. ურმებით. სათითურებით თამაშის ყურებამ შემიტყუა. რას ვიფიქრებდი ასე ჩქარა თუ გაყიდდნენ საქონელს. ვიცი, დამცხებენ, მაგრამ რომ არ მივიდე, დაიბანჯებიან ამაღამ. თან მამა გულითაა წამოსული ბაბუასგან. ორმაგად დაითუთქება. გეხვეწები, ძია, ჩემები მომაძებნინე!

— იქნებ ავტონისპექციიდან დაგვეწყო?!

— იქ რა გვინდა?!

— იმხელა ტრანსპორტით ჩამოსულა მამაშენი, ეგებ ურმის სერია და ნომერი გაგვეგო?! კარგი, ხუმრობას მოვრჩით! ისე, ფაშატებთან რავე ხარ? უყურე შენ, თავსაც არ ხრის. ამბაკო ოდიშელისთან წავიდეთ და იმაზე უკეთესად ვერავინ გვეტყვის თქვენების ასავალ-დასავალს.

ენგურის ღვიძლი დაია ჩხოლუშია. მისი ჩაღრანტებული ნაპირები, ხავსმოკიდებული ლოდები და ლეკბომოძალებული ღინება; ზუგდიდს ქვემოვე წელში, მოტბორებულთან, თავბოტორა ბიჭების კალათებით იქიდან ამოკრეფილი კიბორჩხალების სხვარსხვალი, ისეთივე კოლორიტული გახლდათ როკის ბავშვობისდროინდელი კოლხეთისთვის, როგორც ეს ცა და მიწა, ერთ საღებავში ამოვლებული, ერთი ფერით შემკვრივებული; მაგრამ ხანდახან, რუხი ქედებიდან და კიდე უფრო მაღლა, ნეტარი სიქათქათის გვირგვინებით რომ აქარავნებულა სამეფო კრებული კავკასიონისა, როსმე თუ შეჰყრის საავდრო ღრუბლებს, საღათას ძილით გათანგული

კაცივით წამოიმართება ჩხოუშია. ღობე-ყორეს წაებლოტება, აიკლებს აშხვართა-ლებულ ტირიფიონებს. უფრო ტანბრგე ხეებსაც გამოუთხრის ძირს, ქვა-ღორღით ჩახერგავს სასწრაფველს, გზისპირისკენ გადაიფარება; მოიტაცებს უდიერად მიყრილ საშენ მასალას, აქა-იქ ფრინველ-პირუტყვს წაატანს ხელს, მერმე ჯუმთან და ენგურთან ერთად შავი ზღვის ქვესკნელში ჩანთქავს უკლებლივ; დასასრულ, როდის-როდის, წკმუტუნ-წკავწკავით მიწნარდება საგანთიადოდ.

იმ აპრილის ბუზღუნა ნაშუადღევს სწორედ ასეთი შემოეფეთათ მარჯვენა სანაპიროს ქუჩისკენ მოტრიალებულ მგზავრებს ჩხოუშია: დაეფორიაქებინა ღვართქაფ წვიმას და მალემქროლ ზენა ქარს ფოშფოშა ძეწნები. წამიწამ იზრდებოდა მდინარე — დადორბლილს გამოეხვეტა შლამი, ფიჩხიანი კორძები.

შემალელებისკენ გადაუხვია პეტუკო თოდუამ, იმ დამბის ზემორე მისკუპებული მალაზიისკენ, რომლის სიახლოვეს ტოტებმეჩხერი ხეების სილუეტებიც ირეკლებოდა ჩაკუპრებული ციდან.

— ხოთო შემომეფეთა დილაუთენია. არ მიშველა რბილში ზედიზედ ჩქმეტამ. ახლა რწყილებს დარჩათ ბურთი და მოედანი. შენ იცნობ ხოთოს?

— მე — საიდან? არა.

— ეეე, რამდენი სიამოვნება გელის წინ?! შენისთანა ძუნწი კი არ არის. ოღონდ სთხოვე და რაც კი მაწანწალა ძაღლებია ოდიშში, კარზე მოგაყენებს. არც ჯოჯოს და სპირდოს?

— ეგენი ვინ არიან?

— აი, მე რომ გავხდები რამდენიმე წაშში.

ამასობაში წვიმამ რამდენადმე გადაიკარა. ერთიანად აღეწილი როკი ჭმუნვით შეათვალეერებდა სალონის სარკიდან ქერა სახის, ახოვანი აღნაგობის ახალგაზრდა მძღოლს.

ზღვაურმა აღმოსავლეთით გაირეკა შედედებული ღრუბლები. გამოჩნდა ცის კუნწუხო. ჩხოუშია ბურტყუნით უკუდგა, დაიწრიტა დალამული ქუჩები. პეტუკო თოდუა გვერდს უქცევდა ფიჩხისა და ქვა-ღორღის გროვავგორახებს. ამბაკო ოდიშელისთან მიამუხრუჭა მანქანა. დინჯი ნაბიჯებით შევიდა ჭიშკარში.

„რამსიმალღე ყოფილაო“, გაივლო გუნებაში როკიმ. თხუთმეტობდღე წუთში გამოვიდა იქიდან ჭოლოკივით მალალი ბიჭის თანხლებით, რომელმაც ცნობისმოყვარედ შემოიხედა სალონში „მაძებართურთ დატყვევებული იაპონელი ჯაშუშის“ სანახავად.

— მანცხვარკარისკენ ჰერი-ჰერი, — არყის სუნნი ამოჰყვა წალიღინებას, — აწი წერა-კითხვა ეცოდინება შენისთანა ვერზილასმ. ასი წლის შემდეგ და ბედნიერია შენი ჭირისუფალი. საზოგადო პიროვნების ნიშნები შუბლზე გაწერია და ორ ნაბიჯზე ეყოლები ასაყვანი სანათესაოს პანთეონზე. მიმადლოდე, მამაშენის პატრონი! ძაღლის ბედი გაქვს-მეთქი, დაიხსომე ეგ!

ხო-ხო-ხო-ხო, რა სიამოვნება აცდა შენს ყურებს?! ამაღამ ხაზალიების გარმო-
ნი ვერ გაიწვლებოდა უფრო.

დამწუხრებულ იერს გარეგნულად მოისადაგებდა სახეზე როკი, თორემ
ურმის შეიდსაათიანი კომფორტის შემდეგ, დიხსაც არ სულსწრაფობდა შინ
მისვლას. მისი გზა ხომ ამიერიდან სამუდამოდ გადაეწვნებოდა სათაყვანებე-
ლი ზუგდიდის მაჯისცემას?!

ისრუტავდა პროსპექტს მალემსრბოლი ბორბლები.

გადაუხვიეს ერთგან, მეორეგან, აუყვნენ აღმართს და თითქოს ოდიშე-
ლიების სახლიკაცი ყოფილიყო, ხრეშის ჩხრიალით გააჩერა პარტახი ეზოს
წინ, რომელსაც შორიდანვე ეტყობოდა მშრომელი კაცის ხელის უკმარი-
სობა. მაღალი, ცემენტის სვეტებზე შეყვნებული ორსართულიანი სახლი გა-
მოუწყობელი ჩანდა. ფარღალა იყო პირველი სართული.

ურმისა და ხარ-კამეჩების ნახვამ ოდიშელიას ენა დაუშშიმა. აცრემლე-
ბული დედა და ძმები ხის კიბეებზე ჩამობარგდნენ. ტიროდა ტანმორჩილი
ჟენია ქირხე, თან წამდაუწუმ იხრებოდა წინდებისკენ, სადაც საიმედოდ ინა-
ხავენ ხოლმე გროშებს მეგრელი ქალები.

ამ მოძრაობის მნახველმა მძლოლმა, ოპ, შეჩერდით, ასწია ორივე ხელი,
ეგეთები არ იყოს, ინდაური მყავს დასმული კვერცხებზე, დავილუბები, გამი-
ლაყდებო.

— ჟენია, პეტიკო ვარ თოდუა. ვალერიანი, ალბათ, ამ ჭკვიანის საძებ-
რადაა წასული. თქვენ კარგად გადამალეთ სანამ მომიყვანია, ნახევარ საათ-
ში დავბრუნდები და ვახშამი მზად იყოს! — ჩაიროხროხა და მოწვეტა მან-
ქანა ადგილიდან.

ოდიშელების ოჯახის მეკვლე იმ საღამოს სწორედ პეტიკო თოდუა იყო,
მაგრამ ფეხი რას უშველის ადამიანს თუკი ეშმაკი ამოიღებს თვალში?!

ქალაქურ ცხოვრებას ზუგდიდში ჩასვლისთანავე აუბა მხარი მთელი
ბაზრის იწილო-ბიწილოს დახარბებით შემსრუტავმა როკიმ; დღე როგორ
გავიდოდა ერთხელ მაინც არ მოხვედრილიყო მის სიახლოვეს, იქაური ყრუ
გუგუნით არ დაეტებო სმენა?! სწავლით სასაყვედურო არ იყო, დავალებებს
თათული უწიკწიკებდა. ორი წლით უფროს გოგონას არაფრად უღირდა
გავლილი მასალის მოკოხტავება. სამაგეროდ რიგრიგობით მიეჩინა დამტა-
რებლები მისი ათკილოიანი ჩანთისათვის. გამოსავალს ხელად იპოვიდა გამ-
ჭრიახი გონებით, ამიტომაც ევიწროვებოდა თანაკლასელების წრე. ასაკით
უფროსებში ტრიალებდა სულ, მაგრამ ეს დაახლოება ძალდატანებული
როდი გახლდათ. ის ბუნებრივად იმკვიდრებდა ადგილს უფროსკლასელებ-
ში, ზოგი ცნობისმოყვარე ღლაპისგან განსხვავებით უკვე დაკაცებული მოს-
წავლეების ნდობის მოხვეჭვას ჯანგარებში გადავარდნილი ბურთის მორბე-
ნინებით თუ სიგარეტზე წარგზავნით ახერხებდნენ.

ჯანგარები წამოგვცდა და მაშინდელი ზუგდიდის შემოგარენში მრავა-

ლი მიუვალი ადგილი იძებნებოდა, საიდანაც ღამ-ღამობით ტურების ჩხავი-ლიც კი ისმოდა ხოლმე. ეს მერე და მერე გაიშალა წელში ისტორიული სადადიანოს ცენტრი, თორემ როკის სიყმაწვილე-ჭაბუკობის ჟამს ზუგ-დიდ-ქალაქის ავტოსადგური დღევანდელი ხელისუფლების ადგილსამყოფელზე ფუთფუთებდა, მაგრამ მთავარი ის არის, რომ ასაკობრივ ბარიერებს ბიჭუნა ნახტომებით ძლევდა, როცა თანატოლები ზოზინით მიუყვებოდნენ ამ ციცაბო აღმართს. გამუდმებულ მოძრაობაში იყო, დღენიადგ მშვილდით მოჭიმული. აკი, უმარჩიელეს კიდევ: როგორც დაგორებული ქვა, ან კიდევ — ბოშათა ფორნების თვლები, ხაგს არ მოიკიდებს, ისე სულ ტრიალსა და თუხთუხში დაგაღამდებო. და, მართლაც, ღამითაც კი იმდენს შფოთავდა, იმდენს ბორგავდა ლოგინში, წუხელ გატკიცინებულ ზეწარში შემქვრალს, მიტკლის გახამებული გადასაფარებელი თოკით დაგრეხილი ხვდებოდა დილით.

ბოშათა ფორნები ვახსენეთ წელან და ამ კოლორიტული ჯალაბობის გამოჩენა ღამის ოდიშელების ზუგდიდში ჩამოსახლებას დაემთხვა. თითქოს წინასწარ დაუთქვამთ, შეთანხმებულანო, ჩხოუშისას მარჯვენა სანაპიროზე დამკვიდრდნენ, სადაც ახლა სვანების გარაჟია, და ბამბის საამქრო.

გასართობი დღეს რა მოეპოვება სადადიანოს მეთაურ ქალაქს, მაშინ, როკის ყმაწვილობის პერიოდში ჰქონოდა, და აი, ბოშათა ბანაკი, მათი ცხოვრების განსხვავებული ყაიდა და ნირი, ადგილობრივი წეს-ჩვეულებისგან გამორჩეული, დიხავც მაგნიტივით იზიდავდა განურჩევლად ყველას, დიდს და პატარას, ახალგაზრდას თუ მოხუცს. ოდიშელია ხომ დღე არ გაივლიდა რამენაირად არ შეხებოდა ამ მაცდუნებელ და აკრძალულ ხილს.

მამის შეგონებებისგან გადასვლა არასდროს უკადრია, ამიტომაც იმსახურებდა მშობლისგან აღერსიან სიტყვებს.

ვალერიანი კალატოზი გახლდათ, აწვართული კედლების ამართვა ემარჯვებოდა: თანაბარი სიკოხტავით აწყობდა ერთმანეთზე ბლოკსა თუ აგურს. ჯაფაც დიდი ადგა, მაგრამ ოჯახური პრობლემების სამყოფი არ იყო მათსას კერიიდან გამოსაჩხრეკი.

წამოასხამდა როკი ამხანაგებს და ზამთრის შემას ერთ დღეში დახერხავდნენ, დაჩეხდნენ. ტვირთის ზიდვა კი უფროსი ძმისთვის გადაებარებინა. ბარგაიდებული როკი არავის უნახავს სამეზობლოსა თუ სხვაგან. არც ჩანთებს და მისთანებს დააგრძელებინებდა კიდურებს: წიგნი ქამარში გაერჭო და სადმე შორს თუ გაემგზავრებოდა, მისი მთელი ავლა-დიდება სპორტულ ჩანთაში ეტეოდა — წინდები, ცხვირსახოცები, საცვლები. ეგ იყო და ეგ.

მოკლედ, მამის ჯილად მიაჩნდათ: საოჯახო საქმეები მას ებარა, მაგრამ არც ბლოკების თრევაში გამოდგომია ოდესმე მშობელს, სამაგიეროდ ჰანტელებით ვარჯიშობდა დღემოსწრება. ყოფილა შემთხვევა ძმაკაცებს გამოუვლიათ სათევზაოდ, ან საბანაოდ დაუძახნიათ, მას კი არასდროს დაურღვევია რეჟიმი, სანამდე ფიზიკური მეცადინეობისთვის განკუთვნილ დროს

ბოლომდე არ ჩამთავრებდა. ჩამოსხდებოდნენ ბიჭები ჭიშკრის სიახლოვეს გამართულ სკამმერხზე და მოუთმენლობით დაელოდებოდნენ.

როკი დილაუთენია იწყებდა სირბილს მაცხოვრისკარის ფერდობზე, ხუთჯერ აივაკებდა მუხლს და ამდენივეჯერ ჩამოცოცდებოდა.

— შენი პური შენს ხელთაა, — უთქვამს მშობელს, — მუშტი და გონება. თვალბდალილავებული არ დამენახო, თორემ დაგიმატებ იცოდევო, — და კრივმა, ჭიდაობამ მთავარი ადგილი დაიკავა როკის ცხოვრებაში.

ერთხელ თავის მწვრთნელს, ცხადია, ამ უკანასკნელის წინადადებით, მოსწავლეების გარემოცვაში გაეჭიბრა. მასწავლებელს საჩვენებელი ორთაბრძოლის გამართვა სწაღდა ახალგაზრდების მისახიდად, მეტი შემოსავალი რომ ჰქონოდა, მაგრამ პირიქით გამოუვიდა, რადგანაც მოულოდნელი დარტყმისგან დარეტიანებული მოჯდა. გაცეცხლდა ასაკმოყრილი კაცი, ხელთათმანები დაადლო და შიშველი მუშტებით ლამობდა ჭკუაზე მოეყვანა „თამაშის წესის დამრღვევი თავხედი“. წააყარა და წააყარა მუშტები, მაგრამ მუქარით გულშეკუმშული როკი არენიდან ფეხს არ იცვლიდა, მოხერხებულად იგერიებდა შემოტევას, ვიდრე მარცხენა თვალში მოხათქუნებით გაგულისებულმა გამეტებით არ მოსდო ყვრიმალში და დარეტიანებულს სახეზე არ მიათხლიშა გაოფლილი ხელებიდან მოშვლებილი თათმანები.

კრივზე გულაცრუებულმა სკოლაც გამოიცვალა. საღამოს სწავლებაზე გადავიდა. ჭიდაობას მიჰყო ხელი, თუმცა იქაც არ დაყოვნებულა დიდხანს. ოფლიანი სხეულის გლასუნნი მსწრაფლ მოყირჰდა და საკუთარ თავთან დარჩა, სადღაც გაზეთში ამოკითხულისამებრ კედელზე იატაკის ლურსმნით მიჰედებულ კალენდართან, რომელსაც შიშველ მუშტებს უხათქუნებდა როკი დილა-საღამოს. თითო ფურცელს მოახევედა ყოველი ვარჯიშის შემდეგ და ორ წელიწადში ოცდაოთხი კალენდარი გადააჰყვა მის მეცადინეობებს.

ისევ ბოშათა ბანაკს მიეღტვოდა. იქ, გაჩაღებულ სამჰედლოში, ან უროს არახუნებდა გრდემლზე, ან საბურველს აქშინებდა, ან კიდევ ყურებაწურულ ცხენებს ბანდა კამკამა ჩხოუშიაში. ბოშებთან სადილობდა, მათთან აჟღარუნებდა გიტარას, სულ ლურჯთვალემა ილონას გვერდით მოირთხამდა ფეხს.

ბაზარშიც იმისთვის შევივლიდა, რამდენიმე წუთით გასაუბრებოდა ჭრელაჭრულა კაბაში გამოწყობილ, თოვლის გუნდასავით მკერდწამოჩიტულ გოგონას, რომელიც თამამი ეკალივით გამოიჭერდა სასურველ მგზავრს; მაგრამ ბოშათა ცხოვრებას განსხვავებული წესი და რიგი წარმართავდა, ვიდრე — კოლხის საწუთროს: მათთვის სიყვარულის ამადლებული სცენები, მით უფრო უცხოტომელთან, ლობიოს მისატანებელი მჭადივით უგემური შეჭამადი იყო — ნებისმიერი მათი ასული აკვანშია დაწინდული და წამოქალებისთანავე გვარიანად ასაკოვანი პატრონის ძალაუფლებაში ექცევა; ასე რომ, მათი ქალწულები იშვიათი გამონაკლისის გარდა, საეჭვოა

სხვათა კერიებს შეგუებოდნენ ბავშვების ონწეთა* დამრწევად. როკის და ილონას მეგობრობაც ვერ გაექცევა, ალბათ, ბოშათა ადათით დაკანონებულ ჩარჩოებს, ჯერ კი საფრთხე არ ემუქრებათ ძუძუმწოვრებს, მაგრამ ყმაწვილის არსებაში დაუოკებელი სწრაფვა ამოჩემებული გოგონასკენ გაორმაგებული ჟინით აწრიალებდა მის სულს.

აი, ამფსონებით საყიდლებისკენ წამოხეტებული როკი ბაზრის შესასვლელთან გასაგნდა: ილონას თამამმა, ყორნის ფრთასავით შავი წარბების აზიდვამ და ორი ფირუზის სიკამკამემ, ერთადგილს მიაჯაჭვა.

— გუშინ რატომ არ გამოიარე?! — უსაყვედურა ასულმა. მაჭები დაუჭირა გახევებულს, — სიზმარში გიხილე, ვიფიქრე გამოივლის, გავენდობი და გულზეც მომეშვება-მეთქი.

— მამა იყო ცუდად, — თავი იმართლა როკიმ, — ხარაჩოდან ჩამოვარდა, ერთიანად დაილეწა ნეკნები.

— მადლობა ღმერთს, უკეთ არის ახლა? — ეკითხებოდა ილონა და თან გაოფლილ, გაწვართულ თითებს არ აცილებდა.

— გააშუქეს რენდგენით, საშიში არაფერიაო დაგვანუგეშეს. ისეთი რა სიზმარი ნახე მაინც?!

— ჩვენებთან წავიდეთ, გზადაგზა მოგიყვები, — თქვა გოგონამ გამოცდილი ქალის დამაჯერებლობით და წინ წარუძღვა.

წითელი პარასკევი უმნიშვნელოვანესი ბაზრობის დღეა სადადიანოს სინამდვილეში. ერთბაშად გამდიდრების უბირი წარმოდგენით შეზღუდული გლეხი, ამ დღისთვის გადანახულ პროდუქტს თუ საქონელს, მოაყრის და მოაყრის ბაზრის არეებს.

ქორ-ვაჭრებიც სწორედ მაშინ დატრიალდებიან. დილით მოზღვავებული ჭარბი სანოვაგე ოხრად რჩება პატრონს ბინდისპირზე და სოფლელი კაციც იძულებულია კაპიკებზე გაყიდოს ხვალ-ზეგ გამოუსადეგარი დაკლული ბურვაკები თუ გაფუფქული, გადვანდალებული გოჭები; ყვითლად მოზიმშიმე, ჩამრგვალებული დედლები თუ რქემოწკურწკურე სულუგუნები.

დილაბნელიდან გადატენილია ბაზრის მისადგომები. ყველა ვერ ასწრებს მოხერხებული ადგილის მოხელთებას. ვის სად უწევს მიკუჭვა, პერიფერიებში, და უმეტესად ასეთნაირად დაგვიანებულებს შერჩებათ მერმე გაუსაღებელი საქონელი.

წითელი პარასკევი მთელი სადადიანოს შემოდგომის მარაგის უკანასკნელი ამოსუნთქვაა. მეწამულ სალებავშია ამოგანგლული დიდი და პატარა, ყსბებიცა და მემწვანილეებიც, ხაბაზებიცა და ბაზრის ძარღვებაშლილი პერსონალიც.

— მესიზმრე, თითქოს ფორანზე დაყრილ თივაზე ვიწექით გვერდიგვერდ. ვარკვლავიანი ცა იყო. შენ ითვლიდი, ითვლიდი, მერე ეგერ ჩემი ბედის მფარველიო, დამანახე სადღაც ცის კიდეზე გამორჩევით მოკაშკაშე. გინდა გაჩუქებო, მეუბნებოდი, მე კი არ მჯეროდა შენი სიტყვებისა და აი, უცებ

ვარსკვლავმა თანდათან იწყო ვარდნა. შევშინდით ორივე და გატრუნულები ერთმანეთს მივხუტეთ. მესმოდა შიშინი, გობში ჩაშვებულ, გავარვარებულ-მა რკინამ რომ იცის იმგვარი. ნელ-ნელა თვალისმომჭრელმა შუქმა იმატა, ვკანკალეზდი, თუ დაგვეცა ორივეს დაგვეფრფლავს-მეთქი, მაგრამ ჩემდა საკვირველად, ის ნათელი დაგწვდა, წამოგწია. მივხვდი, მართმევდა შენს თავს. მთელი სხეულით წაგებლაუქე, თუმცა სავალალოდ ფორანზე დაგდებულ თოკში გავიხლართე. ვწიოდი, კვიოდი, ცრემლად ვიღვრებოდი და ისე გაუჩინარდი წამში, მდინარის თეთრი ქვებით მოფენილი ფსკერივით გამჭვირვალეს ერთხელაც არ მოგიხედავს. ბიცოლაჩემი კაცებთანაა, აბანოსთან ყიდიან რკინულს, იქნებ დაეციოლიო და კარტი გავაშლევიწო, მითუმეტეს, რომ ეგ სიზმარიც გამხელილი მაქვს გულგადაქანებულს.

როკი გაბრუნებული უსმენდა გოგონას მონაყოლს. მას ილონას სიტყვების მნიშვნელობაზე უფრო მომაჯადოებელი ხმა ატყვევებდა. მიღეთ ხალხში მუჭლუფუნებით გაიკვლიეს გზა. ჩხოუშისას მარცხენა სანაპიროსკენ მიიჩქაროდნენ, სადაც აბანოს სიახლოვეს ბოშებს ფორნები მიეყენებინათ, მიწაში სარები ჩაესოთ, ჭოლოკი დაედოთ ზედ გარდიგარდმო და ჩამოკონწიალებინათ ათასგვარი წვრილმანი — ცულები და წალდები, თოხები, ნაქები, სამფეხანი, სხვანი და სხვანი.

მოშორებით მომცრო კოკონი გაეჩაღებინათ, ბურვავის ხორცს ხარშავდნენ სამფეხზე შედგმული ქვაბით. ყუთზე გაზეთი გაეშალათ, ამოელაგათ თონის პური, ყველი, მწნილი და მწვანეულობა. არაქს ისხამდნენ მოზვერის ყანწში და უდარდელად მხიარულობდნენ.

დიდი ხნის უნახავივით მიესალმნენ როკის, მაგრამ მათ ხელების მხრებზე ტყაპუნს მალე გამოარადა ილონამ ამხანაგი. ჯორკოზე მოკალათებულ ბიცოლას მიუჩოჩდნენ, რომელიც ერთიანად ამოთხვრილიყო წითელ საღებავში, პარკები ერთმანეთში ჩაეწყო, ტოპრაკი უკვე სანახევროდ დაეცალა.

გოგონა მიეჭრა ბიცოლას და ყურში რაღაცა უჩურჩულა. ქალმა ოდიშელიას შეხედა, თავი გააქნია და რუსულ-მეგრულის იშვიათი აჯაბსანდალით დაუცაცხანა მაზლიშვილს.

— მარჩიელობის დროა ახლა? გამოიაროს კარავში საღამოთი და ჩემი თავი გენაცვალოთ, — მაგრამ როცა შეატყო ილონა გაიბუსხაო, გაურკვეველი ფერის კაბაზე ხელები შეიხოცა, უშველებელი ჯიბიდან საკმაოზე მეტად გაცრეცილი ბანქო ამოაძვრინა და მის მუხლებთან ჩაცუცქულ ონავრებს თვალები დაუჭყიტა. გამოაძრო კარტი, როკის მიაწოდა, თანაც დაარიგა, ყველაზე მთავარი ჩაუთქვიო. ოდიშელიამ შეუსრულა საწადელი ფაშა ფაშა ბიცოლას და გულის ბაგაბუგით დაუცადა მოვლენების განვითარებას. დედაკაცი კალთაზე დადებულ ფიცრის ნაჭერზე შლიდა ბანქოს. ერთხელაც გამომცდელად შეხედა როკის. ზაფრანასავით ამოიწია მის ცხვირწინ ქალის სალოკი თითი, რამდენჯერმე შეტოკდა ყმაწვილის მისამართით, აქაოდა, ხომ მიგიხვდი ყველაფერს, ხომ ამოვიცანი შენი გულის ნაღებო. იმ თითზე არა-

ნაკლებ წამოჭარხლებულ ახალგაზრდას კი ეგონა მთელმა ზუგდიდმა შეიტყუა მისი საიდუმლო, აქვე ბიჭს თავბრუს ახვევდა მუხლებზე დიაცვებით დაყრდნობილი ახტაჯანას ოფლის მძაფრი სურნელი.

— ილონა, ჩემო, კარგი ბიჭია შენი როკი, აი, პარენ, — შემართა სალოკზე მეტად გაღაჟღაჟებული ცერი მარჩიელმა, — კეთილი ბიჭია შენი როკი, ბედისწერის ქალბატონი გარკვევით მეუბნება, თქვენი ფორნების ბორბლებივით ერთადგილას ვერ დააოკებ მასო. დღეს ერთი უნდა, ხვალე — მეორეო. ეტლის ბორბალივითაა, ილონა, შენი როკი, რომელსაც ხავსი არ მოეკიდება ფერდობზე დაგორებულ ქვასავით. ისე, ბოშას გული აქვს ბეჩავს, მაგრამ სხვა ჭურჭელშია ჩასხმული, შექარავით თეთრ ჭურჭელში, და როცა მალე ჩრდილოეთისკენ წავეხტებით, არ აღმოაჩნდება მას არათუ დანა, მამლის ბიბილოსხელა ჯაყვაც კი მშობლებთან მიბმული ძაფების გადასაჭრელად.

როკის გაედიმა, მაგრამ ეს არ იყო წრფელი ღიმილი და კვლავ წამოჭარხლდა ყურებამდე. ნაძალადევი ეთქმოდა ამ ბაგებობას, ნაძალადევე მეტიც, მოვალეობის მოხდის მიზნით რომ ამრავლებს ნაოჭებს ტუჩების თუ შუბლის სიახლოვეს.

— ჩვენ, შენთან ერთად, მალე გაფუცვებით, ილონა, ჩრდილოეთის გზას, მაგრამ ჩვეულებისამებრ მოპარული პური ყელზე არ დაგადგება. წყაროები ყოველ ნაბიჯზე შეგხვდება ბოშა ქალის ყისმათის კვალობაზე. ვხედავ აკვნესებულ გიტარას. თავშალში გამოკრული ჩვილები შეგასხდებიან ზურგზე, მაგრამ სხვა მამაკაცისგანაა ისინი, როკის კი ფორნის ბორბალივით ხავსი არ ეკიდება.

გაფითრებულმა ილონამ გაშლილი თმები ცხენის ძუასავით გააქანა და მათმა გახახუნებამ ტუჩებზე, ცხვირის ნესტოებში, ელექტრონივით დაურბინა ძარღვებში ბიჭუნას.

— შენს როკის, ილონა, დედა ებრალება, მამა ებრალება, ძმა ებრალება. ვიდრე ბოშათა ფორნის ბორბალივით ხავსმოუკიდებელ სიარულს ამჯობინებდეს, შენ ორი მარგალიტი გეყოლება უკვე, — ქალმა კარტიანი ხელით ცხვირწინ დაუტრიალა გოგო-ბიჭს სალოკი და შუათითი, — სანამ შენი როკი მიხვდებოდეს, თუ რა უსარგებლოა გუბეში დამწყებული წყალი, შენ, ე, საიდან იმზირები ნაღვლიანი თვალებით შენიანების წარსულივით მოყამული?! შეხედე, შეხედე, ყვავის დამა ამოუვიდა. შენი როკი, ილონა, გაივლის ერთ კარს, გაივლის მეორეს, გაივლის მესამეს და არასდროს მოიხედავს უკან, არასდროს დაუბრუნდება გარდასულს, განცდილს.

— ასე ცხადად წერია ყველაფერი? — იკითხა ილონაზე არანაკლებ გაფითრებულმა ოდიშელიამ.

— აბა, რა გეგონა?! შენ შენი გზა ზედ შუბლზე გაწერია. ხედავ კუხმას ხელებში მოქანავე ჯაჭვს, ჰოდა, იმ ჯაჭვივითა ხარ შენც. დამთავრდება ერთი

რგოლი, წამოეცმევა მეორე, მესამე, ასე რგოლების გრძელზე გრძელი, უსასრულო ჯაჭვია შენი ცხოვრება. იქნებ შემეწყვიტა საუბარი?

— არა! გააგრძელე! გააგრძელე! — ერთდროულად შესძახა ორივემ.

— რახან ამოგიჩემებიათ, რალა გაეწყობა, თქვენ მაიძულებთ, მე კი არა. ილონა, შენი სისხლი არ დამყადება გუბებში, არც როკი მოიკიდებს ხავსს ჩვენი ფორნების ბორბლებივით, მაგრამ უბედურება ის არის, რომ ერთი ალთასა და მეორე — ბალთას, — მარჩიელმა მხრები აიჩეჩა, სულ ეს არისო, თანაც მისი აჩქარება წითელი საღებავისთვის შეგროვილი რამდენიმე დედაკაცის ჯუჯ-ლუნმაც განსაზღვრა უფრორე.

გოგო-ბიჭი დაღონებული მოშორდა ბოშათა ადგილსამყოფელს. ბაზრისკენ შემოტრიალდნენ. დანა პირს არ უხსნიდათ, მერე ჭიშკართან წამით შეყოვნდნენ, თვალებით გაზომეს ერთმანეთი. ილონას ქვასავით გაყინვოდა გაწვართული თითები, როკის ბორგნეული მაჯა გრძნობდა ამას.

— რამე რომ იყოს, წამოხვიდოდი ჩვენთან?!

— სიკვდილის კარამდე, — თქვა ბიჭმა წრფელად. ილონას არ გაჭირვებია მის თვალებში უმანკო განცდის ამოკითხვა და ამან ერთბაშად შეცვალა აქამდე დამძარბული ასული.

— ვიცი როგორი ვირისთავია ბიცოლაჩემი. დარწმუნებული ვარ ყველაფერი შებრუნებით თქვა, ერთმანეთზე გული რომ აგვიცრუოს. ჩემი ბრალია, სიზმარი რომ არ გამემხილა და ხვაშიადიც დამემალა, სხვანაირად იქ-ღურტულედა. შურა დეიდას ვამარჩიელებინოთ ღამით კოცონზე. შურა დეიდა წესიერი ქალია. ამ მძორივით ცრუბენტელა როდია. საქმეებს მოვცდი, მაგრამ არას ვჩივი. ჯერ კაპიკიც არ მიშოვნია. ფული თუ გაქვს ცოტა?!

— მაქვს, — თავმომწონედ თქვა როკიმ.

დახლთან მიდგნენ. მალალ ჭიქებში სიროფიანი წყალი ჩამოასხმევიენს. ცხელ ფუნჩულებს მადიანად ილუკმებოდნენ.

— შენი ილონა არავისთან დალევს გაზიან წყალს, არც პონჩიკს შეჭამს ვინმესთან. როკი ჩვენი სისხლის არისო, თეთრი ბოშა, ასე თქვა მამაჩემმა. შენ ჩვენი ფორნების ბორბლებივით არასდროს მოიკიდებ ხავსს, რადგანაც ჩვენი ფორნებით შემოივლი მთელს ქვეყანას. ხომ მართალი ვარ, როკი? — ტიტინებდა ამას ბოშა გოგონა და ახლა უკვე ხელიხელჩაჭიდებულნი მიიკვლევდნენ გზას სკასავით აზუზუნებული გასასვლელისკენ.

ახალგაზრდები დახურული ბაზრის უკანა მხარეს, ათ თუ თორმეტ ხარისხიან კიბის საფეხურზე მოკალათებულმა, უღალწოხიანმა თეთრწვერა მოხუცმა მონუსხა, რომელიც მიტკლის ტომრებს ზონარს ხსნიდა მიყოლებით, კბილებსაც მიაშველებდა ხანდახან. ჩონგურის ყვლს წვდებოდა, ამოაცოცებდა, თვალმოწკურული მომართავდა სიმებს და მუხლებში მოიმწყვდევდა ძვირფას ნადავლივით.

ხალხს შესასვლელისკენ მიაქანებდა ხორხოცა მასა, მიაქანებდა ნაფოტივით ამჩატებულს, ან ყუნწშიმოსუსტებულ ფოთოლს რომ მოიხელთებს

ხოლმე ნაკადულის აკუნტრუშებული დინება, ისე. ბაქანიდან ხელისუფლობდა მოფუთფუთე სიჭრელე. მარჩიელი ქალის სიტყვებგადავიწყებულ, ბაზრის ქოთქოთში ნემსებივით ჩაკარგულ გოგო-ბიჭს აღარსაით ეჩქარებოდა და უნებურად წააბიჯეს მომხიბლავი ბერიკაცისკენ.

— მაშ, ოდიშელია ხარ? — ეუბნებოდა იგი გამოცნაურებულ როკის, — ძაკას მოთა, ჭანხეს შვილიშვილი? მესმოდა მე მისი ბიჭების უბედურების ამბავი, ომმა არაინ დაგვინდო, მაგრამ ისე აღესრულა ცხონებული, თვალის-ჩინწართმეულმა ვეღარ მივუსამძიმრე. ჩვენებური ყოფილხარ, ნათესავი. შამგონა, ერგეტა... ვალერიანი კალატოზობს ძველებურად?

— დიახ, ბაზრის გალავანს აშენებს. ხარაჩოდან ჩამოვარდა წელან და ნეკნები დაემტვრა, მაგრამ ახლა უკეთესადაა.

— გოგოს ხმა რომ მესმის, რომელია?

— ამხანაგია ჩემი, ბოშათა ბანაკიდან.

— ცუჟ! მელინაფე ბალანა!* — თქვა და იქვე განაგრძო, — მოკიდე წვერზე ხელი!

როკი დაჰყვა მის ნებას, ფაფუკ წვერს ფრთხილად შეეხო.

— იმ ბოშამაც მოკიდა. ჰო, მაგრე. ხომ ხედავთ როგორ ქათქათებს. მოხუცებულობა სულის გამონათებაა. საკმარისია ერთი ტყუილიც წამოგცდეთ, ეგრევე შავი გამოძერვევა და სიბერეში თავი მომეჭრება. აბა, ახლა ბრძანე ვინ არის ეს გოგონა შენი, ამხანაგი?!

— საცოლე, — თქვა გულის გამალეზულ ძგერაში როკიმ.

— ამ წვერზე ყველას როდი ვაკიდებინებ ხელს. თვალისჩინი რომ არა მაქვს, მთლად ბრმა ნუ გეგონებით, სულიდან ვიჭკრიტები მე, განსაკუთრებით მას შემდეგ, როდესაც წვერზე შემეხებია. ამ გოგონას ყორანივით შავი თმა აქვს, ჭრელი კაბა აცვია, თვალები ვარსკვლავებივით უელავს. შენ კი მახუჭიან შარვალში გრძელსახელოებიანი პერანგი ჩაგიტენვია.

— გაიგონე, ილონა, თითქოს სარკიდან იყურებო.

— შენი გოგო დანიშნულია, ალბათ. მერე როგორ გინდა იმ ბიჭს წაართვა?!

— მართალს ამბობს ბაბუა, აკენიდანვე ვარ დანიშნული მე, მაგრამ მწვანე თვალებიანს უფლება აქვს საქმრო თვითონ ამოირჩიოს. კარლო ბიცოლაჩემის ნათესავია და იმიტომაც გვიმარჩიელა საძაგლურად, თითქოს მე ალთას წავალ და როკი — ბალთას.

— თვალების ფერის გამო თქვენს ხალხში ქალს, მითუმეტეს დანიშნულს, ახალი საქმროს არჩევის უფლება თუ ჰქონდა, ნამდვილად არ ვიცოდი. ნახეთ, აბა, წვერი ხომ არ გამიშავდა?!

— ჯერაც თოვლივით ქათქათაა, — თქვა როკიმ.

— მწვანე თვალებიანი ას წელიწადში ერთი იბადება ჩვენს ბანაკში. როცა უკუნეთი ღამე ჩამოწვება, დამსვამენ კარვის სიღრმეში და მეტყვიან: აბა, ილონა, გაგვინათეო და ჩემი თვალებიც თუ აენთო, მაშასადამე ყველაფერი

წესრიგშია, აბარგება არ არის საჭირო. მე მაგნიტივით ვარ: კოვზები, დანები, ნალები ტანზე მეწებება. ა, ხომ შევუშვი ხელი თქვენს წვერს და მინც როგორ გამოამეკიდა?!

— ოო, ვერ არის ძაკას მოთას საქმე კარგად. ამისთანა გრძნეულს ვინ გაუშვებს ბოშათა ბანაკიდან. როგორც ჩანს, მოგიწევს ფორნებით ხეტიალი. კყავს შენს მეტი შვილი ვალერიანს?

— ორი, უფროსი და უმცროსი ბიჭი.

— მაგრამ ვთქვათ და არ გამოუშვებს მშობლებმა როკი, მაშინ? — დაინტერესდა ბრმა მეჩონგურე.

— მაშინ ჩვენი ბანაკი არსად წავა. იცის ეს ბიცოლაჩემმა და იმიტომაც მშხამავს. ხეტიალის საღერღელი აშლია. ხავსი მოგვეკიდაო, წუწუნებს. მოგვეჩვია ხალხი, ყველა გეცნობს, ძველებურად ვერ ვიპარავთო. წვრილმანებზე ვაჭრობით კი როგორ გინდა აურაცხელი ოჯახი არჩინო.

— საყიდლებზე გავიდა ჩემი რძალიც. ლადი ჭანისთან კაცი არ მოიწყენს. სადაც არის მოვა. ეროვნებას რა მნიშვნელობა აქვს, მთავარია ადამიანობა. ახუბა გვარად ჩემი ლილი, აფხაზი ასული. ისაა ჩემი დამტირებელი, ამიტომაც მთლად გესერელი* არ მეტქმის სამი ბოკვერა შვილიშვილის პატრონს. აგერ, ამათ ვთლი და ეგაა, თუმცა რა, მუხლები ვერ ავმართე დილაადრიან. პირველმა ავტობუსმა გაგვასწრო, ხეირიანი ადგილები დანაწილებულია, დატაცებული. ობიშხა ჭითას* ეხუმრები შენ?! მინც რას ყიდულობს ასეთს, ჩემი დამტირებელი რძალი? **უმართო სამართის** ზღაპარში რომ არის იმისთანა მარგუნა იღბალმა. თუ არსად გეჩქარებთ, ჩამოჯექით ცოტა ხანს, ნუ მიმატოვებთ ამ გაცოფებულ ბაზარში. მიტკლის ტომრებს კი მოვხსენი თავი, მაგრამ ამოაშიშვლებ ჩონგურს და აგწანინან ხელად. ისეთი კონცერტი გაგიმართოთ, მთელი ოდიში და სამურზაყანო აქლოვაჭითმ აქეთკენ მოეშურებოდეს. ბაზარი ქვეყნისთვის იგივეა, რაც ადამიანისთვის — გული. აბა, კარგად მიაყურადეთ, გამოგაქვთ რამე აზრი ამ ყაყანიდან?! ერთდროულად ლაპარაკობს ათასი ადამიანი. უსმენ, უსმენ და შინაარსი ვერ გამოგიტანია. სული კი სიმღერაშია გახვეული ჩემო პატარებო! სიკვდილი ერთადერთს მაგას ვერ ერევა. გვესმის ჩხოლუშისაპირიდან ბოჩოლების პეტელი, გოჭების ჭყვინთი, ციკნების კიკინი, ამ ხმებიდან ერთიც არ დარჩება სახვალოდ, და არც ეს ზიმოთი*, ჩვენს გარშემო რომ დასადგურებულა. ყველა თავის საქონელს აქებს, მიდევნებს ფასის დაგდება სწყურია, მიდის ვაჭრობა. გესმით გადაძახილები დახლიდან დახლს შორის. ეს ხმებიც, ერთადშეკონილს ასი ურემიც რომ ვერ ზიდავს, განწირულია ზეგინდელი და მასზეგინდელი დავიწყებისთვის, მაგრამ ლადი ჭანისა ერთხელ დაკვესებული ჟანგს არაფრით მოიკიდებს. ახლა მე თქვენთან უფრო მეტი მაერთებს, ვიდრე მთლიანად აღებულ ამ ცოფიან ბაზართან.

— ეგ რატომ? — იკითხა როკიმ.

— სრულიად უბრალოდ. სიყვარული და სიმღერა ღვიძლ დაძმასავითაა. უსიკვდილოა ერთიცა და მეორეც.

— აბა, ილონა და მე არ მოვკვდებით? — სძლია ცნობისწადილმა ბიჭს.

— მხოლოდ გარეგნულად, ზორცი შემოგეძარცვებათ მარტო, თქვენი გრძნობა კი სამარადისოდ დარჩება. სიმღერაც ასეა, მიწა შეჭამს ფილტვებს, საიდანაც იგი ამოფრინდა, მაგრამ გამუდმებით ისულდემულებს ადამიანთა გულეში. უკვდავებაც ამას ჰქვია.

— მე კი მეგონა სიკვდილზე ძლიერი არავინ იყო დედამიწის ზურგზე.

— საიდან მოიტანე? მაგას ცხონებული ძაკა არ დაგასწავლიდა.

— შიშმა, მანცხვარკარის სასაფლაოზე არბენისას რომ მეუფლება ხოლმე და კიდევ — ტურნუს ჭარგავას ხსენებაზე გული რომ შემეკუმშებოდა უნებურად.

— ძაკას მოთა, კარგად დაიხსომე ჩემი ნათქვამი: ჯერ ერთი, საშიში ცოცხალი ადამიანი უფროა, ვინემ — მკვდარი. მერე ძალადობის წინაშე ყველაფერი უმწეოა სიყვარულისა და სიმღერის გარდა. ცხენს წაართმევ კაცს, ფულს წაგლეჯ, სიცოცხლესაც მოუსწრაფებ, მაგრამ სიყვარულისა და სიმღერის დამარცხება სად შეუძლია სიკვდილს, როცა ორივე ღმერთთან არის ჩახუტებული?! ტურნუა ჭარგავას მოშიშარ ხალხთან მე საქმე არა მაქვს. მერე რა რომ ჯალათია ეგ შენი ტურნუ?! ქვასავით დაუხვდი შენი სიმართლით და სეტყვასავით შემოგეფშენება. აქამდისაც ჩაძლდებოდა უკანონო ბუნებისა რა ვთქვა თორემ. ხუთი უმანკო ქალწულის ცოდვა ადევს კისერზე. ისე დაიჯგიმება, თითქოს დუყლა ანთარისა წისქვილში არ დაემართოხელებინოს ძაუ ხუფაცარზე, გაღმელ ბეზრეკს, ძაგვა გერგედას რომ მიათხოვეს მერე ნათესავებმა. განა მან არ მოწამლა კიწა გეკუახეს უმანკობა?! განა მან არ გათელა თონთო ღურჯიას სინორჩე?! დიახ, მას, ერთადერთს წაუბილწავს სულს დედა-შვილი აბლოთიების უბედურება. მიაწებებ შუბლზე ამისთანა გამირობებს შენს რისხვა ტურნუას და ეგრევე ხერხემალში გადაიმსხვრევა. ხომ არ შემოგფეთებია საღმე?

— ერთი კვირის წინ შეარჩევს მამა და ეგ. დედაჩემი რომ ვიწვიებდა ისეთი არაფერი ყოფილა. დითა, დითა, დავილუპეთო, ქოთქოთებდა და ტახტაზე უხმოდ თავქვეშ ხელამოდებულ მამას რომ გახვდავდი, შიშისგან ვიწურებოდი, მაგრამ ვნახე ახლოდან და გულზე უნებურად მომეშვა.

ხმა დაირხა ზუგდიდში:

— ტურნუს ჭარგავას ბანდა დაძრწის ქალაქში. ღამის ცხრა საათის შემდეგ ქუჩაში ნუ გამოხვალთო. მკვლელები და მძარცველები ჯერაც იზოლირებულინი არ არიან, ხიფათს არ გადაეყაროთო. გვიან კარი არავის გაუღოთ, სიფრთხილეს თავი არ სტკივოთ.

ვერგილიუსის გამირის სახელი მეგრელ გლეხუჭას ვინ დაანათლა ამისი მტკიცება საძნელო საქმეა, მაგრამ საკუთარი ხალხის აწიოკებით, თითქოს მტრის ბანაკში ყოფილიყო, რომაელ სენხიას ერთიორად რომ გადაუსწრო, დღესავით ნათელია. ლაითურის კოლონიიდან გამოქცეულიყო. სანამ დაიქვრდნენ განაბი* გახლდა, ავტორიტეტი ზონაში მოიპოვა, მაგრამ ქურდებთან კონფლიქტის გამო ისევ გამოეცალა ხელიდან საყოველთაო პატივი და

ამით გამწარებულმა, როგორც შავ სამყაროში იტყვიან, „პაბეგი* აილო. ჩამოაღწია ზუგდიდში და მთელს რაიონს შიშის ზარს სცემდა. საკვირველია, ამისთანა პიროვნებას ულამაზესი ცოლი ესვა და უფროვე გასაოცარი ის არის, მზეთუნახავი თანამეცხედრე საარაკო ერთგულებით ეტრფოდა თავის მბრძანებელს.

ამ დღეებში ტურუიას, როგორც ლადი ჭანისა შეერქმია მისთვის, ბაზრის მშენებლობიდან მომავალი ვალერიან ოდიშელია გადაეყარა მიმწუხრისას და გაძარცვა-შეყენება მოუხდომა. ვალერიანი მაშინ ოცდაათიოდე წლის თუ იქნებოდა, მთელს ქალაქში ცნობილი ალალ-მართლობით, პურ-მარილითა და მუშუტი-კრივით. კალატოზმა კაცმა ხელად იყოსა ყაჩაღის შესაძლებლობანი, „ერთი დარტყმით გავითშავო“, გაივლო გულში და ალლომაც არ უმტყუნა. ცალი ხელით ჯიბეებს უქექავდა ტურნუსი ძაკას მემკვიდრეს, მეორეთი მიბჯენილი რევოლვერით აშინებდა ვითომ, მაგრამ როკის მამამ დრო უხელთა, გამეტებით ხია და მკვდარივით დააგდო მიწაზე, თუმცა მანამდე გააფრთხილა ხმამაღლა:

— ვალერიან ოდიშელია ვარ, ძაკას შვილი, ერთი ზუგდიდელი წესიერი კაცი, არ გინდა ასეთი ღლაბუცი, გადამთიელი ვიყო — სხვა ამბავიაო..

იმან კი ჩაიჭირქილა და ამგვარად უპასუხა:

— ტურნუსი ვარ ჭარგავა, ზონიდან ახალგამოქცეული. ჯერ დაჯგუფება არა მყავს, მაგრამ მალე შევქმნი და მთელს ქალაქს ფეხქვეშ გავიგებო, — ეს იყო და პისტოლეტიც გაუვარდა. აილო ვალერიანმა და სახლისკენ გასწია.

მეორე დღეს ვიღაც-ვიღაცეები მიუგზავნა ტურნუსმა ოდიშელისა:

დედაბუდიანად გადავზუგავ უბედურს, ბავშვებს ამოვუხოცავ იარაღს თუ არ დამიბრუნებსო. დარტყმას მაინც არ ვაპატიებ, ოღონდ მხოლოდ მასთან მექნება საქმე და არა ოჯახთანო და ქორით დაშინებულ კრუხივით აქოთქოთ-და ჟენია ქირხეც.

ჭარგავასთან კონფლიქტში ოდიშელიებს ვინც პირველი გამოესარჩლა, ქვათია პაპასქირი იყო. იგი სრულებით არ იცნობდა ვალერიანს, მაგრამ ქვათიას უმცროსი ძმა თენგო, როკის თანაკლასელი გახლდათ და ალლოიანმა ბიჭმაც სთხოვა მეგობარს.

შენს ძმას უთხარი მამაჩემს „პადდერჟკა“* მისცეს, თორემ შეიძლება დამიჩაგრონო. ამხანაგმა თავი გამოიღო და შემდგომ ქვათიას თაოსნობით გამოჩინდნენ ავტორიტეტები, რომლებმაც შესძლეს ტურნუსისა და ვალერიანის შეერიგება. ამისი დამაგვირგვინებელი კი ბრძანდებოდა ყველაზე სახელგანთქმული პიროვნება ოდიშში, ვახტანგ კოზმავა, რომელსაც მეტსახელად ვატალიას ეძახდნენ.

როკის არასდროს დაავიწყდება დედის ფაციფუცი საგანგებოდ გამზადებულ სუფრასთან.

გვიანი დამით, ამფიბია მანქანითა და ორი „ზიმით“ მოადგნენ ისინი

ოდიშელების ჭიშკარს. ერთმანეთისთვის ხელი ჩამოართმევინეს. ვალერიანმა პისტოლეტი გადასცა ჭარგავას, თან მეგობრული ტონით ურჩია:

— ყველა ჭაში არ უნდა ჩააფურთხო, ტურნუს, თორემ წყალს საიდან დაღვე, ისიც „ბაბეგში“ მყოფი კაცი?! ახლა, პირიქით ხალხის მხარდაჭერა გჭირდება შენ და არა — სიძულვილი. ერთი კაცის ნდობა და სიყვარული რომ დაიმსახურო, წლებია საჭირო, ხოლო მოგიძულონ — წუთიც კმარა, — ასე დამოძღვრა ვალერიანმა ჭარგავა. მიუჭახუნეს ერთმანეთს ჭიქები ფეხზემდგომელებმა და დასცალეს.

ისე ღირსეულად გამოუვიდა ნათქვამი ვალერიანს, რომ როკის გული სიამაყით აეგსო.

სტუმრები არ დამსხდარან.

— დევნაშია კაცი, — თქვა ვატალიამ, — წავედით ახლა! — მოსკრა და პურ-მარილისგან დაზნექილი სუფრა ლამის ხელუხლებელი დარჩა.

ვატალიას მოჰყვებოდა ზუგდიდელი კოლორიტული ვაჟკაცი, იმ დროისთვის პირველი დამრტყმელი, რაინდი ბიჭი ჰამლეტ მურუსიძე. დამწვიდობების წინ ჭარგავა მოუბრუნდა ვალერიანს და ასეთი სიტყვა ესროლა:

— ჰამლეტს და ვატალიას უმადლოდე ყველაფერს, თორემ აღარაფრით გაპატიებდი!

აქ კინალამ გააფუჭა საათივით აწყობილი საქმე როკის წამონთებამ. კოსტუმში წვედა ძლივს შემორიგებულ ყაჩაღს, მოახედა და გათიციხებულმა ასეთ-ნაირად მიახალა:

— რომ გავიზრდები შენი პირველი მტერი ვიქნები. ისე გცემ, ერთი თვე კვარაცხელიების ძროხის რძით გაბრუნებდნენ.

გაცინეს, ახარხარდნენ. ეს ხმაც დღემდე ყურში უგუგუნებს როკის.

ლადი ჭანია სკასავით აზუზუნებული ბაზრის სიღრმეს გაჰყურებდა უსინათლო თვალებით. სიყრმისდროინდელი სურათები მიცურავდნენ ამოშრეტილი მხედველობის გასწვრივ, ოქროთი მოვარაყებული და აბრეშუმის სილბოშოვანი სურათები. ოდიშელების ბიჭის სიახლოვე საკუთარ გულისცემასავით აცნობიერებდა სიყმაწვილის მამლაცხეული წლების ამოჭარქაშებას. არა, ხელიდან არაფრისდიდებით გაუშვებდა ამ მაკვარანცხა ონავარს, სანამ საწუთროს უმთავრესი ამწვერვალებისა და ჩაქვესკნელების მიზეზებს არ დაასწავლიდა. მხოლოდ ახლა, ამ აუკინძავ გადაძახილსა და ჩოჩქოლ-ღანჩალში, იგრძნო ლადი ჭანიამ ბაზრის რიტმი თუ დუდილი. აქამდე ყურთასმენის მომშლელი ყაყანი, სიამოვნებდა აწ ფეხზე წამომართულს და მარჯვენა ხელით როკის მხარზე დაყრდნობილს. დიახ, მთელი აზარტით შემოეჭრა მეჩონგურეს ბაზარი. მის ყოველ მიმოხვრაში, მოძრაობაში, უესტში იკითხებოდა ეს. ახლა ზემოურ ნიავს გაეყარა თითები უსინათლო მეჩონგურის წვერში, მაგრამ დაბინდება არც მისგან ელოდა საუკუნოვან სისპეტაკეს. განა მართლა სარგებლისთვის შემოვიღიდა ბაზარში?! ძვლების საქრაქუნებლად სა-

კუთარ ეზო-არეში ფუსფუსიც ეყოფოდა, თუმცა სიმღერის ძახილი და კიდევ რაღაც, ენით გამოუთქმელი გრძნობა, მოასწრათვებდა ხოლმე ზუგდიდ-ქალაქისკენ.

„მზეც ვერ ჩერდება თავის ბუნაგში, — ფიქრობდა მოხუცი მეჩონგურე, — მზეც კი შემომისხვრევს ღამის ასვეცა გაღანებს აქა-იქ, რათა თითოეულ ადამიანს დაუმტკიცოს თავისი სხივმოსილება. კი, ჩაიკეტები ოჯახში, მიუჭრდები ჭყონდიდის ძირას და მრავალ მოზარდს შეავლებინებ წვერზე ხელს, რომ მერე მათ სულელებშიც დაისადგუროს სიმართლის მადლმა საუკუნოდ, მაგრამ ასაგასა თუ არ გყოფნის, უფრო სწორად, უსაზღვროებას მიეღები თვალისჩინამორთმეული და ამ წუთისოფლის მიწურულს ერთხელაც გინდა დაახსორო შენი აღნაგობა, შენი სულის მზიანება შთამომავლობას, რას გააწყობ, ხომ უნდა გამოხვიდე გარეთ?!

სიმღერის წინაშე უძლურია ყოველი, თვით სიყვარულიც კი, რადგანაც სიმღერა უახლოესია სიტყვის მეშვეობით ღმერთთან, და რანაირად გინდა ამ პატარებს უცნობი ჭეშმარიტება უმტკიცო?! აქამდე თავად ცხოვრებამ უნდა მიიყვანოს თითოეული. ესეც ბედისწერაა. ყველას როდი დააბერტყავს უფალი თავზე ეჭვიშუტანელ საუნჯეს.

ვინ წააყვდრის ლაღი ჭანიას მორჩილი ხმებით იბლაგვებდა სხეულს დღემოსწრებაო?! ტურნუსის სახელი ტურულიად მოისრულე ხალხში, რადგანაც მისთვის უკეთესი ჯილდო არ გამოუმეტებია განგებას, და დღეს იქნება თუ ხვალ-ზეგ ყურის ბიბილოსთან რომც აგიწივლდეს ტურულია დუდტურტურუს* ფიშტოს ცივისსლიანი ტუჩი, მომავალი ვერასდროს წაგაყვდრის: უჯიგრო ხარ შენ სიმღერების მწყემსო. და არც მაშინ მოხდება რამე საგანგაშო ელვისებურად აბოლდეს იგი და შენი ტვინი სახეში ეფეთქოს ცოფმორეულ წუთისოფელს. ხერხემალი ხომ მთელია?! შუბლის ძარღვი ხომ ჩასობილა შენს ნამუსში ფესვებგაფოთილ სოლად?! ვეღარ შემოგეჭრება ბოროტება დანასავით! ჰოდა, თუნდაც ამ ყმაწვილის სულიდან შიშის ამოსაძირკვად ახმინდი ლაღი ჭანია! დაე, სხვებმა იხოხილონ მიწაზე პირწავარდნილ მონასავით. სხვა ჯიშის და ჯილაგის ხარ შენ.

დაკა ოდიშელია ბრძენკაცი იყო, მაგრამ ამდენს ვერ დაასწავლიდა შვილიშვილს. ადამიანობის საზღვარს ისიც ვეღარ გაცდა. შინაგანი ჭკრეტა მხოლოდ ჩემნაირთა ყისმათია. სად შერჩათ ადამიანებს ჭეშმარიტების შეცნობის ძალა?! მთელი დუნია კუჭს გამოკერებია. სიყვარული რამდენადმე გადაუქროლებს ამ ვაჭრუკანულ ბუნებას, მაგრამ ღმერთთან ზიარება მარტოოდენ სიმღერით, სიტყვით ეგების. ჰოდა, ვისაც აგური უწრთობია როკის ბაბუასავით ან რკინა გაუბრტყლებია ბოშა გოგონას ბანაკის ხალხვით, ჩვილის მსგავსად ფეხს იდგამენ ჭერეთ ნამდვილი ცხოვრების წინაშე, მაგრამ ამის გამო ვერ გაკვილავთ მათ, რადგანაც მოციქულ ბედნიერებებს სჯერდებიან, მოჩვენებით ბედნიერებებს, რომელიც მხოლოდ და მხო-

ლოდ პირველი საფეხურია დაუსრულებელი კიბისა, მაცხოვრისკენ რომ მიემართება და უსასრულობაში ინთქმება.

შენ, შენ სად დგახარ ამ კიბეზე ლაღი ჭანი? მიაღწიე კენწეროს თუ კვლავაც მრავალი საფეხურის აკალთავება გელის წინ?!”

იყიდებოდა ყველაფერი.

ყიდიდნენ გალაქულ ნარდს და ძაღლის ძვლის კამათლებს, მოჩუქურთმებულ აკენებს, სამზითოვო ქვეშაგებს, დალიანდაგებულ საბნებს, ფერად ბუშტებს, ჯოხზე წამოკოსებულ სატკბარუნებელ ალისფერ მამლებს;

მოშორებით მუშტარს უხმობდა მონჯღრეული „პობედები“ თუ „მოსკვირები“;

სიტყვა ესარფებოდა სიტყვას.

იყიდებოდა სახლ-კარი, ცხენის აღკაზმულობა თუ თავად სინიბები მოწკარუნე ნალებითა და აფუჩეჩებული ფაფრებით; იყიდებოდა საურმე ხარკამეჩები და ბოჩოლებიანი ძროხები;

მალულად იხვეჭდა პატრონს ლილაკიანი დანები თუ შავად მბზინავი შვიდვაზნიანი „ნაგანები“;

იყიდებოდა სატევრები ვერცხლის მინანქრული ხაზებით.

ვილაცას ცოლს ჰპირდებოდნენ ერთნაქმრევს;

ვილაცას საქმროს აჩეებდნენ მდიდარს და კუშიანს;

იყიდებოდა ყველაფერი, რაც ენას და პირს შორის ითქმება, ლაღი ჭანიას სიმღერის გარდა და მზის მაცოცხლებელი შუქის მობჯენამ მზერაამოგლეჯილ თვალთა გუგებში ოქროცურვილი ფერებით აავსო ბაზრის შავთეთრი სინამდვილე.

— ბაბაგე, როკი, შენ სანახევროდ დაგიძლევია შიში და მასთან ერთად — სიკვდილიც, როცა ტურუიას კოსტუმზე ჩამოქაჩე და კვარაცხელიას ძროხის რძით მოსაბრუნებელი გალახვა აღუთქვი მომავალში. ეს დიდზე დიდი ნაბიჯია, შვილო, შენს ასაკში. რა გინდა, ამართლებ სახელს. როკი დიახაც უდრეკელს ნიშნავს ჩვენებურად, მაგრამ გახსოვდეს, ადამიანი თვალებით იწყება და თვალებით მთავრდება. ხომ გაიგე, ილონა ანათებს და ამიტომაც გაუნაღდება მეგზურის გვირგვინი თავის ხალხში. ორი ყინილია როცა წაძიძგილავდება, იქ დეზს და ნისკარტს არსებითი ძალა არც გააჩნია, მთავარი თვალების ცეცხლოვანებაა. წონიან, ზომავენ ერთმანეთს. ვისაც მეტი დადარი აღმოაჩნდება, მისი დეზიცა და ნისკარტიც უფროვე აფხიანდება. შიში ავიწროვებს თვალების გუგას. მათი გამოსხივებით ნუსხავს უხსენებელი ვასაკას. ასე რომ, ნურასდროს მოარიდებ თვალს ნებისმიერ წინააღმდეგობას! თავად სიკვდილსაც კი მზერა რომ გაუსწორო და გულის ფსკრამდე ჩახედო, ფარ-ხმალს დაყრის, იცოდე, რადგანაც მისი შენიღბული ყოველი კუთხე-კუნჭულ ხელისგულზე გადააგეშლება. მდინარეში შესვლის გეშინია?!

— არა, ბაბუამ მასწავლა ცურვა.

— შენისთანა ბიჭი, ალბათ, არც მუშტი-კრივის გამო შეიხრის წარბებს ტოლებში?!

— ჩემი ასაკის ბავშვებთან მე ჩხუბს კი არა სიარულსაც არ ვკადრულობ უკვე. შარშან ჟინი ანთარმა მანახა მე ჩვეულებრივი თვალისთვის უხილავი მოძრაობები: თავის სიმალიდან დაშვებულ ფოთოლს მიწაზე დაცემამდე როგორ უნდა წამოეწიო ხუთჯერ მაინც. წელიწადიც არ გასულა იმ გაკვეთილიდან და ოთხჯერ ვახერხებ ამას.

— ჯეგე ანთარია მენცარი კაცია, მაგრამ სიკვდილის დამარცხება იმასაც უჭირს. ეს უნარი ერთადერთს მე მომანიჭა უზენაესმა. სიკვდილი შენ მართლაც ცელიანი ჩონჩხი ხომ არ გგონია?! ისიც მდინარესავითაა, ქვათი. თუკი მასში ცურვას ისწავლი, ექვანშებმული გეყოლება დღენიადაგ, ატარე საითაც გნებავს.

— ვერ გავიგე, ლადი, ბაბუა.

— შენ ეგ უფრო ადრე გაიგე, ვიდრე ჩემთან მოხვიდოდი, ტურუიას რომ წვდი კოსტუმში მაშინ. მაგრამ ეს ნაპერწკალი იყო მხოლოდ. უფრო საშინელ სიკვდილს, რომელიც ასჯერ და ათასჯერ მრისხანება ტურუიების დამბაჩაზე, სხვანაირად ებრძვიან, სხვანაირად გადასცურავენ: სიმღერით, მხოლოდ სიმღერით, როკი, ბაბაგე! ამიტომაც ეშინიათ ყველაზე გულბოროტ ხელმწიფეებს, მთელს დედამიწას რომ აზანზარებენ, მომღერალი კაცისა. შენ ისეთი იარაღით უპირისპირდები აურწყავ ბოროტებას, ყველაზე უბასრეს ხანჯალს პირი უჩლუნგდება. ერთხელ დამღერებულს ვერაფერი აკუწავს, გნებავს სამართებელზე აფხიანებული ხმლების ტყეში უხდებოდეს გზის გაკვალვა. გაიგე?

— მაგრამ თუ არ გემარჯვება სიმღერა საერთოდ?

— ტყუილია ეგ, გამორიცხულია კაცს სიმღერა არ შეეძლოს, საჯაროდ თუ ვერა, საკუთარ გულში დალიინება უძნელდებოდეს. ფიზიკურად ერთს მოერევი, ორსაც, სამსაც და ოთხსაც, მაგრამ ათასის დამარცხება როგორ გწადია?! ჰოდა, ამისთანა შემთხვევაშია სიმღერა უებარი საშუალება სწორედ. ძმასავით ამოგიდგება მხარში, წელში გაგმართავს. რას მიჰქვია შიში, კუდილთ ქვა უსროლია. აჩეხავენ, დაკეპავენ შენს ხორცს, მაგრამ სულს ბეწვისოდენასაც ვერ დააკლებენ. გინდა საოცრება განახო?! ხომ ამჩნევ რა ხალხმრავლობაა ჩვენს გარშემო?! ერთს დავიმღერებ ახლა მე და ეს წვერი შემირცხვეს, თუ ოც ნაბიჯზე ახლომახლო ვინმე დარჩა. იმიტომ კი არა, არ მოეწონებათ ჩემი ჰანგი, ან გულით არ ენდომებათ მოსმენა: შიში გაფანტავს ყველას, ტურუია ყაჩაღის შიში, ძაკას შვილიშვილი!

ლადი ჭანიამ მარცხენა ხელით უნებურად ჩონგური შეაციბრუტა. მერმე როკის მხარზე დადებული მარჯვენა გამოინთავისუფლა საყრდენისგან, ცერმა თავისით მიაგნო სიმებს. ლიბრგადაკრული თვალები სველი ნიჟარებივით უბრწყინავდა. უკვე არარსებული ოქტავის ტონალობით ელვისებურად თხზავდა მოტივს და ტექსტს:

თუ ჭარგავა ტურუ, ჩალა რენ დო ცურუ,
 კუჩხი სოდგა გედგუნ — ჯოლორქ ქიმიოცურუ,
 მიდგაქ კარი გუნჯუნ, ლაფის ქიმინურუ,
 ოჭიმ ქურთინესუნ — დაჩხირ ქეთუტურუ.

გილეჟლილინ ტყიათ, ქიანა გეგნოშურუ,
 მოჯგირე დო კერზი ართათ გემინდურუ,
 ყვარელი გოხარცქუ დო მეურს, მიპალურუ,
 კატუქ ქიმნაშქვიდ დო ჯოლორქ ქიმნაღურუ*.

„გულთმისანი მოხუცია, — ფიქრობდა როკი, — სიმღერის მოსმენაც უნდათ, მაგრამ ეშინიათ, ვაითუ ტურნუსმა მოგვისწროსო და ფეხისათრევით გაეცლებიან. ან რა ადვილად გამახსოვრდება კაცს? ჩალა რენ დო ყურუ, ჩალა რენ დო ყურუ! წავიდოდი, აქამდეც რამდენჯერ მომიკითხავდა მამა, მაგრამ შეეშინდაო იტყვის. ტურუ დღისით ვერ ბედავს ქალაქში გამოჩენას. ღამ-ღამობით კი დათარეშობს, თუმცა წაიმტვრევს ფეხს მალე“.

სიმართლე ითქვას, ბედი სწყალობდა ტურნუსს ჭარგავას. ვალერიანთან შერიგების მესამე დღეს უჩუმრად გამოსულიყო თავისი ბუნაგიდან და ჭადრების ხეივანში მოყუჩებულიყო საკბილოს მოხელეთების იმედით.

შუალამეა. მეეზოვენი ქალაქის ქუჩებს ცოცხავენ. სხვები მიწანწალა ძაღლებზე ნადირობენ. გავარდება თოფი მჭახე ხმით და აწკაწკავდება ქოფაკი.

მწარე ფიქრებს მისცემია ტურნუსს ჭარგავა. მისი ცხოვრებაც ამ ძაღლებივითაა. მასაც ასე დაუნდობლად სდევნიან.

მოუტანეს ამბავი მოენებმა: ბრმა მეჩონგურე ტურუაითი მოგისხენიებს შუაგულ ბაზარშიო. ყაჩაღის სახელის გატეხვას რა უნდა?! ოლაგეზე გადაბიჯებისას ერთი ადგილი თუ ჩაეხა ვინმეს, იმასაც ტურნუსს ჭარგავას აბრალევენ. სიკვდილის ვის არ ეშინია, მაგრამ მაჩვივით ტყეში ვერ დაიმალება, ნადირივით ხეზე ვეღარ გავა დასაძინებლად. სიკეთეც გაუკეთებია თითო-ოროლა, ვინ დაუმადლა თორემ?! მხოლოდ სიავე ჩამოართვეს. იმდენი თეთრი ურევია, რამდენი წამიც იცხოვრა. პოდა, აგერ, ბრმა მეჩონგურე ტურუაითი მოიხსენიებს თურმე შუაგულ ბაზარში. ამისთანა ფიქრებში გართულს თავზე წამოადგა მილიციის უფროსი ლეო გაგუა, რომელსაც ჩვევად ჰქონდა სამორიგეოში ღამ-ღამობით შევლა. ნახა სკვერში მდგომი ახალგაზრდა კაცი. წამოეპარა, მიაბჯინა „ტეტე“ და ხელები მაღლაო, ეუბნება. მიიყვანს მილიციაში და იქ გაირკვევა კურდღელივით დამფრთხალ ქალაქში ვინ არის, რომ ჭადრების ხეივანში ხეტიალს ბედავს?!

ტურნუსს ჭარგავას ჩინური პლაშჩი სცმოდა. ერთი პატარა დამსკი „ნაგანი“ ხელში სჭეროდა და მკლავები რომ ააწვეინა მილიციის უფროსმა, იარაღი სახელოში ჩაიცურა თურმე. მეორე, ქამარში გარჭობილი, გაგუამ

ოსტატურად ააცალა. ახლა ყველაფერი ნათელია, ნანატრი დამნაშავე თავისი ფეხით მოადგა კარზე მილიციის უფროსს. წაეწყო საქმე. მინისტრის მადლობა უეჭველი განაღებული აქვს. ჩინსაც მოუმატებენ. შეიძლება დააწინაურონ კიდევ, დედაქალაქში გადაიყვანონ. უკვე მილიციის შენობას უახლოვდებიან. გაგუამ გააჩხაკუნა ასანთი და სიგარეტს მოუკიდა. ტურნუსმა ელვისებურად მოისაზრა: დამკავებელი გამორთულია წამით საბრძოლო მზადყოფნას. სახელოში მოყუჩებული იარაღი დაითრია, თიცხლად შემოტრიალდა და მიაბჯინა შუბლზე.

— ტურნუს ჭარგავა ვარ, შენი დედა!

ჯერ სატაბელო იარაღი აართვა, მერე საკუთარიც აადლიზა ქამრიდან, ბოტანიკური ბალისკენ გაიგდო.

— ირბინე შენი დედა, თორემ კეფას აგხდი! — დემუქრა მილიციის უფროსს და ასაკმოყრილი კაცი გააჭენა მძლეოსნის სიმარდით.

დღეს კი წითელი პარასკევია. რამდენიმე თანამზრახველიც გვერდით ახლავს. აწი არც ისე იოლია ტურნუს ჭარგავას მოხელთება. პირველი დარტყმა სწორედ ბაზარმა უნდა იგემოს. ახლა რაც აქ ფული ტრიალებს, მთელი წელიწადი ეყოფა დევნილ ბანდას. ორი ამხანაგი ცენტრალურ შემოსასვლელთან დაუტოვებია, დანარჩენი ორით უკნიდან დააფრინდება დახლებს. დიდი მაყუთი ებრაელებში ყვინთავს. ოქრომჭედლების შეყენება უჩუმრად ჩაივლის. ასევე მოუსუფთავენ სალაროებს ფართლეულის თუ რკინაკავეულის მაღაზიებსაც. მეშაქრებთან შეკამათება ხალხს ააჩოქოლებს. ყური მოჰკრეს ტურნუს ჭარგავა თავისი თავზეხელაღებული ძმაკაცებითო და თითქოს ალალს დაუქროლიაო, დიდ-პატარა თავ-პირის მტვრევით გავარდება ცენტრალური გასასვლელისკენ.

ქალები თბილ ადგილებში გახიზნავენ მთელი დღის ნავაჭრს. თითქოს შხამი ჩაეწვეთა ბაზრის ვეება ძარღვებსო, სისხლი გაეყინა ყველას. მხოლოდ დედაკაცები წამოიკივლებენ აქა-იქ, ისიც იმ შემთხვევაში, თუ ვინმე ფეხზე ფეხს დააბიჯებს აჩქარებულებს. ახლა უფრო მოსარკოვნდა ფონი მოხუცი მეჩონგურეს ბარიტონისთვის:

„თე ჭარგავა ტურნუ, ჩალა რენ დო ცურუ“.

გულის გამჭოლ ხანჯალზე უბასრესია ეგ სიტყვები. ტყვიას აიცდენ დევნილი, მაგრამ საკუთარი ცხოვრების — წარსულის, აწმყოსა და მომავლის ერთდროულად გაცამტვერებას, შენი სახსენებლის დედაბუდიანად ამოძირკვას ადამიანთა გულიდან თურმე ვერაფერი გაუტოლდება. იარაღის ტარს კი უჭერს მარჯვენას ტურნუს ჭარგავა, მაგრამ ოფლად დაღვრილ ხელის-გულში ისე უსხლტება, თითქოსდა თევზი კუდით მოუხელთებიაო. არც ამ ნაბიჯებს ჰქვია ქვეყნის ამკლების ფეხისხმა. ყველაფერი იბინდება გარშემო, წასართმევი ფულიც, შენს მადას ჯერაც ბლომად რომ ესაჭიროება; არც საყასბო გახსოვს, თვალდასისხლული მგელივით რომ უნდა დასცემოდი. წაგრთმევია გამოზოგილი დროის შეგრძნება, ოციოდე წუთში რომ უნდა აგეკ-

რიფა ალაფი. შენი წუთისოფელი, ეგერ, კიბეების თავზე აწონილია უზუსტესი სასწორით. ყოველი სიტყვა შემოდგომის ფოთლებივით მისხალ-მისხალ შემოგაძარცვავს ჯერაც აქა-იქ შემორჩენილ ადამიანურობის ფთილებს. ბრმა მეჩონგურის გულიდან ამოძახებულ განაჩენს იმდენად დაუბრმავებია ტურნუს ჭარგავა, უსინათლო მომღერლის მეტს ვერაფერს ამჩნევს; მისი თეთრი წვერი, მისი ჟღალი ჩოხა-ახალუხი და სიკვდილივით მალემსრბოლი სტრიქონი — „თე ჭარგავა ტურუ, ჩალა რენ დო ყურე“ — ბედისწერასავით აღმართულა ყაჩაღის წინაშე. არა, თვალდავსებული მოხუცის ცოდვას ვერ დაიდებს მთლად. კაცისკვლა არ არის ტურნუს ჭარგავას სტიქია, მაგრამ მაგ მოღრეცილ წვერს მაინც წარიტანს აურაცხელ ნადავლად. დაითვლის მერე იმ ფრიმულის თითოეულ ღერს და ყოველი თმის ძირი ნიკოიას ოქროზე მეტად გაძვირფასდება ყველასგან მოძულეებული კაცისთვის. დაბრმავებულა სწორედ, რადგანაც ამ წვერს იქით ყველაფერს აზრი დაუკარგავს ტურნუს ჭარგავასთვის. აჰა, მიეჭრება კიდევ უჩინო ბერიკაცს, რომელიც აშკარად იგრძნობს მოახლოებულ რისხვას, თუმცა სანამ „ჯოლორქ ქიმნაღურუთი“ არ დაასრულებს აჩემებულ სტროფს, არაფრით დაცხრა, არაფრით გაეცლება ყაჩაღის გზა-სავალს.

სვეკურთხეული სერვანტესისა არ იყოს, ჩვენ რომ კალამი გვიჭრიდეს ზოგ-ზოგივით, ლადი ჭანიასთვის ოყიან მუშტს არ დავარტყმევინებდით ტურნუს ჭარგავას, არამედ რაღაც გულისამაჩუყებელ, ან სიბრძნითდატენილ დიალოგს გავამართვინებდით შუაგულ ბაზარში, ვთქვათ და დაახლოებით ასეთს:

— სახალხო მგოსნის ცოდვას როგორ დავიდებ, ბაბუის ტოლი კაცისას, თანაც უსინათლოსი, — კბილებში გამოსცრის ტურნუს ჭარგავა, — ოღონდ მუხლებსაც მომიხრი ხრონცო ბერიკაცო და ბამბასავით წვერსაც შეეღვივი.

— სიმღერას ვერ მოღუწნავ, საწყალო მონავ! — აუღელვებლად იმზირება შორეთში ლადი ჭანია.

რატომაც არა, რანაირად შეამჩნევს ბრმა მეჩონგურე, ტურნუსის ხელში აცახცახებულ, მოზიმზიმე „ნაგანს“, რომლის ტარი ლამის თითებიდან გაუსხლტეს ყაჩაღის კუდით დაჭერილ თევზივით?!

— არც ახლა დაიჩოქებ შე ბრუციანო?! — შეულრენს მსცოვანს ტურნუს ჭარგავა და საფეთქელზე რევოლვერის ლულას მიაბჯენს, — ჩქარა, თორემ წამოვიდა მესი! — მაგრამ „ძალი მიგაკვდეს, ძალიო“, აუღელვებლად უმეორებს ლადი ჭანია და რადგანაც უკეთესი ვერაფერი მოუსაზრებია კისრის-ძარღვებდაბერილ პირატს, წაეჯაჯურება ხანდაზმულს, რათა შემოატრიალოს და ბარაქიანი პანდურით რამდენადმე მოიფხანოს გული ხალხში გამოქვენების წილ; თუმცა უკვე ყველაფერი გვიანია — პისტოლეთიანი მარჯვენა ზურგს უკან ამოუგრებიან მილიციელებს მისთვის და ამ გაწამაწიაში, ამ ფორიაქსა და ღრიანცელში, არავის ენანება დანაფოტებულ ჩონგურების ყელს წაკონწიალებული, გაწეწილი სიმები; არც — აყირავებულ დახლებს შორის

ფეხქვეშ ახრიალებული თხილი და სიმინდის მარცვლები და აღარც ლაფში გაგარებული შებოლილი ყველი თუ ტალახში ამოლუფებული სანეფნედლოფლო აბრეშუმის საბნები. თავად ტურუია კი ღვანკალებს ჭანიანი ხელებით გაქაჩული, ბორკილებგაყრილი, მაგრამ სულ ერთსა და იმავეს გაიძახის ჭერაც გაუცნობიერებელი მერმისით გათანგული:

— გიჩვენებ სეირს, ბრუციანო, ტურნუს ჭარგავა თუ ვარო, — თუმცა ამისთანა რეალობების დახატვა ჩვენი საყველპურო მწერლობის კორიფეთათვის დაგვითმია. რაც შეეხება დუჟმორეულ ყაჩაღს, უცერემონიოდ, გაუფრთხილებლად ხეთქავს საფეთქელში მოხუცს, დაადებს მიწაზე და მის ქათქათა წვერს, ისე გადააბიჯებს, წარბსაც არ შეიხრის. დაჭერით კი მოგვიანებით შეიპყრობენ ჭარგავას. მერმე პიონერთა სახლში ოცდახუთ წელიწადს მიუსჯიან სახალხოდ და სანამ საპატიმროდან გამოაღწევდეს, ლადი ჭანიაც უპრობლემოდ გაუდგება უფლისკენ მიმავალ გზამართალს ადამიანისას. აი, როკი ოდიშელია კი ნამდვილად შეუსრულებს ტურნუსს სიტყვას თხუთმეტიოდე წლის შემდეგ — არც ბრმა მეჩონგურესთვის დარტყმულ ხელს შეარჩენს ავაზაკს, ოღონდ ეგეც არის, გულმოწყალე ტუსადები ვეღარსად იშოვიან კვარაცხელიების ძროხის რძეს კბილებზალეწილი ნახიშტარის მოსაბრუნებლად.

ლიმა მემორე

სტოლიბინსკი. ბირჟა

153846

ბედისწერის ჯადო-თილისმა ოდიშელიამ ჭერ კიდევ სრულიად ახალგაზრდამ ირწმუნა, როდესაც სანუკვარ სამეგრელოში მატარებლით ბრუნდებოდა დედათბილისიდან და მოლითს მიტანებული უცნაურმა ბიძგმა წამოაგდო ლოგინიდან. არა, ეს არ გახლდათ ვაგონების ჯახუნისმიერი გამოღვიძება; არც — შემხვედრი შემადგენლობის გამალებული ქოლოვა სარკმელთან, და ელმავლის ქალისმიერი ისტერიკული კივილი; არც — მტვრითა და შმორით გაჭერებული გამცილებლის ხაფი ხმით გაფრთხილება მგ ზავრისა, ჩამოსაქვეითებელი სადგურის მოახლოების გამო. ეს იყო შინაგანი ბიძგი, შინაგანი ხელისკვრა უჩინარი ძალისა, თითოეულ ადამიანში რომ დადარაჯებულია მიმინოსებური მზერით.

ჩამოფუცხუნდა ზედა საწოლიდან მაშინ უცნაურად შემკრთალი. ეძინათ კუპის თანამგზავრებს. ფანჯრიდან შემოღწეული რიბირაბოს შუქზე გაარკვია მაგიდაზე დაყრილი ბანქო, ნაარყალი ჭიქები, ლუდის გამოცარიელებული ბოთლები, სხვანი და სხვანი.

ზაფხულის სურნელება ვერ აღწევდა სმოგში, რომ ქეჩოში წვდომოდა ისამინის ტოტი და გათქვირულ მკერდში ჩაეხუტებინა. არც ტირიფების ძეწკვა რტოებს აქაოსებდა აშარი ქარი, საშველად რომ გამონთებოდნენ. უწყინარი გამთენია იდგა იმ თოთხმეტი წლის წინ შუაგულ იმერეთში. უფრო სწორად უშფოთველი ალიონის წიადში, თხელი ნისლის საბურველში გახვეულიყო მატარებელი.

„მატარებელი წევს როგორც ლავა“, ეს ფრაზა ამოუტივტივდა იმწუთას როკის, მაგრამ იმჟამად ჯერ კიდევ ბოლომდე არ ესმოდა მოფრენილ სტრიქონში ჩასხმული ტკივილისა. დიახ, იმ თოთხმეტიოდე წლის წინანდელი დილასისხამის შემადგენლობა მისთვის სულაც არ აღიქმებოდა რაიმე პოეტურ საგნად, ან — მითითურ არსებად საერთოდ. დუმბაძის გმირებისა არ იყოს, მატარებელი როკისთვისაც სამიმოსვლო საშუალება იყო მხოლოდრე, თუმცა ბიძგი, რომელმაც ნაარყალი თავი წამოაწეინა დაჩვარული ბალიშიდან და გარეთ გაუხმო, არაფრით უმჟღავნებდა ვინაობას. არც სიზმრისეულ გამოცხადებად ჩაითვლებოდა ჩვენება ესე, როცა ზენაარი მთელის ჟინიანობით ჩაგძახის რაღაც გარდუვალს, რაღაც ნიშანდობლივის მოახლოვებას; მაგრამ სრულიად კონკრეტულ მატარებელში, მატერიალურ ძალას, საღათასაც რომ ვეძახით ხშირად ხანმეტი ბრუალის გამო, უძრაობას სავესებით მინებებულ შემადგენლობაში, ვერაინ მოიხელთა ხორციელი, ვერც — მიღმეთის მოციქული, ასრერიგად რომ აბოჟირებდა მის არსებას და მთვარეულივით მიუხმობდა გარეთ ბაყაყებისა და ჭრიჭინების საქველმოქმედო კონცერტზე: არსაიდან ხმა, არსით ძახილი ძეუფლისა! რომელიდაცა, ღვთისგან თუ ადამიანისგან მივიწყებულ სადგურთან, თვლემდა მრავლისმომსწრე მატარებელი და პერანგისამარა, ფეხშიშველი, ჩამოწეულ სარკმელთან მახლობელ ნიავს მიყარდნობილი როკი იცრემლებოდა თავისთვის. ველარაფრით აეხსნა თუ რა აყრუანტელებდა, რა უკანკალებდა ნიკაპს; რა სახელით მონათლულიყო ეს უმწიკვლო განცდა, შემოქმედის უზენაესი კარნახისგან იყო აღტკინება წინდებული, თუ სხვა რამ, უფრორე ძირმოლეული, უფრორე სიფრიფანა, ვინემ იანვრის ღელეებზე გადაკრული ყინულის სარკეებია, ჯერაც მფეთქავი, ჭავლის უჩინარი მდინარებით.

იცრემლებოდა მისდაუნებურად, ძალდაუტანებლად და მარტოოდენ ნეტარებისა თუ ეთქმოდა ამ ცახცახს, რადგანაც დაბეჯითებით სწამდა, არც ილონას ჩრდილოეთური სიშორე და მრავალტანჯული ღედის ძილგატეხილი ღამეები ასაზრდოებდა იმ განწყობილებას, არცარა — მიწიერი, ხელშესახები რამ — შიგნიდან, შიგნიდან აჭანჭყარებდა მფარველი ანგელოსი თვისი თუ მოურჩენელი იარა კოლხეთის სანახებისა და ოდიშელიაც წყალდიდობის ცოფით ატივტივებულ ნაფოტივით ეხლებოდა სლიპინა ნაპირებს.

როკი ახლალა აცნობიერებდა ყოველივეს, თოთხმეტიოდე წლის მერმე, როცა სამართლიანობის ქომავლობისთვის, სინდის-ნამუსის გამოსარჩლების წილ, მრავალგზის შერისხულა უკეთურთა ხროვისგან, და რაოდენი შვება გახ-

ლდათ მისთვის, ამწუთას, ჩრდილოეთის ქათქათა ტრამალებში გაქანებული მატარებლიდან რომ ეწეოდა თავის სიჭაბუკეს; რომ უნაზესი ფიქრისთვისაც პოულობდა მოცალებას, იმ დაუსრულებელი სიკეთის კვალდაკვალ, რომელიც აკვნიდანვე დაებედა, ფხალის ფოთოლივით გადმოფეხარა ნოტიო ხელისგულით თაკარა შუბლზე და რადგან ყოველ ნაპირს თავისებური მისასვლელი მოეძებება, თანაც თითოეულ ნაპირზე ხელალებით როდი გადაისვლება, გაყურსულ თოვლეთში გახელებული მატარებლის ქროლვით ტკებოდა.

„მატარებელი წევს როგორც ლავა. ნაჯახიანებს კარტოფილს უხარშავს გალაკტიონის ცოლი. საწყალი ოლოლი. ზატოჩნიკი განუმეორებელია. ეგ რომ არა, შესაძლოა პლაცკარტით, ან უკეთეს შემთხვევაში კუპირებულ ვაგონით გეყურაყუტა. მთლად ხელიდან წასულს არ ჰგავს. ტყუირივით ხომ არ დაეტაკები? ძაღლის ბედი გაქვს! უმჯობესია გამცილებელს შნაბსი მოატანიო. ასი გრამი საჭიროცაა სითამამისთვის, თან სტოლიპინსკის ბიჭებს გრევეს გაუგზავნი, მადლია. ამჯერად „კოსმოსის“ ორი ბლოკიც იკმარებს. სვეტლანაც ლანგარით შემორთმეული ტალკანივითა“.

— მართლაც ასე გწყინთ, მანქანა?! — შეაპარა როკიმ ქალიშვილს და სიგარეტი ხარბად გააბოლა.

— მანქანა? არც ისე.

— მოსვენება თუ გინდათ, ნუ მოგერიდებათ. ამხელა გზა გამოგვივლიათ, ვის არ დაქანცავს?!

— არა, სულაც არა, — შეკრთა სვეტლანა და ნუკრის თვალებში კრთომა ჩაუდგა, დაწვები აეფაკლა.

— მოშინაურდით. მე გავალ, ტამბურში მოვწევ, ისედაც გაიბულა აქაურობა.

ქალიშვილს ხმა არ ამოუღია, რაც როკიმ თანხმობის ნიშნად ჩათვალა და პერანგისამარამ ღერეფანში გააბიჯა. ჯანიან გამცილებელს თითით მოუხმო.

— ჩვენთან არ ეწევიან, — თქვა ქალმა ღიმილით.

— ვიცი, — სარკმელი ჩამოსწია როკიმ და სიგარეტი ქარბუქიან ტრამალში მოისროლა. შარვლის უკანა ჯიბიდან საფულე ამოიღო. ტუციინა ორმოცდაათმანეთიანი ამოაცოცა. — დასალევი და რამე მისაყოლებელი გვინდა.

— არაყი მაქვს, — ისევ გაიღიმა ქალმა.

— ამჯერად შამპანური აჯობებს, — თვალით ანიშნა კუპეზე, — შორსაა ვაგონ-რესტორანი?!

— მეცამეტეში. რამდენი ბოთლი?

— რა ვიცი, სამი, ოთხი. შოკოლადიცა და ტკბილეულიც გამოაყოლე ხელს. თუ ხილიც იქნება, მთლად დიდებული, — მიაწოდა ტუციინა ხუთთუმ-

ნიანი, — და კიდევ ერთიც, იქნებ სიგარეტი ჰქონდეთ იქ. ამჟამად ორი ბლოკიც ეყოფათ. სტოლიბინსკის ბადრაგი გეყოლებათ შესაყერი!

— ახლავე ავიბარებები, ოღონდ იმ პირობით, ჩემს დაბრუნებამდე ვაგონს უმეთვალყურებთ.

— მოდის!

გამცილებელი დაფაცურდა.

როკიმ კუპეს მიუჯაკუნა.

— მობრძანდით, — გაისმა იქიდან და ოდიშელიამაც კარი თამამად შეაღო.

სვეტლანას სქელი სვიტრი გაეხადა. მაღალყლიანი ჩექმებიც გაეძრო. გიპიურიდან მოუჩანდა გათქვირული მკერდი. ერთიანად აყირმიზებული ჟურნალ „ნოვი მირს“ ჩაჰკირკიტებდა.

— 1966 წელი, — ხმამაღლა წარმოთქვა როკიმ, — საინტერესოა რამე?

— ძალიან. უკვე მესამედ ვკითხულობ.

— ისეთი რაა ნეტავ? რომანია?

— დიახ. „ქალი ქვიშაში“.

— ჩემისთანები დროს ფეხს ვერ უბამენ. იმას უნდა დასჯერდე, რაც შეგ-ხვდება. ზოგჯერ საყურადღებოც გამოერევა. ავტორი ვინ არის?

— კობო აბე.

როკიმ ხელი გაუწოდა ჟურნალის გამოსართმევად. ქალიშვილმა მიაგე-ბა. ოდიშელია ფურცლავდა და თან საუბარსაც აგრძელებდა.

— იაპონელი ყოფილა. იაპონელებისგან მხოლოდ აკუტაგავას ვიცნობ. სულ ეს არის?

— ჰო.

— რომანი ჰქვია და მოთხრობას ჰგავს.

— რატომ, განა მარტო მოცულობაშია საქმე?

— როგორ გითხრათ, რომანისთვის სივრცეს აქვს გარკვეული მნიშვნელო-ბა. „მოშიარე არა ჰქვიან, ვერას იტყვის ვინცა გრძელად“.

— გემოვნებაზე არ კამათობენ.

— სრული ჭეშმარიტებაა. ესე იგი სამჯერ რომ წაგაკითხათ თავი, მარ-თლაც რაღაც არაჩვეულებრივი უნდა იყოს.

— მოყოლით ვერც მოჰყვები, მაგრამ რაც მეტჯერ კითხულობ, სულ ახალ-ახალ სიღრმეებს პოულობ. შინაარსი თითქოს უბრალოა: ერთი ნა-ტურალისტის ბუნებაა გადმოცემული, ხოჭოებს აგროვებს ზღვისპირას. ერ-თხელ ქვიშის ორმოში ჩავარდება და ისე წაუშვა საქმე, იქიდან ველარაფრით ამოაღწევს, სამუდამოდ დაიღუპება ცივილიზაციისთვის, რიგითი დედაკაცის ერთგულება გადასძალავს.

— და ამან მიგიტაცათ ასე?!

— მაგრამ უნდა ნახოთ, როგორი დამაჯერებლობითაა დახატული ნიკი ძიუმპეის ვნებათაღელვანი...

— ალბათ, სტუდენტი ხართ.

— ვიყავი, სამხატვრო ტექნიკუმის მოსწავლე. მამის პატიმრობამდე მატროშებს ვაფერადებდი. მამა ახარატებდა, მე ფერებს ვუხამებდი და ვყიდდი მერე ტურისტებში გროშებად. შინ მოუბრუნებლად გარდაიცვალა. გადმოსვენებისთვის არც გვიფიქრია. მისი საფლავი სადღაც ვეტლავშია. უბედურებამ დედას ხელ-ფეხი წაართვა. ძმაც მიმაგრებაშია და სწავლისთვის მოიცილი განა?! ზატონიკი ჩვენი უბნელია, უფრო სწორად, მისი უმცროსი ძმა ჩემი თანაკლასელი. ვანიას გამო ვთხოვე დამხმარებოდა ამხანაგი. ზატონიკის გავლენის შესახებ დიდ-პატარამ იცის.

შეგახვედრებო, აღმითქვა იმანაც და შემისრულა კიდეც თხოვნა. ზატონიკმა მომისმინა და იქვე მოსჭრა:

ვიცი მე ეგ ამბავიო, ბაბკებია* საჭირო. მთლად გამონთავისუფლება ზღაპარია, მაგრამ სროკის* შემსუბუქება მოხერხდებაო.

მე ავტირდი.

დაწინარდით, გაგონილი მაქვს თქვენს ხელმოკლეობაზეო. იქნებ გამოსავალი ვიპოვოო. მერე მუხლზე დაირტყა მარჯვენა და უცებ, რა იქნება ლენკას მაგივრად ჩრდილოეთში წამომყვო.

ჩრდილოეთში რისთვის-მეთქი.

რისთვის და ერთი ძმაკაცი ზვერი, პანტერ ვალერიანოვიჩი გამოდის ათ დღეში, გრევი მინდა გავუკეთო და რაც ლენკასთვის მეხარჯება შენი ძმის მდგომარეობის გაუმჯობესებას ლამის ეყოფაო.

ისევე ავტირდი. — ერთიანად წამოჭარხლებული სვეტლანა დადუმდა.

— განაგრძე, — სთხოვა როკიმ, თან იდაყვით ეყრდნობოდა დაკეცილ ქუჩრნალს. — მამა როდის გარდაგეცვალათ?!

— ოთხი წელიწადი შესრულდა უკვე.

— ხატვა ბავშვობიდან გყვარებია თურმე.

— მიყვარდა რომელია, ფუნჯი დღემდე არ გამიგდია ხელიდან, მაგრამ საღებავია ძვირი და ძირითადად ტუშით და აკვარელით ვმუშაობ. ვნახოთ მომავალში იქნებ ბედმა გამიღიმოს.

— აუცილებლად, სვეტლანა, მთავარია მონდომება. ძმა უფროსია?

— ორი წლით. მამას ბრონქიალური ასთმა აწუხებდა, მაგრამ კანონი შენს ჯანმრთელობას დაეძებს? ან რა მკვლელი ეგ იყო. სიმთვრალეში შელაპარაკდნენ მეგობრები და სახარატო დანა საძილე არტერიაზე გადაუსვა. გონზე მოსულმა ერთიანად დაიჩეხა სხეული, მაინც გადაარჩა, თუმცა ადამიანის სიცოცხლე გამოისყიდება რაიმეთი განა?!

ოდიშელიამ იგრძნო გამცილებლის ვაგონში შემოსვლა. წამოდგა, კუბიდან გამოიხედა.

— მოხვედი? — თქვა აღელვებულმა.

— ყველაფერი რიგ ზეა. სიგარეტები შეგზავნილია უკვე.

ვისგანო მკითხეს. დავიბენი, არ ვიცოდი რა მეპასუხა.

თქვენებურისგან-მეთქი.

გამცილებელმა მაგიდაზე დადგა პოლიეთილენის პარკებით მოტანილი შამპანურები და მისაყოლებლები.

— ჩინებულად მოქცეულხარ.

— ჩაის ხომ არ ინებებთ?!

— მოგვიანებით აჯობებს, ოღონდ რაც შეიძლება მუჭი და ნაკლებშაქრიანი. თქვენ, სვეტლანა?!

— ჩაიმ თავი მომაბეზრა.

— მაშინ ყავა.

— იყოს.

გამცილებელმა ძველებური ღიმილით ლურჯი ფორმის კალთები დაიბერტყა კუბიდან გასვლისთანავე. ოდიშელიამ კარი მოხურა.

— შორი გზა გამოგივლია ძმის გულისთვის. იცით, როგორი ფრთიანი გამოთქმაა ჩვენში დამპურ სიყვარულზე?! ძმის უბედურების გამო, სადაც დის ცრემლი დაეწვეთება, იქ ცხრა წელიწადს მდგლო ვერ ხარობსო.

უნი. „მაგრამ კალითამადლიანთან პირუკუ რომ მოიქცე, ისეთ საქირქილოს გაგივრცელებს ხალხში, კბილებით ტუჩების კვანტა უსარგებლო იქნება ერთხელ შებარბაცებული სახელისათვის“. შამპანური ხომ არ მოგვეწრუპა?

— პრინციპში არ ვსვამ, მაგრამ ერთი ჭიქა შეიძლება.

დაუკაკუნეს. როკიმ კუბის კარი გამოაღო. გამცილებელმა ჩაი და ყავა მაგიდაზე დადგა. თხელი ჭიქებიც. კვლავ ღიმილი გაუკრთა თვალებში.

ოდიშელიამ ბოთლს ფოლგა შემოახია. არ ჩქარობდა შამპანურის გახსნას და როდესაც გამცილებელმა კარი მოხურა, დრეკადი მავთული ნელნელა აუშვა, უხმაუროდ უნდოდა საცობის მოძრაობა, მაგრამ ნაკადმა ამოხეთქა და კაბაზე გადაედვარა ქალიშვილს.

სვეტლანას შეცხადებისმაგვარი სიცილი წასკდა.

— მაპატიეთ, გაგწუწუეთ. გადავეჩვიე შამპანურს.

სარკმელს მიმწყდარი ასული ხელსახოცით იწმენდა კაბის კალთებს, თან კვლავაც წაიკისკისებდა შიგადაშიგ მიამიტი გამომეტყველებით.

კუპე ორსაწოლიანი იყო, მაგრამ ლოგინები ერთ კედელზე მოეთავსებინა ოსტატს, დაბლა და მაღლა. აქ დამატებით ასაკეცი სკამიც გახლდათ, თუმცა რატომღაც მაინც გვერდიგვერდ ისხდნენ.

ჭიქები დაყოვნებით შეავსო როკიმ, მერე აიღო სიფრიფანა სასმისი და მერეს მიუჭახუნა.

— ჩვენ გაგვიმარჯოს, სვეტლანა.

— გაგვიმარჯოს, — თქვა ასულმა და მოწრუპა.

— დალიე, დალიე, გაგამხნეებს. მომწარო გემო კი აქვს „ბრიუტს“, სა-მაგიეროდ ვერც მშრალი შეედრება და ვეღარც — ტკბილი.

ოდიშელია გრძნობდა ქალიშვილის კანკალს, მაგრამ ატყობდა სიცივისგან არ უნდა ყოფილიყო ეგ. მარცხენა ხელი სველ კალთაზე დაადო. იგრძნო

მკვრივი ბარძაყები და წელანშემჩნეული ცაცხაი ახლა უფრო ცხადი შეიქმნა მისთვის.

— შუქს ჩავაჭრობ. მიმზიდველია თოვლის ნათელში სიარული. — როკიმ გამოცარიელებული ჭიქები ფანჯრისკენ მისწია, ბოთლებიც. პერანგი კაუჭზე ჩამოჰკიდა. შარვალსაც მიუჩინა ადგილი.

— მოდი! — უთხრა ხმაპარვით მერე სვეტლანას კუპის შემოსასვლელისკენ გარმაგებული ბალიშით თავამომადლებულმა, — ამაღამ ეს მატარებელი ჩვენია, — ეჩურჩულებოდა თვალბმბინედილ ასულს და თან მისი გამოკვეთილი თრთოლვა ახლა ოდიშელისაც გადასდებოდა. „საკმაო ხნით ნამარხულევს ჰგავს. არც მე მოვდივარ ბორდერიდან“.

ატმისბუსუსებიან კანზე ეფერებოდა ნელ-ნელა გაშიშვლებულს. არ ჩქარობდა როკი. ყურის ბიბილოსთან უმეორებდა საალერსო სიტყვებს, რომლებიც „ჩემოთი“ მთავრდებოდა სულ. მკვრივ ძუძუებზე ხელის შევლება ქალიშვილს წამოაკენესებდა აქა-იქ, და ახლა შეწყვილებისთვის მომწიფებულად რომ ჩათვალა ფერია, მატარებლის რწევაში მოხერხებული პოზა შეურჩია პარტნიორს, მაგრამ ელდა ეცა. სვეტლანა არც ისე იოლად ასაღები ციხე აღმოჩნდა, როგორც თავიდან მოელოდა. ყრუდ კენესოდა ასული, ოფლად იხვითქებოდა თვითონაც, თუმცა გადარაზული კარები არაფრისდიდებით იხსნებოდა. დაბოლოს, თავგადაკლული შტურმების შემდეგ, ქალწულს ქვითინი რომ წასკდა, ოდიშელია იავარქნილი ტროას ტალანებში ეხეტებოდა, მაგრამ სულიერი ნეტარება სინანულის გრძნობამ და სინდისის ქენჯნამ გადასძალა.

ასული უკვე მარჯვენა მკლავზე ეწვა, ნამტირალევ უბებებს თითებით უმშრალებდა როკი და თან ნათია ახსენებოდა:

მატარებლიდან ჩამოსულმა ოდიშელიამ მშობლებთან ხეირიანი გასაუბრება ვერც კი მოასწრო, ისე ქორივით დაეცნენ მილიციელები ორი მანქანით. ჩამშვების მეტი ვინ ეყოლებოდა როკის, ვინაიდან როცა ერთს ესარჩლებოდა, ათს იმდურებდა. სამხედრო სამსახურისგან მერამდენედ თავისარიდების გამო, ოჯახს ვინღა ჩივის, ნათესავებიც აიკლეს. ამიტომაც გაიხიზნა დედაქალაქს, მაგრამ დიდი ხნით ვერც იქ დაულო გული სტუდენტურ სამომოში „ალჟირულს“ მიძალბებულმა. ახლა კი მშობლიურ კერას მონატრებულ ჭაბუკს შემოეწყვნენ ტურებივით, ისე რომ, ყელში ლუქმაგაჩხერილმა დამალვაც ვერ მოასწრო.

ოდიშელიებს სისხლი გაშრობოდათ. ხმას ვერავინ ძრავდა.

ლეიტენანტი მიწჯორაია უნებართვოდ მიუჯდა სუფრას. იმედმოცემული მასპინძლები დაფაცურდნენ. ხელად მოურბენინეს სუფთა თეფშები, დაწა-ჩანგალი. ჭიქა. სხვები გასასვლელ კარებს ორ-ორად იცავდნენ.

მიწჯორაიას ცხელი ღომი მოართვეს, რომელსაც დაუპატიჟებელმა სტუმარმა შებოლილი ყველი მრავლად დაურთო. ახლადშემოტანილ შებრაწულ ქათამს ბარკალი ჩამოაგლიჯა.

— ჭიკორკული* არ ჰქონდა? — იკითხეს და ღვინო დაუსხა მას, — თქვენ აქ ბაჯაღლო ადესას შეექცევით, ჩვენ კი შიმშილით კუჭი გვიხმება ღეზერტირის დევნაში. ერთი გაწვევა რომ გრძელდებოდეს, კიდევ ჰო, მაგრამ უკვე მესამე წელმა მოიყარა თავი და ვინ იცის, ამის ძებნაში რამდენი ჯიბის ფული დამიხარჯავს.

— ვალში არ დაგრჩებით, — თქვა ვალერიანმა.

— ვალში! ვალში! სამხედრო კომისარი ლოიალობას მბბრალებს, გულგრილობას. უფროს ლეიტენანტობაზე წარდგენილი ლამის ჩამომაქვეითონ, საქმის გულგრილობისა მეტყობა მე რამე? — ხუთიოდე წუთში ჩაპუტკუნებულ დედალს წირვა გამოუყვანა, სამფა ლომიც პირწმინდად მოასუფთავა. კვლავ დააყოლა ღვინო. — თქვენ რას უდგეხართ, — მიუბრუნდა მერმე გასასვლელ კარებთან ატუხულ, იარალამოშიშვლებულ ხელქვეითთა წყვილულებს, — ყველაფერი მე უნდა გასწავლოთ, — თითო-თითო დარჩით, დანარჩენმა შმონი* დაიწყეთ.

ლეიტენანტის ბრძანებამ ყველა დაამუნჯა. ფიქრობდნენ, ფულისთვის არის მოსულიო, შევუგროვებთ ათას მანეთამდე და დაგვეხსნებაო, მაგრამ მინჯორაიას ზურგს უკან სხვა ძალებიც მოქმედებდნენ და თხუთმეტიოდე წუთში, „ვიპოვეთ, ვიპოვეთ“, ხმაურით შემოცვივდნენ ეფრეიტორები.

მაგიდის კუთხე მოასუფთავა მინჯორაიამ, სუფრაც მისწია და გადმოაპირქვევეთო, ბრძანა.

პირველმა, რაც მაგიდაზე ბრავანი მოაღინა, ზიმზიმა „მაკაროვი“ გახლდათ.

— ქაღალდი და კალმისტარი! — გასცა განკარგულება ლეიტენანტმა და მყისვე მოურბენინეს. — ასანთი! — გენერალივით გაიფხორა მთლად მინჯორაია და ბიჭებმაც ქარვისფერ მუშტუკზე წამოცმულ „პრიმას“ ცეცხლის ენები შემოუფხვნეს.

ოქმს ადგენდა. ჩამოწერა სია ჩანთაში აღმოჩენილი ნივთებისა. წაიკითხა მერე ხმამაღლა დამსწრე საზოგადოების გასაგონად და კბილებიდან წაგრძელებული ფრჩხილით ჩიჩიას გამოტანას მიძალებულმა, თქვა:

— მოაწერეთ ხელი!

დეტალებს არ ჩაუწვრილმანდებთ, რადგანაც სრულიად აშკარა იყო — როკის ჩამოშორებით ვიღაცები იღვწოდნენ, დეზერტირობას ცეცხლსასროლი იარაღის უნებართვოდ ტარებით უმძიმებდნენ, თანაც ისეთით — ადამიანის ცოდვა რომ ედო კისერზე.

როკის დაპატიმრების დებიუტზე ვისაუბრებთ მოგვიანებით, რადგანაც სვეტლანას ნოტიო თვალებს თითებით მიძალებულს მაინცდამაინც ღრანდის ციხის ეპიზოდი ამოუტივტივდა გონებიდან:

ბაბკების წყალობით ოდიშელიამ მოახერხა სანიტარულ ნაწილში განემწესებათ, რომელიც ხის დერეფნიანი შენობა გახლდათ. მარ-

ჯგენა მხარეს მამაკაცები იწვნენ, მარცხივ — ქალები. როკიმ სწორედ აქ გაიცნო ცხრაშექტი წლის სოხუმელი ნათია. მოძალადეს ხორცსაკეპი დანა გაუყარა თურმე მუცელში. უფროსებს, ზოგიერთი ავხორცის გამოკლებით, ებრალებოდათ შველივით ქალიშვილი. საკანში გამოსამწყვდევად ვერ იმეტებდნენ და სულ ხანიტარულ ნაწილში ავზავნიდნენ. ისინი მალე დამეგობრდნენ. ქალწული ჯინსის შარვლით დადიოდა დერეფანში მიწვივ. მართლაც აღს ჰგავდა, მონადირეთა გონების ამრევს. როკის უდრეკლობისა და მოქნილობის ამბავი უკვე კარგა ხანია გაცდენოდა დრანდის ცინის კედლებს. მათ შორის განსაკუთრებით განსაუარებული ავაზასეური ნახტომი იყო.

ნათია გადელია დედამამით ქართველი კი გახლდათ, მაგრამ რუსულ სკოლაში გაზრდილს მშობლიურ ენაზე წერა-კითხვა ეძნელებოდა. როკი ოდიშელიას კი პირიქით, რუსულად აზროვნება უჭირდა, განსაკუთრებით — მართლწერა.

მამა ადრე გარდაცვლოდა ნათიას და მასწავლებელ დედას საიდან აღმოაჩნდებოდა ცხრაკლიტულში ჩავარდნილი ქალიშვილის დასახსნელი ათასები?! როგორც თივაში ცეცხლს ვერ დამალავ და სიმთვრალეს — თავში, ასეა ციხეც, შენი ავანჩავანი ხელისგულზეა გაშლილი, ჰოდა, როკის საარაკო თავგადასავლებით მოხიბლული ნათიაც, რა გასაკვირია აქეთ წვეოდა მთელი სატუსალოს უსაყვარლეს პიროვნებას.

ერთ მშვენიერ დღეს ოდიშელიას პალატის კარმუშკა გამოადო ნათიამ, ჩაიკუნა, სიგარეტს ეწეოდა და თან ამბობდა:

— ბიჭებო, პანტერა რომელია, მინდა გავიცნო!

ამოიღო ხუთი ბაშო ანაშა* და როცა როკი წინ წარუდგა, უსწრაფესად გადასცა, მაგრამ ამ სინქარეში მაინც გაკვესა მათი ხელების შეხებას.

— გავიცნოთ, მე ნათია გადელია, — თქვა ეს და სრულიად უადგილოდ გაიცინა, კრიალა, ჩაწიკვიკებული კბილები გამოაჩინა პატარა, აღისფერი ტუჩებიდან.

— მე — პანტერა, იგივე როკი ოდიშელია, სუფთა სისხლის არიელი. ამაზე კვლავ გაიცინა ნათიამ.

— მართლაც გადაახტით ოთხმეტრიან კედელს? — ჰკითხა უეცრად დასერიოხებულმა.

— ციხეში ტყუილს არ კადრულობენ.

ნათიამ ასედა ხანიტარული ნაწილის ქერს, მერე წარბები აწიდა.

— კი, მაგრამ როგორ, ოთხ მეტროზე გადავლება ყოვლად წარმოუდგენელია.

— სეირნობაზე გაგვიყვანეს. ციხეში ბევრი ზეკი* დებდა თავს გაჟუკაცობაზე, საკუთარი თავის დამკვიდრებაზე. უცებ ფისომ...

— ქუჩულორობამ?! — ჩაეძია ნათია.

– სო, ფისო ქუჩულორიამ შეჯიბრი წამოაგორა.

ვინათ ვინ არის ჩვენში ფიზიკურად ყველაზე მომზადებულიო. ვინ გააკეთებს ყველაზე მაღალ ნახტომს და რომელი მიაწვებს გაზეთის ნაგლეჯს „პრაგულკის“ კედელზეო.

იყვნენ ტანმაღალი ბიჭები, გოგია ახალციხელი, მითუშა ქუთაისელი, სხვანი და წავიდა ნახტომების სურია. კედელი ნელ-ნელა აჭრელდა გაზეთის ნაგლეჯებით. მე სულ ბოლომდე დავრჩი. ფისომ იცის ვადმოცემით მუშტი-კრივში შეუდარებელი ვარ, არც სიმაღლეზე სტომაში ვიქნები ჯაბანი, ეს ეიმედება.

თუ კედებს მათხოვებ, ყველას მოფუჯოკრავ-მეთქი, გავნდუ.

ჯგვავჯგვი, პანტერას შერქმევამდე ასე შექაზდნენ, ოღონდ მასახლე და მაგაზე გადარდებო. გაინადა კედები. „პრაგულკის“ ბარიერზე ჩამოჯდა. წინდებიანი ფეხები ქუსლებით ჩემს ფეხსაცმლებზე უდევს. ჩავიცვი. ახმანები ირონიულად მიმზერენ შედარებით ტანმორჩილს, მაგრამ მე ისტიბარს არ ვიტყვ. მზიანი დღეა. „პრაგულკის“ კედელი გახუნებულია მზისგან, სორკლიანი, ხეშეში. ვაკეთებ შორეულ გარბენს, მეტრონასეგარზე მივანტები კედელს, მერე ფეხს მოვუნაცვლებ, სუნთქვას ვიგუბებ, სხეულის წონადობას ვკარგავ, თითებით კედლის კიდეს ჩამოვებლაუჭები, შეკუმშული ზამბარასავით ვიშლები და ელვისებურად გადავვგლები. ეგ არის და ეგ.

– ახლა მჯერა, – თქვა ნათიამ. – წერილს გამოვიგზავნი ამაღამ, თუ ფანქარი არა გაქვს, იმასაც.

ასე გაგრძელდა ქალ-ვაჟის მიმოწერა ორ კვირაზე მეტ ხანს. ნათიას ბატიფეხურ ქართულს არაფრით ჩამოუვარდება როკის ჩინური იეროგლიფებით შესრულებული რუსული. წრფელია გრძნობა, დაუოკებელია ჟინი. ბოლოს დათქვეს შესვედრის დღე. კარგი ცვლაა. ქესი დაუადეს* ზედამხედველს. ნათია ჯინსების ნაცვლად კაბით მოვა, ვინაიდან ნაბოქები ხუთი წუთი მარტო შარვლის ჩახდას არ ეყოფა და შეიძლება სიამტკბილობა ჩამწარდეთ. სამორიგეო ოთახში, სადაც ერთი საწოლი და მაგიდა იდგა, ცალ-ცალკე შეიყვანეს ნათია და როკი. გარედან კარები ჩაუკეტეს. ორივე ჩქარობს, სულსწრაფობენ, ერთმანეთს კოცნიან, ხელები კი ტანსაცმელს აბრდღვნიან ამბოხებულ სხეულებს. წამის დაკარგვა საუკუნის წართმევის ტოლფასია.

– იცოდუ, ქალიშვილი ვარ და გავიჭირდება, – ეჩურჩულება ნათია, – ისე მიღრენენ, აქედან ცელკის გაღწევა შეუძლებელია. პირველი შენ მინდა იყო. – ხუთი წუთი ამოწურულია მაჯის საათზე, მაგრამ ქალი მაინც ებლაუჭება, – კიდევ, კიდევ! – ლამის ემუდარება და როკისაც ავიწყდება დროის არსებობა, ნურაფრის გეშინია, მეორე ხუთი წუთის ჩემგანაც მიღებული აქვთ...

ჩაცმულები ლასლასით მიეყრდნობიან სამორიგეოს საღებავა-

ქერცილი კარს. სანამ ფულია, შეხვედრები კვლავაც გრძელდება, მაგრამ თავზესაყრელი დრო ორივე მხრიდან კატასტროფულად მცირდება, მერე სულ ამოიწურება, თანაც მათი შეხვედრების ამბავიც გაჟონავს სანიტარული ნაწილიდან და ნათია უკვე ხელისხელსაგომ-მანებელი ხდება. უკანასკნელ პაემანზე ამჯერად თავად როკის შეუქცევია ზურგი. საბაბი უფულობაა, თუქცა სინამდვილეში უფრო არსებითი მოტივები ექებნება მათ საუკუნო დაშორისობებს.

სვეტლანა ხელისგულზე კოცნიდა ოდიშელიას.

— ბედნიერი ვარ! — ეჩურჩულება ქალი.

მატარებელი ირწოდა. ახლა პირდაპირ ბოთლიდან ყლუბავდნენ შამპანურს. ჩამუხლებულიყვნენ. გამომწვევი გახლდათ ქალი. ბარძაყებზე დაღებული როკის ხელები ძუძუებისკენ წაიღო.

— იცოდე გეტკინება, — მოფერებით უთხრა როკიმ.

— ეგ ჩემი პრობლემაა, — ჩურჩულებდა ქალი და ზურგზე გადაწვა.

მატარებლის ბორბლები თითისტარჩივით იხვევდა დედოფლის ნეტარებაგარეულ კენესას. როკის გონება კი სხვაგან ქროდა.

თბილისის ცინიდან რუსეთში რომ მიჰყავდათ ოდიშელია, ეტაბი ორმოცდამეექვსე საკნიდან მოუწევს. მასთან ერთად მოდის ოთხი ახალგაზრდა ქურდი, რომლებიც პირველად გადასერავდნენ სამშობლოს საზღვრებს და საუბედუროდ არც საყველბურო რუსული იციან. ორმოცდამეექვსე საკანში რვა ქურდი ზის, აქედან ისეთი ცნობილი ასხები, როგორიცაა: ზურა ქართველიშვილი, პუშკინა, ჭიბია და მისი ძმა თემო, სხვანიც.

— პანტერა, შენ მეორედ მიდინარ კამანდროვკით*, — უთხრა ზურამ, — ესენი კი — პირველად, თან რუსულ ენასაც ვერ ფლობენ. გაუძნელდებათ. ანზორა ჩემი სიტყვიდან არის, მაგრამ ვიდრე შენთან იქნებიან, სადარდებელი არაფერი შექნება.

— აზიის მიმართულებით თუ წაგვიყვანეს, მხედველობაში მაქვს ბაქო, ასტრახანი, აქტიუბინსკი, — ეუბნება ძმაკაცს როკი, — ბაქოს პერესილკაში* თუ შეხვედები ქურდს, თორემ იქით ვერავის ნახავ. ხოლო ვეროპის ნაწილით თუ წაგვდით: როსტოვი, რიაზანი, ტულა, ვოლოგდა, იართსლავი, მაშინ გამოჩნდება პრობლემები. ენის უცოდინრობას ეშველება, მაგრამ მთავარი სულ სხვაა — ფილკა, დუხი*, სისუფთავე და ის რუსული, რაც იციან საკმარისია ფონს გაგვიდნენ. ძირითადია თავიანთი მე შეინარჩუნონ და ვინმე შაკალმა* სახელი არ წაართვას. იციშენც, მთავარი მაინც გლოტკაა*. ორი რუსი განაბი რომ საუბრობს ერთმანეთში, სახელმონვეჭილი ენათმეცნიერიც დააყენო თავზე, ვერაფერს გაუგებს იმათ ჟარგონებს და ფენიებს*. მოკლედ, თვითონ ნახავენ პა გხოლუ დელო*.

ოთხშემეტი პატიმარი წაიყვანეს თბილისის ციხიდან, აქედან ოთხი ქურდი იყო. ერთად გაიარეს როსტოვი, განვლეს რიაზანი, ტულა; გაცდნენ იაროსლავს. მირახრახებს შემაღვენილობა სვერდლოვსკის პერესილკისკენ.

პასან ბაქოელთან და რაფიკა ერევნელთან გასარკვევი არაფერია, ორივეს რესპუბლიკური საავადმყოფოდან იცნობს როკი, როსტოვში შემოუერთდნენ ეტაპის დროს, მაგრამ აქ არიან სახელგანთქმული სხვა ქურდებიც: კოლია ბენდერი სამოცდაშვიდი წლისაა, ოცდათორმეტი წელი გამოუსვლელადაა ნაჯდომი, აქედან დაკეტილში – თვრამეტი, დანარჩენი – ბურებსა და იზოლატორებში. როცა ერთმანეთს გაეცვნენ, ჰკითხა ოდიშელიას ბენდერმა, ფისოს თუ იცნობდა ან გივი კნაზს.

– ჩემი უფროსი ძმაცკები არიან ფისო და გივი, – გაენდობა როკი, ერთად ვართ ნაჯდომები და პურსაც ერთად ვტყენდით.

ასეთი პასუხი სრულიად საკმარისია ბენდერისთვის ოდიშელიაზე გარკვეული წარმოდგენა იქონიოს. მისთვის ცხადია, რომ ამისთანებზე არ ხუმრობენ. ყალბის მიკერება გამორიცხულია.

დაუსახელა კოლია ბენდერმა კავშირში ყველაზე წინაინი ქურდი ვასია ბრილიანტი, რომლის თაობაზე ბევრი სმენოდა როკის, მაგრამ ჯერ არსად შეხვედროდა.

სვერდლოვსკის პერესილკაში მიმავლებს თან მიჰყვებოდათ ერთი მაგარი ავტორიტეტიანი ქურდული მუჟიკი*, გენკა პოდბოლოტოვი, რომელიც თავის სიტყვაზე იყო, რასაც ბეზ პიტი მინუტს* ეძახიან ქურდულ სამყაროში. შვიდი კვირა იჯაყჯაყეს ერთად. სტოლიპინსკის საკანი გადატვირთულია. ჯერ კაცები აიყვანეს, მერე – ქალები ყველა ასაკისა, უმეტესად სულ ახლად გაფურჩქნილი კოკრები, ნორჩები, მთლად გაუმღელი ვარდები. თვალი უკეთესს რას ნახავდა. შავი ვალები ეცვათ, მინი კაბების ქვეშ აწვართული ფეხები უბზინავდათ, მოკლე ტელოგრეიკები ზებრა მაისურებზე შემოეჭირათ. ყველას ზურგჩანთები ჰკიდა, აქა-იქ გიტარები ჩამოუკონწიალებით ყელზე. ჩასხეს თუ არა, ისეთი მხიარულებითა და სინალისით აიგნო სტალიპინსკი, თავისუფლება დაავიწყდათ. ქალიშვილებმა დაჭიმეს გიტარის სიმები და წავიდა განუმეორებელი ჩასტუმკებით სიმღერა. ბადრაგი ყვირის, გაჩუმდით, გაჩუმდითო, მაგრამ ვინ გიგდებს ყურს.?!

როკიმ დაუძახა ჯარისკაცს და შეახსენა, ბრასლეტის ახსნა არ დაგავიწყდესო. სალდამთაც ისმინა ტუსაღის მოთხოვნა და ხელბორკილისგან გაანთავისუფლა.

ოდიშელია ეტაპში სულ ბრასლეტებით გადაჰყავდათ, რადგანაც როგორც მოგვიანებით შეიტყობს, თურმე მისი საქმის გარეკანზე პატარა ფურცელი ყოფილიყო დაწებებული, სადაც კუძას – ოპერს ფან-

ქრით წაეწერა პატარა დახასიათება, იგივე, რაც ანოტაცია წიგნისთვის, ან უკვე რტიურა სიმფონიისთვის. თავად დახასიათება კი შემდეგი შინაარსისა გახლდათ თურმე: ხელჩართულ ჩხუბში შეუდარებელია. მიდრეკილება აქვს მკვლევლობისკენ, ძალიან ჭკვიანიანო. ჯარისკაცი როკის ხელებიდან ბორკილს რომ ხსნიდა, ამ უკანასკნელმა ყურში უჩურჩულა ცხაურადან:

— ქალებს პრიკოლი* რომ გავუკეთო, დათანხმდები?

— ბადრაგის უფროსს შეგვეკითხები, — თქვა იმან. ცოტა ხანში დაბრუნდა და მოსჭრა, — ფილკი იესტ?*

— რა თქმა უნდა, — მკვირცხლად მიუგო როკიმ.

— ბაბკი წინდაწინ! — უთხრა ბადრაგმა.

— მაშინ ტუალეტში უნდა გამიშვა, წამით შეგხედავ მაგათ საკანს, ამოვარჩევ, ქსივით შევბამ და ფულსაც მერე მოგცემ.

— კარგი, კარგი! — დაყაბულდა ბადრაგი.

აქ, ოდიშელიას ხატაში, ჩვენს გმირსა და გენკა პოდბოლოტოვს განუზრახავთ ქალების შებამა. ჰასან ბაქოელს, რაფიკა ერევენელს თუ კოლია ბენდერს უკვე დედაკაცებისთვის არ სცხელათ. მათ ჩიფირის მოხარშვის ნებართვა გამოუთხოვიათ ბადრაგისგან, პატიმრის დიდი ტოლჩისთვის კოვზის ტარი გაუყრიათ, გაუფხრეწიათ შარვლის ერთი ტოტი, მილივით მოურგათ გაჩაღებული ცეცხლისთვის. ნახევარ საათში ჩიფირიც მზად ექნებათ. ამასობაში ვაყებს მოუვიდათ პასუხი თეთრონეთიდან.

ოხუნჯობანი, ჩასტუშეკები და სიცილე-კისკისი კვლავაც გრძელდება. მამაკაცები ხარხარებენ სახუმარო შაირებზე. ზოგი ისე ჩაბჭივრებულა, თვალეებზე ცრემლი მოსწოლია.

მოვიდა დრო. გაიყვანეს ოდიშელია და ტუალეტში შეამწყვდიეს. რამდენიმე წამში თვრამეტი წლის ანგელოზიც შემოუგდეს. გადაურაზეს მერმე კარი.

— სამი წუთი! — გააფრთხილა ბადრაგმა.

— თითოც სხვა საჭიროებისთვის, — შეევაჭრა როკი.

— ოღონდ წამითაც მეტი არა.

— ქალური ავადმყოფობა მჭირს, ხომ არ დამიწუნებ?

— რა დროს ეგეთებზე ფიქრია, — უწყრება ოდიშელია, — ხელსაბანს ჩაეჭიდე, აი, ეგრე, მოეშვი, მოეშვი! — ვაგონი ქანაობს. ქალი კვნესის, დროდადრო ამღვრეული თვალეებით მოხედავს...

ხატაში ბიჭები იცინიან.

— როგორ არის საქმე, პანტერა? — ეკითხებიან ხითხითით.

— ნიშტიაკ ბიკსა, ვაბშე ბაბა, ტო შტო ნადა.მ

ასწა გენკა პოდბოლოტოვი გაჰყავთ, მაგრამ ორიოდვე წუთში გაფიცებული ბრუნდება. დუჟმორეული შეუკურთხავს როკის. ოდი-

შელია ჩვეული სიმკვირცხლით წამოვარდება ზედა საწოლიდან. ყველანი ზემოთ წვანან, მხოლოდ პოდბოლოტოვია დაბლა.

- რაზე? – ეკითხება როკი.
- რატომ და იმ გოგოსთან მე მქონდა მიმოწერა.
- ამისთვის შემაგინე? – მგლისფერს დაიდებს ოდიშელია.
- დიახაც! – იტყვის პოდბოლოტოვი და კვლავ შეუკურთხებს.

იატაკზე ჩამოსტა როკი და თავი მოწყვეტით დაუქანავა. გენკა მოცელილივით ჩაიკეცა, ვერც წამოდგა. ოდიშელია ელვის სისწრაფით ახტა ზევით. იატაკზე ჭოლოკივით გაშოტილ პოდბოლოტოვს დაესივნენ მღიქვნელები. ცეცხლზე ნავთი დაუსხეს.

– ამდენი ქურდის თვალწინ, ამისთანა პიროვნებას ხელი როგორ დაგართყა?

გენკა თვალებს გაახილა და მაშინვე მიღებას ითხოვს ქურდებისგან.

წავიდა საქმის გარჩევა.

– ქალის გულისთვის კარგ ბიჭს არ ავინებენ, ვინც უნდა იყოს იგი, – განმარტა როკიმ, – ქალი პატივსაცემია დედა და და, დანარჩენი, როგორც ქურდები იტყვიან, ნაჩნეე პასტელი.* ესეც რომ არა, საიდან მეცოდინებოდა გენკას გოგო რომელი იყო? ჩვენ სომ ცალ-ცალკე გაგვიყვანეს ტუალეტში. ის სტერვა ორივეს გვაძამიუნებდა. რომელთან გამოუვიდოდა, პირველი სწორედ ის იქნებოდა.

– ძმას ძმის ხელი არ ეტკინება, – განაცხადა ბენდერმა, – პანტერა მართალი არის, მაგრამ არც ასეთნაირად გამეტება ივარგებს. ხელი ჩამოართვით და ერთმანეთი გადააკოცნეთ.

ვაგონი ირწეოდა. სვეტლანა მოთენთილობას დაეოსებინა და ნებიერად ფშვინავდა.

მიადგებიან სვერდლოვსკის პერესილკას. დაემშვიდობებიან ჰასან ბაქოელს, რაფიკა ერევნელს და კოლია ბენდერს. სვერდლოვსკის პერესილკამდე პანტერას ოთხი ნაცნობიღა შემორჩება, ოთხივე ქურდი.

სვერდლოვსკის პერესილკას კავშირში ბადალი არ ჰყავს. აქ დღეში რამდენი ათასი კაცი მოდის და რამდენი მიდის, ღმერთმა თუ უწყის მხოლოდ. აღმინისტრაცია ძლივს ასწრებს დაფიქსირებას და უღუფის გაცემას. სვერდლოვსკის ციხე „ისპოლნიტელადაა“* მიჩნეული. რუსეთის სხვადასხვა კუთხიდან მოაჩინდრიკებენ სიკვდილმისჯილ ხალხს და განაჩენი აქ მოჰყავთ სისრულეში, როგორც – როსტოვსა და თბილისში. ჰასანასა და რაფიკას რწმუნებით ბაქოსა და ერევნის სიკვდილმისჯილებს საქართველოს დედაქალაქში სვრეტენ.

სვერდლოვსკში ჩამოსვლისთანავე შეიტყო ოდიშელიამ, რომ გზაზე სულ ათი ქურდია, ზოგი ეტაპს უცდის, ზოგს დაკეტილი დაუშთავრებია, წინა ზონა არ ღებულობს, ელოდება საით გაახაწილებენ; ზოგს კიდევ — კრიტი აქვს მისჯილი და ელის, როდის და საით განამწესებენ. ამასობაში გარბის სამი-ოთხი თვე.

მიადგენ ციხეს, ჩამოიყვანეს და ხუთკაციან ბოქსებში შეჰყარეს. აქედან გამანაწილებელ საკანებში. აქ, როვისთან მყოფმა ოთხი ქურდიდან ორმა მტკიცე უარი მოხია:

კამერაში შევალთ, ოღონდ ქურდობას არ გამოვაცხადებთო. ჩვენ ამ ტვირთს რუსეთში თორმეტ-თხუთმეტ წელიწადს ვერ ვატარებთო. აი, აქეთ, აი, იქით, მაგრამ ოდიშელიას არაფერი გამოუვიდა. მაშინ კი გაწერა როკი:

— თქვენი დედა... ახვრებომ! საზამთროსა და შემწვარ გოჭს რომ ურტყამდით საქართველოში, მაშინ კი გინდოდათ ეს სახელი. ახლა მოისროლეთ უვარგისი ჩვარივით, ხომ?! იცით, რომ ეს სახელი აქ, რუსეთში, წამებისა და წვალების მეტს ვერაფერს მოგიტანთ, ან თქვენისთანა დოდიკებს, დედიკოს შვილებს, ვინ შეატოვებს ამ სახელს? თქვენ უნდა იყოთ სტუდენტები, ბაბოჩკები იართო. ასეთი კატეგორია ხალხისა გვჭირდება ჩვენი ქვეყნის მომავალ ინტელექტუალად, ხოლო ქურდის სახელი თქვენთვის შეუფერებელია. სად გაქვთ თქვენ მისი ფილკა, ვაჟკაცობა, ამტანიანობა. თქვენ ბალაჟინის სპეკულიანტები ხართ, მოკლედ, გასაწირები — უბრალოდ, ქართველობას რა ვუყოთ თორემ!

მეორე ორი მართლაც ბოლომდე მიმწოლი გამოდგა. ცოტა რუსულიც ეხერხებოდათ.

წინა ორსაც, ამათაც, გზაში ბევრი ნოტაცია წაუკითხა ოდიშელიამ. ახლაც ჩაუტარა ხუთწუთიანი გაკვეთილი:

— არსად წამოვცდეთ, რომ ის მომიდგა, იმან მომწათლა; ან იმის სიტყვიდან ვარ, სხოდკა იყო, ხალხი შევავროვე და იქ გავხდი ქურდიო, გაიგეთ?! — მოძღვრავდა მიმწოლ წყვილს ქვეშეამოსულების თანდასწრებით როკი, — აქ, რუსეთში, სულ სხვანაირად უყურებენ, სხვანაირად ესმით. ახლა რომელია მართალი უმარჩიელე, აქ, ასე: ახალგაზრდა ბიჭო, მომპარავი, რომელიც სვაბოდაზე ქურდებთან ტრიალებს, ომშიაკოვია*, იჭერენ, ქურდად შემოდის ზონაში თუ ციხეში და ვინმე, რუსები რომ იტყვიან, ზაიენიოტ*?! ეს ყელზე წაუჭერს, სმროსს* მოსთხოვს. აი, აქ შეგროვდება ქურდობა და ის მიიღებს, განეთქავს ნაკერავზე. მერე ქურდებს მიუბრუნდება და ეტყვის:

ქურდებო, მე ქურდი ვარ, თქვენი ოჯახის წევრი. ვის აქვს პრეტენზია? თუ ვინმე წამოვიდა წინააღმდეგი, იმასაც უმტკიცებს, რომ ქურდია და ცხვირს დაუნგრევს. თუ ვერ დაუმტკიცა და არ ეყო ფილკა, დუნი, გლოტკა, და არც იცნობს ვინმე, როგორც თვითმარქვიას, ნაკერავზე გა-

სეთქავენ. გასაგებია? არაფერია, აქაც ვიგრიმიტებთ! ოღონდ იქით კბენა არ გინდათ. აქაური ვზროსლი* ქურდები ოცი-ოცდასუთი წელი ზიან და წიგნს ხელიდან არ აგდებენ. მარქსის „კაპიტალი“ დაღეჭილი აქვთ. ამათთან კამათს ცოტა გვერდი აუარეთ. ესენი ისეთი ნაკითხი და ძლიერები არიან, სუთ წუთში გააშავებენ თვით ზალატოი ბიტიორკის* ნებისმიერ წევრს. მხედველობაში მყავს ადვოკატთა სუთუელი, რომლებიც კავშირში პირველნი არიან, მაგრამ ეს იმას არ ნიშნავს, რამე დაუთმთ. სრედი ვოროვ პობა ნეტუ*. ქურდი ქურდია, მოხუცია თუ ახალგაზრდა. თქვენც იცით, ზოგჯერ ჩვენთან, დაკეტილში ან რეზბალნიცაშიმ საერთო ფულებს ყველა ქურდს არ უტესენ* ზონიდან რომ მოდის. მე რამდენჯერ მინახავს, ქურდები შეაგროვებენ კრიტის სხვადასხვა კამერიდან ფულს, რეზბალნიცაში გადაავაზანან. მერე ვინმე ფისოსავით ავტორიტეტი, ამ ფულს მეოთხე ზონაში გადაისვრის. იქიდან წამალს გადმოსტყორცნიან, ხოლო განაწილების დროს თითქმის ყველა გადაგდებული რჩება. თუ ვინმე ვაბედავს კრიტიდან* რეზბალნიცაში დაახახებას: ჩემი წილი წამალით, აქედან ფისო აუხიბიშდება:

არ გადმომიყვანო მანდ, თორემ სარეანიმაციოდ ვაგინდი საქმესო. შენ პური ჭამე ბევრი, კარაქი წაუსვი, რა გეწამლებათ. მამაშენმა შენი თავი მე ჩამაბარათ. მორჩა ლაპარაკი. ან იმათ საერთო ფულს ვინ აღირსებს? აქ სულ სხვაგვარადაა. ის ახალგაზრდა ქურდი თავს მოაჭამს ნებისმიერ ასს, არაფერს დაუთმობს მიმწოლი თუა.

მოკლედ, ამდენ საუბარ-საუბარში ეტაპელებს შეიყვანენ ვეებერთელა საკანში, გნებავთ მოსაცდელი გვიწოდებია. ასეთი გრანდიოზული საკნები რამდენიმეა განლაგებული პირველ სართულზე. აქ ორ-სამ თვეს რჩები. საკანში ორმოცდაათ-სამოცი კაცია შეყრილი. სანამ სამმართველოდან არ მოგვია განაწილება ამა თუ იმ ოლქსა ან მხარეში, ისვანცალე ბადეში-მომწყვდულ თევზივით. ჰოდა, რომ შევლენ როკი და მისი ბიჭები ამ უშველებელ, მაღალჭერიან სარკოფაგში და ისილავენ გვერდებზე ორსართულიანი, ერთმანეთზე მიტყუებული რკინის საწოლების შემადგენლობას, ხოლო შუა მოედანზე მათზე გადაკერებულზოლებიან შალითებს, ჩასნილი კალოებით, თავს ინდიელების ვიგვამებსა თუ შუააზიურ იურტებში დაიგულებენ, სადაც ათასი ტემპერამენტიითა და ტემპრით ბაბილონის გოდოლისებური ბაბანება გამეფებულა. აქ ისეთი შთაბეჭდილება გრჩება, ლომიც რომ ლომია, საცოდავი კატის იერით გამოიყურები. შენს ომანთანობას, გამბედაობას და ფიზიკურ შესახედაობას წამში შთანთქავს ეს გეება, დევივით ხანადაღებული აკლდამა. აქ მყოფთაგან სამოცი პროცენტი ასობნიაკები,მ პალასატებიმ არიან. შვიდი, რვა, ცხრა, ათი ნაჯდომობა აქვს უმეტესს, ან ერთხელ შემოვა როკივით, ყურყუტებს ოცდასუთი

წელიწადი. ბავშვი დაიჭირეს, უკვე მოხუცია. აღარც დედა ჰყავს, აღარც — მამა და ძმა. გარეთ გასვლის ინტერესი დაჰკარგვია. ქალი ლოგინში თავის დღეში არ უნახავს. მართო ეტაპის დროს პატიმარი კაბიანი თუ დაუღალდავს შორიდან, ეგ არის და ეგ. ზოგი მაგათ ნაჩუქარ ლიბნიკებს* დაატარებს, წლობით ინახავს, რათა წარმოსახვაში გაბრუნდეს ქალის სურნელით. ასეთ სიტუაციაში სწრაფი რეაგირების უნართან ერთად, გამჭრიახობაც უნდა გიწყობდეს ხელს, ელასტიკურობის მხარდამხარ უდრეკლობაც გიმაგრებდეს ხერხემალს, და ყოველივე ეს შერწყმულად თუ უბოძებია შენთვის განგებას ენამახვილობის ჩათვლით, ეჭვი არ არის, უმაღლვე მიიქცევე ყურადღებას — მთელს სამშართველოში სახელი გაგივარდება.

აქაურობა რენტგენივით გაშუქებს, მიკროსკოპივით გშლის და გაანალიზებს, ტელევიზორის ზესიმძლავრის ანტენებივით გაგტყორცნის კავშირის ყველა მიმართულებით ზონებსა და კრიტებსში. შეუღარებელია სვერდლოვსკის პერესილკა.

შეაბიჯებს თუ არა ოდიშელია საკანში თავის ბიჭებთან ერთად, შესასვლელშივე, კარის მოხურვის უმაღლ თთხი ასობნიაკი აესვეტებათ, რომლებიც ელვის სისწრაფით ჩექმების ყელიდან დანებს დააძვრენენ. ხალხით გადაჭყდილ საკანში ესენი, ეტყობა, ყველაზე ჩაუქნი არიან.

— ანუკა მეშვი ნა პოლ!* — ბრძანებენ.

მთელი ხატა ახალშემოსულებს მიაჩრდა. კარგებიდანაც კი გამოიჭვრეტენ. დამხდურები ეტაპიდან ახალმოსულებზე ნადირობენ, როგორც შველი — ცხვრებსზე.

ოცი კაცი შემოვა საკანში, მათ შორის ხუთი ქართველი, ქურდობაზე თავდადებული ორი სულის ჩათვლით და ოდიშელიას გამოკლებით ცხრამეტივეს ფერი წასვლია. როკი ბევრის მომსწრეა, არ იბნევა და მაღალი ბოხი ხმით კითხულობს:

— ხატა ვარავსკოი?!

ახლა დანიანები დაიბევიან. ამისთანებს აქ არ ახსენებენ. თავად რუსი ქურდებიც კი ჩუმაღ შემოდიან. ვინმე იცნობს და მერე გალაღდება, ცხადია, საკანი ქურდული თუა. მაგრამ დასაწყისიდანვე ვინაობის გამჭვრელება სარისკოა, შეიძლება ხატა ბოზური იყოს და წუთში დაგბრიდონ. ჰოდა, პასუხად ოთხეული დანებს დაკეცავს და კვლავ ჩექმის ყელში ჩააბრუნებს.

— და ბრატვა, ხატა ვარავსკოი.

— ა ჩეგო ტი კრისა შურუდლივიაია, ნოჟომ ბროდიშ, ვ ხატე რაზგულივაეშ?!* — ეუბნება როკიმ უახლოესს იმ ოთხიდან და ისეთს გლიჯავს, ადგილიდან მოწყვეტილი ბეტონის იატაკზე დაენარცხება და არ გაინძრევა.

— თქვენ, — მიუბრუნდება ახლა კურდღლებივით დამფროთხალ სამს

ოდიშელია, — ბლადსკაია ვაში ხარია, ვსე ატ ვას სპროს ბუდეტ!*
 აქ იკადრებს ტულიაკი კუთხის კარვიდან გამოსვლას.

— ქურდები ხართ, ძებო?! — იკითხავს სამოცს მიტანებული, საშუალო სიმაღლის, სიმპათიური, ქერა მამაკაცი, — მე იურკა ტულიაკი ვარ, ბასიაკი.

— კტო ეტი მახნოვშინინი? — ჩაეძიება როკი.

— და ნუ იხ, პოსლე აბიასნიუ. აქ არიან ხანია მარდგინი, გივი კნიაზი, ვაშ ზემლიაკი, ზვერიუგა ტო შტო ნადა, — განაცხადებს ნახევრად იუმორით ტულიაკი, — ვასია ზატონიკი, კოლია ასეტინ. ბრილიანტა აჟიდაემ ნა დნიახ. ვსე ანი ურკი. პაიდომი, პაზნაკომისია,* — ამბობს და თავის კარავში შეიყვანს. მიედევნებიან ბიჭებიც. გააღვიძებენ წაშლის თუ კაიფის ქვეშ ნირვანაში წასულ ხალხს. წავა ჩიფირის ადუღება. ანაშის კასიაკების* აფეთქება. ვიტარისტს დაუძახებენ, მოკლედ, უმაღლეს დონეზე მიიღებენ. ახალგაზრდა ქურდებს ბედი გაუღიშებთ. ამათი გაცნობის შემდეგ, შუქნიშანი მწვანედ აენთება. ამისთანა ასეუბთან თრი თვე ჯდომის მერე ვინ გაუბედავდათ რამეს? აქ დაუძმაცადება როკი ზატონიკს და იურკა ტულიაკს. გივი კნიაზს კი დრანდის ციხეში დაძმობილება შვიდი წლის წინ. მთელი ექვსი წელიწადია არ უნახავს მეგობარი. გივი ოჩამჩირელია, გვარად ახალაია. შესვლებიან ერთმანეთს, გადაეხვევიან ძმურად, გაიხსენებენ მთისას და ბარისას.

ორი დღის შემდეგ მოვა ვასია ბრილიანტი და ახალგაზრდა ჟენია ციგანი.

ბრილიანტი შემოსვლისთანავე ციგანს ქურდად მოიხსენიებს. როგორც მოგვიანებით გაირკვა, შვილივით ჰყვარებია. დიდი ხანი ერთად მსხდარან, მაგრამ გივი კნიაზი წინააღმდეგი წავა.

— მე მაგას ქურდად არ ვიცნობ! — გადაბასრავს სამართებელივით ასთაასის სიტყვა.

— ეს რაღაც გაუგებრობაა, — წარბებს აზიდავს ბრილიანტი.

— კიდევ შეგვროვდით ჟენიაზე? — თავისას მიაწვება გივი კნიაზი, — მე შარშანაც წინააღმდეგი ვიყავი, ზატონიკიც, ახლაც ამ აზრზე ვარ.

როგორც საუბრიდან გაირკვევა, ჟენიას ქსივა დაწვია* ხატაში, მარტოდმარტო რომ ყოფილა და სხვები სუფთა ჰაერზე სეირნობდნენ — ვლადიმირის კრიტში. ციგანი კინაღამ თავს შეაკლავს შმონზე შემოსულ ზედამხედველებს, მაგრამ ერთი რას განდება ოცთან, თუმცა სამს კი მიაწვენს კუთხეში. გაქაჩავს ჩვიდმეტი და ქსივაც დაეწვა. სწორედ ამას წამოაძახებენ კორონაციის* დღეს. მართლაც

საქმიანი წერილი ყოფილიყო. ციგანს თხუთმეტი სუტკა* კარცერი მოახევიებენ, მაგრამ რატომ არ გადაყლაბა ფარატინა ქალადლო, წამოაყვედრიან.

იმის შემდეგ უნია ციგანი ორჯერ შეაგროვებს ქურდებს, მაგრამ ორივეჯერ გივი კნიაზი გადაელობება. ქსივა გივის ენება, სხვა ქურდებსაც. მოკლედ, ამაზე უკეთეს დროს უნია ვერც ინატრებს: დაამთავრებს ლაპარაკს გივისთან ღირსეულად ასსების წინაშე?! ხომ კარგი, არადა, სახელს ვერასოდეს ეღირსება.

ისევ ბრილიანტი ამოსწევს ამ ბაზარს და გივიც აპატიებს უნია ციგანს. რასხოდს მისცემს,* გადაკოცნის. ახლა ზატონიკი მიავსება. არ დაადგება საშველი ბრილიანტის შვილობილის კორინაციას. მერამდენედ წამოიწყებს თავის ძირმწარე ისტორიას. თორმეტი წლის ბავშვი ჩაფარდნილა ციხეში. მის კედლებში გაიზრდება, გარეთ, სამუშაოზე გაყვანილი ძუძუმწოვრებში სამკლავურს რომ არ გაიკარებს, მოკიდებული სიგარეტებით ამოუწვავენ სხეულს. ჰყვება ბურის და კრიტების საშინელებებს.

კარცერი იყო ჩემი აკვანით, რომ მოსჭრის, მრავალს ცრემლი მოადგება თვალებზე. არსად ჩაჭრილა, მუხლებამდე ტალახიდან სუფთად ამოსულა. მალაღეტკების* ზონებს არ ახსოვს მოზარდი ასე კრისტალურად გამოსულიყოს ჯოჯოხეთის წიადიდან. თვით აუძღვრეველ ზატონიკსაც კი გული მოეთუთქება. რასხოდს მისცემს, გადაკოცნის და უნია ციგანიც ქურდად ეკურთხება.

სვერდლოვსკის პერესილაში ოდიშელიას, სარკოფაგისმაგვარი კარვების სიახეებით დიდხანს დატკობთა ბედად არ უწერია. მესამე დღეს ზატონიკთან ერთად დაუძახებენ ეტაში. გამოემშვიდობება როკი ასსების თაიგულს. ბრილიანტი ამისთანა სიტყვას დააბარებს პანტერას:

— თუკი შეხვდი ჩვენს ძმებსა და მეგობრებს — ვახო დარსემლიძეს, ფისო ქურულორიას, ირაკლი იმხნელს, დიდი წვალება-წამება გამოუვლია თითოეულს, ჩვენი გულითადი მოკითხვა გადაეცი!

როკიმ ბალიში მიიჩოჩა სარკმლისკენ, მაშუქი ანთო და მაგიდაზე დადებულ ყურნალს დაწვდა. რომანის კითხვამ ისე გაიტაცა, დედიშობილა სვეტლანას მხარი სამჯერაც არ შეუცვლია. ერთი ამოსუნთქვით ჩამთავრებულმა თხზულებამ ფანჯრიდან შემოდწეული იისფერი ნათების შუქზე ნებიერად გამოტილ ქალის სხეულს მეცნიერის გულდინჯობით მიაჩერა ოდიშელია.

„აი, თურმე რატომ ვერ ეხსნება ამ რომანს? — ფიქრობდა როკი, — მთელს ჩრდილოეთში თვრამეტი წლის ქალწული შესაძლოა თვრამეტიც ვერ მოფხიკო, თუმცა საკუთარი ძიუმპეის პოვნაში დრო ოჩოფხეებით გარბის. წუთისოფელიც იგივე ქვიშის ორმოა. ღლედაღამე უნდა მოაშორო ტა-

ფობს სილა, რათა სიცოცხლე არ წაილეკოს. ნიკი ძიუშპეი. განსხვავდები კი მისგან?! ორი ცდის შემდეგ სამუდამოდ დაჰყარა ფარ-ხმალი და ქვიშის ქალის ჭიპს მიენასკვა მონური შემრიგებლობით, მაგრამ ოდიშელია სხვაა. ბედოვლათი კალათების ნაცვლად თვითონ რომ გამობოძდა იმ თოკს ხომ სამშვიდობოზე იქნებოდა?! მერე ძალად შიგ ჩაგდებას თუ გაუბედავდნენ, მოფაფალებული ბერკაცისა და ორი ჩიტირეკია ბიჭის მიფერტხვას რა დიდი ღონე სჭირდებოდა, მაგრამ მონობის თესლი აკნიდანვე დევს ძიუშპეიში, რომელიც ჩინებულად გაღვივდება ქვიშის ორმოში. იგი ქვიშის ორმოს პატიმარი კი არა საკუთარი თავის ტუსალია. ნუ, დავუშვათ, ხოჭოების საძებრად ქალაქგარეთ წახეტებული ენტომოლოგი, იგივე მემწერე, უკვე გვარიანი მუტრუკი უსაგნო ცხოვრებას რომ შეაღწევს ღვთით ნაბოძებ სიცოცხლეს, გინდა გაქთქათებულ ლოგინში დაგიმწყდევია და გნებავს ქვიშის სარეცელზე. იგი ხომ წინდაწინვეა განწირული სულიერი მარტობისთვის?! ქვიშის ქალი გაცილებით მებრძოლი გამოდის ნიკიზე; უსახელო კია, მაგრამ — დედაკაცის ნამდვილი განსახიერება. ორმოს იმიტომაც ვერ გაქცევია, ქმრის და შვილის საფლავების მოდარაჯეა და ამდენად, გამართლებულია ღმერთის თუ ადამიანების წინაშე, მაგრამ ნიკის, ნიკის რა ჯანდაბა სჭირს?! მეხუთედ, მეათედ რატომ არ შეეცდება ქვიშის ალყის გარღვევას?! მსგავსი მოთხრობა სადღაც წამიკითხავს. მგონი რეი ბრედბერისაა, მარსზე რომ მიდიან დედამიწის კატასტროფის შემდეგ, აპარატურა უფუჭდებათ, იერსახე ეცვლებათ და ერთი გამუდმებით იმ საფრენოსნო ხომალდის აგებაზე ოცნებობს: ჰიუტად აგროვებს ჭანჭიკებს და რკინის ნაჭრებს, თუმცა ბედისწყერის რკალში მომწყდევულს ველარაფრით გაურღვევია დროისა და სივრცის ბარიერი. ის ტიპი სულ სხვა მასშტაბებითაა შეზღუდული, მაგრამ ვინ ოხერტიალია ნიკი ძიუშპეი, რომელსაც რამდენიმე ათეული მეტრის ქვიშის კედელი ვერ გადაულახავს და მართლაც ხოჭოსავით დადოდავს ორმოს ფსკერზე?! თუმცა ვერ გამიგია რას ვერჩით ხოჭოს, ვითომ უკეთეს მდგომარეობაშია სამყაროს საშინელი განზომილებებით გარემოცული ადამიანი? მაინც რამ გაგაცეცხლა ასე, რატომ ამოიღე თვალში ბუნებით ეს უღლეური პიროვნება, რომელიც არაფრით განსხვავდება მილიონებისგან?! დიდი ამბავი, მის ადგილას მოხვედრილიყავი, შესაძლოა რამე ქმედითი საშუალება გამოგეძებნა, კალათის მაგივრად თოკზე ჩამოკონწილების ვერსია ვახსენე, სხვა მრავალი ბილიკიც მოიძებნებოდა, ალბათ, იქიდან გასაღწევად. ამოხვედი, მერე? როგორ გინდა გაექცე ჩამომხობილ ზეცას, რომელიც ფაქტობრივად ქვიშის ორმოა ადამიანისთვის?! ყოჩად, კობო აბე! მწერალს სურს ასე, მწერალს უნდა ნიკი და მისი შთამომავლობა სამუდამოდ მიაჭაჭვოს მილიმეტრის მერვედი ქვიშის უღმობელ კანონს და თავს ზემოთ ძალა არ არის.

ქვიშის უნაყოფობა, როგორიცაა იგი ჩვეულებრივ, აიხსნება არა სიმონალით, არამედ უწყვეტი მოძრაობით, რასაც ვერცერთი ცოცხალი არსება ვერ გაუძლებს. რაღაც ჰგავს ეს უხალისო ცხოვრებას ადამიანებისას, რო-

მელნიც განუწყვეტლივ ებღაუჭებიან კრომანეთს. აქ შესადავებელი არაფერია. აქ ცხოვრება, ცხადია, ქვიშის ორმო იგულისხმება, ბუნებრივ ციხეში ყოფნას ნიშნავსო, გვაფრთხილებს მწერალი. მოძრაობაა მისი სიცოცხლე. ქვიშას, უბრალოდ, არ შეუძლია ერთადგილას გაჩერდესო; შეგვიძლია მას სისუფთავის განსახიერება ვუწოდოთო, და ამით თვალნათლივ დაიხატა, რომ შემოქმედისთვის, მთავარი თვითონ ქვიშაა, როგორც უღმობელი ცხოვრების სიმბოლო, თორემ ნიკისნაირების ბედ-იღბალი მისთვის არსებითს არც კი წარმოადგენს. ძიუმპეისნაირები ამ დიუნების უსასრულო შარიშურში თვალსა და ხელს შუა გარდაიქმნიებიან, ბედისწერის ყურმოჭრილი მონები ხდებიან, რომ არა ერთი ნიშანდობლივი მომენტი: მემწერე ჯერ კიდევ ფაფხურობდა, ჯერ კიდევ გასაქცევ ხვრელეს და თოკებს ეძებდა, სანამ ქვიშის დედაკაცს მუცელში ნაყოფი არ ეძრა და აქედან მოყოლებული, ორმოს ფსკერზე დაშვებულა კიდევ თვეობით აკრფილი თოკის კიბე; მაგრამ ძიუმპეი უფრო ძლიერი ორმოთია დაბმული ამ ქვიშის ღრმულში, უფრო მაცდუნებლითა და ფერდების მაამებლით — რაჯოხეთი ქალით, რომელიც, როგორც კი უმწეობას შეგატყობს, როგორც კი საიმედოდ მოხელთებულად ჩაგთვლის, ხმასაც აუწევს და ბედი შენი, ძიუმპეისავით ქოთებიც არ მიგაყოლონ. მანამდე გვერდები ნუ გეტკინება. ქვიშის თეორია დღეა არ არის, არც — ფორმულა, ყველა ადამიანს თანაბრად მიუდგეს. ფისოს უმადლოდე უნდა! ციხეში მოხვედრილი უბირი, ტლუ, ლამის ქვეყნიერებას გაზიარა.

მუშტის სისწრაფეს ასგზის უსწრებს გონებისაო, უთქვამს. ის წლები არც შენ აგითრევია ფეხი და „აივინპოდან“ მოყოლებული, იცის ქვეყანამ, ღამეები გითენებია დოსტოვესკებსა თუ სერვანტესებზე, რიუნოსკეებზე, ფოლკნერებზე. შენი სამყოფი კბილის ჯაგრისი ვერ მოიძებნა საქართველოში. პაიოკის პურს შემოაკრავდი ტარით ანთებულს და ახლის მოკიდების ჟამს ხელები გეთუთქებოდა გამლღვარი პლასტმასისგან, მაგრამ გონებაზე უსწრაფესი რომ არაფერი ყოფილა, მაინც ჩრდილოეთმა დაგარწმუნა“.

ღუბინკებისგან თავგახეთქილ ოდიშელიას მომდევნო დღეს ბადრაგი მოადგება იზოლატორის კარებთან და კარცერის გზას გაუყენებენ, რომელიც სარდაფში მოუთავსებიათ. ჭუჭყიან დერეფანთან თვალუბრასისხლიანებული მაიორ სტებანცევი ამოძვრება მიწიდან, მაგრამ სამაგიეროს გადახდას სულაც არ აპირებს. სათვალეებს მთიშორებს, ძველებზე სქელჩარჩოთიანებს, რათა როკის ნამოქმედარი მეტი სიმკვეთრით გამოაჩინოს. გადატყაყული ცხვირი საგრანობლად მოღუნვია ზონის უფროსს. შუშებს ცხვირსახოცით წმენდს და მის მახლობლად შეჩერებულ ბადრაგს საშუალებას აძლევს პატიმრის ნადგაწით დატკბენ. მერე მორჩება თუ არა მათ გასუფთავებას, მიყოლებით მონივრებს და უბოროტო ხმით განაცხადებს რაზმის მისამართით:

— თუკი მომიბოდიშებს, იზოლატორში მიაბრუნეთ!

ოდიშელიას ბრაზისგან სისხლი მიაწვება სახეზე, ბორკილდა-
დებული ძაჯებით წვერს მოიქეჩავს.

– იქნებ ხელებიც დამეკოცნა, ჰა?! ტყუილად ირჯები! მომკლავთ? მოგ-
კვდები!

– არა უშავს, მოვა დრო და სიფიცხე გაგივლის. შენ კარცერ-
ში კარანტინამდე და მერე ჩადენილი გამირობები გიშველის გგონია?
როკის ყურებში აუზუზუნდება სტალიბინსკიდან ექსპერიმენტულ
წონაში ჩამოსვლისას გარდახდილი სცენები.

ექვსთვიანი ვაგლახისა და ჩაქჩაქის შემდეგ, როგორც იქნა მო-
აღწვევენ დანიშნულების საბოლოო პუნქტს. ნაგაზებით დახვდება იქ
ორმოცდაათამდე ჯარისკაცი. ბადრაგის უფროსის სისასტიკეზე მი-
სი აღნაგობა, ფოსტებში ღრმად ჩამჯდარი თვალები და ერთიანად
დაღარული სახე მიუთითებს. წინათგრანობა არც ახლა უმტყუნებს
როკის. ბადრაგის უფროსი მყივანა ხმით ქოთქოთებს:

– ყურადღება, მისჯილებო! თქვენ გადადინართ ბადრაგის უფ-
ლებამოსილებაში. ბადრაგის ყოველი მოთხოვნა-ბრძანება უსიტყვოდ
სრულდება. ნაბიჯი მარცხნივ, ნაბიჯი მარჯვნივ მიჩნეულია გაქცე-
ვად, ხოლო მეტროს ზემოთ ნახტომი – ბადრაგზე თავდასხმად.
გაქცევის მცდელობისას თუ ბადრაგზე თავდასხმისას ვნმარობთ ია-
რალს. ტყვია გერ დაგეწევათ?! ვაგდებ ავტომატს და დაგეწევით
თვითონ!

ამ სიტყვების ვაგონებაზე ოდიშელიას სიცილი აუტყდება. ეს
იმდენად მოულოდნელია, რომ ჩამწკრივებულ პატიმრებს შიშის ფთი-
ლა გადაერბინათ სახეზე, მიტკლისფერი შეიქმნება მის გარშემო
წონიანებიცა და წვრილმანებიც.

როკის უდარდელი ხარხარი, მისი გამოძვრევი გარეგნობა, მკერდამ-
დე ჩამოშვებული მუქწაბლისფერი წვერი თუ მხრებზე გაშლილი თმა ბად-
რაგის უფროსს ერთიანად ააცაცცახებს.

– გამოდი მწკრივიდან! – უბრძანებს პატიმარს.

როკის მშვენივრად მოეხსენება, რასაც მოასწავებს მწკრივიდან გადად-
გებული ნაბიჯი, ისე გეგნობს, თვალსაც არ დაახამხამებენ. უჩივლებ თუ
რა, თავდასხმაში ჩამოგართმევენ და მერე ვინ გამოესარჩლება შენს ცხე-
დარს, რომელსაც წონის შესასვლელთან დააგდებენ, როგორც შვიდი წლის
მანძილზე მრავლად უხილავს.

– წადი, შენი! – მოხსნის გინებათა არსენალის გუდას თავს ოდიშე-
ლია და სხვა ტკბილ სიტყვებსაც მიაყოლებს.

ბადრაგის უფროსი გაშრება. ქუდს მოიხდის, ცხვირსახოციტ სპუბ-
ლე ადვილს გულმოდგინედ ამოიწმინდავს, დაინურავს უწინაფრო ბოხო-
ხს. ტუსალების მწყობრის წინ გაიარ-გამოიარს ზურგზე ხელბედაწყობილი,

მერე „კერკეტი კაკალის“ საბუთებს მოითხოვს, რომელიც რიგით ბადრავს სჭერია. გადასცემენ. პატიმრების წინაშე ბორიალში კითხულობს, ბოლოს ხმას აუწევს:

— ხედავთ, როგორ ახასიათებენ?! ყველაფერი ჩაწყობითაა. ვარავსკოი მასტ. კლონიტსია კ უბისტვეუ. იმეეტ ნეაბიკნავენნოი სილ. თჩენ მუდრი.მ არ მიუსაკუთრებია ყველა ჯილდო და წოდება? ნი ზამეტნო.მ

ტანადლობით საამისო არაფერი ეტყობოდა როკის და ბადრავის უფროსის დასკვნამ, „არ ეტყობათ“, მიახვედრა ოდიშელია განსაცდელს განსაცდელი მიმატებოდა, მაგრამ უმადლოდა სადღაც უნებლიეთ გაცნადებული საიდუმლოს გამთ, რომელიც აქამდე გაოცებას იწვევდა მასში, განსაკუთრებით ეტაპის დროს, გამუდმებით ხელბორკილით რომ დაჰყავდათ. ბადრავი დახედავდა თუ არა მის საბუთებს, მყისვე ფერფური მისდიოდა. „აი, რაში ყოფილა საქმეო“, დაასკვნა როკიმ და ახლა ბადრავის უფროსის შეეჭვებაც ბუნებრივი გახდა მისთვის. ასამდე პატიმრის წინაშე მაიორის საჯარო გაბახება მალე შეიქმნებოდა მთელი ოლქის მიოქმა-მოთქმის საგანი. ბატულინი კი საბირისბიროს ფიქრობდა: რაიმე ქმედით თუ არ იღონებდა, ამ თჩან პირუტყვს ტალახში ცხვირს თუ არ ჩააყოფინებდა, ვინ იცის, იქნებ მის კარიერაზეც ცუდად ემოქმედა, მოესრიალებინათ თანამდებობიდან? ჰოდა, პერესილკებიდან საკარანტინოდ შექუჩებულ დამნაშავეთა ასეულს სრულიად გარკვევით უბრძანა:

— ხუთი ნაბიჯი მარჯვნივ! შენ კი გმირო, ადგილზე დარჩი!

ოდიშელია სწორედ იმისი ჩიტია, გამხეცებული კაცის ორმოცდაათი უმართავის ლულის წინაშე სარგადაყლაპულივით გასაგნდეს, თუმცა მისდა საკვირველად, მისჯილთა ასთოკსგამომკვრალი ასეული ადგილიდან ფეხს არ მოიცვლის. მაშინ მთლად დაიდობლა ბადრავის უფროსი. ყურებაწურული უშანკა თოვლნარეკ მიწაზე დაათხლიშა და ყვირილით ბრძანა:

— დაწეით ძუკნისშვილებო! ესროლეთ კაცის სიმაღლეზე.

ატყდება ავტომატების კაკანი, ნაგაზების ყეფა. ტალახიან თოვლში ჩაემსობა ახალგაზრდა თუ ბებერი, ზეკი თუ ასის.

— ნუ შედრკებით, ძებო! — იძახის მოკრივის პოზაში გადასული როკი, — მოდიო, ბოლომდე გაუძლოო! — მაგრამ მისი შეგონებისა უკვე ზატონნიკის მეტს არავის ესმის. ერთიანად აცანცანებულებს ხელევი თავებზე შემოუჭდიათ და ასე ლამობენ განსაცდლისგან დასნლტომას. მერე მოცივადებიან ეტლიანი მოტოციკლებით, ააყენებენ ხალხი ტალახიდან და ბადრავის უფროსი იმ მაიორსაც შემდგომ თვალითაც არავინ იხილავს.

აი, ეს გაუელვებს თავში კარცერისკენ მიმავალ როკის. როგორც მერე დარწმუნდება, სტეპანცევის მუქარასთან ბატულინის ნაფხაფი ახლოსაც ვერ მივა.

ექსპერიმენტული ზონის კარცერი, როგორც ითქვა, სარდაფშია მოთავსებული. ბეტონის იატაკზე წყალი დგას სამი თითის დადგახე. კარცერი ერთი კაცისთვისაა გათვლილი, ბოთლივით წაგრძელებულია და ლორწოიანი. სორკლიანი კედლები სამარესავით დაგმობია თავზე. აქვეა რკინის ჩარჩოებში ჩამჯდარი ხის ლოგინი, რომელიც კედელზეა ბოქლომით მიმაგრებული. საღამოს ათ საათზე ბოქლომს ახსნიან და ლოგინზე მიესვენები. დილის ექვსი საათისთვის აკეცავენ, ისევ მიაჯაჭვავენ კედელზე და დარჩები შენი კიდურების ამარა, რომელსაც დღითი დღე ემატება კილოგრამები. ორი კვირის თავზე უკვე ფუთიანი გინდება ფეხები და როკივით ზედიზედ კარცერის ვადას თუ გაითხოვმაგებ, ადვილი მისახვედრია, რა წონადობის ტვირთი წაბლაუჭებია ქანცვაწყვეტილობას შენსას.

კარცერი სივრცეში ორჯერ მეტია სივანეზე, სიმაღლე კი თავფუშუტა მცენარესავით აფსითრება. სულ ზევით, ქერის სიხლოვეს ნათურა ბუტავს, მაგრამ იქამდე მისაღწევად ხუთი ოდიშელია საჭირო, ხოლო დერეფნის მხარეს მომცრო ცხაურია. მის მიღმა კი ქერის ნათურის ტყუბისცალი კიანთებს. კუთხეში თავმოხდილი ბარაშამ დგას, იგივე თუჯის კასრი, რომელიც კედლის გამჭოლ რკინის ფურცელზეა დადუღაბებული. ამ რკინის ღეროს მეორე ბოლო დიდი ქანითაა დამაგრებული. მოშარდვა თუ მოგინდება, ისარე გულო, გალიბლიბებამდე მთელი ხუთი თვის სივრცის მარაგია, სხვა საჭიროებისთვის კი დილა-საღამოს ტუბელტში გაჰყავხართ, იგივე წელის გასამართად. თუჯის კასრი კი ისეთი ზორბაა, ორი კაცი თუ დაძრავს ცარიელს. ზამთარში, გარეთ, როცა ორმოცი-ორმოცდახუთი გრადუსი ყინვა ჭახჭახებს, კარცერში განახევრებულია ეს ჯილდო. ქურთუკის ამარაღა ხარ, რადგან ჯუბაბამბულას გართმევენ, აქაოდა სივარეტის მოსაკიდებელი ცეცხლი არ გაიჩინოსო.

უფროსობამ ნასეტკათა* წყალობით ზედმიწევნით იცის ტუსადის ეშმაკობათა ანი და ჰოე. სწორედ იმ ჯუბადან ბამბას იღებენ მისჯილები, აძლევენ ფანქრის ფორმას, მეორე გაბრტყელებულ ბამბის ნაჭერში შეახვევენ მჭიდროდ, დააგდებენ იატაკზე და აკატავებენ, ანუ აგორავებენ ფენით სამ-ოთხ წუთს აქეთ-იქით; მერე უცებ იღებენ, შუაში გახვევენ, სულს უბერავენ მაგრად და ცეცხლიც ჩნდება.

კარცერგამოვლილმა იცის, რომ მისი წინამორბედი უთუოდ დატოვებდა ორი-სამი ნაფაზის თუთუნს. აქ ღალატი არ იქნება. მორჩენილ სივარეტს არაფრისდიდებით გაიტანს პატიმარი იხოლატორსა თუ ბურის საკანში. სივარეტს დაფშენის, ხელისგულზე გაიშლის თამბაქოს და ლორწოიან კედელზე ახვევს სულის შებერვით. ქაღალდსაც სადმე მოხერხებულ ალაგას შეაკვეთებს. მოდის ახალი ტუსადი, საცვალში შენახულ ნემსის ნახევარს მოიმარჯვებს, მიუჩინდება კედელს და შეუდგება თამ-

ბაქოს ფთილა-ფთილა შეკოწიწებას. ნემსის წვეროთი იგროვებს ხელისგულზე. ექვსი საათის გულმოდგინების შემდეგ სუთნაფაზიანი პაპიროსი მოცოდვილდება. ქალაღდიც მოქებნილია, გამზადებულია ასაფეთქებლად, მაგრამ სად არის ცეცხლი?! აი, ასეთ ვითარებაში ჩავარდნილი როკის გონება გამოსავალს ეძებს. დერეფნის ნათურას მიანიერდება. იცის ოდიშელიამ ვალჩოკიდან გაფაციცებით უთვალთვალევენ მის საქმიანობას, და უსაგნურ ბოლთასცემას, გნებავთ უშუდევო ჩხირკედლაობა ურჩევნია, მოქმედებაში ჩაეთვლება.

კუთხეში მიგდებულ, დაღეულ ცოცხს ღეროს აძრობს კონიდან. ბირის ღრუში დამალული ღეზვიას ნახევარს წამოაცვამს და კარცერის სიგანეში ვიწრო კედლებს აღმა-აღმა მიუყვება. ხელებითა და ფეხებით მიიწევს დერეფნის ცხაურისკენ, მბჟუტავი ნათურისაკენ. კბილებში ღეზვიასწამოცმული ცოცხის ღერო გაუჩრია, რომელიც კურტაკიდან ამოდებული ძაფით საიმედოდაა დამაგრებული. ხელფეხგაშლილი მიელტვის ნათურას. ამისთანები როკის აქამდეც ესერხებოდა და ემარჯვება კვლავაც. სულ ცოტა ათ წუთს შეუძლია მსგავს მდგომარეობაში სხეულის გაჩერება. უახლოვდება ნათურას. ცხაურიდან გამოჰყოფს ღეროს და სამართებლით მავთულის გახეხვას შეუდგება. გაშიშვლებულია ერთი, ახლა მეორეს ჩაუჯინიანდება, ამასაც მოათიტვლებს როგორღაც. მარცხენაში სიგარეტი უჭირავს, მარჯვენათი იმ გახეხილ მავთულებს დაადებს სამართებლის ნახევარს, მოკლე ჩართვის გამოწვევა უნდა და ბედზეც ისე იბუთქებს, ისე ანაპერწკლდება კარცერის შესასვლელი, ფეხები უმტყუნებს. ჩამობრაგვანდება გაწუწულ იატაკზე. მუხლისთავები გადაყვლიფება. ამოწუნწლულია შმორიან წყალში. თვალებიდან სიმწრის ცრემლები სცვივა. გადატყავული იდაყვები ეწვის. ნაცოდვილარი პაპიროსი ცხაურიდან გადაუვარდება. წყალში ჩასცვინია ამდენი გარჯა და ამაგი, მაგრამ არაფერს ნაღვლობს, ვინაიდან, იცის, ვალჩოკმა ყველაფერი დააფიქსირა — ამოდ არ ჩაივლის ეს მუშაკობა და საკვირველად გუმანი აქაც არ დალატობს. ხმაურზე კარცერის კარი იღება. შემოდის ზედამხედველი.

— სათვალთვალოდან გიყურებდი, დამოუთქა შენმა სიგარეტის მოკიდებისთვის წვალუბამ. ახლა მართლაც მეცოდები. რამდენი შრომა უშუდევოდ დამთავრდა, მაგრამ მე კაცი ვარ, მიღად რომ მომხსნას სტეპანცევმა და გამროზგოს კიდევ, უნდა მოგაწვეინო, — ეუბნება, მოუკიდებს ერთს და მისცემს. ორსაც გამოუწვდის, დამალეო, ეტყვის, ასანთს ფოსფორიან ყუას მოახეგს, რამდენიმე ღერსაც გამოიმეტებს.

— ლეგენდებს ჰყვებიან შენზე, გაზვიადებული მეგონა, მაგრამ რაც ჩემი თვალთი ვნახე მას მერე, ეჭვიც არ მეპარება.

მოქაჩავს ოდიშელია მოკიდებულ სიგარეტს, ხარბად გააბოლებს და

მაშინ გაივლებს გუნებაში, სიგარეტის მოწვევას მისდღემში არ მი-
ატოვებს. ხოლო საღამოს ბუშლატს რომ მოგცემენ, სიგარეტის მო-
კიდება ადვილია, ან დააკატავებ ბამბას, ან კიდევ შარვლის მონა-
ხვევ შავ ნაჭერს ნერწყვით დაასველებ, შიგ ბამბის ბლუჯას ჩადებ,
ნათურაზე შემოდებ და ორ წუთში სანუგეგარი ცეცხლიც მზადაა.

კარცერის მეთხუთმეტე სუტკა იწურება. თითქოს ზურგს უკან
დარჩება ფრთოსანი და მდგრადი დღეები. მდგრადი მაშინ არის, რო-
ცა შემცირებულ უღუფას გაჭმევენ, მაგრამ ესეც დიდი შეღავათია.
ამ დროს ენერგიას არ ზოგავ, ჭინჭებშემოსვეულ მუშტებს უნათქუ-
ნებ კედელს. სტეპანცევის ბრასლეტების კვალაც გამქრალა მაჯების-
გან. ოფლში იხვითქები, მხნეობას იკრებ მომავალი დღისთვის, აქე-
დანვე უყრი საფუძველს კარზემომდგარი ალიონის დასახვედრად, თა-
დარიგს იჭერ. ექვსი საათიდან, ლოგინს რომ გამოგაცლიან ნეკნები-
დან, თუ რამე არ იღონე, გული შეგიწუხდება, ვინაიდან ეს დღეჯო-
ჯოსეთი მცირედი უღუფაც არ გეძლევა, სრულიად მშვიერმა უნდა
ათრიო საყორნე ხორცი თექვსმეტი საათი. ფრენას იწყებ ფიქრებში.
კედლის ლაქები კოშმარულ ფიგურებად გარდაიხსახებიან, აიდგამენ
ფეხს და საომარ ბატალიებს მართავენ. სილით დატენილ დუბინკებს
გირახუნებენ კისრისა და თავის შეერთებასთან. სუნთქვა გეკვრის.
მალიმალ გეშარდება. საფეთქლებში გაყრილია ნეკისისისხო მახათი.
ყურის აპკები გომბეშოს მიმსგავსებით ლამის ვარეთ გამოგებუშტოს,
ტყავის ბურთის დაბერვამ რომ იცის, იმნაირად. და ფარფატებ მთე-
ლი თექვსმეტი საათი უწონადობაში, მაგრამ უძლეველია უდრეკლო-
ბის ყინი.

ტანზე შემოხვეულ თოკს ამოაცოცებ, სიცივეს რამენაირად გა-
უძლებ და ამ ჯოჯოსეთურ უჭაერთ სივრცეში ცურვას – ვერაფ-
რით. სამართებლის მეორე ნახევრით წვრილად დაგისერავს გიმნას-
ტურა, საცვლები ბარძაყს ქვემოთ, დაგიწნავს საგულდაგულოდ იმ
ნარჩენებისგან ექვსფა თოკი, ძაკა ბაბუას რომ ემარჯვებოდა ლაფა-
ნის კანისგან მორების სათრევის დაბეჭვა, ისე. მოხერხებულად გა-
მოაბამ ცხაურის ვერტიკალურ გისოსს, ყულფს გაკვანძავ და მოწ-
ყვეტილი სხეულით დაენდობი. საკნის კარი თუ აჩნაკუნდა, წამოი-
მართები, მიყრდნობი კედელს და ნახევრადსიბნეულში შეუიარაღე-
ბელი თვალით უსაგუნრია მარცხენა ბარძაყაყრილი თოკის გამომ-
ხეურება, მაგრამ მაინცდამაინც თუ არ დაიშალეს და ზედ თავზე
წამოგადგნენ, ჩამოხრჩობის როლის გათამაშებას რაღა უნდა?! სიკ-

ვდილის გამო ხომ არაფინ გაგებერებს სასჯელს?! იქნებ სიბრაღე-
ლის სიმებიც შეატოკოს ზოგიერთის ყიამეთ გულში!

ფრთოსანი დღით მთავრდება როკის საჯარიმო ვადა, მაგრამ
სულ ერთი და იგივე უტრიალებს გონებაში: გაგახსენდები თუ არა,
გაგახსენდები თუ არაო.

აჰა, გამოიღება კარიც და სინათლის თეთრონ ჩარჩოში სტეპან-
ცევის დაღეული სხეულიც გამოჩნდება ჯანიანი ფარაონების ფონზე.
უნებურად მიაბიჯებ გასასვლელისკენ, თუმცა გული გიგრონობს, ეს
ფენისმონაცვლეობანი ზედმეტია, დროის გაფლანგვაა, ენერჯის უად-
გილო გახარჯვა.

კარის წირთხლს მიეყრდნობა.

— არ დამვიწყინხარ, — იცინის მაიორ სტეპანცევი, — ხომ ხე-
დავ თავად გეახელ. ახლა ბოდიში მომიხადე და წადი მშვიდობით.
ოდიშელია ზურგს შეაქცევს. ისევ იგმანება სივრცე, ისევ თავიდან ტრი-
ალებს „პოს“ და „არას“ შორის ქიდილი. სხეული ნელინელ ვეკება მართო-
ნულ განსაცდელს. გადარჩენის უინი და ინსტინქტი მეთრეულ სუნთ-
ქვას ჩართავს. კიდევ ორჯერ აილანძება შემოსასვლელთან სტეპანცე-
ვის სატანური დიმილი. ორივეჯერ უკუიქცევა სალი კლდისგან ტალ-
დათა გრავნილები, ვიდრე ორმოცდამეთოთხმეტე დღეს გულადმა არ
გაიშოტები დაბლაგვებულ დირესთან გრონობელობისგან პირწმინდად
ამოშრეტილი ხორცი; ვინემ სანიტარული ნაწილისკენ საკაცეთი არ
გააქანებენ.

„ქვიშის ქალივით სძინავს თოვლის ფერიას, — მიპყა ფიქრის მდინარე-
ბას როკი, — აისი ალისფრად ეკიდება ფითქინა ტრამალეებს, გალღვება სადაც
არის, ბურუსივით გაიფანტება თვალსაწიერიდან, რადგანაც ნიკი ძიუმპეის-
ნაირათა მხნეობის მოსაკრებადაა გაჩენილი ოდიშელია და არა — მათ რიგებ-
ში მისათვლელად, მომავლის რწმენა რომ არ წაერთვათ. თითოეული ადამი-
ანი მილიმეტრის მერვედი მარცვალია. ერთსაც რომ ასწავლო ტკივილების
დაურვება, მთელი უდაბნოეთია ნაშველები — უდაბნოსა და სოფელს შორის
პირობითად გავლებული ხარო, რომელსაც დღენიადავ ჭაბანწვეტა სჭირდე-
ბა, რათა დიუნებმა არ გადაუარონ კერიასთან დარწეულ აკვნებს. მივუტე-
ვთ მემწერეს ავბედითი ორმოს ფსკერზე ლოღილი. არ უნდა მოიშალოს ეს
ჯებირი სტიქიასა და სიცოცხლეს შორის. განა ადამიანსა და წუთისოფელს
შუა აღმართული საპყრობილევ იგივე არ არის? მთავრობებმა მიივიწყეს სა-
წუთრო, საწუთრომ ადამიანი — მილიმეტრის მერვედი ქვიშის მარცვალი. თა-
ვი ასწიე, ნიკი ძიუმპეი! ხომ ხედავ საიდან მოვეშურები შენსკენ?!“

აღმოსავლეთის მანათობლის სხივოსნება ფხვდაფხვ მოსდევდა გადბრო-
ლილ ტრამალეებში გასრიალებულ შემადგენლობას. ლაჟვარდისფერ თვა-
ლებს ნებიერად აფახულებდა ნეტარი ზმანებისგან ლერწამივით დრეკადი
სვეტლანას ხატება, მაგრამ ისე ჩააღწევდნენ მრავალსაათიანი ქროლვების

მერმე მოსკოვს, არც ქვეშაგებს დასჭირდებოდათ მომთაბარეობა და აღარც შამპანურებს ამოსძვრებოდა საცობი ჭინების გამოსახმობად.

ვაგონ-რესტორანშიც შეივლიდნენ, კუპეშიც იმასლაათებდნენ ბევრს, თუმცა კი არცერთი გაიხედავდა მარადიულ ბორბლებზე ამხედრებულ ძიშპეის ქვიშის დიუნებისკენ.

როკი და მისი სამძო, ეს ის თაობა იყო სადადიანოს სინამდვილეში, სასწაულებრივად რომ გადაურჩა რევოლუციურ ნგრევებს, სოციალურ წნეხებს, რეპრესიებს, თვით სამამულლო ომის მილიონების მცოხნავ ყბებს, მაგრამ როდესაც ცხოვრების არენაზე მოუხდათ გამოსვლა, ფორმით მშვენიერი ჭურჭელი ცარიელი აღმოჩნდა მიზანდასახულობის მაჭრისგან და რადგანაც უარაფრობას ათასი ჯურის ეშმაკეული ცთუნება აღავსებს ხოლმე, უმოქმედობის გასანეიტრალებლად კოლოსალური ენერგია ქუჩაში თვრამეტსათიან ყურყუტს, სივრცეწართმეულ ქცევებს და ერთი ადგილის ტკეპნვას შეეღია არსებითად.

მიზანი კი უმთავრესია ადამიანისათვის თვითდამკვიდრების გზაზე გარემომცველ სამყაროსთან. არ არსებობს უფრო დამანგრეველი ცდომილება, ვინემ უსაგნურობა და უგზობაა. ჯვარს ეცმევა ქრისტიანი, კოცონკოცონ მიაბიჯებს მუგუზლებზე შიშველი ფეხებით, საკუთარი ხორცის ოხშვიარში იხრუკება და მაინც ნეტარებით აღესრულება მიზანდასახულობის მეოხებით, თუმცა რა უნდა მოიმოქმედოს თაობამ, რომელიც ურწმუნოა, აღუდას ვოჟის კვალობაზე ეკლესიის ზარები დაუთოვავს მამა-პაპას მისას, სანაცვლოდ უხსოვრობისდროინდელი ბიბლიის ფურცლები შეუჩეჩებიათ ხელთ პალემსესტებივით დიალექტიკური მატერიალიზმის მოძღვრებებით გადაღებილი, ხოლო ამ იდეების სულსჩამდგმელი ბელადები პედესტალებზე შეუყენებია ცერზე შემართულ ჩახმახივით. ერთი კერპი მეორეთი შეუცვლია, ეროვნული კოლორით შეფერილი, სინამდვილეში კი პატროფილური განცდები ცამცუმის მოჩვენებითი კოშკებია, ქვეყნისა ამათა ძლიერთა ნება-სურვილით რომ სულდგმულობს და ადვილმოსალოდნელია, სადადიანოს სკვერის მონუმენტების ბედიც კი გაიზიარონ. მაგრამ აქ ყურადსაღები რიგითობის პრინციპია — რას ვუწოდებთ ხერხემალს, როგორ მცნებას ჩავატევთ უმთავრესში. ასე რომ, ზუგდიდი აღმოსავლელ სტუმარს, უმეტესი დაბა-ქალაქისგან განსხვავებით, სტალინის ქუჩით შემოუძღვებოდა ცენტრალურ მოედანზე; სტალინის ძეგლი დახვდებოდა პირველ მასპინძლად, გორიზი სფინქსივით — პროლოგი ეგვიპტის პირამიდათა კომპლექსისა, ფარაონთა სულების გეომეტრიულ სიმეტრიებში მომპოჭავი ქვიშნარების ქალაქი. აქ კი, სრული ანაქრონიზმი გაბატონებულიყო მოვლენათა თანამიმდევრობის თვალსაზრისით — ევროპული ქალაქების ტრიუმფალური თაღების შინაარსით სწორედ სტალინის ძეგლი შემოგეგვებოდათ გრანდიოზული, კოლოსალური პარამეტრებით, მზის პირველი სხივის დამჭერი განზომილება, ზუგდიდის ძილსაც რომ დარაჯობდა შთაგონებული გამოხედვით და ღვი-

ძილსაც; თუმცა იმ ნაადრევ შემოდგომას ბელად არ ეწერა აზიეთებულს გაეცილებინა ზენაქარებით დაძრული გულყითელა ფოთოლთა ქარავნების წყბა და წყბა, და ვერც გაზაფხულზე მობრძანებული ფერების მწყემსად ივარგებდა მომავალ ფოთოლცვენამდე.

ასე და ამგავრად, როცის თაობის თვალწინ ჯერ რკინის ბელადის მუმიას კრემატორიუმის გეპენიაში უკრეს თავი, რათა ქილაში მოემწყვდიათ იგი ჯინვიით, მერმე კი სიმალეში დაყენებული დომინოს ქვების მიყოლებით წამქცევის ბიძგის წყალობით დედამიწა ააზანზარა მათმა გაუგონარმა ზღარათანმა კვარცხლბეკებიდან. ამ სინდრომს ვერც ლენინის ლამის ტაბუდადებული სუფევა გადაურჩება ოცდაათიოდე წლის ხანგამოშვებით, ვინმე ანთიას ბიჭის სიფიცხის გამო, მაგრამ ჯერ რიგითობაზე წამოწყებული საუბარი მოვისტუმროთ.

დიახ, სტალინის ძლევაშისილებით ეგებებოდნენ ზუგდიდლები აღმოსავლელ სტუმრებს და აქ პროლეტარიატის უმთავრესი ბელადის ჩრდილში მიყენებას წაყრუებოდა რამდენადმე, როგორც მასპინძელთაგან, ისე სტუმრებისაგანაც, რადგანაც ბოლოს და ბოლოს ამ ტანდემური რაინდების ადგილმონაცვლეობით ჯამი არ იცვლებოდა. მერედა, დიდი ამბავი თუ მდინარე ლენას მოსახლე მოძღვარი პარკის შუაგულში მოექცა, თუმცა ქართველთა პირველი პოეტის ქუჩის სიახლოვემ ერთგვარად გამოისყიდა ქალაქის მესვეურების სიძუნწე — რამდენიმე ათეული ფუთი თუჯის მოზოგვა ჭადრების ხეივნის ცენტრალური მოყურადეს მხარ-ბეჭის სასარგებლოდ. და კიდევ ჩრდილოეთით, აწ ამ ორი ძეგლის მიმართ ზურგშექცეული, ზუგდიდის კარიბჭის მპყრობელი წლობით დადიანების გარდაგების მერმე, რაფიელ ერისთავის ბიუსტს აწაპნილი მასალა, სწორედ ლენინის შუალედურ საბრძანისსაც აპურებდა და თუ კარგად გავიაზრებთ ყოველივეს, დიახაც მოციცქნული ბიუსტის მინიატურულობა კვებავდა აღმოსავლეთის პირველი მასპინძლის სიზვიადესაც. ამით ყველაფერი მქდავდებოდა ქარაგმულად — ოდიშელების მსოფლგანცდით ეროვნული სულისკვეთების ნამცეცებს გაბუტვოდა სოსელოს კოსმოპოლიტური სიზულუქე თუ ულიანოვების მემკვიდრის მონდოლოიდური გამოხედვა, რითაც მამულიშვილობის განცდათათვის ალილუიაა დამღერებული ერთხელ და სამუდამოდ; მაგრამ რადგანაც შენი ჯიმ-ჯილაგის მეთაურობით შედისხარ დასახრჩობად დავიწყების და გაქრობის უკიდევანო ოკეანეში, რამდენადმე გეიოლება სიკვდილი დასაწყისში გაცხადებული მიზანდასახულობის ძალისხმევით.

იმ უქმური შემოდგომით კი სოციალისტური კვირაძალი მეთაური ძეგლის საჯარო დაცვა-მეურვეობის თვალსაზრისით უნაყოფო წყლის ნაკვა გამოადგათ ოდიშელებს. ნალიანმა ჩექმებმა ორწყბა ცოცხალი კედელი შემოავლეს მოედანს, და როცა დაშინებული ხალხი გაცივებულ კერიებს მიუჩოჩდა ნაცრის მოსაჩხრეკად, ამოქმედდა მძიმე ტექნიკა.

რამდენიმე თანატოლთან ერთად ჭადარზე გადასულმა როკიმ გარკვევით დაინახა როგორი ღირსებით აღსავსე იყო წაყირავება ესე. ძეგლის საგულდაგულო გადამალვით ან უნაშთო გაქრობით ღიდად არ შეუწუხებია თავი სპეცდანიშნულების ბატალიონს. ბულდოზერებით გაათრის გაოჩნებული მონუმენტი. თითქოსდა საჯიშე ბულა სასაკლავოსკენ მიჰყავდათ, ხნულისმაგვარი ღრმა კვალი გაავლო მთელს მოედანზე მისმა კუთრმა წონამ, რომელიც დროთა ვითარებაში პირწმინდად წაშალა უდაბნოს ქვიშის ულმობელი მიმოსვლის რეალობამ; ხოლო თავად, პირქვე დამხობილი, აქამდე ოქროცურვილი, აწ შემოდგომურ ტალახში ამოღუფხული, პერსეფონეს გამგებლობაში გადასულიყო რაიონული საავადმყოფოს მიდამოებში, მაგრამ მთელს სადადიანოში ძნელად მოიძებნებოდა რეანიმაციული განყოფილება, რომელიც წამით მაინც მიაყურადებდა პათივაციური კერპის მისუსტებულ მაჯისცემას და ისე უდრტვინველად შეიწოვა მერმე იგი ჟამთატირალმა, ისეთი ელვისებური სისწრაფით შეიცვალა ფირნიშები ჭიშკრებზე, როგორც ბამბუკის ოცდაოთხსაათიანი ამოხეთქვაა მიწის წიაღიდან მზისკენ.

როკის თაობამ ქუსლიდან ამოძრობილი ეკალივით მოიშუშა სათაყვანებელი ბელადის გაბახება და რადგანაც ზემოთქმული უმიზნობა წარმოშობს მახათის ტრანექტორიითა წინაპირობებს მეტად მტკივნეული ადგილისკენ, სწორედ ამ უძეგლო ხეივანისკენ იწყა ახალგაზრდობამ დენა.

ორმოცდაათიან-სამოციანი წლების ზუგდიდს ჰორიზონტალური ქალაქი ეთქმოდა. ვერტიკალური აზროვნება მას მოგვიანებით გაუჩნდა, ენგურპესის კაშხალის მშენებლობასთან დაკავშირებით, უკეთ იმ ჰეროიკულ საქმეს აწაპნილი რკინა-ბეტონის წყალობით, მაგრამ ავტოკვებულური სამეგრელოს ფლაგმანობა მას რომ ბედად არ ეწერა, ისტორიამაც დაადასტურა.

საქმე ის არის, რომ ოცდაათიანი წლების სოციალისტურ თეორიაში ფეხი მოიკიდა ერთმა ფრიად საშიშმა ტენდენციამ: დიალექტიკური მატერიალიზმის მოძღვრების კლასიკური გაგების თანახმად ფართოდ გაეხსნა გზა ეჭვიშუტანელ მცნებას — ფორმით სოციალისტურ და შინაარსით ეროვნულ დოქტრინას, რომლის მიხედვით ბედურა ჩიტსაც მიეზომა სამკვდრობელი არე-სივრცე, მაგრამ ავტონომიების სოკოსავით მომრავლება მხოლოდ გარეგნულად წარმოაჩენდა ეროვნულ უმცირესობათა სისხლხორცეულ მისწრაფებებს, ვინაიდან აფხაზებიცა და ოსებიც დაწყებით კლასებში ძლივს ლულულელებდნენ მშობლიურ ენებზე, რუსული სულისკვეთება ნელ-ნელა იპყრობდა მათ ყოველდღიურ ცხოვრებას.

ხალხური შემოქმედების დემონსტრირება საკავშირო ოლიმპიადებსა თუ ფორუმებზე ბუტაფორიული შინაარსისა გახლდათ სავალალოდ, რადგანაც სამუზეუმო ექსპონატებად იქცნენ ისინი დროთა მსვლელობაში — არ იქმნებოდა ახალი, გაფუჭებულ ფირფიტასავით ერთსა და იმავეს ილოღნებოდა, გაქრა პერსპექტივის შეგრძნება და ამისთანა ვითარებაში, როცა საბჭო-

ეთის ვრცელ მიწა-წყალზე გულუხვად დარიგდა თამასუქები პატარა ერების თვითმყოფადობის გადასარჩენად, კოლხეთშიც წამოაჭყრა თავი მაფალუიზმმა, ანუ იგივე აღორძინებამ, რენესანსმა აკადემიური გაგებით და ხელი გამოიღეს აშორდებმა თუ ხეჩუებმა ეროვნული ერთიანი ფსიქიკის საწინააღმდეგოდ: თითქოს ნაწილს შეეძლო მთელის საზრუნავის გაძლოა; და გამოჩნდნენ ისავე ჟვანიას ფეხის ხმას აყოლილნი, რომელთაც საქართველოს აღორძინება სამეგრელოს ავტონომიის უქონლად ველარაფრით წარმოედგინათ. დღევანდამდე კი წარიგზავნა მოსკოვს პროლეტარიატის ბელადის ღირსეულ მემკვიდრესთან.

სტალინს თითქოს არაფერი ჰქონდა საწინააღმდეგო, მისთვის რაიმე არსებითს არც წარმოადგენდა რუსეთის უსაზღვრო სხეულს როგორ მიეკერებოდა საქართველო, ავტონომიებად დაქუცმაცებული თუ მონოლითური, მთავარია იგი სათადარიგო სადაფივით დანამატი ზღებოდა უშველებელი ქურჩის სარჩულზე; მაგრამ ბელადი ბელადია, და როდესაც დეპუტაციას დედაქალაქის პრობლემა ჩამოუგდო საკითხად, არც კი შეეყოყმანებულა „ყაზაყიშ გაზეთის“ რედაქტორი და მყისვე სადადიანოს ცენტრი, ზუგდიდი დაუსახელა, თუმცა ბესარიონის ძემ მეტი შორსმჭვრეტელობა გამოავლინა. არ მოუწონა მეგრელების თავკაცს არჩევანი, ვინაიდან მისი მტკიცებით, ზუგდიდს ცივილიზაციებთან მისასვლელი არც ტანუხვი მდინარე მოეპოვებოდა და აღარც — ბობოქარი ზღვა. ესეც რომ არა, მისგან სარკინიგზო მაგისტრალიც გვერდს უქცევდა ინგირთან და დედაქალაქისთვის დამახასიათებელი ატრიბუტებისგან განზე განდგომილად მოჩანდა მომავლის თვალსაწიერიდან. ამისთანა ქალაქს კი უპერსპექტივობა მოაშთობდა აღრე თუ გვიან, ვერც მძიმე ინდუსტრიას განავითარებდა, ვეღარც — მსუბუქ მრეწველობას. სტალინის რკინის ლოგოკა ხელის ერთი მოსმით აცამტვერებდა მეგრელების ლიდერის ურაპატრიოტულ ახირებას და როდესაც ისავე ჟვანიამ მესამედ წარმოუჩინა ერთპიროვნულ მონარქს დადიანების სამკვიდრობლის ისტორიული ფასეულობანი, ბელადი უკვე ბოლთას ცემდა სახელგანთქმული ჩიბუხის ფუტებით.

განცხადება, მართალია, ვიზირებული იყო წითელი ფანქრით და როგორც კი ახალი ავტონომიური წარმონაქმნის დედაქალაქის საკითხს წერტილი დაესმებოდა, მშობლიური კუთხის აღორძინებისთვის თავგადაკლული რედაქტორის სანუკვარი ოცნებებიც ფრთებს შეისხამდა, მაგრამ სტალინის ფოლადის ნერვები მოუწიწვნა დადიანების კულტის გამორჩევითობამ და დიახაც უნიკალური ცოდნა გამოამჟღავნა ქართველი ერის შორეული წარსულისა:

— მაშ, ნახევრადველური დადიანების ხუმტურს უნდა გადაჰყვას ფაზისის ღიდებოთ მოსილი ეპოპეა?! — მოწაფესავით თავში ურაკუნებდა ბელა-

დის ყოველი ფრაზა ფრთხამოტეხილ რედაქტორს, — მაშ, არაფერი ყოფი-
ლა ოქროს ვერძის მოსატაცებლად აიეტის სამფლობელოს მომსდგარი არ-
გონავტების ოცეული?! მაშ, ნიავე-ქარს უნდა გავატანოთ ანტიკური რიონი,
რომელზეც ხოფებიანი ხომალდებით მიმოცურავდნენ დღევანდელ ქუთაი-
სამდე, იგივე კვიტიამდე?! მაშ, დავიწყებას გადავულოცოთ ჰეკატეს ბალი,
მედვას გრძნეულება, ფაზისის აკადემია, სადაც ათენას სიბრძნის ციტადე-
ლის მხარდამხარ, მთელი მცირე აზია ეუფლებოდა საბუნებისმეტყველო დის-
ციპლინებს?! მოიფიქრეთ, კარგად აწონ-დაწონეთ, მე მალე დავბრუნდებიო,
— ბრძანა და ასეთ ორჭოფულ მდგომარეობაში დასტოვა ქვეყნის გამგებელ-
მა ავტონომიის გუჯარის მოსაპოვებლად მოსკოვს ჩამოხეტებული მეგრელებ-
ბის დესპანი, თუშმცა საბედნიეროდ, იმ წითელი ფანქრის რეზოლუციას
ცხოვრებაში განხორციელება არ ეწერა, რამეთუ დღევანდის წევრების ლო-
დინი ჩრდილოეთურმა ნესტმა დასცადა, და ასე მშვიერ-მწყურვალნი, მოც-
დით დაოსებულნი, მომდევნო დღეს თავის პოზიციებზე ჩიუტად მდგარნი რომ
მიადგნენ კრემლის საშვების ბიუროს:

— თქვენ კიდევ აქ ხართო, — დაუცაცხანეს, — ბელადთან ერთი და იმა-
ვე საკითხისთვის ორჯერ როდი შედიანო, — სტკიცეს ხისტად და კულამო-
ძუების მეტი რაღა დარჩენოდათ?!

ავტონომიების პრობლემაზე მსჯელობისას შეუძლებელია ერთი საკით-
ხიც არ ამოტივტივდეს ჩვენი ხსომიერებიდან.

საქმე ის არის, რომ ისტორიული ოდიში, რომლის ზეგავლენის სფერო-
ში შემოდიოდა დღევანდელი სამურზაყანო ლალიძგამდე, უტმკივნიულოდ
შეეგუა აფხაზეთის ავტონომიის შემადგენლობაში გადასვლას. ოდიშის საზ-
ღვრები ენგურსა და რიონს შუა მოექცა. სამრუზაყანო აფხაზებს დარჩათ ავ-
ტონომიის სტატუსის გასამართლებლად, ხოლო ფოთი, ლორთქიფანიძის
ტყემალივით, ანუ არვეს ჩამორჩენილ კოჭლ ოჩაგასავით,* სამეგრელოს ფარ-
გლებს მიღმა აღმოჩნდა, საარვისო შეიქმნა და აქ თითქოს სადავო არაფერი
იყო, ვინაიდან სოციალისტური საზოგადოების მშენებლობის მთავარი თე-
ზა ან უნშიაც არ აგდებდა არათუ მეგრელთა, აფხაზთა, ოსებისა თუ აჭარ-
ლების ზრახვებს, არამედ — თავად სრულიად საქართველოს სისხლხორცე-
ულ ინტერესებსაც.

გათიშე და იბატონეს კეისრისეული პრინციპი მთელი ძალმოსილებით
ამოქმედდა გიგანტი საბჭოეთის აღსაზევებლად. უფრო მეტიც, სწორედ
ეროვნული კომიკური ნიღბების ქვეშ თანდათან იძერწებოდა კოსმოპოლიტ-
ური ჰომო სოვიეტიკუსის* ტრაგიკული ასლების ჯგრო, და ამერიკული ნა-
ჯახის თეორიის ნაცვლად, რომელმაც თვალის დახამხამებაში აღხოცა მიწის
პირისაგან აბორიგენი ინდიელების ვიგვამები და მომავლის წინაშე თავი რომ
ემართლებინა კაცთმოძულეობის ბრალდებისგან, რეზერვაციაში შეჰყარა მა-
მასისხლად გადაკიდებული სიუს და კამანჩის შვილები, ხოლო სოციალიზ-
მის თეორიულად დასაბუთებული პოლიტიკა ერთა შერწყმის მართონულ

პროცესს მოიმარჯვებდა რელიგიურად თუ ანთროპოლოგიურად განსხვავებული ადამიანების შესაღწეობად; მაგრამ მოდით, მოვლენებს ნუ გავუსწრებთ და მოვუბრუნდეთ ჩვენი ჭადრების საუკუნოვან ხეივანს, რომელმაც მრავალი თაობა გამოზარდა თავისი უხვრდილიანი ტალანებით.

ლამის კილომეტრის სკვერს ორივე მხრიდან ფართე ქუჩები ჩაუდიოდა და ახლა სანთლით რომ არის საძებარი, ტრიფოლიატას ჭიშინი კედლები აცალკევებდა ქალაქში შემოხეტებული პირუტყვისგან. მეტრონახევრის სისქის ცოცხალი ღობე ბულვარების მხარეს წელში ვედარაფრით გაიშალა, ვერაფრით გამოტყარცნა ეკლიანი ტოტები, სიმალღეში და სკვერის შიგნითკენ სწრაფვას დასჯერდა, რადგანაც ქუჩისპირისკენ ახალგაზრდების მიწოლისგან ერთიანად გადაიფხიკა, გახუნდა წინკართან დაგებულ ჭეჭიმევით. მოკლედ, ადამიანს ჰორიზონტალურ მდგომარეობაში სიარული რომ შეძლებოდა ფეხშიშველაც ინავარდებდა იმ დაბეგვილ კედელზე, მაგრამ რადგანაც ჭერაც ღედამიწის მიზიდულობის კანონს ვეჭვემდებარებით, მამლაყინ-წათა ბეჭებით ხახუნს კმარობდა.

სკვერი რამდენიმე პრესტიჟულ ადგილად დაენაწილებინათ ახალგაზრდებს. ძეგლწართმეული პედესტალიდან მოყოლებული რუსთაველის ქუჩის გადაკვეთამდე, სადაც ამჟამად კინოთეატრი „საქართველო“ და საცხოვრებელი კორპუსები, ადრე კი ჩომახიების სასადილო მღებარეობდა, პრესოვკელების სათავყრილობოდ მიაჩნდათ. ამ მონაკვეთს ჩიტიც ვერ ეკარებოდა დასახელებულთა უნებართვოდ.

მათ ადგილსამყოფელს მაცხოვრისკარელების ზონა ესაზღვრებოდა; იქვე იყო საჯვაროს უბნელთა პლაცდარმი. ეს სამი ძირითადი ფრთა ქალაქის ახალგაზრდობისა განწყობილებისა მიხედვით ივსებოდა სხვადასხვა შენაკადით, მაგრამ ბირჟის ეპიცენტრად თავიდან ორი წერტილი ითვლებოდა მანიც — ავტოსადგურლებისა და ცენტრისტების.

ავტოსადგურში ყველაზე თავზეხელაღებული ბიჭები გროვდებოდნენ. ბაზრის საქმოსგან განსხვავებით აქ ვერ დალანდავდით პლანაქეშებს, იგივე ჩხიროებს, რაც ახალი ხილი იყო საერთოდ პროვინციული ქალაქისთვის. განსხვავებული ხასიათის გახლდათ ცენტრისტების საკრებულო, სადაც სადადიანოს ნაღები საზოგადოება იყრიდა თავს. მათ შორის ყველაზე კოლორიტულნი კაკა ჟვანია, გვანჯი ჩიქვანი და საშა ეგუტია იყვნენ. სამივეს განსაკუთრებული სიყვარულით ეხაფაცციებოდნენ ჭეველები. თავდადრეკით ესალმებოდნენ გამოჩენისას. სამკვდრო-სასიცოცხლოდ შეტაკებულებს მუშტები ჰაერში გაუშემდებოდათ, წამით გულში ჩაიბრუნებდნენ ბოლმას და ახალგაზრდულ სიამაყეს. მიეფარებოდნენ თუ არა თვალს, ისევ დასცხებდნენ ერთმანეთს. საკმარისია ჭიბეში გროშები აჭყავლებულიყო, შეაკოწიწებდნენ და საქეიფოდაც იმის მიხედვით გასწევდნენ, თანხა რა რაოდენობით მოქუჩდებოდა. ორმოცდაათ მანეთზე მეტი ფული ჩომახიებისკენ ჩაახვევინებდათ, ნაკლები — გივის სალობისკენ, და მთლად უარაფრობა-უსაშვე-

ლობა თუ სადგურებდა, ვალების ჟურნალების ბიბლიოთეკრად ქცეულ თინთუშას დუქნისკენ გასწევდნენ. ამ პიროვნებაზე პეტეიკო თოდუას ანგ-დოტები ეკერათ პირზე. საქმე ის არის, რომ თურმე ვალებით დაზურგულ ენაკვიმატ პეტეიკოს მისასვლელო არსად დარჩენოდა და ისევე თინთუშასთან მიებდნა.

— სტუმრები მყავს, ყლო არ გამომჭრა! — გაენლო წინასწარ, მაგრამ დახლიდარმა ულვამზე მოისვა ხელი და შვილები დაიფიცა:

მეტი არ შემოდლია, ხომ ხედავ ვალების რვეული გავსებულიაო.

მაშინ პეტეიკომ არც აცია და არც აცხელა, ამოილო ორკაპიკიანი და დაბოხებული ხმით დააწწარა:

— ბიძია, თინთუშა, ეს გადარდებს, აგერ ფული, იყიდე ახალი რვეულიო.

იმ დღიდან მოყოლებული ჩაიქნია ხელი თინთუშამ.

პეტეიკოს ენამოსწრებულობაზე მომავალშიც მრავლად ვისაუბრებთ, აქ კი ერთ სინამდვილეზეც ვიტყვი:

ერთხელ საკმაოდ ხანდაზმული ვალისთვის მოაკითხეს პეტეიკოს გივის სალობიეში.

— აუცილებლად მჭირდება პეტეიკო, შვილი მიკვდება, რაიმე მომიხერხე. ასი მანეთი გმართებს ჩემი, მაგრამ სამოცდაათი დამიბრუნე, ოცდაათს არას ვჩივი.

— ხვალისთვის რამეს მოგიხერხებ, — დაანუგეშა პეტეიკომ.

მოვიდა ის „ხვალეც“ და მევალეს ერთიანად შეწუხებული პეტეიკო ეუბნება:

— მოგიკვდეს ჩემი თავი, ხომ ხედავ, ვერაფერი ვილონე, ზეგ მომაკითხე.

მოაკითხეს „ზეგ“, ახლა უკვე სამოცი მანეთისთვის, მაგრამ ვერც ამჯერად გაისტუმრეს შვილის ავადმყოფობით ვითომ პეტეიკოს გულის შემძვრელი კაცი. კვლავ სამი დღის მერე გამოვლა დააბარა და ამჟამად ორმოცდაათი მანეთისთვის სიარულში ლანჩაგამომძვრალმა მევალემ პეტეიკოს უმოქმედობით ხმას რომ აუწია, ამ უკანასკნელმა ხელები გაასაესავა:

— რა გაფიცებებს, ბიძია, ხომ ხედავ, გისტუმრებ ნელ-ნელა, მეტი რაღა კენაო.

პეტეიკოსნაირებს ზუგდიდში რა გამოლევდა, ჰოდა, ვერაფერმა უშველა თინთუშას, სანამ საციხედ არ გაიხადა საქმე, მაგრამ ოდიშელებმა ბოლო წამს მაინც იყოჩაღეს, სწორედ კაკა ჟვანიასა და გვანჯი ჩიქვანის ინიციაციით ქუდზე კაცი შეკრიბეს და ცხრაკლიტულში არ განამწესებინეს ქალაქელებისთვის ხელგაშლილი და დაუზარელი პიროვნება. ამ საქციელმა მთლად გადარია თინთუშა და ისე აღესრულა საცოდავი, მისი გასვენების დღეს მონჭრეული სახლისთვის სახელდახელო ხის კიბე იქნა გასამართი; იატაკიც რამდენიმე ადგილას გაამაგრეს ძელებით სატირალში მოსული ხალხის სიმძიმისგან რომ არ ჩამტყდარიყო.

კაკა ჟვანიას „ვეფხისტყაოსნის“ მეგრული თარგმანისთვის აფასებდნენ ჯელები, და ესეც რომ არა, იმ განუმეორებელი ენამოსწრებულობის წილ — მაღალი ღმერთი რომ დაანათლის ზოგჯერ მის ნებიერს.

ენაკვიმატობა სულ ქალების მიმართებაში წარმოაჩენდა კაკა ჟვანიას. აქ ზედმიწევნით კოლხური კაფიების თარგმანისგან უკბილო ანეგდოტი შეგვრჩება ხელთ, პროზაულად თქმულს თუ ვინებებთ, ასეთი შინაარსისაა:

ერთმა მიმზიდველმა ქალბატონმა საკმაოდ შეზარხოშებულ კაკას როცა ხვანჯარი შესხნილი დაუნახა, განზე გაიხმო და ყურში უჩურჩულა:

— შეიბნით შარვალი, კაკა, ბატონო.

— მიცვალებულის ჭიშკარს როდი კეტავენ, ქალბატონო, — დაფაცურდა შეწუხებული მოხუცი, თან დაუმატა, — ჭირისუფლად ოჯახში თუ მობრძანდებით, ჩემი თავი გენაცვალოთ!

კაკა ჟვანიას ელეგანტურობა ხელად იპყრობდა მნახველს. ქათქათა წვერი მკერდამდე სცემდა. ძაძამიძეების ქამარ-ხანჯალზე ეწყო ხელები გამაუღმებლად, თითქოს ნიადგ მტრების თავდასხმის მოლოდინშიაო.

თეატრის დირექტორი საშა ვგუტია ნამდვილი ევროპელი ფრანტი გახლდათ, კაფე „როტონდას“ პერსონაჟი. რაც შეეხება გვანჯი ჩიქვანს, მისი წონადობისთვის სადაგი სკამი თითო-ორჯოლა თუ მოიძევებოდა მთელს სადადიანოში. ორას კილოგრამს გადაცილებული გოლიათი ჩაფებით ნთქავდა ღვინოს და თანამეინახედ გულბაათ ჭავჭავაძე თუ ალექსანდრე დიუმა რომ ძლივს გამოადგებოდა, ცხვირმოუხოციელი ღლაპები რას აუბამდნენ მხარს და როდესაც საქეიფოდ დასძრავდნენ, სკამის ნაცვლად ხორცსაკეპ მორს მიუგორებდნენ მაგიდასთან. ზედ ბალიშს დაუფენდნენ და ლხინის ეშს მიეცემოდნენ.

გაშლილ სუფრასთან დასაჯლომი ადგილი თავზესაყრელადაც რომ ყოფილიყო, ახალგაზრდები გვერდში მოსხდომას არაფრისდიდებით აკადრებდნენ ქალაქის მეტრებს. ფეხზედგომელანი უგდებდნენ ყურს. არ თაკილობდნენ ზეზეურად გამასპინძლებოდნენ სიტყვადაუნჯებულ პიროვნებებს.

კაკა ჟვანია „ვეფხისტყაოსნის“ თარგმანის კითხვას რომ დაიწყებდა, მთელი სასადილო გაისუსებოდა. ასეთ დროს კუჭუ ჩომახიას ხორცსაკეპი დანაც ჩერდებოდა. მეტი ეფექტურობისთვის კაკა მეგრულად ნათარგმნს დედნისეულ ტექსტს მიაყოლებდა და თუ აუცილებლობა მოითხოვდა, უორდრობისეულ ინგლისურსაც მოიშველიებდა.

ერთ-ერთი პურობის ჟამს ჯლომელა გვანჯ ჩიქვანის სიმაღლის როკიმ დაიქაღნა:

— თუ მათხოვებთ, კაკა, პატენი, სამ თვეში ვისწავლი ზეპირად.

— თხოვნით კი გათხოვებ, ბაბუა, მაგრამ რუსთაველი ოკენანა და ჩხოუშის პირას მოჭყუმაპალავე, მეშინია არ დაიხრჩო იმ პელაგონში, — იხუმრა მსცოვანმა და გადასცა ერთ ვგზემპლარად აკინძული, საბეჭდ მანქანაზე გადაბეჭდილი წიგნი.

გამოართვა როკიმ და მაშინვე გაეცალა სუფრას. ის ორი თვე შინიდან არ გამოუხედავს და სექტემბრის დღეებში მორიგი ქეიფის ჟამს მოკრძალებით რომ დაუბრუნა პატრონს, გაიქილიკეს შეზარხოშებულგებმა:

— სად ხარ ვალერიანის ბიჭო, ამდენ ხანს მაგელანი არ ცურავდა წყნარ ოკეანეში!

— დედანი და კაკა ბაბუასეული დავისწავლე, ახლა ნუცუბიძის ჯერია!
— ამაყად განაცხადა როკიმ და ყველა გაისუსა.

საათზე მეტ ხანს გაგრძელდა გამოცდა ჩომახიების სასადილოში. კუჭუც აქ იყო თავისი მოლუფხული ხალათითა და განუყრელი ჩაჩით. აღტაცებას ვერ მალავდნენ. ბოლოს ფეხზე წამოდგა მცოვანი კაკა ჟვანია, საგანგებოდ აღდგრძელა ოდიშელების შთამომავალი, და ასე დაასრულა დალოცვა:

— ხელის შეწყობა თუ ექნა ამ ბაღანას, მთელს საქართველოს ასახელებს. გასაკვირი რაა, კოლხის ჭიშისაა, კოლხური სისხლის, ვისში სორტ გრუზინ!8

იქიდან მოყოლებული როკი სასურველი წვერი გახდა, როგორც საჯვაროს უბნელების, ისე — ავტოსადგურლების, პრესოკველების თუ ცენტრისტებისა. მაცხოვრისკარელების მესვეური ხომ ისედაც იყო და იყო, მაგრამ უმჯობესია ჩომახიების სასადილოს სცენებს მივყვით.

მეთერთმეტე კუბიდან პეტეკო თოდუა როხროხებდა ანეგლოტს, როკი რომ შემოვიდა სასადილოში. მის ვაჟიშვილს ყოძარში ფული მოეგო მეპანაშიდღეებისთვის. თანხის უქონლებს ინსტრუმენტები ჩაებარებინათ და ერთხელ, იმ ბიჭის არყოფნის ჟამს, მოსულიყვნენ მუსიკოსები, აეხსნათ საქმის ვითარება:

— დაუჯრავთ პეტეკო ბიძია, ვალსაც გავისტუმრებთ და ჩვენც მოგვრჩება შუშა ღვინის ფულიო.

— გაეტნია ინსტრუმენტები. ამასობაში ბიჭიც მოსულიყო.

— სად არის, პეტეკო, შენი დედა, ინსტრუმენტებო, — გაცეცხლებულა შვილი.

— მოვიდნენ ისინი, ამიხსნეს საქმის ვითარება და გავატანეო, — თავი უმართლებია პეტეკოს.

— რატომ გაატანე, პეტეკო, შენი დედა, რისი დამბრუნებლები არიან აწიო, — გადარეულა ვაჟი.

— აბა, რა მექნა შე კაცო, ხერშვინით* ხომ არ შევიდოდნენ სატირალ-შიო.

ამ ანეგლოტის შემდეგ დატრიალდა როკის გამოცდის სცენა.

პეტეკოც ფეხზე იდგა ოდიშელის სიახლოვეს. მთელი საათი ხმა არ ამოუღია, მაგრამ კაკა ჟვანიამ სადღეგრძელო რომ ჩამთავრა, დაიხარა ეს მთასავით კაცი და შუბლში აკოცა როკის.

— მადლობელი ვარ, ბიძია! — თქვა სერიოზულად ცხოვრებაში პირველად, უსიტყვოდ დაცალა ჭიქა და წაუბარბაცებლად გავიდა სასადილოდან.

ღვინომ თავისი ქნა იმ დღესაც. ფეხზე მოქანავე ახალგაზრდებმა მოწიწებით გამოაცილეს სათაყვანებელი ადამიანები და წაეხეტნენ ნებადართული თუ აკრძალული ზონისკენ.

იმ საღამოს ველარაფრით გამოიძებნა საბაბი მკლავში ძალის მოსასინჯად. ვერც წრე შეიკრა, რათა ყოჩები დაეჭიდებინათ, გამოსაშვები სისხლი გამოდენილიყო, რომ მერმე მუშტების ხათქუნისგან არაქათგამოცლილნი, ძმურად გადახვეოდნენ ერთმანეთს.

წუთისოფელი კი მიჩონდრიკებდა აღმა და დაღმა.

კაკა უვანიასა და გვანჯი ჩიქვანის გამასპინძლება ყოველდღე როდი ხერხებოდა, ვნებავთ საამისო ფული ფოთოლივით ჩამოსაწყვეტი ყოფილიყო ხიდან.

შაბათობით, როგორც წესი, ერთიც და მეორეც თამადად იყვნენ მიწვეულნი ქორწილებში. ხუთშაბათობით ქელებების გაძლოლა უხდებოდათ.

ჭირისუფლებს თუ მექორწილეთ თამადაების დაწინდვასთან ერთად, დღემოსწრება ბაზრის შესასვლელთან მობორილვე გიყების: ჯოჯოს, ხოთოსა და სპირდოს დაბეგება უწევდათ და თუ ორივე ხასიათის თავყრილობა ერთდროულად იმართებოდა რამდენიმე ალაგას, მაშინ სამივე გიჟი ჩაერთვებოდა ერთდღიან სამსახურში; მათი მოვალეობა კი შინდის კეტის მომარჯვება და მასპინძლის ჭიშკრისგან მაწანწალათა ლაშქრის შორს გარეკვა გახლდათ, ჭილყავივით რომ შემოსეოდნენ ზუგდიდს.

მართალია, სამამულო ომი გვარიანი ხნის გარდახდილი იყო, მაგრამ გაუბედურებული ადამიანების წყებას მაინცდამაინც საქართველოში გამორიყვდა ჩრდილოეთის ტრამალების უკიდევანობა.

მილიციელები კვირაში ერთხელ „ჩორნი ვორონათი“ გამოივლიდნენ ბაზრის სიახლოვეს, შეაქუჩებდნენ სახეშეშუპებულ მაწანწალებს, დატვირთავდნენ სვედაქცეულებით საბარგო მანქანას და ბათუმის ან ქუთაისის გზას გაუყენებდნენ; თითქოს ამით საქმეს ეშველებოდა, მაგრამ იქაური სამართალდამცავი ორგანოები გულხელდაკრეფილნი როდი ისხდნენ და უკვე მომდევნო კვირის თავზე სამეზობლოდან გაორმაგებით აჯილდოებდნენ სადადიანოს; და ასე, ქალაქ-ქალაქ წანწალსა და ხეტიალში, ვინ იცის, როგორ და რანაირად მინავლდა მათი ძირმწარე ცხოვრება?! ჰოდა, იმას ვყვებოდით, სწორედ ჯოჯოს, ხოთოსა და სპირდოს ევალებოდათ ქელებ-ქორწილების მადისმოგვრელი სურნელებისთვის ბუზებივით მოეგერიებინათ შიმშილით კუჭგამხმარი ბოგანოთა ჯარი.

ამ საქმეში შეუდარებელი ჯოჯო იყო. ტანმალალისა და მკლავგრძელის ხელჯოხს იშვიათად თუ დასხლტომოდა ლუკმა-პურის მაძებარი უბედურიშვილის ზურგი და კეფა. ჯოჯოსი ამბოკარებს კი არა თავად კოლეგებსაც სიკვდილივით ეშინოდათ. როცა ეს უკანასკნელი ავადმყოფობდა, ან რაღაც მიზეზებით სხვა ქალაქში გადაიხვეწებოდა, პირველობა ხოთოს ძალმოსილებაში გადადიოდა; და თუ თვითონაც გაუჩინარდებოდა რამდენიმე კვირით სადმე, ცხადია, სპირდოს რჩებოდა ბურთი და მოედანი, დღემოსწრება კუდში დადევნებული რუხი დედაკაცითა და ყურებპანტყურა ფინიათი ეზო-ეზო, უბან-უბან მოხეტიალე სპირდოს.

ზაფხულის თაკარა დღეების მოახლოება სკვერის სიღრმეში ეპატიჟებოდა უსაქმურობის ცხენ-ჯოხზე ამხედრებულ ახალგაზრდობას.

იქ, ჭადრების ხეივნის შუაგულში, ღელე მიჩხრიალებდა. ჩააწყობდნენ ფეხებს ბიჭები იმ სიკამკამეში და ყურს უგდებდნენ ვალოდია სალომეშვილის პოეტურ აღმაფრენას. ორლობეს მგოსანი შეუდარებელი იყო კაფიაობაში. საკმარისია სახელი და გვარი მიგვეწოდებინათ, ხელად გაგრითმავდათ. სანაცვლოდ იმდენ კაპიკსაც გამოგართმევდათ, რამდენი სტრიქონიც ყვანტალებდა ლექსში. მისი სახელდახელო შედეგებიდან თითო-ოროლა დღემდე შემორჩა ოდიშელების მესხიერებას:

მთელ ქვეყანა მომივლია —
 ჯვარი, წალენჯიხა, ლია,
 სამეგრელოს პოეტი ვარ,
 სალომეშვილ ვალოდია.

სიმართლეს ვერ დავმაღავთ, ამაში ნამდვილად არ მოუთხოვია ოთხი კაპიკი ორლობის მგოსანს, რადგან კონკრეტული ადრესატი არ ჩანდა. ორჯერ მთავრობას უკბინა და არც იქიდან ერგო ჰონორარი:

ზუგდიდში ვინ შემოუშვა
 იურიდიტელები,
 ქიანა სინჩხეს ქიჭუნ დო
 ვინ მოჭრა მუხა-ჯალეფი?*

ეს შედეგრი დადიანის ბაღის უსულგულოდ გამკაფავეებს აკრავდა სამარცხვინო ბოძზე.

მომღევენო ეტალონი ასეთი გახლდათ:

ვო, ზუგდიდი სი ბედურა,
 მუ დღასუ რე ურზუქუნნი,
 შხვასუ ჭვიშტარს უჭუნქუ დო,
 სი ცხირასუ ურზუქუნნი,
 შხვასუ ღვინსუ არზუნქუ დო
 სი ჩხოუმის დურზუნქუნნი.*

ამ მეგრულენოვან ტალანტში ზოგიერთს ზმნა „ურზუქუნნი“ გაძლებად მოეჩვენა, ლამის პოეტური გენია დაუწუნეს, ის კი არ იცოდნენ, რომ მეორე შემთხვევაში რითმად გამოყენებული „ურზუქუნნი“ შეგზნებასთან არის დაკავშირებული. ბედი არ გინდა?! ჰონორარი მაინც ვერ გაინაღდა. ამას ზედ დაერ-

თო პლაგიატის სახელიც, რადგან მამანტი კვირტიას ლექსი მიეთვისებინა თურმე ბედოვლას. ოცი კაპიკი რომ ჩაიჯიბა როკისგან აქ არის რაღაც ხელჩასაჭიდი მომენტები. ჯერ ერთი, მახვილგონივრულობით გული აუჩქუყა ყმაწვილს, მერედა, დასაბრუნებელი ხურდა არ აღმოაჩნდა. მთელი თორმეტი კაპიკი მისაკუთრა. თავად განსაჯეთ:

ვალერიანის ბიჭი,
ოდიშელია როკი.
უტეხი არის ისე,
ვით დანე ფიფას „როკი“,
ველარ გაიგებ მართლა,
მუშტები აქვს თუ ტოკი,
ოხრავს, გაეჭვა რადგან,
ერთი ციგანი ძოკი.*

ღიახ, ამ რვაკაპიკიან ლექსში აბაზი დაითრია სამეგრელოს პოეზიის უგვირგვინო მეფემ. თან ისეთ შაირში, გარკვეულ კომენტარებს რომ საჭიროებს.

აქ ნახსენები „ფიფა“ ფეხბურთთან დაკავშირებული ტერმინი არ გეგონოთ, დანიელ ფიფია ნაგულისხმევი; ზედმეტი მარცვალი სად წაეღო, აბა, პირზემოდგარ სიტყვისას?! „როკიც“ იმ სულმნათის ერთ-ერთი შედევრთაგანია, რომელსაც სალომეშვილები მთელი საუკუნე ვერ შეთხზავენ.

რაც შეეხება მეგრულ სიტყვა „ძოკის“ და ბარბარიზმ „ციგანს“, საქმის ვითარება შემდეგნაირია:

სწორედ იმ დღეებში აიყარა ბოშათა ბანაკი და ილონას ფორნით ჩრდილოეთისკენ წასწრაფებულ შეყვარებულ ყმაწვილს ზედ რუხის ციხესთან მიუსწრო გამეხებულმა ვალერიანმა გელოდი ჩიჭოვანის ხოჭოსფერი „ზიმით“, მიუსწრო და დაამორიშორეს კიდევ ერთმანეთს ნაადრევად ჩაბაწრული წყვილი.

— როკი! — წიოდა ფორნიდან მწვანეთვალეზიანი ასული.

— ილონა! — ყვიროდა მანქანიდან მამლაყინწური ხმით მამის ილიაში მოქცეული ყმაწვილი.

მთელი თვე შინიდან არ გამოსულა ახუნტრუცებულები ოდიშელია და მართლაც ჩინებულად შესარულა ჩომახიების სასადილოში დაქადნებული სიტყვა — მალე „ვეფხისტყაოსნის“ ნუცუბიძისეულ რუსულ თარგმანს ვისწავლიო. ტყუილად როდი თქმულა ზოგი ჭირი მარგებელიაო.

კვირაში ორჯერ თუ სამგზის ზეიმის წუთები ეწვეოდა მთელს ქალაქს.

ორშაბათობით და ხუთშაბათობით იცვლებოდა კინოთეატრში ფილმები. კინო-ლენტები ახალგაზრდობის სულსკვეთების ყაიდაზე გამოეჭრათ რეჟისორებს. მძაფრი სიუჟეტისა და სოციალური ნიუანსებით დატვირთული

ტილოები, გაუთავებელი ანალიზისა თუ მსჯელობის საგანი ხდებოდა სენსის დასრულების მერმე: „ავარა“, „ტარზანი“, „სამი მუშკეტერი“, „მესანიშნავი შვიდეული“ ახალ-ახალი ფაქტორისკენ უბიძგებდა ოდიშის ჯეელობას და როცა სკვერის ორივე მხარე გასაყარი სკის გუგუნს ემსგავსებოდა, „ჩორნი ვორონათი“ ჩამოვილიდნენ მილიციელები, შეყრიდნენ სამორიგეოში, როკის გამოკლებით დახელწერილებდნენ მერამდენედ და გამოისტუმრებდნენ იმ პირობით, რომ საზოგადოებისთვის სასარგებლო შრომაში ჩაებმებოდნენ; მაგრამ გადიოდა დღეები და სამხრეებთანესაც და ქუჩაში მოყალიებესაც თანაბრად ავიწყდებოდათ ამასწინათ დადებული პირობა.

უფულად სენსზე ვერავინ შევიდოდა. უკვდავების წამალიც რომ ყოფილიყო კინოთეატრის ფოეში შეჭვრიტინებას, რუსი ალექსეი და აბიკო, ქარონივით უბილეთოს არაფრისდიდებით გაღირსებდნენ, და ხშირად ქესეტად მყოფი ბიჭები იძულებულნი იყვნენ ჩომახიების სასადილოს გასწვრივ ჩამწკრივებული დუქნებისთვის მიემართათ, სადაც ფართლელულის მაღაზიები აეკოკოლავებინათ ადგილობრივ ურიებს ხიხინაშვილებს, ბოთერაშვილებს თუ ხუნდიაშვილებს; ჰოდა, დაესესებოდნენ ბილეთების ფულს, დილით ვიტრინები მთელი რომ დახვედროდათ. ალბათ, აქედან იღებს სათავეს პირველი ოდიშური რეკეტი. მერე გადიოდა დრო და ხან მევალები პატიობდნენ ჯეელებს, ხანაც თვითონ შეირჩენდნენ გულმავიწყოების საბაბით.

სოფლის ახალგაზრდობა სათოფეზე არ ეკარებოდა ბირჟავიკების საუფლოდ გამოცხადებულ ტერიტორიებს. ვინმე უბირი თუ შემოეხეტებოდა აქეთკენ, დიდხანს გაახსენდებოდა მის ნესტოებს ოყიანი მუშტის სურნელი.

საბაბი ყოველთვის მოიძებნებოდა. ამისთანა სურათების გახსენება ბევრჯერ გააწითლებს მოგვიანებით როკის, მაშინ კი ეგზოტიკური ჩანდა სხვისი შევიწროება და დაჯაბნვა, თითქოს ვაჟაკობაში ზომავდნენ სოფლელებს. ვისაც თავის ჩადუნვა ემარჯვებოდა, წაუთაქებდნენ თითო-ოროლას და ფეხების დაბაკუნებით გაათოხარიკებდნენ ავტოსადგურისკენ, მაგრამ ათასში ერთხელ თავაწეული ყოჩი თუ გამოერეოდა, ორთაბრძოლაც აიშლიდა ჯაგარს. მეტოქესაც შესაფერისს შეურჩევდნენ ცხრანომერ ტლუს. როკის ხალხში თუ მოხვდებოდა ის სვეკეთილი, გამარჯვების შემთხვევაში სალ-სალამათი გააღწევდა თანატოლების გარემოცვას, მაგრამ სხვა დაჯგუფებანი ახალ ორთაბრძოლას მოსთხოვდნენ, გნებავთ მეორედ დაეჯაბნა, მესამეს წარუყენებდნენ და არაქათამოცილილი მეტოქე ბოლოს და ბოლოს თუკი მორიგ პაექრობაზე გასვლას იუარებდა, მისცხებდნენ კოლექტიურად. ამის გამო როკის არაერთი თანაბირჟავიკელისთვის უდენია ცხვირიდან ძმარი, და ძაკა ბაბუას ნათქვამი აცხადებული სიზმარივით განამდვილებია:

— ბაბაგე, როკი, ერთს როცა ექომაგები, ათს იმდურებ იცოდე, მაგრამ

ის ერთი ღირსეული თუ არის, ათის გასანაწყენებლად წარბს ნუ შეიხრი. ბოლოს და ბოლოს ათი ლუყუტია გულქანგიანი დაეტოლება განა თუნდაც ფრჩხილისოდენა ნათელს?

მოკლედ, ოდიშელის ნელინელ უგროვდებოდა მოშურნეთა წყებანი, ასაკით უფროსებთან, ულვაშდაგრეხილ ვაჟკაცებთან გამარჯვება დიდებით მოსავდა მის უწვერულ სიყმაწვილეს, ამიტომ შერკინებასაც ვერავინ უბედავდა.

— ეინი ანთარის მოსწავლეაო, — ჩურჩულებდნენ.

ამ უკანასკნელისგან რა ბედი ეწია საჯვაროს ენატროყია ოცეულს, სათქმელად არც ღირს. აქედანვე ჩასაფრებულებდნენ:

აბა, როდის ამოუტრიალდება ფეხი როკის, როდის წაიბორძიკებს, რათა უკულმართმა ბედისწერამ ამთავითვე მოიქციოს კლანჭებშიო, მაგრამ განგება როდის დადიოდა ადამიანების უბადრუკი სურვილებით?!

საოჯახო პრობლემები კვლავაც მომჯობინებულ ვალერიანს აწვა კისერზე.

ეენიაც გამუდმებით ფუსფუსებდა შინ თუ გარეთ, მაგრამ ძირითადი სარჩო-საბადებელი მაინც მშობლიურ ერგეტაში ახლობლების იმედით მიტოვებული მამულიდან მოსდიოდათ.

ქალაქს თავისი ხარჯი ჰქონდა: ქორწილები, სატირლები, ძეობები, დღეობები, ნათელ-მირონი, ჯარში გაწვევა, ახალმოსახლეობა, რაც სულ თითის წვერებზე დგომას მოითხოვდა. ივარაუდეთ ცალკე წამოჩიტიული ბიჭების ჯიბის ფული და მათი ორსართულიანი ქვითკირის სახლის მშენებლობას საშველი არ დაადგა: უდანო მჭედლის არაკი ოდიშელებზე ითქმოდა.

საშენი მასალა რა ხანია მოემარაგებინა ოქროსხელებიან ვალერიანს, მაგრამ ოთხი გადაბმული კვირა ვერაფრით გამონახა საქმის ბოლომდე გასასრულებლად.

ამას ზედ როკის ფათერაკიანობაც დაერთო:

ჯერ პირველ საშუალო სკოლაში ფიზკულტურის მასწავლებელთან ინციდენტი და შოთა ხუბულავას მამობრივი რჩევით საღამოს სწავლებაზე გადაყანა;

მერე ილონა, მისი მწვანე თვალებით მონუსხული ვაჟიშვილის კალაპოტიდან ამოვარდნა.

ამჯერად მათემატიკის მასწავლებელთან შეჯახება.

ეს პირმრგვალი და გვარიანად ჩაპუტკუნებული ბერბიჭა, ზოთოსავით რომ ჩაღუნცვოდა კისერი, ერთობ სარგებლობდა ლოგარითმული თავმომწონეობით, უსამხროდ სტოვებდა ბატისტინა ქალიშვილებს და როგორც მერე გაირკვა, რამდენიმე ეცდუნებინა კიდევ. გათხოვებისთვის თვალდახელილ საღამოს სკოლის ასულებს ცალკე მშობლების შიში თანგავდათ, ცალკე კლასში ჩარჩენის განსაცდელი და როცა დამართოხელებულს ხელების ფათურს დაუწყებდა, ზოგი მყისვე უკუაგდებდა და მშობლებთან არდაბეზლენ-

ბისთვის ნიშნები განადღებული ჰქონდა, მაგრამ ყველას როდი შეეძლო თავის მოზღვდვა; ასე რომ, დერეფანში აქვითინებული თათულის მნახველ როკის თავში სისხლთან ერთად აუფრიალდა მათემატიკის მასწავლებლის, ტუხა ფარფალიას სახე.

— ვინ გაწყენინა? — ჰკითხა ჯიქურ ქალიშვილს, თუმცა მათემატიკის კაბინეტის წინ მხრებაცახცახებული და მჩაგრავის ვინაობის ამოცნობა რაღა ისეთი ორუცნობიანი განტოლება იყო?!

— პირველი მეოთხედიდანვე ამომიჩემა, დამაკმაყოფილებელი არ მადირსა. მგონია აქაც ჩამტოვებს კლასში. მერე თავი სად გამოვაჩინო? საშველს არ მაძლევს. იცის უმამო ვარ და არავინ გამომესარჩლება.

— არავინ? — იფეთქა როკიმ, — ხომ არ შეგეხო?

თათულიმ თავი ჩაღუნა.

ტუხა ფარფალია სიმაღლეზე დაწყობილ საკონტროლო რვეულებს ასწორებდა, ყური კი დერეფნისკენ დაეცქვიტა.

თათულის ქვითინით გავარდნა მუხლებს უკანკალებდა.

ოდნავგამოღებულ კარში როკიმ წიხლისკვრით შეუფერხებლად შეაბიჯა. ტუხა ფარფალია გატრუნული იჯდა, მთელი ექსტაზით ჩაძირული ევერისტე გალუას საუფლოში.

თათული სუსტადგანათებული დერეფნიდან უთვალთვალებდა ლამპიონითა და მამუქით გაჩირადღებულ სივრცეში მომწყდელ მათემატიკის მასწავლებელს. ქალიშვილი ჩინებულად ხედავდა როგორ მიუახლოვდა თანაკლასელი ფარფალიას, რანაირად სტაცა უცებ ხელი მომცრო ყურზე და აბლაღლებულმა ტუხამ წამოდგომა რომ სცადა, ისე ღონივრად დასწია ძირს, ხელად სკამზე მიაღურსმნა.

გაუკვირდა ასულს რა სწრაფად დაიმორჩილა დევივით კაცის სიზულუქე გაწლიკული ამხანაგის შემართებამ.

— კიდევ მანდ უდგეხარ! — ბრძანებასავით გაისმა დერეფანში გახირული ქალიშვილის მისამართით და თათულისაც რა გზა ჰქონდა როკის ნებას გადასულიყო?!

ოდიშელის გაგონილი ჰქონდა ტუხა ფარფალიას კუჭის სიმჟავე რომ აწუხებდა და ექიმის მითითებით შექარივით ატკბარუნებდა ცარცს, ამიტომაც მთელი სკოლის ცარცის არსენალს მის კაბინეტში მოეყარა თავი.

— აიღე ყუთიდან! — ბრძანებდა კვლავაც როკი, — ნუ ძუნწობ, არ გარბიდეს ერთბაშად.

ქალიშვილმა ხელისგულით მოართვა ცარცის წაგრძელებული ნაჭერი, ასე ციდაზე ხუთიოდე სანტიმეტრით მოკლე.

ტუხა ფარფალია საარყე ქვაბივით თუხთუხებდა. როკის მარჯვენას დაჰყვა ყურმოხელთებული, მარცხენა ხელი ყბებში მარწუხებივით გამოსდო, წაუჭირა და არ შინზე დააფრენინა.

— მიართვი ახლა დესერტი! — სიცილს ძლივს იკავებდა როკი, მაგრამ თათული ამის გამკეთებელს არ ჰგავდა. მაშინ ოდიშელიამ თვითონ დაავლო ხელი ცარცს და როდესაც მომუშაულ პირს მიუახლოვა, წელანდელი მარწუხების ხსოვნამ კრინის მომღერალსავით მოამრგვალებინა ტუჩები ფარფალიას. როკიმ ეგრევე გაუპირდაპირა ღრიჭოში. ცარცმა კბილებში გაიხლაკუნა და ყანყატომდე მიღწეულმა თვალები გადმოუკარკლა მათემატიკის მასწავლებელს, ალბათ, მის ბისექტრისულ სწრაფვას მიადევნებდა გონების თვალს, თან კურცხლები ტკვარტკვალით გადმოუცვივდა წითელი ხაზებით აჭრელებულ საკონტროლო რვეულზე.

ვერ დაიძალა ეს ამბავი. როგორც ჩანს, ყოველივე ტუხა ფარფალიასგან მოდიოდა, თორემ თათული რისთვის გამოჭენდებოდა მიღეთ ხალხში, ან როკის სად ეცალა მსგავსი წვრილმანისათვის?! მოკლედ, ცარცთან დაკავშირებული ელურბელური მალე მთელს ზუგდიდს მოედო.

ერთხელ ქალების რისხვად ცნობილმა შოთა ხუბულავამ თითით მოიხმო ყოფილი მოსწავლე და სიცილით ეუბნება:

— მართლა აჭამე ცარცი, ფარფალიას?

— მართლა, მასწ. — უთხრა წამოჭარხლებულმა როკიმ.

— მაკრონიას მუშტი აჭამე, ფარფალიას — ცარცი. ბერეშისათვის არაფერი გაქვს შენახული? გადმოგიფხანდი ისევ ჩვენსას, მაგრამ დაერევი კერპუციასავით ამ ჩემს შინაბერა ქალებს და თავს საციხედ გაიხდი. ისევ, გარეთ, მოძებნიდე — დროა. დიდხანს თუ გინდა ნამდვილი მამაკაცი იყო, მოშარდვის დროსაც კი ნუ მოკიდებ ხელს იმ ერთ იარაღს! გაიგე? — თქვა და გაეცალა პირველი საშუალო სკოლის ხონთქარი.

რაც შეეხება ტუხა ფარფალიას, მესამე მეოთხედის შემდეგ საკუთარი განცხადების საფუძველზე დაემშვიდობა დაკავებულ თანამდებობას აჭირქილებული დირექტორის, გუგუ გობეჩიას კაბინეტში, სამუშაო ადგილის გამოცვლის მოტივაციით და მეტჯერ ზუგდიდში არავის უნახავს.

შოთა ხუბულავას დარიგებამდე გვარიანად ადრე, გრეჩანკა როზას მონათლული როკი, კვლავინდებურად ბირჟაზე ტრიალებდა. ახლა იგი მაცხოვრისკარელების დაჯგუფებიდან პრესოკელების სამშოში გადაბარგებულყო, თუმცა გერაც მასპინძელი ლიდერების თანაბარი უფლებებით როდი სარგებლობდა. ოდიშელია კვლავაც უმაღლესი ლიგის „ბ“ ჯგუფიდან „ა“-ში გადმოსულ ფეხბურთელს ჰგავდა, ოღონდ განუხაზღვრელი ვადით სათადარიგო სკამზე მიღურსმუნულს, თუმცა ასპარეზმა აქეთ მოაგნო.

გაგანია ზაფხულის გულისწამლები ხვატი ჩრდილოვანებისკენ მიერეკებოდა სულიერს თუ უსულოს. ვისაც შესაძლებლობა ჰქონდა, გაიკრიფნენ ბახმაროსაკენ თუ საირმისკენ, მაგრამ უფრო ხელმოკლენი შინ დარჩნენ, გავარვარებული ქალაქის ფსკერზე, და ათასში ერთხელ ანაკლიისკენ წასვლას თუ მოაბამდნენ თავს, ესეც დიდი შეღავათი იყო.

კვირის წინ სრულიად უსამართლოდ დაჩაგრეს ჯოტო ოდიშელიას მეზობელი კოდუას ბიჭი რკინიგზის სადგურის ბირჟავიკებმა.

შლაქსები ფეხს იკიდებდა ქალაქში, მუხლებთან შევიწროვებული და წვივებისკენ გაფოშფოშებული ტრაპეციები, მაგრამ ფარნა კოდუას მეოთხე ბიჭის, გულას, ოჯახაშენებულ თერძს ზომიერების გრძობა მთლად დაკარგვოდა და შარვლის თითოეული ტოტი სიგანეში ლამის ნახევარმეტროიანი გამოსვლოდა, თანაც კოვბოის ყაიდაზე შაურიანისხელა ღილებით დაემშვენებინა ბარძაყიდან მოყოლებული კანჭებამდე.

საკბილოს დადარაჯებულ ჯეელებს ოსტატურად გამოეჭირათ დარჩეული ტეტია. ერთი მარჯვნივ მისდგომოდა, მეორე — მარცხნივ და დაეწყოთ დათვლა კვირის ღლეების თანამიმდევრობით: ორშაბათი, სამშაბათი, ოთხშაბათი... ითვლიდნენ თურმე რიგ-რიგობით წყვეტდნენ ღილს. დამთავრდა ერთი კვირაძალი. გადავიდნენ მეორეზე: ორშაბათი, სამშაბათი... მივიდნენ პარასკევამდე, ააგლიჯეს ისიც და გაძვალტყავებული შარვლის პატრონმა ხმა კვლავაც რომ არ გაიღო:

— შაბათი რატომ არ დააკერე შენი გოიმი დედაო, — და დაასიფათეს საკმარისზე მეტად. თანასოფლელების წინაშე დამცირებული გულა კოდუა ბაგეჩაკნეტილი, უსიტყვო თავისქნევით გაჰყვა ავტობუსს.

მომდევნო ღღეს ის ავტობუსი მებაზრე ქალების ნაცვლად, ბებუთებით, ფინური დანებითა და კასტეტებით შეიარაღებული ახალგაზრდებით დატვირთული მოადგა სახალტუროს.

რკინიგზის სადგურზე შემოსვლას, მით უფრო შურისძიების მიზნით, რომელი ჭკუათმყოფელი გაბედავდა?! ამიტომაც საქმის გასარჩევად რამდენიმე ყოჩი გააზავნეს სადგურის ბირჟისკენ დარჩეულებმა და როდესაც ამ უკანასკნელთ ღესპანები ცხვირპირჩამოლეწილები დაუბრუნდნენ, თანაც მთელი ქალაქის ახალგაზრდობა ავისმომასწავებლად წამოხორხოცდა ოთხივე კუთხით ჩხოლუმიას მარჯვენა სანაპიროსკენ, მძლოლმა ყური დაუხშო უფრო თამამთა ბაქიბუქს. მას ცინცხალი ავტობუსის ბედ-იღბალი მეტადრე აღარდებდა, ვინემ კოდუას ბიჭის ართმეული ღილები თუ შუბლდახეთქილი შუააკეები. მოსალოდნელი ორომტრიალისგან ქანჩი და ჭანჭიკი არ შერჩებოდა ბიგავების ერთადერთ მარჩენალს და მძლოლმაც მანქანა ადგოლს მოწყვიტა, სოფლისკენ გააქანა დაბოლმილი ქორ-შეგარდნები.

იმ დღიდან მოყოლებული უკიდურესად დაიძაბა ვითარება, ვინაიდან დარჩეულებმა განურჩევლად დაუწყეს დევნა ზუგდიდელ მგზავრებს, მექორწილენი იყვნენ ისინი, მეპანაშვიდენი თუ ზღვაოსანნი. აბუჩად აგდებულებს და დამცირებულებს არაფრით გაატარებდნენ თავიანთ ტერიტორიაზე. ამ მხრივ განსაკუთრებით ცხელი ქვიშის აბაზანებსა და ხავერდოვან ზღვაში ნებივრობას მონატრებული ქალაქელები დაზარალდნენ. დარჩელის ცენტრამდე კი მოალწევდნენ ზღვაოსნები თუხთუხით, მაგრამ ხელკეტებით, და-

ნებითა და ორლულიანი თოფებით შეიარაღებულნი გზას გადაუღობავდნენ. გადმოუპირქვაებდნენ საგზალს; წაელლაბუცებოდნენ მხარმოშიშვლებულ ასულებს; მოზვრისკისრიან ბიჭებს მანქანის ძარაზე არახუნებინებდნენ თავებს. სამაგიეროდ ვერც მათი მშობლები მიდიოდნენ ბაზარში გოჭების, სიმინდისა და თხილის გასაყიდად.

შეწუხდა ხალხი აქეთ-იქით. ზუგდიდელ კაცს დაუტირებელი რჩებოდა სისხლით ნათესავი; ვერც ქორწილში მიებედნათ მთლად თავზეხელაღებულთა მეტს, თუმცა დამხდურისგან კარგი დღე იმათაც არ ადგათ. საქმე იქამდე გართულდა ქალაქის საზოგადოებამ ქუჩაში მოყოალე ახალგაზრდობას საყვდური არ აკმარა შექმნილი ვითარების გამო და მალე ყოველივე ხელისუფლების ყურშიც ჩაეწვეთა.

ბირჟავიკების ღირსება სასწორზე იყო შეგდებული. აქ უკვე მილიცია და იარაღი უძლური გახლდათ. და სწორედ ამისთანა დროს, ამისთანა ვითარებაში ცენტრისტების სათავერილობო ადგილისკენ მისდაუნებურად დაიძრა ყველა რანგისა და ღირსების ძმობა, თავიანთ ლიდერიან-წვრილფეხობიანად.

ახალგაზრდების ხივილს ცნობისმოყვარედ აყურადებდნენ მგზავრები. ბაზრის მთელი მაწანწალობა აქეთკენ დაძრულიყო და ხოთოს, ჯოჯოს და სპირდოს ცოტა მეცადინეობა როდი დასჭირდათ მათ გასაფანტად. საწყლები პეტეიკო თოდუას ეცდუნებინა:

ქალაქის ცენტრში ფლავს არიგებენ უფასოდო, მოლა ნასრედინის დასესხებით, მაგრამ მთავარი ის იყო, რომ ზუგდიდელ ჩაუქებს თავი ეჭრებოდათ მთელი ქალაქის წინაშე. აქამდე სადადიანოს რისხვად მიჩნეულებს ხელიდან ეცლებოდათ წლობით მოპოვებული სახელ-დიდება.

— ფერდინანდის მეტი ვერავინ მოაგვარებს ამ საქმეს, — თქვა გვანჯი ჩიქვანმა და საჩოთირო შუამავლობას მოხერხებულად დაუძვრა.

— ფერდინანდი და გოგი ყოლბაია! — დააკონკრეტა საშა ეგუტიამ.

— გოჩა ჩიქვანს რას უწუნებთ? — წამოიძახეს აქა-იქ.

— კარგი იქნება ამ სამეულს როკი ოდიშელიასაც თუ გავაყოლებთ, — ჩაერია საუბარში კაკა ჟვანია, — ჩემი ბებერი ძვლები არასდროს დაზარებია საერთო საქმეს, მაგრამ ამჯერად ისეთი ხალხის შერჩევა აჯობებს, დარჩელებთან ნათესაური კავშირი ან მეგობრული გრძნობა რომ აერთებთ. მერე და გვანჯის და ჩემი დრო ამოწურულა, ვნახოთ ვისი იმედით ვტოვებთ ქალაქს, — კაკა ჟვანიამ ქამარ-ხანჯალს დააყრდნო ხელები, — ამ საქმის გაძლოლას პეტეიკო თოდუას თუ ჩავაბარებთ ერთითად მოვიგებთ ყველა. მისი ენამოსწრებულობისა მოგეხსენებათ, თანაც დარჩელების სიძეა. არც ანზორ ქაჯაიას უმისობა იქნება. რაც შეეხება ოდიშელების ბიჭს, უფრო იმ მოსაზრებით დავასახელებ, ბიძა ჰყავს იქაური, ჯოტო. მერედა, ძმაკაცობს კიდევ კოდუებთან, დაბოლოს, საქმე საქმეზე რომ მიდგეს, არავის უჭრის ახ-

ლებიდან მასზე უკეთესად ენა და მუშტი. გახედეთ ერთი, აყენია თუ არა გივის სალობიესთან გელოდი ჩიქოვანის „ზიმი“?! აგაშენათ ღმერთმა! გვშველებია და ეგ არის!

ბულვარს თანდათან ემატებოდა ხალხი. მისდღემში ზღვა რომ არ ენახა, ისიც იქითკენ წაუსვლელიობას ჩიოდა.

— ამოვიგულდებით ერთიანად ამ პაპანაქებაში, — წუხდნენ.

— იმისთანა საქმეს ნუ აავორებთ, მერე თითზე კბენა გვიანი იყოს! — ჭკუას არიგებდნენ თავიანთ აღზრდილებს შოთა ხუბულავა, ამბაკო ოდიშელია და მირიანე ნარმანია. ქალთა სკოლის დირექტორი გოგოლა ჩხოლარიაც ამ აზრის გახლდათ, მიუხედავად იმისა, რომ დამორცხვებულნი მისი პროფილისანი არ იყვნენ.

საზოგადოებრივი შრომის ფერხულში ჩაუბმელობის გამო არცხვენდნენ ჯელებს. უმიზნობას მიიჩნევდნენ მათი უუნარობის სათავედ. სხვები ვაჟკაცობას ურცხვენდნენ.

— საკუთარ კედლებში ხართ მაგრები, თორემ ჭიშკრიდან გასულები კუდს ამოიძუებთ და სამასხროდ აქცევთ მთელს ქალაქსო, — ბედავდნენ და ყოჩები, ადრე მსგავსი სიტყვებისთვის მზად რომ იყვნენ სკვერის ტრიფოლიატაში ხელიკივით გაეძვრინათ საკუთარი ბაბუის აჩრდილიც კი, თავჩაქინდრულები ითმენდნენ უფროსების გაკილვას.

ამასობაში ზოგი ჩომახიების სასადილოდან გამოიყვანეს, სხვები გოგის სალობიედან და ნახევარი საათიც არ გასულა იმ ბჭობიდან, რომ ზუგდიდლების დელეგაცია დარჩელისკენ მიქროდა გელოდი ჩიქოვანის გაკრიალებული „ზიმით“.

ლიმა მესამე

კარანტინი

230769

განგებას ყოველი ქვეყანა განუმეორებელი ხიბლით დაუჭილდობია. გაცდები კოლხეთის დაბუშტულ ჭაობებს — ყვითელი, წითელი, ლურჯი, მწვანე... ეხლართება ფერი ფერს, გადაეწნება, ებრძვის, იმარჯვებს; ხანაც ქრება ვერსობით, კილომეტრობით, ისევ იფეთქებს ფერდობსა თუ ზეგანზე; არბის და მინავარდობს მათა კალთებით, თითქოს ცას უნდა გამოეკვანძოს, თითქოს ეპოტინება უკვდავებას მარადიულს, დაუდგრომლობს დღენიდაგ, ლამაზდება და იფერფლება საკუთარ მეობაში, გაეხვევა თესლის საბურველში, ისევ გამოანგრევს ნისკარტით შემოშენებულ ნაჭუჭს მესადე, მეთასედ, იმეორებს სამყაროს უდასასრულო სიმღერას ფერთა ორკესტრით, ჯადოქარი დირიჟორის ჯოხი მთვრალია, გაბრუებულა ამ კონცერტით; ზოგჯერ

თავბრუდამხვევია მეჭლის ესე, ალეგრო და კონინადო, გენერალური პაუზა 43-42 კვადრატისა, უფლის ექვსდღიანი ოდისეა დე-ფაქტო—დე-იურე გეორგიაში, მაგრამ შეიძლება განა უკვდავების ხეზე გაიცვალოს მამაპაპური სალი კლდეები?!

დიადი რამ არის სამშობლოს შეგრძნება, მითუფრო, როცა მისი ჰაერით შვიდი წელიწადი არ გისუნთქია; როცა ნაყანარში შექუჩებული სიმინდის დეროების კვამლით ახლაც გეწვის ერთფეროვნებით ამოღამებული თვალეები; როცა ოცნებაში დაგუბებული სანახები დედულეთისა ბოლოს სცემენ ხელისგულისოდენა სარკმელთან. სწორედ მან დაგაჯილდოვა განსხვავებული დანახვისა და დაფასების უნარით, მაგრამ ცხელი უდაბნოეთის ოაზისებიც კი უკუდგებიან შენი მამულის ხატურების წინაშე, შენი ოდაბადეს ფერთა კარნავალის ძლევაძოვით დატყვევებულნი, და ეს განცდა არასდროს წარმოშობს რაიმე უპირატესობის გრძნობას თუ ზომიერების საწყაოთი გისაზრდოვებია პატრონილური მისწრაფებანი, საკუთარის გაღმერთება თუ არ გიცდია სხვათა გაარარავეების ხარჯზე; თუკი მსოფლიო მოქალაქედ შემართულხარ და საპარის ხორმაკ ქვიშნარებს, ტუნდრის ქონდრისკაცულ ბუჩქოვანებს, ციმბირული ჭორომების ყინულის ხერგილებს, თუ ქალწული არყის ხეებს ევროპული რუსეთისა ისე იხუტებდი მკერდში და ეკონები კვლავაც, როგორც დაგრეხილ თხმელიანებს შენი დობადონასი.

ორთქმავლის შეკვივლებამ და თანდათანობითმა დამუხრუჭებამ ოდიშელია ფიქრებიდან გამოარკვია.

ყაზანის ვაგზლის პირველი ბაქნის მეორე ლიანდაგზე შედიოდნენ. გამცილებელმა კუპეში შემოიხედა. ასაკეც სკამზე მოკალათებული სვეტლანა სარკის წინ ლამაზდებოდა. კაცი ლოგინზე წამოწოლილიყო ჯერაც.

— ბილეთები ხომ არ გინდათ? — თქვა ვაგონის დიასახლისმა და სახეზე ეშმაკურმა ღიმილმა გადაუბრინა ძველებურად.

— დაიტოვეთ სამახსოვროდ, — გაეხუმრა სასჯელმომხილი, — ეგ მამპანურებიც თქვენია, გამოგადგებათ.

გამცილებელი მადლობის ნიშნად კვლავ გაიბადრა. დაკეცილი თეთრული და ბოთლები გაიყოლა. ჩქარობდა. ყვითელი ალმით უნდა მისალმებოდა მატუშკა მოსკოვს.

როკი გარინდულ სვეტლანას ქურქის ჩაცმაში მიეშველა. თვითონაც მოირგო ტანზე ტყავის პალტო. სიგარეტი მოიძია ჯიბეში. მოუყიდა და ხარბად გააბოლა.

ქალიშვილს მარცხენა მხარზე შავი ჩანთა გადაეკიდა, ილღიაში ქურნალი ამოეჩარა და სანამ ოდიშელია მოისახრებდა, მარჯვენა ხელით დიპლომატს ჩააფრინდა.

როკის გულში რაღაც ჩაწყდა. ის სახელური ახლა წყალწაღებულისთვის ერთადერთ სანუგეშო ხავსს ჰგავდა, რომლის წართმევა ამწუთას დიდი ცოდვა-ბრალი იქნებოდა.

ბაქანზე ჩამოსულებს ფუმფულა თოვლით შემოეგება ქალაქი. სანამ მეგობრები მოაგნებდნენ ვასია ზატონიკის ყავისფერი საფულე ამოაცოცა, ერთ-ერთი თვალისგან მთლიანად ამოიღო ტუიციანა ხუთთუმნიანები, ჩანთა უკითხავად გაუხსნა ასულს, ჩაუცურა, მერე დიპლომატიან მაჯაში წვდა, დაუჭირა ერთხანს, თვალი თვალში გაუსწორა. დაგუბებული ცრემლები რომ უნახა, სალოკი თითის გატოკებით აუკრძალა ცხვირის ჩამოშვება. გამოართვა დიპლომატი, „მშვიობითო“, უთხრა ალერსიანად და ხელაწეული ბიჭებისკენ აუჩქარა ნაბიჯს.

სამი „მერსედესით“ მოსულიყვნენ. ვასია ზატონიკის მხარდამხარ ხელგაშლილი ვალერი გლატკოვი მოტორტმანებდა. ნახევარი წლის წინ გამონთავისუფლდა გლატკოვი ერთწლიანი ზედამხედველობითი რეჟიმით, მაგრამ ისე იკრავდა მეგობარს მკერდში, თითქოს საუკუნის უნახავი ეხილოს.

სვეტლანასაც უხმეს. ჩასხდნენ მანქანებში და გასრიალდნენ სასტუმრო „როსიასკენ“.

ახმაზი ვალერი გლატკოვი მოსკოვის ორგზის ჩემპიონი იყო კრივში. პატიმრობაში სამჯერ ჩავარდა ზედიზედ, სამივეჯერ მუშტი-კრივისთვის. სპორტის ოსტატის წოდება ჩამოართვეს, თუმცა არსად ტყუოდა, განსაკუთრებით ბოლო შემთხვევისას.

რესტორანიდან გამოღრიანცელებული ბიჭებით დამცირებულ ქალიშვილს გამოეჭომაგა. სანამ შეეძლო ითმინა ალიყურები, მერე გაცეცხლებული დაერია შფოთისთავეს და სულ ჰაერში აბურთავა. უბნის მილიციელები დააფრინდნენ. ვიდრე საქმის არსში გაერკვეოდნენ, იმათაც მოსცხეს გვარიანად და მაშინ თვალთდაბნელებულმა არც პატრულები დაინდო და აღარც — ჩინოსნები. ოდიშელიას პირველი და უკანასკნელი პატიმრობის მოტივები გაუმეორეს, იარაღის უნებართვოდ ტარება და გამოყენება აჰკიდეს.

ტიპიური რუსი იყო აღნაგობით, ბუნებით — ნამდვილი ქართველი. სამი წელიწადი ერთი თეფშიდან ნაყრდებოდნენ ის და როკი. ხასიათით ნამდვილი ანგელოზი გახლდათ, არაფერს დაგიშავებდა, მაგრამ არც გაპატიებდა რამეს. ვასია ზატონიკი დიდად აფასებდა ვალერი გლატკოვს, რადგანაც გაჭირვების ტალ-კვესი იყო, უებრო მხარდამჭერი.

ვალერკა ყველაზე გავლენიან დაჯგუფებას ხელმძღვანელობდა მოსკოვში. მათში შედიოდნენ ძირითადი გადამგდებლები, იგივე კიდალჩიკები, კრიშები.* სხვადასხვა ორგანიზაციას და რესტორანს პატრონობდნენ, იცავდნენ შემწერებისგან. ბრიგადაში სულ რჩეული ბიჭები ჰყავდა, მხარბეჭიანი, საზრიანები და უდრეკელნი. თავიანთი სამოქმედო არეალის ზედამხედველობა პატარიდან უფროსამდე დაბმული ჰყავდათ. ფულს იმდენს შოულობდა, რამდენიც აცვენილი ცხოვრებისთვისაა საჭირო. მთელს იუჟნი-პორტში მაგისი ხალხი საქმიანობდა. აგდებდნენ ნებისმიერ პიროვნებას, მანქანას, ოქროს, ბრილიანტს. მოკლედ, ორმოცდაათაკაციანი სპორტსმენების ბრიგადა შენმატებილებული ოჯახივით ცხოვრობდა.

შეხედა თუ არა როკიმ ვალერი გლოტკოვის ხალხს, ერთადერთმა ფრაზამ გაუელვა გონებაში: „თავს ისე მოგაჭამენ, სახელსაც არ გკითხავენო“. ბრიგადის წევრებს ჩახსნილი პერანგებიდან მოუჩანდათ ვეება ჯვარგამობი მუღი თითისისხო ბაჯაღლოს ძეწკები. ორივე ხელზე ბრილიანტის თვლებიანი ბეჭდები ეკეთათ. წარამარა გამოაჩენდნენ ოქროს საათებს ოქროსივე სამაჯურებით. მარჯვენა ხელზეც, როგორც წესი, ლამის ქამრის სიფართისა, სამფად დაწნული სამაჯურები ეკეთათ, რომლებიც ციფრით იჭვრიტებოდნენ სახელოს ფულუროდან ფიცხელი საუბრისას თუ გულდინჯი მოძრაობის დროს. ერთი სიტყვით, ტიპური მკვლელების ამაღა დაახვედრა ვასია ზატონჩიკმა როკის. ჩახსდნენ „მერსედესებში“ და ცენტრისკენ უტიეს. მეტროპოლიტენის სადგურ „კრაპოტინსკაისთან“ დაემშვიდობნენ სვეტლანას.

ოლიმპიადის ციბე-ცხელებას გარკვეული დადებითი კვალი დაეტოვებინა მოსკოველებისთვის. ოთხი წლის წინ გაკრიკულულ ქალაქს ჯერაც შერჩენოდა ოქროცურვილი თუ ფაქიზი საღებავების გამა.

სასტუმრო „როსიაში“ ლუქსი აუღეს როკის. ჰაიასტნელი ადმინისტრატორი ქალი წარიძლოლიეს. აღმოსავლეთ ბლოკის მეოთხე სართულს მიადგნენ, 445 ნომერს, ლაღსა და ჰაეროვანს.

მთელი საძმო აქ შემობარგდა. ვინ სად მოკალათდა, ვინ — სად. ოცამდე მოგროვდნენ. როცა ადმინისტრატორმა ოქროს კბილების ღრეჭით კარი მიიხურა, ვასია ზატონჩიკმა მეგობრებს სტუმარი წარუდგინა.

— ჰანტერ ვალერიანოვიჩი, — დააკონკრეტა გლატკოვმა, — ჩემი ძმა და მეგობარი, ზონაში პალაჟინიაში იყო, ზონას უყურებდა. ბევრი რამე ვისწავლე მისგან, რომელიც თავისუფლებებში ყოფნის დროს დიდად წამადგა ფულების შოვნაში, და რაც მთავარზე მთავარია — ადამიანებთან ურთიერთობაში.

— მე ხვალ უნდა მოგტყდე, — თქვა ოდიშელიამ, როცა ახალგაჯნობილებმა ხელები ჩამოართვეს, — სამი ქსივა მომაქვს, იცის ამის თაობაზე ვასიამ, დანარჩენი თქვენზეა.

ზატონჩიკმა გახსნა ქსივები, სწრაფად ჩაიკითხა, მერე სიტყვიერად აუხსნა მათი შინაარსი ვალერკას და იქ მყოფთ:

— ამოსადებია გადაბარებული ფულები. ესენი ავტორიტეტიანი ბიჭებია. ყველა გადამხდელია. ფუფულო არცერთს არა აქვს წაგებული. მოკლედ, ყველაფერი რიგზეა, რომ არა ერთი მაგრამ: ლუდოედის ფული საკამათოა, თანაც ძლიერი ბრიგადა ჰყავს, ასე იოლად არ დათმობს. საქმე საქმეზე თუ მიღვა თვით ქურდულ კანონებსაც არაფრად დაგიდევს.

ისინი მასტით ლომომპობოიასნი არიან. აქ საჭიროა მგლური კანონების მოშველიება. როცა მგლებს ორი ხროვა ხვდება ერთმანეთს, წრეს შეკრავენ ცალ-ცალკე, ხოლო ატამანები ერთიერთზე გავლენ, რომელიც მოერევა ის აერთიანებს ორივე დაჯგუფებას და გამსხვილებული ოჯახი მერე იმ ერთი წინამძღოლის მონა-მორჩილია. გაიგე, ვალერკა, ეს უკვე შენი პროფი-

ლისაა. ლულდოედი ჩვენ ფეხებში გვებლანდება რა ხანია. თუ საჭიროებამ მოითხოვა მიაბრიდე! — ვასია ზატოჩნიკმა ბიჭებს თვალი მოავლო, თითქოს მათ გუნება-განწყობილებას არკვევდა, და როცა შეატყო ნათქვამს მსმენელებში წარბიც არ შეუტოკებიაო, განაგრძო, — არის პრობლემის მოგვარების მეორე გზაც. გეცოდინებათ, გსმენიათ, ალბათ, ველური ჯიშის ძაღლებისა, დინგოს ეძახიან. მსხვერპლს იშვიათად ესხმიან, ნადირობით ოფლს არ მოიდენენ. ძლიერი ცხოველის სიახლოვეს ტრიალებენ, უთვალთვალევენ, როდის ჩაუდგება კვალში ლომი ან ვეფხვი გარეულ კამეჩს თუ ხარ-ირემს. დანაყრდება ის ნადირთა მეფე, გაიზმორება ზანტად და ეწევა თავის სავალს. აი, მაშინ ნარჩენებს მიუცუტყედებიან დინგოები და ასე გააქვთ წუთისოფელი. მიმიხვდი?! იუჟნი პორტის მეორე ნახევარი მაგათია. იმ სივრცეში შემავალ რესტორანებს, ბარებს და კაზინოებს ლულდოედის ხალხი აკონტროლებს. მალე უბანში შემოგვივარდებიან, მერე ძნელია გამარჯვება. ყველაზე უტყუარი თავდაცვა — შეტევა და დროულიც იქნება. მაგას, ვალერკა, შენი ეშინია, იცის შემყვანი და გამკეთებელი ხარ. ეს შენ ზურგს გიმარებს, რადგან ბაითში გულაობ. შიშინანი კაცი ყველაზე სახიფათოა, რადგანაც ცალი თვლით გელაქუცება, მეორეთი ჩასაფრებულია და ხელსაყრელ მომენტს ეძებს ყელში საბრდღუნელად. ღმერთმა უწყის, ფეხს როდის გამოგდებენ. ეს შანსი შენ ხელიდან არ უნდა გაუშვა.

ქსივაში სწერია, რომ ამოღებული ფულის ერთი მესამედი პანტერას მიეცეს, დარჩენილი თანხა შუაში გაყოთ, ნახევარი ვლადიმირში — ბრილიანტს და გივი კნიაზს გაუფხუვნათ პირადად და არა — ობშიაკში. რაც გადაჩემა მე და შენ გავიყოთ. მართალია, ვლადიმირის დაკეტილი ახლა საათივითაა აწყობილი ბრილიანტის ძალისხმევით, მერე გივი კნიაზის ავტორიტეტითაც საკმარისზე მეტი გრევი შედის, წავიდა ცოტა გულიანკა,* მაგრამ ზალატაუსია ცუდ დღეში.

— იქ ვინ არიან? — ჰკითხა ვალერი გლატკოვმა.

— კოლია გრეკი, ქურთი ჭიპია, თბილისელი. მგონი ტულიაკსაც იქ უკრეს თავი. მეიმედება, რომ ტულიაკი ჩინებულად ააწყობს საქმეს, მაგრამ პირველ ხანებში მეტი თანადგომა მათ სჭირდებათ ახლა.

— ჯერ ბავშვი არ დაბადებულა და აბრაამს არქმევდნენო, — გაიცინა ოდიშელიამ, — საკითხავია, ამოვა კი ის მაყუთი საერთოდ? მერედა, ზალატაუსში ის ფული ვერ წავა, რადგან გადამბარებელს მითითებული აქვს ვლადიმირი, პირადად ბრილიანტს და გივი კნიაზსო. ფულის ადგილმონაცვლეობის საკითხი მათი გადასაწყვეტია. კი, ქურდს აქვს უფლება მისამართი უცვალოს თანხას, სადაც მეტი საჭიროებაა იქ გააგზავნოს, მაგრამ ერთს, ბრილიანტიც რომ ბრილიანტია, ამას არ აპატიებენ. ეს მასამ უნდა გადაწყვიტოს! — თქვა და ამით მორჩა საუბარი.

ბიჭებმა ამოიტანეს ნომერში შამპანურები, საჭმელი და ცოტათი გული შეიმარეს. რვა საათიდან კი ვარიეტე იწყებოდა რესტორანში.

ვალერკამ ხალხი გააგზავნა ლულდოედთან და სკარპიონთან, შეუთვალა:

ხვალ, დღის პირველ საათზე სასტუმრო „მოსკოვთან“ ვგროვდებითო და თან ქსივაც გაატანა. დანარჩენი ფული არ იყო საპრობლემო.

იმ საღამოს მართლაც ჩინებულად მოუღხინეს. ესტრადა მთელი ღამე „პანტერ ვალერიანოვიჩის“ საპატივცემლოდ ქართულ სიმღერებს აფუგუნებდა. გადაუტრეკეს ქალებს და ლერწამივით ხუთი ასული აახლეს.

— პუტანკებიმ არ გეგონოს, ესენი სუფთა გოგონები არიან, — ამბობდა შეზარხოშებული ვალერი გლატკოვი, — ჩემი პატივისცემით დარჩებიან შენთან, არჩევანი შენზეა, დაიტოვე რომელიც გენებოს, — თქვა და ჩამწკრივებულ ქალიშვილებს მუშტრის თვალთ გადახედა.

— ხანჯალი ტომარაში არ გაისინჯება, — გაიცინა როკომ. სხვებიც აპყნენ ამ სიცილს, რომელიც მალე საერთო ხარხარში გადაიზარდა. მორცხვად კისკისებდნენ ასულებიც, მაგრამ ოდიშელია მეგობრების ნებართვით მეოთხე სართულისკენ მიეშურებოდა უკვე და დაბნეულმა გოგონებმაც ვალერი გლატკოვს რომ შეხედეს, ჩაბჟირებული ცხვირსახოცით იწმენდდა თვალებიდან გადმოცვივნილ ცრემლს, თან ხუთივეს თავისუფალი ხელით ანიშნებდა: მიჰყევით, მიჰყევითო.

გელოდი ჩიქოვანის „ნიმით“ ანაკლიისკენ მიაქროლებს თათულის. საჭქეს ქალიშვილი უწის, ერთთავად ტიკტიკებს და ტიკტიკებს.

ერგეტისკენ გადაუხევევენ. გაგანია ზაფხულით გადახრეულ მინდვრებით მიდიოდა.

— წერილის გამოგზავნას მაინც რაღა უნდოდა? — ტიტინებს ქალიშვილი და სახეში შესციცინებს თანაკლასელებს.

— ჟენიას მოსყიდული ჰყავს მთელი ფოსტა, ილიონას წერილს ვინ მადირსებს.

— ადგილობრივებთან გამოგზავნა, ისინი გადმოგცემდნენ.

— ეჰ, თათული, ვალერიანმა რომ ამაგლიჯა მის სხეულს, მერე წერილის გამოგზავნა?! ვინმე ჩვენებური გომბით ხომ არ გგონია?! დამცირებულია იგი ჩვენი ოჯახისგან, ხელნაკრავი. ამაყი ილიონა არავის შეეტყნება ძალად.

— მშობლები კარგი, მაგრამ შენს სიყვარულში ხომ არის დარწმუნებული?!

— საქმეც ეგ არის, მცდის, ალბათ, იქით მიმელის. აბა, რისი შემძლები ვარ.

თათული არც ორმოს დაგიდევს რამედ, და არც სხვა რამ ნიშანს. იქ თურმე არქეოლოგებს ექსპედიცია ჰქონიათ. ამოუთხრიათ მიწა და დაუტოვებიათ პირდიად. სარზე მიუკრავთ რაღაც მანვენებელი, მაგრამ თათულის ამისთანებისთვის სად სცალია და ეგრევე ოთხი მეტროს სიდრმის სამარხში გადაეშვებიან. მანქანა ისე ჩაფრინდება არქეოლოგიურ ორმოში, ისე გადაეგლება წამში ათასწლეულებს, თვალის დახამხამებასაც ვერ მოასწრებენ. ბედზე არც მეზავრები დაშავდებიან და მან-

ქანაც არ დაზიანდება მაინცდამაინც, მაგრამ ქალ-ვაჟი იხილავს თუ არა ხიფათი ზურგს უკან არისო, თანაც თავზე სამი მეტროს სიმაღლის თრმთ ადგათ, რომლის მიღმა მზით გაჯერებული უღურჯვის ცის კვადრატული ნაჭერი ხასხასებს, ბედისწერად მიიწნევენ ყოველივეს, შეხედავენ ერთმანეთს, ერთდროულად გაიცინებენ, თითები თითებს ჩაენლართება და წარსული — დღევანდელობას.

ახსენდება როკის თანასოფლელები როგორ დაფაცურდებიან მერმე, რაფერ მოიყვანენ ტრაქტორებს, ურმებს, რარიგ შემოჯარდება მთელი ერგეტა ძაკა ოდიშელისა შვილიშვილს, მაგრამ ეს ყველაფერი გარდახდილია უკვე.

ისლა დაგვრჩენია დღის პირველ საათზე სასტუმრო „მოსკოვის“ ავტოსადგომთან თხუთმეტოიდე უცხოური მარკის მანქანის ნელ სვლას მივაყურადლოთ.

ლულოედს ოცდაათაკაციანი ბრიგადა ახლდა, დაახლოებით იმდენივე, რამდენიც ვასია ზატოჩნიკს. საჩხუბრად მომზადებულ ვალერი გლატკოვს კოვზი ნაცარში ჩაუფარდა, ვინაიდან ლულოედი და სკარპიონი დახვეწილი ინტელიგენტებივით მსჯელობდნენ.

— ფულს სუფთად ვაბარებ, — განაცხადა ლულოედმა, — რადგანაც დათქმა გვქონდა, განთავისუფლების შემდეგ ჩავაბარებდი იმას, ვინც ქსივას მომიტანდა ზუსტი პაროლით. მე სუფთა მოთამაშე ვარ! — ხაზი გაუსვა სიტყვა „მოთამაშეს“.

დიპლომატი ამოიღო. გადაითვალა ტკიცინა ასმანეთიანების შეკვრები. ჩამოართვა ხელი ზატოჩნიკის, გლატკოვისა და ოდიშელისას სამეულს და ბიჭებიანად ავტოსადგომს გაეცალა.

როკიმ კუთვნილი წილი აიღო, მერე ქსივა დაწერა ლიოხა ნარილსკისთან, რომ ფული ამოღებულა.

— ძმებო, მოვიდა ჩემი წასვლის დრო, — თქვა ოდიშელიამ, — აბა, აეროპორტისკენ! — მოსჭრა და ნებიერად მიესვენა წინა სალონის სავარძლის საზურგეს.

ლულოედის მეტსახელისთვის შეუფერებელი პიროვნება პირველად იხილა როკიმ.

კაციკჰამის პათოლოგიური სახისას, ველური აღნაგობის ურჩხულად წარმოაჩინენ ხოლმე სათავგადასავლო ფილმები. იმას კი კანიბალიზმის მიმდევრობისა არაფერი ეტყობოდა, არც — ფიზიონომიით და აღარც — ხასიათით. ასე ფიქრობდა ყოველშემთხვევისათვის იმ წუთას ოდიშელია, თორემ რა იცოდა, სულზე უსაყვარლეს მეგობრებთან უკანასკნელად უხდებოდა ჩახუტება: ლულოედი ზეგ თუ მასზეგ ზედმიწევნით გაამართლებდა მასზე და ნათლულ მეტსახელს — ვასია ზატოჩნიკის გვამს ტბაში იპოვიდნენ სამართებით ყლგამოღადრულს. ვალერი გლატკოვს გარეუბნის საბჭელში აღმოაჩენდნენ ქამრიდან ამოშიშვლებული ძალაყინით კედელზე მიჭედებულს.

ამას ყველაფერს ვაჭიშვილის შექენის შემდეგ შეიტყობდა როკი, როცა თვითონაც ბეწვის ხიდეებით უხდებოდა სიარული, თვეობით ვერ იცვლიდა ტანსაცმელს და იარაღი ამოესასთუმლებინა.

მეგობრები კი მთელის ამალით ხელს უქნევდნენ აეროპორტის გასასვლელიდან, გამოგონილი უამინდობის გამო ასტრონომიული საათნახევრით დაყოვნებული თვითმფრინავისკენ გასრიალებულ „მერსედესს“.

როკი გრძნობდა დაღლილობისმაგვარ შებოჭილობას, რაღაცნაირ სინანულს თუ სინდისის ქენჯნას, რომ მიღმეთში რჩებოდა ასსების მშფოთვარე სამყარო და არც კი იცოდა ოდესმე შეხვდებოდა თუ არა მათ. ახსენდებოდა ილონას ბიცოლას გაცრეცილი კარტით მარჩიელობა: **შენი როკი ილონა, გაივლის ერთ კარს, გაივლის მეორეს, გაივლის მესამეს და არასდროს მოიხედავს უკან, არასდროს დაუბრუნდება გარდასულს, განცდილს.** იგონებდა და ნაწილობრივ ეთანხმებოდა კიდეც ზონზროხა დედაკაცს, მაგრამ განა მარტო ხორციელი მობრუნებაა არსებითი, როცა შენი წარსული მოურჩენელ ჭრილობასავით თან გსდევს გამუდმებით, სადაც კი წამიერად ჩამოჯდები იზოლატორის ნარზე, ვთქვათ, მიესვენები კარცერის ბებერი ლოსისფერ კედელს, ბოლთას ცემისას, გნებავთ იმ ადგილას განმარტოებისას, სადაც მეფენიც კი საკუთარი ფეხით დადიან, საზიდრის თივაზე გდებისას, მატარებელსა თუ ლაინერში; თუმცა საქმეც ეგ არის, რომ ერთხელ გარდახდილის ხელმეორედ, ხელმესამედ დატრიალება რაიმე კანონზომიერებას არ ემორჩილება: მსგავსი სიტუაციები ამოატივტივებენ მათ მხოლოდ — ზოგს ყმაწვილობისდროინდელს, ზოგსაც — ჭაბუკობის თუ სიჭარმაგის პერიოდში გადატანილს; და ასეთ ადამიანზე თამამად ითქმის, რომ იგი წარსულის მონაა, უფრო მეტიც — წარსულით სულდგმულობს, რეალური დრო კი მარტოოდენ საშუალებაა ამ კრიალოსნის ასინქრონული ჩამომარკვლისა.

ახლაც, აგერ, თვითმფრინავის ილუმინატორთან მიმჯდარს, ორსაათნახევრიანი გზა უდევს წინ. დალაგებული ჭკუის კაცი მითვლემდა ცოტას, მაგრამ დახუჭავ თვალებს და ქუთუთოებით დახშულ სივრცეში ორლესულეებივით გარბიან ხაზები. მათი სიმეტრიების დადგენა ზესიმძლავრის კომპიუტერსაც გაუჭირდება.

წინა მერხზე საკმაოდ შეზარხოშებული ორი ყვინილა ლაზღანდარობს გაუთავებლად. ილორელები ყოფილან. თხილი და ლიმონი სარფიანად გაუყიდათ. ჩავლენ მშობლიურ სოფელში და კვლავ ახალ წყებას მოაყენებენ მოსკოვს.

სტიუარდესამ „ბორჯომი“ ჩამოატარა. სწრაფად დაცალეს ჭიქები და ბათქით გახსნილი შამპანური გადააწვიმეს სალონის მგზავრებს. არც კი ბოდიშობენ. სიგარეტს აფუტებენ. როკის ერთი სული აქვს თავებში წაუჭიროს ორივეს და დრანდამდე ხმა გააკმენდინოს, მაგრამ ებრალება, რამეთუ არა უწყიან რას მოიმოქმედებენ და მიუტევენს რამდენადმე.

ქამრების დამაგრებაც იუკადრისეს. დიდგულობენ, ტრაბახობენ, თითქოს კოსმონავტების სკოლა გამოველოთ. არადა, ამჩნევს ოდიშელია, ყოველი საპაერო ორმო ხმას აკემენდინებთ. როკი ხვდება, რომ ეს ფახიფუხი მონილია, დრანდამდე გზის შემოკლების ილორული მეთოდია.

მწველი კაცისთვის სხვისი მობოლებული სამგზის მომაკვინებელია, ძარღვების ამშლელი და უკანმოტრიალე სტიჟარდესას ჭიქა რომ მიუბრუნა ოდიშელიამ, ხელით ანიშნა მოიწიეო. ქალიშვილი ოდნავ დაიხარა მგზავრის წინაშე და როკიძაც რამდენიმე წინადადება უჩუქრჩულა. სტიჟარდესას გაელღმა. სამიოდე წუთიც არ გასულა და სალონში ნისლივით ჩამოწვა კვამლი.

ოდიშელიამ სავარძლის საზურგეებს შორის თავი შეჰყო და დარდიმანდ ილორელებს დაბალი ხმით აუწყა:

— ბიჭებო, პანიკა არ ატეხოთ ისე, ქამარი შეიკარით. მე პირველი კლასის პილოტი ვარ და ყველაფერი მომეხსენება. მარჯვენა მოტორი გამოირთო, ღმერთმა უწყის, რანაირი რყევები წავა, და ვინიცბაბა კატასტროფა მოხდეს, ნათესაებს თქვენი ცხედრები მაინც არ დაეკარგებათ. უბედური მშობლებისთვის ესეც დიდი შეღავათია, — თქვა და მოხერხებულად მიაწვა საზურგეს თვალედახუჭული.

ილორელები ერთდროულად აღიმართნენ, შეხედეს ნისლით ავსებულ სალონს, შეათვალაიერეს ქამრით საგულდაგულოდ დაბმული თვალდახუჭული „პილოტი“, სახეზე ფერი არ ადევთ.

— არ ვიცით ჩვენ ქამრის გაკეთება. დაწყველოს ღმერთმა, გამოვყოლოდით მატარებელს!

როკიმ ასწავლა, როგორ დაემაგრებინათ ქამარი, მერე ურჩია ძმურად:

— ამისთანა შემთხვევაში ყველაფერზე უკეთესია დახუჭოთ თვალელები და ძილისთვის იფიქროთ. რაც მეტს შეხედავთ ილუმინატორს, ძვალ-რბილში უფრორე გაგიჯდებათ შიში, ზოგჯერ იქობამდე, შეიძლება თმაც გაგიეთორდეთ. — თქვა ეს და სალონში ძრავათა რიტმული გუგუნიც გამეფდა.

მეოთხე თვაა ქუთაისის ციხეში გადმოიყვანეს ოდიშელია. უცნო გარემოში საკუთარი მეობის დამკვიდრება იოლი საქმე როდია, მაგრამ ეს ყველაფერი პირველსავე დღეს თუ არ მოხდა, მერე გვიანია, მატარებელი გაგასწრებს და ფეხით მოგიწევს ჩანჩალი დანიშნულების ადგილამდე. საომარი ბატალიები გარდახდილია, მაგრამ როკის ახლა სულ სხვა სურათი წარმოუდგება თვალწინ, ილორელი მეთხილე-მელიძონე ბიჭების გატურუნვის ტოლ-ფასი.

ზაფხულის ჟინჟლიანი ამინდია. დახუთულ საკანში წვიმას მაცოცხლებელი სიო და მინდვრის ბალახების სურნელი შემთაქვს ვიწრო სარკმლიდან. ხასიათიც ხალასია. რაღაც გამუდმებით გილიტინებს სულში. გულიდან ნაღველი და სევდა გადაგყრია. გინდა მძაკაცს მიუჩინდე და შენი ცხოვრების ყველაზე ამაღლებული წუთები გაანდო.

ამ დროს საკნის კარი იღება და ბარგი-ბარხანიანად შემოდის ფიცარივით თხელი ახმასი. არშინიანი ფესსაცმლებით მოაბოტებს. რამდენიმე დღის მოუპარსავ სახეზე ჭალარა გარევიან. ოდესღაც გრუხა თმა შეთხელება, მაგრამ, როგორც ჩანს, ქოჩორს ვერ ელევა და ცხვირიც წაგრძელებული რომ ჰქონდეს, ზედგამოჭრილი ნინუაა. ობჩელი ტლუა, თუშცა იმდენს იჭიმება, საფინსიელი ტოლს ვერ დაუდებს. გავონილი აქვს რომ საკანში ვინმე ერთი ყოჩობს და იმისკენ მიეშურება სწორედ.

როკი, იაშა ჭიჭინაძე და ძმები ავიბები მხიარულ გუნებაზე არიან. აცლიან საფრთხობელას დამსახურებათა წარმოჩენას. გმირობანი კი იცოცხლეთ, რაც ამ ორმოცდაათი წლის მანძილზე გადახდენია: დაღვევიდან მოყოლებული პირველია მთელს იმერეთში. კახეთსა და სამეგრელოში მოპასუხეებად დაჰყავთ და იქ მოგებული ჭედილებით გაავსო ობჩა. სამი ფარა დაუდის თურმე; მუშტი-კრივში შეუდარებელია მთლად. ერთ ვიწრობში ხულიგნებმა მოიხელთეს. იმდენი ურახუნა იმ საწყლებს, სულ შოკში ჩაყარა. მიმოიხედა, წყალი არსადაა, არადა, დასაღუბავადაც ვერ იმეტებს საკუთარ ჯიშს და ჯილაგს. დაარტყა კლდეს მუშტი, თითქოს მოსეა, გადმოხეთქა წყარომ, ასხურა სათითაოდ. გამოფნილლებულებს მოსცხო აბაშური პანდური, მაგრამ ზოგჯერ სიტუაცია უფრო რთულდება, როცა ტისაკზე მიდგება საქმე. თურმე დანის ართმევის ოსტატია, ამოუგრესს ხელებს საცოდავ მსხვერპლს, დაუსერავს დუნდულოებს მერმე საკუთარივე იარაღით და მიაყოლებს პანდურს.

მოსაუბრის ტრაბახი როკის პეტიკო თოდუას ანეგდოტს ახსენებს ორ მეთევზეზე. როცა ერთი მორჩება ქაქანს და მთელს ჯალაბობას პირს დააფჩინებს, ახლა ოჯახის უფროსი დაიწყებს.

— ეგ ყველაფერი კარგი, მაგრამ ჩემს ჭაბუკობის უამს იმისთანა თევზს გადავყვარე ერთხელ, ცხრაშეტმა კაცმა ძლივს გამოვათრიეთ ნაპირამდე. იქიდან კი ცხრაშეტმაც ვერ დავძარით ადგილიდან. ვაფრინეთ ბიჭი სოფელში ხერხისთვის. დავხერხეთ და ისე ჩამოვიტანეთ ოჯახებში. ხორცი ცხრაშეტივემ თანაბრად გაგიყავით. ჩემს წილს თვენახევარს ვლოღნიდით, ვიდრე მატლები არ დაესია. რაც შეეხება ძვლებს, გადასაყრელად ვერ გავიშეტე, დავაჭედე ჩელტზე და ახლაც მისით ვფარცხავ ყანას.

— ეგრე იყო, — კვერს დაუკრავს ცოლი.

— იქნებოდა, — დაეთანხმება სტუმარი.

— ეგ რა არის, — განაგრძობს მასპინძელი, — მივდივარ ერთ შებინდებულზე და რას ხედავენ ჩემი თვალები, ბოლაზის ვიწრო ყელში უშველებელი ჯირკი არ გახიროლა?! ვიფიქრე შეშად გამოვვადგება-მეთქი, თურმე თევზი არ ყოფილა?! არც კი ვიცი რა ჯიშისა. ჯალამბრით ამოვათრიე ნაპირზე, იმხელა ფარფლები ჰქონდა,

მივაჭკედე ნავს, დაუბერავს ქარი და ახლაც დამასრიალეხს ზღვაში.

– ეგრე იყო, – დაუდასტურებს ცოლმა.

– იქნებოდა, – დაეთანხმება სტუმარი.

საუბრისას ხელს იმოდენაზე შლიდა მასპინძელი, რომ სტუმარს გული მოუვიდა, რადგანაც მისი სათევზაო გმირობანი წყალში ცვიოდა. მოიხსნა ქამარი, შეუკრა მაჯები და ეუბნება:

– ილაპარაკე ახლა!

– იმხელა თევზი დავიჭირე, – თუხთუხებს ოჯახის პატრონი, მაგრამ ხელებს ვერ შლის, შებოჭილია და უცებ გააფინინებს მტევნებს, – აი, ამოდენა თვალები ჰქონდა.

დაახლოებით ამისთანა გახლავთ ობჩელი საბახტარაშვილის პერსონა. მყისვე შეატყობენ თანასაკნელები, რომ ცარიელი სიტყვებია უბედურიშვილი, თავს იზღვევს მოკლე ჭკუით, არიქა, ვინმემ არ დამჩაგროსო და ოდიშელია ბიჭებს გადაუჩურჩულებს:

– აკრძალული უუტკა!*

სინარულისაგან მთელი საკანი გამოცოცხლდება. საუზმის დრო მოახლოებულია. ნომერი დიდი ხნის დამუშავებულია, დახვეწილია უკიდურესობამდე. ყველას თავ-თავისი როლი გაუნაწილებია. საკნის სიღრმეში მსხდომი ორი ცალი თვალის ახვევა მოასწრებს. ესენი პირწავარდნილი ვალავარეზებია – ზეზეურად თავის გადამბაღთველნი. ამათ კასოი პირველს და კასოი მეორეს ეძახის ოდიშელია. საბახტარაშვილი ამ სამხადისს ვერც ამჩნევს, ვინაიდან ერთი ენაწყლიანი ისეთ პრიკოლს გაუკეთებს, ისეთი საუბრის საბურველში გაჰხვევს, კამერის ფაციფუცისა არარა ესმის. პირველი მისჯილობა ჰქონია. ადრე მიმაგრებით გასულა ფონს, და ახლა ცინეში მობრძანებულმა აქაური ეშმაკობებისა არა უწყის რა.

როცა ყველაფერი მოწესრიგდება და თითოეული საკუთარ ფუნქციას და ადგილს დაიკავებს, როკი გასძახებს საუბარში ჩათრეულს:

– შენ, ეი, საბაია, შემოსვლის წინ პაიჭაქემ ვითხრა თუ არა როგორ კამერაში შემოდიოდი?

– მე კარგი კაცი ვარ და აბა, ცუდ კამერაში შემოსვლას მაკადრებდნენ? – დაახეთქებს დიდის დამაჯერებლობით.

ამ დროს კარმუშკა იღება, ჩაის არიგებს მომსახურების ხალხი და უცებ ვითომ ქსივასაც შემთავადებენ. კასოი კოჭლი მაშინვე ოდიშელიას მიუბრუნებს. ის კიდევ გზადაგზა გააცნობს კასოი კოჭლსა და კასოი ცაციას ქსივას შინაარსს:

– მალიშიამ ამაღამ დასაბრედი! – ისეთ ხმაზე ამბობს საბახტარაშვილის სმენასაც მისწვდეს.

ტანმოსვინინგებულები პატიმრები წელს ზემოთ გაშიშვლებულან და თავიანთ გულმხეცობას დაურიდლად წარმოაჩენენ.

— ესენიც მკვლელები არიან, ვალავარეზები, — უსხნის როკი ყურდაცქვეტილ საბახტარაშვილს. ნიადავს აფხვიერებს ახალშემოსულის ასაყვანად. აქვე სასხვათაშორისოდ ჩაქიება, — გული ხომ არ გტკივა, გული როგორ გაქვს?

ამისი გადამოწმება აუცილებელია აკრძალული ხუმრობის დროს. ყველას როდი შეუძლია მისი ატანა.

— გული? — გაცემით კითხულობს საბახტარაშვილი, — გული სტამბოლის კაჟივით. აბა, რა, ხარივით ჯანმრთელი ვარ.

„ვალავარეზთაგან“ ერთი საბახტარაშვილის კოლეგაა — ალიმენტი დროზე ვერ გადაუხდია და აყურყუტებს ცოლყოფილი გვარიან ხანს; მეორე — წმინდა გიორგის მიმდევარია, ოღონდ — კამეჩების განხრით.

ზვარაკი ძნელი აღმოსაჩენი არ განლავთ საკანში. იგი ცალკე ზის სასიკვდილოდ გამზადებულის იერთ, მხრებჩამოყრილი, სასოწარკვეთილ ფიქრებში ჩაძირული, ულამაზესი შესახედაობის ყმაწვილი. ამ როლისთვის მალიში შეუდარებელია, ისე მიიყვანს მოქმედებას კულმინაციამდე, წარბიც არ შეუტოკდება. ხოლო, ვისაც შედარებით სუსტი ნერვები აქვს, და სიცდილის შეკავებაც არ ეხერხება, საწოლებზე თავდაღმა დამხობილან, ბალიშებს კბილებით ჩაფრენიან და ასე იოკებენ ფილტვებში გამაჯდარ ხითხითს.

ახლა კი იკადრებს საბახტარაშვილი საქმის ვითარებაში გარკვევას.

— ისეთი რა დააშავა? — ჩაუყინდება საუბარში შემტყუებელს. ოდიშელია უახლოვდება ობჩელს და თვალწინ უფრიალებს ქაღალდის სუფთა ნაგლეჯს.

— აი, რა სწერია ქსივამი. ამ ბავშვმა ჩაუშვა ორი პადდელნიკი, ორივეს დახვრეტა მიესაჯა და გუშინ განაჩენი სისრულეში მოუყვანიათ. ხოლო ეტაბი თბილისიდან ჩამოვიდა ამ დილით და ქსივაც მათი შემოგზავნილია.

— მოსაკლავი ყოფილა, — ამბობს ყრუდ საბაბა, მაგრამ იქვე დაამატებს, — რა საცოდავად გამოიყურება, თანაც მთლად ბავშვი ყოფილა. ამაზე რა იქნება? — იკითხავს და გაისუსება.

— ისეთი არაფერი, დიდი-დიდი სამი-ხუთი წელიწადი დაგვიმატონ. აწ დაჭკარგავს ფერს საბახტარაშვილი. ძველი ბაქიბუქი დაავიწყდება. გაფითრდება ერთიანად.

— არ შეიძლება კამერიდან ვაგავდით, ან ამის მაგარი რამ მოვიფიქროთ? კაცის მოკვლა არ არის მანცდამანც ქრისტიანული საქმე.

მოშორებით სიცილით იგულებიან, მაგრამ ბრექია ვერაფერს ამჩნევს.

ახლახან სიგარეტი მივატოვეო, რომ ამბობდა, გამალეებით ექაჩება მახორკას.* ხელები უკანკალეებს.

— რაც ძროხები და კამეჩები გვყავდა, ერთიანად გაჰყიდეს ჩემიანებმა, რათა პატარა სროკი მოეცათ. ძლივს ჩავაწყვეთ საქმე და ახლა ვხედავ აქ ვიღუებო.

ამისი თქმა და წინ დაუსკუბდება კასოი ცაცია, სუფრის კოვზის ტარის ალესვას მიჰყოფს ხელს ბეტონის იატაკზე. ეს კოვზი დიდი ხანია ალესილი პურის საჭრელად, მაგრამ განგებ უფრო აფხიანებს, თან ცერით სიბასრეს უსინჯავს მალიმალ. ბოლოს როკის მიანერდება და ღიმილით ეუბნება:

— ისეთი ალესილია, წვერს ჩამოპარსავს.

ოდიშელია თვალეებს დააბრიალებს.

— საქმეს რატომ აჯანჯლებთ?! ვინ იცის, საღამომდე რა ამბები დატრიალდება. ჯვარი სად არის, ჩქარა მოიტანეთ!

პურის კლეისტერიგან* დამზადებულ დიდ ჯვარს მოაწოდებს.

პატიმრები იწყებენ პირჯვარის გარდასახვას, თანაც რაღაცა გაურკვეველს ბუტბუტებენ თავიანთთვის. ბოლოს უკვე სრულიად გარკვევით დასძენენ, რომ საკანში რაც უნდა მოხდეს, ვისგანაც გაიცემა, თანახმა არიან დაიბრიდონ. ჯვართან მხოლოდ სიცილისგან გაგუდული ხალხი ვერ მისულა და კიდევ — ზეწრისფერი საბახტარაშვილი, მაგრამ მოხერხებული ტუსაღები იქით მიუჩიჩებენ და სრულიად აშკარა არის, რომ შემოსვლისას გაფხორილს თვალისჩინი წართმევია. ტუჩებთან მიტანილი ჯვარი შეამცივნებს. მუხლები ეკეცება. ქვედა საწოლზე ჩამოესვენება.

ამასობაში უნუგეშო იერის მშვენიერ ყმაწვილს ერთ-ერთი გაღაგარეზთაგანი და კოჭლი კასოი წამოეპარებიან, შალითას გადააფარებენ, გაახვევენ, ხელეებში აიტაცებენ და მიყრუებულ კუთხეში მდგარი ორსართულიანი ლოგინისკენ შეათრევენ. აქვე წამსდარმა არიფმა რომ არ ნახოს სინამდვილეში რა ხდება, მეორე სართულის გაშლილ ლოგინს მთაყოლეებენ შალითის ერთი ბოლოს ფარდასაგით ჩამოუშვებენ. მსგვერბი და ჯალათები შიგნით არიან, არაფერი ჩანს კულისებიდან. ახლა შევარდება იქითკენ კოვზისდანიაანი კასოი ცაცია, აქეთ-იქით კომიკურად მიმოიხედავს. ხალხი ფეხზე ველარ დვას, სიცილისგან დავარდნილები იხოცებიან, ეს კი იმ წერტილს მისშტერებია, თვალს არ ახამხამებს, ფეხებს ვერ ამაგრებს იატაკზე, ცანცანებს, თითქოს ტიტლიკანა გაუგდიათ ქარბუქშიო.

შალითაჩამოფარებული სივრციდან კი ისმის სრინწიანი ხმით ბლაგილი, რომელიც ნელინელ გადადის გულისწამლებ სროტინში. დამსწრეებმა იციან, რომ განწირული ყმაწვილი თვითონ იჭერს ხელეებს ყელში და მშვენივრად ართმევს თავს სიკვდილით დასჯის ინსცენირებას. საცნაურია კუ-

ლისებში გაჩაღებული უღაყისმიერი ჭიხვინი, მაგრამ საბახტარაშვილის ყურებისთვის იმ სროტინის გარდა აღმოცენებულ ხშიანებას ჟღერადობა დაჰკარგვია და უცებ გამოსწევს ერთ-ერთი ფარდას და გამქოლი ხმით სჭექქავს:

— ტაშტი, ტაშტი, ჩქარა!

ახლა ამ ჭურჭლის დანიშნულება საბახტარაშვილის გონებისთვისაც არ არის მხელი ამოსაცნობი. მიაწოდებენ ჯალათთაგანს ერთ მესამედზე წყლით გავსებულ ტაშტს, იქ კი კლეისტერის წითლად შესაფერადებელი საღებავით გააჯერებენ. გამოვლენ ერთიანად სისხლში ამოთხვრილი ხელებით, თანაც ეს სითხე გზადაგზა ეღვრებათ, ჩააბიძგებენ ტუალეტში. ხოლო მიცვალებულთან დარჩენილი მეორე წყვლი მკვდარს აბატიოსნებს. გამოლადრული ყელი შეუხვევიათ ზეწრის ნაჭრით, მაგრამ სისხლს იქაც გამოუჟონავს. ამავე ქსოვილით აუკრავთ ქვედა ყბა და კეფაზე გაუნასკვავთ. დახუჭულ თვალებზე შაურინები დაუდვიათ. დაკრეფილ ხელებში ხუთმანეთიანი ჩაუწრიათ. შარვლის მუხლისთაგებს დაიბერტყავს ის ორიც და გულდინჯად იტყვიან:

— გაგაბატიოსნეთ!

ახლა საბახტარაშვილს მიაშტერდება მთელი საკნობა. გადამწყვეტ სიტყვას როკისგან ელიან და იმიტომაც გატრუნულა ყველა.

კამერის თვალი ახალშემოსულს მიუბრუნდება:

— სწვა გზა არ არის, რომ არ გაგყვიდო, შენც მონაწილეობა უნდა მიიღო!

— რაში? — ამოიგმინებს ბრინჯივით დაბნეული საბახტარაშვილი.

— რაში და კვლაში.

— კი, მაგრამ მკვდარი ხომ არის? — გაოცებას ვერ მალავს ასმახი.

— ეგ თავისთვის და ჩვენთვისა მკვდარი, მაგრამ შენთვის არა, შენ შენი წილი უნდა შეიტანო.

— რა გაგაკეთო? — ამბობს მიკნაგებულის ხმით.

— ჰმ, რა! მოიტანეთ ლეწვია.

აწვდიან წინასწარ მომზადებულს.

— დაბრედვა ხომ შენი პროფესიაა, გამომართვი ეგ, თამამად, თამამად! წადი ახლა ცხედართან და მოაჭერი ცოტა ყური!

— მიცვალებულის სიკვდილივით მეშინია, ახლოსაც ვერ ვეკარები, — თვალებს აცეცებს მშველელის საბოგნელად, მაგრამ საკნის ბიჭობა ღობესავით შემოჯარვია. საკუთარი ნებით საბახტარაშვილი ამის ჩამდენი არ არის, არცა აქვს საამისო ღონე. მაშინ ამოუდგებიან იღლიაში ფარული სიცილით მისაგათებულნი და წაათრევენ ცხედართან. დაუჭერენ სამარ-

თებლიან ხელს და ძალად მიატანინებენ დაბრედილის ყურთან.

საბასტარაშვილი ივრისება, იჯღანება, თავის დაღწევას ღამობს, ამ ჯოჯოხეთისგან. უცებ მკვდრის მარჯვენა ქუთუთოსგან თქროსფერი შაურიანი გადასრიალდება, ჯერ ცალ თვალ აახელს მიცვალებული, მერე მეორე სუთკაპიკიანი მოწყდება განკუთვნილ ადგილს. ახლა ის ქუთუთოც ახამხამდება, ნელ-ნელა იწევა მთელი კორპუსით, ხოლო დაკრეფილი ერთი ხელი წამოვა საბასტარაშვილის სახისკენ მისაცაცუნებლად და ქვეყნიერების ამკლები თბილად უცებ გათავდება, მოწყვეტით წაიქცევა *იატაკზე, ება მოედრიცება, ხროტინს ამოუშვებს. ხელისგულისოდენა კარმუშკასთან ერთი ქყელტაა, ზედამხედველობა სიცილით კვდება, ცრემლები დაბადლებით ჩამოსდით, მაგრამ საბასტარაშვილის საქმეა ცუდად, სამი წუთია ულაწუნებენ, წყალს ასხურებენ, ნემსს ჩხვლეტენ. გაგონილა, ჩამიჩუმიც არ არის.*

— ექიმი, ექიმი! — ყვირიან ბიჭები.

შემობის ხანდაზმული ქალი. ანგლობის გამო საკნელებს უცაცხანებს. მიაყრიან ნემსებს. რამდენიმე წუთში თვალებს აახელს საბაია. ხელად იმ ბიჭს მიჰვრინან, ხუმრობა იყო, უხსნიან. ხელით სინჯავს მიცვალებულის საღ-სალამათობას.

— სისხლი საიდან მოიტანეთ? — იჭუნეულობს კვლავაც.

გაარკვევენ ყველაფერში.

ორ დღეში მოკეთდება. კაცი უბედურია. მოგვიანებით ახალი პატიმარს რომ შემოიყვანენ, საბასტარაშვილი ყვლგამოწეული შეეხვეწება თდიშელიას, იმასაც გაუკეთეთ შუტკაო, მაგრამ ყოველთვის როდი არის ხუმრობის ხასიათი.

როკი ფიქრებიდან გამოერკვა. სალონი სიგარეტის კვამლისგან გაწმენდილა. ნისლიც ოდნავ გაკრეფილა, სამაგიეროდ ილორელები პირველკლასელებივით გასულსულან. წინ კიდევ საათნახევრის გზაა.

უკანა რიგში ჩოჩქოლი შეიქმნა, ერთ-ერთ ქალბატონს ნერვებმა უმტყუნა, წნევა ჰქონია საცოდავს, გული შელონებოდა და სტიჟარდესა ექიმით დასდგომოდა თავზე. ლაინერი გაჟღენთილია ვალერიანას წვეთების სურნელით.

ოდიშელიამ წამხდარ ბიჭებს გადაულაპარაკებს:

— კატასტროფის პირველი ნიშნები გამოჩნდა.

ახლა მთლად მხრებში ჩაძვრნენ ილორელები.

როკი ამიერიდან ექსპერიმენტული ზონის კარანტინის გამგებლობაშია. აქაურობა განთქმულია თავისი ჯურღმულებით. თმიანობის წლებში დიდი ჟამიანობა დატრიალებულა. მკვდრების დამარხვას ვერ აუდიოდნენ. შიმშილით მისავათებულ ხალხს ქირიც დაიწვეს ხელს. ლუდოედებიც იმ პერიოდში გამოიჩიკებთან. სანამ მიც-

ვალეზულს საკნიდან გაიტანდნენ რბილ და ქორფა ადგილებს აათლიდნენ თურმე და ისე მომავრდნენ წვლში, კისერს ვერ აბრუნებდნენ. ყოფილა შექმთხვევა: ჯერ კიდევ ცოცხალს თვალები დაუხელია უნებლიე კოსმეტიკური ოპერაციისგან. გელარაფერს უშეგლია სენის მძვინვარებასათვის, სანამ თავისით არ ჩამცხრალა. იქიდან მოყოლებული ადგილობრივი ხელმძღვანელობა დაშინებულია, რადგანაც ინფექციურ ავადმყოფობას მაშინ პატიმრებთან ერთად დაბის მშვიდობიანი მოსახლეობის ლამის შესამდე შეუწირია.

გაივლი ჭიშკარს, შლაგბაუმს და ვერეთვე კარანტინის ბარაკში გამოგვეტავენ. აქ კვირაზე მეტ ხანს მიდის შენი დამუშავება. ადრე კარანტინი პატიმრის სიჯანმრთელის დადგენის ფუნქციით შემოიფარგლებოდა, მაგრამ მოგა სტეპანცევი და გამოთმონებული დამყაყებულ დაწესებულებას ახალ სულს შთაბერავს. ნაბიჯ-ნაბიჯ გამოიკვლევენ შენს პიროვნებას, რითი სუნთქავდი აქამდე, ვინ იყავი, რა მიდრეკილებები გახასიათებს, რა შესაძლებლობის ხარ, რისი ატანა შეგიძლია. მოკლედ, ბოლომდე შეივსება, დადგინდება შენი ფსიქოლოგიური თუ ფიზიოლოგიური ანკეტა და ცხადია, ქურდი თუ არ ხარ, ახალ ტანსაცმელს მოგცემენ და ზონაში გადაგიყვანენ.

მოსტუმრებულია სისხლის, შარდისა და განავალის ანალიზები. ახლა ჯერი სხეულებრივი და სულიერი განზომილებების გამოცდისაა. როგორც ვახსენეთ, ქურდს აქ არ დაედგომება, ქურდი სასაცილოდ არ ჰყოფნით. თუ მაინცდამაინც მოვიდა, პირდაპირ ბურში მიჰყავთ, იქიდან – კრიტში, დაკეტილში, ამიტომაც საქმეს ქურდული მუჟიკები ჩარხავენ. ან რომელი ჭკუათმყოფელი მობედავს აქეთკენ, ზედამხედველები სამკლავურებით დააბოტებენ, ტანბრგენი, კაცისმკვლელები.

მორიგეობით მიდის ბურავიკებში ქოთი, ამას გადავლას ეძახიან პატიმრებიცა და უფროსობაც. ჰოდა, ამისთანა საზოგადოებაში შემსგლედი, ბუნებრივია, დაწვრილებით უნდა გამოიკვლიონ, რათა საათივით აწყობილი ცხოვრება არ აერ-დაეროთ.

შეიყვანენ საგამომცდელო ოთახში ოდიშელიას ათიოდე პატიმართან ერთად.

ადამიანის ნასიათისა და მიდრეკილებების ამოცნობა ნახევარ საათს მაინც ვასტანს. ამ ხნის მანძილზე უჭმელი ავდინარ მერხზე გაჩნრეკენ ერთ წყვილს, შეაგდებენ შსაპქვემ, გამოაწყობენ ახლებში და მიღენკი თუა ზონაში განაწესებენ, მაგრამ ბუნებით მეამბოხეს ბურავიკების იზოლატორში უკრავენ თავს და თუ იმანაც ვერ მოლუნა, ჩვენთვის ცნობილი კარცერიც ხომ იქვეა?!

ექვსი საათის ლოდინის შემდეგ უხმობენ ოდიშელიას და ჩია ტანის ჩუქჩას. ეს უკანასკნელი ოდიშელანაა. ლოსის მოკვლისთვის იხდის სასჯელს.

ოთახი განიერია და ნათელი. ორმაგი ფანჯრის მინები ამოგლეხილია საგოწავით. წაგრძელებულ მაგიდას ოხუთმეტამდე გამოძცვლი უწის. ქალი ერთადერთია მათ შორის. ეს ზონის ექიმი, ჭორფლიანი სახითა და მუწუკებიანი ნიკაბით. ჯერ ტანზე გავხდთან პირწმინდად. ოთახის ტემპერატურა ოცდახუთ გრადუსამდეა, მაგრამ კოლხისთვის, ქართველისთვის საზოგადოების წინაშე დედიშობილა ყოფნა არ არის იოლი საქმე, მითუფრო ღუპებით რომ გაკვირდებიან სხეულზე. ყურები წამოვითარანდება. ესუძრები ტიტლიკანა მიღეთ ხალხში გამოჭყენებას?!

ჩუქჩა პირველსავე ბრძანებაზე სწრაფად გაიხდის ტანზე და უმტკივნეულოდ გამოაჩენს ჩხირივით აღნაგობას. ნეკნები დაეთვლება, ბალანი მართო სარცხვენელთან მოუფრქვევია განგებას, ხოლო ასო გარმონივით დანაოჭებია.

ოდიშელიაც მიბაძავს წყვილეულს, დათბუნებულ ნიფხავსაც გაიძრობს, მაგრამ მუსხლებამდე ჩამოფართხუნებულ ტრუსს ველარაფრით ელევა.

ჯერ ოპერის ხელში უნდა გაიარო. სვირინგი თუ არა გაქვს, ამ პროცედურას მალე მორჩები და წინ წაიწევი, მაგრამ როკის სამ ადგილას ამოუტვიფრავს სხეული უფალს სამეთვალყურეოდ სამოთხეში აყვანისას.

პირველი სვირინგი ყველაზე მომცროა, მარცხენა ხელზე, ნეკსა და სალოკს შუა, ორი ფანჯა, იგივე დუ ბეში. დააფიქსირებს ამას ოპერი და გარშემოვლის პატიმრის სტატუეტს. მეორე მარჯვენა მხარზე, შედარებით მოზრდილი — „ნე ზაბუდუ ბრატა გივი“.* აღნიშნავს ამასაც საქმეში. მოგვიანებით ღვიძლის არეში, ნემსითა და ქიმიური ფანქრით ამოწიკვიკებული ხელისგულის სიფართის კიბორჩხალას დაუტრიალდება. ჩხოუშიასთვის დამახასიათებელი კიბოთა დიდი ოსტატობით შეუსრულებია თვითნასწავლ მხატვარს. უზუსტესად, ლამის ნატურალისტურადაა გადმოტანილი საცეცები, კიდურები, მძლავრი ყბები. ჩაინიშნავს ამასაც და ახლა ჩამოშვლიბინებულ ტრუსზე მიაჩერდება.

— აქ არაფერია საეჭვო! — დაანუგეშებს როკი, მაგრამ ოპერს საქმე ბოლომდე არ მიუყვანია ჯერეთ. ამის გამო სტუბანცევი მთელი თვის პრემიას დაუქვითავს და ამისთანა დანაკარგი როგორ იქნება?! ვერც ძალის დატანებას ბედავს, რადგანაც გავონილი აქვს ბადრაგის ამბები, სამი დღის წინ ზონაში ქურდად შემოსულ ზატონნიკთან ერთად ესლა დარჩა ფეხზე კაცისსიმაღლეზე აკაკანებული ავტომატების ტყვიების წივილში. კუდში მისდევს ლიუდმილა ევგენიენასკენ მეზღვაურული ნაბიჯებით მიმავალს. ამ ქალის დათვალეიერებას ველარაფრით გადაურჩება. წინიდანაც შეხედავს იგი და უკნიდანაც. აქ დროს იხელთებს და საქმეც მოუკვარანჭინდება.

ლიუდმილა ევგენიევნას მაგიდაზე მაშუქი უნთია. ყელზე ფონენდოსკოში ჩამოუკიდია. მარჯვენა ხელში რეზინის მილი უჭირავს. ეს იმისთანა შემთხვევისათვის – ვინმეს ადრეკელი თუ აურიკინდა. ჩამოჰკრავს მსწრაფელ და პატრონს მერმე მთელი კვირა თავს არ შეასხენებს ფალოსური ავლა-დიდება. ოპერი ლიუდმილა ევგენიევნას ამოფარებია. ეს ბოზა ყველაზე მომგებიანია მისთვის. აქ გამობრწყინდება პატიმრის ავი და კარგი. კალმისტარი და რვეული მოუმარჯვებია. ობიექტივიდან გამოსაფრენი ჩიტის მობოჭვის მოლოდინშია. ჩააწვინებს საცვალს ქალი როკის, მიუნათებს მაშუქს და ასოს გვირგვინს იმ რეზინის მილით ატრიალებს, ამოწმებს, ბურთულები ან ჭუა ხომ არ დაუტანებია ჩუჩაზე. ამისთანებს ქალების ზედასაგზნებად მიმართავს ზოგი.

– კარონა ბეზ ცარაპენკი!* რამდენი წლისაა? – შეეკითხება ოპერს.

ისიც სულსწრაფად ფურცლავს დავთარს, ცალი თვალი ტრუსისკენ უჭირავს, არიქა, არ გამექცეს საჭირო ბოზაო. სულმოუთქმელად პასუხობს:

– ოცდაათის.

– რედკოსტ. ჩელოვეკ ნე ზანიმაიუშნი ანანიზმოძ.* ვენერიული ავადმყოფობა ხომ არ გჭირდა, ან ახლა ხომ არ შეგყრია ეტაპში? ჩვენი ზონა საქართველო, უჟღაგი ან ნოვოტროიცკი არ გეგონოს. სულ სტერილური ხალხი გყავს, იცოდე.

შეტრიალება უნდა ოდიშელიასი, მაგრამ პატიმარი დაუცაცხანებს ზურგსკენ ატუხულს. ოპერი მიჩინდება სამიოდე ნაბიჯით ფანჯრისკენ, თითისწვერებზე შემდგარი ცდილობს ბოლომდე მიიყვანოს საქმე, დაბეჯითებით დააფიქსიროს სვირინგის არყოფნა, მაგრამ თავს შემოთ ძალა აღარ არის, ხელს ჩაიქნევს.

– ამდენი ბაღანი საიდან მოაქვთ ამ ზვერებს?! – თავისთავს ეკითხება ლიუდმილა ევგენიევნა და თაბახის ფურცელზე რალაცას ინიშნავს ლათინური ასოებით.

როკი გულხელდაკრეფილი უცდის როდის განამწესებს ძვალკანა ქალი სხვა გამომცდელისკენ.

ოპერი უკვე ზონის მოცქნაფულ უფროსის წინაშე წარმსდგარა. მაიორი სტეპანცევი ართმევს ფურცლებს და სქელ საქმეში ურთავს.

ახლა ლიუდმილა ევგენიევნა წინ მიუძღვის ოდიშელიას მთავარი განსაცდლისკენ. ქალს განსაკუთრებული სიმპათიები გასწენია მისჯილის მიმართ, მაგრამ ეს შინაგანი ძაფებია, გარეგნულად ჩრდილოეთის ყინულის სერგილივით გახდომია სახე.

წაგრძელებულ მაგიდასთან, რომლის შუაგულში მაიორი სტე-

ბანცევი მოკალათებულა და გვერდით ადმინისტრაციის თორმეტი-
დე თანამშრომელი მოჯდომია, ჩაის მიერთმევენ შესვენების გამო-
უცხადებლად მომუშავე კომისიის წევრები. კარაქწასმულ პურზე ზუთ-
ხის ხიზილადა წაუსვამთ თითის სისქეზე და მადიანად ილუკმებთან.

— ოდიშელიას ვახლავარ! — ცინიკურია მისი გამოხედვა ორმაგი
სათვალადან, — ჩვენ ასეთ მზრუნველობას ვიჩენთ თქვენთვის, წე-
ლებზე ფეხს ვიდგამთ, თავზე გვევლებით და თქვენი მზიური რესპუბ-
ლიკიდან ნახერხს გვიგზავნიან ჩაის ნაცვლად.

— მუჟინა ტო ჩტო ნადა! — ამბობს ლიუდმილა ევეგენიენა, —
არც ონანიზმს მისდევს, არც ქალებს ეკარება მის სიტყვებს თუ
დაეჯერება და აღარც — გრებენებს.

— ესეიგი ენერგიითაა სავსე, არ იცის სად გახარჯოს და წვრილ-
შვილიან, საწყალ ბატულისს სამსახური დააკარგვინა. აქ თერძობა
არ დამიწყო, ჭირიმე! პირი ნემსითა და ძაფით ამოიკერო კი არა,
რომც ამოინჩილო, გულს ვერავის აუჩვილებ. ნაღბანდობასაც დაემ-
შვიდობე, ძმობილო! ფეხების დაჭედებით გინდოდა ფონს გასვლა?!
ქრისტე ერთი მოგვევლინა ზეციდან, ისიც ოთხი ლურსმნით და არა
— ორით. ჩვენთან ჩრდილოეთია, სიკვდილივით ლილისფერი. დაგვ-
ჭირდა? გაგაქციეთ საიდანაც მობრძანდა. ჭკვიანად თუ არ იქნები,
გამოგებერტყავთ ჭარბ ენერგიას! დუ ბეში როდის ამოისვირინგე,
თამაშობდი?

— ბავშვობისდროინდელი ცოდვაა, შუღლერობა მოდაში იყო იმ
დროს, დიდი პოპულარობით სარგებლობდა.

— გასაგებია, მაგრამ მეგობარი როგორ ამჯობინე დედას ან
სამშობლოს?!

— ეგ როდის? — გაიკვირვებს ოდიშელია.

— მარჯვენა მხარს რომ იმშვენებდი მაშინ. ზონაში ოთხი გვეყავს
შენებური. „ნე ზაბუდუ მატ რადნუიუ“, აწერია ერთს მარცხენა მკლავ-
ზე, „ნე ზაბუდუ მატუშკუ როდინუ“* — მეორეს მკერდის არეში.
რომელია, კნიაზი თუ შრამიანი?

— ააა, — მისვდა როკი, — გივი ჩემი უფროსი ძმაა.

— ძმა მისაღებია. შენებურები რომ გიხსენე, არ გვეტონოს მათთან მას-
ლაბათით გულს გაჯერებინებ. ოთხიათასი კაცი მამარია ჭირიმე და
ხუთი ზვერის დაკნეტება გამომწვლდება?! — მაიორ სტეპანცევი ისევ
ჩაკბენს პურ-ხიზილადას. — შუღლერების პატივისცემა მესმის, ძმის
თაყვანისცემაც გასაგებია, მაგრამ ამხელა კიბორჩხალა რომ მიგით-
ხანბნია, რაღაცაშია საქმე. თქვენთან ჭამენ კიბორჩხალას?

— როგორ არა, გამოაცლიან კუდს, ნაწლავიც გაჰყვება თან, მო-
ხარშავენ და ისე. ეს კიბორჩხალა კი იშვიათი ეგზემლარი იყო, —
ღვიძლზე მიიდეხს ხელს ოდიშელია, — თავისიანებს ასჯერ აღემატე-

ბოდა ზომით. სახეობით იგივე გახლდათ, რაც დანარჩენები, მაგრამ ასეთი განსხვავების მიზეზები ვერაფრით დაადგინეს მეცნიერებმა.

— და შენც პატივისცემის ნიშნად ვერევე მიიტყეპე, არა?! გასაგებია, გასაგები, კიდევ კარგი დინოზავრებს არ გადაყრინარ, თორემ შენი სხეულიდან ფრჩხილისოდენა თეთრი ლუპით საძებარი გაუხდებოდა ლიუდმილა ევგენიენას, უკაცრაგად პასუხია, მოროჟკოს. საქმე იმხელა დაგიგროვებია რომანის მასალად გამოდგება. გაგეცანი მე შენს ცხოვრებას ძირფესვიანად. ვიცი, რომ კამერაში შესვლისთანავე ისეთს მოიმოქმედებ, ხელად მიიქცევ ადგილობრივთა ყურადღებას. დასწრება შენი კოზირია. მუშტიც გიჭრის, როგორც გახასიათებენ და გონებაც ვნახოთ. — სტეპანცევი ასანთის კოლოფს დააძრობს, გამოსწევს და ღერებს იატაკზე დაყრის, მერე ცარიელს მიაწოდებს და სასხვათაშორისოდ ეტყვის:

—აკრიფე, ისევ ჩაალაგე და მომართვი!

როვი მშვენიერად ხვდება რასაც ნიშნავს ყოველივე. შენი წელში მოღუნვა, გატეხვა სწადია. გამოსავალს ეძებს მისი გონება, ფიქრობს — იპოვს.

— მაღლობთ, ასანთს არ ვნმარობ, მე სანთებელათი ვუკიდებ სიგარეტს, — ამბობს და ტრუსების ამარა წაიღებს ჯიბისკენ ხელს. ისე ოსტატურად გამოუვა, რომ სიცილისაგან თავს ვერ შეიკავებენ, იჭაჭება სტეპანცევიც.

— კარგი, ამისი ამკრეფი შემოვა, — მაიორი ქალივით ღამაზ ოფიცერს შეხედავს. ისიც თითქოს მიუხვდაო უფროსს, წამოდგება, თითიდან მოიძრობს ბეჭედს და წკარუნით მოისვრის ბეტონის იატაკზე.

იცის ოდიშელიამ ესეც ძუძუმწოვრული ილეთია შენს დასამდაბლებლად.

— როცა ვათხოვებას დააპირებ, მაშინ დაგნიშნავ მაგ ბეჭდით, — დაეჯღანება ადრინდელი საქციელით ოდნავ შეთამამებული როკი, მაგრამ მყისვე მიხვდება, რომ ენამან მისმან უმტრო მას.

— ვის ეხუმრები, შე ველურთ? — გაცეცხლდება ოფიცერი, რომელიც ოპერის მთადგილე ყოფილა. სკამს გამოსწევს და თავხედი პატიმრის ჭკუაზე მოყვანა უნდა.

ოდიშელია გრძობს ცუდი ხუმრობა გამოუვიდა, რამენაირად ტანსაცმლის მორგებას მოახერხებდეს, იცნონებს სულს. მერე მოსდგნენ და ჯიჯგნონ რამდენიც ნებავთ. მიჩვეულია ამისთანებს. სკამზე დადებული სამოსელისკენ შეტრიალებულს ხუთიოდე ნაბიჯიც არ გადაეღვამს, რომ მოაფრინდება უკნიდან გამხეცებული ლეიტენანტი. ცალი ხელით შემოატრიალებს, მერე ყბაში მოსადებად გაუქანებს,

მაგრამ როკი ოსტატურად აიცდენს. წელში შეუვარდება თავდაღუნული. ხელებით აიტაცებს ჰაერში. ამჩნევს სამკერდე ნიშანს მოკრივის ხელთამანებით.

„აქაური დონის ოსტატი ყოფილაო“, გაუელვებს თავში, კომიხის მაგიდისკენ მიისწრაფვის. გაფხორილ მამლაცინწას გონზე მოსვლა ვერ მოუსწრია, ისე შეასრიალებს ადმინისტრაციის ჩაის ტრაპეზზე. მოპრიალებულ მაგიდაზე გადაფარებული სუფრას თან გაიყოლებს ოპერის მოადგილე, თითქოს უჩინარი ესკალატორი მიანარნარებსო, მჯდომარე პოზაში ჩაუქროლებს კოლეგებს, ლიუდმილა ეგგენიენას, გზადაგზა გაიტაცა უკვე შესწავლილ საქმეებს, გაუსწორდება სტეპანცევს, წარიტაცებს დაწუნებულ ჩაის ლამბაქ-ფინჯნიანად, ისე რომ კარაქ-ნიხილალიანი პურიღა შერჩება ზონის უფროსს ხელში. ჩაუქროლებს ოფიცრის სხეული წვრილფეხობას და კედელს ისე მიაწვება ზურგით, იმდენი ქალაღდი და ჭურჭლეულობა წაუსვეტაცს, რომ წამოწვეს, ყურთბალიში მოსაძიებელი არ ექნება.

ოდიშელია სწრაფად ჩაიცვამს. ამასობაში მიაჭერენ დილაკს და ოცამდე ტანბრგე, ველურსიფათიანი მცველი შემოვარდება. ტიტლიკანა ჩუქჩა მოიბუხება, მხრებში ჩაიკარგება. ძლივს გონზემოსული ლეიტენანტი მაგიდის თავში ზის ფაშასავით და ენის ბლუკუნით ამას იძახის:

– ვიზე აღმართე ხელი? ვის ეშუტკები? მოგკლავთ, ჩამოგწერთ!

როკიმ იცის, რომ უკვე ზღვაში შეცურდა და აქედან გამოღწევა არც ისე იოლი საქმეა, ამიტომაც სრულიად დინჯად, დამშვიდებით პასუხობს:

– საქმით დაამტკიცე!

– სანამ ბოდიშს არ მოიხდის, ნარუნნიკებითმ კარზე ჩამოგვიდოთ! – ამბობს ფეხზე დამდგარი და სტეპანცევს უმწერს დასტურისათვის.

მაიორი ჩაამთავრებს მადიანი ლუკმას და ღიმილით დაუქნევს თავს.

ოდიშელიას მოარგებენ ბრასლეტებს მაჯებზე, ერთი ფეხს ჩამოჰკრავს იმ ხელბორკილს ღონივრად და კინაღამ ძვლებს გადაუმსხვრევს.

– პრაგულის კარზე? – იკითხავს დამსჯელთა ბრიგადის უფროსი.

– არაფერიც, გმირად ხომ არ გადავაქცევთ?! – ამბობს და გაქონილ ტუჩებს ხელით მოიწმენდს, – აქვე, აქვე! ამისთანებისთვის საჯარო დასჯა ამაღლებაა. ზონაში უცებ გაუვარდება სახელი და ფადიშაპივით დაჯდება მერე. ვერ მთართვეს!

ჩამოჰკიდებენ კარზე როკის. თვალებიდან ცრემლი წამოუცვივ-

დება უნებურად. უნდა იყვიროს, მაგრამ ამდენი ტანჯვაგამოვლილისთვის შეტი დამცირება იქნება?

„მიშველე, კაბადოკიელი ძმადნაფიცო! შენზე უკეთ რომელს მოესხენება სხეულის ადამიანური ტკივილები?! უფლის რწმენამ გიშველა შენ, იმ რწმენამ, რომელიც შენში იყო, და სხვა არანაირი შემწეობა ციდან. ეს უკვე ორჯერ-ორივით დადასტურებულია. შენ ხომ შენი მოწამეობით უკვდავების გვირგვინი დაიდგი თავზე?! მასწავლე სხეულის დაურევების საიდუმლო, ამას გთხოვ, მეტს არაფერს. არ დამცალდა ჟინი ანთართან მეცადინეობა, თორემ იმისგანაც ბევრს შევიტყობდი. აკი, მითხრა ერთხელ, ადამიანი თუ მონღოლებს ცეცხლშიც გაივლის და წყალზეც ქრისტესავითო. შენ იმ წამებამდეც ბრწყინავდი სრული ძალმოსილებით. მახსოვს ლასია ერქვა ქალაქს, რომელსაც უკეთური კერბოთმსახური სელინოსი მართავდა. ქალაქის სიასლოვებს უხვწყლიანი ტბა იყო, რომელიც მნახველს ზღვა ეგონებოდა. სწორედ ამ ტბაში დაიბუდა გულბოროტმა გველეშაპმა. ყოველდღე ამოათრევდა წყლიდან თავის ქერეჭიან სხეულს და მუსრს ავლებდა მოსახლეობას. ბევრი გულფიცხელი მეთმარი შეიწირა იმ ურჩხულთან შეკრინებამ. ბოლოს შეიკრიბნენ მოქალაქენი და ასეთიანად შესწვილეს მეფეს.

ჩვენი ქალაქი, მეფეო, ჩინებულ ალაგასაა გაშენებული, მაგრამ უწყლობით ვინოცებით, შენ კი საამისოდ არაფერს მოიმოქმედებ სხვა ხელმწიფეთაგან განსხვავებით. მაშინ გულნატკენმა და ერთიანად შეშინებულმა სელინოსმა მიუგო მათ:

დაწერეთ ხელწერილი და მიეცით თქვენი შვილები შესაწირავად, და როდესაც ყველა ოჯახიდან გავა თითო მსხვერპლი, ჩემს მხოლოდშობილ ასულსაც ჩავაბარებ იმ ურჯულოს, ოღონდ ქალაქიდან ნუ გაიქცევითო.

მოიწონეს მეფის ნათქვამი და დაიწყეს საკუთარი ნებით შვილების დაზვარაკება, და როდესაც მოაწია მეფის ასულის რიგმა, შეამოსვინა სელინოსმა ქალწული სადედოფლოდ, თანაც ეუბნება:

ვაიმე როგორ ქორწილში გაგზავნი სასურველოთ.

მერე გონებაარეულმა ხალხს მიმართა ბოლო ნუგეშით:

მიიღეთ ყველაფერი, რაც მბაბდია, ოქრო, ვერცხლი, სამეფო ჩემი, ოღონდ გაანთავისუფლეთ ჩემი ასულიო.

მაგრამ ბრძანება მეფისგან მოდიოდა და საკუთარი სიტყვის გადასვლას ვინ გაპატიებს, ღმერთი თუ ადამიანი?!

კაბადოკიელი, ძმობილო, უფალმა შენ იქ განგიმზადა პირველი გმირობის ასპარეზი.

რამდენადაც მახსოვს, დეოკლეტიანე მეფემ დაითხოვა ჯარი და შენც ლაჩეთიდან გადახვეწილი მშობლებისკენ მიეშურებოდი, და

სწორედ მაცხოვრის განგებით იმ ალაგას მიადღვიე, რომლის ნაპირამდე ლასიას მკვიდრთ შვილები სამსხვერპლოდ მიჰყავდათ და ურჩხულის მადის დასაკამაყოფილებლად სტოვებდნენ.

მშვენიერი ტბის დანახვამ ნამგზავრი თეთრონის დამწყურვალეობა მოგაფიქრა, და იქ იხილე დიანაც ციური სათნოება, უღმობელი ბედის გამო ცრემლით დაწვებგახაზული ასული და ჰკითხე გაოცებულმან:

რატომ სტირი ასე გულსაკლაფად, ან რისთვის ზინარ ასეთ უკაცრიელ ალაგასო.

ქალმა თავი აიღირა და ათრთოლებული ხმით ვითხრა:

გხედავ, ბატონო, ჩემო, სახიერს და გულოვანს, საიდან გაჩნდი აქ სასიკვდილოდ? წადი, სწრაფად მოშორდი აქაურობასო.

შენ გულმა არ მოვითმინა და ჩაეძიე:

ვინ ხარ შენ, ან ვინ არიან შორიდან მაცქერაღნი, ასე რომ გაუშეტებიხართო.

ასული კვლავ გეხვეწებოდა:

ჩემი ამბავი გრძელია, საამისო ჟამი ამოწურულა, გაიქეცი სახამ დრო არის, რათა შენც არ აღესრულო მწარე სიკვდილითო. მაინც შენსას არ იშლიდი.

ნურაფერს დამიძალავ და მეც შენთან ერთად მოკვდებიო, უმტკიცებდი წრფელად და როდესაც დაწვრილებით მოისმინე ლასიელების გასაჭირი, წელში ამაყად გაიმართე, თითქოს გალაღდი, რადგანაც სწრაფად გაიაზრე გადასალახი წინააღმდეგობა და ასეთნაირად მიუგე ასულს:

ამიერიდან ნურაფრის გეშინია ქალწულთ, ოღონდ ისიც მითხარი, რომელ ღმერთს ემსახურებიან მამაშენი და მისი სამწყსოთ.

დასამალი რა ჰქონდა ქალიშვილს და ყოველივე წვრილად გაგიმხილა.

ღმერთს კი არა, ღმერთებს, ბატონო, ჩემო, ჰერაკლეს, აპოლონს, ქალღმერთ არტემიდას და კიდევ მრავალსო.

აქ კი მიხვდა თქვენი ბრწყინვალეობა, რომ უფრო დიდი ურჩხული ნთქავდა თურმე მათ სიყრმიტოვანვე და არაფერიათ დაანუგეშე კვლავაც. მერე მიაპყარი თვალეები ზეცას და შეწვევისათვის აღავლინე ვედრება უზენაესის მისამართით, რათა მერამდენედ სასწაული მოეგლინა მას ადამიანთა გულში რწმენის განსამტკიცებლად და ხმა შემოგესმა ზეციდან:

გიორგი, შესემნილია შენი ვედრება, მოიმოქმედე რაც გენებოს, რადგან მე შენთან ვართ. ეს იყო და უეცრად შეირხა ლელიანი, ხელმწიფის ასული კიოდა:

გაიქეცი, გაიქეცი ბატონო! აგერ, გამოიხდა წყეული გველეშაპიო.

ხლო შენ მის შესახვედრად წარემართე, პირჯვარი გარდასახე ურჩხულს და ისევ შევედრე უფალს:

ღმერთო, დიდებულო, გადააქციე ეს მხეცი ჩემს მორჩილადო, და როგორც კი ვედრება დაასრულე, კაბადოკიელი ძმაო, ბოროტი ძალა შენს ფერხითი გაწვა. შემდგომ ამისა სარტყელი მოახსნევენე ქალწულს, შეპკარი მისით ქვეყნის მათხრებელი გველეშაპი, და როდესაც ღასიის მთელი მოსახლეობა შემოჯარდა შენს გარშემო, და როდესაც ისმინეს ვისი შემწეობით მომხდარიყო საკვირველება, იწამა ყველამ სამების ძლევაპოსილება.

მაშინ იშიშვლე ხმალი და წაახსიბე თავი იმ მოთვინიერებულ ურჩხულს.

ღვთიური ძალები ვმფარველობდნენ შენ, კაბადოკიელი ძმაო, მაგრამ მე, შენს მოიმედეს, მქონდეს კი რწმენა ტანჯვის გაქარწყლებისა?“

ტკივილზე ტკივილი დაემატება როკის, რადგანაც ახლა ის პირტიტველი ოფიცერი ფეხებზე ჩამოეკიდება, თითქოს საკუთარი სიმძიმე იოლი ასატანი იყოს დანახავით ბასრპირიანი ხელობრილებს გამობმული ოდიშელიას სხეულისთვის.

— მოუბოდიშე უფროსს! — ამბობს ლეიტენანტი, ვიდრე სტეპანცევი კარზეჩამოკიდებულს მიუახლოვდება.

— უანგი არ ეკარება ქართველს! დილაამდევ რომ ვკვიდო გავძლებ! — მოსჭრის როკი და თვალებიდან უნებლიეთ ცრემლი გადმოუცვივდება.

ამასობაში ორი სხეულის სიმძიმეს ვეღარ გაუძლებს კარის ანჯამა და ტყრწიალით ჩამოწვება ოთხ თითზე, თუმცა როკისთვის ვერანაირი ნუგეში მოაქვს, ეგ არის მხოლოდ რამდენადმე მინელდება კარის შიმორწევა.

სტეპანცევი გაცქვინებული თვალებით ახედავს დაბლიდან სამაჯურებით ჩამოკონწიალებულს და ოდიშელიაც არ გაუშვებს მომენტი ხელიდან, ეგრევე მიაფურთხებს სიფათში.

— ჩამოხსენით! ფოლადისგანაა ეს შობელძალი?! ჩააცვით სმერიტელნი რუბაშკა,* — გამოსცრის კბილებში სტეპანცევი, კოჭებში წიხლს მიუხატუნებს, ნაფურთხს ხელით მოიწმენდს კვლავაც, როგორც ცნიმს ტურნებისგან, — ბევრმა ააქოთა აქაურობა მისი მარწუხებისგან.

კრივის ხელთათმანივით თავლია თვინიერების პერანგს მთარგებენ ტანზე როკის. როცა ხელობრილს ხსნიან ყრუდ ამოიგმინებს ისევ. ახალი სატანჯველი ვაისგან თავდაღწეულის უისთან მისვლის ბადალი გამოდგება.

ვინ იცის, კიდეც საითკენ გაიტაცებდა ფიქრი ოდიშელიას ნაგვემ სხე-

ულს, მაგრამ ფარდებიდან სტიჟარდესა გამოვიდა და მოლიმარი სახით გა-
ნაცხადა:

— მოქალაქე-მგზავრებო, შეიკარით ქამრები, ვიწყებთ დაშვებას...

თვითმფრინავი მშვიდობიანად შეეხო დრანდის აეროპორტის ბეტონის
სარბენ ბილიკს. სულ შეგუბებულმა ილორელებმა საბურველივით ამოიქში-
ნეს. ერთხანობას ამაოდ ეჯაჯგურნენ ქამრების მოხსნას, ბოლოს როგორღაც
გაართვეს თავი.

როკომ პალტო ჩაიცვა, დაწვდა დიპლომატს და ვიდრე ტრაპით დაეშვე-
ბოდა მშობლიურ მიწაზე, ახლა უკვე სრული სერიოზულობით უთხრა მეთ-
ხილე-მელიმონეებს:

— ძებო, დაიხსომეთ ჩემი სიტყვა: წყალში პირველად თუ შედიხართ, უცებ
ნუ შეტოპავთ ღრმა ადგილებისკენ, ჯერ ნაპირთან იჭყუმპალავთ, სადაც ფეხ-
ქვეშ მიწა გვეულდება. ყველაფერი სწავლებიდან მოდის და როცა სხვათა ინტე-
რესებიც გათვალისწინებულა, თქვენი თვითმფრინავიც არასდროს გამოუშ-
ვებს სალონში დაღუპვის მაუწყებელ ყალბ კვამლს ხოლმე.

წუთისოფელი პარადოქსებითაა სავსე. ბუნებისგან განსხვავებით მხოლოდ
მისთვისაა დამახასიათებელი გლობალური აფეთქებანი. ხანდახან ფარასავით
მოზრუნდება საწუთროს მიდრეკილებანი და კოჭლი ცხვარი სათავეში მოექ-
ცევა ვაგლახ.

ბუნება უჭკვიანესია საზოგადოებისგან გამორჩევი. ფუტკრის ნეს-
ტრით წვეთ-წვეთობით აკოწიწებს ფერებს, ფორმებს, სპირალის უსას-
რულო რგოლებით მიიგრავნება უმარტივესიდან ურთულესისკენ, პრი-
მიტიულიდან სრულყოფილისკენ. ოფლსაც არ მოიდენს წამით, არსად
აუჩქარებს ფეხს, არჩეულ გზას ნება-ნება მიუყვება, თითქოს უღმობელი
დრო-ჟამისთვის პირში აღვირი ამოუდგია და საკუთარი გუნება-
განწყობილებით მიაპროწიალებს საით, როგორ და რანაირად მოეპრია-
ნებაო, და გასაოცარი უფრო ის არის, რომ ამ გრანდიოზული პროცესის
უბადლო ნაყოფს, რომელსაც ბუნების გვირგვინსაც ვეძახით ხატოვნად,
იგივე ადამიანს, ნემსის წვერით ასაწონი ჭკუაც არ უფაჩუნებს თავში შე-
მოქმედებითად აიტაცოს სრულიად შეუნიღმავად, მზამზარეულად მორ-
თმეული გენია მოვლენების წარმართვისა; და ვინძლო გონივრულად ვერ
შეუთანაწყოს ფეხი სამყაროსეულ კანონზომიერებათა სიმწყობრეს, მიმ-
ბაძველობას მანც დასჯერდეს, მთლად ნუ დაუპირისპირდება დამპურე-
ბელს თვისას, დამნაცრავი წავარნებით მანც ნუ წათოხარკიდება, ნუ
აფიქრებინებს ყოვლისმომცველ ზეგონიერს — არც თიხისგან გამოძერ-
წილა იგი, და აღარც დილაქტიკის მემკვიდრეა სავალალოდ, არამედ რა-
ღაც სხვა განზომილებიდანაა ჩამოთესლილი, რომლისთვის უცხობა თან-
დაყოლილი თანამიმდევრულობაო.

ავაჰმე, ნახტომებით მიელტვის სრულყოფილებას, ხეობებს იტოვებს

სულში, რომლის ამოკემსვას მერმე თაობათა მსხვერპლად მიტანა სჭირდება.

როდის-როდის გამართლიანდება ჩახრამული ნაპირები უფსკრულისა და რაჟამს სალი თვალით მიმოიხედავს გარშემო, მიხვდება — სამჯერ მეტი დრო და ენერგია გახარჯულა მანძილის დასაძლევად, ტაატით მავალს უკვე გუშინ-წინისწინ გვარიანი ხნის მოტოვებული რომ ექნებოდა ზურგს უკან. პარა-ლოქსია, აბა, არა?!

როკის დაპატიმრების თაობაზე გვითქვამს ზემორე. ჭადრების ხეივნის კალაპოტიდან ამოვარდნილი ჭაბუკი სამ წელიწადზე მეტს ხეტილობდა სამ-შობლოსა თუ მის ფარგლებს გარეთ, და ახლა, როცა დრანდის ციხეში იხდიდა სასჯელს, ზუგდიდში რაღაც სხვანაირი სიო დაიჩხა. უფრო სწორად ამ ნიავს გასული საუკუნის მიწურულიდან უხმობდნენ ერის მამანი — ნიკო ნიკოლაძე თუ რაფიელ ერისთავი.

გამოითქმებოდა თამამი ჰიპოთეზები ჯვართან გიჟმაჟი ენგურის გადაკეტვის თაობაზე, და როცა გონების ხნულში თესლი ჩაწვეთებულია, მისი აღმოცენებისათვის შემაფერხებელი ბარიერი აღარ არსებობს.

ნემსის ყუნწში გაძვრება ადამიანი და საწადელს უთუოდ აისრულებს. აკი, ბრძანეს ერთხელ: ბრუნავსო და მთელი სამყარო წისქვილის დოლაბით დაიტრიალა თავზე ძეხორციელმა.

უფრო მეტიც, ნატყორცი ისრის კულს გამოეკერა და საკუთარი ბიოგრაფიის ამოკითხვა მოიგუნება დაუსაბამო კოსმოსიდან, როცა ხელისგულზე აწერია წარსულიც, აწმყარა და მომავალიც.

მოკლედ, ითქვა: ჯვართან, ვიწრობში მოქურუხებული ენგური ვიდრე ტაფობზე გაიშლებოდეს, ორასამოცდათორმეტ მეტრიანი კედელი აღიმართოს დაღეთის გაუხედნავი სტიქიის დასაოკებლადო და აწყობილი საათით ატიკტიკდა სადადიანო სრული.

სამინისტროებმა საქმიანი ქალაქები მოათადარიგანეს.

ბანკში ფული დაბინავდა.

კვალიფიციური სპეციალისტების წყებას ჩამოჰყვა მძიმე ტექნიკა, ლაღუმი, მემლაროელების ჩაჩქნები, არაყი, კალთამადლიანები ჩრდილოეთის ცილისა, რომლებიც მაგნიტივით იტაცებდნენ ჭადრების ხეივნის აზატი ბიჭების მიამიტ გულებს.

გაიშალა პროექტი სამუშაო მაგიდაზე, რომლის მიხედვით ენგურის წყლის მასა ელექტროენერგიის გამომუშავების შემდეგ, აფხაზეთში გადაისროლებოდა სადერივაციო გვირაბით.

მოკლედ, ოდიშში მოპოვებული სინათლე სამურზაყანოს ტერიტორიიდან განაწილდებოდა მთელს დუნიაზე.

ასეთი ხრიკები სიახლეს არ წარმოადგენდა წონასწორობას დადარაჯებული იმპერიის მესვეურთათვის: უჯართო საქართველო ფოლადს აწარმო-

ებდა და უვენახო ციმბირი — ღვინოს; აშხაბადურ ჭანჭიკს და ყარაგანდულ ქანჩს იყვესკში უხმატკბილებდნენ ერთმანეთს.

უთავბოლო ეკონომიკის მიღმა იღუმალებდა უფროვე არსებითი მიზანდასახულობა: რაც შეიძლება მეტად დაასაქმე ხმლით მოპოვებული პერიფერია, ოღონდაც საკუთარი არაფერი გააჩნდეს: ციტრუსს კრეფდეს, მაგრამ ყუთებს შენგან ღებულობდეს; ღვინოს წურავდეს და ბოთლებისთვის ხელებში შემოგციცინებდეს; მანქანას აწყობდეს, თუმცაღა ქვეყნის ოთხივე კუთხიდან მისდიოდეს, ჩარჩო, კაპოტი, საბურავები და ძრავა. და თუ ოდესმე მოაწევს ჟამი განზე მაცქერლობის, ან — მთლად უმწვავესი თვითგამორკვევისა, ხელად ძარღვებდაფატრულს დაემსგავსება მიწას მოწყვეტილ ანთეოსივით და სანამ სასიკვდილო იარებს უწამლებდეს სრულიად უმწეო, შენივე ხალხი ისე წაგიჭერს ყელში ხელებს, დასატუქსი ბავშვივით თვითვე ეახლები დამტყვევნელს შენსას, რამეთუ ნათქვამია: ყველა გზა რომისკენ მიდისო.

ოდიშელების ყისმათიც დაახლოებით ასეთი იყო.

ენგურჰესის ხელოვნურად გაბერილმა ხარჯთაღრიცხვამ მიიხედ-მოიხედა სადადიანოს ცენტრში და მოიხილა რა სრულიად უნათო ყოფიერება, კუსავით გამოჰყო ფეხი სახარე ნალებისთვის.

შავზეშავი დღე ადგათ ქალაქის არქიტექტორებს.

კვირაში შვიდჯერ იცვლიდა იერ-სახეს ზუგდიდის გენერალური გეგმა.

მოდირდნენ გავლენიანი ხალხის ხელდასხმული მამულიშვილები და ახალ-ახალი წინადადებით იპყრობდნენ ქალაქის მისადგომებს.

ზოგს საავიაციო ქარხნის პროექტი ჩამოჰქონდა, რომელიც თვითმფრინავის კულის დეტალისთვის დაასაქმებდა ორიათას მუშახელს. სხვები უფრო დიდი მასშტაბის მშენებლობას მოუძღოდა, „ვექტორად“ რომ იყო ჩრდილოეთშივე მონათლული და სამიათასი კაცის ამოქმედებას ვარაუდობდა კომპიუტერული ქანჩის ასაბურტყუნებლად.

გაიზმორეს ჩაის ფაბრიკებმა სტეპანცეების გუნება-განწყობილების მოსაშხამად.

სალათას ძილიდან გამოერკვა ფაიფურის ქარხანა და ძაკა ოდიშელის მიმდევრებს ხელიდან გამოაცალა სააგურე თიხა.

ენგურქალაქალკომბინატმა ხომ სოკოებივით მოამრავლა მეღვინის პროფესიის ხალხი მარჯვენა და მარცხენის პროფილით.

ქალაქის მესვეურები სათამაშოებივით მიმოსწევდნენ სადადიანოს ცენტრში ჩომახიების, სიჭინავებისა და ჟვანიების სასადილოებს, ებრაელების ხუხულებს. ქალაქის გეგმილზე ქრებოდა ალექსი რუსისა და აბიკოს კინოთეატრი ჭადრების ხეივნის დასავლეთით, სანაცვლოდ სიჭინავების სასადილოს სივრცეს ეუფლებოდა იგი უფროვე ზორბა და ჰაეროვანი. შარუხიას ფარდულების ადგილას მრავალსართულიანი საცხოვრებელი კორპუსები ამოიზარდა.

ვასხენეთ შემობრუნებული ფარას ფსიქოლოგია და აქამდე ლამის უსაქმურობას გადაგებული ახალგაზრდობა მოზღვავებული ფულის სურნელმა ზოგი ხარაჩოზე გაიყვანა და ზოგიც — ამწეთა კოშკურაზე.

ქალაქის მესვეურებმა თავდაპირველად სკვერს შემოვლებულ ტრიფოლიატას საუკუნოვან ცოცხალ ღობეს შეუტყის. ფოლადის გვარლს გამაბამდნენ დაღვარჭნილ ძირებში. გასწევდა მძიმე ტექნიკა და არშინიან ფესვებს მოუშინვლებდა. დატვირთავდნენ მერმე მისით „კამაზებს“ და სასაკლავო ჭანჭყროვანების გზას გაუყენებდნენ. შულერების საყომარბაზოდ ჩაყურსული სკვერი მალე ხელისგულივით აკამკამდა.

ქალაქის ელვისებური გარდაქმნის გეგმამ თავგზა აუბნია, როგორც სიჭინავებისა და ჟვანიების, ისე — ჩომახიებისა და შარუხიების ქარვასლებს ხეივნის ხელმარჯვნივ თუ ხელმარცხნივ, მაგრამ გადასხვაფერების დაუოკებელი ჟინი ქარავნის პრინციპით მიემართებოდა ერთხელ ამორჩეული სელა-გეზით და აქ მეწვრილმანეთა ბუზლუნი, წიწმაცობა თუ მხრების აჩეჩვა, ძაღლების დავდავის-მაგვარი აკომპონიმენტიდა იყო გაუგონარი აღმშენებლობის ფონზე.

ქალაქს ორიოდე კვირით მოშორებულ პიროვნებას თვალეზი შუბლისკენ გაურბოდა. არნახული, არსმენილი ტემპით ინგრეოდა ძველი და თვალის დაფახულებასაც რომ ვერ ასწრებდი, ისე ენაცვლებოდა, ახალი, ასწილ ფაქიზი, ასწილ მიმზიდველი. მართალია, ამ გარდაქმნებს ვერადროს იხილავდა ზუგდიდის შემოსასვლელში ჯერ კიდევ როდის ჩამოყარავებული რკინის ბელადისა მონუმენტი, მაგრამ მისი მასწავლებელი ხომ თვალნათლივ აღიქვამდა ცენტრისტების ბირჟიდან ამ უმაგალითო მეტამორფოზას?!

ახლა მუშტი-კრივისთვის არავის სცხელოდა. ყველა საშოვრისთვის დატრიალებულიყო.

— ბლის ხეს კანი სანამ ძვრება, მანამ უნდა შემოაცალოო — უთქვამს კაკა ჟვანიას და თანამოსაუბრისთვის მრავალგზის დაუკრავს კვერი გვანჯი ჩიქვანს, თუმცა ისინიც გარიყულიყვნენ ამ ორომტრიალისგან. მათ საფლავებზე ორისამი წლის ბალახი ბიბინებდა უკვე. ცენტრისტების სათავყრილობოც ქალაქის შესასვლელის უძველო პედესტალს დაემსგავსა, როგორც პოეტი იტყოდა: აწგარდახდილი ამბავი ჰაერსა შეენახა და კიდევ ვინ იცის, რამდენხანს იკამკამებდნენ ეს ფერჭვირვალეზანი თაობათა ხსომიერებაში, ვიდრე რივისობისდა მიხედვით არ დაიბინდებოდნენ დავიწყების უღომბელი მტვრისგან, არ დაისილებოდნენ აწ და მარადის გულმავიწყობის ფსკერზე, მაგრამ როკის გონება სულაც არ ჰგავდა ჭირხლის ნება-სურვილზე მოსიარულე ფანჯრის მინებს, ლიბრი რომ გადაეკვრებათ ხოლმე გუგებზე მეჩონგურე ლადი ჭანასავით.

ჭადრების ხეივანში კანტი-კუნტად შემოხეტებული ბიჭები უცილობლად გაიხსენებდნენ თავიანთ წინამძღოლს. რამდენი ორთაბრძოლა გამართულა აქ ერთი ერთზე, თბილისელებთან, ქუთაისელებთან, ბათუმელებთან თუ სოხუმელებთან, მაგრამ არაოფიციალური რესპუბლიკური მუშტი-კრივის არენაზე ძელქვასავით შეურყვევლად იდგა სულ როკი.

მიუწვევიათ მატჩ-რევანშზე და უსახელოდ არც იქიდან დაბრუნებულა ოდესმე. ეს ის დრო იყო, როცა კაცის სიმაღლიდან დაშვებულ ფოთოლს ხუთჯერ წამოეწეოდა გზაში. ჟინი ანთართან ურთიერთობა რომ დაცლოდა, ვინ იცის, იქნებ სუხნია მარჩიანოს დიდებაც დაერდილა ოფიციალურ რინგზე მსოფლიო მასშტაბით, მაგრამ საწუთრომ სხვა იღბალი განუმზადა მას და გასაკვირი არაფერი იყო, კვლავაც გაუთავებელი მსჯელობის საგანი გახლდათ ოდიშელების ზილას ყოველი გადაადგილება საქართველოს ერთი ციხიდან მეორეში; დაკეტილიდან გაქცევის მცდელობანი; ლაითურის ზონაში გარდახდილი ხელჩართული ომი; ქუთაისის იზოლატორის ფათერაკები თუ სხვანი და სხვანი.

უოდიშელიოდ ჩაესვენა კაკა ჟვანიასა და გვანჯი ჩიქვანის დროინდელი ზუგდიდის ეპოპეა; უოდიშელიოდ აღმოცენდა ვერტიკალური ზუგდიდის ხატება და უოდიშელიოდ იჯანსაღებდა ფესვებს ბირჟავიკობის ხანაში ემბრიონულ მდგომარეობაში მყოფი ქურდული ფსიქოლოგია.

ძლევაშოსილი კუნთების ეპოქა დავიწყებას მიეცა. უმიზეზო მუშტიკრივი უკვე სირცხვილად მიიჩნეოდა, გამონაკლისებს რა გამოლევს, მითუფრო პურ-მარილით განთქმულ ქალაქში, როცა გონიერება გამოფერთხილია თავიდან, მუხლი კვლავაც გერჩის და აღარც მკლავებს წართმევი სადავიდარაბო ძალ-ღონე.

ახლა ზუგდიდის კულუარების საკითხებს ჩიტა ბეზუხა აგვარებდა, წარმოშობით აფხაზი, ერთ-ერთი ნამუსიანი ქურდი, შეძლებისდაგვარად რომ უერთგულა ოდესლაც არჩეულ გზას.

ფერდინანდ ჟღერია, გოგი ყოლბაია, გოჩა ჩიქოვანი თუ ანზორ ქაჩაია კვლავინდებურად თავიანთ ჭაპანს ეწეოდნენ: იმდენს იღონებდნენ, სამკვდრო-სასიცოცხლოდ გადაკიდებულ ხალხს უცილობლად შეარიგებდნენ, ხელს ჩამოართმევენებდნენ ერთმანეთისთვის ძმათამკვლელებს.

ბაზარი კვლავინდებურად დუღდა და გადმოდუღდა, მაგრამ საერთო ცვლილებებს ვერც აქაურობა გადაურჩა. დაინგრა ვალერიანის აშენებული ყრუ კედელი და ისევ ვალერიანის ხელითვე აგურის დეკორატიული გალავანი შემოევლო. შესასვლელთან რკინის ჭიშკარი აღიმართა, საშენი მასალის მტკერი ბულივით იდგა პაერში, მაგრამ წკირზე წამოხადებულის ანდაზის კვალობაზე, სოფლის ქალები მაინც აქეთკენ მოეშურებოდნენ.

უმცროსი გენადის ამარა დარჩენილი ვალერიანი იხტიბარს მაინც არ იტეხდა.

ყოველი ადამიანი თვითონ ჭედავს საკუთარ იღბალსო, იტყოდა, თითქოს ამით თავს იმართლებდა შვილებს შეუდრეკლობას რომ ჩაუნერგავდა აკენიდანვე; უკანდახევის, ხიფათებისგან განრიდების საიდუმლოებებს რომ არ აზიარა, მაგრამ გენებით რაც მოსდგამდა, მემკვიდრეებსაც იმას გადასცემდა ზედმიწევნით და აბა, მისი რა ბრალი იყო, ბედმა ასეთნაირად რომ დაუჩაგრა უფროსი ბიჭები?!

ბაბილინა ჭანხე ამის თაობაზე იტყოდა გარკვევით:

— ციხის აშენებაში ერთი აგური წმინდა გიორგისაც მიუძღვის, მაგრამ იმის კედლებს მთლად ჩემი შვილიშვილები თუ ამოიყვანდნენ, არ მოველოდი.

კათანდარა ჟენია კი სულ ილორელ მღვდელს აბრალებდა როკის არეულ ცხოვრებას.

— ვერ მომიხატლა ბავშვი ხეირიანად, მირონის წაცხებისას წვერებში რომ ებრდღვნა როკი, ვერაფრით წავართვით.

მომამოვრეთ ეს ეშმაკეულიო, ყვიროდა შეჩვენებული და ვართ კიდევ დიდებულ დღეში.

ენგურჰესის რკინა-ბეტონმა ჩხოუშისასაც დაატყო სასიკეთო ხელი. ადრე ბოშათა კარვების სამფლობელოდან მოყოლებული ქვითკირის პერანგში ჩაჯდა ორივე ნაპირი, ხოლო ხეტილის მოყვარული ხალხის ნაწილმა ზუგდიდის მიწა-წყალზე ჩაუშვა სამუდამო ღუზა. მჭედლობა, წვრილმანებით ვაჭრობა, ცხენები და გათარანებული გიტარები კვლავინდებურად ასულდგმულებდა აზატთა ცხოვრებას. ბრეზენტის კარვები სამუდამოდ დაკეცეს და დატბევებული შთამომავალი აწ არასდროს მოიძიებდა მათ შორი გზების ნოსტალგიით.

მოკლედ, ილონას ფაშფაშა ბიცოლას მთლად ვერ გაუმართლა მარჩელობამ, ვინაიდან ბოშათა ტომის მესამედი მკვიდრად დაფუძნდა საკონსერვო ქარხნის მიდამოებში. რაც შეეხება მწვანეთვალემა მაზლიშვილს, აქ მჩხიბაობის მაგია ჯერაც ძალაში რჩებოდა, ჯერაც ფორნებით ეხეტებოდა ჩრდილოეთის უკიდევანო ტრამალებში, თუმცა მალე კოვზი ნაცარში ჩაუვარდებოდა, ჩამობრუნდებოდა ოდიშში ოდიშელისა მამებარი ილონა, მიაგნებდა კიდევ გულისწორის ასავალ-დასავალს თბილისის დაკეტილში, მაგრამ როკი ნაბიჯით გაასწრებდა ეტაპით, და ხელჩაქნეულ ასულს ორ ვაჟიშვილს აჩუქებდა დანიშნული კარლო.

მართალია, იმ ბოკვერებს თავშალში გამოხვეულებს როდი მოიკიდებდა ზურგზე ილონა ტრადიციისამებრ, ქართული აკვით დაარწევდა თითოეულს და სასწავლებლადაც რუსულ სკოლაში შეიყვანდა წლების მერმე, მაგრამ უმჯობესია საუბარი არ გაგვექცეს და ქალაქის აღმშენებლობის ამბებს მოვუბრუნდეთ.

საოცარი გარდასახვის მსახვრალი ხელი ქუჩის მაწანწალებსაც მიწვდა ქეჩოში. ჯოჯომ, ხოთომ და სპირდომ ბოლოს და ბოლოს იმდენი იქნიეს ჯოხები თუ კეტები, მართლაც სამუდამოდ გაფანტეს ისინი ზუგდიდის სინამდვილიდან და ახლა სახეშეშუბებული მათხოვარი თუ ბოგანო სანთლით საძებარი იყო მთელს არემარეზე. ბაზრის ტერიტორიის განუყრელი ატრიბუტები — სამი ჩამოქანდაკებული გიჟი მამაკაცი და ორიც მანდილოსანი — სირმა და თამარა ჯორბენაძე, ძველებურად თვალში ეჩხირებოდა ზუგდიდელს, თუმცა არც უმათობა იქნებოდა. გიჟების ხუთეულს იმდღეებში შემოემატა ფრიად კოლორი-

ტული ჭოლო, რომელიც სექსუალური მანიაკი გახლდათ. ჭოლოს ფალიკურ შესაძლებლობზე ლეგენდები დადიოდა. ამბობდნენ იმასაც, რომ აცვენელ ბიჭებს თარი ანთარიას მეთაურობით მოსკოვში ჩაჰყავდათ თურმე სმოკინგში გამოწვეპილი. იქ გამოუტყებინდნენ შესაფერის პარტნიორს და მიდიოდა ლადვი. ცალკე ოთახში მიუშვებდნენ. ქალს გული მისდიოდა უკვე კოიტუსისგან, ჭოლო კი ესესაა ექსტაზში შესვლას იწყებდა და როცა მანდილოსანს თვალები ამოუტრიალებოდა ჭარბი ქაქუნისგან, ჭოლო გამოსძახებდა მოჭიფვეებს:

— ბოჩიავეიჩი, იქნება თუ არა აწი დაზონარებულიო, — და დოსტების ხმიანება სახურავზე ჩამომსხდარ მტრედებს წამოშლიდა „როსიას“ მესამე სართულიდან.

ზონარი ვახსენეთ და ეს ტერმინი პეტიკო თოდუას შემოტანილი გახლდათ. ერთხელ ალექსეი რუსისა და ამბაკოს ნაკინოთეატრალთან თათული ბერეშია გამოეჩითა პეტიკოს. ამ გოგოს ფეხმსუბუქობის ამბავი უკვე მთელმა სადადიანომ იცოდა, მაგრამ გავიდა დრო, დამშვენებულიყო ძვალკანა, გავსებულიყო ხორციოთ, ჩაცმა-დახურვითაც ბანოვანს დამგვანებოდა უარაფრო მამითობლიო. ვილაც კუშტსახიანი დედაკაცი ახლდა გვერდით. იაზრა თათულიმ, პეტიკოს მწარე ენა აქვს, არიქა, რაიმე არ წამომაცხედროსო და იქით დაასწრო:

— პეტიკო, ბიძია, ოჯახში როგორ ხართ, ხომ ჯანმრთელად? მე გავთხოვდი, გაიცანით, ჩემი დედამთილია!

მოკლედ, აგრძნობინა ყველაფერი, მაგრამ პეტიკომ ერთი ყურიდან მეორეში გამოუშვა ოდიშელი კურტიზანის გაფრთხილება და ეგრევე მიაროხროხა პანმელიაზე გამოსასვლელ ნაცნობის გამოჭერას დადარაგებულმა:

— გოგო, რომ დამშვენებულხარ და გავსებულხარ, ეტყობა ზავსიმ მოგხლომი, თორემ დაზონარება მანამდეც არ გააკლდაო.

ასე იყო თუ ისე, გიჟების სამოქმედო ასპარეზი რამდენადმე შეიზლუდა მათივე ხელკეტების დაუზარელი ტრიალით ქელეხ-ქორწილების მისადგომებთან. ბაზრის ტერიტორიაზე ჩირთიფრთობდნენ კვლავაც და ოთხივე ისე აღესრულებოდა, სასწრაფოები სწორედ რომ ბაზრიდან გაათრევდნენ წუთისოფლისგან ვნებულ მათ სხეულებს.

ჯოჯო ორი ჰყავდა ზუგდიდს — ჭკუათხელი და სალ-სალამათი, მაგრამ ერთ შებინდებულზე დალაგებული რამდენიმე საათით დაენათხოვრა აშლილობას მოსახელე გიჟს.

ბედი არ გინდა?! ამ დუჟმორეულობის ჟამს მაინცდამაინც მხარზე ხურჯინმოგდებული, ნაბოძები საჩუქრებით თუ აქა-იქ მიფხეკილ-მოფხეკილი ნადავლით დატვირთული ხოთო არ შერჩა ხელთ?!

ლუფხანიდან ამოხეტებულ ჯოჯო ჭკვიანყოფილს მოპაექრენი ვაცლოდნენ, გვარინანდ მიებერტყათ და ხორცსაკეპი დანით ტროტუარზე მოროქროქემ დაჯგომული ნაბიჯებით მისკენ გამომართული ხოთო მტერში ვეღარ გა-

არჩია, ეგრევე მუცელში გაუქანა დანა. ხურჯინმა გვარიანად შეაფერხა სამართებელივით აფხიანებული ლითონის მოქმედება და სასწრაფო დახმარების ოპერატიულობა რომ არაა, სისხლში და ნარჩენებში მცურავი კაცი იქვე დაღევდა სულს.

— ვადოპილათ, თქვა ღუგრეღეფი!* — იცრემლებოდა სვედაქცეული.

მთელმა ზუგდიდმა დაამტკიცა უბედური შვილისადმი ჭეშმარიტი სიყვარული. არავინ დაიშურა ხოთოსთვის სადილი თუ უხმარი ტანსაცმელი. თვით ქალაქის თავიც საკუთარი ფეხით ეახლა პალატაში. გამოკითხა ექიმებს სულითსნეულის ჯანმრთელობა.

— ვემაწუხეთ, არაფერს დავიშურებთ მისი სიცოცხლისათვის, — თქვა და დასამტკიცებლად კოკორნასთვის აწაპნილი თუმნიანი ამოუღო გაქათ-ქათებული ბალიშის ქვეშ, რომელსაც ორსაათიანი წოლისგან შუაგულში შავი აკვარელით შესრულებული წრე აჩნდა.

— პალადიევიჩ, გინმოსქილიდე, წიე!* — ხოთო ამ სიტყვებით წვედა მიაჯამი როკის მოგვარეს.

დაანუგეშეს. სამართალდამცავ ორგანოებს მკაცრად მიუთითეს, გაორმაგებულად ეგებინებინათ პასუხი შეურაცხადის სასიკვდილოდ გამწირველისთვის. არადა, იმ ჭკუასად ჯოჯოსაც რაღა დასჯა უნდოდა, როცა გამოფხიზლების მერე იზოლატორის ნარზე დამხობილს და ქალივით აქვითინებულს ლუკმა ვერ გადააცდენინეს, სანამ ციხის ექიმმა გვარიანად არ გაჯორა:

— სასიკვდილო არაფერი სჭირს ხოთოს, უმჯობესია შენი შეჭირვებისთვის იფიქრო.

მობრუნებულ ფარაზე ორგზის გვითქვამს და ნავარჯიშები კუნთების ფსიქოლოგიას ელვისებურად შეენაცვლა ქურდული გაგება. ძალადობის უხეში ფორმა დახვეწილით შეიცვალა. ძველბიჭობის პერიოდში ქურდული მსოფლმხედველობა ჩირგვებში არ მჯდარა. მას ავტონომია მაშინაც ჰქონდა მოპოვებული ოდიშის სინამდვილეში, მაგრამ ენგურჰესური ქისების ჩხრილმა ვულგარულ დებოშს წირვა რომ გამოუყვანა, მსწრაფლ ამოტივტივდა, მეტი გასაქანი მიეცა, ლალი ასპარეზის დრო და სივრცე მიეზოძა.

საზოგადოებისა და მით უფრო ახალგაზრდობის თვალში კანონიერი ქურდის მცნება ცალსახად უიგივედბა სამართლიანობისთვის დამაშვრალის იდეალს. ნაწილობრივ ეს ასეც არის. ჭეშმარიტ ქურდს დაუწერელი კანონით არც პასპორტი უნდა გააჩნდეს და აღარც — სამხედრო ბილეთი. ცოლ-შვილი მისთვის სრულიად ზედმეტი ბარგია, მარტო საჟიტილნიცასმ უნდა კმარობდეს და იმასაც — ვარავაიკას.*

ტიპიური ქურდის აღკაზმულობა დარდიმანდულია, ბოჰემური, ყოველგვარ კოპწიანობასა და პეწნიკობას მოკლებული. ზედმეტია მისთვის გახამებული პერანგი, მითუფრო — ჰალსტუხი თუ ბაფთა. ქურდები, როგორც წესი, ნარკოტიკს არ ეკარებიან. ქურდი და მორფიუმი შეუთავსებელი მცნე-

ბებია, ვინაიდან კაცის ბედ-იღბალი ნაკაიფარმა, ნირვანაში წასულმა არ უნდა გადაწყვიტოს. გამოერეოდა მათში ჰაშიშის მოყვარული ან კიდევ ნემსის დამქაშნიკებელი, ეგ იყო და ეგ.

ნალი ქურდი იპარავდა და იმით სულდგმულობდა. წასწრების შემთხვევაში შესაძლოა დაესიფათებინა დაზარალებულს და ამისთანა დროს იგი დანების ტრიალს კი არ მოჰყვებოდა — თავს ჩაღუნავდა სინდისის ქენჯნით და საქმე თუ არ გართულდებოდა, უხმოდ გაეცლებოდა მოპაექრეს. ქურდისთვის მოპარვა უმთავრესი პროფესიაა და სხვა საშუალებანი დროის მოტანისთვის მხოლოდრე.

ქურდობა და შულერობა განსხვავებული მცნებებია. რაც შეეხება ყაჩაღებს, ქურდებს მათთან დიდი კონფლიქტი ჰქონდათ გამუდმებით, როგორც ამას როკი გაანალიზებს მოგვიანებით. საქართველოშიც, რუსეთშიც ქურდებს და ყაჩაღებს შორის დაუსრულებელი შუღლი და ღრენა სუფევდა. ხშირად საქმე დანების ტრიალამდეც მისულა და ბევრჯერ დაუჩიხიათ ერთმანეთი, რადგანაც ქურდის ბუნება შორსაა, როგორც ღორული, ისე — მგლური სიხარბისგან.

ყაჩაღი ყველაფერს ართმევს მსხვერპლს. მიზნის მისაღწევად არაფერს დაერიდება. შეუძლია ბეჭდის ვერმოდრობის შემთხვევაში თითოც მოაჭრას პატრონს. არც ყელის გამოღადრვას ითაკილებს, თუკი იგი რაიმე ძვირადღირებული სამკაულით დამშვენებულია და კვალის მიჩქმალვაც აუცილებელია. ყაჩაღი ფულის გამოძალვის მიზნით მზად არის მეცხრე სართულის ფანჯრიდან ხელით გადაჰყოს ასხვლებული ბავშვი და თუ საჭიროებამ მოითხოვა თითებიც კი შეუშვას იმ უცოდველ ღვთის კრავს, ოღონდ სამშვიდობოს გააღწიოს. ყაჩაღის ბოლო სახრჩობელაა, გნებავთ — გილიოტინა — ცხრა გრამი ტყვია თუ ელექტროსკამი, მაგრამ ზონაში ყაჩაღები, მათთან ერთად ყველა კატეგორიის დამნაშავე, ქურდის დაკრულზე ცეკვავენ.

თავისუფლებაში ყოფნისას რამდენადაც იარაღი ათამამებს ყაჩაღს, იმდენად მოღუნავს ცხრაკლიტულის კედლები.

ზონასა თუ ციხეებში მხოლოდ ქურდები სუფევენ მასპინძლებად და როგორც თევზი წყალში ისე დაცურავენ იქაურ წეს-ჩვეულებებში. ასე რომ, ქურდები ყაჩაღებს მოსისხლე მტრებად მიიჩნევენ, თუმცა არც შულერებთან არიან მაინცდამაინც „მოკოლადნი ატნაშენიაში“.*

ქურდი თავისთავს ფუტკარს უწოდებს, რომელიც გამაბრუებელ კოკორს უჩუმრად დააფრინდება, მისთვის სამყოფს ამოსწუწნის და ჩაივლის. ყვავილი ისედაც განწირულია საღამოური ჰკნობისთვის და მისგან მიტაცებული ბეწო სურნელება საარსებო წყაროდ რომ გაუხდიათ ასსებს, ალბათ, უმცირესი ბოროტებაა დანაშაულებათა უკიდვანო სამყაროში.

ძველბიჭობის ხანაში, მერეც, ჭადრების ხეივნის შუაგულში, როცა შულერები ყომარბაზობდნენ, წვივებზე იტყაპუნებდნენ ხელებს და ერთი საქმისთვის სადაგი ჩაყუნცვით ახსომებდნენ მოქალაქეებს თავს, ქურდის თვა-

ლები მახათივით წავიწროვებულყო ილიაში გაჩრილი საფულისკენ და შესაძლოა იმ ჯეირანს მთელი ოდიშის სამყოფი მკერდი მიაგეღვებდა ტროტუარზე, მაგრამ ქურდის მზერა ჩარჩოებში ექცეოდა, მისი შუქის ნაკადი ამ ხელჩანთას გარემოიცავდა არსებითად და ოსტატობასაც თუ დაეფუღებოდა გამოხედვის სადარას, ხიდან ფოთლის ჩამოვარდნასავით უხმაურო და უმტკივნეულო იყო დარდიმანდული რეკვიზიტის აწაპნვა.

ასეთი და მხოლოდ ამნაირი დაამახსოვრდა როკის ოდიშელი ქურდები. ამიტომაც გასაკვირი არც უნდა ყოფილიყო მისი სიმპათიები დასახელებული კატეგორიის ხალხის მიმართ, საქართველოს სხვადასხვა საპატიმროსა თუ ჩრდილოეთის უკიდვანო ტრამალებში, და კიდევ იმიტომაც, ზომიერების გრძნობა რომ არ ღალატობდათ, ადამიანის გაუბედურებაში ფეხს არ ჰყოფდნენ, ზღვარს არ გადადიოდნენ და რაც მთავარია, მათი სიტყვა ბეჭედლდამული თამასუქი გახლდათ ყველგან და ყოველთვის.

მოკლედ, როგორც ასსები იტყოდნენ და იტყვიან კვლავაც: ქურდული კანონი უცვლელი რჩება. ქურდები და ქურდობა ეკონომიკურად დაუძლურებული ქვეყნების პირმშოა — ინდოეთის, რუსეთის, გნებავთ საქართველოს სხეულზე აღმოცენებული, და ზოგ სახელმწიფოში ეს პროფესია ცოდვებრალად თუ მიიჩნევა, მაგალითისთვის, პოლონეთში, „ეტო ნე ზაპოდლო“; მ მაგრამ როგორც კი ქვეყნები მომძლავრდებიან, საბაზრო ეკონომიკა ფესვებს გაიჯანსაღებს, ვულკანივით ამოხეთქავს ყაჩაღობის დახვეწილი ნაირსახეობა — მაფია, რეკეტი.

ჯუნგლების კანონი დედაბუდიანად მოშლის ნამცეცებს დაჯერებული უწყინარი ქურდის ბუნებას. აქ უკვე უძლიერესნილა გააღწევენ სამშვიდობოს და ცხოვრების ნირი თუ არ შეიცვალე, უმჭველად გაიჭყლიტები.

როკის დაპატიმრებამდე დაახლოებით ასეთი იყო ოდიშის ქურდობის დიდი უმეტესობა, მაგრამ დროთა ვითარებამ მათ შეხედულებებშიც შეიტანა ცვლილებები აქა-იქ და კანონიერ ქურდთა გარკვეული ნაწილიც თანდათან დასცილდა საკუთარ პირვანდელ სახეს.

ოდიშელის დროინდელ ზუგდიდში ქურდებს სახალტუროზე თუ ნახავდით, ან სადაც ავტობუსის მგზავრების სიმრავლეა, ან კიდევ ბაზრობებზე — ხალხის ფუტკარივით გნისში, მაგრამ მერე და მერე ზოგმა მათგანმა რესტორანებში გადაინაცვლა. იწყეს ბანკეტების გამართვა. სმოკინგებში გამოიწვეპნენ, ყლზე პალსტუხი შეინასკვეს. ორსართულიან სახლებს დახარბდნენ. ცოლებად უმაღლესდამთავრებული ქალები დაისვეს, პრესტიჟული პროფესიისანი, ზოგი თვით იურისტსაც კი შეეწყვილა. შვილები უმაღლეს სასწავლებლებში განამწესეს დედის კვალიფიკაციით, ნემსებზე „დაჯდნენ“.

როკის დროინდელ ქალაქში ხუთი მორფინისტი იყო სულ და მათ მილიციაში სპეციალური პუნქტიც კი გაუხსნეს, სადაც დილა-საღამოს „მკურნალობდნენ“, რათა მოზარდი თაობა არ მოწამლულიყო კაცობრიო-

ბის უსაზიზღრესი ბაცილით, თუმცა ზუგდიდთან ოდიშელის თოთხმეტწლიანი დაშორიშორების პერიოდში ამ ხუთმა კაცმა იბარტყა, იმაღლაყინწა და საქმე იქამდე მივიდა, მაღაზიებში პაპიროსი, იგივე ტარიანები აღარსად იშოვებოდა.

ახალგაზრდობის ნარკოტიკით მოშხამვას უკვე ზოგი ფსევდო-ქურდიც უწყობდა ხელს — ოპიუმით ბარიგობა დაიწყო. არც ამას დასჯერდა წესით უწყინარი ხელობის მავანი და ჯერ ყვერების გატაცებას მიჰყო ხელი, მერმე — თანაქალაქელი ბავშვებისა თუ მოზრდილებისაც კი და პატრონები სანამ გამოსასყიდს არ გაუნაღდებდნენ, დღის ნათელს არ აღირსებდნენ ხმელი პურიტა და წყლის ამარა კვირაობით ბნელში გამოკეტილებს.

წვიმის ჩამოსვლისგან საიმედოდ დაცულსაჭურავებიან დაწესებულებებსა და ორგანიზაციებს, რესტორანებს კრიშებად მოველინენ სხვები, ან სასამართლოს ფუნქციები შეითავსეს და საკამათო საქმეების გარჩევას მიეყრდნენ.

როკის კი ბრმად სწამდა ჭეშმარიტი ასლებისა და მათი სიტყვისა, რომ ქურდული კანონი უცვლელია.

რესტორანები რამდენიმეჯის ვახსენეთ და ამ თემაზე ღირს ცოტა ხნით შეჩერება.

სიჭინავების, ჟვანიებისა და ჩომახიების სასადილოების მიწის პირისგან აღგვის თაობაზე გესაუბრეთ, მგონია, რომლებიც ლოთობისა და დებოშის სათავედ ბოგინობდა ბარე მესამედი საუკუნე, მითუმეტეს დალევა თვითმიზნური თუა, მაგრამ ოდიშში წასახემსებელი ვაკუუმის შექმნამ გაათმაგებულნი ძალით დააჩქარა სამუშაოები ამ მიმართულებით.

პირველად ბაზრის მიმდებარე ოჯახების სარდაფებში მოკალათდნენ ადგილწართმეული დახლიდრები. ჩაბნელებულ ჯურღმულებში მოაწყვეს „ზაბეგალოკები“, * რომელთაც პეტეკო თოდუა ჩასუქებული ბუზივით მოჰყა. დილიდან საღამომდე ქეიფობდნენ კასრების თავზე, მაგრამ სულ მალე მიყოლებით ამუშავდა რესტორანები ფუნეკულიორზე, სასტუმრო „ოდიშში“, ენგურქალაღკომბინატის ტერიტორიაზე „ეგრისი“ სახელწოდებით, ბაზრის წინ „თუთარჩელას“ მესამე სართულზე (ეს უკანასკნელი სტანდარტების დონეზე ზიმზიმებდა რამდენიმე თვეში, როცა პირველი ორი სართული ჯერაც მობათქამებული არ იყო) და დაიძრნენ ზუგდიდელი დოსტები ლამის სავანესდატოლებულ რესტორანებისკენ. ჟვანიების, სიჭინავებისა და ჩომახიების დანჯღრეული სასადილოები მალე დაეწყოებას მიეცა.

პეტეკო თოდუა კვლავინდებურად ყვლამდე ვალებში ტივტივებდა, თუმცა დიდად არ იწუხებდა თავს მათი გასტუმრებით. იმასაც ამბობდნენ, საერთო რვეულში სია ჩამოწერა და მოვალეებს რიგი დაუწესაო. მოაკითხავდნენ ხანდაზმული ვალის პატრონები. პეტეკო გაშლიდა რვეულს:

— ხომ ხედავ, სად დაკარგულში ყოფილხარ, თუ პურ-მარლის იკისრებ, ცოტათი წაგწევ წინ, — ეტყოდა და რადგანაც ბევრს ეწადა რამდენიმე საფე-

ხურით ამალღებულყო პეტეკოს ბატალიონის სიაში, საარსებო საშუალება დი-
ახაც გამოეჩითა, მაგრამ როდესაც ასეთებიც შემოეფანტნენ, მომთაბარეობა იწ-
ყო ერთი რესტორანიდან მეორეში.

ნიშნდობლივია, რესტორანების სტახანოვურ მშენებლობას პეტეკოს გო-
ნებამახვილურმა სადღეგრძელომაც შეუწყო ხელი.

სტუმრები წვეოდნენ ქუთაისიდან. რა ქნას? შინ სამზარეულო ცარიელია.
სასადილოები — მინგრეულ-მონგრეული. ჰოდა, მოაფხეკვინა ბიჭებს ფული. მო-
იტანეს ბაზრიდან ბოსტნეული, ყველი, ლავაშები, ღვინო. მიაყენა ენაკვიმატმა ქუ-
თათურები ჭადრების ხეივანს. შეარჩიეს მომცრო ხე, ავიდა და იქიდან თქვა პირ-
ველი სადღეგრძელო:

— ისეთი მთავრობის ხელში ვართ, ხეებზე გაგვიყვანა საპურმარილოდ,
ძველი დაგვინგრის, ახალს არ გვიშენებენო. — თქვა და ტოტის რხევაში ხე-
ლუკულმა დაცალა ჭიქა.

იმ სადღეგრძელოს ქანური შეარქვეს მერე და სწორედ მისი წყალობით
დაფაცურდა კიდევ ადგილობრივი ხელისუფლება რესტორანების მოსაკოპ-
წიავებლად. აღნიშნული დამსახურების გამო რამდენიმეგზის უმსაპინძლეს
ბევრგან, მაგრამ პეტეკოს კვირაში დაღვეის ცხრა პარასკევი ჰქონდა და იწ-
ყეს ბუზღუნნი. „ეგრისში“ პურ-მარილს რომ გამოუტანდნენ, ვინძლო მო-
ვალბოთ და არ დაგვალატიანოსო, რამდენიმე ბოთლ ღვინოს და განსა-
კუთრებულ შეჭამადს მიართმევდნენ, თან დააყოლებდნენ:

— ეს ჩვენ ხარჯზე, პეტეკო, ბიძია.

პეტეკო არ დაიბნეოდა, ხელს შემოავლებდა სუფრას და დასძენდა:

— აბა, დანარჩენი ვის ხარჯზეა?!

„ოდიშში“ ანგარიშს მოითხოვდა გვარიანად შეზარხოშებული. ხელად
მოურბენინებდნენ სიხარულით, ალბათ, უშოვია ფული სადღაცო. პეტეკო
დახედავდა დამრგვალებულ ციფრს და სლოკინ-სლოკინით ეტყოდა დახლი-
დარს:

— დაუფარავად მითხარი, აქედან რამდენია სახელმწიფოსი და რამდენი —
შენი?

გულაძგერებული მებუფეტე ალაღმართლად გაანდობდა, რომ სახელმ-
წიფოსი ოროცდაათი იყო, მისი კი — თხუთმეტი. ჰოდა, პეტეკოც ამოაფ-
ხეკვინებდა თანამეინახეებს ჯიბეებს.

— აჰა, გამომართვი შენ თოთხმეტი მანეთი, ხვალ იმასაც შეგივსებ. შენ
მყავდე ბიძიკო კარგად, თორემ სახელმწიფოს დედა ვატირე მე! — დაასრუ-
ლებდა და ბოყინ-ბოყინით გაეცლებოდა სისხლგამშრალს.

მომდევნო კვირას „თუთარჩელასკენ“ გადაბარგდებოდა. მოაწევდა სუფ-
რის გასტუმრების ჟამიც და იქით მიეახლებოდა პეტეკო დახლიდარს. ისიც
ამოიღებდა საანგარიშოს და დაუწყებდა კენჭებს რაკარუკს.

— ხუთი ჩიქიბიქი — ათი, — კრავდა ბალანსს მასპინძელი, — ხუთი ყვე-

ლი — ხუთი, ხუთი მწვანელი — სამი, — ამატებდა და ამატებდა კენჭებს. პეტეკო გამომცდელად უმზერდა მის მეცადინეობას. მერე ზორბა მტევნით შეაჩერებდა საანგარიშოზე კენჭების მოძრაობას, გაშლიდა ხელისგულზე გასიფრიფანებულ, მისავათებულ მანეთიანებს.

— აგერ, ბიძიკო, ჩვიდმეტი. ახლა ეს იკმარე! გენდობი ყველაფერს დილამდეც რომ ურაკუნო!

მორჩა. უკვე აღარსად მიესვლება. კვლავ თომა ლოლუას ფუნეკულიორისკენ შეუწყებინა აღმართს. ამჯერად რაიონული საავადმყოფოს პრაქტიკანტი ბიჭები მოუპატიუნია, თან გზადგზა ზედმიწევნით დააკვლიანებს, როდის შემოვიდნენ, როგორ მიესალმონ სარკმელთან მიმსხდარ მეგობრებს, ვის მიმართონ და რანაირად.

მოუტანეს პეტეკოს და მის ძმაცაცებს ღვინოები, მისატანებლები. ეს წუთია და დაბარებულევით შემოლაგდნენ თეთრხალათიანი პრაქტიკანტებიც. გადაეხვივნენ დიდი ხნის უნახავ „მადნაფიცს“. მერე დახლიდარს მიადგნენ და ზუთხული მისიით.

მზარეულების შეფი ჩინებული ჰყავდა თომა ლულოუას, საკმაოზე მეტად ასაკმოყრილი ჯანჯა, რომელიც ცოლთან შესწრებული არშიყის დაბრედვისთვის შვიდ წელიწადს იჯდა წულუკიძის ზონაში, და რომელსაც მართლაც რომ სანიმუშოდ ბოლოებაპრეხილი, სქელი თეთრი ულვაშები ამშვენებდა.

ჯანჯას სამზარეულოში იდეალური სისუფთავე სუფევდა. ასეთი წესრიგითა და სიკაპწიავით დიდი ქალაქის რესტორანების სამზარეულოებიც ვერ დაიკვეხნიდნენ. კრიალებდა ჯამ-ჭურჭელი. მაცივარში ეწყო ხილ-ბოსტნეული, კიტრი და პომიდორი. დაჭრილი პურისთვის დოლბანდი გადაეფარებინათ. იხირკედელავე რამდენიც გინდა — ანტისანიტარია გამჭრალია. მზარეულებს გახამებული ხალათები აცვიათ, თავზე ჩაჩები მოურგიათ. ერთადერთი ხელჩასაჭიდი პეტეკოს ნახსენები ულვაშია. კომედიაც მაშინ დატრიალდა.

— გაგონილა თქვენი თანამდებობის კაცი სამზარეულოში ულვაშით ტრიალებდეს? — უთხრეს პრაქტიკანტებმა.

— ვერ გავიგე, კარგად ამიხსენით, — დაიბნა შეფ-მზარეული.

— გაუგებარი რა არის აქ, უნდა მოიპარსოთ. თქვენ უკვე საკმაოდ ასაკოვანი ბრძანდებით. ხომ ხედავთ, ულვაში ერთიანად გაგთეთრებიათ. ეს კი იმისი მაუწყებელია, რომ თმის ინტენსიური ცვენაა დაწყებული. ხომ შეიძლება კერძში ჩავარდეს. მერედა, ულვაშის ღერო თავი ხომ არ არის უცებ შენიშნო? არ გჯერათ? ახლავე დაგიმტკიცებთ, — უთხრეს პრაქტიკანტებმა და წმინდაკბილა სავარცხელი ამოაძვრინეს ჯიბიდან, ილონას ხალხი ტიშმახინწალს მკებნარების გამჭრობს რომ ეძახდა.

ერთმა ტანმალაშმა პრაქტიკანტმა ჯანჯას თეფშზე ნიკაპი დაადებინა, მე-

ორემ კი გულმოდგინედ უწყო ულვამს ჩამოვარცხნა და რაღა გასაკვირი იყო მიჯრით მიწყობილ კბილებიან სავარცხელს ულვამის ათასეულიდან ოცეული გამოეხშირა?! სავარცხელში ჩავარდნილი შეფ-მზარეული ხმის ამოღებას ვერ ბედავდა.

ხსენებული თავის ამბავსაც ბარემ აქვე ვიტყვით, უკეთეს მომენტს ვერც მოვუძებნით.

ის ოდინდელი ინცინდენტი ისტორიას ჩაბარებულყო, მაგრამ პეტიკო თოდუას ცინცხალ გონებას რა დაავიწყებდა. ქალაქის მესვეურების სუფრაზე ერთ-ერთის სუპ-ხარჩოს თეფშიდან კული როგორ აიპრიხა თავგმა?! — ეს რა არის? — ანახეს ჯანჯას ბაწარივით ამოშვერილი უბედურება.

— რა უნდა იყოს, ჭირიმე, ბოლოკია, — თქვა, დაწვდა ჩანგალს, მიბრუნდა თეფშიანად ფანჯრისკენ და თვალის დაუხამხამებლად გადაუძახა. იმ წრუწუნამ ეტყობა იმდენად გაუმახვილა ყურადღება ჯანჯას სისუფთავის თვალსაზრისით, რომ საბაბის გამოძებნა წყლის ნაყა იყო უკვე, მაგრამ ახლებს შეასმენ კაცი ანტისანიტარულ დამსახურებებს?! — მოიპარსეთ და აქტს არ გაეფორმებთ, — ამბობდა იმ ხუთიდან სხვებზე მეტად ჭკუამოსაკითხი.

ჯანჯა ორჭოფულ მდგომარეობაში ჩავარდა. ორმოცდახუთი წლის ულვამს რანაირად შელეოდა სიბერეში?! რას იტყობა ხალხი?! ვინ დააწვეთებდა ცრემლს მის უულვამო სახეს?! არადა, ის ოჯახკურთხეული ჭეველებიც დიეტურ მაგიდას მისხდომოდნენ და აშანშალეზდნენ საჩივარს. დაიწერებოდა აქტი და თომა ლოლუა გაგაჩერებდა მერე ქალაქის პირველ რესტორანში?! და შეფ-მზარეულმაც იკადრა გაუბედავი ნაბიჯებით სვლა სიცილით გაგუდული პეტიკოს მაგიდისაკენ. უკან პურ-მარილით დატვირთული კოლეგები მოსდევნენ.

— უნდა მიშველო, პეტიკო, — ეუბნება ფეხზეწამოშლილ მასპინძლებს ერთიანად გაფითრებული ჯანჯა, — შენს ნაცნობებს ჰგვანან ის ახალგაზრდები. იქნებ გადაათქმევინო აქტის გაფორმება. თომას ამბავი ხომ იცი, კინწისკვრით მისვრის აქედან. ოჯახი შიმშილით დამეხოცება. ან ულვამის მოპარსვა იქნება ჩემს ასაკში?! მერე თავი სად გამოვაჩინო?! იქნებ მოიპატიჟო შენთან, ხარჯი ჩემზე იყოს, — ვედრებად იქცა წვრილშვილი კაცი და მომდევნო დღეს მთელი ზუგდიდი ხარხარებდა ჯანჯას ბეწვზე გადარჩენილი ულვამის გამო.

იცვლებოდა ყველაფერ: ქუჩა, სკვერი, შენობა, უბანი, მოდა, მხოლოდ პეტიკო რჩებოდა იგივე.

იმ დღეებში პეტიკო თოდუამ ვინმე ჩიტირეკია გიორგი ხანთარიძის ღმერთად კურთხევაც მოასწრო.

დიდთოვლობის ჟამს დაჩი კეზუას ერთი ბედოვლათი ყმაწვილი გამოეჭირა. მასწავლებელზე არანაკლები მოხერხებულობით ცხებული შეგირდი

აქეთკენ შემოდლოდა. სულ ცამეტნი მოგროვებულიყვენ შეერთებულ მაგიდებთან.

დაიი კეზუა ამასწინათ დაბადებულ ცოცხალ ანეგდოტს ჰყვებოდა. ტუპ-დისპანსერიდან გამოწერილს თანაკლასელი ზოსი სონგულია შემოფეთებოდა ავტოსადგურში. მოეკითხათ ერთმანეთი. მოელოცა გადარჩენა თანამერხელს, მერე მიეპატიუნა შინ, მაგრამ დაიი კეზუას ქვა აეგდო და თავი შეეშვირა, ცივ უარზე დამდგარიყო. გაკვირვებოდა სკოლის ამხანაგს:

— როგორ, სმაზე უარი თქვი, კაცო.

— სმაზე არა, ზოსის ჭირიმე, მაგრამ რა უშბლით მივიდე შენსას?! სკოლის დამთავრების შემდეგ მთელმა საუკუნემ ჩაიარა: უმაღლესში ჩაირიცხე და ვერ გინახულე; დაამთავრე და ვერც იმ სუფრაზე გეცი პატივი; კომკავშირის მეორე მდივნად დაგაწინაურეს და განზე დავრჩი; დაოჯახდი ბოლოს და ბოლოს და ზურგი ვერ მივათრიე თქვენსას უარაფრომ; ახალმოსახლეობა იზეიმე და კვლავაც უფულობამ შემბოჭა; მერე ერთი ძეობა, მეორე. არა, არა, არ მიმესვლება შენთან, სხვა დროისთვის იყოსო.

ზოსი ქეიფის ხასიათზე ყოფილა, თანაც ოჯახური მორჭმულობის წარმოჩენაც სწადდა სკოლაში ხელით სათრევს, უკვე ქალაქომის საორგანიზაციო განყოფილების ინსტრუქტორს — რანაირად შეეძლო პოეტის გაახუნებულ საყულო, მისი თვითნაბადი ნიჭიერება მიწასთან არ გაეწვრობინა? აეჩემებინა, დაეჩინა, ხელკავი გამოედო და ახალთახალ, შინდისფერ „ფიატში“ ლამის ძალად ჩაესვა.

— დიდი ამბავი ბიჭები არ გინახულებია, აგერ ფული, — უთხრა და ტკიცინა ოცდახუთმანეთიანები მიაწოდა, — შემოვა ერთი? ჩაუკუჭე ჭიბეში ცოლის დასანახად. შემოვა მეორე? იმასაც და ყველა დავალიანება ერთბაშად გამოისყიდება.

ზოსის ცოლს მშვენივრად მოეხსენებოდა დაიი კეზუას ღვინოსთან სითამამე. ცხრა ტუპდისპანსერიც რომ გამოეველო, მაინც კუპრში მოელოდა ქშენა. მერედა, ერთხელ თუ ამოგიჩემებდა, მორჩენილი იყო საქმე. ამასთან მისი ქმრის მდგომარეობის ქალს რა ჭირად ენდომებოდა ლოთი პოეტის სიახლოვე? ხომ იტყოდნენ მეზობლები, მოშურნენი: დაჩისთან მეგობრობს ზოსიო და მეუღლის კარიერასაც წყალი შეუდგებოდა. ამიტომაც ისროდა სამზარეულოდან სასადილო მაგიდისკენ თეფშებს, სიტყვის პიპერბოლური მნიშვნელობით. დაიი გრძობდა დიასახლისის კეთილგანწყობილების კონდიტერიას. დალოცა ოჯახი და ის იყო მორიგი სასმისის შესავსებად გრაფინს დაწვდა დალეული თითებით, რომ ოთახში ბუთხუზა ბიჭი შემობუნჩულდა.

— რა გქვია ბიძიკო შენ? — ჩაეკითხა მოზარდს დაიი კეზუა. დასაჩუქრების სცენა უნდა დიასახლისის შემოსვლას დაამთხვიოს.

— ლევანი. — უპასუხა ბიჭმა.

— რამდენი წლის ხარ, ბიძიკო? — იკვლევს დაჩი კეზუა ონავრის ავტობიოგრაფიას, მაგრამ ნურას უკაცრავად, დიასახლისი სამზარეულოდან არც ჩამიხუმობს.

— შვიდის, — მიუგო პატარამ.

მაშინ დაჩი დიდის ამბით დააძვრინა ტკიცინა ოცდახუთმანეთიანი, გააჭრაჭუნა, ერთხელ, მეორედ.

— წიგნის ჰონორარი ავიღე. სახელმწიფო პრემიაზე წარმადგინეს. „კომუნისტის“ რედაქტორის მოადგილეობა შემომთავაზეს, დავთანხმდი. ბევრი არ არის, ოცდახუთმანეთიანია, მაგრამ დედიკოს მიუტანე, მამას სადმე შემოეხარჯება! — თქვა და ზოსი სონგულიამ თვალები დააჭყიტა. დიასახლისი კი ჯარასავით ტრიალებს. მოაყარა სუფრას ხიზილალა და ზეთისხილი, სერვილატი და თევზეული.

არ გასულა ხუთიოდე წუთი, რომ მეორე ბიჭიც შემობუნთულდა ოთახში. ახლა ამასაც მიუჩოჩდა დაჩი კეზუა. ჯერ სახელი ჰკითხა.

— ზურაბი! — ამოღერდა ცეროდენამ.

აწ ასაკსაც ჩაეძია.

— ოთხი წლის, — დააზუსტა ანგელოზმა თითების მოშველიებით, და გაიკრა კვლავ ხელი ჯიბეზე, აატაკუნა ისევ ოცდახუთმანეთიანი დიასახლისის წინაშე, მაგრამ მოაგონდა, ზვალინდელი საპახმელიო არაფერი აქვს.

— მაინც არ გაგახსენდება შენ ეგ, — უთხრა ღიმილით, მომცრო ბოლოკი ამოუყვანა თავზე და მადიანად ეძგერა სუფრას.

ამისთანა პიროვნება მოუძლოდა გიორგი ხანთარიძეს, რომელმაც მესამე სადღეგრძელოს შემდეგ: განმადიდეთ, განმადიდეთო, ამოიჩემა ერთი და იგივე, და მეორე ბოთლზე კისერი მოწყდა თუ არა, მიახრიგინეს ერთმანეთზე სკამები, დაასვენეს ზედ მაცხოვრის დიდებას გამოკიდებული ხანთარიძე, შეუმკეს შუბლი ბოსტნეულის გვირგვინით. მოკლედ, იანგლეს ზომაზე მეტად.

გიორგი ხანთარიძის ღვთიური ჩამომავლობის გამო არანაკლებ გაწურულან ოფლში ჩიტა ბეზუხა და ახალგამომცხვარი ქურდები. როგორც მოგვიანებით გაირკვა, ამ ყმაწვილს, იგივე ბონდო ჰალიძონიას თუ ბუტუტი ანთარიას მშობელი მამა — ენის ანთარი გაეჭურდა. რესტორანებში ხუთთუმნიანების მფანტველს მალე დაცარიელებოდა ქისა. მერმე კირილე გოგონიას შემნახველი სალაროდან ფულის გამოტანა ეცადა, მაგრამ ჩვიდმეტი წლის ყმაწვილისთვის უმშობლებოდ ფული არ გაუციათ. მოგვიანებით ბაზრის მიღეთ ხალხში სპორტული ჩანთა დაჰკარგვოდა, წვრილფეხა ქურდებს აეწაპნათ. დაბოლოს, როცა შემსალაროს წიგნაკებს ჩიტა ბეზუხამდე მოედწიათ, დუჩეს დაქინებით ყალბი პასპორტი გაეჩალიჩებინათ, მაგრამ მოულოდნელად პატრონი გამომტყვრალა და საქმეც ერთიანად აიწეწა.

ახლები არ თიზბდნენ, მსუყე ლუკმის დაკარგვას ვერ ურიგდებოდნენ. ყმაწვილის ცხოვრებისეულ ტრაგედიას აინუნშიაც არ აგდებდნენ და რო-

დესაც ჩიტა ბეზუხა ჩამოშორდა მათ ყოვლად გაუმართლებელ განზრახვას, ვითარება უფრო დაიძაბა.

დიწყის მოლაპარაკებანი. აშანტაყებდნენ ბონდო ჰალიძონის, დიყოლი-ეს კიდეც გარკვეულ დათმობაზე — შემსალაროში გიორგი ხანთარიძის ანგარიშზე არსებულ ფულს თანაბრად გაიყოფდნენ, ნახევარს პატრონი წაიღებდა, ნახევარს — ყინილები, თუმცა მენაბრემ სიტყვა გატეხა, მშრალზე დატოვა დათქმულ ადგილას მომლოდინენი და დევნაში მანქანა ამოუტრიალდა.

კარგა ხანს ქოთქოთებდა ის საქმე. ცალკე ხელისუფლებაც ჩაერია, ცალკე — პროკურატურაც, გვარიანი თანხის გაღება მოუხდათ მამლაცინ-წებს გამოძალვა რომ არ დაბრალდებოდათ.

მერე ის ყმაწვილი გაქრა საერთოდ თვალსაწიერიდან, მაგრამ ამისთანა ტრივიალური ამბები ზუგდიდში როკის არყოფნის ჟამს ხდებოდა და ყოველივე ისე სწრაფად ჩაიფარცხებოდა, მის ყურთასმენას გიორგი ხანთარიძის სახსენებელი კარგახანს არ მისწვდებოდა.

— რაც არის სტალიპინსკის ამბებია, — დაიწყებდნენ ოდიშელიაზე საუბარს, — რკინის იატაკი გამოუხვრეტია თურმე და შპალეზე ჩამოსრი-ლებულა გაქანებული მატარებლიდან, მაგრამ ხელად აუყვანიათ, რადგან მართალ კაცს მტრებიც ბლომად ჰყავს.

ერთს ექომაგები?! ათს იმღურებო, ტყუილად როდი უყვარდა თქმა. აქამდე იმიტომაც ვერ გამოდის, ხან სისხლისმსმელ ზედამხედველებს უხათქუნებს მუშტს, ხანაც გამუდმებით გარბის ზონიდან და წლებზე წელს იმატებსო, — ამბობდნენ.

ეს დღეც წარსულს ჩაბარდებოდა, თუმცა ტრაგედია ის გახლდათ, რომ არ ჩანდა ხვალინდელი სივრცის პერსპექტივა, უფრო არსებითი მიზანი, მარადიული ცნებების ციკაბო ბილიკებით რომ დაიარება დღემოსწრება.

დალუპული შეარქვეს ჰემინგუეის თაობას, რადგანაც კაფე „როტონდას“ იქით არსებული არე მზერაგაუღწეველ ბურჟუს დაენისლა. დაიმსხვრა გმირის იდეალი. მხოლოდ წარსულით სულდგმულობდა იგი, თავად კი ვერაფერს ქმნიდა ახალს? ზოგადკაცობრიული მისიით ზეამტაცს.

იგივე სნებოვნება შეჰყროდა ოდიშელის საქმოსაც: წარსულს აღმერთებდა, გარდახილს განადიდებდა საკუთარი შესაძლებლობების უარყოფის ფასად.

დაახლოებით მსგავსმა განცდამ დააქინა რომანტიკოსების პლეადა ბარათაშვილის მეთაურობით, ერი კი დიდხანს ვერ ისულდგმულეებს წარსულის მონაპოვრებით. მას სისხლსავსე გადასახედი სწყურია. მისი გონება გამუდმებით ჩართულა მაძიებლობაში. საკმარისია გამოჩნდეს ვინმე ფიჩხის კონის ამწვევი პიროვნება, რომ მაშინვე იმედნეულ თვალებს მიაპყრობს და სინამდვილეში ბუზის სადარს, აქლემად გადააქცევს, რადგანაც სხვანაირად ერს არსებობა არ შეუძლია; უკეთ, მოყირჰებია უგემური ყოველდღიურობის ლოდნა, ახალი განთიადებისაკენ მიაქანებს ათასწლეულობით დაგუბე-

ბულ-აშორებული სული, რათა განიწმინდოს, განსპეტაკდეს მოძრაობაში. ამისთანა დროს სისხლის გამოშვებაც დასაშვებია, რამეთუ უძრაობაზე მომაკვდინებელი არაფერია ერის თვითმყოფადობისთვის.

როკის არყოფნის პერიოდში ქურდული ფსიქოლოგიის აღზევებაც აქედან იღებდა სათავეს. ეს იგივეა, რაც უძალლო ქვეყანაში კატები აყფონ. მით უფრო, როცა ეროვნული იდეალებისთვის თავდადება აკვანშივეა მოშობილი სუკ-ის უკიდურესობამდე დახვეწილი ინსტიტუტის მიერ.

ქვეყნის პატრიოტ შვილებს ათასი მოხერხებული ღონისძიებით ჩამოაშორებენ ერის თავისუფლებისთვის ბრძოლას. ყველაფერს იღონებენ, რათა სახელი გაუტეხონ; არაფერს დაერიდებიან, ბეწვს ღირედ გამოაჩენენ საზოგადოების თვალში. ზოგჯერ სრულიად უხამს ჭორებს ააგორებენ, თანაც ამ კაკოფონიაში ხელისუფლების რუპორი პრესაც ჩაერთვება სრული აღვირახსნილობით და სინამდვილეში ჭეშმარიტ გმირს, იმდენს მოიმოქმედებენ, ან გიჟის ხალათს ჩააცმევენ ზოლებიანს, ან თვითვე აალოკვინებენ გადაფურთხებულს, და ლამის მკლავაკაპიწებულ ხალხს ერთხელაც ჩააქნევიანებენ ხელს.

ამიტომაც სახელმწიფოს ფსონი სწორედ ქურდულ გაგებაზეა ჩამოსული. ეს ფენომენი შუალედურია ყაჩაღსა და დისიდენტს შორის. ქურდულ გაგებას გარკვეულწილად ხელი ამისთვის ემართება იმპერიული ყიდის ქვეყნებში. თვითმპყრობელობას ორი ფენომენის ემინია — ყაჩაღის, რომელიც ყლს ღადრავს სახელმწიფოს მოხელეთ და დისიდენტის — დედაბუდიანად მიწის პირისგან აღზოცვას რომ უქადის მის სახსენებელს.

ვინ იცის, რას არ ყვებოდნენ როკის ფათერაკებზე. ხალხი გმირის ძიებაში იყო. მართალია, ასეთი მესვეურები უკვე არსებობდნენ დროსა და სივრცეში მერაბ კოსტავასა და ზვიად გამსახურდიას სახით, მაგრამ როგორც აღვნიშნეთ, ისინი ან ცხრაკლიტულში გამოემწყვდია ორთავიან არწივს, ან კიდევ კომპრომეტირებული ჰყავდა ერის ცნობიერებაში და ამისთანა ვითარებაში, მართალს თუ გამოგონილს, უდრეკელი ხასიათის როკის მიაწერდნენ გულდია ოდიშელები.

ეს საუბრები ცხრაას სამოცდათვრამეტიდან შეიმოსა მეტი ზღაპრული ელ-ფერთ, როცა იმპერიამ ნიადაგი მოუსინჯა ქვეშევრდომი ხალხების მზადყოფნას საკუთარი ღირსების დასაცავად; როცა ენის წართმევით ეროვნული თვითმყოფადობის ამოძირკვა სცადა უკიდევანო გამგებლობაში და რადგანაც სწორედ იმ დღეებში ოდიშელიამ ნარზე დაიჭედა ფეხები საკაკუტე ლურსმნებით, ხოლო პირი ნემსითა და ძაფით ამოიკერა პროტესტის ნიშნად, ხალხის ფანტაზიასაც სხვა არაფერი უნდოდა. სიყრმიდანვე სიმართლისთვის მებრძოლი ჭაბუკის არსებობა ლოგიკურად დაუკავშირა მისი საშვილიშვილო მიზნებისთვის მოვლენილ მესვეურს. როკის პორტრეტი ამიტომაც იხვეჭდა დღითი დღე მამულისთვის მოწამე მოყმის იერს.

საქართველოს გმირების მეტი ვინ ჰყოლია. ხალხისთვის უსაგნურია თანამდებობრივი პრივილეგიები თუკი ინდივიდუალური მოწვევითია ეროვნულ მსოფლგანცდას. თვით ფრიად მორჭმული მეფეებიც იმითმ შერჩებიან ხოლმე ქვეყნის ხსოვიერებას, რომ იმ მონარქებს სკიპტრისა და გვირგვინის შენარჩუნების გარდა, მამული შვილური საქმეებიც უკეთებიათ მეტნაკლებად. გმირები კი უმეტესწილად უშუალოდ საზოგადოების წიალიდან აღმოცენებულან ყველგან და ყოველთვის: რობინ ჰუდები, გარიბალდები და პარნალები ხალხის სულიერი მოთხოვნილებისამებრ იძერწებიან. გვინდა თუ არა ყოფითი შტრიხები ნელინელ ჩამოშორდება მათ საკრალურობას და მოვა ჟამი, როცა ეს პიროვნებანი ერის სულიერ მესაჭეებად მოგვევლინებიან სანგვინიკური დაუდგრომლობით და მამული, რახან ერთხელ დაადგამს იდეალისთვის გადანახულ გვირგვინს მემკვიდრეს, მონომახის ქუდივით შესაძლოა ზორბა აღმოჩნდეს რჩეული თავისთვის საბურველი ესე, მაგრამ თვალს უხუჭავს იგი წინამძღოლად დასახულის ნებისმიერ ადამიანურ სისუსტეს; საბედისწერო შეცდომასაც მიუტევენს და მის წინააღმდეგ მიმართულ ნებისმიერ ქმედებას საკუთარი ნებელობის ხელყოფად მიიჩნევს მერმე.

დიახ, ძვირფას საგანძურსავით, ამითომაც ელოლიაგება ერის ცნობიერება მათ სახელებს — უბრალო გუთნისდედებს, მჭედლებს: ბულათია ფიფიას, უტუ მიქავას, მართალია თოდუას, ცოტენ დადიანს, ბერ თევდორეს, მიაა წყნეთელს, შალვა და ელიზბარ ჩოლოყაშვილებს, რადგან მათი გაიდევლებით უკვდავების წინაპირობას იქმნის უქვევლს.

მოკლედ, გამოვლიძება არ არის მხოლოდ ზედაპირული შინაარსისა, ის პოლიფონიური მოვლენაა. ლამაზი შენობები და ქუჩები, კამკამა სკვერები და კაფეები საზოგადოებასაც მშვენიერს აღმოაცენენ ადრე თუ გვიან. ამადლებული სული კი საკუთარ რაობაში გაურკვევლად უდღეურია და მთლად ოდიშის ბაზრის შეურაცხადების ჭილაგისა თუ არ ხარ, მოვა დრო და ერთხელ მაინც შემოიხედავ სულში, ერთხელ მაინც უთუოდ შეეკითხები მეობას, სინდისს: შეგეძლოა კი უკეთესად წარგემართა საწუთრო? რომელი ნაბიჯი იყო შეუფერებელი, სად გიმტყუნა ვაჟკაცობამ და რაჟამს მოიმოქმედე ქვენა?! ვერავინ გაეჭკევა ამ სამსჯავროს, და რადგანაც პიროვნების თვითსასამართლო დღეს თუ ხვალ გარდუვალაია, ბედნიერია კაცი, რომელიც ამ მოთხოვნებს ძალების გაფურჩქვნის ხანაში ჩაულრმავდება.

ოდიშის შემოგარენის ფერისცვალებამ შემთხვევით როდი გამოაღვიძა კოლხის ბუნებაში მთვლენარე მთავარი ძარღვი თვითმყოფადობისა, რომელიც დასაბამიდან ჟღერდა ჰოუნანას სევდიანი მოტივებით. ორ ზღვას შუა გაჭიმული ეს სიმი კვნესოდა და კვნესის განუწყვეტლივ უკულმართ ბედობალზე. მან ვერასდროს მოიცალა ტკბილი ჰანგებისთვის მითოსური ეპოქებიდან მოყოლებული; კავკასიონის მთაგრეხილებს მიეჩაჰვა ქართველი კაცის ყოფიერება ათასწლეულების მანძილზე. გამეხებული ურდოები ბაწარალებით მოეშურებოდნენ ამ ჯადოსნური სიმის გასაწყვეტად, მაგრამ იგი ყო-

ველთვის მოუხელთებელი იყო დუშმანისთვის, უწინარესად არამატერიალურობის გამო, უკეთ — უჩინმაჩინობის მეოხებით.

თითქოს გუშინწინ იყო მაყაშვილების ამაყი ასულის — მაროს სხეულზე ნალდაკრული ჩექმებით გადაჯირითება; თითქოს ახლახან მტკვრით განესპეტაკებინოს მაცილს ქართველი სტუდენტების ამბოხი. და მოშინდებოდა წამით იმ უკვდავ სიმზე გაფოთილილი აზატობის რტოები, დაილეწებოდა გრიგალების შემოტევით, და კვლავ ჩვეული სევდიანობით დაიწყებდა ჩივილს გაუტანელ წუთისოფელზე; მაგრამ ისევ იფეთქებდა კულისებში „ოქროს საწმისის“ სულისკვეთება, რომელიც დაურიღლად ამხელდა იმპერიის ამაზრზენ დემონურობას; არქიპელაგის გულაგის ჯურღმულებზე მოუთხრობდა მრევლს, დაუსურათხატებდა ცისფერ ქანაანს და ერის მიმდობ გულსაც ბარე ნახევარი საუკუნე ჰყოფნიდა მერმე უსიკვდილო სიმზე აყვავებული ის მაქორული აკორდები თავისუფლებისა.

მოუხელთებელ იანებს უბე-უბე დაჰქონდათ აკრძალული ფურცლები. თვალსაჩინოების ადგილას გამოაკრავდნენ მათ ყოველ ცისმარე და სანამ სუკის დოჟლაპია აგენტები ჩამოფეკდნენ კედლიდან, მთელი ქალაქი დახარბდებოდა მასულდგმულებელ ციდა ინფორმაციას.

ო, რაოდენ სვეკურთხეულია ერი, რომელსაც აღმოსავლეთით ფარნავაზივით შვილი დაებადება და დასავლეთით — ქუჭისმაგვარი მოყმე, მაგრამ ორგზისბედნიერია მამული, როცა ერთ-ერთი თავს დაუდრეკს მეორეს და ამ თავისდახრას პატივის აყრად კი არა, სამშობლოს კეთილდღეობისთვის ნაკარნახევ ქმედებად ჩათვლის.

მოკლედ, აქ შებრუნებითაა გაგებული აფხაზის წყველა — შენითაც საკმარისზე მეტად მოგვსენება ჭეშმარიტებისა, მაგრამ ჯერაც ნაკლული ცოდნის ფიალა ბოლომდე რომ გალიპლიპდეს, იმ მეორესაც უნდა დაესესხო, გნებათ — კვნიტი მარილისხელა სიბრძნეს, რათა მერმე გაერთიანებული ძალით გაიოდდეს ურემივით ტალახში ჩარჩენილი მამულის სწორ გზაზე გამოყვანა. ამისი გამეორების შანსი ლამის ორიათას სამასი წლის შემდეგ ებოძათ ქართველებს; თითქმის დადასტურდა ჰეგელის ტრიადის ჭეშმარიტება ქართული სინამდვილით, მაგრამ, როგორც ჩანს, ამდენი ხნის მანძილზე პრობლემებიც აურაცხელი დაგროვებოდა ოდაბადეს ჩვენსას, რასაც უკვე მხოლოდ ქვეყნის ვიწრო ჩარჩოებში ვერ განიხილავდი მსოფლიოს სულისკვეთებიდან გამოცალკეებით.

კოლხეთ-იბერიის ტანდემური ყისმათი ერთი ხურჯინის ორი თვალია ზეკარის უღელტეხილზე გადმოკიდებული. მათი შერწყმით აღმოცენებული საქართველო ბინარული აღნაგობისაა ადამიანივით, და საერთოდ, ნებისმიერ მოვლენასავით, მიკროდან მოყოლებული, მაკრო განზომილებების ჩათვლით: მარჯვენა და მარცხენა ნახევარსფეროები ტვინისა, წვეილეული ზედა და ქვედა კიდურები, წვეილეული აპარატურა მხედველობა-სმენის, ტყუპი ჭირკვალი დიადი საქმის სამსახურში ჩამდგარი ერთი სასწრაფველით,

და როდესაც ცნობიერების პროდუქტიც მსგავსი შედეგისაა, ყოვლად უსაგნურია მტკიცება იმის შესახებ თუ, რომელია წარმმართველი და რომელი — დაქვემდებარებული, რადგანაც მათი პარამონიული თანამოსაქმეობით წრედი შეკრულა; მაცილისეულია ერთი თუ უფლისეულია მეორე, სანამ მოყვრულად არ ჩაებლაუჭებიან ერთმანეთს, მზე არ გაჩახჩახდება ცის კამარაზე; ფოთოლს არ მოისხამს ტყეების ფაფარი; მდინარეები არ დაქანდებიან ზღვისკენ მთათა იისფერი მწვევრვალეებიდან; ადამიანიც ვერაფრით წადგამს ნაბიჯს და მითუფრო ქვეყანა — სიდუხჭირის ძაძვებით შემოსილი მტრებისგან ნაოხრებ-ნაპარტახალი. და რაუამს ეს ეჭვმიუტანელი საიდუმლოება სამყაროსა ზედმიწევნით გაუცნობიერებია იმპერიასაც, საძნელოა განა ყველა სადავის მფლობელმა შენი მასულდგმულეებელი მთლიანობა მზაკვრულად ხელყოს ათასი მეჩქი-ბარიერით?!

ადამიანი ფორმულაა უსასრულო სამყაროსი. გულთამხილავი კაცობრიობა ოდესმე გლაქტიკათა ჰვრეტით თვალებამოღამებულ ობსერვატორიებს ერთხელ იქნება და მიმართულებას შეუცვლის, სწორედ ადამიანისკენ მოატრიალებს არაფრისმოქმედ განზომილებებს უმეცრებით გამოდევნებული და იმწამსვე, თვალის დაფახულების ბორჯალში იდუმალებით შებურვილი ყველა კითხვა ფარ-ხმალს დაყრის მის წინაშე; მაგრამ რაში ეპიტნავება ახლა ეს მოფილოსოფოსო ტირადები სამოცდაათიანი წლების შეურაცხად ტრიოს ადევნებულ ოდიშელებს?!

აკვირდებოდნენ გადაბრძანებული სამეულის ძირითად შემადგენლობაში საფუძვლიანად დამკვიდრებულ ჭოლოს. მთავარი შტრინები განუყრელი რეკვიზიტებივით თან ახლდა პატრონს — ბალნიანობა, სხვათა გამონაცვალი ტანსაცმლით თავმომწონეობა, კაზანოვას ცხვირი. ხოლო რაც შეეხება ქცევებს და მანერებს, ისინი დროის შესაბამისად გარდაისახებოდნენ თანდათან პეტიკო თოლუასგან განსხვავებით.

ბაზრის კართან ატუხული ჭოლო გამოიჭერდა ნაცნობს და ორი თითი ყელგამოწეული დაზუთხული ფრაზით დაედრიჭებოდა:

— სტალინ დო ბერია ქორწინდა, ჭიჭე ფარა ქომუჩი!* — და ქვა უნდა გდებოდა მკერდში გულის ნაცვლად ოჯახური საჭიროებისთვის დაძრულს ჭიბე მანეთიანით მაინც არ შეგემსუბუქებინა.

მართალია, სოციალისტური ქვეყნის აღმშენებლობისთვის თავგადაკლული ბელადი და მისი მოწაფე დიდი ხანია ისტორიამ თვალის დაუხამხამებლად ჩამოაშორა სარბიელს, მაგრამ ხალხს კვლავაც უღვიოდა გულში მათი ნამყენი სიყვარული და ამიტომაც გიჟების სამეულში ჭოლო ყველაზე შემოსავლიანი გახლდათ. სახეშეშუპებული ქალების ჯოგიც ამიტომ გულშემატკივრობდა სხვა რამეებთანაც გულუხვ მასპინძელს. ესეც რომ არა, აკამკამებული ჭადრების ხეივნის სიმყუდროვე ხომ მის განკარგულებაში იყო შუალამიდან ალიონამდე?!

ლიგა მეოთხე

ლაზარე
307692

დრანდის აეროდრომში მომლოდინე მიღეთ ხალხში ტანმორჩილი დედ-და იმთავითვე შენიშნა როკიმ, შენიშნა და აუთრთოლდა კიდევ ნიკაპი. მშობლის დიდი ხნის უნახაობა ნაკლებად ასაზრდოებდა ამ განცდას: ქირხეს გახუნებული ძაძები გადაეყარა და ქალიშვილობის შემდეგ პირველად შემოსილიყო ღია ფერის ტანსაცმლით.

ნათესავეებისა და მეგობრების სახეები მოზაიკურად აღიქვა ოდიშელამ და ამ მთლიანობაში კელაპტარივით ასინათდა დამბადებლის სხეული მრუმი ფონზე.

იცოდნენ დამხდურებმა უპირველესი ალერსი ჟენიას ეკუთვნოდა და თვალკრემლიანებმა ადროვეს დედა-შვილს ხვევნა-ფერებით გულის მოჭერება. მარცხენა ხელში აეტატებინა გამჩენელი ქარბუჭგამოვლილ მემკვიდრეს. მარჯვენათი დიპლომატი ეჭირა, მაგრამ ვერავის წამოედგა ნაბიჯი იმ ტვირთის შესამსუბუქებლად.

— დამსვი, ნანაგე, არაფერი იტკინო! — ეჩურჩულებოდა სიხარულის კრემლებისგან გაგუდული ქალი. და მაშინ გაახსენდა როკის სადღაც ამოკითხული იაპონური ლექსი, ხელში რომ აიტაცებს დიდი ხნის უნახავ მშობელს შვილი და სიმჩატისგან ველარ ზიდავს.

მომდევნო ჩახუტება მორდუს ხვდა წილად, ძუძუმტეებისა და ძმანაფიცი ავიძების დედას, ვერა მარშანხეს. მერე გაჭადრაკებული მამა ვალერიანი და ასევე ვერცხლმომრავლებული ინალ ავიძა ჩაიკრა მკერდში სათითაოდ. შემდეგ აირია მწყობრი; კონცინდნენ და ეხვეოდნენ მარჯვნიდან თუ მარცხნიდან: ნათესავეები, მეგობრები, ძუძუმტეთა ცოლები, მათი შვილები. ყველაზე ბოლოს თექვსმეტი წლით უნახავი უფროსი ძმა გივი ჩაიკონა და მანქანებამდე ისე მივიდნენ, ერთმანეთს არ დაცილებიან. ყველასთან გაცვალა თითო ფრაზა.

გამოცილილია, ადამიანის გონება განსაკუთრებული ვითარებისთვის ერთიასად მომართულია.

მიცვალბულის გასვენების დღეს ჭირისუფალს სულ ცოტა ხუთი ათასი კაცისთვის უწევს ხელის ჩამორთმევა თუ კონცა და წარმოიდგინეთ, წარუშლელად ამახსოვრდება მათი ჩაცმულობა, სიტყვები, გამოხედვა თუ მანერები.

ასევეა ზემის წუთებშიც, ოლონდ შედარებით ნაკლები შთამბეჭდაობით. ტყუილად როდი უთქვამს ებრაელს:

გაჭირვებული ქართველის ჭკუა მომცა, ქვეყანას გადავაბრუნდელო. ეს

ყველაფერი სასხვათაშორისოდ, მაგრამ როკის მკლავზე ჩამოკიდებულ ქენი-ას უკვე თადარიგი დაეჭირა ვაჟიშვილის დასატყვევებლად.

— მორჩა, მეტჯერ ვერაინ წამართმევს ცხვებარით გამოზრდილს, — ეუბნებოდა ვერა მარშანიას ქირხე, — ვერც ქურდული კანონი და ველარც — რუსეთის საპატიმროები. მშვიდობით დამიბრუნა ღმერთმა და აწი მე ვიცი და ჩემმა ქალობამო, — იქაღნებოდა მემკვიდრის გასაგონად, თუმცა ეს ქაღილი ცარიელი სიტყვები როდი გახლდათ.

დეპეშა რომ მოუვიდა ზატონიკისგან, ვაჟიშვილის ამხანაგები მოიხმო შინ და ყველა დააფაცურა. ზოგს აზოს და ფისოს გაფრთხილება დაავალა, სხვებს — ცინცხალი „ოცდაოთხის“ შოვნა.

მეზობლის ქალებს სახლის კედლები შეაწებვინა ფინური შპალერით.

გენადის ილორში გასამართი სუფრის მოკვარახჭინება დააკირა.

ოჯახში ყველა საქმის კლიტე მის ჯიბეში იყო უკვე. იცოდა ალიამ ილონას ჩამოსვლის ამბავიც და როკის კვლავაც რომ არ არეოდა ცხოვრება, ნათესავი დედაკაცები დაატრიალა. ულამაზეს ქალიშვილს დაადგა თვალი სარძლოდ. მართალია, მემკვიდრეზე ფრიად უმცროსს, მაგრამ ცოლქმრული სიამტკბილობისთვის ასაკობრივი სხვაობა, პირიქით, აუცილებელიცააო, ამტკიცებდა.

იცნობდა ქენია დამტირებელ პირმშოს. ქუჩაში გავლილ ქალიშვილს იგი ცოლად არ დაისვამდა, ამიტომაც მიაცივდა დამამთავრებელი კლასის მოსწავლეს, თურმანიძეების მხოლოდშობილ ასულს. შვილის სადავეების ერთბაშად დაუფლებას ლამობდა ტანმორჩილი დედა. ეს ყველაფერი ბიჭის მომავალზე მოჭარბებული ზრუნვით მოსდიოდა, მაგრამ ოდიშელია ჭერაც თვინიერად ითმენდა მშობლის მბრძანებლურ კილოს. მომავალში ხომ სულ ერთია, ყველაფერი თავის კალაპოტს დაუბრუნდებოდა და რისთვის ეტკინებინა გული მზრუნველი ქალისთვის?!

მანქანის ფული ძმაცაცებს შეეგროვებინათ როკისთვის. თოთხმეტ წელიწადში პირველად მიუჭდა ოდიშელია ტაოტიანი, ხოჭოსავით შავი „ოცდაოთხის“ საჭეს. გვერდით ქენია ქირხე ენას არ აჩერებდა. უკან ვალერიანი და გივი მოკალათდნენ. მალე დაიურვა მანქანა როკიმ, მაგრამ არ ჩქარობდა. ოცამდე „ვოლგა“ ექსკორტივით გაიჭიმა სიმწვანეში ჩაფლულ გზატკეცილზე.

როკი მიჩვეულია მოულოდნელ გამოძახებებს — „ოდიშელია, ნა ვინოდ“. სამართალი რომ იყოს, ეს ფრაზა ეპიგრაფად უნდა უძღოდეს ამ წიგნს. მიდინარ, მაგრამ ჯერ არც კი იცი საითკენ გიკრავენ თავს. ადგილობრივ ადმინისტრაციას ყელში ამოსვლია შენი გაუთავებელი კონფლიქტები თანასაკნელებთან თუ ზედამხედველებთან. მიზანი ერთია, ოღონდ მოგიშორონ და ჯანდაბამდისაც გზა გქონია, ისინი ხომ მოისვენებენ ზედმეტი ხათბალისაგან?! თურმე ზუგდიდის ციხე მწყობრში შესულა და როკიც ამიტომ გაინსენეს. რას იღონებს იქ, როგორ აურევს დაფორებს ოდიშელ მართლმსაჯულებს,

დრანდელ ჩინოსნებს სულაც არ ადარდებთ და აჰა, მშობლიური ქალაქის ცხრაკლიტულს მოაყენებენ ცხაურიანი მანქანით. ბოქსში თითო-თითოდ მიუჩენენ ადგილს ყველას, მაგრამ ოდიშელიასთვის არავინ იცლის. თურმე ცვლას უცდიან და აი, როცა ორივე – წამსვლელიცა და მომსვლელიც გაერთიანებულია რამდენიმე წუთით, გაადებენ ბოქსის კარებს და ციხის უფროსი, პოლიკოვნიკი ლებრანძე თავზე დააყენებს ურჩობის გამო ციხე-ციხე მოხეტიალეს.

ლებრანძე იმერელია წარმოშობით, მაღალი, ხმელ-ხმელი. გვარი პაპამისიდან მოყოლებული აქაურ ყაიდაზე გაუმართავს – ნარი ჩამატებია, ლებრანძე ლებრანძედ ქცეულა.

– ოდიშელია, – ხმას ჩაიბოხებს ციხის უფროსი, – შენ ამ სამ წელიწადში ხუთი ციხისა და ოთხი ზონის გამოცვლა მოასწარი. რასაც შენზე ჰყვებიან, ნახევარიც მართალი თუა, ათ კაცს ეყოფა საამაყოდ. მაგრამ ამიერიდან განსხვავებულ რეჟიმში მოდიხარ. როგორც ზუგდიდელს და კარგ ბიჭს, დიდ პატივს გცემ ნამდვილად, მაგრამ აქ ჩემი კანონი და სამართალია. დაისხომე, აქ პირწმინდად აღკვეთილია გრეგების მიგზავნ-მოგზავნა. აქ კაკუნებისა და გადაძახილ-გადმოძახილების მზე ჩასვენებულია ერთხელ და სამუდამოდ. ჩვენი ჭირი წაიღეს ქივიებმა და ზედმეტმა პერედაჩებმა.* გავა რამდენიმე დღე და მიხვდები, როგორ გავაძვრინე ნემსის ყუნწში ყველა. წურწინს არჩქილენა*, – ამბობს ძლივს შესამჩნევი აქცენტით ლებრანძე და ამით მიახვედრებს როკის, თქვენბური ენაც მშვენივრად მისწავლიათ, – ჩემი კანონი უღმობელია, ოდიშელია, მაგრამ – სამართლიანი. განსაკუთრებული არაფერი დამინერგია, რასაც წესდება მიკრძალავს. მიწასთან გავასწორე საკანში ხმამაღლა საუბრები. ძირფესვიანად აღგვეთე კოიკებზე ჯდომა თუ წამოწოლა დო ატბოი.* ესე იგი ათ საათამდე მარტო ჩაბეტონებულ სკამებზე ჩამოსკუბდებით.

– ვიცი მე ეს კანონები, მაგრამ საჩემო რომ ჯერ არ გამოქვდილა?! ქეც გადავძახებ, ქეც ვილაზღანდრებ, ქეც წამოვჯდები და ქეც წამოვგორდები. რაც შეეხება პერედაჩს, არც შეგვეგვეწები. მომცემ?! კარგი კაცი იქნები, არადა, ღმერთმა მშვიდობაში მოგანმაროს.

– ბევრმა წამოიწყო ასე, მაგრამ მოჭკვიანდნენ ბოლოს. არ შეძისრულებენ ნაღზორები ბრძანებას? იციან საერთო კამერაში შევყრი ყველას. მიჩვილონ მერე ინაურთან. კარგი დედის შვილები არიან ჩემს სიტყვას გადავიდნენ. ასე რომ, ოდიშელია, უმჯობესია გაჰყვე ამით დალაქთან, თმაც გააკრეჭინო და წვერიც მოაპარსვინო.

– სამი წელიწადია უფროსო, მაკრატელი არ შესებია ჩემს წვერს და თმას. აგერ არის თქვენი შანტრაბა, აგერ – მეც. სანამ ფეხზე ვიდგომები ცოცხალი თავით ამისი გამკეთებელი არა ვარ, მაგრამ

მაინტერესებს რომელი ერთი გადმოადგამს პირველ ნაბიჯს? ცვლა დამთავრებული არ იქნება, ისე ცეცხლს მიეცემა მისი სახლ-კარი.

— კარგი, დავმინდით! იარე ბეტარივით.* მართალია, სასტიკად აკრძალული მაქვს ამისთანები, მაგრამ შენთვის ვუშვებ გამონაკლისს. როცა მკბენარები დაგვევა, აქეთ შექმნეველები. მთავარი პრობლემა კიდევ წინ არის.

— მაინც რა? — ჰკითხავს როკი.

— ვინც მეურნება ხოლმე მესამე კამერაში ვუშვებ ჯიბო საღორიელთან. ორმა ნადწორმა ძლივს ასწია ბუშლატი, რომლითაც საათობით ვარჯიშობდა თურმე. ამბობენ ოთხი ფუთი იქნებაო. ბაშბა გამოუცვლევივინებია ზეკებისთვის, მის მაგივრად ტყვიის ფურცლები ჩაუტნევივინებია და საკერავი მანქანით დაულიანდაგებინებია. მეთორმეტე საუკუნის ჯვაროსანი რაინდივით ბუქნაობდა თურმე ამ ბუშლატით ზონებში. ვისაც მუშტს დააკარებდა კედელზე შვალერივით აწებებდა. ჩამოვართვით. წარმოიდგინე ახლა რა დღეში ჩავაყენებს ენერგიაგამონთავისუფლებული ის ველური? მაგრამ ჭკვიანად თუ მოიქცევი, კამერების მეტი რა მაქვს!

— გამახარე რომ იცოდე! დიდად დამავალებ, პირდაპირ იქ თუ შემიშვებ.

ამით მორჩება ცინის უფროსსა და როკის შორის მოთელვითი საუბარი. გულდასმით გაჩნრეკენ. მარცხენა ფეხსაცმლის ლანჩასა და ქუსლს შორის ოდიშელიას ღილაკიანი დანა ისე ოსტატურად დაუმაღლავს, ნაღდაკრული ქუსლიდან ამისი შემჩნევა გამოცდილ ხარაზსაც გაუძნელდება. ფული სარეცნი საპნით შემოაქვს. ოთხი ცალი შიშველი ლეზვია პირის ღრუში შეუუჩინარებია. ამისთანა ეშმაკობებისა ჩინებულად უწყის ცინის უფროსმა, იმიტომაც ალაპარაკებს დიდხანს, და როკიც მონერსებულად ყლაპავს და ყლაპავს სისხლს.

— ერთი მექნება სათხოვარი, — ოდიშელია დიბლომატს ხელიდან ხელში გადაიტანს. თეთრ შარვალ-კოსტუმში გამოწყობილი თავს ამაყად ასწევს, — ლოგინი ხოზაბსლუგისმ კაცმა წამომიღოს. დაგებულ ხაფანგში ქე მაინც ღირსეულად შემიშვი!

— კარგი, ამას გაგიკეთებ. ჩვენთან პასტელს ქურდები თვითონ დაათრევენ. გაბედონ პასუხისმგებელმა მორიგეებმა მიშველება! ეგრევე მივანსნი, თან კარცერშიც ვაყურყუტებ თხუთმეტ სუტკას!

მიდის თეთრებში გამოწყობილი როკი. უკან მიჰყვება დაგრაგნილი ლოგინით სამეურნეო სამსახურის კაცი. მიადგებიან მესამე საკანს. გაუღებენ კარს და ოდიშელიაც უყოყმანოდ შევა. მიესალმება ყველას, მაგრამ პასუხს არავინ იძლევა. აქ როკის კეთილმოსურნეებიც არიან, თუმცა ჯიბო საღორიელს ისე დაუბეჩავებია ისინი, არ იციან რა მოიმოქმედონ. ხელი ჩამოართვან, მიესალმონ ოდი-

შეღიას, ეგერ ტახვიით გაჯაგრული საღორიელი ქშინავს, არადა, გინდ მგელს შეუჭამინარ, გინდ — მგლისფერ ძაღლს.

მოიხურება საკნის კარი. როკის გონება მსწრაფლ მოისაზრებს გამოსავალს. რკინის საწოლზე ახლახან დაგებულ ლოგინს ჩაუვლის, უფრო მოხერხებულზე წამოწვება, თან ოსტატურად ჯიბეში გადაიტანს პირის ღრუში დამალულ ლეჩვიებს.

დუმილში ლამის ნახევარი საათი გაივლის. არაგინ ბედავს ხმის ამოღებას.

ბოლოს ისევ ტრუსისამარა, გაბანჯგვლული ჯიბო საღორიელი დაიბუბუნებს:

— ძმობილო, ჯერ ერთი, ჩემს ლოგინზე წევხარ, მერედა, ტოლიკი არის დღეს მორიგე, სადისტი და მანიაკი, შემოაკვდები. არც ჩვენ დაგვადგება კარგი დღე!

ყველანი სკამებზე სხედან. გაშლილი ლოგინების კუთხეებზე შეიძლება თითი წაიჭრა.

უეცრად საკნი კარი ანხარუნდება, გაიღება და უფროსი ლეიტენანტის ფორმაში გამოწყობილი მინჯორაია შემოეტყუვა. სამ წელიწადში ერთი ვარსკვლავი დაუთრევია. როგორც ჩანს გამომძიებლობას გამოქცევია და ქერის ორმოში ჩამსტარა. ცინის უფროსმა ყველაფერი იცის, სამართებელივით აფხიანებულ ყამასავითაა. იმდენი მოისაზრა ერთად შეყარა აბიჟნიკი და ზეკების ქომავი, დამჭერი და დატყვევებული, ისე რომ, არც მინჯორაიამ უწყის ამის თაობაზე რამე და აღარც — ჯიბო საღორიელმა. გნახოთ აბა, რა პანტერაცაა. ზის ახლა თავის წაგრძელებულ კაბინეტში ღებრანძე, სვამს ყავას და თვალეპმოწკურული შიგადაშიგ ხითხითებს.

შუაგულ საკანში გაიჯვიმება მინჯორაია. წელზე დონჯს შემოირტყამს, თითქოს საჭიდაოდ ემზადებაო.

— თქვენი დედა... — მრავალსართულიანი გინებას მიაყოლებს ჩვეულებისამებრ, მერე იმ სამი წლის წინანდელზე მოგრობო გიშრის მუნდშტუკს ამოიღებს, დააქვრენს „პრემას“. რამდენიმე სანთებელა იელგებს ზედამხედველთა ხელებში, მაგრამ ყველას იუკადრისებს, საკუთარით მოუკიდებს, — ამ ბიძას ვერ აუხსენით, რომ მე აქ კაცს ცემით ვამახინჯებ ლოგინზე წამოწოლის გულისთვის?!

გახსენეთ, მინჯორაიამ არაფერი უწყის მსხვერპლის ვინაობის თაობაზე-თქო. თანაც წლებს თავისი გაუტანიათ. გვარიანად შეუცვლია როკისთვის სახე, ყველაფერს მოშვებულ თმას და ჯაგარა წვეკრს თუ მივუმატებთ, მისი სითამამე სრულიად გამართლებულია.

უფროს ლეიტენანტს წინადადება არც კი დაუმთავრებია რივიანად, რომ როკი უკვე წამოფრენილია ლოგინიდან.

„ამ კამერაში გადაწყდება ჩემი ბედ-იღბალი. გავარდევ მგლების გარემოცვას და მომავალში თვით სიკვდილიც ვერ მომჭამს ფეხებს.

ზურგს ნუ შემაქცევ, კაბადოკიელო, ძმაო!“ — გაიფიქრებს როკი და თვალების დაკვესებით ასეთნაირად მიაძახებს მინჯორაიას:

— მეც შემაგინე?!

— კარგი, დაუთმე, თორემ ყველას კატოკივით გადაგვივლიან, — აჩურჩულდებიან აქეთ-იქიდან.

— ბედისწერას ჰყავზარ აყვანილი, შენი დედა... გაათრიეთ გა-რეთ! — უბრძანებს ხელქვეითებს მინჯორაია, თან ხარბად გააფუ-ტებს გიშრის წაგრძელებული მუნდშტუკიდან.

— იარალი ხომ შემომიგდე?! ასლა დედასაც მაგინებ, ძუკნა ძაღლო, პანტერას?! — მიაყვინებს და სანამ ნათქვამს რიგიანად გაიანჯრებს მინჯორაია, სანამ სამი წლის წინანდელ ოდიშელიას სახეს ავაზას მცნებას მოარგებს, უროსავით წამოსული მუშტი ან-თებულსიგარეტიან მუნდშტუკს პირში ჩასჩრის.

„ფარფალიას ცარცი“ — გაუელვებს გონებაში როკის. ამასობა-ში ლავიწზე მარცხენას ამოაკერებს, მარჯვენას ბადექონის არეში მოუნაცვლებს და ტოლიკიც ორჯერ შეტრიალდება ჰაერში, ია-ტაკზე პირაღმა დაენარცხება. ახროტინებულს ღია პირიდან მოუ-ჩანს აბოლებული სიგარეტი.

— გაათრიეთ! — ბრძანებს როკი, მარჯვენა მაჯაზე ხელი წაუ-ჭერია და თითებს ჩაჩხავს — ჩემი კამერის ნომერი დაივიწყეთ! კრახმა აქ შემოსვლა როგორ გაბედა?! — იღრინება ტყეურავით, მაგრამ ერთიანად დამფრთხალ შანტრაპას ცოცხალ-მკვდარი მეთა-ურის წასვენება ვერ გაუბედავს, რადგანაც როკის ჯერაც ვერ მო-უფხანია გული, ჯერაც ჭაჭებში უგლაჯუნებს და უგლაჯუნებს წაწ-ვეტებულ ფესსაცმელს.

ახალთახალი შავი „ოცდაათნი“ შეუფერხებლად მიქრის ტრასაზე. ტანმორჩილი დედა კვლავაც თავისას ჩასცივებია. არ უნდა გააწბილოს შვილმა, ერთხელ მაინც დაუჯეროს მშობელს: სარძლოს არაფერი დაე-წუნება, პირიქით, ოდიშის პირველი მზეთუნახავია. რამდენიმე თვეში სკო-ლას დაამთავრებს. დედისერთაა, მდიდარი, წყნარი, სახიერი. შვილის უჩუმი-რად ყოფნა ქალის მიაძიქ გულს თანხმობად ჩამოურთმევია და სისარუ-ლისგან ლამის მეცხრე ცაზე აიჭრას.

მკლავებში წვდებიან მინჯორაიას ამფსონები და იატაკზე გააჩიჩია-ლებენ. დაიხურება საქანის კარი. როკი კვლავ ამორჩეულ ლოგინს დაუბ-რუნდება. პატიმრები ძველებურად სკამებზე სხედან, მხოლოდ ტრუსისამა-რა ჯიბთ საღორიელი სცემს ბოლთას. სხეულზე ჯავარივით ადგას ჭაღა-რაშეპარული ბალანი. ქუთაისის ციხიდანაა გადმოყვანილი. სასჯელს სულ რუსეთში იხდიდა. ბოლოს აქ ჩავარდნილა და გასამართლებას უც-დის. ამ პიროვნებაზე სმენია ოდიშელიას. ჯიბთ საღორიელი დიდი აბიჟნიკი ვინმეა. ხალხს ტანსაცმელს ართმევს. ერთი მოზრდილი ტო-

მარა ჯინსის შარვლებით, ველვეტის კოსტუმებით, დათრიმლული ტყავის ტუფლებით და მისთანანით გაუქეცია. ყვებოდნენ იმის თაობაზე, რომ ჭადრაკის თამაში ჰყვარებია ფრიად. თუ მოუგებს მოწინააღმდეგე, ცემით განეთქავს, თუ არ ეთამაშები მთლად მიგასავათებს. აქაც დაამკვიდრა თავისი ჰობი. ალიმენტის გადაუნდებლობის გამო სასჯელს უცდის როკის ძველი ნაცნობი დაზი ჩიქოვანი. გელოდის ნათესავია, ოსტატობის კანდიდატი ჭადრაკში, მაგრამ სამჯერ დააქოთა უკვე სალორიელმა. მოუგებს – დასცხებენ, წააგებს – მაინც.

პროფესიონალის გამოჩენა ერთიანად გამოაცოცხლებს ჩვენს ჯაგარას. მესამე კამერაში დაზის განწესება ღებრანქეს ოინია, ხომ უნდა შეთხზას მრეგლში სახითხით?

გამოიწვევს საბაქროდ ოსტატობის კანდიატს სალორიელი. მისი ქოთების შესახებ გაგონილი აქვს დაზისაც, მაგრამ თავს ზემოთ ძალა აღარ არის. არ დათანხმდება, იცის მიბეთქავენ, არადა, პროფესიული სინდისიც გასაზამბულელებლად არ ეთმობა. ამ გაწამაწიში არის და უცებ ცვაივის „საჭადრაკო ნოველა“ მოაგონდება ჩიქოვანს. რაღაც მანქანებით ჯიბოს ალიყურებისგან დაძვრენა განუწრახავს.

– მოგება ადვილია, – ამბობს პურის კლეისტერისგან დამზადებულ ჭადრაკის ოკრობოკრო ფიგურებს მიჩერებული დაზი, – აი, მთავარი მოფიქრებული წაგებაა.

– ეგ როგორ? – დაინტერესებს ჯიბოს ახალშემოსულის იდეა.

– აი, დამკაში რომ არის ისე, პადაგაკი.*

გადააწყობენ ფიგურებს შაშის ყაიდაზე. ჯიქურ მიემართება ჯიბო, სწირავს და სწირავს პროფესიონალი. მალე ცარიელ-ტარიელი დარჩა. ჯიბოს უკვირს. ოთხი კენჭიც არ მოკვდომია, ისე დაიცარიელა ხელი ქიაყელამ. ითამაშებენ მეორე, მესამე პარტიას. სალორიელის ფიგურები ლამის ხელუხლებელია, კანდიდატი კი – გალოკილი თითივითაა. გადავლენ ჭადრაკზე. პროფესიონალი დაქოქება. ჩატურანჯას მთელ ისტორიას მოუძღვის. ქალღმერთი კაისა მუხლებზე დაუსკუბდება. მოჰყვება გოროზ რაჯასა და ხორბლის გაორმაგებულ მარცვალზე თითოეული უჯრის საფასურად. დააფახულებს თვალებს ჯიბო სალორიელი. გზადაგზა ხატავს დაზი ჩიქოვანი ჩატურანჯის პრინციპებს, ოთხი კაცის საომარ ღელოს. ჰყვება რეფორმებზე, რომელსაც დროთა ვითარებაში განიცდიდა დღევანდელი ჭადრაკი. რამდენიმე ლამაზ ეტიუდს ელვისებურად გაითამაშებს და დამსწრე საზოგადოების ალტაცება ზღვარს უწევს. არც იტალიელი პიედრო და მისი ასუჯრიანი დაფა გამორჩება. ჰყვება კენტავრებსა და კამპიონებსზე, მერე სიანცელებსაც გადაწვდება.

– მე გამომგონებული ვარ, – ამბობს საკნის ბინადრებით გარ-

შემორტყმული ჩიქოვანი, — მე ოცდამეერთე საუკუნის საოცრება შევქმენი, ოთხმოცდაერთუჯრიანი სრულყოფილება, მარადიული მოძრაობის სიმბოლო, სიმეტრიული და მონოცენტრული ჭადრაკი.

— გააგრძელე, გააგრძელე! — მონუსხულია ჯიბო საღორიელი.

— ახლავე ყველაფერს აგისწიო, — სულსწრაფობს დაზი ჩიქოვანი, — წარმოიდგინეთ, რომ ამ სამოცდაათს უჯრიან ჭადრაკის დაფას თითო წავეუმატებთ სივანესა და სიმაღლეში, ანუ ჰორიზონტალ-ვერტიკალში, მაშინ ოთხმოცდაერთუჯრიანი დაფა გამოგვივა.

— კლეისტერი ჩქარა! — ბრძანებს ჯიბო და მოარბენინებენ პურს. იწყებენ გახეხვას, გაცრას. კლეისტერს ამზადებენ ჭადრაკის დაფის გალავნების გასაგრძობად. ხელმარჯვე ოსტატებს თავიანთ შეუდარებელ ხელოვნებას გამოაჩენენ. თხუთმეტ წუთში ტრადიციული ჭადრაკი მთელი ჩვიდმეტი უჯრით გაიზარდება.

— ახლა ცარიელ ადგილებს რა ვუყოთ? — ამბობს ჯიბო.

— ორი პაიკია საჭირო, თეთრი და შავი.

— პაიკები, ჩქარა! — ბრძანებს საღორიელი. ძერწავენ კლეისტერისგან. ერთს ღებავენ. ხუთიოდე წუთში პაიკები ცარიელ ადგილებს დაიკავენ.

— აწი? — ცნობისწადილი და ჟინი კლავს ჯიბო საღორიელს.

— თითო შავ-თეთრი ვეზირი გვჭირდება, ლაზიერის სიმაღლის, მაგრამ გუმბათიანი ქუდით.

საკნის სკულპტორები მთელ თავიანთ შემოქმედებით გაქანებას აქსოვენ დასახელებული შინაარსის ფიგურების გამოძერწვას. კვლავ დატუშავენ ერთს. პროფესიონალი ფიგურებს მეფის ხელმარჯვნივ ჩააჩიჩებს და ცარიელ უჯრებზე ვეზირებს დასვამს, როგორც ჯიბოს მხარეს, ისე თავისთანაც. მერე ორივე ფრონტზე ლაზიერის კუს და მხედარს ადგილებს შეუცვლის.

— ვეზირი ეტლის და მხედრის კომპოზიტია, — განმარტავს რეფორმატორი.

— აბა, თამაშს შევეუდგეთ, — სულსწრაფობს ჯიბო.

დაიძრებიან თეთრები შავებისკენ. მიდის ჯახაჯუხი. ვეზირი თამამად შეიჭრება ცენტრში. ერთ ორომტრიალშია. ექსტაზში შესული კანდიდატი სტიქიას მიჰყვება, ფორსირებული ქიშით გამოედევნება შავების მეფეს, ნელ-ნელა ავიწროვებს მის საარსებო სივრცეს და უცებ მეხივით გაისმის საკანში გამომგონებლის ალტაცებული ხმა:

— შამათი!

ჯიბო გაოგნებულია. თვალის დახამხამებაც კი ვერ მოასწრო ისე დაუტყვევებს მეფე. უცებ გონს მოეგება. წამოიმართება. ჯერ კიდევ თამაშის ნეტარებით მთვრალ დაზი ჩიქოვანს ქორული მზერა ჰკიდებს.

– ჰაიტ, შენი გამომგონებელი დედა! – გაუქანებს ყუმბარასავით მუშტს და გადააფრენს საწოლებს.

იცის ამის თაობაზე როკიმ. ამჩნევს დაზი ჩიქოვანის, სხვათა წრიალს. აშკარად გრძნობს მათ ფარულ მხარდაჭერას.

პანტერას ხსენებაზე არესტანტების გარდასახვას საღორიელიც თვალნათლივ ხედავს. ბოლთას ცემს საკუთარი ლოგინის მიდამოებში. აქამდე გასუსულ საკანს გამოცოცხლება დაეტყობა. იცისან შეჯახება გარდუვალია, თანაც საღორიელის გასადიზიანებლად:

„როკია, პანტერააო“, უჩურჩულებენ ერთმანეთს.

– გეყო ძამია, რაც ჩემს ლოგინზე ინებვირე! როკი! პანტერა! – კბილებში გამოცრის ცინიკურად, – არ დამემორჩილება და ავაყმუველებ მურიასავით.

ოდიშელია ლოგინზე წამოჯდება. ჯიბო საღორიელს მოხერხებული პოზიცია უკავია. ამისთანა ტახისგან ყველაფერია მოსალოდნელი, შეიძლება წამოდგომისთანავე გეძვეროს და ეშვებით გაგფატროს, მაგრამ ვიდრე ლოგინზე მოკალათებულხარ, ახლოსაც ვერ მოხედავს. ათასნაირად მოახერხებ თავდასხმის მოგერიებას: წიხლებით, თავურით, ბოლოს და ბოლოს გადახტები მეორე მხარეს, ის კი მშრალზე აღმოჩნდება. საკუთარ ბუნავში ავაზა ტახს კი არა ლომსაც კუდით ასროლინებს ქვას.

როკის გონება გამჭრიახია, მუნლებზე ხელდადებულ ბარძაყებს გამომწვევად გაფარჩხავს, თან თითებით აჩვენებს:

მოდი, აბა, რა ტურასაც დაიჭერო.

ჯიბო საღორიელს ბრახისგან ნესტოები დაბერვია. ზურგს უკან ესმის გათამამებული: „როკია! პანტერა!“ და ნადავლისთვის მიტყუებული ნადირიც შეპყოფს თუ არა სიფათებს რკინის საწოლის სივრცეში, მთელი ძალით აჯახებს ცხვირ-პირში თავს ოდიშელიას. წკარუნით ჩამოცვივდება კბილები ბეტონის იატაკზე. გადაქანებულს მიჰყვება კვალდაკვალ როკი. ჯერ კიდევ ფეხზეა ჯიბო საღორიელი, თან კბილების ფურთხებით ფხლაკუნობს:

– დააძვრე მოიკა! ვილაც ხულიგანი მკლავს ქურდს, თქვე ბოხებო!

მოიკა სამართებელს ნიშნავს ჟარგონით. კომიკი, ვინმე ცირდავას ბიჭი. ოღონდ მანქანის საჭეზე დაგესვა და ტალახში ამოვლებულ ავტომობილს ღიღინ-ღიღინით გააკრიალებდა ჩხოუშიაში. ამისთვის მიუბარებია იარაღი ჯიბო საღორიელს. ცირდავა ნელ-ნელა შეუდგება ძებნას, ხან ბალიშს მიადგება, ხანაც ლოგინის საფერხულს, რა ქნას არ იცის. ქურდად მიუჩნევია საღორიელი და ვინი-

ცობაა მეზობელი ორთაბრძოლაში დაუჯაბნონ, სად მიდისარ მერე? ჯიბოს ქოთებს გაუძლებს კაცი?!

– ჩქარა მიეცი, ტუტუ! – დაუყვირებს როკი.

ისიც ჯიბიდან დააპრობს სამართებელს, თურმე ყურისძირას ჰქონია, ორღობეებს იქით რომ ექებდა. წამსვე ააცლის ხელიდან.

– ჩემს დასაბრედად გინდოდა შენი ნასეტკა დედა... – შეუკურთხებს მოთმინებიდან გამოსული ოდიშელია. თავს თუ არ უშველის საღორიელი, ეს ისეთი გიჟი ჩანს დაუსვამს სახეზე ლეხვიას, გადახსნილი ჭრილობიდან ითქრიალებს სისხლი და იკადრებს ყვირილს ჯიბო საღორიელიც:

– ნაჩალსტვო,* მიშველეთ, მკლავენ, მკლავენ! – ღმუის და გამეტებით უბრაზუნებს საგნის რკინის კარებს ხელ-ფეხს.

რახან უფროსებთან დაბეზლება იკადრა, მისვდებიან ბიჭები, რომ უკვე ქურდი არ არის, დაესივინ გამწარებულნი და როკის მიერ გადმოყრილ კბილებს გაუორმაგებენ. გაიღო კარი და ახლა იქიდან მილიციელები დასცხებენ:

– რამდენი ხანია სისხლი გაგვიშრე შენი ქურდობითა და ტყვეის ბუშლატით!

წააქანებენ, განცალკევებით გამოკეტავენ საკანში. როგორც შემდეგ გაირკვევა, მართლაც ნასეტკა აღმოჩნდება.

ამასობაში დარცხვენილი ნაცნობები აწურული იერით ხელს ართმევენ ოდიშელიას, ზოგი გადაკონის კიდეც, ებოდიშებიან საგნის მეთაურს:

– შენ არ გესწავლება, ცისეა, ჯუნგლების კანონი, ქუჩა ხომ არ არისო.

ფიქრში როკი ტრანსპარანტებსაც აღიქვამდა გზადაგზა. გადასახვევთან მანქანა შეაყოვნა, მაგრამ შენია ქირზე გაწიწმატლა:

– წადი, წადი, იციან ავიძებმა, ყველანი ილორში ვიკრიბებით, შენს უმცროს ძმასთან, შენს გენადისთან.

– აკი, შინ დარჩაო?!

– ეგ დილით. ახლა ჩვენს მოლოდინში ნერვიულობს, ალბათ, დედა ენაცვალოს!

აპრილის მიწურული იყო. ჩაველო აღდგომის ციებ-ცხელებას. პარასკევის საღამოსპირია. მიქრიან გზატკეცილზე. შენიას დარიგებებს დასასრული არ უჩანს.

გამოიარეს ლალიძგას ხიდი. ჩაუხვია ხელმარჯვნივ და მთელი ესკორტიც რიყის ქვებისგან ამოყვანილ გალავნიან ეკლესიას მიაღგა.

გენადიც აქვე დახვდათ. დავაჟკაცებულყო ცხრა წლით უნახავი ძმა. ჩაეხუტნენ ძმისშვილები, გადაკონცა რძალმა. მოკიდებულ სიგარეტს ზურგს უკან მალავდა ნაბოლარა მამის გამოჩენაზე. ისე წამოყვინჩილდნენ ბიჭები

ვალერიანთან ერთად სუფრაზეც არ დამსხდარან, პაპიროსის მოწვევას კი მისი თანდასწრებით რომელი გაბედავდა?! ახლა ზემის წუთი აქვს ძაკაევიჩის და ყველაფერი ნებადართულია: დალიე, მოწიე, მოუსკუპდი გვერდით, ოღონდ ღირსებას ნუ დაკარგავ.

ტაძრის ეზოსკენ მიეშურება ოდიშელების ამაღლა. იქ უშველებელი ცაცხვის ხის ძირას თეთრი ფერის ალაწოდარქებიანი ხარი მშვიდად იცოხნება თივას. მიწურულია დღე, მაგრამ მაინც ხალხმრავლობაა. შესაწირავი თეთრი ხარისთვის დია დამშვრალა უმცროსი ოდიშელია. რადი ჯოლოხავასთან მიუსწავლებიათ ილორელებს. მეჯოგეს ნახირი საძოვრებზე ჰყოლია გაშვებული, მაგრამ ფულმა თავისი გაიტანა და სახვალიო ქორწილისთვის შეპირებული გამოუყვანა ბაგადან, კუპატივით ჩამრგვალებული ჩელა. რადი ჯოლოხა ენაწყლიანი მოსაუბრე გამოდგა. სტუმარს სანამ საზვარაკედ ხარს დაუთმობდა, ელარჯით და იზაბელათი გაუმასპინძლდა. მის ქალ-ვაჟს ტკბილისკვერი და ჩურჩხელები მიართვეს. ხელისგულზე გადაუშალა ილორის ანი და განი.

წმინდა გიორგის სახელობის ეს ეკლესია მერვე საუკუნეში აუშენებიათ. მერე გამუდმებულ ომიანობას აქაურობაც გაუოხრებია. სამრეკლო ეკალ-ბარდს დაუფარავს. მეცხრამეტე საუკუნეში აღმოუჩენია იგი ვინმე ზვამბაიას, უსიერში შვლის სისხლიან ნაკვალევს მიდევნებულს. ადგილობრივი მოსახლეობის ოთხმოცდაცხრამეტი მთელი ოთხმოცდაცხრამეტი მესაგედი, როგორც კომუნისტების არჩევნების მონაწილეთა მაჩვენებელი, ქართულია. აფხაზი ერთი ჰყოლიათ შემოკედლებული — ანდრუშკა ლაბახუა. ხორციის მიმღებად მუშაობს თურმე. მოკლედ, ნამაფჩუს მეცხოველეობის ფერმის ბატონ-პატრონია, თუ დასჭირდა მთელს ილორს იყიდის. კვარაცხელიებისგან ოჯახი შეუძენია და ცხოვრობს მეფესავით.

იპოდრომი ორია აფხაზეთში, გულდაუთასა და ილორში. სამი-ოთხი დღე გრძელდება აქ ყოველწლიურად დოლი, მარულა და თარჩია. არის პაექრობანი ცხენბურთში. იმ პერიოდში მიღეთი ხალხი მოაწყდება ილორს. ბევრი საქონელი იკვლება და ჯოლოხავებსაც ამით გააქვთ თავი. როცა ნიკიტას დროს, ორი სული საქონლის მეტს ვერ იყოლიებდა მშრომელი კაცი, რადი ჯოლოხას თურმე ჯოგები დაუდიოდა მთაში ძიკი კვარაცხელიას მსგავსად. არც ახლაა ცარიელ-ტარიელი. ხვალამდე მექორწილეთათვის ახალს ჩამოაყვანინებს, აბა, კაცის დაღალატება როგორ იქნება?!

დღესასწაული უამრავია ილორში. მათ შორის საყურადღებოა ციმფაში ხვამა, რომელიც ქართველების ელიას უახლოვდება რამდენადმე. გვალვების პერიოდში სწირავენ საკლავს ამ ღვთაებას და როგორც წესი, მერე დღეს ამინდიც უეჭველად წვიმიანი დადგება.

სოფელი დიდი არ არის. სულ სამიათას ექვსასი ჰექტარია. აქედან სამოსახლოებს ექვსასი ჰექტარი უკავია, დანარჩენი — ტყეებს და საძოვრებს; ამიტომაც ძირითადი მაცხოვრებელი რამდენიმე წამყვანი გვარისგან შესდ-

გება. ესენია: ნარდაიები და საბეკიები, ხოჯავეები და ვაპანიები, ჭკადუები და ლებრანძეები.

გასულ საუკუნეში აქ თურქები თურმე კერამიკულ საქმიანობას მისდევდნენ. აქედან გამომდინარე ზღვისპირამდე მთელს ჭაობიან სივრცეში გავლებულია ურმების სავალი გზა — ქვაფენილი, რომელიც სამ მდინარეს გადაივლიდა თაღოვანი ხილით: ამცარხიას, სუკატიას და ცორკას. ახლა იქ ქვათა ნაშალია მხოლოდ, თვით როსტომ ნასხაპასთანაც* კი, ცხენით რომ გადაშვებულა მდინარეში ალყაში მომწყვდეული აბრაგი და ისე გაღწეულა ფონს.

ვინ იცის, რა არ მოუთხრო გენადი ოდიშელის რადი ჯოლოხავამ: ნაგურუს გორაკზე კობახიას მიერ კოსტუმით ნადღერაძელებ ნარდაიაზე, თუ გზისპირა ჭასთან ბანძელ გითოლენდიასა და ერმინე ჭკადლუს დიალოგი:

მოაქვს თურმე აბაშელ გლეხს ილორში შესაწირავი. პაპანაქებაა. დამწყურვალდა ყინულივით ცივი წყლით. ჩამოისვენა სულის მოსაბრუნებლად. ერმინეც აქვეა თურმე, ჩეროში. ახლალა ახსენდება გამარჯობა გითოლენდიას, მაგრამ დაგვიანებული საღმის გამო ვინ გაუკილავთ?

— ჯვარს თუ ხელავ, ბატონო, ჩემო? — ეუბნება მასპინძელს სტუმარი.

— როგორ არა, — პასუხობს შეცბუნებული ერმინე.

— ჩინებულია. მაშინ მარჯვენა ფრთაზე მჯდარ ბუხსაც ამჩნევ, ალბათ.

— კარაკანივით, მაგრამ ახლომხედველია უბედური შენსავით, თან ცალი თვალი ამოვარდნია საწყალს ხარების რჩოლის დროს.

ასეთ გამოცნაურება-მასლაათში მოიხელთა გენადმა როკის დასამწყლობელი თეთრი ხარი.

— მამა ფრიდონი სწირავს დღეს, — უთხრა მხარზე ხელგადმობვეულ ძმას ნაბოლარამ, — ჩემს მხრივ ყველაფერი მოგვარებულია ნათლობისთვის.

ოდიშელის ელიმება, ნიკაპი უთრთის, ასე ემართება გულშიამწყვდომი ფილმის ყურებისას ან სულისშემძვრელი წიგნის კითხვისას. როხროხა სპილო მზად არის ნახევარკილოგრამიანი ოქროს ძეწყვითა და ჯვრით. არაფერი აფერხებს ჟენიას სურვილის ახდომას. ძვალკანა მამა ფრიდონიც მოჭიმულია ნათლისღებისთვის. როკი თეთრი გიორგის ურჩხულთან ორთაბრძოლას მისჩერებია.

ჯერ კიდევ ბავშვობის ასაკში გაუმხელია მისთვის ძაკა ბაბუას წამინდა გიორგის კლემბტომანიური მიდრეკილებების შესახებ. იმის თაობაზეც — იესო მაცხოვრისგან ქურდი კურთხეულია.

— ჰოდა, როკი, ბაბაგე ქურდის წყალობით გადარჩა ჩვენი უფალი საუკუნო სიკვდილს, — უთხრა ერთხელ სააგურე თიხის შიშველი ფეხებით ზელვისას ბაბუამ, — ის მეხუთე ლურსმანი გულის ფიცარზე დასაჭედად გაემზადებინათ მტარვალებს და მოხერხებულ ქურდს რომ არ მოეპარა, შიგ კაკალ გულში გაუვლიდა მაცხოვარს ჩვენსას. მერე და, ლურსმნით გულგამსჭვალულმა კაცმა როგორ გინდა თავი მკვდრეთით აღდგინო?!

წმინდა გიორგისა და იესო ქრისტეს მიერ ქურდების მფარველობის რა-

იმე ხელშესახებ საბუთს საიდან გამოჩხრეკდა ბიჭუნა, ან რატომ შეეჭვდებოდა მაგიური ძლევამოსილების მქონე ძაკა ბაბუას მათრახის ტარისხელა მონათხრობში, მაგრამ საქართველოს ციხეებსა და ზონებში მომთაბარეობისას (ეს უკანასკნელი წმინდა გიორგის სახელობის ეკლესიებისა არ იყოს, ყოველ ბორცვზე წამომართული), ზოგი რამ ასეებისგან შეიტყო, ზოგიც თვითონ წაიკითხა. წმინდა გიორგის ხარიპარიაობის ამბავი კი იტალიელი მისიონერის, არქანჯელო ლამბერტისგან მოდიოდა.

წმინდა გიორგის მადა ამირანისას არ ჩამოუვარდებოდა, რომელიც სადილად ბულა კამეჩს კმარობდა, ვახშმად კი სამიც არ ჰყოფნიდა. კამეჩის ხორცი მაინცდამაინც არ ეპიტნავებოდა წმინდა გიორგის, მაგრამ ხარისას — სიამოვნებით შეექცეოდა, ისე რომ, ვერეხი კურატი ერთ ჭერობაზე ძლივს აკმაყოფილებდა.

იხილა ეს ყოველივე ერთხელ კაბადოკიელი ლაზის ასამაღლებლად გამოგზავნილმა ანგელოსმა და რადგანაც ასეთი მადის ქრისტიანის მიგვრისთვის შესაძლოა ზეციერი გაწყრომოდა კიდევ, ძილისას კუჭი ამოაცალა.

მომდევნო დღეს გიორგის კრიჭა შეეკრა.

„წმინდა გიორგი და უმადობა?“ უკვირდა თვითონვე. მოკლედ კაბადოკიელი მზეჭაბუკის ხარიპარიაობის ფაქტს, ალბათ, მისი უმაგალითო აპეტიტი უდევს საფუძვლად. ხოლო გიორგობის დღესასწაულისთვის არქანჯელო ლამბერტს თუ ვერწმუნებით, მთავრის დაბეჭდილ ეკლესიის გაღავნის კარებს მიღმა დილით, უთუოდ დაინახავდნენ ხარს შუაგულ ეზოში, რის გამოც ხალხი მოწიწებით მადლობას სწირავდა წმინდანს.

მაშინვე აგუგუნდებოდნენ ხარები, რათა ყველას შეეტყო კაბადოკიელი მზეჭაბუკის მორიგი სასწაული. მადლიერი მრევლი ერთიორად აძლიერებდა მერმე თავიანთი მესიის სასწაულმოქმედების საზღვრებს და იტყოდნენ: მხოლოდ წმინდა გიორგის ძალუძდა ამ ხარის ზღვიდან მთამდი და პირუკუ სამგზის მიყვანა.

ზოგ უცხოელს, განსაკუთრებით განსხვავებული რელიგიის წარმომადგენელს, ეეჭვებოდა წმინდა გიორგის სასწაულმოქმედება.

— ამაღამვე, გნებავთ ხვალ დილით ჩემს ხარს ამ ეკლესიაში თუ მოიყვანს, მაშინვე უყოყმანოდ გადმოვალ თქვენს რწმენაზეო, — დაიქანებდა ის უცხოშიწელი და ვინ იცის, რამდენი მაჰმადიანი თუ მაზღდენი გაქრისტიანებულა წმინდა გიორგის სასწაულმოქმედების წყალობით.

ჯოღოხავების ჩელა კი სულაც მოსაპარი არ იყო, მისი ტყავის წონა ფული გადაეხადა გენადის. ჩამოსაყვანდაც ორ ნაბიჯზე გახლდათ და ამაში გახარჯავდნენ წმინდა გიორგის ისედაც დამაშვრალ ენერგიას?! მერედა, როკი ურჯულო ხომ არ იყო?! ხელი თუ წაცდა მღვდლის გაქონილი წვერისკენ, ჩიჩილაკი ეგონა უთუოდ, ძაკა ბაბუა რომ ახუჭუჭებდა ბუთხუზა შვილიშვილებისთვის.

მოკლედ, საბოლოოდ მოქრისტიანებულ ოდიშელის უზვარაკებდნენ ცაცხვის ხის ძირას უღარღელად მცობხველი ხარის უთვინიერეს ბუნებას, მაგრამ დაუოკებია ოდესმე დამბებს მთის მდინარის სიფიქმაჟე?!
 კოცონი დაენტოთ გალავნის სიახლოვეს. სამფეხზე კარდალა შეედგათ, და უკვე აკვარჩხალეულ წყალში იხარშებოდა ოდიშელის ბორგეული სულის დასაუარეებლად მამა ფრიდონის დამწყალობებული ჯოლოხავების კურატი.

როკი განერიდა უცოდველი სულიერის ჩამოკიდების სცენას. სიმღერა დიახაც უყვარდა ოდიშელის და „აქეთ ჩელა, იქით ბუსკაო“, რომ წამოიკვინესებდა ერგეტელი მეურმე ლაუ ჯოჯუა, მთელი სხეული ეჭინჭრებოდა ხოლმე.

„ჩელა“ — თეთრუა კამეჩი ეგონა რუსთავის მესამე ზონაში მოხვედრამდე, მაგრამ იქ ჯეროვნად დაუსაბუთეს, რომ აკობიას ლექსის პერსონაჟი თურმე ხარი ყოფილა.

ოდიშელის თვალში რასკოლნიკოვის წიგნსმიერ წარმოდგენებს შეთანაწყობილი მამა ფრიდონი და თვითონ ჩამავალ მზეს მიჩერებოდნენ ეკლესიის სანახევროდ მორღვეული გალავნიდან.

კვიტოულელი აფხაზები თავიანთი შეპირებული ერკემლით ანდრუშკა ლაბახუას ოჯახისკენ გაიკრიფნენ. იქ გაიმართებოდა უქმურის გამოოსალოცი სუფრა. იქ იმღერებდნენ შეწყობილად გადაპატივებული ძმები ავიძები „ურადის“ ილორელებთან ერთად როკის საპატივცემლოდ.

ჩელას წმინდა ნაწილები დიდრონი სინით გაეგზავნებოდა თოლელალირგამოთვალულ კაფანდარა წვიჟბას, მაგრამ ამწუთას, ამ სინოტივე შეპარულ დაისში, უფლის სილიადეს ჩააგონებდა ძე ცდომილს რასკოლნიკოვის სახის მამა ფრიდონი.

ოდიშელის გონება კი სხვაგან ჰქროდა, საპატიმროთა ჯურღმულებს ველარაფრით იცილებდა და მოძღვრის შეგონებანი თუ მისიანების ფუსფუსი, იოტისოდენადაც ვერ მიიმხრობდნენ თანამეინახედ ხარის დარღვეულ, აოხშივრებულ სხეულთან.

კაცობრიობას ადამიანისთვის რომ არ ეცალა, ამას როკი ჩინებულად ხვდებოდა კობო აბეს ქვიშის ორმში ჩაშვებამდეც.

ცივილიზაცია გალაქტიკებში აფათურებდა ხელებს, ხსნას და საშველს უკიდევანობაში ექებდა და მისი ნამდვილი სათავე — ადამიანი, უნებლიეთ განზე რჩებოდა.

ოდიშელია რუსთავში შეიტყობს სწორედ, რომ მკვლელს, ბოროტმოქმედს საერთოდ, განსხვავებული, ანუ როგორც იქაური მეტრები იტყოდვიან, პათოლოგიური გენებისაა — ორმოცდაექვსის ნაცვლად ორმოცდახუთი ან ორმოცდაშვიდი ქრომოსომა გამოჰყოლია. ცხადია, ამისი განზოგადობა უმართებულად ეჩვენებოდა როკის, თითქოს დანაშაულს მხოლოდ ფიზიკური მანკიერება ასაზრდოვებდა და არავითარ შემთხვევაში — სოციალური

სიღუბსიერი, მაგრამ მეცნიერს რომ შეედავო, ცოდნის სათანადო მარაგიც უნდა გაგაჩნდეს, თუნდაც — ზერელე და ასეთ ვითარებაში, ოდიშელია პირნათლად მისდევდა ძაკა ბაბუას დარიგებას — „სიმღერა თუ არ გემარჯვება, სინდისი მაინც იქონიე, სხვებს რომ ხელი არ შეუშალო“, და დუმილით მიუგდებდა ყურს პროფესიონალთა კამათს, რომელიც ხშირად უშუამწვავესად წარიმართებოდა ხოლმე და ზოგჯერ საქმეს ქურდი ასსების ჩარევა თუ უშველიდა.

მათალია, ავტორიტეტების ნაღები ფენა სამუდამო თავისუფლებაზე გასულიყო და მიწიერი პრობლემები აწ არასდროს შეაწუხებდა ჯოჯოხეთის თუ სამოთხის უკიდვანობაში დანაწილებულ მათ სულებს. დიდი ხანია წუთისოფლის საზრუნავს მოშორებოდნენ კოლია სვანი და ნური კაკუბავა, სოსო ორთავა და ილო დევდარიანი; მოგვიანებით მათ ამაღლას შეუერთდნენ თამბეგა და ანზორ მერკვილაძე.

ჟამი კი რბოდა უღმობელი და მიუკერძოებელი.

კოლონიებიდან, რესპუბლიკური საავადმყოფოდან თუ დაკეტილიდან თითქმის ერთდროულად განთავისუფლდებიან ფისო ქუჩულორია და წიაგო, თამაზ ჯარიაშვილი და თავუნა, ზურა ქართველიშვილი და ბაჭია, კუკური და ბონდო მუშლაძეები: ორი ანზორი — აღიანი და ხუციშვილი, ბასმაჩა ხაშურელი და ბაბუად წოდებული აბესალომ მანჯგალაძე.

მიმწოლი ჯაბა — ყველაზე ავტორიტეტიანი ქურდი, თავისი ნებით დაეხსნება ასსების გუნდს და მეცნიერების აღმართს შეუდგება. შორეულში იხდილიან კვლავაც სასჯელს ქურთი ნაჩე, ვახო დარსმელიძე; გივი კნიაზი ვლადიმირში გრემიტობს ბრილიანტის მხარდამხარ, ხოლო თავისუფლებაში მისი სეხნია ბერაძე, იგივე შრამიანი, ლეგენდარულ სახელს დაიგდებს მთელს კავშირში.

ქვეყანას აზანზარებს სლავკა იაპონჩიკა, მალინა და ვალოდია ჩოკნუტი. აფხაზეთში ჩამობრძანებულ ასსთა ასსებს ხელგაშლილად მასპინძლობს იქაურობის მკვიდრი, შორეულიდან ახალგაზრდა თავისუფლებული კაკო კოხია განუყრელ ძმაცაცთან, ნოდარ გრიგოლაიასთან ერთად.

წინამორბედთა ადგილს ღირსეულად იკავებენ ახალგაზრდა ქურდები: უშბა გუჯეჯიანი, დიმა ლორთქიფანიძე, გოგი ყურაშვილი, რაულ გოგილაშვილი, ნუგზარ მახარაძე, დიმა ბარამიძე.

განსხვავებული ფსიქოლოგიითა და განწყობილებებით მოაბიჯებს უფროსი თაობის რევიზიონისტული ცვლა.

მათი ლოზუნგი ძირისძირშივე უარყოფს ავტორიტეტებს, განზე სწევს დამსახურებებს თუ სიმბოლურ ჩინ-მედლებს. სრედი ვოროვ პოპა ნეტუ, ამ სიტყვებით შემოდინა ჭიქურ ქურდთა ასსების ამქარში და დაურიდლად იკავებენ გამოთავისუფლებულ არეებს. ვორი ვეს რავნი, ხოტ მოლოდოი, ხოტ — სტარი, * გაიძახიან წარამარა.

ალბათ, ესეც განაპირობებს ალბათ აშოტ კრივოსის სამარცხვინო მოს-

რიალებას სავარძლიდან ამ სიტყვის ყველაზე მძაფრი გაგებით.

ფეხებწართმეული ეს ინვალიდი ერთი სადისტი ვინმე გახლავთ. სულ რესპუბლიკურ სავადმყოფოში ისვენებს. მოუტანენ საქმელს ქურდები და პირველ ლუკმას იმათ ასიწებს, არიქა, არავინ მომწამლოსო.

ასსების ასსად წოდებული აშოტ კრივოი ჩარტყმის შემდეგ მთლად დაიძირება, განაძირალდება, მაგრამ გასამრჯელოს ხელს არ შეავლებს, გამოსწევს ტუმბოს უჯრას, ამოატანინებს იქიდან მოყუჩებულ ანაშის ბაშებს თუ კოლეინის ჩეკუშკებს და ფულსაც მათვე ჩაადებინებს, ვითომ ხელს არ იჭუჭყიანებს, თითქოსდა, ბარიგობა ეთაკილება.

რესპუბლიკური სავადმყოფოდან თბილისის დაკეტილი სამოც მეტრ-შია. გამოიხედავს ფანჯრიდან რომელიმე ქურდი, შეასწრებს თვალს კრივოი და გესლიანი ღიმილით გადასძახებს ლეგენდარული ბატონის მიმსგავსებით:

— ერთ საათში თუ არ გადმოხვალ, ქურდი არა ხარ!

ხელისგულისოდენა სარკმელთან გამოჭვრიტინების გამო ქურდი იძულებულია ყველაფერი ილონოს კრივოის წინაშე საკუთარი ღირსების გადასარჩენად. მუცელს გამოიფატრავს დანით და მყისვე ყურისძირა სავადმყოფოში გააქანებენ. იქ საოპერაციო მაგიდასთან ხელჯოხების რახარუხით როდის-როდის მიაკითხავს აშოტ კრივოი.

— ნამდვილი ქურდი ხარ! — დაისისინებს და ეს სიტყვა უკვე მილიციელის სამხრებზე ვარსკვლავის წამატებას უდრის ქურდულ სამყაროში.

ბევრი ვერ მოზომავს სამართებლის სიბასრეს და გადაჰყვება კიდევ აშოტ კრივოის იპოქნდრიებს, მაგრამ ახლებური გაგება ბოლოს მოუღებს გულღრძო კაცის გესლიან ღიმილს. ერთხელ იგივე მეთოდით გამოუხმობს კრივოი ღირსების დასამტკიცებლად ბუხუ ქუთაისელს, რომელიც მოგიჟიანების წყალობით მოახერხებს რესპუბლიკურ სავადმყოფოში გადმოსვლას და ასსების ასსი ვიდრე დაუდასტურებს ქურდების რიგში ყოფნის ამბავს, ხელიდან გამოგლეჯს ყავარჯნებს და თავზე გადაამსხვრევს. კრივოის უბედურებაც მაშინ დატრიალდება, ვინაიდან, როგორც ნამსხვრევები დაადასტურეს, თურმე ღრუში ფული ჰქონია გადამალული. აქამდე მას ებარა დაკეტილის ობშიაკის ფული, თანაც ისე, განუკითხავად. ახლა, ბუხუს როზგების შემდეგ კულდამოქვირინებული მამონა ენას რომ ამოიდგამს, ისედაც თავპირჩამომტვრეულს ასსები ანგარიშის ჩაბარებას მოსთხოვენ.

— საიდან მოიტანე ფულები კრივოი, აზოვის ბანკიდან? — ეტყვიან და ამოუქეჟავენ დავთრებს. დასხდებიან, დაიანგარიშებენ და ობშიაკის ფულში დანაკლისს რომ აღმოუჩინენ, თანაც ყავარჯენში გადამალული ერთიორად გადაფარავს იმ სინაკლულეს, თავზე ტაბურეტებს დააღეწავენ.

როკიმ ჩინებულად გაითავისა ერთი ეჭვმიუტანელი რეალობა: ვისაც კი ხელი მოხვდა ციხეში თუ ზონაში, იშვიათი გამონაკლისის გარდა, მერე ფეხზე ვერაფრით დადგა, ვერანაირად აღიდგინა ადრინდელი მორჭმული მდგომარეობა.

მართალია, აშოტ კრივოიმ ქურდული მუქიკების მეურვეობით გაამართლებს, საერთო თანხაში აღმოჩენილი ხარვეზებს, ყველაფერი მაგათგან შე-

მოგვდის და როგორ, უფლება არ მქონდა გაჭირვებაში ჩავარდილებს მივხმარებოდიო.

ქურდული მუჟიკები დამნაშავეთა სამყაროში ხარკის ამკრეფნი უფრო არიან. მათი მეოხებით ივსება საერთო ყულაბა, რომელიც მერე ასსებში ნაწილდება დამსახურებისამებრ. ქურდული მუჟიკები წლებზე ფეხს იდგამენ, ათას ფათერაკში იგდებენ თავს, რათა ეს ჯადოსნური სკივრი ყოველთვის სავსე იყოს, ფული კი იგივე თავისუფლებაა. ოთხი კედელი ვერაფერს აკლებს პატიმარს, ქისაში ოქრო თუ უჩხრიალებს. ქრთამი ჯოჯოხეთს ანათებსო, უთქვამთ, ამიტომაც მოილტვიან ქესეტა გამოძიებლები და მოსამართლეები ზონისკენ. ყოველი სურვილის განხორციელება გაათამაგებული ღირებულებისა კოლონიაში ცხოვრებისეულთან შედარებით, და დიხაც ქერის ორმოა იგი სამართალდამცავი ორგანოების მუშაკთათვის, მაგრამ როგორც ვახსენეთ, ჯადოსნური ჭერხო ქურდული მუჟიკების მეცადინეობით დავლათიანდება. ეს უკანასკნელნი ამიტომაც არიან ხელდასმულები ასსებისგან. გაჭირვების ჟამს არასდროს გასწირავენ ავტორიტეტები თავიანთი ჭირნახულის მოამაგე ბიჭებს.

სამოცდაათიანი წლების საქართველოს მთავრობა ფართომასშტაბიანი ფრონტით შეუტევს რესპუბლიკაში გაბატონებულ კორუფციას, აღვირს ამოსდებს კომბინატორების პარპაშს და ციხეები გაუმძღარი მადის პიროვნებებით გაავსება. ათი-თორმეტი წელიწადს ჩამოურიგებს თითოეულს. უძრავ-მოძრავ ქონებას ჩამოართმევს, კონფისკაციას გაუკეთებს ხილულ სიმდიდრეებს, რომელიც რიგითი მშრომელების ნაოფლარისგან შეკოწიწდა არსებითად, მაგრამ ადამიანს, მითუფრო მდულარეში ხელებიაწყობილს, ყოველთვის გადაუნახავს შავი დღისთვის, ჰოდა, ამ გიგანტურ თანხას თავისებურად ამოქაჩავს სატუსაღოს ბინადართა სხვადასხვა ფენა. მუღერები ყომარში ცინცლავდნენ ფულს კომბინატორებს; ზედამხედველები ათმაგად ახდევინებდნენ ჩვეული მიდრეკილებების დაკმაყოფილებისთვის. ქურდული მუჟიკები კი ფუთიანი მუშტებით დაადგებიან თავზე ქვეყნის მყლეფელებს და ბოლომდე ამოაბერტყენებენ ჯიბეებს.

ხელისუფლება ყველანაირად ცდილობს რაღაც ქმედითი იარაღი დაუპირსპიროს ქურდების პარპაშს ცხრაკლიტულებში. ამიტომაც გვეგმაზომიერად წითლდება ზონები. სამკლავურიანების სიმრავლე ერთობლივი ძალით უკუაგდებს ასსების ფეხმორთხმულ უზრუნველობას და სწორედ ამისთანა ვითარებებისთვის გახლავთ ზედგამოჭრილი ოდიშელიას კატეგორიის ხალხი.

ასსები ჩააწყობენ უფროსებში საქმეებს და მთელ ბრიგადას აგზავნიან გაწითლებული ზონის გასაშაველად, იგივე ქურდული კანონების აღსადგენად. ნარუჯაში ორი კვირა დასჭირდება როკის ზონის მოსარჯულებლად, ლაითურში — თვენახევარი, წულუკიში — მთელი ნახევარი წელიწადი, მაგრამ ყოველივე ამას ოდიშელია ჭერაც გაუცნობიერებლად მოიმოქმედებს. ასსების ბრწყინვალეობა მისთანების ოფლის და სისხლის კვარცხლბეკზე რომ აღმართუ-

ლა, მოგვიანებით გაითავისებს შორეულ უდაბნოეთსა და ყინულეთში.

საკანში, რომელიც დამნაშავეთა სამყაროს უმცირესი უჭრედია, ასეების კანონმდებლობა თუ არ სუფევს, იქ ქურდული მანერები ზედმეტი ბარგია, შესაძლოა საზიანოც, ამიტომაც ბათის ხელში ასაყვანად საბაზი უცებ გამოგეჩითება, მთავარია უდრეკელი და მიმწოლი იყო.

ჩრდილოეთში ეტაპამდე ორი წლით ადრე, ერთ-ერთი პერესილკის გავლის დროს, აქტიუბინსკში, როკის ძარღვებს აუშლის საკნის აუტანელ ანტისანიტარიას. ტუალეტი გაჭედილა და ფეკალური მასა დანტეს ჯოჯოხეთისეული ყროლებით შემოედინება საცხოვრისში. შუაგული აგვისტო თანთანებს გარეთ. სიო არ იძვრის. ჭერის კუთხეები ობობათა ქსელს დაუბანლავს. რწყილები ბარდის ეკლებივით იკბინებიან. წითელი და შავი ტარაკანების მეჭლისია ავგას თავლაში, ჰერაკლე კი არა და არ ჩანს. კოჭებამდე წყალი საკანში. ზედა საწოლებზე არხეინად მოკალათებულან. თვალეტი დაუყვლებიათ, ტუჩები გადმოვარდნიათ ყაყჩოს ბაშებისგან. არც იქით აწუხებენ ვინმეს და აღარც აქეთ აკლავენ თავს. ჰოდა, შეიფანეს როკი ამისთანა სანეხეში. ეგრევე პირზე იფარებს ცხვირსახოცს. კარებს არ სცილდება, რადგანაც ამაზრზენი მასა კოჭებამდე უნდა გატოპო საწოლამდე მისალწვეად.

— ყველა ხაროშნიკი რომ შეყრილხართ, ვინმემ ხომ უნდა გახვეტოს ხატა, სხვა ხომ არ შემოვა თქვენს მაგივრად, სხვა ხომ არ დაგილაგებთ კამერას? — ამბობს ოდიშელია მოგუდულის ხმით.

აქაურობას ქურდული მუჟიკი მიშკა სლეპოი აკონტროლებს. გამოქობამაგების ნაცვლად აქეთ მოსდებს შარს.

— ჯერ შენ გვანახე მაგალითი და მერე არც ჩვენ დავიზარებთო.

— მაგას მე შერცხვენად არ მივიჩნევ, არც — ღირსების აყრად, ოღონდ კამერაში, ამ ორმოც კაცში ერთი გრეხიანიმ თუ გამოყრია, რომელსაც ოცდაოთხი საათი ცოცხი უნდა ეკავოს ხელში წესით, მაშინ ცხვირ-პირს დაგინაყავ! — გაცეცხლდება როკი.

მიშკას ჩინებულად მოეხსენება გრეხი რაც არის. ტანდაბალია, მელოტი, გაბურძენილი. სულ ილღიებში იქექება. ღიბი გადმოვარდნია. მოშვებულობის განსახიერებაა. თავს იკატუნებს, ამიტომაც ეკითხება გამოთაყვანებული იერით:

— რა გაქვს მხედველობაში? — კოჭებამდე წუნწუხოში მოტყლაპუნობს მიშკა სლეპოი. გამოაღწევს მშრალზე. წინ უჩერდება.

— გრეხი ხომ იცი რაც არის, თუ თავს ისულელებ?! თვალის ერთი გადავლებითაც საკმარისია გაერკვე, ვინ როგორ სუნთქავთ. ზოგი ფუფულოჩნიკია, ზოგი ბუგორი, მალალეტკებში ნასეტკაც და პრესხატის ტვარებიც ბლომად გირევიათ.

— ვიცი.

— მაშინ მოეთრიე აქ და მომიხადე ბოდიში! — თვალების წნეხში ატარებს ოდიშელია სლეპოის. — „ეს თვალეზადმოზრეცილი ათასჯერ ბრმაა.

ვინემ ლაღი ჭანია“. ჰიგიენის მაგალითის ჩვენებისკენ მომიწოდებდი ამ ახვრების წინაშე? შენ მე უნირშიმ ან ზავზოზში ხომ არ გეშლები?

აწრიალებული მიშკა იღლიებს მოიქეჟავს და ამოღერღავს ბოლოს და ბოლოს:

— ბოღიშს ვერ მოგხბდი.

— როცა მექანკურად აშავებ და არა შეგნებულად, ბოღიშის მოხდა სათაკილო როღია. ეს პირიქით, შენს ღირსებაზე მიუთითებს. მაგრამ ამღენ ახვარს იატაკი გაუხვეტეო, რომ მასაქმებ, თან არც ბოღიშის მოხდა გინდა, გგონია გაპატიებ?!
— რა მოხდა, ვიხუმრე, — დაიჯღანება სღეპოი.

— ახ, იხუმრე?! — თვალებს მოწკაურავს როკი, და გაუქანებს მუშტს ღრუნჩებში. დავარღება. აშმორებული წყლის შხეფი გაიფანტეს საკნის ხელმარჯენივ, საწოლების მიმართულებით. ტუსაღები ბაყაყბივით გამოყოფენ თავებს, ოღონდ ეგ არის, ყოყინი არსაიღან ისმის. წამოღღება თუ არა მიშკა წინ გაუჩერდა როკის და მიმალღებინეო, ითხოვს.

რადგანაც საკანში ასსთაგანი არავინ ზის, ზეკს კი არ შეუღღია გაღაწყიტოს მიღღებინოს თუ არა დაზარალღებულს, ამოღ იკამათებენ ღოგინებზე წამოკუბებულღები. ვერაფერს დაღღენენ, და როცა სღეპოიმ ერთხელაც ითხოვს მიღღებინებას, ოღიშელია მთღად მგღისფერს დაიღებს.

— კიღევ არ შეიგნე შენი სიმტყუენე? დაგბრიღავ საერთოღ! — დაემუქრება და მიშკა სამუღამოღ გაიკმინღავს ხმას. — უმჯობესია ჩამოყარე კოიკებიღან შენი ხალხი. აიღეთ კრუჟკები და მისცხეთ კარებს, კეღღებს, ჭერს, იატაკს, უნირისა და ხოზახსღღუგის ძახიღით! — მოსჭრის და ორი წუთიღც არ გავა, რომ გამაყრუებულღი ხმაური გიურზას უხამივით დაუღლის ძარღვებში ყახახეთის ხვატით გათანგულ ციხეს.

ორმოც ამბოხებულ პატიმარს თექსმეტი კვადრატული მეტრის ოთახში ჩაკეტავენ. განრისხებულღი აღმინისტრაცია გაგანია ზაფხულში გათბობას ჩართავს და ოთხივე რადიატორს გაათარანებს. როკი კუთხეში მიმჯღარ მომცრო სარკმლის სიახლოვეს. ბეტონის იატაკზე უნღათ გაგორება, რომელიც შეღარებით გრიღია ამ გავარვარებულ საკირეთში, მაგრამ ხეში გაკვეხებულღი სოღივითაა თითოეულღი. მოსაფხანად ხელი ვერ მიუტანიათ იღღიასთან. გაიშვიათღება ჰაერი. საორთქლეში შეგღებულღებს ჰგვანან ოღღღში გახვიტულღები. დაფენიღ პირებს მალღა სწევენ ღღღემღღვერულ ღორჯოებსავით. ნახევარი საათი ძღივს ჩაზოზინღება და იწყებს გულყრები. უქანგბადღობაა. გაიტანენ ერთს, მეორეს. მიშკა სღეპოიღც გულშეწუხებულღთა სამეულშია. ორიოღღე საათში განახვერღება ტუსაღთა რაოღენობა. ატბოსთვის ერთაღერთი როკიღა რჩება კუთხეში ჩაყუნცულღი ჩაქამუღლის თვალღებით, მაგრამ მეხანძრეების შღანგებით გაკრიალებულღია სღეპოის საკანი და ჯანღდაბას, ღირს ეს ყვეღაფერი თავის გაღაღებაღ.

ასეთიღც შეემთხვა ოღიშელიას, ოღონდ უკვე ჩრდიღღეთში, ექსპერი-

მენტული ზონაში ყოფნისას. ვიდრე იქ ზატოჩნიკი იხდის სასჯელს, სიმშვიდე სუფევს, შეხლა-შემოხლა ძირითადად ადმინისტრაციასთანაა, მაგრამ გამოუძახებენ ვასიას ბარგიანად და სიტუაცია მყისვე დაიძაბება. კაზბეკა და შლანდორიკი გვიხსენებია. ამ უკანასკნელის კლიკუხამ ტკბილეულის თაიგულს ნიშნავს. ზატოჩნიკის მოსვლამდე ეგენი კარნახობდნენ ზონას. წავა და მოინდომებენ ჩამორთმეული რეგალიების აღდგენას, არადა, წინ პანტერას ავტორიტეტი გადაეღობებათ, რომელსაც ზურგს ვალერი გლატკოვის თანადგომაც უმაგრებს. ამ სამეულის გამოჩენას ქურდულ მუქიკებისთვის რა ხანია საზრდო წაურთმევია. გასარჩევად სიარული მიუტოვებია მათთან მასას, რაც ცხადია, შურით აღავსებს ორივეს და ახლა ყველაფერს აკეთებს იმისთვის, რათა კვანტი გამოსდონ როკის და ვალერი გლატკოვს. აღმართზე მიმავალს ქვა რომ მოეწევა ამაზე ითქმის. სიტყვიერი პაექრობა მალე მწვავე ხასიათს მიიღებს. ოდიშელია დაურიდლად აშიშვლებს მათი საქციელის უხამსობას, რომ მაგათი ჩადენილი ქმედებანი ქვენაა. ნაძირლობაა პატიმრებისთვის გზავნილობების ართმევა. სამუშაოზე გაუსვლელობისთვის ხალხის ცემა და შანტაჟი ფაქტობრივად სტეპანცევის მიმხრობაა, და არაფრით განსხვავდება დანარჩენი ბოზური საქმისგან.

ერთ მშვენიერ დღეს სანდო ბიჭებს შეაგროვებს ოდიშელია ვალერკას მეთაურობით და შლანდორიკს და კაზბეკას თავის ხატაში უხმობს. გაღვივებულ ღუმელთან წევს როკი. ვინ იცის, მერამდენე კარცერის სულიერ ტრამვებს იშუშებს. შემოვიღენ თუ არა, არც კი დააყოვნებს, ღუმელიდან ეგრევე გამოიღებს ერთმეტროიანი საცეცხლურს, რომელიც ორმოც სანტიმეტრზე მაინც ზაფრანასავით გაავარვარებულა და მეორე ხელში დანაამოშიშვლებულმა უხათქუნებს და უხათქუნებს თავპირზე ორივეს. კბილები ხომ დასძვრებათ ზომაზე მეტად, არც მძიმე კატეგორიის სიღამწვრისგან იხეირებენ. დაემტვრევათ ხელები. სანიტარულ ნაწილში წაასვენებენ ცოცხალ-მკვდრებს.

ერთ საათში შემოცვივდებიან ზედამხედველები და კარცერიდან კვირის წინ გამოსულს ბურის იზოლატორში გააქანებენ ისევ, მაგრამ როგორც მოგვიანებით შეიტყობს ოდიშელია დაზარალებულები ჩვენებს არ იძლევიან. მაშასადამე ძიება ვერაფერს დაუმტკიცებს და ცილისწამებისთვის, უკანონოდ დასჯისთვის შიმშილობას გამოაცხადებს. ორმოცდაშვიდი დღე უთვალთვალებს მის გამძლეობას პოდპოლკოვნიკი სტეპანცევი, მაგრამ ბოლოს კვლავ ლიუდმილა ეგვენიევანს მეცადინეობით სანიტარულ ნაწილში გადაიყვანენ, როგორც სიკვდილის ზღვრამდე მიღწეულს.

ეს ყველაფერი ქურდული მუქიკის ხასიათის გასახსნელად მოვიშველიეთ. დიახ, მათი შეუპოვრობითა და გამჭირახობით სულდგმულებენ ასსები.

საქართველოს ხელისუფლება, როგორც ზემოთ აღვნიშნეთ, მრავალნაირ ხრიკს მიმართავდა საპატიმროებში ქურდული გაგების მოსაშლელად. რუსთავის მესამე ზონა ამ თვალსაზრისით ფრიად ნოყიერი ნიადაგი გამოდ-

გება. ექსპერიმენტებს აქედან ჩაუყრიან საფუძველს. რამდენიმე თვეში მას თითო საჩვენებელ, სამაგალითო ზონად აქცევენ. გამეფდება მკაცრი რეჟიმი, სისუფთავე. ორიათასი პატიმრიდან ათასსუთასამდე უკვე სვევებს წევრია. აქ ქურდი ვერ გაიჭაჭანებს. თუ მაინცდამაინც გამოამწყსებენ, პირდაპირ პეკეტეში* ხვდება, რომელიც ჩვენთვის ცნობილი ბურავიკების ქართული მოდიფიკაციაა. სვევებს მესვეურება აფხაზეთის საპასპორტო მაგიდის ყოფილ უფროსს, ვინმე კვეკვესკირს მიანდობენ. იმპერიის მიერ გააფხაზებულმა, წარმოშობით ქართველი კაცი მთელს ზონას ხელში აიყვანს პეკეტელების გამოკლებით. ყველას შიშის ზარს სცემს, მათაც, ხელები მუხლჩაუხრელი შრომით რომ გადაყლდებიან. საქმე ისაა, რომ თუ ვინმე სამკლავურს იუკადრიძეს, კვეკვესკირი არ დაუდასტურებს ხელმოწერით სვევებს წევრობას, ეს კი ნიშნავს, ყველგვარი შეღავათი მოხსნილია მის მიმართ, პატიმარს ადრე გამოთავისუფლებას არ ღირსებს.

ამ მხრივ განსაკუთრებით ზარალდებიან პეკეტეში მოხვედრილი „ნევრდნიე მუჟიკები“, * რომლებიც თავს არავის დააჩაგვრინებენ, არც ვინმეს ერჩიან მაინცდამაინც, შრომა მოთხოვნილებად გადაქცევიან და მიწას ცხვირით ხნავენ, მაგრამ ამავდროულად სამკლავურს არაფრისდიდებით გაიკეთებენ, და პეკეტეში მოთავსებული როკი და აზო სწორედ ამისთანებს დაეყრდნენ ზონის გადატრიალების საქმეში. იქიდან აწვდიან ქსივებს სანდო ხალხთან, ინსტრუქციებს უგზავნიან როგორ მოუღონ ბოლო ზონის ურჩხულს.

მთელი კვირა დასჭირდება აჯანყების მომზადებას. დაღეწავენ ლოგინებს, რკინებს შუბებივით ააფხიანებენ. სვევებს ალაამდარს მოხერხებულ დროს სტაცებენ ხელს, თავს წაათლიან და ზონის ჭიშკრის წაწვეტებულ ბოძზე წამოაცვამენ.

ხალხი საკნებში გამაგრდება. საათივით აწყობილ კოლონიას რამდენიმე კვირაში წირვას გამოუყვანენ. ფეხზე დადგება მთელი სამინისტრო. მოაწყდებიან აქაურობას ჯარისკაცები ჯავშანტრანსპორტიორებითა და ნაგაზებით, მაგრამ საქმე დიდ მსხვერპლამდე არ მისვლა. რესპუბლიკის ხელმძღვანელობა შეთქმულების ორგანიზატორების გამოვლენას მოითხოვს. ყველას პეკეტესკენ ეჭირა თვალი, სადაც ოდიშელია გამოუმწყვდევიათ. ახლა მას სერიოზულზე სერიოზული ბრალი ედება — მასობრივი შფოთვის ორგანიზება, ადამიანის სიცოცხლის ხელყოფა. მართალია, ადმინისტრაციას რაიმე სამხილი მასალა არ მოეპოვება, არც — სიტყვიერი, აღარც — საბუთიერი, მაგრამ გუმანით ხვდებიან, რომ ამისი ამწეწავი როკის მეტი ვერავინ იქნება.

წარუყენებენ კიდევ ბრალდებას უცერემონიოდ. საკნიდან გაყვანას მოუნდომებენ — თბილისის საგამომძიებლო იზოლატორში, მაგრამ მეგობრები კარს ნარიდან აგლეჯილი ფიცრებით ამოხერგავენ. დაძაბულობა რიკზეა მისული, როგორც ქურდულ სამყაროში, ისე — პოლიტიკურ არენაზე.

ქვეყნის მმართველი თორმეტი ბერი უკვე მიხრწნილი და მოფაფალებული ლეონიდის მეთაურობით მთელი საბჭოეთის შეუნიღბავი გარუსების პოლიტიკას დასდგომა. შემუშავდება კონსტიტუციის პროექტი, რომელიც მოკავშირე რესპუბლიკებს მშობლიურ ენად რუსულს სთავაზობს საკუთარის უზულუბებლუფობის ხარჯზე. დედაქალაქში მღელვარება პიკს მიღწევს. პირველად აღიმართება მთავრობათა სახლის წინ ეროვნული შინდისფერი დროშები, წმინდა გიორგის ხატები, გაშლიან აღმაშენებლისდროინდელ ბაიარღებს.

რესპუბლიკის ხელისუფლება ხალხს დაჰპირდება, რომ ქართული ენა იყო, არის და იქნება ჩვენი სახელმწიფოებრიობის განუყოფელი ატრიბუტო. თოთხმეტი აპრილის მღელვარებანი ჩხეიძეების ასულის თაოსნობით უკვე დაშოშმინებული გახლავთ, რადგანაც გიგანტი ქვეყნის გამგებლებს დამაჯერებლად დაარწმუნებენ, რომ მშობლიური ენების წართმევა კატასტროფად მოეკლინება მთელს საბჭოეთს. რუსული ისედაც მიღებულია სახელმწიფო ენის დონეზე. ფირნიშები ბილინგვურად მეტყველებენ რუსულ-რომელიდაცურად. აეროპორტებში თვითმფრინავების აფრენა და დაშვება ჩრდილოეთის ენაზე სრულდება. სავალდებულო სასწავლებელ დისციპლინად შემოიტანენ რუსულს საშუალო სკოლებში, უნივერსიტეტებში. მეტი რაღა უნდათ?! საზღვარგარეთ წარგზავნილ ცეკვისა და სიმღერის ანსამბლებს რუსეთისად ნათლავენ უცხოელები, გნებავთ საქართველოდან ყოფილან ისინი და გნებავთ — იაკუტიიდან. მანქანების სერეები კირილიცას შრიფტით იკითხება მხოლოდ.

მოკლედ, როგორც ჩანს, დასაბუთებული მოსაზრება გასჭრის და გამთენიიდან აბობოქრებული თბილისი უკვე სადამოსპირზე აღტკინებული ზემობს მშობლიური ენის გადარჩენას.

იმ წუთებში დაიბადება ცოცხალი ანეგდოტი ოდიშში.

— თქვენ იკითხეთ თორემ, ჩვენ კი გვაქვს ზაპასნოი,* — გაეოხუნჯება პეტეო თოდუა საგასტროლოდ ჩამოსულ თბილისელ თეატრალებს. ასე გადაარჩენს იუმორის უგვირგვინო მეფე ოცდაოთხსაუკუნოვან ქართულ ენას.

ცისქვეშეთი დაშოშმინდება თავსხმა წვიმისგან მოდიდებულ მდინარესავით; მაგრამ რუსთავის მესამე ზონაში ჯერ კიდევ მივინვარებს პატიმრების რისხვა. პეკეტელები საგანგებოდ მოვლინებულ მამულოვს დოკუმენტურად უმტკიცებენ კვეკვესკირის არაადამიანურ ქმედებებს — თუ როგორ ავიწროვებდა „ნევრედნი მუჟიკებს“, გამოგონილი ბრალდებებით რანაირად უმძიმებდა საქმეებს, რათა ოჯახს მონატრებულ კაცს მთავრობის გამოცხადებული ამნისტიები არ ღირსებოდა. მასალა იმდენი დაგროვებულა, კვეკვესკირი ბაყბაყდევიც ყოფილიყო, ცხრა თავიდან ერთიც არ შერჩებოდა მხრებზე, მაგრამ მამულოვმა დაბეჯითებით იცის, რომ ამგვარი ამბოხებანი სტიქიურად ფაქტობრივად არ ხდება. მას ჰყავს უეჭველი, უცილობელი სულისჩამდგმელი, ორგანიზატორი. ასეთებს კი რატომღაც არავინ ასახელებს, თვით საგულდაგულად შენიღბული ნასეტკებიც.

არჩევანი ისევ და ისევ ოდიშელიაზე შეჩერდება. გენერლებიდან მოყოლებული, ევრეიტორების ჩათვლით ამ დავიდარაბის შემოქმედად როკის მიიჩნევენ, მიუხედავად იმისა, რომ იგი საერთოდ არ გაჰყარებია პატიმრების ბობოქრობას. რკინის წაწვეტებულ ბოძზე კვეკვესკირის თავის წამოცმის პერიოდში ოდიშელია პეკეტეს შენობაში გამოემწყვდიათ და რადგანაც განტყვევის ვაცი აუცილებელია, ხელისუფლების წინაშე მეტი მხარგაშლილობით რომ წარსდგნენ, პანტერაზე უკეთეს კანდიდატურას ვერც დაასახელებენ.

დავუშვათ, რომ რუსთავის ამბებში უცოდველი გახლავთ იგი, მამა აბრაამის ბატკანი, მაგრამ ერთი და ორი ზონის სანიმუშო წესრიგი გაუყოლებია ჩაილურის წყლებისთვის?!

ნარდაიებმა და საბეკიებმა გასაშლელი მაგიდები შემოიტანეს ილორის ეზოში. თან მოაყოლეს ხელს ჯამ-ჭურჭელი. ცაცხვის ხის ძირას ასკაციანი სუფრა გაიშალა.

ვთქვით, პურ-მარლიოს თადარიგი დროულად დაეჭირათ ოდიშელიებს, საზეიმო ელ-ფერი წვიჭების გადმოპატიჟებამაც დაამშვენა და სუფრა მალე ქეთვის ეშხში შევიდა, როკის გონება კი კვლავინდებურად რუსთავის მესამე ზონის ორომტრიალს დაჰფოფინებდა.

ორმოცამდე პატიმარი ცოცხალი თავით არ აპირებს ოდიშელიას დათმობას. როგორც ვახსენეთ, შესასვლელ კარებთან როკის თანასაკნელები ბარიკადებს აღმართავენ და მოლაპარაკებისთვის წარმოგზავნილებს პირში ჩალაგამოვლებულებს ისტუმრებენ. მხოლოდ შებინდების მერე, დედაქალაქში ამბოხებული სტუდენტების დაშოშმინების შემდეგ, დაცხრა რამდენადმე ზედამხედველების მუქარებით დატუმბული შემოტევა.

ყველაფერ ამას დროებით წუთშესვენებად მიიჩნევენ საკნის ავტორიტეტები, ამიტომაც მთელი ღამე თვალს არავენ მოხუჭავს. ოდიშელია კი თავისი გოლგოთის სამზადისს შეუდგება. მოუტანენ თხოვნისამებრ ნემსს, ათნომერ შავ ძაფს, ნიორს, ასანთს, საკაკუტე ლურსმნებს. შეტყუებული მუშტების სისხლა ქვას სამიოდე დღის წინ შემოატანიებს ზედამხედველს ათ მანეთად.

საკანს სავსე მთვარე ასინათებს, მრავლისმომსწრე, ხალებიანი და მიბნედილი, სრულიად საქართველოს სათაყვანებელი ღვთაება თუთა, მამრს რომ განასახიერებს კოლხურ ხალხურ ლექსში.

— სანამ საქართველო შინაგანად არ შეიკვრება ერთ სხეულად, ერთი სულსკვეთებით არ აჟღერდება ყველა სიმი, ჩვენი საშველი არ იქნება, — წამოიწყებს საუბარს გიორგი ნუნისელი. წვერებიან ამ ძვალკანა ყმაწვილკაცს ქუთაისის ციხიდან გადმოიყვანენ რამდენიმე კვირის წინ. სინდისის პატიმარია. პეკეტეში კვეკვესკირის სამკლავურების მიფურთხებისთვის დაშმწყვდევათ, — დასაბამისეულ აღმოჩენამდე მიმიყვანა პარადოქსებით აღსავსე ჩვენს ისტორიაში ჩაღრმავებამ. ნუნისის ქვათა კომპლექსი მსოფლიოს მერვე საცრებაა.

— მართალია, — სიტყვას ჩამოართმევს ძვალმსხვილი, შემელოტებული კაცი, — ჩვენი ისტორია გაუკუღმართებული რომ არ იყოს, მთელი ცივილიზაციის სურათის აღდგენას შეეძლებდით მისით, მაგრამ გაუარკვეველია ჩემთვის, რისთვის ვამახინჯებთ ექვმიუტანელ ფაქტებს? ბოლოს და ბოლოს ხომ უნდა არსებობდეს მეცნიერული სინდისი? — ვლადიმირ ჩუბინიძე გამომცდელად შეხედავს პატიმართა მთვარის შუქით გაყვითლებულ სახეებს. იატაკზე სხედან. ლოგინები ისედაც დაღეწილია და შემოსასვლელსაა მიხერგილი.

— ყველაფერი ლაზარესთანაა თავმოყრილი, — ჩაერთვება საუბარში მამა იონა, — შეჭლარავებული წვერს ნებიერად მოივარცხნის თითებით, — უფლის ადამ-წესს რომ გავემიჯნეთ, იმიტომაც ვიძიებთ კბილების ღრჭენას. მომავალში უარესია მოსალოდნელი, რადგანაც დავარღვიეთ წმინდა წიგნის თავდაპირველი გაგება. ლაზარე კი საყვრია ჩვენი მიძინებული სულების გამოსაღვიძებლად.

— დილამდე კი გვაქვს თავზესაყრელი დრო, მაგრამ ვატყობ ჩვენი საუბართი ერთი კალაპოტით ველარ მიმდინარეობს. ამდენად, შემძლია დავასკვნა: ალთა-ბალთას გამოკიდებით ჭეშმარიტების დადგენა სრულიად უსაგნურია. მე რომ კაცმა მკითხოს, ქრისტე, როგორც ღმერთი, არც კი არსებულა. კი, ბატონებო, იგი ყველა ჩვენგანით დიახაც ბინადრობდა დროსა და სივრცეში დაახლოებით ოცი საუკუნის მიღმა, მაგრამ სამყაროს შექმნის მამაღმერთისეული ექვსდღიანი ოდისეა კაცობრიობის ინფანტილიზმის დამადასტურებელია მხოლოდ, სხვა არაფერი. მოვა დრო და ჩვენს შთამომავლობას სასაცილოდაც არ ეყოფა ჩვენი წარმოდგენები ღმერთზე საერთოდ, როგორც სამყაროს მამოძრავებელ ძალაზე, — ჩუბინიძეს სიტყვის გაგრძელება უნდა, მაგრამ მამა იონა არ დააცლის:

— გეშინოდეს უფლის რისხვისა, შვილო, ჩემო!

— კი, ბატონო, გამისკდა შიშისგან გული! ამაზე მე ვაგებ პასუხს ჯოჯოხეთის კუპრში ყურყუმელაობით, თორემ შენ ხომ არა?! — ვლადიმირი თავმომწონედ მიიხედ-მოიხედავს პატიმრებში. როცა შეატყობს ოცდაცხრამეტივე მამაკაცი გასუსულია, განაგრძობს, — ბოლოს და ბოლოს გამოვკვეთოთ ჩვენი პოზიციები. თუკი მამაღმერთი აბსოლუტური ჭეშმარიტებაა, გეკითხებით, რაში დასჭირდა მას საკუთარ ხატად და სახედ უბადრუკი ადამიანის ტალახისგან მოცოდვილება?! ან თუ შეითხნა იგი, რატომ ვერ უპატრონა ბოლომდე?! რატომ დაუშვა სათანადო ზეგავლენები მასზე?! განა თავიდან არ უწყოდა, რომ მისი შექმნილი ასლია მხოლოდ სრულყოფილებისა და დედნის ტოლფასი ვერასოდეს იქნებოდა?! რა თამაშებია, რა აბუჩად აგდება! ამოაცალა ნენის ადამს და მოწყენის გასაქარვებლად ქალი მიართვა. ტალახის მეტი რა ჰქონდა?! მოეზილა თიხა სვებედნიერს ხელმეორედ და ბარემ ევაც მსგავსი მასალისგან გამოეძერწა. ახლა ქალი ორნახადი არაყივითაა.

— ეჰ, დაღევდა კაცი, — აღმოხდება სამურზაყანოელ ნოდარ ქარდავას.

— დიახ, ორნახადი არაყვივითაა ქალი, ამიტომაც იხვეჭს დღითი დღე პრივილეგიებს. რაც დაბეჩავებული იყო საუკუნეების მანძილზე, და დღემდე კნინდება კვლავაც მუჰამედის სჯულის წყალობით თუ ჩვენეული ცხოვრების ნიროთ, მერწმუნეთ, ერთიასად აინაზღაურებს მომავალში. მოკლედ, ეს თემა გინოკოლოგებისთვის დაგვითმია, ჩვენ კი უმჯობესია დავუბრუნდეთ უფლის სუბსტანციურობის საკითხს.

რომელ ერთს არ გაგვიღებათ ახლა, თქვენი მასუდგმულელები ღმერთი, აი, ეს გაფიშქვინებული მთვარეაო, რომ გითხრათ? გავიძახოდით ძველკოლხები: მზე დედაა ჩემი, მთვარე — მამა ჩემი, გაბადრული ვარსკვლავები, და და ძმია ჩემიო, მაგრამ ეს ყველაფერი ხომ პოეტიზებული სინამდვილეა, ბატონებო, და არავითარ შემთხვევაში თუნდაც რეალობასთან ნემსისყუნწისხელად მიახლოებული ჭეშმარიტება.

ნემსის ხსენებაზე ოცდაცხრამეტი მამაკაცი როკისკენ იბრუნებს პირი, მაგრამ იგი თავისი საქმით გართულა, ძათს პოხავს ნივრის გაფცქვნილი კბილით. გაწამაწიაში აწყვიტოვებ ღილებს აკერებსო, იფიქრებენ.

— მაინც როგორ წარმოგიდგენიათ ღმერთი, შვილო ჩემო, ვლადიმირ? — სცდის მღელვარების დაფარვას მამა იონა, — ვის გაეყვეთ, დიალექტიკურ მატერიალიზმს, ჩიხში რომ მოამწყდია ადამიანი? იქნებ ბუდას, რომელიც კეთილისა და ბოროტის ჯამია? ან იედოვას, რომელიც 144 ათას ებრაელსა და აღუთქვამს ცად ამალღებას? იქნებ ალაჰს მუჰამედისეულს, რომელიც უარყოფს ქრისტეს უბიწო ჩასახვას, ჯვარცმას და ცად ამალღებას? თუ სამებას უზენაესს — მამაღმერთის, ძე ღმერთისა და სულიწმინდის ურღვევ კავშირს?!

— აღარცერთს მამაო, იონა, არანაირს, — გაიღიმებს ჩუბინიძე, — ღმერთი მოკვდაო, გამოაცხადა ნიცშეს ზარატუსტრამ და არ არის ეს კომუნისტების ურჯუკელი ათეიზმი. ღმერთი ჩემი შეხედულებით ცნობიერი-სა და არაცნობიერის ერთობლიობაა, ოღონდ აქ პირველი დაქვემდებარებულია მეორეს. ღმერთი ჩემეული გაგებით მატერიაა დროსა და სივრცეში.

— მოძრავი მატერია, — შეუსწორა მსხვილულვაშიანი მელოტი ჯემალ გეგეჭკორი.

— მართალს ბრძანებთ, მოძრავი მატერიაა დროსა და სივრცეში, ოთხი განზომილება, რომელიც საკუთარ თავს შეიცნობს ამ შემადგენელი ნაწილების თანამშრომლობის ნიადაგზე, იგივე ადამიანის მეშვეობით. ადამიანი მთელი სამყაროს მოდელია, ამიტომაც მისთვის ნიშანდობლივი, წესით, სამყაროსაც უნდა ახასიათებდეს გრანდიოზულ მასშტაბებში. კონკრეტული ადამიანი მოკვდავია, მაგრამ კაცობრიობა — დაუსაბამო, ერთეულების მაგალითი აქ არ გამოგვადგება. მარტივად თუ ვიტყვით, სამყაროს დაშლის უკიდურესი წერტილი ადამიანია. ჯერჯერობით მატერიისთვის ამისთანა ერთეულად ატომია დასახელებული, რომელიც ჩემის ღრმა რწმენით კვლავაც განიყოფა მრავალ ნაწილებად, — ეტყობა ჩუბინიძეს განათლება რუსეთში მიელო, კრებით ნაც-

ვალსახელს მრავლობითში უთანხმებდა არსებით სახელს მხოლობითის ნაცვლად, — ასე რომ, მაკრო განზომილებებისკენ და მიკრო სიდიდეებისკენ სირბილი ჭეშმარიტების საზღვრებამდე ვერ მიგვიყვანს. ბატონებო, სამყარო ჰგავს ბოლომორღვეულ ცილინდრს, რომელიც აბსტრაქციის მოშველიებით დაუსრულებლად იზრდება და მცირდება ერთდროულად, და რადგან ნაპოვნია სამყაროს ჭეშმარიტი მოდელი, რომელიც ზედმიწევნით იმეორებს გლობალურს მინიატურაში, უძრავი არ არის განა მისი აღზევებისკენ, მისი მეცნიერულად შესწავლისკენ მივმართოთ მთელი ცივილიზაციის მატერიალური თუ სულიერი ფასეულობანი?

— სქემე, — წამოცდება ნოდარ ქარდავას.

— ააა? — ჩაეკითხა ჩუბინიძე, — რა თქვი?

— მეგრულად ჩავილაპარაკე ჩემთვის, არც კი ვიცი როგორ ვთარგმნო.

— დაახლოებით, დიხაც, უფრო ზუსტად კი, ამას რა სჯობია, — განუმარტავს „კომუნისტების ურჯუელი ათეიზმით“ გაღიზიანებული ჯემალ გეგეჭკორი.

— დედამიწის მაცხოვრებელი ოდესღაც ღმერთის ბადალი რომ ყოფილა, ეს ეჭვს არ უნდა იწვევდეს. ჩვენ მაიმუნის ევოლუციის კი არა, ღმერთის დეგენერაციის შედეგი უფრო ვართ. ვიძენდით კი არა, პირიქით, ვკარგავდით კოლოსალურ ცოდნას, რომელიც ღვთიური ძალმოსილებით გადაგვაადგილებდა სივრცეში სინათლის სიჩქარით წამში. რაღაც გრანდიოზულმა კატასტროფამ ადამიანი ერთხელ და სამუდამოდ მიაჯაჭვა დედამიწას, წაერთვა შორეულ ცივილიზაციებთან კონტაქტები, და დროთა ვითარებაში გადავიშინეთ, გადავშენდით. შეხედეთ, ჰომო საპიენსის ტვინის მხოლოდ სამი პროცენტი უჭრედია ჩართული აქტიურ მოძრაობაში, დანარჩენი ყამირია, რუდიმენტია ბრმა ნაწლავივით. ამ უმცირესით რამდენს ახერხებს, ბატონებო, და წარმოიდგინეთ ახლა რისი შემძლებელია პოტენციაში?! თუკი ადამიანის პრობლემები ისევ არ წამოიწევა წინა პლანზე, შეიძლება ის შემორჩენილი სამი პროცენტიც განახევრდეს და საბოლოოდ პირუტყვის დონემდე დავიდეს.

— ანტიმეცნიერულია ასეთი მსჯელობანი, — ამბობს ტანად მომცრო, მაგრამ მკვრივი აგებულებისა და მკვეთრი მოძრაობების ჯემალ გეგეჭკორი, — სპირალი რეგრესის გზით არასდროს წავა. თქვენი მტკიცებანი ადამიანის ბედ-იღბალზე, არაფერს ცვლის გენეზისის თვალსაზრისით. დავუშვათ ღმერთების შესაძლებლობისანი დამკვიდრდნენ უცხოპლანეტელები დედამიწაზე, მაგრამ საკითხავია, როგორ მიაღწიეს მათ უფლისეულ მდგომარეობას?! თუ ისინი გარეშე ხელს არ შეუქმნია, მაშინ ხომ უნდა ვაღიაროთ განვითარების სპირალური გზა?! აქ ყოყმანი თავის მოტყუებაა.

— რატომ, კონკრეტულ ადამიანს თუ მოვწყვეტთ განვითარების ბუნებრივ პროცესს და ახალ სიტუაციაში ჩავაგდებთ, სადაც მის ცოდნას კვლავ წარმოება არ უწერია, ასეთი ადამიანების ცხოვრება არ წავა ვითომ რეგრე-

სის გზით? ახალს ვერ ქმნიან, ძველი კი ავიწყდებათ — ჩაეკითხება ვლადიმირ ჩუბინიძე.

— ასეთი პირობითობა ხელოვნურია და იმიტომ. ღმერთის შექმნილად თუ დავუშვებთ ადამიანს, რომლისთვის ყველა საჭირო თვისება მზამზარეულადაა მოცემული, აქ დავისთვის ადგილიც კი არ რჩება, მაგრამ ადამიანი იყო, არის და იქნება იგივეური პარამეტრის, ფრიად უმნიშვნელო ცვლილებებით გარემომცველ პირობებთან მიმართებაში, თუმცა დიალექტიკის მეთოდით თუ ვიხელმძღვანელებთ, მაშინ უნდა შევეგუოთ ერთ არასასურველ რეალობას, რომ იმ მილიარდი პრიმიტივიდან, ოკეანეში ჩასახულს ვგულისხმობ, მხოლოდ და მხოლოდ ერთი განშტოებულა აღმოჩნდა მართებულზე მართებული გადამიანების პროცესში. მომქანცველი მართათული ევოლუცია უარყოფდა გამოუსადეგარს, ითვისებდა საჭიროს და ასე მისხალ-მისხალ მიიწეოდა წინ. ვლადიმირაკობ თუ არა გასაგები ენით, გესმით თუ არა ჩემი?!

— გასაგები ენით კი საუბრობთ, შეილონო ჩემნო, მაგრამ — საზიანოდ. მერედა, სად მიიყვანს თქვენი ევოლუცია ადამიანს? — არ ცხრება მამა იონა, — უზნეობამდე, ხომ კი?!

— არაფერიც მამაო, უკლასო საზოგადოებისკენ მიემართება მთელი ცივილიზაცია. კომუნისტური იდეოლოგიის მტრებმა გაამრუდეს ეს მოძღვრება. მათ სპირალის მეთოდი რევოლუციურით შეცვალეს. ადამიანი ნახტომებით ვერასდროს მივა აბსოლუტურ ჭეშმარიტებამდე. ასეთი გზა უტოპიურია, ანტიმეცნიერული. მთელი კაცობრიობა უზნეობაში იხრჩობოდა თავისი არსებობის მანძილზე, და გვარიან ხანს იყურყუტებს კიდევ ამ უზამსობის ჭაობში, სანამ ცივილიზაცია ადამიანს არ წამოსწევს წინა პლანზე. დღეს კი ყველაფერი მის საწინააღმდეგოდაა მიმართული: იზზამება სიგარეტით და ალკოჰოლით, ანაშითა და მორფიუმით; მოწამლულია გარემო მანქანების, ქარხნების გამონაბოლქვით; კვდება მარჩენალი მიწა-წყალი პესტიციდებით; გავანადგურეთ ტყეების საფარველი, გავაუდაბნოვეთ ერთადერთი სამკვიდრობელი ჩვენი — დედამიწა. ეს ყველაფერი იმიტომ ხდება, რადგანაც კერძო საკუთრება მოგების გარდა არაფერს დაგიდევს. სოციალიზმმა წესით ძირშივე უნდა აღკვეთოს ანტიადამიანური საქმიანობა ნებისმიერი ქვეყნისა თუ დაწესებულებისა. კომუნისტების წესდება და პროგრამა ადამიანებზე ზრუნვის ეტალონია მეთოდოლოგიური თვალსაზრისით, მაგრამ ადრე თუ გვიან მას ზურგს შეაქცევენ იმპერიალიზმის დამქაშების წყალობით თავგზაბნეული ერები. როცა ჩასახედი სარკე არ გაგაჩნია, ანუ მოწინააღმდეგე ძალა ხელიდან გამოგცლია, ბოლოს და ბოლოს უეჭველად დამყაყდები, უცილობლად აშმორდები, ვეღარ გაუძლებ დროის გამოცდას, მაგრამ მოგვიანებით ისევ აღზევდება იგი, ამასთან ერთად ზედმიწევნით გაითვალისწინებს წინაპრების სასიკვდილო შეცდომებს: ნახტომებით კი არ ივლის, არამედ — ნაბიჯ-ნაბიჯ; სულსწრაფობით კი არ იმოქმედებს, არამედ — გულმოდგინებით.

— აქ საკამათო თითქოს არაფერია, — სიტყვას ჩამოარმევ პოლიტიკო-

ნომის კურსის რევიზიისთვის რუსთავში მობრძანებულ გეგეჭკორს ჩუბინძე, — ვიცით, მარქსისტული ევოლუციური თეორია ლენინმა გააბრუნა რევოლუციური მომენტების შემოტანით, პროცესების დაჩქარების მიზნით, — ხელით გააჩუმებს ვლადიმირი შემოკამათებისთვის დაქაქილ ჯემალს, — ვახსენე, გარკვეული ხნის წინ ადამიანი ღვთიურ მდგომარეობაში იყო-მეთქი. ჩვენს პლანეტაზე მომხდარმა კოლოსალურმა კატასტროფამ იგი ჩამოაშორა ქემმარიტების სათავეს, მიაჯაჭვა დედამიწას, დავსძენდი ახლა. მის ხელთ არსებული ცოდნა კი თაობიდან თაობას გადაეცემოდა, მაგრამ — სულ გამუდმებული შემცირებებით, ასე რომ, ბატონებო, აპარატურაწართმეულ ადამიანს უსაზღვრო გამოცდილება სად უნდა შეენახა, თუ არა მეტყველებაში, ენაში, ყველაფერზე მეტად ცეცხლგამძლე ქურაში?! ხოლო ზიარებულნი დღითი დღე საკრალურ ხასიათს ანიჭებდნენ მას, ვინაიდან წარღვნის შემდგომ საზოგადოებას სწორედ ღვთიური ცოდნა მოველინა ნამდვილ კატასტროფად: იგი რჩეულთა არსებობის იარაღად იქცა და დროთა ვითარებაში იქამდე შეივიწროვა საზღვრები, საბოლოოდ დაეკარგა კაცობრიობას, თავისივე ევოლუციური ბუნების წყალობით, თუმცა ადამიანი ხელახლა აღმოაჩენს მას და საერთო ძალისხმევით უეჭველად აღიდგენს უფლისეულ მდგომარეობას.

— ისეთი შთაბეჭდილება მრჩება, თითქოს მხოლოდ საკუთარი ცოდნის გამომზეურებით ვიყოთ დაინტერესებულნი; ამიტომაც არის, რომ ჩვენს დილოგს ლოგიკური კავშირი არ გააჩნია, — ხმას ამოიღებს აქამდე გაჩუმებული მერაბ მამარდაშვილი. ისიც მელოტია, ქარდაკრული სახის, სათვალეზიანი შუახნის მამაკაცი, — ადამიანმა არასოდეს იცის აზროვნებს იგი თუ არა. აზროვნება თითქმის ზეადამიანურ ძალაზე დამოკიდებული და იგი ბუნებრივად არ გვეძლევა. ის შეიძლება გამოვლინდეს, როგორც ერთგვარი გამოღვიძება ან წინარე მოგონება ადამიანისა და სიმბოლოს შორის დაჭიმულ ველში. ჩვენ ამჟამად განსაკუთრებულ მომენტში ვცხოვრობთ — აზრთან მჭიდროდ დაკავშირებულ მომენტში, რომელშიც ამ უშველებელ ქვეყანას, საბჭოთა კავშირი რომ ჰქვია, სურს ან უნდა დაუბრუნდეს ცხოვრებას, ისტორიის, დროისა და ცხოვრების ხანგრძლივი უქონლობის შემდეგ. იმას, რაც მოხდა ჩვიდმეტი წლის ოქტომბრის რევოლუციის მწვერვალზე, ჩემთვის ის მნიშვნელობა აქვს, რომ ეს იყო სესერიკას გასვლა დროიდან, ისტორიიდან და ცხოვრებიდან; გასვლა იმ მეტეორივით, გრავიტაციის ველიდან რომ ვარდება და ჩათრეულია უტოპიით, რომლის დამახასიათებელი ნიშანია, ისევე როგორც ყველა უტოპიისთვის, საკუთარი თავის რეალიზაცია. რევოლუციის შემდეგ ყველაფერი არანორმალური გახდა; ეს იყო საზოგადოებისა და სახელმწიფოს ერთგვარი კოლექტიური თვითმკვლელობა. ქვეყანა აღმოჩნდა „ცხოვრების მიღმა“ და ყოველივე ამან დაღი დაასვა ლიტერატურას, სოციალურ მოვლენებს, ყველაფერს და ყველას. ჩვენ ახლა ისეთ ვითარებაში ვიმყოფებით, რომ ვინც ცხოვრებისადმი გემო დაჰკარგა, კვლავ უნდა იპოვოს იგი, ხოლო ის, ვისაც შერჩენილი ჰქონდა, მაგრამ ტოტალიტა-

რულმა რეჟიმმა დააბეჩავა, როგორც აზროვნებაში, ისე — მეტყველებაში, ტოტალიტარიზმი ხომ უპირველეს ყოვლისა, ლინგვისტური დაბეჩავებაა, ასეთმა ადამიანმა ხელმეორედ უნდა ისწავლოს ცხოვრება. დღეს ჩვენ ვსწავლობთ, რადგან ადვილი როდია ცხოვრებას დაუბრუნდე. ჩემთვის, როგორც მოაზროვნესთვის, თვითგამორკვევა ყოველთვის განისაზღვრებოდა ცხოვრების არქონის მიმართ დაპირისპირებით, დაპირისპირებით იმ შავი გვირაბის მიმართ, რომელშიც მოგვივით იძულებული ვიყავი მეარსება ცხოვრების გარეშე, და ჩემთვის ახალგაზრდობა წარმოადგენდა ტრადიციის აღდგენას ამ სიტყვის სრული მნიშვნელობით: საქმე რომელიდაც კონკრეტულ ტრადიციას კი არ ეხებოდა, არამედ უკვდავების ტრადიციას, — მამარდაშვილი იცინის, — ეს, ალბათ, უცნაურად ჟღერს, რადგან კონფესიონალურიზმ აზრით მორწმუნე არა ვარ, მე ფილოსოფოსი ვარ. ფილოსოფია სულ სხვა რამ არის, ვიდრე თეოლოგია თუ პოლიტიკური ეკონომია, მაგრამ ხშირად მივმართავ რელიგიურ სიმბოლოებს, რადგან ისინი უფრო მეტყველნი მეჩვენებიან, ვიდრე მარქსიზმ-ლენინიზმის იდეოლოგია, იმდენად — გაუგებარი. ადამიანის ტვინს საერთო არაფერი აქვს მასთან. ერთი სიტყვით, ადამიანური სულის შესაძლებლობათა, პოტენციათა და კონსტანტების ჩამოყალიბებით რელიგიური სიმბოლოები უფრო გასაგებს და ამოსაცნობს ხდიან ამ კრიტიკრიუმებს. ამიტომაც ხანდახან სასარგებლოა ამ სიმბოლოების გამოყენება.

— იდეალიზმის ნიჰილიზმი მატერიალიზმს აქამდეც ბევრი უწვნევია, და იწვნევს, ალბათ, მომავალშიც, მაგრამ ძალების ყფა ვერ შეაჩერებს ქარავნის მოძრაობას, — გაცხარდება ჯემალ გეგეჭკორი.

— ფარისევლობას ხომ არ დაიწყებ, ვამბობ ისე, როგორც ვაზროვნებ. მარქსისტულ-ლენინური ფილოსოფიის შესწავლა აზროვნებით, გონებით შეუძლებელია, რადგან სიტყვები მნიშვნელობას ჰკარგავენ. იგივე სიტუაციაა რელიგიასთანაც: კი არ უნდა შეიმეცნო, არამედ ერწმუნო ბრმად, გაუცნობიერებლად. ფილოსოფიის ენაზე კი უკვდავება ეს არის სიტყვა, ანუ ადამიანში მკვდარი დროის აღდგენის ნაპერწკალი. ეს არის ფაქტი და აქტი, რომელიც დღემდე გრძელდება. სიტყვა არის მარადიულობის აქტი, რომელშიც ჩვენ ვმონაწილეობთ, ვითარცა ადამიანები. რას ვგულისხმობ გამოთქმაში „ვითარცა ადამიანი?“ მე ვცდილობ გამოვხატო არსება, რომელიც ბუნების პროდუქტი არ არის: ბუნება არ ქმნის ადამიანებს. ნამდვილად ჩვენ მხოლოდ მეორე დაბადებისას ვიბადებით. ეს დაბადება კი იმყოფება იმ ველში, რომელშიც შესაძლო ადამიანი სიმბოლოს უერთდება და ამ შეერთების დაძაბულობისგან იბადება. დანტემ ერთ ლამაზ გამოთქმაში ბრძანა, რომ დაბადებულს, როგორც ასეთს, სული არ აქვსო. სულს ერთადერთი, სიტყვა იძლევა მხოლოდ. მოკლედ, ადამიანი არის არსება, რომელიც შორიდან მოდის. ადამიანი არის ძალიან „გრძელი“ არსება, ანუ ადამიანი თავის თავს დროში სჭედავს; ცხოვრება არის დროში განხორციელებული ძალისხმევა. ძალისხმევა კი თავად — თავი შეიმაგრო ისტორიულ, ადამიანურ წერტილში, რაც უძრავ

წერტილს წარმოადგენს მრუდზე, რომელიც გაგიჟდა. იესო ქრისტე შეიძლება ათასჯერ დაბადებულიყო, მაგრამ თუ ის ერთ დღეს შენში არ გამოჩნდა, შენ დაიღუპები. ეს არის ტრადიციული ხატი. იცით, ასე თუ ისე, სიცოცხლის მოკვლა არ შეიძლება. ყველაზე საშინელი რეჟიმი, ყველაზე ტოტალიტარულიც კი, როგორც საბჭოთა რეჟიმი, თავისი საშინელებით ნაციისტური რეჟიმიც რომ ვერ შეედრება, მასაც არ ძალუძს სიცოცხლის განადგურება, რადგან სიცოცხლე ტროტუარს ამოხეთქავს ხოლმე, როგორც ზოგიერთი ყვავილი. რა მიმზიდველი და დამარწმუნებელია ტოტალიტარული აზროვნების სიმარტივე. ის თხევადი საწამლავივითაა, ბევრად უფრო ეფექტურად რომ მოქმედებს, ვიდრე ცენზურა თუ ავტორების დევნა. ის შიგნიდან გლრღნის. ის შიგნიდან იჭრება ტვინში და ეს ძალზე მომხიბვლელია. რეალურად გიზიდავს. საიდან მოდის ეს ხიბლი?! იქიდან, რომ ასეთი აზროვნება ნებას იძლევა თავი ჭკვიანი გეგონოს, დაიჯერო; რომ ყველაფერი გესმის. ამ ცდუნებამ კარგი ნაყოფი გამოიღო ჩვენში, რასაც თქვენი მსჯელობებიც ადასტურებს, ბატონებო, ამიტომაც თავს უფლებას ვაძლევ საუბარს გამოვეთიშო. — მერაბ მამარდაშვილი დადუმდება და მართლაც მეერ მთელი პაექრობის მანძილზე სიტყვას არ ამოუღებს თუ მხედველობაში არ მივიღებთ ირონიულ ღიმილს, რომელიც მეტი ძალმოსილებისაა ხოლმე, ვიდრე შიშველი სიტყვა.

— დასაბამისეული აღმოჩენა გააკეთე-მეთქი დავიწყე თავიდან, — ისარგებლებს ჩამოვარდნილი სიჩუმით გიორგი ნუნისელი, — მაგრამ ვინ დამაცალა. გინახავთ თუ არა თქვენ ოდესმე ბერთა კლდე, ნუნისის ქვათა კომპლექსი?! რა თქმა უნდა, არა! მე კი დაბეჯითებით შემიძლია დავამტკიცო, ბატონებო, რომ ნოეს კიდობანი შუაგულ საქართველოშია, იმერეთში.

— აკი, არარატის მთებს გვითითებს ბიბლია, — ჩაერევა მამა იონა.

— ბიბლიის დღევანდელი ტექსტი იქობამდეა შერყენილი, ათას შესწორებას მოითხოვს, ბატონებო, უკეთ ძველქართული ტექსტის მიხედვით აღდგენას. ჩუბინიძის მიხედვრილობა მისაღებია ჩემთვის. სწორედ ქართულ ენაშია მიძინებული მთელი სამყაროსეული საიდუმლოებანი. სამაგალითოდ ანბანი გამოდგება. ჩვენმა რეფორმატორმა მამებმა რამდენიმე ასო-ნიშანი ამოადგეს ქართული ალფაბეტიდან, მიმაჩნია სრულიად წინდაუხედავად. ჰე მერვე ღვთიურობის გამოძახებელი სიმბოლიკაა. სადაც იგი გაერევა სიტყვაში, იქ უზენაესობასთან გვაქვს საქმე. მაგრამ დავუბრუნდეთ ნუნისის ქვათა კომპლექსს, რომელიც ხელოვნურია, ბატონებო, ხელოვნური. დაიხსომეთ ეს სიტყვა!

ნუნისში ყველაფერი ადამიანის ხელითაა შექმნილი, მისი დამანული კარების გახსნა საოცრებებს გვიქადის მომავალში. შვიდი მთისგან შესდგება იგი და ერთი ჭისგან, სადაც გვირაბით უკიდევანო სიცარიელეში ორი სპირალური კიბე ეშვება. ხედავთ, გიჟს არაფერი მიგავს, ნურც ზღაპრად ჩამომართმევთ ნათქვამს. საქართველო ერთადერთი ქვეყანაა, რომელიც 43-42 კვადრატში მდებარეობს. დიახაც ამ კვადრატში პროექტირდება ჩრდლოეთის კოსმო-

სური ცალი, რომელიც განსხვავებულია მზის ან მთვარის ნათებისგან. იმ ნუნისის ჭაში გონიოს პრინციპით და სპირალური ხვეული კიბეებით ჩაპ ყავდათ ჩვენს წინაპრებს ის კოსმოსური სხივი და სწორედ იქ, იმ დაუსაბამო სიცარიელეში არსებობდა ედემის ბალი, სვეტი ცხოვლის, იგივე ოქროს საწმისის, იგივე სამოთხის ხის შემწეობით. იქ მცხოვრები ადამიანები შედარებით ელასტიური იყვნენ, მხოლოდ ხმელეთზე ამოსვლის შემდეგ გახდნენ მყიფენი, მაგრამ როდესაც ნუნისის მიწისქვეშა სიცარიელე ნელ-ნელა წყლებით აივსო, კოსმოსური ველიც გარდაიქმნა და ადრე ადამიანების დადებითი ემოციებით დამშფრთვული აწ უარყოფითი ძალის მომნიჭებელი გახდა. ამიტომაც გადაწყვიტეს ჩვენმა ძველებმა დედამიწის მოძრაობის შეჩერება.

— დედამიწის შეჩერება? — გადაიხარხარებს ჯეშალ გეგეჰკორი, — გესმით რას ამბობთ?!

— გთხოვთ ბოლომდე მათქმევინოთ. როცა თქვენ საუბრობდით ვიყავი ჩემთვის, არავის ვუშლიდი ხელს. მაინც რატომ მიგაჩნიათ დედამიწის შეჩერება უტოპიად, განუხორციელებლად?! მე ფიზიკის მოწვევლიებით შემოძლია დავამტკიცო, რომ ამისთანა საქმის განხორციელება პრაქტიკულად შესაძლებელია ახლაც კი, ჩვენს პირობებში. ადამიანი, როდესაც ხმელეთზე ამოვიდა ედემის ბალიდან, ამოვიდა უარყოფითი ენერგიით დამუხტული და საჭირო იყო მისი ლუციფერული ცოდნის წაშლა. დედამიწას მოძრაობის მიმართულებაც ამიტომ უცვალეს, და გნებავთ დაიჭერეთ, გნებავთ — არა, ეს ყოველივე ნოემ მოიმოქმედა თავისი კილობნით, რომელიც ხის ხომალდი სულაც არ ყოფილა. გესხომებათ ნოეს კილობნის პარამეტრები: სიგრძით 144 მეტრია, სიგანით — 24 და სიმაღლით — 14,4 მეტრი. აი, ამ მოცულობის კილობანი ხის კი არა ქვის ნაგებობა გახლდათ, სწორედ იმ ჭის თავზე დაშენებული.

— ვერაფერი გავიგე, — ამოიოხრავს მამა იონა.

— ზღაპრების ასაკიდან გამოვედით მგონია, — კვლავ გაიცინებს გეგეჰკორი.

— ვაცალოთ კაცს, — გამოესარჩლება ჩუბინიძე, — ბარემ წესიერად ჩამოაყალიბოს თავისი კონცეფცია.

— არა, ადვილი გასაგები რომ არ არის, მეც ვიცი. მთელ მონოგრაფიას ორი სიტყვით როგორ მოვყვები?! მე ძირითადი შტრიხების გადმოცემას ვლამობ, ზოგადი წარმოდგენა რომ შეგექმნათ ჩემს აღმოჩენაზე. დარწმუნებული ვარ ქართული ალფაბეტი შეიფრია ამ საიდუმლოებათა. ყოველი სიტყვის კაბალისტური ჯამი, ვთქვათ, აბრაამის, ლაზარესი 144-ია, ანუ ნოეს კილობნის სიგრძის შესატყვისია. ეს შემთხვევით არ უნდა იყოს, მაგრამ საუბარს ვაგრძელებ ქვის კილობანზე. ბიბლიის ძველ ტექსტში გარკვევითაა ნაჩვენები ნოეს კილობნის აშენების სურათი. იქ შავით თეთრზე სწერია მოკირწყლვა. კირი და ხე ერთმანეთს ვერ ჰგულობენ, მამასადამე საძიებელია სხვა მასალა, ასეთი კი ქვაა, ბატონებო. კილობნის აშენება იმისთვის დასჭირდათ

ჩვენს წინაპრებს, რომ დედამიწის მოძრაობა შეეცვალათ, რათა კაცობრიობის გონებისგან წაშლილიყო მისი უკუღმართი ცოდნა. ეს უშველებელი ჭურჭელი ნუნისის ქვათა კომპლექსისა პერმეტიულია, რომელსაც ზვრელი მხოლოდ ქვემოდან გააჩნია და დედამიწის შეჩერების პროცესში მსოფლიო წყლებიც ნაპირზე გადმოიღვარა, როგორც სითხეში ჩაშვებულ ჭიქაში წყალი ვერ შედის პერმეტიულობისა და იქ არსებული ჰაერის გამო. ამისთანა ჭურჭელში ნოეს ჯალაბს მშვენივრად შეეძლო არათუ ასორმოცდაათ დღე-ღამეს, არამედ რამდენიმე წელიწადსაც ეცხოვრა.

— ჩვენ კონსტრუქციულად თუ ვიმსჯელებთ ამაღამ ბევრი რამის გამოკრევეს შევძლებთ, — ჩამოართმევს სიტყვას ჩუბინიძე, — გულზე მომხვდა ახლა გიორგის ჰიპოთეზები. წარმოვიდგენიათ რა გასაოცარი სისტემა აღმოვაჩინე ამასწინათ? ყოველთვის მაფიქრებდა რიცხვი 13-ის თარსიანობა. რატომღაც არავის ეჭაშნიკება იგი; სადაც შეგხვდება, სასტუმროს ნომერია თუ კინოთეატრის დარბაზის სკამი, რატომღაც გეხამუშება. საქმე კი სხვანაირად ყოფილა. ცამეტ რიცხვში დასინთეზებულია მათემატიკაში არსებული ყველა სიდიდე. ნუ გეცინებათ, ბატონო, მერაბ. ერთხელ ავიღე ნატურალური რიცხვები და გავყავი ცამეტზე. იცით რა სასწაული ვიხილე? ერთის გაყოფისას მივიღე 0,076923, ორისას — 0,153846, სამისას — 0,230769, ოთხისას — 0,307692, ხუთისას — 0,384615, ექვსისას — 0,461538, შვიდისას — 0,537461.

— დიღამდე ხომ არ აპირებთ გაგრძელებას? — გაცხარდება ჯემალ გეგეჭკორი.

— მოთმინება იქონიეთ, ბატონებო, სად გეჩქარებათ, საით სულსწრაფობთ? თქვენთვის ვყვები, თორემ მე ისედაც ჩინებულად მომეხსენება. რვისას — 0,615384, ცხრისას — 0,692307, ათისას — 0,769230, თერთმეტისას — 0,846153, თორმეტისას — 0,923076, ცამეტისას — ჩვეულებრივი ერთი და ნოლეტი ექვსნიშნა პერიოდის ნაცვლად მძიმის ხელმარჯვნივ. მორჩა, გაწყდით წელში?! აი, ამ თორმეტ ათწილადშია მოქცეული, ბატონებო, მთელი კოსმოსის საიდუმლოება. გასაგები რომ იყოს რამდენიმე მაგალითს დაგისახელებთ. ერთის ცამეტზე გაყოფისას ხომ ვღებულობთ 0,076 923?! იცით, აქ როგორ არის საქმე?! ექვსნიშნა პერიოდის პირველი სამეული მომდევნო სამეულში საკლები ცხრიანების ნაშთია, თუ გვაქვს 076 მომდევნო სამეულის პირველი წევრი, როგორც წესი, უნდა იყოს 9, მეორე — 2, მესამე — 3, რადგან ნულს ცხრამდე აკლია ცხრა, შვიდს — ორი და ექვსს — სამი. მიგდეთ ყური და თქვენვე შეგავსებინებთ. ვთქვათ, რვიანის ცამეტზე განაყოფის პირველი სამეულია 615. მითხარით, ბატონო, ჯემალ, რამდენი იქნება მეორე სამეული?

— პირველი რამდენი თქვით?

— არ მისმენთ გულისყურით, 615.

— თქვენი სწავლების მიხედვით მეორე სამეული უნდა იყოს 384.

— ხომ ხედავთ წამში მიითვისა ჩემი აღმოჩენა! ჩაულრმავდებით, ბატო-

ნებო, ამას და თვითონ მიხვდებით რამდენი საოცრებაა ჩამარხული შიგნით. ცნობისთვის კიდევ გაგიმხვლთ დამატებით, რომ ერთის ცამეტზე განაყოფი შეესაბამება თორმეტის ცამეტზე განაყოფს, ოღონდ აქ სამეულები ადგილგადანაცვლებულია, ერთის 0,076923 თორმეტთან შებრუნებითაა 0,923076. ასეთ მიმართებაშია ორი და თერთმეტი, სამი და ათი, ოთხი და ცხრა, ხუთი და რვა, ექვსი და შვიდი.

დააკვირდები ამ სისტემას და უნებლიეთ ჯვარს ვლებულობთ. აი, რა ცოდნას უმაღლედნენ შთამომავლობას ჩვენი წინაპრები. ვინ იცის, ასეთი რამდენი ათასეული დაკარგულა, რამდენი განადგურებულა რელიგიების მახვილითა და ცეცხლით. ქრისტეც ზიარებული პიროვნება იყო უთუოდ, ცამეტის საიდუმლოებას ზიარებული პიროვნება, რომელიც გამორიცხული არ არის, იქნებ სწორედ ნუნისში ეუფლებოდა ამ ცოდნას. ჰოდა, ბატონებო, ზიარებულებმა მკაცრად გააფრთხილეს თანამზრახველნი ქრისტეს ჯვარზე გაკვრით: ვინც ამ საიდუმლოებას გასცემდა, იესოს ბედს ეწეოდა. ქრისტეს ყოფიერება, მისი უბიწო ჩასახვა, მისი ინკოგნიტო ცხოვრება ოცდაათი წლის მანძილზე, მისი ქადაგებანი, დარწმუნებული ვარ თავიდან ბოლომდე მოგვების, იგივე საკაცობრიო ცოდნის შემნახველი კასტის მიერ იყო ინსცენირებული. ალბათ, შემთხვევითი არ არის ქრისტეს საძმო თორმეტ მოწაფესთან ერთად ცამეტს რომ უტოლდება; ახლა მინათდება გონება: შვიდი პურითა და ორი თევზით რომ დაანაყრებს ხუთიათას კაცს. იქნებ აქ ეზოთერიულად სწორედ ნუნისია მინიშნებული?! გიორგი, შენ ხომ ამბობ ნუნისის ქვათა კომპლექსი შვიდი მთისგან და ჭაში ჩამავალი ორი სპირალური კიბისგან შესდგებაო?! აქ ცოდნით დაპურებაზეა საუბარი შექვეყლად.

— გამოაცეთ პირდაპირ, ბატონო, ვლადიმირ.

— ამხელა ამბებს ერთი გონება ვერ გაწვდება. ცხადია, მთავრობას უნდა ვუმაღლოდეთ ხანდახან ასეთი გულღია საუბრისთვის დროს და სივრცეს რომ მოგვაშავებს ხოლმე, მაგრამ ბარემ ქრისტეზე საუბარს მოვრჩეთ. ზიარებულებს, იგივე მოგვებს, ქურუმებს, თავიანთი მრევლის დასასჯელად, ყურადსაღებად სჭირდებოდათ იესოს სამაგალითოდ გაჯორვა. ჯვარზე კი გააკრეს, მაგრამ კიდურები ისეთი ადგილებით მიულურსმნეს, სულაც არ იყო სასიკვდილო. ამით ადამიანებს სამუდამოდ წაართვეს ცამეტისა და ჯვრის სიბრძნე. რამდენადაც ცნობილია, ყველაზე ჭეშმარიტი დებულებანი თვალწინ გვიდევს, ხელისგაწვდენაზე, თუმცა ათასწლეულობით ვერ მიგვიგნია შორეთში ბოდილის გამო. ამიტომაც ჭკვიანი ხალხი ქვებს ქვიშაში კი არა, ქვებშივე მალავენ. დიახ, ჯვარცმის სცენას ამოეფარა ცამეტისა და მარადიული მოძრაობის სიმბოლო.

ლურსმნების ხსენებაზე ისევ მიხედავენ ოდიშელიას, მაგრამ იგი გარინდული ზის თავისთვის, განცალკევებული. ვერ გაარკვევთ ყურს მიუგდებს ამ საუბარს თუ გულდარდიანი ფიქრს მისცემია.

„კი, ბატონო, შენი ძალისხმევით გადატრიალდა რუსთავის მესამე ზონა. სატანა კვეკვესკირს თავი მოაჭრეს და სარზე წამოაცვეს, მაგრამ რა სიკეთეს მოიტანს მომავალში ეს ყოველივე?! ძლივს გამოალწიე დაკეტილიდან ექვსთვიანი წნეხების შემდეგ, ძლივს ეღირსე დღის ნათელს და ისევ ყულფში შეჰყავი თავი. ვითარებას დიხაც სერიოზული სუნის ასდის. არც ისე გულუბრყვილონი არიან მამულოვი და მისი შანტრაპა, შეთქმულების ორგანიზატორი ვერ დაადგინონ. შვიდწლიანი ციხე-ციხე, ზონა-ზონა წანწალი შეიძლება სანატრელი გაგიხდეს. ხოდა, მშვიდობით სიცოცხლით სავსე სიჭაბუკე, მშვიდობით მწვანეთვალეა ილონავ, მშვიდობით ჭადრების ხეივნის ტალანებო! — როკი შინაგანად გრძნობს ამ გარდუვალ განსაცდელს, — აბა, გაპატიებენ ძაკას შვილიშვილს კვეკვესკირის თავის გაგორებას, ათეულათასობით მანეთის ზარალს. შედეგი, შედეგი რა მოჰყვება ყოველივეს?! ყოჩებს რქებს ჩამოამტვრევენ, მიმოფანტავენ მთელს კავშირში, დაკენტავენ, დააშორიშორებენ ერთმანეთს სასჯელით დამძიმებულებს. რუსთავის მესამე ზონაში ახალ კვეკვესკირს გამოამწესებენ, რომელიც უფრო მოქნილი მეთოდებით, მეტი სიფრთხილითა და ქვეშევშობით მაინც გააწითლებს აქაურობას. პატიმრების სამი მეოთხედი მაინც მოირგებს იმ ავადსახსენებელ „პავიაზკას“. პეკეტესთვის ისევ მოიძებნება ერთი მეოთხედი ურჩი და ამ უცვლელ კანონთან ჭიდილის გამო ვინ დაგიმადლის, მთავრობა თუ სასჯელწამატებული სამპო?!

აგერ, ფილოსოფოსობენ თანასაკნელი მეტრები. ჩაგესმის ყურში ცალკეული სიტყვები, ფრაზები, წინადადებანი, მაგრამ შინაარსის გამოტანა გიჭირს და არც იმტვრევ თავს საამისოდ. ისე მადლიერი უნდა იყო თითოეულის, თანადგომას რომ გიცხადებენ. განსაკუთრებით ნოდარ ქარდავას, ვეფხვივით რომ დგას შენი სიცოცხლის სადარაჯოზე. პატიმრებმა სწორედ მისი თაოსნობით აყარეს ნარი და ამოხერგეს კამერის შემოსასვლელი. მეორე სუტკა სრულდება, რაც თვალი არ მოუხუჭავთ. წყალს იზოგავენ, პურს მოციცქნიან. კი, მაგრამ როდემდე გასტანს ყოველივე?! მთავარი ბატალიები უკვე ჩავლილია. შუასაუკუნეობრივი სისასტიკით წარკვეტილი კვეკვესკირის თავი სევდიანად იმზირება რკინის ბოძიდან და მისი მოჭრილი კისერი კაცთმოძულეობის უმაღლესი ბარბაროსობით ღაღადებს. არა, საფილოსოფოსოდ არ სცხელა შენს გონებას. თავად ჯანდაბას, მაგრამ რამდენ ძმაკაცს გაუმწარდება სიცოცხლე. რომელ ერთს გადაუვარცხნიან ქოჩორს, ქუთაისელ შიპლიტიას, სენაკელ ვისო სანაიას თუ ზესტაფონელ იურა ჩირკვილაძეს?! ისინი ხომ ერთი სულისკვეთებით აღანთებდნენ სევდებს ლერწამით მერყვე ხალხს? კი, ბატონო, გაშავდა ზონა, თუმცა ამ სანთელივით ბიჭების ცოდვაც ხომ შენზეა?! რომ არა შენი მიმწოლობა ორ-სამ თვეში სუფთა ჰაერზე იქნებოდნენ. ან ნოდარ ქარდავას რა ბედი ელის?! განა ყველას შეუძლია შენსავით ჯურღმულების დოლაბთა თავზე დატრიალება?! ბევრი ამნისტიას უცდიდა, ახლა კი ვინ იცის რამდენი წლით გაიხანგრძლივებენ ჯოჯოხეთის არ-

ტახებს?! იქნებ მოხდეს ისეც, რომ სულაც ვერ გამოაღწიონ სატუსაღოს კედლებიდან ბებრებმა?! ნუნისის ჭისთვის მცალია დიხაც, ან თარსი ცამეტის აბდაუბდასთვის! აგერ, ჭკვიანი კაცი, მიჯდა კუთხეში და ფიქრებში ჩაიძირა, ესენი კი ქაქანებენ და ქოთქოთებენ კვერცხისმღებელი ქათამბივით, — აქ მეორე ხმა იმძლავრებს ოდიშელის არსებაში, — მაშ, ეპარპაშა კვეკვესკირს? — ეკითხება ის იღუმალი თანამოსაუბრეს, — შესაძლოა ამ გადატრიალებით ოცმა აიბურდა სვე-ბედი, სამაგიეროდ ასეულები გაიხარებენ. დროზე მიუვლენ თავიანთ კერებებს, დროულად ჩაიხუტებენ თვალებამოლამებულ მეუღლეებს და უმამოდ გაზრდილ შვილებს. ოჯახს მშრომელი კაცის ხელი დაეცემა, ჭერს სტუმარი მოუმრავლდება, უანგმოკიდებულ გუთანს სახნისი და ფრთა აულაპლაპდება. კიდევ რამდენი გაიხარებს ერთი გულბოროტის სამაგალითო დასჯით?! არა, სადაც როკია, იქ უსამართლობა ვერ იბოგინებს. გათხოვდება ბოლოს და ბოლოს შენი ილონა, შენი გულის ლახვარი! ცას ხომ არ შეაბერდება კენტად, ოდიშელის ფუჭი იმედით?! დანიშნული კარლო წაიყვანს, სათადარიგო კავალერი გამოადებულა მისთვის აკნიდანვე, ოღონდ ბედნიერი იყოს და არაფერს ვჩივი. მე ჯანდაბას, გაჯახირებულ ცხოვრებას რამენაირად მივასიკვდილებ. სანანბელი რა მრჩება წუთისოფელში მშობლების გარდა?! გივიც სადაც მოუსაველეთ ნოვოტროიცკშია, მაგრამ გენადი არაფერს მოაკლებს დედ-მამას. გენკა ყოჩილი ბიჭია, უფროს ძმებზე ნაკლებად არც მუშტი უჭრის და აღარც — გონება. განსხვავებული იღბლისაა, ღმერთმა სულ ბედნიერი გზით ატაროს! ჩვენი მოუზომავი საქციელი წინ უდევს ჩატეხილ კიბესავით, არ უნდა ჩავარდეს შიგ. დაოჯახდება კიდევ და მისი ფესვი იგივე ოდიშელია არ იქნება განა?! გულჩვილობას მოეშვი, ბაღლო! რა დროს ცხვირის ჩამოშვებაა?! ხომ ხედავ, რამხელა მთვარე შემოტეულა შენს სარკმელში, ნესვისფერი თუთა, განურჩევლად რომ ანაღვლიანებს დიდს და პატარას. ბოლომდე უნდა მიიყვანო ღირსების საქმე. თქვა რუსთველმა, სახელი ყოველ მოსახვეჭელს სჯობიაო, ხოდა, შეუპოვრად უნდა დაეჭიდო შენს წილ ბოროტებას. წარბის შეხრა რას მიქვია, ხომ არ დაგვიწყნია ვინ ხარ ბოლოს და ბოლოს?! შენ ხომ პანტერა ხარ, ფისო ქუჩულორიას მონათლული ავაზა, კაცის სიმალიდან დაშვებულ ჭადრის ფოთლოს ხუთჯერ რომ წამოეწევი გზაში?! შენ ხომ ოდიშელია ხარ, ყოველთვის ცერზე შემართული დაბეჩვებული ადამიანების ნუგეშისმცემლად, ნაპირზე იმ შექუტურასავით ანთებული, დამსხვრეული ხომალდის მგზავრებს მძლავრ ხელს რომ უწვდის შორეთიდან?!

დაე, იფილოსოფოსონ ფილოსოფოსებმა, იმატრაბაზონ მსახიობებმა, აჭარტალონ ენა მწერლებმა. შენი მოვალეობა ქმედება! შენ ხომ ნაღდი ცხოვრება ხარ — როკი, იგივე ძელქვა, როგორც ამას ბაბუა ძაკა გეძახდა?!

თერთმეტი წლისაც არ იყავი უცბად რომ მიიცვალა ცხოვრებული. აივნის ტახტაზე მოკალათებული ჭიშკარს უმზერდა თურმე. ხელები მოაჯირზე დაეყრდნო. ძაღლს რომ არ ეყმუვლა, ვერავინ იფიქრებდა მკვდარიყო. ტანით

ეგრძეო ბაბილინა ბებიას ქმრის აღსასრული. როცა ლოგინიდან აპარული ნახა, ისეთი შეუცხადებია თურმე, ფეხზე წამოცვენილა დიდ-პატარა. ბებია სულ შიშობდა:

არიქა, მოხუცმა რაიმე უბედურება არ აუხიროს თავისთავს, ვალერია-ნისგან გულდაკოდილმაო.

გახარებია სადღაც თოჯზე ჩამოკონწიალებულის ნაცვლად ბუნებრივი სიკვდილით გათოშილი რომ უხილავს.

ავიძებების უშველებელი გვირგვინი გახსოვს შავი ლენტებით მოფრიალე. ასამდე დამტირებელს წინ მოუძლოდა ალვერი ძაკა ბაბუას გადიდებული პორტრეტით ხელში. შენს კბილა დაურს და ანატოლს კი გვირგვინი მოჰქონდათ. მათ მოსდევდა ორი დედაკაცი თხლებგაკავებული, დაწვებდახოკილი მორდუ, კვილით ცის გამფხრეწავი შაოსანი ქალები და ორივე ხელისგულის შუბლში მოტყლაშუნე კაცები. ბაბუას სიკვდილმა გედის დაღუპვა გადაგავიწყა. მართლაც რომ განუმეორებელი მოხუცი იყო. მისი ჩითის პერანგის სუნი ახლაც გილიტინებს ცხვირის ნესტოებში, თამბაქოს ახალკინძული ფოთლების სრუნელით გაჯერებული, სააგურე მიწის ოხშივრით გაქუნთილი“.

— ქრისტე იგივე ზიარებულებმა კულისებში მოაკვინეს მოგვიანებით, — აგრძელებს კვლავაც ვლადიმირ ჩუბინიძე, — როცა თავიანთი საქმე ბოლომდე მიიყვანეს, როდესაც საგულდაგულოდ შენიღბეს მასზე გაკრული მაცხოვრის სხეულით ჯვრის მარადიული მოძრაობის საიდუმლოებაცა და ცამეტის კოსმოგონიური იდუმალეობაც.

— ამისთანა საუბრების გამო უფალი დაგსჯით, შეილნო, ჩემნო, მაგრამ ამდამ თქვენთან დავა კედელზე ცერცვის შეყრაა, — აუმღვრეველია მამა იონა, — ისე კი, გვაქვს შეხების წერტილები. მართალია, ინტერპრეტაციები განსხვავებულია, მაგრამ მაინც ერთ რეალობას ვუკირკიტებთ. მე ჩემს რწმენაზე ვრჩები კვლავაც და მამალმერთის შექმნილს ვერასდროს ვალიარებ მატერიალისტური მსოფლმხედველობის ნაღლაბუცევადა, თუმცა ჩვენი კამათის საფუძველთა საფუძველი ლაზარესთან რომ იყოს თავს, ეჭვგარეშეა, და აი რატომ: გახსოვთ ზეპირად ვინმეს ასორმოცდაათ სიტყვიანი „ქებაის“ ტექსტი?!

— ზეპირად არა, მაგრამ წაგვიკითხავს, — შვებით ამოსუნთქავს ჩუბინიძე.

— შეგახსენებთ მაშინ. აი, რას სწერს მეთე საუქუნეში ბერი იოანე ზოსიმე:

„ქება და დიდებაი ქართულისაი ენისაი

დამარხულ არს ენაი ქართული დღემდე მეორედ მოსვლისა მისისა, საწამებლად, რაითა ყოველსა ენასა დმერთმან ამხილოს ამით ენითა.

და ესე ენაი მძინარე არს დღესამომდე, და სახარებასა შინა ამას ენასა ლაზარე ჰქვიან.

და ახალმან ნინო მოაქცია და ჰელენე დედოფალმან; ესე არიან ორნი დანი, ვითარცა მარიამ და მართაი. და მეგობრობაი ამისთვის თქუა დავით წინასწარმეტყუელმან: „წელი ათასი, ვითარცა ერთი დღეი“.

და სახარებასა შინა ქართულსა თავსსა ხოლო მათისსა წილი ზის, რომელ ასოი არს და იტყვის ყოვლად ოთხიათასსა მარაგსა.

და ესე არს ოთხი დღეი, და ოთხისა დღისა მკუდარი. ამისთვის მისთანავე დაფლული სიკუდილითა ნათლისღებითა მამისაითა.

და ესე ენაი შემკული და კუთრხეული სახელითა უფლისაითა, მდაბალი და დაწუნებული, მოელის დღესა მას მეორედ მოსვლისა უფლისასა.

და სასწაულად ესე აქუს ოთხმოც-და-ათოთხმეტი წელი უმეტესი სხვათა ენათა ქრისტეის მოსვლითგან ვიდრე დღესამოდღე.

და ესე ყოველი, რომელი წერილ არს, მოწამედ წარმოგითხარ ესე წილი ანბანისაი“.

ეს ტექსტი, ბატონებო, ერთხელაც ადასტურებს ჩვენს საერთო სულსკვეთებას: ლაზარე იგივე საქართველოა, რომელიც ქრისტემ მკვდრეთით აღადგინა, ოთხი დღის მკვდარი, ანუ ოთხიათასი წლის მიძინებული ჩვენი ენა, მოდგმა. ძეგლი მეთუ საუკუნეშია შექმნილი. სამიათასი წელიწადი ქრისტეს იქით და ორიათასი აქით ხუთიათასი გამოდის უბრალო არითმეტიკით, რაც სავსებით ეთანხმება ბიბლიურ წარმოდგენებს წარღვნის თაობაზე.

— რა მიძინება, რისი მიძინება, როცა ეგერ რუსთაველზე კინაღამ მარწუხებით ამოგვზლიტეს ენა და ძაღლებს გადაუგდეს საჯიჯგნად, — გაცხარდება ნოდარ ქარდავა, — პატარა ერი განწირულია დიდის ჩასაყლაპავად. ძალადობით თუ არ მოხდება ეს, აგერ გეგეჰკორის სწავლების შესაბამისად უკლასო საზოგადოებაში, კომუნისმსაც რომ ეძახიან, ერთი გვექნება ენა, და არც მარწუხები დაგვჭირდება პირის ღრუდან მათ დასაძრობად, აღარც — სხვა რამ მოწყობილებანი. ჩვენივე ნებით უარყოფთ თურმე დროთა ვითარებაში. რა თავში ვიხლი ახლა მე ამისთანა საზოგადოებას, როცა სათაყვანებელი დედა-ენა ჩემივე ნებით დასათმობი თუ გამიხდება?!

— ამხანაგებო, ბატონებო, — არ აცლის ნოდარ ქარდავას აზრის დამთავრებას ჩემალ გეგეჰკორი, — ჯერ ერთი კომუნისმზე გადასვლა ნაძალადევადა, ძალდატანებით როდი მოხდება. ახლანდელი მესვეურების გზით ჩვენ იქ ვერასდროს მივალთ. ამის თაობაზე მოგახსენეთ და ამიტომაც ვზივარ ახლა ამ მთვარიან ღამეში თქვენს გვერდით, მაგრამ ეს პროცესი რომ გარდაუვალია, კოჭებზედვე ეტყობა კაცობრიობის ისტორიას. ის ოდესღაც იყო ასეთ მდგომარეობაში, ოღონდ მაშინ — პრიმიტიული ურთიერთობით, პირველყოფილ თემურ წყობილებასაც რომ ვეძახით პოლიტეკონომიის ენაზე. ნიკიტას და ბრეჟნევის მაგალითით ნუ შევალთ ჩვენ კომუნისმში. ეს ურთულესი და უხანგრძლივესი პროცესია. ოთხი თვეა ვზივარ აქ, და მოდით, ჩვენი საკნის მაგალითზე ვიმსჯელოთ, რაა კომუნისმი.

ვთქვათ, მოხდა ისე, რომ მთელი კაცობრიობა ეს ორმოცი კაცია და ამ-

დენივე ქალიც. არავითარი კონტაქტი სევეპელებთან და კვეკვესკირის წყულ თავთან. მთელი ზონა სასესეა არსებობისთვის აუცილებელი პროდუქტებით. შეზღუდული არაინაა, ვისაც რამდენი ენებება იმდენს შეჭამს, იმდენს დალევს, მაგრამ ჩვენი შეგნება ამისთანა შემთხვევაში სხვანაირი იქნება, არა ისეთი მხეცური, როგორც დღეს გაგვაჩნია.

აქ ასსების პრიმატია გამეფებული, მაშინ კი მათ თვითონ შერცხვებათ თავიანთი პრივილეგიებისა, ისინი თავად იტყვიან უარს რაიმე უპირატესობაზე. ყველა საკითხი შეგნებულად გადაწყდება, მაგალითისთვის, პანტერა თავის მუშტებს სხვათა ცხვირ-პირის ჩამოსანგრევად კი არ ამოქმედებს, არამედ შრომის საერთო ფერხულში დაასაქმებს. არც ბეტონის იატაკის გამოხვეტას იუკადრისებს. მოვა ჩემი ჭერი?! დიდის მონდმებით გამოვცოცხავ აქაურობას. ასე მოიქცევა ნოდარიც, ჩუბინიძეც, მამარდაშვილიც, მამა იონაც, გიორგი ნუნისელიც, ნოდარ ქარდავაც. აქ არ იქნება ძალადობა, არამედ შეგნებული აუცილებლობა გვიკარანახებს თითოეულს ვიზრუნოთ ერთმანეთისთვის და არა იმისთვის ვიმტვრიოთ თავი, როდის გვეცემიან ყლში ტოტიასავით. კასრში ჩადგებული ჭონია სულ ბოლოს შეიჭამა, მაგრამ კომუნის დროს ამისთანები გამოირიცხება, ვინაიდან ადამიანის გონებას ჩამოშორდება კუჭზე ფიქრი და ზრუნვა. ისე კი, სანამ სტომაქის პრობლემები მოუგვარებელია, უკლასო საზოგადოებაზე ოცნებაც კი ზედმეტია. ამიტომაც ამბობდა მარქსი: სოციალიზმი ყველა ქვეყანაში როცა გაიმარჯვებს, მხოლოდ მერე შეიძლება ვიფიქროთ კომუნისზმზე.

ლენინმა შეავიწროვა მისი საზღვრები, ცალკე აღებული ქვეყნის მაგალითზე სცადა ფონს გასვლა, იექსპერიმენტა, ის კი ვერ გაითვალა, რომ დანარჩენი მსოფლიო როდესაც ბოგანოა, ან კერძო ინტერესებს გამოდევნებული, მას ორ მტერთან უწევს ბრძოლა, აშკარა გარეგნულთან იმპერიალიზმის სახით და ფარულ შინაგანთან, კერძომესაკუთრულ შინაურთან. ორ ფრონტზე ომი კი ყოველთვის მარცხით მთავრდება. ამირეჯიბმა ვერ დაგვიხატა იდეალი. ერთი შეხედვით ზნეობრივად სრულყოფილი მისი გმირი ვერ არის სამაგალითო, რადგანაც თუთაშხიას ჩაურევლობის ფსიქოლოგია ანტიადამიანურია თავისი არსით. ეს ყველაფერი შეიძლება გამართლებული იყოს ტიპაჟის შენარჩუნებისათვის, მაგრამ საზოგადოებას მისაბამი პიროვნებები სჭირდება. ასეთი გმირი ჯერ არ დახატულა ჰომეროსიდან მოყოლებული.

ვის გაჰყვს ახალგაზრდობა? აქილევსს, რომელიც ილიონის პირველი დამაქცევარია?! განა ელენესთვის, თუნდაც მშვენიერისთვის, ღირდა კი ათასების სიცოცხლის სამსხვერპლოზე მიტანა?! არა, აქილევსი გამოუსადეგარია ჩვენი ახალგაზრდობის ეტალონად. ვინ დაესახოთ მომავალი თაობის იდეალად? ჰამლეტი? ფაუსტი? დონ კისოტი? ქრისტე? მითხარით, რომელი, რო-

მელი განზომილება, ყველა ერის ინტერესს, თითოეული პიროვნების მისწრაფებებს რომ დააკმაყოფილებდა ზედმიწევნით?!

— წმინდა გიორგი, — თქვა ნოდარ ქარდავამ.

— კი, წმინდა გიორგიც, მომავლის გამირის შტრიხები აქ დასახელებულ პიროვნებებთანაც მოიძეება მეტად თუ ნაკლებად, მაგრამ ერთ პიროვნებაში თავმოყრილი იდეალი ჯერ არ დახატულა, ამხანაგებო, ბატონებო, ასეთი მწერალი ჯერ არ მოვლენია სამყაროს. ამისთანა შემოქმედის გაჩენა იოლი საქმე არ არის. ათასწლეულების ბელეტრისტულ გამოცდილებას ვინც ვერ შეაჯვარებს საბუნებისმეტყველო დისციპლინების ღრმა ცოდნასთან, ყოველთვის ცალმხრივი იქნება. მთავარი კრიტერიუმი ცოდნაა, უწინარესად ბუნების საიდუმლოებათა შემსწავლელი მეცნიერებისა.

გოეთე მიუახლოვდა ცოტათი ჭეშმარიტების კარიბჭეებს, მაგრამ შიგნით შესვლა ვეღარ მოახერხა.

ესთეტიკოსები ჰეგელის მეთაურობით ხელოვნებისგან გამორიცხავენ ცოდნის მომენტს, მშვენიერის, ამაღლებულისა და ტრაგიკულის კატეგორიებს უქვემდებარებენ მის სამოქმედო ასპარეზს, მაგრამ უცდომელი არავინაა, გნებავთ თვით დიალექტიკის მამაც. ვიმეორებ, ვინც ვერ დააჯამებს დღემდე არსებულ ლიტერატურულ და შემეცნებით ფასეულობებს და ვერ მოახდენს სახეებით აზროვნების სინთეზს კატეგორიებით ასასახ სინამდვილესთან, განწირულია ეფემერული სიცოცხლისათვის. არადა, ამისთანა წიგნის შექმნა სრულებით შესაძლებელია ჩვენს ეპოქაში. საამისოდ ყველა პირობა მოცემულია, განსაკუთრებით საქართველოში: სოციალური, პოლიტიკური, ფილოსოფიური, ბელეტრისტული ტრადიციები.

დარწმუნებული ვარ ასეთი პიროვნება უკვე დაბადებულია, მაგრამ აკვანში როდი ჭყლოპინებს, არამედ ფუტკარივით ნესტარ-ნესტარ აგროვებს მასალებს, სვენებ-სვენებით მიუყვება თავის აღმართს, არსაითკენ ეჩქარება, არ უსწრებს მოვლენებს დედის წინ მორბენალი კვიცივით, და მამა იონა, რომ მოიშველიებ ზოსიმეს სიტყვებს, ყოველ ერს უფალმან ამ ენით, ანუ ქართული სინამდვილით ამხილოს, ამცნოს ქვეყნიერების ავანჩავანიო, იქნებ ასეთი მწერლის მოვლინებაზეა საუბარი?!

— „ქებაის“ ათსანაირი ინტერპრეტაცია შეიძლება, მაგრამ აქ უფრო რთულად არის საქმე, უფლის მიერ კაცობრიობის მხილება აპოკალიფსისისა და თეოლოგიური კათარზისის მაუწყებელია, ალბათ, ჩვენი ათასწლეულის მიწურულისთვის.

— ყველა შეხედულება პატივსაცემია, მამა იონა. ბუნებრივია, თქვენსაც აქვს უფლება არსებობისა, მაგრამ საქმე ის არის, რომ ჩვენ მაინც ვერ დავსახეთ ჩვენი ქვეყნის ინტელექტუალური მოქმედების პროგრამა, — მელიოტ თავზე ხელს გადაისვამს ჩუბინიძე, — როცა მე ვამტკიცებდი, რომ კაცობრიობა ღვთიური წარმომავლობის საზოგადოების დეგრადაციის შედეგია-მეთქი,

არსებით ძარღვს წაუყრუეთ ნებით თუ უნებლიეთ. ამით ფაქტობრივად მივანიშნე გარემო პირობების ბაზისობა და ცნობიერების ზედნაშენობა: მართალია, შენაძენია ადამიანის სხეულებრივი აღნაგობა; შენაძენია შემეცნებითი მწვერვალებიც, მაგრამ ერთიც და მეორეც ჩვენი სურვილების უნებართვოდ ზედმიწევნით ექვემდებარებიან ცვალებადობებს, როგორც პროგრესულისკენ, ისე რეგრესულისკენ.

რა ვთქვი აქ გაუგებარი, ბატონო, ჯემალ?! განა თქვენს წისქვილზე არ ასხამს წყალს ჩემი მოსაზრებანი?! განა მეც ადამიანის წარმოშობის საკითხი არ წამომიწევია წინა პლანზე?! ჩვენ იგი ღვთაებრივ მდგომარეობაში ვიხილეთ დედამიწაზე, როცა ეს ენა, როგორც სამეტყველო საშუალება, არც კი სჭირდებოდა. როგორ ვივარაუდოთ ჩვენ ტვინის ოთხმოცდაჩვიდმეტი პროცენტის შესაძლებლობანი, რომელიც ახლა გიორგი ნუნისელის ვერსიით წაშლილია დედამიწის უკუღმა დატრიალებით, თუ დროთა ვითარებაში უმოქმედობის გამო დახურულია შებინდებისდროინდელ ყვავილის მსგავსად, მაგრამ ხომ არ გამოგვირიცხავს იმ უჯრედების სიკვდილი, გაქრობა საერთოდ?!

ჩვენ უსაზღვრო ცოდნის შევიწროვებაზე გვქონდა მსჯელობა. ეს პროცესი არ არის ცალმხრივი. ადამიანი როგორც კი კაცობრიობის ნომერ პირველ პრობლემად გადაიქცევა, ეჭვი არ მეპარება, დაიწყება დინების უკუმოქცევა და ის დანისლული უჯრედები ტვინისა, ხელახლა გაიხსნება. ენის უფუნქციობაზე ვთქვით ზემოთ. ღვთიური მდგომარეობის ადამიანს სამეტყველო ენა არათუ სჭირდება, არც მოეპოვება. ჩემის ღრმა რწმენით ენა ხელოვნურადაა შექმნილი კოლოსალური ცოდნის შესანახად, თორემ ღვთიური მდგომარეობის ადამიანები ცნებებით, კატეგორიებით მსჯელობენ და აზროვნებენ, თანაც უსიტყვოდ კითხულობენ ისინი ერთმანეთის ნააზრევს. აქ ჩინელისა და ქართველის ურთიერთობა გრამატიკული ფორმით კი არ ხდება, არამედ — ხატობრივად, სიმბოლოებით. ენის შექმნამ, სამეტყველოსი თუ დამწერლობითის, წარმოშვა უამრავი დიფერენციაცია ეროვნებების სახით. ღმერთს ინგლისელმა „გოდ“ უწოდა, სიტყვის ბუნებამ, აკუსტიკურად სხვაგვარად გააფორმა ერთი და იგივე შინაარსი ქართველთან, ინდოელთან, და აქედან გამომდინარე, ეროვნულობაც იმ გლობალური კატასტროფის შედეგია უცილობლად, თორემ ღვთიური მდგომარეობის ადამიანისათვის აღარ არსებობს ვერბალური განსხვავებანი: ყველაფერი გონებით შეიმეცნება; გონებით მიმოიცივლება ინფორმაციები, სადაც „ილიადა“ თუ „ფაუსტი“ რამდენიმე წამში გაიაზრება პიროვნებებს შორის. ეს გზა გარდაუვალია კაცობრიობისათვის, ღმერთი...

ყრუ გმინვა ჩუბინიძესაც შეაკრთობს და მასთან ერთად საკნის ოცდაცხრამეტივე წვერსაც. ჯერ ამოხერგულ შემოსასვლელს მიაჩერდებიან უნებლიეთ, მერე — კუთხეში მიმჯდარ როკის.

მთვარე გაცლია ხელისგულისოდენა სარკმელს, მაგრამ მისი აღმაცერი

შუქის ფონზე გარკვევით იკითხება ოდიშელის ტანჯვამოვლილი სახე.

წამოცვივდებიან. შემოეხვივევიან. როკი ახლა მარცხენა ტერფზე დაიბჯენს ლურსმანს და გამეტებით გაუქანებს რიყის ქვას. კვლავ აღმოსკდება გულმკერდის სიღრმიდან დახშული გმინვა. გაოგნებულები უმზერენ. ოდიშელია არ ცხრება, ძაფგაყრილ ნემსს ჭმუნვით გაატარებს ტუჩში, ყოველი ნაკერი გულსაკლავად ამოაგმინებს მის უდრეკელ სხეულს. გახვევულნი ვერაფერს ამბობენ, ვერც შევლიან მათ თვალწინ საკუთარი ნებით ტანჯვის მორევში შეცურებულ ადამიანს. ახლა კი ხვდებიან ოდიშელის ორდლიან თადარიგს ამ უკიდურესი ნაბიჯისკენ, თუმცა დაბეჭითებით ვერაზინ გიპასუხებთ, მხოლოდ მოსალოდნელი სასჯელის გამო მოიმოქმედებს ყოველივეს, თუ მათი საუბრებით ეგზალტირებული თვითჯვარცმას მისცემია მალაღმარდოვნად აძრახებული მეგობრების გამოსაფხიზლებლად. იქნებ ენადგაკრეფილ თანასაკნელებს ოდიშელია კონკრეტული თავგანწირვით თვალნათლივ ანახებს მათი ბერწი ქაქანის უნაყოფობას, რომ ათას სიტყვას, მამარდაშვილისა არ იყოს, ერთი ქმედება სჯობს, გადამწყვეტი და აუცილებელი.

ტუჩებიდან წამოსულ სისხლს სუფთა ნაჭრით უწმენდენ ძმაცალები. თეთრი პერანგი ერთიანად მოთხვრია, ზოლ-ზოლად და მისი გინნასტურაც სამფერში გადაწყვეტილ უჯრებიან ქსოვილს ჰგავს. როკის მიზანი კი სრულიად კონკრეტულია: ყველაფერს აკეთებს, რათა ძმაცალებს სასჯელი ააშოროს, ზონის გადატრიალებისათვის ორგანიზებული კვალიფიკაცია ჩამოაშოროს ადმინისტრაციის თვალში, სტიქიური მიმართულება მიანიჭოს.

დილის ექვსი საათიც არ იქნება, რომ დერეფანში იმატებს მწყობრი ნაბიჯების ხმა. საკნის კართან მოგროვდებიან ზედამხედველები და გუშინ შეწყვეტილ საუბრებს განაახლებენ.

— ვიდრე შემოგვინგრევია, ერთხელაც გაფრთხილებთ, ბუნტისთავი ოდიშელია გამოვიდეს თავისივე ფეხით.

დერეფანი გაისუსება პასუხის მოლოდინში. მაშინ, იდეალურ სიჩუმეში ნოდარ ქარდავა დაიბუბუნებს:

— კი, მაგრამ რანაირად, ძალიშვილებო? როგორ წამოვიდეს, როცა საკაკუტე ლურსმნებით ნარზე ფეხები დაუქედაა?!

— ზუმრობას მოეწიოთ! სახუმროდ გაქვთ საქმე კაცისმკვლელებს?! თვითონ გაგვცეს პასუხი, თანახმაა თუ არა თავისი ნებით ჩავგზარდეს?!

— ასეთი ცალტვინები საიდან შეიყარენით? — ცხარობს ნოდარ ქარდავა, — რანაირად გიპასუხებთ ოჯახქორებო, როცა პირი ათი ნომერი ძაფითა და ნემსით ამოუკერია?! ან რანაირად უპირებთ კამერიდან გათრევას?! თქვენ, ჩვენ სეველები ხომ არ გგონივართ?! ოცდაცხრამეტივე მამაკაცი მზად არის თავი გასწიროს პანტერასთვის. ეგვეც რომ არა, საძილე არტერიასთან გადამსხვრეული ბოთლი მიუტანია და საკმარისია კარებს მოაწვეთ, რომ მაშინვე სიცოცხ-

ლეს მოისწრაფებს. ხომ გამოღებულა კარმუშკა, დააკვირდით, კარგად დააკვირდით! ბრტყელ-ბრტყელ საუბრებს გიჯობთ საჩქაროდ დაუძახოთ მამულაოვს. ლოგინში ნებივრობს ახლა, ალბათ, ეგ მკვდარძალი! მოეთრეს აქ და სანამ პანტერას და სხვებს ბრალდებებს არ მოუხსნის კლდესავით ვიდგომებით.

ზედამხედველების უფროსს ფერი ეცვლება. საქმის ზედმეტ გამწვავებას შეიძლება უფრო უარესი შედეგი მოჰყვეს, ვინემ კვეკვესკირის თავის გაგორებაა. სამასი პეკეტელი არც ისე სახუმარო ძალაა. აფრენენ უფროს მამულაოვთან. ისიც ვირთხასავით დამფრთხალი მოცუნცულდება მეოთხე საკნის წინ. ყველაფერი მოუხსენებია ზემდგომისთვის, და როდესაც უგერგილობისთვის გაგორილია და გაათხუხული გვარიანად, აბა, რას იზამს?!

კარმუშკიდან პირველად შინაგან საქმეთა მინისტრის ხელმოწერილ ქაღალდს შემოაგდებენ, რომელიც ბრალდებას უხსნის ოდიშელისა და რადგანაც მთავარი ბასტიონი აღებულა, მოაშორებენ ბარიკადებს საკნის კარებს. ახლა თვითონ ბიჭები ჩქარობენ, რათა რამენაირად შეუმსუბუქონ როკის ტანჯვის წუთები. პირველ რიგში საკაკუტე ლურსმნებს ამოაძრობენ ტერფებიდან. ექიმები ასხურებენ სისხლის მოწამვლის საწინააღმდეგო შრატებს. მოგვიანებით მაკრატლით გაუჭრიან შავი ძაფით აბანდულ ტუჩებს. საკაცეზე დასვენებულს სპირტიანი ბინტით წმენდენ სისხლს ტერფებზე, ტუჩებზე. ჯანიანი სანიტრები სასწრაფო მანქანისკენ მიაბრუნებენ ომგადახდილი კაცის სხეულს. თბილისისკენ მიიჩქარიან. უკან რჩება ტროასავით დაღწილი ზონა, მაგრამ ნამდვილი ბრძოლა თურმე ახლა იწყება.

ლიბა მახუთი

ალერტი
384615

ლაღი ჭანიას სიმღერად ქცეულ ბალადას თუ ვერწმუნებით, მონადირე კარგი ძალი ჰყავდა კოლი იზორიას, რომლის სადარს მთელი დუნიაც რომ შემოგეარათ, ველარსად იპოვიდით თურმე. სამი დღისა და ღამის სავალს სამ საათში გაირბენდა და მწერიც რომ გაბზულილებულიყო ახლომახლო, თვალს უცილობლად მიუწვდენდა ფიცხელი ბუნების წყალობით. მელექსე არაფერს ამბობს იმ ძაღლის ჯიშის თაობაზე, ვინ ეწინაპრებოდა დედის თუ მამის ხაზით, დოგები თუ სენბერნარები; საიდან მომდინარეობდა მისი სახსენებელი, სეტერებიდან თუ კავკასიური ნაგაზებისგან; მგელთან იყო შენაწყვილები თუ დინგოსთან, რა-

ნაირი შეგვარებისა გახლდათ, ჰიბრიდული თუ წმინდა სისხლისა; საიდან გაჩნდა სამეგრელოში, შარდენს ჩამოჰყვა ბაბუამისი საფრანგეთიდან თუ ლამბერტს — დედამისი იტალიიდან, მაგრამ მთავარი ის არის, კოლი იზორიას ძაღლის ტოლი და ბადალი, არათუ ოდიშიში, მთელს ცისქვეშეთში არ იძებნებოდა.

ბასკერვილების ძაღლზე წაგვიკითხავს, ველურ დინგოზეც და ბუნის ლომაზეც; გვიხილავს ტელევიზორის ცისფერი ეკრანიდან შავყურა ბიმი; გვსმენია ლაიკას და ბელკას კოსმოსურ ოდისეაზე, ბრინჯაოში ჩამოქანდაკებული ქოთაკის გმირობაზეც მოგვიკრავს ყური რომელიღაც კერძო საუბარში; ღვიძლდაკარტინილი ამირანის ბორკილების ლოკვით გამოთხელებელ ყურშაც გაგვიცოცხლებია უხსოვრობისდროინდელი მითებიდან, მაგრამ ჰემ-მარიტი ძაღლის ყველა საუკეთესო თვისებას ერთ სხეულში რომ კრებდა, განუმეორებელი ალერტი გახლდათ.

კისერზე ხარის ტყავის თასმა ეკეთა წვეტიანი ლურსმნებით დაჩორჩხილი. ხბოსტოლა ალერტის ნაფეხურებს თავისუფლად ცნობდნენ ოდიშის გაუვალ გზებზე გამოცდილი მწყემსები.

პატრონადაც ჩინებული მონადირე შეახვედრა განგებამ. კოლი იზორიას პაპას, ქუთას, დადიანისგან ნაბოძები ჰქონდა თავისუფლების ფარატინა ქალღიღადი, ოღონდ მისი შთამომავალი ორჯერ უსათუოდ უნდა ზღებოდა მთავარს ეშვებიანი ტახით თუ შვლით, მაგრამ დაევიწყებინა ეს პირობა ჩაუქ შეილიშვილს და ალერტის საარაკო ამბები ჩაეწვეთა თუ არა ყურში ოდიშის მბრძანებელს, მაშინვე ფეხების დაბრაზუნებით გააგდო ურჩი ყმასთან მეძაღლე ძოღო.

სამეგრელოს გამგებელს ერთობ გულზეიად მესვეურად გვისურათხატებენ მისი თანამედროვენი. დედით ბაგრატიონების შთამომავალი ნაღდ ქართველებთან, კახელებთან, იზრდებოდა ბავშვობაში ქიზიყს. ადრე გაუგო მულამი ნადირობას, ღვინოს და ქალებს. გვირგვინიც უწვერულს დაადგეს თავზე. საერო წიგნების კითხვა ჰყვარებია ლევან დადიანს. ეკლესიაში წირვალოცვას არ აკლდებოდა. ოდიშის შემოგარენში ანკარა წყაროებთან ოქროს ფიალები კონწიალებდა ოქროსვე ძეწკვებით, ხოლო პერიფერიაში — ვერცხლისა, თუმცა მათ მოპარვას რომელი ჰკუთამძყობელი გაბედავდა?!

თურქეთის ხონთქარის მიერ ხარკისთვის წარმოგზავნილ დესპანებს ისე დაუძღურებულად, ისე ლატაკად მოაჩვენებდა თავის კუთხეს, ისეთნაირად გაისტუმრებდა ფხალეულითა და წყალწყალა ღვინით კუჭდამარებულებს, რაიმე სარგებელზე საუბრის წამოწყების საფუძველს გამოაცლიდა.

ლევან დადიანი მხარეში პირველ მონადირედ მიაჩნდათ. ცოლად სანამ შერვაშიძეების ასულს შეირთავდა, სასიამოროს ოსტატურად მოუგო ნარდში ენგურსგალმა სოფლები: განმუხური, ხურჩა, ჭალე თუ ფახულანი, მაგრამ უკვე სიძედმოკიდებულმა, დედოფლის ქერქეტობის შემსწრემ, ცხვირმოჭრილი მიუგზავნა მამამისს მანდილ შერცხვენილი ქალიშვილი და სამურზაყანოში როგორც კი იარაღი აქლარუნდა, გოროზმა მთავარმა ოდიშის საზღ-

ვრები მდინარე ღალიძგამდე, ილორის მონასტრამდე გასწია.

ბიძას ახალგაზრდა ცოლი წაართვა და ბიცოლა ურცხვად გადაედოფლა.

იმერეთსა და გურიაში ლაშქრობდა, ალაფობდა მოძმეებთან, მთელი დასავლეთ საქართველოს გაერთიანებას ლამობდა მახვილითა და ცეცხლით. დაუდგრომლობდა გაზაფხულის მდინარესავით და ახლა ამ აზვავებულ სიჭარმაგვეში, ვიღაც გლეხუჭა იზორიას სანაჭებო ძაღლის გაგონებამ, ყურით რომ იჭერდა თურმე გარეულ ტახებს და მისი შიშით დათვებს ბუნაგიდან ვერ გამოეხედათ, ფერი დააკარგვინა. ჯერ თავად უკადრის იზორიაზე მრისხანებდა: ქუთას ნაადრევი სიკვდილის შემდეგ ნანადირევის მოტანა გამოავიწყეს, ჯერ — შვილმა, მოგვიანებით — მოთამ. მერე ბაზიერთუხუცეს ძოლოზე აპობორდა, ყურთბალიშზე რომ ეძინა დღემოსწრება.

ძოლოს წინაპრები კავკასიონის მთიდან დაშვებულან ლევან დადიანის პაპის ზეობის ჟამს. მას აქეთ მთავრის კარზე ტრიალებდნენ ბაზიერების, მარეკებისა და მწევარ-მაძებართა ფარეშების ზედამხედველებად. დაკისრებულ მოვალეობას აქამდე ჩინებულად ართმევდნენ თავს. გაიგონებდნენ ასეთი და ასეთი ძაღლი ჰყავს გურიელს, იმერეთის მეფეს თუ რაჭის ერისთავსა და მყისვე შეუჩიჩხნებდნენ გამგებელს, ვინმე თვალშიამოდებული ყმისთვის მცონარობის ბრალდებით გულანაბადს ააკრფინებდნენ იმ ძაღლის საფასურად. დადიანის მწევრების ბრწყინვალეობა და სიმრავლე თვით ბრიტების ხელმწიფესაც შემურდებოდა. ახლა კი, აგერ, ღვთის რისხვა დასტყდომოდა ძოლოს, კვერცხისპარია ქოფაკივით გააგდეს წინკარიდან.

მხოლოდ ნაშუადღევს ჩააღწია ერგეტაში ბაზიერთუხუცესმა. ჯულუ კვარაცხელიას მწყემსებმა მისაწავლეს კოლი იზორიას ადგილსამყოფელი. აზატი ჩუბინი ახლახან დაბრუნებულიყო ნადირობიდან. შვიდი-რვა ფუთის გარეული ტახი გაეტყავებინა, სამწვადე ხორცი აექნა, წკირზე წამოეცვა და გაჩაღებული კერიისთვის მიეფიცებინა. უნაგირმოხდილი ცხენისთვის თივა დაეყარა და სადაც არის სულიერ მეგობართან, ალერტისთან ვახშამსაც შედგებოდა, რომ როყოდ მოაძახეს ლაბახასთან:

— კოლი, გამოგვხედე! დადიას ხალხი გეწვია!

კოლი იზორია ჯარგვალიდან გამოვიდა. ქამარშიჩატანებული ჩოხის გახუნებული კალთები ჩამოუშვა. ხელსახოცით ხელებს იმშრალებდა. წელწვრილი იყო, მხარბეჭიან-აშოლტილი, წაბლისფერი კულულებით.

ფეხდაფეხ მოსდევდა ხბოსტოლა ალერტი, რომელსაც შექუჩებული სტუმრების გამო ერთხელაც არ დაუბოხებია ხმა, არც ძაღლების სიმრავლე ჩაუგდია სათვალავში.

— სტუმარი ღვთისაა! — მიეგება მასპინძელი დადიას მეძალღეთ, — მობრძანდით, მობრძანდით! — მიიპატიჟა მწვადის მადისალმძვრელი სუნით გაბრუებულ ქოხში, მაგრამ ძოლოს აშიშხინებული სუკისთვის ეცალა სწორედ. დღესვე თუ არ მიჰკვრიდა ბატონს მთელს ოდიშში სახელგანთქმულ ალერტს,

სამუდამოდ დაემშვიდობებოდა სარფიან თანამდებობას და უცერემონიოდ საქმეზე გადავიდა.

— გაუგია დადიას შენი ძაღლის ამბავი და შემოგითვალა: რაც ეს წლები თავს მარიდებენ იზორიები, მიპატიებია, იმ პირობით სანაქებო ალერტს ჩემი დავარდნილი ძაღლების ფეხზე დასაყენებლად რამდენიმე კვირით თუ გამომიგზავნისო.

კოლი იზორიამ მყისვე იაზრა წინდაუხედავი საქციელი, ჭიშკართან უიარაღოდ რომ გავეგება მოხდომილთ. ახლა მისი გათარანება არაფრით იქნებოდა, ვინაიდან კბილებამდე აღჭურვილი თორმეტი მეძაღლე ბღღვრას ადენდა აქაურობას.

— ეგ არის სულ? — გაიღიმა, — ამისთვის შეწუხდით ამ სიშორეზე? შემოგეთვალათ და თავად გაახლებდით. ბაბუა ქუთას გარდაცვალების შემდეგ ახალგაზრდა მამა ტახმა დამიგლიჯა. სამი წელიწადია მშვილდი არ ამელო ხელში. ცარიელ-ტარიელი სტუმრობაც რა ბედენაა. ძაღლისთვის თვითონ გეახლოთ თუ აქეთ ჩამომიყვანთ? — თქვა მეტი დამაჯერებლობისათვის.

— მაგის დარდი ნუ გექნება, მაგაზე გაგრჯით, ბიჭების მეტი რა მყავს, — გაუხარდა მასპინძლის უცაბედი დაყოლიება ძოლოს. „დააშინა ძღვენის მიუგზავნებლობამ“, გაივლო გუნებაში.

— მობრძანდით, — საბელში ჩაავლო ხელი ალერტს კოლი იზორიამ, — ტყავის ბუდეს ამოვდებ პირში. ისეთი ავია, ტურები სათქმელადაც არ ღირს, მგლებიც კი გადაიხვეწენ ჩვენი არემარედან მისი შიშით.

ჩამოქვეითებულმა სტუმრებმა ლაბახაზე მიაბეს ცხენები სადავეთი. ქოფაკების ხროვა ფეხდაფეხ მიჰყვა ბაზიერთუხუცესის ამაღას. გადათლილ ძელზე ჩამოსხდნენ. ახლა ძაღლი რომ განადღებულნი ჰყავდათ შიმშილიც აწკაფწკავდა: ძოლო, მისი ხაბაზი ცოლისძმა ძაღვა და მათი ნაშიერი საშუალო ტანისანი იყვნენ, რკინისფერი სახისანი, შავთმიანები. ტანზე მდიდრულად ეცვათ ფარეშების კვალობაზე. წელი ქამარ-ხანჯლით დაემშვენებინათ, თეთრი ყაბალახები მოეცდოთ ზურგზე შავჩოხიანებს.

კოლი იზორია ჯარგვალში შეუჩინარდა, ალერტი კი კარებთან გაჩერდა სტუმრებს გამჭოლი მხერით დადარაჯებული. ორიოდ წუთში გამეხებულნი გამოვარდა ქუთას შვილიშვილი კონდახიანი მშვილდით. ერთი ისარი აფრინა ძაღვას ლაგებისკენ და ხვანჯარით ძელს მიაჭედა.

ძოლოს ცოლისძმა სხვებზე ახოვანი გახლდათ. ისარმა კანი აუწვა, შარვლის ფართხუნა ზედატოტი წარსტაცა. კიდევ კარგი სხვა რამ ავლადიღებაც არ გაიყოლია თან.

— დაწეპით თქვენი მეძაღლე დედა! ხელი არ გაატოკოთ თორემ გაგიხვრიტეთ შუბლი და ეგ არის, — იძახდა კოლი იზორია, თვალსაჩინოებისთვის ააწუილა მეორე ისარი და ახლა ძოლოს მარჯვენა მხარზე ამოწუიულ ჩოხაში გაიქროლა ნიავეით. გოჯისხელა ნახვრეტი და ბატის ფრთა დაუტოვა პატრონს.

კოლი იზორიას გაბრაზება დაინახა თუ არა ალერტმა, ისეთი დაიბუხუნა, ისეთი დაიშეშა, დადიას ამაღლა ეგრევე მიწას გაართხა. შიშით სულგამძვრალი ძაღლები მათ გვერდით გაიტრუნნენ. ვიღრე მბრძანებელი საცხოვრისიდან ერბოთი სასვე ქილას გამოიტანდა, მეძაღლეთა ყურებთან მეხივით მქუხარებდა ალერტი და ვერხვის ფოთოლივით ათრთოლებდა ერთ სხეულადქცეულ მწვევარს, ფარემს თუ მეპურეს, მაგრამ, აგერ, გამომრისხანდა ჯარგვალიდან კოლი იზორია ფუთიანი ქილით და ალერტიმაც მყისვე დაიდუმა ხმა.

გადათლილ ძელთან შემჭიდროებული სტუმრების თავზე გადასაღვრელად წვეთი ერობოც არ შეინანა აზატმა მონადირემ. ისევ მოჭიმულ მშვილდს სტაცა ხელი. აქამდე შიშისგან მისასტიკებულმა მწვევრებმა ყურები ცქეტეს. ჯერ საკუთარი სხეულები მოილოკეს, მოიპრიალეს გულ-მკერდი, ლაშები, მერმე მისდგნენ და მისდგნენ პატრონებს, გაულვანდალეს, გაუკამკამეს ზურგები, ხელისგულები, ცხვირ-პირი.

— დაეკარგეთ ჩემს თვალს, სანამ მთლად არ გადავრეულვარ?! — მისძახოდა კოლი იზორია წამხდარ მეძაღლეებს, — ქვების ჩამოკიდება არ დაავიწყდეს დადიას! სანამ ნანადირევს მივართმევდე, გვერდები ნუ ეტკინება! — მიჰყოლა მექოფაკეთ, რომელთაც ძლივს ათირიეს ცხენებზე დაფორაგებული მხარ-ბეჭი და ალერტის აწყვეტილ ბოხბოხში, გაწლიკული მწვევრების წკმუტუნ-წკაფწკაფში გაათქარუნეს ცხენები საქონლის ჩლიქებისგან ატალახებულ შუკაში.

აქ წყდება ლაღი ჭანიას ლექსი. არაფერს იტყვის მერე რა ბედი ეწია ძოლოს და ძაღვას თავიანთ მემკვიდრეებთან ერთად. გააგდო თუ არა სამსახურიდან ლევან დადიანმა ძაღლებისგან ზურგატლეკილი ამაღლა, თუ დაიტოვა კარზე ქეციანი მამებრების მომვლელ-ფარეშად. აღარც კოლი იზორიას მერმინდელ ცხოვრებაზე მოგვითხრობს რამეს. ამბობენ, რომ იმ გულფოლადი მონადირის ხსოვნის საპატივცემლოდ უფროს ვაჟიშვილს კოლი დაარქვა სახელად ლაღი ჭანიამო. ესეც რომ არა, ხალხურ ზეპირსიტყვიერებაში შემორჩენილია თქმულებები უშიშარ იზორიაზე, როცა სიბერით გარდაცვლილ ალერტს მართლაც რომ გაუგონარ პარაკლისს გადაუხდის მდინარე ენგურის ხრიოკ კუნძულზე, ახლა შამგონად რომ მოიხსენიება ხალხში, უდაბადედ — ჩვენებურად. იქვე დაუკრძალავს დიდის პატივით. ხარი დააკლა თურმე საფლავეზე და რაჟამს მძორის სუნმა მდინარის სანაპიროებს უწია, მთელი ოდიშის საძაღლეთი იმ კუნძულს მიუჩოჩდა გამაოგნებლის ყმულით.

ასე და ამგვარად დაატირებინა კოლი იზორიამ თავის ჯიშ-ჯილაგს შეუღარებელი ალერტი, მაგრამ რადგანაც ლაღი ჭანიამ საჭიროდ არ ცნო მსგავსი ამბების ბალადაში მოხმობა, მაინცდამაინც ნურც ჩვენ ავყვებით ორობებს ჭორების ფეხის ხმას.

ძაღლების საგა ნელინელ ჩაცხრა კოლხეთში.

ეკონომიკის დაქვეითებას ძაღლური ცხოვრება მოსდევს ყველგან და ყოველთვის. ამ ეჭვიშეპყნულ ჭეშმარიტებას ვერც სადადიანო გადაურჩა.

ხუნდებით გაქაჩული მშრომელი კაცი ქოფაკივით დაჰყვოდა თავის უკუღმართ ბედ-იღბალს, ამსხვრევდა ბორკილებს აქა-იქ და გარბოდა ანგარიში უცემლად; გარბოდა გურიისკენ თუ იმერეთისკენ, გარბოდა სამურზაყანოში, საითკენაც გული უკარნახებდა, გნებავთ ჯოჯოხეთის აღუღებულ კუპრში გადაეშვებოდა, ოღონდ დადიანების გაუმძლარ მადას გაქცეოდა.

ოდიშს არ ჰყოლია თავისი ჯუანშერი, არც ისტორიანი და აზმანი შარავანდელთანის ბადალი ძეგლი შემონახულა ივარქმნილ წიგნთსაცავებში. ასე რომ, მის ჟამთააღმწერელს დიახაც მოუწევს ტვინის ჰყლეტა სადადიანოს წარსულის აღდგენა-რესტავრაციის გზაზე.

დადიას რეზიდენცია ყველა მოვლენის ეპიცენტრი გახლდათ სამეგრელოში. აქაური კარის ეკლესია ნელინელ სტაცებდა მრევლს მარტვილის, ხობის, ილორის მონასტრებს. ზუგდიდის სახელის წარმოშობაც ისეთივე ბურუსითაა მოცული, როგორც — ენგური აგვისტოს სისხამ დილით.

ამბობენ, დიდი სუკი, დიდი ზეგანი იყო სადადიანოს ცენტრშიო. ჩინებულად იციან ყსბებმა სუკი უკიდურესი სიმაღლე რომაა საქონლის ზურგზე. მსაზღვრელად დიდის მოშველიება ჩვეულებრივი მოვლენაა მეგრულში. ახლაც სამურად ჟღერს ყურში: ჰყონდიდი, დიდნეძი, დიდგვიმარონი. ალბათ, ამათ კვალობაზე აიდგა ფეხი სუკი დიდაც, რომელიც დროთა მსვლელობაში გაკეთილხმოვნდა, ზუგდიდად ჩამოქანდაკდა, თუმცა ჩვენთვის უფრო არსებითი ის გახლავთ, რომ ოდიშის სამთავროს შუაგულში არათუ ყმა, თვით დადიანის კარზე მიღებული აზნაურიცა და თავადიც ვერ ბედავდა დასახლებას.

დიდბაზრობები იმართებოდა გიჟმაჟი ჩხოუშმას სანაპიროს. დაიძრებოდნენ დიდვაჭარნი სამურზაყანოდან თუ გურიიდან, კულაშის ებრაელობა, იმერეთის აზატი შემოდგომის აზნაურობა, უბატონო სვანეთი, მთა და ბარი მოგროვდებოდა აქოჩრილი ჩხოუშმას პირას. ზმუოდა საქონელი, მოჭრილებდნენ კამეჩშებმული ურმები, თვალს იტაცებდა ცხენების რემა. დიდვაჭრად სწორედ ის მიაჩნდათ, ვინც ბაზრობაზე გაყვანამდე ჯოჯის რჩეულ ეგზემპლარს დადიას უფეშქაშებდა. ამისთანები ბაჟს არ იხდიდნენ, და თავიანთი საქონლის გაუსაღებლობის შემთხვევაში კარვების გაშლის უფლებითაც სარგებლობდნენ. პირველი ქარვასლები ნაღდად მათი მოხერხებულობისგან მოდის, რომლებიც ფაცხებიდან და ჭარგვალეებიდან ნელ-ნელა ქვითკირის შენობებად გარდაისახნენ. ბაზრობები უფრო ხელსაყრელი შეიქმნა დადიანისთვის. ადრე მახლობელი თუ შორეული სოფლები რიგისობისდა მიხედვით კვებავდნენ მთავრის მრავალრიცხოვან კარს, თანაც ყოველთვის ფეხათრეულად გაიღებდა თითოეული თემი მისთვის დაწესებულ ბეგარას, ჩხოუშმას ნაპირას გაჩაღებულმა ალებ-მიცემობამ დადიას საჭინიბოს დარახტული მერნები მოუმრავლა, აგვარას, ბაკს — მთვარისფერი ხარები არშინიანი ყანწებით, მარაკას — ალისფერთვალეზიანი თხები, რინტუებსაც რომ ეძახდნენ ადგილობრივნი, საქათმეს — ყიყლიყოს ომახიანად გამჩალებელი მამლეზი, ალიონიდანვე ხშირხშირად მოკაკანე თავიანთი დედლებით, საღორეს —

თორმეტ-თორმეტი გოჭის დამყრელი ქუბები და ციდაეშვა ტახები შავ-თეთრი ქათიბებით.

ვაჭრობის განვითარებას დიახაც უმართავდა ხელს დავით დადიანი. ჭავჭავაძეების ულამაზესი ასული კატერინა ფრანგულ ყაიდაზე უზრდიდა შვილებს. ეკატერინე დიდის ნათლული ცოლი ქმრის მხარდამხარ აღაშენებდა სამკვიდრობელს თვისას. სასახლის შემოგარენში იშვიათი ბალი აშრიალდა. მართალია, დიდთურქობისას ლამის მიწის პირისგან აღიგავა იგი, მაგრამ დაქვრივებულმა დედოფალმა უტუ მიქავას ლაშქართან ერთად, კუდით ქვა რომ ასროლინა ასკერებს ნალიმასთან, სოფელ კოკთან, კვლავ მოიცალეს მისი განხლებსთვის.

სოფელ ოდიშთან თორმეტი წყარო ერთ კალაპოტში მოაქციეს და იმ ზღაპრულ ბაღში შემოაშვეს. წალკოტის შუაგულში ტბევდებოდა მთიდან ჩამონაკადებული ჩქერი, მერმე გეზს იცვლიდა დასავლეთით, სასახლის პირდაპირ გაშენებულ ჭადრების ხეივანს გადასერავდა კუნტრუმ-კუნტრუმით და სადღაც ჭითაწყარის მიდამოებში განიბნეოდა აურაცხელ თვალ-მარგალიტად.

თითოეული ბუჩქი სამეგრელოს პირველი ბანოვანის თვალის გასახარად შარიშურობდა ოდიშში. ვინ იფიქრებდა ჩხოუმის ნაპირზე ახუხულავებული ძელურები ოდესმე მთავრის სამოსახლოს მიმართულებით წამოცოცდებოდა, წვიმიან ტყეში ამოფეთქილი სოკოებივით გამრავლდებოდა გზადაგზა, ჩრდილოეთითა და სამხრეთით, დასავლეთით თუ აღმოსავლეთით?!

დადიანების ოდიში და ოდიშელების ზუგდიდი ყოველ ცისმარე, ყოველ შებინდებულზე სამკვდრო-სასიცოცხლოდ ებრძოდა ერთმანეთს, ექიშპებოდნენ საარსებო დრო და სივრცის მოსაპოვებლად.

დადიანების კარს ევროპისკენ ეჭირა თვალი, დიდი იმპერატორის შთამომავლებს შეურევდა სისხლს, არ ჰყოფნიდა ლაჟვარდოვანი სივრცენი სამეგრელოსა და ბონაპარტეების შტო ზედსიძე მოიკიდა, აშილ მიურატს მიათხოვა კალმით ნახატი თავისი სალომე.

ომერ ფაშას იავარქმნილი წალკოტი და ნაგებობანი სამარადჯამოდ შეიწოვა ოდიშის მიწამ, მაგრამ მათ ნაცვლად ისევ აღიმართა, ისევ აჩეროვდა ახალი. თითქოს ოდიშს, მის სისხლ-ხორცეულ მემკვიდრე ზუგდიდს, ბედად ეწერა გამუდმებული შენება და ნგრევა, დაუსაბამო გაცამტვერება და კვლავ ფენიქსივით აღდგომა საკუთარი ნაცრისგან თუ ლანდისგან.

წმინდა ელენეს კუნძულზე ფრანჩესკო ანტომარკის მიერ თაბაშირში ჩამოსხმული ნაპოლეონის ნიღაბი, მერმე ბრინჯაოში რომ ჰპოვებს უკვდავებას, მზითვად ჩამოჰყვა დადიანების ზედსიძე ბონაპარტეს დისშვილს. ნაპოლეონის იმპერატორად კურთხევის ეპიზოდით ლაღადებდა ამპერის სტილის მაგიდა. ბონაპარტეს ბავშვობას აფუჩეჩებდა ლარნაკები და ფინჯან-ლამბაქი. მონარქის უკვდავების სიმბოლო-ღერბი სფინქსივით ამოუცნობ სულს შთაბერავდა სა-

დადიანოს არე-კიდეს, მაგრამ ზუგდიდის შემოგარენი, მთიანი თუ ზენი სოფლები, ნელინელ მოჩოჩაენდენ ოდიშის ცენტრისკენ, ნელინელ ვიწროვდებოდა რკალი სამეგრელოს ამაყ ქალბატონის ძალაუფლების გარშემო.

რუსეთმა საძირკველი გამოაცალა კატერინას წყალშეუვალ დედოფლობას, ზღაპრული პენსია დაუნიშნა ორთავიან არწივის ფრთებს უკანასკნელად შეყუყუული სამთავროს მბრძანებელ დედაკაცს.

ქარს არ ეშლებოდა მისამართები, ფოთლებივით მიფანტავდა დადიანების სახეებს, მიმოაბნევედა გზადაგზა მათ ცისფერ სისხლს; ამყურდოვებდა, აჩუმათებდა ოდიშის ერთპიროვნულ გამგებელთა გვაროვნულ რეგალიებს.

ნელ-ნელა იკეცებოდა ოდიშის დროშა, უბლაგვდებოდა ჯაგარაშლილ ტახს ეშვები, ხოზობსაც ჭრელი პერანგი უხუზდებოდა.

კამათლებივით ტრიალებდნენ დღეები. ახალი დროება მორიგ უღუფას ჩამოაჭრიდა მკვდრეთით აღდგენილ ბოტანიკურ ბაღს. თითქოს გმირობაში ერთმეოდან ზუგდიდის მესვეურებს, თუ რამდენს ჩამოათლიდნენ იმ სხეულს, რაოდენ შეავიწროვებდნენ სამეგრელოს მთავართა ბატონკაცურ კონცხს, თითქოს დადიანთა საბრძანისის შეზღუდვით აღზევებულ პროლეტარიატის დიქტატურას უკვდავების გარანტიებს მიუბოძებდნენ.

სტადიონმა ორი პექტარი მიწა ჩამოაკბიხა ჯვარცმულ ბოტანიკურ ბაღს; ინდუსტრიულმა ტექნიკუმმა — მისი ნახევარი; ქალთა სკოლამ — მეოთხედი.

განიბნენ ოდიშიდან დადიანები და დაიძრნენ ზუგდიდის აღსაშენებლად ოდიშელები. ჩამოივაკეს ფერდობ და ფერდობ ახალსოფლელებმა: მოსიებმა, ჭაჭუებმა თუ როგავეებმა.

ოდაბადე-შამგონის მოსახლეობაც თავპირისმტვრევით წამოქანდა ზუგდიდისკენ, მიხა ჯიჭონაიას ეზო-კარით გამავალ წყაროს აედევნენ, გადასერეს ბოტანიკური ბაღი, ხელოვნური ტბა, ჩაჩიბაიას გაჩეხილი წალკოტი, გაჯირითდნენ სტადიონზე, გაშპნენ ჭადრების ხეივნით და ზოგი ქობალია მაცხოვრის კარისკენ დასახლდა და ზოგი ანთარია — ავტოსადგურისკენ.

ზუგდიდის ბოტანიკური ბაღის იავარქმნასა და აღორძინების შესახებ მოგახსენეთ. კიდევ კარგი ფელიქს ედმონდის ძის მოკითხული სექვოია მტილოვანის სიღრმეში ირწეოდა, მავანთა სალაცენტო არეში არ მოხვედრილა, თორემ ლადი ზაქარაიას რომ გაუძნელდა მისი პოვნა ოცდაათიან წლებში, საერთოდ სანთლითაც ვერ აღმოაჩენდნენ.

— ხომ არ ვიჭარე „პარაბელუმის“ ჩუქება? — გაეხუმრა სადადიანოს უშიშროების სამსახურის უფროსს რკინის კომისარი. ამოიღო ბლოკნოტი, გადაათვალიერა რუქა და თვალდახუჭული მიადგა იმ გიგანტ ხეს.

ბედი სწყალობდათ ოდიშის ერთპიროვნულ გამგებლებს უარაფროთა ფრთიდან, რადგანაც დადიანების ბაღის საოცრება ხეების განმკითხავი არავინ იყო. ნება დაგვრთოთ, სამ დღე-ღამეში ძირში მოსხეპდნენ უნიკალურ ჭიშებს და ფიცრებად დააგებდნენ მიწატკეპნილ ძელურებში.

უკვე არავის ახსოვდა ზუგდიდ-ქალაქის ეტიმოლოგიური წარმომავლობა. თვალსა და ხელს შუა გაქრა მისი შინაარსიდან ტერმინი სუკი, ზეგანი,

ზენი და ოსტატურად დაუკავშირდა ხერხემლის გაყოლებაზე არსებულ სივრცეს ადამიანის სხეულისას — ზურგს, შესაძლებლობას, დავლათიანობას.

ჯერ მეზობელი რაიონებიდან შემოეწყვინენ ზუგდიდ-ქალაქს უპოვარი ყმა-გლეხები — ფიფები და კვარაცხელიები წალენჯიხიდან, სიჭინავები და ჯალაღონიები — ჩხორაწყუდან, გაბისონიები და ჯოჯუები — მარტვილიდან; მოგვიანებით აცაბაცათი წამოცოდნენ სადადიანოს ცენტრისკენ ინგირელები და ოდიშელები, ლამის რუსთაველის პროსპექტს გადაეხლართნენ, ჩამოფუძნდნენ ქარჩავები სართანიების და ანთიების მხარადამხარ;

რუხიდან შერაზიები და ნარმანიები აიბარგნენ, ჭკადუაშიდან — მორგოშეები და ანთელავეები, ჭაქვიჩიდან — ჯიქიები და ტიბუები, ნარაზენიდან — თოდუები და ლომაიები.

ალყაში მოაქციეს დადიას მიჩუმათებული კორტოხი. გასრიალდა ქალაქის სიგრიძე რუსთაველის გამზირი მოხასხასე გაზონებითა და პალმათა მარაობით.

ენგურქალღკომბინატი ხომ ისედაც არავის უთმობდა პირველობას. ქალაქი ქალაქში გუნდავდებოდა ამბაკო ფაცაცის ვაჟის გამჭრიახობით. ასე მტკაველ-მტკაველ, ნაბიჯ-ნაბიჯ ფესვს იმაგრებდა სადადიანოს ცენტრში, როგორც მიმდებარე თუ მახლობელი სოფლების, ისე — სხვა რაიონის მოსახლეობა.

განუხრელი შენება და დანგრევა სურამის ციხესავით აკვნიდანვე დაებედა ზუგდიდ-ქალაქს.

მართალია, მისი კედლები აბსტრაქციაში აღიქმებოდა და არც ზურაბი ჩანდა თვალსაწიერზე წარმოსახვითი ბურჯის გასამაგრებლად, მაგრამ გასაოცარი ის გახლდათ, რომ ათწლეულობით ჩაქვიტირებულს თვალის დახამხამებაში გამოუყვანდა წირვას ახალი დროებისა და გუნება-განწყობილების ხალხი.

ნარაზენში რის ვაი-ვაგლახით დაფუძნებულ პორცერის სპირტის ქარხანას ბოლშევიკების ფეხის მოკიდებამ საძირკველი მოურყია. სწორედ იმ ტალღამ გაასწორა მიწასთან ჭითაშვილის აგურის ქარხანა, ცაიშის კირსაწვავი.

ხეტიდან ნარაზენის სპირტის ქარხნისკენ მიმავალი რკინიგზის შტო ცამ ჩაყლაპა. მათი მეპატრონენი, კომერსანტებად რომ იწოდებოდნენ მაშინ, რამდენიმე ნაბიჯით გაასწრებენ რკინის ნიაღვარს; მხოლოდ გერმანელი ინჟინერი ლუდუკ გაბანი ჩამორჩება ამ სრბოლას. საკუთარი პროექტით წამოწყებული სასტუმრო „ოდიშის“ მშენებლობას ვერ ელევა. მართალია, მის სიცოცხლეში სამსართულიან ქარავსლას დასრულება არ ეწერა და არც მკლავს მოაჭრიდა ვინმე გუთების ტომის შთამომავალს: რატომ დროზე ვერ ააგეო, მაგრამ ტრაქტირის მოპირდაპირე, ღვინო-კონიაკის მეურნეობა „კოლხიდა“, დღევანდელი კავშირგაბმულობის სივრცეს რომ დაუფლებოდა, სრულიად ზუგდიდის სათავყრილობა ადგილად იქცა.

ლაღი ტუსქიას დაწესებულებამ და ვართანოვის ცეცხლოვანმა წყალმა ღვიძლი დაუცეროზა გერმანელ არქიტექტორს. შვილის ალერსს რომ ვერ

ელირსა ისე, მხრებზე შერჩენილი ორივე მკლავით მიაბარეს ჭითაწყარის სასაფლაოს. აბა, რა იქნებოდა, სადადიანოს მოსაშობად გაჩაღებული წარმოება, სადაც მარტო ბულალტრად ორმოცდაოთხი კაცი ურაკუნებდა საანგარიშოს და თითოეულ მუშას ყოველკვირა გასამრჯელოსთან ერთად დეკალიტრ ღვინოს და ორ ბოთლ კონიაკს უსახსოვრებდნენ ტოტოშა ჯიჭონაისთან თუ პატივისცემისთვის გაფორმებულ გვანჯი ჩიქვანის მხარდამხარ.

ღვინო-კონიაკი იპყრობდა ყველას და ყველაფერს. რუსთაველის ქუჩის დასაწყისიდან ბოლომდე სპირტის სუნი ტრიალებდა. დამთვრალი ძაღლები ქუჩა-ქუჩა დაბანცალებდნენ. ბუზები ადგილიდან ვერ გატოკებულყვნენ. მოქალაქეთა კოსტუმები რომ გაგეწურათ, ტუსქიას და ვართანოვის სპირტი წკურწკურით წამოვიდოდა. პურ-ღვინო, პურ-მარილი იმ თაობის უზუსტეს სინონიმად გამოდგებოდა. ოლონდ სასმელი ყოფილიყო და მისატანებლებს არაფრად დაგიდევდნენ. ფოსტალიონები პურის ყუაზე ქეიფობდნენ, პროვიზორები — გლუკოზის აბებზე, ფეხბურთელები ცარიელი ხახვით გადიოდნენ ფონს საპასუხისმგებლო მატჩის წინ.

ტუსქიას და ვართანოვის ჯადოქრულმა ხელოვნებამ კონვეიერული სისტემით გაისტუმრა ოდიშის ჭარმაგობა მარმარილოთა საუფლოსკენ.

სიტყვამ მოიტანა და სასაფლაო ორი ჰქონდა ზუგდიდ-ქალაქს — სასაფლაოთი იწყობდა და მისით მთავრდებოდა.

სტუმრის ზედ კარიბჭესთან ხვდებოდნენ ზუგდიდლები. ვიდრე რესტორანში შეიპატიჟებდნენ, ჯერ განსვენებულ მეგობარს მოინახულებდნენ, ჭიქას გადაუწევდნენ, უდღეგრძელებდნენ სამარადისო საბრძანისს. მერმე მდიდრულ სუფრას შემომსხდარნი აუნსნიდნენ უცხოს ზუგდიდური სასაფლაოების თავისებურებებს.

— ამდენ სტუმრიანობას ვეღარ გაუძღეს ცხონებულებმა, ღვინო ხომ ტუსქიას კასრებს ხეთაქვს და ადრე წავიდნენ. ამიტომაც დაკრძალულან ქალაქის შემოსასვლელში; ამიტომაც მივაგებთ უწინარეს პატივს შორეული ქვეყნის ბინადრებსო. რაც შეეხება გასასვლელთან მდებარე სასაფლაოს, ვინც მტრულად შემოგვეპარება, მათი სამარადისო სავანეაო.

ისე ნუ გავიგებთ, თითქოს ქალაქის წინკართან ზუგდიდის მხოლოდ ერთგული შვილები ემარხა, ხოლო ბოლოში — მარტოკა მტრები, მაგრამ ეს ლამაზი თქმულება ჭკუის მოსახმობად უფრო შეეთხზათ, ხოლო ვისი გამონათქვამი იყო, ამისი დადგენა უკვე ძნელია, მითუმეტეს ვახსენეთ, ზუგდიდს თავისი ჯუანშერები არ ჰყოლია-მეთქი.

სოფელ ცაიშთან რომ ჩამოქვეითდა დიდი ილია მეუნარგიებისას და სამეგრელოში ჩამოსტუმრებულმა მთელი საქართველო მოიხილა, როგორც რკოში მუხა იგულისხმება და წვეთში — ოკვანე, ეჭვიმუტანელი სინამდვილეა, მაგრამ ჭირს გარკვევა, მართლაც დააღვინეს თუ არა კატერინას მოგვარეს ზუგდიდ-ქალაქის ნამუსიანი ბიჭების სადღეგრძელო, ანკი არსებობდა საერთოდ მაშინ ის სასაფლაო ჭითაწყარის კიდესთან?!

იმ დროს ოდიშს ხომ რაფიელ ერისთავი მეთავებოდა, სალი კლდეების

უკვდავების ხეზედ არგამცვლელი ბერმუხა?! ესეც რომ არა, ქალაქისთავი, როგორც სანდო წყაროები მოწმობენ, ჭადრის ხეივნის გაშენებით ყოფილა დაკავებული. ტრიფოლიატს კბენია ძირებს რგავდნენ გაჭიმული ბაწრის გაყოლებათე. რა ბედი ეწევა მოგვიანებით ამ ეკლიან, მარადმწვანე მცენარეს, ისედაც ნათელია ჩვენთვის, ჰოდა, ვერც იმისი განსაზღვრა ხერხდება — დღმა ილიამ შეაბიჯა თუ არა საერთოდ ახალშობილ სკვერში. ისიც არ არის გამორიცხული, რომ საქართველოს უგვირგვინო მეფეს ძირისძირამდე მოესწრო მშენებარე ქალაქის დათვალიერება. ანდა რა საჩვენებელი იქნებოდა ჭადრების ხეივნის გასწვრივ ტრიფოლიატს ძირების ჩაყრა დაჭიმული ბაწრის კვალდაკვალ?! ალბათ, მომავალი სტუმრიანობისთვის ინახავდნენ ზუგდიდ-ქალაქის მესვეურნი აღმშენებლობის გზაზე დამდგარი სადადიანოს ცენტრის წარდგინებას, მაგრამ ისიც ჩინებულად მოგვესვენებათ, წიწამურის მიდამოებში ასვეტებულ ბერბიჭაშვილს როგორ დაემქუხარა ერის მამა:

— ილია ვარ! — და რანაირად იწვილა იმ ხმაზე დაქირავებულმა ბერდანკამ. მოვიდა სამეგრელოში, მოიხილა სრულიად საქართველო და ამაზე უკეთესი სიცხადით რანაირად ამალღებულყო სულმნათი ცად?! სჩვევია უფალს მისიანების სამოთხის არეებში შემომჭიდროვება.

ასე, წვეთ-წვეთობით აღმოცენებული ზუგდიდის ივარქმნისა და ხელახალი აღმოცენების თაობაზე, ვფიქრობთ, მოგითხრეთ რამდენადმე.

ჰორიზონტალური ქალაქის ეპოქაში სიმძლესს ესწარაფვოდა ადამიანის სხეულებრივი აღნაგობა, მაგრამ გაჩნდა ვერტიკალური ცნება: ლიფტი, ტელეფონი, ფაფუკი სავარძლები და ქამარიც ნელინელ მოხალავათდა; ჯერ ორი ნახვრეტით მოეშვა წელზე, მერე — ხუთით, რვით და მალე ლოტოს კოჭს დაემსგავსა ლერწამი ტანი. უკვე მძლავრ ტურბინებს ატრიალებდა ენგურის გიჟმაჟი დინება. პირველი მშობლიური ნათება გამოკრთა ოდიშელების შუშაბანდებიდან. მოსახლეობამ ნებიერად გაიზმორა. გუშინწინ ფაცხებისა და ძელურების ბინადარი ქვითკირის ორსართულიან სახლებში გადაბარგდა. ენერგეტიკული სიმძლავრეების მოზღვავებამ მუშაობის საღერღელი აუშალა ფაბრიკა-ქარხნებს. დაიწყო ჩაის პლანტაციების გამალღებული გაშენება, ისე რომ, არავინ დაინტერესებულა, იყო კი საერთოდ მიზანშეწონილი ეს კულტურა დაკავებული ფართობისათვის.

ფულის შოვნის მანიაკურმა მიდრეკილებებმა მამაპაპური კერიიდან გამოაძევა მდედრი. წესით შვილების აღზრდაში გასალევი მისი ხელები გააუხეშა დუყების გლეჯვამ. თამარა ყუფუნისათვის ელში შემყიდროვდა როკის ტანმორჩილი დედა ყენია ქირხეც. მუყაით ოჯახს დღეში ორას კილოგრამამდე ზომიერი ხარისხის ჩაის მოკრეფვა შეეძლო, რაც ყველაზე ზერელე გაანგარიშებითაც კი ერთი ტომარა შაქრის საფასურია და გამოუვიდა ჭიანჭველასაც ფრთები. მეზობელი მეზობელს გაეჯიბრა „შეშლილი მსოფლიოს“ კინოლენტის პერსონაჟების კვლობაზე, ქუჩა ქუჩას დაემეტოქა და უბანი — უბანს. სამამულო წარმოების ავეჯი ჩამობრძანდა

სამზადში და ზუგდიდისკენ კონტინენტებით წამოდინდა არაბული თუ ფინური გარნიტური, იტალიური თუ იაპონური სანტექნიკა, გერმანული თუ ამერიკული აპარატურა. მომძლავრებულმა ენერგიამ ნედლეულიც შესაბამისი მოითხოვა, რამაც წირვა გამოუყვანა ხარისხს, თუმცა სტეპანცევის ექსპერიმენტული ზონის მაგვარ დაწესებულებებს ჩრდილოეთს რა გამოუღევდა და ნახერხად მონათლულმა ჩაიმ დაბლა დახარა საქართველოს ღირსების დროშა.

ფულის სიჭარბემ ერთი მოუხელებელი სენიც შეჰყარა აქაურებს. ცხრაპირა კანს გაიძრობდა ოდიშელი, პირზე ოფლს გადაიდენდა და შვილს უუძღვლესოდ არაფრისიღებით დატოვებდა. მთავარი იყო დიპლომი. ყველაზე პრესტიჟულად სამედიცინო სასწავლებელი მიიჩნეოდა. ამას მოსდევდა იურისპრუდენციული და ჰუმანიტარული განათლება (პარტიული მუშაკები ძირითადად ამ კატეგორიის ხალხზე მოდიოდა), დანარჩენი არჩევანზე იყო. ოღონდ უმადლესდამთავრებულის დამადასტურებელი საბუთი მოეხელთებინა ოჯახს და არას ჩიოდა რა პროფესიის იქნებოდა მისი ასული თუ ძე. ჰოდა, იმას ვამბობთ, დატრიალდნენ რეპეტიტორები.

საქვეყნოდ ცნობილია შოთა შამათავას ფათერაკი. ოდიშელ აფთიაქარს სამედიცინო ინსტიტუტიდან ჩამობრძანებული სტუმრები მიეპატიჟნა შინ. ისინი ბიოლოგიის კათედრიდან იყვნენ, ზუგდიდის ბოტანიკურ ბაღში იმვიითი ხეების მდგომარეობას იკვლევდნენ.

გავიდა ერთი დღე, მეორე, მესამე, მაგრამ ნურას უკაცრავად, სტუმრები ძვრასაც არ შვრებიან, ჰოდა, რა ქნას შოთა შამათავამაც?! წირვა გამოუყვანეს გოჭებს და ქათმებს. შეიმუსრა ყვინჩილები და მამლაყინწები. მოკუხებული ინდაურები გააქანეს აგუგუნებული ბუხრისკენ. მიწწარდა ხბოს კუნტრუში ეზოში. ამისთანა ვითარებაა და ერთ დილამშვენიერზე მასპინძელმა მაცხოვრისკარის სასაფლაოზე აიყვანა სტუმრები. ეკლესიაში სანთლები ანთეს. დატკბნენ თბილისელები ოდიშის შემოგარენის სიმშვენიერით, თითქოს ფუნქცილიორიდან გადმოეხედოთ საქართველოსთვის.

— მართლაც სამოთხეა, — თქვეს ბიოლოგებმა, — რამდენი ფერი ერწყმის ერმანეთს?! —

— კი, დიდებულია, — თავი მოისაწყლა შოთა შამათავამ, — მაგრამ ზედმეტად ახლოს ვცხოვრობთ სასაფლაოსთან.

— მერე ეგ რა შუაშია? — ჰკითხა შუახნის დოცენტმა.

— როგორ თუ რა?! მიცვალებულთა ცხიმი მოჰყვება გრუნტს და წყალი აულღებულად ვერ დაგვიღვია.

— მართლა? — შეწუხდა მცოვანი პროფესორი.

— წამობრძანდით, თავად ნახეთ ჩვენი გასაჭირი! — თქვა დაღვრემილი სახის შამათავამ და მეცნიერები მიაყვნა ჭას, რომელშიც მთელი ჩაის ჭიქა საჭმელი ზეთია ჩაღვრილი საღამოთივე. თან უხსნის შეცბუნებულ ხალხს:

— დედაჩემი ამ ცხიმს ვედროთი გაფანტავს ხოლმე, სიღრმეში ჩაუშვებს, იქ წყალი შედარებით სუფთაა. მერე სწრაფად ამოიღებს ვედროს, მაგრამ მო-

დუღება მაინც აუცილებელია, — ჩამთავრა და თავი სინანულით გააქნია.

აქამდე ლაღად დამკვიდრებული სტუმრები რატომღაც დაფაცურდნენ, ბარგი-ბარხანა შეკრეს, გაუბრძან გულლიად მორთმეულ საუზმეს. არც წყალს აკარებენ პირს და აღარც — ღვინოს.

— ჩაი მაინც ინებეთ, — წუხს პროვოზორი შამათავას მოხუცი დედა, მაგრამ გაგონილა! დატოვებს მეცნიერებმა ხელუხლებელი სუფრა და გადაბარგდნენ სასტუმრო „ოდიშში“.

უტრაბახია ამის გამო შოთა შამათავას სამედიცინო ინსტიტუტის რექტორთან. იმას თავის მხრივ საჯაროდ გაუმასხრებია ექსპედიციის წევრი ხელქვეითები, და აი, მედალოსანი გოგო გამოცდაზე რომ გაიყვანა, გვარმა და მამის სახელმა უმტრო ქალიშვილს, დამაკმაყოფილებელი შეფასება სტკიცეს ფენომენალური ნიჭის ასულს. ცუდი ხუმრობა გამოუვიდა შოთას.

მისაღები გამოცდების საგნების მომზადება რეპეტიტორებთან აუცილებელ პირობად დამკვიდრდა, მაგრამ გამოჩნდნენ უფრო ფხიანებიც, რომლებიც საკლასო ჟურნალებს მიუჩოჩდნენ და გონებაგახსნილი ბავშვების სიების შედგენას მიჰყვებიან ხელი. ამ მხრივ ოდიშის სინამდვილეში შეუდარებელი გამოდგა ჩვენთვის საკმაოდ ცნობილი დაჩი კეზუა. მისი გემოვნება ძირითადად სოხუმის სუბტროპიკულ ინსტიტუტს ეთანაწყობოდა. აბიტურიენტებს მშობლებთან ერთად გელშემატკივრობდა კაფანდარა მგოსანი. გააღწევდა ფონს საკუთარი ძალებით ახალგაზრდა?! გაზეთში გახვეულ ფულს გულისჯიბიდან შარვლისკენ გადაიტანდა, მაგრამ როდესაც ყისმათი უმუხთილებდა სწავლისთვის შედერილ ჭაბუკს თუ ქალიშვილს, სინანულიანი თავისკანტურით დაუბრუნებდა პატრონს. ამ გზით ყოველი ათიდან ხუთი მაინც უმართლებდა დაჩი კეზუას, თუმცა იმ გაგანია ზაფხულში უკუღმართად დაუტრიალდა ბედის ბორბალი.

უიღბლო ცხრა კლიენტმა პირველი გამოცდიდანვე უმტყუნა და ყველა იმედი ახლა ჩხარჩხალიების ასულზე ეკიდა. ისიც ყელში დანას თუ გამოუსვამდა, ოდიშში არ დაედგომებოდა დაჩი კეზუას. წინასწარ განადღებულ ათი ათასი მანეთი კარგა ხანია თომა ლოლუსას რესტორანში დაამღერა პეტეკო თოდუასთან ერთად და სულში სანთლებს უნთებდა წმინდა გიორგის.

აგერ კიბეებზე ეშვება ჩხარჩხალიების ცირა, მაგრამ ქალიშვილის მხრების ცახცახი თვალნათლივ მიახვედრებდა მშობლებსაც და რეპეტიტორსაც საქმის სიდუხჭირეს.

— ჩამჭრეს, ძალად ჩამჭრეს! — ქვითინებდა ცისფერთვალეა ჩხარჩხალზე.

— რალაცაშია საქმე, — ფერი ეცვალა დაჩი კეზუას, — ახლავე გავარკვევ! — თქვა და რექტორატისკენ გაუპირდაპირა, მაგრამ მეგონა ჩხარჩხალია მთლად ცხრა ნომერი გლეხი როდი გახლდათ, წვდა მაშინვე ყანყრატოში.

— მოიტანე ფული, აფერისტო, თორემ დაგახრჩვე და ეგ არის!

გაფითრებულ დაჩი კეზუას მხრების აჩეჩვის მეტი რაღა დარჩენოდა.

— მომავალ სეზონში ორმაგად გადაგიხდი! — ამოიხრიალა, მაგრამ ვინ იყო ამისი გამგონე?! ჩატუნეს მანქანაში და ცაიშის გზას გაუყვნეს.

— სანამ იმ ათას მანეთს არ გამოიმუშავებ, მეყოლები პატიმრობაში, — დაექაღნა და წაეწყო ღლები ღლებს.

ღლით ჭიქა არაყს გადაკრავდნენ დამტუსაღებელ-პატიმარი. გავიღონდნენ სიმინდის ყანაში. დაგვიანებულია გამოროდება, მიწას შემოაყრიან ძირებს, საგზალს ამოაცოცებენ მერე, უხვჩრდილიან ალაგას მოხერხებით მოკალათდებიან და დოქ ღვინოს მიაყოლებენ.

დაჩი კეზუა განუმეორებელი დეკლამატორია. მთელი ქართული პოეზია ხელისგულზე ულაგია. დაიწყებს და არ გამორთავს. მეგონა ჩხარჩხალია გადარეულია მისი მეხსიერების გასაოცარი უნარიანობით. ფეხარეულნი ბრუნდებიან შინ. იქ ვახშამზე კვლავ დაუმატებენ თითო უშუას. ამობრდღვილდება მორიგი დილა, ისევ ას-ასი გრამით გამოიხედავენ თვლებში. გაემართებიან აკოკრილი ყანისკენ. შეიტანენ სასუქს, მიმყუდროვდებიან ჩეროში, მოაძრობენ დოქს სიმინდის ნაჭურჩალს. კვლავ ახალ ლექსებს დააკვესებს დაჩი კეზუა.

მეგონა ჩხარჩხალია უკვე იპროშნება. ძმობას ეფიცება ოჯახის დამაქცევარს. ცრემლიანი თვლებით მომდევნოთა წაკითხვას სთხოვს.

იფერფლებიან მცხუნვარე მზეზე ალან პოები და ბერნსები, უიტმენები და მიცკევიჩები, რემბოები და ვერლენები, თაგორები და ხაიამები.

ხელიხელგადახვეულნი ბრუნდებიან შინ. ერთხელაც შეიგებენ ნაკლული ღვინის მარაგს და ასეა მთელი კვირა.

ღიასახლისს ძარღვები დაწყდომია. კერასთან ფუსფუსს ვერაფრით შორდება. ჩაის სეზონი თვალსა და ხელს შუა გაუბრის. ოქროდ ღირებული დრო ეკარგება. აქეთ უწყინარი ქმარი გალოთებია. ქათმებს და ინდაურებს მუსრი გაავლეს. ქალიშვილმა შეპრენტილი ლექსების წერა დაიწყო. ჭყინტი ყველი ვერ ასწრებს სულუგუნად ჩამოქნას და ვიდრე სისხამზე წამოიშლებოდნენ, გამბედაობამოკრებილი შეაღებს მომინაურებული სტუმრის ოთახის კარს. ნაღვინევს უზიდებია გაქათათებულ ბალიშზე. უცხო მამაკაცთან განმარტოებული არნახე მოკრძალებას არაფრად დაგიდევს, ქეჩოში წვდება და გამოაჩინდრიკებს ბრუალიდან.

— ოღონდ დაგვეხსენი, — ემუდარება ცრემლად დაღვრილი, — აგერ, კიდევ ოცდაათი მანეთი. სანამ ქმარს გაუღვიძნია წადი შენი გზით. ავტობუსი ნახევარ საათში ჩამოვიღოს. გადაშენდი ჩემი ოჯახიდან!

შეფუცხუნებული დაჩი კეზუა გამალებით იმოსება.

— გული მიფანცქალებს, იქნებ ასი გრამი დამალვიწონო! — იღმინჭება.

სამზარეულოსკენ მიჰყვება ღიასახლისს. ძაღლები ელაქუცებიან გასახლიკაცებულ რეპეტიტორს. ჩაცეცხლავს არაყს ერთხელ, მეორედ. მესამე სირჩას სანახევროდლა ჰყოფნის გამჭვირვალე გრაფინიდან გადმოწურული სით-

ხე, მაგრამ იმასაც გადაუძახებს, ფუმფულა პურს შეუორთქლებს, მაჯას იყნოსავს. ცქნავ-ცქნავით მიდის ჭიშკრისკენ. ოჯახის უფროსთან დაუმვიდობებლად წასვლა ეხამუშება, მაგრამ არნახე მსუბუქად უბიძგებს ზურგში და გამოღებულ კუტიკარს მანამდე დარაჯობს, ვიდრე სოფლის ავტობუსი შესქელებული მტვრით მოსახვევში არ მიიმალება.

— ვისაც ფული ჰქონდა ბაბუა დაიტირა და ვისაც არა — მამა წელში მოხრილმა გააცილაო, — იტყვიან ოდიშელები და ახლა სრულიად საქართველოს თუ საბჭოეთის ანგარიშგასაწევი შემოქმედებითი ინტელეგენცია ზუგდიდში ტრიალებს.

კონცერტებს კონცერტები ენაცვლება, პოეზიის სადამოებს — პერსონალური გამოფენები სამხატვრო გალერეაში. გადაიქედება ლამაზყდიანი წიგნებით ძვირფასი თაროები.

ამჯერად დიდი და პატარა ხელოვანი, სპილოს სტუმარია. ფუნქციონერებს ორი კინკლა ლექსი ვერ დაუზუთხებიათ სკოლინდელი „თხა და ვენახის“ შემდეგ, ქალაქის აღმასრულებელი კომიტეტის თავმჯდომარე ოთარ ოდიშელია კი პოეზიის განუმეორებელი ტრფიალია, სწორაუპოვარი თამადა, თითქოს გვანჯი ჩიქვანის შთამომავალი ყოფილიყოს პალადის ძე. ახოვანია და ბოხხმიანი. ორსართულიანი სახლი კი აიშენა მაცხოვრის კარზე, მაგრამ ბოლომდე ვერაფრით გამოაწყო. სხვებისგან გამორჩევით ქრთამს არ იღებს, თუმცა ხელი სულ ბენზინისთვის გაუწვდია. გამოვა ქალაქში და სტუმრებიც გამოანათებენ. ვიდრე გვირგვინოსანი იყო მოძღუნკული კოკორნა დაატარებდა შავი „ოცდაოთხით“. ერთხელ თბილისისკენ აბარგებულს ეჩქარება. კოკორნა შეუდარებელი მძღოლია, ელვისებურად ჩაუქროლებს გამაფრთხილებელ საგზაონიშნებს, ავტონისპექციათა ჯიხურებს. ოცდაათჯერ გააჩერეს სამასოცდაათ კილომეტრში. ხუთგზის მინც გაუხვრიტეს ტალონი.

— კოკორნა, შე პე...ო არ გეცოდება ტალონი, მატროსოვით რომ გახადე?

— აი, დარდი, ჩემი ხომ არ არის, შენია, — იკრიჭება კოკორნა.

არა, მთლად აიშვა მძღოლმა. მობრუნდებიან სამსახურში და ანახებს თავისას.

— ჩვენი ერთად მუშაობა არ იქნება! — ფიქრობს ხმამაღლა.

— მერედა, დაწერე განცხადება, პატენი! — ქირკილებს კოკორნა.

მიდი და გასძელი ამისთანა ხალხში.

ამ დღეებში მკვიდრდება მთავრულ ანდაზასავით პეტიკო თოდუას სიტყვები:

— ზუგდიდელი კაცი მუხლებში უყურებს ადამიანს. თუ ფეხზე მაგრად დგახარ, იცოცხლე, თინდაზად გაგეგებიან, მაგრამ საკმარისია სავარძელი გაგიქანავდეს, გაგეცლებიან მუნიანსავით.

ლუდხანების გაღებამდე მთელ ქალაქს შემოვილის პეტიკო თოდუა. ფრანტივით გამოწვევილი დადის. აგერ, ავტოსადგურიდან მოუყვება ტროტუარს. წინ მამაკაცების ჯგუფი შემოეყრება. ხელად იყნოსავს აქაურები რომ არ არი-

ან. შეყოვნდება წამით. მიაყურადებს მათ საუბარს. შავი სამუშაოს მაძებარი ლეჩხუმელნი და რაჭველები შერჩება ხელთ. ერთი ახოვანი ჭარმაგი წინ უჩერდება და ეკითხება:

— აღმასკომს ხომ ვერ მიგვასწავლით?

— ქალაქის ცენტრშია. ხომ არაფერი გაგჭირვებით?! — ჩაეძიება პეტიკო.

— გაჭირვებით არაფერი, მაგრამ სამუშაოს საძებრად ჩამოვსულვართ და აღმასკომიც ამიტომ ვიკითხეთ.

— ბედი გქონიათ, — გამომეტყველებას ისერიოზულეხს პეტიკო, — მე ვარ თავმჯდომარის პირველი მოადგილე. რითი შემძლია გემსახუროთ?

— ბარი და მისი ჯანია ჩვენი საქმე.

— დიდებული, — ამბობს სახელმწიფო მოღვაწე, — სწორედ ამისთანა ხალხს ვეძებდით. დადიანების ბალი ხომ გაგიგონიათ? კი?! მით უკეთესი. აგერ თქვენს თვალწინაა. მეტრო და ოცი სანტიმეტრის სიგანისა და ოთხმოცი სანტიმეტრის სიღრმის თხრილია შემოსავლები მთელი ტერიტორიისთვის ზაბორს შიგნით. სამუშაო დიდია, მაგრამ არც იზარალებთ. ყოველ მეტროში სამ მანეთს გადაგიხდით. ოთხს გამოვწერთ, თითო ბიუჯეტს დარჩება.

დაარტყს ხელი ხელს. გავიდა თხუთმეტი დღე და ერთ მშვენიერ დილას მოადგა აღმასკომს ოცდაათკაციანი ბრიგადა. პირველ მოადგილეს ეძებენ, ვერ პოულობენ. მერე თავმჯდომარე ოდიშელისა მიუჯაკუნებენ კარზე, შრომის ანაზღაურებას ითხოვენ.

— გამაგებინეთ, რა ანაზღაურება, რისი? — კითხულობს სპილო.

— როგორ, ხომ შემოგავლეთ თხრილი დადიანების ბაღს?

— ეგ როდის? ხუმრობთ?! ამოაესეთ ახლავე თორემ ციმბირი უკან დაგ-რჩებათ!

— თქვენს პირველ მოადგილეს მოვურიგდით, — არ ცხრებიან მუშები. უხმობენ მურთაზ ყალიჩავს. შემოტორტმანდება დევითი კაცი.

— არა, ის უფრო თხელი იყო, — განმარტავენ.

— ჰოდა, მიხედეთ ახლავე თქვენს საქმეს! — იცის სპილომ ვისი ოინებია ყოველივე. მიუგზავნიდა სასტუმრო „ოდიშის“ რესტორანში სადღეგრძელოებში გახლართულ პეტიკოს, შენ იტყვი და საფლავი გასათხრელი იქნება თუ რა, მაგრამ არც უიუმორო ოდიში ივარგებს და წაეწყობა დღეები დღეებს.

ფული იმდენი დაგროვილა ზუგდიდში, ჩხოუშისას კალაპოტში რომ მიუშვა, ბეტონის ჯებირებს გადმოვა და მოსახლეობის ბაღ-ბოსტანს დატბორავს.

იმ დღეებში ააფორიაქა ოდიშელები გალის რაიონში, ნაბაკევი, ატომური სადგურის მშენებლობის პროექტმა. ორთავიან არწივს ენგურჰესი არ ყოფნის და ახლა სადადიანოს ყურისძირას აეს-ის გამართვა განუზრახავს.

სპილოსთან იკრიბებიან გავლენიანი პირები ყოველდღე. ამოქექეს ბლოკ-ნოტებიდან ტელეფონების შვიდციფრიანი ნომრები. რაიკომის მდივან შარან-

გიას ცეცხლს შეუწებებენ. მოსახლეობაში გაბერილი ხმები ვრცელდება, რომ ოთხი სოფლის გლეხობის გადასახლება გათვალისწინებული. ატომური სადგური ენდომება ახლა ლაფაროსთან ზუგდიდს.

აგრენენ წარმომადგენლებს მოსკოვს. ჩარევენ საქმეში გივი შრამიანიდან მოყოლებულ ნაღებ ინტელეგენციას მთლად პოლიტიკურს წვევრების ჩათვლით. არაფერს დაიშურებენ, ქრთამს — ქრთამად, პურ-მარილს — პურ-მარილად. მიმართულებას შეუცვლიან ბოთლში დამწყვდეულ ჭინს, მაგრამ საქართველოდან ასე ხელაღებით მისი გადაშენება ჯერჯერობით არც ისე იოლია. რამდენიმე წელიწადში ჩერნობილის აპოკალიფსური კატასტროფა წერტილს დაუსვამს რეაქციული კლანების შორსმიმავალ მიზნებს, თუმცა კარზე მომდგარი უბედურების მესამრიდ ორგანიზატორებს ჯერხანობით ალმაცერად უმზერენ.

მერამდენე წელიწადია სოფელ რუხთან საერთო ზემოდა. საუკუნის გარიჟრაჟიდან მოყოლებული აფხაზები მეტნაკლებად დამოშინებულან. კულტურული ავტონომია მათ აქამდე განაღებულნი ჰქონდათ, როგორც საკუთარი, ისე საქართველოს კონსტიტუციით, მაგრამ ამიერიდან თავიანთ უნივერსიტეტში ივლიან, თავიანთ თეატრში იმსახიობებენ, თავიანთი მწერლობით იამაყებენ, თავიანთი ტელევიზიითა და რადიომაუწყებლობით იხმატკბილებენ საქართველოს აღსასრულზე.

ავტონომიური აფხაზეთის მთელი მოსახლეობის ჩვიდმეტი პროცენტი აფსუა ნომენკლატურულ თანამდებობებზეა გამწესებული. ჰოდა, ჰაჯი უსუბის მოსწავლეების — საფარ ბეგისა და ბათუს შთამომავლები ჭიჭაზე ჭიჭას უჭახუნებენ სოფელ რუხის „მეგობრობის“ კომპლექსთან.

მოდინ პოეტები ორივე მხრიდან და სახელდახელო ლექსებით განაღებენ ხალხთა ურღვევ ძმობას.

ომის ვეტერანები და შრომის გმირები გამოცდილებას უზიარებენ ერთმანეთს. გამოყოფილი ოცდაათი კუბური მეტრის მასალისგან ძლივს სამი ნაბდის გაშლაზე მოცოდვილებული სცენა აგუგუნებს „ლილეოსა“ და „ვიოსარადას“, „ოდოიას“ და „შიშნანს“.

გაგანია მზეში ჰალსტუხწყურელი კომკავშირლები შემოწკპილი კოსტუმებით თვალბში შესციცინებენ იდეურ მამებს.

— ერთი დღე ჯანდაბას, ვარა, ვიპურმარლებთ სულელ ქართველებთან და წავალთ ჩვენსას, — ეხუმრებიან ერთმანეთს აფსუურად ჩვენი ოდინდელი მორდლები. ყალბია თავყრილობის პათოსი, მაგრამ გარეგნულად ყველაფერი ისე ზიმზიმებდა, ბრჭყვიალებდა, საქმის არსში ჩაუხედავმა ფაუსტს ლამის ენატრა, წამო, შეჩერდიო.

სადადიანოს მხედრები მარულაში ეჯიბრებოდნენ საქართველოსკენ გულმობრუნებულ ჭირვეულ ძმებს. ყალყზე დგებოდნენ, თარჩიობდნენ ქურანები. ისინდს ცხენბურთი ცვლიდა, დოღს — საჩვენებელი თამაშობები. ოფ-

ლშიგახვითქული მერნების ჩოხოსან მხედრებს ასაჩუქრებდნენ პროლეტარი-
ატის ბელადის ძვირფას ჩარჩოში ჩასმული სურათებით. ასეთი ჯილდოები
პირველ ადგილზე გასულებისთვის იყო გამოზნული. კვარცხლბეკის მეორე
საფეხურზე მოხვედრილებს კედლის საათებს ჩამოურიგებდნენ, გახსნის დღი-
დან უმოძრაოდ რომ ეკიდნენ უნივერსალ „თუთარჩელას“ კედელზე. პედეს-
ტალის მესამე სიმაღლეს დაუფლებულებს ას-ას მანეთს უსახსოვრებდნენ და
ამოსაცნობად თქვენთვის მიგვიწვდია, გახარებული ვინ უფრო გახლდათ, და-
წინაურებულები თუ ორი ნაბიჯით ჩამორჩენილნი.

ღონისძიება ჯაჭვური რეაქციით გალის რაიონში გადაინაცვლებდა, მე-
რე ილარის იზორომზე იმართებოდა მართონული მარულა.

ახლა ჭკუანასწავლი მხედრები არ ჩქარობდნენ ფინიშის აღმისკენ, სი-
ნბებისთვის სადავეები დაემოკლებინათ, გულუბრყვილოებს უთმობდნენ
პირველობას. ზეიმი, როგორც წესი, გულდაუთმაში მთავრდებოდა. იქაც იმარ-
თებოდა დოღი, ტაშ-ფანდურები და უგულო მტყლაშამტყლუში. დაიტუმბე-
ბოდა ქართულ-აფხაზური ნაძალადევი მეგობრობა, დაიმუხტებოდა აკუმუ-
ლატორივით და მომავალ შემოდგომამდე დოპინგით მიღებული ურთიერ-
თპატივისცემისთვის აუცილებელი ენერგია დააროტროტებდა დიდს და პა-
ტარას მმანდაფიცობის ხელოვნურ გზაზე.

ცხოვრება კი მაინც თავისი ოკრობოკრო თემშარათი მიკვლენაობდა.
ქალაქოში ენგურპესით თავმოშწონებოდა, რაიკოში — მეჩაიეობით. პრიო-
რიტეტი კვლავინდებურად ქალაქლების მხარეს იყო. დიდი შეხლა-შემოხლის
მიუხედავად არათუ ცენტრში, პერიფერიაშიც კი ვეღარაფრით გამოიძებნა
სოფლის მეურნეობის მუშაკათავის საცხოვრებელი კორპუსის ასაშენებელი
ადგილი ზუგდიდ-ქალაქში.

მშობლიურ ოღიშში საქმიანობდნენ და თითქოს შავ კატას გაურბენია
მათ შორისო, ერთი ალთას იყო, მეორე — ბალთას. კოლმეურნეობათა ჯი-
ბესქელ თავმჯდომარეებს თუ საბჭოთა მეურნეობების დირექტორთ დედა-
ქალქში შეეძინათ ფემენებლური ბინები და ღვიძლ ზუგდიდში ვერ მოეხერ-
ხებინათ, ყოველ შემთხვევისათვის შავი დღისთვის გამოსადეგარი საცხოვრი-
სების აშენება. და რადგანაც სადადიანოს ცენტრისკენ იზღუდებოდა მათი
ლტოლვა კერძო, პიროვნული ინტერესებით, ჭარბტენიანი მიწების ასათვი-
სებლად პარტიზნულად დაიძრნენ ზღვისპირა ჭაობნარისკენ. მავთულ-ბადით
შემოაკავებდნენ ფართობებს ასეული ჰექტრობით. დაქირავებული მწყემსები
თოხნიდნენ მერმე იმ ყანებს, წველიდნენ ბუზანკალით გაწამებულ ძროხებს.
ოჯინჯალეზე შეიბოლებოდა ზომიერი სიმსუქნის შაშხები და მთვარისხელა
სულუგუნები. გორებად ხვავდებოდა ნესვი და საზამთრო, გოგრა და კვახი,
რომელთაც საკუთარი ბედლებისკენ წარიტანდნენ მოგვიანებით მესვეურნი
ამა სოფლისანი.

იფარებოდა ხრეშის გრუნტით ამომალეებული გზები. ათმეტროიანი
სიგანის არხები გაავლეს ჭურჩის წყლებისკენ. ჩამომწყრივეს ახალშენებში

ოდა-სახლები, სამზადები და ფარეხები, ნალიები და საქათმეები. შეიძინეს ავტონომიური კვების მანქანა-დანადგარები, მოტორიანი ნაგები, პონტონები.

ათიბვინებდნენ ნორჩ ხაიას წყლის მოშიშარ, პეტიკო თოდუას გარიგებულ ლეჩხუმლებს და რაჭველებს.

დამხმარე მეურნეობას ეძახდნენ ათვისებულ სავარგულებს, რომლის ანგარიშგასაწევი ჭირნახული აღარსად აღირიცხებოდა და ღმერთმა უწყის, ვის საშველად მიედინებოდა.

სატანჯოში დატრიალებულ უბედურებამდე ახალშენის მწყემსები: ნუგო ბიჭია, ვალიკო ფიფია, იპო ფაჟავა, ჩარნაზ გაბისონია, ჭაჭია ქობალია თუ კოლი ჭანია ათასში ერთხელ უეჭველად მოიკითხავდნენ წუთისოფლისგან განდევნილ შამგონლებს, მაგრამ მათი გულის შემძვრელი აღსასრულის შემდეგ, როცა კუნძულის წალღმიუკარებელი ჯაგნარები და ეკალ-ბარდები გველთსაშენიდან თავდაღწეული უნასების სისინით გაივსო, იქაურობაში ფეხი ამოიკვეთეს.

სათევზაოდ და სანადიროდ ჯერ კიდევ ორმოცდაათიან-სამოციან წლებში აკითხავდნენ ჭურის სანახებს ოდიშის მკვიდრნი, მაგრამ ცხოვრების გაღალატებამ და ჭაობნარ ადგილებში ზუგდიდლების მასობრივმა მოსაქმეობამ, ხალხს ავადმყოფურად აუშალა ნადირობის საღერღელი.

მთელი სადადიანო მოიცვა თევზაობა-ნადირობის ციებ-ცხელებამ. ვინ „ტულისა“ და „ზაურის“ ორლულიანი თოფებით აღიჭურვა, ვინ — „ვინჩერსტრები“ და „გოლან-გოლანი“.

პატრონტაშები და ბრჭყვილა პილზები ჩამოჰქონდათ უცხოეთში საქმიანი ვიზიტებით წამგზავრებულებს. პონტერისა და სეტერის ლეკვები ბიზნესის ერთგვარ წყაროდ იქცა. მეტამორფოზულად წარმოჩინდა ლევან დადიანის საუკუნეებს მიღმელი მონადირული ჟინი.

მზიანი ამინდებია ოდიშში. აგვისტოს დამდეგია. მწიფე ნესვიფერი მისძალეგია მხარეს. ბინდებდა ნელიად. ზენა ქარი ეჩურჩულება ნაყოფით დახუნძლულ ტოტებს. შრიალებენ შეტაროებული სიმინდის ყანები. მწყურების სეზონი დასდგომია სადადიანოს. მერცხლების ყვითელნიკარტა ბარტყები დაფრთიანებულან, მაგრამ ჯერ აღრეა შორეული თბილი ქვეყნებისკენ აბარგება. უზრუნველი ცხოვრება გრილ ჩეროებში ეპატიჟება გულარზენი ადამიანებს. ეწევიან, ხუმრობენ, პეროვის პერსონაჟების მსგავსად ჰყვებიან ნადირობის ეპიზოდებზე, თავმოწონებენ მაღალკლიანი იმპორტული რეზინის ჩემეებით.

მონკავშირის მაღაზიის ცალთვალა გამგე ბაბუშ როგავა ენის წვერზე აკერია მთელს ოდიშს. სანამ სადილზე მიიპატიუებდნენ, ჩხრიალებს კამათლები და ჭახაჭუხი გაუღის ნარდის კენჭებს.

ღაბაბიანი სტუმარი თბილისიდანაა. როგორც ქალაქში გამოკრული აფიშები იუწყებიან, ფრიად საპატიო მისიით ჩამობრძანებულა. სპორტის სამინისტროსა და რესპუბლიკური მონადირეთა კავშირის ინიციატივით ხვალ

კომკავშირის პარკში სრულიად სამეგრელოს ძაღლების გამოფენა-დათვალიერება გაიმართება. ხვალ გამოჩნდება ვინ უკეთესი მონადირეა, რომელი შეიმოსება უმჯობესად, ვის ამოურჩევია სამეგობროდ უფრო ხალასი ჭიშისა და აღნავობის ძაღლი.

კომისიის წევრებიც აქ გახლავან — ძაღლების მომთვინიერებელი ქალბატონი სახელმწიფო ცირკიდან, თითო პასუხისმგებელი მუშაკი სპორტის სამინისტროდან და მონადირეთა კავშირიდან.

მდიდრული პურ-მარილი გვარიანობამდე გასტანს ანთარიებისას.

ნაძლევი ასეთია: ათი ხელიდან ერთს თუ მოუგებს სტუმარი პეტეკო თოდუას, მატარებლით ჩამობრძანებულებს შავი „ოცდაოთხით“ მიაბრუნებენ დედაქალაქში ხორავიანი მისამბელითურთ, არადა, ჩემპიონი ოჯახის ქოვაკი უნდა გახდეს.

ასეთი სითამამისა და პრეტენზიულობის საფუძველი დიახაც გააჩნიათ მასპინძლებს.

კომისიის თავმჯდომარე ლარბი კობალაძე შამგონელი ნირგა ქობალის ნაშიერია, დედით კირცხელი ჭიჭია და თავისი საქმის ჩინებულ ოსტატადაა მიჩნეული მთელს რესპუბლიკაში, ტრადიციით ხომ არის და არის ორივე მხრიდან.

წმინდა სისხლის პოინტერი თვალეში შესციცინებს ენაკვიმატ მეზობელს, თითქოს სასწორზე შეგდებულ საკუთარ ბედ-იღბალს მისჩერებიაო. მატჩის დასრულებას არ დააცლიან მონარდებს. მართალია, ცხრა ხელის წაგებაღა მოასწრო ხელმწიფის ტოლმა კობალაძემ, მაგრამ ცხრა მინც არ არის ათი.

ოდიშური ხავერდოვანი კვირაძალია. დილიდანვე მთელი ქალაქი აიყრება კომკავშირის პარკისკენ სეირის სანახავად. ქალაქის მესვეურები ერთგვარ ანგარიშს აბარებენ მოსახლეობას ამ ღონისძიებით. ძაღლების გამოფენით იხსნება ახალი სპორტული კერა.

ვაჭრობის მუშაკებს დახლებზე დაუწყვიათ სპორტული საქონელი.

აქეთკენ გამოშურებულა წვრილმანებით მოვაჭრე ილონას ხალხი.

კომპლექსის შესასვლელთან მანქანების ტევა არ არის. რეგიონის სხვადასხვა რაიონიდან ავტობუსებით ჩამობრძანებულან ბედის მაძიებელი მონადირეები თავიანთი ძაღლებითა და გულშემატკივრებით.

ტრანსპარანტებისა და დროშების ფრიალია ყოველ ნაბიჯზე. გამარჯვებული სამი ძაღლი მონაწილეობას მიიღებს პატრონითურთ რესპუბლიკურ დათვალიერებაზე. სოლიდური ჯილდო იქ გამორჩეული სამეულისთვისაა განკუთვნილი თურმე. წინ საგულისხმო პერსპექტივებია.

შემადლებულ ავანსცენაზე, მიკროფონის წინ ლარბი კობალაძე მოკალათებულა. ლუდს ნება-ნება წრუშავს ბოთლიდან. იგივე დღეშია მისი ორი კოლეგაც და ორგანიზაციის მთელი სიმძიმე ცირკის მომთვინიერებელს დასწოლია მხრებზე.

მწვანე მაუღდადაფარებულ მაგიდასთან ზის ალისფერთმიანი ის ქალ-

ბატონი და დათვალეირებაში მონაწილე ძალების სიას ადგენს. ხელს უშარ-
თავენ ცქირალა ასულეზი კომკავშირის რაიკომიდან და ქალაქკომიდან. ივ-
სება გრაფეზი ქოფაკეზის პასპორტული მონაცემეზით. ირკვევა ჯიში, დგინ-
დება ასაკი, დასტურდება პატრონის ვინაობა.

გაუგონია სპირდოს, გამარჯვებულს დიდი საჩუქარი ელისო და თავის ფი-
ნიასთან თუ განუყრელ სახეშეშუპებულ დიაცთან ერთად ზეიმისთვის მოუ-
შურებია.

დღევანდელი ღონისძიება ძირითადად ზედაპირული დათვალეირებით
ამოიწურებოდა, რათა კურიოზული შემთხვევითობა გამორიცხულიყო რეს-
პუბლიკური მასშტაბის ღონისძიებისათვის, რომელიც დამატებით რამდე-
ნიმე ნომინაციას მოიცავდა. ამის თაობაზე შემდგომში დაწვრილებით დააკ-
ვალანებდნენ გამარჯვებულეზს. ჯერ კი ზერელე მოთელვა გახლდათ.

ჭუჭყსა და მტვერში, ბირკავასა და ბაძგში, ტალახსა და ჭაობში ნათრევი
ძალებს ბეწვი ნაირფერად ბზინავდა. შამპუნმა თავისი ჯადოქრობა ერთხელაც
დამოწმა. მეწყერს გაატანეს ილონას ხალხისგან შექენილმა სავარცხლებმა
რწყილები და ბაღინჯოები.

ბედნიერების წუთი დასდგომოდა სადადინანოს ნაგაზებს. პატრონეზი ძეხ-
ვეულით და შემწვარ-მოხრაკულით უმასპინძლებოდნენ ადრე საწიხლედ გამე-
ტებულთ.

საზეიმოდ შემოსილიყო პეტეკო თოდუა. მეზობელი ანთარიების პონტე-
რის საბელი უმცროსი ვაჟიშვილისთვის გადაელოცა. ეს მეთოდი სიახლე არ
არის ღონისძიების მონაწილეთათვის. წარმოება-დაწესებულეზათა დირექტო-
რებს ეხამუშებათ ელეთანსური სხეულეზის საჯაროდ გამოქენება და პეტეკოს
მიმსგავსებით თავიანთი მწვერების დემონსტრირების უფლება მეკვიდრეების-
თვის გადაუბარებიათ.

შოლოდ ჭეშმარიტ მონადირეებს არ უღალატნიათ საკუთარი პობისთ-
ვის, ელეთანტურად შემოსილან, მოხდენილად აღჭურვილან და ძალებსაც შემ-
წყარებლური ღიმილით დაასეირნებენ სარბენ ბილიკეზზე.

ლარბი კობალაძეს ერთი ბოთლი გამოუცლია და ახლა ეტიკეტმოძრო-
ბილ მეორეს წრუპავს ნება-ნება, ვითომ ღიმილანთია. კოლეგეზი ოსტატუ-
რად მიარაკრაკებენ გვალვიანი სტომაქისკენ გერმანული წარმოების ლუდს.

ელენე ქალბატონს უკვე გულდასმით აღუნუსხავს დათვალეირებაში მო-
ნაწილე თითოეული ძალი, მაგრამ სანამ მთავრობა არ მოვა, ღონისძიების
დაწყება უხერხულია. ხმის გამაძლიერებლებში გაისმის ეროვნული სიმღერე-
ბი, რომლებსაც შიგადაშიგ მარშები ენაცვლება.

დათვალეირება უფასოა, ღონისძიების ხარჯებს ქალაქის ბიუჯეტიდან გა-
ილებენ.

დიდი გაწამაწია აქვთ ფოტოგრაფეზს. ველარ აუდიან ჯგუფური სურა-
თების გადაღებას. მონადირული იერი, მარცხენა ილიაში გაჩრილი თოფი
და ჩაცუცქული მწვერის თავზე დასვენებული მარჯვენა, კლასიკური ტრა-

ფარტული პოზაა, თუმცა ახლა, დაშავებული ღვინისგან შელახულ, ძაღლების გამოფენის კომისიის თავმჯდომარეს და მის კოლეგებს ყველაფერს ღონისძიების სასხვათაშორისო მოხლაფორთება ერჩივნათ, ვინაიდან აწეული წნევა და გულის არითმია ნაკლებად ემორჩილებოდა ქოფაგების თვალთვალთ გამოწვეული სიხარულს; და როგორც კი სპორტულ კომპლექსში შავი „ოცდაოთხებით“ შემოსილდნენ ქალაქის მესვეურები თუ რაიონის გამგებელნი, ლარბი კობალაძემ და მისმა საძმომ შევებით ამოისუნთქა. აწი დიდდიდი საათნახევარს გაწელილიყო ძაღლების დათვალეირება. კიდევ ორმოცწუთიანი იწილო-ბიწილო და სასურველ სუფრაზე ჯირითი აშლილ ძარღვებს უსწრაფესად მოალოზობიერებდა.

კომისიის თავმჯდომარე ფრიად ენამჭევრი გახლდათ. თამაღობაშიც გვარიანად გაწაფული და ჩაიგდო თუ არა ხელში ხმადაბარჭქნილი მიკროფონი, არაფრისდიდებით გამოროთო.

ჯერ ოდისის ხელმძღვანელობის ქება-დიდება დაღვინა ცად. მათ თავდაუზოგავ საქმიანობას თუ მამულიშვილობის წარმოჩენას ხუთ წუთზე მეტი შეალია. მერმე დღევანდელი ღონისძიების მნიშვნელობაზე იმდენად წვრილად დაფქვა, ფრჩხილისხელა ღერდილი არ გაურია. სადღაც ამოკითხული იგავ-არაკიც მოიშველია ძაღლსა და მის წინაპარზე გამოთქმული:

ერთხელ სიცივისგან გათოშილმა და შიმშილისგან ფერდებშელეწილმა მგელმა ჩათქვირული ნათესავი რომ მოიხილა, ჰკითხა გაცეცხულმა:

— ძმობილო, მასწავლე ამისთანა ყიამეთ ამინდში რანაირად ახერხებ ამგვარი ღაბაბის შენარჩუნებასო.

— ყველაფერი ჩემი პატრონის ძალისხმევითაა, — უპასუხა ძაღლმა, — ქურდებისგან ვიცავ მის სარჩო-საბადებელს და ისიც მადლიერების ნიშნად, ალერსს და მზრუნველობას არ მაკლებსო.

ყველაფერი მოუწონა მგელმა, მაგრამ კისერზე გაცეცხნილი ბალანი რომ დაუნახა, კვლავ ჩაეძია:

— ეს რა მოურჩენელი ავადმყოფობა დაგმართინა?

ქოფაკი გააცინა მგლის მიუხვედრელობამ და აუწყა ხელად:

— რა ავადმყოფობა, რისი ავადმყოფობა, ეს ბალანი საბელისგან გამცვენია. პატრონი თოკს შემბამს კისერზე ხოლმე და მხოლოდ ასეთნაირად დამაოკებს დღისით ეზო-კართან ჩამოვლილ მხედრებს გამონთებულსო.

მგელმა სინანულით გააქნია თავი ხელიდან წასული ნათესავის გამო.

— არა, ძმობილო, ტყვეობაში ნაბოძები უზრუნველი სალაფავი ვერასდროს შემიცვლის თავისუფლებაში მოპოვებულ მწირ, მაგრამ გემრიელ ლუკმასო; — დაასრულა და წაუღრინა ერთი მისი ჯიმ-ჯილაგისთვის დამახასიათებელი კბილების დაბზინებით.

ამისთანა გამონათქვამის შემდეგ ლარბი კობალაძემ ზედმიწევნით დაახასიათა გამოფენაში მონაწილე ძაღლების რაოდენობრივი მაჩვენებლები ცალკე რაიონების მიხედვით და ცალკე — ჯიმ-სახეობის მხრივ. ისე შეჰყვა, ისე გაუტკბა საუბარი, თითქოს ნაბახუსეგ ხასიათს და მასთან დაკავშირე-

ბულ ჭინთებს ლაპარაკით იქარვებსო.

— ამხანაგებო, — აგრძელებდა ლარბი კობალაძე, — ელენე მიხაილოვნას მონაცემებით დღევანდელ საზონათაშორისო გამოფენა-დათვალიერებაში სულ მონაწილეობს ასორმოცდათერთმეტი ძალლი. რაიონებს შორის ყველაზე შთამბეჭდავი წარმომადგენლობაა ზუგდიდში — ორმოცდასამი ძალლი. მეორე ადგილზეა ხობი — ოცდარობი; მესამეზეა — გალი. მართალია, სამურზაყანოელები ჩვენს ზონაში არ შემოდინან, მაგრამ თავს იკლავენ შეჯიბრში დაგვიშვითო. ვითათბირეთ და სურვილი შევუსრულეთ. ვფიქრობთ, აფხაზეთის მთავრობა სწორად გაგვიგებს და ჩვენს გადაწყვეტილებას არ გადაექვევს კიდევ ერთი დავის საგნად — თხუთმეტი. სენაკელებმა და ფოთელებმა ცხრა-ცხრა ქოფაკი ჩამოიყვანეს, წალენჯიხამ — ხუთი, ჩხოროწყუმ და აბაშამ — სამ-სამი, მარტვილმა — ორი.

ტრიბუნაზე ყველა მონაცემს იწერდა ღონისძიების სწორად მიმდინარეობას დადარაჯებული ზოგი გულშემატკივარი და ერთ-ერთმა როცა დააჯამა, ელენე მიხაილოვნას ანგარიშში შეცდომა აღმოუჩინა: რაიონების მიხედვით ძალების საერთო ჯამი ასორმოცდაერთია, როცა კომისიის მიერ ასორმოცდათერთმეტი დასახელდა. ან სია ტყუის, ან — ძალების რაოდენობა და დაიწყეს ტრიბუნებიდან სტვენა, ფეხების ბრახუნი.

— ჯერ დათვლა ისწავლეთ და ძალები მერე შეაჯიბრეთ ერთმანეთს! — ხითხითებენ.

რეპლიკებმა ლარბი კობალაძე დააბნია, მაგრამ პეტიკო თოდუამ ხელები გაშალა და ღიმილით ბრძანა:

— ისეთი ცქიტები არიან სამეგრელოს ძალები, ერთი ორად მოეჩვენება კაცს.

დათვლით კი მართლაც დაითვალეს. ცალკე ანგარიშითაც შეამოწმეს. ძალების რაოდენობა სპირდოს ფინიას ჩათვლით მართლაც ასორმოცდაერთი აღმოჩნდა. შეკრების დროს შეშლოდა ცირკის მომთვიერებელ ქალბატონს.

სანამ ჭეშმარიტების დადგენის გაწამაწიაში გართულიყო კომისია, პეტიკო თოდუამ მიყოლებით რამდენიმე ანეგდოტი მოჰყვა ძალებზე და მთავრობის ლოჟის გვარიანი გამხიარულება მოახერხა:

— ძალების დათვალიერებაში მონაწილეობს ძუკუ, — ხელებით ლაპარაკობს ხმადაბოხებული პეტიკო თოდუა, — მთელი მსოფლიოს საძაღლეთი პარიზში შეყრილა. ზედიზედ ჩამოიშორა გზიდან ძუკუს ქოფაკმა დორბლიანი ბუღდოგები და კბილებალესილი ნაგაზები. ბოლოს ეკითხებიან ქიურის წევრები გამარჯვებულს:

კი, მაგრამ გვითხარი რა ჯიშისაა თქვენი ძაღლიო.

რა ჯიშის უნდა იყოს პატენი, ამბობს დამორცხვებით ძუკუ, ვერ ატყობთ კისერზე, გაკრეჭილი ლომია.

აქა-იქ გაიცინეს.

პეტიკო თოდუამ ახლა მორიგი ანეგდოტი წამოიწყო.

— საკონცენტრაციო ბანაკში მოუთავსებიათ გერმანელებს სამხედრო ტყვეები: ინგლისელი, ფრანგი, რუსი და ძუკუ. ცდას ატარებენ, ვინც ძალს ერთ წინადადებას ვერ დაასწავლის, დახვრეტენ კვირის თავზე. დაურიგეს ტომრებით სასისკები. გავიდა კვირა. მოდის შიმშილისგან მიღებული ინგლისელი. ძალი გათვითვინებულია, კისერს ვერ აბრუნებს.

ჰელოუ, ეძახის მერე ქოფაკს და ისიც ჰელოუო, პასუხობს, მაგრამ ჰელოუ არ არის ერთი წინადადება და გაუყენებენ შორ გზას. ახლა ფრანგის ჯერია. ძლივს მოღვანკალებს, მილასლასდება ჟიურისთან და გაჩივნიებულ ძალს ეუბნება:

ბონჟურ.

ბონჟურო, ბუხუნებს ნაგაზი, მაგრამ ბონჟურ არ არის წინადადება და მიიღებს მიქელ-გაბრიელი. რუსიც ამათ დღეშია. ისიც მიკნავებულა, ძალი კი მოგეცა ლხენა, კანში ვერ ეტევა.

და ზღრავსტვუიტე, ეუბნება და ძალიც ჩაბოხებული ხმით:

და გზღრავსტვუიტეო, იმეორებს, მაგრამ არც ეს არის წინადადება და წავა მარილზე. ბოლოს გამოჩნდება ძუკუ. ერთიანად ჩაკურატებულია, ექვსი დღის ღობი გამოსვლია ყუათიანი სასისკებისგან, პერანგი რიგიანად ვერ შეუკრავს. უკან ბანცალით მოსდევს მისავათებული ბულდოგი, მარჯვენა თათს ხელივით წევს, ერთი თითი წინ გაუშვერია.

ქოფჩი ძუკუ ართი სასისკი, სქან დიდაშ მუნც ჯამპიმ ფსალინ,* ეხვეწება, მაგრამ ვინ არის გამგონე. ჯერ ჟიურამდე ვერ მიღწეულან, მისვლაც და იქვე განუტევებს სულს. სტაცებენ ძუკუს ხელს და უკრავენ თავს გაზის კამერაში. ბედი არ გინდა?!

დაიწყო ძაღლების დათვალეიერება. სათითაოდ მიჰყავთ პატრონებს კომისიის თავმჯდომარესთან. ეს უკანასკნელი კბილებს უსინჯავს, თვალეში აცქერდება, ბალანს აუშლის. ძაღლები პირველ ეტაპზე ორი სიტყვით ხარისხდება — „გაიყვანეთ!“ „დატოვეთ!“ ზედაპირული გასინჯვის შემდეგ ქოფაკების ამაღა ორი მესამედით შემცირდება. ავანსცენაზე ახლა იშვიათი აღნაგობის პონტერები და სეტერები, სენბერნარები და პუდლები, კავკასიური და გერმანული ნაგაზები დარჩენილან. დაწუნებულთა რიგში აღმოჩნდება სპირდოს ფინიაც და ამის გამო გაუთავებლად ჯუჯღუნებს ბაზრის გაქანებული გიჟი. სხვები შერიგებიან თავიანთ ილბალს, ძაღლებიანად შეერთებიან გულშემატკივრებს ტრიბუნებზე და ათასნაირი უხამსი შეძახილით ცდილობენ კომისიის თავმჯდომარის წონასწორობიდან გამოყვანას.

იწყება მეორე ტური.

თითოეული ძაღლის პატრონი გავლენიანი თანამდებობის პირია. იცის ამის თაობაზე ლარბი კობალაქემ. ათბალიანი სისტემით აფასებს ყოველი ქოფაკის მოხდენილობას, ვარცხნილობას, გალობით*სიარულს, მიმოხვრას, კორპუსს, რეაქციას.

— რა ჩაცმულობაა? რა კბილები აქვს, ან როგორი შემართული გამო-

ხედავ? — ელენე მიხაილოვნას ჰკიდებს თვალს, — შვიდი ქულა მეცხრეს! — იტყვის და ახალ მწვეარს მიუბრუნდება. არად დაგიდევს ბაცაცა ყურაშვილის განაწყენებას. რვა ქულას ველარაფრით გადასცილდნენ ნადირობაში ქიპმოჭრილი ბოჩია თოფურისა და ფაფუს და-ძმა სენბერნარები.

ეს ოქროსბაღნიანი სეტერი ჯღვამა ქუხილავასია, ზუგდიდლების საყვარელი ფეხბურთელისა. სიჭარმაგეში ნადირობით ერთობა. ნაღდი პირველი ადგილის კანდიდატურაა. წამოზნექილი, ამაყი მკერდი ისე გაჭედვია ჭინჭილებით, ლეონიდს შეშურდება, მაგრამ რიგითი ნომერი თარსი შეხვედრია — ცამეტი, თანაც კომისიის წევრები რაღაცას უჩურობდნენ ლარბი კობალაძეს.

თავმჯდომარეს საქებარი სიტყვა პირში შეაშრება. მისი ძაღლის შვილიშვილი კი არის ოქროცურვილი სეტერი, მაგრამ რეალობას სად წაუხვავალ?! გადაუწევენ კუდს. ხელზე ხელს დაარტყამს წყრომით ბახუსიდან საბოლოოდ გამოსული კობალაძე. უკვე ჩიმჩას იმპორტულ ლუდს აინუნში-აც არ აგდებს.

— ამხანაგო, ჯღვამა, რატომ შეგყავთ ჟიური შეცდომაში?! დაკოდილ ძაღლს დათვალე რებაზე რა უნდა?!

— გამყიდეთ თხასავით, ხომ? — დორბლს ყრის გაცეცხლებული ჯღვამა ქუხილავა, — რას უწუნებთ, რას? ფერი აკლია თუ ხორცი?!

— კაკალი აკლია, ამხანაგო, ჯღვამა!

— კაკალი ბევრს აკლია ამ ტრიბუნაზე, მაგრამ ქე არიან თავიანთთვის მოყურებულნი! ნადირობისას გარეულ ტახს გამოდევნებულს ეკალი წამოდოდა და გარეთ გამოუვარდა, თუმცა მის სიფიცხეს ამ ცალი კაკლის გამო არაფერი დაკლებია!

— გვაცალეთ მუშაობა, ამხანაგო, ჯღვამა!

— ამ ამბავს ისე არ დაეტოვებ! ბოჩიაევიჩის ქეციანი პოინტერის გაყვანა გინდათ ხომ პირველ ადგილზე? გახეთქეს არა ანთარიებმა დაშაქრული ღვინო?!

ლარბი კობალაძე წაუყრუებს ცალკაკლიანი ძაღლის განრისხებულ პატრონს.

— ცხრა ქულა თერთმეტს! შვიდი ქულა სამოცდაექვსს. რვა ქულა ოცდაოთხს! ათი ქულა ორმოცდათორმეტს.

მორჩა. ენგურქაღალდკომბინატელები საგრძნობლად დაწინაურებულან. პეტეკო თოდუას შეპირებულ „ოცდაოთხით“ გამგზავრებას ისევ კუპირებელი ვაგონით წასვლა ურჩევნია ლარბი კობალაძეს, რადგანაც ძაღლებზე წიგნი აქვს გამოსაცემი და შეიძლება საბეჭდი ქაღალდი გააჩაღიროს შეღავათიან ფასში. სამეულში რომ მოხვდეს ანთარიების პოინტერი, ცოტა საჭმეა?! თანაც ის ნიძლავი ბოლომდე არც კი დამთავრებულა.

მესამე ტურისთვის ათი ძაღლია რჩება. დამაბულია შემაჯამებელი

აკორდები. ტრიბუნა გუგუნებს, ქოთქოთებს. ცნობისწადილი გადახლართვია მოთენთილობას.

ეს წუთია და სპორტიულ კომპლექსში ორხიდიანი მანქანა შემოთუხთუხდება. ბრეზენტის საფარველი გადაუხდიათ. ზედ ავანსცენასთან ჭრილობით იღება კაბინის კარი და ოთხმოცს გადაცილებული ყირმიზი სახის, საშუალო ტანის მოხუცი გადმოაბიჯებს.

ტრიბუნიდან პარტიული მუშაკები წამოცვივდებიან და ჩამოეგებებიან მსცოვან ადამიანს.

— მობრძანდით, ამბროს, ბატონო, — მკლავს გამოსდებენ ქალაქკომის და რაიკომის მდივნები.

ახალგაზრდა მძღოლს კი, რომელსაც კომისიისთვის ძალღის წარდგინება შეუთავსებია ძირითად პროფესიასთან, ვერაფრით გადმოუყვანია მანქანიდან დამფრთხალი ქოდაკი. ქათიბი ბლუჯა-ბლუჯა ამოსძვრომია ფერდიდან და ზურგიდან, სწორედ რომ ძუკუს ანეგლოტის პერსონაჟია. ექაჩება კობალაძისკენ მამებარს ბიჭი, მაგრამ ამდენი ნათესავის და ადამიანის ერთად მნახველ ოთხფხს შიშისგან ლამის სული გასძვრეს.

— მოაშორე, კაცო აქაურობას! — უწყრება კომისიის თავმჯდომარე მძღოლს, — ქეცი არ გადასდოს ძაღლებს. ან ჩაწითლებულ თვალებს რანაირად აბრიალებს, ცოფიანი ხომ არ არის ნეტავ?!

ჯერ ელენე მიხაილოვნას უჩუჩრჩულებენ ყურში დიდადმნიშვნელოვან ამბავს, მერე ისიც მიმსგავსებული პოზით გადასცემს დანაბარებს ლარბი კობალაძეს.

— ლუკიანოვიჩ, მინისტრთა საბჭოს თავმჯდომარის მოადგილე ოდიშელიას მამაა, — ეუბნება და ძაღლების გამოფენის სულისჩამდგმელიც ნელინელ წამოიმართება ფეხზე:

— ნუ უჩუჩრჩულები, ბიჭო, — მიეგებება ახალმოსულთ ლარბი კობალაძე, — ხომ ხედავ, ადაპტაცია ვერ მოასწრო, დაბნეულია. სული მოათქმევიწე. — ძეხვის ბარაქიან ნაჭერს მიაწოდებს და უმალ მოიპოვებს ნაგაზის ნდობას, — რა ჩაცმულობა აქვს, კაცო, როგორი თვალები, რა მძლავრ ფეხებზე დგას?!

— ბრიჯიტ ბარდოა პირდაპირ! არსად დაგეკარგოთ! — იღვარძლება ჯღვამა ქუხილავა.

— მიხაილოვნა, ათი ბალი მაგას! — თან იქვე ხმაპარვით გადაულაპარაკებს სცენისკენ შეტრიალებული, — სანამ თბილისის რესპუბლიკური დათვალეირება დაიწყებოდეს, სამჯერ ამოხდება სული ოხერ-ტიალს და ხელმწიფის ტოლი კაცის მამა რისთვის გადავიმტეროთ?!

ასე და ამგვარად დასასრულს უახლოვდება ძაღლების დათვალეირება კომკავშირული პარკის ჩინებულ კომპლექსში.

კოოპერატორებს უკვე აუკეცავთ ჭრელა-ჭრულა ქოლები. არც ილონას ხალხი ჩანს სადმე. ნაყინის ქალაღლებით მოფენილია სარბენი ბილიკები.

ადგილები შემდეგნაირად განაწილდა: მთავარი პრიზი დათვალეირების წიკაზე მოღწეულ ქოფაკს მიეკუთვნა. მეორე ადგილი — ენგურქალდკომბინატელებს. მესამე — ანთარიების პონტერს. რა დროს ტონანახევიარ საბეჭდ ქალდლზე ფიქრი იყო, როცა შეიძლება წიგნი გამომცემლობის გეგმაში ჩასვავთ დიდი ტირაჟით, თანაც წელსვე და სასტამბო მასალებისთვის კაპიციც არ დახარჯვოდა?!

ჯღვამა ქუხილავას რამდენიც უნდა ემქუხარა, როდის იყო კაკალგამოგდებული ძალი საგამოფენოდ დაჰყავდათ?! ოჯახაშენებულმა ვერ დამალა კაცობაწართმეული პირუტყვი?! გაასაჩივრებს და კარგ ტურასაც დაიჭერს, ეგერ ჯღვამა და ეგერ — ოდიშელია.

საერთო განწყობილებას მაინც საზეიმო ეთქმოდა.

ქალაქის მესვეურებს მადლობას უხდიდნენ ჩინებული ღონისძიების ორგანიზატორ სტუმრებს და ჰპირდებოდნენ, რომ მომავალში უფრო მასშტაბური ხასიათი მიეცემოდა ოდიშში ძაღლების გამოფენა-დათვალეირებას.

— საღურში დაგიქერ, უბედურო! დანით გამოგლადრავ ყელს! — იმუქრებოდა ჯღვამა ქუხილავა.

სპირლო ღონისძიების დახურვამდე შემტყდარა იყო მოწყუმპული ფინიათი და სახეშეშუპებული ქალბატონით.

კოლი იზორიას ალერტი ხომ ისედაც უღმობელი დროს მიეკუთრებინა და რომ არა ლადი ჭანიას ბალადა, ვერასდროს შემობრძანდებოდა ჩვენს ცნობიერებაში გოროზი და განუმეორებელი ივრით.

ბევრი არ დაუღვეია გამოლოცვის სუფრაზე როკის, მაგრამ ენა სწრაფად დაებრგვილა, თავი აუბრუალდა და არ დაუტადა მეგობარ-ნათესაობა როდის ჩამთავრებდა ქეიფს. შავი „ოცდაოთხის“ უკანა სალონში მოკალათდა. დედაც ფეხდაფეხ მიჰყვა.

— აქეთ მომესვენე, — უთხრა მშობელმა ალერსიანად.

— არა, დედი, გაწვალდები, — გამხდარ სახეზე მიეფერა ხელით მშობელს ოდიშელია. საზურგეს მიაწვა. ძილმა სწრაფად წაიღო.

გრძნობდა, სადღაც სულის კუნჭულში გრძნობდა დამბადებლის თითების სრიალს შუბლზე, გულ-მკერდის არეში. უფრო დიდი ნეტარება არსებობს?! მერე — დამშვიდობება ავიძებებთან, კვიტოულელ წვიჟებებთან, ილორელ მასპინძლებთან, რასკოლნიკოვის შესახედაობის მამა ფრიდონთან.

მორდუ, აცრემლებული მორდუ. მანქანის რწევაზე ისევ ჩასთვლიმა როკის. როცა გამოელვია, ენგურის ხიდს მომდგარიყვნენ. კილომეტრზე მეტია მისი სიგრძე. ომიანობის წლებში თვალის დახამხამებაში აშენდა, მაგრამ თანამედროვე მოთხოვნილებათათვის ვიწროა უკვე ამ სიტყვის ფართო გაგებით. რიბირაბოა.

სქელი ნისლი თეთრი ნაბადივით მოეგდო მხრებზე ენგურს.

ოდიშელების ესკორტი ხიდის თავთან შეფერხებულიყო. ინსპექციონ-

ის ხალხს მშვიდად ებაასებოდნენ როკის მეგობრები. ეწეოდნენ სიგარეტს. წამოიწია ნაჯურღმულარი და დედამაც მოთენთილი ქუთუთოები მყისვე აახილა.

— გაიღვიძე, ნანა? — ჰკითხა ალერსიანად ქალმა.

— ჰო. აქ რას ვუდგევართ?

— მორებით დატვირთულ მანქანას საბურავები დაშვებია ზედ შუახილზე. ნახევარ საათზე მეტია ვუცლით. გვანუგეშებენ, მალე გავმართავთო. შენ იძინე, ნანა. დედა მოგაკვდეს, როგორ გაგჭალარავებია თმა? არა უშავს, შენსკენაც მოიხედავს ღმერთი.

როკის სიგარეტის მოწევა მოუნდა, მაგრამ რატომღაც მშობლის მოეხატრა და კვლავ საზურგეს მიესვენა. დაძინება სცადა. არ გამოუვიდა. შემპარავად მოჟონავდა გულში ენგურის ნისლოვანები. ცრემლიანი თვალებისთვის უკეთესი ნიღაბი არ მოუგონია განგებას. აჰა, ამ გაურკვევლობიდან ხელებს უწვდიდა ბავშვობის მეგობარი ილონა.

„როკიი“, მატარებლის ბორბლებივით მიხრიგინებდა ყურთასმენაში ეს ერთადერთი სიტყვა.

„როკიი“, მოიგდეს მოლაპლაპე ბორბლებმა ქვეშ ილონას სასოწარკვეთილი კივილი.

„როკიი“ უმოწყალოდ წარიტაცებს შემადგენლობა ნაჯოჯოხეთარის სულის უმწეობას.

თანდათან ცრიატდება აღმოსავლეთი. წითელი ზოლი გადაეკვრება მთელს ცისკიდურს და სისხლი ჩამოეღვრება ჩამოქუფრულ რუხის ციხეს. ახლა გარკვევით ხედავს ოდიშელია უშველებელ ბაქანზე მიყნებულ, ვეება მორებით დატვირთულ „კამაზებს“. კაცისხელა ბორბლებზე შემდგარან. ხიდის სიღრმეში შეიმჩნევა ადამიანთა მოძრაობა. მოედანი მაღალია, ენგურის ხიდი კი — მთელი ორი მეტრით ჩავარდნილი. ბოშათა ფორნების ადგილსამყოფელთან შეუჩერებიათ „ოცდაოთხი“ და ახლა მამის იღლიაში მომწვედელი, სიყმაწვილის წლებიდან უმზერს ილონას სიფრიფანა ხელებს, რომლებიც ნელ-ნელა მკრთალდება და ხუნდება. აგერ, ყურისძირასაა თავის ოდიშთან, უანკარეს წამებთან, რაღაც თოთხმეტითადე კილომეტრისა და წელიწადის დაშორებით, მაგრამ მორების ქარავანი ეღობება წინ, მორების ტყე კვლავაც მოჰყმუნის მოურჩენელ ჰრილობასავით.

მოულოდნელად საკნის კარი გაიღება, შემოცქნაფუნდება მაიორი სტეპანცევი და ჩახრინწული ხმით დაიძახებს:

— ოდიშელია, მეოთხე ბური გიმთავრდება. წადი ზონაში. იქ ჩვენი ხალხი სამუშაოდ გაგამწესებს. მათი ნებაა სად გაგიშვებენ მერე, ლესპავალზე თუ ბირჟაზე.

ექსპერიმენტული ზონის ენაზე აქაური ბირჟა რამდენადმე განსხვავდე-

ბა ოდიშური ბირჟისგან. ეს ის ადგილია, სადაც მორებს ექვს, ოთხ და ერთ მეტროიანებად გადახერხავენ. ერთმეტროიანებს შახტებისთვის ამზადებენ, დანარჩენი ფაბრიკაში მიაქვთ სამამულო ავეჯისთვის. გაგონილი აქვს ოდიშელისა სტეპანცევისაგან და სხვებისგანაც, რომ ზონაში ოთხი ქართველია. მათთან შეხვედრა თუ ეღირსება კიდევ ოთხ ბურს გამოივლის ზედიზედ. უკვე დაუსწრებლად იცნობს მთელი ზონა პანტერას. ლამის გმირად შერაცხონ. კულტი ყველგანაა, პოლიტიკაშიც, სცენაზეც, ფეხბურთშიც, ციხეშიც. თავიანთი ღმერთი ჰყავთ კოსმონავტებს, მოკრივეებს, მეძავეებს, თვით ჯალათებსაც კი.

მეორე დღესვე ჩასწერენ ოდიშელისა პირველ წამყვან ბრიგადაში. მუშები უშველებელი ტყეშიდით დაჰყავთ უღრანებში. კაბინიდან ორი მეტროს მოშორებით ხის ბარიერია. მგზავრობისას ეს არის არსებითი გამყოფი ბადრაგისა და პატიმრებისა. ჯარისკაცები კაბინასთან დგანან ნაგაზებით. ტუსაღები კი ძარაზე ჩამომსხდარნი მიდიან ოცდაათი კილომეტრის მანძილზე. მათ აქ უბრალო გატოკების უფლებაც კი არა აქვთ ბარიერისკენ. იოტისოდენა წამოჩიჩება ბადრაგზე თავდასხმის მცდელობადაა მონათლული და ვინ იცის, საქმე როგორ დამთავრდება. გამორიცხული არ არის თავდაცვის მიზნით ტყეებიც მოგაყარონ.

მიდიან დათოვლილი ნაძვების სიღრმეში. როკისთვის ცნობილი გამოთქმა „იოლკი პალკის“ კვალობაზე აღიქმება წიწვოვანი ტყეების მრავალსახეობა. იგი დღემდე ვერ არკვევს ფიჭვის ნაძვისგან და ნაძვს — სოკისგან. მისთვის იოლკაა ყველა, ფიჭვისფერი წამწამებით თუ ზღარბის ეკლებივით წამახული.

როდის იქნება მანქანაც გაჩერდება.

— მოვედით! — დაიძახებენ ბოლოს და შენც ხელ-ფეხი შეგეხსნება.

ორმოცდაათი ჰექტარი ტყე მავთულ-ხლართითაა შემოკავებული, რომლისთვისაც ვეება ხის ჭიშკარი შეუბამთ, სამეგრელოში ლაბახას რომ ეძახიან, ისეთი.

შესასვლელთან საკმაოდ ზორბა ორთვიანი ძელური დგას, რომლისგანაც ოცდაოთხი საათი კვამლი მიიფუტება, შეშა გამოაკლდება თუ რა?!

საღდათები შეგრეკავენ შემოკავებულში და იბოდილაღე მერე რამდენიც გენებოს. შენს განკარგულებაშია თვალუწვდენელი სივრცე. ბურავიკების კარცერს მიჩვეულისთვის ასეთი გაშლილობა იგივეა, რაც წლობით სიბნელეში დახანებული უცებ დღის ნათელზე გამოიყვანონ. უსაქმურობა არც სამხედროებს ხიბლავთ მაინცდამაინც. თხილამურებით შემოაუვლიან შემორაგვულ ტერიტორიას.

შუადღეზე უფროსობა ჩამოჯგროვდება. გულდასმით ამოწმებენ ყოველ წვრილმანს და როცა საქმე მშვიდობიანადაა, ყვითელ მაშხალას ისვრიან, რაც უსიტყვო ნიშანია ჯიხურთან მოგროვებისა.

თხუთმეტ-ოცკაციან ბრიგადებად დაყოფილი ორასი პატიმარი იმ ძე-

ლურთან მოიყრის თავს. გადაითვლიან ხუთ-ხუთად და თუ პატიმარი დააკლდათ, წითელ მამხალას ააგიზგიზებენ ცაში. ეს უკვე გაქცევის მაუწყებელი ნათებაა და ზამბარასავით დაიჭიმება მთელი ზონა. შეატყობინებენ სამმართველოს. მძლავრი ვერტალიოტები ჩამოეკიდება ჰაერში. ნიკი ძიუმპეის ქვის ორმო ბალღოსნური თამაშობებია აქაურ ჭურღმულელებთან შედარებით. მართალია, ეს ხრამ-ხეობა აბსტრაქტულია, გარშემო თოვლი ქათქათებს თითქოს, ფიჭვების ხერხემალი ლარევით გასდევს გაკაფულ ზოლს, თვალისმიმტაცებელი სილამაზეა ვითომცდა ირგვლივ, მაგრამ ისეთი შინაარსია ჩაქსოვილი ტყისმჭრელი ტუსალის მოჩვენებით თავისუფლებაში, ლამის გაგსრისოს თეთრმა ნათებამ.

„უსასრულო თოვლის ორმო. კანონების თვალუწვევნილი ხრამი.

ადამიანს რკინის ქიშკარი, ყრუ კედლები კი არა, კარებში გაკეთებული პატარა საჭვრეტი აგრძნობინებს ყველაზე მეტად, რომ საპატიმროშია. ფორმის მქონე ყველა საგანი არარეალურია, რეალურია მხოლოდ მოძრაობა ქვიშისა, რომელიც ყოველგვარ ფორმას უარყოფს“.

დაბის ძირითადი მაცხოვრებელი სასჯელმოსხილი ხალხია, იგივე ძიუმპეევით თოკის კიბედაშვებული ნატუსაღარნი, იგივე ბიზონები კრამერის ფილმიდან, თავისუფლებას რომ მიუბოძებენ სკოლა-ინტერნატის აღსაზრდელები, მაგრამ იქამდე შეგუებიან საკუთარ სისხლში ჭყუმპალაობას, გაქცევა უაზროა.

ნაპატიმრალების საზოგადოება დროთა ვითარებაში მშვენივრად ეთანაწყობა ოფიცრების ოჯახებს. ოთხთვლიანი ძელურები წამოჭიმულა მათ საცხოვრისებად. დაბა დაახლოებით კილომეტრ ნახევარზეა გაღარული ქუჩის ორივე მხარეს. თავად პროსპექტისმაგვარი ქუჩა ფართე ფიცრებითაა დაბოგილი და რკინის სოლებით დამაგრებული ჭაობიან მიწაზე. აქ დილის შვიდი საათიდან ბირჟისკენ მიმავალი სამიათას ექვსასი პატიმარი ჩაივლის ხუთ-ხუთ კაცად დაწყობილი. საღამოს რვა საათზე იგივე მწყობრით ბრუნდებიან უკან, ხოლო როკის ოცკაციანი ბრიგადა ტყეშიღლით უსიერისკენ მიემართება.

იცის ოდიშელიამ ბურების შემდეგ პირდაპირ ზონაში გამოშვება სასიკეთოს არაფერს უქადის, სტეპანცევი რაღაც ხაფანგები დაუგია მისთვის, მაგრამ კონკრეტულად რანაირი, ძვლების რარიგად შემმუსკრელი, ჯერაც ვერ გაურკვევია.

„ალბათ ჰგონია გაქცევას მოვიწადინებ და სულელურად თავს წავაგებ, — ფიქრობს როკი, — ეგ სტეპანცევი მთლად უჭკუო არ არის, მაგრამ ტყუილად მერკინება, ჩემთან არაფერი გამოუვა!“

ხე-ტყის დამზადებიდან იღბლიანი გაქცევა ექსპერიმენტულ ზონაში ჯერეთ არ სმენილა და ოდიშელია რაღა იმდენად გულუბრყვილო გახლავთ, თვალეხი საკუთარი ხელებით დაითხაროს?! ვისაც უცდია მავთულხლართის-

გან თავდალწევა ყველა დაუჭერიათ. ორმოცი, ოცდაათი, ოცი კილომეტრი ფეხით უტარებიათ. კოლონიამდე კილომეტრით მოახლოებულ მდევარს დაუხვრეტია ის არაქათგამოცლილი უბედურიშვილი, რათა ცხედრის თრევით დიდად არ შეწუნდნენ. არც პატიმრების თვალწინ მათი მოკვდინება ივარგებს, რადგანაც ასეთი ქმედებები ერთიასად ამხეცებს ტუსალს, ბრძოლის უნარიანობას და ჟინს ჰმატებს, უფრო ენერგიულს ხდის, ჰოდა, დაყრიდა დაცხრილულებს, რათა ბრიგადამ შემოსვლის წინ ნახოს, თუ როგორი იღბლისაა თითოეული პაბეგუშნიკი.

აქედან გაქცევა კი არის თეორიულად შესაძლებელი, განსაკუთრებით მათთვის, ვინც ადგილობრივია, ციმბირის კლიმატურ პირობებს შეგუებული, თანაც წინასწარ მოითადარიგებს კომპასს, რუკას, პროდუქტს, ნოყიერ შოკოლადებს, მაგრამ ჭერეთ გაქცეული ცოცხალი არავის უნახავს. ყველა დახვრიტეს, ზონის შესასვლელთან დაადგეს სხვათა დასაშინებლად, ჰკუსის სასწავლებლად და ისე ჩაფლეს მიწაში, ხელისშესავლებლად არ აღირსეს მშობლებს.

კოლონიები ისე განულაგებიათ ჭადრაკისებურად, ერთიდან გაქცეული მეორეს მიადგები, მეორედან გაღწეული — მესამეს და ასე შემდეგ — მორიგ შემოკავებულს, მოკლედ, საბოლოოდ მაინც უღმობელი ტყეის წერა ხარ.

ტყისმჭრელებად ვინც დაჰყავთ, ყველა ჩათბუნებულია, დაბამული შარვლები და ტელოგრეიკები აცვიათ, დამატებით ზედ მოისხამენ ბუშლატებს. ფეხებზე რუსულ, თექის ყავისფერ ჩექმებს მოირგებენ — ზეკოვსკებს.

გალაღებულებს რიგითებისგან აღკაზმულობით გამოარჩევ — სამოქალაქო შავი თექის ჩექმებითა და ბეწვის ყურებიანი ქულებით — უშანკებით. რაც საუკეთესო ჩასაცმელი მოიძებნება ექსპერიმენტულ ზონაში ყველაფერი როკის აუსხამს ტანზე.

ახლა თავად ზონასაც შევხედოთ ორიოდ წუთით. ოცამდე ორ-ორ სართულიანი ბარაკი ლოკალური სისტემითაა განლაგებული. სათითაოდ შემოკავებულია მავთულ-ბადით. შესასვლელი თავ-თავისი აქვს ყოველს, სამორიგეოც, სადაც, ქარონისმაგვარი სევეპელი ზის. შვილი რომ მოუნათლო მეზობელ ბარაკში არ გადაგიშვებს. შესაძლოა ავად გახდეს, ორმოცი გრადუსი სიცხე გწეწდეს და გგლეჯდეს, მაგრამ სანამ არ ჩაეწერები სანიტარულ ნაწილში წამსვლელთა სიაში და ვიდრე ის ხალხი ოცამდე არ მოგროვდება, ითმინე შენი ოფლდენანი თუ ციებ-ცხელება. სამკურნალო ხალხს ზონის ზავხოზი გაჰყვება. ეს უკანასკნელი პატიმარია, სევეპეს წევრი, ხელმძღვანელობის სანდო პირი, რვაგზის ნაჯდომი, მაგრამ ერთხელ და სამუდამოდ გაფუჭებული სტეპანცევის ექსპერიმენტებით.

შვილებს ეძახის მათ ზონის უფროსი, მიუხედავად იმისა ასაკით შესაძლოა ბაბუად ერგებოდეს აქეთ და მის სიტყვას თუ მივუგდებთ ყურს, ისეთი მრავალშვილიანი მამაა, ტროელი პრიამოსი ახლოსაც ვერ მივა.

ესენი აჯენენ ტუსალებს კარცერში, იზოლატორში, თუ მონინდომეს ბურსაც გაგიჩალიჩებენ.

ატრიადნიკს ეტყვიან: ჩაფწერე სამუშაოზე, მაგრამ არ იკადრა ვაჟბატონ-მაო და ფეხქვეშ მიწა გამოგცლია, ეგრევე თხუთმეტდღიან კარცერში ენარცხები. ხდება ხანდახან, რომ შეაბამ, შენს ნაცვლად სხვას გაგზავნი სამუშაოზე. ამას ნახერხად წოდებული ჩაის ორი შეკვრა სჭირდება. თუ მწვევლია თამბაქოს უმოვი ან ფულს მიაშავებ. მაშინ ჩაგითვლის სამუშაოზე გასვლას. გაისტუმრებ მერე შენს მაგივრად სათადარიგოს, იმასაც ერთი კოლოფი ჩაით მოაღობობიერებ და მთელი დღე ფუფუნებაში ხარ. ბარაკში მის განკარგულებაშია სამოცამდე პატიმარი.

გამოელევა ჩაი? განგაწესებს კარტოფილის საფცქვნივლად. ერთდღიან დამამცირებელ შიდასამუშაოს ზოგი ექვსთვიან ბურს ამჯობინებს. სამასი ბურაველიც უმეტესად ამის გამო ჩამჯდარა პეკეტეს დახუთულ საკნებში. ერთი სიტყვით, არ მისცემ და მინიმუმ იზოლატორი განაღდებული გაქვს. ყველაზე თბილი თანამდებობა სამეურნეო ნაწილისაა ზნეობრივად დაცემული კაცისთვის, მაგრამ დაფუბრუნდეთ ციმბირის ცასმიბჯენილ ტყეებს.

დინახავენ თუ არა სამოქალაქო სათბუნებლებში შემძვრალ ოდიშელიას, ჯარისკაცები მყისვე მიხვდებიან, რომ დანიშნულების ადგილზე არაფრის გამკეთებელია, მუშაობით ოფლს არ მოიღენს და წინასწარ გააფრთხილებდნენ:

— ნუ იყალებ იქ, ჩვენს თვალწინ იტრიალე, თორემ ბარათზე წითელ ზოლს დავისვამთო.

ეს ჯანდაბაჯარხანა გაქცევის მცდელობის მაუწყებელია და მომდევნო დღეს სამუშაოზე არ გამოგიშვებენ. დაემშვიდობე სუფთა ჰაერზე ნავარდს. ზედიზედ ოთხი ბურის შემდეგ როკის ფილტვები მუჭივითაა შეკუმშული, სიგარეტიც თავისას მიითლის და ციმბირულ წყლულამდე რამდენიმე ნაბიჯი დარჩენილა.

— გარეთ ყოფნა შენთვის აუცილებელიაო, — აგულიანებენ ბიჭები და ოდიშელიაც ყურად იღებს მათ დარიგებას.

ამ ორასი ტყისმჭრელი პატიმრიდან გამოერევა ორი-სამი ოდიშელიასავით ნაწამები. ისინი დაკეტილიდან მოსულან. ოც წელიწადზე მეტი ჯდომა აქვს თითოეულს. უქლაგიდანაა ერთი, მეორე ვეტლაგიდან, მესამე — ორლაგიდან.

— თავზე არც იქ გვისვამდნენ ხელს, მაგრამ აქ მთლად ჯოჯოხეთი ყოფილა! — ამბობენ და რა ჩარაა აღარ ერწმუნო?!

შევლენ პატიმრები შემოკავებულში სამუშაოდ. სანამ წელში გაიშლებიან ჰკითხავს როკი ბიჭებს:

— მანახეთ ერთი, ნაჯახით რა ილეტებს აკეთებთო.

მოგვიანებით იხილავს ოდიშელია, როგორ იპარსავენ ტყისმჭრელები უშველებელი ნაჯახით წვერს; მოგვიანებით გასინჯავს ძაღლის ხორცსაც, რო-

მელიც ჯარისკაცებს მოაქვთ ყოველდღე და პატიმრებზე ჰყიდიან.

ისმინენ რა ნაჯახების ხელოვნების წარმოჩენას, პატიმრებს სიხარულისგან თვალები გაუბრწყინდებათ.

აიღებს ერთი ახმახი მეტროზე გრძელტარიან ნაჯახს, ხუთი წუთი ატრიალებს ჰაერში თავს ზემოთ. ხან ფეხებს შუა გაიტარებს, ხან — ილღიებში, ლამის თოკივით დაიხვევს ტანზე, გაუქანებს მერე ოცი მეტროს მოშორებით ხეზე მიმაგრებულ ასანთის კოლოფს და შუაზე გაჭრის.

ახლა მეორე ჩექმის ყელიდან ამოაძვრენს ორმტკავლიან ხარაზის დანასავით აფხიანებულ რკინის ნაჭრებს. მარჯვენა ხელით მკერდის სიმაღლეზე დაიჭერს წვერით, ტარით მიწისკენ ჩამოკიდებულს, გაუშვებს თითები, მიუახლოვდება მიწას თუ არა დაუქანავებს მარჯვენა ფეხს და იგივე მანძილიდან მერქანზე ამოჭრილ კაცის გულს გაურჭობს, მაგრამ პირველი დანა ჯერ კიდევ მიზანში არ არის მიღწეული, ისე უკან მისდევს მეორე, მესამე, მეოთხე. ათიოდე წამში ყველა დანა ხელისგულისოდენა სივრცეშია თავმოყრილი.

მესამე იშიშვლებს რასკოლნიკოვის იარაღს, ახალგაზრდა, თხუთმეტმეტროიანი ფიჭვის ძირას დადგება, ტარს წვერზე წააღვებს ხელს, აბასრული პირი ზემოთკენაა მიქცეული. ერთი ახედვით გააქანებს და მოსხიპავს ტოტს ხეს, რომელსაც ხუთი-ექვსი მეტრიდან ეწყება ვარჯი. ტრიალით წამოსული ნაჯახს დაიჭერს ტარის წვერით, ასტყორცნის ისევ ელვის სისწრაფით და ამჯერად მეორეს გადაბასრავს, ზღართანით ცვივა და და ცვივა ტოტები. სანახევროდ აჩხონტილი ხე შოთა ოდიშელის პოლბოქსით გაკრეჭილ ყმაწვილს ჰგავს.

მიხვდება როკი სად გამოუგზავნია სტეპანცევს. „დრუჟბით“ ისე უზუსტესად წააქცევინ ხეს, დასობილ სარს მიწაში აჭრობენ.

გაიფიქრებს, მეც ვუჩვენებ რაიმეს მათთვის უცხოს და მიუწვდომელსო. ახლობელს ყურში უჩურჩულებს, ხუთი-ექვსი მეტრის მაჯისისხო ჭოლოკი მომიჭერი, ტოტებისგან გამისუფთავეო. მოურბენინებენ დავალებულ ჯონს. გაიხდის როკი ჯუბაჩას, დაბამბულს ავტორიტეტები მაინც არ იცვამენ. გაიძრობს თექის ჩექმებს და ახლა შალის ხელნაქსოვი წინდებით მიაბიჯებს გაყინულ თოვლზე. შეარჩევს ზომიერი ხეს, ექვსი-შვიდი მეტრიდან რომ ეწყება ტოტები, გამოირბენს ჭოლოკიანად, აიწევა ჰაერში, აქეთ ბარჯს ეყრდნობა და ხეზე ვერტიკალურად არბის, გასცდება პირველ ტოტს, დაახტება ფეხებით, ისკუპებს მეორისკენ ზურგით, არხინად ჩამოვდება, ამოიღებს სიგარეტს, გაკპრავს ასანთს, მოუკიდებს და გააბოლებს ხარბად. მუხლი მუხლზე გადაუდვია, თითქოს სავარძელში მოკალათებულიყოს.

— ამიტომაც შემარქვეს პანტერა, — ჩამოსძახებს დაბლამყოფებს.

ეს ამბავი მთელს ზონას მოედება იმავე ღამეს. წავა ლეგენდები. ჯოხით დაძლეული ექვსი მეტრის სიმაღლე ჯერ რვამდე გაიზრდება, შემდეგ — ათამდე და თხუთმეტამდე.

აქეთ ჯარისკაცები იწყებენ ბუზღუნს:

— მაგ ქართველის წამყვანი არა ვართ ზონიდან. ჩიტვით გადაეცლება შემოკავებულს, ერთს, მეორეს, მესამეს და სდიე მერე კუდში ფუთიანი თხილა-მურებიტო.

ასეთი საუბარია და საიდან არის მაიორი სტეპანცევიც მოცქაფუნდება.

— ოდიშელია, სად ისწავლე შენ ასეთი ხტომები?

— ყმაწვილობისას ობოხუებით, იგივე ოჩოფეხებით დავდიოდი მოქალაქე-უფროსო. ჭაობნარი ადგილებია ჩვენთან. ხოდა, ფეხი რომ არ დამესველებინა, მათი დახმარებით არათუ დავდიოდი, დავრბოდი კიდეც. მერე და მერე გავიწაფე. სამი-ოთხი მეტრის ღელეებს გადავახტებოდი იმ ობოხუებით. ერთით — იქით და მეორეთი — აქეთ.

— ჩემო კარგო, ობოხუები არ ვიცი მე, დღეიდან ბირჟაზე ივლი, ისტუ-ნავე რამდენიც გინდა, ოლონდ — სიგრძეში და არა — სიმაღლეზე.

მხერხავთა ბრიგადას მალე შეეწყობა როკი. სულ თხუთმეტი კაცია. ოთხს ელექტროხერხის მოუმარჯვებია, რომლებზეც ორმოცი მეტრის კაბელია გამობმული. აქ „დრაჟება“ უმაქნისია. ოთხი პატიმარი მზომელია. უკან ელექტროხერხიანები მოსდევენ, მოუნიშნავენ ადგილს, ოდნავი დაკარება და არშინიანი დიამეტრის მორიც გადაფატრულია ექვს, ოთხ და ერთ მეტრო-იანებად. მესამე ოთხეული წაიღებს იმ მორებს. ოდიშელია მუშაობით ოფლს არ მოიღენს. აღუღებენ მერე ჩიფირს. დალევენ. მორფი აქ არ გულაობს. მისი შემცვლელი კი, იცოცხლე — მოხარშავენ „სიმპლექს კონსკის“* და როკის გამოკლებით თოთხმეტივე გაიკეთებს ხუთ გრამს, იგივე კუბს. დააყოლებენ ჩიფირს. გაიხდიან ტანსაცმელს. გარეთ ორმოცდახუთი გრადუსია ცელსიუსის ნულს ქვევით. თხელი შარვლისამარა გავლენ. გრძელსახელოიანი პერანგებით. შლემივით ქუდს დაიხურავენ და ეფგერებიან სამუშაოს. ოთხი ზომავს, ოთხი ხერხავს, ოთხი მორებს დაათრევს, ორიც კაუჭებით აგორებს. სამი საათი შეუსვენებლივ საქმიანობენ. ოფლში გაწურულები შევლენ ჭიხურში, დალევენ ჩიფირს, დაამატებენ „სიმპლექსს“, ისევ ეტაკებიან სამუშაოს და ასეთნაირად გრძელდება საღამოს რვა საათამდე. ოდიშელია ფეხმორთხმულია, როგორც ავტორიტეტი. არაფერი დაემალება. ერთადერთი მასლა შეუძლია ელექტროხერხის პირბასრი ჭაჭვის გაშანსვა ჩაით. დედის ჭაფა შორეულ ჩრდილოეთშიც სწყალობს.

ამ ბრიგადას როკი სულზე არ გაცვლის. ბიჭებიც ასე არიან. საქმელს ერთი მზარეული აცოდვილებს. წინასწარ მიმაგრებულია მათთან. ზონის სასადილოს გამგესთან დილაადრიან მივა, გამოართმევს №3 ბრიგადის ულუფას: კარტოფილს, ხახვს, ტომატს, ხორცს, პურს; ჩაალაგებს ჩანთაში და ბირჟაზე გადმოვა. ჭიხურში ჩართულია მძლავრი ელექტროლუმელი — ზეკოვსკი. ჩაყრის ვედროში ხუთ ფიწალ თოვლს წყლის მაგივრად, დაადგამს ზედ, გათლის კარტოფილს, გაფცქნის ხახვს, დაჭრის ხორცს, ჩაუშვებს ვედროში, დაამატებს ტომატს, პილპილ-მარილს და ილხინე სულა. შეეცქევი მადინანად, მაგრამ სახელი არ იცი, სოუსია, სალიანკა, ჩიხირთმა თუ ბოზბაში. გა-

მაძღვრები ამ უსახელო ელურბელურით. წამიერ თვლემას მიეცემი და ისევ სამუშაო, ისევ იგივე მოძრაობები, ისევ იგივე ხმები და შეძახილები.

მზარეული თოვლით გარეცხავს ალუმინის ჯამებს და კოვზებს. თურმე როგორც ძიუმპეისთვისაა ნაბოძები ქვიშა ჯამ-ჭურჭელის გასასუფთავებლად, ასევეა ჩრდილოეთში თოვლი.

სწრაფად შეეთვისება აქაურობას როკი. გადავლენ დამის ცვლაზე. ღამე ჰქვია თორემ ყველაფერი ქათქათებს. სად არის გაზეთი, თორემ თავისუფლად წაიკითხავს კაცი. არაფერი სჯობია ჩრდილოეთის ბროლისწვივება შებინდებს.

დამნაწილებელთა ბრიგადა ოთხია სტეპანცევის ზონაში. მათი სამუშაო მოედნები ერთმანეთის მიყოლებითაა ჩამწყკრივებული, ჯიხურებიც შესაბამისად განუთავსებიათ.

ერთხელ მეზობელ ჯიხურში გადაიპატიჟებენ ოდიშელიას, რომელიც ათი მეტროთი მოშორებია მათ სადგომს. სუფრას გაშლილს დახვედრებენ მასპინძლები. საკმაოდ დიდი ძალი უყიდათ სალდათებისგან, შეუქმანიათ კარტოფილით, ხახვით და პილიპილ-მარლით. ისეთი გამაღიზიანებელი სუნის ტრიალებს, პირში ნერწყვი არ გიჩერდება. მაგიდაზე ოთხი ბოთლი ეთილის სპირტი დგას, სამედიცინოსგან ფრიად განსხვავებული. დალევის წესი თუ არ იცი, შეიძლება მოგკლას კიდეც. განასინჯი აქვს როკის, გადაჰკრავს ნახევარ ჩაის ჭიქას, ჩაიორთქლებს ჰაერს და რამდენიმე წამში პირში რალაც აპკისმაგვარ სხეულს შეიგრძნობს. ენას კანი მოძვრომია. სირჩები რომ იციან ჩვენში, იმისმაგვარი იყო სწორედ. ვარდისფერი, წვეროსკენ წავიწროვებული. ჯერ წყალს თუ ჩაიგუბებ და მერე გადასახვავ, ამისთანებს გადაურჩები. კუჭი კი ისეთია ბუნებისგან ბოძებული, ჯადოსნური დოლაბებოვით ფქვავს და ინელებს ნებისმიერ წურწურბალას, დაწურავს, დაანჯღრევს, რამდენიმე წამში ოფლად გამოადენს სხეულიდან.

ის-ის არის შეუდგებიან ჭამას. ჯერ სადღეგრძელოც არ უთქვამთ და მე-ოთხე ბრიგადის უფროსი სალიკა ბასტანოვი საუბარს ჩამოაგდებს შლანდო-რიკზე და კაზბეკაზე.

— შენ, პანტერა, მაგრად მიცემე ძმაკაცები, — სალიკა ბრიგადირი, მართალია, წითელ სამკლავურს არ კადრულობს, მაგრამ სტეპანცევის მარჯვენა ხელია, მისი შვილობილი და სამუშაოზე გამოუსვლელიობის გამო ბევრი პატიმარი ჰყავს მინასიკვდილები. მეტრომდე მხარბეჭი და მორივით ჩასქელებული კისერი შემზარავ იერს ანიჭებს. საქონელს ტვირთავდა სადღურზე თურმე. მხრით შეუდგებოდა ოთხასკილოგრამიან ხარს, ასწევდა, მანქანის ძარაზე შეადგმევინებდა წინა ფეხებს, მერე მიაწვებოდა უკან და შუაგულამდე მიასრიალებდა.

ღონე დიახაც ერჩის სალიკას და ყარაჩაელის კვალობაზე ზომ ერთობ უდრეკელია.

ოდიშელია მყისვე იჩნოსებს, რომ მისი გაქრობა განუზრახავთ. ესეც სტეპანცევის ექსპერიმენტის ნაწილია. ალბათ — თვითონ არ გჭრის ნაჯა-

ხით თავს, მაგრამ იმნაირ სიტუაციებში ჩაგაგდებს, ძნელია მშვიდობიანად ნაპირზე გაღწევა. გამადიდებელი უშუალოთ აკვირდება შენს მოხერხებულობას, დაუძვრები თუ არა აშკარა სიკვდილს. გადარჩები? ესამოგონება სადღაც, რადგან ახალი განსაცდელი ჩაუფიქრებია, უფრო შენიღბული, უფრო ორგანიზებული. გათამაშებს ასე, როგორც კატა თავს. გადარჩები? ბედი შენი, ალლოიანობას უმადლოდე. არადა, ჩამოგწერენ სამოცდაათ კაპიკად.

ადგილს კარის მოპირდაპირე მხარეს დაუთმობენ როკის, წაგრძელებული მაგიდის კუთხეში. ჯიხურები უფანჯროა. მორებისგან შეკრული. თხუთმეტ პატიმარს ბუშულატქვეშ ნაჯახები ამოუდვია სკამზე და საჭიროების შემთხვევაში ამ საცოდავ ძალღივით დაგანაკუწებენ.

— ასეთნაირად არ უნდა გაგემეტებინა, სამუდამოდ დამისახიჩრე და დამიხიბრე მშაკაცები. ამგვარად ბოზებს ექცვიან.

— მართალი ხარ, — ილიმის როკი, — ისინი საცემი კი არა დასაბრედები იყვნენ, — ამბობს ამას, თან მარჯვენას დაბჯენილი მაგიდას გადაეგლება, მეორე ხელით არყის მისაყოლებელი წყლით სავსე ბოთლს დასწვდება, ჩამოპკრავს მაგიდის ძვიდეს და სალიკას ზურგს უკან მოქცეული გადაწეულ ნიკაპქვეშ მთელი ძალით მიაბჯენს ყლზე. იფეთქებს სისხლი.

— გადით ჯიხურიდან, ბოზებო! — ყირის როკი. ბრიგადის ბიჭები ჰყავდეს გვერდით, იცხონებს ძაკა ბაბუას სულს, მაგრამ ისინი მორებს ეჯაჯურებიან. ახლა მშველელი საკუთარი მოხერხებისა და გამჭირახობის მეტი არავინაა.

— ბუშულატებს არ დახედოთ, ტვარებო! თორემ წავაცალე თავი და ეგ არის.

— გადით, გადით! — ხრიალებს სალიკა. პირში ლუკმაგაჩხერილები უკუსვლით მიიწევიან კარისკენ, პერანგისამარანი. გარეთ კი ორმოცდახუთ გრადუსიანი ყინვა ჰახახებს. ერთიანად დამფრთხალან და შეშინებულან მოულოდნელად შეტრიალებული ვითარებისგან.

წაკუზული ბასტანოვს კარამდე მიათრევს ოდიშელია, მსხვერპლი თვითონაც შეაშველებს აქა-იქ სანახევროდ წართმეულ მუხლებს, მერე მიწატკეპნილ აივანზე გამეტებით ჩასცემს ბოთლის ნამტვრევს თავში. კინკრიხოზე კათოლიკეს ქუდივით შერჩება ისლამის მიმდევარს ის ნამსხვრევი და გავარდება ბიჭებისკენ:

— რეზიატა, ნა პომოშ! — ეძახის მშველელს როკი. აჰა, ისინიც გამორბიან ამუშავებული ელექტროხერხებით. ეძგერებიან ძელურს, წამში მოიცილება სვეტები, აივანი. ცვილივით იჭრება კედლები და საღუმეღე შეშად ცვივა მორები. რამდენიმე წუთში ჯარგვალი ხუხულასავით დაიშლება.

ყინვისგან გულხელდაკრეფილ მეოთხე ბრიგადის წევრებს დაერევიან მერმე, სადაც წაასწრებენ, დაუმტვრევენ წვივებს. მომდევნო დილით ოდიშელიას ისევ ბური განაწესებენ.

ცა შემტრედისფრებულა. ახლა გარკვევით მოჩანს ხილთან დაფაცურე-

ბული ადამიანები. ვერაფერს უხერხებენ დაშვებულ ბორბლებს. მოღრუბლულა გივი, გათარანებულა გენადი. ვალერიანიც ჟუჟღუნებს. უნდა რამენაირად გაეცალოს აქაურობას.

როკისა და ბოშა გოგონას დაშორიშორება დაუსკუპდა თვალწინ. რცხვენია ვაჟიშვილის შეხედვის, როგორ შეულახა მაშინ თავმოყვარეობა შეყვარებულის წინაშე. სად დაიკარგებოდა ნაპერწკალივით როკი?! მოიჭამდა გულს და მობრუნდებოდა. გაიგებს ახლა ორი ბოჩოლათი ზუგდიდში ჩამობრუნებული სატრფოს ამბავს და ხომ მოეშხამება გუნება?!

ოდიშელის კვლავაც მისთვლემია საზურგეს მისვენებულს, ამიტომაც ჟენია რუსული ჟესმაგვარი თითებით აჩუმებს სამივეს.

— რა ხდება ვალერიან ძაკაევი? — ეხუმრება მამას თავის აუწყევლად ძე.

— რა და დასწყევლოს ღმერთმა, გავიხიბრეთ ორი საათია. სანამ მორებს არ ჩამოტვირთავენ, დანკრატი ვერ ასწევსო.

— გენადი, გავარდი შენებურად და უთხარი იმ უჯიგროებს, დაქოქონ აქეთა „კამაზი“, მიუყენონ უკუსვლით, გამოაბან ტროსზე და გამოათრიონ სანამ არ ამიფეთქებია.

— დაწყნარდი, ნანაგე!

— ცუდი სიზმარი ვნახე.

— სქან ჯგირობუაში,* ნანა!

— უბედურიშვილი დურუ ჰალიძონია მესიზმრა. სისხლი არ სდიოდა, მაგრამ ბუდეებიდან თვალეზამოვარდნილი წაკვეთილი თავი კისერზე ვერაფრით მოერგო.

— ფუი, ეშმაკს! — თქვა ვალერიანმა.

— იყო ერთხელ ჩვენთან მისი ჯიმაყონერი. კვეკვე ერჭვა თუ არ მეშლე-ბა. ჩიტა ბეზუხასთან შუამდგომლობას მოხოვდა შენი სახელით, მაგრამ მევისი საქმის გამრჩევი ვარ, ნანაგე!

— დახვრიტეს ბოლოს და ბოლოს? — ვალერიანმა სიგარეტს მოუკიდა.

— ააქოთა აქაურობა. სუფთა ჰაერზე მოწიე კაცო. საკუთარისგან იხრობა და ახლა შენც დაუმატე რამეფრად.

— ამ დედაკაცთან ნორმალურ სიკვდილსაც ვერ ეღირსები! ხეირიანად არ დაგალაპარაკებს შვილთან. — გაგულსებული ვალერიანი მანქანიდან ჩამოვიდა.

— დაიძინე, ნანა, დაიძინე. ახალი ლეიბები და საბნები შეგვეკრე შენთვის, სულ ფუმფულა-ფუმფულა. საბატონიშ სისმარი, კაკალ გურსუ — ლისმარი!* — ჩაიხურჩულა თავისთვის.

დურუ რამდენიმეა ოდიშში. ჰალიძონიაზე მოგვიანებით მოგიტხრობთ, ახლა კი ბარემ ხორგავაზე მოგახსენებთ. როკის სიყმაწვილის ჟამს დამკვიდრდება ზუგდიდში გამოთქმა — თუ არ შემისრულებ, დურუ ხორგავა იყავიო. ამაზე მეტი სალანძღავი სიტყვა არც კი მოიპოვება სადადიანოში.

ჩინით ეფრეიტორი გახლავთ ღურუ, მაგრამ მის დაჭერილ დამნაშავეს მილიციის უფროსიც ვერ გაათავისუფლებს, თავად კი აქვს ამისი გავლენა და ავტორიტეტი. განსაკუთრებით ომიანობის წლებში გაუვარდება სახელი. დეზერტირების რისხვად მოვევლინება ოდიშს. ცოცხალი დარჩენილიყო, ვინ იცის, მის ხელში როკისაც რა ბედი ელოდა?! გამოუტყდელს დაუყვავებს:

— გაიქეცი, ბაბაია, ოღონდ არსად წამოგცდეს მე რომ გიშვებ, — და ვინც ღურუს გმირობებში გაურკვეველია, დაუჭერებს, ჯერ წაძუნძულდება, მერე მოკურცხლავს და ვიდრე მოსახვევამდე მიატანს, ხორგავას მაუზერისგან თავგახვრეტილი გდია მიწაზე.

— მიყვარს როცა ფართხალებს თავწაჭრილი ქათამი, ღორი, დამნაშავე! — იტყვის შეზარხოშებული, როცა ენა კბილებში არ უჩერდება. რამდენი ვინმე გამოუსალმებია წუთისოფლისთვის ცოლ-შვილის წინაშე. მტრებით დახუნძლული ღამეებს მილიციაში ათენებს. ოჯახში მელიასავით დაძვრება. ერთხელ ბაზარში შესულს ნათესავი სამართებელს გადაუსვამს კისერზე. ჩამოვარდნილ თავს ნიკაპით იმაგრებს ღურუ ხორგავა, თან ამოშიშვლებული მაუზერიდან ორ ტყვიას მიაყოლებს გაქცეულს, მაგრამ — უშედეგოდ.

— ხედავ, დავბერებულვარ, ჩემი ღროც მოსულა! — იტყვის და იქვე განუტევებს სულს.

სიმაღლით მეტრონახევარი იქნება, ჩაჯიკვინებული, კაუჭიანი ცხვირით, ვიწრო შუბლითა და წყავისხელა თვალებით. კოტიტა თითები სულ ფართე ქამარში გაუჩრია, რომელზეც მაუზერი ჰკიდია გახუნებული ბუდით.

ცრემლს არავინ დააწვეთებს ოდიშში ღურუს. სასაფლაოზე წასასვენებლად ჭირისუფლები მანქანასაც ვერ იშოვიან და სენაკიდან ჩამოიყვანენ მძღოლს, მაგრამ შოფერი სიტუაციას შეხედავს თუ არა, ხელად იჩნოსავს საქმე ვერ არის რიგზე და გამარჯვების ქუჩაზე შემოსული ისე გააქანებს მანქანას, კატაფალკა კი არა რაალის მონაწილე გეგონებათ. შვიდი ნათესავი ჩასკიდებია ძარას. გამოჩნდება სენაკელი მძღოლის საბარგო და ბირჟაზე მოგროვილი ბიჭები იმნაირ ტაშს და გამაყრუებელ სტვენას დასცხებენ, უსამართლო პენალტის დამნიშნავ მსაჯს მუხლებს მოჰკვეთავს სტადიონზე. ჩააქვესკნელებენ ჭითაწყარის სასაფლაოზე, მაგრამ მტრები იმავე ღამეს ამოჩიქნიან მიწიდან, გადაბასრულ კისერს ყელის მხრიდანაც გამოსდებენ სამართებელს, განაცალკეებენ თავს და ტანს, მოაჭრიან ასოს, ჩასჩრიან ძალადდაკრეჭილ კბილებში და საკუთარი სამარხის დარაჯად სარზე წამოაგებენ საფლავის თავსასთუმალთან.

არავინ იცის რომელი ღურუს პატივისცემის გამო შეარქვევენ ჰალიდონები თავიანთ პატარას ამ ავადსახსენებელ სახელს, ხორგავასი თუ სხვათა, სინდის-ნამუსით მაინცდამაინც რომ ვერ ბრწყინავენ, ჰოდა, ფრიდონ ქარცხიაც ღურუ ხორგავას დაპატიმრებულია. გვიხსენებია ზემორე, რომ კავშირში სამ ადგილას მოჰყავთ დანაშაული სისრულეში, თბილისის დაკეტილში, კიდევ — როსტოვსა და სვერდლოვსკში.

ფრიდონ ქარცხიას დასახვრეტად აქვს საქმე. მოსამართლეს გამოუტანია უკვე პრიმა მუხლი, მაგრამ საკნიდან ველარაფრით გაათრევენ. ვერც შიგ-

ნით შესვლას ბედავენ სპეცზედამხედველები. ეს იგივეა, რაც ბუნაგში შეუვარდე დაკოდილ დათვის. სარკმლის ცხაურებს ჩამოგლეჯენ მანქანასგამომბმული გვარლით. ძალყნებითა და კაუჭებით წვდებიან მომწყვდეულ მსხვერპლს. სახანძრო მანქანის შლანგს მიუშვირენ მერმე და აბურთავებენ კუთხიდან კუთხეში. დაჯიჯნიან, დაანაფლეთებენ პატიმრების თვალწინ. ამისი მსგავსი სიმხეცე თავად სიკვდილმისჯილს არ ჩაუდენია. სამი კაცის მკვლელობა ბრალდება, რომელთაგან ორი ყალბია, საქმის ჩამოსაწერად შემოცურებული. ასეთი მეთოდებით პრემიებს ინაღდებენ, ხოლმე, თუმცა ქარცხიას ამაზრზენი დასჯის საბაბი აქვთ ციხის ზედამხედველებს. სიკვდილმისჯილის საკნიდან გამოყვანის წინ ქარცხია ექიმ შავიშვილს მოითხოვს.

— ერთადერთი ნორმალური ადამიანი ეგ გირევიათ, თუ მომგვრით, გავალ, არადა, მობრძანდით და გამათრიეთ აქედანო.

დავიდარაბას შავიშვილის მოყვანას ამჯობინებენ. ნორმალური ადამიანისა არაფერი სცხია, სიკვდილმისჯილს გაუსინჯავად ისტუმრებს სასულეთში. მოკლედ, გაიღება საკნის კარმუშკა, შემოჰყოფს სიფათს უსულგულო ხელმოწერებით ცნობილი ექიმი და ქარცხიაც, დღეების წინ ცხაურისთვის აძრობილი, მახათივით წამახულ რკინას გაუქანებს და თვალს კეფიდან გაახედინებს. დიახ, ზედამხედველების სისასტიკეს შურისძიებისმაგვარი გრძნობა ასაზრდოებს, მაგრამ გაუგონარი სადიზმი ხუთიათას პატიმარს ჯაგარს აუშლის. ის ოთხი დღე როკიც ლეწავს საკნის ლოგინებს. ტუსაღები სამართლიანად მოითხოვენ რესპუბლიკის ხელმძღვანელობისგან ადამიანთა უფლებების დაცვას; მოითხოვენ საარსებო პირობების გაუმჯობესებას. იმ ოთხდღიან ბობოქრობას პოლიტიკური სუნი ასდის და მთავრობაც სწრაფად აუღებს ალღოს. ბევრი რამ შეიცვლება თბილისის დაკეტილში, უწინარესად უფროსობა განთავისუფლდება. სხვების მიმართაც განხორციელდება ადმინისტრაციული ღონისძიებები, გააუმჯობესებენ კვებას, სამედიცინო მომსახურებას, მაგრამ ძაღლის კუდის გასწორება სად თქმულა და რამდენიმე თვეში ყველაფერი ჩვეული კალაპოტით წარიმართება.

პეკეტელების კორპუსიდან გამოყვანილი, ტუჩებამონაკერი და ფეხებდანალურსმნი როკის თბილისის რესპუბლიკურ საავადმყოფოში განამწყესებენ. ნოდარ ქარდავას ძმა მიეშველება და რუსთავის პირველ ზონაში გადაიყვანენ საკუთარი წონის ფულის ფასად, იქიდან კი რუსეთში გადაისვრიან.

ქუთაისელი შიპლეტია, სენაკელი ვისო სანაია, ზესტაფონელი იურა ჩირკვილაძე და კიდევ ოცდახუთი შფოთისთავს თბილისის საგამომძიებლო იზოლატორში ჩაკეტავენ. მათ მიაყოლებენ სამასამდე ეჭვიმტანილით გაჭედოილ ოც „ჩორნი ვორონას“. წავა ძიება. შიპლიტიას, იურას და ვისოს თხუთმეტ-თხუთმეტი წელს დაურიგებენ. ასობებში, იგივე პალასატებში გააგზავნიან რუსეთს, რადგანაც განსაკუთრებული რეჟიმი საქართველოში არ არსებობს. აჯანყებულ ოცდახუთ ტუსაღს ათი-თორმეტ წელს ჩამოუწიკწიკებენ, ხოლო დანარჩენ სამასეულს რესპუბლიკის სხვადასხვა ზონაში გადა-

ანაწილებენ. კვეკვესკირის თავი დამატებით ხუთი სევეპელის სიცოცხლეს შეიწირავს. თითქოს მოუსავლეთში, დარლასი არ იყოს, უხელქვეითოდ ვერ იბოგინებს.

როკის ძიება ვერაფერს უმტკიცებს, რადგან ამბოხების დროს ზონისგან იზოლირებულ ბურში ზის, იგივე პეკეტში — საკნისმაგვარ ტიპის შენობაში. სამხილი მასალა ვერ მოუხელთებიათ, მაგრამ ჯანყის ორგანიზატორის ვაკანტური ადგილი კვლავაც თავისუფალია და მოსვენება ეკარგებათ. ქუთაისელი შიპლიტია, ვისო სანაია და იურა ჩირკვილაძე ოდიშელიას მშაკაცები გახლავან, ერთად ტეხენ პურს, მაგრამ უფროს-უმცროსობა თითებსაც ეტყობა და როცა ნეკათითი კოლონიას ლეწავს და კვეკვესკირის თავს აბურთავებს, რაღა გასაკვირია პასუხი ცერსაც მოთხოვონ?!

როკის სასამართლოზე არც გაიყვანენ, ისე, დაუსწრებლად შეუფარდებენ შვიდ წელს. ზუგდიდური პროცესი მეორდება, როდესაც კაცისმკვლელი ცეცხლსასროლი იარაღის უნებართვოდ ტარებით უმძიმებენ დანაშაულს. პირდაფჩენილი ღლავების ამოსავსები ფული ვალერიანს არ აღმოაჩნდება. პროკურორი თავგადაკლული მოითხოვს „მაკაროვის“ პატრონის ვინაობის ამოთქმევენებას. კედლისთვის ცერცვის შეყრა მომეზრდება ბრალდებულს და ოდიშელიაც პროტესტის ნიშნად წელსზევით გაშიშვლდება, ზურგს შეაქცევს ოდიშურ სამართალს და კანონიერების დარაჯებს ასეთნაირად მიახლის:

— ზანგებს ამნაირად ასამართლებენ თეთრკანიანები!

შვიდი წლით თავისუფლების აღკვეთა მიუსჯიან მაშინ, ახლა კი, მოახლოებული აზატობის წკიპზე, იგივე ბორბალი დაუტრიალდება. ასხელება უსამართლობას ებრძვის ასფად გათოკილი. არ აღიარებს ამბოხებაში მონაწილეობას, თორემ თავი ცამდე მართალი მიაჩნია უფლის და სინდისის წინაშე.

რესპუბლიკური საავადმყოფოს გიჟების განყოფილებაში გამოძიმებელი სცდის როკისთვის ჩვენების ჩამორთმევას. ოდიშელია ერთ წერტილს მიმტერებული უსმენს დასაკითხად წვეულ კაპიტანს, მერე წამოუვლის მოულოდნელმა აშლილობა, გადამსხვრეული ბოთლით მაჯას გადაიფატრავს ძიებისთვის განკუთვნილ პატარა ოთახში, სალი მარცხენათი ქეჩოში ჩააფრინდება ერთიანად ფერწასულ გრუზათმიან კაპიტანს და სახეზე შადრევანივით მიუშვერს სისხლს.

— დალიე მამი, კარგად გაძეხი. შენ ხომ დიდი ხანია სწოვ დედაჩემს სისხლს, ესეც იმ აუზიდანაა, — აბრიალებს თვალებს ოდიშელია.

მორთავს ბლავილს გამომძიებელი. მოვარდება რეჟიმის უფროსი ბართაია.

— პანტერა, მეცი პატვი, გაუშვი! — ეხვეწება მამისტოლა კაცი.

— ნე?! მამაჩემის გამასპინძლებას მიკრძალავთ?! ნახევარი ჭიქა გინდ იქით იყოს და გინდ აქეთ, დაათრობს თუ რა?! — არააღამიანურად ხარხარებს როკი, მაგრამ ბართაიას დიდი ხათრის გამო გამომძიებლის ქეჩოს შეეშვება, — წა-

დი, მამილო, — ეუბნება მხარზე სისხლჩაქაფუნებული მაჯის ტყაპუნით, — ამიერიდან ალიმენტი არ გამომიგზავნო, მე ავლიპას შვილი ვარ უკვე, გესმის? კომბოსტოში მიპოვა.

იმის შემდეგ კვეკვესკირის გამო არავის გაჰკარებია. დაუსწრებლად ძიებული საქმის ბრალდება წარუყენებენ.

ტუჩებსა და ტერფებზე კი მოუშუშდება იარაღიშეღიას, მაგრამ ახლა მაჯა გაუჭირვეულდება.

როკის პალატაში ზოლებიანი ხალათის მაძიებელი კიდევ სამი პატიმარი წევს — დურუ პალიძონია, გოგია ახალციხელი და შაურა შარვაშიძე. ელოდებიან ვის რა განაჩენს გამოუტანს კომისია, ზოგს — სიმულიანტობას, ზოგს — აქტიროკვას.*

ორ დღეში ერთხელ უსათუოდ უქმური წამოუვლის როკის და მაშინ ყველაფერს პირწმინდად დაღეწავს. აშლილობის პერიოდში უაზრო ფრაზებს ისვრის. ვთქვათ, მაგალითისთვის, ასეთებს: „კარგად აურჩიეთ კვეკვესკირის თავები, ვართ გამოსულია, დუბეში“, ან „მომამორე ფეხი, ვირთხავ, ნალისთვის კუზმას მიაკითხე!“ ან კიდევ „ნუ იცინი ჩაფლა ლეღვივით, თამარა, ადამიანი შებრუნებული ზღარბივითაა“.

დაწნარდება ორმოციოდე წუთის შემდეგ და ჩვეულებრივად გააგრძელებს წიგნის კითხვას, ან მასლაათს, თითქოს არაფერი მომხდარა. იმ ფრაზებს მერე გულდასმით იკვლევენ საავადმყოფოში მოწვეული ფსიქიატრები ასათიანის ქუჩიდან. გამოიძიებენ ვინ არის კუზმა, თამარა. კვეკვესკირს რა ამოცნობა უნდა. ამის შესახებ პირზე ლეგენდები აკერია მთელს რესპუბლიკას, მაგრამ ილონას ბიძისა და ზუგდიდის ბაზრის გიჟის თაობაზე ცოტამ თუ იცის, და ვიდრე საკითხს ზუსტი პასუხი არ დაეძებნება, არაფრისდიდებით მოეშვებიან. როკის უკვე მყარად გადაუწყვეტია ზოლებიანი ხალათის ჩაცმა, თუკი სასჯელს გაუხანგრძლივებენ.

მომდევნო კვირის თავზე, ამჯერად სხვა დროს ისევ იფეთქებს, გნებავთ, უმნიშვნელო დეტალი რომ არის თითქოს — წითელი სამკვლავურის გამოჩენა. კვლავ მიაპარტახებს იქაურობას, დამშვიდდება როდის-როდის. ეს მეთოდი ღირსეულიც არის და უფრო ჭრის ფსიქიატრებთან, რადგანაც ბობოქრობებისა და გიჟობების თვალთვალის საშუალება მათ არ აქვთ. როკის წამოსროლილი ფრაზები, იმდენად ჰკვიანურადაა გათვლილი, იმდენად ალოგიკური, პარადოქსული გახლავთ პალატას ყურმილებული პერსონალისთვის, შიზოფრენიის ნიშნები თვალშისაცემია, ხოლო რაც შეეხება კომისიის წევრებთან გამოსაუბრებას, აქ ოღიშეღია, პირიქით, უკადრისობს შეკითხვებს რაიმე ფსიქოპათურ გამოვლინებაზე, ხარივით ჯანმრთელად წარმოსახავს საკუთარ თავს ობჩელი საბახტარაშვილის მიმსგავსებით — არც გენეტიკით მოსდგამს თურმე პათოლოგიური გადახრები, არც უძილობას უჩივის და აღარც — უმადობას. გარდახლომილი ამბავი კი, როგორც წესი, იოტისო-

დენდაც არ ახსოვს. ამიტომაც მიიჩნევდნენ ფსიქიატრები მსგავს პიროვნებას ყველაზე სახიფათოდ, ვინაიდან არვინ იცოდა, როდის, რანაირ ვითარებაში, ვისთან წამოუვლის იჭიკიები, როგორც უნია იტყოდა ხოლმე როკის ანცობებზე პატარაობისას და შესაძლოა ნაკუწ-ნაკუწ აქციოს ადამიანი, ისე რომ პასუხსაც ვერ მოსთხოვ, რადგანაც სამართალი თუ იგი მეცნიერებაზეა დაფუძნებული, აფექტში მყოფ ამისთანა ინდივიდუუმებს ვერ დასჯის.

საავადმყოფოს პალატაში, როგორც აღვნიშნეთ, როკისთან ერთად კიდევ სამი კაცისმკვლეელი პატიმარი უცდის კომისიას — გოლიათი გოგია ახალციხელი, მკერდამდე რომ სცემს წვერი, შაურა შარვაშიძე, კავკასიელეზივით მუდამ თავგადაპარსული, მოხდენილი იერის ახალგაზრდა კაცი, და დურუ ჰალიძონია — ხუთიოდე გოჯით დაბალი ახალციხელზე, მაგრამ რომ დასჭირდეს, თავად ჰერაკლესაც კი თოკივით დაგრეხს.

წულუკიძის მეოთხე ზონაში ყოფნის შემდეგ დურუს უფრო და უფრო გაურთულდება მდგომარეობა. სულ გაქცევისკენ უჭირავს თვალი, ათასნაირ გეგმას აწყობს და უკვე არადაშელის წაუხმარებლად წლებზე წლებს იმატებს. ამას ზედ დაერთვება ერთ-ერთი გაქცევის მცდელობისას ზედამხედველის კედელზე მიხეთქება, რომელსაც თავი კვახივით გაუსკდება და სული ადგილზევე განუტყეებს. ცხოვრებას ისიც გაუსასტიკებს დურუს, რომ დრანდის ციხეში აფხაზეთის შინაგან საქმეთა მინისტრს შემოვლა აქვს, იხილავს წვერებიან ჰალიძონიას თუ არა ზედამხედველობას დაავალებს თხასავით გაეპარსონ. ამის გამო დურუმ შვიდი მეტრიდან ოსტატურად მიაფურთხებს მინისტრს მკერდზე, უმაღლესგანათლების ნიშნის გვერდით და კინაღამ გინესის წიგნში გაუკვდავდება.

მაშინ დაეჭადნება მინისტრი:

— ახლა ყაზანში გაგზავნი და თუ იქიდანაც წვერებიანი დაბრუნდები, არ დაგხვრეტო.

თბილისის დაკეტილში ჩამოვაკებულ დურუს წვერი კოჭებამდე სცემს. მერე ივავლახებს ზონიდან ზონაში. დრანდაში ჩამოსწილი რკინის კარები დიდებით მოსავს, მაგრამ შემოაკვდება ზედამხედველი და საპატიმროდან გაღწევის ყველა იმედს წერტილი დაესმება. მის ჭირად აშბაც დედაქალაქში გამოუყვანიათ. ახალწლის ღამეა. ჩვეულებისამებრ იწყებს შემოვლას, ბოლოს დურუ ჰალიძონიას მონახულებასაც მოიგუნებს. საკნის კარი ღია დაუხვდება. ყველა პატიმარი ადგილზეა ჰალიძონიას გამოკლებით. დურუ არყების ჩამოსარიგებლადაა გასული. უკანმოზრუნებული ხედავს, აშბას მისი საკნელებისთვის პურ-მარილი წაურთმევია, ზოგი ზედამხედველი ბოცებს მოათრევს, ზოგიც — შემწვარ-მოხრაკულს, სხვას მოციცქნული ნაძვის ხე ამოუიღლიავევია. გახევდებიან ფარაონები. წინ წყალია, უკან — მეწყერი, ჰოდა, დათირავს დურუმაც მოალაფე ამაღას თუ არა, დააძრობს ღილაკიან დანას და მიაბრძანებს უკან უფროს-უმცროსს.

— აფხაზეთში გამიშრე სისხლი და ახლა ქართშიც არ მაყენებ? —

ამბობს და კედელთან მიჯღვლებილ აშბას სათითაოდ ააჭრის ღილებს, სამხრებს. გენერალს შარვალი რომ არ ჩასძვრეს ხელით დასაკავებელი გაუხდება. ამ ამბავს წაეწყობა გაქცევის მცდელობა და ზედამხედველის კედელზე მიხეთქება. მაგრამ რესპუბლიკურ საავადმყოფოში დღურე კაცის შემოკვდომამდე მოხვდება. ყველანაირად ცდილობს აშბას კლანჭებისგან დაღწევას. თავს იგიჟიანებს. სხეულს იჩეხავს. ჩამოიჭრის სამართლებლით მუჭით სავსე ხორცს, ითქრიალებს სისხლი, დაიყრის მარილს დაბეტონებულ მაგიდაზე მდგარი ჯამიდან. ერთხელ საკნის კარს თავითაც დაეჯახება და შუაზე გადაიფლითავს, როცა კარმუშკასთან ატუზული აშბა უწმაწურად აგინებს. იმდენს მაინც მოახერხებს კატასთან ერთად რესპუბლიკურ საავადმყოფოში გადაიყვანონ. აღრე ყორანი ჰყავდა საკანში დღურუს, საკვირველად გაწრთვნილი. ვირთხები რომ იმრავლებს კატასაც მაშინ მოიშინაურებს და სწორედ ის ციბა სათავგვითის მუსრის გავლების შემდეგ ყორანსაც მოულებს ბოლოს. ეშმაკურად მოიქცევა. პურის ნატეხს ჩამოაგდებს თაროდან. ცხაურზე შემომჯდარი ყორანი ცდუნდება, დაეტაკება სატყუარას და ბედიც იმწამს უმტყუნებს, ხელად ბღღირს გაადენენ. ბევრს იდარდებს დღურე, მაგრამ რას გააწყობდს. შერჩება კატა, ნებიერი, გამუდმებით უღვაშების და თათების მლოკველი. აი, ამ კატათი დაახსომდება როკის მთელს საქართველოში მანიკის თუ ჭალათის სახელდადებული დღურე შპინიონია. სინამდვილეში იგი ერთი ტლუ ვინმეა, სადაც შეუძლია, ცალკე საკანში ამჯობინებს ყოფნას, რადგანაც ქურდებთან კონტაქტში შესვლას გაურბის. ახლა კი, აგერ, რესპუბლიკურ საავადმყოფოში გამოსაკვლევად მიყვანილი საერთო წესს დაქვემდებარებია, ანდა სადაა ამდენი საკანი, თითოეულ ტუსაღის განმარტოებულ საცხოვრისი მართვან?

ერთ-ერთი მოგიჟიანების შემდეგ, ჩაკირული აღნაგობის დღურე მიუახლოვდება როკის და მორიდებით ჰკითხავს:

— საუბრისთვის გცალია?

— შენთვის ყოველთვის, — ეტყვის ოდიშელია და ლოგინზე ჩაიჩოჩებს.

— ჩემი საქმე ცხუდად მიდის, პანტერა. ვთქვა, არ მეშინია სიკვდილის-მეთქი, სულელი ვიქნები, მაგრამ როგორც ვგრძნობ, ეს გარდაუვალა. ჩვენი ხიტრობების ყველაფერი იციან იმათ. გიჟობები ათი წლის წინ რომ დამეწყო, სხვა ამბავია, მაგრამ ახლა, ამ სიბერეში, თავის დაძვრენის მიზნით ათას ლონისძიებას მიმართავს ადამიანი თურმე, და ათასივე ფუჭია. ისმენდეს უფალი, სიკვდილის იმდენად არ მეშინია, რამდენადაც ორი ჯავრისა, თან რომ ჩავიტან სამუდამოდ. რაღაცა რომ გთხოვო, შემისრულებ?

— მითხარი, წინასწარ როგორ შეგპირდე?

— ზუგდიდელი რომ ხარ, ერგეტელი, აქამდეც ვიცოდი შენი უფროსი ძმისგან. ერთად ვტყხდით პურს წულუკიძის მეოთხე ზონაში, მაგრამ შამგონელი რომ ყოფილხარ ბაბუით, ამასწინათ შევიტყვე ჩიტა ბუზუნასგან. იქ, ჩემს სოფელში ერთი უნამუსო კაცი ცხოვრობს, რომელმაც ამ დღეში ჩამაგდო. არდაშელ ჰალიძონიაა მისი სახელი და გვარი. რძალი არ დაინდო სინდისგა-

რეცხილმა, თუმცა ის ბოზანდარაც მაგის ზიშისა იყო. კაცს არ უნდა გაგიწყდეს შუბლის ძარღვი. მოკლედ, სწორედ მასთან შეხლა-შემოხლას გადავყვირი მგონია. დარწმუნებული ვარ გაიხარებს ჩემი სიკვდილით, ვინაიდან მისი ავხორცობის მომკითხავი არავინ დარჩება ქვეყანაზე.

სამარიდან დაგლოცავ, ერთს შენებურად თუ დალეწავ. შესაძლოა ამის გამო მდგომარეობა გაგიერთულდეს კიდეც, მაგრამ ხომ უნდა არსებობდეს ბოლოს და ბოლოს სამართალი?!

და კიდეც მეორეც, უმცროსი ჯიმაყონერი მყავს სატანჯოში. ერგეტიდან იქამდე ათიოდე კილომეტრია. ბევრის მოყოლით არ შეგაწყენ. ეს ის ბიჭია ჭკუა რომ დაარიგე გივის თხოვნით ექვსი წლის წინ. გეხსომება, ბიძაშვილის სიყვარულს ვუკრძალავდი, თუმცა ისინი მხოლოდ საბუთით იყვნენ ნათესავეები. ეტყობა ტვინში სისხლი ჩაეჭკა, ავარიაში მოჰყვა და ამას იქით მისი ასავალ-დასავალისა ვერაფერი შემიტყვია. ცოცხალი თუ ნაზო, გადაეცი, ეგ ერთადერთი მიყვარს დედამიწის ზურგზე. მხრებზე შემოაჩენილი ბევრი მირბენინებია ბავშვობაში, სულში ჩასასმელი ბალანა იყო, და ვინციობაა, გარდაცვლილია, შენისთანა ოქრო გულის კაცს, პანტერა, მის საფლავზე ყვავილების მიტანა არ გაუჭირდება. — თქვა ეს და შემოსძახეს კარმუშკიდან:

— სიმულიანტები კომისიაზე!

ყველანი აქტიროვკას ელიან, განსაკუთრებით დურუ ჰალიძონია. ახლა სულთ ავადმყოფობა თუ დაუდასტურეს, დახვრეტას გადაურჩება. როდონაიამ ტომრებით ჩამოიტანა ფული და როგორც ამბობენ დურუს არაფერს გაუჭირვებენ. ასევე პატრონობენ გოგია ახალციხელს და შაურა შარვაშიძეს, მაგრამ ძაკას აგურები ვის რად უნდა, თავში ხომ არ იხლიან და არის ოდიშელია ბედის ანაბარად მიტოვებული.

კომისიის თეთრხალათიანი წევრები მაგიდას მისხდომიან. ოთხივე პაციენტს ერთდროულად შემოიყვანენ უშველებელ ოთახში. კუთხეებში ადამიანის ჩონჩხები დგანან. კედელზე ჩამოკიდებულია პლაკატები და ტაბულები ანატომიაზე, ბიოლოგიაზე. კომისიის შემადგენლობიდან ყველაზე ტიტულიანი ზურაბაშვილის მოადგილე კაკაშვილია, მაგრამ შვიდეკაციანი ექსპერტის თავმჯდომარე მერი ივანოვნაა, სანდომიანი სახის, სწორი ნაკვეთის, მეტი-სური წარმოშობის ჰლარაშერეული ქერათმიანი ქალბატონი. ყველა ტომარა მასთან იკეცება.

ბადრაგი ფეხდაფეხ მოჰყვება სიმულიანტებს, როგორც დაუფარავად ეძახის ზედამხედველობა ოთხეულს. გოგია ახალციხელი, შაურა შარვაშიძე და როკი კედელთან მიდგმულ სკამერხზე ჩამოსხდებიან, სპორტულებში გამოწყობილი დურუ ჰალიძონია კი ტაბათით მიემართება კომისიის წევრებისკენ. როცა მერი ივანოვნას კალთაში ოქრო აჩხრიალდება, იქ აქტიროვკა განადიდებულია, მაგრამ დურუ ჰალიძონია სხვის იმედზე ვერ იქნება, მან უზუსტესად უნდა გაითამაშოს თავისი როლი ბოლომდე. მიაბიჯებს და თან მარცხენა ხელით მკერდზემიხუტებულ კატას მარჯვენათი ეფერება.

— ეს არის ჰალიძონია? — ეკითხება ბადრაგს მერი ივანოვს და თვით-ვე პასუხობს, — გიჟს რა უგავს? თავადივით ბიჭი ყოფილა.

ოცდაათგარდუსიანი კუთხით მოსჩანს როკისთვის საგამომცდელი მა-გიდა და მასთან შეჩერებული დურუ.

ჰალიძონიას კომისიის შუაგულში მოკალათებული ქალბატონის მხარს ზემოთ ერთი წერტილისთვის გაუშტერებია მზერა. პლაკატზე დატყვევებული გული ჰკილია იქ. თან ნებიერად ეაღერსება მოკრუტუნე კატას. ქალი მიხე-დავს პაციენტის მზერის მიმართულებას, შემოტრიალდება კვლავ, სთვალე-ებს ზემოდან მისცივებია გამოსაცდელს და ლინზებიანი ჩარჩოც მისდაუნე-ბურად მალლა-მალლა მიიწევს შუბლისკენ, ვინაიდან გარკვევით ამჩნევს მარ-ჯვენა ხელი როგორ მოუჭირა პატიმარმა ცხოველს თავში. კი დაიკნავლა ყორ-ნის შეფერილობის ციბამ, მაგრამ ვინ არის გამგონე?! მარცხენა და მარჯვენა ხელებს შუა ხაზალების გარმონივით იწვლება ფისუნისა მოქნილი სხეული. თავი წააწყდება ჩხავილით. სისხლი ითქრიალებს. ესეც არაფერი, ამასაც გა-უძლებს კომისიის წევრების, გამოსაცდელებისა თუ ბადრაგის გულები, მაგ-რამ სახეზე ხელაფარებული ქალი დაბრილიანტებულ თითებს შორის დარჩე-ნილი ჭუჭყრუტანიდან გარკვევით ამჩნევს როგორ მიიტანს პირთან დურუ კა-ტის გაგლეჯილი ტანს, რანაირად მოკბეჩს ერთხელ, მეორედ, მესამედ, მერე ლომს მიტანებული ყველივით რაფერ მოციცქნავს შუშასავით თვალბეგაცივე-ბულ ციკას თავს. პირი სისხლით და ბალნით ამოგლეჯვია. ამას ზედ ერთვის ჰალიძონიას გაბადრული იერით გაღიმილება, რადგანაც ხინჯად ჩარჩენილი ყორნის ჯავრი ამოყრილია ბოლოს და ბოლოს. გული უღონდება მერი ივანოვს, თუმცა უკეთეს დღეში არც დამსწრე საზოგადოებაა.

— მომაშორეთ ეს გიჟი! — ახლაც უწივის ყურში როკის მერი ივანოვ-ნას სასოწარკვეთილი კივილი.

ამაზრზენი ეს სცენა სამუდამოდ დაუკარგავს სურვილს ოდიშელის ითამაშოს როლი, რომელიც მისთვის უცხოა, არაბუნებრივი, თან დურუს აქტიორულ მონაცემებთან შედარებით ნაკლებადეფექტური. მერმე სტალი-პინსკით ჩრდილოეთისკენ შვიდი წლით გამწესებულს გზაში წამოეწევა უბე-დური შვილი ჰალიძონიას დაბრედვის ამბავი.

კი დაუდასტურებენ შიზოფრენიას დურუს, მაგრამ ეშბას არაფერი ეშ-ველება, ისევე თბილისის დაკეტილში მიაბრუნებენ. ამას მოჰყვება გაქცევის მცდელობისას ზედამხედველის კვახივით კედელს მიხეთქება და გამოამწყვდივენ კიდევ საგანგებოდ მისთვის მომზადებულ საკანში.

ორი თვის შემდეგ დაუსწრებლად მიუსჯიან დახვრეტას. მთელი ეს პე-რიოდი მშრალ ულუფაზე ამყოფებენ. ყოველგვარი გრევის მოუსპობს ეშბა. დაასუსტებენ ფიზიკურად. აბანოში არ დაჰყავთ. დააჩაჩანაკებენ. მკებნარე-ბისგან შეწუხებული მართლაც გიჟივით იქეჭავს სხეულს.

ერთხელ გამოუღებენ კარმუშკა და ეუბნებიან:

— ჰალიძონია, გამოჰყავი ხელები, აბანოში უნდა წავიყვანოთ.

ძნელი სათქმელია ცდუნდება თუ არა ამ საკენკით დურუ, მაგრამ მაჯე-ბი რომ გამოიშვერს კარმუშვიდან უეჭველი ფაქტია. მაშინ ერთის ნაცვლად ორ ხელბორკილს დაადებენ. მერე გააღებენ საკნის კარს და როდესაც სიკვდილმისჯილი დერეფანში გამოვა, კედელსაკრული, სპეცზედამხედველობის ტანბრგე ბიჭები დასცხებენ უროებს თავში, სახეზე. ამბობენ, ორივე თვალი ამოუხტუნდა ბუდიდანო, მკერდამდე ჩამოკიდებია მუხლებზე დავარდნილს, აქვე სულ ამას იხვეწება თურმე, დროზე გამათავეთო.

„კამაზის“ ხმაურმა იმატა. მძიმედ ჩაიარა როკის თვალწინ მორებით დატვირთულმა მანქანამ, რომელიც ძლივძლივობით მოათრევდა გვარლით გამობმულ საბურავებდაშვებულ მეორეს.

გვის არ დასჭირვებია „ოცდაოთხის“ დაქოქვის შეხსენება. უკვე გაბარ-ჩხალებული დილის წიაღში, ნისლშეთხელებული ენგურს ზემორე შეუფერხებლად მისრიალებდა შავი „ვოლგა“ და მისი ამაღა სრული შემადგენლობით.

ლიმა მემკვსე

ცოტნე

461538

ჩემი სახლი ჩემი ციხე-სიმაგრეაო, უთქვამთ ბრიტებს და ეს ჭეშმარიტება სრული მნიშვნელობით სწორედ ახლა, ამდენი ჭირთათმენის შემდეგ, შეიტკბო როკი ოდიშელიამ.

ყვავილების ათასფერადი ჩირაღდნებით შემოეგება მშობლიური ზუგდიდ-ქალაქი. ბალღური გაცეებით ეკითხებოდა უფროს ძმას, მამას, დედას ჭადრების ხეივნის სახეცვლილებებზე. ხუხულები დატოვა სიჭაბუკის ჟამს და მისთვის უკულმართ თოთხმეტ წელიწადში წარმოუდგენლად მეცვლილიყო ყველაფერი: დავიწყების ქარს წარეხვეტა ტრიფოლიატას ოკრობოკრო ძირები. მათ ნაცვლად მარადმწვანე ლუგუსტუმები ჩაეყარათ, კოხტად გაკრეჭილი და ხასხასა.

მრავალსართულიანი საცხოვრებელი კორპუსის სიუხვემ ენითუთქმელი სიამაყით აღავსო.

თვალსმომტაცებელი გაზონები და ბულვარები ხელებგაშლილნი გამორბოდნენ ოდიშურ დროს ჩამორჩენილი როკის მეხსიერების შესავსებად, გამორბოდნენ ვარდისფერფარდებიანი ფანჯრები, გამორბოდნენ აივნები, სადარბაზოები, თითქოს სადღაც უნდა წარეტაცათ, მისთვის სრულიად უცხო სინამდვილისკენ.

ხარბად ისრუტავდა ოდიშელიას სული ამ დაუჯერებელ ცვლილებებს. უკვე მერამდენედ გარ შემოუვლიდნენ ჭადრების ხეივანს. სტალინის ძეგლის პოსტა-

მენტი კვლავაც გაბზრებული მოლოდინით უცდიდა პატრონს, და სახლიკაცის არყოფნით ესარგებლათ მაცარქალა*სარეველა მცენარეებს — აფშუტუნებულიყვნენ ნაცარქეჟისავით ბაყბაყდევის მხრებზე.

ახარებდა ტროლეიბუსების სრიალი პარალელურ, პრიალა სპილენძის მავთულებზე. ჯერ კიდევ უამრავი გულისგასახარი სიახლე ელოდა ოდიშელისა ღრუბელივით ტევად ცნობისმოყვარეობას.

ზოგ მეგობარს ეზოში შეეყვანა მანქანა, მაგრამ იქ რომ ვერ დატეულიყვნენ, ჭიშკართან მიჯგროვდნენ.

მეზობლებს, ნათესავეს თადარიგი დაეჭირათ, „საუკუნით გადაკარგული შვილის“ პატივსაცემად.

დავაჟკაცებულ ხეებს წარმოსახვით გულში იკრავდა შუათანა მემკვიდრე. ნიკაპს უთრთოლებდა ღვიძლი ეზო-კარის ყოველი გამორჩეული მოულოდნელობა. ახალი კიბე მიედგათ, მარმარილოსავით პრიალა. კარ-ფანჯრები გამოცვალა ვალერიანს. მოებათქაშებინა გარეთა კედლები. შვილის ჩამოსვლის მოლოდინს, როგორც ჩანს, თავისი გაეტანა და ბოლოს და ბოლოს ხელი გამოედო.

როკის ფეხდაფეხ დაჰყვებოდნენ ძმები, თმაჭადარა მამა.

სამზადში გუგუნებდა ვეება ბუხარი. ნალიის გვერდით სამფეხზე ქვაბით ღომი იხარშებოდა, რომელსაც შეშის ცეცხლის ნაცვლად გაზის ალმურები შენთებოდა. ხაჭაპურებს და გოჭინდაურებს მეზობლები ბრაწავდნენ თავთავიანთ კერიასთან.

აბიბინებულ ვენახში ოჯახის სიმძლავრე სრულფასოვნად შეიგრძნო. სიგარეტს მიტანებულ ძმებს და მამას ხელებს გადახვევდა მხრებზე მადლობის ნიშნად, ეს წლები უსაქმურად რომ არ მსხდარან. ძე ცთომილის თავისდახრა სრულებით არ სჭირდებოდა მის იერს. როკის ხომ წამითაც არ გადაუხვევია მშობლის დარიგებისთვის?! როგორც ვალერიანი ასწავლიდა და აკვლიანებდა, ისე გალია მთელი სიჭაბუკე. მუშტით იცავდა საკუთარ ღირსებას, მაგრამ დრომ აგრძნობინა ოდიშელისა, რომ უკვე სხვანაირი ქმედებები იყო საჭირო, კუნთებით ვერ გაასწორებდა კუზიან ქვეყანას, საქმის ელვისებური გადაწყვეტისას მეტი მოქნილობა უკეთესად წაადგებოდა.

როკიმ მკლავი გამოსდო მამას და ძმებს აგრძნობინა, ცოტა ხანს მშობელთან დამტოვეთო. ფეხი არ აუთრევიათ ღვიძლებს, სტუმრებში გაერივნენ.

— ძაკაევიჩ, მივხვდი რუხის ციხესთან სიგარეტს სიგარეტზე რატომ ეწეოდი. სანერვიულო არაფერი გაქვს. შენს ადგილას, ალბათ, მეც ასე მოვიქცეოდი. ვინ იცის, როგორი იქნებოდა ჩემი ცხოვრება ბოშათა ბანაკს რომ ავდევენბოდი?! ქალი ბევრი მინახავს, მაგრამ წარუშლელი მხოლოდ ეგ სახე დარჩა ჩემში. ჩვენ კაცები ვართ და ტკივილებს ვაჟკაცურად უნდა გავუმკლავდეო. მისი ხომ არაფერი გსმენია?!

— ეჰ, შვილო, როკი, ორმა რამემ მომინელა.

პირველი ის არის, რომ მე, სამიწე, ბაბუაშენს დაუმშვიდობებლად გავ-

ცილდი. ისე მოკვდა ერთხელ არ მინახულებია. ის კი არა თქვენც არ გიშვებდით ერგეტაში. დღე და დამ აივნიდან გვიმზერდა ამოშრეტილი თვალებით და იმნა-ირად ამოხდა სული, საალერსო სიტყვა არ ვალირსე. მაპატიებს უფალი ამისთანა ცოდვას?!

მერე — შენი და ილონას ამბავი. ციგანი სარძლოდ ვიუკადრისე. დაბრუნდებოდი ადრე იქნებოდა თუ გვიან, არც ამდენს გაწამდებოდი, შვილო, ჩემო! ახლა ის გოგო სხვისია, ორ ბიჭუნას ზრდის და ბოშათა დასახლებაში ცხოვრობს საკონსერვოსთან.

ილონას გათხოვების ცნობამ როკის გული შეუკუმშა, მაგრამ მამის წინაშე არაფერი დაიტყო. დედა კი იჯდა აივანზე და ფხიზელი თვალით აკონტროლებდა ოჯახში დასაქმებულ ადამიანებს. ალერსიანი მზერა პოულობდა შუათანა ვაჟიშვილს, და სხვა ნეტარება არსებობს ქალისთვის, რომელსაც სამივე პირმშო თავზე დასდგომია?! თვითონ ჯანდაბას, გასამკეცებით იშრომებდა კვლავაც, ოლონდაც ეს მთლიანობა აწი მანც ნუ დაირღვეოდა.

ჟენიას დაუფასდა ამაგი, ჩაის პლანტაციაში შეუსვენებელი გარჯის საფასურად მაცხოვრის კარის სიახლოვეს სამოსახლო მიწის ნაკვეთი გამოუყვეს. გაიჭირვებდნენ ცოტას და სახლსაც აუშენებდა მემკვიდრეს. ზალაში კი ოდიშელის ძმაკაცები ნარდს აჟღარუნებდნენ, საუბრობდნენ მთისას და ბარისას. როკის განახლებულ ცხოვრებას მალე შეიგუებდა ზუგდიდ-ქალაქი. დღეს კი ეზეიმობოდათ ოდიშელებს. ყველაფერი ამ სიხარულს მოეცვა: ქათმების კრიახი ეს თუ მამლების გადაყვივლებანი, ბოჩოლების კუნტრუში მოლით გადახასხასებულ ეზოში, თითის წვერებზე შემდგარი გადაფთქინებული ხეები...

სტუმრები თუ მასპინძლები უკვე საზეიმო ტრაპეზს მისხდომოდნენ. კიდევ ორიოდ დღეს ქალაქის საზოგადოებაში არ გაერეოდა როკი, ვინემ ბურებში გამოვლილ კომპარებს ერთიანად არ გამოიბერტყავდა სხეულიდან. დედა ბევრს იზრუნებდა შვილის გამოსაკაჟებლად, ფუმფულა ლოგინში აწვენდა, კარცერების და იზოლატორების სალაფავით დამძიმებული კუჭი ნელნელა შეეთვისებოდა ცხარე შეჭამადებს. ამ ორი დღე-ღამის მანძილზე მრავალი ნაცნობი და მეგობარი მოაკითხავდა როკის, მაგრამ, ძინავს, შვილებო, იტყოდა ჟენია და შეუვალი არგუმენტით მიიწევდა აგუგუნებული ბუხრის სიახლოვეს გაშლილ სუფრასთან.

მიულოცავდნენ შვილის დაბრუნებას, ბედნიერებას და სიკეთეს უსურვებდნენ როკის. არ შეპყვებოდნენ ქეიფს.

გამოვივლით ზეგ, მაზეგო, ამ სიტყვებით დაემშვიდობებოდნენ გულღია მასპინძლებს.

სამეგრელოს თვალ-მარგალიტი თურმანიძეების ასულის ფოტოსაც შეაპარებდა მშობელი ილონაზე ფიქრით გასენილს და ეს დაუსწრებელი გაცნობა სრულიად საკმარისი აღმოჩნდებოდა ნახევარ წელიწადში საქორწილოდ დაეწკაპა ხელები ოჯახს.

როკი დაიწყებდა ქალაქში სიარულს, მაგრამ მისი თაობის ბიჭები გაკრე-
ფილიყვნენ.

ბირჟის მცნებას სამუდამოდ ჩასამარებულიყო მეხსიერების ძვაღთშესალა-
გებში, ასე რომ, ვერასდროს აღიდგენდა ოდინდელ ძალმოსილებას.

ოდიშელია უფროსი მეგობრების საფლავებსაც მოინახულებდა მაცხოვ-
რის კარზე, ჭითაწყართან, ინგირსა თუ ოთუთუმეს ტერიტორიაზე. ჭიქა ღვი-
ნოს წაუქცევდა მარმარილოებზე გახუნებულ სახეებს.

მივიწყებული დიდება ისევ იკრებდა ძალას, ისევ მის გარშემო ირაზმებოდა
ოდიში თავმომწონე ახალგაზრდობა.

წარმოება-დაწესებულებათა ხელმძღვანელები არაფერს დაიშურებდნენ
როკის სამოსხლოს გასამართავად. ზოგი იქაურობას რკინის ჭიშკარს უსახ-
სოვრებდა, ზოგი საშენ მასალას მოაყრიდა, სხვები — საიატაკე ფიცრებს თუ
ალუმინის ფურცლებს სახურავისთვის.

ვალერიანის ამხანაგები გვარიანად გაირჩებოდნენ და დაეწყობოდა ბლო-
კი ბლოკს. ქორწილის წუთებისთვის ამ ორსართულიან შენობას მარმარი-
ლოს კიბეებიც კი დაამშვენებდა, თუმცა ჯერ კიდევ დაუსრულებელი სასახლე
ვერ შეიტკობოდა გადმოტრიალებული თეფშის თურმანიძეების ასულის ქუს-
ლების დამსხვრევას.

პატიმრობიდან დაბრუნებულ როკის დახვედრილი თაობა სულ სხვა გა-
გების მოეჩვენა, განსაკუთრებით — ქალიშვილები. დღევანდლობას თოთხ-
მეტი წლით დაშორებული მისი სიჭაბუკე გარიყულივით ჩანდა დროის მდი-
ნარებისგან.

წინათ, შეძლებული ოჯახის თხუთმეტ-თექვსმეტი წლის ასული ქალაქში
გამოსულ ბიჭს, მითუმეტეს ნაჯდომს, გნებავთ ქურდს, ცოლად თუ გააწყვიბოდა,
ატყდებოდა წვილ-კივილი. მეზობლები და ნათესავები მილოცვის მაგივრად
მიუსამძიმებდნენ „ჭირისუფლებს“. ზოგი „ტრაურსაც“ გამოფენდა გლოვის
ნიშნად. მათი შვილიშვილები უკვე ფეხბურთს დასდევდნენ, დამღურებულნი
კი კვლავაც არაფრისდიდები ელეოდნენ შავსატინს, კიდებჩამორღვეულს, გა-
ხუნებულს, პოეტის სიტყვებით, ძლეული ლაშქრის დროშასავით უსაგნურს.

გავლენიანი ხალხის ასულებს აცვენილი ბიჭები უზრუნველი ცხოვრები-
სათვის იტაცებდნენ ხოლმე, და თუ ტკბილი წუთები მოისყიდინდნენ ქალიშვი-
ლის გულს, ამისთანა შემთხვევაში მშობლები არაფერს დაერიდებოდნენ, დაბა-
დების მოწმობას გადაუკეთებდნენ, გაარასრულწლოვანებდნენ და რადგანაც
ასეთ დროს ბოლო სიტყვა გოგოს დედ-მამას ეკუთვნოდა, არასასურველ სიძეს
შვიდ წელიწადს მიაკერებდნენ; თუმცა ასულის მოთოკვასაც არაფერი ეშვე-
ლებოდა, ვედარაფერი მოიყვანდა მშობლების ჭკუაზე და თაფლობის თვიდან
გამოტაცებულს, სანახევროდ ნირვანის ბურუსში შეცურებულს, თოკითაც
ვერ დააბამდნენ შინ.

რას არ შეჰპირდებოდნენ, უნივერსიტეტში მოწყობას, საარაკო საქმროს
და წელმაგარ ოჯახს, ოქრო-ბრილიანტს, თუმცა ამაოდ, ფანჯრიდან გადაიპა-

რებოდა დასანამ გულს არ იჯერებდა შეწყვეტილი თაფლობის თვის დაგვირგვინებით, გადაიკარგებოდა უმისამართოდ. სად არ უნახავთ მერმე ნაცნობებს, ლენინგრადში, მოსკოვში, ტაშკენტსა თუ ბაქოში. ბოლოს თაფლი კოწახურად რომ გადაიქცეოდა, შინ მობრუნდებოდა ჯინსის კაბის პაწაწა ჯიბეში სიგარეტგაჩხერილი, ისიც „დატენილებით“. ადრე დედილოს რომ ეძახდა დედას, „ჟუჟკად“ მონათლა, მამას პაპუჩით რომ ეფერებოდა, „სიმონად“ და „ვასიად“ აქცია. კი ირტყამდნენ მშობლები თავში ხელს, მაგრამ რაღა დროსი იყო, წავიდა ანკარა ქალიშვილობის მატარებელი.

დიას, სხვა გაგების ახალგაზრდობა დახვდა როკის. ადრე ღირსებას თვალისჩინივით რომ უფრთხილდებოდა ქალწულეთის ოთხმოცდაათი პროცენტით, სწავლა-განათლების მანიაკურმა მოდამ, ტრადიციებით გარკვეულწილად მობოჭილი ქალიშვილები მიყოლებით გააფხმსუბუქა და საქმე იქამდე მივიდა, თავმოყვარე ბიჭებს სკოლის ჭიშკრიდან მიჰყავდათ ცხოვრების თანამგზავრებად ფორმიანი და ბაბთიანი ასულები.

უცოლო ოდიშელის მართლაც ავაზისებური ნახტომი მართებდა, თოთხმეტი წლის უნებლიე ხრამი უმტკივნეულოდ გადაელახა, მაგრამ ყველაფერი მანერებით, ჩაცმულობით იწყება და მთავრდება, და უჩვეულო რაა საშუალო სკოლის დამამთავრებელი კლასის მოსწავლე გოგონები თუ სტუდენტები ქალიშვილები მასზე საუბრით აღამებდნენ და ათენებდნენ?!

— როკის იღონა ჰყვარებია, — წამოიწყებდნენ საუბარს ერთნი, — რა შანსი გაუშვია ხელიდან იმ ციგანკას?

— აბა? — კვერს უკრავდნენ მეორენი, — ვერ დაუცადა, სულელმა ასეთ ანგელოზს თოთხმეტი წელიწადი?! ღირსებითაა სავსე. გინახავთ ჯერ ქუჩაში მოკლესახელოებიანი პერანგით გამოსული?! პაპანაქება ზაფხულში, როცა პლაჟზე გამოშლილივით სეირნობს ბულვარზე ჩვენი ახალგაზრდობა, თეთრ კოსტუმში გამოშკეპილი აუჩქარებელი ნაბიჯებით გამოჩნდება ტროტუარზე და მერე ადექი და გული ნუ აგიძგერდება. ფულიანების მეტი რაა ზუგდიში, მაგრამ სადღაა გემოვნება?! დაცერცეტებენ, ჭრელაჭრულათი იმოსებიან თათრებივით, როკი კი ნაღდი დენდია, არისტოკრატიზმი სისხლში გასჭდომია კალატოზის შვილს.

— ჩიქვანების გვარის ნამდვილად არ არის, მაგრამ, რამდენადაც გამოგონია უფროსებისაგან, პირველი ოდიშელია ლევან დადიანის მწიგნობართუხუცესი ყოფილა, არქანჯელო ლამბერტის მოწაფე, — გააგრძელებდნენ სხვები, — შეულამაზებლად რომ აღწერდა სამეგრელოს ყოფა-ცხოვრებას, იმიტომაც გააძევეს თურმე მთავრის კარიდან. იქიდან მოყოლებული სულ დევნაშია მათი საგვარეულო. მაინც ქედუხრელად დგანან.

— დადიას კარზე ოდიშარიებიც მსახურობდნენ, — შემოაგდებდა საკამათო თემას ვინმე ინტრიგანი, — საინტერესოა, ხომ არ ენათესავებოდნენ ერთმანეთს?!

— სად ჯოღორია და სად — როკი, — ხმას ამოიღებდნენ აქამდე გაჩუმებულნი, — ჯოღორია ხალხის სისხლს წოვდა, ხოლო როკი უტეხი წინაპრები-

ვით ადამიანების ქომაგობის გამო თოთხმეტი წელიწადი ციხე-ციხე დაეხეტებოდა. მანც ჩვიდმეტი წლის ბიჭივითაა. ცხვირჩამოშვებულს ვერ ნახავ. მისი სიტყვა-პასუხი ყოველთვის იუმორითაა შეზავებული. მართალია, ოხუნჯობებში მთლად პეტიკო თოდუას ვერ დაეტოლებ, მაგრამ ეგ უკანასკნელი პროფესიონალი იუმორისტი, ხოლო როკის ხუმრობა გაძაღლებული ცხოვრების ასამსუბუქებლად სჭირდება.

— ამ ბოლო დროს პირველ საშუალო სკოლაში სიარულს მოუხშირა, — ბანზე აუფედება სიტყვას რომელიმე, — თურმანიძეების ასულის ხათრით რვა-ცხრა გოგონას ჩაისვამს მანქანაში და ბოტანიკური ბაღისკენ გაქროლდებიან. მარინასავით ყველაფრით შემკული ქალიშვილი დღევანდელი ზუგდიდის სინამდვილეში იშვიათობაა, მაგრამ არც როკია მდარე საჩუქარი. რა ჯაღო აქვს ისეთი, დიდთან ბრძენა და პატარასთან — გულუბრყვილო.

— ო, მარინა მართლაც ოდიშის მშვენებაა, ლერწამივი ტანაშოლტილი, ბოშა ქალის მომაჯადოებელი იერთ. დიდია ასაკობრივი სხვაობა, მაგრამ ვინც ბიჭუშკებს გაჰყვა ცოლად, ცხოვრებისეული სიამტკბილობა ვერავინ იგემა. სად ქალებში გამოცდილი მამაკაცი და სად — ტუჩებზე რძე შეუმრალი ყინილა?!

— იმასაც ამბობენ, ახლაც უყვარსო ილონა, მაგრამ მარინს სინორჩის როგორ დაეტოლება ორი შვილის დედა? თურმანიძეები სამედიცინოზე შესაყვანად ამზადებენ თურმე თავიანთ ქალიშვილს. საგვარეულო წამლებს ერთადერთ ასულს უმტკიცებდა ნიკოლოზი, მეცნიერების დიდ გზაზე უნდა დაეყნებინა, მაგრამ უეცრად გარდაიცვალა და ახლა დედის ანაბარა დარჩენილს გათხოვების მეტი რა დარჩენია?! ესეც რომ არა, როკიმაც უკლო რესტორანებში სიარულს, თავქარიანი ქალებით გული მოიყრიჭა და ალბათ, ამ შემოდგომას ცოლის თხოვას არ გადააცილებს.

— მშობლებიც აუჯუჯღუნდნენ თურმე, განსაკუთრებით კათანდარა ქენიას არაფერი შველის.

მოვხუცდი, სამი მამაკაცის მოვლა აღარ შემიძლიაო, წიწმატობს დილიდან საღამომდე. თურმანიძეებთან უნახავთ ამასწინათ თამარა ყუფანიასთან ერთად. ჩაის კრფის გამოცდილების გასაზიარებლად არ მიადგებოდნენ კარზე გასათხოვარი ქალიშვილის ოჯახს, — ჭორიკანობდნენ ბედისმაძიებელი ოდიშელი ასულები და ნოემბრის მიწურულს მოაკრეს თუ არა ყური: როკი და მარინა ლენინგრადში გაფრენილან საქორწილო მოგზაურობაშიო, ათასმა გოგონამ ერთბაშად ამოიხრა და ათასი აუხდენელი ოცნება მალემქროლ ნიავქარს სამუდამოდ გაჰყვა დავიწყების ბნელხვეულებსაკენ.

დეკემბრის შუა რიცხვებამდე ნევისპირა ქალაქის სასტუმპრო „სტორიაში“ ნებევრობდა ოდიშელი წყვილი. სამი კვირის მანძილზე ნაბიჯ-ნაბიჯ დაათვალიერეს საქვეყნოდ სახელგანთქმული ერმიტაჟის ღირსშესანიშნაობანი, ხოლო ქრისტეშობისთვის უკვე სოხუმში ჩამოფრენილებს აძიუბუქელმა ძუძუმტეებმა უმასპინძლეს ორ-სამ დღეს.

ამასობაში როკის მეგობრებს, თეიმურაზ დარასელსა და უჩა ხეციას ბიჭებისთვის ტაშკენტიდან ჩამოეტყნებინათ ბუნების ყველა საჩუქარი, რაც დაზამთრებულ საქართველოში არ იშოვებოდა.

სოფელ ერგეთიდან ჯიმადმა გერონტი ქირიამ დისწულს ხუთი წლის ხარი გამოუგზავნა ქორწილის წინაღღეს საჩუქრად, მაგრამ მანქანიდან ვერავით ჩამოიყვანა ნესტოებდაბერილი, მძლავრქედიანი ის ნახევრადტყუარი არსება. თვალების ბრდღვიალი და ჩლიქების იატაკზე ცემით უშველებელ „კოლხიდას“ ნავივით მიმოფერდავდა.

ღია ჭიშკარში უკუსვლით შეიყვანეს მანქანა. ძარა გადმოხსნეს, ჯოხებით შეუჩიჩხინეს ველური რქებიდან თოკახსნილ პირუტყვს და აიძულეს ეზოში ჩატორტმანებულყო. ბავშვები მეორე სართულის აივანზე აიკრიფნენ. ქალები პირველი სართულის ფანჯრებიდან იჭვრიტებოდნენ. გულფოლად კაცებსაც კი ფეხი ვერ წაედგა მისკენ. კვერცხი რომ დაგვეგოთ ზურგზე არ გადმოგორდებოდა. მკრდი მუხლებამდე სცემდა. თავის მობრუნებისას ხაზალიების გარმონივით ეკეცებოდა ტყავი. საჯიშე აღკაზმულობა მის ნესვისფერ სხეულს რაღაც უხსოვრობისდროინდელ, წარმართულ სიზვიადეს ანიჭებდა. ილორის საზვარაკო ხარი ამასთან შედარებით მოზვერად მოგვეჩვენებოდა.

— დავრჩით მშვირები და ეგ არის, — იხუმრა პეტიკო თოდუამ, — ამას თოფით თუ წააქცევ თორემ დანით ვინ მიბედავს?! ამოგკრავს იმ უშველებელ რქებს და ეგრევე მანცხვარკარისკენ გაგაქანებს.

— იქნებ უროები დაგვეცხო?! — თქვა სახელგანთქმული ყასაბის შვილმა ჯემალ აბულაძემ.

— პროფესიონობას მოეწვი, — დაუცაცხანა ძმაკაცს როკიმ, — შენ ბატონი შოთა მომგვარე აქ და იმან უკეთესად იცის უროს დარტყმა სჯობია თუ მუშუტი-სა.

მოაგრიალეს მანქანით შოთა აბულაძე, ტანდაბალი ჭარმაგი, მაგრამ საზვარაკო ბუღასავით ჩასხმულ-ჩაჯიკვინებული.

შემოაბიჯა ეზოში ყასაბმა და გაუსწორა თუ არა მზერა ოთხფეხს, ხარი უმალ მოთვნიერდა. მარცხენა ხელი თავზე გადაუსვა თვალსა და ხელს შუა მოლმობიერებულ პირუტყვს, ხოლო მარჯვენათი ელვისებურად დაჰკრა გოროზ ქედზე შავტარიანი, პრიალა დანა და წამში მიწაზე დაავდო.

მეზობლები სეფის გადახურვას ამთავრებდნენ მტკაველულვაშიანი მახარბეგის ხელმძღვანელობით. ამისთანა საქმეებში შეუდარებელი იყო ეროვნებით ალანი ოდიშელი. ზუგდიდელ კაცს მისი ანტენებით ხელისგულზე გაეშალა მთელი მსიფლიოს ავკარგი. ჩხოუშმის პირას გამართული ცირკის შენობაც მახარბეგის ხელმა მორკალა, თუმცა ის უკვე დავიწყების მტვერს მიეხილა აქაური მაცხოვრებლებისთვის და ახლა დიხამინჯიას ლაბირინთებს დაეპყრო არლექინოთა ოდინელი ტერიტორია.

რვაას კაცს დაიტევდა სეფა, ისე რომ მოპატიჟებულ სტუმრებს სუფრაზე იდაყვის ჩამოყრდნობა არ გაძნელებოდა.

შუაში დაბოგეს სცენა მუსიკოსებისათვის და ახალგაზრდათათვის საცეკვოად.

ნეფე-დედოფლისათვის გაკუთვნილ ადგილას ვეება საახალწლო ხე აღმართეს, რომელიც მალე აბრჭყვიალდებოდა ათასი ფერთა და ცივგით. ოთხი შესასვლელი ჰქონდა სეფას. სათამადო დასავლეთ ალაგას ნეკისისხო ჯაჭვი ეშვებოდა ლარტყებიდან, სადაც სახვალიოდ ანაკლიელი მეთევზის, ფილიპე სტაროვერის დაჭერილი ორმეტრიანი ზუთხი ჩამოეკიდებოდა ვერცხლშინაცურები სხეულთ.

ბოლო არ უჩანდა მოზღვავებულ სტუმრებს. ჩამოსულიყვნენ როკის ნაცადი ძმაკაცები მოსკოვიდან, ლენინგრადიდან, როსტოვიდან, ოდესიდან, თბილისიდან თუ ქუთაისიდან. თავისუფლებაში მყოფი ასთასები ოდიშელლებთან იზვიმებდნენ ახალი წლის მობრძანებას. პომპეზური ეთქმოდა პატარძლისთვის მორთმეულ საჩუქრებს — ნუტრიას ქურქებს და სიასამურის ჯუბაჩებს, ძვირფასი თვლებით მოოჭვილ გულქანებს, მრავალკარატიანი ბრილიანტის ბეჭდებს თუ ჯადოქრის ხელით ნაოსტატარ დადესტნური ვერცხლის სამაჯურებს. ისედაც აურაცხელ განძს ხვალ და ზეგ ოდიშური ენის ქავილი გაათასკეცებდა კაეშნიანი ოხვრით.

სტუმრების მიგებებაში ვერავინ ეცილებოდა ზუგდიდის კოლორიტულ პიროვნებებს, როკის სულის თანაზიარ ძმებს: გოჩა ჩიქოვანს, ფერდინანდ ჟღერაის, ჯემალ გულუას და გოგი ყოლბაიას.

თითქოს ჩრდილოელ სტუმრებს თან მოჰყვათო თავიანთი არე-მიდამოს განუმეორებელი ზამთრის ზანზალაკები, საღამოს ათი საათისთვის ნანატრი თოვლის ფანტელები დაუშვა ზეცამ. ოციოდე წუთში უსიფრიფანესი ქიტონით შეიბურა საღადიანოს შემოგარენი. მხოლოდ ოდიშელიების ეზოში ვერ მოიკიდა ფეხი მიღმეთიდან გამოგზავნილმა საახალწლო ნობათმა, ხეები, ღობეები უმაღ შემოსა საპატარძლო კაბით. აი გამალებული მიმოსვლებით ატალახებულ ეზოს კი ვერაფერი მოუხერხა.

როკის ძმები სუფრის მომსახურე ორმოც გოგო-ბიჭს დამოდვრავდნენ, სამფეხზე ათუხთუხებულ ქვაბებსაც შეასწრებდნენ მზერას და სტუმრებისთვის ხელის მოკრძალებით ჩამოსართმევადაც რჩებოდათ დრო.

გაზირებით ყიოდნენ მამლები. საათის ისრები გამალებით მიისწრაფვოდნენ ძველი და ახალი წლის გზასაყარისკენ.

მექორწილენი უკვე მისხდომოდნენ ტრაპეზს. სადაც არის თორმეტი საათიც ჩამოჰკრავდა ზარებს. სხვადასხვა ქალაქიდან ჩამოყვანილი დამკვრელები ერთმანეთს უთანხმდებოდნენ სარგებლობის ქრონომეტრაჟს, დასანამ ბოლომდე გადაწყვეტდნენ თავიანთ პრობლემებს, მუსიკოსების დიალოგით ისარგებლა ოჯახის უფროსმა, რამდენიმე წუთით დაეპატრონა მხიარულების დავის საგანს.

— ძვირფასო, სტუმრებო, — გაუბზარავი ხმით ჩასძახა მიკროფონს ვალერიანმა, — ძვირფასო ნათესავებო და მეგობრებო, ნება მიბოძეთ ჩემი ოჯახის

სახელით მადლობა მოგახსენოთ იმ დიდი ყურადღებისათვის, რაც ახალი წლის დამდევს ჩვენთან მობრძანებით გამოხატეთ. სიკეთე და ბედნიერება თქვენს ჭერს და ფუძეს, თქვენს ჯიშს და ჯილაგს. იმედია, ახალგაზრდები ქარს არ გაატანენ ესოდენ დაფასებას და ახლა, ვიდრე ახალი წელი არ გაგვქცევია, ჩვენი საქორწილო სუფრის ხელმძღვანელად მინდა წარმოგიდგინოთ როკის ნათლია, ოდიშის საამაყო შვილი, ოთარ პალადის ძე ოდიშელია. მივულოცოთ მეგობრებო! — თქვა და იგრილა ტაშმაც.

ქორწილი დიდა თუ პატარა, შინაარსით ტყუპისცალივით ჰგვანან ერთმანეთს მთელს საქართველოში, ეთნოგრაფიული შორეიდან მოყოლებული, ოდიშელების ზეიმით დამთავრებული. მეტნაკლებობა დასაშვებია მასპინძელთა შესაძლებლობებისა და ფანტაზიის კვალობაზე, მაგრამ როდესაც ჯვრისწერა ნათესაურ და ახალმეგობრულ საზღვრებს გასცდება, სრულიად ქალაქის ლხინად იქცევა, ამით ყველაფერია ნათქვამი და ჩვენც ჩაწვრილმანების ანკესზე ნუ წამოვეგებით; მითუფრო, როდესაც თამადის ომხიანი ხმა სეფაზე გადაჭიმული ბრეზენტის კალთებს ატკაცუნებდა, როცა ახოვანი ტოლუმბაში, „ამსერ ჩქინი მოჭყუდუს, მუშ სისქვამე გოჭყუდუნსია“, მამოაელვარებდა სტრიქონებს ხალხური საუნჯიდან, ხოლო მხიარული სუფრა ფეხზე წამოუდგებოდა თოვლეთიდან შემობრძანებულ სიძე-პატარძალს. ამასობაში საათის მოუღლეელი ისრები წამით შეეტყუებოდნენ ერთმანეთს ციფერბლატის ჩრდილოეთ პოლუსზე და ოდიშის აფანტელებულ ცას ზათქით და ბათქით შეუერთდებოდა სადადიანო სრული. კუდიანი ვარსკვლავებივით გადასერავდნენ თვალსაწიერს იასამნისფერი მაშხალები. ხოლო ვალერიანის თვალების დაბრიალებამდე მექორწილენი იმდენჯერ დაცლიდნენ „ნაგანებს“ და „ტეტეებს“, გამჭირავებელი პუნქტის უფროსი თოთი ესაბუა არაფრისდიდებით ჩაიბარებდა საცერივით დაცხრილულ ბრეზენტს, თუმცა ამალამდელ მხიარულებას ორი ფაქტი განსაკუთრებულ ელვარებას მიანიჭებდა:

პირველი დაუპატიჟებელი სტუმრების ზინზილაკებიანი ეტლებით, გიტარების უღრიალითა და ბოშა ილონას ცეცხლოვანი ასულებით მოჭირითება გახლდათ. არ დასჭირდებოდათ იმათ დამკვრელებთან მოლაპარაკება მიკროფონის მოსახელთებლად, ვინაიდან აწეული ხმიანობითა და ლაჟვარდი სინარნარით სულ სხვა კალაპოტით წააქანებდნენ მუსიკოსების დაგვგილ კონცერტს, პირიდან გამოაცილიდნენ ლუქმას და აქსაკამათო არაფერი იყო, რადგან მექორწილენი ესტრადის გამაყრუებელ ჯაგაჯუგს ბოშათა მცხუნვარე ცეკვასიმღერებს ამჯობინებდნენ, სანამ ნასიმურევ თავებში გონიერების ნატამალი ქარქატებდა.

სამჯერ გამოიწვია ილონამ საცეკვოდ როკი და სამჯერვე საწადელი გაუცუდდა. არ შეუმჩნევია წყნა ლამპიონების ჩახჩახში გაუფერულებული მისი მწვანე თვალების კაშკაშს. მიუღგომელი აღმოჩნდა ოდიშელიას ნაპირი ილონას სურვილების აბორგებელი ოჩხომელისთვის. ხოლო წუთ შესვენების უამს, იმ აურაცხელი დეპეშიდან ორის საჯაროდ წაკითხვა აუცილებლად ჩათვალა

ენამჭევრმა თამადამ, რომელთაც ათასობით კილომეტრი გადმოელახათ, ვიდრე საქორწილო თავყრილობამდე მოაღწევდნენ, ათასი ხევ-ხუვი ჩამოეტოვებინათ ზურგს უკან, ათასი გრძელი და განედი, დროის მდინარებისთვისაც კი გამოესწროთ ზოგან და ბედნიერების მოლოცვის უმარტივესი ტექსტით მოფრენილიყვნენ ვლადიმირის დაკეტილიდან ვასია ბრილიანტისა და გივი კნიაზის ხელმოწერებით თუ მოსკოვის იუჟენი პორტიდან ვასია ზატოჩნიკისა და ვალერკა გლატკოვის მობოდიშებული შეხმიანებით, და რაჟამ ჩრდილოეთის გულაგი თუ მექა ოდიშელიების პურობის სრულუფლებიანი წევრები გახდნენ, ბახუსმაც მალე მსობოლ მერნებს მოზიდული სათავეები მიუშვა.

ასე და ამგვარად, ახალმა წელმა გათოშილი ხელები მიუფიცხა აგ უგუნებულ ბუხარს და ერთი ოჯახიც უშურველად შეუდგა ოკრობოკრო აღმართს წუთისოფლის გზაზე. მაგრამ ოდიშელების ჭიშკართან საქმიან შეხვედრათა წყბათაწყბათს ძველებურად დასასრული არ უჩანდა.

ყოფილა შემთხვევა, ათი, თხუთმეტი მანქანა ერთდროულა მოსდგომია კარზე როკის, სხვადასხვა სიშორიდან, სხვადასხვა სათხოვარით. ვის უსამართლოდ დაპატიმრებული მეუღლის გამონთავისუფლება ეწადა კანონის გულქვა აღმსრულებლების კლანჭებისაგან, ვინ წართმეულ მანქანის თუ შეწერილი თანხის გამოხსნას ლამობდა პანტერას ავტორიტეტით, ზოგი მოტაცებული შვილის გამოსასყიდი ფულის მიტევების გამო მოსულიყო, სხვები ღმერთმა უწყის, რისთვის და რისთვის. დღეები კი კამათელებივით ტრიალებდნენ.

ახლა ყველანი ხოთოს სატირალისკენ დავიძრათ.

ზუგდიდელ ქიურგებს თავიანთი ნიჭი და უნარი არ დაუშურებიათ შეურაცხადის გამოსაჯანმრთელებლად, მაგრამ ჭრილობამ ხურჩინიან გიჟს ერთბაშად გამოაცალა გამორჩეული დაუდგრომლობა. როცა ქუჩაში გამოჩნდებოდა ხოლმე დამისი სიბერისჟამამდელი ფათერაკის უცოდინარი ვინმე „დრარ, ხოთო, ტინტილაო“, * შესძახებდა, ადრინდელივით როდი გადაიარეოდა, არც დუჟი მოერეოდა და აღარც ქუჩის მტვერში დაიწყებდა გორაობა-კოტრიალს. სინაზულით გახედავდა გამომჯავრებულს და მოღვენთილი, უნიათო ნაბიჯებით გაეშურებოდა ბაზრის შესასვლელისკენ.

— ხოთო მოჭკვიანებულა, ხოთო დაბრძენებულა, — ქირქილებდნენ ოდიშელები. გაქანებული გიჟის გონებადაუნჯებისა რა მოგახსენოთ, მაგრამ ლამის დაუჭერებელი გარდასახვით ყველას აოცებდა. აქამდე ბობოქარი ხოთო გამოწმენდილი ხარვით გაუწყინარდა და ნიშანდობლივი ისიც არის, რომ ბაზრის გაცხოველებულ ჩქაფანში, საზამთროებისაგან აღმართულ გორაკის მახლობლად ყუთზე ჩამოძვარდა, მაწანწალა ძაღლების ალერსში სრულიად უჩუმრად მიიკვალა. ბაზრის დამლაგებელს ცოცხის ტარი რომ არ ეძგვრებინა და არ გადაყირავებულიყო, მთელი ღამე უპატრონო ქოფაკების გარემოცვაში მოუწევდა ყურყუტი, მაგრამ უთვისტომოდ აღსრულებული ხოთო მთელმა სადადიანომ დიდი პატივით გააცილა სამუდამო გზაზე; და როდესაც დაკრძალვის დღეს, ხელჯოხებით შეიარაღებული ჯოჯო, სპირლო და ჭოლო მორყეულ ჭიშ-

კართან სამთა თათბირზე ბჭობდნენ, თუმცა დასაფრენი მაწანწალები აღარსად ჩანდნენ და ნაძვის ტოტებით დამშვენებულ ფანიატურს ქალაქის ხელისუფლებაც ესტუმრა გვარიანი ამალით, მთლად ვარსკვლავები ჩამოწვიტა ციდან მისმა უბედურმა ცოლმა, თანაც სულ ერთსა და იმავეს დაქვითვეთებდა:

— რას გაჩუმებულხარ, წიე, ქიდიბურჯე სქანობრათ, თოლეფი გაგვირი-
ნე! ვერ ხედავ ძმაკაცები გესტუმრნენო, — დაატირა და ხალხით გავსებულ
ეზოსაც სიცილის მსუბუქმა სიომ გადაუქროლა.

— როკი ოდიშელიაა, როკი ოდიშელიაა, — აჩურჩულდნენ ქალები ჩვენი
გმირის გამოჩენაზე, — ცოლიც შესაფერისი შეურთავს, — ჩუმათობდნენ დედა-
კაცები.

— ციხიდანაც არ მოკლებია ზუგდიდის ქორწილს თუ ქელესს, — ამბობ-
დნენ ასაკმოყრილი ოდიშელები სიგარეტის ფუტებით, — ვინ მიუსამძიმრა
ღრანდიდან გვანჯი ჩიქვანის ოჯახს, ან იქნებ კაკა ჟვანიას ჯალაბის დანუგეშება
ვერ მოახერხა ლაითურიდან?! როკი — როკია. ჯოჯოხეთშიც რომ დაამწყვდიო,
იქაც იპოვის გამოსავალს. გამონთავისუფლებული რომ არ ყოფილიყო, ლო-
ბიოთი და მკვავეთი დაგვძმარავდნენ შენგელიები, მაგრამ არაფერი შეინანა ხო-
თოსთვის, თევზეული და ქიშმიშიანი ბრინჯი მოაყრევიანა ჭირის სუფრისათ-
ვის. საწყალი ხოთო მობუზული არ ჩააშვებინა მიწაში შვილებს.

უკვე გამოსათხოვარი წუთიც დადგა. წაიკითხეს თითო-ოროლა დეგემსა
და პროცესიაც დაადგა სასფლავს გზას, საუბარი კი კვლავაც როკი ოდიშე-
ლიაზე გრძელდებოდა.

— საქმის გამკეთებელი არავინ დარჩა მისი მოხერხების, — სიტყვა ჩამოარ-
თვამ ორს სხვამ, — ფულს მისი ხრიკებით შოულობდნენ ბიჭები, მაგრამ როკი
წილს არავისგან იღებდა, ავხორცის დასჯა ეხალისებოდა უბრალოდ. ჩემი ყუ-
რით მაქვს გაგონილი მისი უახლოესი მეგობრებისაგან. ერთი სენაკელი კომბი-
ნატორი, ვინმე დავითაია, ქუთაისში წაეყვანათ მის ძმაკაცებს რალაც სარფიანი
საქმისათვის. ის კაცი მთელი კვირით მივლინებამი გაავზავნეს თურმე, გაუ-
ჭირდებოდათ თუ რა?! ჰოდა, უკანმობრუნებულეებმა საპურმარილოდ „წარ-
სულის ღიმილი“ შეარჩიეს ხობში, რადგანაც ფაცხები ტერიტორიის სიღრმე-
შია მიმალული და სროლის თუ სხვა დავიდარების შემთხვევაში, ნაკლებად სა-
ხიფათო აღვილს წარმოადგენდა. დასხდნენ პურის საქმელად სამნი, თანაც ერთ-
ერთი შემწერთაგანი მთელის ამბით აცნობს დახლიდარს და ოფიციალტებს კომ-
ბინატორის წარმომადგენლს. წარმატებულად წარმოაჩინეს მის კაცურკაცო-
ბას, ხელგაშლილობას, გამოგონილი ღირსებით მარკას უწევს დამსწრე საზო-
გადოებაში, აქვე წარამარა უხსენებს გაჩუმებული მეორეს მიმალვაში ყოფნას.
ამისი საჭიროება ფინალში გამოჩნდება. შუა ქეიფში არიან და ასეთ დროს მა-
თივე თანაგუნდელი შემოდის მთვრალის იერით. გადაეხვევა გადამგდებლებს,
ხოლო კომბინატორზე უშვერ სიტყვებს ამოუშვებს.

ამ კრახთან როგორ სხედხართო და მოწოდებულ ჭიქა ღვინოს სახეზე შე-
ასხამს. ახლა გაჯიქდება შემწერი, დამუშავებული ნორიდან პირველ ვარიანტს
ირჩევს, „ნაგანს“ იშიშვლებს ღილაკიანი დანის მაგივრად და ოთხჯერ ესვრის

თანაგუნდელს თანამეინახეს შეურაცხყოფის გამო. ტყვიები ხალასტოებია. წაქცეული შეურაცხყოფელი თვითონვე გახევს ტანზემიკრულს, ცხელი უთოთი თავმოწებულ პოლიეთილენის პარკს, რომელში სასაკლავოდან წამოღებული, წყალში გახსნილი კამეჩის სისხლი ასხია. გაოგნებულია ყველა. აქამდე ხშირ-ხშირად რომ უხსენებდა კომბინატოს შემწერი, შენი გულისთვის კაცსაც კი დავბრიდავო, დაუმტყიცა კიდევ საქმით, მაგრამ ახლა თავად კომბინატორმა არ იცის რა ქნას. ხათაბალაში გახვეულა ცოლ-შვილით დახუნძლული დავითაია. მომაკვდავს გააქანებენ ქუთაისის საავადმყოფოში, რადგანაც შორი მანძილი ამათვის მუშაობს და აქედან მოყოლებული იწყება ფსიქოლოგიური შემოტევები გამოჭერილ არიფზე. ჯერ ოპერაციის ფოსტას გამოვლენ. მერე მომაკვდავის მამა მილიციის თადარიგის პოლკოვნიკი აღმოაჩნდება, რომელიც თურმე არაფრით თმობს შვილის ასე არაადამიანურად გაწირვას. გაჩუმებისთვის იმდენ თანხას ითხოვენ შემწერი მზადაა ციხეში მიბრუნდეს. კომბინატორი ყოველ შემთხვევისათვის თავიანთთან ჰყავთ მოყუჩებული. ჩინებულად უმასპინძლებიან კრიჭაშვიტს, ოჯახს ტელეფონით აკავშირებენ. ჯერ მისი ხელიდან გაშვება არაფრით იქნება. დაბოლოს, როცა ყველაფერი გაირკვევა და დასახელდება ხუთნულიანი ციფრი, კი ჩავარდება საგონებელში კომბინატორი დავითაია, მაგრამ ამისი ამოქაჩვა სეზონის ამბავია და მდგომარეობიდან გამოსასვლელად არაფერს შეინანებს, ქისას სანახევროდ ამოფრთხავს და დაიწყოებას მიეცემა ყოველი.

— გჯეროდეს, — საუბარში ჩაერია პირველი, — ის დაბრედილი კაცი სენაკის ბირჟაზე გამოჭენდა მომდევნო დღეებში და იხილა თუ არა მკვდრეთით აღმსდგარი კაცი დავითაიამ, შემოირტყა თავში ხელეები. მილიციაში გაცხადების შეეშინდა, ისევ როკისთან მოსვლა ამჯობინა ზუგდიდში. აუხსნა საქმის ვითარება, რომ აფიორა მოუწყვს და ასიათასიდან ორმოცდაათი გამოითხოვა უკან.

თუ ფული ამოვიდა, ნახევარი შენი იყოსო, შეაბა თავის ჭკუით, მაგრამ როკი რა როკი იქნებოდა ფულს დახარბებოდა.

მიდიან ქალაქის ცენტრში. კომბინატორი დავითაია როკის „ოცდაოთხში“ ზის, თეთრით უკან მოსდევს დაზარალებულის მძლოლი. გაუსწორდნენ ბოტანიკური ბაღის შესასვლელთან აღმართულ ორსართულიან საბავშვო ბაღის შენობას. უცებ მკვეთრად წაამუხრუჭა პანტერამ.

ის ორსართულიანი შენობა თუ იცი რა დაწესებულებააო, ჰკითხა.

საიდან მეცოდინებაო, მხრები აიჩეჩა კომბინატორმა.

რუსულ-ქართული საბავშვო ბაღია, აუხსნა სენაკელს როკიმ. რამდენი ხანია ფაბრიკის დირექტორად მუშაობო, ჩაეძია კვლავ.

ოცი წელიწადიაო, იმან.

ჰოდა, ამდენი ხნის მანძილზე ასი მანეთის სათამაშოები თუ გიყილია, იქ, შენთან, სენაკში, თქვენი საბავშვო ბაღის აღსაზრდელებისთვისო.

მე ვარემონტებ სულაო, დავითაიამ.

ისე რომ რემონტისგანაც ორმაგად მოგებული რჩები, ხომ? გაჭირვებული ბლომად გეყოლება მეზობელი, მოკეთე, ერთი ცალი პური თუ მიგიცია ვინმეს-

ვის შენი ლუკმიდან, ან ქალაქელი მოქეიფე ბიჭების სუფრა თუ გიკისრიაო.

რა ვიცი, მე ერთი მორიდებული კაცი ვარ, იქით არავის ვეტყვები ხახშიო. იაფფასიანი ემეკობით ფონს გინდა გახვიდეო, დაუნდობელია როკი, ამას გასწავლიდნენ პიონერობის პერიოდიდან, დაუთოებული ყელსახვევის ბოლოებს რომ დააფრიალებდი, ხოლო კომკავშირში გაირანდე და პარტიაში დაღბო. შენ ფიქრობ მაგარი ხარ, მაგრამ ღლაპივით სულელს ხომ ხედავ როგორ გათოხლეს, ასიათასი შეგაწერეს. ამ შემთხვევაში ისინი მართლები არიან, რადგან შენ ნახევარ სეზონში იშოვი ორჯერ მეტს. შენს ობმოდებულ ფულს დიდი ხნის სტაჟის მქონე ცხრა ბუღალტერი ვერ დათვლის ერთი სუტკა, გაჭირვებული კაცი კი ხუთი მანეთის სასესხებლად რომ მოგადგეს კარზე, შვილებს კუბოში ჩააწვენ, კაპიკი არ მაქვსო და. ასე რომ, მოხარულს გიცნობთ შენ და შენი მასტის ხალხსო. ის ფული მაგათ ხელში რომ იყოს მირჩევენიაო, მოძრაობაში მაინც იქნება, ქალაქელ ბიჭებს დაპატიჟებენ, სტუმრებთან თავს არ შეირცხვენენ, ფულსაც ობი მოშორდებო. არ ვიკადრებ თორემ ჩავიწერდი შენს მონაყოლს, მოგასმენინებდი და მეორე იმდენს მე შეგაწერდი. გამოგადგება ვითომ გაკვეთილადო, უთხრა და უპრაგონოდ დაემშვიდობა.

— უფრო საკვირველი მსმენია ჩხოროწყულ ჩალიგავაზე, — ჩაერია საუბარში მეორე, — ადგილობრივი რაიკომის მდივანი კრიჭაში ჩაუდგა. მხედველობაში მაქვს მორალური განადგურება. მდივანი გვარად აბურჯანია იყო. ჩალიგავა გულხელდაკრეფილი როდი მჭდარა, გულგრილად როდი უცდიდა მოვლენების შემდგომ განვითარებას. დაიწყო კონტრშეტევა იატაკქვეშეთიდან. იპოვა სათანადო პიროვნება ჩვენში, რომელსაც დიდძალი თანხა აღუთქვა, ოღონდ მდივანი მოესპო. იმანაც არც აცია და არც აცხელა, ბოძბი შეუღლო აბურჯანის სახლს და ნახევარი შენობა ჰაერში აიტანა, ხოლო იმ მხრივ, სადაც მდივანი იწვა ცოლშვილთან ერთად, უვნებელი დარჩა. ჩალიგავამ ფული არ მისცა შემსრულებელს, საბუთად მდივნის სალ-სალამათობა მოიშველია.

მე სახლის დანგრევა კი არ მითხოვია შენთვის, არამედ — მისი სიკვდილიო და ეს უკანასკნელიც გაცამტვერებით რომ დაემუქრა, გულგადაქანებული კომბინატორი სოხუმელ როდონიას მიადგა კარზე დახმარებისათვის. თან შიშისაგან გული უკანკალებს, სახუმარო საქმეა ბოძბიანი კაცის დაქანება?!

როდონია მთელს კავშირში განთქმული აფერისტი იყო, შანტაჟისტი, ქურდულ სამყაროში მაგრად გაჩითული. მოკლედ, დიდი ავტორიტეტით სარგებლობდა. რაც შეეხება აფხაზეთის ადგილობრივ მთავრობას, ემედეხს, მსულ მის ღულუკზე ცეკვავდნენ. ნათლიმამად სამამულო ომის გმირი ანთარია ჰყავდა. გვერდიდან არ იშორებდა. მილიონერი იყო. შვილებს ასწავლა უმაღლესში და მერე ასპირანტურაზე მოაწყო ყველა. თანამედროვე აფიორაში თავისი ნომრები შეიტანა. ორმოცდათხუთმეტი წლის გახლდათ, ორას კილოგრამს იწონიდა. მაინც ულამაზესი მამაკაცი ეთქმოდა. დიდ შლაპას ატარებდა. მანქანაზე მძღოლი ევდა. ყელზე, თითებზე, მაჯებზე ბაჯაღლო-ბრილიანტების ბრჭყვილით აბრმავებდა არიფებს. ჰოდა, ამისთანა ზვიგენისკბილება ვშაპს მიუთაკუნა ჩალიგავამ კარზე. მოახსენეს გვარი, ჩხოროწყულან მოვიდა საქმეზეო. ამ პიროვნების თაობაზე წი-

ნასწარ იცოდა ყველაფერი როდონაიამ. ისე მოამზადა ნიადავი, მაინცდამაინც მის კაკანათში მოხვედრილიყო.

შემოვიდესო, უბრძანა მოსამსახურეს. ამისთანა ხუთი ჰყავდა სახლში. შემოაბიჯა ჩალიგავამ და მორიდებით გამეცნაურა როდონაიას. ამ უკანასკნელს წინასწარ დაუდგამს დრამა შუა ზალაში. დიდ მაგიდას უზის გოლიათი კაცი. ორი ვეფხვივით ბიჭი გვერდით უდგას. კოსტუმ-პალსტუხში გამოწყობილი, შლიაპებით თავზე. ერთ წერტილს მისჩერებიან გაჭიმულნი გაყინულის გამოხედვით, თვალს არ ახამხამებენ. ვითომ პირადი დაცვაა. ჩალიგავა გაფაციცებით უმზერს აქაურობას, ფეხზედგომელა ტიპებს, თავად როდონაიას. ამ დროს კარი იღება და ოთხი პერსონა შემოდის, თავზე ცილინდრები აახურავთ, ხელეგში დიპლომატები უკავიათ. მიხურეს კარი, შეჩერდნენ და ესენიც გაშეშდნენ. ბრძანებას უცდიან. როდონაია არ ჩქარობს. დიდი ვერცხლის ლანგარი უდევს წინ ხილით დახუნძლული. იხარე სულო, ატამი, ყურძენი, ბროწეული, ვაშლი. აილო ატამი როდონაიამ, ვერცხლის დანა ხელსახოცით გაწმინდა, გათალა. მერე შამპანური ხმაურით გახსნა. ფუჟერში ჩამოასხა, ატამი ჩაითალა, ორი კუმპალი „დამსკი პალეცი“ მ შიგ ჩადო. სტუმარსაც ანიშნა შენც ასე შეკმაზე შამპანურიო და ომახიანად წარმოთქვამს სადღეგრძელოს.

ჩვენს ჯიშს და ჯილაგს გაუმარჯოსო, თვალი გადაავლო ახალმოსულ მეგობრებს, მერე ისევ განაგრძო, მე მხედველობაში მყავს ვეფხვები, ლომები და არა — ტურები და მელიები, ჩვენს წინაპრებს გაუმარჯოს მეგობრებო.

ჩალიგავას ჰგონია ბებია-ბაბუას ადღეგრძელებენ, მაგრამ იმედი უცრუვდება. როდონაიამ ლაკი ლუჩიანოს და ალ კაპონეს მოგონებო. ია-ვარდმა იხაროს მათ მუდმივ სამყოფელ შიო. ჩვენ გვიყვარს ჩვენი პროფესია, კვლა, ძარცვა, შანტაჟი, აფიორა, პერესტრელეები, საერთოდ ხმაურიანი ცხოვრება. ნახევრად მკვდარი ჩალიგავა ჭიქას თითებს უჭერს ხელიდან რომ არ გაუვარდეს.

გაუმარჯოსო, ამასლა ამოღერღავს და დაცლის ფუჟერს.

როდონაიაც ერთი ყლუპით გადაუძახებს ხაზაში შამპანურს, მერე ბრძანებს დიპლომატი გახსნან და გადმოაყირავონ ლანგარზე. ცარიელი ლანგარი რამდენიმეა წაგრძელებულ მაგიდაზე. სწრაფად ასრულებენ ბრძანებას. გადმოცვივდება დიპლომატიდან ასიანების შეკვრები — სულ კუკლები.* მერე — მეორისგან, მესამისგან. თავისუფალ მეოთხე ლანგარზე როდონაიას ოჯახის წევრების ძვირფასეულობა — ბეჭდები, ძეწკვები, გულქანები და სამაჯურები იზნევა და იზნევა, ბოლოს ნიკოლოზის გამოსახულების შვიდი ცალი ოქროს მონეტაც რომ ჩამოწკრილდება, ჩალიგავას რეტი დაესხმება.

ოქრო-ბრილიანტი მეტი არ არის? ყვირის როდონაია და ლანგარზე დაყრილ განძეულობას კუთხეში მოისერის, თან თვალს გააყოლებს. არიქა, სადმე არ შეგორდეს და არ დავიდუპოო. აქვე ჩალიგავას ორიოდ სიტყვასაც გადაუდგებს:

ერთი უმნიშვნელო საქმე გავუკეთე არიფს და იმის საფასურია ეს ყველაფერიო. ჩალიგავა ფიქრობს, უმნიშვნელო პატარა საქმეზე ამდენ ფულს თუ იღებს,

დავლუბულვარ და ეგ არის, სახლ-კარს გამაყიდინებსო. რა ქნას, იქით ყველა გზა მოჭრილია.

მოპყვეი რაზე შეწუხებულხარო, ეუბნება როდონაია და ჩალიგავაც თავს მოუხსნის საკუთარ გასაჭირს:

საქმე ბოლომდე არ მიუყვანია, კაცი მკვდარი არ არის, მარტო სახლია დანგრეული, ფულს კი უკლებლივ ითხოვსო.

ჯერ თავიდან დაიწყე რაზე მოგივიდა აბურჯანიასთან კონფლიქტი, რატომ მოგხსნა, მერე ვინ დაიქირავე, რამდენს აძლევდი და ახლა რაზე ვერ მორიდითო; ან მე რას მთავაზობ გაწეული სამსახურისათვისო და ჩალიგავაც დაიქონება, ჰყვება და ჰყვება, მაგიდის უჯრაში შეცურებული როდონაიას მარჯვენა ჩამწერის ღილაკს დააჭერს. როგორც იქნა ჩაამთავრა კომბინატორმა თავისი საკვენესელი.

რომ არ მოგვკლათ რა იქნება?! ცხვირს დავაჭრით, ყურებსო, როდონაიამ.

არა, არა, ის უნდა მომაშოროთო, უნდა დაიბრდოსო, ჩიუტობს ჩალიგავა.

ოოო, შენ რა დაუნდობელი ვინმე ყოფილხარ, გულქვა. მგონია ჩვენი ზილავის სისხლის გიჩქეფს ძარღვებში. საღოლ, ასე უნდაო, აქებს ყასიდად. თან იქედნურად გადახედავს თავის ხალხს. ისინიც მოწიწებით უმოწმებენ. ჩალიგავა გაოფლიანებული შეჰყურებს როდონაიას. მისი ბედი ახლა ამ ბაყბადყვეის ხელშია.

შენ ვინ მოგასწავლა ჩემთანო. თვალს თვალში გაუყრის კომბინატორს როდონაია. გაოვიოთხე, გამოვიკითხე, ბატონო და ისე მოვედიო, დაუკონკრეტებს ჩალიგავა.

ოოო, ცუდად გაგიკითხავს და გამოგიკითხავს, მე აფხაზეთის ერთ-ერთი მოქალაქე ვარ, სამი შვილის მამა. შვილები წითელღიბლომინები მყავს, პლუს ასპირანტები. ჩემი ჯიში და ჯილაგი გლენჯაკი იყო ოდითგანვე, პატიოსანი, ალალ-მართალი ხალხი, ხოლო შენი — ალბათ, ვეფხვები და ლომები, ასე რომ ისვრი ფულის პაჭკებს* ადამიანების გასანადგურებლად, ასაფეთქებლადო. აქვე ბიჭებს ჩაულაპარაკებს:

აიღეთ ის ოქროსულობა, ცოლმა არ მოგვისწროსო.

ხო, შენ კიდევ ეძებ გამოსავალს ჩალიგავას ბიჭოო. ახლა ფიქრობ პატალოკი იპოვო, რომელიც მე მომიჯოკრავს და გამაჩუმებს. ისიც შენ შეგაწერს, აბა, ჩემგან რას მიიღებს შუბლში ტყვიის მეტს; ან იმ გაქცეული შემსრულებლისგან, ვინც აფეთქა შენი დავალებით. კიდევ შენ ხარ ბეჭი, მე დანით ვდგავარ, მოვაჭრი იმდენს, რამდენიც გამიხარდება. ახლა მოუსმინე შენს ჭუჭქუსსო, ეუბნება, ამოიღებს მაგიდიდან პატარა ჩამწერს და ჩაურთავს. ჩალიგავას უღურტულს ერთხელაც მოუსმენენ, მერე მკვეთრად მოსჭრის როდონაია: ორმოცდაათი ათასი მანეთი კვირას აქ არ მექნება და შეიძლება საგინაძეს ჩაუვარდეს ხელშიო. მაშინ თხუთმეწლიანი არ აგცდება, ვინ იცის, იქნებ რუსთავის კოლონიას გამოჰყვარა კბილიო. ჩალიგავას ნერვები უმტყუნებს და წაიქცევა. წყალს ასხურებენ.

კარგი, გამაგრდი, სად მიდიხარ, ცოლ-შვილს ვის უტოვებ, ან ჩვენ რისთვის გვაკვარავინებ ამდენ შემოსავალსო. ფულს კვირას მოიტან, მანამდე მთელი სამი დღეა, სახლი იცი ჩემი, კასეტას მერე ჩაგაბარებ. რაც შეეხება შემსრულებელს, ტყვიით რომ გემუქრება, ჩვენ ვნახავთ, თითო პანდურს ამოვკრავთ და გაჩუმდებო.

მოკლედ, მოატანინეს ფული. ჩალიგავას კასეტა ჩააბარეს. გაიარა ორმა თვემ და ახლა იქით მიაკითხეს კომბინატორს. კასეტა კიდევ დაგვრჩენია თურმე სახლში და ორიათასს თუ არ მოიტან შესაძლოა საგინაძეს შემთხვევით ჩაუვარდესო. მაშინ ჩალიგავამ როკის მიაშურა, რომელიც ახალგამოსული იყო და მთელს სამეგრელოში გრამიტობდა. ყველაფერი მოუყვა ჩალიგავამ პანტერას.

უნდა მისხნა როდონაის მუღმივი შეწერვისაგან თორემ თავს მოვიკლავო, უთხრა და დასძინა, მაგარ საფულო საქმეს მოგცემო. აგერ მყავს კლიენტი. ორი ვაგონი ლისტევიომ ალუმინის საქმეაო. როკიმ მოუსმინა. მერე — ვინც მოჰყვებოდა ჩალიგავას, იმსაც, რაიკავშირის თავმჯდომარე ყოფილიყო. ეს უკანასკნელი აღმასკომის თავმჯდომარეს დაებარებინა და ეთქვა:

ორი ვაგონი ალუმინი მივიღეთ ჩხოროწყუს სახელზე. ჩაიბარე და გაანაწილე რაიონშიო. აღმასკომის თავმჯდომარე უშველებელ სახლს აშენებდა და საულზე მოუსწრო ნანატრმა სახურავმა. უფულოდ, შინ მიტანით მიართვა. მილიციის უფროსსაც უფეშქაშა. ჟეშტით* ჰქონოდა გადახურული. სასწრაფოდ გადააძრო და იქაურობა ალუმინით გადააციკროვნა. ესეც მუქთი. ბევრი გაასაჩუქრამთავრობაში და დანარჩენი გაყიდა. ეს ხომ წყლის მოტანილი იყო, ღმერთის ნაბოძები. ასე ფიქრობდა, მაგრამ ერთ მშვენიერ დღეს ცეკავშირის თავმჯდომარე მიადგა კარზე, ჩაისვა მანქანაში და წინა კბილები სულ ჩაუმტვრია რევოლვერის ტარით, მერე ქვაყინულ ხობწყალში კისრამდე აყურყმელავა.

შენი დედა, სხვის ქონებას რომ ყიდდი და არიგებდი, ნახევარი ჩხოროწყუ რომ გადახურე ჩემი ალუმინით, ფული ჩამაბარე თორემ ასი პროცენტი დაგბრილავო. ასეთი იყო საქმის ვითარება. დაიწყო როკის წინაშე იმ სიჭინავამ თავის მართლება.

მე რა ვიცოდი ვისი იყო, აღმასკომმა დამიბრაა, ჩაიბარეო, ჩხოროწყუს სახელზეა მოსულიო.

როკიმ გააწყვეტინა.

შეახვარო, ვაჭრობაში დაბერდი და იმდენი ვერ გისწავლია, რომ ეს ავეჯი ან მანქანა არ არის განაწილებით მოგცევენო. რა შრომის გმირი შენ მყვებარ ანგარიში გაგწიონ. ეს რუსეთიდან მოდის, ბაბა, დეფიციტი საქონელია. რატომ არ იაზრე ჩაწყობილი საქმე რომ იყოო, რამდენი სირბილით, თვითმფრინავით და მატარებლით, ჩაითა და კონიაკით, ფულებით და კიდევ ფულებით აწყობენ ასეთ დიდ ოპერაციებს, თუ თავს ისულებებო. სანამ უკანა კბილები შეგრჩენია დაუბრუნე ფული პატრონს თორემ ის კაცი შენ ასიანში დაგბრილავს და მე კი არა, ცხრა ნომერი გლეხიც. ობიანი თოხის მეტი რომ არაფერი უნახავს, ისიც შენ გაგამტყუნებსო.

ჩალიგავას ფერი ეცვალა. ეგონა სხვანაირი ლაპარაკი წავიდოდა. მოყვანილი კლიენტის ფულით აპირებდა როკის გასტუმრებას, და მერე ოდნეულია შემოშველებით ჯერ როდონაიას ჩამოშორებას და შემდგომ — შემუქრებული ჯაბუას გაჩუმებას. შემოტრიალებული საქმს ვითარებიდან კი ხედავად, რომ გეგმები წყალში უცვიოდა.

შენ გგონია ჩემს მეტი ხალხი არ არისო, საბუარი გაუგრძელა როკიმ. მე რომ ის ალალ-მართალი კაცი დავჩაგრო, სხვასთან მივა, მასას შეაგროვებს, არ მეტყვიან:

რას აბიჟიკეობ, ფულის იქით ვერ იხედებიო, თუ შენ და შენს კლიენტს ეს ქვეყანა ჩალით დახურული გგონიათო.

სახელის გატეხვას თავისგატეხვა სჯობიაო, არის ნათქვამი. მტყუანი კაცი უდუხობა, უზურგო, ჟილკა ეკარგება. მართალი რომ ხარ, ტანკს დაუდგები წინ. ბავშვობაში არ შევმცდარვარ, სიბერეში რომ წავიფორხილოო, ეს უკვე შეგნებული ნაბიჯი იქნება ჩემგანო. რაც მე ვეწვალე ჩემი განვლილი ცხოვრებით ყველაფერი წყალში ჩამეყრება და იმ ფულსაც არავინ შემარჩენს, იმასაც ჰყავს თავისი ხალხი, აი, შენი კლიენტი ხობწყალში რომ აყურყმელავებს ქვაგამობმულიო. რომც შემრჩეს ღმერთი არ მაპატიებსო, მოკლედ, პართენოზის მე ვეტყვი, მოგეშვას, კასეტა გაანადგუროს, რათა შენ თავი არ მოიკლა და ბავშვები არ დაორბლდნენ, თორემ შესაცოდი ნამდვილად არ ხარო. ცოლ-შვილს რომ უხოცავდი იმ მდივანს, ისიც შენისთანა პრეზერვატივია, ალბათ, მაგრამ ბავშვებმა რა დაგიშავეს, ან რამ გაგამწვარა ასე საცივზე გაზრდილი კაციო. ჯეკ ლონდონის ერთ გმირს დიდი ხნის შიმშილის შემდეგ, სამშვიდობოზე გაღწეულს, მოურჩენელი ავადმყოფობა დასჩემდა, სულ პური ელანდებოდა. სასთუმალქვეშ მალავდა, ასე გემართებოთო. თქვენ მთელ დამეს თეთრად ათენებთ იმის ფიქრში, თუ როგორ და რანაირად იშოვოთ რაც შეიძლება მეტი ფული, ხოლო არის კატეგორია ხალხისა, რომლებიც თქვენზე აწყობს გეგმებს თუ რა რიგად შეგაწერონ ფული და გაწერენ კიდევ, რადგან თქვენზე განვითარებული და ჰკვიანები არიან, თანაც უშიშრებიც ამავდროულადო. ხოლო მე იმ კაცს ვნახავ და შენგან მაგ ფულს ამოვალეზინებო, ეუბნება უკვე ჩალიგავას კლიენტს როკი. შენით აჯობებს მოემზადო და შეაწუხო ყველა, ვისთვისაც პატივი გიცია, შეაგროვე ის თანხა და მისცეო. მე არ გიმალავ, მაგრამ თუ ამოვალეზინებ შენგან, მაშინ ავიღებ ჩემს წილს, რადგან მართალი კაცის მხარეს მდგარი ტანკს დაუდგები წინო.

მოგვიანებით ისე წარიმართა საქმე, რომ როდონაიამ ერთხელაც მიაკითხა ჩალიგავას და კულის რიკამდე გატყავებულ კომბინატორს მართლაც აევსო მოთმინების ფილა და ზაპრეტკა გახია. * იფიქრა, ციხეში ვიკდე უკეთესია, ვიდრე როდონაიას საჩივრები ვიყო მთელი სიცოცხლეო და თვითონ ესტუმრა საგინიძეს. კომბინატორს შვიდი წლით თავისუფლების აღკვეთა მიუსაჯეს, ხოლო კვადრატში ახარისხებულ ბენდერს თავის დამქაშებიანად ხუთ-ხუთი. არც რო-

კი დავიწყნიათ. ერთ მშვენიერ დღეს, ეს უკვე ჩემი თვალთ მინახავს, ორი შავი, „ოცდათერთმეტი“ მარკის მანქანა მიადგა ოდიშელების სამოსახლოს, რომლებსაც მთავრობის ანტენები ამშვენებდა სახურავებზე.

ზამინისტრი* გიბარებს სენაკშიო, უთხრეს. ჩაუჯდა, ვერც გაიქცეოდა, ისეთ უხერხულ მომენტში დაადგინა თავზე. თანაც იმნაირი არაფერი დაეშავებინა მართლმსაჯულებას მორიდებოდა. სენაკის უშიროების სამსახურის შენობაში მიიყვანეს, რადგან ჩხოროწყუს და სენაკს ერთი უშიშრობა ჰქონოდა. სხედან ჩაღვიგავა, როდონაია თავისი ტელოხრანიტელებით,* რაკავშირის და ცეკავშირის თავმჯდომარეები, ზამინისტრიც აქ არის დედაქალაქიდან ჩამოყვანილი ოცი ქორ-შევარდნის მაგვარი თანამშრომლით.

იცნობ, ოდიშლია, ამ ხალხსო, ეკითხება ზამინისტრი.

არა, ბატონო, ვინ არიან და საიდან, რომელი რაიონიდანო, როკიმ.

ოოო, რა მალე გავიწყდება კლიენტები, ორასი ათასი მოგცა კაცმა და ოთხ თვეში დაგავიწყდა შეკარგი დედამიშვილო? ბავშვობაში ერთმა უცნობმა ბიძამ ათი მანეთი რომ მაჩუქა, გავიზარდე, ოჯახით გაიცანი უკვე ხანდაზმული და მერე ბავშვიც კი მოვანათვლინე; შენ კი ორასი ათასი მოგცა და ენაც გიბრუნდება, არ მინახიაო.

ეს რომელი ორასია, სენაკი, ბათუმი, ქუთაისი, ამერია ანგარიში და მისამართებო, გაეშაყრა როკი.

ეს ჩხოროწყუა, კარგად გაიხსენე, იმიტომ კი არ გეუბნები რაიმე დანაშაულობა კოდექსით და ქვეყანა დაქცეულა. ესენი მთლად უნდა გაატყოს კაცმა. ამათვის ბოლო კაპიციც წასაღლეტიაო, თქვა და სიგარეტი მოქაჩა ზამინისტრმა. კვამლი რგოლებად გამოუშვა თვალმოჭუტულმა, უბრალოდ მინდა გავიგო, ჩხოროწყუც შენთან შემოდის, იქაც წვდებიო.

წარმოიდგინეთო, ეუბნება ახლანამდვილად დარცხვენილი როკი, ამ ხნის კაცი ვარ, რიმ-კრიმი* მოვიარე და ჩხოროწყუში არ ვყოფილვარ, ჩვენი კუთხის უღამაზეს რაიონში. ვფიქრობ, გამოვასწორებ ამ თვეში დაკავებული თუ არ ვარო.

შენ დაკავებული არ ხარ, ოდიშელია, ერთ საათში ისევ ჩემი მანქანით დაგსვამენ საკუთარ ოჯახში, ოღონდ ჩხოროწყუში სიარულს არ გირჩევ, დაივიწყე ის რაიონი და იყავი ჭკვიანად. შენ კარგად დაგახასიათა ზუგდიდის მილიციამ. — არასდროს მოუპარიაო, წამალს არ ეკარებო, პურ-მარილიანი სუფერის ბიჭიაო, ოღონდ ხშირად მოსდის ჩხუბი, თუმცა ისიც უსამართლობით არა, ადამიანის დაზავებას ვერ ურიგდებაო. ამისთანა ხალხს ჩვენ პატივს ვცემთ. ვაჟკაცი ყველას უყვარს, მაგრამ რა დროს შენი მუშტი-კრივია. ამდენი წვალეობა გამოგივლია, იცხოვრე ბედნიერად და ასეთი ქაჯუნები ღირსია შეაწერო, ოღონდ რაზბორკებს* თავი დაანებე. ასე აჯობებს შენთვისაც და ჩვენთვისაცო, უთხრა და გამოაცილა შინისაკენ.

როგორც იქნა მორჩა საუბარს ხოთოს ჭირისუფალი, თუმცა უკვე სასაფლაოს უახლოვდებოდნენ ისედაც.

წლინახევრის იყო ნიკა, როცა ოდიშელიამ აბურდული საქმეებისათვის მის ჭიშკართან გამოჩენა განურჩევლად ყველას აუკრძალა, მაგრამ ამის მიზეზი მთლად უშიშროების მინისტრის მოადგილის თითის დაქნევად როდი გახლდათ. ქალაქში დატრიალებული უბედურების შემდეგ, არათუ შუამავლობებს მოეშვა, ქუჩაში სიარულიც შეჯავრდა. შავი სატინის პერანგს არ იხდიდა მთელი ორი წელიწადი.

ერთ გაჩაჩახებულ კვირამალს ნაბირჟალზე გამოსულ როკის მთელი ზუგდიდი უჩვეულო რიტმით შეეგება. რაღაც ისეთი მომხდარიყო, ისეთი საშინელი და ამაზრზენი, დარღვეულიყო სადადიანოს ცენტრის ბუნებრივი მაგისცემა. დაფეთებულ-დარეტანებული ხალხი უბედური სტიქიის დროს პანიკით მოცულის მსგავსად ეკითხებოდა ერთმანეთს.

— მართალია? როგორ მოხდა? რანაირად? — და უპასუხებდნენ თუ არა, თავზე შემოირტყამდნენ ხელს.

ათბალიანი მიწისძვრით დაფორიაქებულებს მიუგავდათ სახეები. რაღაც ისეთი ძლიერი დარტყმა ეგემა მთელს ოდიშს, რომ წელში მოხრილიყო უმწურო გამომეტყველებით. ისე გამოიყურებოდნენ ზუგდიდებელბი, თითქოს ოჯახის მარჩენალი მამები დაკარგვდათ მიყოლებით და ობლად დარჩენილი უმწურო პატარები შევლას ითხოვდნენ თავზარდამცემი გასაჭირისაგან გამოსაყვანად, მაგრამ გამჭრალიყო მეოხი, აღარსად ჩანდა ნუგეშისმცემელი ქომაგი.

როკი ეცაერთს, მეორეს.

— რაშია საქმე გამაგებინეთ. ამ დილაადრიან ყველა რომ ტირის, დიდი, პატარა, ქალი თუ კაცი, ისეთი რა უბედურება დატრიალდა? ან ამდენი მანქანის ქარავანი უწყვეტი სიგნალის ყურისწამლები ხმაურით საით მიდის, საითკენ მიემართება?!

ბოლოს გოგი ყოლბაიას ეძგერა როკი, გულხელდაკრეფილს ცრემლის ნაკადი ღვარად რომ ჩამოსდიოდა. მეგობრის დანახვაზე უფრო აუცახცახდა მხრები გულამომჯდარს.

— ფერდინანდია მკვდარი, როკი. ჩვენი ფერდი. წუხელ საირმეში, რესტორნიდან მობრუნებული კლდიდან გადაჩეხილა.

ამის გაგონება და ოდიშელიას წაბარბაცებაც ერთი იყო. ხელები შეაშველეს გაფითრებულს, მუხლებწართმეულს. ტროტუარის ბორდიურზე ჩამოეშვა უდრეკელი კაცი.

ფერდინანდ ჟღერია როკის უსაყვარლესი მეგობარი გახლდათ. ყოფილა შემთხვევა, ჩხუბი მოსვლია ქალაქში, ხოლო შესარიგებლად ვერავის გადმოუდგამს ნაბიჯი ხუთეულიდან ფერდინანდის მეტს. საირმეში წასვლის წინ რამდენი ეხვეწა, ერთად დავისვენოთ ოჯახებითო, საგზურები აღებული მაქვს, რატომ ახრჩობ ცოლ-შვილს ამ პაპანაქებაშიო. მაგრამ არ გააჟყვა, საქმეები მოიმიზეზა.

დაიძრა სადადიანოს მანქანების კოლონა საირმისაკენ და უწყვეტი სიგნალითა და ანთებული ფარებით ჩამოასვენეს ფერდინანდის ცხედარი. როკი, გოგი ყოლბაიას მანქანით მიდიოდა. ფერდინანდის პირველი ძმაკაცი, ილაჯწართ-

მეული გოჩა ჩიქოვანი მათ გვერდით მისვენებულიყო საზურგეს. თორმეტი დღე ესვენა ფერდი თავის ოჯახში. მთელმა საქართველომ დააპკურა ალალ-მართალი ცრემლი სტუმრის პირველ ოდიშელ მასპინძელს.

ზუგდიდის ახალგაზრდობა ძაძებით შეიმოსა. გამორთეს რადიო. ტელევიზორებს ტილოები ჩამოათარეს. ეს პირველი დარტყმა იგემეს ზუგდიდელებმა.

ფერდის დასაფლავების ცერემონიალს ოციათასამდე ადამიანი ესწრებოდა. ქალაქში ორწყობად მიმავალ კოლონას ფერდის მარჯვენაგაწვდილი სურათი მიუძღოდა, რომელ პოზაშიც სადღეგრძელოს დაწყებამდე საყვარელ ფრაზას წამოისროდა:

ძირს ნიკოლოზ, მაღლა — მუშა, იქნება? არ იქნება.

თავის მხრიდან ზედმართულ ცხედარს ვეფხვივით ბიჭების ხელში მედიდური იერიერთი წუთითაც არ შეუცვლია. ფერდი ბოლო დღეს მთელ ქალაქს გადმოჰყურებდა. ისეთი შთაბეჭდილება გექმნებოდა, თითქოს კი არ ასაფლავებდნენ, არამედ უკვდავების ტაძრისაკენ მიაცილებდნენ. მიუკერძოებლად ეკუთვნოდა ეს ადგილი ფერდის ზუგდიდელი კაცის გულის საკურთხეველთან, რომელმაც ხანმოკლე სიცოცხლის მანძილზე იმდენი მეგობრის შექენა, იმდენი ხალხის გაცნობა და დამოყვრება შეძლო, რასაც ერთად აღებული მთელი ოდიში ვერ მოახერხებდა.

ჭითაწყაროს სასაფლაოს შესასვლელთანვე მიუჩინეს სამუდამო ბინა ხელაწეული, მომიღმარი სურათით. სასაფლაოს გაღავნის დასაწყისიდან კარიბჭემდე ასორმოცდაათ მეტრზე მეტია და ეს მანძილი ფერდინანდის სასახლემ დაჩოქილი ჯელების აწეული ხელების ტყეში გადაიარა უკანასკნელ სადგურამდე. არავინ მორიდებია ტალახს. ყველამ მუხლი მოიყარა მისი განუმეორებელი ბუნების წინაშე.

ხალხი შოკიდან არც იყო გამოსული, რომ უფერდინანდობა ვერ აიტანა მისმა ძმანდაფიცმა გოჩა ჩიქოვანმა, ადამიანმა რომელმაც მეგობრის ხიდი გასდო ზუგდიდსა და საქართველოს თითქმის ყველა ქალაქს შორის. მაგრამ ფერდინანდის სიკვდილის შემდეგ, თვით თავადური სიზვიადით შემოსილი ჩიქოვანისთვისაც კი არ აღმოაჩნდა ზუგდიდის სათანადო ცრემლი. რაღაც თვენახევარში ისევ თალხით შეიმოსა ქალაქი.

მალე ფერდის და გოჩას გზას გაუდგა ახალგაზრდობის მესვეური გოგი ყოლბაია. კვლავ დახარა თავი ზუგდიდმა, და ახლა კუთვნილის მესამედ ცრემლძლივს ერგო ორმოცდარვა წლის ასაკში სიცოცხლის ხიდიამტყდარ რჩეულ შვილს.

მიჰყვანაკვალევს მათსას უცოლშვილო ჯემალ გოლუა და ფერდინანდის მიტაცებულმა ცრემლმა ოთხჯერ მაინც შეუმცირა საზოგადო მწუხარება ყოველი გაჭირვების ქომაგ რაინდს.

თითქოს ერთ ნავში მსხდარიყვნენ, ნაღები ოდიშელების საუკუნო ბილიკს დაადგა პიროვნება, რომლის ნაფხურებს ძალყნითაც ვერ ამოძირკვავდა დრო-

ყამი ზუგდიდელი კაცის მესხიერებიდან; პიროვნება, რომლის გამონათქვამი იუმორი თუ სხარტულა მთელ ტომად აიკინძებოდა ვინმე ჟამთააღმწერლის ხელში. ორივე ვაჟი შვილის გარდაცვალების შემდეგ მორალურად და ფიზიკურად დაცემულმა, ლოთობის მორევში შეტოპა. ბედმა ესეც არ აკმარა. ცოლი გაეჭკა და სახლში გამოყრუებულმა, ვიღაც მაწანწალა, სახე შეშუპებული რუსი დაისვა კახაბად.

იუმორის გრძნობას ბოლომდე არ უღალატინა პეტიკო თოდუასთვის. რესტორან „ოდიშში“ შეხვდნენ უკანასკნელად ის და როკი. მიუხედავად დაბარბაცებული ცხოვრებისა, ძველებური სიზვიადე მანც გამოკრთებოდა აქაქმის მიმოხვრაში. თავის კენინასთან ერთად შემოუარა დოსტებს. ჩახლეჩილი, ბოხი ხმით დაუყვა სუფრებს. თორმეტი ჭიქა ინება ოდიშელიამდე მოღწეულმა. პურიც კი არ მოუციცქნია სადმე. აქ კი, შორეულ ნათესავთან და უმცროს მეგობართან, შედარებით მეტხანს შეყოვნდა. ჯერ ქალბატონი წარუდგინა დამსწრე საზოგადოებას:

— სახელგანთქმული ხახოლი ფეხბურთელის, ოლეგ ბლოხინის ღვიძლი დაა. სასმელ-საჭმელი არ შესთავაზოთ, დიეტაზეა, ლუკმას ვერ გადააცდნენ. ამ დღეებში ლონდონის ქალთა სილაამაზის საერთაშორისო კონკურსზე მიემგზავრება. იმედია, კარალევას* გვირგვინით დაგვიბრუნდება, — ამ ლაპარაკში პეტიკოს დამა ახალაშლილ სუფრას მისდგომოდა, ღვინის ნარჩენებს ჭიქებიდან აგროვებდა, სვამდა და ცარიელი პურის ილუქმებოდა. მერე ბარბაც-ბარბაცით წამოსული ღირსეულ კავალერს დაუდგა გვერდით ცალთვალმოჭუტული და მიენახენიც დაწყდნენ სიცილით.

პეტიკო თოდუამ გამოსული ვაჟკაცის სახელი დიდხანს ატარა სამაგალითოდ ზუგდიდში. მაგრამ ბოლოს არ დაინდო ბუნებამ თუ განგებამ, ორშვილმკვდარი, ოჯახდანგრეული, ძირფესვიანად ამოგდებული გათელა წუთისოფელმა და ნალვლიანი ღიმილით მიაბარეს ფერდინანდის წლისთავის დღეებში გაჭრილ ძმათა სასაფლაოს.

ასე უმოწყლოდ, ხელის ერთი მოსმით დაირღვა მუშტით შეკრული როკის სამეგობრო და ერთხელ და სამუდამოდ შეაქცია ზურგი ქვეყნის ოთხივე კუთხიდან ოდიშელებს ჭიშკრისაკენ დაძრულ, წუთისოფლის მომღურავი ადამიანების წყებას. ქალაქში ხეტილსაც უკლო. ბუხართან სავარძელი მიიხოჩა და ბორკილდადებული თოთხმეტი წლის განუყრელ მეგობარს — ძე ხორციელის ფურცლებად აკინძულ სულის შემადრწუნებელ ისტორიებში ჩაეფლო.

ამ ნაშუადღევსაც, ქვეითი ახალგაზრდების ჯგუფმა რომ მოაკითხა ოდიშელების ჭიშკარს, გაბრიელ გარსია მარკესის გახმაურებულ რომანს კითხულობდა.

აუწყა მეუღლემ სტუმრების გამოჩენა და ბოშათა კარვიდან, არკადიოს ნათლობიდან გამოღწეული როკი, აუღელვებლად გაემართა ჭაბუკებისაკენ.

აღრე, როცა საქმის გასარჩევად ეწვეოდა ხალხი ხოლმე, ჩვევად ჰქონდა როკის, სადავიდარაბო ამბავს ოჯახში არაფრის დიდებით შემოიტანდა. რესტორან-

ში, ან უშუალოდ მანქანაში განსჯიდნენ აწეწილ რეალობებს, მაგრამ ამდენი ახალგაზრდის მნახველმა, რატმლაც ტრადიცია დაარღვია, ეზოში შემოიპატიჟა შელერებული ყმაწვილები. ეს ჯეელები ოდი შელიასათვის სრულიად უცნობნი იყენენ, თუმცა გამოლაპარაკების შემდეგ, უმეტესი ნაბიჯით უფროსი თაობის შთამომავლობა აღმოჩნდა.

ბიჭები ერთიანად აფორიაქებულნი და უკიდურესობამდე აღელვებულნი ჩანდნენ. ერთმანეთს საუბრის წამოწყებას არ აცლიდნენ.

— თქვენს იქით გზა არ გვაქვს, — ჩაიგდო საუბრის სადავე თორი ფიფიამ, რომელიც ყველაზე თამამი და გამოსული ჩანდა.

— ისეთი რა გაგჭირვებით? — ჩაეძია როკი ბეტონის წაგრძელებულ მაგიდას შემოწყობილ სკამებზე ჩამწყვრივებულ ახალგაზრდებს.

— არა, დრო არ ითმენს, — თქვა ფეხზედარჩენილმა ბულათიას შთამომავალმა, — ახლა პირდაპირ ქალაქკომიდან მოვდივართ. ვერავის ვუმტკიცებთ ჩვენს სიმართლეს. საზოგადოების უკან სამარცხვინო ძეგლი ჩამოუხსამთ. ამ დღეებში მანცხვარკარზე უბირებენ აღმართვას. ამ ამბავს შევეწირებით. თუ რაიმე გადამჭრელ ღონისძიებას არ მიიღებენ, ჩვენ მზად ვართ ავაფეთქოთ იგი.

— ძეგლი სად არის? — იკითხა როკიმ, თან მეუღლეს გასძახა, ტანსაცმელი მომიმზადეო.

— კიევში, — უბასუხეს ერთხმად.

მარინა მიხვდა სერიოზულ საქმეზე მიდიოდა მისი თანამეცხედრე და ჩასაცმელიც შესაფერისი უნდა გაეხაზირებინა.

— ბიჭებო, მე ორ წუთში ჩამოვალ. ყველას ვერ წაგიყვანთ და ვინც საქმეში უკეთ გარკვეულხართ, დარჩით. სასტუმრო „ოდიში“ შევიკრიბოთ, იქ ავწონდავწონოთ, როგორ, რანაირად აჯობებს.

ცოტაც და შავი „ოცდაოთხით“ ქალაქის ცენტრისკენ მიაქროლებდა ოთხეულს.

აჰა, ყველანი ერთად არიან, რესტორნის წაგრძელებულ კუბეში განმართებულან. დაწყებულ საუბარს კვლავ თორი ფიფია აგრძელებს:

— თქვენთან იმიტომ მოვედით, როკი, ბატონო, ვიცით სხვანაირად შეგტკივით გული ჩვენს ქალაქზე. ცოტნეს ძეგლი დიდი ხნის წინ უნდა დამდგარიყო არამართო ზუგდიდში — მთელს საქართველოში. არ გესწავლებათ, ცოტნე ნამუსია ჩვენი ერთიანი სამშობლოსი და როცა ამისთანა გმირს დაგიჩოქებენ, მიგვიხვდებით, ალაბთ, რა კატეგორიის ხალხთან გვიხდება ბრძოლა. ოთხასი ათასი მანეთი გამოუყვიათ მის განსახორციელებლად. ამაშუკლები-სა და ბერძენი შვილების ქვეყანაში, ისეთი რა გაგჭირვებია, მალიარებს მივანდოთ ჩვენი სულის აღზევების პერსპექტივები?! იმ ბედოვლათს, თურმე გოგებაშვილთან ამოკითხული ამბავი, ვითომ პლასტიკის ენით აუმეტყველებია და მზეზე დაყრილი, თაფლწასმული მამული შვილები, დაჩოქილნი ჩამოუქანდაკებია. ძნელია გაარკვიო კაცმა, თუ ცოტნე დადიანის დაჩოქება რაში დასჭირდა იმ ქრისტეს ფეხის მკვნიტელს? ცოტნე „ქართლის ცხოვრების“ მიხედვით

ჩაჯდა თანამზრახველებს შორის, თორემ არ დაჩოქილა; დაჩოქება იმ გენიოსის შემოქმედებაა.

— ავტორის გვარ გახსოვთ? — იკითხა როკიმ?

— ვინმე ბიბლიაშვილია, ლენინის პორტრეტის გადამრავლებით ირჩენდა თურმე თავს, — თქვა გეგე თოდუამ.

— გასაგებია. კონკრეტულად ვისთან იყავით?

— ქალაქკომის პირველ მდივანთან. მაისის თვეში განუხილავთ პროექტი, ოღონდ — არაპროფესიონალებთან. სკულპტორები და არქიტექტორები არც ჩვენ ვართ, მაგრამ ღვთის შეწევნით, ვარჩევთ შავს თეთრისგან. ერთი ცხენი ვერ გამოიმეტეს რაინდისთვის. რა ვქნათ, როკი? — კითხვით მიაჩერდა გუძასოსელია.

— ბიჭებო, თქვენი გაფიცებისა მესმის მე, ან როგორ არ გაფიცდები კაცი, როცა სულში გაფურთხებენ?! ძეგლი არ უნდა დაიდგას, თორემ მერე აფეთქებები და მისთანანი საქმეს ვერ უშველის. დაჩოქილი ცოტნე მარტო ოდიშის კი არამთელი საქართველოს შერცხვენაა. ვნახავ მე მდივანს. ვფიქრობ ყველაფერი მშვიდობიანად დამთავრდება. ჩემი ბიოგრაფიის კაცს ახლა პოლიტიკური ცემატება, მაგრამ როდესაც გარემოება მოითხოვს, უკანდახევა მიუტევებელია. კარგი იქნება თუ პროფესიონალურ წერილს მოვამზადებთ სამხატვრო აკადემიის სახელზე. უნდა შევაწრიოლოთ დიდი და პატარა. მუზეუმის ხალხი არ გამოდგება საამისოდ?

— მაგათ პირიქით, ტაში დაუკრეს პროექტს, — ჩაიცინა ცალყბად გაბო მიქავამ.

— დაუკრეს კი არა, დააკრევიანეს. დიხამინჯიას მოწონებულს რომელი აღუდგებოდა წინ? — ხმა ამოიღო აქამდე გაჩუმებულმა ბადრი ქობალიამ.

ქალაქკომის პირველი მდივანი როლანდ დიხამანჯია წარმოშობით ოდიშელი იყო, მაგრამ ბავშვობიდანვე დედაქალაქში იზრდებოდა. იქეზიარა საზოგადოებრივ მეცნიერებებს. მეგობრების წრეც იქაური ჰყავდა. მამამისი სშტ-ის სამსახურის წამყვანი თანამშრომელი გახლდათ და ადამიანის სულში ჩხირკედელაობა მემკვიდრეობით ერგო.

როკის შესახებ მას საკმაოდ მდიდარი მასალა წარმოუდგინეს სათანადო სამსახურებმა ვერ კიდევ, როცა წარმოება-დაწესებულებათა ხელმძღვანელებმა საშენი მასალა მიაყარეს ოდიშელის ცარიელ-ტარიელ სამოსახლო მიწის ნაკვეთს. არ გახარებია დიხამინჯიას როკისთანა კაცის სუფთა ჰაერზე გამოსვლა. ლომის ფიტული მიმზიდველია ჰერქვეშ, მაგრამ ბრჭყალებადესილი და კბილებამახული, მისახვედრია რამდენად მოითმინება. და ახლა, მოახსენა თუ არა ტექნიკურმა მდივანმა:

როკი ოდიშელია ითხოვს შემოსვლას, თან ის ბიჭები ახლავან, წელან ცოტნეს ძეგლის გამო რომ მამლაცინწობდნენო, ერთხანს ორჭოფულ მდგომარეო-

ბაში ჩავარდა ქალაქის მესვეური. მოუცვლელობა მოემიზე ზებინა, ვინ იცის, როგორ დაუბრუნდებოდა ეს საქციელი, არადა, ცოტნეს ძეგლზე საუბრის ჩამოგდება ამჟღავნებს მისთვის წამგებიანი იყო.

სკულპტურა მაინც დამაინც არც როლანდ დიხამინჯიას მოსწონდა, მაგრამ რაც მთავარია, იყო იმ მონუმენტში ხელჩასაჭიდებელი მომენტები: ფაქტის ლამის ნატურალისტური გადმოცემა და რაც არსებითია, ცოტნეს შეუპოვრობა, ეგვიპტური ძეგლისთვის დამახასიათებელი სტატიკურობა, რომელიც განათებულა შინაგანი დრამატიზმით.

ეს შეფასებანი ბიბლიაშვილის ესთეტიკური არსენალიდან გახლდათ. ძეგლის განხორციელების იდეს დიხამინჯიან მოდიოდა და რადგანაც ბიბლიაშვილი სახლიკაცად ერგებოდა, უკეთეს ხორც შემსხმელს ვის იპოვიდა?

ვანკა-სტანკასავით მოგვანგვალე ქალაქკომის მდივანი დიდი პრაქტიკული ნიჭით გამოირჩეოდა. მარტო საპირველმანისო და საშვიდნოემრო ზეიმებზე ორისამი წლის სარჩოს ახვებდა. ქალაქის გამშენებაში ენერგიულად ჩაერთო და აღმასკომს ფაქტობრივად ლუკმა პირიდან გამოაცალა.

მართალია, ცოტნეს ძეგლის პროექტი კი განიხილეს ქალაქკომის საგანგებო სხდომაზე, მაგრამ იმ დონისძიებაში არც რაიკომელები მიუწვევიათ, აღარც — ოთარ ოდიშელია თუ ქალაქის სხვა გონებადაუწყებელი ხალხი. საშა ეგუტიაც რატომღაც გამოივიწყეს. დიხამინჯიასა და თეატრის დირექტორს შორის კონფლიქტი კი ჩხოუშის მარჯვენა სანაპიროსა და ავტოსადგურის წინ აღმართული სტელას გამო წარმოიშვა. სხვათა შორის იმ პროექტების ავტორიც ბიბლიაშვილი იყო. ხარჯთაღრიცხვა დასახელებული ნაგებობებისათვის და აღმატებოდა რეალურს, და ბუნებრივია, საშა ეგუტია, ოთარ ოდიშელია თუ მისთანანი ამნაირ შემთხვევაში არ წაადგებოდნენ.

როდესაც ქალაქკომის პირველი მდივნის მისაღებში შევიდა როკი ოთხი ყმაწვილითურთ, რამდენიმე მანდილოსანი და კიდევ ერთი, ხელჯოხიანი მსცოვანი კაციც დაუხვდა იქ.

ტექნიკური მდივანი კოკორგაუხსნელ ვარდებს ასუფთავებდა ზედმეტი ფოთლებისაგან, ბროლის უმველებალ ლარნაკში აწყობდა საითითაოდ. ამ შავტუხა გოგომ აღნიშნულ თანამდებობაზე ბარემ ოთხი თუ ხუთი უფროსი გამოიცვალა და საქმეს ყოველთვის ჩინებულად ართმევდა თავს.

დიხამინჯიას სიგიჟემდე უყვარდა ვარდები. ხვალ ბიურო ჰქონდათ და დილის თერთმეტი საათისთვის ყვავილები უმშენიერესად გაიფურჩქნებოდა.

როკი ტექნიკურ მდივანს ნანახი ჰყავდა ქალაქში გამართულ დებოშებში, ამიტომაც შემოვიდა თუ არა შავ კოსტუმსა და პერანგში გამოწკეპილი, უნებურად სავარძლიდან წამოიმართა.

ოდიშელიამ იკითხა, ბრძანდებოდა თუ არა დიხამინჯია ადგილზე და როცა დაუდასტურეს, სთხოვა, მისი ვიზიტი მოეხსენებინა.

ისე დაიბნა კვიკვინიას ასული, ვერც კი მოასწრო გამოეკვლია დიხამინჯი-

ასთან რა მიზნით აპირებდა შესვლას, თუმცა თანმხლებ ყმაწვილთა ოთხეული ყველაფერს თავისით ამბობდა.

როლანდ დიხამინჯიას როგორც კი აუწყეს:

როკი ოდიშელია მისაღებში, ბიჭები რომ იყვნენ იმ საკითხზეო, გვარიანი ყოყმანის შემდეგ, ხვალინდელი ბიურო მოიმიზეზა.

დღეს თავის მოსაფხანად არ მცალია, ზეგ გამომიაროსო, დააბარა სელექტორით.

როკის ცხვირის ნესტოები დაუბერა დიხამინჯიას შემონათვალმა პასუხმა. შეურაცხყოფად მიიღო მისი უკადრისობა, თან ამ ჯოჯოხეთის მაშხალას ქვეშქვეშობას აცოფებდა. კვიკვინზე ვარდებს დასტრიალებდა ყასიდად კვლავინდებური გულმოდგინებით, მაგრამ ოდიშელის მომწესხველ მზერას რომ შეეფეთა, ცხვირი ჩამოუშვა, თან მომცრო ცხვირსახოცით თვალები მოიწმინდა ლეგენდად ქცეული კაცის განსაიარალებლად, თუმცა განზრახულს ვედარაფერი გადააფიქრებინებდა როკის. მიუახლოვდა ქალიშვილის სამუშაო მაგიდას, აიღო ყურმილი, დაუცადა შეხმინებებს და როდესაც დიხამინჯია ხაზზე გამოვიდა, აშმღვრეველად წამოიწყო საუბარი:

— როკი ოდიშელია ვარ მე. ხვალე თქვენითვე უარყოფთ ცოტნეს სამარცხინო ძეგლს, გაიგეთ?! ამ საკითხზე სიტყვით მომსვლელი მე მეტჯერ არა ვარ. — თქვა და პასუხს არ დალოდებია, ეგრევე დალო ყურმილი. მერე გამოართვა კვინკვისხეს საკმაოდ მოზრდილი მაკრატელი, ჯერ ერთ ვარდს წააცალა თავი, მერე — მეორეს, მესამეს... ტექნიკური მდივანი მაკრატლის ყოველს გაწკაპუნებაზე გველნაკბენივით კრთოდა, სახეზე ხელებაფარებული, აქვე მშვენივრად ამჩნევდა ჭუჭრუტანიდან, როგორ დააგდო მაგიდაზე უხეშმა ხელმა პრიალა ლითონი თუ ტკიცინა ოცდახუთმანეთიანი.

ბიჭები და როკი კიბეებზე დაეშვნენ. ჩასხდნენ მანქანაში და კვლავ სასტუმრო „ოდიშს“ მიუბრუნდნენ.

— ვხედავთ, შარში გხვევთ, — ებოდიშებოდნენ ისინი გზადაგზა ოდიშელიას, — მაგრამ გაჩუმებაც რომ არ ივარგებს?!

— სასწრაფოდ თბილისშია წასასვლელი. მისილემში არ შემიწ უხებია ჩემი მოგვარე. დარწმუნებული ვარ მხარს დაგვიჭერს. გომბე მოსავით კი იბერება ეგ თქვენი დიხამინჯია, მაგრამ ვნახოთ როდემდის!

— წერილზე რას ვშვრებით? — იკითხა გეგე თოდუამ.

— მე ვიცნობ ერთ მწერალს, — თქვა ბადრი ქობალიამ, ყირმი ზსახინამა და გვარიანად გაძვალკანებულმა ამავდროულად, — ვიკითხავ ადმინისტრატორთან, ადგილზე თუ არის. უკეთესად ვერავინ დაგვეხმარება. ჭურიაში წერს რომანს ჟინი ანთარზე. ჯოტო გუგ უჩიას სტუმარია. ქალაქშიც შემოივლის ზოგჯერ. ბატონ საშა ეგ უტიასთან მეგობრობს, საბეჭდი მანქანა უსახსოვრა ამასწინათ. გაგანია ცეცხლში შეაგდებ და წამში მეორე მხარეს გააღ-

წევს, მაგრამ სმას თუ შეჰყვა, მერე ქუჩებში, ათი ცხენოსნითაც რომ ეძებდე, ვერ იპოვნე.

ბედზე კვეკვე ანთარია ადგილზე აღმოჩნდა. გუშინდელ ნაბახუსევს სახე შე-
შუპებოდა. ბარდი ქობალიამ მიიპატიჟა რესტორანში ჭალარა წვერაგაბურძენილი
უფროსი მეგობარი. სუფრა გაშლილი დაუხვდათ. გამოეცნაურნენ ერთმანეთს.
ძმაცაცების გარდაცვალების შემდეგ სათამაღო ჭიქას პირვლად ჰკიდებდა ხელს რო-
კი. სათითაოდ აცხონეს ყველა. მერე ჩამოწოლილი დუმილი ისევ ბადრი ქობალიამ
დაარღვია.

— შენი დახმარება გვჭირდება, ბატონო, კვეკვე, წერილია გასამზადებელი
მხატვართა კავშირის თავჯდომარის სახელზე. დაჩოქილი ცოტნეს ძეგლს გვიდ-
გამს დიხამინჯია.

— ამიხსენით უფრო წვრილად, — ამბობდა ოთხი ჭიქისგან უკვე თვალ-
ში გამოხედებული ანთარია, — ქალაქის ცხოვრებას მომწყდარი ვარ არსე-
ბითად. ცხრა თვეა ჭურიაში ვყურყუტებ, კახეთელ მწყემსებთან. აქეთკენ გა-
ზეთებისთვის და აბანოსთვის გამოვეშურები ხოლმე. საშა ბატონა იცის ამის
თაობაზე?!

— ვერაფერს გეტყვით, — უპასუხა ბადრი ქობალიამ.

— კარგი იქნებოდა ბატონ საშას ჩაკითხვობლით. მას უკეთ ესმის სად და
როგორ. ისე წერილის სათაური ხელად მოვიფიქრე: „ცოტნე და დაჩოქილი?!“

სალამოს პირზე საშა ეგუტიასგან დაკვალიანებული ახალგაზრდები და
როკი, კვეკვე ანთარიას ნომერში შელაგდნენ. მწერალი ლუღს წრუპავდა და
საბეჭდ მანქანაზე პროტესტის წერილს არაკუნებდა.

ხელოვნებათმცოდნეობაში ფრიად გათვიცნობიერებულმა ანთარიამ
ცოდნის მთელი არსენალი მაგიდაზე დაახვავა. სკულპტურის მიზანდასახუ-
ლობით დაიწყო, გადაწვდა ეგვიპტურ სტილს, მის შინაგან ჰერეტას, ფილია-
სის ზეგს, მიქელანჯელოს მოსეს. ლამის თაბახნახევრიანი წიაღსვლა ცხენის
კულტით დააგვირგვინა. აკადემიური ტონს სატირული კილო შეუნაცვლა —
აქილიკება ბიბლიაში ვილის ჰიპოფობიას. ხელზე დაიხვია მომენტი და ცრემ-
ლების გადმოცვენამდე ახარხარა ბიჭები. დასკვნით ნაწილში, მხატვართა კავ-
შირის თავჯდომარეს თხოვნით მიმართავდა, განეხილათ სამარცხვინო
სკულპტურის ვარგისიანობის საკითხი, და თუ მაინცდამაინც გაძნელებო-
და მტვერში დაჩოქილი ცოტნეს ძეგლის ფეხზე წამოყენება, ოდიშის ახალგაზ-
რდობა მზად იყო დარახტული მერნებით მიუსაველეთისკენ გაექანებინათ ბიბ-
ლიაში ვილის ავადმყოფური გონების ნაცოდვილარი.

კითხულობდა ანთარია ხმამღლა მერამდენედ, გზადგზა სტილისტურად
ხეწვდა, უმატებდა სიტყვებს, აკლებდა. ხელმეორედ გადაბეჭდილი ტექსტი მე-
ოთხე გვერდზე გადადიოდა. იქიკი, ერთი მესამედით ცარიელ სივრცეში ოდიშის
მთელი ინტელიგენცია მოაწერდა ხელს.

როკი ფიქრებს წაეღო. ამათი ასაკის ოდიშელია ყუმბარასავით იქნევდა

მუშტებს კონკრეტული ადამიანი დასაცავად, ესენი კი ამთავითვე საქვეყნო ჭირს ეჭიდებოდნენ ჭიანჭველებივით. კოლოსალური იყო სხვაობა პოზიციაში, მასშტაბებში.

ასენდებოდა კარანტინში გაჩხრეკვისას სტეპანცევისგან იატაკზე დაყრილი ასანთის ღერები.

„ეროვნული თავმოყვარეობა უფლებას არ მაძლევს დავიხაროო“, ამნაირი პასუხი მოაღგა პირზე მაშინ პირველად, მაგრამ მყისვე სანთებელასთვის გაიკრა ხელი ტრუსზე. ის წინადადება სხვა მოსაზრებით დაამუხრატა მისმა გონებამ, რადგანაც მსწრაფლ გაახსენდა ადრინდელი ნათქვამი: „ქურდს სამშობლო არ გააჩნია და არც — ნაციონალობა“. მაშ რაღაა ქურდი? უსამშობლო კოსმოპოლიტი? აკი, ოდიშელისას სტეპანცევმაც ესაყდედურა გაორებული პოზიციის გამო. მერედა ვინ?! — პირწყარდნილმა ვირთხამ.

„სტეპანცევი: თუკი სამშობლოსათვის თავის დადება არ შეგიძლია, მართო საკუთარი ტყავის გადასარჩენად იზრუნებ, რაღა აზრი აქვს წმინდა გიორგის ნათელმოსილება გმფარველობდეს დღემოსწრება?“

ესე იგი ჯერ კიდევ ამოწურული არ არის შენი მისია, შენი დანიშნულება, როკი, — ეხმიანებოდა თავისთავს ოდიშელია, — რაღაც უფრო მნიშვნელოვანს გიმზადებს განგება. იქნებ ამ ახალგაზრდების სულისკვეთება ყოველივე მათი გაუზზარავი რწმენა ჩემს მიმართ?!

როკის თიქრები უნებურად გადაება ექსპერიმენტული ზონის ბირჟას.

ელექტროხერხებით ძელურის დანაფოტების შემდენ, ოდიშელისას კვლავ ბურში განამწესებენ სამი თვით და როგორც კი სტეპანცევის ბრძანებას ვადა გაუვა, კოლონიის უფროსისვე მითითები ავეჯის ფაბრიკაში უკრავენ თავს.

როკის არასდროს დაავიწყდება „ტყის სამშოს“ ბრიგადაში ტრიალი. ეს ჯგუფი ძირითადად ბალტიისპირელი პატიმრებითაა დაკომპლექტებული. ოსტატურად ახარატებდნენ ისინი ავეჯის დეტალებს და ოდიშელიაც რაღაცნაირად შეეთვისება მათ. წითელ სამკლავურს არც „ტყის სამშოს“ ხალხი იკეთებს. ისინი ხომ უმეტესწილად პოლიტიკური მოსაზრების გამო იხდიან სასჯელს. მათი მემამოხე ბუნებისთვის განაჩენიც ორიგინალური შეუფარდებით — „ღვადცატპიატ, პიატი პიატ“.

კომუნისტური რეჟიმი ადამიანს პოლიტიკურის მოტივაციით იშვიათად განამწესებს სატუსალოში, აუცილებლად გამოუძებნის სხვა დანაშაულებრივ სარჩულს. როცა მსჯავრდებულის განთავისუფლების ჟამი მოაწვეს ეტყვიან:

- შენ კიდევ ხუთი წელიწადი მოგისაჯეთ!
- რისთვის? — გაიკვირვებდა პატიმარი.
- ბანკი რომ გატყენ, იმიტომ, — განუმარტავენ.
- რომელი ბანკი, მე ხომ ათი წელიწადია კოლონიიდან არ გავსულვარ?
- გაიოცებს ეს უკანასკნელი და მაშინვე გაიცინებენ:

— ვიცით, ვიცით, მაგრამ აი, თუ დაწერ, რომ ჩვენს ქვეყანას არაფერში ემარ-
თლები, რომ ჩინებულ სისტემაში ვცხოვრობთ; თუ მოინანიებ შენს წარსულს,
ჩიტივით თავისუფალი ხარო, — და საწყალი ტუსალიც კვლავ დაიმატებს ხუთ
წელიწადს.

ახლა მოაწვევს განთავისუფლების მორიგი ჟამი, მაგრამ კვლავინდებურად
იგივე სცენა გათამაშდება და ისევ ხუთი წლით დაასაჩუქრებენ, ვიდრე ოცდახუ-
თი არ შეუსრულდება. ამას იქით კუზიანი სამარეა ციხეში დაბერებული კაცის-
თვის, მაგრამ რადგანაც მეტის მისჯას საბჭოური კანონმდებლობა არ ითვა-
ლისწინებს, ხუთ წელიწადს ზონის სიახლოვეს აყურყუტებენ და კიდევ მომდევ-
ნო ხუთს ჭიტლას ამოკვრავენ, მოისვრიან კავშირის უკიდევანობაში, ოღონდ
ეს პერიოდი სამშობლოს არ უნდა გაეკაროს.

ოცდათხუთმეტი წლის დამანგრეველი სტრესის შემდეგ მართლაც სამა-
რეში მისაბარებლად და თუ ჩაიტანს მამულში გამოფიტულ ძვლებს. დიახ, ოც-
დახუთწლიანი მისჯილობა ჭერია საბჭოური სინამდვილისათვის, მაგრამ ამ დრა-
კონულ კანონებს, ნიანგის ცრემლებისა არ იყოს, ახლავს ჰუმანურობის ბარ-
ბუმელებიც — ადამიანს სასიკვდილოდ არ იმეტებენ. ოცდახუთიანების ამა-
ლაში პოლიტიკურთა გვერდით მძიმე ჭაპანს ეწვეიან კანონიერი ქურდებიც,
თუკი ეს უკანასკნელი თავიანთი მრწამსის დალატს ხელწერილით არ დაა-
დასტურებენ. ისე კი, ერთსაც და მეორესაც ეძლევათ უეჭველი შანსი ტუსა-
ლობის მეოთხედი საუკუნე გაინახევრონ, გაიმესამედონ მუყაითი შრომით. გა-
მოიმუშავენ ორმაგ ნორმას?! პატიმრობის ეკლებზე გამოვლილი ერთი დღე ორად
გეთვლება, სამმაგზე — სამად, შენს ხელთაა შენი ბოროტების სიგრძობა თუ
სიმოკლე.

სტალინის კულტის გაცამტვერებასთან ერთად ეს წესიც მოიშლება. მის-
ჯილობის უმადლეს ქრონომეტრაჟად თხუთმეტი წელიწადს დააკანონებენ, სა-
მაგიეროდ იმ ზღუდეს იქით დახვრეტით გაჰილდოვებენ თბილისში, როსტოვ-
სა თუ სვერდლოვსკში.

ეს ყველაფერი „ტყის სამოს“ ხალხთან როკის ურთიერთობის ფონისათ-
ვის. იგივე სახელი არ ერქვა განა შერვუდის უღრანების მკვიდრთ რობინ ჰუდე-
ბის თუ აივენჰოების მეთაურობით?! პირველად სკოტის რომანს წააკითხებს
ფისო ქუჩულორიას. კბილის ჯაგრისის შუქზე, ვინ იცის, მერამდენედ ჩამთავ-
რებს რაინდული სულისკვეთების წიგნს. იმდროინდელი ჰეროიკული და ამაღ-
ლებული განცდები, მამულისთვის თავდადებას ფეხქვეშ რომ ეგება ფიანდაზად,
მიძინებული სიმღივით ახმოვანდება როკის სულში და უხარია, ალალ-მართლად
უხარია ეროვნული გმირის უკადრისი მონუმენტის გადასაშენებლად ხათაბა-
ლაში რომ იხვევს თავს. ამ გადასახედიდან განსხვავებული ელფერით იმოსება
შანთივით გავარვარებული მისი წარსული, გაურკვეველი აწმყო და მომავალი
— ბურუსით მოცული მთლად.

„ტყის სამოს“ ბრიგადიდან ორი პიროვნება სამუდამო დაახსომდება რო-
კის — ბარდავეიტე და ვიატკაუტე.

ბარდავეიტი ყოველთვის ამაყობს მითიური სამშობლოთი. პაპისგან ხსომეზია იქაური ფერები და სახეები. მერმე სადაც კი ხელი მიუწვედება, ნათარგმანები ქართული წიგნების კითხვაში აღამებს. „ვეფხისტყაოსანი“, ვაჟას პოემები, „დიდოსტატის მარჯვენა“, „გმირთა ვარამი“, სხვანი და სხვანი, მისი თაკარასულის დამაწყურვალეზელ წყაროდ იქცევა.

— ჩვენი გმირული ისტორია ბევრს აღანთებს ბრძოლის ჟინით, — ეუზნება გალიტველებული ბარდაველიძე, — აღანთებს და იმავდროულად აქცევს კიდევ, ვინაიდან სტალინის სატანურმა გონებამ სახელმწიფოებს, ღმერთმა უწყის, როდემდე დააღო საბჭოური ხუნდები. კონსტიტუციაში კი გიწერია თვითგამორკვევის, დამოუკიდებლობის უფლება, მაგრამ მიდი და გაბედ! ქართული ხასიათი დოდან დომდე უნიკალურია. მარტო პროფესორ ჟორდანაის მაგალითი რად ღირს, ზან გოგონას მაშველი რომ დაუთმო. კი, ბატონო, გასაგებია, თევდორე ბერივით თვალისდაუხამხამებლად დაძირავ მტარვალებს საკუთარ თავთან ერთად ჭაობში, ქვეყნის გადასარჩენად, მაგრამ როგორი უმაგალითო ფაქტია?! ვინ იცის, რანაირად სჭირდება შენი სიცოცხლე სამშობლოს, მის მერმისს და ამ დროს, თითქოს უმიზნოდ გაასაჩუქრებ არსებობას შენსას. სული უდრეკელია მიზანი თუ გაგჩნია, პანტერ. შიში სწორედ უცოდინარობიდან მომდინარეობს, თორემ როდესაც დანამდვილებით გჯერა, რომ შენი საქმეები უკვდავია კაცობრიობის ხსომიერებაში, ამისთანა შემთხვევაში, ჯალათის ნაჯახი და სახრჩობელა უსუსურია. ჩვენ ამაწინათ ვნახეთ დიდებული ფილმი „ამაღლება“. დამავიწყდა იმ რეჟისორი ქალის გვარი, იიიი, ჯანდაბას! ყველა დავრწმუნდით, გარეგნულად სუსტში რაოდენი ძალა შეიძლება განავითაროს ზეციერმა. გვსმენია ჩვენ შენს გმირობებზეც, მაგრამ ეს ყველაფერი ზედაპირული, მოჩვენებითი ფასეულობებია, აისბერგის ზედა ნაწილია, რომლის უმთავრესი და უმნიშვნელოვანესი მასა წყლითაა დაფარული. სანამ იმ სიღრმეებს არ ჩაეჭიდები, თანამემამულეე ჩემო, დამერწმუნე, უსაგნურია მხოლოდ საკუთარი ტყავისთვის წვალება. გაიხსენე რუსთაველი რასაც ამბობს:

საცა არა სჯობს, გაცლა სჯობს, კარგისა მამაკაცისგანო და იქვე: სჯობს სახელისა მოხვეჭა, ყოველსა მოსახვეჭელსა. ააა, რას იტყვი, ვაიტკაუტე, ხომ არ შემოგახუცდა მეგობარი ცამეტ წელიწადში-

— ამ საკითხის გადაწყვეტა არც ისე იოლია ჩემო ბარდა. უმეტესწილად იმიტომ, ადამიანს ერთი სიცოცხლე უბოძა უფალოთუფალომ და ნებისმიერი წვრილმანისათვის მართლაც ცოდვაა მისი უმოწყალოდ გაფლანგვა. შევხედოთ ქრისტეს ცხოვრებას: მე არ მანტერესებს საკრალური მხარე ამ ფენომენისა. წამით რეალურ პლანში განვიხილოთ მისი ყოფიერების მტრისები, ხალხისა და პიროვნების ურთიერთმიმართების ჭრილში. ებრაელმა ერმა ქრისტე უკუაგდო არა იმისთვის, ვერ ამჩნევდა მასში ბუმბერაზ პიროვნებას, სამშობლოსათვის თავდადებულ ადამიანს; პირიქით, ხედავდა, მაგრამ თავად ებრაელების წუთისოფელი იქამდე დაედრღნა ფარისევლობას, კერპთაყვანისცემას, იაფი ფასეულობების განდიდებას, გაფეტიშებას, იესო-მაცხოვრისთვის ადგილი არ

დარჩენილიყო მათ გულეში. ამიტომაც შესძახეს არჩევანისას: ბარაბა! ბარაბაო. მისტურ საბურველში გახვეული ქრისტეს ცადაძლეობისა თუ მისი ცხოვრების სათავე, ასევე არანაკლებ ზღაპრული ელფერით შეკაზმული, დიდი ხანია დავის საგანია თეოლოგებსა და ათეისტებს შორის. მაგრამ ჩვენ მოვუბრუნდეთ ადამიანურ პარამეტრებს.

ნაზარეველმა ჯვარზე გაიკრა თავისი სხეული და ამით ბიბლიური დაბადება წრეში მოაქცია. ადამიანი ქრისტეს მეშვეობით დაუბრუნდა სამოთხეს, ანუ სამარადისო სასუფეველს. დაუშვათ, ყველაფერი ასეა, ბარდა, დავსუჭოთ თავალი ქრისტეს ყოყმანს პილატესთან საუბარში თუ თავად ჯვარზე გასვლი პერიოდში, როცა: ელი, ელი, ლამა საბათქანო, ააპყრობს მზერას მამზეციერისკენ?! საკმარისია კი ეს სულიერი საზრდო ადამიანისთვის?! ან განა ვინც სამშობლოსათვის იბრძვის და მისი სიძლიერისათვის იფერფლება, არ არის განა სხვისი ინტერესების ხელმყოფელი?! ხომ გახსოვს გრიუბერის, „მინ კამპეი“?! ჰიტლერი რუსეთზე მეტად ანტიემეტიზმმა გაანადგურა. რასობრივი მოძღვრებიდან ერთი ნაბიჯიანაციონალისტურ მსოფლმხედველობამდე და კიდევ ოთხი — პატრიოტიზმამდე. ჯერ ვერ მოიძებნა ისეთი ჯანსაღი კონცეფცია, რომელიც ერებს შეკრავდა საერთო სულისკვეთებით, მოშურნეებდა კი არა, პარტნიორებად გადააქცევდა.

რელიგიამ ვერ იტვირთა ეს მისია: როკი მართლმადიდებელია, ჩვენ — კათოლიკენი. პირჯვრისწერაც ათასში ერთხელ რომ მოგვაგონდება, განსხვავებული გვაქვს. გამოთაყვანებული სალიკა მუსულმანია, სტეპანცევი — იუდეისტის. ვერ შეიკრება ჩვენი ოჯახი ერთ ტუბილ სამოდ. აქ ქურდების პრიმატი ნაკლებია, ვინაიდან ექსპერიმენტული ზონა განწმენდილია მათი პრივილეგიებისაგან, მაგრამ სამასამდე ბურავიკი, რომელიც სტეპანცევის ურჩთა ბუნაგია, ფაქტობრივად დანარჩენი სამიათას ექვსასი კაცის კისერზე ჯდომაა. რომელი კანონმდებლობით გავამართლოდ ახლა ეს? რომელი რელიგიით ან მსოფლმხედველობით? კაცი კაცისთვის მგელი თუა, ხელია ჩასაქნევი მის მოკეთილშობილებაზე კონსტრუქციით, რადგანაც საკმარისია თუთაშხიას კასრში ჩააგდო, მაშინვე ერთ ძლიერამდე დავა მთელი ვირთხოზა. არ შეეწინააღმდეგები?! აქეთ შეიჭმევი. სამგვარად შეიძლება ხიფათისგან თავის გადაარჩენა. გმბრძანებლობენ?! თავს დაუხრი.

გიჟი მიუშვი ნებასა, თვით შეეყრება სნებასაო, ფიქრობს სუსტი.

მეორე თანაბარი ძალით დაუპირისპირდება და ერთმანეთის ძიძგილ-ჯუჯლუნში გამოუშვებენ დამშვიდებისათვის სამყოფ სისხლს;

მესამე კი ყოველთვის მზადაა დასასწრებლად, და ამ სამ განზომილებაში იჭყლიტება ათასი ტემპერამენტისა და ინტელექტის პიროვნება.

რომელ უფლისეულ პერსპექტივებზეა საუბარი, როცა სული ამოგროთმე-ვია და უსაგნური ჭურჭელი ხარ, შანსი რომ არ არსებობს ხელმეორედ აღივსო, ხელმეორედ იშვა, გნებავს — სხვათა საკეთილდღეოდ. რას ვეძახით ამას, ალტ-

რუიზმს, ხომ-კი?! ჰოდა, ვიყოთ ალტრუისტები და ტოლერანტები, ხოლო, როცა ყველა ასეთი სულისკვეთებით დაიმუხტება, ბორბლებისთვის ადგილი დარჩებასაერთოდ?! მაგრამ შეხედე, აქეთ შენი ეროვნული ძაფები გბოჭავს, გექაჩება უკან ზოგადი ფასეულობებისაკენ მსწრაფველს. რადგანაც ერი მოითხოვს საარსებო დროსა და სივრცეს, რომელთათვის მეზობელს დაუდგამს თვალი. რა უნდა მოიმოქმედო?! უნდა აისხა იარაღი, აისხამ და გაიწირობი კიდევ მამულისთვის, მაგრამ ჭეშმარიტებისთვის მაინც ნაომარი არ ხარ, იცოდე. ჭეშმარიტების საზღვრები იოლი დასახატი რომ იყოს, არ გვექნებოდა ამდენი სხვადასხვაობანი რელიგიაში, ფილოსოფიაში, ესთეტიკურ განზომილებებში, და რადგანაც თითოეული ერი, ლიტველია თუ ქართველი, როცა ჯერ საკუთარი ტყავის გასალამაზებლად იფიქრებს, მერე კი — სხვათა, ათასკეცად დაეშორებით, ბარდა, ჭეშმარიტების ნაპირს, დავსცილდით და ვერც მივუბრუნდებით ოდესმე. მაშ, სად უნდა ვეძიოთ იგი?! ან რატომ უკვირს კანტს მალლა ცაზე ვარსკვლავები და მის მეობაში მოცემული მორალი? ეს ყველაფერი ხომ არსებულისა და შექმნილის ერთობლიობაა, მაგრამ თავად ჭეშმარიტება რაა?! ვინ გაგვცემს ამაზე მართებულ პასუხს?! ვერაფერს გვშველიან თვით ცნობიერების ბუმბერაზი მკვლევარები: არისტოტელეები, პლატონები, ჰეგელები და მარქსები, რადგანაც საკუთარის შიგნიდან განივრცო და მოიხილო გარემომცველი სიდიდეები, რომელსაც ღმერთსაც კი ვუწოდებთ ხშირად, აბსურდულია, უფრო მეტიც, მიუღწეველი და აქედან გამომდინარე, ნებისმიერი ხარისხის გმირობა პიროვნების თუ სახელმწიფოს გადასარჩენად, ბალღური თვითკამაყოფილებაა, იმგვარი სწრაფვაა, როგორც ე, იმ ბუზის გაღწევის მცდელობა საამქროს კედლებიდან. მას მეტი შესაძლებლობა გააჩნია საამისო, ხომ დასაშვებია ჩამოტერეს მინა, ან რაღაც მისმაგვარი მოხდეს და გააღწიოს ამ რგოლს, მაგრამ მყისვე ახალი ბარიერი აღმოცენდება და ასე დაუსრულებლად, რამეთუ ჭეშმარიტებასთან მიახლოება ჩვენითაა ზღვარდებული, და რადგანაც ფარდობითია ნებისმიერი სიდიდე დროის თუ სივრცის თვალსაზრისით, პანტერას სიჩაუქით დაწყებული, ჩვენი ყბედობით დამთავრებული, მაინც უნდა გახარჯო შენი ძალების მაქსიმუმი ადამიანისთვის, განურჩევლად სქესისა და ეროვნებისა, რამეთუ იგი უეროვნო, უკლასო ფენომენია იგი ჭეშმარიტების თვალსაწიერით.

— მაშ, სად ჯანდაბაში უნდა წავიდნენ ეროვნებანი, უპიროვნო ადამიანს ემსხვერპლონ? — იკითხავს როკი და სმენად გადაქცეული, ზონის გასწვრივ აბოლებულ ჯიხურებს მიაჩერდება.

— სად?! — ვაიტკაუტე სახარატო დანას მაგიდაზე დადებს, — ძნელია ამაზე ცალსახა პასუხის გაცემა, რადგანაც საითკენაც გასწევს ყველგან ჩიხს წააწყდება, ყრუ რტოსავით უმომავლოა. ადამიანი კი სულ სხვა მცნებაა. რელიგია თავისას! მიითლის კაცისგან, ფილოსოფია — თავისას, სამშობლო, შენი წუხილის საგანი — თავისას, საკუთარი კეთილდღეობისთვის თუ იცხოვრე, მარტოკაცად მოგნათლავენ, ეგოისტად, რომელსაც ადრე თუ გვიან მაინც წაგერთმევა

ყველა უნარი და ღირსება. დარჩები ცარიელ-ტარიელი, გალოკილი თითოვით, ასე რომ, პიროვნულსთვის გადაგებას სხვათათვის წვა სჯობია. ქე მანც დავალებული იქნებიან შენგან, და ეს ჯილდოსთვის დამამწვიდებელ მალამოდ წარგყვება საუკუნოდ, სადაც აღან პოს თქმისა არ იყოს, სიბნელეა, სხვა არაფერი.

— აბა, ნათელი? — ჩაეძიება როკი.

— ნათელი არის დიხაბაც და ადამიანის წარმოშობაც უთუოდ დაკავშირებულია ამ სიდიდესთან, მაგრამ იმდენად არა, ბნელი არ მონაწილეობდეს მის გაჩენაში. ადამიანი ბნელიდან ნათელში გარდამავალი განზომილებეა, ალბათ, მატერიალურ ფასეულობებშია გამოხატული.

— ეს ყველაფერი ზოგადია, მე კონკრეტული პასუხი მჭირდება, ამ სულს მიმართულებას რომ მისცემს. წმინდა გიორგიმ იცოდა ვისთვის ეწამა, რისთვის: მის უკან იესო ქრისტე დგას სრული აღმატებულებით. მიზანი ცხადია — სამების ყაიდაზეა მოსარჯულებელი მთელი კაცობრიობა, და მიჰყვებიან კიდევ კაბადოკიელი მზეჭაბუკის რაინდულ ბუნებას ათასები, თუმცა რა ქნას სხვა ათასმა, რომელიც განზე იხედება, მორიგი წინასწარმეტყველის სხივმოსილებითაა გარემოცული?! გადავყაროთ ყველა ჯოჯოხეთში?! არადა, რაც მეტად უახლოვდები დასასრულს, დღითი დღე სევდა გთანგავს. მანცდამანც ღვინოსა და ბაშუმში უნდა ჩაიხრჩო თავი, რომ დაივიწყო ყოველივე?! სამყაროს აღსასრულის აპოკალიფსურობა, იერემიას გოდებანი, ადამიანისთვის შიშის ზღვა არის მხოლოდ. შეცურდები ამ ზვირთებში და მორჩენილია საქმე, ვერაფერი გამოგიხსნის მორევიდან. ამისთანა შემთხვევაში მე უფრო კონკრეტული ვარ, მარტივი ჭეშმარიტებანი ძაკა ბაბუამ ჩამინერგა ყმაწვილობიდანვე. გლეხური ფილოსოფიაა, მაგრამ წარმოიდგინეთ, შეურყვევლი. თავად განსაჯეთ, აგ ურებს აწრთობდა იგი და ყველაფერს მიწას უკავშირებდა, მიწით ხსნიდა, მიწით აზროვნებდა. ვერ ეგ უებოდა ადამიანის მიერ ადამიანის დაჩაგვრას. შვილებს და შვილიშვილებს ამას ჩაგვიწერავდა. რაც ასაკიში შედის პიროვნება თურმე, ნელ-ნელა უახლოვდება კაცის სამყაროსულ მოვალეობებს, ობლებისთვის ლუკმა-პურის მიწოდებაა ეს, ბოგანოსთვის ხელის გამართვა, ნაყოფით დაზნექილი ტოტისთვის ბიჭების მიშველიება, მომხდურის წინაშე თავაწეული გასვლა, თუ ჯიშ-ჯილაგის გაგრძელებისთვის გაშუღმებული ზრუნვა, მაგრამ ერთს ემხრობი და ათს იმდურებ.

— მოიცა, მოიცა, მერე ცოტაა კაცისთვის განა იმ ერთი მოყვასის მაღლიერებამ გაგაცილოს სამუდამო გზაზე?! — ბარდავეიტე ნიკაპს ეჭიდება მარჯვენათი და უკან გადაზნექილი გამომცდელად მიაჩერდებოდა ხან ერთ, ხან მეორე მოსაუბრეს — მდინარის ნაპირს რომ ამგრაბ ჯებირით შენი მხრიდან, ამით სხვისკენ უბიძგებ ტალღების თავნებობას, მაგრამ ეს ქმედება იმ მეორესაც ადრე თუ გვიან ხომ აიძულებს ადეკვატურ ღონისძიებას მიმართოს და საბოლოო ჯამში, მდინარის სწრავე-ბობოქრობა, ცხოვრების სიმბოლოდ რომ დავსახეთ ამ შემთხვევაში, მართვადი გახდება.

— მერე ატომური ომის საშიშროებამდე არ მიგვიყვანა ამ ჯებირების ორმხრივმა აშენებამ?! — თავაწეულად ამბობს როკი.

— მაშინ ვიწვინოთ გულხელდაკრეფილებმა მდინარის ტალღის დარტყმები?

— ტყუილუბრალოდ ვიჭაჭებით მსოფლიო წარღვნის შიშით, — ვაიკაუტემ დაზგა აამუშავა, — დედამიწას ჯერაც უამრავი რესურსი გააჩნია ჩვენი ცივილიზაციის სარჩენად ათასწლეულების მანძილზე, მაგრამ საუბედუროდ აღამიანი არ მიდის ამ გზით — ჯუნგლების კანონი, სატანური საწყისი ამჟონა ღვითურს და ჩაგვადო კიდევ მოუნელებელ გეჰენიაში.

— აღამიანს რას ერჩი, უტე, იმპერიებმა, იმპერიებმა, — ამბობს დამარცვლით ბარდავეიტე.

როკის აქ გაუწყდა ფიქრი,

წერილი უკვე გადაებეჭდა კვეკვე ანთარისა და თანახმა იყო ხვალ-ზეგ თბილისში ჩაეტანა, მაგრამ მომდევნო დღეს მის გაოცებას საზღვარი არ ჰქონდა, როცა ერთმა ახლობელმა ჟურნალისტმა დაწებილი კონვერტი მთართვა.

— დისამინჯიამ გამოგიგ ზავნაო, — დააყოლა თან. — ყველაფერი დაწვრილებით იცის თქვნი წერილის შესახებ. გთხოვთ წინდახედულება გამოიჩინოს და მისი დაბეჭდვისგან თავი შეიკავოსო.

— კარგი! — შეპირდა მწერალი და იმავე საღამოს ძეგლის ლიკვიდაციის მოთავეებთან ერთად მატარებლით უტია დედაქალაქს.

გადაიღეს ქსეროასლები. ერთი ეგ ზემპლარი მინისტრთა საბჭოს თავმჯდომარის მოადგილეს ჩააბარეს, დედანი მხატვართა კავშირში მდივანს რეგისტრაციაში გაატარებინეს. შემოინახეს თავიანთთვისაც. ბევრი იხარხარეს დისამინჯიას ხუთას მანეთზე, რომელიც ქესეტა მგზავრებს ფრიად წაადგათ სამღლიანი გასტროლების ჟამს.

კვირის თავზე ქალაქკომის პირველმა მდივანმა ტიტულიანი წერილი მიიღო მხატვართა კავშირიდან, რომელიც კომისიის დასკვნამდე, მენტორული ტონით მოითხოვდა მათი გვერდის ავლით შექმნილი საექვო რეპუტაციის ძეგლის განხორციელების შეჩერებას.

დისამინჯია გალიაში მომწყდელი ნადირივით აწრიალდა. ოთხასი ათასი მანეთი, რომლის ნახევარი უკვე ათვისებული ჰქონდა ბიბლიაშვილის დახმარებით, ხათაბალას უქმნიდა.

კომისიას ეშველებოდა, მოუქონავდა თავს, გიჟბოეთა ანთარისაც ხელად მოუგრესდე კისერს, მაგრამ მთავარი წინაღობა როკი ოდიშელია გახლდათ, რომელსაც გავლენიანი ნათესავიც უმაგრებდა ზურგს.

ცოტნეს ძეგლის შეჩერების ამბავი საარაკოდ დაჰქონდა მთელს ზუგდიდს. ოდიშელიც ცხოვრებაში პირველად ზეიმობდა საერთო სიხარულით. ერთობლივი გამარჯვება, რომელშიც როკის მცირედი წვლილიც ერია, ყმაწვლკაცურად უჩქროლებდა სისხლს. და რაც მთავარია, სამარცხვინო სკულპტურით არ შეიბღალეობოდა ქართული სული, ეროვნული თავმოყვარეობა.

ახალფხადგმული ჩვილის ნაბიჯებს ჰგავდა ყოველივე როკის ნარ-ეკლიანი

საწუთროს გზაზე. პიროვნულ ღირსებას დარაჯად რომ ედგა აქამდე და არაქათის გამოცეცლამდე უზბაგუნებდა მუშტებს მოწინააღმდეგეს, გამოჩნდა უფრო ნათელი ასპარეზი, რომლის ნაყოფიც ასჯერ და ათასგზის ეგემრეილა საკუთარი ხელებით გადარჩენილ სიცოცხლეზე.

მთელს ოდიშში შავი ფერის „ოცდაოთხი“ ერთადერთს, როკისდა, ჰყავდა კერძო მფლობელობაში. ელეგანტურად ჩაცმას კვლავაც ახერხებდა. დაოჯახებამ, შვილის შექნამ თუ ძვირფასი მეგობრების დაღუპვამ, მისი გაუთავებელი დროსტარებანი არსებითად შეზღუდა. ოდიშელიას სახელი დღითი დღე იზრდებოდა, დღითი დღე მეტი გაჭირვებული აკითხავდა საქმის გასარჩევად. ზოგს მანქანას ართმევდნენ, ზოგისთვის ფული აეწკაპნათ, მოკლედ, დაჩაგრულს რა გამოლევს ქვეყანაზე, მაგრამ როკი ერთხელ რომ განუღდა მედიატორობას, ბოლომდე მიჰყვა გულის კარნახს. მთხოვნელებს დელიკატურად ჩამოიშორებდა. შევე შვი ამისთანებსო, სხვასთან მისაწვლიდა, დააკვლიანებდა კარზემოდგარს. ისინი კი მაინც არ ცხრებოდნენ, ამბროზ ოდიშელიას იმეგზურებდნენ. ძაკა ბაბუას სულს აფიცებდნენ. იცოდნენ როკის უნგარობა და უკანასკნელ იმედს ხელიდან არ უშვებდნენ. ამისთანებთან არც ტკბილი სიტყვა ჭრიდა და აღარც — დაცვატხანება. კაცებმა ჭკუა იხმარეს და ცოლები შემოუსიეს. ისარგებლებდნენ მანდილოსნები ოდიშელიას არყოფნით. ბეტონის მაგიდას მიუსხდებოდნენ ეზოში, იყვნენ ასე დილიდან საღამომდე მშვიერ-მწყურვალნი. ქენიას თუ მარინას გამოტანილ კერძეულობას პირს არ დააკარებდნენ. როკი შუამავლობას რამდენადაც გაუბოდა, იმდენად უმრავლდებოდა დაზარალებული მის ეზო-კარს.

ოდიშელიას განთავისუფლებით დიხამინჯიას ძალა-უფლება რომ შეუმცირდა, ცოტნეს ძეგლის ჩაფუშვითაც დადასტურდა, მაგრამ იყო კიდევ უამრავი წვრილმანი, სადაც ქალაქკომის პირველ მდივანს როკი ყელში ეჩხრიბოდა. ოდიშელიათი გულმოცემულებმა ფაბრიკა-ქარხნების ღირეპტორებმა წილი შეუმცირეს როლანდს. ზოგმა საერთოდ მიუტოვა ფულის გადახდა. ამიტომაც დაიბარა ქალაქის აცვენილი ახალგაზრდობა თავკაცმა, რომლებიც როკისთან ძმურ დამოკიდებულებაში არ იყვნენ მაინცდამაინც. ოდიშელიას გული უგრძნობდა, დიხამინჯია რაიმეს უმზაკვრებდა, ყველაფერს იღონებდა მის ჩამოსაშორებლად, მაგრამ ისევ და ისევ შავი სამყაროს ხალხს თუ აუზხედრება, არ მოელოდა.

საათზე მეტხანს გაგრძელდა მდივანთან მათი თათბირი. ათასი კუთხით გამოიკვლიეს როკის სუსტი მხარეები. დაშინებით წარბსაც ვერ შეახრევინებდნენ, დაბრედვის შემთხვევაში კი ციხეში მოუწყვდათ შესვლა და იქ, უსამართლობის ჩამდენნი მიიღებდნენ თავისას; ამიტომაც გადაწყვიტეს ქურდული გაგებით მისწოლოდნენ.

დაუკავშირდნენ ახალგანთავისუფლებულ კატუკიას, რომელსაც როკის საქმეები ზერელედ წარმოუდგინეს; არც თავიანთი ქვენა ზრახვები და დიხამინჯიასთან კავშირები გაუმხელიათ.

განხეთქილების ვაშლი საქმეების გარჩევა იყო. გაუმძღვრობას აბრალებდნენ, რომ მათი ზეგავლენის სფეროში ოდიშელისა შეჭრამ ფაქტობრივად მშრალზე დასვა ოდიშის აცვენილი ბიჭები.

მდივანმა მოკავშირეებს, ბოლომდე მხარდაჭერა აღუთქვა. სარესტორანო ფულიც უფეშქაშა პარტნიორებს, ოღონდ მათი საუბრის თაობაზე არავის უნდა შეეტყო; მაგრამ ოდიშელისა ც ჰყავდნენ კეთილმოსურნენი და ბიჭბუჭების ღიხამინჯიასთან ვიზიტზე სათანადოდ რომ დააკვალიანეს, ჩვეულებისამებრ მოფრთხილდა.

გამოსავალი ყველგან არის, თვით უკიდურესი სასოწარკვეთილების ჟამსაც კი, როცა საშველი არსაიდან ჩანს. შათითეს და ჩიტა ბეზუხას უნუგეშო ამბავი მოაგონდა რატომღაც.

ყველაფერი ობშიაკის ფულის გადამოწმებას მოჰყვება. მამედ ფაშა დასხვები იუკადრისებენ ჩიტას და შათითეს კრიჭაში ჩადგომას. წააქეზებენ ბიჭებს და კბილების დაცვენამდე სცემენ. ისე რომ საავადმყოფოშიც ვერ შევლენ, რადგანაც გარედან აგულიანებენ იქაურებს:

ბითურები არიან და არ გაიკაროთო. რას იზამენ, ბოტკინებიანებში გადავლენ და იქ სიყვითლეს აიკიდებენ. მთელი თვე ეწამებიან. არ გავა ხუთი კვირა, რომ შათითეს ღედა მოინახულებს თავის ექვსთითა შვილს. დაზარალებულები მისცემენ ქურდების გვარებს და თხუთმეტოლედ დღეში ოცდაათამდე რამკიანი მოიყრის თავს. ჩიტა ხელით დაუწერს ძმაკაცებს რესპუბლიკური საავადმყოფოდან დაკეტილში:

სხოდკაზე მივდივარ დღეს, თავისუფლების ქურდები არიან ჩამოსულები, ოცდაშვიდი სული და თუ გამამართლეს, ალიურას დავიძახებო.

როკი და მისი სამმო გისოსებს მიაწყდება. სამი საათი გაგრძელდება სხოდკა, მერე ბეზუხა ისეთი ხმით დასჭექებს „ალიურას“, მთელი დაკეტილისა და რესპუბლიკური საავადმყოფოს ხალხი ერთხმად აჰყვება: „ალიურა, ალიურა!“

მოგვიანებით შეიტყობს ამ სიტყვის მნიშვნელობას ოდიშელია. ირემშებმულ მარხილს ასეთი შეძახილით დასძრავს თურმე ადგილიდან ჩუქჩა, ხანტი თუ ნენცი. მოკლედ, ქურდულ სამყაროში სამართალი უფრო ხშირად იმარჯვებს, ვიდრე მარცხდება. მთავარია, თავად იყო ცოცხალი, თორემ საქიოს გამგზავრებულისთვის თავს არავინ შეიწუხებს.

ითქვა, ეროვნული თვითშეგნება ნაკლებია ქურდულ სამყაროშიო, მაგრამ ამისთანა განცხადებას აქვს ობიექტური საფუძვლები.

ეროვნული გრძნობა ციხეშიც იმიტომაც არის გადაწეული მეორე პლანზე, ყველა პატიმარი საერთო გაჭირვების პირშია, როგორც უდაბნოს ოაზისის მუჭა წყალთან თავმოყრილდი მხეცები. თავისუფლების აღკვეთა და მასთან დაკავშირებული სიძნელებები არესტანტს აძულებს ინტერნაციონალისტად

გამოაცხადოს თავი; ეროვნულობის ნიშნით კი არ გაარჩიოს მართალ-
ცთომილი, არამედ — საკუთარი სიმართლის მიხედვით.

სიმღერას აჰყვოლოდნენ. ზონის რადიოში „მიმინოს“ ჩიტო-გვრიტო გა-
ისმა. მთელი ხალხი სიყვარულით მიაჩერდა, ამდროს მამედ ფაშამ ბაიათზე გა-
დართო. ეს ყველაფერი ჩიტა ბეზუხას და შათითეს ფაფაკამდე გვარიანი ხნით
ადრე მოხდა. სენაკელმა ბიჭმა ისევ „მიმინოზე“ გადათიშა, მიუხედავად იმისა,
მამედ ფაშასი სიკვდილივით ეშინოდა. იგი შუახანს გადაცილებული ავტორი-
ტეტიანი მუჟიკი გახლდათ, წარმოშობით ზაქათალდან, მარნეულის მკვიდრი.
ოთხი ცოლი ჰყავდა, მათ შორის ნაბოლარა ინგილოელი მზეთუნახავი.

შაჰ-აბასისა არ იყოს, მის წინაპარს ეტყობა ქართული სისხლი უჩქედდა
ძარღვებში. ნამდვილი გოლიათია, ხორბლისფერი, ხუჭუჭთმიანი. სანამ არ გა-
იცინებს თანამემამულეთაგან ვერ გაარჩევ, მაგრამ დააღებს პირს და მის წარ-
მომავლობას ხელად გასცემს ოქროთი შემოსილი ჯანსაღი ოცდათორმეტივე
კბილი. და აი, ბაიათების მოტრფიალევ არ დააყოვნებს, ისე სცემს, ისე მისაგა-
თებს როკის კუთხის შვილს, თბილი წყლით მოსაბრუნებელი შეიქმნება. ყველა
ტრასიდან მობრუნებულ ოდიშელის მიაჩერდება. მასზეა დამოკიდებული შერ-
ჩება თუ არა მამედ ფაშას ამდენი თავგასულობა. ნამდვილ პოლბოიასნის ზურგს
ჩეჩქევით ფული და სამჯერ მეტი ძალგულოვნება უმაგრებს. პირისპირ შებმა
ვერ იქნება როკისთვის მაინცდამაინც სახეირო, ამიტომაც ქურდებთან შე-
თანხმებით ორთაბრძოლაში გამოიწვევს.

საცხოვრებლიდან სამუშაო ზონაში გადავიდეთ, თუ ნაღდი შერკინებაა,
ბარემ სუფთა პაერზე იყოსო და აქ მამედ ფაშა ცოტათი ყლაპავს.

მიდიან. უკან მისდევთ ორასამდე პატიმარი. წინ კუტიკარია. ოდიშელია
დაასწრებს შესვლას. მამედ ფაშა სანახევროდ შემოეტევა თუ არა, მოწვევით
გაუქანავებს თავს და დევივით კაცი ეგრევე ჩაკეცება. იქვეა მომცრო აუზი, რო-
მელშიც სულ ცივი წყალი კამკამებს. ზაფხულობით აქ საზამთროებს ყრიან და
რომ არ შეეშალოთ, ინიცილებს ამოფხაჭნიან. ეს არის და როკი ერთ უშველე-
ბელ საზამთროს დაადგამს თვალს. ამოათრევს აუზიდან, გამოუმინებებს დარე-
ტიანებულს და დააფშენის სახეზე მეტოქეს. ამ შესლა-შემოხლის გამო ოდიშე-
ლია კინალამ თავს წააგებს, მაგრამ ისევ საქმის გარჩევა უშველის.

— აბიჟიკს საკუთარი მეთოდებით თუ გაუწვორდებიან, ქვეყანა არ დაიქ-
ცევაო, — დაასკვნან და მამედ ფაშა პირი ში ჩალაგამოვლებული დარჩება მამედ
არბუზის სახელით.

აქ კი საქმე სხვანაირად აეწყო.

ღიხამინჯიას ხალხი როკის სუსტ ნაპირებს ეძებდა, სადაც უფრო თამამად
გადაისვლებოდა. საბაბიც მალე გამოიჩინა. მისი კარის მეზობელი, ყველაფე-
რიში რომ ოდიშელის ბაძავდა და მზე და მთვარე მასზე ამოსდიოდა, აცვენილ
ღიხამინჯიელებს ბირჟაზე გამოეჭირათ; უკეთ, ლუღხანაში აუფად მოეხსენიები-

ნათ თურმე მის გასაგონად როკი. ჯიშკარიანის ვაჟს თავის გამოედო და ხუთმა თუ ექვსმა კაცმა დაუნდობლად სცემა. ძლივს მოასულეირეს საავადმყოფოში.

ოდიშელიამ ყველაფერი ხელად იწნოსა და დიდების მძიებლებს უცერემონიოდ შეუთვალა:

— ან სათითაოდ მუხლს მოუყრიან ტრამვატოლოგიურში, ან საერთოდ ზუგდიდიდან გადაიკარგონო. ვნახოთ დიხამინჯიას იმედით სანამდის ივლიანო!

დამჩოქებელნი ისინი არ იყვნენ, ვინაიდან ქალაქკომის მდივნის დავალებით მილიციის ფხიზელი თვალი მეურვეობდა თითოეულს. მაინც მოიხელთა. „ტეტეს“ ტარით დაუხეთქა წარბები რიგ-რიგობით. ესეც არ აკმარა, ქალაქის საზოგადოებრივი საპირფარეოსკენ გაირეკა ხუთივე, შელალა ტულეტში, სადაც მაწანწალა ძაღლები და მესოფლია ღორები ერიდებოდნენ შესვლამ. გვარიან ხანს აყურყუტა მუხლებამდე ლაფში.

საქმეც აგორდა. წამსვე კატუკიასთან გავარდნენ გამოსარჩლებისათვის, თანაც ათასნაირად წამლავენდნენ როკის წინააღმდეგ:

— ყველა განაწყნებული პანტერასთან დადის საქმის გასარჩევად. წარმოება-დაწესებულებათა დირექტორებთან რომ მივალთ, მაშინვე მის სახელს იშიშვლებენ, მისით გვაშინებენ და ახლა იმათ კაპიციანსაც ვერ გააგდებინებ ხელიდანო. კავშირიდან თუ საქართველოს სხვადასხვა კუთხიდან წონიანი ქურდები ჩამოსდის, ყველა მისი სტუმარია. თქვენ არავით გცნობთ, ჭიანჭველადაც არ გაგდებენ როკის წყალობით. ჩვენ გვქონდა მასთან ადრე ლაპარაკი, მაგრამ მასხრად აგვიგდო.

გვითხრა, თუ მომპარავეები ხართ, იბარეთ ბიძიკოებო, ხოლო შეწერვა, შანტაჟი, აფიორა, ეს ქურდის საქმე არ არისო და ირონიული სიცილით გაგვეცალა. აბა, ჩვენ რა დაგვრჩენია, მაიცდამაინც ჯიბეზე უნდა ვირბინოთ? რა გიპნოზი გაუკეთა ამ ხალხს ვერ გაგვივია. ჩამოსვლისთანავე მონუსხა დიდი და პატარა, ყველა მასთან დარბის, ყველა კულში დასდევს. განგებ გარჩევებზე უარი განაცხადა ფერდინანდის სიკვდილის შემდეგ, მაგრამ იქიდან მოყოლებული, ხალხი მთლად ფუტკარით დაესია. ვითომ მართალი კაცის სახელით სარგებლობს. გარჩევის ფულს უკადრისობს. მილიონიც იყოს, ხელს არ ახლებს, ვითომ თვალის ჩინივით უფრთხილდება სახელს, სინამდვილეში კი სახლს უშენებენ, მანქანებს ჩუქნიან, იმპორტული ავეჯითა და ფერადი ტელევიზორებით გაავსო ოჯახი. რაც მაგას დამკვრელებისთვის გადაუყრია „თუთარჩელაში“ ერთ ჯერობაზე, ჩვენ თვეობით ვერ ვმოულობთ. კი, მაგრამ საიდან?! ფულებს ჭრის?! კიოა?!

ამას წინათ ორმოც კაცამდე შევეგროვდით ბოტანიკურ ბაღში და ერთ გადამგდებს სამოც ათას მანეთს ვაწერდით. უკვებ ბაზერი მორჩენილი იყო, მაგრამ მოვიდა თავისი შავი „ოცდაოთხით“ და საქმის თავიდან მოსმენა ითხოვა. გვატქმევინა ორივე მხარეს და უცებ ამისთანა მოხია:

თქვენ შანტაჟიურობთ, არაფერი გერგებათო.

ჩვენ გავიხმეთ და იმ თანხის ნახევარი შევადლიეთ, თან ვეუბნებით: ეს ხომ გადამგდება-თქო. იმან კი არ დაიშალა თავისი.

ვიცნობ კარგად, ცუდი ბიჭი არ არის, ათ ქურდზე აქვს მანქანა გაკეთებული. მერედა ფულის ნახევარს რომ მპირდებით, ვინმეში ხომ არ გეწლებით, ახვრებო, იარაღისკენ წაიღო ხელი და თავს ზემოთ ძალა ხომ არ იყო?!

ორი თავის დამჭერი მე არა ვარო, ამოუჩემებია. რატომღაც იმ ორ თავში ჩვენი ყოველთვის ზედმეტია. ამბობენ, იმ გადამგდებლისაგან კაპიკი არ აუღია, მაგრამ ისიც ითქვა, „ცხრიანი“ ჩამოუყვანია მოგვიანებით, „ბელიე ნოჩის“ რომ ეძახიან. ფინალი ესაა ძმაო. რამდენადაც ვიცი, ვერც თქვენ უჯოკრავთ მაგის ავტორიტეტს ჯერჯერობით. რამეს თუ არ ვიღონებთ ერთობლივად, წამხდარია საქმე, ზუგდიდიდან გადასახლება მოგვიწევს.

ციხიდან ახალგამოსული კატუკია, როკიზე ბევრად უმცროსი იყო, მაგრამ როგორც შლანდორიკსა და კახბეკაზე ბრძანა ვასია ზატონიკმა, მომავალი უქყაოდა. საკუთარი ხელწერა პქონდა, წონაც — ადგილობრივებში, მიმწოლიც გახლდათ, წარმეუხრელიც, ოღონდ ეს არის, როკი შორიდან ესალმებოდა, როგორც რიგით ოდიშელს და არა — ქურდს, მოვლენათა წარმართველს.

მიუტანეს ამბავი კატუკიას: „ეგრისში“ ქეიფობს პანტერა თბილისელ სტუმრებთან, უკეთეს მომენტს ვერ შეურჩევო და საკმაოდ შეზარხოშებული ამფსონებით ფუნეკულიორიდან ენგურქალაღკომბინატისკენ დაეშვა.

რესტორანის ცენტრალურ დარბაზში პურმარილობდა როკი დედაქალაქის ნაღებ მუსიკალურ საზოგადოებასთან. ოცამდე ქალი და კაცი ლხინის ეშში შესულიყო ესენი რომ შემოვიდნენ და თანჯარასთან, მიდგმულ მაგიდას მეორე მიუმატეს.

ოდიშელის ტანმა უგრძნო ფათერაკი წინასწარ მოფიქრებული გეგმის მიხედვით იძაბებოდა.

შეზარხოშებული კატუკია დაურიდებლად მივიდა მეზობელ სუფრასთან, როკის თითი მიაშვირა და უსალმოდ იხმო:

— ერთ წუთს მჭირდება.

თანამეინახეებს ყურადღება არ მიუქცევიათ ამ ფრიადმნიშვნელოვანი დეტალისათვის, რადგანაც ოდიშელის ირგვლივ მათ ორი საათია ესმოდათ მითები მოროხროხე სპილოსაგან, თუმცა კი, თითით მოხმობა ქურდულ სამყაროში აკრძალულია საერთოდ; ქურდულ მასტებს ასეთი ექსტით საუბარს ვერ უბედავენ და როდესაც თავად მოიმოქმედებ აკრძალულს, ესე იგი ნიშნავს — ქერი ვარო.

როკი ხელად მიჰყვა ძალადსტუმრის ვიზიტს, რადგანაც ჩათრევას ჩაყოლა სჯობიაო, ესწავლა ძაკა ბაბუასგან.

— პანტერა, — დაიწყო საკმაოდ სპორტული აღნაგობის ოცდაათამდე წლის ქაბუკმა, — სწორედ შენის წყალობით დაიკარგა სამოცი ათასი მანეთი, სადაც ჩემი წილიც ეკრია. შენ გადაეფარე არიფს. ასე არ გამოვა.

— თქვენ უკვე შეწერვებზეც გადახვედით, კატუკია? თან კანონიერ ქურდადაც მოგაქვთ თავი. სად არის აქ ლოგიკა?

— პანტერა, მე ქურდი ვარ! შენ, როგორც მესმის, ავტორიტეტიანი პირველი მუჟიკი მთელს საქართველოში და მის ფარგლებს გარეთაც. ბევრი კარგი საქმე გაგიკეთებია თურმე ჩვენი ხალხისათვის, მაგრამ ზუგდიდში შენი სახელი მთლად ბრილიანტივით ბრწყინავს, ჩემი კი — არსად. სამართალია?!

კატუკიას თანამეინახენი გაჩუმებულნი უსმენდნენ, არ უნდოდათ უადგილო ჩარევით საქმე გაერთულებინათ. მით უფრო იცოდნენ როკის ხასიათისა და მდუმარებდნენ ამიტომაც.

— შენი აზრით რა უნდა გავაკეთო, კატუკია, რომ ამოტივტივდე? — ოდიშელის თვალები დაუვიწროვდა ცნობისწადილისაგან.

— უნდა დამითმო ზოგჯერ. მე ვაწერ?! შენ არ უნდა ჩაერიო. მე წილებში გავდივარ?! შენ — „ნივიჟუ“* გააკეთე.

— ქურდი ქურდული ილეთით და კანონებით უნდა იპარავდეს, კატუკია, არ უნდა აწერდეს ვინმეს, არც წილში მიდიოდეს, გაიგე? მართლ უნდა ქურდობდეს, ქურ-დობ-დეს!

— ახლა სხვა დროა, პანტერა, ქურდებში ბევრი რამე შეიცვალა. როგორც ჩანს, დროს ჩამორჩი, ძველო! გაიხედე რა ხდება თბილისში, ლენინგრადში, მოსკოვში!

— ქურდული დაუწერელი იდეაა, დაუწერელი კანონია, მაგრამ — უცვლელი. რასაც შენ ქადაგებ, ასეთ საქმეებს რეკეტები და განგსტერები აკეთებენ. ფულის შოვნა აბიჟინიკობითა და შეწერვებით თუ გნებავს, კეთილი, კატუკია, მაგრამ მაშინ ქურდის სახელითაც ნუ სარგებლობ. ქურდული კანონები მე არ მესწავლება, — როკიმ ელვისებური მზერა ჰკიდა მიტოვებულ სუფრას, თამალობა სპილოს ჩაგდო ხელში და მომხიბვლელი ბარიტონით სადღეგრძელოს ამბობდა ფეხზეწამოდგარი, მარჯვენას დათმობდა ოდიშელია, ოლონდ დედაქალაქელი სტუმრები არ ჰყოლოდა. ამწუთას, თუმცა შეხლა-შემოხლა მსგავსი სიტუაციისთვის გახლდათ გათვლილი, — მაგათში გამოვიზარდე და წოდებას რომ იძლეოდნენ ქურდული კანონების ცოდნაში, მარშალი ვიქნებოდი.

კატუკია წამოყირამიზდა. ის ექვსეულიც შეიმშუშნა.

— პანტერა, იცი, რა გითხრა?! შენ ჩემთან ბრძოლას წააგებ, რადგანაც მთელი ახლაგაზრდობა ქურდული გაგებისაა და მე მომსდევს.

როკის გაეცინა.

— ერთიც რომ დავრჩე, მაინც ვერაფერს დამაკლებთ. საქართველოს და კავშირის ქურდობა ჩემთან ჩამოდის, აქ, ზუგდიდში, ხოლო შენ არავინ გცნობს, როგორც ქურდს. კი, ბატონო, ჩინებული ყმაწვილკაცი ბრძანდებით, თანაქალაქელი ჩემი, მაგრამ მე ვერაფერი მაიძულებს პატივი გცე როგორც ქურდს, რადგანაც იგი არა ხარ! გაიგე, კატუკია?! ჩემი სიტყვები შენი საქციელითაც დასტურდება, მოხვედი სუფრასთან ჩემზე დაქოქილი და სრულიად სამეგრელოს სტუმრებს უსალმოდ ჩაუარე. არის დედამიწის ზურგზე ქურდი, რომელიც ასე ხეპრულად მოიქცეოდა?

კატუკია გაფითრდა, ამაგმაგდა, მკერდზე მიადო ორივე ხელი როკის, თითქოს შეყოვნებას უპირებსო, სინამდვილეში რაც ძალი და ღონე ჰქონდა უბიძგა. ოდიშელია შებარბაცდა, გადაიზნიქა, მაგრამ მაინც უწვდინა მუშტი უკუქცეულმა და კატუკიაც მოწყვეტით დაეცა იატაკზე. ექვსეული სწრაფად შემოეხვია თავის ლიდერს. ააყენეს და იქაურობას გაეცალნენ, ისე რომ ბუფეტისგან გამოსულ მომტანს მხარსზე მოთვალი შეშდა მისაყოლებლით სავსე ლანგარი.

მეორე დღით აივანზე ჰანტელებით მოვარჯიშე როკის ავტორიტეტიანი ხალხი მოადგა.

— ვალერიანოვიჩ, — მორიდებით უთხრეს ჭიშკართან გამოგებულ მასპინძელს სტუმრებმა, — კატუკია და მისი საძმო სხოდკაზე გიწვევს ზეგ ცაიში, პაპაშ დოხოორესთან*, დღის თორმეტ საათზე.

— ასე გადაეცით იმ ჩემისას, ქურდად არ გცნობს-თქო. ახლა ადგება და მიღებას მომთხოვს, მაგრამ ამისი იმედი ნუ ექნება. და რადგანაც მართლა გადაუწყვეტია ქურდების შეგროვება, ვიცო, მაგი რისი გამკეთებელიცაა, ორ დღეში კი არა, ოცდამდე ვერ მოახერხებს ამას. სხოდკას არქმევს და სხვა რაღაც განუზრახავს. უმჯობესია მე თვითონ ჩამოვიყვანო ქურდები პარასკევისთვის, იგივე დროზე, ოღონდ არა პაპაშ დოხოორესთან, არამედ — პაპანწყვილთან, ხობის რაიონში, მჭავანძის დაჩამ რომ იყო, ახლა პიონერთა ბანაკია. აქვე ვაფრთხილებ, სხოტკა არ გასკდეს! ნება მისი, დაე, იქ გაირკვეს ვისი სიტყვიდან გახდა სახელიანი. რახან ცილისმწამებლად გამომაცხადა, დაამტკიცოს თავის სიმართლე, ვინ აჩუქა ეს წოდება, ვისგან ეკურთხა.

ჯერ კიდევ ლევან დადიანის მამის, მანუჩარის, მთავრობის დროს, სადაც ახლა უმშვენეირესზე უმშვენეირესი, ათასიოდე კვადრატული მეტრის სარკის ტბა კამკამებს ფირუზის თვალივით, კლდე ყოფილა ამოშვერილი, კირ-ქვიანი, ბზისა და შქერის ხშირი ჯაგებით დაფარული, რომლის წვეროზე კოხტა ეკლესია მდგარა, წმინდა გიორგის სახელობისა.

ჩვენი საუბარიც ამ მიმართულებითაა.

შუადღეა. აღმართს ორნი მიუყვებიან, მღვდელი სიღო და მისი დიაკონი ცახუჯი. ამ უკანასკნელს ხურჯინი ჰკიდია მხარზე. მეწინავე უფროსია ასაკით, ჩამორჩენილი კი სრულიად ახალგაზრდა. ზომაზე მეტად გამხდრებს ეტყობა გვარიანი მანძილი გაუვლიათ, ვინაიდან ხშირ-ხშირად ისვენებენ ფერდობზე წაკლავნილი ბილიკით ამაღლებისას.

— საინტერესოა მოვიდნენ თუ არა? — კითხულობს დაწინაურებული და ისევ გააგრძელებს მომქანცველ სიარულს.

ეკლესია ხელისგაწვდენაზეა თითქოს, მანძილი კი არა და არ ილევა.

პაპა სიღო და ცახუჯი თავად ჭილაიას კარის ეკლესიის მსახურნი გახლავან. ჭილაძეების ეკლესიაში დიდი ხანია ზარების რეკვა შემწყდარა, ვინაიდან თურქებიც სწორედ წირვების ჟამს გამოჩნდებიან ხოლმე დაბარებულივით და

დიდ-პატარას სტამბოლში წასახამენ. ყურუმსაღები ვაჟებს დაითრევენ. ყურსაღები — ქალებს და საერთო ვაება-გოდებაში ჩამოაშორებენ უბადრუკ კერებს.

ახლა ჯილაქს ოქრო გამოლევია ქისაში და ათას ხრიკს მიმართავს საკმაო-ზე მეტად ალაგმული მადა ძველებურად იცხონოს.

შეიკრიბებიან მღვდელმსახური წმინდა გიორგის სახელობის ეკლესიაში სათათბიროდ. ერთად გადაწყვეტენ საბოლოოდ, როგორ აჯობებს მათთვის: კვლავაც უკაცრიელ მონასტრებში დარჩნენ თუ იღონონ სხვა რამ.

ისევ აღმართს მისდევე პაპა სიღო და მისი დიაკონი.

— პირველად მაინც შენ უნდა გაგკრიჭო, — ეუბნება პაპა სიღო ცახუჯიას, — მისაბაძი მაგალითი ხომ იცი, დიდი მნიშვნელობისაა.

მოსალაპარაკებლად მოსასვლელი მღვდლები კუთხით მეგრელები არიან — ოდიშარნი და ძველქართული სახარებისა თუ საეკლესიო წიგნებისა არაფერი უწყიან. უფრო სწორად. დაუზუთხებიან, მაგრამ შინაარსს კი ვერ მოგიყვებიან.

უშველებელი ცაცხვის ძირას, კანაცლილ ძელზე თერთმეტი ბერი დახვდებათ ახლმოსულებს, ახალგაზრდები, ჭარმაგნიც, ყირმიზი სახისანი, კოლხური აღნაგობითა და გამოხედვით.

მეისალმებიან, ხელს ჩამოართმევენ ერთმანეთს.

მზე აცხუნებს, მაგრამ ცაცხვის ჩრდილი საამურია. მორყულ მაგიდაზე ალაგია გახუნებული აბგები და ხურჯინები, ყოველივე, რაც შორეული მგზავრობისთვის სჭირდება კაცს. იტალიელი მისიონერის გემს უნდა გაჰყვნენ რომისკენ. იქწვეროსნებს ეკლესიაში არ უშვებენ თურმე. ამიტომაც უმჯობესია აქედანვე დაიჭირონ თადარიგი.

ღუღუნებს მაკრატელი. კოჭებთან ცვივა შავტუხა თუ ქერა, სრიალა თუ ხუჭუჭა წვერი. რომის პაპი აჯურთხებთ. იქ ლათინურს ისწავლიან, საფუძვლიანად დაეუფლებიან ღვთისმეტყველებას. ჩააცმევენ და დაახურავენ, აჭმევენ და ასმევენ. სამი წლის შემდეგ, ვინც უკან დაბრუნებას მოინდომებს, სამშობლოში გამოისტუმრებენ. ასეთია სიღო პაპას გეგმა.

თმასაც მოკლეზე დაუყენებს თითოეულს.

— ახლა ვილოცოთ შვილნო, ჩემნო, მამალმერთისთვის, ძე ღმერთისთვის და სულიწმინდის უკვდავსაყოფად.

პაპა სიღო კაბის კალთას გადაიბერტყავს. მაკრატელს აბგაში ჩააცურებს. კისრიდან მოიხსნის თანამაზე გამობმულ გასაღებს და ეკლესიის რკინის კარებისკენ მიერმართება. ღრჭილით გახსნის ბოჭლომს. ჭრიალ-ჭრილით გამოაღებენ ეკლესიის შესასვლელ კარებს.

პაპა სიღო ხენეშის. კარიბჭესთან დაყუდებულ ლოდზე წამოჯდება. საკურთხევლისკენ მიეშურებიან ღვთისმსახურნი.

ქონგურებიდან ძლივს აღწევს დღის ნათელი, რადგანაც გარშემო ტანმალალ ხეებს ერთიანად დაუჩრდილავს შუქის ისედაც შევიწროებული წყარო.

ახლების დაყოლიება არ ყოფილა საძნელო საქმე პაპა სიღოსათვის, ვინაიდან

დავრდომილ ოდიშში ისე უკუღმართად წარიმართა ცხოვრება თავაშვებული მანუხარის წყალობით, ხალხი მშიერი იხოცება. მათ შორის — სამღვდელთა წარმომადგენელიც, რადგანაც ამ უკანასკნელთ უნდობლობას გამოუცხადებს მრევლი და ეკლესიებს შესაწირავი არ შემოსდის, რომლითაც სულდგმულობდა ბევრ-მონაზვნობა აქამდე. ჰოდა, წმინდა გიორგის საკურთხეველთან ლოცვაში გართულ ახალგაზრდა თუ ხანდაზმულ ბერებს თანდათან გადაავიწყდათ პაპა სიდოს სახსენებელი.

ხენეშის პაპა სიდო, ოხრავს. ასე, ნელ-ნელა მომუწავს კარებს. ანჯამებში რკინის ძმივე ურდულს გაუყრის და ნახვრეტებში ბოქლომს დაადებს. გასაღებს ისევ ყელზე ჩამოიკიდებს უშველებელი ჯვრის გვერდით. კვლავ გახურებულ ლოდზე ჩამოჯდება.

გვარიანი ხანი ეკლესიიდან ჩამიწუმი არ ისმის. ახლა პაპა სიდო ხუმრობის ხასიათზე მოსულა. რკინის კარზე მუშტს ურახუნებს და აქეთკენ იწვევს გასაკათოლიკებლად გამზადებულ მართლმადიდებლებს.

— შვილნო, ჩემნო, გეყოფათ აწი ლოცვა-კურთხევა, მერეც მოასწრებთ, სამი წლის მანძილზე სხვა რა უნდა აკეთოთ?! აქეთ მოიხიჩეთ ჩემსკენ. კართან მოჯარდით. კარი კი მოვხურე, მაგრამ ეს იმიტომ, გამოგცადოთ წასვლის წინ. თქვენს შორის უცოდველი რომელიც იყოს, მოვიდეს და შეეხოს ამ წმიდა შესასვლელს. ვიმეორებ, უცოდველი რომელიც იყოს-მეთქი. წინააღმდეგ შემთხვევაში ღვთის რისხვა არ აცდებათ და უფალმა უწყის, გაშლილ ზღვაში რა ხიფათს შეგამთხვევთ მამაზეციარი? უნდა განიწმინდოთ, შვილნო, ჩემნო. წარმოიდგინეთ, თითქოს აღსარების ზღურბლთან დგახართ. თუ იცრუებთ, კარი სამუდამოდ ჩაიქოლება, მაგრამ გულებს თუ გადაუხსნით მაცხოვარს, თავისით განიხვნება იგი, როგორც მოწყალება, მიტეება თქვენი მიწიერი ცოდვებისათვის. აბა, აბა, რომელი გადმოდგამს პირველ ნაბიჯს?!

ზედ კართან ისმის ჩურჩული, მაგრამ შეხება ვერავის გაუბედავს.

— კარგი, შვილნო, ჩემნო, ვიდრემდის რომც გაჰყოლიხართ მისიონერს, იქნებ აღსარება უთხრათ პაპა სიდოს. რა, განწმენდაზე უარს ხომ არ აცხადებთ?! წარწყმედილნი ცოტაა იტალიაში, თქვენც რომ არ მიემატოთ?! მეც მომიკრავს ყური ზოგი რამ თქვენს ბიწიერებაზე, მაგრამ აღსარება შევბაა. ის გვიოლებს უფლისკენ მიმავალ გზას. ცახუჯი, შენგან მინდა დავიწყო. შენ მისაბაძი უნდა იყო ყველგან და ყველაფერში.

— პაპა სიდო, ამდენ ხალხში აღსარება გამართლებულია?

— რატომაც არა ცახუჯი, შვილო! თქვენ უფლის სხეულიდან საუბრობთ ახლა. თქვენ იქ თორმეტი კი არა, ერთი ხართ, მაცხოვრის სულითა და სხეულით შეკრულ-შეკავშირებული. მერედა, რა მნიშვნელობა აქვს. ხუთს ეცოდინება შენი ცოდვა, ათს თუ ერგასს, როცა ღმერთი კრებს მათ სათითაოდ, საკუთარ წილში იტეგს სრულიად?! ნუ აყოვნებ, ცახუჯი, შვილო, თქვი ბარემ შენი ძმის შვილის ამბავი.

— ცოდვილი ვარ პაპა სილო, მე, ცოდვილი, როგორც უფლის, ისე — ოჯახისა და გვარის წინაშე. ძმა ადრე დამელუპა. შეშით საესე ურემი დაუგორდა უბედურს და ასე საწყლად განუტევა სული. დამრჩა სარჩენად რძალი და სამი ძმის შვილი. ბიჭები ოთხი წლის წინათ თურქებმა მოიტაცეს. მამისეულ ქოხში ვცხოვრობდით რძალი, ძმის შვილი გოგონა და მე. ერთი ჭერქვეშ ვიყოფდით სიცივეს და შიმშილს. ერთი გვქონდა ტაბაკი, ლოგინიც... გოგონა თერთმეტი წლის ძლივს იქნებოდა და როგორც კი დაიძინებდა, რძალი მზრუნველობით დამიწყებდა ფერებას. კერიაზე ინავლებოდა ფიჩხი, ის კი ვნებიანად მეჩურჩულებოდა ყურში, თავისი ცხელი სხეულით მაწვებოდა და ვედარ გავუძელი ცდუნებას, ავეყვი მის ფეხის ხმას. ხალხის რისხვის მეშინოდა. ვეუბნებოდი კიდევ ამას, მაგრამ მამაშვიდებდა:

ვინ რა გაგვიგებს, როცა ღმერთი ჩვენთან არისო.

გადიოდა თვეები, წელი, ქალი კი უფრო და უფრო შმაგდებოდა. უკვე ჩემი აღერსი არ ჰყოფნიდა, ვერ ვუმკლავდებოდი მის გაუთავებელ მოთხოვნებს და ამ დროს ახალი საშინელება გამოიგონა მართლაც შეჩვენებულმა: გვარიანად წამოჩინებული ძმის შვილი დაქოქა ჩემს აღსაგზნებლად.

მოდო, ნანა, მოვეფეროთ, გავთბოთ ბიძიაო, იტყუაო.

ჩვენ ერთმანეთს ვიყავით ჩახუტებულნი, ის გოგონაც ხელებს შემომხვევდა, ზურგიდან და ვეყარნეთ ასე ტიტლიკანანი ლოგინში. ერთ სხეულად გადაქცეულნი. ტიტველი ზურგით ვგრძნობდი ძმის შვილის პაწაწინა ძუძუებს, მის ოხშივარს, რომელიც თავიდან მზარავდა, მშთანთავდა, მაგრამ ნელ-ნელა მივეჩიე, მივეჩიე კი არა მოთხოვნილებად მექცა და ასე გაგრძელდა მთელ წელიწადს. მომდევნო შემოდგომაზე, ქალი უფრო ვნებიანი შეიქმნა. ახლა დაურიდლად ამბობდა: ჩვენი მამაკაცო, ჩვენი ბიძიას მაგივრა. გოგონა უკვე ცამეტი წლისა იყო, მკერდი ქვასავით გახდომოდა, მკვრივი, წელი — კატასავით მოქნილი. რამდენადაც დაფეხვილი იყო დედამისი, იმდენად დრეკადი გახლდათ გოგონა. ვიდრე დედას ვეაღერებოდი, მთელი წელიწადი კვენსოდა, იკრუნჩხებოდა, მაგრამ უკვე მისი ჩია თითები ჩემი სხეულისკენ გამორბოდნენ, დედის მოთენთილ ხელებს გზადგზა იცილებდნენ სავნებო ადგილებიდან. როდესაც ნეტარებისგან მთვრალი რძალი ლოგინისპირისკენ მიტრიალდებოდა და მამაკაცურ ხვრინვას ამოუშვებდა, ახლა თავისკენ მიმართევდა ეს თავბრუდამხვევი მორევი, მიმართევდა და მძირავდა უკიდევანო სივრცეში. მე თვალს ვხუჭავდი, მინდოდა გავქცეოდი ამ ბინძურ ლოგინს, დამეცვა ჩემი სისხლის ღირსება, მოვალეობა, მაგრამ კატასავით სხარტ გოგონას ვერაფერი აოკებდა. სადაც კი ბრჭყალს ჩამავლებდა, ლურსმნებივით მსჭვალავდა. ძვლებამდე აღწევდა ის ჭანგები, თითქოს საკუთარი სისხლის ამორთმევას ლამობდა. დამაწვებოდა ზემოდან და სულის მოთქმის საშუალებას არ მაძლევდა. პირის დაღებას რომ დავაპირებდი, ხელს დამაფარებდა და თავისით აღასრულებდა საჩემო საქმეს. არ ცხრებოდა ერთი ჯერობით. კვლავ ახალი მორევისაკენ სწავდა ჩემი ჩათრევა, დაწყნარდებოდა როდის-როდის. ისიც ნაზ ფშვინვას ამოუშვებდა და მამაკაცურ ხვრინვასა და უფაქიზეს სუნთქვას შორის

გახეშილი, ვინ იცის, როდის ჩავთვლემდი. დამაპურებდნენ დილაუთენია. საგზალს კი არაფრისდიდებით გამატანდნენ, იმის შიშით, ვაითუ ღამე არ დაბრუნდესო, ის კი არა ცოტათი თუ შევაგვიანებდი, აქეთ მომაკითხავდნენ. მეგონა მთელი ქვეყანა ჩვენზე ხარხარებდა. საკირეთი ტრიალებდა ჩემს სულში, თანაც ვერაფრით განმედევნა ვემიკეული. გაშლიდნენ ღარბულ შეჭამადს, დამანაცრებდნენ და კვლავ ჩვენი ძელურისკენ გამოვვე შურებოდით. ხმის ამოღების მეშინოდა, უფრო სწორად, მერცხვინებოდა საკუთარი ხმისა, რათა ამით მთლად ჯოჯოხეთში არ მოვესროლე უფალს. ვნატრობდი რამე თავდასახსნელი საშუალება მოემზადებინა, გნებავთ თოკი ყოფლიყო იგი თუ კლდიდან გადაჩეხვა. კოშმარული ღამე ძველებურად მეორდებოდა. ამოუშვებდა ხვრინვას რძალი და ამიერიდან სიყვარულში გაწაფული ქალიშვილი ცეცხლს შემომიგზიზგიზებდა.

ნუ გეშინიაო, მიწურჩილებოდა, ასული, არაფერი მაცხია თქვენი. მთლად დედა ვარ, დედის გვარისა და ჯილაგის. ვიცი, შენ ნათესაობის შიში გაღონებს, მაგრამ დამიჯერე, სხვადასხვანი ვართ ჩვენო, მიმტკიცებდა და ასე მნაცრავდა ლამის თხუთმეტი თვე. მერმე შევნიშნე, ნელ-ნელა ერთსაც დაუმრგვალდა მუცელი და მეორესაც. ახლა კი შიშობდნენ, ეკლესიაში მოკითხვას ვერ ბედავდნენ, მაგრამ დახანებას მეც ვერიდებოდი და ერთ საღამოს, როცა საფიქრალით გართულმა ქალმა ზურგი გვაქცია, გოგონამ ხმაპარვით მითხრა:

მოკვლათო.

მეგონა ქვეყანა დაიქცეოდა, მიწაში ჩამიტანდა სატანა. დაეუჯერე მეც, ცოდვილმან და ისე, ქალს თვალი რომ არ დაუხამხამებია, წავახრჩვეთ წყულ ლოგინში. მიწატეპნილზე ეგდო რძალი. ეს პატარა მეძაევი კი კვლავ სასიყვარულო აღერსით მეხვეოდა. ერთხელაც აისრულა საწადელი ჩემგან და მაშინ გადავუწიე ლამაზი ყლი. ვკოცნიდი, თან ვუჭერდი, ვკოცნიდი და თან ვახრჩობდი. ო, როგორ იბრძოდა, როგორ მიძალიანდებოდა, მაგრამ ბოლოს და ბოლოს დავიურვე. ვეფერებოდი საკუთარ სხეულს, საკუთარ სულს, აქვე მწარე ცრემლი მახრჩობდა. ჯერ კიდევ ნელთბილს დავაყარე საზამთროდ მოზიდული ფიჩხი, გავაღვივე კერია და იქაურობა ცეცხლს მივეცი. ფეხი არ მომიცვლია, სანამ ბოლო მუგუზალიც არ ჩაიწვა. დიდხანს გიზგიზებდა ჩვენი უკაცრიელი არემ-არე, მაგრამ ვინ უნდა მოგვევლებოდა ცეცხლის ჩასაქრობად დაცარიელებულ სოფელში?! ძვლებიც კი დაიფერფლნენ. სახსენებელი არ დარჩენილა თითქოს მათგან, მაგრამ ამ სულში ჩარჩენილ გარდახდილ ვერაფერი მოგუხერხე და ამიტომაც გავრბივარ უცხოეთში, პაპა სიღო. იქნებ იქაურობამ მიშველოს რამე, იქნებ ოღნავ მაინც შემიმსუსუტუნოს თვითგვემა-მეთქი, — ცახუჯი გაჩუმდა კარს მიღმა.

— ხომ მოგეშვა გულზე, შვილო, ჩემო?! ამხელა მიძიმე ქვას მიატარებდი რომისკენ? რას ერჩოდი ხომალდს? შენ, შენ რას მეტყვი, ათანასე? საინტერესოა, რისთვის გამოგაჯავრებენ ბავშვები დღემოსწრება:

ათანასე, ათანასე, ცხვირი გიგავს ზაფრანაზეო?! ალბათ, მთლად უსაფუძვლოდ არ აიწურები ხოლმე მათი ანგლობისას, განსაკუთრებით ქალები რომ ატყარცალდებიან ერთიანად და ამას ზედ მამაკაცების ქირქილიც დაერთვის ხოლმე.

— მე რავთქვა, პაპა სიღო?

— შენი სულისთვის ვზრუნავ, უბედურო, თორემ მე მიწის გულში რა დევს ზეპირადვიცი.

— ჯილაიას კარზე ვმსახურობდი მწდედ. დედა-მამა არ მახსოვს. შვილივით მზრდიდნენ, მზრუნველობას არ მაკლებდნენ. მოხუცმა ნაიამ მოთხრა ერთხელ: თურქებს მიჰყიდა შენი მშობლებიო. გავუმხილე მთავარს და მომდევნო დღეს ის ამაყი მანდილოსანი სადღაც გაქრა. ამითვალწუნეს შინაფებმა. ჩემს გამოჩენაზე საუბარს წყვეტდნენ. დიდვაჭრები როცა ჰყავდა სტუმრად, სულ მე მიხმობდა გოროზი ჯილაძე:

ნასე, ჩქარა ღვინო, მეძახდა. ნასე, ჩქარა ხორციო. წალმა-უკულმა მატ-რიალეზდა. დედ-მამის ამბის გამოძიების შემდეგ იმანაც ამრეზით დამიწყო ყურება. ერთხელ ირანელები ესტუმრნენ ჯორ-აქლემებით. მცველები ქარავანთან დანთებულ კოცონს შემოუსხდნენ. ხოლო ის ოთხი დიდებული სასტუმროში აიპატივეს. რაღაცას ელაპარაკებოდა წვეროსნებს მათებურად. ღიმილით გამოართვა თითოეულს ბეჭედი. აბრეშუმის ქსოვილები და ხალიჩები მოატანინეს მსახურებს. სანაცვლოდ ფოხალით ღვინო უფეშქაშა, შებრაწულ-მოხარულ დედლებს და ცხელ-ცხელ ხაჭაპურებს დავარბენინებ. ჭილოფზე სხედან ფეხმორთხმით. წელში გამოყვანილი ჭიქებით ოჯალეშს შეეჭკვიან, თან ნარდს აჭახუნებენ. მეც გამასინჯეს ღვინო. გავმხიარულდი, თავზე მეფერებიან, ლოყაზე ხელებს მიცაცუნებენ. მამობრივმა მზრუნველობამ ღამის გული ამიჩუყოს. თუქსუსს მეძახიან. მე ვიღიმი.

ათანასე მქვია-მეთქი. ენას ვუკიდებ.

არა, არა, შენ ნაღდი თუქსუსი ხარო, მისწორებენ.

ამასობაში ჩამობნელდა. ჭრაქები ავანთე. ნარდის თამაშს შეეშენენ. ტახტებზე წამოგორდნენ.

თუქსუს ღვინო დამისხითო, მიხმობენ რიგ-რიგობით. ბრძანებას ვემორჩილება, ვუვსებ ჭიქებს სათითაოდ. ერთ-ერთი მაჯაში მტაცებს ხელს და გაქონილი ტუჩებით მლოშნის. შიშისგან გული გადამიქანდება. წვერში ვებრდღვნიები, ავალმუვლებ ნადირივით. გარეთ გავვარდები. აცრემლებული მივეშურები თავადისკენ, რომელსაც მოჩითული გოგონები დაუსვამს მუხლებზე და ატკარცალებს ილიაში შეღიტივებით.

შენ აქ რა გინდაო, მიბღვერს შეზარხოშებული ჯილაძე. ჩქარა მიდი სტუმრებთან, პატიოსან ხალხთან თავი არ მომჭრაო, მიყვირის.

გაიგონე რასაც გეუბნებიანო, კაპასობს ერთი ასული.

გამოჩნდა წმინდანი, არაფერი დაგიშავდებო, ანხლობს მეორე.

ქვითინით მივეშურები სამზადებისკენ. ჩემი კბილა ჩამოლტეტილი სამი ბიჭი შემომეჩხება. აოხ შივრებული ფელამუში მიაქვთ სტუმრებისთვის გობებით. მეკითხებიან, მართლა იძლევიან შაქარ-ყინულსო.

თანხმობის ნიშნად თავს ვუქნევ. მწკრივად მიიბიჯებენ კიბეებისკენ ოქროსთმიანები.

შეჩერდით-მეთქი, მინდა დავიყვირო, მაგრამ ყელში სიტყვა გამჩხერვია.

ძალეები ყშიან. ფრუტუნებენ ცხენები. კაკლის ძირას ისმის გოგონების კრუსუნი, კვნესა. ეს წუთია და ყმაწვილების განწირული ხმა გადაბასრავს კუნაპეტ ლამეს. თავპირისმტკრევით მივექანები უღრანებისკენ, მინდა სადმე ხრამში ჩავიჩხვო. თვითონვე გამოვუსვი სისხლ-ხორცს ყელში დანა, ვერ მოვარიდე განსაცდელს.

ათანასეც მათთან ერთად კოტრიალობდაო, უთქვანს ჭილაძეს, ამიტომაც დამიმგვანეს ცხვირი ზაფრანას. დაცინვას გაუძლებს კაცი, მაგრამ საკუთარზე უფრო სხვისი მოფიქრებული გაუბედურება ყოფილა.

— ესაა სოლომი და გომორი, მიწასთან რომ გაასწორა წამში ზეციერმა. კიდევ რომელი ხარ მანდ, ხმა რომ დაგიდუმებია და ვერც ნაბიჯი გადმოგიდგამს კარისკენ? რატომ არაფერს იტყვი, მათე, შვილო?!

— ამ საშინელების შემდეგ?!

— შენი ცოდვები ნაკლებია ვითომ? გაიხსენე, რამდენჯერ ასულხარ სამრეკლოზე ხალხის მოსახმობად, როცა მონასტერში თურქი ყურსალები იმალებოდნენ. გულზე ხელი დაიდევო და ყველაფერი ამოიბერტყე სულიდან, შვილო, ჩემო! შენი და ბაიაც მაშინ არ გაიტაცეს ურჯულოებმა? თუმცა რა, ტყუილად ვეძახით იმათ ურჯულოებს, ზნედაცემულობა ჩვენ რომ გვჭირს, იმაზე მეტი იქნება?!

— ათჯერ მაინც, პაპა სიღო.

— მოგეცა ლხენა, მთელი ოდიში ამას გაურეკავს თურქეთში და რანაირად წამოადგამდა კარისკენ ფეხს?! შენ როდის ამოიღებ ხმას თეოფილე, ბიჭობაში ტუტუ?!

— მეც ამთგანი ვარ, პაპა სიღო, გამწყდომია შუბლის ძარღვი.

— ახალი ამბავი! შუბლის ძარღვი ასი ჰქონოდა, აღარცერთი შერჩებოდა თავად ჭილაიას, მაგრამ მაინც დაეთრევა ღუნიაზე.

— ჭილაია თავადია, პაპა სიღო, მას ეპატიება, მე კი გლეხი ვარ. გლეხი და ისიც — უშუბლისძარღვი?! ამისთანისთვის სიკვდილიც ვერ იცლის. სამი წელიწადია მაჰმადიანი გავმხდარვარ და ასე კარდაკარ, ჯაშუშურად დავდივარ მართლმადიდებლურ ეკლესიაში. აქეთ ალაჰს ვუკმევ გუნდრუქს და იქით ქრისტე ღმერთის მოძღვრებებს ვაზიარებ ხალხს. უფრო მეტი მკრეხელობა იქნება, პაპა სიღო?

— ალბათ, იქნება, შვილო, ჩემო, თეოფილე, ბიჭობაში ტუტუ, თუმცა მოიცა, მოიცა, მგონი მოდიან. არ გამოცვივდეთ ახლა ერთბაშად. ცოდვათა მონაწიეებს მოასწრებთ რომის პაპთან.

პაპა სიღო ლოდიდან წამოდგა, ქათმის გაძვალული ბარკალი გალაენისკენ მოისროლა, ქოცოდან წითელი ღვინო მოყლუპა, ისევ დაუცო თავი სიმინდის დაგორგლილი ფუჩიჩით.

— ეჰ, რაც დამწყვედულხარ შვილნო, ჩემნო, ერთად, აგერ არ გყვართ, გარეთ? — ჩაილაპარაკა ყრუდ პაპა სიღომ და ჭურჭელი აბგაში ჩააბრუნა.

ამომადლებულებს წინ თავადი ჭილაძე მოუძლოდათ. უკან მოსდევდა ოც-

ზე მეტი კბილებამდე შეიარაღებული თურქი. ყულევიდან წამოსულიყვნენ. ხო-
ფასთან დახვედროდა ჯილაძე.

ახოვანი იყო, სახელაჟღაჟა, აწკეპილი უღვაშებით. წვერი სუფთად მოე-
პარსა. დატალღული ჭადარა თმა ვერცხლის ვარაყივით მოსავდა მის ბრწყინ-
ვალეხას. ფული წინასწარ გამოერთმია ყურსალებსთვის, ცამეტი კაცისა.
უკაცრიელი ბილიკებით ევლოთ:

არიქა, სადმე მანუჩარის ხალხს არ გადავეყაროთო, თუმცა რა, ტრიალ
მინდვრებსაც რომ მოდებოდნენ, ვინ იყო შემაფერხებელი?! ხალხი ბარიდან დი-
დი ხანია მთებისკენ აიყარა, ხოლო ნადირი საკმაოზე ფრთხილია თავისი უბო-
როტო ბუნების წყალობით. ის გახიზნული სოფლელები მხოლოდ ზამთრო-
ბით თუ ჩამოივაკებდნენ. მეგრელი კაცის სახლი ორი ურმეული ძელისგან შეს-
დგებოდა, რომელსაც დააწყოზდნენ ერთმანეთზე სასურველ ალაგას, გადახუ-
რავდნენ ისლის სქელი საფარველით და აიმართებოდა საკუთარი თვისტომის-
გან განწირულის კერიის კვამლი მოაჭეთათვის გადახვეწილი ცისკენ.

— პაპა სიღო, როგორ არის საქმე? — თქვა ჯილაძემ, როცა მღვდელმა ცხე-
ნის სადავე დაუჭირა.

— ჩინებულად, — ცერი ზეაღმართა დამხდურმა, — ავერ გასალები, თორ-
მეტივე ეკლესიაშია გამომწყვდეული.

— რატომ თორმეტი და არა ცამეტი? — წარბები აზიდა თავადმა ჯილაძემ.

— ასე არ შევთანხმდით?

— შევთანხმდით, შევთანხმდით! ახლა ადამიანი ამათთან გაიაფებულა, გან-
საკუთრებით კაცები. ცამეტში იმდენს მიხდიან, რამდენიც თორმეტში უნდა
ამედო წესით, — ჯილაძემ თვალთ ანიშნა ყურსაღს და პაპა სიღოც ხელად
გაქაჩეს.

— დიდი, თავადო...

— ხმა, კრინტი! თავი არ მომჭრა ამ წესიერ ხალხში, თორემ მართლაც
წაგაცლი მაგ გოგრას, უბედურო! ხომ გეუბნები ცამეტში იმდენს მინაღდე-
ბენ, რამდენს ადრე — თორმეტში მაძლევენენ-მეთქი?! ანგარიში — ანგარიშია.
თანაც ამიერიდან არაფერში მჭირდები, რადგანაც დავამთავრე ყურსალებთან
ურთიერთობა. თორმეტი სოფელი გამოვიარეთ და ერთი სულიერი არ შეგვხ-
ვედრია. მორჩა, პაპა სიღო, დღეიდან არც შენი ხელობა გამოგადგება რამეში.
შიმშილით სიკვდილი გელის. შენთვის ვზრუნავ, უბედურო! იქ კი ორიოდ
წელს კიდევ გახეხავ რამენაირად. პურსა და წყალს ხომ მაინც მოგცემენ, ეგეც
როდია ცოტა?! თავის მოკვეთას ყველაფერი სჯობს. ესეც რომ არა, შენისთანა
ტროყა მღვდელი მჭირდება სწორედ სახელის გამბახებლად ჩემი აბარგების
შემდეგ! ქრისტეს თორმეტი მოციქული ჰყავდა. მართალია, შენ ისე ხარ იესო,
როგორც ეგენი — მაცხოვრის მოწაფენი, მაგრამ ხომ გაგიგონია: ფერი ფერს,
მადლი ღმერთო. აწი ჩემი გადაკარგვა სჯობია ოდიშიდან. მანჩა დადიას მამუ-
ლები მიყვიდე. სანამ ლევან ბატონიშვილი წამოყვინჩილდება და აქაურობას
რძეში ამოავლებდეს, მანამდე გვერდები ნუ გვეტყინება, პაპა სიღო, — თავადმა

ჯილაძემ მოსირმული ჩოხის კალთები დაიფერთხა, მერე ყურსალს ეკლესიის გასაღები გადაუგდო, თან მათებურად მიაყოლა:

თითო-თითოდ გამოლაღეთ, ისე რომ ხელების გაკოჭვა არ დაგავიწყდეთო.

გამოჰყავდათ ოდნავგამოღებული კარიდან გაკრეჭილი ღვთისმსახურნი. სიბნელიდან მზეზე გამოღწეულები მაჯებს აიფარებდნენ თვალებზე, რომელთაც წამსვე გამოაცილდნენ და ზურგს უკან შეუკრავდნენ.

თურქები ჩქარობდნენ, რადგანაც ამინდი სწრაფად შეიცვალა. ზღვიდან ამოყრილი ღრუბლები ტაძრის გუმბათს და ტანაყრილ ცაცხვის კენწეროს შეხებოდა ლამის. სწრაფად მოვარდა კოკისპირული წვიმაც, ერთბაშად მოერღვა ცას პირი, თითქოს რაც წყალი შეუსრუტავს დილიდან, იჩქითად აქ უნდა გამოანთხიოსო. იძალა მერეხმა და გვრგვინვამ. სქექა გამაყრუებლად და ცაცხვის კენწეროზე ავარდა ალი. შეშინდნენ თავადიცა, თურქებიცა და ზურგსუკან მკლავგაკოჭილი ცამეტვე მღვლმსახურიც.

ცხენები ყოველ დამჭეკარებაზე თვალებს საზარლად აბრიალებდნენ, ყალყზე დგებოდნენ.

მოსკდა ნიაღვარი. ახლა კი იკადრეს ქრისტიანებმა ღმერთის სახელის ხსენება და თავად მუჰამედის რჯულის ხალხმაც ალაპის შეწუხება. ილოცებოდნენ თავთავიანთთვის. ესენი — პირჯვრისწერით, იქეთურები — ქვის იატაკზე თავდამხოვით, მაგრამ აჰა, დაიბზარა აღმოსავლეთის მხრიდან კედელი და ქონგურისხელა ღრიტოდან მოქურუხებულმა ცამ შემოანათა. მერე ყველამ შეიგრძნო ზღვაზე ნავით ტორტმანისმაგვარი რწევა და სასოწარკვეთით შეხედეს ერთმანეთს ქრისტიანებმაც და მუსულმანებმაც.

ათანასემ უბე ში ჩაიყოხელი და მაჯაზე დახვეული ჩხრიალა ცხვირწინ აულისინა თავად ჯილაძეს, წაუჭირა მერმა და მარჯვენა ნესტოზე აკბენინა უნასს თვალებგადმოკარკლული არაკაცისათვის.

ცა გამაყრუებლად გრუხუნებდა. კედლებიდან ზათქით ცვიოდნენ ლოდები და თითქოს ფეხქვეშ მიწა მოერღვათო, ჰაერს გამოეკიდნენ ეკლესიასთან ერთად. დიახ, ნამდვილად მიფრინავდნენ, ოღონდ — ქვეშეთისკენ, სადაც მიწას უმველებელი პირი დაეფჩინა; დიახ, მისწრაფვოდა იმ სიშავეში ქათქათა ეკლესია თავის გაკრეჭილ მრევლიანად, ქვის იატაკზე დამხოვილ ყურსალებიანად, საკურთხეველთან გაშლართულ ჯილაძიანად, რომელიც უხსენებელივით იკლაკნებოდა მოგლეჩილი გუმბათიდან შემოდწეული ნათლის სვეტის ფონზე, მისრიალებდა მღვდლის ხარხარში:

ათანასე, ათანასე, ცხვირი გიგავს ზაფრანაზე, და თან იმ მორევისმაგვარ ძაბრში მაყრიონივით მოჰყვებოდა კონდარიანი ეზო, ყლყზე შემდგარი ცხენები, ნამეხარი ცაცხვი, მორყული მაგიდა თუ აბგა ბარკალნაკლული ქათმით.

მიწის ზემორე უმველებელი ღრმული დარჩენილა, რომელიც ერგასი წელიწადი სიკვდილივით მღვრიე წყლით ყოფილა სასვე ზამთარ-ზაფხულ. მხოლოდ ღროთავითარებაში დაწვეუბულა იგი და ასე, პეშვისხელა კამკამა ტბად დამდგარა,

ერთი შეხედვით ცქნაფად, მაგრამ ჯერ სულიერს მისი ფსკერისთვის ფეხი რომ ვერ მიუწვდენია.

აქ ვასილ პავლოვიჩის აგარაკი აუშენებია თავისი ზეობის ჟამს, თუმცა მალევე ჩამოართვეს და პიონერთა ბანაკად გადააკეთეს.

სხოდკის ადგილად პაპანწყვილი იმისთვისაც დაასახელა როკიმ, რომ ძაკა ბაბუას ნასწავლისა არ იყოს, თეთრ ქვებს ქვიშაში კი არა, თეთრ ქვებშივე მალავენ. მარტივად რომ ვთქვათ, პაპანწყვილის ხალხმრავლობისთვის სრულიად შეუძნეველი იქნებოდა აურაცხელი მანქანის გამოჩენა, ვინაიდან ზაფხულობით აქაურობას უამრავი დამსვენებელი ეტანებოდა.

პაპანწყვილის ჩრიდლოებით საკმაოდ ვრცელი ბიზინა მინდორია, ტბისკენ ოდნავდაქანებული. იქიდან მართლაც უსათნოესად მოსჩანს მთელი არემიდამო, თითქოს ხელისგულზე ფირუზის თვალი გიკამკამებდეს განუმეორებელი ხიბლით. და აი, ამ ზეტაფობზე დღის თორმეტი საათისთვის უცხოური თუ საბჭოური მარკის ასამდე მანქანამ მოიყარა თავი. გულშემატკივრები მოშორებით განლაგდნენ, ხოლო სხოდკის უშუალო მონაწილეებმა ავტომობილებით წრე შეკრეა მინდვრის ცენტრში.

ქურდების მთელი კოპორტა აქმოგროვილა, თბილისიდან, ქუთაისიდან, სამტრედიიდან, ბათუმიდან თუ სოხუმიდან. მობრძანებულან დაძახებზე აბესალომ მანჯგალაძე, აზო გოგიტიშვილი, წოწი სანაძე, ვაჟა ბარკალაია, მოლა, კაკო კახია, ნოდარ გრიგოლაია, გოგი ყურაშვილი, კუკური მუმლაძე, სხვანი და სხვანი. კატუკიას მხრიდანაც მოსულან თანამზრახველნი, მაგრამ პროპორცია ასეთია: ნემსი — ზინში.

საუბარი უხუცესმა აბესალომმა წამოიწყო:

— ძმებო, აქ დამსწრეთაგან ყველა ქურდია. არიფი თუ გვირეგია დღეს საბოლოო სიტყვა არ უნდა ითქვას, — ბაბუად წოდებული მანჯგალაძე ხელ-ჯოხს ეყრდნობა. მართალია, აქერთადერთი სკამი კი არის ბამბუკისა, უზურგო, დასაკეცი, მაგრამ აბესალომი მისით არ სარგებლობს, კვლავ პროტეზიან ფეხზე დგომას ამჯობინებს და ამით ხაზს უსვამს ქურდებისადმი პატივისცემას, — უბრალოდ ვალაპარაკოთ ორივე მოწინააღმდეგე მხარე, რომ სიტუაციაში გავერკვეთ. მერე დავთქვათ დღე და იქ გადაწყდეს ისე, როგორც ქურდები ჩათვლიან საჭიროდ.

აქამუხი ვაჟა ბარკალაია ჩაერია ლაპარაკში:

— სხოდკაზე ბევრი კარგი ბიჭია მოსული, ჩვენი საერთო მეგობრები, კარგი ვაჟაკები, მაგრამ წესი — წესია: სხოდკაზე მართო ქურდები ესწრებიან, თუმცა დღეს ეს ხალხი საჭიროა, რადგან კონფლიქტი მათ თვალწინ მოხდა. ამთაგან უნდა გავიგოთ სიმართლე. ეს ის ხალხია, ყველა რომ ვიცნობთ და ეჭვიც არ გვეპარება, ძმა რომ ძმაა, მიუკერძოებლად იტყვიან მათზე სიმართლეს. ქურდებო, შეიძლება ჩვენი ოჯახის ზოგიერთი წევრი არ იცნობდეს ამ ხალხს. ესენი ზუგდიდის კოლორიტები გახლავან: ჯუმბერ ქვარაია, რეზო ჟვანია, გელოდი ჩიქოვანი, გერო შეროზია და სხვები.

— ვიცნობთ რომელია — თქვა წოწისანაძემ, — ყველა ჩვენგანს გაგვიტეხია ლუკმაპური ამ ხალხთან, ჩვენი საერთო მეგობრებია, მაგრამ აქ მთავარი სულ სხვაა. პანტერას მოწინააღმდეგეებს ჩვენგან არავინ იცნობს. ისინი თუ ქურდები არ არიან, მაშინ შეიძლება ამათი დასწრებით საბოლოო სიტყვა ითქვას. თუ ქურდებია, დღეს სიმართლე გავიგოთ და სხოდკა გადავდოთ. თქვენც ხედავთ, ასი მანქანა ხალხი დგას ორმოცდაათ მეტრში, ჩვენგან მოშორებით. სიტყვები არ ესმით, მაგრამ მოქმედებას ხომ ხედავენ? ასე რომ, დღეს ბოლო სიტყვა არ ითქმის.

აბესალომ მანჯგალაძე იმ ხუთეულიდან წინწამდგარ ათლეტურ დუჩეს მიუბრუნდა:

— შენ ვინ გიცნობს, რომელ ქურდებთან გქონდა აბშენიე? * ვინ აგკიდა ეს ტვირთი. ან ეს ოთხი ახალგაზრდა ვინ არის, ესენიც ქურდებია?

— კი, ძმაო, ესენი ჩვენი ოჯახის წევრებია ყველა, — მიუგო რიხიანად დუჩემ, — რაც შეეხება ჩემს პიროვნებას, მე ქურდი ვარ. ჩიტასთან დავბროდი ბავშვობიდან. პიტერსკი ახლა სროკზეა, საქმის კურსშია. ეს ახალგაზრდები ჩემთან დარბიან, მომპარავე ხალხია. ჩვენ, ქურდებს, მაგათ მიმართ პრეტენზია არ გავგაჩნია. ჩვენს თვალში ეგენი ქურდებია.

— ჩვენო, რომ ამბობ, ვინ გაყავს მხედველობაში, — დაასწორო ყველას ფიცხი ხასიათის მოლამ, წითურმა ქუთაისელმა, — შენ და ჩიტა?!

— დიას! დაუდასტურა დუჩემ თავაწეულად.

— ხომ გეუბნებოდით, ინტერნატის ვიპუსკი * იქნებიან-მეთქი, — ბრძანა ირონიული ღიმილით აბესალომმა და საერთო დამაბულობას გულთანა სიცილმა გადაურბინა.

პაპანწყვილის მხრიდან თოლიები წამოიშალნენ. ერთობლივმა მხიარულებამ მობანავე ბიჭების ყურადღებაც მიიპყრო.

— ქურდებო, — განაგრძო ისევ მანჯგალაძემ, როცა ხალხი რამდენადმე დაწყნარდა, — ოცდათორმეტი სულიდან, საქართველოს ყველა კუთხე-კუნჭულიდან რომ შეყრილხართ, რომელიმე თუ იცნობთ ამ ხუთს? ჩვენს პანტერას ედავებიან, არაქურდი რატომ გვიწოდაო.

ქურდებმა მხრები აიჩეჩეს, ხელები შეატრიალ-შემოატრიალეს.

— დანები ხომ არა გაქვთ ჯიბეში? — გამჭოლი მზერით შეათვალიერა ხუთეული ბაბუამ, — ჩვენ ძაღლები როდი ვართ გაგჩითოთ.

კატუკიას ერთ-ერთმა ძმაკაცმა, ჭინკამ, ჯინსის უკანა ჯიბიდან ამოიღო ღილაკიანი დანა და უხერხულად დაუწყო თითებში ტრიალი.

აბესალომმა გამოართვა, გახსნა, გადაამტკვრია და მოისროლა პაპანწყვილისკენ.

— აი, სად არის ამათი ქურდული გაგება, — ამბობდა მცოცვანი ასთაასი ქურდი, — სხოდკაზე დანებით მომსვლელებს ცხვირ-პირს უნაყავენ, მაგრამ

წვრილმანებს არ გამოვეცილებით. თქვენ როგორ ცნობთ პანტერას? — მიმართა ახლახუნთულს განურჩევლად, — რა კაცია თქვენს თვალში?

— ჩვენი უფროსი ძმაა, — ისარგებლა გაფითრებული ძმაცაცების სიჩუმით თავლიამ. გაწლიკულმა, ყანყრატოგამოწეულმა ახალგაზრდამ, — მთელი ოდიშის საამაყო შვილია.

— პანტერას ბევრი გაუკეთებია ჩვენი ხალხისთვის, მაგრამ ამ სამი დღის წინ ხულიგნურად ცემა კატუკია, — ამოდერდა როგორც იქნა თავმსხვილმა რუბენამ, — ხელი დაარტყა ქურდს.

— შე ჩემის გადანგრეულო, თუ ქურდად არ ცნობს ეს კაცი, ძალა ხომ არ არის? — გაცეცხლდა აზო გოგიტიშვილი. მერე როკის შეეკითხა, — შენ ამათგან რომელს იცნობ, პანტერა?

— ხუთივეს, — მკვირცხლად მიუგო ოდიშელიამ, — ოღონდ, როგორც ქალაქელ ახალგაზრდებს და არა — ქურდებს. ესენი ქურდობას კი ჩემულობენ, მაგრამ სინამდვილეში შემწერები უფრო არიან.

— თქვენ კარგად თუ გესმით სხოდკა რას ნიშნავს? — თვალები დაიფართოვა მოლამ.

ხუთეული ხმას ვერ იღებს, დატუქსული ბავშვებივით არიან. მაშინ ქუთათურის კითხვას გაეპასუხა ყველაზე წონიანი ქურდი, ელეგანტური კაკოკოხია:

— სხოდკაზე წყდება ადამიანის ბედ-იღბალი, ან — კარგად, ან — ავად. მარტო სხოდკაზე იძლევიან თხთმემტ წელიწადს თუ სამსულზე მეტი კანონიერი ქურდი ესწრება.

— აქ კი ოცდათორმეტია, — ჩაიგდო კვლავ საუბრის სადავე აბესალომ მანჯგალაძემ, — თქვენი ბედი დღესვე გადაწყდებოდა და არავითარ შემთხვევაში — ზეგ თუ მასზეგ, მაგრამ რადგანაც ჩიტა და პიტერსკი სახეზე არ იმყოფებიან, მოცდა მოგვიწევს. გაგიგებთ ისინი მართლაც არიან თუ არა საქმის კურსში, გცნობენ თუ არა ქურდებად და იქით მოგძებნით.

— დაიხსომეთ, — მიუბრუნდა ხუთეულს აზო, — პანტერასავით ხალხი საჩუქარი არ არის. ამდენი დამსახურების მქონე და ვაჟკაცი ყველა ქალაქს თითო-ორლა რომ ჰყავდეს, უკეთესად წაგვივიდოდა საქმე. თქვენ რა იცით მაგას როგორი ეკლიანი გზები, როგორი პრესები და პრაქარკები გამოუვლია და მიუხედავად ამისა, მანაც კარსტალად დარჩა. თქვენ, გოგლი-მოგლით გაზრდილებს, რა უფლება გაქვთ მაგას ებლატათო? — მღელვარებას ვერ ფარავდა გოგიტიშვილი, — ჩვენ, ყველა, პანტერასთან თანაბრად ვლაპარაკობთ. არის საკითხები, სადაც მართო ქურდებს მიესვლებათ, მაგრამ საბოლოო ჯამში პანტერა ჩვენი ძმა და მეგობარია. მე ამისი ხმა მალდა თქმის არ მერიდება, ჩვენი ოჯახის წევრია იგი.

— მართალია, პანტერას არა აქვს ქურდის სახელი, — კვლავ დელიკატურად ჩაერთო საუბარში კაკოკოხია, — მაგრამ ესეც მისი ნებითაა; იცით თუ არა თქვენ, რომ პანტერა რამოდენიმე წელია თავის სიტყვაზეა?!

— ორჯერ შევეროვდით ქურდები რესპუბლიკურ საავადმყოფოში, დაკე-

ტილში, — კვლავ ხელთ იგდო საჭე აბესალომ მანჯგალაძემ, — ყოველთვის თვითონ მოგვცა აცილება. ამდენ ქუთრდში იტყვის ქუთრდი ვარო და ვინ, რომელი აღუდგება წინ? არცერთი! სტუპენკა ვიშე, სტუპენკა ნიჟე, ნი კაკოი როლ ნე იგრატ*.

— მე მიღებას ვითხოვდი! — გაბედა ბოლოს და ბოლოს კაკუტამ.

— გითხარით, გავარკვევთ მაგ საკითხს-თქო, — აბესალომი მთელი სიმძიმით დააწვა ხელჯოხს, — იქნება დუჩე ქუთრდი?! შემდგომ შენს ყისმათსაც გადავწყვეტთ. მიღებაზე მეტი ვილაპარაკოთ. ძმას ძმის ხელი არ ეტკინება. არადა, რაც მოგივით, თქვენს თავს დააბრალებთ. ჩვენს პასუხამდე იყავით თქვენთვის. ვინც პირველი გადავა ამ დათქმას, ოცდათორმეტი ქუთრდის გადაწყვეტილების ფეხის გადამბიჯებლად ჩავთვლით.

როკომ თავი ასწია და მანჯგალაძეს მიაჩერდა.

— ვთქვით და პირველნი შემეხნენ, როგორ მოვიქცე?!

— მეგონა ყველაფერი დავაზურსტეთ, — ხუთეულის თვას ზემოთ იცქირებოდა აბესალომი, ბზითა და შექერით ახასხასებული ფერდობისკენ, — ჩვენს პასუხამდე თუ შეგეხო, იმოქმედე დამოუკიდებლად, როგორც გონებამ გიკარნახოს. მოკლედ, ამით მორჩასხოდკა! — მოსჭრა და საუბარს წერტილი დაუსვა.

თავიდან პერიფერიული მანქანები გაიკრიფნენ პაპნწყვილის მისადგომებიდან მიყოლებით. მათ მიჰყვა ხუთეული თავიანთი გულშემატკივრებით. ბოლოს პანტერას სამოც დაეშვა დაქანებული მინდვრებიდან.

ტბის კამკამა ტალღებში მობანავე ბიჭებმა ქრიამული მიადევნეს მტვრის სქელ საბურველში გახვეულ მანქანებს.

კატუკია მზად იყო კბილები დაეგლიჯა დიხამინჯიას ლაფშინათორევი ხალხი: ცხოფო ეხვია, ბებთო კონტუაძე, კოჭოჭა კულესკირი, ადო ფიჩხაია თუ ცხვირისკარტა ქურსუა, მაგრამ ამ ბედნიერებას იგი ვერაფრით ეღირსებოდა, ვინაიდან მალე ახალ სასაჯელს აიკიდებდა და ეგრევე ჩრდილოეთში განამწყსებდნენ.

ქალაქკომის პირველი მდივანი დიდად ჩააფიქრა ოდიშელის უვნებლობამ. ძილი გაუკრთა. მართალია, გააძლიერებინა დაცვა კაბინეტის მისაღებას თუ სახაზინო ბინასთან, მაგრამ შიშს დიდ თვალები აქვს და ქუჩებში ძველებური სიარული აღიკვეთა. თავზეხსაყრელი საქმეების მომიზეზებით სამსახურში ჩაიკეტა.

ამსობაში ათაშანგიანივით ერღვეოდა სახსრები საბჭოეთს:

გერმანელები ორივე მხრიდან უტევენ ბერლინის კედელს;

ბალტიისპირეთში აიწყობა სამშობლოსმოდწყულმა „ტყის სამომ“; საქართველოში სამზეოზე გამოსული დისიდენტები გამალებით ქმნიდნენ ახალ-ახალ პოლიტიკურ პარტიებს, ტყუპისცალივით ერთმანეთს მიმსგავსებული პროგრამა-წესდებით.

ოდიშში ხმა დაირხა, დიხამინჯია მოსრიალებულია უკვე და მის ადგილს ორი პიროვნება ეცილება ერთმანეთს — როკის მოგვარე პალადიევიჩი და ცეკას

ინსტრუქტორი ვახტანგ კაკაჩიაო. ერთ მშვენიერ დღეს ქალაქკომის ვაკანტურ-რი პოსტის თბილისელ კანდიდატურას ეზოში ნაღმები აუფეთქეს.

ზუგდიდი რაღაც სიახლის მოლოდინში გაიტრუნა. ოდიშური ჭორები მალე დედაქალაქსაც მისწვდა. ძნელი სათქმელია თუ ვისგან მოდიოდა ეს ხმები, მაგრამ მთავრობაშიც რომ იმსჯელეს იმ ტერაქტზე, ცხადზე უცხადესია. სადღაც როკის გვარიც ამოტვივდა მისდაუნებურად, თითქოს ნათესავისთვის კონკურენტის ჩამოშორების მიზნით ბომბებით დაშლივინებდა ქალაქში. ოდიშელიასაც ჩაეწვეთა ყურში ეს მითქმა-მოთქმა, მაგრამ მგლის შიშით ცხვარი ვის გაუწყვეტია?!

თაკარა აგვისტოს დაესადგურა ზუგდიდში. ოდიშელები საგარაკოდ ემზადებოდნენ, ოღონდ ვერ გაერკვიათ, პატარა ნიკას მთის ჰაერი უფრო მოუხდებოდა თუ ზღვისა. პეტია უბერის ბიჭის დასკვნას უცდიდნენ. ლენინგრადული თაფლობის თვის კვირების შემდეგ მარინას შინიდან ფეხი არ მოეცვალა.

როკის რა უჭირდა, თავს არ იზარალებდა, ქალაქის ცენტრში გაისეირნებდა შავი „ოცდაოთხით“. ჩაცმებული ლუდისთვის ააკითხავდნენ ფუნჯულიორზე ჯანჯას, ან სადმე მდინარისპირას მისხდებოდნენ და ლილინ-ლილინით მოვიდოდა წუთისოფლის ნუგბარეულით გაღაღებულნი.

იმ დღეს მუსიკალურ სკოლასთან შემოჯარულ მეგობრებში საუბრობდა ოდიშელია. უცებ კიბეებზე ჩამომავალი შხვართი სხეული დალანდა, უფროსწორად ზღაპარულმა ფერიამ შემოაბიჯა ჭადრების ჩრდილოვანში. ორი მალხაზი მოკუნტრუშებდა მის გვერდით. შავი კულულები წელამდე სცემდა. შილიფად ეცვა ქალს და მთელი ავლა-დიდება — ატმის რტოსავით აყვავებული გავაზივით მოქნეული სხეულისა — უსხავდა, ატყვევებდა ბირჟაზე გამოშლილ მამაკაცებს. დიდრონი მწვანე თვალები კაეშნით იმზირებოდნენ ხორბლიფერი ქუთუთოებიდან. ჩამოსხმული სახე, დახვეწილი ნაკვთები ერთიანად აკაშკაშებდა სიმწიფეში შესულ მის ქალურობას.

ჩაიარეს დედა-შვილებმა და თან გაიყოლეს ჭარმაგოვანთა ვნებიანი მზე-რა. ბანოვანი გრძნობდა თავის სიმაღლეს, ღირსებას, რაღაც ველურისა და არისტოკრატიულის ნაჯვარ კდემამოსილებას, რომელიც წილნაყარია არტისტიზმთან და ამავდროულად, სადღაც სული კუნჭულში ყოველთვის მოიძებნება დაბურული ეკლები გზაბანეული მგზავრისათვის. მიდიოდნენ რუსთაველის გამზირზე. მზის შუქზე თვალნათლივ გამოიკვეთა ბოშა ქალის ჩამოძვრული ფეხების კონტურები მუხლებს ზემორე. კი არ მიდიოდა, მიცურავდა ხვატით გათანგულ ქალაქში და უნებურად ყველა როკის მიაჩერდა.

— შეუდარებელია ილონა, — თქვა თეიმურაზ დარასელმა.

— მაგისთანა სახიერი ზუგდიდში მეორე არ დაიარება, — სიტყვა ჩამოართვა ჯუმბერ ქვარაიამ, ალალ-მართალი ბუნების კაცმა, სამომოში „დობტურის“ მეტსახელით ცნობილმა.

— ოჯახი ჩვენს ყაიდაზე მოაწყო, — აჰყვა საუბარს ჯემალ აბულაძე. — ქელებებს და ქორწილებს ეგენი არ აკლდებიან. ბაზრის ბოშების არაფერი სცხია

მაგას. ქართველებსიგან ვერ გაარჩევ. შვილებს მუსიკაზე დაატარებს. უაქცენ-ტო მეგრულით ლაპარაკობს. ამბობენ, მდინარის პირას იპოვესო ჭინჭებში გახვეული.

— აჰყევით ახლა ჭორებს, — ჩაერთო დილოგში ედი ჯიქია, — მზეთუნახავის მეტი რა არის ბოშებში?! ზოგი ისეთი კალმახაა, ჩვენი დედაკაცები ახლოსაც ვერ მივლენ. განსაკუთრებით ერთგულებაში არიან განუმეორებელნი. ბევრი ჩვენებური თხასავით გაგყიდის, ეგენი კი — ნურას უკაცრავად.

საუბრის თემას მალე ცხელ-ცხელი ანეგდოტები შეენაცვლა მოღალატე ცოლებზე, მაროსა და მიხოზე, გოდორზე, გარდერობში დამალულ ფელიქს ედმონდოვიჩზე, ილიჩი ხელს რომ ართმევს და კვლავ განაგრძობს ნადეჟდას შესამოსელის ძებნას, შლანგს გამოდევნებულ დედაკაცზე, გემის კაპიტნის ქალიშვილზე და ვინ მოსთვლის.

როკიმ თავის ტკივილი მოიმიზეზა, დაემშვიდობა მეგობრებს და პრისპექტს ნელი სვლით გაუყვა. რკინიგზის სადგურთან წამოეწია დედას და შვილებს. მიამუხრუჭა მანქანა ტროტუართან და ორივე კარი გამოაღო. ილონამ თავის მოუბრუნებლად ჩაუარა „ვოლგას“, მაგრამ მოჰკრა თუ არა ყური საკუთარ სახელს, ელდანაკრავივით მიეყინა ერთადგილს.

მეზავრები უკანა სალონში ჩასხდნენ. ოდიშელიამ მოხურა წინა კარი და „ოცდამეოთხი“ ადგილიდან მოწყვიტა.

ხუთიოდე წინადადების გაცვალა მოასწერეს საკონსერვო ქარხნამდე. ზედჭიშკართან გაუჩერა როკიმ. ბიჭები ჩაცვივდნენ მანქანიდან. ოდიშელიამ მაჯა დაუჭირა ქალს ჩასვლის წინ და გულღიად უთხრა:

— მომენატრა, ილონა, თქვენებური კოცონი და გიტარები. მომენატრა ფორნით ჯაყჯაყი. მომენატრა ცხენების ბანაობა ჩხოუშის პირას. რამდენი გექებე. ყველაფერი, ყველაფერი მომენატრა, ილონა.

— შემობრძანდით ჩვენსას, — თქვა კისკისით მანქანიდან ჩამოსულმა ქალბატონმა, — ჩემი კარლოც მალე შემოგვიერთდება. ცოტა არეულად კივართ, რამდენი ხანია ვარემონტებთ სახლს, და მაინც პარკეტის „ციკლოკამდე“ მძლივს მივედით. სტუმარი ღვთისაა.

— იქნებ ქალაქგარეთ გავსულიყავით თქვენებითურთ?!

— არ არის ეგ საძნელო საქმე.

— მაშინ ხვალ ერთად გეპატიჟებით ყველას. ქორწილის დღეს ვერ მოვიცალე გამასპინძლებისათვის და იქნებ დავგვიანებთ მაინც გამოვისყიდო უნებლიე დანაშაული.

— ნება თქვენი, ბატონო, პანტერა, — არ დაიშურა ირონია ილონამ.

ზუგდიდიდან წისქვილარამდე ორმოციოდე კილომეტრია. თვალწარმტაც კუთხეს საქართველოს რა გამოუღვეს, მაგრამ მთიანეთი მაინც მშვენება ჩვენი ხატაური სამშობლოსი, და მათ შორის წისქვილარა სამოთხეა კვადრატში ახარისხებული.

ოდიშის ცენტრში ხვითქი რომ ასდის ასფალტს და კაკლის ჩეროში ცელ-სიუსი ორმოცს ურაკუნებს ნოლს ზევით, წისქვილარაში ნაქსოვი ჯემპრი თუ არ გაცვია, სიცვიისგან კბილები აგიკაწკაწდება. ამის თაობაზე გააფრთხილა კიდევ სტუმრები როკიმ:

— ღამისთევით მივიღვართ და სათბუნებლების წამოძლოლებას ნუ ითაკილდებთო.

ნაშუადღევს დაიძრნენ წისქვილარისაკენ ცხრა მანქანით. კვალში მისდევდნენ ოდიშელიას გაოდიშელებული ბოშებით თეიმურაზ დარასელი და უჩა ხეცია, ჯემალ აბულაძე და ჯუმბერ ქვარაია, გელოდი ჩიქოვანი და ედი ჯიქია; განუმეორებელი ძმები სოსელიები — გივი და სოსო.

მიირწვიან სავანისკენ და ზუგდიდური პაპანაქება თანდათან ცხრებოდა, თანდათან უკან იხევდა. ღია სარკმლებს ნელ-ნელა ხურავდნენ.

გაიარეს ხის მომცრო ხიდი და ასიოდე მეტრში წისქვილარსაც მიადგნენ.

მდინარე ათი-თორმეტი მეტრის სიგანის თუ იქნება — კირქვიან კალაპოტში მომწყდელი საოცრება, გამჭვირვალე და კამკამა, როგორც შეყვარებული ასულის სული. მოჩქაფუნებს, მოკუნტრუნებს უშველებელ ლოდებზე, რომელთაც ორმოცდაათი მამაკაცი ვერ დაძრავს ადგილიდან. დაკბილული ჩარუხებული ლოდები ზოგან წყლითაა დაფარული, თითქოს ერთხელ რომ ჩაყვინთეს წისქვილარას დაუსრულებელ ალერსში, მერე ვეღარაფრით ასწიეს თავი ახორხოცებული წუთისოფლის მოსახილველადო. ან რას მოიმიკი საწუთროსგან ამაზე ფასეულს?! წისქვილარას სათავეში რომ ჩაყურწყელავდე შესართავამდე კარაკანივით მოჩანს მისი განუმეორებელი საუფლო. ფსკერი მოოჭვილია კენჭების მოზაიკით. ჭერი ზედ ნაპირამდე ორმხრივად მოჭარბებული უშველებელი ხეების ტოტებითაა დახლართულ-გადახურული. თითქოს ილონას თვალების მწვანე გვირაბში მიიტყორცნება ბუნების ანკარა მაჯისცემა. გახელებული მზე ამაოდ ცდილობს მთელი არსებით შეიჭრას ბროლისწვივება ასულის დაუსაბამო როკვაში, და თუ ვინმეზე ითქმის მზეთუნახავი, ალბათ — ერთადერთი წისქვილარაზე, ვინაიდან მილიონი სხივიდან, თითო-ოროლას თუ გაუმსჭვალავს ხეების ხშირი ფაფარი მის ზემორე და ჯადოსნური სავარცხელივით ჩაკინძვია ანკარა დალალების შხვართალს.

უფრო ზორბა ლოდები გულწრფელად მისტირიან თავიანთ მოუხეშავობას, საესებით რომ ვერ დანთქმულან წისქვილარას ხვარჩალში, და ამის გამო ნაყვავილარი სახეც მიტკლისფერი გახდომიათ. აქა-იქ ქვიშასაც წამოყრის მდინარის სიფიქმაჟე, გარიყავს, მისილავს ძიუმპეის მილიმეტრის მერვედ ნაწილაკს, და, ბუნებრივ პლაჟს ქმნის ორივე ნაპირზე ქარის თუ ადამიანების საკოტრიალებლად.

წისქვილარა ჩქერალები კი ისეთი ყინულოვანია, ისეთი გამთოშავი, სადაც მოგეკარება, შოთა აბულაძის საყახბო ნაჯახივით გადაგბასრავს და გვარი-

ანი ჯაფა დასჭირდება მერმე დათბუნებულ ტანსაცმელს, მოგიზგიზე კოცონს განცალკევებული მთლიანობის აღსადგენად.

გიჟმაჟობდა, თავნებობდა წისქვილარა. შეგუბებული სიმწვანეს ულს აცის-კროვნებდა, საკინძეგაღელილი გამოვობდა ადამიანებისაკენ, რომლებიც გვარიანი ხანია ჩამოჭვეითებულიყვნენ, მაგრამ პირველყოფილი მშვენიერებით და მუნჯებულებს ნაბიჯი ვერსაით წაედგათ.

დამსვენებლები გაკრეფილიყვნენ უკვე. არც პლაჟზე ჩანდა სუფრას შემორჩენილი მესმურენი. სრული უკაცრიელობა დასადგურებულიყო გარშემო.

უსტვენდენ ტყთა ილიაში შემყუდროვებული ჩიტები. ჭახჭახებდა კურკანტელას მიტანებული შაშვი. უმზერდნენ მომაჯადოებელ ბინდბუნდს, ნაადრევად რომ უყვარს მთაში მოხეტება და ნეტარებით მთვრალნი, ულამაზეს წუთებთან ჯეროვნად დახანებულნი, ნელინელ აღწევდნენ თავს უნებლიე გარინდებას.

როკის თადარიგი დროულად დაეჭირა. ყველაფერი მოემარაგებინა, რაც ოცდაათი-ორმოცი კაცის გამასპინძლებისთვის იყო საჭირო.

ჯერ ფიჩხი და შემა გამოფხიკეს ტყიდან. მდინარის ორივე ნაპირას დაანთეს უმველებელი ლოდების გასწვრივ. ხასხასა მოლზე დაფენილ პოლიეთილენის სუფრაზე ჩინებული ტრაპეზი გაიშალა. საზამთროები, ნესვები და ბოთლის ღვინო ყინულივით ნაკადში ჩაყარეს სასროლი ბადით. ფუსფუსებდა დიდი და პატარა.

პურ-მარილი მდინარის მარჯვენა ნაპირას გაიმართებოდა, უმველებელი ცეცხლის სიახლოვეს. მარცხენა მხარეს აგიზგიზეებული კოცონი კი უკაცრიელი იყო ჯერეთ, დეკორაციის როლსლა განასახიერებდა.

ილონამ უბადლო ოდიშური დიასახლისობა თვალსა და ხელს შუა და უმტკიცა როკის საქმოს. დაკვივდა სუფრაზე კიტრი და პამიდორი, ძეხვი და შაშხი, მწვანილი და ხილი; დაისერა შავტარიანი დანით მთვარისხელა სულგუნები; აშიშხინდა წკირზეწამოცმული სამწვადე ხორცი და კალმახი; ჩამონაწილდა მრგვლად მოხარშული დედლები, შოთი პურები, დაშაქრული მარწყვი თუ მწნილები პოლიეთილენის პარკებით.

როკის და ილონას შრთიერთობაზე კარლომ ჩინებულად უწყოდა ყოველივე. განა გვერდიგვერდ არ უბანავებიათ თვინიერი ცხენები ჩხოლშიაში, ან საბერველის აქლუშტუნებაში არ გაჯიბრებიან ერთმანეთს?! შემოხედავდა ოდიშელია და მაშინვე ფარ-ხმალს დააყრევინებდა, ხელად ააწაპნიდა დანიშნულს, მაგრამ თავს ზემოთ ძალა ხომ არ იყო. ილონა თვითონ დასდევდა როკის კუდში. ზედიზედ ორი დღე რომ არ გამოჩენილიყო ბანაკში, ბზიკივით კბენდა უფროსს და უმცროსს. ძნელია მოსათმენად, მაგრამ წაუყრუებდა მათ წრფელ განცდას. უხამსი წამოთაც არ გაუვლია გონებაში. განა ზურგი შეაქცია ილონას დასს, როცა როკის ქორწილში მიუწვეველმა, მოულოდნელად ეტლებით

მიგრაცია მთავრდება და მთელი ღამე ექვსსიმიანი გიტარების ჟღერით იკლებდნენ იქაურობას?!

კეთილშობილი და უბოროტოა ბოშას გული, მთავრით, სახინჯოს არასდროს ეძებს ხალასსა და თვითნაბადში, მაგრამ თუ ასეთი რამ გამოერია, დანებით გამოენთება შეურაცხყოფელს, გამოშიგნავს საშობაო ბურვავივით.

ტომის ბელადიც აქ იყო, არ შინულვაშიანი კუზმა. ვისაც კი ოდნავად შესტკიოდა გული ოდიშელიაზე, ყველა წამოსულიყო. დეიდა შურაც ილონას გვერდით საქმიანობდა და გამუდმებულად ეჩურჩულებოდა რაღაცას.

მთლად მიხრწნილები, ცხადია, შინიდან ვერ გამოეტიენ, ბევრი მოუცლელიობამ შეაფერხა, მაგრამ სიყრმისდროინდელი ძირითადი სახეები აქ შემოჯარვოდნენ როკის, წისქვილარას მჩქეფარებაში. მართალია, საგარეობაზე მეტად გადასხვაფერებულნიყვნენ ისინი, დროს თავისი ლელო გაეტანა, თუმცა ოდინდელი ცეცხლოვანება და სიყაყაყე, კვლავაც უჩქროლებდათ მობოშებულ გულს და ჭეღვლებმა გადმოიღეს თუ არა გიტარები მანქანიდან, თავად მორატრატე წისქვილარაც კი გაილურსა.

ილხენდა მთისძირა არემარე.

ორი კოცონი გიზგიზებდა ხელისგაწვდენაზე, ერთმანეთის პირისპირ, მაგრამ მათი აღმური ქვაყინული წისქვილარათი გამიჯნულიყო.

იკლებოდა შამპანურები და წუწწლე ადესა. ილონასაც არ მოუზღუდავს თავისი საჭიროებისამებრ. კარლოსთან ყველაფერი გარკვეული ჰქონდა. განა მისი თანხლებით არ ეძებდა როკის თბილისის დაკეთილში?! დღევანდელ საღამოს სიყრმის მეგობარს სწირავდა ილონა და ეჭვისთვის იოტისოდენა ნაპრალიც რომ გაფაჩუნებულყო, იცოდა ქმარმა, ამაყი ქალიშვილი სამუდამოდ გამოეცლებოდა ხელიდან; ამიტომაც უკრავდა კიდევ, ცეკვავდა, სვამდა და ყირაზეც გადადიოდა ბოკვერა შვილებთურთ.

ბოშური სიმღერების მთელი ეშხი და ხიბლი ის გახლავთ, რომ ყოველ ტაქტს, ყოველ ამონასუნთქს „ნენე“ მიედევნება რეფრენად, თითქოს მაჟორული ხმები დატყვევებულია სევდის აურწყავი ლაშქრით. შეუძლებელია განსხვავებული სისხლისა და ეთნოსის ხალხს უფრო მეტი შეხების წერტილები აღმოაჩინდეთ მუსიკაში, როგორც ბოშასა და მეგრელს: ერთი ნენეს უკვანის, მეორე ჰოუ ნანაო, ქვითქვითებს გულის შემძვრელად და საერთო ჯამში, ეს ორი სხვადასხვა ფენომენის ტომი ერთი ოჯახის შვილად მოგვიჩვენებს; პირველი შინ რომ ტრიალებს ნიადაგ, თავის კერისთან, თავის სიდუხჭირესთან, ხოლო მეორე აგორებულ ქვასავით ხავსს არ მოიკიდებს, აღმართ-დაღმართ დაებლოტება, ეძებს რაღაცას, არარსებულ საუკვდავო კაბადონს თუ ფაფაქცეულ ზეუცხადეს შარებს და ამ უთავბოლო მოძრაობაში სამისდღემშიოდ იღვევ კიდევ მისი ანიაგანი.

ქვიფის ეშხში შესულმა მესამურებმა აცეკვება მოიწადინეს. ოთხი მამაკაცი გიტარას აჟღარუნებდა უკვე. კუზმასა და როკის შუა მოკალათებულ ქალს დაადგნენ თავზე. აბრიალებულ ორ კოცონს შორის სცენასავით ანათებდა წისქვილარას ტალღებს მტკავლით აცდენილი ბაჟაყდვეი ლოდი. ილონას თავბა-

ტიჟი არ დაუწყია, ლიტრამდე დაელია და ღვინო გვარიანად ეუქმებოდა ძარღვებში.

გიტარები გუგუნებდნენ. სუფრის წევრები შეწყობილად უკრავდნენ ტაშს. წისქვილარასკენ მიერმართებოდა ილონა, იმ მოკამკამე სცენისკენ. ფეხისწვერით შეეხო წყალს და გველნაკბენივით უკუიქცა. ქალის განზრახვა ცხადი იყო, მაგრამ ვერავის მოეფიქრებინა როგორ მიეღწია მწვანეთვალეზიანს ტაბაკონა ლოდამდე. მოხედა ჯეირანმა როკის და ოდიშელიაც უნებლიეთ აჰყა გამომწვევ მზერას. არ ცხრებოდა ტაში, შეძახილები. გიტარები კვლავინდებურად გრიალებდნენ და აიტაცა პანტერამაც დედალი ავაზა, წელსქვემოთ წისქვილარა სუსხავდა, წელსზემოთ — ორი შვილის დედა. შეცბუნებული იუსიკოსები ფეხდაფეს მისდევდნენ, ისე რომ საცეკვაო მელოდიის ტემპი იოტიოდენადაც არ ნელდებოდა. ლოდზე გადასვა ილონა როკიმ და ერთიანად აგუნებულმა ბოშა ქალმაც იწყო იმპროვიზირებულ როკვა; თრთოდა, იწვოდა, იდაგვოდა... აჰა, დაეცემა უხლებზე, ორმაგი კოცონით გასხივოსნებული შავი კულულები წართაცა წისქვილარას ფეხათრეულმა დინებამ. გაღმანაპირზე გასული ოდიშელია ობოლი კოცონის ლამუნიდან უმზერდა ყლგადადებული შეშის ჩაფერფლის ბოლო აკორდებს და ასე ეგონა, წისქვილარას ბრჭყიალება-ვარვალი ნაფოტები გახლდა, უხალთუნები ილონას სულიდან დაცვენილი.

დადუმდა კვარტეტი, მაგრამ სოლოს მკერდი ინერციით განაგრძობდა წისქვილარას აკომპანიმენტზე ჯინჯილების ქლარუნს. ნელ-ნელა სუსტდებოდა ეს ხმა, იღვენთებოდა, იშრიტებოდა, ბოლოს სრულიად მიწავლდა და ბეჭებზე გაწოლილი მოცეკვავის დალალების სავეებით მიისკუთრა მდინარის ცოფმოკრეულმა სრბოლა-ხივილმა. მეგიტარენი უცდიდნენ ილონას წამოდგომას, წამოყლყლავებს, რათა კვლავ დაუსველებლად მიაბრუნონ ნაპირზე, მაგრამ ქალი გამოთიშულია გარემომცველ რეალობას, ჩამოსრიალდება ლოდისა და ეუული კოცონისკენ მიემართება. ფეხზე წამოშლილი გოგო-ბიჭები ვინ ქათმის ბარკალს წამოაგლებს ხელს, ვინ გაუხსნელ შამპანურს თუ აშიშხინებულ მწვადს და ხორხოციტ შეცვივდებიან წისქვილარას მოჭულქლუნე ტალღებში, მისიწრაფვიან თავიანთი დედოფლისკენ. ახლა სხვებიც მიჰბაძვენ ახლებს და მალე სუფრასთან მტკაველულვაშებიანი კუზმა, დეიდა შურა და კიდევ ორიოდ ხანდაზმულია რჩება.

ბოკვერა შვილებიც იმ ნაპირისკენ გადაუყვანია მამას. მოაქვთ ახალი ტოტები, უმატებენ და უმატებენ გაპარანებულ კოცონს. იცინიან, ხაფხაფებენ, ბოთლიდან ყლუპავენ შამპანურს, ილუკმებიან აონივრებული მწვადით.

ილონა თვალის დახამხამებაში გადაიბერტყავს მხრებიდან ბარე ორ ათეულ წელიწადს. ისევ ის ცქრილა გოგონაა, მაჯებში რომ ეჭიდებოდა გულისწორს. გაცულებულა ფაშფაშა ბიცოლას მარჩიელობანი, რომ თითქოს მისი კოლხი მიჯნური ერთხელ შევა კარში, გაივლის მეორეს, მესამეს და არასდროს მიუბრუნდება გარახდილს, განცდილს.

ამასობაში მტკაველულვაშებიანი კუზმა აროხროხდება. ჭიქით ხელში ად-

ლეგრძელებს ამ კურორტულ ცას და მიწას, წისქვილარას გამეტებულ სწრაფვას, გოლიათ ლოდებს და გათარანებულ კოცონებს, ხეს შეყუბულ თითოეულ ბუდეს, ცხენის ფლოქვებით ყელგამოლადრულ ყაყაობებს და მაწანწალა ძაღლების წკმუტუნს მოქნეული წიხლისას; ყოველივეს, რაც ჯაჭვივითაა ერთმანეთზე რგოლებად ასხმული: მზეს და მთვარეს, ცას და მიწას, ქალსა და კაცს, სიკეთეს და ბოროტებას, სიკვდილს თუ სიცოცხლეს.

ღვინოსმოწყურებულნი ისევ შემოჯირითდებიან საყინულე წისქვილარაში, ისევ დაიტვირთავენ ზურგს ბურძგლების ლაშქრით. მერე წამოვა და წამოვა ნისლი. ჟინქლღარეული, ძვალბილში ნემსებოვით მსტოვარი. წაღმაუკულმა ტრიალებენ კოცონის გარშემო. ბული ნელ-ნელა ქრება ტანსაცმლიდან. გაღმთა უპატრონო კოცონი თანდათან იძარცვება. პურ-მარილს პოლიეთილენს გადააფარებენ, ქვებს დაადებენ კუთხეებზე, ქარმა რომ არ გადააფრიალოს და მანქანებში შელაგდებიან, თვლემას მიეცემიან, რათა ამობრწყინდება თუ არა ცისკარი აღსავლეთიდან, კვლავაც წამოიშალონ ფეხზე, კვლავაც მოიძიონ ტყეში ფიჩხი და შეშა.

ამჟამად ორის ნაცვლად ერთ კოცონს დააგუზგუზებენ. ისევ აჩქამდებიან გიტარები წისქვილარას მიდამოებში. ადგილობრივნიც ამოაკითხავენ სულისმოსაბრუნებელ საუნეს. ჩხოროწყურელები და წაღენჯიხელები მოგვიანებით შემოუერთდებიან. როინ კალანდიას და გერო შეროზიას აქ მოიხილავენ ხელგაშლილი მასპინძლების ამბლუაში მთელი ღამის უძინარი როკი, თეიმურაზ დარასელი და უჩახეცია, ამ ხელუხლებელი ბუნების წიაღში დანთქმის ჟამს.

ორკაპა სარებზე ხარხიას გასდებენ და ზედ გატყავებულ ციკნებს ჩამოჰკიდებენ. დიდრონ ქვაბებს მოათრევენ ცირამუებისაგან კაცის სიმაღლეზე წელვადი ელარჯისა და ხოზომ კვერების მოსახარმად.

ოჯალე შიანი ბოცებოთა და ჭყინტი სიმინდებით გამოჩნდებიან გახარები კაპიტონის მოღეჭე ბიჭს, ლაშას, მეთაურობით.

კვლავ აბრიალდება სული მითაჟამინქდელი ცეცხლისაგან, მაგრამ ერთხელ დანაცრულს ძნელია ხელმეორედ წაუკიდო და წუხანდელი გიჟობების მერმე მოზომილი ხდება გეტმანების ასული, საკუთარ თავს იპოვის, მეტ მზრუნველობას გამოიჩენს შვილებისთვის და გამგები მეუღლისათვის.

შურა დეიდა ქათმის ფხას მიიდებს თვალთან ილონას თხოვნით, როგორც მზის დაბნელებას უმზერენ ხოლმე, ისე გახედავს ცეცხლის მოთამაშე ენებს. დიდხანს იბუტბუტებს მჩხიბავი დედაკაცი, მერე თავის ქნევით ერთადერთ წინადადებას იტყვის ოდიშელისას გასაგონად:

— ვხედავ წაყირავებულ ბოცას, საიდანაც სისხლისფერი ღვინო იღვრება; ვხედავ გზას, მოლიპულს და დაუსრულებელს; ვხედავ ერთმანეთისაკენ გაწვდილ ხელებს, რომელთაც სულ ცილისხელა უკლიათ შეკავშირებამდე, მაგრამ სხვადასხვა მიმართულებით წასწრაფებული ფორნების გაათანასწორების მომენტშია ეს სიახლოვე. გასაგებია?

ეს დღეს უმაღლესად შემოადნებათ და აუხდენელ სურვილების ვერმოხელ-

თების ჟინით ბოლომდე ჩაფერფლილნი, როცა ზუგდიდ-ქალაქისაკენ მობრუნდებიან, მზე გვარიანად დაშავებულა დასალიერით. როკის აშკარად არ ეთმობა ბოშები თავიანთი დედოფლითურთ, ამიტომაც ევატიყება „თუთარჩელასკენ“. იქ თითო ჭიკა შამპანურით განიქარვებენ სევდით გასენილ გულს და აღარც ილონაიუკადრისებს მიწვევას. შვილებს მეუღლეს გააყოლებს ბებიასთან, გიტარიან ქალ-ვაჟებს დაიტოვებს. აივნის ქვემოთ მიაყნებს შავ „ოცდაოთხს“ როკი და გაჩირაღდებული დარბაზისკენ მიუძღვის სტუმრებს, სადაც ვარიეტე გრგვინავს და ერთიანად აზანზარებს ფანჯრის მინებს, მაგრამ ოცდარვა საათი ცოტა როდია მოვლენების წარსამართად.

როკიმ არაფერი უწყის წუხანდელი ამბისა. მეზობელი სუფრიდან წვეულმა მეგობრებმა აუხსნეს საქმის ვითარება.

დიხამინჯიას დავალებით ქალაქის პროკურორს სანქცია გაუცია ოდიშელების გასაჩხრეკად. მილიციელების ჯგუფს მეზობლებისთვის მოუხმია. როკის არყოფნით უსარგებლიათ. ბედზე გივი და გენადი ქალაქში ყოფილან წასულები და მთელი სახლ-კარი გადაუქოთებიათ. სტილი იგივე იყო. სახლში რომ ვედარაფერი აღმოაჩინეს, ახლა საბძელს და ნალიას მიადგნენ. დიდი მუშაობისა და ქოთქოთის შემდეგ დაფშენილ სიმინდში სამი ხელყუმბარა იპოვეს, სწორედ ისეთი, ქალაქკომის მდივნობის პოსტზე დასახელებული კაკაიას ეზოში რომ აფეთქდა ამასწინათ ზედიზედ. მართალია, მეზობლებმა ხელი არ მოუწერეს ოქმზე, ვინაიდან ჩხრეკის პროცესში ნალიაში მილიციელების მეტი არაფერი იმყოფებოდა. ვალერიანმა რკინისფერი დაიდო და დაურიდლად მიახლა პირში ჯგუფის ხელმძღვანელ მაიორს:

— სხვა ვერაფერი მოიფიქრეთ უკეთესი, ოჯახ-ქორებო! ადრე პისტოლეტით შემოუღდეთ ჩემს ბიჭს, ახლა ბომბები აღმოუჩინეთ, ხომ?! სანამ გვიან არ არის, უმჯობესია თქვენვე ხელით ჩაფარცხოთ ეს ბინძური საქმე, თორემ ღმერთმანი, სანანებლად გაგიხდებათ ყოველივე! — აბრიალებდა თვალებს, მაგრამ ყურისმგდებელი ვინ იყო?!

მიხვდა ოდიშელია ცოტენ დადიანის ძეგლი მსხვერპლს მოითხოვდა მისგან, მაგრამ არაფერს ნანობდა. დარწმუნებული იყო, თავის სიმართლეს უცილობლად გაიტანდა. დიხამინჯია ამ უკანასკნელ სისაძაგლეს ვედარაფრით გადაურჩებოდა, რამეთუ სავარძელი ზომაზე მეტად უყანყალებდა. სუფრაზე დიდი ხნის დარჩენაც არ ივარგებდა, რადგანაც ოფიციატების ნაწილი შეკრულია მილიციასთან და როკის ადგილ-სამყოფელი შესაძლოა განყოფილებაში უკვე იცოდნენ კიდევ.

ვარიეტე კი ქოთქოთებდა, ქაქანებდა. დარბაზის გაყოლებაზე ორმწკრივად შეერთებული მაგიდების რიგთან პურმარილობდნენ ინდუსტრიული ტექნიკუმის კურსდამთავრებულნი თავიანთ პედაგოგებთან ერთად.

სუფრის ბოლოს დიხამინჯიას ხალხი ქეიფობდა. ძმის მეგობრებს მთაკაცი ჯოლი ქურსუთა თამადაობდა. როცა იგი საუბრობდა, შედარებით ახალგაზრდები ფეხზე წამოიმართებოდნენ, თითქოს ამით ხაზს უსვამდნენ უფროსი თაობის

წარმომადგენლის პატივისცემას. თამადის ადგილიდან დაძვრა არც ისე იოლი საქმე იყო. როცა ესტრადა დაიქოქებოდა, მხოლოდ მაშინ ათონთლავდებოდა ურემზე გადმოჩანჩურებული თივის ზვინივით. ვინმე კურსდამთავრებულს გაიწვევდა საცეკვაოდ. ჩაბლუჯავდა მოცქნაფულ გოგონას და ღიბზე ისე მიიწვებებდა, თითქოს მისი სხეულის დანამატი ყოფილიყო.

საჭირო ოთახში გასვლისას ქურსუამ თვალი ჰკიდა, შემოსასვლელთან, მაგიდის მეორე ბოლოში მოკალათებულ ოდიშელიას ბოშათა გარემოცვაში და აიძვრა. მეორე სუფრას იცვლიდა დღეს, ესეც ათამამებდა ფრიად. მერე განსაკუთრებით ძმის დამჩაგრავის დასაკავებლად პროკურორის გაცემული სანქციაც ასხამდა ფრთებს და აქეთობისას, როცა მუსიკას ყირაზე გადაჰყავდა ოდიშის ახალგაზრდობა, საცეკვაოდ გაიწვია ერთ-ერთი ბოშათაგანი ილონას სანათესაოდან. ბევრი ჰმუჭუნა და ჩქმიტა მოხელეთებული ასული ჯოლი ქურსუამ, მხოლოდ მუსიკის შეწყვეტამ უშველა მსხვერპლის წამებას. არც კი მოუცილებია სუფრასთან. ზრდილობა და გვარი შვილობა თავისი გაბარიტის შესაფერი-სი გამოავლინა.

მოდიავებული მინის კარიდან, საპირფარე მოსკენ რომ გადიოდა, ჩინებულად აირეკლებოდა კიბეები. წესით იქიდან წუთი-წუთზე მილიციელები უნდა გამოჩენილიყვნენ.

ყურში უჩუჩრჩულა ილონას, მანქანაში დამიცადეო, თან გასაღებიც მიაწვოდა. გულის მოუფხანავად არ უნდოდა წასვლა. იცოდა ოდიშელიამ, ქურსუა ისევე გამოჩნდებოდა, კვლავ მოუნდებოდა ცეკვა, ოღონდ ახლა — ილონასთან. ამ მომენტს იყო დადარაჯებული როკი, თანაც ცალი თვალი გასასვლელი კარებისაკენ გაუბოდა, ვარდისფერი ფარდიდან ეკრანივით რომ ამზეურებდა ამოსასვლელ კიბეებს. უკვე ჩაიარა ილონამ. მიიმალა მისი სხეული. აქეთ ესტრადამაც დასცხო და წამოცვივდნენ ახალგაზრდებიც. ნადირის ალლომ არც ახლა უმტყუნა ოდიშელიას. ხედავდა გოლიათი კაცი ისევე წამოიძარათა. ისევე გამოარღვია ქალ-ვაჟების ტყე. მათი მაგიდისკენ მოეშურებოდა. ახალ პარტნიორს ეძებდა ღიბის დასაყრდნობლად. წვდა კიდევ მაჯაში დაურიდლად სუფრის კიდესთან მოკალათებულ გრუზათმიან ქალიშვილს.

— არ დამეხსნებით ძმები ქურსუები?! — იფეთქა როკიმ და გაუხსნელი შამპანიურის ბოთლი თავზე გადაამსხვრია. ერთი დარტყმა საკმარისი არ აღმოჩნდა ვეშაპის წასაქცევად და ოდიშელიამაც მეორე მოუნაცვლა. ჩამოჰყა დაბაზიან სახეზე სისხლის ზოლები მომეჭლისეს. ატყდა წივილ-კივილი. ჯოლი ქურსუა ჩაშვავდა იატაკზე.

— წადით, დროზე წადით! — ეუბნება როკი სტუმრებს, — მე ამათ მართოც გავუმკლავდები.

უსიტყვოდ უსრულდებენ ბრძანებას. ახლა დიხამინჯიას ხუთეული გამოქანდა მისკენ. ვარდისფერი ფარდებიდან ირეკლება პირველი სართულიდან როგორი თავპირისმტკრევით გამოვბიან იარაღამოში შვლებული მილიციელები.

აჰა, მეორე სართულს გაუსწორდნენ, სადაც არის დარბაზში შემოცვივდებიან. ეს წუთია და ოდიშელიამაც ზედიზედ სჭექა ამოპრიალეული „ტეტედან“. ხუთივე იატაკს გაერთხა. ასე მოსდით შემოსასვლელთან მეფე ვეფხველ მილიციელებსაც. თავად კი მესამე სართულის აივნიდან მიფრინავს, ავაზასავით ეშვება ასფალტზე. წამში საჭესთანაა და ვიდრე რესტორანის წინ შექუჩებული მანქანების ვაი-ვუი ატყდებოდეს, როკი საკონსერვო ქარხნის გადასახვევს ჩაუქროლებს.

ილონას ორივე ხელი მიუბჯენია „ბარდაჩოკისთვის“ „უიგული“ „ვოლგაზე“ სწრაფი და მოხერხებულია ოდიშის გზებზე. უმაღლესად მცირდება მანძილი დევნილსა და მდევრებს შორის. სარკმლებით ისხიპება ჭადრები, ოდა-სახლები, ბოძები. ინგირის კოლმეურნეობის დაღმართზე ჩაქანდნენ. აგერ, ლამის ზედ შემოაფრინდნენ.

— დაიჭირე საჭე! — ეუბნება ილონას როკი, — ურაფრის გეშინია!

მთელი ნახევარი ტანით გამოვა ფანჯრიდან და ორივე ხელით ბოლომდე დაცლის „ტეტეს“.

მდევრები სალონში ყვინთავენ, ყურყმელაობენ. საქარე მინა დაეფშვანათ. ცოტათი ჩამორჩნენ დაწინაურებულებს, მაგრამ „კანარეიკების“ მწკრივი აშკარად მოჩანს ზურგს უკან; მოქრიან ევკალიბტების ხეივანში. წინ მანქანების სიმრავლეა. შლაგბაუმი ჩაუკეტავს მეისრეს.

— მიმიშვი, — ამბობს ოდიშელია, — „ტეტეს“ კალთაში უგდებს. ხელმარჯვენაც მოსჩანს ლოკომოტივის სამთვალისანი თავი: გამალებით მოეჭანება ჩქარი მატარებელი — „მოკოვი-წყალტუბო“, მაგრამ დაყვნების დრო ამოწურულა. ელვისებურად აუქცევს მხარს მანქანების რიგს, მარჯვენა ფანრით გამოედება შლაგბაუმის ბიგს, გაითრევს. თვალის მიდევნებას ვერ მოასწრებენ. მეისრეს ტარზედახვეული ალამი ჰაერში გაეყინება. გაოგნებულან ორმხრივად მომლოდინე მძღოლებიც. მხოლოდ მანქანის ფერზე ცნობს ზოგიერთი ოდიშელიას.

— როკიაო, — ჩაილაპარაკებენ და სინანულით თავს გააქნევენ, რადგანაც აქა-იქ უკვე შეუტყვით მისი ხელოვნური გასაჭირისა. ეგ არის და შემადგენლობაც ისტერიული კვილით გაიწელება მეისრის კოკროჭინა ჯიხურთან. სამიოდე წუთში ჩაიქროლებს მატარებელი, რომელიც სოხუმიდან მხოლოდ სამტრედიაში ჩერდება. ილონა თვალს არ აცილებს როკის დაძაბულ, დაღარულ სახეს, მის დაღვინებულ ნაკვთებს, სქელ წარბებს, ფართე შუბლს და რაც მთავარია, უდრეკელ პოზას. როგორ შეცვლილა, როგორ გამოჯანდაკებულა რუხის ციხესთან მშობლის წინაშე უმწეო ყმაწვილი, რომელიც მთელის ძალმოსილებით ყვირის ახობზე გადმომდგარი ხარ-ირემივით თავისი ფურისთვის.

ზურგს უკან კი, შლაგბაუმზე როკის ნაცნობები მოხერხებულად ჩაგმანავენ გასასვლელს, ამტყდარა მძღოლებს შორის ყსიდი დავა. განგებ ექაქანებიან

ერთმანეთს. არის ზუგდიდის მხრიდან მილიციელების ხაფხაფი, გინება, სიგნალების გამაყრუებელი ხმაური და წეწვა-გლეჯა, მაგრამ ოდიშელია უკვე კახათს გამცდარა და იქიდან მის საქმომდეც ხომ მხოლოდ ცხრა ნაბიჯია.

ლიმა მეუვიდე

ანატორი
538461

ჩემნაშკართან, სოფელ კოკის გადასახვევთან, ოცდაათამდე ენგურგაღმელ მგზავრს მოეყარა თავი. როკიმ სასხვათა შორისოდ იკითხა ნაკარღალის გზა. წამოკვივდნენ ბავშვებიანი ქალები: წაგვიყვანეთ, წაგვიყვანეთო. ორი მანდილოსანი და კიდევ სამი მალხაზი დაიმგზავრა ოდიშელიამ ბარგიბარხანიანად.

დაეშვნენ მდინარის მიმართულებით. ხანდახან თვალს შეავლებდა ილონას, მაგრამ დადუმებული ქალი ფიქრებს მისცემოდა. არც როკი იყო მაინცდამაინც საუბრის ხასიათზე.

„სიბრალულის გრძნობა დაკარგული გაქვს შენ! ხედავ, თვალსა და ხელს შუა უნგრევ საათივით აწყობილ ცხოვრებას და მაინც დევნის საბაბით დაგიილიავებია. სანაცვლოდ?! სანაცვლოდ რას ჰპირდები სულზე უსაყვარლესს?! კარდაკარ ხეტიალს, შიმშილს და სიცივეს, შერცხვენას ნათესავებში, საზოგადოებაში; შვილების სიძულვილს. ბედისწერას არქმევ ლამის წინასწარ მოფიქრებულ სიტუაციას, რომელმაც ის ოდინდელი უმწიკვლო სიყვარული შესაძლოა უკვე კიდევ შეიწირა. ოთხი წელიწადია გაურბიხარ და უცებ რა ჯანდაბა გეტაკა? ან „თუთარჩელაში“ საერთოდ რა გინდოდა?! კასკადიორებით მაგას ვერ გააკვირვებ. ვითომ რა მოიმოქმედე, გმირობის მოწმე მოიხელთე თუ წინასწარ ძვალ-რბილში გაგჯდომოდა მისი დაუფლების ყინი და შენც აჰყვი ცხოველური სურვილების ფეხის ხმას?! ერთი ჭა ხომ მაინუ უნდა დაგრჩეს წმინდა, შეუბღალავი?! მაგრამ თვითონ რომ დაიწყო ზანზალაკებიანი ეტლებითა და ცეცხლოვანი გიტარებით თავბრუს დახვევა?! ოჯახის შექმნა აქეთ დაგესწრო. მოკლედ, ბარიბარში ხარო. მიხვალ ოდიშელიებთან და ყველაფერს იღონებ მის დასაბრუნებლად! რატომ უნდა ზიდოს სანთელივით სუფთამ შენი ცოფიანი დღეები?! რა თვალით შეხედავ მერე უფალს განსაცდელისას?! დიახ, ჩასვამ ლევთერის მანქანაში და შინ გაისტუმრებ! ასე აჯობებს ორივესთვის! ხომ გიმარჩიელა ფაშფაშაბიცოლამისმა:

გაივლის ერთ კარს, გაივლის მეორეს, გაივლის მესამეს და უკან არასდროს არ მობრუნდებაო?! რატომ ეურჩები იღბალს?! განა იგივე არ გითხრა დედამისმა შურამაც?

სხვადასხვა მიმართულებით გაქანებული ეტლებიდან ეპოტინებით ერთმანეთს.

ბავშვობაში კიდევ ხო, მაგრამ მარჩიელის ზღაპრებს ვერწმუნები მე ახლა, ცხრა თოკგამოვლილი კაცი?! თუმცა აქ არის ერთი ნიშანდობლივი მომენტი, კერძოდ ის, რომ მკითხავი თავის გულისნადებს, საზოგადოების აზრს შენზე, პიროვნულ სიმპათია-ანტიპათიებს, აჯაბსანდალივით შექმნაზვს და გვარიანი ყუყჩი თუ ხარ, დაგაფჩინებებს პირასაც, ჩემი და ილონას მომავლის გარკვევას რა დიდი გულთმისნობა უნდა?! ის პირწავარდნილი ბოშა, დაუსრულებელი ხეტიალის მულამის ხალხის შვილი, მომთაბარული სისხლის და გაგებისძალად რომ დაება, დაეჭაჭვა ზუგდიდს ჰელიუმით დატუმბულ აეროსტატივით და ქვიშით საესე ტოპრაკები თუ ჩამოაშორე, ვინ იცის, საითკენ გადაისვრის ბორიასის ნება-სურვილი?! ის აუცილებელი სიმძიმე, ძიუმპეის ქვიშით საესე ტოპრაკებს რომ შევადარე, მისი ჩემდამი სიყვარულია — აუხდენელი, მიუღწეველი, აკრძალული ხილი ათასი ცხოვრებისეული რეალობით: ქმრისადმი, შვილებისადმი ერთგულებით, თავმოყვარეობით, ზნეობრივი ფასეულობებით და ვინ მოსთვლის, კიდევ რამდენი რამით; გადააბიჯებს ამ ზღვარს, გადალახავს რუბიკონს, გახარჯავს აეროსტატის დამაოკებელ სიყვარულს, მერე, მერე რას შეება?! ან უნდა გამოუშვა ჰაერი იმ აეროსტატიდან, ან კიდევ მართვად დირიჟაბლად იქვე, მაგრამ ეს ხომ იოლი არ არის?! არსებითად საკუთარი თავის გადახტომაა.

შენთვის კი პირიქით, ბორიალი, მიმოსვლეები და მისთანანია ბორკილი, დაბნეულობა. შენ მყარად მკვიდრობ ხელისგულისოდენა მიწაზე. მშობლიური ხეებივით ფესვები ღრმად გაგიდგამს მის წილში და რადგანაც შენი ხორცი თიხის ნაწილია, შეზრდილა მასთან, მოცალებობის ჟამს იწყებ ოცნებით ხეტი-ალს. გამოდის, იგივე ბოშა ხარ თავადაც. ის სრულფასოვანი მომთაბარეა, შენ — სანახევროდ განხორციელებული, სანახევროდ რეალიზებული. მართალია, ყმაწვილკაცობისას ბევრი ეძებე ილონა. გეპოვა, ალბათ, სხვანაირად წარიმართებოდა შენი წუთისოფელიც. მაგრამ აწი აღადგენს განა რამე გარდასულ განცდებს?! გენიალური კრონოსის კუთვნილებაა უკვე.

ბორჯი, ირფელ სი გობარ, უღირ, რენ დო მუშაალი, სო რე ბორჯი სი გაცოფექ, სო გემიონე სქანი ნალი, მარსიოლოქ უმუხნარცქო, ირო ართინერო მალი, სი გიჩქ სო მი ჩილათე დო , სო მის უღუ ნანინალი. სი რშუ თინა მუთი ვაშუ, მითინც ცა დო დინა შქასუ, სი უჯინედ სარიკოსუ, ბუაშე დინაშ მოხნარცქასუ, სი ვარენო გიჯინუნი დინაშ პირველ დორთაფაშა, სი გიჯინუ პირველ სერშა, პირველ დღაში გოთანაშა. სი მითინცუ პატის ვაცე, სამართალი გიღუ თინუ, სვალე ართი — სქანი წკალა, ხანდა მითინც ვაუდინუ, კონი მუში მოჯგირესუ, ჯა დო ქუჟას ოტოთანცუ, უბადოში ცქვაფა უჩქუ, ჯგირს თხოზუ დო ოგორანცუ, არბა ფირქენს მუ ორთუნი, შხვა კონიში უჯგუშისუ, ბორჯის ვაუჩქ მეფერაფა, ირკოს არქენს მუშუშისუ.*

რა გენია მოსპეს ასერებმა?! კოლხი ბაირონი. დანიელ ფიფია. დანე.

ესე იგი, რომ გდევნიან, არის შენშიც რაღაც ღვთიურობის ნაპერწკალი“.

როკომ ხიდისთავთან ჩამოსხა მგზავრები. ფერმკრთალი მთვარე ასინათ-
დება ტრიფოლიატას ღობეებს, აქორჩილი თხილის ბუჩქებს. ძაღლები ღაგა-
ვებდნენ. აქაურ ოღორჩოღორ შარებს ოდიშელია ხუთი თითივით იცნობდა.
ორი ათეული წელიწადია არაფერი შეცვლილიყო სოფელში: იგივე ტლაპობები
და მინდვრები, იგივე ლელები. სამკაო ხანს აფარებდა თავს ოდიშელია მოგვა-
რებთან, ვიდრე თვითონ არ მობეზრდა უსაქმურობა, ვინემ სულის ყვილმა არ
უხშმო, ახალ სივრცეებს არ გამოანთო ილონას საძებრად.

— მაპატიე, — უთხრა ქალს მოულოდნელად, — ყველაფერი ჩაგამწარე.

— სიმართლე მითხარი, — დიდრონი მწვანე თვალები მოანათა ილონამ, —
მანექანის გასაღებს რომ მაძლევდი, იცოდი გეძებდნენ თუ არა?!

— კი. გახსოვს ერთმა რომ გამიხშო, სწორედ იმან მითხრა.

— გამოდის, რომ მომიტაცე.

— დაახლოებით, მაგრამ ამაღამვე მიგაბრუნებ შინ. საამისოდ ჩემიანები
იზრუნებენ.

— მე კი მეგონა მართლა მომიტაცე. „კირი ხომ არ შეკრეს ამათ?! ჯერ ბიცოლა-
ჩემის სიტყვებმა მომიწვია: უკან არასდროს მობრუნდებო. ახლა დეიდაჩემიც ზედ
არ დაემატა?! კარლო გამიგებს, კარგი ბიჭია. არც სხვების მითქმა-მოთქმის მეშინია.
ბოლოს და ბოლოს მე ბოშავარ და არა — მეგრელი“. ჩვენს უნებურად მეორე მამაკა-
ცი არ იქნება, როკი, მაგრამ საკითხავია, ვინ არის პირველი: ის პატარა ბიჭუნა, კაბის
კალთაზე რომ მებლაუჭებოდა თუ ჩემი ჟიშ-ჯილაგისა, ორი ვაჟი შვილის მამა?! წა-
მოყვანა შენი ნება იყო, დაბრუნება — ჩემზეა, თვითონ გადავწყვეტ, როგორ და რანა-
ირად აჯობებს, შენთვისაც, ჩემთვისაც, ტყვიით რომ არ მოგსდევდნენ, გაგეცლებოდი
ხელად, მაგრამ ახლა ჩემი წასვლა ღალატი იქნება. მაღალ ღმერთს რაც სწადია
იმას ადამიანი ვერ შეცვლის.

ოდიშელია თავდახრილი უსმენდა ილონას. სახეზე აღმური ეკიდებოდა.
სინდისის ქეჭნასაგანაც იყო ეს წამოფაკლვა და სულის კუნჭულში მიმალული
მსუნაგი სურვილისგანაც, რომელიც ილონას გამაღიზიანებელ ოფლის სუნს
მოჰქონდა.

ენგურის მარცხენა ნაპირს მისდევდნენ. მიმცხრალი მთვარის შუქზე მივა-
ლალებდა დაკნინებული მდინარე, დაგვალული შუქებით მიიკვლევდნენ გზას
ოდიშელიებისკენ.

მოსახლეობა კერიებს მიჩოჩებოდა. ადამიანი შვილი არსაიდან ჭაჭანებდა.
ჩაუარეს კამეჩების ჯოგს, ცხენების რემას, კიდევ რამდენიმე მინდორი გადაი-
არეს, ჩაუხვიეს ხელმარცხნივ და მოხრევილ თემშარაზე გავიდნენ.

— მთლად ბავშვი მოგიყვანია ცოლად, — წამოიწყო ისევ ილონამ, — ისე კი
შეუღარებელია თურმანიძეების ასული, მდიდარი, კარგი წრის, ხორბლისფე-
რი ჩემსავით.

— ჰო, ბევრად უფროსი ვარ.

— ჩვენს ამბავს რომ გაიგებს, გაგეყრება, ალბათ, — გადაიკისკისა უცებ.
 — გამორიცხული არ არის.
 — ნუ ჯავრობ, დამწვიდებული იყავი. მეგრელი ქალი ბოშა როდია. არსად გაგაქცევა. ბიჭისთვის ნიკა დაგიჩქმევია.

— ჰო, მარინას მამის ხსოვნის საპატივცემლოდ. შენები კარლოს ჰგვანან უფრო.

— დიახ, მისი ალი-კვალა ორივე. საოცარი მუსიკალური მონაცემები აქვთ ჩემს გიჟელებს. კარლოსთანა გიტარისტი კავშირში თითითაა საძებარი. ნამდვილი ვირტუოზია.

როკის გაეცინა.

— რა იყო, გეჭვება? — ეწყინა ილონას.

— ჩვენი ენა მაგრად გისწავლია, ლამის უაქცენტოდ ლაპარაკობ, მაგრამ ლაფსუსები მაინც მოგდის. ჩვენი თითით საჩვენებელი კაციაო იტყვიან. მაგრამ საძებარს თუ ახსენებ, მაშინ სანთლით უნდა დაამატო, სანთლით საძებარი. ისე, ბიჭები მამას ემგვანებიან უფრო, სახითაც და ზნეობითაც.

— უფროსი შვილი წლისაა უკვე. უმცროსს ექვსი შეუსრულდება ნოემბერში. დამიჯერე, მოცარტები მიზრდება. საუბედუროდ დაგვაფიწყდა ვიოლინოს წამოღება, თორემ სასწაულს განახებდი.

— როცა პირველი შვილი გაგჩენია, ჩრდილოეთში ვიყავი, მეორის დროსაც.

— ვიცი. სამმართველოში მითხრეს. ეტაპირებულია სვერდლოვსკის მიმართულებითო. საკმაო ხანს კი გიცადე, როკი, მაგრამ აქვთ ჩემების შემოტევის ვეღარ გაუშედი; იქით — უქმრო ქალი, გნებავს ბოშა იყოს იგი, გნებავს — მეგრელი, უპატრონო ცხვარს ჰგავს, მგლებს სათარეშოდ მიშვებულს. კარლო კი ნამდვილი მამაკაცია, კბილებით დამიცავს თუ დამჭირდა.

— მგონი მოვედით, — როკიმ ფარნები გამორთო და მთვარის უსუსურ შუქზე მიუყვებოდა შუკას, — შენ უფრო მეტ ხანს მომიცადე ილონა, ვიდრე მე გეტებდი. მოკლედ, ვალში ვარ. თითქოს ღარიბულად ცხოვრობენ, მაგრამ აი, ნახავ, სართულებით რომ არ იზომება ოჯახის შესაძლებლობა. ჯოტო ოდიშელის რკინა-ბეტონს ვერ უხსენებ. დურგალია თვითონ, ხურობს, ოღონდ გასამრჯელოსათვის კი არა, თავისთვის ჩხირკედლაობს! ცეცხლზე შემოსადგმელის გარდა ოდიშელიებთან ყველაფერი ხისაა, ყოველ შემთხვევისათვის ასე იყო ჩემს დაპატიმრებამდე.

— ამ ხნის მანძილზე რაღაც შეიცვლებოდა.

— შესაძლოა. რძალს სიახლე შემოაქვს ოჯახში. თან თვითონაც სამოცდაათს გადაცილებულია უკვე. არ შინიანი მხრებით დავტოვე და ვნახოთ, წუთისოფელს რამდენად გაუმკლავდა. ცოლად აზნაური შვილი ჰყავს, ჩხოლორაიების ქალი, საოცრად ენამოსწრებული და სანდომიანი. ჰმ! ძაღლები აუშვიათ. მისიგნალებისაც მერიდება, — ანთო ფანრები, ისევ ჩააქრო და ასე გაიმეორა რამდენჯერმე.

აივანზე გამოსულმა კაცმა როზროხით დაუცაცხანა ნაგაზებს.

— რომელი ხარ მანდ, თვალებს რომ აბაჭუნებ უწესო ქალივით? — მერე შინაურებს გადაულაპარაკა ჩაწეული ხმით, — გითხარი თუ არა, ბაბაგე, ძაღლებს ჯერ ნუ აუშვებ-მეთქი?! მგონი სტუმარია.

სამზადიდან გამოსული დედაკაცები დაფაცურდნენ. უხმეს გააფთრებულ ქოფაკებს. აქეთ ოჯახის უფროსის გაწყრომამაც ნაგაზები მასპინძლებისკენ გაძღრა. როკი ამჩნევდა ნათურის შუქზე როგორ ჩააფრინდნენ საყურადღებო და მსუყლე ლუკმით რანაირად წაიტყუეს ოდის მოფარებულისაკენ.

— გამარჯობა, ჯოტო ბიძია, — მიესალმა მასპინძელს მანქანიდან გადმოსული ოდიშელია.

— რომელი ხარ კაცო, მობრძანდით, ხმაზე მეცნაურები თითქოს.

— ძაკას შვილი შვილი ვარ, ჯოტო ბიძია, როკი.

— ჰაიტ, შეგირცხვეს ნამუსი! შენ კიდევ ბედავ აქ მოსვლას?! რა ხანია განთავისუფლდი და მოხუცი ჯოტო ერთხელ არ ინახულე. გაინხარე, დედაკაცო! როკი მოვიდა თავისი ფეხით! — მასპინძელმა კუტიკარი გამოაღო, გადაეხვივნენ ერთმანეთს. იხელა გოლიათი იყო ჯოტო, ნიკაპამდე ძლივს წვდებოდა როკი. დევის ტორებით ბლუჯავდა სტუმარს და ისე ანჯღრევდა, გეგონებოდათ, ნაგალა მსხლის ხეს საარყდ არხევსო. მართლაც ბაბაყდევის ჰგავდა ჯოტო ოდიშელია, ერთიანად გაბანჯგლული. გადაპარსული თავი ნიკელივით უბზინავდა. მსხვილი, დაგრეხილი წარბები გასთეთრებოდა გვარიანად. თერთმეტ წელიწადს ბევრი ვერაფერი დაეციცქნა მისი ახოვნობისათვის. იგივე ნეკათითის სისხო ძარღვები, იგივე დათვის ტორები. თვალწინ გაუღვრა როკის უკანა ფეხით როგორ მიათრევდა მოზვერს კარის მეზობელთან გამართულ საუბარში. ცოტა ვერცხლი მიმატებოდა დევეკაცს, თორემ სხვაგვარი დიხაბა ცველებური ჯოტო ოდიშელია გახლდათ — როხროხა, ძვალმსხვილი, ფართე სახის, საკუთარ თავში დაჭერებული და გამუდმებით სტუმარს დადარაჯებული.

ოთხივე შვილი დააბინავა გამრჯე ადამიანმა. ორი ქალიშვილი დასახლა. გამაზივთა. უფროს ვაჟი შვილსაც თავისი ხელით მოუკოპწიავა ოდა-სახლი. პირუტყვი, ფრინველი ერთი ჩლიქითა და ფრთით ზედმეტი არ დაუტოვებია ოჯახში. ფუქი უმცროსს ეკუთვნოდა წესით. ლევთერი როკის კბილა იყო, მაგრამ ულვაშადინდლული ბიჭები ჰგავდა უკვე. ლევთერი ძალ-ღონით მამამისს მიმსგავებოდა, მასავით მოუხეშავი და ვეება, ნებისმიერ მსუბუქ მანქანას მარტოკა წამოსწევდა ძრავის მხრიდან. დიასახლისები ოცდაოთი საათი ფუსფუსებდნენ გამუდმულ სუფრასთან. მათ ოჯახს იშვიათად თუ შეედრებოდა ვინმე სტუმრობით.

დეზერტირობის ჟამს როკი ისე შეეთვისა მათ სამკვიდრებელს, აცრემლებულებმა გამოაცილეს სოფლის ცენტრამდე. იქსანდო ხალტურისტი დაუქირავეს: ვინ იცის, სად დაგჭირდებაო და ფულიც ჩაუკუჭკეს ზიბში.

ოდიშელიამ გამოღებულ რკინის ჭიშკარში მანქანა შეიყვანა. ილონა სამზადთან ჩამოსვა, თვითონ ოდას შემოუარა და ძაღლების სიხლოვეს ძრავა გამოართო. ქოფაკები ერთმანეთის ზიბრით ჯაჭვის აწყვეტამდე გათარანდნენ. შო-

რიდან შეემუქრა ძაღლებს ჯოგი ოდიშელია და ისევ გააკმენდინა ხმა.

ქალებმა გადააკონეს როკი და მისი თანამგზავრი.

— დატრიალდი შენებურად, ჩხოლარხე! ამას ვახშამი არც ეკუთვნის, მაგრამ თქვენთვის მიპატიებია, ქალბატონო. გავიგე დაოჯახებულხართ. გავიხარე, ჯოტო ბიძია კი რატომღაც არ გაგახსენდათ!

ქალები სამზადში შევიდნენ. კაცები არ ჩქარობდნენ, სიგარეტს ეწეოდნენ და აგრძელებდნენ საუბარს.

— ბევრი გამომრჩა ჯოტო, ბიძია, მაპატიე! რვაასი კაცი მყავდა დაპატიჟებული და მიუხედავად ამისა, მეორე რვაასი მაინც მემღურის. რა გქნა, ვერ გავეწვდი. რაც შეეხება ამ გოგოს, — ხმას დაუწია როკიმ, — ჩემი მეუღლე არ არის. უფრო მოგვიანებით გეტყვი რა მაკავშირებს მასთან და რანაირად მოხვდა თქვენსას.

— რაში მაინტერესებს ჩაძიება, — ბანზე აუგდო სიტყვა ოჯახის თავკაცმა, — ეტყობა რალაც გაგჭირვებია, ჯოტო ბიძია რომ გაგახსენდა.

— ხომ იცი, ძაღლის ბედი მაქვს, — ამბობდა როკი და ეზოს შუაგულისაკენ მიაბიჯებდა მკვლავზე ხელგამოდებული მასპინძლითურთ, — ტყუილად ირჯებიან, უდანაშაულოს სასჯელს ვერ ამკიდებენ. ციხეში შებრუნება მაინცდამაინც დიდი უბედურება არ არის ჩემი ბიოგრაფიის კაცისათვის, მაგრამ უკვე ცოლშვილიანი ვარ, ასაკითაც გვარიანად დაგრუხული.

— ძაღლის ბედი ახსენე, როკი, მხედველობაში რა გაქვს?!

— ყოჩაღ, ჯოტო ბიძია, ვერაფერს გამოგაპარებს კაცი. იმიტომაც მიყვარდი და მეყვარები მუდამ. შენზე დრო არ მოქმედებს. რა წამალს გიკეთებს ისეთს ჩხოლარხე?! ჩემს ცოლსაც ასწავლოს იქნება, ბიჭივით გამოიყურები.

— ქათინაურებს მოეშვი, საქმეზე ისაუბრე.

— ჯოტო ბიძია, ერთ წელიწადში, ჰა და ჰა ორში, კომუნისტების ჭაჭანება არ იქნება ჩვენსას. ნუ გეცინება, სერიოზულად გეუბნები. ისე ჭრაჭუნებს მათი სკამები ახლა, მკვეთრი სიახლეები გარდაუვალია. სულ მალე სხვა ხალხი მოვა მათ ადგილას.

— ჭირს წაუღია ამათი ნიაბაგი*, მაგრამ ვაის გაყრილის და უისთან მისულის ანდაზა არ გამოგვივიდეს. კანონები დიდებული აქვთ კომუნისტებს, შესრულება იკითხე შენ თორემ. ბევრს მოვსწრებივარ მე: ნებს, ოცდაჩვიდმეტს, სამამულო ომს, ორმოცდათექვსმეტს, სამოცდათორმეტს. სარკე რომ ჰქონოდათ, სოციალიზმი მთლად ხელწამოსაკრავი როდია.

— გადააშენე ერთი!

— რამდენი წელია არ მინახიხარ, შეცვლილი მეჩვენები, თუმცა მაშინ ბავშვი იყავი. კიდევ კარგი ახლა მაინც ვერ იტყვი მეჩქარებაო.

— კომუნისტები ხავსს ეჭიდებიან, ჯოტო ბიძია, — აუჩემა როკიმ ძლივს ბანზეგადებული თემა, — მორჩენილია ამათი საქმე, როცა საკუთარი სკამის შესანარჩუნებლად ლიმონკების აფეთქებასაც გაბედავენ დიხამინჯიასავით, დამთავრებულია ბაზარი. ასე რომ, ჯოხითაც მაგდებდე წამსვლელი აღარსად ვარ.

ციხის მე არ მეშინია, იცი შენ ეგ, მაგრამ სისულელეა უდანაშაულომ ოთხ კედელს შუა ვიყურყუტო, უფრო სწორედ იმიტომ, ვილაც კრეტინს ხელს ვუშლი, დაჩოქილი ცოტნეს ძეგლს არ ვადგმევინებ ზუგდიდში. მთელი არსებით ვგრძნობ ჯოტო ბიძია, სულ სხვა დრო მოახლოვდა. კომუნისტების სიძულვილი არ მაღაპარაკებს ამას, თვითონ სისტემა დამყაყდა: გამადიდებელი შუშით უმზერენ შენს ნაბიჯებს, შენს მიმოხვრას, შენს სიტყვას. კი, მაგრამ როდემდე?! როდემდე გინდა ცხრაკლიტულში გამოამწყვდიო მართალი აზრი?! ციხე ვახსენე და იქ არ დავბადებულვარ, თორემ დავაქვაცვებით მოგეცა ლხენა. დათვლილი მაქვს ჩემი თითებივით: ორმოცდასამი ციხე და პერესილკა გამომივლია. ორი დაკეტული, თვრამეტი ზონა, ათი ბური და ერთი ზური. იზოლატორებს და კარცერებს ვინ მოსთვლის. რომელ შორეულში არ ვყოფილვარ, ჯოტო ბიძია, ყმაწვილკაცი ჩავვარდი და ჭლარა იქ მომერია. რუსული ენის უცოდინარი ოთხიათას კაცს ვკარანახობდი ბურის საკნიდან. მეორე არასდროს ვყოფილვარ. ჭირივით მეჯავრება გამოთქმა:

ხეთეულში გულაობსო, ათეულში შედისო.

ყველაფერში პირველი უნდა იყო, ჯოტო ბიძია, რა სიტუაციაშიც უნდა ჩავარდე. ზონებს დავანებოთ თავი, სამოქალაქო საქმეებშიც თუ გინდა. ხურო ხარ?! ბადალი არ უნდა მოგეძეებოდეს. შენი ხელეჩო-ნაჯახის ზღაპრებს შევილი შეილებს უნდა უყვებოდნენ. სხვანაირად რაღა აზრი აქვს სიცოცხლეს?! ჯერ არ ყოფილა შემთხვევა კაცის შემშინებოდეს. არასდროს მიფიქრია მოწინააღმდეგე მაღალია, მხარბეჭიანი, დუხიანი, მკვლელი; ემხვარია, დადიანი, ბაგოატიონი თუ რომანოვი. ყველას პატივს ვცემდი და ვცემ კვლავაც. არც ცოდნით და შეძლებით გამოვარჩევ ვინმეს, აღარც — ხელობით. მე კაცს ფრჩხილისოდენას არ დავუშვებ; გლახია ეს, მუშა, ქურდი თუ ინტელიგენტი, ნებისმიერი პიროვნება მეგობრად გამიხდია, გარდა გაფუჭებული კაცისა, მაგრამ ვინც ჩამოგითვალე ამათგან რომელიმე ჩემი დაჩაგვრა და გასწრება თუ მოინდომა, სირბილის მადას დაუკარგავ სამუდამოდ. შენ ხურო ხარ, და ასსართულიანი სახლის წარმოდგენა არ გაგიძნელებდა. დავუშვათ ამისთანა სახლის სახურავზე ფეხმორთხმით ზიხარ. ნაბიჯ-ნაბიჯ, მტკაველ-მტკაველ ავიგია ეს ქარვასლა, ხოდა, ტკბები შენი ხელებით მოპოვებული სიმაღლიდან სამყაროს თვალთვალთ. რამდენი ოფლი და ენერგია შეგიღვია ამ შენობისათვის. ჯამრთელობა შეგიწირავს სართულ და სართულ ზეაწვისას. ამისთანა დროს, ვინმე ხეჩუას გვერდით გინდა მომისკუბდე, ოფლის დაუღვრელად; ჰარიჰარად გინდა საჩემო სუფთა ჰაერი ყლაპო; ამ სიმაღლეზე ამოსვლასაც არ კადრულობ, მცოცავი ამწეთი გინდა ამოგასეირნონ და ისე დამიმშვენო მხარი. არ გამოვა. ამხელა ცათამბჯენის აშენება თუ არ ძალძიგს, კეთილი ინებე და მის შემოქმედს პატივი ეცი. ამოირბინე ქე მაინც მის სიმაღლემდე, ცოტათი მაინც გაიზიარე მისი ტვირთი, ოფლი მოიღინე ბეწო, წელში გაწყდები თუ რა?!

რაც მე სიყმაწვილიდან სიჭარმაგემდე გაჭირვება გამომივლია, ზოგს რომ დაასიზმრო, ერთ თვეს ლოგინს არ გაეკარება: არიქა, კიდეც არ დამესიზმროს ის

საშინელებაო. ღმერთმა სუყველას თავისი გზით გაუმარჯოს, მაგრამ სადაც არ გვეკუთვნის, ცხვირს ნუ ჰყოფ. ბავშვობაში ოქტომბრელების ხაზზე იყვნენ გაჭიმულები. წამოიზარდნენ, პიონერები გახდნენ, დაუთოებულები წითელი ყელსახვევით პატაკობდნენ ერთმანეთს. წამოყვინჩილდნენ, კომკავშირლებად მოგვევლინენ, დამკვრელურ საქმეებში გაიჩინენ. მერე წავიდა ჩალიჩი კომუნისტურ პარტიაში შესაღწევად. მე ეს ყველაფერი დიდი ხანია გაგებულნი მაქვს.

— ათი ათასი ყოფილა ტაქსა, — ბრძანა ჯოტო ოდიშელიამ.

— შეიძლება ცოტა ნაკლებიც, მაგრამ წყალში ჩაყრილი ფულია, დაეკარგებათ ღღეს იქნება თუ ხვალ-ხვდ. სულ მალე ისეთ გასაჭირში ჩაცვივდებიან, იმ ბილეთის დასამარხავად გიღის ვერ იპოვიან, გნებავთ ხუთი ჰექტარი მამული ჰქონდეთ. ესენი უკვე ენერჯიდაკარგული ხალხია, ჯოტო ბიძია, მაგრამ ამ მომენტში თუ მოგიხელთეს, შენზე გადაამტვრევენ ჯოხს. ასეთია განწირული კაცის თვისება. მერე რას მიშველის მე სხვა ხელისუფლება, სხვა პარტია.

იტყვიან: დაუშვებია და იჯდესო.

ყოფილა ჯერეთ მართალი კაცის ქომავი მთავრობა?! ხალხის სატკივარზე ლაქლაქი ნებისმიერი მმართველი ძალის სენია. თავიანთი შვილებისათვის ქერის ორმოს იმზადებენ, შენთვის კი სამარეს თხრიან. ღმერთმა ქნას, ჩვენს ქვეყანაშიც მოსულიყოს უბრალო ადამიანების ინტერესების გამოხატული ხელისუფლება, მაგრამ გული მიგრძნობს, ყვავის ანდაზისებურად მოგვიხდება ცუნცული.

— ეგ როგორ? — ჰკითხა მასპინძელმა და უშველებელ ლეღვის ხესთან ბალახის მწიწკნავ ცხენს ფაფარში წვდა. მერანმა დაიფრუტუნა პატრონის მიაღერებაზე.

— არ მოუყოლია ძაკა ბაბუას შენთვის, ყვავს მელია რომ შეხვდება?

— რაღაც არ მახსოვს.

— კარგი.

საით მიფრინავ ყვავო, ჰკითხა ერთხელ მელაკუდამ ყვინჩილას.

სად ჩემო, ბატონო და რომ არ სკინტლავენ, იქო.

მერედა, უკანალი თუ მიგაქვსო, მელიამ.

იმან, კიო, დაუდასტურა.

მაშინ, იქაც მოსკინტლავ შე უბედუროო. საქართველოს წარსულსა თუ ღღევანდლობაში, იშვიათი გამონაკლისის გარდა, მე ვერ ვნახე ვერც მთავარი და ერისთავი, ვეღარც — მეფე, რაიკომის მდივნები და აღმასკომის თავმჯდომარეები ხომ სალაპარაკოდაც ზედმეტია, რომლებიც ხელეჩოთი არ მიითლიდნენ სახალხო დოვლათს.

— ამას რა ცოდნა უნდა, მშრომელი კაცის კისერზე ზის ხელმწიფეც, მილიციაც და არმიაც, მაგრამ ვთქვით და გამაგრდნენ ის კომუნისტები, მერე რას შვრები, სულ ხომ არ დაიმალება?!

— უნდა ვეძებო გამოსავალი. მერიდება, მაგრამ შეიძლება ჩვენი დიდი ნათესავის შეწუხებამაც მომიწიოს. ასე რომ, ამიტანთ უნდა დროებით. ზოგჯერ აფხაზეთშიც გადავალ.

გიშერივით მბზინავ რაშს მიაჩერდა როკი, რომელსაც ახალმოთბუღი ბალახი მოეთავებინა და კონდარს მისძალებოდა. ფანქარვით წვრილ დასწორ ფეხებზე იდგა. ჯოტოს არ გამოპარვია მოგვარის მზერის მიმართულება. იქით დაასწროს ტუშმარს.

— ცხენზე უარს როგორ გეტყვი, ბაბაგე. თუ გაიმეტებ, რომელი ტრანსპორტი მიუვა ტუქში. შვიდი წლისაა, ფიცხელი და მოუთოკავი. არ იცის დაღლა რაა. მათრახს არ დაირტყამს ჩემი საღარა.

— ცხენი ერთი გყავს, ჯოტო ბიძია?!

— ვინ თქვა ეგ?! ერთი ცხენი გინდა გყოლია და გინდა — არა. რვა, მაგრამ ეს ამორჩეულია. შარშანდელ მეგობრობის ზეიმზე რუხში პირველი ადგილი არავის დაუთმო, მთელი ნახევარი კილომეტრით ჩამოიტოვა აფხაზების ყაბარდულები და არაბულები. უმცროსი შვილიშვილი იჯდა, ხუნტული. უფროსი მეორე ადგილზე გავიდა, კოჭოია. წარბია ათიოდე ნაბიჯით ჩამორჩა საღარას. აფხაზები კულში დაგვედენენ: მოგვიდეთ, მოგვიდეთო, მაგრამ ცხენი ძროხა ხომ არ არის გავიდა? ამათი ჯიშის კვიცი ვაჭუქე აგუბედიელ ლაცუზბაიას. სანაცვლოდ იცი, რა ქნეს?! სამოცდაჩვიდმეტი წლის გამოშვება „ნოლტრი“ დატოვეს, წითელი ფერის, კვერცხვით შეკრული. ქალაქში არიან ახლა მისით ლევთერი და ბიჭები. იგვიანებენ რაცხა. შენ იცი, როკი, ცხენზე ჯდომა?

— მთლად ჭინკავარ, ჯოტო ბიძია. ბავშვობაში იპოდრომზე დავდიოდით. ჯიშისანი, უშველებელი სპორტული ცხენები ჰყავდათ. ორმოცდაათამდე მოზარდი გამოვაყვანიებდით პავლუშა ყოკეის და ჩხოუშიაში ვბანდით. შემდეგ ბოშები ჩამობანაკდნენ ჩვენსას და ახლა მათ მერნებს დავუწყეთ ფერება, ვარცხნა და სეირნობა. ცხენოსნობა ყველაზე ჭენტლემენურ სპორტადაა მიჩნეული უცხოეთში. ნებიერი პრეზიდენტი, დაწყებული რეიგანიდან, ცხენზე ჯდომით იმშვიდებს ნერვებს.

— პრეზიდენტებისა რა მოგახსენო, მაგრამ მე შენს „ოცდაოთხში“ არ გაგიცვლიდი ჩემს საღარას და წარბიას. ის ქალიც ბოშათა ცხენებს ხომ არ ჩამოჰყოლია?

— ჰო. ნუ იცინი, ილონა სხვაა.

— ააა, კინაღამ რომ მოგიტაცა?! ხომ შეტრიალდებოდა საფლავში ბაბუაშენი ძაკა?! ბიჭო, ვინ მოგვცა ჩვენ გასაცხენებელი ოდიშელია?! სხვა გვარის წარმომადგენლებისაგან გამორჩეულები იმითაც ვართ, ოდიშელები არც იმერლებს ჰყავთ, აღარც — გურულებს და მითუმეტეს — აფხაზებს. ესე იგი მაგრად ჩაუჭერიხარ.

— ქალების მეტი რა მინახავს, ჯოტო ბიძია, მაგრამ ეგ ერთადერთია და განსაკუთრებული. მეზობლები ხომ არ გაგვყდიან?

— გაგიჟდი?! მეორედ არ წამოგცდეს. ფარნა კოდუას, გულას ოჯახი?! იცი,

მეზობელი ერთი მყავს, ხუთი შვილის მამა, ნალდი, დოგაფილი*მეგრელი. ეზო დიდი მაქვს, სამი ჰექტარი. იმასაც ამდენივე. სახლები ეზოს შუაგულში გვიდგას. ასე რომ, ერთმანეთს თითქმის კილომეტრით ვართ დაშორებულნი. დღისით უცხო ვინმე თუ გვესტუმრა, სხვა ოთახში გახვალთ. ნუ შეეფეთებით მიწადამინც. ღამით გეგენს და ლანდუშს რომ ავუშვებ, მეყოლე ვარდივით, იძინე ტკბილად მთელი ღამე. სადმე დააპირებ წასვლას? — ღამის ორ საათზე გადადი ცხენით. ჩემი შავი ნაბადი და ბოხოხი ატარე. წვერი მოუშვი. დაბრუნებითაც შუალამეზე ადრე ნუ მოხვალ. დღე დათქმული უნდა გვქონდეს, ძაღლები რომ არ ავუშვა იმ ღამეს.

— ბერეკაცო, ნუ შეიკალი სტუმარი, სიგრილემ არ დასცადოს, ენგურისპირია ბოლოს და ბოლოს, — გამოსძახა სამზადიდან თეთრი მანდილით შუბლწაკრულმა მეუღლემ.

სამზადი ერქვა ორთვლიან ნაგებობას, თორემ უკეთეს საცხოვრისს ვერც ინატრებდით. სივრცე იმხელა ჰქონდა, საღარა და წარბია ერთდროულად გაქენდებოდა. ოდაში საძინებლად თუ ადიოდნენ, ან — განსაკუთრებული სტუმარი როა ეწვეოდათ, მაშინ. ერთ მხარეს მიწატკეპნილი იყო, მეორეგან — დაფიცრული. შეუწყებავი კედლები ოქროსფრად ანათებდნენ. ორივე თვალში უშველებელი ბუხარი გიზგიზებდა.

ილონა ჯორჯოზე იჯდა მუხლებმოკეცილი. ოჯახის რძალს ემუსიაფებოდა. სკამით ტკბილეული მოეჩოჩებინა ჩხოლარხეს, ჩირი, ჩურჩხელები. წაგრძელებული მაგიდისთვის ქათქათა სუფრა გადაეფარებინა. თევშები ჩამოერიგებინა რვაკაცზე. კეცზე გამოცხობილი ფუმფულა პური სამ ადგილას ჩადგა. ყველიან კვერებს ოსშივარი ასლიოდა. თხილი და არაყი მომცრო გრაფინით გამოეტანა უკვე და ერთი სასმისი ილონასთვის შეევსო.

ნაჭაზე ჩამოკიდებულ ქვაბში ღომი უშუშდებოდა. რძალი წკირზე წამოცმულ ორ ქათამს ატრიალებდა, აყრმიზებული სახით სტუმარს ესაუბრებოდა და თან გულისყური ჭიშკრისკენ ჰქონდა, ქმარ-შვილ როდის დაუბრუნდებოდა.

„ჩემზე ორი წლით უმცროსია, მაგრამ ქალი შვილისგან ვერ გაარჩევ, — ფიქრობდა ანთელახე, — ნამდვილი მზეთუნახავია“.

ილონას მუხლებზე დაედო მაჯები და წამახვილებული, უმშვენიერესი თითებით გუღია შვილის ტილოდან გადმოსულს ჰგავდა.

— ნახევარი ზუგდიდი შენი ნაჩუქარი იარაღით დადის, — იღიმოდა ჯოტო ოდიშელია და ხელებით ეპატიყებოდა როკის სუფრისკენ, — და უსამართლო კანონს შეყვარებულთან ერთად გამოქცეული, შემოინახავდი შენთვის ერთ-ბუთს.

— ჰო, მართლა, — შუბლზე იტკიცა ხელი როკიმ, — სულ გამომავიწყდა. შეხედე, შეხედე! — „ბერეტა“ ამოაცოცა ჩიბიდან, მქვდ გამოიღო, ტყვიები სათითაოდ ამოყარა და გასაგნებულ ჯოტოს მიაწოდა, — ეს ჩემგან საჩუქრად. შვილი შვილების ქორწილში დაგეცალოს!

— ახლა მართლაც გამახარე მოხუცი კაცი, — გული აუჩივლდა ოჯახის უფროსს, — ჯერ ნათესავს აკოცა, მერე — იარაღს, — ასეთ საჩუქარს ვინ მოგართმევს თუ არა ძაკას მოთა, ოდიშელია?! მთლად ახალი ყოფილა, ზეთში ცურავს.

— რად გინდა ბებერს იარაღი, საიქიოში ხომ არ წაიღებ?! — ამბობდა ჩხოლარზე, ახალ-ახალ კერძეულს უმატებდა სუფრას, თან მოზიზიმიე პისტოლეტს თვალს ვერ წყვეტდა, — გამიშრობს აწი სისხლს. რამდენჯერაც დათვრება, სულ მე მიმიზნებდეს იქნება; ხოლო შეულამაზებლად თუ ვიტყვი, ჩემი ყაზაყი დღეში ხუთჯერ თვრება და გამოდის მთელი დღე შეყენებული ვეყოლები.

ყველას სიცილი წასკდა. გადაიკისკისა ილონამაც და ალისფერი ტუჩებიდან ჩაწიკწიკებული ბროლის კბილები გამოაჩინა.

— შვილო, როკი, შენ მგონი აბრაგობას იწყებ ქვეყნიერების დასასრულს. — ჩხოლარზემ მაკები დააყრდნო მხრებზე სტუმარს,

— „ოცდაოთხიდან“ ცხენზე გადასვლა არაასახუმარო საქმე, თუმცაღაც ცხენი სჯობია დღეს მანქანას. აგერ, კოდუებს სათვალავში ჰყავთ, თორემ დაქოქილი ნახევარი წელია არავის უნახავს. სად არის ბენზინის ფული. ავტობუსით დადის მთელი ოჯახი.

— მერე კიტრი და პომიდორი ხომ არ დაგიბარებია მათთვის?! დაჭრილი არ დამანახო, მრგვლად მოიტანე. კამეჩის მაწონიც გაიხსენო იქნება, თიხის დორაში რომ არის, მაცივარივით ინახავს. ჭირივით მეჯავრება შუშის ქილა. ყველი სიგრძეზე დასერე! ძარღვები მე შლება, როცა დასაითრიფანებენ. გახედავ და მოვარე მოჩანს იქიდან. გაუმასპინძლდნენ ასათნაირად ერთ სვანს. მასპინძელი ატყობს ქალღლივით თხელი გამოსვლია დიასახლისს ყველი. რა ქნას, დედაკაცის სიძუნწე მორთმეულია სუფრაზე მთელი სიგრძე-სიგანით და ოდნავ დარცხვენილი ამბობს:

ყველი ცოტა თხლად დაუჭრია ჩემს ცოლსო. სტუმარმა აინუშშიც არ ჩაადლო ოჯახის უფროსის დამორცხვება:

არა უშავს ორ-ორად შევჭამო.

ღვინო რომელი გინდა, შვილო, წითელი, თეთრი? მგონი ლევთერი მოვიდა თავისი ბოკრებით. ამაღამ ეს ვიკმაროთ, ხვალისათვის ხბოს ჩამოვკვიდებ.

მანქანამ ზედ სამზადს მოანათა. გადმობარგდნენ „ჟიგულიდან“ ოდიშელიები, ახოვნები, ტოლის-ტოლები, ზანტი მიმოხვრით. გადმოიტანეს პარკები და ჩანთები. აიშალა სუფრა. გადაეხვივნენ ერთმანეთს დიდი ხნს უნახავი ძმები. ბიჭებს ქოჩრები აუჩეჩა როკიმ. კვლავ თავთავიანთ ადგილებს მიუბრუნდნენ. მაღალი ღმერთი ახსენეს პირველი ჭიქით, მერე ლევთერმა წამოიწყო საუბარი:

— ხუთჯერ გაგაჩერეს გზაში. ყველას ჩხრევენ. გვარი როცა გაიგეს ჩემი, მკითხეს:

პანტიერა თუ გაგიგონიაო.

ღიახ-მეთქი.

მერე მაიორთან მიმიყვანეს, ბატონო ტოლიკით რომ მიმართავდნენ. კითხულობს ჩემს მოწმობას, და უცებ მეუბნება:

ვიცნობთ ჯოტოს, ნაღდი მეგრელია. ისიც ვიცით, ერთ დროს თქვენთან იმალებოდაო.

მაშინ მე ჯარში ვმსახურობდი-მეთქი.

შენ კი, მაგრამ ის გაუბოლოდაო. ეგ ისეთი ეშმაკია ერთხელ ნამყოფ ადგილს არაფრით გაეკარებაო. გავიგეთ, აფხაზეთშია გადასული, მაგრამ იქაც მივწვდებით. ვინცობაა, თქვენსკენ გამოუწიოს გულმა, დაარწმუნეთ, თავისი ფეხით გამოცხადდეს სჯობია. ეს წანწალი უფრო და უფრო დაუმძიმებს საქმესო. „თუთარჩელიში“ რომ ჩაგვებარებოდა, ხომ არ დაემატებოდა ოფიცრის სიცოცხლის ხელყოფა. ორმა ტყვიამ მკერდი გაუგლიჯა და ღმერთმა უწყის, გადარჩება თუ არაო.

შევიბირდი, მასე ვიზამ-მეთქი.

მთელს ქალაქს შენი ამბავი აკერია პირზე. დიხამინჯია ცოფებს ყრის თურმე. სახლი გაუჩხრეკიათ და საძინებელში ყუმბარები აღმოუჩენიათ. ყენია დეილამ მითხრა ეს. განერვიანებულ ვალერიან ბიძისათვის დამბლას დაურტყამს. საშიში არაფერია. დროულად წაუყვანიათ საავადმყოფოში. მარჯვენახელ-ფეხს ვერ ამოძრავებს რიგიანად, ეგ არის და ეგ, მაგრამ თეიმურაზ დარასელმა და უჩა ხეციამ მოაყარეს თურმე წამლები. ჭითაწყაროს საავადმყოფოშია. თვითონ მხნედ გრძნოს თავს, შენ ედარდები თორემ.

მალე წამოდგებაო, ექიმებმა.

— თუ რამე მოუვიდა მამას, ღორივით დაკვლავ უბედურს, — გაცხარდა როკი.

— ამბობენ ბოშა ქალი მოიტაცაო და ცალკე იმათგან ელიან თავდასხმას, მაგრამ გენადი ხომ იცი, როგორი შიშითიგინია*, გივი — უარესი და არაფერს გაუჭირებენ შენს ცოლ-შვილს. აქაც საიმედოდ დაიფულე თავი. ხუთი თავზე ხელაღებული ოდიშელია სახუმარო ამბავი არ არის. მოვლენ და კაი ტურასაც დაიჭერენ! ა, მამაჩემო, როგორ ფიქრობ, ცოცხალი თავით გავატანთ დიხამინჯიას ხალხს ოდიშელები ჩვენს სისხლსა და ხორცს?!

— ვამბობდი, ჩემი ჯილაა-მეთქი. ოდიშელების ცხელი თვალები მაგათ არც კი უნახავთ ჯერეთ. თქვენ არ მოსწრებიხართ კაუტიას, არც — ბიდას და ჯაჯუს. სულ დევნაშია ჩვენი გვარის შვილები. ამიტომაც დაფვანტულვართ მთელს სამეგრელოში: ძაკას ნაშიერი — ერგეტაში, ჯოტოსი — დარჩელში, ქუთარის — ჭკადუაშში, ბაჯასი — კორცხელში, კუკუიასი — შამგონაში, ბურდასი — რუხში, ჩეფესი — ორულში, ჯულუსი — განმუხურში. ყუჰ, შორს წამიყვანს, ჩამოთვლა. ერთად რომ დაასახლოესენი, მტრისას! ჩვენს სტუმარს ხომ ესმის მეგრული? ძალიან კარგი! — თქვა ჯოტომ, ილონამ თავი რომ დაუქნია თანხმობის ნიშნად, — როდინდელ ამბავს ვყვები. დარჩელელებს თვალში რომ ჩაუვარდეთ როკი, ხელს არ ამოისვამენ. ჯერ კიდევ სრულიად ყმაწვილის სიტყ-

ვებს მთელი სოფელი ენდობოდა და ახლა რაღა იქნება, თავად განსაჯეთ, ბაბაგე!
გულა რომ სცემეს უღმერთოდ სადგურის ბირჟავიკებმა, ავფორიაქდით
ყველა. საქმის გარკვევა სცადეს ჩვენებმა, მაგრამ თავპირდასისხლიანებულები
დაგვიბრუნდნენ ეგენიც და გავჯიქდით დიდ-პატარა.

ველარ მოუბედავთ ზუგდიდელებს დაბალ ზონაში ჭირსა თუ ლხინში; ჩვენ
ველარც ჩავსულვართ ბაზრობებზე. პოდა, ამისთანა გაწამაწიაში, ვალერიან
ოდიშელის ბლარტი, საძმო ფიცით არ შეკრავს მამასახლისად გადაკიდებულ
სოფელს და ქალაქს?! გაგიხანგრძლივებს სიცოცხლეს ეგეთი შვილი, აბა, არა?!

უფრო მეტს გეტყვით, თამადად ვარ მიწვეული ბიგვაებისას. ხუფუნია
დისშვილს საკუთარ ოჯახში უხდის ქორწილს თარაში. გოგო თოთხმეტი წლი-
საა, მოტაცებული. მშობლები თავ-პირს იხაკავენ. მილიცია და პროკურატურ-
რა ფეხზე დააყენეს, მაგრამ რავარი საქმეა დარჩელში იარაღით მოშლივინება,
თანაც პატარძლის წართმევა?! ასეა ბატონო ჩემო და სეფაში ხალხი ჯერ კიდევ
რომ არ დამსხდარა, არ შემოგრიალდება ეზოში ხოჭოსავით შავი „ზიმით“ რო-
კი?! ეხვევიან, კოცნიან მეგობრები, თუმცა ეტყობა საქეიფოდ არ სცალია. ოჯა-
ხის უფროსს განზე გაიხმობს სასაუბროდ. აქ არიან ნეფე-დედოფალი, ბიჭის
მშობლები, ხელისმომკიდებები, გოგოს მომტაცებლები, მეცა და კიდევ ათიოდე
ასაკმოყრილი დარჩელები.

ნეფე-პატარძალი უნდა გამაყოლოთ ორი საათითო, ამბობს მოჭრილად.

დიდუ, დიდუ, თავზე ხელს იშენს სიძის დედა. დეიდებმა, ბიცოლებმა წიო-
კობა ატეხეს.

გაჩუმდითო, აწყნარებს კაბიანებს თარაშ ბიგვა. როკი ოდიშელია ჩვენი
სოფლის შვილივითაა, უკადრის გზაზე ფეხს არ მონაცვლებდაო.

მიხა ზარანდია იყო წედან ჩემთანო, წამოიწყო როკიმ, ქალაქის პროკუ-
რორზე მოგახსენებთო. მისი ბიჭი ჩემი თანაკლასელია, თან გაგონილი ჰქონია
ზუგდიდელებსა და დარჩელებს შორის მშვიდობა მე რომ ჩამოვაგდე. უნ-
და გადამარჩინო უკურნელი ჭირისაგანო, უთქვამს თურმე ზარანდიას. ლო-
მაიები სავგარეულო კაბინეტში ჩამისახლდაო. იციან ქორწილია დღეს, კანო-
ნის ამოქმედებას მოითხოვენ ჩემგანო. თავად ვერ მიუბედავთ არასრულწლო-
ვანი შვილის წასართმევად და მე მაწვებიანო. დაპირისპირება უნდა გოგოს-
თან. თუკი ქალიშვილი თანახმა იქნება, ხმის ამომღები არ არიან. წინააღმდეგ
შემთხვევაში იძულებული ვიქნები ყველა ღონე ვიხმარო და იქნებ მიშველო რა-
მეო, შეხვეწებია პროკურორი. აქვე დაამატა, მიხა ზარანდია პირმტკიცე კა-
ცია, შემპირდა: ხელწერილს ჩამოართმევს ქალ-ვაჟს და უკან გამომატანსო.

ატყდა ყაყანი. ზოგან უნდობლობის სიტყვებიც გაისმა. მთლად აშკარად
ვერა, მაგრამ გულის გასაკენწლად სრულიად საკმარისია ეს ჯუჯღუნნი. ისევ
თარაშ ბიგვამ დააჩუმა აჩოქებულებული ხალხი:

შვილო, როკი, დარწმუნებული ხარ, რომ გოგოს ნამდვილად გამოგატა-
ნენო.

საკუთარი სიცოცხლით ვაგებ პასუხს, თარაშ ბიძიაო, ამან.

ჩქარა, დროს ნუ ვკარგავთო. მოსჭრა ბიგვავების მეფემ. როკი ოდიშელის სიტყვა ოქროა ჩვენთვის. უკეთესი გამოსავალი რომ არ არსებობს, იმიტომაც მოსულა ეგ ყმაწვილი. რაღა აზრი ექნება ქორწილს, თუკი მილიცია დაგადგა თავზე და იარაღის ძალით პატარძლის წართმევა შემოგკადრაო. მოგერიებას ეცდები და სულ ცოტა, ორი-სამი კაცი შეეწირება ამ ამბავსო. თვალის ჩინივით გაბარებ, შვილო, როკი, დროზე დაბრუნდით და ნეფე-დედოფლის სადღეგრძელო მერე დალიეო.

არა და არ დამთავრდა ის ორი საათი. კუს ფეხები გამოიბა დრომ. დიდ-პატარა შუკის თავშია შეჭვ უფებული. ქალები ჩუმ-ჩუმად ლოყებს იპწკენენ. მამაკაცების ნაბიჯებსაც მოუსვენრობა დაეტყო. სიგარეტს ექაჩებიან წუთი წუთზე, მხოლოდ მე და თარაში დავრჩენილვართ აივანზე. განყენებულ თემაზე ვსაუბრობთ, მაგრამ ორივეს გული გვიკანკალებს. ვიცით, როკი პირუტყვი კი არის, მაგრამ თანამდებობის ხალხი რას გინიმანდრებს, ღმერთმა უწყის. მერედა, იქნებ გოგო შედრკეს, ვედარ გაუძლოს მშობლების დაწოლას? რას აპირებ შემდეგ, როგორ გინდა იცხოვრო? ასეთი ფიქრი არ მშორდება მეც და ალბათ თარაშ-საც. ეს არის და ატყდება იარაღის დაკადუკი.

ბავშვები გამორბიან. შუკის თავიდან ბრდღვიალებს მანქანის შუქ-ფარები. ზედ სეფასთან მიაგებებენ როკის არშინიან ყანწს.

მიხა ზარანდიას თავისი სიტყვა ვაჟაკურად შეუსრულდება თურმე. როცა ყველა დარწმუნებულა გოგო ნებით მიჰყვება ბიჭსო, ჩამოურთმევიათ ხელწერილი ქალ-ვაჟისთვის. ახლა მშობლები დაუსხამთ თანხმობის დასადასტურებლად. ამასობაში სათადარიგო კართი გაუპარებია პროკურორს შუამავალი ოდიშელია თავისი სიძე-პატარძლით.

დინამინჯიას ხალხი დარჩელში ვერ მოხედავს, ბაბაგე, შორ-შორ კი იღრი-ნონ რამდენიც უნდათ. დედაკაცო, ჩამოასხი ღვინო, თორემ გაშრა ყლი!

— ჯოტო, ბიძია, ძმაო, ლევთერ, მადლობელი ვარ ყველაფრისთვის, მაგრამ ჩემი ჯვარი მე თვითონ უნდა ვზიდო. ეგენი ახლა ისე არიან დაქოქილები, არაფერს დაერიდებიან. სიფრთხილეს თავი არ სტიკვა, აფხაზეთში გადავალ. შენ კი, — მიუბრუნდა ლევთერს, — ილონა მშვიდობიანად მიმიყვანე შინ. სიტუაციამ მოიტანა ასე, თორემ კანონისგან დევნილი კაცის გვერდით რა ესაქმება კრისტალური ოჯახის დიასახლისს?! ჯოტო ბიძიამ და მე ვიცით ჩვენი საქმისა, ცხენი ვთხოვე და იმედია, არ დამაძალატებს.

— ცხენი თუ ცხენები? — იკითხა ილონამ და თვალი თვალში გაუყარა როკის.

— გვეყოფა ახლა ამდენი ლათაიები! ცხენებიც იქნება დილისათვის და უნაგირებიც.

მართალი კაცი ქვაზე მაგარიო, უყვარდა თქმა ცხონებულ ძაკას და შენი სიმართლე წმინდა გიორგის ლოცვა-კურთხევით გაგძლოლოდეს წინ, როკი, შვილო! — ამბობდა ფეხზე წამომდგარი ლეკვაცი, მარცხენა ხელით მკერდში

იკრავდა მოგვარეს და მარჯვენათი ნება-ნება წრუპავდა სისხლისფერი იზაბელათი სასვე გრაფინს.

რიბირაბოა. ზღვიდან მონაქროლი ნელი სიო ძლივს შესამჩნევად არხევდა დაცვარულ ფოთლებს. მინდორ-მინდორ მითოხარაკაობდნენ შავი და ქვიშისფერი ცხენებით როკი და ილონა. ჯინსის მარვლები ეცვათ მხედრებს. ოდიშელისას — ჯინსისვე კურტაკი. ფართეფარფლიანი შავი ცილინდრი ეხურა, ნიკაბთან ზონრით შეკრული. უნაგირის კეზზე ორივეს ფუთა მიემაგრებინა. საათნახევარი შეუსვენებლივ მოდიოდნენ. გვერდი აუქციეს ერგეტის ცენტრს, ცვანეს. შაშმანის ფარეხისკენ მიეშურებოდნენ. ერთხანობას დაყოვნდეთ იქ, თვალწარმტაცი ბუნების გარემოცვაში. მერე ნაპირ-ნაპირ ივლიდნენ, გადატოპავდნენ ენგურს და აფხაზეთსაც მოითარეშებდნენ მოყრჭებამდე.

ოდიშელისას დაღვრემილი ილონას გამხიარულება ეწადა. ცოცხალ ანეგლოტს უყვებოდა დაჩი კეზუას თავზე გარდახდოდა.

— ილონა, თქვენი ბიჭები ჯარში რომ არ მიჰყავთ, ბედნიერებაა. ვყოფილიყავი ბოშა, აღარ მომიწევდა დეზერტირობა ოციოდე წლის წინ და აღარც ამდენ ხათაბალაში გავეხვეოდი, მაგრამ ეგ იქით იყოს. ერთ პარასკევ დილით ვხედავხალხით სასვე ავტობუსი მომსდგომია ჭიშკარზე. ყაყნებენ. გავეგებე. მუხლებში ჩამივარდა შავოსანი დედაკაცი.

როკი, შვილო, შემომქვითინებს ჩხიკვი-მამიდის ნათესავი, შენს იქით გზა აღარ მაქვსო.

წამოყენებაცვადე, მაგრამ გაგონილა? ტკიპასავით მომკრობია მუხლებზე.

დაჩი კეზუამ დამიღუბა შვილიო, იცრემლება და იწყველება ქვეყნის აფერისტის მისამართით. თბილ ადგილას გავანაწილებინებ შენს ბიჭსო, შეპპირებია. კომისარისთვის წილი არ მიუცია და ავლანისტანში უკრეს თავი თურმე მის ლობუტს. პირობა გადაჭარბებით შეუსრულა, უფრო მეტი ცხელი წერტილი იქნებოდა?

რას გავაწყობდი. სახლ-კარს გადაუწვავდნენ უბედურს. წაყვევი. წახურიები მოფამფალებულ ჭიშკართან დაეტოვე. ოღამი ჩაკეტილი დაჩი კეზუა თხუნელასავით წკურავს თვალებს. ყველაფერი მორყევაზეა მათსას, ხის კიბეებიდან მოყოლებული, ქონგურებიანი აივნით დამთავრებული. ქარ-წვიმას ფანჯრის ჩარჩოები დაუღრღნია. ზოგან მინების ადგილას ფანერია ჩასმული. ზალაში მობრანცალე მრგვალ მაგიდასთან ნაომარ სავარძელს მითმობს. ალმაცერი თვალებით მილიმის, თან თითებით ყველს გამომიწევს და მეღრიცხება:

ჯერ ბოლომდე მომისმინე და მერე გამასამართლეო.

დროზე, თორემ გადაგებუგეს დაეგ არის-მეთქი.

პეტეკო თოდუა ხომ ვიცით ყველამ რა ოხერიცაა, მაგრამ ჩემზე გაქნილი თუ იქნებოდა, ნამდვილად არ მოველოდიო. წამოვიყვანე ერთ შაბათს. მაგი-

დაზე მსოფლიოს პოლიტიკური ტრელაქრულა რუკა მაქვს გაშლილი. ლექსებით გატენილი საქაღალდეები სიმალღეზე აწყვია. თითქოს წვევამდელების საბუთებითაა სავესე. მენ რომ ზიხარ იმ სავარძელში მოვთავსე, თან ჭკუას ვარიგებ: თუ კაცი ხარ, კარგად გაიხსენე ჯარისკაცის მამა შვილს რომ ნახულობს საავადმყოფოში. პალატაში არ უშვებენ და ქირურგი გამოდის საოპერაციოდან-მეთქი. ასეთი და ასეთი ჩემი შვილი აქ წევსო, უყვება, ის კი ძილ-ბურანშია, დადლილ-დაქანცულს ჩასთვლემს. აი, სწორედ ეგ სცენა გაითამაშე-მეთქიო, მელაქუცება დაჩიკეზუა.

საუბარმა კოლორიტი რომ არ დაჰკარგოს, აქედან ისე მოვყვები, თითქოს ყალთაბანდის მონათხრობს ერთად მივუგდებდეთ ყურს. ეს წუთია და ტაქსიცი მოადგება ჭიშკარს.

ვინ არიანო, მეკითხება პეტიკო თოდუა, სადაურლებიო.

ურთიდან გახლავან. სკოლაში მეგრულად სწავლობენ-მეთქი.

ჯერ სტალინის სიკვდილის ამბავი არ გაუგიათ. არ წამოგცდეს, თორემ შეიცხადებენ. რა ვქნა, პირში ძალად მახტებიან. მიდი და ნუ გადაყლაპავ-მეთქი. გაუგიათ ბესონოვთან მაგრად რომ ვარ. სამჯერ მომიგზავნეს ნათესავი. არიქა, გივშველოს რამე, სადმე ახლომახლო განამწესებინოსო. ღმერთმა ააშენა ავღანისტანის ომის გამჩაღებელი. რაც იქითკენ გაწვევა დაიწყო, სული მოვითქვი, ვალები პირწმინდად გავისტუმრე, ჩავიკვი, კაცს დავემსგავსე. ერთი ორი წელიწადი თუ გაგრძელდა ორომტრიალი, სახლსაც ავიშენებ და მანქანასაც დავირტყამ-მეთქი.

აივანზე გადმომდგარი ვუმზერ ჭიშკარს. ილონა, ხომ ხვდები, რომ ამას ყველაფერს დაჩიკეზუა ჰყვება?!

— განაგრძე, განაგრძე!

— ჯერ კაცი ჩამოვიდა, მერე — შავოსანი და აყლაყულა წვევამდელი. გადაპარსული თავი უბზინავს. ბიჭს დამოკლებული შარვალი კოჭებამდე ძლივს წვდება. კისერზე სამ რგოლად ჩამოუკიდია წიწაკის ასხმა, ცოფიანი ძაღლის თვალეზე უფრო წითლები. წელამდე სცემს თითოეული რგოლი. დუმმანი ბოევიკი გეგონება. განსხვავება ისაა, იმათ ტყეებით გაჭედილი მასრები მოუგდიათ გარდიგარდმო, ამას — მტკაველისხელა წიწაკების ასხმა.

ტაქსის საბარგული გააღეს. იცლება ქრთამად მორთმეული ძღვენი. აივნიდან ფეხს არ ვიცვლი. აქედან ვმბრძანებლობ, ხელს ვუქნევ, თან ნახევარხმაზე ვეძახი:

შემოდით, შემოდით-მეთქი. ძვალმსხვილი მამა თავმონასკვულ ხუთფუთიან ტომარას მოაქარქატებს. ქალს ხურჯინივით გადაუკიდია მხარზე ჟიგულის საბურავისტოლა შებოლილი სულუგუნები. ბიჭი ერთმანეთზე გადაბმულ, ბოლოგაფიჩინებულ მამალ ინდაურებს მოალოპლობებს. მიდი და სიცილი შეიკავე.

ინდაურები საქათმეში! მთავარსარდალივით გავცემ განკარგულებას.

ტომარა და ყველი იყოს პირველ სართულზე, ოღონდ კარი მაგრა მიხუ-

რეთ, ჩაკეტვაც არ დაივიწყოთ. ამდენ გაუთავებელ ძღვენს ვინ აუვა და ისე მოგვეჩვიაკატები, კისერს ვერ აბრუნებენ, ალბათ. ინდაურები სამ წელზე ნაკლების არ იქნება-მეთქი, წლოვანებას ვუზუსტებ დაბინავებულ ფრინველს. გაგონილი მაქვს ხნიერი ინდაური საცივისთვის მისწრებაა.

ზუსტად ასეაო, მიმოწმებს მორყულ კიბებზე ძლივსძლივობით ამოღწეული მანდილოსანი.

ფეხაკრევით შემოდით, ვეუბნები წახურებს. კომისარი თვალს ატყუებს. გადაღლილია. ეს-ეს არის ავღანისტანიდან ჩამოფრინდა საკუთარი ვერტალიოტი. ამ შემთხვევაში რუსული უფრო ეფექტურია.

ამხანაგო, კომისარო, მივუბრუნდები სავარძელში მითვლემილ პეტიკო თოდუას, რომ გთხოვთ, ის ხალხი გეახლათ-მეთქი.

ნელ-ნელა დაახვლს თვალს ჯოჯოხეთიდან გამოღწეული კაცი. არ ინძრევა, ეშინია იატაკზე არ ჩაშვავდეს.

ამ ჭეღოს მოსკოვში თუ გავანაწილებთ, მაღლია მშობლებისათვის, მაგრამ მოსკოვი უცებ არ აშენებულა, უშველებელი ქალაქია. დაიწყებს თეატრში სიარულს ჩვენი წვევამდელი. ბალეტებს და ოპერებს მიუჩივდება. ფეხებზე დაიკიდებს ყაზარმულ ცხოვრებას, ბალანდას და სამხედრო წესრიგს. შეიძლება სონცევოს რეკეტა და ჯგუფებშიც მოხვდეს. იქედან მურამდე კი ერთი ნაბიჯია-მეთქი.

მური რაღააო, მამამ.

მოსკოვური ციხის სახელწოდებაა შემოკლებითო, დაუკონკრეტა პეტიკომ, სადაც კაცებს კლამენო.

კლავენ? ღმერთმა დაგვიფაროსო.

ვაკირდები წვევამდელს. კვლავაც თავი აღუნულია. მართალია, ინდაურებისგან გამონთავისუფლებულა, მაგრამ წიწკების ასხმათა რგოლებს ვეღარაფრით დაღწეულა. ხრრრრრ, ამოუშვებს ხმას და ნესტოდან წამოსულ ცინგლს ტვინამდე აიჭვანს.

იქნებ ლენინგრაღში გაგვემწესებინაო, შემოგვთავაზებს აქეთ პეტიკო თოდუა.

არა, არა, ცივ წყალს გადავუსხამ მე, ბუმბერაზი ქალაქია თავისი განუმეორებელი კულტურით. ამისი ამბავი რომ ვიცი, დაიწყებს ერმიტაჟში სირბილს. შეიძლება რომელიმე ფასდაუღებელი ტილოც მოიპაროს, გეყურებათ-მეთქი.

რას ამბობთ, ჩემმა ლობუტმა ქურდობისა არა უწყის რაო. მეზობლის სახლიდან ვაშლი რომ ვაშლია, ისიც არ მოუწყვეტია მისდღემშიო.

ვუმზერო წვევამდელს მე და პეტიკო. ფეხით იატაკზე წრეებს ხაზავს. ეტყობა ამათზე ამოსდის მზე და მთვარე.

მაინცდამაინც მოპარვაა აუცილებელიო, ამგრებს ჩემს მოსაზრებას პეტიკო. ვთქვით და ივან გროზნოს პორტრეტს შეეჩხა. ამისი განათლებს და ემოციების შემხედვარე, რას არ დაუშვებ კაცი?! იხილავს შუაზე გაჭრილ პორტრეტს, თავში სისხლი აუვარდება. შეიძლება მთლად ნაკუწებად აქციოს. მერე ნახევარი

ოდიში ვერ აუვა იმის საფასურს. მართალია, დედამისი გაყიდის კამეჩს, ინდაურს და ისევ დაახატვინებს ფითულ ქვანიას, მაგრამ ამას დრო ჭირდება.

არა უშავს, სიტყვას ჩამოვართმევ მე, ორი-სამი დღე მოითმენენ დამთვალე რეზებები. თქვენი შეწყუბება, თორემ ერმიტაჟის დირექტორს გადაურეკავთ და ბოლოს და ბოლოს ერთ კვირას სანიტარულად გამოაცხადებენ, თუმცა რა გაჭირვებაა შარში ჩავიგდოთ თავი-მეთქი.

აქმამაჩაერევა ისევ, ცოლს დაუცაცხანა.

ლენინგრადში ჩვენი წაყვანა არ გამოვაო. დაგავიწყდა პიონერთა ოთახში ლენინის სურათის მელანი რომ შეასხა და მთელი თვე გაგდებული იყო სკოლიდან. დირექტორისთვის უშობელი რომ მიგვიყვანა, ამ პატიოსანი ხალხის შეწყუბება არც მოგვიწყვდაო.

ხომ გეუბნებოდით ამხანაგო, კომისარო, აგრესიულია სურათების მიმართ-მეთქი. მერე წვევამდელის მამას მივუბრუნდები, ეს რომელ ლენინს შეასხა მელანი, ჩვენს პროლეტარიატის ბელადს, სტალინის უფროს ძმას და მეგობარსო. რანაირ პოზაში გამოიყურებოდა, კეპკახეურა თუ ხელში ჩაებლუჯა ის ქული-მეთქი.

ოქტომბრელების ზნაჩოკზე რომ არის გამოსახული, თმაფუჩეჩებული ონავარი, იმის გადიდებულ სურათსო, დამირტყა პენალტი მამამ ეფექტურობის თვალსაზრისით.

ამხანაგო, კომისარო, ეგ ბავშვი ჯარში კი არა, პირდაპირ მურშია გასაგზავნი-მეთქი.

ხუმრობას მოეშვიო, გამოწყრა პეტიკო. აფრიკაში რომ გავამწყსო, რა აზრის იქნებითო, ჩაეკითხა მოულოდნელად მშობლებს და წვევამდელის ბედობალი კონტინენტს იქით მოისროლა.

ოოო, მოგეცა ლხენა-მეთქი, არ დავიბენი მეც. კაიფერას მიჩვეული რომ დაერევა იქაურ ბანანებს, ანანსს და ზედ მანგოს წვეწვს დააყოლებს, კი იცხონებს სულს, თანაც ძმაცაცებიც ამოსარჩევად ეყოლება-მეთქი.

მამა ვერ მოითმენს და ეგ რა ხალხიაო.

გორილები, შიმპანზეები, სულ ბანანის ხეებზე არიან ასკუპებულნიო, და ან უგეშებს დიდის ამბით პეტიკო და კინაღამ გავიგუდები, უფრო რე იმიტომ, ჩემს წამოწყებულ საუბარს უზუსტესი მიმართულებით ავითარებს.

არა უშავსო, დედამ.

ზუგდიდელ ახალგაზრდებს იქ უკვე აღარ ვაგზავნი-მეთქი. ხუთი მოდელე ზილი ჭაბუკი დაგვიგლიჯა ვეფხვებმა და ლომებმა. მართალია, ანაზღაურება დიდზე დიდია, მაგრამ ყოველ ნაბიჯზე შხამიანი გველები და ოცმეტროიანი მახრჩობელები რომ შემოგეფეთება, ალბათ, ბანანების მადა დაგეკარგებამეთქი. და ისეთ შეიცხადებს ქალი, მგონი აფრიკულ მიდრეკილებებს სამუდამოდ დაუჟარგავ.

აქეთ, სადმე ახლოსო, თავს მოისაწყლებს მამა, კრანსოდარის მხარე გვირჩვენიაო.

კრასნოდარი? გაცეხული შევათვალე რებ წახურებს, გადავხედავირურ-გისმაგვარ თვლემამში წასულ კომისარს და იქვე დავსძენ, კრასნოდარი კი, ბატონო-თქო.

ქალი ფეხებშუახელს შეიცურებს, ხუთკაბას გადაქეკავს, გამოიღებს ჭრელ ჭინჭში გახვეულ ტაქსას — ათას მანეთს.

სამი კამეჩი გავყიდეთო, სლუკუნებს, მაგრამ მე უკვე ამისთანებზე ნაკლებად მიჩვილდება გული. თვალთ ვანიშნებ ქალს, ჭინჭი მოაშორე, ისე მოაწოდე ამხანაგ კომისარს-მეთქი.

სამაგიეროდ ბიჭი ყურისძირას გეყოლებათო, იტყვის პეტეიკო და გააქანებს გულსჯიბეში იმ ფულს. ერთ კამეჩსაც გაყიდით, კიდევ ვაჭი შვილს ინახულებთ, კიდევ ოჯახისთვის საჭირო ათას წვრილმანს გამოაყოლებთ ხელსო. ჩემი სახელმწიფო მანქანა იგვიანებს, ქალაქში ხომ ვერ დამსვამდითო, მიახლის უეცრად წახურებს.

დედა, მობრძანდით ბატონოო, გაიხარებენ ისინი. ხელკავს გამოსდებს ქალს, თითქოს მოფამფალეულ კიბეებზე ჩასვლა შეეხმარება. აივნის კიდესთან დავეწვი, ყურს მომიშვერს.

ჩვენი ლობუტი ასი პროცენტი ავღანისტანში მოხვდება-მეთქი, ვეჩურჩულები, ვინაიდან ამჯერად ბესონოვს არაფერს ვაძლევ, ფულს შენ და მე ვიყოფთ. ამ უპატრონოს კი უეჭველად იქითკენ უკრავენ თავს ჩემს გასამწარებლად-მეთქი. მოკლედ, ბევრი მაცინა იმ ოხერმა, ილონა, მაგრამ გამაძსენდა მეზავრებით სავსე ავტობუსი და წარბები შევიყარე.

ვერაფერი შედავათია-მეთქი, ვეუბნები დასერიოზულეულნი ხმით. ბენზინითა და ასანთით მოდიან. ცეცხლს წავუკიდებთ და ამოვბუგავთ შიგო, იმუქრებიან. სახლი დაზღვეულიც არ გაქვს უბედურო და შენს შედევრებთან ერთად გაგიყენებენ გზას. ფული რამდენი დაგრჩა-მეთქი.

რა ფული, რის ფული, ხომ გითხარი, პეტეიკომ ჩაიდო გულსჯიბეში-თქოო. მეორე გზობა მთლიანად შენზე ვიმუშაოთო, დამამშვიდა, ჩაუჯდა ტაქსში და უსირცხვილოდ გამეცალაო.

წამსკდა სიცილი, მაგრამ მოლოდინით დაქანცული ხალხი ეზოში შემოსულა, ხმაური მატულობს. ვწვდი მკლავში დაჩიკეზუას და მივაფრიალე აივანთან.

იმართლე თავი პატიოსანი ხალხის წინაშე — მეთქი, ვუწყრები წარბშეკრული, ან ფულს დაუბრუნებ მშობლებს, ან გადმოაყვანინებ ამათ ბიჭს ბესონოვს უფრო მშვიდობიან ადგილას! გაიგე, უბედურო, თორემ გაგიმართლიანე ძვალ-რბილი და ეგ არის-მეთქი.

მორჩულე კიბეზე ზის. ჩია, დალეული მარჯვენა მკერდზე მიუსვენებია.

მიჩვილეთ არა ხელმწიფის ტოლ კაცთან? გაუკეთე ახლა ამისთანებს სიკეთეო. უხ, გულიო, დაემანჭა სახე, გავარდეს ვინმე და ლუდი მომირბენინოს თორემ მიმიღებს უფალი. ისტუნეთ მერე, სამზარეულოს ნაცვლად აკოპში

რომ უკრავენ თავს თქვენს ლობუტსო. რაო, რას იწერებაო, ჩასძახის დაბლამყოფ წახურებს, ცოცხალს ველარ მნახავთო, ყოველ წუთს სიკვდილს ვუყურებ თვალეზმო და მშვიდობითოო, არა? ეუბნება და გულიდან ხელს არ იცილებს.

სწორედ ეგრეაო, ამბობს შეცბუნებული დედა.

ამისთანა მეთხუთმეტე წერილი ჩამოვიდა ზუგდიდში წელან, მაგრამ ქვებით და ბენ ზინით არავენ გამომნთებიაო, გადაუგდებს ანკესს დაჩი კეზუა წახურებს. ჯერ ერთი, თქვენი თვალთ ნახეთ კომისარმა როგორ ჩაიღო გულისჯიბეში ის ფული. მე ხელიც არ მიხლია. მეგრედა, თქვენ მოემსახურეთ ბოლომდე. იმასთან რატომ არ მიხვედით, დაბალი ღობე მნახეთოო. ეგეც რომ არა, ჩემო საყვარლებო, კრასნოდარი რომ აიჩემეთ, რატომ გონებას ჭკუას არ ატანთო, შეუტევს მოიერიშეებს. ვინ მეტყვის რამდენ კილომეტრშია კრასნოდარი ჩერნობილიდანო. ატომური ელექტროსადგური ყურისძირას აუფეთქდათ უკრახინელებს. რადიაცია, გამოსხივება სისხლს უთეთრებს ადამიანებს. გამეგზავნა იქ, ყურს მტკაველისხელას გაუხდიდა, ცხვირს — არშინიანს, გავარდებოდა სიმალღეში, იმის ზომის ფეხსაცმელს ვერსად იშოვიდით, ჰოდა, სიკეთის მაგიერიაო. მზარეულად გავემწესებინე ავღანისტანში, იმოტოლა პილბილებით მოგვადგა კარზე, ვიფიქრე, უკეთესი სამსახური ამისთვის გამორიცხულია-მეთქი. მომწყდით თავიდან, დღევანდელი კვერცხი გირჩევიანთ თქვენ ხვალინდელ ქათამსო. აიწყეტს დაჩი კეზუა. ვიფიქრე ჯარის დამთავრების შემდეგ შედავათი ექნება, როგორც ომგამოვლილს უმალღესში უგამოცდლო ჩარიცხავენ, ბინებს მისცემენ, შეიძლება გმირობაც მიანიჭონ საომარ ვითარებაში გაწეული მზარეულობისთვის, მანქანას აჩუქებენ-მეთქი. ეეჰ, რამდენი მიზრუნვია თქვენთის ტყუილუბრალოდო.

ვხედავ, დაუჯდებათ ჭკუაში წახურებს დაჩი კეზუას სიტყვები. მოუბოდიშებენ. გაღმუვლებიან ავტობუსით. მოსკოვურ ლულს მოურბენინებენ ხუთ თუ ექვს ბოთლს.

წერილის გამო ავღელდითო, ეუბნებიან. ოღონდ ჩვენ ლობუტს არაფერი გაუჭირდეს და კამეჩს კიდევ გავყიდითო. ვატყობ, ამათთან არაფერი მესაქმება. ჭიშკრისკენ მივემართები. ფერი — ფერს, მაღლი — ღმერთსო, ამათზე თქმულა. მანქანაში ჩაჯდომამდე მესმის დაჩი კეზუას ხმამალა, ჩემს გასაგონად თქმული.

ბედი თქვენი, პანტერა გიმეგზურებიანთ, თორემ გადავურეკავდი ბესონოვს ერთს და სამზარეულოდან პირდჟაპირ აკოპში ამოვაყოფინებდი თავსოო. იღონა, გაგონილა ძაღლის კუდის გასწორება?!
 სიცილისგან თავლებზე ცრემლმორეულმა ქალმა უზანგიდან გადაიწია დასიყრმის მეგობარს მხარზე თავი მიაყრდნო.

კაკასიონზე გადმომდგარი იყო, მაგრამ ნისლის სქელი კარვეები ჯერეთ

ველარ აიკრიფა. თხმელიანში მიიწვეოდნენ წინ. საურმე გზაზე გადავიდნენ. აქედან თვალნათლივ მოჩანდა წაგრძელებული ფარეხი. აშვებული ძაღლები გააფთრებული ყფით გამოვრბოდნენ სტუმრებისკენ. მასპინძელი ფეხდაფეხ მოსდევდა ნაგაზებს წყნელის ზუზუნით.

ორმოცს მიტანებული იყო შაშმან თირქია, მაგრამ ორმოცდაათს გადაცილებულად ჩააგდებთ. წარმოშობით ყულიშკარიდან გახლდათ. მისი წინაპრები იქაური ეკლესიის მღვდელმსახურები იყვნენ, თუმცა შაშმანი ურწმუნო თაობის ერთ-ერთი ტიპიური წარმომადგენელი იყო. სიცოცხლის დაღმართიდან გამხდარა ღვთისმოსავი. ქალაქელი ბიჭების დიდი სიყვარულით სარგებლობდა. რასაც იშოვიდა ყველაფერს ბირჟავიკებთან ხარჯავდა. ტყვიასავით სწრაფ, ტანმორჩილ ვანო მესხიასთან მეგობრობდა. კაკა ჟვანას ენათესავებოდა დედის მხრიდან. მკლავიც უჭრიდა და ღონეც.

უბედურება ქალის გამოეწვია. თანაკლასელებს ერთი გოგო შეჰყვარებოდათ. ის მეტოქეც აცვენილი ვინმე გახლდათ, გვარად ტიბუა. ჰაქვინჯის სკოლიდან გამოეგდოთ და ყულიშკარში მამიდასთან დამკვიდრდა, თირქიების მეზობლად. თავიდან ძმაკაცობდნენ კიდევ, ვიდრე ორივემ ქვარაიების ქალიშვილს არ დაადგა თვალი. ჰოდა, შავმა კატამ დასჩხავლა თანაკლასელების ძმადნაფიცობას.

კვირა არ გავიდოდა მუშტი-კრივში არ გაეწვიათ ერთმანეთი. ჩხუბში მამშმან თირქია ჯაბნიდა ყოველთვის ტიბუას, მაგრამ როგორც ამისთანა შემთხვევაში ხდება ხოლმე, ქვარაიხემ დაზარალებულს მიაყრდნო თავი და შაშმანიც გადაიხვეწა სოფლიდან.

მისი უბედურება როკის ძველბიჭობის პერიოდს დაემთხვა, როცა უკვე ყველა ბირჟის ერთპიროვნულ ლიდერად იქცა.

რკინიგზის სადგურთან შეფეთებოდნენ ერთმანეთს ის და დაცოლშვილებული ტიბუა. გადაეკოცნათ ერთურთი. სასადილოში არყები და ლუდი ესვათ. უთანხმოებას მაინც ეჩინა თავი. ბილწი სიტყვა უკადრებია ტიბუას თირქიასათვის. მიუღეწ-მოუღეწიათ იქაურობა. თან სულ ერთსა და იმავეს გაჰკიოდა თურმე წერასატანილი ჰაქვინჯელი:

— ღონე დაკოდოლ ხარსაც აქვს, აბა, ჩუთუს ცოლს ვინ გაგატანდაო და მაშინ სამართებელივით აბასრებული სამზარეულოს დანით მუცელი გამოუფატრა შაშმანმა მეტოქეს მეუღლისა და სამი-ოთხი წლის ბიჭუნას თვალწინ.

შვიდი წელიწადი იჯდა ამის გამო თირქია. სახლ-კარი გადაუწვეს ტიბუებმა. მოხუცი დედა ჯავრს გადაჰყვა და შვილის დაუტირებლად დაკრძალეს.

როკი და შაშმანი ჯერ ზუგდიდის კაპეზეში მოხვდნენ ერთ საკანში რამდენიმე დღით. ოდიშელია ქუთაისში ეტაპს უცდიდა, თირქია — პროკურორის სანქციას. მოგვიანებით ლაითურის შრომა-გასწორების კოლონიაში იხდიდნენ სასჯელს, სადაც როკი ძველებურად გრიმიტობდა, კაც შემოკვდომილი შაშმანი კი ერთობ დაებეჩავებინა უბედურ შემთხვევას: არაფრად დაგიდევდა წვრილმან ღირსებას: არც იატაკის გამოცოცხვას თაკილობდა საკუთარი ინიციატი-

ვით, ჩაისაც კრეფდა, მაგრამ სამკლავურს თუ უხსენებდი, ან აბუჩად აიგდებდი, კვერცხივით შეგასკვებოდა. სასჯელის სრულად მოხდის შემდეგ საზოგადოებას გაერიდა, ჭურთხაში გადაბარგდა მწყემსად. ცალი ყური და თვალი ტიბუას წამოჩიტული ბიჭისკენ ჰქონდა. სულ იმას შიშობდა, ჩამისაფრდება სადმე და შურს იძიებსო.

ოდი შელიას ნახვამ დიდად გაახარა შაშმან თირქია. არ იცოდა ხელები სად წაეღო, რა შეეთავაზებინა სტუმრებისთვის. მოშვებული ჭაღარა წვერი მკერდამდე სცემდა, თმა კი სრულებით გასცვენოდა, დატალღული და ოქროსფერი ოდესდაც. ყმაწვილობის დროინდელი ყირმი ზი სახე მზეზე გამუდმებულ ტრიალს გაერუჯა. ძარღვიანი ხელები ალაგ-ალაგ გასკდომოდა და ეკალ-ჯაგისგან დაღლეტილი, მურში ამოვლებულს უგავდა. ჭურთხის მწყემსობა იყო მისი სათვისტომო. კახეთლებს სტუმრობდა უფრორე, რადგანაც ზღვისპირეთში ტელევიზორი ერთადერთს, იმათ ჰქონდათ. სწორედ გუგჩიას ფარეხში დაუძმობილდა გრუხათმიანი ყმაწვილი თირქიას. ის ბიჭი სანადიროდა დაჰყვებოდა თურმე გავლენიან პირებს ბოლო ორი სეზონი. შუაგულ ზამთარში წყალში შესვლა არ ეზარებოდა. სადაც მონადირე ძალი ვერ შეებდავდა, იქიდან გამოიტანდა მოკლულ იხვს. კომბინატორები ფულს ჩუქნიდნენ დედ-მამით ობოლ სარაქონელ სოსელიას. შეეთვისა აქაურობას და ეს ზაფხული მთლად შაშმანთან გადმოზარგდა. ახლა ძველ მასპინძლებთან წასულიყო სიგარეტისთვის. შესაძლოა დასალევიც გამოეტნიათ კახათელებს.

გაოფლილ ცხენებს უნაგირები მოხადა შაშმან თირქიამ. ბამბაზისი ნაჭრით გულ-მკერდი შეუმშრალა მერნებს. ჯვალეები გადააფარა ზურგზე. აგვარაში მიუშვა, სადაც ღორთქო ბალახი მუხლებამდე ბიბინებდა.

ფარეხი ორთვლიანი იყო, ჯოტო ოდიშელიას სამზადის უბადრუკი ორეული. ღრიჭოიანი ოთახი საძინებლად მოეწყობა. მიწატკეპნილში თუჯის ღუმელზე წუქალათი ღომი თუხთუხებდა.

მკლავებდაკაპიწებული შაშმანი სიხარულიგან ფრინავდა. ცოტათი ფქვილი მიუმატა ღერდილს, ოდნავ დაასქელა, მერე მთელი გობი ჭკტი ყველი ჩათალა იმ მომცროს ქვაბში და შებოლილტარიანი ჩოგანით ელარჯი დაგარანა.

ილონა საძინებელში ისვენებდა. ცხენზე მამაკაცურმა ჯდომამ აწყინა. ისედაც უქეიფოდ გრძნობდა თავს. ტახტაზე იდაყუს თავდაყრდნობით წამოწოლილი როკი სიგარეტს ეწეოდა და თანაც შაშმანის შესაშურ ფუსფუსს ღიმილით უთვალთვალებდა. უმნიშვნელო ფრაზებს ცვლიდნენ ამინდზე, ყოველდღიურ გაჭირვებაზე. ხანდახან ზუგდიდის ციხის და ლაითურის ზონის გარდახდილი რეალობებიც ამოტივტივდებოდა იმ საუბარში.

თეფშების ნაკლებობის გამო ტახტაზე სიგრივე დააგო. შაშმანმა ელარჯი. თიხის ქონებით კამეჩის მაწონი ჩამოღვა მასპინძელმა. თაფლიც შემოჰმატა სუფრას ჯოტო ოდიშელიას დაწუნებული მუშის ქილებითა და სუფრის კოვზებით. ეს იყო და ატყდა ძაღლების წკმუტუნნი.

— მგონი ლაღოა, — თქვა შაშმანმა და შებოლილი ყველი ოჩინჯალედან

ჩამოიღო, წვალემა-წვალეებით ჩამოთალა უბასრესი, უშველებელი დანით.

სქელი, შავი წარბები ჰქონდა ახალმოსულს. საშუალო ტანისა იყო, ჩათს-კვნილ-ჩახვეული. თმა ეთიოპელივით დახუჭუჭებოდა. აბიზინებული წვერი თხლად ადგა სახეზე. შემკრთალი თვალეებით მიესალმა სტუმარს. დანაშაულზე წასწრებულსავით მხრებაწურული იდგა ერთხანს, მერე მოხსნა რუკზაკს თასი. ამოალაგა მაგიდაზე ათიოდე კოლოფი „პრინა“, გაზეთები, თავმოხუთული იზაბელა სამლიტრიანი ქილით, ორ კილოგრამამდე ზღვაში დაჭერილი კეფალი, ასანთის კოლოფები, ლამპის შუშა და მთავარზე მთავარი — ორი შეკვრა მარილი.

შაშმანმა დიდის ამბით წარუდგინა სტუმარი ახალგაზრდას:

— სახელითა და გვარით როკი ოდი შელიაა, მაგრამ შავ სამყაროში პანტე-რათი იცნობენ. ხუთმეტრიან კედელსაა გადანახტომი.

— ოთხს, — შეუსწორა როკიმ.

შაშმანმა ყურადღება არ მიაქცია, უკბილო ფრაზეოლოგიით გადმოსცემდა საყვარელი ადამიანის ღირსებებს. გრძელი სიტყვის მოკლედთქმას ლამობდა ჩლოფინა მეტყველებით. ლაითურის ბობოქრობაში მოხვედრილს კბილები დასცვივდა და მას აქეთ ჩასასმელად ვერ მოიცალა, ამიტომაც თირქიას რაციონში მთავარი ადგილი ღომს ეკავა, რომელსაც დაღეჭვა არ სჭირდება, ჭყინტი ყველიც ამ მიზნით შემოენახა ყოველთვის.

სოსელიას ბიჭი რუკზაკიდან კახათელების ძღვენს რომ ამოალაგებდა, ასანთის კოლოფების გაჩხაკუნებამ როკისაც და შაშმანსაც ერთი და იგივე ამბავი მოაგონა, შეხედეს ერთმანეთს და მოულოდგელად სიცილი წასკდათ.

ლაღომ დაბნევით მიმოიხედა, ხვანჯარზე მოივლო ხელი.

ამ მოძრაობამ ორმაგად გადააფიჩინა მეგობრები. სოსელიას დასაწყნარებლად ჰყვებოდა თირქია ასანთის ღეროებით ხერხვის იმიტაციის ამბავს. ვიდრე ფრაზას დაასრულებდა, ნახევარი წინადადება პირის ღრუში ეკარგებოდა და უნიჭო მთხრობელობასაც თუ წავუმატებთ, მსმენელამდე გარდასული სინამდვილის მეოთხედი ძლივს აღწევდა. თავად კი იგულებოდა სიცილით, თან აცვენოდა კბილებზე ხელს მიიფარებდა მალიმალ ნაკლის შესანიღბავად.

აოხშივრებულ ელარჯს ახლა ილონაც მისჯდომოდა, მაგრამ რაღაცნაირად მოღვენილს კრიჭა შეკვროდა. ორ ღღეში თვალსა და ხელს შუა ჩამოდნა. შთაგონება დაეტყო ამასწინებზე გედივით მოღერებულ მის ყელს.

დიახ, უკბილოდ ხუმრობდა შაშმანი და აქვე გასუფთავებულ თევზს გამურულ ტაფაზე აშიშხინებდა. ხან რას მიართმევდა ქალბატონს, ხანაც — რას.

ყველაფერი სუფთადაა გაკეთებულიო, უხსნიდა, მაგრამ ილონამ პირი ვერაფერს დააკარა.

— ოდი შელიებთანაც მქავე კიტრის მეტი არაფერი გაუსინჯავს, ასე რომ, უსუფთაობის შიშით როდი მოსდის, უგუნებოდაა, — გაამართლა ილონას უმაღლობა როკიმ.

— ლობიო მაქვს წუხანდელი, სიგრილეში შენახული. ლაგვანიდან დამყავებულ კანამხალს ამოვიღებ, მკვდარს გააცოცხლებს. ლადო, შენ ბოსტანში გავარდი, ბოდორია, ხახვი და შუშა კიტრები დაკრიფე. ქინძიც მოაყოლე, ქინძიც, ახალი ტყემალი შეეკმაზოთ.

შაშმანის ფაცურზე მანდილოსანს გაეღიმა და მარჯვენა ლოყაზე ფოსო გამოუჩნდა. ამის დანახვაზე გიჟდებოდა როკი საერთოდ.

იზაბელათი შეავსეს ჭიქები, ილონასაც მიართვეს. ჯერ დაღუპული მეგობრები ახსენეს, მერე — ოთხ კედელს შორის გამომწყვდეული ხალხი.

შაშმანი ისევ აგრძელებდა ასანთის ღეროებით ხერხვის როდის დაწყებულ ამბავს და რადგანაც თირქიას ფიზიონომიისა და შესაძლებლობათა გათვალისწინებით იმ მონათხრობიდან შინაარსის გამოტანა არც ისე იოლი საქმეა, მოლით, თავად ჩვენ მივხედოთ საქმეს:

როკი რომ დააკავებს მინჯორია და შემოცურებული პისტოლეტით მდგომარეობას დაუძძიმებს ჭაბუკს, ოდიშელიამ ციხის ეშმაკობებისა არაფერი უწყის, როგორც ზემორე ავლნიშნეთ, იმ პერიოდში ზუგდიდის ციხეს არემონტებენ და დაპატიმრებული დეზერტირ დროებით წალენჯიხის მილიციის იზოლატორში განამწყვებენ.

ნაშუადღევს და გამოუძახებენ გამომძიებელთან. მეორე სართულზე აიყვანენ. ბათქაშამოცვენილ ოთახში ტანდაბალი, მორგვივით კისრიანი და უფრო თავმსხვილა, კვანტალიანის ორეული უფროსი ლეიტენანტი ფეხზე წამოუდგება დამნაშავეს. სკამს გამოუჩოჩებს.

— მოდი, შვილო, დაჯექი აქ, — ეუბნება მშობლიური კილოთი ახალგაზრდას, — თქვენ კარი მოკეტეთ და წადით, — დაუცაცხანებს მილიციელებს, — შვილო, აქ არაფერი წამოგცდეს. ესენი დიდი გაფუჭებული ხალხია, ხოლო ჩვენ ზუგდიდელები ვართ, ოდიშელები. რამეს თუ გამომხელ, სამარე ვარ იცოდე! აბა, საიდუმლოს თქმა იქნება ამათთან? გაგყიდიან თხასავით, — ამბობს, თან ოსტატურად მალავს დაზვერვის ხალხის ჩამწერს. მიკროფონი რვეულეებით შეუნიღბავს. მიხვდება როკი რა ბედენაცაა ზუგდიდელი ძაღლთავი. დამაჯერებლობისათვის გადაიხრება ცაქვა შედანიასკენ და ლამის ჩურჩულით ეუბნება:

— პისტოლეტი შემომიგდეს ჩხრეკვისას. მკვლელობაა ჩადენილი თურმე მისით და უნდათ მე ამკიდონ. ვერ მიართვეს, — თვალწინ დაუყენებს სამი თითის კომბინაციას, თან უწრფელესი გამომეტყველებით დაუმატებს, — ჩემი ყოფილიყო, ზუგდიდელ კაცს როგორ დაგიმალავდით?!

მიხვდება ცაქვა შედანია უფრო დამპალთან ჰქონია საქმე.

— სიგარეტს არ ეწევი, შვილო? — ეკითხება ლმობიერებით.

— როგორ არა, — უპასუხებს როკი.

— მოწიე მერე, ვინ გიშლის?!

— სად მაქვს სიგარეტი? — ეტყვის გაცოცხლებით ოდიშელია.

— მოგიკვდეს ჩემი თავი, შენ ფეხი არ მოიცვალო აქედან, ესლავე მოგიტან, — ამბობს და გაგორდება კარისკენ. წუთიც არ გავა და ოთხი მოდლღეზილი ეფრეიტორი შემოლაგდება.

— ვისია იარალი, შემოგაკვდა თუ განგებ მოჰკალი აბრალავა? — ამბობენ რეზინის ხელკეტების ტრიალით და მწყობრი ნაბიჯებით უახლოვდებიან.

როკი განგებ მხრებში ჩაძვრება. დარტყმის მოლოდინში რომ იცის დაძაბვა ზოგიერთმა ლაჩარმა, ისე. მიუახლოვდებიან მეტროზე და ეს ეს არის უნდა დასცხონ, რომ ოდიშელია მოულოდნელად ტაბურეტს აიტაცებს, რომელზეც მოკალათებულა და პირდაპირ ცხვირ-პირში გაუქანებს ოთხეულს. ორი ეგრევე კედელს მიაწყდება. სკამის ღონიერი ოთხკუთხა ფეხები შერჩება ხელთ. აქეთ ხელკეტებს უგლაჯუნებენ მილიციელები, იქით სკამის წახნაგოვანი ფეხების ყოველი ტრაექტორია მხეცივით აყმუვლებს თითოეულს.

შემოვარდება ცაქვა შედანი. აყირავებულია მაგიდა. ქაღალდები გათელილია ფეხით. ხმის ჩამწერს გადმოუფარ შევანგებია კული, მაგრამ დაღეწილია ისიც. ფანჯარაში ერთი მინაც არ დარჩენილა დაუმსხვრეველი. დაიწყებს მოჩვენებით ყვირილს უფროსი ლეიტენანტი:

— ეს რას ჰგავს თქვენი დედა და მამა. ერთი წუთით დავტოვე ბავში და დასევხართ მხეცებოვით. ბანდიტები! საციხედ გაგიხდით საქმეს! გაეთრიეთ, თქვენნი ბურღლა არ მანახოთ! — უტიფრად მიაჩერდება სახეზე როკის, უსირცხვილოდ უსწორებს თევზივით გაყინულ თვალებს, დაიი კეზუსავით ეფექტურად თუ ვიტყვით, რუსები ამისთანა გამოხედვას „ატმაროვენის“* ეძახიან. მორგევივით ფეხებზე დგას, რადგან დასაჯლომი ყველაფერი დაღეწილა. ხელები ზურგს უკან უწყვია.

— სად არის სიგარეტი? სიამოვნებით მოვწევდი, — ამოღერდავს ოდიშელია ყსიდად. უკვე მიხვედრილია ცაქვა შედანის ოინებს: სიგარეტი განგებ მოუგონებია, მხარბეჭიანთა შემოსაშვებლად.

— ხმაურზე შენსკენ გამოვქანდი, ხომ არაფერი გასჭირვებია-მეთქი. სიგარეტი სულ გადამავიწყდა. კიდევ არ მენდობი, შვილო?! მითხარი როგორ მოხდა ის მკვლელობა?

— რომელი მკვლელობა, მე რომ გინდათ შემომტენოთ? — გამოსცრის კბილებში ოდიშელია.

— კარგი, წავალ სიგარეტზე, ახლავე მოგბრუნდები, — მოსჭრის ცაქვა შედანი და კარისკენ წააბიჯებს, მაგრამ ქორივით მიაფრინდება როკი, დაბაბიან ყლში წვდება.

— დადექი, შენი აფერისტი დედა! საერთოდ არ ვეწევი მე სიგარეტს! — მიახლის და წაუჭერს თვალების გადმოკარკვლამდე.

ასე დამთავრდება ოდიშელის და ცაქვა შედანის ნაცნობობა.

ზუგდიდის ციხეში მინჯორიასა და ჯიბო სალორიელის გაბედიობა მთელს ქალაქს ელვისებურად მოედება. ყველას, დიდსა და პატარასია, როკის გმირობა

აკერია პირზე. აივსება ლებრანძის ჭერხო ოდიშელისა „პერედაჩებით“, ჰოდა, რაღა გასაკვირია ამისთანა კაცის ამბავი წალენჯიხიდან ზუგდიდის კაპეზეს პასუხისმგებელ მორიგედ დაწინაურებულ ცაქვა შედანიასაც ჩაწვეთებოდა ყურში?! მართალია, საკუთარი თვალით არ უხილავს საკნიდან ტრუსისამარა გაღრიალებული ჯიბო საღორიელი თუ პირში მუნდმტუკაჩირილი ტოლიკ მინჯორიას გათრევა, მაგრამ ენაკაჭკაჭა მთხრობელის მეტი რაა მილიციისაში, სარდაფიდან დაწყებული ჭერამდე, მომხდარ ამბავს სურათივით რომ დაგიყენებს თვალწინ?!

მოკლედ, ცაქვასაც მშვენივრად მოეხსენება როკის ვაჟკაცურ საქციელზე, მაგრამ მთლად მის გამგებლობაში თუ იხილავს ოდენსე, ნამდვილის არ მოელოდა. აგერ, მოსულა მისი მორიგეობის ჯერიც. უთხრეს ოდიშელია ჩვენთან, ეტაპს უცდისოდა შედანიაც ხელად ჩაგვანგვალდება როკის საკნის კარმუშაკთან. შეხვდებიან, მიესალმებიან ერთმანეთს, გაიხსენებენ მთისას და ბარისას.

— თვინიერი და უწყინარი იერის ყმაწვილკაცს არამხუტუს ღონე თუ აღმოგაჩნდებოდა, რას ვიფიქრებდი, თორემ დაკითხვისას საკუთარ კაბინეტში კი არასეცგანყოფილებაში შეგიყვანდი, სადაც ყველაფერი ჩაბეტონებულია. არც ის ბიჭები დაილეწებოდნენ და რაც მთავარია, ავეჯი ჩემი ჯიბის ფულთი საყიდელი არ გამოხდებოდა. ახალგაზრდა ვიყავი მაშინ, გამოუცდელი, — მოისაწყყლებს თავს პენსიაზე ნახევარ წელიწადში გასასვლელი ცაქვა შედანია, — ცოდვას ჩავდიოდი მილიციის უფროსის ბრძანებით, მკვლელობის ჩამოწერა უნდოდა. კიდევ კარგი, არ გამოგვივიდა, — თავს იკატუნებს ქვეშევშურად.

— ეგ როდინდელია, ვის ახსოვს. ღმერთმა მომივლინა შენი თავი, რაღაც უნდა გითხრა, — გაენდობა როკი.

ამათი საკნის ხალხი აპრაკვაზეა გაყვანილი, წელში გასაშლელად.

— რა იყო? — ყურებს ცქვეტს ცაქვა შედანია.

— უნდა გავიქცე ამაღამ, ან ზვალ დილით შექველად, სანამ ეტაპით ქუთაისის ციხეში გადამაგზავნიან, — ოდიშელისას სულში ეხითხითება, იცის სისხლს გაუთეთრებს, — როგორც ძველ ნაცნობს, ჯიგრულ კაცს, შენ გენდობი ერთადერთს, — იტყვის და დაიდუმებს ბაგე.

თვალთა გუგები უფართოვდება ცაქვა შედანიას.

— შენ მე მანჯორია ხომ არ გგონივარ, ბიძიკო, ან ჯიბო საღორიელი, თავი სამუშტედ მოგიშვირო?! ვიცი, ვინც მკლავის იმედზეა, ვერავინ გაიხარებს შენთან, მაგრამ მე ცაქვა ვარ, შედანია. მე ჩემს მორიგეობაზე, თავად დამემოწმები ამ დღეებში, რამდენი ბაღლინჯოა აქ და ერთი ცალიც არ მაკლდება. ბაღლინჯოებსაც თქვენთან ერთად ვითვლი და ცვლის გადაბარებისას თქვენთან ერთად გადავიბარებ იმათაც, — იქედნურად ჩაიცინა. ამ სამ წელიწადში ქონი უფრო მოსძალეობია, თმა სრულებით გასთეთრებია. მისი მხრები ძველებურად ვარსკვლავთა სამაიას შესციცინებს.

კაპეზეს საკანი ვიწრო და წაგრძელებულია. აქაურთაგან ორს ეხერხება

მაღალ ჭერზე ასვლა, როკის და კიბა ჯორჯიკიას. ხელებითა და ფეხებით კედელ-კედელ აუყვებიან, მაღლა ცხაურთან ნათურა რომ ჰკიდია, იქამდე. ოდიშელის რვა-ათი წუთი შეუძლია გაჩერება, ჯორჯიკიას — ამის ნახევარ. ასეთ ვითარებაში საკანში მორიგე თუ შემოიხედავს, ცხადია, გადათვლის შემდეგ ხან ერთი პატიმარი დააკლდება, ხანაც — ორი.

მოკლედ, დამთავრდება საპირფარეოში წელში გამართვის ვადა. შემოიყვანენ ტუსალებს საკანში, მოხურავენ კარს და ცაქვა შედანია მორიგეს უჩურჩულებს:

— ოდიშელია დიდი ყურუმსალი ვინმეა, თვალი გეჭიროს ყოველ წუთს. არ გაგეჭვებს. უჩემოდ კარი არ გაუღო, თორემ იცოდე, რალაცას გიხიმანდრებს. უმჯობესია გამუდმებით უთვალთვლო გლაზოკიდან და წარამარა ამოწმო თურას ჩხირკედლაობენ, რითი სუნთქავენ, რითი ერთობიან.

წავა ცაქვა შედანია. დიდხანს დგომა არ შეუძლია, ფეხები უსივდება. სკამს დაათრევა და დერეფანში, მაგრამ ნახა მილიციის უფროსმა ყორშიამ და ისეთი უღრიალა ახალდანიშნულმა კაცმა, კინაღამ ნემსის ყუნწში გააძვრინა.

— ვაშაყრებთ მაგ სულელს, — ეტყვის როკი მორიგეს, — ვინ არის გამეჭვები. აი, შენ ათი მანეთი. ამ ოცით კი არაყი მოიტანე, როცა სადილობისას დრო გამოგეჩითება.

— არ გავკარი ცაქვა შედანიას, იმ სულელის ერთს, — შეუკურთხებს მორიგე. ზედამხედველის კვალობაზე ჩინებული ბიჭია.

— ოღონდ არ გამყიდო, — სთხოვს ოდიშელია, — მაგრამ უნდა ავიყვანო დღეს. შენ მიხვალ ცაქვასთან და ეტყვი: უფროსო, პანტერას საკნიდან ხერხვის ხმა მომესმა-თქო.

მორიგეს გულით გაეხარდება.

ბიჭები დახელოვნებულნი არიან ამისთანა ეშმაკობებში. ტყვის ლანჩიანი ფეხსაცმელებს ჩაიცვამს ორი. დაყრიან იატაკზე ასანთის ოთხ-ოთხი ლეროს. დააბიჯებენ ფეხს და დაუწყებენ კატავს. ვერაფრით გაარჩევ ხერხის ხმისაგან.

მორიგე ყველფერს ამჩნევს გლაზოკიდან, ჩაბჭირდება სიცილით და ფიცხლად გავარდება ცაქვა შედანიასთან. ისე წამოგოგმანდება უფროსი ლეიტენანტი, გაზიზინებული ფეხებიდან გაძრობილი ტუფლების ჩაცმას ვერც კი იხსენებენ. ფლოსტებით მოტყაპუნებს. ნაღდი ლუარსაბ თათქარიძეა, ფორმა რომ მოაშორა. ვითომ სხვათა შორის მოინახულებს საკნებს. ხელების მოძრაობით ანიშნებს, მიაყურადე, ხომ გესმის, აშკარად ხერხვის ხმაო. ცაქვა გაიტრუნება ერთხანს. ზედ რკინის კარსაა აწებებული. საკანში კი ორი პატიმარი გამალეებით ხერხავს. ვეღარ გაუძლებს შედანია ცდუნებას, კარმუშკას გამოაღებს, ძლივს შემოატევეს სიფათი და დაიწყებს გადათვლას:

— ერთი, ორი, სამი... ყველა ადგილზეა, — ბურტყუნებს თავისთვის. დალახვროს ეშმაკმა ამათი თავი და ბოლო.

— რაშია ბიძია, ცაქვა, საქმე? — ეუბნება ლოგინზე წამოწოლილი როკი.

— არაფერი, ისე მოგიკითხე, — ხენე შით ამბობს ცაქვა შედანია, — დამა-
ვიწყდა ამ დღილით მეთქვა შენთვის, რომ ეშმაკზე ერთი დღით ადრე ვარ გაჩენი-
ლი.

კარმუშკას მოხუარავს და ფლოსტების ტყაპატყუპით გაეცლება ვითომ სა-
კანს. გაიძრობს მერე, ხელეში უჭირავს ცალ-ცალად და შალის წინდებით თი-
თისწვერებზე მოიპარება საკნის კარისკენ. უჩუმარია ფეხისხმა, მაგრამ მისი ქო-
ნით გაპოხილი ფილტვების ქშული ღერეფნის ბოლოში გაისმის. სუროსავით
აწებებულა კარებს.

ოდიშელია ნახევარხმაზე მბრძანებლობს:

— აბა, ბიჭებო, დაცხეთ ორივე ხერხით!

ის ორი ხმის გასაძლიერებლად ასნთის ღეროებს ოთხიდან ექვსამდე გაზრ-
დის. დაკატავება სხვადასხვა დროს წამოიწყებენ. თავი მართლაც სამხერხაოში
გეგონება.

ცაქვა შედანია უსმენს, უსმენს, ბოლოს გული ვეღარ გაუძლებს და რაც
ძალ-ღონე აქვს მიაყვრებს ღერეფანს:

— ტრივოგა, თქვენი დედა! ხედავთ ხერხებით გისოსებს დაესია მთელი სა-
კანი. ერთ საათში კაცი შვილი არ დარჩება.

მისცემენ განგაშის სიგნალს.

ღერეფანი მილიციელებით გაივსება. რკინისებური წესრიგის ყორშიაც
ინებებს მოსვლას მოადგილეებითურთ. ასეთი რამ წელიწადში ერთხელ ხდება
და წაყრუების დროა?! ხის ჩაქუჩებით შეცვივდებიან საკანში. პატიმრებს გაჩხ-
რეკენ ტანფეხიანად და მეზობლად გადაიყვანებენ დროებით. აყრიან ლოგინებს,
გადააქოთებენ ყველაფერს, მაგრამ გაქცევის ნიშნები იოტისოდენადაც არ იძებ-
ნება. ისევ უკან დააბრუნებენ.

— რა ხდება ოდიშელია? — ეუბნება პოლკოვნიკი ყორშია. მინჯორიას
დასიფათების შემდეგ ძალიან ესიმპათიურება. სიტყვის შემობრუნება გაუბედა
თურმე ლებრანძესთან ზედამხედველის ადგილმოგულვებულმა.

— რა ვიცი, ბატონო უფროსო, — ამბობს ღიმილით როკი, — ამას მგონი
კლიმაქსი აწუხებს, ჰალუცინაციები სჭირს, რაღაცები ელანდება, ფეხები
უსივდება დგომისაგან, ჩამოსაწერია, დროა სახლში ეგდოს. რა პაბეგი, რის
პაბეგი.

წავლენ. ცაქვა შედანიას წნევა აუწევს. დიდი პირსახოცით შუბლი შეუხ-
ვევია ისეთნაირად, როგორც დუშმან ბოევიკებს სჩვევიათ თავზე ბენდენის
მოგდება, ოღონდ ამას განსხვავებით მოტვლეპილი კინკრისოც არ უჩანს. რო-
კის საკნის მოპირდაპირე კედელს მიყულებულა. ტუფლები ყორშიას შიშით
აცვია, სანახევროდ, დაჭყლეთილი ქუსლებით. გულზე ხელები დაუკრეფია,
ათი-თხუთმეტი წუთი და მისი ფეხზედგომის გამძლეობას წირვა გამოუვა.
ჩასაფრებულა როდის დაიწყება ხერხვა. საკნიდან განგებ წელავენ დროს. იჭ-
ვრიტებიან კარმუშკას ჭუჭრუტანიდან. საცოდავი ცაქვა შედანია ომწაგებუ-

ლი ბოვეიკივით დგას კედელთან და ერთი სული აქვს, როდის დაიძახებს „ტრე-ვოგას“.

ახლა ოთხი პატიმარი ასანთის შვიდ-შვიდი ღერით სხვადასხვა დროს და სხვადასხვა ადგილიდან დაიწყებს გამალებულ ხერხვას. ოდიშელია კვლავინ-ღებურად გასცემს განკარგულებას:

— გადავრჩით ბიჭებო, ვერაფერი იპოვეს. ცოტაც და გისოსები მთლიანად გამოვარდება. ჯგუფ-ჯგუფად, შექუჩებულად ნუ გაიქცევით, გაიფანტებით ხო-ხობის წიწილებივით. ვინცობაა გამოგვეკიდონ, ორი-სამი მაინც გადაარჩება და ესეც დიდი მონაპოვარი იქნება ჩვენთვის, — თან შემართული ცერით ანიშ-ნებს კიპა ჯორჯიკის, აძვერი მალლა. ისიც გაწაფული ჯამბაზივით ელვისე-ბურად ავარდება ჭერამდე გაფარჩხული ხელებითა და ფეხებით.

— კიპა, გაეტყვი თუ არა ბოლოს და ბოლოს?! ასე თუ ვიჯანჯლებთ, საათნა-ხევარი მოვუნდებით გაძვრომას. ჰოპ, კარგია! ახლა მე მოგყვები! — ამბობს როკი, ხერხვა კი შეუსვენელად გრძელდება. კარმუშკას და საჭკრეტელას ზურგიით აფა-რებია ორი.

ცაქვა შედანია აწებებია რკინის კარებს, ისმის მისი ფილტვების საბერვე-ლივით ქშენა, მაგრამ ამოგმანულია სათვალთვალო სივრცე.

— გაიწიე ვალჩოკიდან შენი დედა! მღუპავთ? ნახევარი წელიდა დამრჩა პენსიამდე, გაიწიეთ-მეთქი. მორიგე, ტრივოგა!* — ყირის არაადამიანურად.

ბიჭები ჩამოშორდებიან საჭკრეტელას, როკი კი ცაქვა შედანიას გასაგო-ნად უცაცხანებს თანასაკნელებს:

— თქვენი ბრალია, დაგნოცავთ! ატასზე* უფრო ყურადღებით უნდა ყო-ფილიყავით, ძლივსლა მოასწრო გაქცევა ერთმა! იფშენიტეთ აწი ხელები. ყო-ველთვის შედანია ხომ არ გეყოლებათ მორიგედ?! —

— როგორ თუ გაქცეულა? — იღრიალებს მთელის ხმით ცაქვა შედანია, — დამღუპეთ თქვენი დედა?! — კარის გაღებას ვერ ბედავს, კარმუშკას ჩამოგლეჯს. წამოჭარხლებულ სიფათს შემოანათებს.

— რა იყო ცაქვა, ბიძია? აგრე რამ ავადლევათ? — ეკითხება როკი.

— წადი, თქვენი ბიცოლებიცა და ბიძებიც, ერთი, ორი, სამი, ოთხი, ხუ-თი... — ითვლის. ჩაამთავრებს ბოლომდე, — ერთი აკლია, ერთი აკლია, — იღ-რიალებს ტყუირით. — ტრივოგა თქვენი ბიცოლები! — გაისმის ანჯამებისა და საკეტების ჩხარუნი. უფროს-უმცროსობა დერეფანშია თავმოყრილი. გა-აღებენ საენის კარს. პატიმრებს ჩაამწყრივებენ კედელთან. მუხლებმწართმეუ-ლი ცაქვა შედანია შესასვლელთან ჩაშვავებულა. თავი საკანში შემოუყვია. ამით ყორშისა აფლუჩვილებს: მართალია, ტუსალი კი გამექცა, მაგრამ ხომ ხედავ, რა დღეში ვარ, იქნებ შემიწყალო და ზედ პენსიაზე გასვლის წინ სამსახურიდან არ გამანთავისულოო.

კიპა ჯორჯია ყველა რეკორდს მოხსნის. უკვე თერთმეტი წუთია ჭერს მიკო-სებია.

როკი კუთხეში მიდგება და ყორშისა ჭერზეაკრულ პატიმარს ანახვებს,

თანაც ბიჭებს უბრძანებს: აბა, ხერხვას შეუდექითო. ისინიც დაყრიან იატაკზე ასანთის ღერებს და საკანი ნამდვილ სამხერხაოს დაემსგავსება.

იფხრიწებიან სიცილით ტუსაღებიცა და მილიციელებიც, ყორშია თვალე-ბიდან ჩამოცვენილ ცრემლს უშველებელი ცხვირსახოცით იწმენდს. მხოლოდ შაშმან თირქია მიმჯდარა კუთხეში ნალვლიანი ღიმილით. ამასობაში ჭერზე მიკრულ ჯორჯიკისაც გადაედება საერთო მხიარულება, დაძაბული სხეულიც მოეშვება და გამობენტერებული ცაქვას თავზე მოადენს ზღართანს.

შედანია გამოთიშულია რეალობას.

— ხედავთ, უფროსო, კრიშაც გაუნგრევიათ! — ამოიკნავლებს ცაქვა და ჩაიკეცება დიდ-პატარა, უფროს-უმცროსი. შაშმანსაც გადაავიწყდება თავისი უბედურება და ერთიან ხორხოცს აპყვა.

— რა თქვა, კაცო, კრიშა გაუნგრევიათო? — ყორშია მეორე ცხვირსახოცს ამოიღებს, — კრიშაო? — იგუდება სიცილით.

სალამოს აპრაკვაზე უკვე ტაბურეტზე ზის ცაქვა შედანია, როგორც იქნა დართავს ამის ნებას მილიციის უფროსი: იმდენი ინერვიანა, შეიძლება ინფარქტმა დაარტყასო.

ჩაუვლიან ბიჭები თავჩაქინდრულს. როკი წამით შეყოვნდება და ამასღა ეტყვის:

— შენ ხომ ეშმაკზე ერთი დღით ადრე ხარ გაჩენილი?

— თუ კაცი ხარ დამანებე თავი, დაიწვა ის დღე, მე რომ დავიბადე.

— ბედი შენი, ქუთაისში გადავყავართ მალე, თორემ გაგიშვებდი სამუდამო პენსიაზე.

ნალვლიანი თვალეებს გააყოლებს პატიმრებს ცაქვა შედანია. მომდევნო ცვლაზე სამსახურში არ გამოცხადდება. დაურეკავენ, მიუგზავნიან კაცს, მაგრამ ფეხებზე დაიკიდებს ყორშიას ბრძანებასაც და კარზე მომდგარ პენსიასაც.

მზე ბარჩხალებდა ჭურიაში. აკოკრილი სიმინდის ყანები შრიალებდნენ ტყეების ფაფარის გასწვრივ. ხელმარცხნივ ნესვი და საზამთროები დაეთესათ ბუდობრივად კახათელების ახალ შენის მკვიდრთ. ფართობ-ფართობ, არხის გაყოლებაზე, მავთულბადის სიახლოვეს, მძიმე ტექნიკისათვის დატოვებული ზოლით მიაგელებდნენ ცხენებს როკი და ილონა.

— კიდევ ორი ამისთანა ზურმუხტი კვირა და დაბეჭითებით მეცოდინება შენთან დავრჩები სამუდამოდ თუ ოჯახისკენ გამიწევს გული, — ეუბნებოდა ქალი მამაკაცს.

— ჩემი პური მწარეა, ილონა, — პასუხობდა ოდიშელია გაქანებულ სწრაფვაში, — ვერც გელევი და კიდევ მენანები სახიფათო ხეტიალისთვის. ქალი უამრავი ყოფილა ჩემს ცხოვრებაში, მაგრამ ცხოველურ ჟინს მოვიკლავდი და შემზარდებოდა წამში. ერთადერთი ხარ, ვის წინაშეც ბალღივით ვკრთი. ხომ გჯერა, სათვალთმაქცო არაფერი მჭირს. ნებისმიერი ქალის სიახლოვისას, ადრე

მეტად და ახლაც საკმაოდ, მუხლები ამიკანკალდება ხოლმე. ერთი სული მაქვს, როდის შეეუცურდები ილლიაში, როდის ჩავქანდები თავდავიწყების მორევში. მივჭრევართ ახლა ჯოტოს ბედაურებით გვერდიგვერდ. კი ვგრძნობ შენს სურნელს ცხენების ოფლთან ერთად, მაგრამ აყვავებული ხეების სურნელის სადა-რია ეგ. საკუთარ თავს ვედარ ვცნობ, განიარაღებული ვარ თითქოს.

— ჩათვალე რომ ტუჩებში გაკოცე. მეგონა სამუდამოდ დაგკარგე. ბიცო-ლაჩმის მარჩიელობამ მომიხელა, ჯოჯოხეთად მექცა ორად ორი სიტყვა: უკან არასდროს მობრუნდებარ. მადლობა უფალს, ეგ ავინიშანი წარმეხოცა სული-დან. არაფერს ვინატრებდი, მხოლოდ ერთი ღამით ვიყო ისეთი ილონა, როგო-რიც ათი წლის წინ.

— ჯერ ერთი, ეგ სიტყვა ორად ორი კი არა სამად სამია, ილონა ჩემო. მეო-რედა, ცრუმორწმუნეობის ფეხის ხმას თუ ავეყვებით, ბიცოლას თქმულს არაფ-რით ჩამოუვარდება დეიდაშენი შურა წინასწარმეტყველება. თავად განსაჯე:

ვხედავ წაყირავებულ ბოცას, საიდანაც სისხლისფერი ღვინო იღვრება; ვხედავ გზას, მოლოპულს და დაუსრულებელს; ვხედავ ერთმანეთისკენ გაწვილ ხელებს, რომელთაც სულ ცილისხელა უკლიათ შეკავშირებამდე, მაგრამ სხვა-დასხვა მიმართულებით წასწრაფებული ფორნების გათანასწორების მომენტ-შია ეს სიახლოვე.

არავითარი მაგია, ერთმაც და მეორემაც თავიანთი დამოკიდებულება გა-მოხატეს ჩვენს ურთიერთობაზე; პირველმა — სიყმაწვილეში, მეორემ — ჭარმა-გობის ეპას. აქ ქარაგმების შინაარსი ჩვენებურ ენაზე ასეთია: შეიგნეთ, განსხვა-ვებულნი ხართ ადათ-წესით, ტრადიციებით, მდგომარეობით და დაეხსენით ერ-თმანეთსო; მესამე და, ილონა, ძვირფასო, სიყვარულისთვის არ არსებობს შემ-ბოჭავი ზღუდეები და რაც დედამიწის ზურგზე ბარიერია, ერთად რომ დაუხ-ვედრო წინ ჭაბუკ როკის, ვერაფრით გადააფიქრებინებს შენს ძებნას კრასნო-დარიდან როსტოვში, როსტოვიდან კიევში, კიევიდან დონეცკში, დონეცკიდან ოდესაში, ოდესიდან სიმფეროპოლში, სიმფეროპოლიდან ისევ როსტოვში თავ-ბრუს დახვევამდე. ილონას სახელით ეძებს გოგონას, რომლის არც გვარი იცის, არც — ბანაკის და ტომის ბელადის რაიმე ხელჩასაჭიდებელი ნიშანი.

ზუგდიდელი ბოშებიო, დაულია პირი და ჯარასავით ტრიალებს ცოფიანი სიზმრების გარშემო და იგი ჰგავს ზვინს, რომელშიც ნემსივით ჩაეკარგე და შენი ფორნების ხავსმოუკიდებელი ბორბლები თელავენ გზადაგზა.

შენ ეხეტებოდი, ის კი დარჭობილი ბოძივით ეყუდა, ქარების გამოკიდება რომ აღარ ძალუქს. მერე ფეხი აიდგა თითქოს და ამ დროს შენც წისქვილის დოლაბივით დადექი. გვიპოვნია ერთმანეთი, მაგრამ ახლა ჩვენს შორის მოგუ-გუნე ოკეანეა და მეშინია დაყვრების, ვაითუ ხმა ვერ მივაწვდინო-მეთქი. წე-ღანდელი გულწრფელობით ასეული კილომეტრის მომიახლოვე ის შემზარავი ნაპირი, ილონა.

სიყრმისდროინდელ დღეებზე გიყვები. ბარისახომდე ავალწიე. არაბულე-ბის სტუმარი ვარ. მანადირეს კურდღლებზე. მაჭამეს ოცდაცამეტნაოჭიანი ხინ-

კალი და მასვეს ქაფქაფა ლუდი. უშენობა ველარაფრით გადავიგდე გულიდან. მერე ანატორებისაკენ წარმიძღვნენ. ამაზე სულის შემძვრელი არაფერი მინახავს. განა რაიმე ტაძარია თვალი რომ წარგტაცოს მისმა სიღამაზემ თუ სიზვიადემ?! ერთი ჩანახშირებულ აკლამების წყება, ფილებით ამოყვანილი. რუხი მონაცისფერო გადასდებია ყველაფერს. ცაც ტყუისფერია ნოემბრის მიწურულს. წარმიძღვნენ და მახლოტიალეს იმ სამარხებში, ილონა. ადამიანის ჩონჩხებითაა სავესე. იმ ძვლების სიმრავლიდან ოთხად ოთხმა შემიტოკა გულში ძარღვი.

ჟამიანობის დროს თურმე აქეთკენ მოეშურებოდნენ ტიფიანები თუ ქლექიანები. სოფელს მოარიდებდნენ პირს, ჩასხდებოდნენ აკლამებში და დაიწყებდნენ უთანასწორო ბოძოლას ყოვლის შემძლე სიკვდილთან. ზოგი გამარჯვებული გამოდიოდა ამ შერკინებიდან, გადალახავდა, სძლევდა ღურუსმ უკიდევანო ბჭეებს და ნაყვავილარი სახით თუ ჩაღამებული თვალებით მოლასლადებოდა სოფელში, როგორც საომარი ველიდან გამოღწეული რაინდი, მაგრამ უკვდავებას ჩემის ღრმა რწმენით სამადსამი პიროვნება ეზიარა იქ: ღუღუშაურების რძალი, აკვნიანად რომ ჩაჯდა ანატორის აკლამაში, და სიცხისაგან გათარანებულ ჩვილს გადაეფარა სიკვდილის კლანჭებისაგან დასახსნელად. ველარაფერს გახდა დედის შეძრწუნებული სული, არტახებში ჩაკრული გამოუღრღნა წარბ შეუხრელმა სიკვდილმა. ის აკვანი ხელუხლებლად დგას იქ. ველარაფერი დააკლო თოვლმა და ქარ-წვიმამ. ზეზეურად ჩამომხმარი დედა გადამხობია, მაგრამ მიქელ-გაბრიელს ღუღუშაურების რძლისთვის წარუტაცნია პირმო, და უბედური მშობელი ცოცხალი ძეგლივით ჩარჩენილა ანატორის აკლამაში. იშვიათია ისეთი თავგანწირვა. დედა-შვილურ სიყვარულს ვედარ მოერია სიკვდილის ძღვევამოსილება, თუმცაკი გაძიძგნა ხორცი ძვლისგან.

ასევე წარუშლელია მეორე აკლამაც. დედაშვილობა ხომ მაინც ერთი სხეულის ამბოხია, რადგანაც ახალშობილს ცნობიერება არ გააჩნია, ამდენად, დიახაც ერთი სხეულის შეკვივლებაა სიკვდილ-სიცოცხლის გზაზე. ის მეორე აკლამა კი ორი ზრდასრული ადამიანის უკვდავებას ღაღადებს. ანატორებისკენ აბარებულ ლიქოკვლების ვაჟს, ერთად ერთი მიჯნურიღა გამოედევნა ნაბიჯ და ნაბიჯ, წიკლაურების ხორბლისფერი ასული მზექალა. იქ, იმ პირქუმ აკლამებში სამი დღე და ღამე ებრძოდნენ თურმე სიკვდილს შეყვარებულები, სამი დღე და ღამე იხრუკებოდნენ ცეცხლით. ცრემლისმომგვრელია, ილონა ჩემო, ერთმანეთში ჩაბაწრული ჩონჩხების ხილვა. საუკუნეზე მეტია ქარს არ გაუტოკებია მათი ძვლები. ვერც მიწისძვრა თუ მეწყერი არღვევს სამარადისო ხვევნა-ალერსს და ძნელია ბოლომდე განსაზღვრო, რომელი გრძნობაა უფრო ჭკეშმარიტი, რომელი გაახლოებს უფრო ღმერთთან, ღუღუშაურების რძლის აკვანს გადაფარება თუ წიკლაურების გოგოს სამარეში ჩადვენება გულისწორის გადასარჩენად?! ბოლოს და ბოლოს საითკენ მიდის ადამიანი, რანაირად ეზიარება უკვდავებას, დედაშვილური სიყვარულით თუ რუსთველური მიჯ-

ნურობით?! აქ ზღვარის გავლება ძნელია, მაგრამ ხარისხში განსხვავება არსებობს უთუოდ. გახსოვს ბაზარში მოხუცი მეჩონგურე და მისი სიტყვები?

— ბუნდოვნად, სიზმარივით, — თქვა როკის საუბრით გაბრუნებულმა ილონამ.

— მე კი ახლაც თვალწინ მიდგას ის თეთწვერება მოხუცი, მისი სიტყვებიც დღემდე მიგუხუნებს ყურში.

სიყვარული და სიმღერა ღვიძლ და-ძმასავითაა. უსიკვდილოა ერთიცა და მეორეც. სიყვარულისა და სიმღერის დამარცხებასად შეუძლია სიკვდილს, როცა ორივე ღმერთთან არის ჩახუტებული.

აბა, ილონა და მე არ მოვკვდებით-მეთქი, რომ ვკითხე;

მხოლოდ გარეგნულადო, მიპასუხა, ხორცი შემოგეძარცვებათ მართო, თქვენი გრძნობა სამარადისოდ დარჩება. უკვდავებაც ამას ჰქვიაო.

ვაგლახ, პატარა ვიყავი მაშინ და ნამდვილი ბრმა, ჩოხის კალთაში არ ჩავეჭიდე თვალხილულ ჭეშმარიტ უფალს. იმას ყველა კითხვის პასუხად მზად ჰქონდა, ჩვენი ურთიერთობისაც. გასაღები კი მომცა ხელში, მაგრამ მილოინი ნახვრეტი ჰქონია ჭეშმარიტების კარს. სანამ საკუთარ ჭრილში არ მოარგებ, არაფრის დიდებით გაიღება. ქადაგად დავდექი, ენად გავიკრიფე.

— გეხვეწები, ილაპარაკე, როკი! — თითებით ყელი გამოუწია ილონამ.

— ხოდა, იმას ვამბობდი, შენს არსებაში ერთდროულადაა მოცემული დედუშაურების რძალიცა და წიკლაურების გოგოც. და ორმაგად დატანჯული იმიტომაც ხარ, აკნითა და შეყვარებულით ზიხარ, ერთდროულად იმ აკლდამაში.

ქალს მხრები აუთრთოლდა, აუცახცახდა. თვლებიდან თქრილით წამოუვიდა ცრემლი.

— ვხედავ რა ჯოჯოხეთიც გიტროიალებს სულში. არ მინდოდა შევხებოდი თითქოსდა მიძინებულ სიმებს, მაგრამ როდემდის მოვიტყუოთ თავი?! ან როგორ მონათლება, რა დაერქმევა ხანტურის და ბონდოს განცდებს, რომელთა საფლავებზე ყვავილების მისატანად მივეშურებით ახლა?!

უსიყვარულოდ გაუჩენია ის ბიჭი ჟინი ანთარს, ხელოვნურად, პირუტყვებს რომ ამრავლებენ, ისე. წესით გვარად ანთარისა, საბუთებით კი ჰალიდონისას, ბიძაშვილი შეყვარებია, ცხადია, გარეგნულად, ხალხისთვის, საზოგადოების თვალში, იგივე — და, თორემ სინამდვილეში იურიდიულად, სრულიად უცხონი არიან ერთმანეთისთვის, მაგრამ მთავარი ჩვენთვის ის არის, რომ ავტოკატასტროფაში მოყოლილმა ყმაწვილმა ფუძის მოტეხილობა მიიღო, და რადგანაც გადარჩენის შანსი გადაეწურა შეყვარებულს მისას, ჰალიდონიებს ასულს, აქეთკენ წამოიყვანა, რათა მშობლიური გარემოს ხილვით ერთხელაც დაატკბოს მისი სული. არაფერი იციან მერე მათი სიცოცხლის ბოლო წუთებზე. აბრეშუმის თოკით მაჯებგადანასკვული გამოერია ზღვას ჭურის შესართავთან და აქაურმა მწყემსებმაც ასე გვერდიგვერდ, ერთმანეთში სულიერად და ხორციელად გადაბაწრულნი მიიბარეს თურმე სატანჯოს მიწას.

ერთსაც გეტყვი, თუ გნებავს, ბაბუაჩემი ძაკას მონაყოლს. დადიანების პირველი დამის უფლებზე მემატინანეთა მოგონილი არ არის. ვინმე ხუმშუ ანთარიას, ერთი საროსტანა ასული, გიმი წყაროზია შეჭყარებია და უთხოვია მთავრისთვის ჯვრისწერის ნებართვა. ეს უკანასკნელი დიდი მექალთანე ყოფილა, აღვირახსნილი მუსუსი. და იხილა რა შვლის ნუკრივით სახიერი წყაროზია, მოიწადინა მისი დაუფლება. ადათითაც ასე ერგებოდა ოდითგანვე, მერე დამერე ფორმალურად მისდევდნენ ამ წეს-ჩვეულებას. ლოგინზე დაწოლილ ქალიშვილს გადააბიჯებდა და სიმბოლურად გაითამაშებდა უკუღმართ ტრადიციას, მაგრამ გადალაჯუნება არ იკმარა თურმე დადიამ და ზედ სასიძოს წინაშე აღისრულა საწადელი. აკი, ვთქვი, სიყვარულისათვის არ არსებობს შემბოჭავი ზღუდემეთქი. წაიყვანა ხუმშუ ანთარიამ თავისი ქალწულობა წართმეული საცოლვე, მაგრამ იმავე დამით მიეჭრა მთავარს სასახლეში, გაკოჭა ბატონი, ცოლი თვალწინ გაუბახა, მერე ყამა გამოუსვა ყელში და სამურზაყანოს ტყეებს მისცა თავი. თხუთმეტ წელიწადს ტყე-ტყე დაწანწალეებენენ თურმე. ხუთი შვილი გზადაგზა ჩამოურიგებია დევნილ ცოლ-ქმარს. ბოლოს დღევანდელი ხუმშუშქურის ტერიტორიაზე, მწყემსების ფარეხში მოუმწყდევიათ დადაიანებისა და შერვაშიძეების ხალხს.

ქალი მეექვსე ბავშვზეა ფეხმძიმე.

გამოელიათ ტყეები. საშველიც არსაიდან ჩანს და მაშინ მუგუზალს დაავლო თურმე ხელი ხუმშუ ანთარიამ, ცეცხლი შეუნთო ისლის სახურავს, ჩაეკონენ ერთმანეთს და გაძნელებით მერე ნაცარში მათი ძვლების პოვნა. ასე რომ, არჩევანი შენზეა ილონა. საინტერესოა, რომელს უფრო ამჯობინებდი: ტყვიას, თოკს, წყალს თუ ცეცხლს? — როკიმ გაიცინა, მაგრამ ქალს სულაც არ ეხუმრებოდა.

ცაცხვის ჩრდილში მოკალათებულმა მასპინძლებმა ცხენების სადავეები ჩამოართვეს სტუმრებს.

შაშმან თირქიმას ხუხულას შემდეგ აქაურობა ნამდვილ დასახლებას ჰგავდა. ჩეროსთან გათხრილ ჭას კერამიკის გვამი ედგა. აქვე იყო წაგრძელებული მაგიდა მერხებითურთ. თვალეში შემოგაფრინდებოდათ ბოკონებზე შეყენებული ოდა-სახლი, ქონგურებიანი აივნით. მოშორებით სამზადის ალიბჭედან კვამლი ამოდიოდა, რომლის იქით მიყოლებით ჩაემწყკრივებინათ საბძელი, საქათმეები, სალორე.

არხში იხვები ყიპაყიპებდნენ. მომცრო ნავსადგური ოთხივე მხრიდან ჩარჩობზე დაჭედებული მავთულ-ბადით შემოეკავებინათ, გადაეხურათ შიფერით. ორი მოტორიანი ნავი და ერთი ტვირთშიდი კატარა ეყენა იქ.

პონტონზე ახალმოთიბული ბალახით ეზვინა.

არხის ხელმარჯვნივ ხის გრძელი შენობა აღმართულიყო, ოლმელშიც ძროხებს და კამეჩებს აბინავებდნენ. სიბერეში ახალდაოჯახებული ანთარიაც აქ დახვდათ მეუღლითურთ.

კვეკვემ დაროკიმ გადაკოცნეს ერთმანეთი. გააცნეს ქალები ურთიერთს. ოდიშელისას გამოჩენა დიდად გაეხარდა მწერალს. კვირაობით არ გამოდიოდა ოთახიდან. დილა-საღამოსაბეჭდ მანქანას არაკუნებდა, საბოლოოდ ათეთრებდა რომანს. ცოლიც შეკლული ჰყავდა ხელში. ხავერდოვანი თაფლობის თვე ზღვაზე სიარულის ნაცვლად ლუპით ამოსაკითხი ხელნაწერების კარნახში გაუფლანგა. ახლა კი, გაიგონა თუ არა ოდიშელისას ხმა, საქმე განზე გადადო, თანამეცხადრესთან ერთად ჩამობრძანდა ოდიდან. ჯოტო გუგუნიას სტაჟიანი სტუმარი პურ-მარილისთვის ათადარიგინებდა მწკმსებს, ვალიკო ფიფიას, იპო ფაჟავას თუ ნუგო ბიჭიას, სხვადასხვა ასაკისა და აღნაგობა-ხასიათის ადამიანებს.

კახთელები კვეკვემ ანთარიას საპურმარილო განკარგულებას ისე მიუგებდნენ ყურს, თითქოს ამის სწავლებას ისინი მართლაც საჭიროებდნენ.

— სატანჯოში მივდივარ, იქნებ მოტორიანი ნავით გავგიყვანო? — თქვა როკიმ და ანთარიამაც ყურები ჩამოყარა.

საქმე ის არის, რომ ამ თერთმეტ თვეში საათივით გამართულ ორ ნავს წირვა გამოუყვანა. საღ-საღამათად დარჩენილ ერთად ერთს კი ჯოტო გუგუნიას უნებართვოდ ხელს ვერავინ ახლებდა. შეიძლება ქურდულად გესარგებლა მისით, მაგრამ ეგ რა კაცობაა, როცა პატრონი საგანგებოდ გთხოვს: ამას მაინც ნუ გამიფუჭებო, შენ კი ადგები და სიტყვას გადახვალ?!

ისევ მწკმსებმა შეაგულიანეს კვეკვემ ანთარია.

— ერთი მგზავრობით რა უნდა მოუვიდეს, ოღონდ ძრავას ნუ გაუძლიანდებო.

ცდუნდა ანთარია. გახსნეს ნავსაყუდლის ჭიშკარი, ჩაასხეს ბენზინი, დაქოქეს, წაიძლოლიეს საგზალი და ნელი სვლით წაათუხთუხა ნავმა ოთხეული ლარივით გაჭიმული არხით.

ჭურიაში ვინც არ ყოფილა, ტყუილად იკვენის სამეგრელო მოვინახულებო.

ტყეების მუქ-მწვანე გაღავანი მოჩანს თვალსაწიერზე, შიგნით კი, ამ უღრანების შუაგულში მოშრიალე ლერწმონებისა და ისლიანების კორომებია. ხასხასებს საია. ყვითელი ფერი მძლავრობს უსიერიდან უსიერამდე. ზღვაურით დანაოჭებული წყალი კუპრისფერია. წკვარამ ღამესავით მრუმე ზღვიდან შემოსული კეფალები ამოხტუნდებიან აქა-იქ.

კამეჩების ჯოგი მიზოზინობს ბოლაზის გასწვრივ.

მალიმალ წამოფრინდებიან ყანხები და წეროები.

თოლიების ფუთფუთი თვალს გიჭრელებს. მერცხლები დასრიალებენ წყლის ზედაპირზე. მტკავლის სიახლოვეს. მიიკლაკნება ანკარა თავთხელისკენ. იქით თახვმა გაუტია.

ზღვის ხმაური არც კი ისმის. შეერთებულია ცა, წყალი და მიწა.

აქოჩრილ ჭურიაზე გავიდნენ, რომელიც კილომეტრზე უფართოესია ნაპირიდან ნაპირამდე. მარცხნივ ხრიოკი კუნძულებია. ხელმარჯვნივ — პირველყოფილი ტყე.

დადუ და ილონა ნავის ჰვინტზე სხედან. როკი შუა ალაგას მოკალათებულა. ანთარია კულიდან მართავს საჭეს ოსტატურად. ბოლოს და ბოლოს ორი ნავი გაუბედიტებია. ნელი სვლით ჩაუვლიან ოზორმეხეს და თორსას, ჰყონკაკუტსა და დიდგვიმარონს.

ჰურის ვრცეულობა თანდათან ვიწროვდება. დაგრეხილი მუხები და მურყანები კოჭებამდე წყალში დგანან. გვიმრები, გვიმრები ყოველ ნაბიჯზე ფარ შავანგისბოლოსმაგვარი ფოთლებით. ოდესღაც გიგანტები, კოლხეთის ოქროცურვილი წარსულივით მინავლულან, ძარღვებში სისხლი გაყინვით, ჩამქრალი ჟინი აზეითებისა, მისტირიან ოდინდელ ძღვეამოსილებას, როცა ახოვანი მუხები წვივებამდე ძლივს წვდებოდნენ. სწორედ გიმრას ეთაყვანებოდა კოლხი, ქოლგასავით გაშლილ მის ჩეროს, ნახევარ ქცევა მიწას რომ აფორაჯებდა სატაური ჩრდილებით. ამასაც იტყვიან აქაურები: გვიმრის ხეზე ეკიდა კირბებიო, იგივე ოქროს საწმისი, რკინის გამოდნობის საიდუმლოებებს, მედიცინის გულთმისნობებს, ოქროს მოპოვების წესებს, ვარსკვლავთმრიცხველობის ტრადიციებს, ანბანს დასაბამიერს და ვინ მოთვლის, კიდევ რას, მოიცავდა თავისთავში, ჰოდა, წარიტაცეს არგონავტებმა კოლხეთის ძლიერება, აკაფეს სალოცავი გვიმრები და იქიდან მოყოლებული ველარაფრით გაიმართნენ წელში, ველარაფრით გაუტოლეს მზერა კავკასიონის ქედზე მიჯაჭვულ მძლეთამძლე ამირანს, მაგრამ შრიალებდნენ კვლავაც მოთენთილი, მთვლემარე ბუნებით; თუმცა ერთი ლექსისა არ იყო, როსმე ძველებური სიამაყით წამოიწვიან, კვლავინდებურად. ისევ და ისევ მოიკრიბენ ძალას საშთამომავლოს, კვლავაც წამოხეთქავენ მოყამული ფესვებიდან, ვულკანივით ამოიტყორცნებიან უდრეკელი კენწეროვებით ცისკენ და გაჭვადებიან იქ დობადონას სამარადისო მონუმენტივით.

კვეკვე ანთარიას სტრიქონებმა ოდიშლიას გულზე მოაბჯინა მამულის სადარდელი ზღვიდან ზღვამდე.

სამწლიანი ოტების ჟამს სამშობლოს რომელ კუნჭულში არ შეუჭკრეტიაროკის?! ნაღდკახელებთან ყურძენი უთრევია გოდრებით. აკარწახებული შარვლის ტოტებით ჩამდგარა საწნახელში და თავბოტორა მიხოსთან ერთად ხორუმის ილეუებით ჩაუწურავს ქვევრში სამყაროს სისხლი. გახედავი ჭიქიდან გათარანებულ მზეს და ლილისფერდებოდა ბადაგის ლინზიდან ქვეყნის მანათობელი.

მირზანელი ნატროშვილების გვერდით ფუთობით უსვამს ნამუსიანი ღვინო. გამხმარი თონის პური ჩაუფშვინია დილით სახელდახელო ხაშში და ჭიქა არყით გაუხსნია მადა.

ხორნაბუჯის სიხე-სიმაგრეს სწვევია და ალაზნის ველის განუმეორებლობით დამტკბარა.

გაგაძეების სამასი წლის აკვნის სადღეგრძელო დაუღვევია.

სოკოები უკრეფია წინანდლის ტყეში. წიწამურიდან საგურამომდე ფე-

ხით უვლია ილიას ნათელი შუბლისკენ.

კახეთში ჩამოვედი და ქვეყნიერება ვნახეო, გასაუბრებია ფიქრებში ერის მამას.

ელიას ტბაზე იხვებზე უნადირია.

შირაქის ზამთრის საძოვრებზე მუხლებამდე თოვლში გამონთებია კავ-კასიური ნაგაზით კურდღლებს. სულ შეგუბებულს უჭამია ფუთი ხახვით გა-ნელებული ცხვრის ხორცი.

სარქალის ყლისკავათი კრავებისათვის თავიანთი ადგილი მიუჩენია აბ-ლავლებული დედების ცურთან. გუდაში რძე ჩაუწურავს მაჭიკმიმატებული და გარუმბული ყველით დაუტვირთავს „პოლტარანტოკები“.

კოლხური სევდიანი სიმღერების ტრფიალს „მრავალქამიერი“ დაუგუ-გუნებია თანამეინახეთა მხარდამხარ.

ვენახის ძირივით დაგრეხილი ცხოვრება ერთბაშად მოაწვა გულზე როკის. იმერეთის ლურჯთვალემა სოფლებში ჭიაკოკონების ბარბანჯში ალები გამოუბერტყავს სხეულიდან.

უბელო თეთრონები უჭენებია ქვილიშორის ღარტაფთებში.

წყლის წისქვილში მოხუცი თედორეს ჩიფჩიფში ტომრები ჩაუცლია ხვიმა-რაში.

წისქვალში შეღწეულა გიგანტი კლდეებით.

ადგილობრივ ბიჭებს ლოდების აწევაში გაჯიბრებია, ქარი გაუტარებია კლდის უშველებელი ნასხლეტისთვის.

ღვედივით დაუხვევია ხელზე მუხუდოგარეული სიფრიფანა მჭადი, ყოველ-თვის უხეში რომ გამოსდიოდათ ჯანჯას მზარეულებს.

ობჩას ეკლესიაში მაყრად ხლებია დოლაბერიძეების ნეფეს. ოთარ მამფო-რიას ხუმრობებზე პეტეკო თოდუა გახსენებია რატომღაც, თუმცა ის ახმახიცი არანაკლებ ენაბასრი იყო. ახლაც ელიმება იმდროინდელ ანეგლოტზე, ყასბთან საუბარში რომ გაიჩარხა.

— გულ-ღვიძი გაქვს? — ეკითხება ოთარი მეხორცეს.

— არა, — პასუხობს დახლიდარი.

— ფილტვები? — ჩააცვივება მყიდველი.

— არც ის.

— თირკმელები?

— არა, ბატონო.

— გული? ჯიგარი?

— არა, არა, — ბუფბუფებს გაღიზიანებული ყასაბი და უცებ გარცემული მიაცივდება მეხორცეს.

— აბა, ოჯახქორო, ჩვენი რაიკომის მდივანი ხომ არ დაგიკლავთ წუხელ?

მესხეთში თუთის არაყი უსვამს ოქრომელიძეების ჯალაბში. ფანდურზე ამღერებულ, ოჯახის ალისფერთმიან ასულს მოღვლილი მკერდი მიუნათებია

მიმზიდველი სტუმრისთვის, მაგრამ ძაკა ბაბუას დარიგების კვალობაზე თმოგვის ციხეს მისჩერებია ოდიშელების ბიჭი.

ხერთვისზე ასულა.

სათაფლიაში ღამე უთენებია მთისძირა კოცონთან.

ჭყინტი სიმინდის ტაროები შეუბრაწავთ იაქების ვაჟებთან.

ფეხით მოუვლია ურაველი, კუმურდო, მუსხი.

გულზე დაუფენია თუთის ხიების ჩრდილი. ფარავნის გრილ ტალღებში უბანავია. ჭინჭილები დაუცლია რაიონული გაზეთის თანამშრომელთან, კორცხელელ გოლიათთან კუკური თორდიასთან და ზურაბ ქაფიანიძის ბიძაშვილს ბანცალ-ბანცალით მიუცილებია სასტუმრომდე.

ასპინძიდან ახალქალაქში გადასულა. გავერანებული ეკლესიამონასტრებისთვის ლოყა მიუხუტებია ამოჩიქნილი ჩუქურთმების ადგილას. ჰაიასტნელი ყმაწვილის მიმტყპავს, მაინცდამაინც უფლის სასახლეში რომ ისტუმრებდა ერთ სამეფო საქმეს, მთელი სოფელი გამოკიდებია ფიწალითა და წალღ-ნაჯახით, დარჩეულების მსგავსად, მაგრამ დაუტოვია ნათხოვარი „ტეტე“ ბრბოს თავს ზემოთ და აჩქარებული ნაბიჯებით გასცლია იქაურობას.

სანთელი დაუნთია სვეტიცხოვლის ტაძარსა და ჯვრის მონასტერში მოკვეთილი მარჯვენის თუ სულის სადიდებლად.

შიომღვიმისაკენ კლდე-კლდე აცოცებულა.

ჯულაშვილის ქოხიდან გაუხედავს გორის ციხესთვის და გალაკტიონის სტრიქონები გახსენებია უმალ.

მათრობელა „ქებათა ქებას“ შემდეგ უბადრუკად მოჩვენებია ნიკორწმინდა, მხოლოდ მოგვიანებით შეუგრძენია მისი შინაგანი უკიდევანობა.

შაორის ტბაზე თევზი დაუჭერია. ლორი დაუმზადებია ავთოია ფონაძის ოჯახში. ტუჩების ტკბარუნით უსვამს ხვანჭკარა.

ჰადიშში ასულა ქალღანებთან.

საღლიანებისას ოჯახში კუბდარი და ზესხორა უგემია.

ანწლის არყით გამობრუჟულა. უმგულში სვანური კოშკების ჩრდილში გაწოლილა და მონისლული თვალებით გაუხედავს დედუღეთისაკენ მისოუსსტივით.

მზერა გაუსწორებია თეთნულდის ქათქათა მწვერვალისათვის.

ვეზდნების დატყვევებული დათვი აუშვია. რომელიც ხუნდში გაბმულიყო და გოლიათი მონადირე დღეში სამჯერ აშინებდა დამიზნებული თოფით. ის დაკოდილი ტყური კაცივით აღიმართებოდა უკანა ფეხებზე, სახეზე თათებს აიფარებდა და ჭირში ჩავარდნილი ადამიანის ხმას გაიღებდა. არ შემდრკალა როკი, გატრუნული ნადირისთვის ხუნდი მოუშორებია და სიყვარულით გაუდევნებია თვალი მისი კოჭლობით ძუნძულისთვის აკოკრილი სიმინდის ყანის მიმართულებით.

უძილო გაუთენებია ღამე ბარისახოში არაბულების ასულთან ერთ ტახტზე მოკალათებულს. წაწლობის ადათი იოტისოდენაც არ დაურღვევია, თუმცა

კი ის ქალიშვილი ჯიშტის თოვლივით დნებოდა. გახსენებია ძაკა ბაბუას მონა-ყოლი ჯიგიტის თითზე.

ხელს თუ არ გადაგაბანინებ, ხომ დავბალთავენ ჩემებო, გახუმრებია ჭკვისფერთმიანი ზვარამზე. კაფიაც შეუთხზავს მისთვის საჯარო პურობისას:

ეს ჩემი ლაზი წაწალი,
ნაზია, განა როკია,
წავა და ფუჭად შემრჩება,
რაც მიმღერ და მიროკნია.

კინლამ ჩაუსიძებიათ გოლიაძეების ოჯახში.

ხიდისთავში ჯვებე დუმბავათი გამოცნაურებია „მე, ბებიას...“ ავტორი.

წვერმალაში ჩხუბში გამოუწვევია მეშტას, და ნახევარი ძალის დარტყმით წყლით მოსაბრუნებელი გახდომილა ის ამპარტავანი ყოჩი.

აცანაში, ჩხაიძეების ოჯახში, ჭურისთავზე უჭეიფია ქაფქაფა ადესათი.

სარფისკენ გატეულა მერე, გული აჩვილებია ლაზებთან მოსაუბრეს. მემი-შიშებთან და ბეჭირიშებთან შემოთენებამდე უმღერია „ჰოუნანას“ სევედიანი იდილით შეფერილი საგალობლები. ახლაც ყურში უხუზუნებს ჰევა ჰევაიამის ზღაპრები:

— მა თრანგი-და ოკვანდინდუ ვამემოჭარატუ. თის ვამემისთატუ-და ოკვანდინუ ოროსფობა. ეკულე ემ სერის იზმოჯე ძიელენ. „ვით წანას-და ოროსფობა ვაგინონ-ია. ვით წანას დილენჩობა, ვით წანას ჩქვა კაი სქიდაგინონ-და“. ეშო იზმოჯე ძიელენ ემ სერისგ.

სამურზაყანოდან ძიძიშვილ ავიძებთან აძიუბაში გადასულს, გაფაციცებით უთვალთვალა ლაცუზბაიების ბოტების ჭიდილისთვის. თბილი წყლით დაუბანია მორდუს მისი ფეხები. „შიშანი“ უმღერია ვაჟი შვილების გვერდით მოთავსებული ოდიშელიასთვის.

წვეთ-წვეთობით დაგროვილი ფერები და სახეები, რაღაც ერთ. უსახელო განზომილებად იქცა მოტორიან ნავში ფიქრით-მიტაცებული როკისთვის. მერე სუნთქვის გახსნას ეძახიან ხოლმე მართათნული სირბილით ქანცგაწყვეტილობის ჟამს ამგვარ სიმსუბუქეს. საკმარისია გადალაზო პირველი მოთენთილობა და გულ-გვამის შებოჭილობანი, რომ განახლებული ენერგიით ეკვეთები ხოლმე მოლოპულ აღმართებს, გნებავთ სიზიფსავით გამუდმებით ლოდები გქონდეს მთის მწვერთალზე ასაგორებელი. ჰოდა, ოდიშელიამაც აშკარად იგრძნო რომელიღაც კაპილარის გახსნა გულის კუნჭულსა თუ თავის ნახევარსფეროში. მართალია, ვერ დაგიზუსტებდათ კონკრეტულად რომელში, მარჯვენასა თუ მარცხენაში, მაგრამ სრულიად აშკარად, სრულიად თვალსაჩინოდ მიუხვდა სხეულის უცაბედე გარდასახვას და ამ საწიეროდან რომ მოხვდა განვილი გზას, ენითუთქმელი სიამაყით აღივსო.

ახლა მეტი დაუნჯებით აცნობიერებდა ბარდავეიტესთან და ვაიტკაუტესთან გამართული საუბრის შინაარსს მთელი სიგრძე-სიგანიით.

ჩუბინიძის, მამარდაშვილის, გეგეჭკორის, გიორგი ნუნსიელისა თუ მამაიონას კამათის დეტალებიც კალენდსკოპურად აილინათ ერთმანეთში. იმ გორგალს წვერი ვერ უპოვა, რათა ხელახლა დაეხვია, ხელახლა განეცადა ოდესღაც თვალწინ გაელვებული სინამდვილე, ზერელედ აღბეჭდილი მის ცნობიერებაში. სწორედ ისე იყო, როგორც ბაბილინა ბებიას კალთაში მითვლემილი, ზღაპრის მოსაყოლადაც აქეზებს დედაბერს, მაგრამ მოსმენის ძალ-ლონე წართმევია, ბაყბაყდევს კი მხრებით აუტაცნია მოწკაპული ნაცარქექია, ცისთვის აქვს ხელი ჩაჭიდებული თურაღაც ჯანდაბისთვის ვერ გაურკვევია, თან უსადგისებს აქა-იქ. ამის იქით კი ყველაფერი ბურუსითაა მოცული, ნისლი გადაეფარება, წაიშლება სახეები, გახუნდება ფერები, ქღერადობა წაერთმევა ხმას და დიდდას ხელებში ატატებული ჩითის საბნებისკენ მიირწევა.

დაახლოებით მსგავსი სიძლიერით აღბეჭდილა როკის მესხიერებაში ის საუბრები, ის ჭიუტი გამოდევნება საკუთარ სიმართლეს.

მამული. სამშობლო... ლარდა, ოდაბადე-ობადი ში, დობადონა და მემლექეთი, დროთა ვითარებაში, ნელ-ნელა, თანდათან ღვივდებოდა ოდიშელიაში ვერბალურ ამ სინონიმთა უზუსტესი შინაარსი. რასაც აქამდე ქვეშეცნულად აღიქვამდა, აგერ, ორიოდვე კვირის წინ მთელი სიცხადით გაცნობიერდა მისთვის, სხოდკასა და ილონასთან შეხვედრის შუა, თეიმურაზ დარასელის თანდასწრებით, გული ზაქარაიას კაბინეტში გამართულ საუბარში.

ამას ზედ ჭურჩის სანახებიც დაერთო, თოკივით დაგრეხილი მურყანებისა და დაქონდრისკაცებული გვიმრების საუფლოთი და დედულეთის ბუნება-ხასიათი ცხოვრებაში პირველად აივსო ათასი ჟენიათი და ვალერიანით, გივით და გენადით, მარინათი და ნიკათი; აივსო ნაჯათარი ხელების ლაშქარით, უძილო ღამეების ქარავნებით და შვილების ზრუნვაში გათეთრებული მილიარდ-ჯერ მილიარდი თმის ღერით დამბადებლისა; ჩვილის ტიტინითა და ქღურტულით, შავ ღღისთვის მხარში მდგომელი ძმების დაძაგრული სხეულებით. სამშობლოს კრებითობამ ხელები შემოჰხვია სრულიად საქართველოს აწყმოს, წარსულსა და მყოფადს, გადააწნა, გადაანასკვა გაცრეცილი სახეები აღაჟღაღებულ რეალურს თუ აწმოსავლენ იისფერს და სულის თვალშეუდგამ კვარცხლბეკზე ასწია უკიდევანო სამყაროს დასანახად.

— კვირა დღეს მაინც არ დაგეხსნებიან, შვილო? — ეუბნება გალელულმა დედა აივანზე გამოსულ როკის.

— ვის გავახსენდი კიდევ? — იკითხავს ოდიშელია და ონკანს კისერს შეუშვრს.

— ზაქარაიამ შემოგივალა, აუცილებლად მნახოსო.

დილის თერთმეტი საათი ძლივს იქნება, რაიონული მილიციის ეზოს შესასვლელში მანქანით რომ შევა როკი და ძერჟინსკის ბიუსტის სიახლოვეს შეა-

ჩერებს. წაგრძელებულ, ორსართულიან შენობაში შეაბიჯებენ ოდიშელია და თეიმურაზ დარასელი. სუკ-ის უფროსი ადგილზე დაუხვდათ. შეიხედავს თუ არა კაბინეტში როკი, ფეხზე წამოდგება საშუალო ტანის კაცი. ჩამოსმული სახით, ოდნავ შემელოტებული და უშურველი ღმილით შემოგვებებული. სტეპანცევი, დიხამინჯია და ზაქარაია გვერდიგვერდ რომ დაგეყნოთ, სიმაღლეში სანტიმეტრის განსხვავებას ვერ უპოვით. დიხამინჯია შავტუხა თუა და სტეპანცევი ბოლნისის მარმარილოსავით ქათქათა, ზაქარაია ზომიერი შეფერილობის გახლავთ და ამ უკიდურეს კოლორს შორის. ხოლო რამდენად სპორტული აღნაგობისაა სტეპანცევი და ზაქარაია, იმდენად კუმში ახარისხებულს ჰგავს დიხამინჯიას ფიზიონომია. ფიცხი მანერებით ერთი დედ-მამის შვილებად ჩაგდებთ სამივეს, მაგრამ არის კიდევ არსებითი, თვალისთვის უხილავი განსხვავებანი. დიხამინჯიას წიაღში კუჭი თუ გაბატონებულა სავსებით და უტიფრად მიესაკუთრებინა სხვა ორგანოსთვის აუცილებელი სასიცოცხლო სივრცე, სტეპანცევთან ამ მისიას ნაღველა ასრულებს, მწარე ნიაღვრებით წამლეკავი ინდივიდუუმის მთელ იმპერიისა, ზაქარაიასთან კი გულს, შეუსვენებლად მოქოთქოთე გულს დაუპყრია პიროვნების არსებობის ინტერიერი — ფოიე, დარბაზი, კულისები. დაახლოებით ასეთია წარმოდგენილი ტიპაჟების მსგავსება თუ განსხვავებანი.

კაბინეტს სამი მხრიდან ექვსი უშველებელი ფანჯარა აჩახჩახებს. მარჯვენა კედელზე პროლეტარიატის ბელადების სურათები ჩამოუმწკრივებია მასპინძელს, მარცხენაზე — ეროვნულ მწერლობის კორიფეთა პორტრეტები. მისი მაგიდისა და სავარძლის ზურგს უკანიდან ძერჟინსკის გადიდებული ფოტო გითვალთვალებს ძვირფას ჩარჩოში ჩამსული, შემინული. მრგვალ, დაბალ მაგიდისთვის სამი სავარძელი რომ შემოუწყვია, ტილოს სუფრა აფარია და ზედ წყლით სავსე გრაფინი დგას ლამბაქიანი ჭიქით.

ზაქარაია სავარძლებს მიუჩოჩებს სტუმრებს. კედელში დატანებული განჯინის კარს გამოაღებს. გაუხსნელ „გრემს“ და „მისის ვარდის“ სახელწოდებით ცნობილი შუქ-წითელ ვაშლებს გამოიტანს. დანას, თეფშებს და სირჩებს მოხდენილად დაალაგებს კონიაკის სიახლოვეს.

— ვალერიანოვიჩ, ორჯერ მოგიგზავნე მძღოლი. რატომ გესირცხვილება აქ მოსვლა?! თან მოწმევებით დადიხარ. ეჰ, ეს უნდობლობა! — ზაქარაია კონიაკს დასწვდება გასახსნელად.

— ამ დილით გავიგე პირველად, გული, ბატონო. რაც შეეხება მოწმევებს, თქვენს სამსახურში მე უმეგობროდ არსად და არასდროს შევსულვარ. რას იზამ, ჩვეულება რკულზე უმტიციცისაო, თქმულა.

— მადლობელი ვარ დაფასებისათვის. როკი, შენ უკვე დაღვინდი სერიოზული საუბრისათვის. ჩვიდმეტ-თვრამეტი წლის წინანდელი ოდიშელია ურევდა ცოტას. ყველას და ყველასფერს ეჭვის თვალით უმზერდა. ჩემი დარიგება ყურად რომ გელო მაშინ, ამდენ ჯოჯოხეთს არ გამოივლიდი. ვინ იცის, რამხელა მეცნიერი თუ ხელოვანი დაჰკარგა საზოგადოებამ შენი სახით. მეხსიერება თუ არ

მლაატობს: საბჭოთა არმიაში არ ვიმსახურებო, გაიძახოდი. შექმენით ბატონო ქართული ჯარი და ჩემი თავი გენაცვალოთო, აცხადებდი. გულზე ხელი დაიდოს და თქვას, — მიუბრუნდება თეიმურაზ დარასელს, — ხომ ცრუობდა მაშინ? ქართულ ჯარშიც არ წავიდოდა ეგ, თუნდაც გვყოლოდა იმ ჩვიდმეტ-ოვრამეტი წლის წინ.

— სწორი ბრძანებაა, არ წავიდოდა, — კვერს დაუკრავს თეიმურაზი.

— არ წახვიდოდი ვალერიანოვიჩი, იმიტომ, რომ კანონიერ ქურდებს აიდეალებდი, ხოლო ქურდული წესით სამხედროში სამსახური ცოცხად და მიჩნეული. ეს ფსიქოლოგია არ არის განსაკუთრებული, სამოცდაათიან-ოთხმოციანი წლების ახალგაზრდობის საერთო სენია, მაგრამ საუბრისთვის რომ მოგიხმე, დაგროვდა მიზეზები და ვალდებულად ჩავთვალე საქმის კურსში ჩამეყენებინე.

უნდობლობა ჩემი პროფესიის კაცის მიმართ სრულიად ბუნებრივი მომენტია. ვიცი, იმიტომაც გაჩუმებულხარ, მაგნიტაფონია სადღაც ჩართულიო, ფრთხილობ და რამდენიც უნდა ვამტკიცო ჩემი გულწრფელობა, გულღია საუბარი მაინც არ გამოგვივა, მაგრამ ვალდებული ვიყავი დამეძახნა შენთვის და მოგიწვიე კიდევ სასაუბროდ. იმაში მაინც დამეთანხმები, ალბათ, ცოტათი რომ განვსხვავდები ცაქვა შედანიასაგან. სალაპარაკო ბევრი მაქვს და ვიდრე გულს ბოლომდე ამოვიბერტყავდე, დაუფარავად გეტყვი, ვალერიანოვიჩი, ამდენი ხნის პატიმრობის შემდეგ სატელეფონო შენსავით სუფთად ჯერ ოდიშელი კაცი არ გამოსულა. გეცოტავენბა?! კარგი, ბატონო, ქართველი ზოგადად, მაგრამ, ვალერიანოვიჩი, ეს როდი ნიშნავს ყველა ხიფათი უკან მიოიოტოვებ. შენი ნატურის კაცი უფათერაკოდ ვერ იცხოვრებს. მარინა ჩემი მეგობრის ქალი შვილია. ქორწილში ვერ მოხვდით. ვაჟი შვილი მაინც მოგილოცო.

ზაქარაია სირჩებს შეავსებს. ვაშლს ოთხად გაჭრის, მიუჭახუნებს როკის, მერე — თეიმურაზს და თვალის დაუხამხამებლად გადაჰკრავს.

— გუშინწინდელმა აფეთქებამ მთელი ზუგდიდი აფორიაქა. მოვიკვლიე მასალები. ჩვენ ფაქტებს ვაგროვებთ სათანადო დროისთვის, დამნაშავეებს მილიცია იჭერს. ჩვენი მიზანი ქვეყნის უშიშროების შენარჩუნებაა, სახელმწიფოს საზღვრების დაცვა, გლობალური მასშტაბები. ხომ ხედავ, როგორ იცვლება დრო?! იმ დღესაც მოვესწართ ზუგდიდში, ბომბები ფეთქდება, თან ვის ოჯახში, ცეკას ინსტრუქტორი ვახტანგ კაკაჩიას სახლში. აფეთქება საღამოს ცხრა საათზე მოხდა, დიდი და პატარა „ვრემისა“ რომ მისჩერებია, ისეთ დროს. მამასადამე უნდა ვივარაუდოთ აფეთქება დაშინების მიზნითაა ჩადენილი. ბოროტმოქმედი მსხვერპლს გაუბრუნდა, ყველაზე ოპტიმალური დრო გამოიყენა და უკაცრიელ ეზოში ორი „ლიმონკა“ შეაგდო. რვა ოჯახის ფანჯრებს მინის ნასახი არ შერჩათ. უნომრო თეთრი „ჟიგულით“ ყოფილან. მანქანაში ორი მჯდარა. ინსტრუქტორი კაკაჩია ქალაქკომის მდივნობის კანდიდატურა იყო ზუგდიდში შენს მოგვარესთან ერთად. აქ მარტივი სამკუთხედი შეიკრა უცებ: კაკაჩია-ოდიშელია-დინამიზია. აფეთქება ვილაცის დასაშინებლად რომ განხორციელდა, ამას მტკი-

ცემა არც სჭირდება. ვთქვათ, კაკაჩიას საკუთარ ეზოში ლიმონკები რომ აფეთქებინა, ამით რა სიკეთეს მოიმიკიდა?! მტრებით ყოფილა სასესეო, დასაკვნიდნენ ცეკაში და მისი კანდიდატურა მყისვე მოიხსნებოდა დღის წესრიგიდან. ან ოლიშელის რისთვის უნდა დასჭირვებოდა კაკაჩიას ეზოში ბომბის შეგდება? ვთქვათ, დაამინებდა კონკურენტს, მოახსნევიებდა კანდიდატურას, მაგრამ შეუცვლელი არავინაა. თანაც რა გარანტიები ჰქონდა მდივნის ადგილი უმტკივნეულოდ გამოუნთავისუფლდებოდა? დიხამინჯია ჯერ ხომ მკვიდრად ზის თავის სავარძელში? დარჩავინ? — ცნობისწადილდით შეხედავს ზაქარაია სტუმრებს.

— დიხამინჯია, — იტყვის თეიმურაზ დარასელი.

— აგაშენა ღმერთმა! სწორედ დიხამინჯიას გათვლილია ყველაფერი. ნახავ ხვალ და ზეგ შენს მოგვარეს დაუწყებენ კირკიტს: კაკაჩიას დაშინება უნდოდაო. ორი გასაროლით ორი კაცია ჩამოშორებული. მაგრამ საქმე აქ არ შეჩერდება ჩემი ღრმა რწმენით, რადგანაც მდივნობის მაძიებელ ოთარ ოლიშელის ტერაქტის შემსრულებელი სჭირდებოდა და თუ ლოგიკურად დავსაკვნით, ყველა გზა შენკენ მოდის. ასეთნაირი ვარაუდის საფუძვლები დიხაც გამაჩნია. დიხამინჯიაზე ჩვენ უამრავი მამხილებელი მასალა მოგვეპოვება. მილიციის უფროსი ადელუა მისი ახლო ნათესავია. სხვანაირად არ გამოდის ფულის შოვნა. დიხამინჯია ლამპის უკანასკნელი ნათებით იწვის, მოსწრებაზეა. ცოტენეს ძეგლის განხორციელების ჩაფუშვამ წყლები აუძღვრია. უმაღლეს ინსტანციამდე მიადწია ამ ამბავმა. ის ბიჭები, კარზე რომ მოგადგნენ ხუთშაბათ ნაშუადღევს, ნაღდი პატრიოტები არიან. მე სახელმწიფო მოხელე ვარ, მაგრამ მამულიშვილობის გრძნობა წუთითაც არ დამიკარგავს. ეს ბელადები ფლეშებია ჩემთვის პატარა საქართველოს გადასარჩენად. უმცირეს ბოროტებსთან ვკარგავ კავშირს უდიდესის თავიდან აცილების მიზნით. კარგად დააკვირდით ჩემი კაბინეტის სურათების განლაგებას. რომელია ჩემი სავარძლის ხელმარჯვნივ და რომელი — ხელმარცხნივ. მარჯვენა — სამშობლოა, მარცხენა — სამსახური. ღმერთის მარჯვნივ ვინ იჯდა და მარცხნივ რომელი, ალბათ არ გესწავლებათ. ჩვენ უფალს და სატანას შორის გვიხდებოდა არსებობა, დიხა, არსებობა ათასწლეულების მანძილზე და ნაცარქექიას გამჭრიახობა რომ არა, გავისრისებოდით დიდი ხნის წინ. რა პასუხი მოვსთხოვო მე ახლა თვრამეტი წლის ბიჭებს, ჭურიაში რომანს მიმჯღარ ანთარის, რატომ გიყვართ სამშობლო-მეთქი და დავაბეზლო, ცხრაკალიტულში გამოვამწყვდევდიო?! ეს ხომ არაკაცის საქციელია?! შენს მიერ თავმოკვეთილი ვარდების ამბავი კარგა ხანია გასცდა ზუფდიდის საზღვრებს, ჩემი ხაზით კი არა, სხვა არხებით, ამიტომაც, როგორც არასდროს, ვალერიანოვიჩი, ახლა გმართებს თავდაჭერილობა და სიფხიზლე.

ქურდული გაგება მოკვდა. ამჟამად სხვა ძალები მეფობენ. მუშტი-კრივის მზე ჩაესვენა. ხომ ხედავ, იარაღმა როგორ ამოდგა ენა?! ეს უკვე მრავალი გაუთვალისწინებელი უბედურების სიგნალია. სამხედროები ბოთლ არაყზე ჰყიდიან ავტომატებს. უახლოეს ხანში დიდი ანარქიაა მოსალოდნელი. თქვენ ბირჟაზე მუშტებს რომ უხათქუნებდით ერთმანეთს არაქათის გამოცვლამდე, ახალგაზრ-

ლობის გარკვეული ჯგუფი იატაკქვეშ ფუსფუსებდა, ძირს უთხრიდა საბჭოეთის რეჟიმს. არ წამოიყრებოდა-მეთქი მათ საქმიანობაზე, ტყუილს ვიტყვი, რადგანაც სამშობლოსთვის ნებისმიერი თავგადასვლი იგივე ცოტნე დადიანად შემირაცხავს. ხმამაღლა ვერ ვეჭმადგები საუბედუროდ. სამსახურეობრივი მოვალეობა მზღლდავს საამისოდ, მაგრამ სადღაც სულის კუნჭულში რომ თანავუგრძნობ, იესო მაცხოვარია მოწმე.

შენ როგორ ფიქრობ, უცნობია ჩემთვის მოუხელთებელი იანები?! ანტი-საბჭოური პროკლამაციები ქალაქში რომ ვრცელდებოდა ეს წლები, საათნახევარში უკვე ჩემს მაგიდაზე ელაგა უკლებლივ. ინფორმატორი უთვალავი გვყავს ეროვნულ მოძრაობაშიც, ქურდულ სამყაროშიც, პარტიულ სტრუქტურებშიც.

პაპანწყვილთან თქვენი თავყრილობა დაწყებულიც არ იყო და უკვე ყველაფერს ვუწყობდი. შემძლო შემოვლით ადელუასთვის მეცნობებინა და ოცდათორმეტკანონიერ ქურდს თხუთმეტ-თხუთმეტ წელიწადს აკვიდებდი, მაგრამ ვიმეორებ, ჩვენი მისია მასალების მოკვლევაა და არა — დაპატიმრებები.

ახლა შევაჯამოთ ყოველივე. ცოტნეს ძეგლის ჩაფუშვით საკმაოდ ზორბა ლუკმა პირიდან გამოაცალე დიხამინჯიას. აცვენილი ბიჭები დაგემა შენზე, იმათ ქურდებით შემოგიტეის საპირფარეოში საათნახევრით გამომწყვდევის გამო. აქაც კოვზი ნაცარში ჩაუვარდა დიხამინჯიას. მომწიფდა თუ არა აფეთქება? მომწიფდა და მერე როგორ?! საითკენ მივყავართ ლოგიკურად ამ კონფლიქტს? შენ იზოლაციისაყენ, ვალერიანოვიჩ. ჩამოგიშორებენ თავიდან, კომისიას დაქრთამავენ, კოსმეტკას გაუკეთებენ ძეგლს და დიხამინჯიაც პოზიციებს გაიმაგრებს. დავლით კიდევ თითო, მშობლები ვადღეგრძელოთ.

ზაქარაია ისევ შეავსებს სირჩებს, მიუჭახუნებს სტუმრებს ადრინდელი თანამიმდევრობით. კვლავ თვალის დაუხამხამებლად გადაჰკრავს. ოთხად გაჭრილ ვაშლს ერთს გამოაკლებს, ჩაკბენს და პირში ლუკმაგახსერილი განაგრძო:

— გაორებულს ეძახიან ჩემი ბუნების ადამიანს. სამშობლოს იდეალებსაც ვეთყვანები და ამავედროულად სახელმწიფო სამსახურსაც ვერ ვვლევი, მაგრამ მიგდევ ყური, კარგად! მეოთხედი საუკუნეა, რომ ამ სკამზე ვზივარ, თუმცა აქედან რომ ავბარგებულყავი, უკეთესი მოვიდოდა ვითომ? მამულისთვის გულანთებული ჩვენი ბიჭების დოსიებით გამოიტენებოდა უშიშროების არქივები. მერედა, ვინ იცის, როდის ამოტივტივდებოდნენ ისინი, როდის ამოიდგამდნენ ენას. კედელივით ვდგავარ მე სახელმწიფო ინტერესებსა და ეროვნულ სულისკვეთებას შორის. მოვა, ალბათ, ოდესმე თვითგამორკვევის ჟამი. დღეს კი რუსეთს იქით გზა აღარ გვაქვს. ჩემი თვალებით მინახავს მე თურქული, ირანული რუკები. რომ გითხრათ, არც დაიჭერებთ. თურქების რუკაზე მთელი კავკასიანიკოფსიიდან დარუბანდამდე გადაჭიმული საქართველოს ჩათვლით, მათია და ეს გამართლებულია ისტორიული წიაღსვლებით. იგივეს მოიძოქმედებენ ირანელი თუ სხვა კარტოგრაფები. მაშ, როგორ მოვიქცეთ, გავეყაროთ ვაის და

უისთან ვდურთოთ თავი?! აი, ეს მომენტი მაშინებს მე გულფიცხელი ბიჭების შემხედვარეს, თორემ საკუთარი ბუდე ჩიტსაც გააჩნია და ამაზე მეტი ბედნიერება იქნება კი ბიბლიური წარმომავლობის ერისთვის?! შორს გამექცა სიტყვა. შენი ბედი მადარდებს, ვალერიანოვიჩ. ფეხი ვერსად მოგვიკიდებია. ვასია ბრილიანტი შენ არ ხარ ბოლომდე დაგინდონ; არც კომუნისტი ჯემალ გეგეჭკორი, გაჭირვების ჟამს ვინმე ფუნქციონერმა დახმარების ხელი გამოგიწოდოს; არც ეროვნული მოღვაწე, დისიდენტი — მერაბ კოსტავა, მამულისთვის მოწამის გვირგვინი დაიდგა თავზე და ერის ფარული თუ აშკარა თანადგომით ისულდგმულო; არც — ფილოსოფოსი მამარდაშვილი — ლექციების წასაკითხად უცხოეთის უნივერსიტეტებში მოგიწვიონ; არც ჩუბინიძე — ღვთიური წარმომავლობის ადამიანზე იოცნებო და უცხოპლანეტელების იმედი იქონიო. არც სიტყვამადლიანი ანთარია — საკუთარ ნაჭუჭში რომ ჩაიკეტო და გულიდან ნაფლეთებად ამოტანილი შემოქმედებითი მადლით დასტკბე; არც ძველმართლმადიდებელი მამა იონა — ანაფორა რომ მოისხა ტანზე, ბერის კაბაში შეძვრე და იესო მაცხოვრის ჭვრეტაში დაიფერფლო; არც გიორგი იბერიონელი — დედამიწის ხელმეორე შეჩერებაზე იფიქრო, წაშლილი, ოდინდელი ცოდნის რეაქციისთვის.

კუნძულს გაგხარ, ვალერიანოვიჩ, ათასი დინება და ტალღა რომ გიტევს და ბარაქლა შენს გამძლეობას!

რუსთავის მესამე ზონაში კვეკვესკირს თავი რომ მოაჭერით და ჭიშკარზე წამოაგეთ, იმდამინდელი საუბრების სტენოგრაფია უჯრაში მიღვეს. იქ უფრო მამარდაშვილის გამო იყვნენ დაინტერესებულნი, მაგრამ გულთმისანმა კაცმა დროულად დაიდუმენა და როდესაც ბოლომდე ჩავიკითხე იქაური დიალოგი, შემძრა ქართველი ინტელიგენციის აზროვნების დაქსაქსულობამ:

გიორგი ნუნისელმა და ალაზნისპირელმა უკვე დაიწყეს პრესაში თავიანთი შეხედულებების გამოქვეყნება.

ჩუბინიძის წიგნს დღე-დღეზე ელოდებიან.

მამა იონა გაემიჯნა მართლმადიდებლურ ეკლესიას, ანათემას გადასცეს, მაგრამ კვლავინდებურად ძველმართლმადიდებლობის გზას ადგას და თავის სიმართლეს გამუდმებით ბეჭდავს „ღვთიურ გზაში“.

მამარდაშვილი რუსეთში გადაიხვეწა, უნივერსიტეტ-უნივერსიტეტ კითხულობს ლექციებს.

ანთარია, ჭურიაშია და დაუსრულებელ რომანს ურაკუნებს საშეგუთიას საბეჭდ მანქანაზე.

ჯემალ გეგეჭკორი ძველებურად მარქსის თეორიას ავითარებს და უკლასო საზოგადოების გარდაუვალობას ასაბუთებს.

ყველა დისიდენტი სუფთა ჰაერზეა უკვე, მარტო საქართველოში კი არა, მთელს კავშირში.

ადამიანთა უფლებების დაცვის მისიით უცხოეთი ციხე-ციხე დაიარება და

სახელმწიფოც იძულებულია ყოველი პოლიტიკატიმარი გარეთ გამოუშვას. არ დაჰყვები და შეგიწვეტენ სუბსიდიებს, ინვესტიციებს, კრედიტებს, საკუთარი ხალხი მოგაშთობს.

საზღვარგარეთი მაგრად გვიტევს.

ბერლინის კედელს უროებს ურახუნებენ ორივე მხრიდან.

სულს ლაფავს საბჭოეთი.

ახიდა რკინის ფარდა და მთელი სიგრძე-სიგანით გამოჩნდა ჩვენი პროლეტარული უბადრუკობა.

ბალტიისპირული ემიგრაცია პიკეტებს მართავს ვაშინგტონის თეთრ სახლთან, სახელმწიფოებრიობის აღდგენის მოთხოვნით.

ახია ყრუდ გუგუნებს, კაკვასია დაჭიმული სიმივიითაა. არავინ უწყის როდის წაიქცევა თიხის ფეხებზე შემდგარი იმპერია.

რა უნდა ვიღონოთ ამისთანა დროს ჩვენ, ექვსმილიონიანმა რესპუბლიკამ, სადაც ყოველი მესამე უცხოტომელია?! გავიწელოთ ჭიაყლასავით, დინების საწინააღმდეგოდ ვიწყით ცურვა, თუ მივყვით საერთო სიტუაციას?!
 ათასწლეულობით შეგვინახავს ჩვენი ჯიში, ჯილაგი და რაღა ამ კატაკლიზმების ქამს ჩავუძვრეთ ხახაში გონებაწართმეულ ურჩხულს?!

ცხონებული სიყრამის მეგობრის ასული მოგიყვანია ცოლად, ბიჭი შეგძენიით და მამა-შვილურად გირჩევ: მოერიდე კონფლიქტებში შესვლას, განსაკუთრებით დიხამინჯიას უფრთხილდი, თუ დასჭირდა ყველაფერზე წავა, ჩემი სიტყვიერი გულ შემატკივრობა აღარაფერში გამოგადგება, რადგანაც ოფიციალურად უფლება არა მაქვს გამოგესარჩლო.

სამო რომ მიგაჩნია, იქაც უამრავი ძირგამომთხრელი გირევიათ. გაივლის დრო და დამიმადლი ამ სიტყვებისათვის. შენი ასაკის კაცისთვის ძნელია აწი ახალი ცხოვრების დაწყება, მაგრამ ბოლოს და ბოლოს, ხომ უნდა დადგე ერთხელ სადმე, გნებავს — ეშმაკთან, გნებავს — ღმერთთან. გაორებას ყველაფერი სჯობია. ჩემი ცხოვრებიდან ვიცი. ვფიქრობდი, აი, ახლა მივაფურთხებ ყველაფერს, აი, ახლა-მეთქი, მაგრამ მეოთხედი საუკუნის მანძილზე საკუთარ პოზიციას გამართლებაც კი მოვუძებნე: თითქოს უკეთესი პიროვნება ვერ მოვა ჩემს სკამზე; თითქოს სხვა გაქნილი ოთხ კედელს შუა განამწესებს ჩვენს ახალგაზრდობას. თავის მოტყუებაა, სხვა არაფერი.

ვზივარ სავარძელში, თავზე ფელიქს ედმონდოვიჩის პორტრეტი დამნათის. მარცხნივ მივიხედავ და მარჯიდან მოყოლებული, ენგელსი, ლენინი, სტალინი შემომჩერებიან. მათ გვერდით მონაცვლეობენ ზრუშოვი, ბრეჟნევი, ანდროპოვი, ჩერნენკო. აგერ, ახლა გორბაჩოვიც ამობრწყინდა.

მივიხედავ მარჯვნივ და ჩვენი სულიერების მთელი გაღვრებაა: შოთა, აკაკი, ილია, ვაჟა, გალაკტიონი. ეს ხუთეული უმთავრესია, მაგრამ მათ რიცხვს კიდევ ვრზდით ბარათაშვილებითა და ერისთავებით, გურამიშვილებითა და ორბელიანებით.

მე გავიხლართე ამ გამოხედვათა შორის. მეწვევინ აქეთ-იქით. ზოგს პგონია კაბინეტში ვიზივარ, სინამდვილეში აურაცხელი მზერა თავისკენ მექაჩება. ვგრძნობ დღითი დღე როგორ ვიხლიჩები სავარძლიანად, მაგიდიანად, ტანსაცმლიანად, ვიხლიჩები და ვერაფრით ვერევი ამ გაწელვებს. მკერდი, შუბლი, ისე გამხვია, ისე დაუღია პირი ნაპარას მთელი ოდიში გაეტევა შიგნით.

იძინებ თითქოს ღამე, მაგრამ სიზმრებიც წყვილ-წყვილ გესტუმრება: მზე როცა დაგნათის, მთვარე გასუსხავს; ღმერთი რომ გამოძღვრავს, ეშმაკი გაქვეშქვეშება. მიაბიჯებ ცალ-ცალკე. ყავარჯნები მაინც მოგცეს, ვაი-ვაგლახით გააღწევი სამშვიდობოს, მაგრამ სკუპ-სკუპით გიწვევს გაყოფილ გზებზე სიარული. არ არსებობს ქვეყანაზე წებო, რომელსაც შენი გახეული სხეულის შეკავშირება შეეძლოს, და არც შენთვის საყვარელი ნემსი და ძაფი, გაკერო მიუნჰაუზენის ცხენით. ცალი თვალთ იცინი და მეორეთი გეტირება.

მგონია რაღაცა გითხარი. გაჭრილი საუბარი რომ არ გამომსვლოდა, თავს ძალა დავატანე. ვფიქრობ რაღაც გამომივიდა და აწი შენზეა, ვალერიანოვიჩი. წახვალ აქედან და დამლოცავ ღვთის მადლმა! ერთიც დავლიოთ ჩვენი მთლიანობისა. უკეთესი საჩუქარი ღმერთს არ უბოძებია ადამიანისთვის, — ხელს წაიღებს კონიაკისკენ ზაქარია, მაგრამ როკიმ დაასწრებს და სასმისებს აუღელვებლად შეავსებს.

კვეკვე ანთარიამ მოტორიანი ნავი ფიცარნავს მიაყენა, სანახევროდ დამპალს და მოფამფალეზულს. თოკით ძელზე მიაბა ორჩხომელი. გაუღაბურებულიყო სატანჯოს კუნძული. ანწლი, ეკალბარდი და ჭინჭარი მოსდებოდა ოდესლაც გაბღნარებულ ალაგს.

ჩაქცეული ჭის მახლობლად ქალ-ვაჟის საფლავების მოძებნა არ გასჭირვებით. გასწორებული ბორცვი ხშირ ბალახს წაელეკა. გადაყირავებულიყო ხის ჯვარი. გამაყრუებლად ყიყინებდნენ ბაყაყები და ზიმზიმებდნენ კალიები. სადლაც მოშორებით განწირულის ხმით მოსთქვამდა უხსენებლის მიერ მოხელთებული ვასაკა.

იღონამ და დადუმ ყვავილების შეგროვება მოინდომეს, მაგრამ ორივე გააფრთხილა ანთარიამ:

— შამბნარს ნუ გაეკარებით, ჩხრიალებითაა სავსე!

ასკილს აყვავებული ღეროები ჩამოაწვეტეს და გოგო-ბიჭის საფლავს ტკბილ-მწარედ მობიბინე შტოები დაადეს უკანასკნელ ნუგეშად. მერე გულმავლარ მოუთმინა ქალებს, მიუჩინდნენ სამარხს და პირწმინდად გაასუფთავეს სარეველებისგან. გაასწორეს წაყირავებული ჯვარი. ამოუმაღლეს მომცრო ბორცვი. კაცებიც წაეშველნენ. მუშაობის პროცესში შიგადაშიგ საუბ-

რობდნენ კიდევ და ცხადია, ყოველი სიტყვა ხან ჟინი ანთარიას უცნაურ აღსასრულს დასტრიალებდა, ხანაც — ხანტურისა და ბონდოს უიღბლო სიტყვარულს:

ცამეტწლიანი მოწაფეობის შემდეგ როკი როგორღაც ეღირსება ეღირსა სიმწიფის ატესტატს. შოთა ოდიშელიასთან წვერმოაპარსული კინოთეატრისკენ მიემშურება. ხალხის სიმრავლეა. ორშაბათია. რეპერტუარი შეცვლილია, მაგრამ ახალი აფიშები ჯერ არ გამოუკრავთ. ტერენტი ხუბულავას პეტიკო თოდუას ონავარი ბიჭი გამოუჭერია, აწეული ყურით თითისწვერებზე შეუყენებია. ერთ-ერთი გამომჯავრებელთაგანია, რომლის ამფსონები ახლაც აგრძელებენ შეწყობილი ხმით ძახილს:

— ტერე, ტერე, ბიჭკის გერე!* — და ამის ფონზე სოლოს ბლავილით ასრულებს ოდიშის იუმორის მეფის უფლისწული. კინოთეატრის წოწოლა დირექტორი კი ხითხითებს და უვნებელ მეორე ყურში ჩასძახის:

— ვინ დგას ახლა ცერებზე?

ტერენტი ხუბულავა უნიკალური პიროვნებაა, პეტიკო თოდუას ცინცხალი ანეგდოტების ცოცხალი პერსონაჟი.

კინოთეატრის დირექტორის რეკლამა ტრაფარეტული შინაარსისაა, მაგრამ შთამბეჭდავზე შთამბეჭდავი:

— როგორი ფილმია? — თუ შეეკითხებიან ზუგდიდელები, ეგრევე ქალაქის პირველ ავტორიტეტს, ალექსანდრე ეგუტიას მოიმველიებს:

— საშამ ორჯერ ნახა! — და რადგან ეგუტია ასე დაუინტერესებია კინოფილმს, ეტყობა მართლაც ჩინებული ყოფილაო, გაივლებენ გულში ოდიშელები და ზედახორა იმართება კინოთეატრის ერთადერთ სალაროსთან.

რაიკომის მდივნის ცოლს დაურეკავს ერთხელ ტერენტისთვის რეპერტუარის ავანჩავანის გასარკვევად. „ქორ-ოლლი“ უჩვენებდნენ თურმე. ნაბახუსევი ხუბულავა ვერ გამოთქვამს წესიერად კინოსურათის სახელს და ქალბატონს მთელი ხმით უყიჟინებს ყურმილში:

— საშამ ორჯერ ნახა. დილით — ქორლოლი, შუადღეს — „ავარა“ დასაღამოთი — ისევ ქორლოლი.

მკითხველისთვის გასაგები რომ იყოს, პატარა კომენტარი არ გვაწყენს:

საქმე ის გახლავთ, რომ ქორ-ოლლი კი არის კაცის გვარი, მაგრამ „ქორლოლი“ მეგრულში „გიქენის“ ნიშნავს სიტყვისიტყვით და ადვილი გასაგებია რანაირ გუნებაზე დადგება ოდიშის პირველი ლედი, როცა აყლყუდა ტერენტი დილითაც უზამს და „ავარას“ ჩვენების შემდეგ, ვახშმისპირზე კვლავაც საუზმის მენიუთი გაუმასპინძლებდა? დაიბარებენ ამის თაობაზე საშამ ეგუტიას, სადაც ჯერ არს. მოფამფალებულ ტერენტის თავს როგორ გაუყადრებს ზუგდიდის უწინარესი დამა. სადადიანოს გამორჩეულ დენდს ბრალდება მისი ორგზის დაგრილების ხალხში გამოკვენება. კიდევ კარგი, კინოთეატრის დირექტორთან კონსულტაციების შემდეგ რაიკომის მდივანს გული საგულეში ჩაუდგება.

ელიან რეპერტუარის გამოცხადებას. უცებ ხალხი აჩოჩქოლდება, რომელიც მალე ყვირილში გადაიზრდება.

— გვიშველეთ, დაგვიხოცეს ბიჭები! — წივიან ქალები.

თავქუდმოგლეჯილი გარბიან კბილებალესილი გველები აურზაურის მიმართულებით. იქითკენ მისწრაფვიან პრესოკველებიც, საღვურელებიც, მაცხოვრისკარელებიც, ცენტრისტიებიც კაკა ჟვანიასა და გვანჯი ჩიქვანის ფარას-ჩამორჩენილი ძუნძულით.

მივლენ, მაგრამ სად? თხუთმეტამდე საჯვაროს ბირჟის წარმომადგენელი ალუშინის მავთულივითაა დაგრეხილი და ტრიფოლიატას მიჯრით მიწყობილ ძირებში შეკვებებული. არის ბლავილი, ყვირილი, ყმუილი, გინება.

ჟინი ანთარი გულხელდაკრეფილი დგას მორიგი თავდასხმის მოლოდინში. ლომის ფაფარივით ეწეწება ჭალარა თმა-წვერი. ოქროსკულულებიან ყმაწვილს მკლაფზე გადაუკიდებია მამის ფრაკი, მარჯვენათი დაჭყლეტილი ცილინდრი უჭირავს.

როკი დარცხვენილი უახლოვდება მასწავლებელს. ქალაქელი ბიჭების უხამს საქციელს აუყირმაზებია. ტრიფოლიატაში გაჩხერილებს აბუჩად აუგდიათ თურმე მოხუცი და ყრმა. ფრაკის ბოლოებში წაჭანებიან, თითქოს სახურისა ეტლს შებმული ცხენები ყოფილიყვნენ. ცილინდრი წაერთმიათ და რომელიდაცას ლამის ქოთნის მაგივრობა შეუსრულებინებია სიმბოლურად; სხვას სახეზე ხელი ჩამოსვამს ბონდოსთვის და აქ, რაც მშობელმა ითმინა, შვილმა — ნურას უკაცრავად და ცხვირით ასფალტი უხვნევენებია ორი აყლაყულდასთვის. მერე დასხმიან თავს კოლექტიურად და მემკვიდრის უსაფრთხოებისთვის გაჯიქებული მამა, ბეტონზე დავარდნით თავები რომ არ დახეთქოდათ, ტრიფოლიატის რბილობისკენ მოისროდა თურმე სათითაოდ.

განთხილ ბონდოს ეს-ეს არის ოთხწლედის გამოცდები ჩაუბარებია პირველ საშუალო სკოლაში კომისიისთვის, შოთა ხუბულავას თავმჯდომარეობით. ბიჭის ცოდნით აღფრთოვანებულ მასწავლებლებს აპლოდისმენტებით გამოუცილებიათ სატანჯოელები. გახარებულნი მოუყვებოდნენ ტროტუარს და ბედზეც საქმის გასარჩევად აყრილი საჯვაროს ხალხი არ შემოეყარათ?

— დავაჟკაცებულხარ, — ეუბნება როკის აუმღვრეველად ჟინი ანთარი, — როგორ გაქვს საქმე, სანამდე მიხვედი? — დაამატებს, რაც კაცის სიმაღლიდან დაშვებულ ფოთოლს ხელს რამდენჯერ გაუტარებ დავარდნამდეო, ნიშნავს.

— ხუთამდე, — ეტყვის შეგირდი თავაწეულად.

— ოოო, სწრაფად წასულხარ წინ, — ბეჭზე უტყავუნებს ხელს. მერე ჭადრის ჩამოწეული ტოტიდან ფოთოლს ჩამოწყვეტს, აღმართავს როკის თავს ზემოთ, გამოუშვებს და ოდიშელიაც ოთხჯერ ასწრებს მის ქვეშ ხელის გატარებას. მიწაზე დავარდნამდე ყუნწზე წვდება და წარბების თამაშით თითებში ატრიალებს.

— მოქნული ხელის ჰაერმა არ უნდა უბიძგოს ფოთოლს. მეტი სისწრაფე და

უკეთესად გამოვივა! — უინი ანთარი ღიმილით იცვამს ფრაკს, იხურავს ცილინდრს, — ამ ახალგაზრდებს რატომ არ ასწავლე აღმოსავლური ორთაბრძოლების უმთავრესი პრინციპი? — საყვედურობს წამოჭარხლებულ ჭაბუკს, — ღონე, ძალა, მოხერხება, განასხვის დასაჩაგრავად უბოძებია ჩვენთვის განგებას?!

ამასობაში კაკა უვანია და გვანჯი ჩიქვანიც მოვლენ. გადაკოცნიან ერთმანეთს. ხელკავს გამოსდებს მას მეცხრამეტე საუკუნის არისტოკრატის განსახიერება უინი ანთარი და ყველას, დაზარალებულს თუ ცნობისმოყვარეს ჩომახიების სასადილოსკენ ეპატიჟება.

— ღმერთმა აცხონოთ, — თქვა ოდიშელიამ და დაცალა ჭიქა. ანთარიამ, ქალებმა უხმოდ დალიეს გოგო-ბიჭის ხსოვნისა. საუბარი კარგა ხანს გასტანს. სამლიტრიანი ქილა ბოლომდე ამოწრუპებს კაცებმა. კახათელების ფარეხისაკენ რომ მიბრუნდნენ, მზე დასალიერისკენ ჩაქანებულიყო. აქოჩრილ ტალღებს სისხლისფრად აფერადებდა მანათობელი. ტყის ორკესტრი ზურგს უკან დარჩა. შორს, ჭერიის წყლების ზღვისგან გამყოფ ნაპირთან, ახასხასებული, გადახრილი მუხისკენ დაუმიზნა კვეკვე ანთარიამ. საფლავების მონახულების შემდეგ დაძმარებულ გუნებას მზის ჩასვენების დიდებული სურათით გაიქარგებდნენ. შესაძლოა ებანავთ კიდევც, მაგრამ მოტორიანი ნავი რატომღაც გაჯორდა.

ძრავას აღმუვლებს მესაჭე, სანამ თავისით არ გამოირთვება. თურმე ბრაკონიერებს ჭურიაზე სიგრძივ ბადე გაუშლიათ და სწორედ მასზე არ გახლართულან?! ამოათრიეს ნავში „ვიხრ-65“, აბრე შუმის ძაფები რის ვაივავლახით შემოაჭრეს პროპელერს, მაგრამ ძრავა არაფრით იქოქებოდა და ანთარიამაც შუბლზე იტიციაცხელი.

ბედზე ნავში ალიუმინის ხოფიანი ერთი ნიჩაბი გდებულებო. დაიწყს კაცებმა რიგ-რიგობით მოსმა. წაჩოჩილდებიან ათიოდე მეტრს, ნავის ცხვირი ისლიანებისკენ გაექცევათ. ახლა ხელმარჯვენე შეაბრუნებენ და ასე, ნაბიჯ-ნაბიჯ მიიწვიან წინ. ამასობაში მზეს სრულებით ჩაყლაპავს ახმაურებული ზღვა, მაგრამ ჯერ არხის შესასვლელამდე ვერ მიღწეულან.

სტუმრების დავიანებით შეშინებოდათ კახათელ მწყემსებს და ნიჩბის ნავეებით გამოშურებულიყვნენ მათ შესახვედრად. ალბათ, ძრავა გაუფუჭდათო, ასკვნდნენ და სიმწრით აქნევდნენ თავს. არ უმტყუნათ ვარაუდმა. ფარნებს სწევდნენ მაღლა, „კვეკვე, კვეკვეს“ ძახილით. ნახეს ცოცხლები და დამშვიდნენ. გადინაწილეს ნავებში არაქათგამოცლილები. ძრავაგაჭიხნული გამოიბეს თოკით და ცხვირჩამოშვებულნი მიუბრუნდნენ ნავთსაყუდელს.

— არა უშავს, ხვალვე წავიღებთ ზუგდიდში და შევაკეთებთ, ჯოტო ვერაფერს გაიგებსო, — ამშვიდებდნენ ანთარიას კახათელი მწყემსები, მაგრამ საპატიო სტუმარ მწერალს დანა პირს არ უხსნიდა. სუფრაც გაეშალათ ოდაში, თუმცა საქეიფო განწყობილება გაქრობოდათ. ზეზეურად დალოცა როკიმ მასპინძლები. მაღლობა მოუხადა ესოდენი ყურადღებისათვის, მერე გვიანია მოიბოდიშა და დარახტული მერნებით უტიეს შაშმანის ფარეხისკენ.

თირქია და სოსელიას ბიჭი კახათელებზე მეტად დამაშვრალიყვნენ. პურ-მარილი ჩინებული გაეწყოთ, ოღონდ სტუმრების მობრძანებამდე პირი არაფრისთვის დაეკარებინათ. გამოჩნდნენ და გაიხარეს უცებ.

საძინებელი ოთახი გაელამაზებინა მზრუნველობას. ფანჯრებზე ფარდები ჩამოეკიდათ. იატაკი გამოერეცხათ. ზამბარებიანი რკინის საწოლები დაეცალკავებინათ. გაენიავებინათ თამბაქოს კვამლისგან დახუთული ბინა. მაგიდებისთვის ადგილი შეეცვალათ. წაგრძელებული მიწატკეპნილისკენ გადმოეტანათ, მომცრო საძინებელში, რომელზეც გეორგიებით დამშვენებული ყურჩამომტვრეული დოქი იდგა. მთელი ჭურის ავლადიდებას უფერაზე დაეხვავებინათ. ოცლიტრიან ბოცაში „რქაწითელი“ კამკამებდა ტახტაზე, სამლიტრიანში — ჯოჯუების მსხლის არაყი. მოშუშული ღომი და მოხარშული ციკნის ხორცი ხელახლა შედგეს თუჯის ღუმელზე. ხელწყალი ანებებინებს სტუმრებს და მიუსხდნენ ვახშმისკენ გადაზრდილ სადილს.

სუფრანელ-ნელა მხიარულობდა. ამჩნევდა როკი როგორი მონური სიყვარულით უმზერდა შამშან თირქია სოსელიას ბიჭს. არც მალავდა ამ მამაშვილურ განცდას ცხოვრებადამსხვრეული კაცი. რამდენადაც იგი ამტკიცებდა, ამ ზამთარსაც რამენაირად გადაიტანდნენ, გაისად ჩააბარებდა სასაკლავოში ას სულს გადაცილებულ ნახირს. შვილი მას არ ჰყავდა და ძირი. მშობლები რახანია სამარემ შეიმყუდროვა. ზუგდიდში იყო და სადმე სამოსახლოს დანამდვილ მემკვიდრესავით უმეგზურებდა ლადოს. სწავლისკენ თუ წაუწედა გული, არც ამას შეუშინდებოდა.

ნამუსიანმა ღვინომ თავისი ქნა და სტუმარ-მასპინძელს სიმღერის საღერღელი აუშალა, მაგრამ ვერ აეწყო კვარტეტი.

ილონამ დალილობა მოიმიზეზა და მოსვენებს ნებართვა ითხოვა. ერთი ლამპა გაათანეს ფერის, თავად კი ლამის შუალამემდე შეჰყვნენ ქეიფს. ბევრი რამ გაიხსენეს ზუგდიდის კაპეზეს, ლაითურის ზოლნის რეალობებიდან.

სასჯელმოხდილ შამშანს მოკლული მეგობრის ოჯახის მონახულება ჩაეგდო გულში, მაგრამ დედა-შვილი ვერც ჭაჭინჯში ეპოვა და ველარც — ყულიშკარსა თუ ზუგდიდში. თბილისში გადასულიყვნენ ბიჭუნას სასკოლო ასაკის პერიოდში. ეძებე ახლა ზვინში ნემსი.

შამშანი ცრემლიანი თვალებით აცოცხლებდა ლუღნასთან გამართულ შეტაკებას:

— რამ შემახვედრა ის უბედური შვილი? — მაჯით იწმენდა თვალებს, — ჭუჭყიანი დედაკაცის გულისთვის სასიკვდილოდ როგორ გავიმეტებდი ძმაკაცს, აუტანელი სიტყვა რომ არ ეკადრებინა?! საიდან მოიტანა ჩემი ჩუთულობა, საიდან შემატყო, ან რაში დასჭირდა, ცოლს ვართმევდი თუ რა?! მარტოდმარტო ვყოფილიყავით, კიდევ ჰო, გადავკლაპავი მათი ოჯახის ბედნიერების ხათრით, მაგრამ მიღეთ ხალხში რომ იღრიალა და გადაყენებული ბავშვით მობრუნებულ ქვარაიხეს ოცდ ექვსა, ბრაზი ველარ დავიოკე. ღირსებისთვის ვცხოვრობთ ყველა, სინდის-ნამუსისთვის გვაცვია ტანზე. რა, ვითომ მაგაზე ნაკლებად მიყვარ-

და ესმა ქვარაია? — უკბილომ ეს სახელი „ეშმაღ“ წარმოთქვა, — რომ ვჯაბნიდი სწორედ იმიტომ, სიბრალულის გამო დაუახლოვდა ბურღლუს. თვითონ ხომ გაუბედურდა, მაგრამ მე მთლად დამაქცია და იარე აწი ნახევარმა კაცმა სადაც გენებოს, — ამბობდა გულაჩვილებული შაშმანი.

ლოგინში ჩაწოლა და ხვრინვის ამოშვება ერთი იყო როკისთვის. ილონას არ ეძინა. ლამპის მკრფთალ შუქზე უთვალთვლებდა სიყრმის მეგობარს. ოდიშელია შფოთავდა, ბორგავდა. ამოუცნობ ფრაზებს წამოისროდა. ქალმა ვეღარ გაუძლო მის წვალეებს, პირსახოცი წყლით დაასველა, თავი დაუდაბლა, შუბლზე დაადო ცივი ტილო. ოდნავ დაამშვიდა ნაღვინევი კაცი. სიზმარი კი მართლაც უსაზარლესი ესტუმრა ძაკას შვილიშვილს:

ხედავს, ჩამოგლეჯილ ჭიშკარში შედის. დანამდვილებით იცის ერგეტაშია, პაპისეულ ოჯახს მიესწრაფვის, მაგრამ ეზოს ადგილმდებარეობა მეცვლილა. ოდა ბოკონების მაგივრად წრიულად დაგრაგნილ ურჩხულის სხეულზე შემდგარა. უფრო სწორად, როცა ქვეშ შემძვრალა, გველეშაპის სიმადლეს საყრდენები ლაფაროზე გადმოუყრა. ქერცილიანი კანი ჯავშანივით უელვარებს ჩრდილოეთიდან ამოცურებული მზის შუქზე. ურჩხულის სუნთქვას დამორჩილებია ოდა-სახლი და ისიც ნავივით ირწევა. გადაყირავებულია ხეები, თითქოს მრისხანე გრიგალს გადაუვლიაო მათ ეზოში. ოდის მოღიავებულ კარში შესვლა სწადია როკის, მაგრამ კიბის მაგივრად ურჩხულის ხუთბრჭყალიანი ფეხია გადმოშვერილი და არ გინდა საშინელებას დააბიჯო?! ეს წუთია და ოდა ძალუმად ატორტმანდება. ურჩხული ჯერ სახლის აღმოსავლეთი კუთხიდან გამოაჭყაფს მუშტისისხო ჩაწითლებულ თვლებს. ორთქმაველივით სამი აქვს ერთდროულად, ორ — ნიჩბივით ცხვირის გარდიგარდმო და ერთიც — შუბლთან. კბილები ჩელტის გაპრაილებულ კბილანებს მიუგავს. დაისისინებს, მეტრონახევარზე გაალავლავებს ალისფერ ენას. ახლა დასავლეთ კუთხიდან, ზედ იატაკიდან გამოაცურებს ორთავიან საზიზღრობას ურჩხული. კარგად თუ დააკვირდები სტეპანცევის და დისამინჯიას დეფორმირებული სიფათებია, ჰორიზონტალურად გაწელილი შუბლით და თვლებით ხერხდება მათი ამოცნობა. ყბები კი მომძლავრებია, ცხვირებიც გაუტაცნია ამ მეტამორფოზას.

— ჰოოოო, ჰოოოო, — იძახის ერთი თავი.

— პაპაპაპა, — ბანს აძლევს მეორე. ახალმოსულისკენ გაურბით მზერა, იმის შიშით ვაითუ წელზე მახვილი ჰკიდია და თავები უცებ არ წაგვსხიპოსო, მაგრამ ოდიშელისაა ჯაყვაც რომ ჯაყვაა, ისიც არ მოეძეგება ჯიბეში. მთლად ცარიელ-ტარიელია. ჯოტოს საღარა რატომღაც გათეთრებულა და მონგრეულ ჭიშკართან ტორს სცემს მიწას. ჭიხვინებს, აშკარად გრძნობს პატრონის განსაცდელს, მაგრამ საბელითაა ბომზე მიბმული და ვერ აუწყვეტია რამე რომ უშველოს მხედარს. ამასობაში სახურავიდან ჩამოეშვება იატაკიდან ამოცურებული ორი თავის საპირისპიროდ ქერეჭიანი ცხრა კინკრისო. მხრებს სათითაო კისრით უერთდება ისინი. სხვადასხვა სიმადლისაა თითოეული, თან ვერ დააზუსტებ მათ უფროს-უმცროსობას, ვინაიდან გამუდმებულად ხვანცალე-

ბენ; დასაინჩლავი იხვებით ყუცავენ ხშირხშირად. ერთის თვალეი იისფერს რომ ასხივებს, მეორე — შავ ნაკადს გამოსცემს, მესამე — სისხლივით წითელ ზოლს, მეოთხე — მწვანეს, მეხუთე — წითელს და ყვითელს ერთდროულად, თან ეს გამოშუქებანი მიმოხუთუნავენ, მიმოიცვლებიან თვალთა ბუდეებში, წხზწხ-წხზწხ, ასეთი ბგერების თანხლებით; მეექვსე გამოვიგნულია, ფიტულის მსგავსად, გამოხურული; ჭილუები დაცოცავენ იქ, მორიელეი ღვანცალებენ; მეშვიდე მთლად საძაგლობაა, რადგანაც უამრავი პაწაწკინტელა თავის თაიგულია. ყურადღებით რომ დააკვირდები, მათში უთუოდ შეიცნობ როკის ცხოვრებაში დაპირისპირებულ თუ აწ შესაჯახებელ მეტოქეებს. წვრილი ენები ათას ბაწრად გამოუსვრიათ, გვარლივით შეუკონავთ და გაერთიანებული ძალით სუროსავით შემოხვევიან ოდის სვეტს. მერვე ბუხრის ალიბჭედან ამოხეთქავს უცრად, როგორც ალაღინის ზღაპარშია ისე, საცობმოძრობილ ბოთლს რომ გაუხახუნებენ და ჯინი ამოეშვება, უფრო სწორად რაღაც გაურკვეველი მასა მიიწევა და მიიწევა ცისკენ; დაახლოებით იმგვარად, მაგრამ ამ უგამჭვირვალეს და უთვალსაინოეს სვეტში ამკარად შეინიშნება დედაკაცების თუ გრეზებების სიმრავლე. უმეტეს მათგანს სარეცელი გაუზიარებია როკისთან, სხვებთან ჟინი ჰკლავდა, თუმცა საწადელი ვერ აუსრულებია მიზეზთა გამო. კიდევ მრავალი, აქეთ რომ ეკურკურებოდნენ. ოღონდაც ამზარზენია მათი სიფათები. ამ დახშულ სვეტში, თითქოს უწონადობაში შეუგდიათო, ბუმბულივით დაფრინავენ აღმა-დაღმა, ტიტლიკანები, სხვადასხვა პოზით. საუნჯეები გარეთ გადმოუყრიათ და გულმხურვალედ ეპატიჟებიან სანატრელ სტუმარს. სხვები გავას ათიმთიმებენ, თეძოებს ასტუნავენ ინდური და არაბული კინოფილმების მოცეკვავე ქალებივით. მთლად ზემორე — ნიკაბთან წაჭრილია კისერი. ძარღვები შლანგებივით მოჩანს ბელტებად შედგებული სისხლით. გრძობს როკი რომ თავი საღდაც აქარის, რადგან ხელები გამალებით ეძებენ სიბნელეში უმთავრეს აღკაზმულობას. მერე მოფარებულიდან გამოჩნდება დურუ ჰალიძონიას ენაგადმოგდებული სიფათი. უცებ გაგლეჯილი კატა აკნავლდება. მაგნიტივით იზიდავენ ერთმანეთს თავი და ტანი. ხელები უძალიანდება ამ სწრაფვას და არის ასე, დაჭინთულ მდგომარეობაში. მეცხრე თავი კი არ ჩანს, მისი გამოტყვრომის მოლოდინი განსაკუთრებით ზარავს როკის, რადგანაც ყველა ჯაღოქრობა გამოვლენილია უკვე. ის ერთადერთი კი კვლავაც ინიღბება, გამომზეურება არ სწადია, მომენტს უცდის, ხელსაყრელ დროს ელოდება. არავინ უწყის საიდან ამოისვეტება. შეიძლება მიწიდანაც კი ამოხეთქოს, სადაც ფეხი დაუბიჯებია ოდიშელიას. ყველაფრისთვის მზად უნდა იყო, ამიტომაც მიხედავს აჭიხინებულ, თეთრონად გადაქცეულ ჯოტოს რაშს. ლამის მოცოცხოს როკიმ, ლამის დაუტოვოს ურჩხულს ძაკა ბაბუას ნაჯაფარი წაბლის ხის კოპწია ოდა, მისი სახსენებელი, ქონგურები თუ ჩარუხებული აივანი, ბოკონიან-ბუხრიანად, კარფანჯრებიანად.

ლამის არის გაეცალოს აქაურობას, მაგრამ ატყობს, გაქცევაც მის ნებაზე არ ჰკიდია, რაღაც ძაფებით გამობმულა ამ უშემზარავს გამოცხადებას —

მეცხრე კინკრისოს გამოვლინების მოლოდინს. თავს ზემოთ ძალა არ არის. ურჩხულის ენების ლავლავეში ოდა-სახლი ცეცხლწაქიდეშულს დამსგავსებია, ოღონდ მხურვალემა აკლია და კიდევ — დაგრეხილი შავ-შავი კვამლი.

ახლა მეცხრე კეფას გამობრწყინება მოთხოვნილებად გაექცევა. ბოლოს და ბოლოს ხომ უნდა გაირკვეს სად ჩასფრებიან უკანასკნელი მტერი?! თავს დახრის დაბლა, თითქოს ურჩხულის უკანასკნელი მძვინვარება იატაქვე შემალეობდეს.

ამასობაში თვალნათლივ ხედავს, რომ საძინებელი ოთახიდან საღამური-სამარა ილონა გამოდის, მკერდზე ლადი ჭანიას ყაბალახი მიუხუტებია. ასული ვერ ამჩნევს მის გარშემო დაგრავნილ ურჩხულს, მაგრამ როკის შეხედვისთანავე მიაწივლებს ერთს და კვლავ ოთახში შევარდება. უკვირს ოდიშელისას ისეთი რა მოიხილა ილონამ გული გადაქანებოდა, მან ხომ გველეშაპის არსებობისა არა უწყის რა. მაშ, სად არის ბოშა გოგონას დაფეთების ობიექტი? თმა ყალყზე უდგება, ვინაიდან ყურისძირას იქედნეს სისინი ესმის:

— როქი, როქი.

მიიხედავს მარჯვნივ და თვალებს ჰკიდებს მიწიდან ამოზრდილი უნასის ორკაბანის ლივლივს, თუმცა მყისვე მარცხნივ მოექცევა იგი, მიტრიალდება იქითკენ და ზურგს უკან ამოუცურდება.

დაბზრილდება როკი, უსხენებელი კი თავს მიწაში ჩარგავს, მაჩვივით ამო-ბურცავს მინდორს მთელს თვალსაწიერზე, ჭიშკარს იქით ამოხეთქავს ბოძზე მიბმულ თეთრონთან, შთანთქავს უმალ აჭიხინებულ რაშს, ისე რომ, ბალოს საბელის ნაწყვეტილა შერჩება. ხედება, ხედება ოდიშელია, ყველა ძალა და ჯადოქრობა ამ მეცხრე თავში მომწყვდეულა. დაყოვნების დრო არ არის, უნდა წვდეს სადმე, მთელი სხეულიც რომ დაუგესლოს. დარწმუნებულია, თუკი იოტისოდენადაც მოიხელთა მისი ქერქიანი ტანი, ვერსად გაექცევა, ვერსად წაუვა მერე, ადგილზევე მოაშთობს. არადა, დალუპულია ილონა, დალუპულია ძაგა ოდიშელის ოდა-სახლიც გადახასხასებულ ეზოიანად, მის მიღმა გასლტომილი შუკებიც აბოლებულ ბუხრებთან ერთად, და კიდევ უფრო შორს — გაკლავნილი, ასფალტდაკრებული თუ დამსხვრეული გზებიც.

უნასი მისრიალებს მიწის ქვეშ, მძლავრი ფესვებით ბურცავს და ბზარავს, ზეამოყრის ქვა-ქვიშას. უკვე ვერტიკალურ ზუგდიდს უწვდენს შავიოხიანი. არც ამას ჯერდება, წამში შემოერკალება გურია-აჭარას, გასრიალდება იმერეთით, გორაკებს ააყრავა, ქართლს შუაგულში გაუძვრება, კახეთისკენ გაცურდება, აქა-იქ ამოჰყოფს თავს როკის გასალიზიანებლად. გადაჯიჯგნის ალაზნის ველს, ყვარლის მთებს რგოლებად შემოევლებს, თითქოს ლაოკოონს და მის მემკვიდრეთ შემოხვეული ჰიდრაა, მობოჭავს მთიანეთს, მუცოს, ყინვალს, ანატორებს, დედათბილისს სამმაგად შემოენასკვება, სამაჩაბლოსკენ გაჯირითდება, სვანეთს შეუტყურდება ილიაში, კოშკებს ყელზე შემოეჭობა, გაწივლდება აფხაზეთისკენ, მობოჭავს მიწას და ავადპარას, სამ წუთში კვლავ როკის ზურგს უკან ამო-

ყველავედბა. ფაკირების სალამურზე რომ უყვართ ცეკვა, იმგვარად ანანავდება, თან სისინებს ყურთასმენის სამართლებლით გადამბასვრელად.

— ვასლი, ვასლი.

დარწმუნებულია როკი, რომ საქართველოს ფირუზ ცასა და ზურმუხტ ხმელეთს არ იკმარებს სულწაწყმილი. მეორე გზობაზე, მეორე წრებრუნვისას მთელს კავკასიას გადაძოვს ვაინახებიანად, იჩქერისაც, ყაბარღობაყარეთსაც, ქართლოსიანთა უმრწემეს სამმოს, ჩრილოეთის ყინულებით ფენილებსაც გამოუყვანს წირვას, აღარც ამით დაკმაყოფილდება მისი უძლები ბუნება; მესამე ფერხულზე უფრორე შერეული ტრაექტორით, ოღონდ ნაკლები სისწრაფით მოზუზუნე ჰამანდის მსგავსად, უმძლავრეს რგოლებში მოიქცევეს სრულიად დედამიწას; დახლართავს, დაამარწუხებს გრძელეული ჯადოთილისმით. წელან ჭიშკართან მოჭიხინე თეთრონსავით გადაუძახებს ამაზრზენ ხახაში და რადგანაც მოცდის დრო განქარებულა, ებრდღენება ხელებითა და ფეხებით მის ზურგს უკან მესამედ აღმომსკდარს. უსაზიზღრესია შეგრძნება იმისა, რომ მახრხობელა უნდა გაკენიტოს, მაგრამ მოვალეობის განცდა მოჭარბებით აღმოაჩნდება ოდიშელიას, ხერხემალს გადაუღრღნის, ცისკრის არენაზე ათამაშებული ლენტვიით, ღვანკალებს, იტალდება მისი დაუსაბამო სხეული მონგრეული ჭიშკრიდან მოყოლებული, დადიანების ფრთებშეკრეჭილი სამკვიდრობლის გასწვრივ. წითელსახურავებიანი თილისის არეკიდეში, თვით დედამიწის გრძელებს და განედებს შემოსალტული აფასფრად და უფრო მეტადაც, ირღვევა, იშობა მთელს ცასა და ხმელეთზე იქიღნეს რგოლები; იხსნება ნასკვები ტალღათა უკუქცევასავით, სიმჭახეს ჰკარგავენ კვანძები ნება-ნება. დაშორებულია თავი ტანს. ბუხარში ჩაძვრება მერვე განშტოება, ჩასრიადლება, იწივლებს აივნიდან ცხრა ხმაზე ცხრა თავიანთი სახსარი, სათითაოდ ეგრიხება კისრები თითოეულს. იატაკიდან ამოზეითებული ორთავაც გასაქცევეს ეძებს, კედლებს ეხლება, იჩუტება, იკუმშება, იკეცება აბრეშუმის ნაჭერივით. სულს დაფავს ყოველი ნაკვითი და კიდური. ურჩხულის უმთავრეს სასისხარადგილს მიაგნებს როკი. ვერანაირი ძალა გაამთელებს აწი მის სისასტიკეს, რადგანაც დაუცვალცალკავებია ერთხელ და სამუდამოდ, გამოცლია ჰაერი რეზინის სათამაშოსავით დაბერილს. არც სარტყლით შეკვრა დასჭირვებია, და აღარც პირჯვარის გარდასახვით მონუსხვა ისე, საკუთარი ძალებით გაუცამტვერებია ოდიშელიას დრაკონი. მართალია, თეთრონად გარდასახული ჯოტო ბიძიას შავი რაში კი შეწირვია ამ ორთაბრძოლას, მაგრამ სიკეთე უმსხვერპლოდ სადმე თქმულა?!*

ლიმა მერვა

ვეზირი
615384

ჩვიდმეტი წლის იყო აიეტის ასული მედეა, როცა კუპიდონის ისრით დაჭრილმა კოლხეთის ძლევაპოსილების სიმბოლო — ოქროს საწმისი ბებერი მუხის კენწეროდან ჩამოახსნევინა არგონავტ იაზონს. ამის თაობაზე გამოწვლილვით უწერიათ როდოსელებს თუ ევრიპიდეებს. ჩვენ, ჩვენი გმირი ვძერწოთ.

ჩვიდმეტი წლის იყო ოდიშელი ნონა გაფრინდაშვილი, როდესაც მსოფლიოს ოქროს საგანძურს თვალი დაადგა და ცბიერებით მიტაცებულ საწმისის მზისფერ სხეულს გვარიანად შეუმსუბუქა მითიური ელვარება.

ქართველი ქალის ფენომენზე უცილობლად დაიწერება ოდესმე საკადრისი წიგნი, ჯერ კი თამარ მეფეზე, ქეთევან დედოფალზე, მაყაშვილების ქედუხრელ ქალიშვილზე (პატრიოტ ასულს ვაჟკაცების მხარდამხარ კედელთან რომ მიაყენებს ორჯონიკიძეების გამოხმობილი მეთერთმეტე არმია ქაშუეთის არე-მიდამოში), აქა-იქ დამღერებულ ბალადებს ვჯერდებით, მაგრამ ქართველი დედის ბუნება სამგზის სერიოზული კვლევის ღირსია და ადრე თუ გვიან იგი უთუოდ იპოვის თავის მეხოტბეს. ჩვენ კი, ხელმოცარულთ, ვინ გვიბოძა უნარი უსუსური მხრებით ავწიოთ გრანდიოზული ტვირთი ესე, თუმცა ფაქტების კონსტატაციას თუ ვკმარობთ, მხოლოდ და მხოლოდ იმ მოსაზრებით — გენიოსი შთამომავალი ჩემი, გულისყურს და მეცადინეობას არ მოაკლებს ამ უნიკალურ თემას-მეთქი და სადიდებლად ესეც გვეყოფა.

მეოცე საუკუნემ სცადა ქალის გამოთავისუფლება მამაკაცის ეგოისტური უღლისგან. უშუერულიდან გადმოღებულმა ბიბლიამ ადამის ნეკნისგან გამოაქანდაკა იგი, გველთან შეაკვრევინა კავშირი, აკრძალული ხილი აგემა, რათა ერთხელ და სამუდამოდ სამოთხის ბალიდან გამოძევებულიყვნენ; რათა მომავალში დედაკაცს ქუსლით გაეჩეჩქვა თავი უნანისთვის, შვილები სიმწრით ეშობა, მამრს ემძლავრა მასზე (გამოდის, რომ საკუთარ ძვალს ვამზობთ), მაგრამ კოლხეთ-იბერია ყურსაც არ იბერტყავდა მდედრის სემიტური დაკნინების გამო, რადგან საპირისპიროდ ქალი ღვთაებრივ საწყისს დაუწყვილა იმთავითვე და ვინაიდან ეგრეთწოდებული სუსტი სქესის წარმომადგენელი გეორგიანელებში მამაკაცის თანაბრად ეწეოდა წუთისოფლის ჭაპანს დასაბამიდანვე, ვულკანივით ამოხეთქა ორიათასის მიწურულს მისმა გენიამ — გაფრინდა შვილი და ხუთგზის ააწაპნა ყვითელი მონეტა წუწურაქ მსოფ-

ლიოს; თუმცა ჩვენთვის ქართველი ქალის სილიადე ამჯერად სულ სხვა კუთხითაა საინტერესო: იგი ლაკმუსივით გამოაველენს ხოლმე ჭეშმარიტ მამაკაცს, გმირს.

„თუთარჩელას“ მესამე სართულიდან ოდიშელის ნახტომმა ლამის გადაფარა გიჟუას ოცდაოთხ მეტრზე რეკორდული გადაფრენა ქუთაისის ციხის სახურავიდან. იმ წუთიდან მოყოლებული მოსვენება დაჰკარგეს ტელეფონებმა. ქალწულები თუ ბანოვანები დილიდან საღამომდე და შებინდებიდან ალიონამდე დაუსრულებლად მუსაიფობდნენ როკის საარაკო მამაკაცურ უნარებზე, რეალურ თუ არარსებულ ღირსებებზე. ილონას მოტაცების ამბავმა ხომ მთლად ცეცხლზე ნავთი დაასხა. გაიხსენეს რუხის ციხესთან მათი უსულგულო დაშორიშორების საცოდაობა; მოიგონეს ოდიშელიების ზღაპრული ქორწილი და მზეთუნახავი ბოშა ქალი ომახიანი გიტარების გარემოცვაში; ააფერადოვნეს წისქვილარას უშველებელ ლოდზე ჩანჩქერის კოჭებთან როკისტის ამას წინათ აცეკვებული ჯადოქარი.

— ბავშვობიდან ჰყვარებიათ ერთმანეთი, — ამბობდა ზოგი.

უფრო ხანდაზმულებმა ბაზრის სცენა ამოქექეს მეხსიერების დროგამძლე სკივრიდან.

— სიყვარულმა არ იცის მეგრელი და ბოშა, — გულს იფხანდნენ შინაბერანი, — სიყვარული მარადიულიაო, — ამ სიტყვებით იბასრავდნენ გადაკუხებულ ბუნებას. თავისიანისთვის არ ეთმობოდათ იგი. ამიტომაც მიუბოძებდნენ უცხოს.

ბევრს ებრალებოდა კიდევ თურმანიძეების მწყაზარი ასული, რომელიც რესტორანის მესამე სართულიდან როკის ავაზისებური ნახტომის მეოთხე დღეს ავადმყოფ დედასთან გადაბარგდა პატარა ნიკათურთ.

— გარიგებით შერთული ცოლი ვერასდროს დაეტოლება ყმაწვილობისდროინდელ შეყვარებულს, გნებავთ ანგელოზი იყოსო, — ამტკიცებდნენ სხვები.

ქალები უნიათო ქრებს წკირზე წამოაგებდნენ.

— ცოტათი მაინც ხომ უნდა გაგაჩნდეს როკის სითამამე? — გაჯორავდნენ და ლუკმას ყელში გაუჩხერდნენ.

დედები შვილებს ოდიშელის გემოვნებით მოსავდნენ.

— გასწორდი წელში, როკივით ლაღად გაივლი ოდესმე? — აგულიანებდნენ ამგვარად.

კავშირგაბმულობის გოგონები ოფლში იწურებოდნენ; თბილისთან, ლენინგრადთან, მოსკოვთან თუ ვლადივოსტოკთან გამართულ საუბრებში ყველა აბონენტი ოდიშელის ერთხელ მაინც უსათუოდ ახსენებდა. აქამდე ხუთწუთიანი შეკვეთები გაორმაგდა. დიხამინჯიას ტექნიკურ მდივანს ხომ ისედაც გაუწყალა გული ტელეფონების გაუთავებელმა წკრიალმა.

— როდის წაეთრევა ეგ გომბეშო, — გაუბამდნენ მუსაიფს ოდიშელი მანდილოსნები.

— დადგა ყელზე ცოტნეს ჩაყუნცული ძეგლი ნაძირალას?! — ენამწა-რობდა მავანი.

— ბანდიტად უნდა გადააქციოს სანთელივით ბიჭი, რას გვიკეთებს ზუგ-დიდლებს ეგ წისქვილის ვირთხა, — წიწმატობდნენ სხვები, — სარკეში ჩაიხედოს და მერე დაეტოლოს ოდიშელიას. სავარძლის გულისთვის მთელ ქალაქს თვალის დაუხამხამებლად ააფეთქებს დედაბულიანად.

— კაბინეტში რომ ჩაკეტილა მაჩვივით, გამოვიდეს ხალხში, ნახოს რითი ვსუნთქავთ, რითი ვსულდგმულობთ, მაგრამ ოდიშელიას ვაჟკაცობა ვინ მიაშვა მაგ უბედურს, — დაცეცხლავდნენ ზოგნი და ძარღვებაშლილმა შინაბერამაც ოდიშელი ქალების შემოტევას ვეღარ გაუძლო. სიცოცხლეში პირველად ისარგებლა უფასო შევებულებით და დიხამინჯიას აყმუვლებული ტელეფონები შეატოვა მთელი თვით.

ქალაქკომის მდივანი ხედავდა, რომ ვერ იყო მისი საქმე დაწყობილად. თუკი ოდიშელია ხელიდან დაუსხლტებოდა და გამოგონილ ბრალდებას ვერ მიაკერებდა, მისი კარიერის მზე სამუდამოდ ჩაესვენებოდა. ქალაქის ტელეფონები გამორთო, სამსახურეობრივს დასჯერდა, მაგრამ ზუგდიდელმა ქალებმა აქაც მიაგნეს, ვინ ქმრის თანამდებობით სარგებლობდა, ვინ — ძმის მდგომარეობით და შეუტყის დიხამინჯიას ჩვეული სიფიცხით. ბევრი ვინაობასაც არ უმაღავდა.

— დროზე გაასწარი, თორემ ნახავ ნამდვილი აფეთქება როგორ უნდა! — მიახლიდნენ.

მთელი სადადიანო აახარხარა ჭურრიდან ზუგდიდს „შესანიშნავი ოცეულის“ განიარაღებულმა მოწრიალებამ ტოლიკ მინჯორაიას ხელმძღვანელობით. საბედნიეროდ ის ოპერაცია უმსხვერპლოდ ჩამთავრდა. მილიციელებისთვის წართმეული სატაბელო იარაღი ზაქარაიას გამოუგზავნა როკიმ, თან უშიშროების უფროსს შეუთვალა:

— ვლადიმეროვიჩ, თავი დამანებონ, თორემ მთელს საქალაქო მილიციას ჰაერში ავიტან დიხამინჯიას კაბინეტთანადო, — და ამ მომენტმა მოთმინებიდან გამოიყვანა ნამუსიანი სახელმწიფო მოხელე:

— მთლად თავს ნუ გადახვედი, — შეუტია დიხამინჯიას, — ბანდიტი ყოფილიყო, შენი დოკლავია ოფიცრების იარაღს არ გამომიგზავნიდა როკი ოდიშელია. ჩაუვარდი მუხლებში და დროზე შემოირიგე, თორემ იცოდე, ჰაერში მოგიწევს ნავარდი შენს დამქაშებთანად და უყარე მერე კაკალი! — უთხრა და ყურმილი დაუკიდა.

აქეთ აბაშის რაიონიდან ახლადგადმოყვანილმა კოლეგამ მენტორული საუბარი გაუმართა:

— ამხანაგო, დიხამინჯია, რა უფლებით იჭრები ჩემს ტერიტორიაზე? — ზურაბ გუგუნავას ჩვევად ჰქონდა მკვეთრი მოძრაობები. მუდამ კოსტუმით

დადიოდა, პაპანაქებაშიც კი, მამია გვათუასავით და ქალაქში ცხრაჯერ რომ შეხვედროდი, ხელს ცხრამეტჯერ ჩამოგართმევდა. ფუნქციონერების უპიროვნო მასაში კიდევ მისთანებილა ქმინდნენ ინდივიდუალობის კლიმატს, — მანქანა რომ წამოგიყვანიათ ჯოტო ოდიშელის სახლიდან, ლატარიაში ხომ არ გერგოთ? ორი დღეა დაგიყენებიათ მილიციის ეზოში და უკვე ჭანჭიკიც არ შერჩენია. რატომ არ ფურთხილდებით კომუნისტის სახელს? — დაამუნათა. ეს იყო და დიხამინჯიამ ტელეფონის აპარატი მეხუთე სართულიდან მოისროლა. ბედზე ძირს არავინ იყო, ღორები იჩიქნებოდნენ გაზონზე და ციდან ჩამოვარდნილმა რისხვამ თავქუდმოგლეჯით მოაცოცხვინა სამივეს რაიონული საავადმყოფოსკენ.

ყვას ზოსი სონგულია უდღულებდა.

არაყი ქურუსუას დაჰქანდა. შეჭამადი — სხვა განყოფილების ხალხს რიგრიგობით. ბინაში რა ხანია გამოაცვლევიანა მუხის ძმამე კარები და სანაცვლოდ რკინისა ჩაასმევინა.

სადარბაზოს შესასვლელს სელექტორი დაუმონტაჟეს და თითოეული ბინადრის გვარი მიაკრეს დილაკებთან.

ორი მილიციელი დილიდან საღამომდე იცავდა მისი უკაცრიელი ოჯახის უსაფრთხოებას. ერთადერთი, მთავრობის ოთხციფრიანი ტელეფონილა შერჩა, მაგრამ იმასაც გველნაკბენივით უმზერდა.

საუბრის დასაწყისში მსოფლიოს ხუთგზის ჩემპიონი ჭადრაკში ქალთა შორის, ნონა გაფრინდაშვილი შემთხვევით არ გვიხსენებია. ზუგდიდლებს უყვართ ღირსეული შვილის დაფასება. აკი, წამოცდა ერთგან მწარე სიმართლე პეტეო თოდუას:

— ოდიშელები კაცს მუხლებში უყურებენო, — ჰოდა, სამოციან წლებში მთელი ქვეყნიერება რომ აალაპარაკა კოლხი გოგონას მიღწევებმა, ზუგდიდლებიც დაფაცურდნენ.

ნონას სახელობის კლუბი თვალის დახამხამებაში აშენდა, ისე რომ სახელმწიფოს კაპიციც არ გაუხარჯავს. სათანადო სახსრები სადადიანოს ცენტრმა გაიღო. მაგრამ ყურადღება არც მეზობელი რაიონებისგანაც კლებიათ. მაგალითისათვის, ბლოკი ტყვარჩელის რაიკომის პირველმა მდივანმა, ქართული ორიენტაციის კაცმა, შოთა შაკაიამ უსახსოვრა ენთუზიასტებს.

მურმან დემურის თაოსნობამ ფრთები მალე შეისხა.

ალეგრობის ზეიმებისას საჭადრაკო წარმატებანი, მეუნარგიას გუნდის წევრების თრევიტ ზურგატყავებულ მოწინააღმდეგეთა დაშამათება სწრაფად მოებზრდა მედეას შთამომავალს, დაუჯერა დეიდას — ტატიანა გრიგოლიას და თბილისს წაჰყვა, სადაც სატყეოს მინისტრმა ბიძამ, გიორგი ჯაბუამ, გარკვეულწილად შეუწყო ხელი ცოლის დისშვილის ნიჭის ყოველმხრივ გაფურჩქნას.

ნონას პირველ პაექრობას უბერებელ ბიკოვასთან მთელი ზუგდიდი გულშემატკივრობდა.

დემურის ინიციატივით ქუჩაში გამოეფინათ ჭადრაკის უმველებელი დაფა და დიდძალი მაყურებელი აღტკინებული მისჩერებოდა თითოეულ სვლას. ელსმენით უკავშირდებოდნენ მოსკოვიდან თბილისს. დედაქალაქიდან ზუგდიდლებს ესმინებოდნენ, ეს უკანასკნელნი კი ადგილობრივ მოსახლეობასთან ერთად წალენჯიხელებსაც ატყობინებდნენ მატჩის პერიპეტებს. წენდიხელებს კი რაიონის მთავარი ექიმის კვარაცხელია მოძღვრავდა.

— ჩაიწერეთ სვლები, — ჩასძახოდა ყურმილში დემურია — E2 — E4, D2 — D4, D7 — D6.

— არ ისმს კარგად, — ხრიალებდა ელსმენში კვარაცხელია.

— დიმიტრი შვიდი, დიმიტრი ექვსი, — უკიჟინებდა აქედან ჭადრაკის ენთუზიასტი.

— კაცო, დიმიტრიც ეთამაშება ბიკოვას? — ეკითხებოდა ჩახრინწებულნი ხმით კვარაცხელია. აი, მისი შვილიშვილი გაბო მიქავა სულ მალე გამოჩნდება ჩვენს თვალსაწიერზე.

მოკლედ, ნონას სახელობის საჭადრაკო კლუბი თანდათან შეუდგა უწყინარ ცხოვრებას. თავიდან მოყვარულები შემოივლიდნენ ხოლმე, რომელთაც ერთდროულ სეანსებს უმართავდნენ დემურიები და ტყუბუჩაგები, კიკიანები და თორიები, ჭურღულიები და მზარელუები, შოგირაძეები და გვათუები, სორდიები და ბაძალუები, ჩიხლაძეები და ქაჭუთიები. ერთი სიტყვით, ჭადრაკი ნელ-ნელა მკვეთრად იკიდებდა ფეხს ზუგდიდ-ქალაქში.

ისტორიული ფაზისის მემკვიდრე ფოთი ფეხბურთის პირველ მერცხლად თუ შერაცხულია საქართველოში სამართლიანად, ზუგდიდის ჭადრაკის აკვნად დასახელება გადაჭარბებულად არ უნდა ჟღერდეს.

ანდრია დადიანის უნიკალური ფენომენი ასაზრდოებდა ამ გონიერი თამაშის ამორძალის დაუფერებელ წარმატებებს და მომავლის იმედიანი გადასახედიც აქედან იღანდებოდა.

მერე და მერე კლუბს წუთითაც არ მოკლებია ჭადრაკის კორიფეების ვიზიტები. ვინ არ მობრძანებულა აქ: მაქს ეივე თუ სალო ფლორი, ანდრე ლიენტალი თუ ანატოლი კარპოვი, მარკ დვორეცკი თუ დავით ბრონშტეინი.

ოთხმოციანმა წლებმა საქვეყნოდ გამოაბრწყინა მურმან დემურის უნიკალური ნიჭი, რომლის ნათამაშებმა სამმა პარტიამ საერთაშორისო აღიარება ჰპოვა და კომენტარებით დაისტამბა კიდევ სხვადასხვა გამოცემაში.

იუმორის თემა: ფრანგულ კრებულში გვარი დემურია დე მურიედ მოიხსენიება, მაგრამ შეცდომების გასწორება არასდროსაა გვიან.

გავლენიან პირებს სამსახურის მანქანებით დაჰყავდათ კლუბში თავიანთი ფუნჩულა ასულები, იქნებ ნონას წყალი გადაეხსათო;

გონებაცინცხალნი — არახამიები და წურწუმიები, ტორუები და ცირამუები გაცრეცილპალტოიანები დადიოდნენ დედების თანხლებით ყიამეთ ამინდში.

თავიდან მეცენატების ყურადღება არ აკლდა კლუბს, ვიდრე მათი გო-

გონები საჩემპიონოდ ისწორებდნენ ფრთებს, მაგრამ მეათე კლასიდან მოიტაცეს უმეტესი უზრუნველ ცხოვრებას დადარაჯებულმა სასიძოებმა, ისე რომ, საჭადრაკო ხელოვნებაში მესამე თანრიგის მაჩვენებლებს ვერაფრით გაცდნენ და ქველმოქმედებაც თანდათან მინავლდა. ჩამოცვივდა ბათქაში, ჩაიმსხვრა მინები, დაიღწა სკამები, მოემტვრათ ფლოქები ცხენებს.

ასეთ ვითარებაში მოვიდა კლუბის პრეზიდენტად დაზი ჩიქოვანი. სასჯელის პირწმინდად მოსტუმრების შემდეგ ცოლს შეურიგდა და უკვე არც სამი ასულის ალომენტის გადახდა უწევდა.

ფანატისკოსი გახლდათ თავისი ნატურით. ოთხმოცდაერთეუჯარიანი ჭადრაკის საქვეყნოდ აღიარება როცა ჩაუფლავდა და ნობელის პრემიაზე წარდგინების იმედი გადაეწურა, კომპოზიტორობას მიჰყო ხელი, ოღონდ თავისთვის ელოლიავებოდა ეტიუდებს.

გახუნებული კოსტუმი ეცვა თვითტობას მიცემულ თეორეტიკოსს.

სკოლა-სკოლა დადიოდა, ბაგა-ბალებში შეიხედავდა. ჭადრაკის ჯადოქრული სამყაროთი ანტერესებდა მოზარდებს. ლექციებს უკითხავდა ბავშვებს გადმოსაბირებლად, მაგრამ საჭადრაკო ბუმი მიმცხრალიყო ოდიშში, მინავლებულიყო დროებით, რათა ისევ ამოეფეთქა მთელის უინით. ერთხელ ხომ მდინარეც იძინებს?!

ცოტნეს სამარცხვინო ძეგლის გადაშენების შემდეგ საჭადრაკო კლუბს ერთბაშად მოაწყდა ზუგდიდელი ახალგაზრდების წყება. ესენი ჩვენთვის ცნობილი ბიჭები გახლდნენ. ქუჩაში ყალის მოყირჭებამ შემოიხიზნა ისინი გაუკაცრიელებულ შენობაში.

ახმაურებდნენ ჭადრაკის კოლოფებს. ჩამწკრივდებოდნენ პაიკები მეწინავე ფლანგზე, შეუტევდნენ თეთრები შავებს და ამ ულიძამო თამაშებში მამულის სატიკვრები უსათუოდ ამოტივტივდებოდნენ.

დაზი ჩიქოვანს როკის მოქნილობა თავისი თვალით უხილავს ტოლიკ მინჯორაიასთან თუ ჯიბო საღორიელთან დატაკებისას. იმ არაკაცების საკნიდან გასვენებამ თუ გადმუვლებამ ისეთი ნეტარება მიანიჭა, თითქოს საკუთარი გამოგონების ჭადრაკს მთელი მსოფლიო მისხდომოდა. წინამძღოლს ეძებდნენ ჯეელები და ამნაირად ერთადერთს — როკი ოდიშელიას სახავდნენ.

— ჩვენ ვალდებულნი ვართ ვაიძულოთ დიხამინჯია აქაურობას გაეცალოს, — მსჯელობდნენ, — ჯოჯოხეთგამოვლილი კაცი ჭირში ჩავაგდეთ. ახალშექმნილ ოჯახთან სიამტებილობა არ დავაცალეთ. ყველა ჯოხი მაგაზე გადატყდა. მომავლის ღირსნი არ ვიქნებით, თუკი დიხამინჯიას ბოროტებას წინ არ აღვუდგებით. როდემდე უნდა იწანწალოს ტყე-ღრე ტყეების წვიმაში? უნდა შევიკრათ სამარადისო ფიცით, რომ სამშობლოს არ დავუკარგავთ გულანთებულ პატრიოტს. სხვანაირ საქციელს შთამომავლობა არ გვაპატიებს, — ისე დასკვნდნენ ყმაწვილები დაზი ჩიქოვანის თანდასწრებით, თითქოს ბიბლიის საკრალურ წიგნზე ხელდადებულნი ფიცავენო.

ველარ გაუძლო კლუბის პრეზიდენტმა კითხვით მოჩერებულ სამ ათეულზე მეტ მზერას და გვარიანი ყოყმანის შემდეგ მისი მოჩივებული მტევანიც იმ გორგალს შეუერთდა.

დღე როგორ გავიდოდა სამჯერ მაინც არ შემოველოთ ახალგაზრდებს. ზოგი ძეხვს მოიტანდა, ზოგი — პურს, ზოგიც კიდეც — ლუდს თუ არაყს და ერთად დანაყრდებოდნენ, ერთად განიხილავდნენ მამულის სამერმისო გზებს.

დაზი ჩიქოვანი უსმენდა ამ გულანთებული მამულიშვილების დაუნჯებულ საუბრებს. კეთილი შურით შეიფარა თითოეული და როცა მიზეზთა გამო აგვიანებდნენ ხოლმე, მოუსვენრობა ეუფლებოდა. გაშლიდა მაგიდაზე ჭადრაკის ყუთებს, დააწყობდა ფიგურებს და ერთდროულ სეანსს უმართავდა საკუთარ თავს. ფანატიკოსი იყო დიახაც ამ სიტყვის სრული მნიშვნელობით. უყვარდა კიდეც გამოთქმა:

— ქვეყანა ფანატიკოსები ანგრევენ და აღაშენებენო.

კლუბიდან გაკრეფილი ძმაკაცები ოდიშელიებთან მუსიაფტს შეპყვებოდნენ. ყოველნაირად ცდილობდნენ დევნილი შვილით აკანკალებული გულები ოჯახისთვის შეემსუბუქებინათ.

ვალერიანი უკვე საავადმყოფოდან გამოეწერათ. ხელჯოხზე დაბჯენილი კუთხიდან კუთხემდე სიარულს ახერხებდა. თითქოს ხელახლა იდგამდა ფეხს, ხელახლა იწყებდა ცხოვრებას.

ახალგაზრდებს მახლობელ წისქვილში დაჰქონდათ ოდიშელების საფქვაკი, თუმცა ოჯახში იყვნენ ძმები — გივი და გენადი.

სატყოს უფროს ბაბუას „კამაზით“ სავსე შეშა მოატანინა თათა აფაქიძემ.

კახა ფაცაცია ელექტრო-ხერხს დაენათხოვრა მექალაქე მამას და საათნახევარში დაქლიბეს უშველებელი მორები.

ყველ-კარაქის ქარხნის დირექტორის მემკვიდრე გიგი შენგელმა ორმოცდაათი კილოგრამი სულგუნის მორათვა ოდიშელებს, თითქოს უფროსი შვილის საქორწილოდ ემზადებინაო.

აფთიაქარის ნაშიერმა ზაზა შამათავამ იმპორტული წამლები მოაყარა დამბლაგამოვლილ ვალერიანს.

რუხის კოლმეურნეობის მთავარი ბუღალტრის ვაჟმა, რობერტ ზაზალიამ ნახევარი ტონა დაფშენილი, რჩეული თეთრი სიმინდით სავსე ტომრები ჩაუყარა ნალიაში, საიდანაც „ლიმონკები“ ამოუძვრინეს როკის ამასწინებზე დიხამინჯიას დამქაშებმა.

ოდიშელის საქმომ ფული ჩამოკრიბა და თეიმურაზ დარასელსა და უჩა ხეციას მიატანინეს ქენიასთვის, რათა ხელსაყრელ დროს დევნილი შვილისთვის მიეწოდებინა. ქირხემ დედამთლიური წინდახედულება გამოიჩინა და გაბუსხულ მარინას ჩააბარა უკლებლივ.

უკვე კვირაზე მეტი სრულდებოდა, რაც ოდიშელებისგან წავიდა რძალი. თურმანიძეებისას ათევდა ღამეს. ნიკას იქით აკითხავდნენ ყოველდღე ძვალკანა

ბებია და მოამაგე ბიძები. მარინას დიხაც ჰქონდა გაბუტვის საფუძველი. ზარავდა მეუღლის ღალატზე ფიქრი. ვერაფრით დაეჭვებინა მისი ორგულობა, მაგრამ ავმოენენი ოდიშსაც ბლომად მოეძებოდნენ.

— მუსიკალურ სკოლაში კვლავაც კარლოს დაჰყავს ბიჭებიო, — წამლავენ.

ველარაფრით აეხსნა მარინას, თუ სიყვარული არ აკავშირებდა ილონასთან როკის, თუკი განგების მოწყობილი იყო ბომა ქალთან ერთად გაქცევა, ამდენ ხანს რატომ დუმდა, ან ის ჯაღოქარი ოჯახს რისთვის გაურბოდა?! ყველაფერს გაუძლებდა თურმანიძეების ასული, მაგრამ ქმრის სიჩუმე დადრავდა.

ფარატინა წერილის გამოგზავნა როგორ ვერ მოახერხა ლევთერის, ან კიდევ იმ ტიბუა ბიჭის ხელით? თუკი ინდომებს, სამარიდანაც მოაწვდენდა ხმას, მაგრამ რა ქნას, მომიჯაღოვა კუდიანმა, გამითვალა გრძნეულმაო, იკუნეტდა ბაგეს.

დაქალებიც სტუმრობდნენ ხშირად თურმანიძეებს. მოადულებდნენ ყავას და იწყებოდა მერმე მარჩიელობა. მისი გულის მალამოს აფრქვევდნენ პირიდან. მარინაც გარინდული უგდებდა ყურს. მომწვილდული წარბები მალა აეზიდა. ლოყა ხელისგულისთვის დაეყრდნო, კიდევ უსმენდა მჩიბიბებს და ფიქრებში როკის გვერდით ტრიალებდა. წარმოიდგენდა თავს რომ აბანინებდა, ან ბუმბულივით როგორ აიტაცებდა გიჟმაჟი კაცი. ცრემლიც წასკდებოდა ხშირად.

ბავში იყო ჯერეთ თურმანიძეების ასული. სკოლის დამთავრებისთანავე გათხოვდა. ქალიშვილობა არ დასცალდა. ავადმყოფმა დედამ იფიქრა: მამაგარდაცვლილი გოგო არ დამეჩაგროსო, ვინმე გარეწარმა ხელიდან არ წამგლიჯოს ჩემი თვალხატულა ქალიშვილიო; დაოჯახდება, პატრონი ეყოლება, მეც გული საგულეში ჩამიდგებაო.

ქენია მისი თანასოფლელი იყო, კახათელი, გვარიანდაც უფროსი. მოკლედ, ოდიშელების ოჯახზე წვრილად იცოდა ყველაფერი: მშრომელები იყვნენ, ალაღმართლები. ცოტათი თავზეხელაღებული ბიჭები ჰყავდათ, მაგრამ სულელს და ბოთეს, ისევ დაუდგრომელი ერჩივნა. საიმედო ქმარი ეყოლებოდა ასულს. მერედა, როგორც ოდიშელების შუათანა ბიჭზე ამბობდნენ, გამოჩეხული გახლდათ თურმე მთელს ოდიშში ჩაცმულობით, სიკოხტავით, მუშტი-კრავით და პატიოსნებით.

უჩვენეს როკის სიყმაწვილისდროინდელი სურათი აფუჩეხებული თმით, ოთხკუთხა ნიკაპით, კეთილი თვალებით მომზირალი და გულში ჩაუვარდა.

მარინა მამაილა გახლდათ. ნიკოლოზის ოჯახს მთელს საქართველოში გავარდნოდა სახელი აქიმობით. აკადემიკოსი ღუღუშაურიც კი სწვევიათ ერთხელ საქვეწოდ სახელგანთქმული მალამოს სახელმწიფო პრემიაზე წარსადგენად, მაგრამ დასტაქარმა არაფრით ინება პრეპარატის რეცეპტის გამჟღავნება.

— ჩემს ერთადერთ ქალიშვილს ვუტოვებ მზითვად. მომცემენ პრემიას და მერე რა, ის ფული შეიჭმება, ჩემს მარინას კი ღმერთმა ნუ ქნას და გაჭირვების ჟამს ხელების ფშვნიტა არ მოუწევსო.

ნიკოლოზის გარდაცვალების შემდეგ ერთ ლოგინში იძინებდნენ ხოლმე ასული და დედა. მიუხედავად ავადმყოფობისა, საყდლებზე ყოველთვის ცეცე დადიოდა, ქალიშვილს როგორ აკადრებდა პურსა თუ შაქარზე წასვლას. ახლა უფრორე შემოუტეის მარილებმა, მაგრამ მანც თავად წაფრუტუნდებოდა საჭირო პროდუქტებისთვის. ისედაც გაჩეჩებულ მარინას ამიერიდან ხომ ოთახიდან ვერ გამოახელებდი.

— გაიყვანე გოგო, ბავშვი სუფთა ჰაერზე, თორემ რაქიტინი გაგეზრდება, — ეტყოდა მშობელი, თუმცა მარინას გაგონება არ უნდოდა ქუჩაში გასეირნებაა ეს თუ მეზობლებში გადასვლა.

ტელევიზორსაც ათასში ერთხელ თუ მიუჩოჩდებოდა. თავის ნიკალას ეთამაშებოდა, თავის ნიკუშას, ბანდა, ვარცხნიდა.

ერთხელ მარინას დაქალებმა როცა ჰკითხეს: კი მაგრამ არ გეშინია დიხამინჯიას ხალხი რომ დაგესხას თავზე?! მაზლებთან დაცული მანც იქნებოდიო, უმუშრველად გაიცინა, ხალათის ჯიბიდან მოლაპლაპე „ტეტე“ დააძრო და როკივით მოჭრილად თქვა:

— ტყიით გაეუხვრეტ უშუბლს! — და მეორე დღეს მთელმა ზუგდიდმა იცოდა ოდიშელის ახალგაზრდა ცოლის შემართულობის ამბავი.

— თვითონ ხომ თავზეხელაღებულია და მეუღლე უარესი გამოუძებნიაო, — იტყოდნენ ნახევარხუმრობით ოდიშელები.

ერთი სიტყვით, მარინას მყარად გადაეწყვიტა, სანამ ქმარი არ შემოეხმიანებოდა, შინიდან ფეხს არ მოიცილიდა. გამოესაუბრებოდა როკი, გნებავთ — სიტყვიერად, გნებავთ — წერილობით და ქმრისიანების სამკვიდრობელსაც მხოლოდ მერე მიუბრუნდებოდა.

ოდიშელის ცოლის თადარიგის თაობაზე „შილიასის“ მარკის მომცრო, ფერად ტელევიზორთან ერთად მოუტანეს დიხამინჯიას „ზუგდიდვაჭრობიდან“. ანტენები დაუმონტაჟეს და დილიდან საღამომდე ცისფერ ეკრანს არ სცილდებოდა. მთელი გულისყური კრემლისკენ ჰქონდა. რაც ჩრდილოური პარლამენტის მუშაობის პირდაპირი ტრანსლაციები დაიწყეს, ჩართო და არ გამოუთიშავს.

თითქოს გუშინწინ იყო.

კრემლის სვეტებიან დარბაზში სამუდამოდ ემშვიდობებოდნენ ჩერენკოს. ბრეჟნევის აჩრდილი გახლდათ, რბილი ხასიათისა, ანდროპოვივით კლანჭები როდი გამოაჩინა სიბერეში. ამ უკანასკნელის გენსეკობისმ დროს სამუშაო საათებში რესტორანში რომ მოეხელთებინეთ თანამდებობის პირი, იმ სკამზე საკუთარ თავს უსარკოდ ვერ იხილავდი. როგორც ამბობდნენ, კუ-

ლუარების კულინარიას გადაჰყვა. ჰოდა, წევს მდიდრულ სასახლეში მოფამ-ფალეზული მესაჭე. ლამის იგივე მდგომარეობაში, თბილისში ჩამოყვანილ ბრეჟნევს ლამის ქოთნებით რომ დასდევდნენ ტელოხრანიტელები. გოგებაშვილის გიგოს მიმსგავსებით წაიკითხა მაშინ რეფერენტების გარიწკინებული წერილი ლეონიდა:

— საქართველო ულამაზესი კუთხეა მიწისა, სადაც ცხოვრობს გულ-ღია ხალხი, რომლებიც კაცობრიობის დასაბამიდან აფასებენ ადამიანის კეთილშობილებას, დაულალავ შრომას და ვაჟკაცის გმირობას, — თქვა ეს მიკროფონში მარაზმული შეჭირვებულობით და იქვე გადაულაპარაკა მასპინძლებს, — ჩინებულა თქვენი ქალაქი დუშანბე!

ჰოდა, რაღა გასაკვირია ამისთანა მესვეურების საზოგადოება მთქნარებას და უძრავობას მოენელებინა?!

ახლა, კი, აგერ, წევს მეფურ სასახლეში ბერიკაცების უკანასკნელი მოჰიკანი.

უცხოეთის დელეგაციები მოწიწებით ართმევენ ხელს ერთადერთ ჭირისუფალს — გორბაჩოვს, კვერცხივით შეკრულ პიროვნებას, აქამდე არენაზე არავის რომ უხილავს, სულ კულისებში ტრიალებდა, პირველთა ფონზე ხომ რწყილივით მიკარგულია ნებისმიერი სათადარიგო, გნებავთ — სპილო, გნებავთ — ლომი.

იერი სამგლოვიაროა. გენსეკაყოფილის თალხებში გამოწყობილი ოჯახის წევრები სკამებზე ჩამომსხდარან. ყვაილების გვირგვინებს წაულეკავს უშველებელი დარბაზი. ერთადერთი გორბაჩოვი დგას კუბოს თავითი, ქვეყნის ხელისუფლების უმეტოქო ტახტისმტე. შემელოტებულია დია, შუბლს ზემოთ მარჯვენა მხარეს წითელი ხალი დატყუებია, სამხრეთ თუ გნებავთ ჩრდილოეთ ამერიკის კონტინენტის მსგავსი, ოლონდ ორივე ერთად არა, ცალ-ცალკე, ან — ერთი, ან — მეორე.

მოდინ მეპანაშვიდენი. ლეონიდის გასვენებას მსგავსი პატივდება არც ახსოვს. მოდიან ცხედრის თითქოსდა უკანასკნელი გამომშვიდობებისათვის, სინამდვილეში გორბაჩოვის ჩასაზდრასტებლად ჩამობრძანებულან. იერი დაღვრემილია, მაგრამ ხელის ჩამორთმევისთანავე ცნობენ საბჭოეთელ ჭირისუფალში ქვეყნიერების მომავლის ოსტატს დენ სიაო პინები, რეიგანები და მიტერანები.

სრულიად დედამიწის კანცელარული ელიტა აქ შეყრილა, აქ, გორბაჩოვის მაჯასთან, რადგანაც სწორედ მასზეა დამოკიდებული, თუ რარიგად ივლის ცივილიზაცია. რანაირ ორიენტაციას დაიჭერს მიხეილი, ისე იტრიალებს დედამიწა, როგორც თავისი ღერძის, ისე კაცობრიობის იდეალების გარშემო.

სუვოროველების წითელი ჰალსტუხი უკეთია. მონაცრისფრო, ზოლე-ბიანი კოსტუმი აცვია. ხმა არ დაუძრავს ჯერეთ, მაგრამ ერთხელ ამოიდგამს ენას და მერმე ჭრელ ხარზე ამხედრებული კოლხური ზღაპრის პერსონაჟი-

ვით დაიქოქება: ილაპარაკებს, ირატრატებს, ილაყებს და გულწასულ ხალხს გაეცლება. დაახლოებით ასე წაუფა საქმე გორბაჩოვს და მის სამწყსოს, მაგრამ ჭერ ჩერნენკოს პანაშვილია. რამდენიმე საათში კრემატორიუმში უკრავენ თავს, როგორც კრემლის უმეტეს მოღვაწეს, დაფერფლავენ, ქილაში მოამწყვდევენ ჭინივით და კედელ-აკლდამას მიაბარებენ აწ და მარადის.

გამონაკლისი ლენინია მხოლოდ. ეტალონი ერთადერთი უნდა იყოს, დუბლიკატს ვერ ითმენს იგი, აუბრალოებს უმთავრესის თავისთავადობას, ამიტომაც ვერ უშველა ფოლადის სახელმა ჭულაშიღის. მისი სხეულიც ჩინებულად დაემორჩილა კრემაციის ზემცხუნვარე კანონს. მაგრამ ესეც — იქით. დასასრული არ უჩანს ხუთივე კონტინენტიდან დაძრულ დესპანებს.

ერთმანეთის მიღვევებით მოაბიჯებენ არაბი თუ ებრაელი, ავღანელი თუ ვიეტნამელი; ფიდელი განთქმული წვერით, მშობლიური მთის ერთმოსახელე არაფატი, ფუნდამენტალიზმის მამა ჰომეინი, სადამ ჰუსეინი, იაპონია და მონღოლეთი ძილმოკიდებულის მაგვარი ქუთუთოებით; დანაწევრებული გერმანია და კორეა, კენია და სამხრეთ აფრიკა... თითქოს პუშკინის ლექსი გაცოცხლებულიყოს, ძეგლს რომ აიგებს ხელთუქმნელს, ცოტათი ჰორაციუსს დასესხებულს, მაგრამ რუსულ სამაგონში გამოტარებულს, რომელსაც დროის მსახვრალი ხელი ვერარას დააკლებს ალექსანდრიის შუქურაზე მაღალს.

კაკასიელები და ტუნგუზები კალმუხებთან ერთად ჩრდილში დგანან, თუმცა მისამართი შეშლიათ ფინელებს და პეტრეს არაბის ნაშიერის მონუმენტის თაყვანისცემის ნაცვლად გორბაჩოვის მაჯასთან მობრძანებულან. იგულთმისნა პოეტმა რუსული გენიის მასშტაბურობა.

ნაციონალური და კოსმოპოლიტური აღკაზმულობით მოედინებიან რიგისობისდა მიხედვით, ჩალმითა და შლაპებით, სმოკინგითა და ტოგათი; თამარ მეფის დობილი, რკინის ლედი — მარგარეტ ტეტჩერი. მთელი მსოფლიო თავს უდრეკს ჩერნენკოს ხსოვნას, დროულად რომ ჩამოეცალა პოლიტიკურ არენას და ენერგიით აღსავსე კაცს დაუთმო სარბიელი; თანაც აქ საეჭვო არაფერია, გენსეკას მარაზში კვადრატშია ახარისხებულნი.

მსოფლიო გაითიშა ტრუმენული ცივი ომისგან.

აბსტრაქტულმა გამყინვარებამ ეკვატორის მზეს ყინულის ლოლუები ჩამოჰკიდა ლაშებზე, როგორც ფორანს შებმულ ჯაგლავს ემართება ზამთრობით სტეპანცევის ექსპერიმენტული ზონის არეალში.

მიწის წილი ველარ უძლებს ნევადისა და სემიპალატინსკის ატომურ აფეთქებათა მშობიარობებს. დინოზავრების კვერცხებივით ალაგია სარკოფაგებში წყალბადის ბომბები და საკმარისია მარცხიანად შეაზო ხელი, ენას ამოიდგამენ სოკოსმაგვარი აფეთქებებით.

მსოფლიო გადაქანცულა ბაგირის გაუთავებელი დაჭიმვებისგან აქეთ-

იქიდან. სოციალისტურმა ბანაკმა ვერ გადმოითრია თავისკენ ჩრდილოეთ ატლანტიკის ბლოკი და ვერც საბაზრო ეკონომიკის მხარემ მოაჩაქჩაქა თავისთან რობესპიერის ლოზუნგის სისტემა.

მობრძანდებიან პოლიტიკური ამინდების სოლოები თუ ქორონი; მობრძანდებიან გორბაჩოვის მაჯასთან და ამ უკანასკნელის ფანტაზიორობას საზღვარი არ გააჩნია, რადგანაც თითოეული ქვეყნის წარმომადგენელი საკუთარი თავისებურებითა და შესაძლებლობით სწვევია.

ჩერნენკოს ერთადერთი ჭირისუფალი უსწრებს მოვლენებს. გენსეკაყოფილი ჯერაც თვინიერად წევს ძვირადღირებულ სასახლეში, ჯერაც ფეხზე არ წამომდგარა კრემატორიუმის ენითუთქმელი სიმხურვალისგან, მიხეილ მქერმეტყველს კი თვალნათლივ წარმოუდგენია აფრიკული ბანანებისა და მანგოების ცვენა კრემლის კოჭებთან. ინდური და ცვილონური ჩაის სურნელი უთრთოლებს ცხვირის ნესტოებს ცნობილ ტიტესტერსავით. შვეიცარიული ყვლის ბორბლებით მორახრახებენ ეტლები ნევის პროსპექტიდან წითელ მოედნამდე. ავსტრალიურ კენგურუებს შვილების მაგივრად ხელიკისფერი ბანკოტებით გამოუტენიათ ჩანთები. ბრაზილიური ყავის მარცვლები ბიბლიურ მანანასავით ცვივა ციდან კუბური შაქრის მეზობლად და მუხლებამდე შავთეთრად დათოვლილა საბჭოეთის უკიდევანო სივრცე და რიგიანად ვერც გაარკვევ რანაირი შინაარსისაა ჭირისუფლის ხელისგაწვდენა, ოდიშური ბაზრის შესასვლელთან ატუზული ჭოლოს მიდრეკილებისა თუ ოთხმოციან წლებში ოლიმპიურ თამაშებში დამკვიდრებული მკლავჭიდისა.

აღლუმებითა და შენელებული სვლებით მისამარებენ კრემლის კედელს ჩერნენკოს ხსენებას მოხუფებული ქილით. კიდევ ერთი აგური გამოეცლება ათასწლოვანი გალავნის ძლევამოსილებას და გამჭვივრალე ჭურჭლის ჰერმეტიული სიცარიელე შენაცვლება ტვირთმზიდ კოჭებს.

ყურდაცქვეტილია რეიტერის სააგენტო, „ასოშეიტედბრესი“, „ფრანცპრესი“ — ვისკენ, საითკენ გაუწევს გული გორბაჩოვს. უკვე გენსეკას თანამდებობამ მოგჭამა ჭირი ჭოფია ანთარიას ბორანივით ენგურზე — სახე იცვალა, პრეზიდენტის ვერბალური მნიშვნელობით დაიმუხტა.

მსოფლიოს გული უკანკალებს — პირველი ნაბიჯი გადადგმულია კომუნისტური მორალის მონუსხული წრიდან, გარდვეულია ჯადოსნური რკალი.

სამამულო თუ უცხოური წარმოების ტელევიზორები ასიათასებენ კრემლის ყრილობათა დარბაზებს, ჯერ კიდევ გვარიანად ადრე, ვინემ დიხამინჯია „შილიასის“ დასახელების მომცრო, ფერად ტელევიზორს შეიტანდეს კაბინეტში და მაღალი მგრძნობელობის ანტენებს დაამონტაჟებინებდეს შუტუ აგაბაძის ხალხს.

მოსახლეობა თვალეზდაწყლეთილი მიუჩოჩდება ეკრანს. ამოიდგამს საბჭოეთის პირველი პრეზიდენტი ენას და დიდ-პატარაც გაისუსება. ჩვილებ-

მა ძუძუსწოვას თავს ანებებენ. მოხუცებ ღამის ქოთნებს მიიმხობენ ყურებზე; თვით ყრუ-მუნჯებიც არ არიან ზარალში, ერთი ფრაზაც არ ეკარგებათ, ხელეობით ისე მიმზიდველად საუბრობენ დიქტორები, სხოდკაზე გასულ ჩიტა ბეზუხსაც კი შეშურდება „ალიურას“ დაძახებამდე.

ხარატებისა და ყასბების დანებს ჟანგი შემოჭერჯვია.

დაზი ჩიქოვანის აღსაზრდელ, ჭკუით დატენილ გოგონებს ძარღვის აუტოკებლად დაუხოცავთ ერთმანეთისათვის მეფეები და სმენადქცეულნი აგრძელებენ თამაშს.

კარცერში გამწესებული კატუკია ამაოდ არახუნებს მუშტს რკინის კარებზე, ზედამხედველები გაკრფეილან და ვადამოხდილს ეგება მომდევნო ცვლაზე ჩამოაკითხონ ტრანსლაციის შესვენების შუალედში.

მეძავეები როზა გრეჩანკას დედოფლობით სექსუალურ სიცივეში გადავარდნილან და მზესუმზირის კნატუნში ვერც კი შეუნიშნავთ მეხუთე პარტნიორის შემოჯდომა ახალბედათა მწკრივიდან.

მესაზღვრეებს ზურგი შეუქცევიათ ორმხრივი მავთულხლართიანი ზოლისთვის, მაგრამ უცნაურობა უფრო ის არის, დივერსანტიებიც ქვიშის ნიშნულის გადაკვეთის მაგივრად სიგრძივ მიუყვებიან ნეიტრალურ ზონას ტრანზისტორის ქაქანში.

მეცხოველეობის კომპლექსის მომვლელ ჯიმიან დედაკაცებს ცურის ნაცვლად რქებზე მოურგიათ საწველი აპარატები ფურებისთვის და რეზინის ზედმეტი ორი მაწოვარა ჰაერიდან ისრუტავს რძეს.

მწერლები დანომრავენ ფარატინა ფურცლებს, ანგარიშიუცემლად ალაგებენ ერთმანეთზე, ხოლო რომანს მიღმა დარჩენილი პერსონაჟები საწერ მაგიდაზე წამოპლაკულან და თავიანთ შემომქმედთან ერთად არხეინად მისჩერებიან ეკრანის საოცრებებს.

ერთადერთი ზუგდიდის ბაზრის გიჟობა დაფაცურებულა: სირმა კვლავინდებურად ქალადებს აგროვებს თამარა ჯორბენაძის მხარდამხარ, გულმოდგინედ ტენის ტომრებში. ხოთომ დროულად აუღებს აღლოს მარათონულ საუბარს, იცხონებს სულს, გაერიდება გაეკრანებულ წუთისოფელს. ჯოჯო ფუნქციაწართმეულ ხელჯოხს სპირდოს ძაღლთა შეჭიბრებაში ვაჟაკურად დამარცხებული ფინიას ასამღერებლად თუ გამოიყენებს ათასში ერთხელ, ეგ არის და ეგ. ჭოლო ჩვეულებისამებრ მარჯვენაგაშვერილია ბაზრის პორტალთან და მარცხენათი ყელგამოწეული გეტყვის:

— ცოტა ფული მომეცი, ბერია და გორბაჩოვი თუ გწამს.

მოკლედ, კოლხური ზღაპრის ჭრელ ხარზე ამხედრებული გმირის კვალობაზე საუბრობს პრეზიდენტი. სიტყვას ხელებს მიმოადვენებს დირიჟორით. აღაშენებს და აღამშვენებს ცამცუმის ბროლის სრასახლებს. ცხვრის ფარას ცოხნა მიუტოვებია მილიარდის მესამედი საბჭოთა მოქალაქის მსგავ-

სად, ოღონდ განსხვავება ის არის წინას და ბოლოს შორის, რომ ამ უკანასკნელს ჯერ ბეწვი არ დახუჭუჭებია ტანზე და აღარც სამამულე რქები ამოსვლია შუბლის არეში ყვევების წინამძღოლ მოსესავით.

დაზი ჩიქოვანის კლუბში ამიერიდან გასამმაგებული სიმრავლეა: შუტუ აგაბაძის ხალხმა აქაც იმარჯვა, ქალაქის პროკურორის ვაჟის, ბასა წყაროზიას მოტანილ ტელევიზორს მისჩერებია ჭადრაკის გულშემატკივარი ბოლშევიკობაც, იატაკქვეშეთიდან ამოსული არაფორმალობა, დიხამინჯიას გამოქცეული ფუნქციონრობა თუ ღვენილი როკის მოქურუხებული ჯეელი საძმო.

— არაფერი გამოვა მაგ პერესტროიკიდან და გლასტნოსტიდან, მ — ამბობს თორი ფიფია, როცა ტრანსლაცია ჩამთავრდება და ორსაათიანი შესვენება გამოცხადდება კრემლის ყრილობათა სვეტებიანი დარბაზიდან. ბულათიას ნაშიერია, ბაგრატის ჩამომავალი, განუყრელი მაჯისსისხო მარგილით რომ სწყალობდა გაუმადლარ ბატონებს, — საუბარს ვიწყებ საფრანგეთში გორბაჩოვის ვიზიტით. რა დამავიწყებს პრეზიდენტის მაშინდელ თავგამოდებულ მტკიცებებს იმის თაობაზე, რომ თითქოს შეუდარებელი საზოგადოების ლიდერია, საზოგადოებისა, რომელსაც უფასოდ ატიალია სწავლა-განათლება, სამედიცინო მომსახურება. ის კი ოსტატურად მიიჩქმალა მაშინ, რომ ეს სიკეთენი თითქმის ფალსია ჩვენეული სინამდვილიდან გამომდინარე, მაგრამ მე უფრო გლობალური საკითხი მალეღვებს, ბატონებო: ნუთუ მართლაც სერიოზულად მიგაჩნიათ დებულება: უფასო მომსახურება?! — ახოვანმა ფიფიამ კვირის მოუპარსავი ჯაგარა წვერი მოიქექა და განგრძო, — საკითხავია, საიდან აჩალიჩებს სახელმწიფო სათანადო სახსრებს ამ საქმეთათვის?! მამა ღმერთისგან ხომ არა ციურ მანანას მიმსგავსებით?! ცხადია, მარცხენა შემოსავალი ერთადერთს, სახელმწიფოს, არ უნდა გააჩნდეს წესით, თუ იგი ავადსახსენებელი იარაღით არ ითბობს ხელებს, ვთქვათ, ისეთი პროფაშისტური ქვეყნისგან, როგორც სადამ ჰუსეინის ერაყა. ჰოდა, იმას ვამბობდი, რომელმა გონებამ შეითინხა სახელმწიფოსგან თავისი ხალხის უფასო მომსახურება?! განა საბჭოეთის მოქალაქეს სრულყოფილად უნაზღაურდება ხელფასი რეალური შრომიდან?! ეს ხომ თემაა, ბატონებო, კომედიისა „ვაი ჭკუისგან“?! ასე რომ, უმჯობესია ვალიაროთ: ჩვენ საწყლები, ჩვენი ნამუშევრის ერთ მეხუთედსლა ძლივს ვიმკით, როცა იმ ფულის ოთხი მეხუთედი იმპერილისტური მიზნებისკენაა მიმართული და ხშირად ხერხდება კიდევ მისი რეალიზაცია ავღანური გენოციდის სახით.

— რატომ, ხომ გაგვყავს ჯარი ქაბულიდან? — ჩაერთო საუბარში დორო ჯიქია. ოთხმოცს მიტანებული, ღაქღაქა სახის მოხუცია. ისააკ ყვანიას და მიხა ბერულავას ძმაკაცობით მოაქვს თავი, ცხრაასოცდაოთხში ყაზბეგისკენ დაძრულ რაზმს რომ ახლდნენ და კონტრევოლუციონერმა ჯუღელმა ჩაასამარა უსულგულოდ, — გასაოცარი გარდაქმნების გზაზე ვდგავართ. გორბაჩოვი ჭკვიანი კაცი ჩანს. ტყუილად როდი ამბობენ: ბერიას შვილიაო? დააკვირდით, სახითაც არ ჩამოკვავს?! მერედა, ცეცხლი ხალხნო, ხმა, ჟინი!

— მადლობა უფალს, კრახი განიცადა რუსული ჩეჭმითა და ხიშტით ქვეყნიერების საყოველთაო გაწითლების გეგმამ, — შეიჭრა საუბარში რენო ალშიბაია. მოგრძო სახის ქერა ყმაწვილი დადიანების უკანასკნელი მოურავის შთამომავალია, — მსოფლიო ჩალით არ არის დახურული.

— ნუ ცხარობთ, შვილებო, ახლებმა რა იცით ცხოვრების აზრისა. აბა, ის არის უკეთესი შენს საცოლეს დადიანი რომ ეუფლებოდა პირველ დამეს? — უტევდა ჯეელებს დორო ჯიქია, — კაპიტალისტური სამყარო გვავეწროვებს მარჯვნიდან და მარცხნიდან. გორბაჩოვმა სტალინის რეაბილიტაცია თუ მოახდინა, მაშინ საქმე დამთავრებულად ჩათვალეთ. მთელი მსოფლიო იძულებული შეიქმნება ჩვენს წინაშე მოიყაროს მუხლი, მაგრამ ნიკიტას გზას თუ მიჰყვება, უნდა ვივარაუდოთ, რომ გადაბირებულა, მოსყიდული და სიკეთეს ამაოდ უნდა ველოდეთ. პროლეტარიატის სისხლით და ოფლით მონაპოვარი ფასეულობანი მიწასთან გასწორდება წამში. ამაზე ითქმის: ციხე შიგნიდან გატყდაო.

— ცალმხრივად ნუ ვაფასებთ მოვლენებს, — გამყვანი ხმითა და ხელების ფიცხელი მოძრაობით შემოუერთდა კამათს გაბო მიქავა. ეს იმ წალენჯიხელი მთავარი ექიმის შვილიშვილი გახლავთ, ნონას შეპაექრებულ ბიკოვას დიმიტრიც რომ დააჭიდა, — გორბაჩოვის როლი განუსაზღვრელია ავღანეთიდან თუ ევროპის ქვეყნებიდან საბჭოეთის კულამოძუებულ უკანდახევაში, მაგრამ ამისხენით ღვთის გულისთვის, რატომ იწვევენ რესპუბლიკებიდან კიდევ ათასობით წვევამდელს, როცა ზოგი ტვინნალრძობი პარლამენტარის თქმით, ათჯერ მეტი უსახლკარო ოფიცრობისთვის ველარაფერი მოუხერხებიათ? ბარემ აქვე გაგანდობთ სამხედრო სამსახური როგორია ჩვენში. თითქმის უმეტეს შენაერთში უფუნქციო არსებობაა წლების მანძილზე. ჩვენი ყაზარმული ცხოვრება შუააზიაში, — ნაწილის ნომერს არ ასახელებდა სახელმწიფოებრივი უშიშროების მიზნით ნაადრევად გამელოტებული უტუ მიქავას ნაშიერი, ბალისტიკური რაკეტების ძილს მწყემსავდა ორი წელიწადი, რომლის ერთი ლილაკის დაჭერა მთელს კავკასიას ჩაახუტებდა ზეცას, — იმით ამოიწურებოდა, რომ ქვიშის გორაკი, იგივე საფარი, ერთი პოზიციიდან მოგვეხსნა და მეორეგან ნიჩბებით გადაგვეტანა. ასე რომ, ასეულის მეთაურის წამოწყებულ საქმეს გენერალი აგვირგვინებდა: მათი გემოვნებისა და სტრატეგიული შეხედულების შესაბამისად ხეტილობდა ეს გორაკი სამხრეთიდან ჩრდილოეთით და აღმოსავლეთიდან — დასავლეთით.

— ჰომეროსის მოხეტიალე კლდეებივით, არა?! — ჩაიხიხინა კვეკვე ანთარიამ, რომელსაც ბონდოსა და ხანტურის გაურკვეველი აღსასრულის შემდეგ შამგონაში ფეხი ერთხელაც არ დაუბიჯებია. საამისო საფუძველიც გააჩნდა — ნახევარძამ ფრიად სოლიდური თანხა უანდერძა.

კოლხეთის ისტორიას აღვადგენო, ამბობდა და ყოფით სიუჟეტებს ყიდულობდა რესპოდენტებისგან. კუჩხოზონუსთან ჩალის ფასად შეიძინა მო-

ხუცი რუსი ცოლ-ქმრის კოხტად მოვლილი ეზო-კარი, მეურვედ შეეკედლა და გასვენებისას გვარიანი ფულიც შემოუვიდა. წლისთავზე მეზობელ დედა-შვილს, გალოთებულებს და გაღლეტილებს ერთოთახიანი ბინა დაუგირავა კომბინატის დასახლებაში სამი წლით და მათი მამულიც უმტკივნეულოდ შემოიერთა. სახლიც წელიწად-ნახევარში ააშენა, მაგრამ კახა ანთარიას ენგურპესური რკინა-ბეტონით ჯერაც ვერ დაეკოპწიავებინა ოჯახი და ბერბიჭობა მობეზრებულო, კვლავინდებურად სასტუმრო „ოდიშში“ ცხოვრობდა სახეცქრიალა ახალგაზრდა მეუღლითურთ.

— რაც შეეხება ავღანეთიდან დემობილიზებულ, სისხლში ხელებგასვრილ ხალხს, — აგრძელებდა მიქავა, — დასახიჩრებულებმა, როგორც ფიზიკურად, ისე — სულიერად, კეთილი ინებონ და კალაშნიკოვის „აკეემის“ ნაცვლად ბარს და თოხს მოჰკიდონ ხელი! რა, ვითომ ნაოფიცრალს არ ეკადრება პროფესიის გამოცვლა?! შტატების შემცირების გამო ხომ ინერგება ჩვენში ინჟინრის გაექიმება და ექიმის გავეტექიმება.

— ვეტექიმი ბეთალაია ქართულში, — შეუსწორა კვეკვე ანთარიამ.

— საპოენიკის გაპარიემახერება და პარიემახერის გაყსებება, — განაგრძო პწკენისთვის წაყრუებულმა, მაგრამ კვეკვე ანთარიამ ისევ შეიტანა ცვლილებანი მის ბარბარიზმულ საუბარში.

— საპოენიკს ხარაზი ჰქვია ქართულად, ჯიჯი და პარიემახერს — დალაქი.

— ნუ შემიკალი, კაცო, ხელში, შენი გრამატიკოსობით, — გაწიწმატდა ბოლოს და ბოლოს გაბო მიქავა, — სპიდის საშიშროებამ პარიემახერებსაც დააჩნია თავისი კვალი. აგერ, ხომ აიკრძალა წვერის მოპარსვა?! — მიაჩერდა სანიმუშოდ თორი ფიფიას, — მალე შესაძლოა პეტრე დიდის ნაჯახები დაგვჭირდეს ქოსათა გამოკლებით. ერთი სიტყვით, არაფერი დაშავდება, დემობილიზებული თუ დემონტაჟებული ამ-ხანაგები, პროფესიას დროულად შეიცვლიდნენ.

— ღუპავ ბიჭო, ბესონოვს და დაჩი კეზუას? — ახიხინდა კვლავ ანთარია, მაგრამ ჭადრაკის მოყვარული ბაბუას შვილიშვილმა ამჯერად მისი რეპლიკა სათვალავშიც არ ჩააგდო.

— ხომ ამდენს ვთათხავთ და მაინც ფუჭია ყოველივე, თუნდაც იმიტომ, ეს უკანასკნელნი არაფრისდიდებით დათმობენ ღვთიურ პრივილეგიებს. პრივილეგიებს-მეთქი რომ ვამბობ, ამასაც გაგიმხელთ და თავად განსაჯეთ: როგორია ოცდაორი წლის ასაკში მხრებზე მოციმციმე ორი ვარსკვლავი, სამას მანეთამდე ხელფასი, უფასო კვება, უფასო ბინა, უფასო ჩაცმა-დახურვა. დავუმატოთ ყოველივეს ნებიერი ცოლი, რომელიც წელიწადში ერთხელ მაინც უთუოდ იკაჟებს ჯიგრებს ბი-ჭვინ-თა-სა თუ გარაში, კვეკვე, ბატონო. ორი მიბნედილი ასული გეტეტიინება და დანაზოგი ფულით შექენილ „ჟიგულ“, საკომისიო ფასებში გცინცლავენ კუჭლებით, ესე იგი გადაყიდვის მოსურნეს ხასიები და ჯგერენაიები გადაგადებენ, ჩვენ კი, მეგობრებო, კლი-

მატი გვიფუჭდება ჭარბი გამონაბოლქვისაგან, ეკოლოგიური კატასტროფის წინაშე ვდგავართ, მაგრამ მთავარი ის არის, რომ სულ რაღაც ორმოცს მიკაკუნებული სამხედრო მოხელე სიკვდილის ბოლომდე გარანტირებულია საკმაოდ სოლიდური პენსიით და მეყოლე ვარდივით, რამდენიც ასეთნაირი ცხოვრებით გაზულუქებულმა რუსაკოვმა უკან დაიხიოს, ნებაყოფლობით უარი განაცხადოს ციდან ჩამოცვენილ განცხრომაზე.

— აი, ჯულბასია ძაღლის თავიც სად მარხია, — გააგრძელა მივიწყებული საუბარი თორი ფიფიამ, — აი, სად ამოტივტივდა საფრანგეთში ხსენებული გორბაჩოვისეული უფასო მომსახურების კუდი და ეშვები! როცა ჩვენ საბოლოოდ გავარკვეეთ, რომ ჩვენი ნამუშევრის ოთხი მეხუთედით შენახული მუნდიროსნები თავზე დავისვით, როგორც აღმოსავლური მოლოქი, ბუნებრივია, დემოკრატიის განხორციელებაზე ფიქრი ინფანტელიზმია, სხვა არაფერი. მიუხედავად ამისა, ბატონებო, გორბაჩოვი უთუოდ შევა მსოფლიო ისტორიაში, როგორც სოციალიზმ-კომუნისზმის მაცდური იდეოლოგიის ბალავრის მომწოდელი; როგორც უტოპიური, თეორიული ახლომხედველობის მამხილებელი, თუმცა შიგადაშიგ, საბჭოურ მონაპოვრებსაც ვერ ელევა, მოკლედ, გაორებული ყოფნა არგუნა ბედმა.

— ილაპარაკეთ, ილაპარაკეთ, — გაწყრა პილა გეთია, — ახლა ქვეყანა თქვენია და რატომ არა?! ვინც წინაპრის ამავს და დამსახურებას წყალში ჩაყრის, იმ ტოტს ჭრის, რომელზეც ზის, განწირულია დასაღუპავად.

— შესაძლოა, მაგრამ სიმართლე ბოლომდე ხომ უნდა ითქვას? რა დიდებული იდეალები დასახა ცხრაასჩვიდმეტის სოციალისტურმა რევოლუციამ?! რა მაცდურია პუშკინისეული ამ ანჩარის თანასწორუფლებიანობა, ერთობა, ძმობა, მაგრამ მე უფრო ტოლსტოის „აღდგომის“ პათოსი მზიბლავს და ის ბუნებრიობა, რაც ცხოვრებას ახასიათებს საერთოდ, ყოველგვარი შეღამაზებინსა და ტენდენციურობის გარეშე, მთავრობის რუპორი მაიაკოვსკისა და ძალაპარტიელი გორკისგან განსხვავებით. ამდენად, მგონი ნათელი მოვფინეთ თუ რაოდენ ძვირად გვიღირს ეს უფასო მომსახურებანი, სწავლა-განათლება, ჯანდაცვა; ჩვენი უმთავრესი ნაოფლარი კი ისევ ჩვენს სამტროდ კონცენტრირდება სახელმწიფოს ხელში უთვალავი შენაერთის შესანახავად. ჩვენი ნაამაგარი ჩვენვე გვიჭერს ხელებს ყელში. ჩვენი ნაჭირნახულევით ლამის მონებად ვიქცევთ. ასეთია რეალობა, პილა ბიძია, ბაბუა დორო და რატომ გწყინთ ეგ?! თავად-აზნაურობა თუ გჩაგრავდათ, თქვენს საცოლეებს დადიანი თუ ეუფლებოდა პირველ ღამეს, ფიზიკურად მაინც არ გისწორდებოდნენ. თქვენ კი აიღეთ ხელში მაუზერები და მაშინვე ეკლესიათა სამრეკლოებს ზარები აართვით; ნიკოლოზ მეორეს ოჯახი ამოჟუჟეთ მცირეწლოვან შვილებთან ერთად, ვინძლო რუსეთის ტახტს რეალური მემკვიდრე არ ჰყოლოდა. დაქლიინობდით ჟვანიებთან და ბერულავებთან ერთად. წარჩინებულთა ცოლებს და ქალიშვილებს ერთბაშად ანაზღაურებინეთ დადიანების ცოდვა. არ დაინდეთ ბიძები და მამიდები, ზოგჯერ მამებსაც გამოუსვით ყელში დანა განსხვავებული

შეხედულებისათვის. მოსპეთ საუკუნოვანი ტრადიციები, ახალი კი ვერაფერი მიაწოდეთ საზოგადოებას, რადგანაც წვეთ-წვეთობით, ისტორიულად ჩამოყალიბებულის სამაგიეროს გამოგონების თავი სად გქონდათ ხელმოცარულელებს?! ტაშისცემით შეჰქმენით მონსტრი ქვეყანა, ღორის შაშხს შემოუმწყრივთ თათარი, ებრაელი და ქართველი რუსის თამაღობით, — მართალია, აქაიქ უკმაყოფილების ხმები გაისმა უფროსი თაობის ხალხისგან, მაგრამ თორი ფიფია ორივე ხელით აჩუმებდა დამსწრე საზოგადოებას და კათედრის დათმობას ასე იოლად არ აპირებდა, — მოხერხებულა როდესმე ზეთის და წყლის ერთმანეთში არევა?! ხოლო, რაც შეეხება ბრძენ რუსეთს, პუშკინის, ტოლსტოისა და დოსტოევსკის რუსეთს, ის თვითონ გამოუტანს განაჩენს თქვენსა და ჩვენს მამაშვილურ კამათს, პილა ბიძია, ბაბუა დორო. ეს სიბრძნე კი შემდეგნაირად ჩამოყალიბებია აღმოსავლურ ფილოსოფიას:

- გამორიცხულია თავისუფალი იყოს ერი, რომელიც სხვას იმონებს;
- გამორიცხულია ამაღლებული იყოს ერი, რომელიც სხვას ამდაბლებს;
- გამორიცხულია მომავალი ჰქონდეს ერს, რომელიც სხვას ართმევს

ლღევანდლობას.

ავტონომიებად დაგვმალეს, რათა თვითგამორკვევის მცდელობის შემთხვევაში, ხელი ალთას გაგვექცეს და ფეხი — ბალთას; თვალი მთისკენ გარბოდეს და ყური — ზღვისკენ, მაგრამ იულიუს კეისრის დავიდე ეტ იმპერა, ანუ გათიშე და იბატონეს მაგიურ ძალას ყავლი გასვლია ძვირფასებო, რადგანაც მშვენიერად მოგვეხსენება ყველას: რასაც დაყოფ და დაანაწევრებ, მეტოქედ არ გამოგადგება შინაგან წინააღმდეგობათა გამო; თუმცა მე ოპტიმისტი ვარ, რომელიც ნებისმიერ ერს აფასებს, როგორც ბუნების ჭილდოს და მათი მმართველი ძალების ეგოისტური მიდრეკილებების გულისთვის, მთლიანად მისი ხელაღებით განქიქება, არანაირად გამართლდება.

თავად განსაჯეთ, ძვირი ითქმის განა გერმანელ ერზე შიკლ გრიუბერების ოსვენციმებისა და ბუხენვალდების დანაშაულებრივი აბოლებისათვის? ან დადანაშაულდება განა რუსობა თავისი ამბიციური ტახტისმტეების ორსაუკუნოვანი მონღოლური ჩვევების გამო? დარწმუნებული ვარ, პილა ბიძია, ბაბუა დორო, ნებისმიერ მოძალადე ერში ადრე თუ გვიან უეჭველად გაიღვიძებს ღვთიური ნიჭი: ჯერ თავის უმეცრებას დაგმობს საჯაროდ; შემდგომში სრულფასოვნად აღიარებს სუვერენიტეტს, განუმეორებლობას დამონებულისას. სხვანაირად თვითონა დასაღუპავად განწირული. ასეთია ცხოვრების დიალექტიკა.

— აფერუმ თქვენს ვაჟკაცობას, — ვეღარ გაუძლო მეტს დორო ჭიქიამ, — აი, თურმე ვისი იმედით ვაპირებდი სამარეში ჩასვლას. არ იფიქროთ რამეს გამაღლიდეთ. მშვილობაში მოგახმაროთ ღმერთმა ეს ქვეყანა, მაგრამ მოსპეთ საუკუნოვანი ტრადიციები, სანაცვლო კი ვერაფერი მიეცით ხალხსო, რომ დაგილიათ პირი, ბაბაგე, ეს ჩვენ გავაყოლეთ ბავშვები ნაბან წყალს, თუ თქვენმა მამებმა და თქვენ შეგიქცევიათ ზურგი ათასწლეულობით გამობრძ-

მედელ ადათებისათვის?! უმაღლესებში ჩვენი გვისწავლია, მაგრამ თქვენსავით ლამაზ-ლამაზი სიტყვებით როდი ვზიზღავდით ყურს. გულითაც უფრო სუფთანი და ალალ-მართლები ვიყავით. ბოროტებას ყელში ვწვდით სადა-დიანოს ჭკაკისგან რომ მოდიოდა უწინარესად. ქმრის სიცოცხლეშივე არ ვყოფნიდა მთელი სამეგრელოს საჭინიბო. სალხინოში ყოფიანი ვჰყავდა თავლაში დაბმული, ზუგდიდში — ჩიქოვანების რემა და ბოროზდინი, პეტერბურგსა და პარიზში — პრანწა-პრუნწა ფრანტობა. მოკრძალებული პენსია რას ეყოფოდა მის აღმოსავლურ მადას?! ჩვენი კუთხე კი სისხლისგან იცლებოდა. ღომიც რომ ღომია, იმასაც სისხლის სუნი ასდიოდა.

მენი მოგვარე ბულათია, ბაბაგე, თორი, მართალკოჩი თოდუა და უტუ მიქავა რომ აუჯანყდნენ სამეგრელოს დედოფალს, ამ გაუგონარი გაუმაძღრობისა და აღვირახსნილობის გამო იყო სწორედ. ერთხელ თუ გაგიწყდა შუბლის ძარღვი, მერე უზნებობამ საზღვარი არ იცის.

ტრადიციები მოსპეთო, რომ გვადანაშაულებ, ისეთი რა დაგვიტოვეს ადამიანური, სალაპარაკოდ ღირდეს? დანდობა?! გატანა?! მამულიშვილობა?! ერთგულება?!

— დამსახურებას რატომ ვუკარგავთ? ვინ წარუძღვა ლაშქარს ნალი-მასთან ომერ ფაშას წინააღმდეგ? — თქვა რენო ალშობაიამ.

— ჰმ! წარუძღვა! თურქებს რომ დაეპყროთ სამეგრელო, მერე რუსის ხელმწიფე დაუნეშნავდა პენსიას?! დაგრილებული დედებისგან და გაცვედნებული მამებისგან მოვდიოდით ჩვენ, ბაბაგე, თორი, და რადგანაც უმწიკვლო შთამომავლობისათვის ვანთხევდით სისხლს, საკუთარ ცხოვრებაზე უარი ვთქვით, თუმცა გამოჩნდა, აგერ, ტოტომას დისშვილი და იქნება გვეშველოს, — ტოტომას დისშვილში დორო ჯიქია ჟორჟი ჯიჭონაიას გაზრდილობად ბიჭს გულისხმობდა, რომელიც განაგებდა ახლა საქართველოს ბედობლას, — რომელ ერთ ჯანსაღ ტრადიციას ვკარგავთ ხელი, ღვთის მადლმა? — თვალი მიმოავლო მოსაუბრემ თავდახრილ ახალგაზრდებში, თუმცა ტონი არ შეურბილებია, — პირიქით, ყველაფერს ვაკეთებდით იმისთვის, რომ მინავლული კერიებიდან ამოქექილი ადათ-წესები საჭაროდ გვექცია, დაბეჩავებული ხალხისთვის რწმენა და სიხარული მიგვენიჭებინა. ეს თქვენმა მამებმა და თქვენ გადაადგდით ჩოხა-ახალუხი, თორემ ჩვენ გვეამაყბოდა მისით წელგამართული სიარული და გვეამაყბოდა კვლავაც, მაგრამ ახლა ისე მოხალავით თქვენცა და თქვენი მამებიც, ცხარეს მაგივრად ისე მიუჩოჩდით ტორტსა და გოგლიმოგლს, ფილუ ძამამიას ორი ქამარი ძლივს შემოგწვდებათ წელზე. ანგარიშსწორებისთვის როდი ვამბობ ამას, თქვენ ჩვენი გავერანებული სულის მედროშეებად წარმომესახებით კვლავაც ზოგიერთისგან განსხვავებით და იმიტომაც არ ვაფერადებ სიტყვას.

დიახ, კერიებიდან ამოქექეთ მართლაცდა მივიწყებული წეს-ჩვეულებანი. მართო აღეგრობა რად ღირს?!

დააბინავენდა გლეხკაცი ჭირნახულს თუ არა, ენკენისთვის უკანასკნელ

შაბათ-კვირას მთელი სამეგრელო დაიძრებოდა ჭადრების ხეივნისკენ. განა ოდიშური ტრადიციების აღდგენის გამო არ გადაიხვეწა აფხაზეთში ჩვენი ტოტომას უფროსი ძმა ჟორჟი ჯიჭონაია?! აღმასკომი კი იყო, მაგრამ ველარაფრით გაუმკლავდა ჩაჩიბაიას ახირებებს.

აი, ვის ეკუთვნის შენი საყვედურები, ბაბაგე, თორი. მაგისტანებმა დააკნინეს ჩვენი წარსული. მარჯვნიდან და მარცხნიდან რომ შეუტია დადიანების ბაღს, მუსრი გაავლო პეტრობით. ველარაფერს გახდა ჟორჟი ჯიჭონაია და კიდევ გადასახლდა ოდიშიდან.

ჩაჩიბაიები და დიხამინჯიები ყველა თაობას ჰყვანან, თქვენც — სხვათა შორის, მაგრამ ერთეულების გამო უმრავლესობის მიწაში დამარხვა გაგონილა?!

ალეგრობა სულაც არ იყო ტრადიციული ზეიმი. იგი იტალიელი მილიონერის, არქანჯელო ლამბერტისგან მოდიოდა.

ნაღვინევს, აქაურ მოსახლეობაზე წამოცდენია ერთხელ: ალეგრო ხალხიაო და შერჩა კუთხის მეხსიერებას მხიარულობის სიმბოლოდ. ჟორჟ ჯიჭონაიამ კი ახალი დროების სულისკვეთება ჩააქსოვა მასში.

სექტემბრის მიწურულს სრული სამეგრელო გამოეშურებოდა ზუგდიდ-ქალაქისკენ. ჭადრების ხეივნის ორივე მხარეს დაბანაკდებოდნენ აბაშელები და სენაკელები, მარტვილები და ხობელები, ჩხოროწყულები და წალენჯიხელები, ფოთელები და სამურზაყანოელები. თუკი ტაროსი ხელს გამოიღებდა, უბატონო სვანეთიდანაც დაეშვებოდნენ შაჭოხიანი ლომგულები. ორი დღე და დამე ბოლო არ უჩანდა ურთიერთსიყვარულს, ურთიერთპატივისცემას.

ალეგრობის პერიოდში ზუგდიდში ქისების ჩხრიალი წყდებოდა. ებრაელები ჯიხურებს კეტავდნენ. ბაზრის ჭიშკარს ბოქლომი დაედებოდა და იქაური გიჟები ხოთო, ჯოჯო, სპირდო, სირმა თუ თამარა ჯორბენაძე ხეივანს მოაშურებდნენ.

ადგილობრივი მოსახლეობა ხელცარიელი როდი ხვდებოდა ჟორჟ ჯიჭონაიას დამკვიდრებულ სახალხო ზეიმს. ბარის თუ მთიანეთის მკვიდრი გულლიად მასპინძლობდა მეზობელ დებსა და ძმებს.

ფილუ ქაძამიძეს ვერცხლის მოსადავებელი ქამარ-ხანჯალი გამოჰქონდა თვალშესავლებად. საერთოდ, აქ გამოფენილი ნაკეთობანი ალეგრობის მეორე დღეს გამართულ თამაშობებში გამარჯვებულთათვის იყო განკუთვნილი.

კაპიტონ შანავა, ლადი ჭანია ყელმოხატულ ჩონგურებს და ფანდურებს გამოაშუქებდნენ.

ქურსუები და ხულორდავები მოკამკამე ნარდებს გაშლიდნენ სპილოს ძვლის კამათლებით.

ქარდავები იშვიათი ოსტატობით მოწნულ კალათებს, კარაჩხებსა და გიდულებს ააკოკოლავენდნენ, რომელთაგან ზოგი გოგრათი იყო საესე, ზოგიც — წაბლით თუ გიშრისფერი იზაბელათი.

ლოსელიები ზაფრანისფერ დოჭებს და ორკოლებს ჩამომწკრივებდნენ, დერგების, კეცების და გვიმების გვერდით.

პაშუ ჩანგელის ქულებს, ყაბალახებს და ჩოხა-ახალუხს ხომ აღტაცებაში მოჰყავდა ზეიმის მონაწილენი.

თურმანიები და პაჭკორიები სხვადასხვა სამკურნალო საშუალებებს გამოამწეურებდნენ, უშვილობის წამლები იყო ეს, ავზნიანობის, შაკიკის თუ სიღამწურისა. დიდი დასტაქრები, კალისტრატე აღშობაია, ბავშვების მცხვაშიაღე პეტია უბერი შემდეგნაირად დამოძღვრავდნენ მათ:

— ჩემო ფაცია, ჩემო ნიკოლოზ, ვიღრე ავადმყოფობას საფუძვლიანად არ გამოიკვლევთ, წამლის მიცემას ნუ იჩქარებთ, თორემ თაფლიც რომ თაფლია, ისიც მაწყინარია უადგილოდ, — იტყოდნენ და ჩაივლიდნენ. კალისტრატე კი ტაბაჯზე სიგრიძე ჩამომწკრივებულ ბოთლებს და ქილებს ხელსჯოხს მიურაკუნებდა საითთაოდ.

მორთმეული იყო რჩეული ხილი გოდრებით, ურმებით.

თავის მოსაწონად გამოშლიდნენ ფუჩჩით გადანასკვულ, ორმტკაველიან სიმინდის ტაროებს, ბურვაკისხელა ნესვებს და ფუთიან საზამთროებს.

შემოდგომის სურნელებას აფრქვევდა მსხალი და ატამი, ვაშლი და ყურძენი.

უქებდნენ ერთმანეთს მოსავალს, გამოყვანილ ჯიშებს ხეხილისას, ხელგარჯილობას, უჭაშნიკებდნენ ღვინოს. ზეიმი თუ იყო, ეს გახლდათ სწორედ, არა — მოსაჩვენებლად, როგორც ამას თბილისქალაქობაზე აკოწიწებენ ხოლმე და ყორჟის დისშვილს ვერანაირი სიახლე შეემატებინა ბიძისგან დასწავლილისთვის; შემოდგომის ზეიმს ეძახდნენ, თუმცა ხელის ჭუჭყზე ცვლიდნენ ნაოფლარს. ალგრობაზე კი ფულის ხსენებას ვინ გაბედავდა?!

ჩამოვილიდნენ მამაპაპური სიზვიადით დღესასწაულზე ანრი პატარაია, ამბაკო ოდიშელია, ვალიკო მეუნარგია, (ჭადრაკის თამაშში სვლას რომ არავის აპატიებდა, მაგრამ თვითონ — ნურას უკაცრავად, უფათურებად ხელებს ჭაკებს თუ დედოფლებს), ჩამოვილიდნენ კოსტა ნაროუშვილი, სიყრმის მეგობრები — კაკა ჟვანია და გვანჯი ჩიქვანი, ქალაქის მეტრი საშა ეგუტია, (ვისი ავტორიტეტით იათკეცებდა მრევლს ტერენტი ხუბულავა), ქალების ექიმი თომა შენგელაია, გინეკოლოგს რომ ეძახიან დღეს მისი ხელობის კაცს და რომელიც შვილს არაფრისდიდებით მოაშორებდა დედას ზოგიერთი დღევანდელი აბორტმახერისგან განსხვავებით;

ჩამოვილიდნენ გალაქტიონ ჭელიძე, ქიონია და ბეგლარ აკობიები, სახელგანთქმული ლოტბარები კიწი გვეგეჭკორი, პოეტი ძმების წინაპარი იროდი კალანდია, ნოკო ხურცია საქვეყნოდ აღიარებული ანსამბლის წევრების თანხლებით.

ქალების ჩურჩული და თვალების ეშმაკური ყუყუნი მატულობდა განუყრელი სამეულის — პალადი ოდიშელისას, ჩაცმულობით შეუღარებელი ხუტა ხუციას და დღენიდაგ სვანურქუდიანი ბოჩია ანთარისას გამოჩენისას.

ამბობდნენ რომ პალადის ცხენიდან ჩამოუსვლეულად შეეძლო ქალისთ-

ვის თავბრუს დახვევა; ხუტა ხეცია ქვეითად ახერხებდა ამას და ბოჩია ანთარია ჰორიზონტალურ მდგომარეობას ამჯობინებდა, მაგრამ ეს სამეფული ალექსანდრე დიუმას რომ გადააყროდა კავკასიაში მოგზაურობის დროს, მის ცნობილ მუსიკეტერებს გარაკვეულწილად დაეტყობოდა მათი ხასიათების ზეგავლენა.

ალეგრობას სისტემატურად სტუმრობდა აკადემიკოსი ილია ვეკუა ეგნატე ფიფიასა და ზუგდიდლების სიძის, ალბერტ თავხელიძის თანხლებით.

თვითონ დიდი მათემატიკოსი ახუთელი გახლდათ, მართალია თოდუას შეილი შეილი დედიო. ბავშვობაში პირველ საშუალო სკოლაში სწავლობდა შემეღეთელი ბიჭუნა და სპირიდონ კედიას დასთან, კატო მასწავლებელთან, მეგობრობდა.

ჩამომწკრივებოდნენ ჭადრების ხეივნის ორივე მხარეს გარიწკინებულგაკრიალებული ურმები.

ჯაკონიების თვალწარმტაცი უნაგირები და მოსართავები აჭიხინებდნენ სახურების ეტლებს შებმულ რაშებს.

იმ საღამოს თეთრად ათენებდა ყველა სიგრიძედაპობილ შემისგან დანთებულ კოცონებთან.

მომღევეო დღეს კი შეუდარებელი შეჯიბრებანი იმართებოდა რაფიელ ერისთავის ბიუსტის სიახლოვეს.

ორმოს ამოთხრიდნენ კაცის სიმალლისას. რიგ-რიგობით ძვრებოდნენ შიგნით ახლები თუ ჭარმაგნი. ფიცრებს გადააფარებდნენ, ზედ მიწას მიაყრიდნენ და გამძლეობაში ეჯიბრებოდნენ ერთმანეთს.

აქ გამარჯვებას არავის უთმობდა ვალოდია ანჯაფარიძე.

სცადა ერთხელ მისი დამარცხება აშორიდას კვიპატმა ბიჭმა. ორმოში შლანგით ჩასულიყო, მაგრამ მიწაყრილიდან თავი რომ ამოაჩივინა რეზინის მილმა, სიცილ-ხარხარით და გამაყრუებელი სტვენით გააძევეს არენიდან.

მოშორებით ულვაშებპარეხილი ჭეელები და ჩიხტიკოპიანი ასულები ცეკვა-თამაშში ეტოქებოდნენ ერთურთს ხაზალიების დოლ-გარმონის ხმაზე.

სარებზე სოსელიების ქოთნებს წამოაცვამდნენ. ათი-თორმეტი მეტრის მოშორებით ჩამწკრივებულებს, თვალებს აუხვედნენ შავი ქსოვილით, ხელში ნახევარი მეტრის კეტს მიაჩეხებდნენ, დაატრიალებდნენ სამგზის და ვინც იმ ჭურჭელს დაამტვრევდა, უცოლო თუ იყო, გასათხოვარი მზეთუნახავიც არ დაიწუნებდა.

გამარჯვებულებს საჭიროებისამებრ ასაჩუქრებდა ჟიური ჟორჟ ჯიჭონაიას თავმჯდომარეობით. ვისაც ქამარი აკლდა ფილუ ქამამიძის ნახელავს მიართმევდნენ; ვინც თავშიშველი იყო, პაშუ ჩანგელია დაახურებდა ქუდს თუ ყაბალახს. ვისაც ფეხსაცმელი გაცვეთოდა, საბანტარაშვილების აზიურებს ააჭრაჭუნებდა.

მნახველებს თვალს სტაცებდა ნაციონალურ ტანსაცმელში გამოწყობილი გერმანელი წარმოშობის ზუგდიდელი მოქალაქეები — ბიბი ზამბერგის მრავალრიცხოვანი ჯალაბი და თითივით გალოკილი ლუდუკ გაბანი.

ზამბერგები მებაღეები იყვნენ. მათი ჯადოქრული მაკრატლიანი ხელი ლა-

პარაკს აწყობინებდა ოდიშის სკვერებს და ბულვარებს, ხოლო ინჟინერი გაბანის ფანტაზიის ნაყოფი გახლდათ სასტუმრო „ოდში“, კინოთეატრი, ცირკი დღევანდელ „თეთარჩელას“ ტერიტორიაზე, რაიონული საავადმყოფო და კიდევ ვინ მოსთვლის.

ჭადრაკის დაფების სიმცირის გამო იმართებოდა კოლექტიური შეჯიბრებანი. გამარჯვებულნი გედებით სავსე ტბამდე უნდა მიეყვანა დამარცხებულებს. ამიტომაც კიკინებიან ნონას არავის უთმობდნენ მოკავშირედ ვალიკო მეუნარგიას გუნდის წევრები და რაღა გასაკვირია, მათი თრევისგან ზურგი ჰქონდა გადატყაული ხალხს.

იმართებოდა ცხენების ცეკვა-თამაში მიწაზე ერთმანეთისგან მოშორებით დაგებულ სამ ნაბადზე, სადაც ბადალი არ ჰყავდა საშა დარასელიას.

ორმოცდაათი ახალი ოჯახი მაინც შეიქმნებოდა ალეგრობაზე. მერედა, ღვინო იყო მოსაძიებელი, პურ-მარილი თუ თამაღები?! ჭადრების ხეივნის ერთ ბოლოს მამია გვათუა თუ ხელმძღვანელობდა, მეორეგან გვანჯი ჩიქვანი ბუბუნებდა. მთავარი სუფრა სტალინის ძეგლის აღმართვამდე რაფიელ ერისთავის ბიუსტთან იყო. ვინც უკეთესად გაუძღვებოდა პურობას, მომავალ ალეგრობაზეც ის ასწევდა პირველ ჰიქას. გამარჯვებულ ტოლუმბაშს ადგილმდებარეობის მონაცვლეობასთან ერთად, ბალათურიების დამზადებულ არშინიანი ყანწით დაასაჩუქრებდნენ.

გვანჯი ჩიქვანის პიროვნებაზე გვითქვამს ორიოდ სიტყვა ზემორე, მაგრამ აი, მამია გვათუას შესახებ აქამდე ხმის დაძვრის საშუალება არაფრით მოგვეცა და ბარემ აქვე გამოვასწორებთ უნებლიე დანაშაულს.

ახოვნებით, სწორედ გვანჯი ჩიქვანის მეტი ვერავინ დაეტოლებოდა ოდიშში მამია გვათუას, მაგრამ განსხვავებით თხელი გახლდათ და ყველას აკვირვებდა სუფრიდან გაუსვლელად სად იტევს ამდენ ღვინოს.

პაპანაქება ზაფხულშიც ჰალსტუხითა და კოსტუმით დადიოდა. თუ მზე მთლად უსაშველოდ აცხუნებდა, კოსტუმს მარცხენა ხელზე გადაიკიდებდა და ტაატით წასეირნდებოდა ქუჩა-ქუჩა. ძველი გიმნაზისტი უაქცენტო რუსულით ელაპარაკებოდა ჩრდილოეთელ სტუმრებს; ზამბერგებს და გაბანს დახვეწილი გერმანულით გაუბამდა საუბარს. ზუგდიდში ჩამობრძანებული „დიდოსტატის“ ავტორი მხოლოდ მამია გვათუასთან ჩერდებოდა და როგორც წესი, სუფრაზე თუ იგი არ თამაღობდა, ღვინოს პირს არ დააკარებდა. ამის გამო გარკვეულწილად ემდუროდნენ ბატონ კონსტანტინეს გვანჯი ჩიქვანი და კაკა ჟვანია.

სტალინის კულტთან ბრძოლით განაწყენებულ საქართველოში კულტურული ურთიერთობის განახლების სიო რომ დაიჩხა ჩრდილოეთიდან, ჭადრების ხეივანს და ბოტანიკურ ბაღსაც შეეხო მისი ქროლვა რამდენიმე საათით.

ქუთაისიდან დარეკეს რაიკომში, სადაც არის გამოგივლიან მწერალთა ჯგუფი ტვარდოვსკის ხელმძღვანელობით. გაუმასპინძლით, მაგრამ

ზუგდიდურს ნუ იზამთ, ხუთ საათზე სოხუმში იყვნენ! იქ დიდი ღონისძიებაა დანიშნული და თავი არ მოგვეკრათო.

დატრიალდნენ ცაიტნოტში ჩავარდნილი მასპინძლები ვახტანგ კაკაჩიას მესვეურებით. ცეკაში ინსტრუქტორად გადაყვანამდე მესამე მდივანი გახლდათ. გააჩალიჩეს თეთრი და შავი ნაბდები, ფილუ ძაძამიძის ვერცხლის ქამარ-ხანჯლები; კაპიტონ შანავას ჩონგურებს დაესესხნენ, პაშუ ჩანგელიას — კოლხურ ქუდეებს.

სუფრა ბოტანიკური ბაღის ტბისპირას გაშალეს.

კინაღამ ჩაიშალა სოხუმის ღონისძიება. აფორიაქებული გლაჟბა ტელეფონოგრამაზე ტელეფონოგრამას აგზავნიდა:

ნუ გვღუპავთ, ზუგდიდურს ნუ გვიშვებითო.

საქმე ის გახლდათ, რომ თამადად მოწვეულ მამია გვათუას ზეპირად ცოდნოდა დელეგაციის თითოეული წარმომადგენლის საქვეყნოდ აღიარებული ლექსი თუ პოემა. და როცა პერსონალურ სადღეგრძელოებზე მიდგა ჭერი, საკუთარი შემოქმედების ფონზე ადღეგრძელა თითოეული. ის კი არა, სრულიად უცნობი ინგა მარიცას ლექსიც რომ წარმოთქვა ზეპირად, ოთარ ოდიშელიასთან მოტიტინე ქალიშვილი გაოგნდა, ბავშვივით ატირდა სიხარულისგან. ეს სწეულება მალე სხვებსაც გადაედო. იცრემლებოდა დაჩოქილი, თეთრნაბდომოხურებული ტვარდოვსკი, ძაძამიას ქამარ-ხანჯლით წელდამშვენებული დალმატოვსკი, სხვანი და სხვანი.

ახალბედა პოეტესა მარიცას ხომ საერთაშორისო აღიარება მოუტანა პროვინციულ ქალაქში, სრულიად შეუმზადებელ გარემოში, მამია გვათუას ზეპირად წარმოთქმულმა ერთადერთმა ლექსმა.

აი, რანაირი ტრადიციების აღდგენაზე მსჯელობდა დორო ჯიქია, ბრგე აღნაგობის მოხუცი, გალიფე შარვლითა და კიტელით შემოსილი, გარეგნულად გულის მოსვლას რომ არ იმჩნევდა, მაგრამ შინაგანად ილონას ხალხის ქურაში შეგდებულ რკინის ნაჭერივით გავარვარებოდა სული.

დაზი ჩიქოვანის ჭადრაკის კლუბის მოპაექრეებს გადაავიწყდათ ტელევიზორის ჩართვა დიხამინჯიასგან განსხვავებით. ამ უკანასკნელს ხომ პარლამენტის მუშაობის თვალთვალს არაფერი ერჩინა. აბა, რა, მისი თაობის ადამიანები დედამიწის ბედ-ილბალს განაგებდნენ და ნუ აღივსებოდი სიამაყისგან!

გორბაჩოვი ცეკას რიგითი მდივანი ყოფილა საქართველოს რომ სწვევია სტუმრად. მოუნახულებია ისტორიული ფაზისი. სენაკის სამხატვრო გალერეაში შთაბეჭდილებათა წიგნში მრავლისმეტყველი ჩანაწერი დაუტოვებია. ამ ფაქსიმილესთვის ფოტო გადააღებინა მერე დირექტორმა ცომაიამ, გადაიდებინა და ზედ შემოსასვლელთან დაკიდა თავის გამოჩენის ნიშნად.

საქართველოს სიყვარული სხვა რამითაც დაამტკიცა მიხეილ სერგის ძემ. მოწმენდილ ცაზე მეხის გავარდნას ჰგავდა ედუარდ შევარდნაძის საგარეო საქმეთა მინისტრად დასახელება. ექსპერიმენტული საქართველო ვერ ელეოდა თავის მესვეურს, მაგრამ წინ თვალუწვდენელი ასპარეზი გადაშლი-

ლიყო. ესეც რომ არა, კრემლის ნომენკლატურული სავარძლისადმი სამი ათეული წლის ნოსტალგია ენითუთქმელი სიხარულით აქრუანტელებდნენ დიხამინჯიებს. ზოგს თვალეები ცრემლით ევსებოდა თავიანთი წინამძღოლის ცენტრალური ტელევიზიის ეკრანზე გამოჩენისას.

ამბობდნენ, სამ თვეს სამსახურიდან არ გამოსულა მამათის შვილიო.

პირველი მივლინებიდან დაბრუნებულმა აეროპორტის მეზაჟეებს თავად გადაუხსნა ხელბარგი და ხელქვეითი რას გააწყობდნენ, აქამდე დიპლომატის ხელშეუხებლობით გაყოფილებულნი, აღვირახსნილი პორნოგრაფიისა და ნარკოტიკის კონტრაბანდით. მინისტრს, მარტოეულს მოუწია მისვლა სამსახურში თურმე, ვინაიდან ორი ათეული თანამგზავრი პირდაპირ მურის გზას გაუყენეს გამოცარიელებულ ჩემოდნებთან ერთად, სადაც პეტიკო თოდუას თქმისა არ იყოს, კაცებს კლამენ.

იქიდან მოყოლებული საქართველოს დესპანმა კრემლში ვიშეგრადელი დიდი ვეზირის, სოკოლის, მსგავსად ხიდის აშენებას მიჰყო ხელი უნდობლობით გათიშულ მსოფლიოში.

ვინ იცის, რამდენგზის გადაუფრენია სამშობლოს მარადთოვლიანი მწვერვალებისთვის, მაგრამ ისე გაქაჩა საქმემ, ერთხელ ვერ მოიცალა მამულში ჩამოსასვლელად.

ეს იყო ფარული ომი სცილას და ქარიბდას შორის მოქცეული დობა-დონა-ხომალდის მშვიდობიანი ნავთსაყუდლისთვის.

ყოველ შემთხვევაში დაზი ჩიქოვანის საჭადრაკო კლუბის ბიჭებისგან განსხვავებით ასე აღიქვამდა დიხამინჯია კრემლში წარგზავნილი თანამემამულის მოღვაწეობას.

კაბინეტში საიმედოდ გამაგრებულ ქალაქკომის პირველ მდივანს თანამშრომლებთან საუბარში პირზე ეკერა ამბროსოვიჩის რეიგანისთვის მირთმეული ხმალი.

ირლანდიური წამომავლობის ეს კომედიოგრაფი პოლიტიკოსი მართლაც მოხიბლა ქართველი დიპლომატის გამჭრიახობამ. უსახსოვრებია მამაპაპური მახვილი და უთქვამს:

— აჰა, ბატონო როლანდ, განიარაღებულნი ვართ უკვეო.

შვილიშვილი შესძენოდა თურმე იმ დღეებში პრეზიდენტს და საბჭოეთელმა მინისტრმაც ღიმილით ჰკითხა:

— როგორ მოგილოცოთ, თქვენებურად თუ ჩვენი წესითო.

— თქვენიო, — შეპასუხებია რეიგანი.

მაშინ მიახლოვებია ჭიქაშემართული მამათელი და ზომიერად აუწევია ყური ბიჭუნას ბაბუასთვის.

ეს ყველაფერი „ნიუ იორკ თაიმსის“ სვეტებში როდი ამოუკითხავს როლანდ დიხამინჯიას. ოთხციფრიანი ტელეფონით შეუტყვია მსოფლიო ხმაურს

უკეთესად მიჩერებული ხალხისგან და მუშტი მუხლისთავზე უბაგუნებია სიხარულისგან.

გამალებულმა ორმხრივმა შეიარაღებამ ყოჩებს დამსგავსებული მსოფლიო სოციალური კატასტროფის ჩიხში რომ შეიყვანა, შეუიარაღებელი თვალითაც აღიქმებოდა:

მილიარდობით დოლარს გაიღებდა შეერთებული შტატების ხაზინა სამხედრო კომპლექსის უძღვები ბუნების დასაკმაყოფილებლად. უაზროდ გახარჯული ეს თანხა სამას საქართველოს ფეხზე ფეხგადადებულს აცხოვრებდა მთელს წელიწადს.

უფასო გარანტიების ქვეყნად ცხადდებოდა საბჭოეთი და დროთა ვითარებაში მილიტარისტების ანკესებზე წამოგება მისი შემოქმედებითი პოტენციალი სავსებით გამოფიტა.

ადამიანებმა იქით და აქეთ დაჰკარგეს უმთავრესი ღირსება, რითაც გამორჩეულია ცხოველთა სამყაროსგან — ადამიანურობა; ურთიერთგანადგურების შიშის თავსასთუმალზე მისვენებული კოშმარული სიზმრების ტყეობაში აღმოჩნდნენ და თუ საშველი არსაიდან გამოჩნდებოდა, ატომური ბომბის აუფეთქებლადაც განწირული იყვნენ სულიერი გახლეჩისათვის, შიზოფრენიას რომ ეძახიან ფსიქიატრები.

ყველა მარცვალი კი ამ უსასტიკესი ორმხრივი უნდობლობისა, ბერლინის კედელს ეჯახებოდა და უკუიქცეოდა შეყრილი ცერცვივით. განგებამ ისე მოაწყო, ქართველის აღმართული ზღუდე ქართველსვე უნდა დაეღწეა, მაგრამ დიხამინჯიასგან განსხვავებით, ყოველივე დაზი ჩიქოვანის კლუბის ბიჭებისგან საწინააღმდეგო შინაარსით იზიფრებოდა.

— ექსპერიმენტული საქართველო ტრამპლინი იყო მისთვის საერთაშორისო ასპარეზის მოსაპოვებლადო, — ასეთნაირი ასოთხმოცი გრადუსით შემოატრიალებდნენ დიხამინჯიას ვარაუდებს საბჭოთა კავშირის საგარეო საქმეთა მინისტრის ფასდაუდებელ ღვაწლზე მსოფლიო განიარაღების საქმეში.

— ნიკიტას ათიმთიმებულ ლოყაზე კოცნას არ მორიდებია იგი გვირგვინისკენ მიმავალი ბილიკების გასაკაფავად, — დულდნენ მაჭრები, — ნახევარ საქართველოს ცხრაკლიტულებში უკრა თავი კორუფციასთან ბრძოლის საბაბით, რათა მისი პიროვნება უკეთ დანახულიყო, თორემ რა აზრი აქვს ფრჩხილისოდენა რესპუბლიკიდან ებრძოლო საბჭოეთის გიგანტი სხეულის მომწამლავ მექრთამეობას? ეს ხომ ავანტურასთან ერთად აბსურდია, ნონსენსიო, — ასეც იტყოდნენ.

თვითმფრინავის გამტაცებლების დახვრეტას ხომ დღეში ხუთგზის მანც დაატრიალებდნენ. განსაკუთრებით ჩიხლაძე მღვდლის გაწირვის გამო წიწმატობდნენ, რომელსაც დანაშაულში ფიზიკური მონაწილეობა არც მიუღია,

კვეკვესკირის თავის გაგორებაში პეკეტეში გამომწვეული როკის დადანაშა-
ულებისა არ იყოს.

ეროვნული მოძრაობის შეუდარებელ მესაფლავეს ეძახდნენ და დიხაც
იმსახურებდნენ უფროსი თაობის საყვედურებს დორა ჯიქიას თამადაობით.

— თქვენ, შვილებო, ყველაფერს ვარდისფერი სათვალეებით უმზერთ, —
ასრულებდა საუბარს ძალვას შთამომავალი, — ამერიკის და ევროპის მონურ
ტყეობაში მოქცეულხართ. აღმერთებთ იქაურ საეჭვო ფასეულებებს და გმობთ
ჩვენს ჭეშმარიტს. ჩვენ ის თაობა ვართ, მჭადით და ლობიოთი რომ გავდიო-
დით ფონს, თქვენსავით გოგლიმოგლით არ გვიცხონებია სტომაქი, მაგრამ ჰ
იტლერის გერმანიას ხომ დავამხეთ რაიხსტაგი თავზე?! რომ არა ჩვენი თავდა-
დება და ძალისხმევა დღეს პორცერების და ზამბერგების მონები იქნებოდით.

— რუსის მონობას ყველაფერი ჯობია, — თქვა რენო ალშიბაიამ.

— მონობას არ ახასიათებს მეტნაკლებობა. მისი ზნედაცემულობის პი-
კი საკუთარი ძალების შეექვებასთან გადის. რა მნიშვნელობა აქვს რომელს
ემონები: თათარს, რუსს, გერმანელს თუ ამერიკელს, როცა ყველა შემთხვე-
ვაში შენი სული, შენი მეობა გაჩანაგებულია, გასწორებულია მიწასთან? —
ალაპარაკდა აქამდე გაჩუმებული პილა გეთია, — საკუთარი თავის მონობა
უსაზიზღრესია ამათ შორის, რადგანაც ვერასდროს გადაგიდგამს გაბედუ-
ლი ნაბიჯი სამშობლოს სასარგებლოდ.

განა საკუთარი თავის მონობა არ არის ჯილაძე თავადის მიერ თორმე-
ტი მღვდლის მიყიდვა თურქებისთვის საუკუნეების წინანდელ ოდიშში?!

მისიონერის სიტყვებს თუ ვერწმუნებით, იქამდე გადაგვარებულიყო ჩვენი
საზოგადოება, ცოლსაც კი იმეტებდა ზოგი ქმარი სტამბოლის ბაზარში
გასაყიდად. რამე მაღალი იდელებისთვის კი არა, ვთქვათ და ზურაბის სურამის
ციხეში ჩაშენება რომაა. გეკადრებათ?! უბრალოდ, კუჭის მოთხოვნილების და-
საკმაყოფილებლად.

გასამრჩელოს სამად ჰყოფდა თურმე გულისხმიერი მეუღლე. ერთ წილს
თავადს მიართმევდა, მეორეს — ქალის მშობლებს და მესამეს თვითონ იტო-
ვებდა. ახლა ავხსნათ რამდენი უნდა ყოფილიყო ის თანხა, როცა თურქეთის
ბაზარზე ტყეების სიტარბის გამო ქართველი ჭაბუკი ათი-თორმეტი მანეთი
ღირდა და ულამაზესი ასული — თვრამეტი-ოცი. ისეთი რა საზრდო უნდა
ეშოვა ერთბაშად იმ გარეწარს, საკუთარი ცხოვრება უზრუნველყო მთელი
სიცოცხლის მანძილზე უმდაბლესი ზნედაცემულობის ფასად?! შეიძლება კი
ამისთანა ქვეყანა თავისუფალი იყოს, გნებავთ გარშემო არათუ იარაღის მოყ-
დარუნე, წყლის მიმწოდებელი ერთი მეზობელიც არ ჭაჭანებდეს?!

უწინარესი მონობა საკუთარი ბუნებიდან მოდის. როგორც კი სხვის ჭინ-
ქებს გაადროშებ და მამაპაპურს, ათასწლეულობით გამობრძმედილს თვალს და-
უხუჭავ, ყურს დაუხშობ, უკვე განწირული ხარ მონობის უღლისთვის, მაგრამ
დღედაღამ ეროვნული, ჯანსაღი ტრადიციებით თუ იკვებები; ჩახრინწებული

ჯაზებისა და როკების მაგივრად, „ოდოიათი“, „ლილეოთი“ თუ „მრავალუმიერიოთ“ იმწყურვალეზ სულს, ვერანაირი ხაჯალურიზ დავიმონებს, დადიანურია ეს თუ რუსულ-ამერიკული, — დამოძღვრა ჭეელები პილა გეთიამ.

ჯანჯასებული ქათქათა უღვაშები გოროზ შესახედაობას ანიჭებდა ტანად მომცროს, და დღენიდაგ გაცისკროვნებული თაფლისფერი თვალებით, წყლისა და ზეთის იშვიათ ნაზავს ჰგავდა.

ასეთი კამათი პირველი და უკანასკნელი არ გახლდათ დაზი ჩიქოვანის საუფლოში. როდესაც ჯერი სამშობლოს რეალური განთავისუფლების გზებსა და მეთოდებზე მიდგებოდა, პაექრობის მოსმენა შეუძლებელი ხდებოდა, რადგანაც ცხოვრებაში ახალფეხ შედგმულს თუ ჭიპმოჭრილს, ერთდროულად ეწადა თავისი ერთადერთი სიმართლის წარმოჩენა.

ამ დროს კლუბი ზუგდიდის სადღესასწაულო ბაზარს ემსგავსებოდა. აქ კი მართლაც მოთმინების ფილა ავესებოდა ოცდამეერთე საუკუნის ჭადრაკის ჯადოქარს. მუშტებს დაუშენდა მაგიდას და ყალყზე დგებოდნენ ფიცხელი მერნები თუ თვინიერი პაიკები, თუმცა დღეს იქით დაასწრო მოვლენებს. ისარგებლა ქარიშხლის ამოვარდნის წინ გამეფებული დროებითი სიჩუმით და სიტუაციის სადავეები ხელთ იგდო.

— არც დამატებებს და შესწორებებს ვარქმევ ჩემ საუბარს, — დაზი ჩიქოვანი ლათინურ ფრაზებსაც იშველიებდა ფურორის მოსახდენად, — ფუტუფე უე სწკპუტუფე-ს, არც სრული სახით აღდგენას — *integrum restitutio*-ს და არც კიდევ მარადიული ცხოვრებისათვის — *Ad vitam aeternam*-ს, უბრალოა ჩემი გადაწყვეტილება, უმარტივესი და უკეთილშობილესი — ვეზირი! დიახ, ამ თემით შემოვიფარგლები არსებითად და გთხოვთ, პოლიტიკური ბატალიები ცოტა ხნით განზე გადავდოთ.

სწორედ ვეზირის ნაკლებობაა საკაცობრიო თამაშის რესტავრაციის მიზეზთა მიზეზი, ამხ... ბატონებო, ამ ათას ხუთასი წლის შემდეგ.

ვეზირის სარბიელი მხალოდ ქართული სახელმწიფოებრიობის გაძლოლით როდი ამოწურებოდა. ერის მამანი იყვნენ ისინი ყველგან, ინდოეთსა თუ ეგვიპტეში, ჩინეთსა თუ იაპონიაში, რომსა თუ ნიდერლანდებში.

ვეზირის სამკურნალოა ყოველივე, რაც წამომუხლებას მოითხოვს: ჩამომტვრეული ტოტია ეს თუ ნაშალი ციხე-სიმაგრე, ობლის კვერი თუ დროშებწართმეული სამშობლო!

ტახტი უმეტეს შემთხვევაში მემკვიდრეობით გადადიოდა ნიჭიერი და გულადი მეფიდან ბატისტინა, უნიათო უფლისწულში. მშობლის მოხუნულს მემკვიდრე ტკეპნიდა, სახელმწიფო ამიტომაც ვერ მიიწეოდა წინ.

ვეზირი კი პიროვნული ღირსებების და უნარების შედგეგია ყველგან და ყოველთვის, და აი, ერთ მშვენიერ დღეს ჩემს სიხარულს საზღვარი წაეშალა.

— ჯიბო საღორიელმა რომ გთეთქვა მანამდე თუ მერე? — ახიხინდა კვეკვე ანთარია, მაგრამ ფიფია და მიქავა აჯუჯლუნდნენ და ენამასწრამაც იყუჩა.

— სუფთა ქალაღზე უნებლიეთ საკმად პრპორციული კვდრატის ავავე და ნელ-ნელა შევუღეჟი მის ცხრა ტოლ ნაწილად დყოფას.

ჩემს წინაშე აღმოჩნდა ცხრა განზომილებიანი ცხრილი. თვალის ერთი შევლებითაც მყსვე მივაგენი მე ამ გეომეტრიული სხეულის ჭიპს, რომელიც, უკვე ჭადრაკის ენაზე თუ ვიტყვით, უ 5-ის ეკვივალენტურია.

მთელი არსებით მივაჩერდი ამ მდგრად და უძრავ წერტილს, როგორც სამყაროს, იდეათა საშოს, ყოველგვარი სიდიდის საყრდენს და სამკვიდრობელს. მერე თანდათან დავიწყე უჯრების შეფერადება ჰორიზონტალ-ვერტიკალის მიმართულებით.

ჩემდა საკვირველად აწ უ 5-მა უჯრამ კოორდინატთა სისტემის ღერძის თვისება აიტვირთა და მის გარშემო რვა-რვა უჯრა დაჯდა უნებლიეთ.

მე არ გამძნელებია მისი ამოცნობა. ეს გახლდათ ტიპური ჯვარი, სტატეკური მდგომარეობაში, სწორედ ისეთი, როგორზედაც ეცვა ჩვენი უფალი იესო ქრისტე.

რატომღაც დიდხანს შევრჩი თეოლოგიურ ჭკრეტას და მოულოდნელად მონუმენტური ჯვარი ადგილიდან იძრა. დიახ, აშკარად, თვალნათლივ ამოძრავდა საათის ისრების სვლის საწინააღმდეგოდ.

მე გული შემეკუმშა უნებურად, რადგანაც ოდესღაც, ძილ-ბუჟრანსა თუ ნახევრადცხადში, გნებავთ, ჰალუცინაციებით ჰყრობილს, უკვე აშკარად რეალურში მეხმიანებოდა ოდინდელი მოლანდება, ხორცს ისხამდა სულ სხვა ბუნებით, მუნჯის ენაზე მეღაპარაკებოდა ძეობილს და იძრა იგი, ტლანქი, მოუხეშავი ჯვარი, და ერთიანად დაძაგრული, კინკრისხსა თუ თხემზე თმააჯაგრული გაფაციცებით მივადევნებდი თვალს ამ უცნაურ მეტამორფოზას ფარატინა ქალაღზე.

გაოცებათა მწკრივს ახლა უპირატესი გულისძგერის გამხშირებელი განცდაც მოეძალა, ვინაიდან კოორდინატთა სისტემა თითქოს ერთბაშად გამომეცალა ხელიდან, თითქოს წამერთვა თვალწინმდებარე გასაგნებული ჯვრის სიმეტრია. იგი მთელი ორმოცდახუთი გრადუსით გადაიხარა ნ ღერძის უარყოფით სივრცეში, წაერთვა წელანდელი სიზვიადე, სიმდგრადე, აუმღვრველობა; წავიწროვდა, წაგრძელდა თითქოს და აქამდე კვდრატის ცენტრიდან რომ მიმზერდა მომწუსხველი აკადემიზმით თუ თავისთავში დაუნჯებული სიმშვიდით, საკვირველი სიბასრით აღიჭურვა, აი, ხორცსაკევის მანქანის ენას რომ ახასიათებს, იმგვარად. თანაც შავ-თეთრი უჯრების კანონზომიერი მონაცვლეობა განქარდა უმაღესად. უკვე სრულიად აშკარად, სრულიად ხელშესახებად საჩინოვდებოდა ჩემთვის კვდრატის დიაგონალებზე დამკვიდრებული ჯვრის ჩარუხებული სილუეტი და მაშინ უნებლიეთ ნიკაპი ამითრთოლდა: თვალნათლივ ვიგრძენ როგორ შემეხო უფლის ხელი და სული, აბრეშუმის ქსოვილზე სანდომიანი და სათნო.

— საწყალი! — ჩაილაპარაკა კვეკე ანთარია, მაგრამ კლუბის პრეზიდენტი ქარავნის კვლობაზე მანაც განაგრძობდა:

— მე უკვე აშკარაზე აშკარად ვამჩნევდი მარადიული მოძრაობის კანონს, რომელიც არც კი ვიცი რა ძალამ აამოქმედა ჩემს თვალწინ, ჩემს არსებაში, ზენაარმა თუ ყმაწვილობის კომმარულ სიზმარში გამოცხადებულმა.

არ ვჩქარობდი აბსტრაქტულად გამოსახული ჯვრის მეზობელი უჯრების შეფერადებას. არა, ნამდვილად არ ვსულსწრაფობდი და მოგვიანებით ჩემს ნაღვაწ უჯრედებიან სივრცეს რომ დავხედე:

ჭადრაკი! ჭადრაკი! მიკვილა გონებამ. დიახ, ცხრაგანზომილებიანი ჭადრაკი გაცოცხლებულიყო ჩემს წინაშე და უკვე წინასწარმეტყველის ტკბობით ვესათუთებოდი. აწ არ გამჭირვებია წარმოსახვითვე ტრადიციულთან მისი დატოლება. არაფრად ვაგდებდი მორჩენილ კვადრატებს, რადგანაც ვიცოდი, ადრე თუ გვიან ისინი ჭადრაკის ფუნქციით დაიტვირთებოდნენ. დიაგონალური ჯვარი კი თავისთვის ბრუნავდა და ბრუნავდა.

ჯვარი ქრისტიანული როდია ამს... ქს-ქს... ბატონებო. მისი ძირები უხსოვრობაში იკარგება. მხოლოდ ჯვრის ტრიალით წარმოიქმნება ბორჯღალი ფიერვერკებზე რომ გვიხილავს მექსიკურ ფილმებში მოაქროვილი კულდებით კომუკების თავზე. ჯვარი იგივე ადამიანია თავისი ანითა და ჰოეთი.

აქ მოყოლილის მთელი არსებით განცდისას „ყურანი“ ამიყმუვლდა ყურებში აზიური დოგმატიზმით:

„ჯოჯოხეთში ჩააგდეთ ყოველი ინდიანი ურჯულო, რომელიც კეთილის წინააღმდეგი იყო, სჯულთა არღვევდა და იჭენეულობდა, რომელიც ღვთის თანაბრად სხვა ღმერთებს ამკვიდრებდა, საშინელ ტანჯვაში ჩააგდეთ ეგეო“, მაგრამ როგორ, რანაირად შეეჩერებულებიყავი, როცა ჯვარი ჯორდანოსებურად ბრუნავდა?!

ისე კი ჩაგდებულია და მერე როგორ, მუსულმანურ თუ ქრისტიანულ ჯოჯოხეთში კაცობრიობა სრული, ჯვრის პრინციპებიდან გადახვევის გამო, ანუ სიმეტრიული ცხოვრების უარყოფის წყალობით.

დისჰარმონიული გახდა ჩვენი გონებრივი და ფიზიკური შესაძლებლობანი, დასცილდნენ ერთმანეთს.

სინქრონულობა წაერთვა სულიერს და მატერიალურს.

საკუთარი ხელით შექმნილმა ურჩხულმა ყელში წაუჭირა შემოქმედს თვისას. ლამის არის სული ამოხადოს და კუვეიტის ნავთობი, რომელიც კუვეიტში ამოიქაჩება, სავალალოდ მხოლოდ კუვეიტის აფავებას ხმარდება, თითქოს და დედამიწის დანარჩენი მოსახლეობის საკუთრება არ იყოს.

ასიმეტრიულია ჩვენი ცხოვრება მრავალი ასპექტით, მაგრამ როცა სწეულება დადგენილია, დიაგნოზი — დასმული და წამლის რეცეპტიც ხელთა გვაქვს, ვფიქრობ, იმ უმბარი საშუალებათა დამზადება საერთო ძალისხმევით არ გაძნელდება.

— ეგ ყველაფერი კარგი, მაგრამ თავისუფლება? საით წავიდეს, რა ილონოს ჩვენმა ქვეყანამ ვეშაპების გარემოცვაში? — იკითხა გაბო მიქავამ.

— მაცალეთ და მაგაზეც მოგახსენებთ, — დაზი ჩიქოვანი ჭადრაკის დაფანტულ ფიგურებს დაფაზე განლაგებდა, თან სიცილი-სიცილით საუბარსაც არ წყვეტდა, — მე ჩინებულად მესმის როგორ ამიხიროდებიან ჭადრაკის მწარმოებელი ფირმები და მაგნატები, რომელთაც უკვე ათასობით ყუთი დაუმზადებიათ, მართალია, შეფერადება ვერ მოუხწრიათ.

— ისინი რამდენადმე მოგებულნი დარჩებიან, — თქვა კვეკვე ანთარიამ.

— აბა?! — დაუმოწმა დაზი ჩიქოვანმაც, — გამოთვლილია ჭადრაკის ყუთის სიგრძისა და ფიგურების პროპორციული შეთანაწყობა, რომელსაც ჩემი თეორია ხელის ერთი მოსმით აცამტვერებს. ნიავე-ქარს ატანს მათ ბიზნესურზრახვებს: ძველი, სამოცდაოთხეულობის უჯრის დაფის თუნდაც ოთხმოცდაერთ მონაკვეთად დაყოფის შემთხვევაში ოთხი ფიგურის წამატების გამო წინდებული გაბარიტებით თამაში მოუხერხებელი ხდება. საჭირო შეიქმნება ახალი კოლოფის დამზადება, ან თავად ამ ფიგურათა პარამეტრების შემცირება, მოკლედ, ერთ-ერთს უსათუოდ უნდა შეეღიონ ისინი, მთლად რომ არ გაკოტრდნენ.

უფრო რთულად წაგვივა საქმე უშუალოდ გროსმაისტერებთან, ოსტატებთან, კომპოზიტორებთან, თვით ლიფსიტებთანაც კი; ერთი სიტყვით, თუკი ბიზნესმენები ვითარებიდან გამოინარე, სწრაფად აუღებენ სიტუაციას ალღოს, სხვებთან გაგვიჭირდება შეჩვეული ჭირის გადათქმევილება, რომლებიც ათას ხუთასი წელიწადია შეეთვისნენ თავიანთი იდეების სამოცდაოთხეულობის უჯრაში დემონსტრირებას.

აბა, როგორ, ლამის აბსოლუტურ ჭეშმარიტებად მერაცხული კომპოზიციები, თვალწარმატები ამოცანები და ეტიუდები თითქოს პატივაცხილი წარმოჩინდება და ცხადია, ჩვენც მეტი სიფრთხილე გვმართებს, მათი არც თუ უსაფუძვლო თავდასხმებისას, მაგრამ ჭეშმარიტების დადგენის ყამს არასოდეს მიუგდებენ ყურს სავარაუდო შედეგებს, ვინაიდან ჭეშმარიტება არ ცნობს გარემომცველი სამყაროს სიმპათია-ანტიპათიას; ჭეშმარიტება დატვირთული ქარავანის მსგავსად ჯიუტად მიაბოტებს არჩეული გზით და ქოფაკების გულისგამწვრილებელ ღვედავს აინუნშიაც არ აგდებს, თუმცა გენიოსები ხელად იწოსავენ არსებითის ყოვლისმომცველობას; გნებავს თუ არა, შენი თანამგზავრები ხდებიან. რომელი ბორკილით აპირებ მერე მათ დაოკებას, უჩინარით თუ ხილულით?! უმაქნისია ორივე. მით უფრო მორფები, ტალღები, ფიშერები და კასპაროვები და კიდევ ვინ მოსთვლის, რამდენი, ამ ცხელ გულზე რომ არ მახსენდება, ირეალურის თუ ცხადის საწიეროდან გაფაციცებით შემოჯარვიან ახლა საბრძოლო არენას და მოუთმენლად ელიან წამოჭრილი საკითხის გადაწყვეტას.

მე ვგრძობ უკიდურეს მოვალეობას წარსულისა და მომავლის წინაშე და თვალსაც არ ვახამამებ ისე, სიყვარულითა და პატივისცემით მიმოვსწევ ტრადიციული ჭადრაკის ჩარჩოებს, ორ-ორ ფიგურას წაგუმატებ საომარ ლელოს და ვქმნი სამყაროსიეულ მოდუსს, რომელიც ყველაფრის მომცველია, ანგრევს დედამიწის მიზიდულობის კანონს და კოსმოსური ხომალდით იჭრება სივრცეში, რამეთუ თავად სამყაროს კანონზომიერებათა გათვალისწინებითა იგი ნაკარნახევ-ნაბრძანები და არა ვინმე საერთაშორისო ოსტატის — დაზი ჩიქოვანის ახირებულობით.

ბიჭებმა და ხანდაზმულებმა მხოლოდ ახლა შენიშნეს თვითნაკეთი დავა, ორი უჩვეულო ფიგურათი მეფეთა ხელმარჯვნივ, მიავიწყდათ დროებით საქართველოს თავისუფლების პრობლემები და გაფაციცებით მიაჩერდნენ ოცდამეერთე საუკუნის ჭადრაკს.

— მაშ, ასე, მიგვეთ მსჯელობათა ჯაჭვს, — დაზი ჩიქოვანს მყარად ჰქონდა გადაწყვეტილი, სანამ სათქმელს ბოლომდე არ მოილეგდა, ტრიბუნას არაფრით დათმობდა, საამისოდ თუნდაც საზოგადოების ქუჩაში გაყრა დასჭირებოდა და ცარიელი კედლებისთვის ესათქმებინა სიტყვები, — ჭადრაკი ცხოვრების მიკრომოდელი რომ არის, დიახაც მოეხსენებოდა მის კონგენიალურ შემქმნელს, რომელმაც ყოველ უჯრაში გაორმაგებული ხორბლის მარცვლი მოითხოვა ყუყჩი რაჯასგან და რა დღეშიც ჩავარდა სამეფო კარი იმ ერთი მარცვლის გამო, მთელი მსოფლიოსთვისაა ცნობილია. არა, ამ... ჰმ, ჰმ, ბატონებო, დანარჩენი ჩვიდმეტ უჯრისათვის მე მანეთს ვინებებდი თითოეულში, ოღონდ — გასამაგებით, ანუ ასოთხმოცდაშვიდ მილიონ და რაღაც კაპიკებს, რადგანაც ასჩვიდმეტ მანეთხელფასიანი კაცისთვის არანაკლები საზღაური იქნება ფვ რუტუკუმთ ესე. ამისთანა თანხა იგივეა, რაც კოსმოსური ხომალდი ააწაპნო საბჭოეთს, გნებათ — შტატებს. ნუთუ ჰკუადაუნჯებული მსოფლიო ისე გაწუწუკდება, რომ დაზი ჩიქოვანისთვის ეს მიზეზური თანხა შეინანოს?! პირიქით თუ მოხდა ვიტყვი, არა, ა... ბატონებო-მეთქი, ერთობ გადარბებულა ჩვენი პლანეტა და მეც გეგმებს ოცდამეერთე საუკუნისთვის გადავებ. მოკლედ, ხუმრობა იქით და დავსქენ იმას, რომ ტრადიციულ ჭადრაკის მეფეს გააჩნია ორი მხარე: ილბლიანი და უილბლო, მარჯვე და მოხერხებული, როგორც ნებისმიერ ადამიანს საერთოდ. ამისთანა მხარე ჩვენს შეისხაც მოეძევა მოკლე როქის მიმართულებით, — ამბობდა დაზი ჩიქოვანი და თვალსაჩინოებისთვის კედელზე მიკრულ დაფაზე ფიგურებს დაასრიალებდა, — მხედრის ბარიერებს გადავლება, კუს გაოჩიალება და მოკლე როქით იგი სამშვიდობოსაა საომარი ბატალიებიდან.

მეფის კარზე დედოფალზე პრივილეგირებული პიროვნება გამორიცხულია. ყოველ კუთხე-კუნჭულს წვედება მისი გამჭოლი მზერა. დედოფლის ნება-სურვილზეა დამოკიდებული მინისტრების დანიშვნები თუ მოძრობანი, იოანე ნათლისმცემლის თავის გაგორება და ვინ მოსთვლის, მაგრამ ლაზიერი

უსუსურია მხედრის მიმართებაში. იგი ჭირივით ვერ ჰგუობს ამ ჯიშთან ულახს, რადგან ერთი ჰორიზონტალიდან მეორეზე გადახტომა არ ემარჯვება, აღარ შეუძლია. მისთვის კუნძისხელა წინაღობაც კი კავკასიონის მთაგრეხილია. ლაზიერი ხომ კუსა და ეტლის კომპოზიტია?! მაშ, რატომ დარჩა მხედრის სვლები უფუნქციოდ? რატომ არ გაითვალისწინა ეს ჩემმა გენიოსმა წინამორბედმა? — დაზი ჩიქოვანმა მსმენელებს თვალი მოავლო და როცა დარწმუნდა, დამსწრე საზოგადოება თვით პროფესორ როინ ბერულავას ჩათვლით, მოსათმენ დონეზე უგდებდა ყურს, მეტი სითამამით განაგრძო, — როგორც ჩანს, ათას ხუთასი წლის წინათ მან ჩინებულად გათვალა დაზი ჩიქოვანის ერთობ შეჭირვებული მდგომარეობა, სამი ქალიშვილი გასამზიითვი რომ მყავს და მცირედი საზრდო დამიტოვა, თორემ განა თავად გაუჭირდებოდა საქმის დამში მოყვანა?!

მართალია, იტალიელმა პიეტრომ დამასწრო სამასი წლის მიღმა და ეტლს პლუს მხედარს კამპიონი უწოდა, თუმცა იგი არ არის იმ ლოგიკით გახედნილი, რომელი ლოგიკითაც დაზი ჩიქოვანი აღაშენებს იპოდრომებს მომავლის ჭადრაკისათვის.

ლაზიერი ერთადერთი ფიგურაა, აინშტაინისებური ფარდობითი განუსაზღვრელობით რომ დაქრის ჭადრაკის უკიდევანო სივრცეში, და რახან დავუშვით გამონაკლისი მხედრისთვის, რაღა მაინცდამაინც სუსტის გამონაკლისი?!

მაშ, ვინ უნდა დაუპირისპირდეს ლამაზოკჭება დედოფლის კაპრიზებს? ეტლის წყვილეული?! არაფერიც, ბატონებო! სიბრძნით და გონიერებით დამძიმებული ვეზირი, რომელიც მაჯაზე იხვევს სახელმწიფოს წარმართვის ყველა ძირითად აღვირს.

ხანდახან მას თავისდახრაც მოუწევს მეფის წინაშე დედოფლის ანჩხლობათა გამო, მაგრამ მხოლოდ წამიერად, ვინაიდან საქვეყნო საქმენი დიახაც მოითხოვენ მისგან საზრიან ქმედებებს, გნებავთ საკუთარი თავის გადახტომა რომ ჰქვია სახელად, და აი, იშვიათი ფხიანობის წყალობით ვეზირი მართკუთხოვანი მალაყბით ახერხებდა და ახერხებს, როგორც საკუთარი, ისე — ქვეყნის თავ-კისრის ერთიანობას.

მაშ, ასე, მომავლის ჭადრაკის დაფაზე ფიგურებმა მიმოიხედეს და იცოტავეს არენა, — დაზი ჩიქოვანს სამოცდაოთხუკრიანის გვერდით მომავლის ჭადრაკიც გამოემზეურებინა. ფიგურებიც ისე განელაგებინა, როგორც ჩვეულებრივ ჭადრაკზეა, — თანდათან ჩაჩოჩდნენ მეფის მაგნიტური არედან. ან რა შეუსაბამობაა, როგორი ანაქრონიზმი? დედოფალი მეფის გვერდით კანონზომიერია, მაგრამ ვინ არის კუ, თანაც ხელმარჯვნივ, ღვთიურ ადგილას?! აი, ვეზირი კი სულ სხვა ამბავია. მოკლედ, როცა ფიგურებმა ძალდაუტანებლად იწყეს ადგილმონაცვლეობა, მეფეთა ხელმარჯვნივ დინჯის ნაბიჯებით დამკვიდრდნენ ქვეყნის გონივრულად წარმმართველი ვეზირები და

უკვე მომავლის ჭადრაკმა აბსოლუტური წონასწორობით გაიზმორა, — გაცრეცილი კოსტუმის ჯიბიდან თვითნაკეთი ვეზირების შავი და თეთრი ფიგურები ამოიღო, ცარიელ უჯრებზე მიამაგრა, — როგორც შენიშნეთ, მეფე სასწორის ღერძის პირველი და მეცხრე ჰორიზონტალების ცენტრში მოექცა და სრულიად სამართლიანად აღადგინა ჭადრაკზე მსაჯულის წლობით მივიწყებული უფლებამოსილებანი.

ახლა განვსაზღვროთ ხელმწიფესთვის რომელი ფრთაა უფრო მთავარი?

სამეფო კარზე უკვე დედოფალი არ არის აბსოლუტური ფიგურა. მას აქამდეც აკლდა მხედრის მოხერხებულობა, მაგრამ მობრძანდა გამჭოლითობას მოკლებული ვეზირი, სამაგიეროდ უსაფრთხოების წრეწირის შემომხაზველი საკუთარი ხელისუფალის გარშემო, და ლაზიერის თავნებობაც რამდენადმე აილაგმა.

აბსოლუტური არც ვეზირია საჭადრაკო სივრცეში: მხედრის გადახტომებით აღჭურვილს აკლია კუს სიბასრე, თუმცა მართკუთხოვნი აზროვნებით ცხებულ ვეზირს სასწაულების დატრიალება ძალუძს, როგორც ჭადრაკის დაფაზე, ისე — რეალურ ცხოვრებაშიც.

ამასობაში მომავლის ჭადრაკის ბუნებიდან გამომდინარე დედოფლის გვერდით ადგილები გაცვალეს მხედარმა და ოფიცერმა და დაჭიმული მშვილდ-ისრის მოლოდინით გაირინდა ჩაყურსული საომარი ლელო. მხედრის თვისებით აღკაზმულ ვეზირს ეიოლება თავისი მეფისთვის სივრცის უმაღესი გამონთავისუფლება, ასე რომ, მოკლე როქი აქაც ძალაში რჩება შინაარსობრივად. ასევე ჰორიზონტალგამოტოვებით მხედრის მეტს რომელს შეეძლება მკერდზე აეფაროს მეფე თვისას?! — კითხვიანი მზერა მოავლო და გაბრუნებული მსმენელებით გულმოცემულმა თვითვე უპასუხა, — არავის, ვეზირის მეტს, ბატონებო! მოჭრილად რომ ვთქვათ, ჭადრაკის დაფაზე დამყარდა აბსოლუტური წონასწორობა. ორ-ფრთად, მეფის და ლაზიერისად დაყოფილი ტრადიციული ჭადრაკი სიმეტრიულ ღერძზე, მეფის იდეალზე დამყარებულ მომავლის ჭადრაკად მოგვევლინა, — როცა ამას ამბობდა აღელვებული მიმოდინდა დაფებს შორის და მოკლე, პრილა ჯოხით სინათლე შეჭქონდა გადამლღელ საუბარში, — მეფეები პირველი და მეცხრე ჰორიზონტალების ცენტრშია, დედოფლების ინტრიგებსა და ვეზირთა გონიერებას შუა, მაგრამ როგორც აღვნიშნეთ, მაცხოვარს საერთოდ მარჯვენა მხარე გაცილებით ეილბლიანება და აქაც ვეზირი უკეთესი საყრდენი ძალაა.

თითო პაიკის შემომატება მომავლის ჭადრაკის დაფაზე ლამის შეუმჩნევლად მოხდა, მაგრამ ორი ვეზირის დამკვიდრებამ სულ სხვა ტალღებით წააქანა დღევანდელი ჭადრაკი.

გამოჩნდებიან ჩარლზ ჩაპლინის მსგავსი გენიოსები, რომლებიც ხელა-

ლებით დაგმობენ აქამდე მუნჯი, ტრადიციული ჭადრაკის ახმოვანებას, მაგრამ ამეტყველებულ კინემატოგრაფს ენა რომ ვერავინ დააძრო?! — დაზი ჩიქოვანმა ჯოხიანი ხელით ოფლი მოიწმინდა გათარანებული შუბლიდან, — ოცდამეერთე საუკუნე ხომ ინფორმაციათა დაწინების, კომპიუტერიზაციის ეპოქაა, რომლის შესაძლებლობანი, ცხადია, სასიკეთოდ, ატომივით იფეთქებს კაცობრიობის თავზე ხვალ-ზეგ, — მიმართავდა პროფესორ ბერულავას, თითქოს მისგან დასტურს ელისო, — ამისთანა შემთხვევაში ტრადიციული ჭადრაკის კოჭლობა თვალში საცემი შეიქმნება.

ახლავს ამ საქმეს ერთობ საჭოჭმანო თეზა: ღვთაებრივის დარღვევის ბრალდებები, მაგრამ განა ისევ ჭადრაკის სიყვარულმა, მისი მომავლის მასშტაბურობის მოხილვის სურვილმა არ გვიბიძგა მსგავსი ნაბიჯისკენ?! დაბოლოს, ცივილიზაცია თავად განსჯის მიიღებს თუ არა ლაზარესავით აღდგინებულ ჭადრაკს.

რაც შეეხება ვეზირის ხმოვანებას, ჟღერადობას, იგი აკუსტიკით რამდენადმე შეესაბამება თავის ალტერნატიულ მეტოქე ლაზიერს. ხოლო ასონიშანი ზენის გაბმულობით მინიშნებულია მისი კავშირი უსასრულობის სიმბოლოსთან, რვიანთან და რაც მთავარია, დაცულია ტოლძალოვნება მეფის მარჯვენა და მარცხენა მხარეთა შორის: შინაგან ძვრებსა და სახელმწიფო ინტერესებს, სიყვარულსა და მოვალეობას შუა. აქ უკვე ჭადრაკი დატვირთულია არა მარტო სოციალური, არამედ — ფსიქოლოგიური მომენტებითაც. ფაქტი ერთია, მომავლის ჭადრაკზე ლაზიერის შესაძლებლობანი გაცილებით გაიზრდება, მას უკვე ოცდაშვიდის მაგივრად ოცდათორმეტი სვლის გაკეთება შეეძლება და კვლავაც დარჩება ერთ-ერთ უძლიერეს ფიგურად, თუმცა არა — აბსოლუტურად, უალტერნატივოდ.

ლაზიერს დაუპირისპირდება რვა სვლით ნაკლები ვეზირი, ქვეყნის ინტერესების ქომაგი, ოცდაოთხ სვლიანი მსცოვანი კენტავრი ქურუმი. თუ დედოფალი ეტლს პლუს კუ გახლავთ, ვეზირი — ეტლს პლუს მხედარია! თანაც მომავლის ჭადრაკში რამდენადმე წონასწორდება ეტლისა და კუს სიმძლავრეები. თუკი ტრადიციულში მათი შესაძლებლობანი თოთხმეტი და ცამეტი სვლაა, მომავლის ჭადრაკში ორივეს ძალმოსილება თექვსმეტს გაუთანაბრდება.

ახლა მივუბრუნდეთ ტრადიციული და მომავლის ჭადრაკის პრპორციებს. როგორც აღვნიშნეთ, სამოცდაოთხურნიანი ჭადრაკი პოლიცენტრულია. ცენტრის ფუნქციას აქ ასრულებს ოთხი უჯრა: ვშვ ვ:პ უშ და უ:ყ ოთხი უჯრის ერთდროული ცენტრობა დასაშვებია, ვინაიდან ასეთნაირად მიიღო იგი წლების მანძილზე ჩვენმა გონებამ. სხვათა შორის მსგავსი სიტუაციაა პიეტროს ასუჯრიან ჭადრაკშიც, მაგრამ სამომავლოს მიხედვით ასეთი საყრდენი ნაპოვნია და ეს გახლავთ უ:, ბატონებო: ადამიანის სიმბოლო საერთოდ; ადამიანისა, რომელიც როგორც აქამდე გაგვიმხელა, ხუთგანზომილებია-

ნია და მამრისა და მდედრის ერთობლიობითა აღწევს სრულყოფილებას. — დაზი ჩიქოვანმა აზარტული საუბრით ჩახრინწინებული ხმა რამდენიმე ჩახველებით ჩაიწმინდა, — კაცობრიობა წინ მიჰყავდათ რაციონალიზატორებს, რეფორმატორებს: დონ კიხოტებს, მაგელანებს და ვესპუჩებს, გაგარინებს და აინშტაინებს, ბორბლისა და ჭადრაკის გამომგონებლებს და თუკი მისი სრულყოფილებისთვის რაიმე სიტყვის დაძვრა გაგებდე, იმ ერთადერთი უფლებით, რომლითაც ეს ზიარებულნი სარგებლობდნენ.

მაშ, ასე, თქვენს წინაშეა მომავლის ოთხმოცდაერთ უჯრიანი ჭადრაკი ორი რვა-რვა სვლიანი მეფით, ორი ოცდათორმეტ სვლიანი ლაზიერით, ორი ოცდაოთხ სვლიანი ვეზირით, ოთხი თექვსმეტ-თექვსმეტ სვლიანი ეტლით, ორი თექვსმეტ-თექვსმეტი და ამდენივე თოთხმეტ-თოთხმეტ სვლიანი კუთი, ოთხი რვა-რვა სვლიანი მხედრითა და თვრამეტი ცნობილი შესაძლებლობის პაიკით. აქვე აღნიშვნის ღირსია ის ფაქტიც, რომ მომავლის ჭადრაკში ლაზიერს ხელმარცხნივ ედგომება მისი ბუნების უკმარისობა — მხედარი, როგორც ვეზირს საკუთარი უძლურობის შემავსებელი ძალა — კუ და ჭადრაკის გარეგნული სიმეტრიულობა შეიცვლება შინაგანი სრულყოფილი აკუსტიკურობით. გონიერი თამაში ჭადრაკი დაემორჩილება ბუნების უზოგადეს კანონებს, ლამის მიუახლოვდება არქიტექტონიკით უკვდავ „ილიადას“. და კიდევ ერთიც, შავ და თეთრ კუთა მოძრაობანი ვერტიკალებზე: შ5 უჯრიდან თეთრ კუს თექვსმეტი სვლის განხორციელება შეეძლება, როცა ვ:ბ შ,ბ ა: და შ3 პოზიციებიდან შავ კუს მაქსიმუმ თოთხმეტი სვლის გაკეთება ძალუძს. ეს ორი ზედმეტი სვლა აქტივში ჩავუთვალოთ ვეზირს. მის ფრთაზე უკვე ორი ერთეულით ნაკლები ძალაა ლაზიერის ფრთასთან შედარებით და მათი საერთო სხვაობა რამდენადმე შემცირდა. ასევე საინტერესოა თეთრი კუს შეუღწევადობა დიაგონალში, როცა კუ შავის მარშრუტი რ№ბ შ,ბ ი? და ფ; ჯადოსნურ წრედს კრავს.

შეხედეთ, შეხედეთ, — ჯოხის მოძრაობით უხსნიდა თავდამძიმებულ აულიტორიას დაზი ჩიქოვანი, — ძირითადი თავისებურებანი მომავლის ჭადრაკისა დახატულია. შეგვეკამათებიან კუ-მხედრის ტრადიციული განლაგების დარღვევის გამო, მაგრამ მომავლის ჭადრაკის ბუნებიდან გამომდინარე ეს ბრალდებანი უსაფუძვლოა, ბატონებო.

მეფის ძლიერი, ქუდბედიანი მარჯვენა ვეზირია, დედოფალი კი რჩება ტრადიციულ ადგილას, მხოლოდ მის გვერდით მოხდება მხედრისა და კუს ადგილმონაცვლეობა, რათა გაირკვეს შემდეგი მიზანდასახულობა: მხედარი და ლაზიერი მაქსიმალური ზესრულყოფილებათა სამეფო კარზე, რომელიც უტოპიურია დროო ბაბუას კომუნიზმივით. ასევე ზეპარმონიულობათა ვეზირი და კუ, მაგრამ რადგანაც არც ლაზიერს მოეთხოვება აპოლონობა და არც ვეზირს — მილოსელობა, ერთი სრულფასოვანი მდედრია, მეორე —

სწორუბოვარი მოაზროვნე, გამოკვეთილია მათი იდეალური არსებობის განუხორციელებლობა.

ერთი სიტყვით, მხედარი ს1-ითა და ლაზიერი ვ1-ით შექმნილია ილუზია კომპოზიციური სრულყოფილებისა. ასევე ირაციონალურია ვეზირი პ1-ისა და კუ პ1-ის მოჩვენებითი ტანდემურობა. მართალია, ვეზირი ლაზიერზე რამდენადმე ნაკლებძალიანია, მაგრამ მისი სახით საჭადრაკო აზროვნებაში შემოიჭრება უორიგინალურესი ფიგურა ეტლს პლუს მხედარის სახით და ვნახოთ, სამერმისოდ როგორ ქართვეილებსაც დაგვატეხს თავზე.

მომავლის ჭადრაკის დაფაზე, ბატონებო, არ გვეყოლება ერთადერთი უნიკუმი: ეტლს პლუს კუ და პლუს მხედარი, მაგრამ ასეთი სრულქმნილება ჩვენი უფალია თავად, ანუ ერთმანეთს ათასი ძაფით გადაკვანძული ჭადრაკის თამაშის პროცესი. და რომც შექმნილიყო მსგავსი საჭადრაკო სიდიდე, დაირღვეოდა წონასწორობა მეფის მარჯვენა და მარცხენა ფლანგებს შორის ძალთა თანაფარდობის თვალსაზრისით.

სულ ცოტაც და უფრო საინტერესო საუბარზე გადავალთ, — თქვა დაზი ჩიქოვანმა, როცა მსმენელების ნაწილს მოუსვენრობა შეატყო, — მომავლის ჭადრაკში მეფის მარცხენა მხარეს გროვდება უკრათააპყრობის შემდეგი პოტენცია: ლაზიერ ოცდათორმეტს პლუს ეტლი თექვსმეტი, პლუს კუ თოთხმეტი და მხედარი რვა, სულ საჭადრაკო სივრცის სამოცდაათი უკრით პყრობის შესაძლებლობა, ხოლო მარჯვენა მხარეს თავს იყრის — ვეზირ ოცდაოთხს პლუს ეტლი თექვსმეტი, პლუს კუ თექვსმეტი და პლუს მხედარი რვა, ანუ სამოცდაოთხი წერტილის მოხელთების უნარი. სხვაობა ამ ძალთა შორის ექვსი პირობითი სვლაა, მაგრამ თუ გავითვალისწინებთ როქის გერგილიანობას, თამაშში ვეზირის მხედრისეული ნახტომებით ჩართვის წყალობით, ვფიქრობთ, კომპესირებულია ნაკლები ექვსი სვლა. არა და ტრადიციულ ჭადრაკში ლაზიერის უპირატესობა მთელი ჩვიდმეტი უკრით განისაზღვრება მოკლე როქის საპირისპიროდ.

ასეთი და ამგვარია, ბატონებო, მომავლის ჭადრაკის ხასიათი, ბუნება, სივრცე და არქიტექტონიკა. აქ წარმოდგენილ ჭადრაკს ჩვენ ვტვირთავთ მამულიშვილური მისიით, იავარქმნილი სამშობლოს აღორძინების თვალსაწიერიდან, რომელიც სრულ პარმონიაშია ზოგადკაცობრიულ იდეალებთან.

ხომ ხედავთ, ბატონებო, როგორ წერილებს აქვეყნებენ პრესაში მამა იონა, გიორგი ნუნისელი, ალექსანდრე ჩუბინიძე, მერაბ მამარდაშვილი, სხვანი და სხვანი.

როცა სამების ძალმოსილებით შეიკვრება ქართლურ-მეგრულ-ლაზურ-სვანური მეტყველება, მისი გრაფიკული გამომსახველობა ლექსიკის სახით, ათ მილიონს გადააჭარბებსო, ამტკიცებენ. ეს განცხადება მანიაკის ფანატიკური აზროვნების პირმო როდია; გვექნება დრო ამის დასასაბუთებლადაც. ასევე, როცა დადგენილია გენეტიკური კავშირი ნოე-იოანესა და ქრისტეს შორის, ევრიკას წამოძახილამდე ბევრი არ დარჩა.

ან კიდევ რაჟამს გადაშენებულია დაჩოქილი ცოტნეს ავადსახსენებელი მონუმენტი როკი ოდიშელისა და თქვენი მეშვეობით ბიჭებო, — გაიშვირა ხელი დაზი ჩიქოვანმა კუთხეში მოკალათებული ახალგაზრდებისაკენ, — და ზუგდიდის ჭადრების ჩივნი თავსა თუ სხვაგან, ამას არსებითი მნიშვნელობა არა აქვს, საბურველი აეხდება კოხტაგორას გმირის ომახიან ძეგლს, დამზრალი ხეებიც კი წამიერად თითისწვერებზე შედგებიან მოახლოებული გაზაფხულის იმედ-ნუგეშით; დაბოლოს, ნონა გაფრინდაშვილის სულიერი მემკვიდრე თაობის აღსაზრებლად უკუნეთს გამორიდებული მომავლის ჭადრაკის მგოსანს, ვინმე დაზი ჩიქოვანს, ბატონებო, ალბათ, მაქვს პატივი, მთელის პასუხისმგებლობით განვაცხადო: ლაზარე აღდგინებულია-მეთქი!

— ერიპა! — შესძახა კვეკვე ანთარიამ, — დეარია. მ ვერბალური ონანიზმი ვეზირის ჩალმაში, — პალტოს კარაკულიანი საყლო აიწია, — კი, მაგრამ მეფეები?! მეფეებს რას უშვრები?! თეთრიც შავ უჯრაზე დაგისკუპებია და შავიც.

— გიპოვნია თვალში ბეწვი, — გაიღიმა შეცბუნებულმა დაზი ჩიქოვანმა, — ქვეყნის წინამძღოლი თერგვერემანია თუ შავვერემანი, მისი ტვირთი, მისი საწუთრო სოფელივით ბინდისფერია, რომელიც უფრო და უფრო ბინდდება. არ გამიკვირდება მოყვარულებს ცოტათი გაგიძნელდეთ მომავლის ჭადრაკის არსში ძირისძირამდე ჩაწვდომა, მაგრამ ახლა მოდით, სხვა თემაზე გადავიდეთ და საერთო ძალისხმევით ვცადოთ ჩვენი ქვეყნის ბედის თუ უბედობის ჭადრაკის ენაზე ამეტყველება.

— ეგ როგორ? — გამხიარულდა კვეკვე ანთარია.

— სრულიად ჩვეულებრივად, ჭადრაკი ხომ ცხოვრების ანარეკლია, მისი სიმბოლო. დაგუშვათ, რომ თეთრი ფიგურებით ქართველები ვიბრძვით, შავით? ამოირჩიეთ მოწინააღმდეგე.

— თურქები, — თქვა დორო ჯიქიამ.

— ირანელები, — სიტყვა ჩამოართვა რენო ალშიბაიამ.

— არა, არა, უფრო მიზანშეწონილი რუსებია, — თავი გამოიღო გაბო მიქავამ.

— ნუ დავობთ, სამივე დაკმაყოფილებით! — დაშოშმინა დამსწრე საზოგადოება დაზი ჩიქოვანმა, — ძალთა თანაფარდობას თუ გავითვალისწინებთ დღევანდელ მეტოქე-მეზობლებთან, აღმოჩნდება, რომ პროპორციები ისეთ მიმართებაშია, როგორც ერთი ოცდაათთან, ერთი — ოცთან, ერთი — ათთან. ბატონებო, თქვენი შეხედულებით, რა არის უმთავრესი ომში?

— იარაღი! — წამოიძახა გეგე თოდუამ.

— ჯარისკაცის მხედრული სულისკვეთება, — დააკონკრეტა გაბო მიქავამ.

— სტრატეგია, — მოსჭრა თორი ფიფიამ.

— ინფორმაცია, — ბრძანა საშუალოზე ოდნავ მაღალმა, პირმრგვალმა როინ ბერულავამ.

— ფული! — ჩაიხიხინა კვეკვე ანთარიამ.

— სრული ჭეშმარიტებაა, — დინჯად დაეთანხმა გამოცოცხლებულ დარბაზს დაზი ჩიქოვანი, — ამ კომპონენტების გარეშე ჭირს ბრძოლის მოგება საერთოდ, მაგრამ უამრავი ფაქტი მოგვეპოვება ჩვენ კაცობრიობის შორეული თუ ახლო წარსულიდან, როცა კბილებამდე შეიარაღებული ჯვაროსნები ვერაფერს გახდნენ ალექსანდრე ნეველთან.

მამლუქების ხუთჯერ მეტი ლაშქარი ათასხუთასი ჯარისკაცით დაამარცხა ნაპოლეონმა, სამაგიეროდ ზედიზედ კრაზი განიცადა ბოროდინოსთან და ვატერლოოსთან.

ორი სამურაი ნებისმიერი ეროვნების ოცეულს გაუმკლავდება, მაგრამ სამასი სპარტელი თვალისდახამხამებაში გაავლებს მუსრს ათას იაპონელს.

მაკედონელები და კეისრები ომის თეორიებს ფილოსოფიასავით სწავლობდნენ. თქვენს მიერ დასახელებული ნიშან-თვისებანი საომარი ხელოვნებისა ძირითადის მერმინდელი საშუალებებია. იქნებ ამისხნათ რატომ მარცხდება აგრესორი უმეტეს შემთხვევაში?!

მონღოლებმა ფორსირებულად დაიპყრეს მთელი აზია და ევროპის ნაწილი, მაგრამ ოქროს ურდოს შენარჩუნება მაინც ვერ შეძლეს ცოტნესნაირთა გონებამახვილური წინააღმდეგობის გამო.

ალექსანდრე მაკედონელმა ინდოეთამდე ილაშქრა და თაფლში ჩასვენებული მისი ნეშტის სამშობლოში წამოსვენების უმაღლ, დაპყრობილი ტერიტორია აურაცხელ სახელმწიფოდ დაიშალა.

ათჯერ მრავალრიცხოვანმა ლაშქარმა ცხრა წელიწადს ვერ დალევია ილიონის კედლები.

პიტლერის ჭურვები კრემლის კოჭებთან ფეთქდებოდა, მაგრამ დორობაბუას თქმისა არ იყოს, რაინსტაგი თავზე დაემხო.

იულიუს კეისარმა ზღვიდან ზღვამდე განავრცო რომის იმპერია, თუმცა ბოლოს ჰანიბალი ლამის სენატში შემოუყვარდა.

ერთადერთი დაუმარცხებელი მეფე დავით აღმაშენებელი გალობანი სინანულისანის მოტივებით წუხს თავისი ძღვეამოსილების პიკზე.

ომში მთავარზე მთავარი, ბატონებო, პოზიციაა, როგორც ჭადრაკში, ცხოვრებასა თუ გნებათ, სამყაროში საერთოდ.

ჩვენს პლანეტას ყველაზე მოხერხებული, ყველაზე ოპტიმალური პოზიცია რომ უკავია მზის სისტემაში, იმიტომაც ხასხასებს მწვანედ, თორემ ჩვენი მეზობელი ციური სხეულები ან კოსმოსური ყინვისგან იშაშრებიან, ან კიდევ მზის მოჭარბებული მცხუნვარებისგან იხრუკებიან, — დაზი ჩიქოვანის საუბრის ლოზუნგური სტილი და პათეტიკა კი აღიზიანებდა კვეკვე ანთარისთან ერთად ბარე ორ წიგნიერს, მაგრამ სამშობლოს გადარჩენის ოპტიმალური გზების ჭადრაკის ენაზე ამეტყველების მოლოდინმა უფროსიცა და უმცროსიც ცნობისწადილით აღავსო, — სწორედ ყველაზე ზომიერი ადგილმდებარეობის წყალობით მიეცა დედამიწაზე დასაბამი სიცოცხლეს და ღვთის შეწევნით კიდევ მრავალზე მრავალ ათასწლეულს არ ჩაქრება იგი,

თუკი თვითონ ჩვენ არ მოვსპობთ საკუთარი უგუნურობით.

თქვენ როგორ ფიქრობთ, რამ მოიტანა საქართველო აქამდე?! ქალის კულტმა?! მამაკაცის უდრეკლობამ? ქრისტიანობამ?! შრომისმოყვარეობამ?! არამც და არამც, ბატონებო!

— არ თქვა ახლა ადგილ-მდებარეობამო, — წამოისროლა კვეკე ანთარიამ.

— რატომ გიკვირს?!

— იმიტომ დაზის ჭირიმე, რომ სწორედ მაგ ადგილ-მდებარეობის გამო ვეცვით ჯვარს. ყოფილიყო საქართველო ინგლისივით, ან იაპონიასავით განმარტოებული, დღეს ათჯერ და მეტად მრავალრიცხოვანი ვიქნებოდით, ჯერ ერთი და მეორე — ვინ იცის, კიდევ რამდენ მწვერვალს დავიპყრობდით სულიერების გზაზე, მაგრამ აზიისა და ევროპის გზაჯვარედინზე ყოფნამ გასაქანი არ მისცა ჩვენს წინსვლას.

— ბატონო, კვეკვე, თქვენი შეხედულება ორიგინალური არ გახლავთ. ასეთ მოსაზრებას ბევრი ავითარებს დღეს, თუმცა სხვა კუთხით შევხედოთ საგნებს და მოვლენებს.

მაშ, როგორ, რა მანქანებით გადავურჩით ამდენ დაწოლას?! გთხოვ, ნუ მაწყვეტინებ! როცა მომავლის ჭადრაკს წარმოგიდგენდით, მე იქ ხაზგასმით აღვნიშნე: ჯვრის, ანუ მარადიული მოძრაობის პრინციპისგან განდგომამ არათუ საქართველო, მთელი კაცობრიობა კატასტროფამდე მიიყვანა-მეთქი.

ჰარმონიული თანაარსებობა საგნებისა და მოვლენებისა წესია სამყაროსი. მხოლოდ ადამიანს შეაქვს კორექტივები შიგ მისდა საზიანოდ. ბუნებამ არ იცის რევოლუციები, ნახტომები. ეს ყოველივე ადამიანის მოგონილია, რადგანაც დროით შეზღუდულია იგი და ყველაფერს თავის არსებობის ხანგრძლივობას უქვემდებარებს: თვითონ უნდა მოესწროს შვილიშვილების საკეთებელს, ამიტომაც აჩქარებს მოვლენებს, ხელოვნურად ამწიფებს ნაყოფს.

ქალს ასი მამაკაციც რომ გადაატარო, ბავშვის გაჩენას სულ ცოტა შვიდი თვე მაინც უნდა, ესენი კი მესამე თვეზე მზად არიან საშოდან გამოსტაცონ დედას ჩვილი.

დაახლოებით ასეა ჩვენი საქმე. ხოლო რაც შეეხება ადგილ-მდებარეობას, საქართველო მართლაც არის აზია-ევროპის გზაჯვარედინზე, მაგრამ დღემდე არსებული ყველა სიკეთე მისგან მოდის და აი, რატომ, — კვეკვე ანთარიამ პალტოს კარაკულიანი საყლო ჩამოიწია და დაზი ჩიქოვანს გულში გაეღიმა, — ჯვარი ორი განსხვავებული ელემენტის ერთიანობაა; ვულგარულად თუ ვიტყვით, კაცის და ქალის კავშირი, დადებითი და უარყოფითი მუხტების შერწყმა, რომლის შედეგია მასულდგმულელები მუქი; კეთილისა და ბოროტების დაზავება. არა დაპირისპირება ურთიერთგანადგურების ქინით, არამედ ზავი, ბატონებო, ანუ თანამშრომლობა.

ჩუბინიძეს გარკვევით უწერია ერთგან: ჯვარი ყველა საიდუმლოების მატარებელი სიდიდეაო. მართალიცაა, რადგანაც განსხვავებული პოზიციების შეერთების დილემა მოხსნილია ორი ძელის ერთმანეთთან შეკავშირებით. შე-

საძლოა ინტერპრეტაციებში არ ვეთანხმებოდე, მაგრამ არსი ძირითადად მისაღებია. მხოლოდ ვეზირის წყალობით გადაიჭრება ეს პრობლემა, ვინაიდან ზიარებულია იგი, ქართველი კი შინაგანი წყობით ზედმიწევნით აირეკლავს თავის სამშობლოს.

აბა, დამისახელეთ მეორე ერი, უკეთესი პოლიფონური საგალობლები გააჩნდეს? ჩვენი მრავალხმიანი სიმღერების სათავეები ათასწლეულებს მიღმა იკარგება. ესე იგი ყოველივე იმის მაუწყებელია, რომ ჯერ კიდევ ჩვენი მეზობელი ერების ფორმირების პროცესამდე, საკმაოდ დიდი ხნით ადრე, ქართველს აღმოჩენილი ჰქონდა ოპტიმალური სამკვიდრობელი დედამიწაზე. მარტივად რომ ვთქვათ, ქართველი გაწონასწორებული პიროვნებაა, იგივე პლუსისა და მინუსის ერთიანობაა, ცხოველყოფილ შუქს რომ გამოსცემს და ბატონებო, ამისთანა ერს დასასრული არ უწყერია.

— შენს პირს შეაქარი, მაგრამ მიმოიხედეთ გარშემო, გაწონასწორებულეხს ვგავართ ჩვენ? აქეთ დორო ჯიქია მაუზერს გვიღერებს: რატომ ეუფლებიან ჩვენს საცოლეებს დადიანებო;

იქით დიხამინჯია ბომბებს ისვრის: არიქა, სავარძელი არავინ წამართვას, გემრიელ ლუქმას, ხალხის ნაოფლარს ვგულისხმობ, არავინ გამომაცალოს პირიდანო.

აგერ, ჩვენი საამაყო ბიჭები, მზად არიან ნიჩაბი გამოსდონ დორო ჯიქიასაც, დიხამინჯიასაც, შენცა და მეც: რატომ ამერიკელებივით და ევროპელებივით არ ვცხოვრობთო.

ჩამოიკონწიალე ყელზე აწი ეგ ჯვარი რამდენიც გინდა, რამდენიც გენებოს: გიშრის, ვერცხლის, ოქროსი, მომცრო თუ ზორბა! საკუთარ ასულეხს თუ ძეგებს თურქებზე ვყიდით, წინწაწეულ კაცს, მწერლისა არ იყოს, თვალეხს ამოვიჩქნით: რატომ არის ჩემზე უკეთესიო. ადამიანს გულში კი არა მუხლებში ვუყურებთ პეტიკო თოდუას მწარე ოხუნჯობისამებრ: სანამ ფეხზე მაგრად დგას, სათაყვანებელია, მაგრამ საკმარისია წაიბოროძიკოს, ეგრევე ზურგს შევაქცევთ.

კიდევ ვთქვა რამე?! რომელი სიმეტრია და ჰარმონია გააწონასწორებს ახლა ჩვენს გაბითურებულ ბუნებას?! თეორიულად, ლამაზი სიტყვაობით ყველათვის გამართლება შეიძლება, მაგრამ ეს ხომ თვალის ახვევაა, გებელსი საწამლაეს რომ აძლევა შვილებს, თან: ძილი ნებისაო, ეუბნებოდა, იმგვარი?!

განა მე, კვეკვე ანთარია, ენის ანთარის უფროსი შვილი, წინააღმდეგი ვარ პროგრესისა?! თვალს ვუხუჭავ ქვეყნის მომავალს?! მაგრამ ფერადი სათვალეები დიდი ხანია გადავაგდე და ადამიანში არ ვეძებ იმაზე მეტს, ვინემ არის, ან უნდა იყოს.

ადამიანი ბიოლოგიური არსება რომაა, ვიცით, დროსა და სივრცეში მოძრავი მატერიის ნაყოფი. ეს კი იმას ნიშნავს, რომ გარკვეული პერიოდის შემდეგ კვლავ დაუბრუნდება თავის პირვანდელ ფორმას, დაიშლება მარტივ

მამრავლებად. სამყაროს იმანენტური თვისებაც ხომ ეგ არის: აშენოს ჩვენი სხეულები და ანგრისო.

მაღალფარდოვანი აფორიზმებით თავს ვიმშვიდებთ. მატერიალურთან დაკავშირებულ ნებისმიერ სიდიდეს შეიძლება მარადიული ვუწოდოთ?! ეს ხომ სიბეცეა.

ბოლო დროს მოდაში შემოვიდა გამოთქმა: აბსოლუტური ჭეშმარიტება! ზოგიერთი მისი ფლობის პრეტენზიასაც აცხადებს. ხომ უნდა აუჭრელო ასეთს გვერდები იფნის წკნელით?

ჯერ კიდევ როდის, სამყაროს მარადიული ცეცხლი უწოდეს, რომელიც კანონზომიერად ინთება და ქრება. აჰა, შენი მარადიულისა და ჭეშმარიტის აღფა-ომეგა. არც ეს ინჰილიზმია ორიგინალური. აპოკალიფსი მილიონჯერ წაშლილის ხელახალი ყმულია.

მე მაშინებს სამყაროს აგებულება, რომელსაც გარედან ვერ შეხედავ და ისიც მზარავს, შეიძლება ჩემი ჭირვეული სხეული მილიონჯერ ყარდა ამ უთვალავი ანთებისა და ჩაქრობის ფაზას შორის.

რითმავენ ათასჯერ გარითმულ სტრიქონებს;

აშენებენ ათასჯერ ამოყვანილ კედლებს;

ეტრფიან ათასჯერ ნაფერებ გულ-მკერდს;

ძერწავენ ათასჯერ ნაძერწ მილოსელებს და შემოქმედებითი წვით გაბრუებულნი უტიფრად იძახიან: ღმერთო, რა ძლიერი ხარ ჩემშიო.

რით დამანუგეშებს ამების სპირალური აღმასვლა ჰომო საპინსისკენ, თუ კი სამყაროს წრებრუნვაში მომწყდებულა, კანონზომიერ ანთებასა და ჩაქრობას შუა და მეც, კვეკვე ანთარის ვარსკვლავიანი ცის ქვეშ გამომაქვს ჩემი ყურთბალიში და მეთათხედ ვიციანი ამ დაუსრულებელი მასკარადის უბადრუკობაზე. ასე რომ, დაზის ჭირიმე, არც ჩვენ დაგვრჩენია უყურადღებოდ ჩუბინიძეების თუ მამარდაშვილების პუბლიკაციები; აღარც ნუნისელებისა და იონათა ნააზრევის მიმართ ვართ მწყურალად მაინცდამაინც. საფუძვლიანად თუ ვერა, თეზისების სახით ხომ გავცნობივართ მათი ცნობიერების პროდუქტს?! სამყაროს სურათი, ჭეშმარიტების კრიტერიუმები კი განზე გვრჩება სავალალოდ. ადამიანის საცოდაობა მერე ნახე, როცა მართლაც შეიცნობს სამყაროს აგებულებას და შინაარსს; როცა ცეცხლის რკალში შეგდებულ მორიელს დაემსგავსება და აღარაფერი დარჩება თვითდაგვესლის გარდა. ჰოდა, დაზის ჭირიმე, ამისთანა ვითარებაში თქვენ გინდათ დამარწმუნოთ, რომ ქართველები მათმა ადგილ-სამყოფელმა არათუ გადაარჩინეს, შექმნეს კიდევ?!
— ცოდვა გამხელილი სჯობია, — თავი დაუხარა მოსაუბრეს შეცბუნებულმა დაზი ჩიჭოვანმა, — მომიტევეთ ჩემი ცთომილებისთვის თქვენნი პიროვნების თაობაზე, თუმცა ირონია და სარკაზმი უცხო არც ვოლტერისთვის. ვხედავ პროფესიონალთან მქონია საქმე და უკეთეს მომენტს ვერც ვინატ-

რები. რატომ არ ვუშვებთ ჩვენ გარემომცველი სამყაროს ზეგავლენებს ადამიანის, როგორც ბიოლოგიურ-სოციალური ფენომენის მიმართ?

— გაღმა შემოღვების პრინციპია?! ეტყობა არ მისმენდი კარგად, ან თუ მიგდებდი ყურს, დედააზრს ველარ ჩაწვდენიხარ, — თქვა შეუბრალებლად კვეკვე ანთარია.

— წელან არ მიმტკიცებდი ადგილ-მდებარეობის გამო ჯვარზე გავკეარიითო?!

— მე კონკრეტულ ერზე მოგახსენებდი, ადამიანი კი უფრო გლობალური ცნებაა. მხოლოდ ქართველით ძნელიცაა და უმართებულოც ზოგადად ადამიანის, როგორც სამყაროს შვილის პორტრეტის დახატვა. შესაძლოა ესა თუ ის ერი, თავისთავში მეტნაკლებად აერთიანებდეს მთელი კაცობრიობის უმთავრეს შტრიხებს, მაგრამ მაინც ღარიბი, მჭლე მასალაა ტიპიურის დასადგენად. კი, ბატონო, მე მესმის საიდან მოდის მონგოლოიდის თვალთა ვიწრო ჭრილი, ან რა უმართავს ხელს ნეგროიდის პიგმენტაციას, და დასაშვებია, ქართველის გაწონასწორებაში მის საცხოვრებელ არეალს უდიდესი წვლილი მიუძღოდეს, თუმცა ამისი გაიდევლება იქნება?! ბატონო, დაზი, როგორც ვხედავ, არც თქვენ გაწყნდათ ჟინი ანთარის მონოგრაფიაში ჩახედვა. ის მეცნიერი კაცი იყო და მართალია, დედუქციის ტყვეობიდან ველარ განთავისუფლდა, მაგრამ ბევრგან ისეთი მიგნებები ჰქონდა, თვით არისტოტელესაც შეუზრდებოდა. ვთქვათ და დედამიწაზე წნევა ასი პროცენტით რომ გაიზარდოს, ვინმე იტყვის რა ფორმას შეიძენენ ჩვენი სხეულები, აქედან გამომდინარე, თვით აზროვნებაც. მეთანხმებით ამაში?!

— საესებით, — ხელების ფშვნეტას მოჰყვა დაზი ჩიქოვანი, — დამერწმუნეთ, დამერწმუნეთ, ჩვენ ერთად ვართ, ღია კარებს ვამტვრევთ უბრალოდ.

— მაგრამ შენს ადრინდელ დებულებას თუ გავითვალისწინებთ, მაშინ ჩვენი ადგილ-მდებარეობა, იგივე საცხოვრისი, კუვეიტის ნავთობისა არ იყოს, წესით მარტო ქართველებს არ უნდა გვეკუთვნოდეთ. მაშ, რანაირად გინდა დაატია ხელისგულისოდენა მიწა-წყალზე ექვსი მილიარდი მსოფლიო?! არადა, ეგონისტურ ბუნებასაც ვერსაით გავტყვევართ. გამოდის, რომ ჩვენი ღვთისმშობლის წილხვდომილი ტერიტორიით მხოლოდ ჩვენი შთამომავლობა ეზიარება სრულყოფილებას, დანარჩენი კი იჩანჩალებს განვითარების გზაზე. სად არის აქ დაცული სამართლიანობის პრინციპი?! — იკითხა პალტოს საყლოს ხელებით ჩაჭიდებულმა კვეკვე ანთარია.

— ძალიან შორს შეიჭრით ამხანაგებო, ცოტა მიწაზე დაეშვით დაბლა, — ხმა ამოიღო დორო ჯიქიამ, — თუ მაღირსებთ ჰადრაკის ენაზე ამოხსნილ ჩვენს უღლეურ ცხოვრებას, დავრჩები, არადა, მომშივდა, ბაბაგე.

— კარგით, კარგით, ბატონი კვეკვე და მე ასე უცებ მაინც ვერ გავარკვევთ მტყუნ-მართალს. უმჯობესია წამოწყებულ საუბარს დაუბრუნდეთ. ჩვენს გარშემო შექმნილი ვითარება ჰადრაკის ენაზე რომ ავამეტყველოთ, ერთ დაფაზე არსებული ფიგურები არ გვეყოფა.

— მერედა, ისეხე შენც, ფიგურების მეტი რა გაქვს, — დაარიგა დორო ჯიქამ.

— მასეც ვიზამ. ქართველს ოდითგანვე ორ უსასტიკეს ძალასთან უხედებოდა და უწევს ჭიდილი დღემდე. წარმოიდგინეთ, რომ ჩვენს ზურგს უკანაც ისეთივე საომარი ლელაა, როგორც წინ. აქედან გამომდინარე, ჩვენი ერი ორი მიმართულებით იბრძოდა ოდითგანვე ერთდროულად. აგერ, ბატონებო, გადმოვიტან ფიგურებს ტრადიციული ჭადრაკიდან, — დაზი ჩიქოვანმა თეთრი ფიგურები მომავლის ჭადრაკის ცენტრში შეაქუჩა, — ვნახოთ, გავუძლებთ თუ არა.

— ამისთანა თამაშს პირველად ვესწრები, — გაიოცა პილა გეთიამ.

— გასაკვირი რაა, ჩვენ იდეალურ სიტუაციას ვქმნით.

დაზი ჩიქოვანმა მეექვსე ჰორიზონტალზე თეთრების ექვსი პაიკი განალაგა. მეფის გაყოლებაზე ტრადიციულად ჩამწკრივა ფიგურები, ოლონდ მხედრებს ზურგისკენ უქნა პირი. მეოთხე ჰორიზონტალზე ნასესხებპაიკიანი ოთხეული ორი ეტლით ჩაეკტა. თეთრების ვეზირს ხელში ატრიალებს, ადგილი ვერ მოუძებნია მისთვის. წინ დაბანაკებულ შავების პოზიციებში მცირეოდენი ცვლილება შეიტანა, შავების ვეზირი მოხსნა კუთვნილი ადგილიდან და განზე გადადო. გადმოსვა შავი კუ 39-ზე და თეთრების ვეზირს იქ მიუჩინა ბინა. ზურგს უკან ტრადიციული ჭადრაკის შავი ფიგურები ჩვეულებრივი განლაგებითაა გადმოტანილი.

უფროს-უმცროსობა გაფაციცებით უმზერს დაზი ჩიქოვანის ხელების მოძრაობას. აინტერესებთ, რას იტყვის ბოლოს და ბოლოს.

— დაანლოებით ასეთი ვითარებაა ახლა ჩვენს გარშემო ჭადრაკის ენაზე, — თქვა და ფალავანვით წელზე დოინჯი შემოირტყა.

— რატომ გადადე შავების ვეზირი? — ეკითხება თორი ფიფია.

— მეორე ფრონტს საერთოდ არც ჰყოლია, — შენიშნა ტრადიციული ჭადრაკის ნაკლი გეგე თოდუამ.

— ან ჩვენს ვეზირს რა ესაქმება შავების გარემოცვაში? — ცნობისმოყვარეობას ვერ მალავს დორო ჯიქია.

— თუ დამაცლით ყველაფერს გაიგებთ, — ილიმის დაზი ჩიქოვანი, — ჩვენი კოზირი ის არის, ბატონებო, რომ როგორც წინა, ისე უკანა მოწინააღმდეგეს ვეზირები არა ჰყავთ, ფიგურად რომ ღირდეს იმისთანა ვეზირზეა საუბარი. ჩვენ ზურგის გაძლიერება უფრო გემართებს, ვიდრე მოწინავე ფლანგებისა. შენიშნავდით, ძირითადი ძალებიც აქეთკენაა მობილიზებული: ეტლები, მხედრები. აფიცრები ორმხრივ დაძაბულობაში არიან, როგორც — მეფე და მისი ლაზიერი. ოთხი პაიკი ზურგს გვიმაგრებს. მართალია, ერთი ნასესხებია, მაგრამ წმინდა გიორგის, ცოტნეს მაღლი განივთებულია მასში რწმენის, საბრძოლო სულისკვეთების სიმბოლოდ. ამისთანა შემთხვევაში, ვფიქრობ, დაშვებები

მისაღება. ექვსი კარიბჭეს იცავს. რაც შეეხება ვეზირს, სწორედ შავების მეფის სიახლოვესაა მისი ადგილი. მიმიხვდით თუ გავშიფრო?

— ვის უმაღავ, კაცო, ჯაშუში ხომ არ გვირევი? — გაიცინა კვეკვე ანთარიამ.

— ჯაშუშების მეტი რა გყვოლია და გყავს, კვეკვე, ბატონო, მაგრამ მოვეშვით ბრალდებებს და ჩვენს საქმეს მივხედოთ. სანამ მოწინავე ფრონტის შავების მეფე თეთრი ვეზირის მაგნიტურ არეშია მოქცეული, იქიდან ჩვენ საფრთხე არ გვემუქრება. ხოლო სამხრეთით ძალები თითქმის თანაბარია და თუ ჯვრის პრინციპით მთავარი ქართველის ბუნებასაც გავითვალისწინებთ, საშიშროება ზურგიდანაც მოხსნილია. ესაა იდეალური, ოპტიმალური პოზიცია ქართველისთვის, რაც გამორიცხავს იარაღის ჩხაკუნს.

— თამაში? თამაში არ შესდგება? ან ზედმეტი პაიკების ლაშქარს რას უხერხებ სამ ვერტიკალზე? — იკითხა კვეკვე ანთარიამ ისევ.

— თამაში შექმნილი პოზიციით დამთავრდა. ამთავითვე ყაიმია მიღწეული ორივე საომარ ლელოსთან. მაგრამ რომც ამოძრავდნენ შავი პაიკები, ერთმანეთს ამოხერგავენ. ეს გამჭოლი ზოლია თითოეულ მხარეს, რომლებიც წყლებივით მოძრაობენ ჩვენს გარშემო, მაგრამ ნაპირზე ვერ გადმოდიან. გასაგებია?!

— გამოდის, რომ ასეთი ვეზირი მივლინებული გყოლია უკვე ჩრდილოეთის ფრონტზე, თავმჯდომარეზე თქმული ანეგდოტისა არ იყოს.

— დიახაც, კვეკვე ბატონო, დარწმუნებული ვარ ნებისმიერი მისი ქმედება მომავლის ჭადრაკის შესაბამისობაშია, — თავაწეულად თქვა დაზი ჩიქვანმა, — ეგეც რომ არა, ფილოსოფოსს თუ დავესესხებით: ჩვენ გმირი უნდა ვძერწოთ არა ისეთი, როგორც სინამდვილეშია, არამედ — როგორც უნდა იყოს.

— დაგრამასებული, ხომ?! — მწარედ ჩაიცინა კვეკვე ანთარიამ, საყლო აიწია და წვიმიან ზუგდილში შეაბიჯა.

ლიმა მეცხრე

ილიონა

692307

ხვერდოვანი დილა ბარჩხალებდა ჭურიაში.

მწყემსები ბაკში გაკრეფილიყვნენ ძროხებისა და კამეჩების ჩამოსაწველად. ლოგინში მონებივრე როკის ხელები თავქვეშ ამოედო და ფართოდ გახელილი თვალებით მისჩერებოდა ჭერზე აკრულ ფირფიცრის კვადრატებს, რომლებიც

ჩამონაწვიმს ალაგ-ალაგ დაეფორაჯებინა ჟანგისფერ ლაქებს. რაც მეტად მია-
ცივდებოდა, ისინი განსხვავებულ ფორმა-შინაარსს იძენდნენ, ამეტყველებოდნენ
გარდახდილი რეალობებით, თითქოს შენი გონება საპროექციო აპარატი იყო,
რომელიც შეუსვენებლად მონაკადებს გარდასულ სინამდვილეს.

ილონა სარკის ნატეხის წინ ლამაზდებოდა. თმას ივარცხნიდა. ლამის
იატაკს შეხებოდა ყორნისფერი ბოლო. კოპლებიანი, ფლანელის პერანგის
მხრები ჩამოშვებოდა. სახელოები წაეკაპიწებინა. საკმაოზე მეტად გახეხილი
ჯინსის ტოტები აეკეცა. ჩინებულად ადგა ტანზე ლევთერის უმცროსი ბიჭის
შარვალი. შიშველი ფეხები ქუსლებშემოჭრილ კედებში წაედგა. სარკის კუთ-
ხიდან ამჩნევს ნაბახუსევის გამოთაყვანებულ იერს. მადლიერი იყო, რომ წუ-
ხელ ახლოსაც არ გაეკარა. საუბრის წამოწყება სწადა, მაგრამ არ იცოდა
ნაპირს საიდან მიდგომოდა.

ისევ ოდიშელიამ დაარღვია სიჩუმე.

— ილონა, ლვინო დარჩა?!

— ისევ ცუდად ხარ? — ჰკითხა ქალმა, — ვნახვ რა დატოვეთ.

— დამძიმებული მაქვს თავი. გულიც მიფანცქალებს.

ილონამ ღია კარიდან გახედა ბოცას.

— დედა, თითქმის დაუცლიათ!

— წყალში სანახევროდ გაზაფხული მომიტანე. სოდიანი ჯობია ჩემთვის, მაგ-
რამ ეგეც გამოდგება. ჩემი კუჭი გამოფხეკილია ბალანდებისგან. ეჰ, ილონა, სად
არის ის ბიჭი, ხუჭუჭა, პატარა?!

— აჰ, — თქვა ქალმა და გულთან მიიღო ხელი. ალუმინის ტოლჩათი
მიართვა წყალგარეული ლვინო. თავი აუწია და წვეთის გადმოუღვრელად და-
აცლევინა.

— ნუ წახვალ, იყავი ჩემთან, — სთხოვა როკიმ და ილონაც დაჰყვა მის
ნებას. საწოლის კიდეზე ჩამოჯდა. ყურმოჭეჭყილ ტოლჩას ხელებში აწვალებდა.

— მთელი ღამე ბორგავდი. რიგიანად არც კი მიძინია.

— ყველაფერი ჩემი ბრალია, ილონა. ვატყობ ოჯახს გინგრევე. ცხოვრება
აქამდეც გვარიანად მოგიწამლე, მაგრამ ახლა მთლად მორევეში ჩაგაგდე. არ
ვიცი რა მოვიმოქმედო, როცა მოვლენები ჩემს უნებურად ვითარდება. საკუ-
თარი თავის მტერი რომ ვარ, თანდათან ვხვდები. მინდა თვალი ავარილო უმ-
სგავსოებებს, ყოველ ნაბიჯზე ფეხებში რომ მეზღანდება.

აჰა, გავუსწორდები, კიდეც ერთი ნაბიჯიც და უსიამოვნებანი ზურგს
უკანაა. ჯანდაბამდის ჰქონია გზა ორივეს, დაუხოციათ, გაუყვლეფით ერთ-
მანეთი-მეთქი, გავივლო გულში ლამის, მაგრამ რალაც მიმაჭაჭვავს ზედვე იმ
ინცინდენტს, იმ უბედურებას. ვიცი რაცაა ეს „რალაც“: შუბლის ძარღვი,
ილონა, რომელიც ჭიუტად მიგიძღვის დაჩაგრულის დასახმარებლად. გვერ-
დში დაუდგები მართალ კაცს, რქებს ჩამოამტვრევ მოძალადეს, ღმერთის და

სინდისის წინაშე წელგამართული ხარ, თუმცა ერთის მომადლიერებით ათს გადაიმტერებ და ვხეტილობთ კიდეც ტყე-ღრეში. მშობლები ცოცხალია, იღონა?

— მამა შენი პატიმრობის წლებში გარდამეცვალა. დედა ძმებთანაა კი-
შინიოვში. ბოშათა ბედის ხარ შენ. ხავსს არ მოიკიდებ დაგორებულ ქვასა-
ვით, მაგრამ ბოლო დროს ჩვენებიც შეიცვალნენ. ბოშათა ცხოვრება ფორნე-
ბის ხანაში იყო ლალი, ხალისიანი, ფათერაკებით საესე. ახალმა დროებამ მუსრი
გაავლო ჩვენს კარებს. მჭედლობით, მეწვრილმანეობით, მარჩიელობითა და
ქურდ-ბაცაცობით ძნელია უკვე ოჯახის შენახვა. დიდ ქალაქებში საზიდრებით
ვერ იჯაჯაყებ. ჩემი ტომის ხალხს ნელ-ნელა უცრუდება გული მომთაბარე ცხოვ-
რებაზე. განსაკუთრებით ახლები გარბიან კარვებიდან. დახარბდნენ რუსის ქა-
ლებს, შერეულ ქორწინებებს. მათი შთამომავალი კი ჯარშიც მსახურობს,
ბიზნესსაც მისდევს და ბოშური ცეცხლიც განელებია. არიან ტრადიციის
მიმდევარნიც, ყველა წესსა და ადათს პირნათლად რომ აღასრულებენ, მაგ-
რამ ასეთები თითზე ჩამოსათვლელი დარჩა. რალა შორს მივიდვიარ, აგერ,
მეც ზუგდიდში დავფუძნდი მრავალ თვისტომთან ერთად. შვილები თქვე-
ნებური სახელებით მოვნათლე. თქვენს ყაიდაზე ვიმოსებით. თქვენებურად
კვამზავთ საჭმელებს. არ ვაკლდებით ქელეხებს და ქორწილებს. საკუთარი სა-
საფლაოც გავიჩინეთ ოთუთუმეს ტერიტორიაზე. ამ პროცესის შეჩერება აწი,
ალბათ, არაფერს შეუძლია. გაგიარა თავის ტყვილმა? კიდეც ხომ არ დაგა-
ლევინო?

— მგონია მიშველა. სანამ მარტო ვართ, ვისაუბროთ ცოტა ხანს. აგერ,
ბალიშზე თავი ჩამოასვენე.

იღონამ ალუმინის ტოლჩა იატაკზე ჩამოდგა, ქუსლშემოჭრილი კედე-
ბი გაიძრო და ჩაჩოჩებულ ოდიშელის მიუწვა.

— მეუბნებოდი, გეძებდი ცხრა წლის წინო, — თქვა ყრულ როკიმ.

— ეგრე იყო, მაგრამ შენ ჩრდილოეთში წაეყვანეთ და მაშინ გამტეხა
წელში ბიცოლაჩემის ნამარჩიელებმა: გაივლის კარებს და უკან არასოდეს
მობრუნდებაო. იცი შენც, აკვანშივე ვიყავი დანიშნული კარლოზე. მეულ-
ლე იშვიათი კეთილი ბუნების გამომადგა, მაგრამ ამ სამიწე გულს რომ ვე-
ლარაფერს ვუხერხებ?! ერთი სიცოცხლე გავათავე, როცა შენი ქორწინების
ამბავი შევიტყვე. გამოვიკითხე წვრილად. მარინა შენი ტომის ქალია, ტან-
წვრილი, ხორბლისფერი, ქალური ეშხით დაჯილდოებული, მდიდარიც ამ
დროს. ერთი ბიძა ლიმონათის ქარხნის დირექტორი ჰყავს, მეორე სამშე-
ნებლო ტრესტის მმართველია. ვიცი, მოგაყრიდნენ კარგს და ლამაზს სა-
სურველ სიძეს. იმდენი სიკეთე ჩემს შვილებს, რამდენი ცრემლიც მიღვრია
ის დღეები. მაინც რისი იმედი მქონდა, რითი შემართლებინა თავი შენს წი-
ნაშე?! სხვა მამაკაცთან ვკოტრიალებდი ლოგინში და შენ წარმოგიდგენდი-
მეთქი?! ქორწილში რომ მივედი ჩემი ხალხით, მონანიების მაგვარი გრძნო-
ბისგან იყო.

ეჰ, იოტიოსდენადაც არ გყვარებია ილონა, თორემ ასე არ გაირთულებდი საქმეს. მეტად მოუფრთხილდებოდი ჩვენს გრძნობას. კუზიანი ვის გაუსწორებია სამარის გარდა?! მაინც დამნაშავედ მიმაჩნია თავი. დედის და ძმების შემოტევას გავუმკლავდებოდი რამდენადმე, თქვენი კაცების უჟმური შემოხედვა რომ არა და დავყარე ფარ-ხმალი საბრალდო.

— მითხარი, ხომ არავინ გაწყენინა? — წამოიწია როკი.

— ბოშა გოგონა შენ მეგრელი ხომ არ გგონია?! ჩემს ზურგს უკან ყოველთვის დგას ორმოცი-ორმოცდაათი მამაცი ფინური დანიით. ერთი დაძახება და ასად იქცევა იგი და ორზე — ათასად. სხვა რამეზეა საუბარი: ჩემივე ნებით შევაქციე ზურგი ჩვენს უბედურ სიყვარულს.

ჩვენს უნებურად მეორე მამაკაცი არ იქნება, როკი, სისხლში გავგვდომია ეს დიდს და პატარას. ბოშამ შეიძლება ილაბუტოს, ღვინოც დალიოს, ცეკვისგან კიდურები წაერთვას, მაგრამ ისე არასდროს დაკარგავს გონებას, თავის ოჯახს ზურგში ლახვარი ჩასცეს. არ სჭირდება ამის სწავლება კარლოს და შინ რომ მივბრუნდე ამწუთასვე, დარწმუნებული ვარ, არ მაკადრებს გამოამკითხოს: სად იყავი, ვისთანო, მაგრამ მე ბიცოლაჩემის ღვარძლიან სიტყვებს ვებრძვი ლამის საუკუნეა. მინდა ბოლომდე დავრწმუნდე, მართლაც, მონაჩმახი იყო თუ საბედისწერო. დღეს დღეობით თითქოს ახლომია იმ კუდიანს ნამარჩიელები — მე ორი ვაჟის დედა ვარ, შენ — ბიჭუნას მამა. შენ შენი სანათესავო გყავს, მე — ჩემი. შენ მთავრობა გდევნის, მე — სიყვარული. ხედავ, რამდენად დაგვიკარგავს ერთმანეთი?! მაინც არ მეთმობი წლების წინანდელი, კაბის კალთაზე რომ მებლაუჭებოდი ის როკი. თქვენების რა მოგახსენო, მაგრამ ბოშას არ ძალუძს ორ მამაკაცს ეკუთვნოდეს ერთდროულად. იქით შეილებს ეფეროს და აქეთ — საყვარელს. ისე ნუ გამიგებ, თითქოს ყველა ბოშა ქალს წმინდანად წარმოვსახავდე, ცაში რომ აიტაცებს უფალი სიკვდილის შემდეგ, მაგრამ ძირითადში ჩვენებურის ბუნება მთლიანია, გაუზზარავი.

— ილაპარაკე თუ გიყვარდე, — უთხრა იდაყზე თავდაყრდნობილმა და მისი გულწრფელი საუბრით გაბრუებულმა ოდიშელიამ.

— ჩემმა სიყვარულმა ცოტათი უკან დაიხია, როკი. პატარებმა, დედობრივმა მოვალეობამ თანდათან შევიწროვა იგი. ოჯახის საზრუნავმაც თავისი წილი წაიღო. წლებმაც ჩამოაცინცლეს გვარიანად იმ ცეცხლს, მაგრამ მაინც ღვივის ჩვენი ბანაკის მინავლული კოცონივით. რამდენჯერ გვითენებია ღამე ჩხოლუმის ნაპირზე დანთებულ ცეცხლთან?! ხომ გინახავს დილით მისი ნაშთი? დანახშირებული მუგ უზღები ქოლგასავით გაშლილა. საკმარისია ერთად მოუყარო თავი, შეუჩიხინო, სული შეუბერო და ცეცხლი ისევ აბრიალდება. მთლად ასე როდია საქმე. შენდამი სიყვარულის კოცონი კვლავაც ანთია ამ კაკალ გულში, მაგრამ მხურვალეობა მოაკლდა. ადრე ახლოსაც რომ ვერ ეკარებოდი მის გიზგიზს, შორიდან მიუფიცხებდი ხელებს და სახეზე ნაირფერი ალები დაგთამაშებდა, უკვე მიიჩნებოდა საჭირო, გამუდმებული ყურადღება, რათა სულ არ დაგეშრიტოს და ზამთრიან ღამით ყინვაში ტიტლიკანა დაგდებულს

არ დაემსგავსო. შეეძლებოდა კი ჩვენ ამის განახლებას?! — ჭერს მიჩერებულმა ილონამ როკისკენ მოაბრუნა თავი, — ტყუილს ვიტყვი, არ მინდოდა შენთან წამოსვლა-მეთქი. ეგრე ყოფილიყო, არც მანქანაში ჩავიჯდებოდი და გზაში თუ ვერ გავებდავდი ჩამოხტომას, ბოლოს და ბოლოს ლევთერი წამიყვანდა შინ. მაგრამ გითხარი ერთხელ: ბიცოლაჩემის კუდიან სიტყვებს ვებრძვი-მეთქი და ვნახოთ, მომავალი რას მოგვიტანს. მე მეგრელი ქალი როდი ვარ, ბოშა! არც ტყუილს მეშინია და აღარც — ქუჩის ჭორებისა, რადგანაც საკუთარ თავთან მართალი თუ ვარ, ეშმაკი რას დამაკლებს ღმერთის მოწილეს?! მხოლოდ ერთი მტანჯავს აქამდე: შენს გულში ვერ ჩამიხედია, თითქოს დახურულია იგი ჩემთვის. შენთან ტიტინი მწყურია. შენ კი წყალში მოსროლილი კენჭივით ფიქრების ფსკერზე რომ დაეშვები, მყინთავეებიც ვერ ამოგიყვანენ იქიდან. ფანჯარა გამოვადლო! ფუჰ, ყარს აქაურობა ღვინისგან.

ილონა წამოდგა და თავის საწოლთან შუშამოყვანაყლე ჩარჩოებს ხელის-გულებით მიაწვა.

ოთახში დილის გრილი ზღვაური შემოიჭრა. ოდიშელია გატრუნული უცდიდა: თუკი ისევ ჩემს ბალიშზე მისვენებს თავს, დიხამინჯიას ხალხს დედას ვუტირებო. გაახსენდა ვასია ზატონჩიკის სიტყვები: ყველაზე საუკეთესო თავდაცვა — შეტევაა.

ილონა ალუშინის ტოლჩას დაწვდა, ისამინის სურნელი მიწატკეპნილ ოთახში გაიყოლია. ათიოდე წუთს იქაურობას გვიდა, ალაგებდა, ჯამ-ჭურჭელს აჩხარუნებდა. მობრუნდა საძინებელში, კვლავ სარკეს მიუჯდა ერთხანს, სუნამო იკურა და ბოლოს ღიმილით დაადგა თავზე ნაბახუსევს:

— საღამომდე აპირებ ლოგინში კოტრიალს? მიჩოჩდი კედლისკენ! ცოლქმარი როდი ვართ, თოხის ტარზე დავეტიოთ!

„დიხამინჯიას ხალხს კი მივამწყვდევ თხებივით კუთხეში, მაგრამ ეს ქალი უეჭველად მომინელებს“, — გაიფიქრა როკიმ.

აგონდებოდა ოდიშელისა გუშინწინდელი მხიარულება წისქვილარაში აგიზგიზებულ კოცონთან. თითებში უდნებოდა ილონას მოწვართული მტევანი, მაგრამ იქიდან სიყვარულის ნიშან-წყალი არ ჩამიჩუმობდა. ხელში ატატების დროსაც ფიცრის მოყულებას არაფრით სჯობდა დროდადრო მხარზე მისი მოყრდნობა.

აგერ, ახლაც გვერდით ეწვა გათქვირული ქალი, ატმის რტოსავით აყვავებული და გავაზივით მოქნილი. მარცხენა მკლავზე მისვენებულიყო სახით მისკენ მოტრიალებული. ტუჩებზე ირონიული ღიმილი დასთამაშებდა.

„ეს ყველაფერი იქნებ ქალური ეშმაკობებია. ქალი ხომ ცაქვა შედანიანზეც კი რამდენიმე საათით ადრე გაჩენილა?! როგორ აჯობებს, ვიყო ენაბლუსავით, ხელფეხშეკრული ილონას სითამამით, თუ ინიციატივა გამოვიჩინო? არა, ერთმა დაუფიქრებელმა ნაბიჯმა შეიძლება ყველაფერი გააფუჭოს, დაამსხვრიოს სიყრმისდროინდელი ხალასი გრძნობა. ვერანაირი ჯადოქარი შეაკოწიწებს მერე იმ

ნამცეცებს. ილონა სტეპანცევის საფორნე ცხენი ხომ არ არის, დააოთხო და ისე მოიკლა ცხოველური ყინი?! ერთხელ ხომ მაინც უნდა წავიდე მსუნავი სურვილების წინააღმდეგ?! დავუმტკიცებ მე მაგას როგორია როკის მოთმინება! ოთხმა კარცერმა ვედარაფერი დამაკლო და ლოგინი გამაბითურებს ჩიტვივით თავისუფალს?! მართლაც, სტეპანცევს ცოლ-შვილი თუ ჰყავდა ნეტავ?“

ძაკა ოდიშელია: „არ გეგონოს, ბაბაგე, თურქის ომში, ნალიმასთან დამეკარგოს ეგ თითი. სოლის ამოგდებისას დამიჩეჩქვა დასაპობი მორის ბზარმა. ზუგდიდელმა დასტაქარმა, კალისტრატე აღშიბაიამ მომაშორა მერე. ჩვენი საგვარეულოს ამბავს მოგიყვები ოდესმე, ახლა კი ამ წითელი ტალახის ტყლაპა-ტყლუბში იკმარე რაც მოგიტხრო. ჭაბუკობის წლებში დარახტული რაშებისთვის ყაბარდო-ბალყარეთში გადასულს, გამიგონია დაუვიწყარი ამბავი ვინმე ვაინახელ ჯიგიტზე, რომელიც ძმადნაფიცი ყოფილა ცხენების სახელგანთქმული ქურდისა, მაგრამ ამ უკანასკნელს შეყვარებული იმ პირობით გამოჰყოლია, სათაკილო ხელობას თავს თუ დაანებებდა.

ლოგინი ერთი აქვთ მიწურში. წაიყოლებს სტუმარს და გამოაშკარავდება სიტყვის გატეხვა ცოლთან, რასაც არაფრისდიდებით აპატიებს გორიონი ასული; არადა; ვერც მეგობრის თხოვნასაც შეაქცევს ზურგს. ამიტომაც ურჩია, ჩაწოლილიყო ლოგინში მის მაგივრად, ისე რომ ქალს ვერაფერი შეეტყო. დაუჯერა ვაინახელმა. კედელს მიეწეა. რა დააძინებს. ანთებული კვარი შორეულ კუთხეში ბჟუტავს. ცოლი საქმიანობს ერთ ხანს. შიგადაშიგ შეეხმინება მეუღლეს, მაგრამ ხმას რომ არ გასცემენ, მიუწევა საღამურისამარა. თაფლობის თვის მიწურულს მონატრებია ჯეირანს თავისი მამაკაცი, გათქვირული ძუძუებით მოიწევა ყინმოძალებული და აი, მაშინ უხერხული წოლისგან მობუჟული მარჯვენას გამოინთავისუფლებს სტუმარი, ხოლო მარცხენა ხელის სალოკებს მკერდზე მიაბჯენს ქალს და მოიშორებს. დიასახლისს ვერც კი შეუტყვია ვაინახელის აპარვა. ცხენების ფრუტუნისკენ გაურბის სმენა ჯიგიტს, თან ამას ეტყვის მასპინძელს დაწეული ხმით:

ალერსი უნდოდა ჩემთან, მაგრამ ამ თითით მოვიცილე შენი ქალი და აჰა, ესეც სამახსოვროდო, იშიშვლებს ყამას, დაჰკრავს აივნის მოაჯირზე დადებულს და ეწევა თავის გზას. სადაც საჭიროა, იქ თავდაჭერილობა მამაკაცის უმთავრესი ღირსებაა, ბაბაგე“.

მოუყვა ყოველივე ილონას როკიმ, როგორც სჩვეოდა დეტალების სიმახვილით და თან დაძინა:

— ისე ნუ იზამ, თითის მაგივრად ხელი გამიხდეს მოსაჭრელი.

ბოშა ქალმა გულთანად გაიცინა.

— ჩემთან ძუნწომ მაინცდამაინც?! ხელს იმეტებ და თავს — ვერა?

ოდიშელიამ ყასიდად წაუჯიკავა, თითქოს ლოგინიდან ჩამოგდებას უპირებსო. ილონამ შეჰკივლა სუსტად და მის სახესთან ბრჭყალები აანთო დედალ ავაზასავით.

— ამ ცხელ გულზე მოწევა კაცი სიგარეტს.

— შემეკლავს!

დედაკაცი ისევ წამოდგა, გაიარა მიწატყეპნილისკენ. თაროდან გაუხსნელი „პრემის“ ალისფერი კოლოფი აიღო. მოავლო თვალი იქაურობას, მაგრამ ასანთი ველარსად იბოვა. თუჯის ღუმელის კარი გამოაღო. მიაღო მუგუზალს, მაგრამ პაპიროსი ხელადვე ჩაქა. სანამ ნაფაზი არ დაარტყა, არაფერი გამოუვიდა.

— ფუფ, რითაა თავს იწამლავენ?! — თქვა ხველებ-ხველებით და საფერფლეს მაგიერი კონსერვის ქილა გამოიძლოლია. — აჰა, გამომართვი, ცხონდი! როკიმ ხარბად გააბოლა. ორი დღის მოუპარსავი წვერი ნემსებივით აყრია სახეზე.

ოდიშელიამ ბალიშით თავი აიმაღლა.

— რა ნეფეწართმეული პატარძალივით წვრილებ. ჩამოჯექი საფერხულთან. კვამლი არ შეგაწუხებს. ჩემსკენ უბერავს, თან სიკვდილსაც ავიცდენ ცოტა ხნით.

— მე რა, მეხამრიდი ვარ?!

— ააა, თქვენებმა არ იციან ეგ ზღაპარი, სიკვდილი რომ გამოეცხადა ბოგანოს?!

— ნწუ! — უარის ნიშნად თავი გააქნია ილონამ, ფეხები მოიკეცა, წვივებზე ხელები შემოიჭდო და მუხლისთავებს ნიკაპს დააყრდნო.

— გაამწარა წუთისოფელმა ერთი ბედოვლათი, თავის მოკვლა განუზრახავს, ხან ყლთან მიიბჯენს ალესილ დანას, ხან — გულთან და მუცელთან. გამოიარა სიკვდილმა და ეკითხება:

ისეთი რა გაგჭირვებია, უბედურო, საჩემოდ გამზადებულხარო.

ჩამოუთვალა დატაკმა მიზეზები: ცოლ-შვილი შიმშილით მეხოცება, იმათი საცოდაობის ყურება აღარ შემეძლიაო.

მე გამოგიყვან მაგ მდგომარეობიდან, ოლონდ იმ პირობით, რასაც იშოვი, ნახევარს ჩემთვის გადადებო.

მაინც რანაირადო, გამოცოცხლდა ბოგანო.

მე სიკვდილი ვარ. მიხვალ ავადმყოფთან. თავთან თუ ვედგომები, განწირულია, ხოლო საფერხულთან რომ მიხილო — გადარჩენილი. გაგივარდება სახელი და დანარჩენი შენ იციო.

გამდიდრდა გაღლეთილი გლახაკი, მაგრამ სიკვდილისთვის მიცემული პირობა ვის ახსოვს, და აი, ერთ მშვენიერ დღეს დაადგა თავზე მიქელგაბრიელი ჩვენს გაუმძღარ დასტაქარს. შეატრიალა საფერხულისკენ თავსასთუმალი.

სულელო, ეუბნება სიკვდილი, პირველი გამოცხადებაა მთავარი, თორემ აწი წისქვილის დოლაბივითაც რომ იტრიალო, გიშველის რამესო და დასტოვა პირლიად.

— თუ ეგრეა, წამოვედი და ეგ არის. ხუმრობა იქით იყოს, მინდა ყველაფერი ვიცოდე შენზე.

— მაინც რა?

— თავისუფლებაში ყოფნისას ქალების მუსუსი ყოფილხარ. თოთხმეტი წელიწადი რანაირად გასქელი მათ გარეშე?

— ააა, მიგიხვდი, გინდა გამომტეხო, ვმარხულობდი თუ არა შენი სიყვარულით? უქალებოდ საპატიმროები ვინ თქვა, ჩრდილოეთში?!

ისინი ჩვენი ზონიდან ოცდაოთხი კილომეტრის მოშორებით იხილდნენ სასჯელს. ის პერიოდი რკინიგზაზე დაყავდით სამუშაოდ. შპალებს ვუცვლიდით ლიანდაგებს. სინამდვილეში ხმელს ვაძრობდით ცეცხლის დასანთებად. ზამთრობით იქ ორმოცდაათ გრადუსამდე ადის ყინვა. ფიჭვის ტოტები გამოშრალია წყლისგან და ბენზინით ეკიდება. ქუჩის გაყოლებაზე არ ჩამიჩუმობს დილაღრიან თავმომრგვალებული, გაშალაშინებული ორმხრივი მესერი, მაგრამ შუადღის უღიმღამო მზე რომ გააღლობს ოდნავად, სალამოსპირზე ზონაში მობრუნებულს გესმის, როგორ ტკაცუნებს ყოველ ნაბიჯზე შემოჭერილი ყინვისგან, თითქოს რაღაც ჯადოსნური ინსტრუმენტი ია. ხოდა, ამისთანა ამინდში ჩაკვებულხარ სადღაც, შორეულ ტაიგაში.

ჯარისკაცებს მოველაპარაკებოდით, გრევებით შევბამდით, იგივე საჩუქრებით. თორმეტ კილომეტრს ჩვენ წამოგვიყვანდნენ, თორმეტს — იმათ და ნანატრი პაემანიც შედგებოდა. ქალის შოვნა შეძლებაზეა საერთოდ, განსაკუთრებით — კოლონიაში. თუ გაქვს დათრიმლული ხელთათმანები, მოკლესახელოიანი დაბამბულები, სამოქალაქო უმანკები, ჩაი, ტკბილეული, თექის ჩემები, მთელი ზონის საქალეთი შენია. შნოიანები იმათშიც გამოერეოდა. ისინი თავის მხრივ გჭუქნიდნენ ათი ნომერი შავი ძაფისგან მოქსოვილ მოკლესახელოიან პერანგებს, რომელზეც ოსტატურად ამოექარგათ დათვები, ლოსები და ირმები.

— მერე?

— დავლექო?!

— გეხვეწები!

— ფიჭვის ტოტების კოცონის ალი ცას წვდება. სამუშაოზე სულ ორმოცამდე ქალი და კაცი იყრის თავს. ბუნებრივია, ეშხიანს დაუტრიალდები, შებამ, თვინიერად მოგყვება უკან. ფეხქვეშ თოვლი ჭრაჭუნებს. ცეცხლის მიღმა ბუშლატიას დააგებ. ქალი საჭიროებისამებრ ტიტვლდება. ისეთი სიმხურვალეა ათ მეტრში ალმური გეკიდება. უმზერ მშვენიერ სხეულს, ძალადმონაზუნად რომ გადაუქცევიო საპატიმროს უკუღმართ კანონს და ლამის აწყუფლდე: ადამიანი ცხოველად ქცეულხარ. ყველას როდი შეხვდება პარტნიორი. ზოგჯერ მამაკაცია უხასიათოდ, ზოგჯერ რაოდენობაშია სხვაობა. ვინც მორიდდება — დანაწილდებიან ტყეში. კენტად დარჩენილი კაცები ზურგს შეგაქცევენ, მაგრამ აი, ქალები — ნურას უკაცრავად. ვითომ საქმიანობენ და მაინც გაფაციცებით გითვალთვალდებენ, თითქოს რაღაც ამადლებული სპექტაკლი თამაშდებოდეს სცენაზე ცეცხლის ფარდებს მიღმა. სადღაა სირცხვილის გრძნობა, შეახვიე ცხვირსახოცში. არსად მიგეჭარება, შეათამაშებ, ეფერები. არ არსებობს შენთვის მოშორებით ჩასაფრებული პუბლიკა. რამდენიმე წუთიც და იმ ტანკენარს მკლავები უღონოდ ჩამოუცვივდება შენი მხრე-

ბიდან. არის შემთხვევა, როცა სხვა ქალსაც მოუხდები. მაინცდამაინც შენ-თან სურს. გაგრძობინებს ამას მხარზეგადმოკიდებული პერანგით. თუ გამასპინძლებულ ფერიას გამოაპყვები ცეცხლის ენების საფარიდან, პერანგს ჯიბეში შეინახავს, მაგრამ გვარიანად რომ დაყოვნდები, ნელ-ნელა წამოაბიჯებს შენსკენ. არ ჩქარობს, სულის მოთქმას გაცლის. შემოუვლის კოცონს, ტოტებს უმატებს. დროს ჭიმავს, ნახევარ საათს მაინც გაიყვანს, ვიდრე მოგიჩოჩდებოდეს და დაინაცრება ისიც.

მატაოზი თუ გამოჩნდება, ლიანდაგებს ჯალამბრებით ასწევნ ჰაერში და სანამ სიგარეტებს, არაყს და მისთანებს არ ჩამოყაჭავენ, აყურყუტებენ ას-ას მეტროზე ჩარჭობილ დროშებს იქით.

— დანარჩენი? სხვები?

— ხომ ვთქვი, დაწყვილდებიან და გაიფანტებიან ტყეში-მეთქი. გულშემატკივარი ბევრი თუ გყავს, რაც ზონაში იშვიათობაა, მომდევნო დღემდე დაგიცდიან.

— და ასეა ყოველთვის?

— სადღაა ამდენი საჩუქრები!

— კი, მაგრამ ვისაც მამაკაცი არ შეხვდება? ხომ არიან ასეთებიც?

— თავზესაყრელად. ვარავაიკა თუა, ამნაირი კი ათი-თხუთმეტია მთელს ქალთა ზონაში, ახალგაზრდა, ნორჩ გოგონას დაითრევს. კავერიალკები, ყუჩკები თავს არ იზარალებენ.

ბევრი ულაზათო კაცივით ხელცთუნებით ერთობა, ან კიდევ პეტრუხა ლემეშივით ზოოფილის* მისდევს.

— ეგ კიდევ რა ოხრობაა?!

— ერთხელ შპალეხის გამოცვლას მოვრჩით. კოცონთან ვისვენებთ. შუადღე გადასულია. ყინვა ორმოცამდე უკაკუნებს. უშველებელი ნაძვის ხეები ჭრიალებენ. ბაწარივით გრიხავს მათ გიგანტ სხეულს თეთრი ციება. უყურებ ხეს და შენს გოაცებას საზღვარი არა აქვს: სამხრეთისკენ რომ იმზირებოდა ტოტი, ნელ-ნელა მოიწევს შენსკენ. ხე მთელი ორმოცდახუთი გრადუსით შემობრუნდება. ხოდა, ამისთანა ამინდში გამოჩნდა ცხენშებმული მარხილი. ცხვირი ისე დაბანდვია ყინულის გარსისგან, ვერანაირი ხელი მოქსოვს უკეთესად. მარხილზე ათასნაირად შეფუთნილი უბადრაგო პატიმარი ზის.

შევაჩერეთ. ტვირთზე ბრეზენტი გადაუფარებია.

რა მიგაქვს-თქო, ვეკითხებით.

ლუსიოა, გვპასუხობს.

ზონის წყალმზიდი ცხენი მომკვდარა, თვრამეტი თუ ოცი წლის ჭაკი. გამოაცალეს გულ-ფილტივი. ვედროში თოვლი ჩაყარეს და დიდხანს მოხარშულით დანაყრდნენ გემოზე.

— შენც?

— ძალის ხორცი მიჭამია, მაგრამ ცხენისას რანაირად დავაკარებდი კბილს?! თქვენებთან სიახლოვემ ისე შემაფარა ეგენი, თხუთმეტი, ოცი წლის შემდეგ ძილშიც მათი ფრუტუნი ჩამესმოდა.

— ნაღდი ბოშა ხარ. უმიზეზოდ გამიწევდა გული შენსკენ?

— ეს დროა და პეტრუხა ლემეშმა, ჩემი ბანოვანი იყო ცხონებულიო, ჩაიხვიხვინა.

რატომ თავიდან არ თქვი-მეთქი, გავცოფდი და ვრეკე შუბლში ნაჯახის ყუა. დავადინე სისხლი თქრიალით. რის ვაივავლახით შეუჩერეს სისხლდენა. აშკარა კარცერს გადავრჩი, რადგან ჩაყინებულ ზედამხედველს დაუძალა საქმის ნამდვილი არსი.

დავეციო, სულ ამას გაიძახოდა. სხვანაირად იტყოდა და იცოდა, უარესად წაუვიდოდა საქმე.

მოგვიანებით ყველაფერი გაირკვა. ლემეში ლუსიას გულშემატკივარი ასეულის უკანასკნელი წევრი ყოფილიყო. თქვენ თვალისჩინივით უფრთხილდებით ცხენებს, შვილივით გიყვართ, იქ კი ზონაა, ჯუნგლების კანონი. ჩრდილოეთში, გნებავთ, მომაკვდავ ბეხრეკს, რომელი ჭკუათმყოფელი გაიმეტებს დასამარხავად?! თოკს გამოაბამენ კისერზე. მიწაში ჩარჭობილ ძალყინზე წამოაცვამენ დამარყუჟებულ მეორე ბოლოს და ქანცის გაწყვტამდე არბენინებენ, ვიდრე ერთიანად არ გაიქაფება. ოფლს ზედმეტი მარილი გამოაქვს.

ხორცი უგემრიელდებაო, ამტკიცებენ, განსაკუთრებით მას შემდეგ, რაც ცივი წყლით განბანენ დაკლულსო.

— რამხელა ბარბაროსობაა, მაგრამ ყოველთვის ზამთარი ხომ არ არის იქ?

— რა თქმა უნდა, გამოზაფხულდება ადრე თუ გვიან და თვალის დახამხამებას ვერ მოასწრებ ისე ჩამოყინულდება; თუმცა რანაირი ხანმოკლეც უნდა იყოს ტაიგაში გაზაფხულ-ზაფხული, იქაური გარემო წარუშლელია, იღონა.

ჭირივით მძულს კაცი, რომელიც სამშობლოს ბუნების სილამაზით მთვრალი, ვერ ხედავს, ან არ უნდა შენიშნოს სხვა ქვეყნის განუმეორებელი მშვენიება. თვალისმიმტაცებელი სანახები ყველა ერს გააჩნია, სამხრეთელია იგი თუ ჩრდილოელი. ხოდა, გუშინდელ ყინულოვან ზოდებს ახასხასებულ ბალახებად გადააქცევს წამში ციმბირული ტაროზი.

ციყვები გირჩებს ეპოტინებიან პაწაწკინტელა წინა კიდურებით.

ლოსები, იგვე ცხენ-ირმები, ათ-თხუთმეტ ნაბიჯზე გიახლოვდებიან გიგანტური რქებით. ხშირად თუ გხედავენ შეიძლება მიწოდებული პურის ყუა აგაწაპნონ ხელიდან.

ყოველ ათ წუთში ელვისებურად გაირბენს წითური მელია.

დათვლილი ტყვიებით მოდის ბადრაგი თორემ სროლის უფლება ჰქონდეთ, მილიონრები გახდებიან ერთ სეზონში იქაური ტყავეულით და ბეწვეულით.

საკმარისია ნახევარი საათით წამოწვიმოს ტაიგაში, რომ იმხელა სოკო-ები ამოიბურცებიან შენს თვალწინ, გითხრა — არც კი დამიჯერებ. ჯერ ერთი, ისეთი დაბურულია ციმბირის ტყე, თავსხმა ხშირი ტოტებიდან ვერ აღწევს, სხეულ-სხეულ ჩამოედინება წვიმა. მერედა, იმოდენა ქუდიანი სოკო შემოგეფეთება ზოგან, თავი ზღაპარში გეგონება. რამე რომ იყოს, შეეყუყუები და აბოლუ შენთვის რამდენიც გენებოს. ღერო ჯოტო ოდიშელისა მაჯისის-ხო აქვს. დაჭრიან. ორ-სამ დღეში თუ არ დაამარილე, ჩაიფშუტება, დამატ-ლიანდება.

დაბოლოს, ტაიგის მშვენება ტბები. თეფშისხელად მოგეჩვენება შორი-დან, სინამდვილეში გაცილებით დიდია, ოღონდ წყლისკენ წაწეული ნაპი-რები ბალახს დაუფარავს, ხმირს, თუშური ჯეჯიმების მსგავსად ერთმანეთში ჩაწულ-ჩახლართულს. მტრები თუ გყავს გამოუცდელს, დაგიმალავენ ყოვე-ლივეს. ფიქრობ, მინდორზე მირბიხარ, ამ დროს ქვემოთ თვალუწვდენელი ფსკერია, და აი, როცა სარივით ჩასრიალდები უეცრად გარღვეულ ხალიჩა-ში, თმა ჯაგარივით დაგადგება კინკრიხოზე. ჩაძირვამდე ჰაერი თუ არ მოიმა-რაგე, ვეღარ გააღწევ იმ ხასხასა ნოხს და არშინიანი ქარიყლაპიები ისე გაგ-ძვალავენ ხორცისგან, ანატომიის მასწავლებელსდა თუ გამოადგები ნაპირ-ზეგამორიყული ათასში ერთხელ. როცა შენიშნავენ, პირველი წინალობა დაძ-ლიე, შიშობენ, ვაითუ დაუხმარებლად გამოადწიოსო და ათი-თორმეტი მეტ-რის ჭოლოკს გამოგიწოდებენ, ნაწილობრივ გამოისყიდინ დაწაშაულს და გამოგათრევენ სამშვიდობოს არაქათგამოცლილს.

ზაფხულობით დედაკაცი იშვიათობაა იქითკენ და არცაა სასურველი, ცნობილი კამელების გამო, მაგრამ სამ-ოთხ თვეს უქალობას აიტან რამენა-ირად, მით უფრო, როცა წინ ზამთარი ვერსობით გიძევს.

ჭკვიანია თქვენი ხალხი, ილონა, ჩრდილოეთს რომ არ ეკარება. თქვენ სისხლით ხორცამდე სამხრეთის შვილები ხართ ჩვენსავით.

— საქართველოში?

— საქართველოში! საქართველოში!

— დაგხოცეთ შიმშილით, — მოიბოდიშა ფარეხში შემოსულმა შაშმან-მა, — ორი-სამი კინთის მეტს არ ვწველი და ორმოცამდე ლიტრი მაინც გროვდება ყოველდღია. რა ამბავში იყავი, როკი, წუხელ? არა, ძმაო, კახელებ-ბის ღვინო თოფივითაა. ჯერაც ფხიზელი ვარ, გგონია?! ავადუღებ რძეს და იცურავე მერე!

— თქვენ იკითხეთ თორემ, ვაჟბატონი გამოვიდა პანმელიიდან.

— კარგი უქნია დალევის თავი თუ ჰქონდა. ძაღლის ნაკბენს ძაღლის ბა-ლანი კურნავსო, იტყვის ჩარნაზ გაბისონია. მეზობელი მწყემსია, სამოცდა-ათს გადაცოლებული. ჭურჩის გაყოლებაზე ოცდაათამდე ფარეხია ჩამომწკ-რივებული. რაიმე საინტერესო გადაცემა თუა ტელევიზორში, გადმოგვაჩე-ბენ კახათელები და იქ ვიკარიბებით უკლებლივ. უამისოდაც მოვიკითხავთ

ურთიერთს საუბრით გულის მოსაფხანად. ლადიკიას გამოჩენის შემდეგ მართობა შემომსუბუქდა. ცხენებისთვის თითო კალათი ბალახი დაუყარა და ანაკლიისკენ გასწვია.

შევრცხვით ქალბატონთან, ხელის საპონი ჩვენ არ გავაჩნია და თეთრეულიო.

დაუზარელი ვინმეა, უშიშარიც ამ დროს. დაჰკრავს ფეხს და შუალამეც რომ იყოს, უღრანების გავლას არ მოერიდება.

მტაცებელი ცხოველები ჯერაც ბლომადაა ჭურიაში. ვინ იცის, სად დაგაფრინდება თავზე ფოცხვერი ან მგლების შეთხელებული ხროვა. ტურები ხომ მშობიარე ქალივით ჩხავიან შებინდებიდანვე. ახლა გაიკაფა აქაურობა ზომაზე მეტად, მაგრამ აღრე სხვა ყოფილა. მოვიპატიუებ სადილზე ჩარანაზ გაბისონიას, კოლი ჭანიას და ჭაჭია ქობალიას, კახათელებს და თავიანთი პირით ვათქმევიანებ, რეები უნახავთ.

ჩარანაზი წარმოშობით ცვანედანაა, ერგეტელია შენსავით, მაგრამ აქ დაბერებულა უშვილიძორად და მგონია მეც მის გზას ვადგევარ. ჩვენგან ათიოდე კილომეტრში სამხედროები დაბანაკებულან. პროდუქტებისთვის შემოგვივლიან ხოლმე. ბოლო დროს ისე უყურადღებოდ ჰყავთ მიგდებულები უფროსობას, მხედრული წეს-რიგი ფეხებზე ჰკიდიათ, ბოთლ არაყში ტაოტიან ავტომატს იძლევიან. მეც მომიტანეს ერთი, ნახევარი ფუთი ტყვიით.

— ალბათ, ვაზნებით. — ჩაერთო როკი.

— ჯანდაბას მაგისი თავი, ჰო, ვაზნებით. გერმანიის ომში წასვლა გვიანია ჩემთვის. არც ავღანისტანში მიმიწევს გული მაინცდამაინც და ეგდოს ეგერ, შენი ლოგინის ქვეშ.

ცოტა ხანს გვაპატიე, ქალბატონო. ტყუილები ტყუილების კვლობაზე ვცხოვრობთ. სადაც არის მოვა ჩვენი ლადიკიაც. ფული გქონდეს და ანაკლიის მაღაზიაში რას არ იშოვი კაცი. ისე, ის ფაცაცია, მართლაც მაგარი ვინმეა. ბევრი კოლმეურნეობა და ორგანიზაცია-დაწესებულება ჩხირკედლობს ჭურიაში, მაგრამ ხალხი მაგის მეტს არავის უმადლის. ხელისგულივით ასფალტი მიიყვანა ზღვამდე. კოტეჯები ჩამომწყრივა პანსიონატში, ავ თვალს რომ არ დაენახვება. ლიმონარიუმებითა და მელიორეობის კომპლექსებით გაავსო იქაურობა. ადგილობრივი მოსახლეობაც კმაყოფილი ჰყავს და თავისი მუშახელიც. ხალხის ზრუნვაში რომ უთენდებოდა და უღამდებოდა, ამისთანა ერთადერთი — შამგონელი ბაგი ანთარია ვნახე. ამბაკოვიჩიც, ჯოტო გუგუჩიაც. ცხადია, სარგებელში არიან, მაგრამ მეფუტკრეს ხელზე თაფლი თუ არ წაეცხო, საქმე არ გამოვა. ამათ გამოკლებით, ყველა სახლში ეხიდება ჭურჩიის სიკეთეს. ბაგი განუშემორებელი იყო მართლაც, არ დაუთმო ივლიანე თოდუას და ახლა არდაშელ ჰალიძონია პარპაშებს შამგონაში.

— ეგ რომელი, საკუთარი რძალი რომ გააბახა? — ჰკითხა როკიმ.

— საიდან ასწრებ ამდენს?

— საქართველოში პატიმრობის ბოლო წელს დურუ იჯდა ჩემთან.

— დურუს სიკვდილით დასჯამ წელში გამართა არდაშელი. აქამდე შინ გამოკეტილი კვლავ გაერია საზოგადოებაში. ის მაწაკი დედაკაცი აკითხავს ხოლმე ქალ-ვაჟის საფლავებს, მაგრამ არდაშელი ჭურიაში ერთხელაც არ გამოჩენილა. არ ადგები? ხბო ჩამოვკიდე. ჩაყრი ახლა ხორცს და ჯანდაბას მათი ნიაბაგი!

— გოგო-ბიჭის სიყვარული მრავალნაირი გამოგონია, მრავალნაირი წამიკითხავს, მაგრამ მათ გრძნობასთან თვით რომეო და ჯულიეტას ტრაგიკული მიჯნურობაც ვერ მივა. ხელწამოსაკრავი არც ჩემი და ილონას უნუგეშო ტრფიალებათ, თუმცა იმათ რომ უბედურება დაატყდათ თავზე, ენით აღუწერელია.

შაშმან, წადი შენ, მეც ახლავე მოგყვები. თავის ბრუაღმა გამიარა საბოლოოდ. ისეთ მადაზე ვარ, შეიძლება მეორე ხბო გაგიხდეს დასაკლავი.

ილონა, მომაწოდე ერთი, ჩემი ჯვარები. გადამრევს ეს ქალი! საარკემში უნდა იყურებოდე გამუდმებით? გავიგეთ, ბატონო, მშვენიერი ბრძანდებით, მაგრამ მაგ სილამაზისთვის სულაც არ ვაპირებ საწამლავის დაღვევას და არც ზღვაში შევცურდები იმის ფიქრით: მოჩენილია შენი ამბავი, ეს ნეგრივით ბოშა ქალი არაფრისდიდებით დაგეხსნება, გნებავს დიხამინჯიამ მთელი საძაღლეით დაგადევნოს მინჯორაიას თამაღობით და უმჯობესია წუთისოფელს გაეცალო-თქო.

არა, შვილოსა, გაუმარჯოს სიცოცხლეს! სიკვდილის ყველა კარი ჩარაზეთო, პოეტმა და მე, თვრამეტი დედალი ავაზის რისხვამ, ასე უაზროდ ავიღო ხელი ღვთიურ სიკეთეზე?! — ამბობდა როკი და სიცილ-სიცილით იმოხებოდა.

„ილონა, უბედურო, რისი იმედი გაქვს? შენ რომ გიყვარდა იმ ბიჭუნას ხომ ხედავ, რამდენი ეკალი ასხია ტანზე?! სხვისთვის კი არა, საშენოდ. ხელის ჩასაჭიდებელს ეძებ, მაგრამ მიუკარებელი ნაპირივითაა. ათასი მისასვლელი ჰქონდეს, ყველგან ფრიალო კლდეებია შენთვის. დაბერდი ქალი და მაინც ქერქეტა გოგოდ დარჩი, შაქარივით თეთრი ბიჭის ელვარება რომ გნუსხავს. ფარხმალი მაშინვე უნდა დაგეყარა, როცა თურმანიძეების შიშით ერთი ნაბიჯიც ვერ გადმოადგა შენსკენ. საქორწილო მაგიდას ვეღარაფრით მოშორდა, თითქოს დამაგნიტებული იყო. შენ კი არ ცხრებოდი. შემოთავაზებული ღვინით ცეცხლმოკიდებული იქით მიეახლე ამალით ნეფე-დედოფალს. მერედა, ერთხელ თუ ორგზის?! დაჭმუჭნილ თუმნიანების ისროდნენ მარჯვნიდან და მარცხნიდან, თითქოს მართლაც სარგებელისთვის მისულიყავი მათსას. შენი გოგონები არ თაკილობდნენ მათ აკრეფვას, ბეჩავო. შენი ბავშვობის უძილო, ანკარა ღამეებს ყიდულობდნენ თურმანიძეები დაურიღლად, რომ ილონას სახსენებელი ერთხელ და სამუდამოდ გადაშენებულიყო ოდიშელისა გულიდან. რამდენი მთვრალი მამაკაცი წაგებოტინა იქ, შენ კი განურჩევლად ყველა სურვილს აღასრულებდი, ცირკის ტაკი-მასხარასავით კუნტრუმებდი როკის წინაშე. რა გრჯიდა, ვინ გეძახდა, რომელს გაახსენდი?! დაუპატიჟებელ სტუმრად მიხვედი

და დაქირავებულ მომღერალივით გეპყრობოდნენ. სიმწრის ცრემლებით ტირილდა კარლო და მაინც აგრძელებდა გიტარის უღარუნს. იმდამინდელი ფულით შენი ასულები მართლაც დედოფლებივით შეიმოსნენ, შენი გაქურდული სიყვარულის საფასურით შეიმოსნენ, ილონა. ვერაფერმა დაგაოკა, იქით უვარდობი ხახაში შენს დამაქცევარს. მისთვის იწვოდი მთელი ღამე, ის კი განგებ წაგიყრუებდა, თვალს გარიდებდა, თურმანიძეების ასულს წამოჭარხლებული სახით ეჩურჩულებოდა, ალბათ, იმისი შიშით, ჩვენი სიყვარულის ამბავი ხმამაღლა არ წამომცდენოდა. ან რაში ენდომებოდა ჭუჭყიანი კარვების ქალი, როცა თურმანიძეების მილიონერი გოგოს სურნელი აბრუებდა?!

ილონა, უბედურო, შენი ყისმათი არაფრით განსხვავდება კარმენის ბედისგან, არც — ესმერალდას და ესენიას წუთისოფლისგან. თავიანთი გაფურჩქნის წელში დაიღუპა სამივე და შენი ბოლოც ეგ არის. თეთრ მამაკაცს არ შეუძლია გრძობის ბოლომდე შენახვა. აისრულებს თუ არა საწადელს, ეგრევე ხელს გკრავს, როგორც უსარგებლო ნივთს. ამას გიკიჟინებდნენ ბიცოლები, დეიდები, მამიდები, დედა. განგების შეცვლა გწადდა, საწყალო! ბედისწერას აუშხედრდი. მისი თვალუწვდენელი ტალღების გადაცურვას ლამობ. გონს მოეგე სანამ დროა, სანამ შენი ბიჭებისთვის მთლად არ გამოგისვია ყელში დანა. გაყიდე შენი უძრავ-მოძრავი ქონება. შენი ონავრები ვიოლინოსა და ფორტეპიანოს გარეშე ჩინებულად გავლენ ფონს ცეცხლოვანი გიტარებით. ფართე ქამრები შეუკერე ვაჟებს! მამა-პაპური დანები აულესე და მოევი მათ კულში დევნას! დაე, იბლოტილონ ტყე-ლრე; დაიკაწრონ, გადაიყლიფონ მუხლისთავები. მამლაციწებივით ეძგერონ მეტოქეებს, გამოსაშვები სისხლი გამოუშვან. ფორანს ცხენები შეუბი, ილონა! აიკიდე ზურგზე შენი ავლა-დიდება და დაუბრუნდი საკუთარ კალაპოტს. იღბალი რალა შენთვის დაუშვებს გამონაკლისს?! ამ ხალხს დაკარგული აქვს დროის შეგრძნება. დამღვრებულ ტბასავითაა მათი ცხოვრება. სადაც მარდვენ, ჭიდან წყალი იქიდან ამოაქვთ. შენ კი სინდიყივით უნდა იმოძრაო, ხავსი რომ არ მოგედოს, საკუთარ ოფლსა და ხვითქში არ ამოიგულო. კი, ხეტილისაა შენი როკი, მაგრამ გულის კარნახით როდია ეგ. მთავრობა სდევნის, იმიტომაც არ დაედგომება ერთადგილას. საკმარისია მტრები ჩამოიშოროს გზიდან და ასიათასიდან ის ერთადერთიც ტბასავით დაგუბდება. დროის შეგრძნება შენს ხალხსაც დაუკარგავს, მაგრამ სხვანაირია საფუძველი, დროსთან ერთად რომ მივირწევით ჩვენი ჭუჭყიანი ფორნებით, რათა დამნაცრავი ერთფეროვნება უმადურ ლუკმასავით ყელში არ გაგვეჩხიროს. კიდე გააჩენ შვილებს. შენი სხეული კუზმას ქურასავითაა. ასულსაც გააუქებს ღმერთი, ალბათ. ჩაისვი კალთაში და მოუყვი შენი სულის ისტორია, თეთრ მამაკაცს რისთვის არ უნდა გაეკაროს“.

— ილონა! ილონა! — გამოსძახა ოდიშელიამ ეზოდან და ბოშა-ქალიც გველნაკბენივით შეკრთა. ქუსლებწაჭრილი კედებით გამოფლატუნდა ფიცრულიდან.

ბაკის ღობეს გადმოყრდნობილი როკი ხელს გამალებით უქნევდა.

ილონა გულამოვარდნილი მოაწვა ზღუდეს ოდიშელისას სიახლოვეს, ზედ მარჯვენა მხართან. როკი ზურგით ეყრდნობოდა ღობეს, ილონა — მკერდით, მათ თვალწინ კი მუქწაბლისფერი ფაშატი წაგრძელებულ ფეხებზე დაბანცალებდა, ამაოდ ეძებდა ძუძუს. ჭაკი დაგებულ თივაზე იწვა ჯერაც.

მოულოდნელი სურათით ერთიანად ათრთოლებულმა ჯივრანმა თავი აიღირა და ყურისძირას აკოცა მამაკაცს. წყალში ჩაეყარა წელანდელი ფიჭურების რემა.

ოდიშელია არ გამოკიდებია მცხუნვარე ტუჩებს, დარჩა ასე გასაგნებულნი, მდინარეში გადაგდებული კენჭივით.

დედა-ცხენმა ითმინა ერთხანს ფაშატის უთავბოლო ბოდიალი ღობის გასწვრივ, წაიხიზინა, მერე ახალდაგდებულის მოსაბრუნებლად წამოიმიუხლა, წელში გასწორდა, სხეული შეიბერტყა, ძუა-ფაფარი ააქანავა და თაფახარილმა ლაჯებში შემოიკელლა მემკვიდრე.

ოციოდე მეტრის მოშორებით სამფეხზე შედგმულ ქვაბში ხბოს აქნილ ხორცს ყრიდა შაშანი.

— კვიმატი წელიწადი იქნება გაისად, — თქვა თირქიამ, ისე რომ საქმიანობა არ შეუწყვეტია, — დაკვირვებული ვარ, არამართო ჩვენს ფარეხში, შამგონელებთანაც, კახთელებთანაც და ორულელებთანაც, რაც კი იშვა, ყველა დედალია. უცნაურია, არა?! არც კნუტებში გამოერია ხვადი. სულ ნეზვებს ყრიან ღორებიც. ბუნება რაღაც დიდი განსაცდლისათვის გვამზადებს.

მდედრის მომრავლება უბედურების მომასწავებელიაო, იტყვის ხოლმე ჩარნაზ გაბისონია.

— გშველებია და ეგ არის, — გაიცინა როკიმ, — ამდენი მდედრის სიმრავლეში გამოერევა, ალბათ, საშენოც. რახან ლოგინიდან წამომაგდე, ბარემ ნულარ მომერიდები, დამავლე რაც გენებოს, თორემ უსაქმურობისგან ხავსი მომეკიდა.

— შენ ილონა არ მოაწყინო და დანარჩენზე ნუ სწუხხარ.

— არ მოაწყინო! იპოვა პატარა საქმე. ორი საათია ჟუჩკებზე მალაპარაკებს. ახლა გრეხენების ამბებს მომთხოვს. წახდა ქვეყანა, კაცის სიტყვას ვერ ენდობი. წამომაგდო ლოგინიდან და თავიდან მიშორებს ისევ: ილონა არ მოაწყინოო, თითქოს სიმინდს ვამოროდებდი იქ. მირჩევნია დიხამინჯიას ხალხს ჩავბარდე, — თქვა მოჩვენებითი სერიოზულობით როკომ და თავისქნევით მიჰყა მწყემსების სადგომისკენ გვარიანად დაწინაურებულ ქალს.

დიასახლისს ლოგინები დაელაგებინა, ოთახი გამოეხვეტა, გაენიავებინა.

ოდიშელიამ ზამბარებიან საწოლს გაუპირდაპირა, ჩაიმიუხლა და ხაკისფრად შეღებილი ხის გრძელი ყუთი გამოათრია. მაგიდასთან მიაჩოჩილა სახელურით. გახსნა საკეტურები, სახურავი ახადა და კალაშნიკოვის გამართულმა ავტომატმა თვალი მოსწყვიტა.

გრაფინი და ჭიქა იატაკზე ჩამოდგა. ლაქებიანი სუფრა გააცურა ნახევარს იქით. თვალის დახამხამებაში დაშალა იარალი. დანის წვერით კონდახი მოაშორა ავტომატის ლითონის კორპუსს. გაწმინდა ნაწილები ზეთწასმუ-

ლი ჩვრით. კონდახი ყუთში ჩააბრუნა. ისევ ააწყა. ახლა მჭიდვებს დაუტრიალდა. ვაზნები ამოყარა. ხელახლა დამუხტა ექსივე. ორ-ორად შეკრა იზოლაციის მწვანე ლენტით.

საწოლზე ჩამომჯდარი ქალი დაჟინებით უმზერდა როკის ჩხირკედელაობას.

ათის დათვლამდე თუ შემომხედა, ბიცოლაჩემის მარჩიელობას ყავლი გაუვაო, ფიქრობდა ბავშვურად და რაც შეიძლება წელავდა. ერთი, ორი, სამის რიგითობას ცხრამდე, მეათე შავი ღლისთვის შემოინახა კიდევც, მაგრამ ოდიშელია ისე გაეტაცა იარაღის ჩხაკუნს, სატრფო კი არა, სიგარეტიც გადავიწყდა.

— ილონა, მომხედე! — თქვა ბოლოს მარცხენა მხარს ზემოთ მიწატყეპნილის მიმართულებით და ქალმა საპირისპირო ალაგიდან რომ გაიღო ხმა, გაუკვირდა.

— იქით მეგონე და აგერ არ ყოფილხარა?!

— ნახევარი საათია გითვალთვალე, ერთხელ არ გაგახსენდი. ნეტავ მაგ იარაღში ისეთი რა ყრია? ალბათ, სიგარეტის მოწვევა მოგინდა. ზანგის გოგო არ მოიშხამავს მეტყვე პირს. ჩვენში დარჩეს და არც შენი ცოლია მაინცდამაინც ნეფერტიტი.

— სულელი! ყველაფერში მაგრები ხართ ბოშები, მაგრამ, აი, იუმორში გაბროველებსაც უჟოკრავთ. კარგი, ბატონო, აწი არასდროს გაგეხუმრები. ილონა, ამაზე უკეთესი საბრძოლო იარაღი არავის მოეპოვება დედამიწის ზურგზე. თვით მაფია და კოზნოსტრა ხელიდან არ აგდებს კალაშნიკოვის ავტომატს. აბა, ლიანდაგს ხვრეტს. მუხლები გეკეცება მის მჭახე ხმაზე.

ერთხელ ბადრაგის ბრძანებას არ დავემორჩილე და ცეცხლი კაცის სიმალღეზეო, რომ სქექა მაიორმა, ასი პატიმრიდან ორად-ორი დავრჩით ფეხზე, მე და ვასია ზატოჩნიკი. არ შეგეპკრთალვარ-მეთქი ვამტკიცო, ტყუილი იქნება, მაგრამ მთლად შიშამდე არ გადაზრდილა ის გრძნობა. კართომა გულის ქვემოთ ვერ მიდის, შიში კი მუხლებს ჩაირბენს და ვიდრე ტერფებამდე ჩააღწევდეს, მიწაზე ვარდები. გასწავლო როგორ ისვრის?!

— რა ჭირად მინდა, თანამებრძოლად მაინც არ გამოვადგები, — ილონა საწოლიდან წამოიმართა, მაგიდიდან ტაბურეტი გამოაჩოჩა და გვერდით მიუჯდა.

— კუბაში, ისრაელში ქალების სავალდებულო სამხედრო სამსახურია, მამაკაცებს ტოლს არ უდებენ სროლაში. ვინ იცის, იღბალი საითკენ გადაგისვრის ღიხამინჯიას გადამკიდეს?! პროფესიონალს ყველგან პატივით მიგიღებენ.

— ჯარში შენ არ ყოფილხარ და საპატიმროებში როგორ დახელოვნი მის ოსტატურად დაშლა-აწყობაში?

— ჰო, სულ ჩემი მხედრული სრულყოფისთვის ირჯებოდნენ აშბა, კვეკვესკირი და სტეპანცევი. ავტომატიდან ყუბანში ვისროლე პირველად. ჩემი მასპინძლის უფროსი ვაჟიშვილი ზემდეგი იყო. ცოლის დასაშინებლად ოჯახში

დაათრევედა იარაღს, მაგრამ მისი საზიდრის ცხენივით ზონზროხა დედაკაცი ისეთი მუდო გახლდათ, ავტომატით კი არა ზარბაზნით ვერ შეახრვენიებდი წარბს. მათი სოფელი რადნიაკოვსკაია მდინარე ლაბას პირას მდებარეობს, იშვიათი სილამაზისაა. წამიყვანა ერთხელ ტყეში და ოცდაათი-ორმოცი მეტროდან ორი გასროლით მოცელა მაჯისისხო არყისზე. მერე მომაწოდა იარაღი და მეუბნება:

აბა, მანახე რა ვაჟკაციც ხარო.

დავუმიზნე და პირველივეთი რომ მივაწვინე აშოლტილი, ხმა დაიდუმა. შენი მაძებარი ათიოდე დღეს დავყოვნი რადნიაკოვსკაიაში.

კოტიონიკოვებთან სამი ღამეც არ გამითენებია. მამამთილს რომ უღრიალა, იმ დეკვალმა: როდის გააგდებთ აქედან მუქთამჭამელსოო, ამოვიკვეთე ფეხი მათ ხატაში.

ოჯახის უფროსი მამაჩემის ამხანაგი იყო, ჩინებული ხურო. მაგისთანა კარ-ფანჯარას კაციშვილი ვერ ამზადებდა. დედამთილი მარილებიგან მოღუნული თითებით დილიდან საღამომდე წნავდა სახელურებიან კალათებს ფანქრისისხო ლერწისგან. მეურნეობას აბარებდა ჩალის ფასად.

მეორე შვილი აგურის ქარხანაში საქმიანობდა. ქოფაკის მეუღლე სამხედრო ნაწილში საომარ ხელოვნებას ასწავლიდა ახალწვეულებს. ფულს დუნჩიკას აბარებდა ყველა.

მამასთვის ვერავინ იცლიდა რძლის მეტი. მამა ველის წითელი ჯიშის ძროხა გახლდათ, ოცდაათხ ლიტრ რძეს იწველიდა დღე-ღამეში. ხუთი ტომარა ბალახი არ ჰყოფნიდა და სულ დუნჩიკას საზრუნავი იყო. რაიმე ხეირი ჰქონდათ გგონია, იმ რძისგან?! ანადულარ რძეს დაუმატებდნენ მაჭიკის მაგივრად, მაწონი თუ მოყირჭდებოდათ დოლბანდით გაწურავდნენ, დაადებდნენ უშველეებელ ქვას და ნაჯახით ჭრიდნენ მერე იმ ყველს. სხვა შემთხვევაში ყველა ჭურჭელში მაწონი ყვანტალებდა. მოხდიდნენ ერბოს, წაგრძელებულ ხუთლიტრიან ბოთლში ჩაასხამდნენ და ხევსურების მსგავსად კარაქად დღვებდნენ გამუდმებული ნჯღრევით. საქმეს მორჩენილი ქალი თუ კაცი იმ ბოთლს არწევდა დღენიდაგ. მეც მომაჩეჩა ერთხელ, მაგრამ ჯიქურ რომ მივუბრუნე, თვალში ამომიღო.

იქაურ გოგონებში დავსეირნობდი, ხან ერთთან ვრჩებოდი ღამით, ხანაც — მეორესთან. როგორც მერე შევიტყვე, სწორედ ეგ უშხამავდა გუნებას.

მუქთამჭამელის სახელი მომაკერა. სინამდვილეში მათთან სამჯერ არ მისაილილა.

შეუჩნდა მამამთილს: ბალახის მოტანაში მანაც შემეშველოსო. აბა, იმ ჭკუაზე ვიყავი, ოჩანი დედაკაცის ტომრები მეთრია. ჩვენებური ჭაჭა ბოციო მქონდა ჩამოტანილი. ფულს ყოველდღე ვიჭქნიდი პატარა ლენას, ვიდრე რადნიაკოვსკაიაში გავქელ. მალე მეორე ძროხამაც მოიგო. ახლა კი მთლად პერი მოიყვანა თავზე დუნია. გოგო-ბიჭებში მომაკითხა გაჯორილმა მამამთილმა, განზე გამიხმო და ლამის მუდარით მითხრა:

ხომ ხედავ რა დღეშია?! გაჰყვი სათიბში. მუშაობას არავინ გთხოვს, გამოესაუბრები უბრალოდ.

წავიდა და აქირჩილდნენ უბნელები.

რა იყო-მეთქი, შუბლი შევიჭმუნე.

ვინც კი ჩვიდმეტს გადაცილებულია ჩვენს სოფელში, ყველა ყმაწვილს შეუშველებია ხელი დუნჩკასთვის შენს მეთს. ალბათ, ეს აწიწმატებსო, თქვა საშა ბუჰაიოვმა. ხუთი ტომრის გავსებას საათნახევარიც ეყოფა, მაგრამ ვინ გიშვებს სალამომდე დილით წაყვანილს. დატენი ბალახით იმ ტომრებს. თავს ამოუბანდავ სპილენძის მავთულით, გამოათრევ გზისპირზე, ჩამოჯდები სადმე. ეს ველური დედაკაცი კი ზედ გააშლართება. უმადურად გადმოგიდებს აგურა პურის ნახევარს. წარბების აზიდვით მიგანიშნებს გაქუცული ჩანთისკენ, რომელშიც საგზლად წამომძვარებული მოხარული კვერცხები, კარტოფილი თუ კიტრი და პომიდორია.

ილონები ლუკმას. ყელში თუ გაგეჩხირა, მიაყოლებ მაწონს. ამანაც თუ ვერ გიშველა, ისეთს მოგიბაფუნებს ზურგში, ნეკნებს ჩაგიმტვრევსო. ტალახიან ფეხს ერთადგილას გიყოფს. მოკლედ, შეგაბამს ეფვანს. ერთი ჯერობა რას ეყოფა მის უძღებ ვნებას. გასწავლის სად უნდა მოჰქიდო ხელი, როგორ უნდა დაუსრისო მარჯვენა ძღუქს კერტი, ყურის ბიბილო, მარცხენა თეძო.

წევხარ ტომრებზე მისავათებული. გარშემო ჯუჯა სიმინდებია. ისმის მწყრის ქვითქვითი, ზემოდან უკიდევანო ცა დაგნათის და ასე გგონია, ყველა უჩინარი ვარსკვლავი მოწმეა შენი უნებლიე ცოდვისაო.

პირველად ვიგრძენი ქალი რომ ვარო, გაბრუებს მაცდური ჩურჩულით. რა ქნას აბა, ჩვარივით კაცის მოიმედემ? ჭიქა არაყს რომ დალევს, გამოლენჩდება. ეზოში მოთამაშე ოთხი-ხუთი წლის ლენაჩკაზე: მალე იმ საქმისთვის გამოდგებაო, იტყვის უტიფრად.

რატომ ხარ ასეთი უმადურიო, ამბობს დუნხას მიბაძვით საშა ბუჰაიოვი და გოგო-ბიჭებიც სიცილისგან ჩაბყირდებიან.

რა ხანია ხეთქავს ჩვენს პურ-მარილს და ერთხელ არ გამყვა სათიბში. აქეთ ქმარი გამილოთა თავისი დურბელათი! მუქთამჭამელი! სცინებს კოტიოლნიკოვების ატროკებულ დედაკაცს ბუჰაიოვი ჩხიკვივით.

თანატოლები იჭაჭებიან, თვითონ კი არის მუშმისავით. ტყუილად როდი დაუნათლიათ მეტსახელად სოიკა.

ამას სასხლეტი ჰქვია, ილონა. ოცდაათი ვაზნა მიდის მჭდეში. ავტომატურზე თუ დააყნებ, წამში დაიცლება. აი, აქედან კი სათითაოდ ისვრის. ერთბაშად კი ნუ გამოსწევს სასხლეთს, ნელ-ნელა.

— მეშინია.

— აკი, ქვეყანას აქცევდი აქამდე.

— რომ გავარდეს?

ილონა შიშნეული შეახებს მოკაუჭებულ ენას სალოკს. როკის მარცხენათი ჩაბლუჯული ლულა აღმოსავლეთ ფანჯრისკენ მიუშვერია. ციებინივით

გამოსდებს თითს ქალი და დაიქუხებს ავტომატიც დაძაბული სმენის გამაყრუებლად. იარაღის უკუმქცევ ძალას ილონას დატაკებაც რომ დაემატება, ოდიშელია იატაკზე მოადენს ბრაგვანს. ქალი ზემოდან გადამხობია. მოსჩანს მათ შორის გაკვეთილი ავტომატი. როკი არ სარგებლოს ხელსაყრელი მდგომარეობით, თუმცა ილონას ალისფერი ტუჩები, გამალებული სუნთქვა ზედ ცხვირის ნესტოებთან უღიტინებს. ძუძუებით აწვება მკერდზე, ბარძაყებით შეძვრომია ფეხებში, ოდიშელია კი გახვრეტილ ჭერს მისჩერებია.

— დავიღუპე? — შემოვარდა დაფეთებული შაშმანი.

— ბეწვზე გადავარჩით, — ეუბნება სიცილით აფორიაქებულ მასპინძელს როკი. — რომ არ მემარჯვა, გამიტანდა ფანჯრიდან და დიხამინჯიაც მოისვენებდა.

— მატყუარა! ცრუობს, — ამბობს იატაკზე წამომჯდარი ილონა, — თვითონ გამომაკვრევინა თითი. რას ვიფიქრებდი დატენილი თუ იქნებოდა?!

ჩეროში გამოტანილ სადილს რვანი უსხედან. შაშმანის გულლიად მორთმეულ ავლა-დიდებს მიმატებია მეზობელი მწკმსების მოსაკითხი. ჯერ ჯოჯუების ქალის მსხლის არაყს ჩამოასხამენ. ასხენებენ ღვთის სახელს. სტუმარი მეჯოგეები თითქმის ერთი თაობისანი არიან.

კახათელი იპო ფაქავა საშუალოზე ოდნავ მაღალია, დაღარული შუბლით და მუდამ მოლიმარი სახით.

შამგონელი ჭაჭია და კოლი — მოციცქნულები, პირისახე სუფთად მოუპარსავთ. ხოლო ჩარნაზ გაბისონიას ქათქათა წვერს ალბათ ნახევარი საუკუნეა მაკრატელი არ შეხებია. იცის როკიმ უკვე კვეკვე ანთარიას ახალშერთული მეუღლითურთ ზუგდიდში გადაბარგება. ძრავის შეკეთებას რას მოასწრებდნენ, როცა დაქალებით დასდგომია თავზე დილაუთენია ჯოტო გუგუჩია?! უძებნიათ ნავსადგურის გასაღები, მაგრამ რას აღმოაჩენდნენ იპო ფაქას ჯიბეში საიმედოდ შენახულს?!

— არ ყოფილა ჩემი საშველი! — გამწყრალა კოლმეურნეობის თავმჯდომარე და მიუტრიალებია მანქანა.

აი, სწორედ მაშინ აუკრავს გულა-ნაბადი ანთარიას. ანაკლიის ტრასამდე მიუცილებიათ ცხენებით. იქ გამვლელი „ჟიგული“ გაუჩერებიათ. გადაუკოცნია ჟინის მეკვიდრეს ყველა.

გინახულლებთო, შეპირებია კახათელ მწკმსებს. ზუგდიდში თუ შემოივლით, სასტუმრო „ოდიშში“ მიპოვითო, უთქვამს. მომიკითხეთ ოდიშელია, მაგის ამბავს ისე არ დავტოვებ, ან — მე, ან — დიხამინჯიო, დაუქანია და მობოლიშებით ჩამსხდარან აპიპინებულ მანქანაში.

— კარგი ბაბუა გყავდა, ბაბაგე, — ეუბნებოდა როკის ჩარნაზ გაბისონია, — ცხონებული ძაკა ერთ სოფლად ღირდა. პირველი შემრიგებელი იყო ერგეტაში.

უშნოდ ქვაც რომ დავარდეს, იმასაც ეტკინება რაღაცო, იტყოდა.
წვრილმანი კინკლაობა უდევს საფუძვლად ყველა უბედურებასო, დაას-
კვნიდა მენცარკოჩი.*

ნებისმიერი ადამიანი პატარა სახელმწიფოა. იმასაც გააჩნია თავისი
საზღვრები და როდესაც სიტყვიერი თუ ფიზიკური შემოტევით შენი სიმშ-
ვიდის დარღვევას ლამობენ, თითოეული ისე აღუდგება წინ ბოროტებას,
როგორც სამშობლოს შემოწყობილ მტერსო, უყვარდა თქმა.

გამზრდელი ბიძაჩემი ფარნა და კიდევ სამი-ოთხი ერგეტელი, ძაკას გა-
ნუყრელი მეგობრები იყვნენ. საკმარისია სადმე თავი წამოეყო უთანხმოებას,
გაჩენილ ცეცხლს მაშინვე ჩააქრობდნენ.

სოფელში ერთი ოჯახიც კი ქათმის კუჭივით თუ ჩამოიღეშა, იქ ლხი-
ნისთვის არ უნდა გეცალოს, ან რა გეზეიმება, როცა უბედურია თუნდაც
ერთი, რადგან შესაძლოა ხვალ-ზეგ ის ერთი ორად იქცეს, ორი — ოთხად
და ნახევარ წელიწადში მთელი სოფელი გადაიბუგოსო, ბრძანებდა.

საერთო ენის გამონახვაზე უკეთესი არაფერია, ბაბაგე. გაგიგე: ტყვიით
მოსდევნო. დარწმუნებული ვარ უკადრის საქციელს არ ჩაიდენდი ძაკას შვი-
ლიშვილი, მაგრამ შენი ბაბუის პატრონი სხვა წაკიდებულებს უნდა აშველებ-
დე, და მიკვირს თვითონ რომ ხარ შესარიგებელი.

— შუაქაცს მეტი მოხვდაო, ბაბუას სიტყვებია ესეც, ბატონო, ჩარნაზ,
— ოდიშელია გრაფინს წაეტანა სასმისების შესავსებად.

— როგორც ვატყობ, მამაშენის კვალს მიჰყვები. რამდენად ოქროს ხე-
ლები ჰქონდა ვალერიანს, იმდენად — მწარე. სიტყვას არავის შეარჩენდა, ოდ-
ნავ გადაკრულსაც კი. დროზე შენიშნა ეს ძაკამ, ამიტომაც ურჩია ქალაქში
გადასვლა.

სხვათა შემრიგებელი, მე ვერ დავუშვებ ჩემი შვილის ბობოქრობის
გამო, კარს უშამავალნი მიტალახიანებდნენო. ზედმეტი სიამაყე ღუპავს
ადამიანს. მოდი და გულახდილად ვთქვათ, რომელია უკეთესი, ქედმაღა-
ლი მუხა თუ სიფრიფანა ლერწამი?! მოვარდება ზენა ქარი შუადამით,
არის ერთი ჯახაჯუხი, ტოტების ლაწალუწი, სხეულის ზანზარი და ფეს-
ვების რყევა. მოგვიანებით, სხვა დროს, ზღვაური ამოქშინდება, მარცხ-
ნივ გადაფრდოლს მარჯვნივ წააყირავებს, მორეგგავს და შეიძლება მი-
წასთან გაასწოროს კიდევ. შევხედოთ აქეთ ლერწამს: გადაურბენია გრი-
გალს გამეხებით, ხან აღმოსავლეთით გადაუწვევია იგი, ხანაც — დასავ-
ლეთით, მიწყნარდება ბოლოს ყველაფერი, გორგოზი მუხის სახსენებელი
აღარსადაა, მიწას შეუქამია მისი უდრეკლობა და სიზვიადე, ხოლო თით-
ქოს უსუსური ლერწამი კვლავაც ფეხზე დგას. ვფიქრობ, საგულისხმო
მაგალითია.

— ჩარნაზ, ბატონო, ეგ ასე არის ნამდვილად, ბრძენკაცს რა შეგეშლებათ,
მაგრამ მეხი ლერწამს არასდროს ეცემა, მუხას კი — რამდენიც გნებავთ. საკუ-

თარ თავს როცა პირველი მიაგებებ განსაცდელს, განა სხვები არ თავისუფლდებიან იმ დარტყმებისგან და ამაზე მეტი სიკეთე რა უნდა მოიმოქმედოს ადამიანმა?! — თქვა როკიმ.

— ბაბაგე, მე ერთი უძირო კაცი ვარ, თქვენისთანების იმედით მიდგას სული და ისე ნუ ჩამომართმევ, თითქოს გინერგავდე: არიქა, ლერწმის მერყობა გაიხადე ცხოვრების მეგზურად-თქო, მაგრამ ამ შემთხვევაში მუხაზე ძლიერი ლერწამი გამოდის.

— სხვადასხვა იღბლისანი არიან ეგენი, — ჩაერია საუბარში იპო ფაჟავა, — მუხა თუ არ ეყოლება ქვეყანას და ლერწმის იმედით ისულდგმულებს, ჩასვენებულა მომავლის რწმენა და ეგ არის. აბა, ჰკითხეთ ერთი იმ ლერწამს, რომელ ერთს არ უნდა ჰყონდილობა, მაგრამ გულითაც რომ სწადდეს, ხაიას მუხად გადაქცევა, ვინ აღირსებს რომელი?! მუხა კი, როგორი მწარეც უნდა იყოს მისი ხვედრი, ერთი დღით ვაჟკაცურ სიცოცხლეს ამჯობინებს ჭაობზე გართხმული ლერწმის უკვდავებას.

— ღია კარებს ამტვრევთ ერთიც, მეორეცა და მესამეც, — იხელთა დრო აქამდე გაჩუმებულმა კოლი ჭანიამ, — ჟინი ანთარი ვის არ გსმენიათ და იმ გულთმისანს თუ დავესესხები: მუხა პიროვნების განსახიერებაა, ლელიანი კი — ხალხისა. მუხის ცაში ატყორცნილ ძლევა მოსილებას ლელიანის დანახშირებულ სხეული კვებავს. მუხა ერთში თავმოყრილი მილიონი ლერწმის ოცნებაა და აქ მეთნაკლებობაზე, მით უფრო — პირველობაზე საუბარი, უაზრობაა.

— ამდენ ფილოსოფოსობაში გაცივდა ყველაფერი, — თავი გამოიღო შაშმან თირქიამ, — დედლისა და ლამაზსიტყვაობის მომრავლებას ცუდი წელიწადი მოსდევსო, გამიგონია თქვენგან, ჩარნაზ ბატონო. ილონა, გადაიღეთ რამე!

— აბა, უშვილოძირო ხალხმა ლაპარაკიც თუ მოვიშალეთ, ბარემ გავყოთ ბაწარში თავი კოჩიასავით და საზრუნავიც არაფერი გვექნება, — თქვა ღიმილით ჩარნაზ გაბისონიამ, — ცვანეში ვცხოვრობდით მაშინ გაბისონიები, ერგეტის ცენტრში მერე გადმოვსახლდით. თავზე უღრანი ტყეები გვადგნენ. მის ძირში წყაროსავით მიკამკამებდა თემშარა. ახლა გაიკაფა ყველაფერი ბაგი ანთარიას თაოსნობით. ზამთრის შეშა ჭურჩის გადაღმიდან მოგვაქვს, თორემ მაშინ დაბურულ ტყეში ნემსს ვერ შეიტანდი ფოთლის შეურხველად. ყოველ ნაბიჯზე გხვდებოდა გარეული ტახი თუ შველი. ელაში თვალებით გზვერავდნენ წითური მელიები. მგლების ყმული შიშის ზარს სცემდა მოსახლეობას. ამჟღავნებულ ფოცხვერების ჩხავილი ფხრეწდა სოფლის მკვიდრის ფხიხელ ძილს. ჰოდა, ამისთანა მივარდნილ ალაგას, ლამშიამოვლებული, ერთიანად აძაგდაგებულ-აწკაწკავებული ცოქური რომ შეუძვრა ფეხებში კერჩიასთან მოკალათებულ ფარნა ბიძიას, თამბაქოს წვრილ-წვრილად დაჭრას თავი ანება კაცმა.

მუთარე, ასე მიმართავდა ზოლმე ბიცოლაჩემს, ვერ უნდა იყოს საქმე კარგადო. ცოქური ისეთი დაშინებულაია, ისე ცახცახებს საწყალი, რაღაც ფატიერაკსაა გადაყრილი ჩემი ძმა. თოფი და ჩექმები გამომიტანე. ბინდისპირზე ცვანედან ფეხისგადგმა იქნებოა. თავისნათქვამმა დანე. პირველ მშობიარობას კინაღამ გადააწყვა ძაბული, მის ცოდვაში ფეხს ვერ ჩავყოფო, რომ აიჩემა, დამთავრდა მერე.

ბიდა! ერა! ძოკო! ეპა! ეძახდა გაბისონიებს. მგონია დავიღუპეთ, მიშველეთ, ძმებო! როხროხებდა და გამალებით კაზმავდა ცხენს.

ნავთში დასველებული სიმინდის ნაქურჩალები მოიმარაგეს. წაღლები ქამრებში გაირჭვეს ზურგს უკან. თოფები მხარზე მოეგდოთ მიწისკენ დაშვებული ლულით. ნაბლები მოესხა ყველას, ვინაიდან ნოემბრის თვე მიწურულიყო და დამდამობით გვარიანად ციოდა. უშვილო ბიცოლაჩემი მკერდში მიხუტებდა ხატის წინ დაჩოქილი და ღმერთო შენ უშველე ჩემს დანეს და ძაბულისო, ჩურჩულებდა სულ.

თეთრ ფინიას ჯერაც არ განელებოდა ცახცახი. მუხლებზე ეხუტებოდა ქალს საცოდავი წკმუტუნით. მამლების მოხშირებულ ყვილში მოგვწვდა მამაკაცების ზარი სოფლის ბოლოდან. რამდენიმე წუთში ჩვენი ეზო წვივთ-კვივთა და მოთქმამ დაიბყრო. მამხალეების შუქზე გამოჩნდა ჭიშკართან ხარების ნაცვლად უღელს შედგომილი ოთხი მამაკაცი და მიუხედავად ასაკის სიმცირისა მთელი სხეული ამეჭინჭრა.

დედა-მეთქი, მივაკივლე, მაგრამ ვინ მიმიშვა ურმამდე?!

გაბისონიების ზღუტუნნი თავგზას მიბნედა. ვიკლაკნებოდი, განთავისუფლებას ვლამობდი, თუმცა ცეროდენა ბავშვის დაურევბას რაღა უნდოდა.

ბოდიში მომიხდია უადგილოდ წამოწყებული საუბრის გამო. ფიჩხივით ეყარა ურემზე ჩემი მშობლების ძვლები. ნათესავის მხრებიდან ვამჩნევდი ამას, და ისე შემზარა, ისე დამგესლა დანახულმა, აგერ, უფესვოდ გადაგვებულვარ, მგლების ჯავრი კი ჯერაც გულიდან ვერ ამომიღია.

სამოცი წელიწადია გამეხებული დავსდევ მათ ჯიშს და ჯილაგს. ბუნაგში ამომიბუგავს ლეკვებიანი ძუ. ხვადისთვის კბილბასრი ყბები გამიხლენია. იქამდე გამიტაცა შურისძიების გრძობამ, იქამდე ვსდიე მათ ნაკვალევს, მგონია, გადავაშენე ჭურიიდან, მაგრამ ამასობაში საკუთარი წავშალე. ამიტომაც წუთისოფლის დედააზრს როცა მიეუჩოჩდები სიცოცხლის მიწურულს, უკეთეს გამოსავალს ვერ ვპოულობ, ვინემ დათმენაა. თვით მგელსაც კი არ უნდა მიუდგე თურმე ზედმეტი სიძულვილით. დავთრგუნეთ თითქოს ხილული მტერი, მაგრამ მის ადგილას სხვა აღმოცენდა: უჩინარი და ხუთჯერ ძლიერი, რომელიც მეტი სიმშაგით ანადგურებს ათასებს. ასეთია ჩემი გაგება.

ეგ იყო და მერე სუფრას ღვინის იერი მიეცა. კიდევ იხუმრეს, ილაღობეს. გაიხსენეს ცხოვრებისეული ცინცხალი ეპიზოდები შორეული თუ ახლო

წარსულიდან. გვარიანად შეზარხოშებულნი აიშალნენ ჩრდილოვანიდან. ჭიშკრამდე მიაცილეს სტუმრები. მხიარულად გამოემშვიდობნენ ერთმანეთს.

— ჩარნაზი განუმეორებელი მთხრობელია, — ამბობდა შაშმანი, თან თემშარისკენ გაუბრბოდა თვალი მალიმალ, — ვაჟურმარილობდით და იმიტომაც მოჰყვა მგლებზე მოზომილად, თორემ ისე დაგიხატავს იმ სურათს, ძარღვებში სისხლი გაგეყინება.

დანე გაბისონიას უბრძოლველად არ დაუთმია ფეხმძიმე ცოლი და თავისი სიცოცხლე. ახლა თითმერიები რომ ცხოვრობენ, იქ დასხმიათ თავზე მგლების ხროვა. სანამ ტყვიები იყო მიუწვევია ერთმანეთზე გაშმაგებული ნადირი. მერე ცუვლით დარეგია. სისხლის გამოჩენაზე ჯერ თავიანთი ამხანაგები დაუგლეჯიათ, შემდეგ — ცოლ-ქმარიცა და ურემს შებმული ხარებიც. გამოხრული ძვლებით ადასტურებდნენ ამას თურმე. უღელს, კოფოს, მრავლად აჩნდა მათი ნაკბილარი. ეტყობა მსხვერპლის მოხელთების ჟინით ხესაც არაფერად დაგიდევდნენ. მოვა და ხელახლა ვათქმევინოთ. ოცჯერ მაინც მომისმენია ის ამბავი და ყოველთვის — განსხვავებულად. ამდენს რომ იგვიანებს, ჩანს, ანაკლიაში მალაზია დაკეტილი იყო და ალბათ, გულმა დარჩელისკენ გაუწია. თქვენ მოისვენეთ, მე საქონელს დავხედავ, ვიბოდიანებ ცოტახანს ჩემთვის, — დაასრულა თირქიამ და ბაკისკენ უკანმოუხედავად წაიხანჩურდა.

თქართაქურით მოსწრაფებულ მხედარს როკი ჭიშკართან გაეგება. მიხვდა რალაც მნიშვნელოვანი ამბავი მოჰქონდა ლადოს, თორემ ამისთანა პაპანაქებაში შაშმანის იორლას უმიზეზოდ ოფლში არ გახვითქავდა. გული ამოვარდნაზე ჰქონდა თვითონაც. გადმოიღო ხურჯინი, მოხსნა უნაგირი, ტაიჭს ზურგზე უქსოვადი გადააფარა და ლაგამიანად მიუშვა ეზოში.

— ისეთი აფორიაქებული ხარ, ნაღდად ჩარნაზის მგლებს გადაეყარე, — უთხრა ოდიშელიამ ღიმილით.

— უარესს, — შეხედა კართომით ჭაბუკმა, — მალაზია დაკეტილი რომ დამხვდა, კუჭიკოს რესტორანში შევიარე. ნუგზარ გაბელია ჩეხურ ლუდს შეექცეოდა თანასოფლელებთან. დახლში ჩამდგარ კუჭიკოს ქაფმოდებული კათხები ელაგა წინ.

მიმიპატიჟეს.

კუჭიკო თვითნასწავლი მხატვარია. ისე ოსტატურად გადაუტანია კედლებზე ფიროსმანის ჟირაფები, ირმები, ბელიანი დათვები, მეთევზე, თუ ქეიფის სცენები, ორიგინალისგან გარჩევა გაგიძნელებდა.

მაგ ორს კახათელების ფარეხში ყოფნისას დაუახლოვდით. ჭურია გარეული იხვებით შეუდარებელია. სამჯერ ვინადირეთ ერთად შარშან. მერე და შაშმანთან გადმოსვლის შემდეგ საყიდლებზეც შევივლი ხოლმე მათსას. ოქრო ბიჭები არიან.

ნუგზარი პახმელიაზე იყო და სანამ თვალში არ გამოიხედა, ადგილიდან ვერ დავძარი. კუჭიკომ გარეთ გამოგვაცილა.

ფრთხილად იყოსო, მეუბნება.

შაშმანს სიფრთხილე არ აკლია, კაცშემოკვდომილს ასი თვალი და ყური აქვს-მეთქი.

თავს ნუ ისულელებო. გუშინ ჯოტო ოდიშელიასგან როკის „ვოლგა“ წაუყვანია ადელუას ხალსო.

გავიტრუნე. ხოლო ნუგზარამ, ილონას ხალათს რომ მიხვევდა ქალაქში, ლიმილით მითხრა:

შაშმანი ცოლს ხომ არ ირთავსო.

მგონი-მეთქი.

როკის გამყიდველის დედაცო, შეიგინა უცებ, მაგრამ შუბლის ძარღვ-გაწყვეტილი ყველგან ურევიაო. ეგეც რომ არა, ისინი სულელები ხომ არ გგონია?! იციან ერთად ნაჯდომები არიან, ამიტომაც გეუბნებოდა კუჭიკო, მოფრთხილდესო. რაიმე გაუთვალისწინებელი რომ მოხდეს, თავი მოგვეჭრება ყველასო.

გამოვედი მალაზიიდან, გადავკიდე ცხენს ხურჩინი და კუჭიკოს რესტორანსაც ცისფერი „რაფი“ მოადგა. ათი მილიციელი ჩამობარგდა იქიდან, თეთრფორმიანები;

მობრძანდით ტოლიკ ბატონო, ეუბნება კუჭიკო ჩემს გასაგონად აყლაყულა მაიორს. მოსართავენს ვუჭერ, დრო განგებ გამყავს.

მინჯორაიების საკადრისი ლუდი მაქვს სწორედო, ამბობს ჩვეული სიცილით. შენ ოღონდ შეპირებულისამებრ ძმისშვილი სამსახურში მომიწყვე და ციკანს ჩამოვკიდებ დღესვეო, ფართოდ შლის ხელებს.

შაშმანისგან გაგონილი მაქვს თქვენი კონფლიქტის შესახებ, ამიტომაც ცხენი კურორტისკენ მივებრუნე.

საქეიფოდ არ გვცალიაო, ტოლიკმა, ვისადილებთ და მერე ზღვაზე გავიყვან სტუმრებსო.

რესტორანში მძლოლიანად შევიდნენ. კუჭიკო უკან მიჰყვა, თან ხელის მოძრაობით მანიშნებს, აქაურობას ჩქარა მოშორდით. ცენტრს გავცდი თუ არა, ვუცხუნე მათრაზი ლაფშას.

— ქალს პანიკაში ნუ ჩავაგდებთ, — დაუწია ხმას ილონას გამოჩენაზე როკიმ, — ისე თადარიგის დაჭერა რომ გვმართებს, ცხადია. დროზე ავიბარებოდი, მაგრამ გამორიცხული არ არის ეგენი ენგურზე ჩამისაფრდნენ. აქკი დღისით, მზისით მინჯორაია ვერ მობედავს. იცის მაგან ჩემი ამბავი. ახლა საქმე მუშუტიდან ტყვიაზეა მისული და სახუმროდ არც იმას სცხელა და აღარც — მე.

ანაკლიიდან სოსელიას ბიჭის მოტანილმა საჩუქრებმა ილონას ფრთები შეასხა. მწვანე ხალათმა და ფოჩებთანმა ფლოსტებმა ბოშა ქალს დედოფლური იერი დაუბრუნა. ფარდებს ხელად მიუჩინა ადგილი. მაგიდას თეთრი სუფრა გადააფარა. ლოგინს თეთრეული გამოუცვალა. მზეზე გამთბარი წყლით თავგადაბანილი ლურსმანზე ჩამოკიდებული სარკის წინ რაღაც ნაცნობი მელოდის ლილინით ივარცხნის დალალებს.

— შენს ქორწილში გადამეხადოს, — უთხრა ოდიშელიამ სარაქონელ ახალგაზრდას და ხუჭუჭა თავზე ხელი გადაუსვა.

— არც მეოცე საუკუნის აბრაგია დავიწყებული, მაგრამ ვიდრე გამოიკვლიდეს, იქნებ ტანზე წყალი გადაეგლო?!

— ზოგჯერ ჭკვიანურსაც იტყვის ეს დედაკაცი. აბა, გამიძეხი არხისკენ სარაქონელო!

გვერდიგვერდ მიაბიჯებენ.

— სხვა ჩემს ადგილას ტყავზე უფრო იზრუნებდა, ვინემ — ჭუჭყყე, — ეუბნება როკი არხის კიდეზე ზურგშექცევით მჯდარ ყმაწვილს, — მაგრამ სადაც წვრილია, იქ გაწყდეს! ბარემ შენც გებანავა, მინჯორაიას განწმენდილები შევხვდებოდით.

— მე ზღვაზე დავდივარ ყოველდღიით. მარილიან წყალს ბოლაზში ჩამოვიშორებ საპნით. არხი გაჭირვებისაა. კამეჩები აბინძურებენ.

— ხოხ, წისქვილარას და ხობისწყალს თუ არ შეედრება, სხოლას* მოვაკვლევინოთ თავი?! სარაქონში თუ გყავს ვინმე?!

— სარაქონში — არავინ. ბებია დიდი ხნის გარდაცვლილია. ისე მოკვდა, კბილი არ დაკლებია მარი სოსელხეს.

— თქვენც ჭკადუები ხომ არა ხართ? ბებია დედის მხრიდან იყო თუ მამის?!

— დედის მხრიდან.

— გამოდის, რომ მამაშენს ნახევრად სოსელია ესვა ცოლად.

— ძლივს მარტო დავრჩით, ყველაფერი უნდა გაგიმხილო, როკი, ძია.

— რისი გერიდება, თქვი. მე სამარე ვარ.

— მერიდება რომელია, ერთიანად მაკანკალებს სირცხვილისგან, მაგრამ მგონია გამიგებ. სოსელია ბებიჩემის გვარია ნამდვილად, დედის მხრიდან, ოღონდ ტიბუა ვარ მამით.

— შაშმანის მეგობრის ბიჭი, ხომ? — ოდიშელია ჭყუმპალაობას შეეშვა. პირსახოცი შემოიხვია წელზე. თავჩაქინდრულ ლადოს მიაჩერდა. სწრაფად შეიმშრალა, სწრაფადვე ჩაიცვა. გამონაცვალ პოლიეთილენის პარკში ჩაყარა საპონთან და ლუფასთან ერთად.

— ლანდევით მასსოვს მამაჩემის სანთლისფერი სახე, — ამბობდა დარცხვენილი ვაჟი, — სამ დღეს იცოცხლა უბედურმა. სისხლი არ მოუკლიათ მისთვის მეგობრებს, მაგრამ მუცელი ისე გამოშვიგნოდა, მოწამვლას ვერაფერი მოუხერხეს. ამჟამად ჩვენ რუსთავში ვცხოვრობთ. დედაჩემი აზოტის ქარხანაში მუშაობს. ოროთახიანი ბინა მოგვცეს მეგობრობის გამზირზე. როგორც ყველა მშობელს, მზე და მთვარე ჩემზე ამოსდის. სულ იმის შიშში იყო: არიქა, შურისძიება არ მოიწადინოსო, მაგრამ ეს გრძნობა აუტანელი ყოფილა. ბევრი ვეძებე შაშმანი და მივაგენი ბოლოს და ბოლოს, თუმცა პირდაპირ მას როდი მივადექი კარზე. ჯერ კახათელ მწყემსებს დაუქმეკაცი,

კონკრეტულად კი — ნუგო ბიჭიას. ეჭვიუტანლად, ნელ-ნელა შემოვალწიე მის ჭერქვეშ.

ვფიქრობდი, მოხერხებულ დროს გამოვუძებნი და შვილის მოვალეობას პირნათლად აღვასრულებ-მეთქი, მაგრამ უბედურება ის არის, როკი, ძია, რომ თავისი გულკეთილობით შემბოჭა, ხელ-ფეხი შემიკრა.

რა გზას დავადგე არ ვიცი. დანა ხელში ვერ ამიღია პურის საჭრელად. ყანაში გავდივართ და ალესილ თოხს თვალს ვერ ვუსწორებ. შეშას ვჩეხ და ნაჯახის შეხედვა მზარავს. სანადიროდ მივდივარ და სასხლეტისთვის თითი ვერ გამომიკრავს. ის კი მუშაობისგან დაქანცული კუთხეში ანთებულ სანთელთან ილოცებს ბუბუბუთით, მერე დაეგდება ლოგინზე და ყელი ისე მოუშიშვლებია, საკუთარ ხელებს კბილებით ვიგლეჯ. მრავლად მსმენია შენზე შაშმანისგან. კაცობის ეტალონად მიაჩნისხარ. მთლად ბრმა და ყრუ აღარც მე ვარ. ჩემი გულის ხვაშიადს უკეთესს ვის გავანდობდი?!

— დააა, — გააბა როკიმ, მარჯვენა მკლავი მხარზე დაადო აღმსარებელს, — დიდ გასაჭირში ჩაგვიღია, თავი, შვილო... — გაფითრებულ სახეზე მიაცივდა ახალგაზრდას.

— ლადო. ეგ ნამდვილია. ისე ვლადიმერი მიწერია პასპორტში.

— ხოდა, იმას ვამბობდი, პირდაპირ შებმოდი და ისე მოგეთავებინა, მამაკაცობაში ჩაგეთვლებოდა, ძვირს ვერავინ შეგკადრებდა მშობლის სისხლის ამღებს, მაგრამ თვეობით პურს რომ გატეხ კაცთან, ჭიქას ჭიქაზე მიუჭახუნებ, მეგობრობას ეფიცები და უცებ ყელში დანის გამოსასმელად გაიმეტებ, ჯეელი კი არა მიხრწნილი ბერიკაციც რომ იყო, გამწარდები სიკვდილამდე. ძირითადში შენ ხარ ცოდვა, შენ უნდა ზიდო ეგ უმძიმესი ტვირთი კუბოს კარამდე. რასკოლნიკოვი გაგონილი გექნება. არა?! დოსტოევსკის რომანის გმირია, შენხელა ყმაწვილი, ხელმოკლე; უფულობის გამო მისი ანგელოზი და-ია ვიდაც ნაძირალას უნდა მისთხოვდეს. ამ დროს ეშმაკი შეუჩნდება და ბებრუხანა მევახშე ქალის მოკვლას გადაწყვეტს. ალესილი ნაჯახით გაუპობს თავს იმას, მის ნათესავსაც, და აი, იმ წუთიდან იწყება როდიონის ტრაგედიაც. გამოძიებელი ეჭვის თვალით უმზერს, მაგრამ რასკოლნიკოვი ოსტატურად ინიღბება და ბოლოს იქამდე დაამძიმებს სინდისის ქენჯნა, იმნაირად დააჩაჩანაკებს, როგორც მორალურად, ისე — ფიზიკურად, თავისი ფეხით მიდის ციხეში.

მართალია, მთლად შენს სიტუაციაში არ ვყოფილვარ, მაგრამ ავხორცის მეტი რა ყრია წუთისოფლის ოღროზოღრო გზაზე, დღეში სამჯერ რომ იმსახურებს სიკვდილს?! ხოდა, მადლობელი ვარ მაღალი ღმერთის, ამ საშინელებისგან რომ დამიფარა ყველგან და ყოველთვის.

ადამიანისგან ადამიანის სიცოცხლის ხელყოფა დაგმობილია უფლისგან. პირველმა ცოდვამ, აკრძალული ხილის გასინჯვას ვგულისხმობ, ადამი

და ევა სამოთხის ბალიდან გამოაძევა, უზრუნველი ცხოვრება ტანჯვით შეუცვალა. თავად უნდა მოეპოვებინათ პური ჩვენი არსობისა და ოდესღაც უკვდავნი, ბუნების კანონს დაემორჩილნენ: დაბადებას, გაზრდას, ყოფნას და აღსასრულს.

პირველი ცოდვისგან კაცობრიობა ქრისტემ დაიხსნა, როცა საკუთარი სხეულით ადამისა და ევას დანაშაული გამოისყიდა, ჯვარს ეცვა ქვეყნიერებისთვის და თითქოს არ უნდა არსებულყო სხვა შემაფერხებელი ბარიერი ედემის წალკოტისკენ, მაგრამ შურიანობის ნიადაგზე ძმისგან მოკლული აბელის სისხლი კვლავაც შესჩუხჩუხებს ზეცას და დასასრული არ უჩანს კაცთა შორის მტრობა-სიძულვილს. ზღაპარია ხომ ყოველივე, თუმცა სისხლის დაღვრა ყველაზე ამაზრზენი დანაშაული რომ არის, აქედანაც ჩანს.

შენ ახლა ყოფნა-არყოფნის ზღურბლზე დგახარ, ლადო, შვილო და იესოს ხელიც ურევია, ალბათ, წელიდანელ გულგახსნილობას. მოყვრის ნიღბით შენი შემოსვლა შაშმანის ქერქვეშ, იმ შემთხვევაში იქნებოდა გამართლებული, გასარკვევი, დასაზუსტებელი გჭონოდა რამე, რომ მერე ხინჯად არ ჩაგყოლოდა სამარეში. მაგრამ ეგეც ყალბია. შურისმაძიებელს არაფერში ეპიტნავება კონფლიქტის მიზეზები, ვის მხარესაა მეტი სიმართლე, მშობლის თუ მკვლელისა. მან ერთი იცის გარკვევით: ამა და ამ კაცს მამამისის სისხლი მართებს და დასასრულს კიდევ შვილის წმიდათა წმიდა მოვალეობას. ვენდებთ ახლა იშვიათია ჩვენში. შურისმაძიებელმა სახელმწიფოს, კანონს გადააბარა დამნაშავეის დასჯა. მთიანეთში ცხვარ-ძროხით აუნაზღაურებდნენ დაზარებულებს ნათესავის სისხლს, ან საშველი თუ არ დაადგებოდა ორმხრივ კაცისკვლას, თავზე შემოივლებდნენ ერთ ვაჟიშვილს, გასწირავდნენ მეტოქის მუხლებზე ჩამოსაჯლომად და წერტილი დაესმებოდა გაუთავებელ შულლს. ჩემთვის გაუგებარია მაინც, რისთვის დაგჭირდა შაშმანთან დაახლოება?!

— მიძნელება ავხსნა, — თქვა ლადომ და გორახიდან წამოღგა.

— პირდაპირ შებმის თუ გეშინოდა, ჩაუსაფრდებოდი ბოლოს და ბოლოს. არც მიპარვით მოკვლის გამო ჩამოგართმევდნენ ჩინ-მედლებს.

— არ მინდოდა მესროლა უცნობისთვის, ვიდრე არ გავარკვევდი განიცდიდა თუ არა თავის დანაშაულს; სანამ არ დავაზუსტებდი სიცოცხლის ღირსი იყო თუ სასიკვდილო. ცხადია, არამზადას მოსპობა ერთითად გამიადვილებოდა.

— ხოლო, და დროთა ვითარებაში შენც შეეთვისე, სინანულმა აჯობა შურისგებას. მე შენს ადგილას, უცერემონიოდ, იქვე, კახათელების ფარეხში პირველ შესაძლებლობისთანავე მივაწვევდი, როგორც მომიხერხებოდა, დანით თუ თოფით, და არ დაირღვეოდა ღირსების პრინციპი, მართალი ვიქნებოდი, მამის საფლავთანაც, შაშმანთანაც, საკუთარ თავთანაც და გნებავს — მაღალ ღმერთთანაც, მაგრამ ამიერიდან, ასეთი განცხადების შემდეგ, ჩემი აქყოფნის პერიოდში თუ წასვლის მერე, თმის ღეროც რომ გავარდეს შაშმანს,

მოლაღატე გამოვიღვარ ამხანაგის წინაშე, რადგანაც არ გაგამხილე შურის-
მაძიებელი, არ გაგთქვი და ამით ხელი შევუწყვე შენი ზრახვების სისრულე-
ში მოყვანას.

მოკლედ, უნებლიეთ მეგობრის მკვლელობის თანამონაწილე გავხდი. რა-
ვარია, ა? ახლა შენთვის ყველაზე უკეთესია აქაურობას რაც შეიძლება სწრა-
ფად გაეცალო. მე ვერ გიკარნახებ როგორ და რანაირად მოიქცე მომავალში,
ვთქვით და როცა ყველაფერი გამქლავდება, ვინაიდან ვიცი მისი გულის ამ-
ბავი, ან ყულფში გაჰყოფს თავს, ან სხვა საშუალებით მოისწრაფებს სიცოც-
ხლეს. ესეც შურისძიების ერთგვარი ფორმაა: ჯერ სულში შეუქვევრი, მამობ-
რივი სიყვარული მოიმეკე. გაისად ქალაქში გადასვლას აპირებს შენი გულის-
თვის: ჯოგს გავყიდი და ხელს გავუმართავო, აწყობს გეგმებს და უცებ მოკ-
ლულის ძედ წარმოუდგე, რომელმაც სულგრძელად მიუტყვე აფექტის და-
ნაშაული, ხომ გათავდება მორალურად, გაჩანაგდება.

რჩება ერთადერთი გამოსავალი: დედას მიუბრუნდე, თანაც ისე, შამშ-
მანმა ვერაფერი იწიოსოს. კი იდარდებს თირქია, მაგრამ ეგ უკვე მისი პრობ-
ლემაა. მოკლედ, უკვე სამგზის დავალებული ვარ შენგან: ჯერ საჩუქრებისთ-
ვის და ანაკლიიდან მოტანილი ამბის გამო; მერე, რაც უფრო მნიშვნელოვა-
ნია ჩემთვის, მოულოდნელი, ვაჟკაცური გულგახსნილობისთვის. დიხამინჯი-
ები ყოველთვის ვერ იბოგინებენ. საშუალება მომეცემა და იქით გიპოვი. ჩათ-
ვალე რომ ამიერიდან მეგობრები ვართ.

იფნის ჩრდილში, გრძელ სკამერხზე მოკალათებული შამშანი აფხია-
ნებული წალდუნათი თუთუნს ჰრედა. აქვე საბანაოდ წასულების მომლო-
დინეს, ლაითურის ზონის ამბები უტრიალებდა თვალწინ.

ნარუჯადან ლაითურში რომ გადმოიყვანენ როკის, თირქიას ორი წე-
ლი მოხდილი აქვს. აქ ოდიშელია ქურდის მდგომარეობაშია, იგივე ზონას
უყურებს და ამისთანა პიროვნების ყურადღებას ვინ, რომელი არ ინატრებს?!
დაწვრილებით იცის შამშანმა, რომ როკის ბევრჯერ შესთავაზეს „გვირგვინი“:
დროა სახელი გქონდესო, მაგრამ ოდიშელია ყოველთვის ერთსა და იმავეს
პასუხობს:

— ბუნებით, ხასიათით მე ქურდი არა ვარ. არასდროს მომიპარავს და
არც ვაპირებ. ჩემი სამშო პურ-მარლის, სუფრის ხალხია, სტუმრის დამხ-
ვედრი და გამცილებელი. ქურდად იბადებიან. ბავშვობიდან მაგისი მისწრა-
ფება უნდა ჰქონდეს: იპარავდეს და ამით ირჩენდეს თავს. „ზაპანოი“ პრო-
ფესია გამოირიცხულია. მე — პირიქით, აქედან გასული მუშაობის დაწყებას
ვაპირებ. თუ მოვახერხებ იქნებ უმაღლესშიც გავაგრძელო სწავლა. ასეთნა-
ირად ვფიქრობ მე და ჩემი აზრი ურყევია. რაც შეეხება თქვენს გვერდით ყოფ-
ნას, ეს ყოველივე განაპირობა ჩემმა ხასიათმა და აქაურმა ატმოსფერომ. აქ
ორი გზაა: ერთი — ბოზური, არაკაცური, მეორე — ქურდული კანონებით
ცხოვრება, რაც მისაღებია ჩემთვის და ძალიან ვაჟკაცურადაც მიყვანება. მე

შემძლო დროზე ადრე გავსულიყავი, მეხვეწებოდა ადმინისტრაცია, ან თბილ ადგილებს მთავაზობდნენ, მაგრამ არც დავფიქრებულვარ ისე, პირდაპირ შემიგინებია: როგორ მაკადრეთ-მეთქი.

არ მინდა აქედან გასულმა უზურგოდ ვიარო. შიში მე საერთოდ არ ვიცი რა ხილია, ხოლო გრეხიანი კაცი ყოველთვის დამფრთხლანია, წელშია გაწყვეტილი. მართალია, ბევრ ზონაში ვარ ქუჩრდის პალაქენიაში ნამყოფი. ამას მე დიდი სიხარულით ვთანხმდები, რადგანაც ჭირივით მძულს თვალთმაქცი ხალხი, თაღლითები თავიანთი დიშოვი პასტუპკებით. მ აბა, რას მივაწეროთ, ხუთჯერ ნამჯდარი არესტანტი, ყოველთვის პირველ ხუთეულში ნაგულაგები, უცებ ერთ დღეში რომ მოკვდა, მკლავზე პავიასკა გაიკეთა და შენ მიგითითებს: პაპიროსი უადგილო ადგილას არ მოსწიო, ატბოიზე თავის დროზე დაწეო.

რას ფიქრობთ, ეს ორმოცდაათი წლის კაცი ერთ დღეში მოკვებიანდა ხალხს რომ აბეზლებს და სხვის უბედურებაზე აგებს თავის ბედნიერებას? მთელი თავისი სიცოცხლე რომ მძარცველია, მკვლელი, მოთამაშე და რა ვიცი, რეები გაუქეთებია?! არა, აქ სულ სხვა არითმეტიკაა. ასეთი პიროვნება ზედმეტად დალბა, მაგარი ცბიერია, ყველაფერი ხუთ ბალზე ესმის და შეგნებულ ნაბიჯია. ტყუილია ნებისყოფა არ ეყოო ან ნერვებმა უმტყუნესო, თქვა. პირველ სუდიმოსტშიმ წითელ პომიდორს არ ჭამენ, წითელკალოფიან „პრიმას“ არ ეწევიან. ბავშვური გაგებით სჩადიან ამას. ზაპოდლოდ მიანინათ ეს. რატომ არის თუ იცით?! ამაზე მე ჩემი ფილოსოფია მაქვს. ეს ახალგაზრდა გულუბრყვილოა. ყველაფერს ადამიანური შეგნებითა და თვალთ უყურებს. ჯერ ვერ მოასწრო სიღამაღე, არ არის გარანდული. სიტყვას გეუბნება, ერთი მიმართულება აქვს და კაცური. რომ შემობრუნდება მეორეჯერ, მესამედ, რომ გახედავს ამ აშმორებულ ხალხს და თავისი სისუფთავით მშიერი და საცოდავი დარჩება, მაშინ იწყებს ფიქრს. ცოტაც მიუშვას აღვირი, კისრამდე თუ არა კოჭებამდე მაინც შეტოპოს ტალახში, ცხოვრება რომ გაიაღვილოს, მაგრამ ავიწყდება, დღეს ტყლაპოში კოჭებამდე შესული, ხვალ წელამდე აღმოჩნდება, ზეგ და მასზეგ „სურამის ციხის“ ზურაბივით ყელამდე ჩაეფლობა. ადრე ერთი მიმართულება რომ ჰქონდა მაგის სიტყვას და ნამოქმედარს, უკვე ათასი განშტოება და ასაქცევი გასჩენია: ასე არ მითქვამს, ასე არ მოგქცეულვარო, სულ სხვაგვარად დაგხატავს სურათს და იმნაირად დაგიმტკიცებს, იმნაირად დაგისაბუთებს, თითქოს წყალი არ გასდიოდეს. ეს ჩვენში დარჩეს და ხელოვნებაა. მხედველობაში მაქვს ვისაც ენა უჭრის, გონებაამაზვილია და ცოტა არაკაცურ გზაზე დამდგარა, თავი ბედისწერის სასწორზე დაუდვია, ამათი ცხოვრების ფინალი ცუდად მთავრდება ყოველთვის. ხოლო მეორე კატეგორია ხალხისა სულ სხვა ბილიკს მიუყვება. ყველაფერი ესმის და გაეგება იმ თაღლითობისა, მაგრამ პრაქტიკაში როდი იყენებს. სუფთად და ადამიანურად მიიკვლევს ჯოჯოხეთურ და ეკლიან გზას და აზრადაც არ მოსდის თავში ცხოვრების გაიოლების სხვა საშუალება თუ არსებობს.

შეიძლება ასეთი კატეგორიის ხალხის თვისება შეადარო ნიანგის ჩვეულებას. წყლიდან ნაპირზე ამოსული ნიანგი ღრმად შედის ტყეში და უკან დაბრუნებისას იმავე გზას დაადგება. სანტიმეტრს არ გადაუხვევს. ნიანგზე მონადირეებმა იციან ეს, ყოველ მეტრზე ორივე მხრიდან მჭრელ დანებს ასობენ. მდინარისკენ დაძრული ქვეწარმავალი გუმანით გრძობს მოკვდება, მაგრამ არაფრით გადაუხვევს იმ გზას, რომელზედაც გამოიარა და სანამ წყლამდე მიიღწევდეს, სისხლისგან იცლება, უძლური ხდება და კვდება.

იცის შაშვან თირქიამ, რომ ასეთი თავისებური გაგებისაა როკი. რასაც იტყვის — დამაჯერებლად, მტკიცედ, ისე რომ თავის სიტყვასა და ნამოქმედარში ეჭვი არ ეპარებოდეს. მართალი კაცის გვერდში დგომისას მოწინააღმდეგე ათიცი იყოს, უკან არ დაიხევს. ისე უჭრის ენა და გონება წყლიდან მშრალს ამოგიყვანს თუ იმსახურებ. სადაც შეხვედრია, გარეთ თუ პატიმრობაში, ყველგან უსაზღვრო სიყვარულითა და პატივისცემითაა გარემოსილი. მტყუანს, ღვიძლ ძმას თუნდაც არაფრით გაამართლებს. ყველა კეთილი ადამიანის უბედურებას საკუთარვით განიცდის, ამიტომაც ანდობენ ათასების ბედ-იღბალს, ანდობენ და სრულიად სამართლიანადაც, ვინაიდან მის სამფლობელოში კაცური ღირსება არავის შეელახა.

თვალის დასანახად ვერ იტანს სევდებულებს. თაღლითებს ეძახის მათ. სადაც როკია, იქ ისინი ვერ გაიჭაჭანებენ. თუ გაწითლებულ ზონაში მოიყვანენ და გალოკილი თითვით მარტოკაცია, პირდაპირ იზოლატორში მიდის. ერთადერთი კრისტალი რას გააწყობს ათას გაფუჭებულთან. იტყვის, აქ საჩემო ადგილი არ არის, მე ამ ხალხთან ერთ ჭერქვეშ ვერ ვიცხოვრებო და თვეობით ზის იზოლატორში, ვიდრე სხვა ზონაში არ გადაისვრიან. აი, ასეთი, საათივით აწყობილი კოლონია დასავლეთ საქართველოში ლაითური გახლავთ ოდიშელის დიდი მონღოლებისა და მიწოლის წყალობით. როკის ნარუჯიდან გამომიყვანენ ლაითურში. ორივე ზონა გურიის კუთხეში მდებარეობს. ნარუჯა ერთ-ერთ ქუროდულ კოლონიადაა მიჩნეული საქართველოში. გახსნის პირველივე დღიდან აზო გოგიტიშვილსა და როკის დიდი შეხლა-შემოხლა მოუხდებათ სევდებულებთან, მაგრამ ერთობლივი ძალისხმევით ზაპრეტკა გაახვიენებენ, ერთ დღეში გააშავებენ და საათივით ააწყობენ. ნარუჯა მოცულობით პატარაა, სულ ათას ხუთასამდე პატიმარს ითვლის, მაგრამ ერთი ოჯახის წევრებით ცხოვრობენ. სამტრედიელი აზო განაბია, ოდიშელის ნომერ პირველი ძმაკაცი. ქორწილის დღეს როკის გვერდში რომ ედგა ხელისმომოკიდედ, ამის თაობაზე ვიცით, მაგრამ იმ დათქმას ნარუჯაში რომ დაესმება ბეჭედი, აგერ გიმეღავენებთ. ჰოდა, ლაითურში გადაყვანილ როკის პარადს ჩააბარებენ.

შაშვანის სიხარულს საზღვარი არა აქვს, უფროვე იმიტომ ოდიშელი-ასაც ზონაში გული არ უჩერდება, ტრასაზე* სიარული უყვარს. ბაღრაგის უფროსი იუდა ისკარიოტელი ჰყავდეთ, მანაც შეაბამს. ბევრი რამეს ისწავლის თირქია როკისგან. მათი ორმოცდახუთ კაციანი ბრიგადა მთელი დღე განცხრომაში იყო. პურმარილობენ, ათასი გასართობით იქცევენ თავს. ჩაის

სავალდებულო ნორმას ბრიგადა ყიდულობს სამოქალაქო აგრონომისგან. ზონის უფროსს ოღონდ ჩაის დაკისრებული გეგმის პროცენტი შეუსრულო და მეტს არაფერს დაგიღვედათ.

ერთ მშვენიერ დღეს ტრასიდან დაბრუნებული ბრიგადები ზონაში ვახშამის მოსტუმრების შემდეგ ფრენბურთის მოედნისკენ გაემართებინან. შეჯიბრია კუთხეებს შორის. იმერლები და აჭარლები პაექრობენ. ორივეს ისეთი კარგი ბიჭები ჰყავს, საქართველოს ნაკრებს დაამშვენებს. თამაში მაზიანზე* განლავთ. გამარჯვებული გუნდი სამ ყუთ ღვინოს დაითრევს თავის ლარიოკიანად.

სპორტულ შეჯახებას მთელი ზონა და ადმინისტრაცია გულშემატკივრობს. უფროსობამ არ იცის, რომ თამაში ინტერესზეა. ამხანაგური შეჯიბრი ჰგონიათ. მოედანი გასუფთავებულია. განახლებულია თეთრი კონტურები. რკინის ბოძებზე ახალთახალი ბადე დაუჭიმავთ. ბურთიც სტანდარტების დონისაა.

ჩაპტერავს სასტვენს კოშკურაზე, განკუთვნილ ადგილას მოკალათებულმა მსაჯი და ბიჭებიც ეკვეთებიან ერთმანეთს. უპირატესობა აჭარლების მხარესაა. პროფესიონალებს არაფრით ჩამოუვარდებიან. გავა თხუთმეტი წუთი. იმერლები ბევრად ჩამორებიან. უცებ საიდან არის და გამოტყვრება საკამათო მომენტი. მსაჯი კი გადაწყვეტს სწორად, მაგრამ ვინ უჭერებს. ანეგდოტის სიტუაციაა, როცა: დაარტი ზოქოლავა პენალტია, ეუბნებიან გულშემატკივრები. ის კი მხრებს იჩივავს, მსაჯი არ მადღევსო და აქედან: სუდიას ვინ კითხავსო, რომ აქეზებენ. მოთამაშეები ერთადგილას მოიყრიან თავს. წავა კამათი, ჯიკავი, გინება. მალე მუშტიც ამოქმედდება. აქ კი მოაწყდებიან გულშემატკივრები ორივე მხრიდან. იმერეთი და აჭარა სრული შემადგენლობით უხათქუნებს ერთმანეთს, ორასი ორასზე. ბრძოლის ყინი სხვა კუთხის ხალხსაც ჩაითრევს. აჭარლებს აფხაზები ამოუდგებიან მხარში. იმერლებს — ქართლელები და თბილისელები. გურულები, მეგრელები და კახელები სტარტზე დგანან. ჯერ-ჯერობით ნეიტრალიტეტს იცავენ. უკვე სამასი სამასზე ულაწუნებს ერთურთს. საზარელი საყურებელია ხელჩართული ბრძოლა. მუშტებით, თავურით, ფეხით დაუნდობლად უსწორდებიან ურთიერთს. ადმინისტრაცია შეეცდება ორომტრიალის შეჩერებას, მაგრამ კოლონიის უფროსს, იიფ თოდუას, ისეთს დაულავანდებენ, ჰაერში ორჯერ შეტრიალებას მოასწრებს სუხიშვილის შესაშურად და პირალმა უგონოდ დავარდება. აათრევენ თავიანთ შეფს და მთელი ამალით ადმინისტრაციულ ტერიტორიას მიაშურებენ, იქიდან უთვალთვალებენ პატიმრების დაკადუქს. ზონის ოთხივე კუთხის საგულშემატკივრო კოშკიდან ჯარისკაცები რაციით დამხმარე ძალის მოშველიებას სთხოვენ უფროსებს. კოლონიას ალყა შემოარტყამენ სამხედროები. საბელიანი ნაგაზები აწყვეტაზე არიან. თითოეულ კოშკურაზე ტყვიამფრქვევითა და ავტომატებით შეიარაღებული ათ-ათი სალდათი ავარდება. ჯერ მეგაფონებით იბაბანებენ გაცოფებული ტუსალების და-

საშოშინებლად, მაგრამ როცა სიტყვიერი გაფრთხილება თუ მუქარა ვერ გასჭრის, დასცხებენ ჰაერში ოთხივე საგუშაგოდან. ზონაში შემოსვლის და პირდაპირ სროლის უფლება არა აქვთ თუ ზაარეტკას არ შეეხები. ყურს არავინ შეიბერტყავს. ჩხუბის აზარტში შესულებს ტყვიამფრქვევებისა და ავტომატების კაკანი მუსიკად ჩაესმით. დაღეწენ მაყურებლების მერხებს. გამეტებით უხათქუნებენ ერთურთს, სისხლში ცურავენ. ერთმანეთშია არეული გინება, ყვირილი, კვნესა. უეცრად რომელიღაცა წამოიძახებს, დანებო და აქამდე თავშეკავებულნი როკი ავაზასავით დაერევა ორივე მხარეს. თან ყველა კუთხე-ქალაქის რჩეული ბიჭებისგან შემდგარ თავის ოცკაციან ჯგუფს ეუბნება:

— თქვენებურები, ვინც ჩხუბში არ მონაწილეობს, ერთ მხარეს შეაგროვეთ სწრაფად!

ამასობაში ოდიშელია ავარდება აბანოს შენობის სახურავზე. მე დავაწყნარებო, ანიშნებს სახედროებს ხელების მოძრაობით და რადგანაც ყველა ჯარისკაცმა იცის მისი ხასიათი, სროლაც ერთდროულად შეწყდება. აბანოს ირგვლივ შეგროვილ მასას როკი მქუხარედ ჩამოსძახის:

— ხედავთ, დანებამდე მივიდა საქმე. ხუთ წუთში აქაურობა სასაკლადო გადაიქცევა. ზონა მკვდრებით აივსება. უკვე ათამდე კაცი აგდია მიწაზე, დაჭრილი თუ გულშედონებული. გაიქეცით, თქვენი საწოლების ზედა თავები ააგლიჯეთ. მისვლა და მოსვლა ერთი იყოს! აქ შეგროვდით ყველა. სამ მწკრივად დავლაგდეთ და მიჯრით შევუტიოთ. დაუზოგავად ურტყით ხელებში, ფეხებში, განურჩევლად, განსაკუთრებით — დანიანებს.

თვალის დახამხამებაში ხუთსაკაციანი წრე შემოერტყმება შფოთისთავეს. წავა დაუნდობელი ლაწალუწი. ზოგი ეცემა, ზოგი უთავბოლოდ გარბის.

— დანა დააგდე შე ბოზო! — ისმის ოდიშელისა ყვირილი, გაუქანავენს რკინის მეტროიან დრუჩოკს* და აურზაურის მონაწილეც ძალღვივთ აყმუვლდება.

მოქიშპეთა ათასეული ხუთიოდე წუთში დაიშლება. ზონა ჩვეულებრივ რიტმს დაუბრუნდება, მაგრამ როკი ჯერ არ ცხრება. თავის ხალხს არიგებს:

— სალამომდე დრუჩოკებით ეზოში იყავით. ნახავთ გარეთ გამოსულ ვინმე ჩხუბის მონაწილეს?! დასცხეთ!

თავად ოცკაციანი რაზმით ბარაკ-ბარაკ* დაიარება. ექებენ ინცინდენტის მოთავეებს, დანიანებს, მიდის ქოთი.

— თქვე, ახვრებო, — ყვირის ოდიშელია, — ამოგივიდათ ყელში ხაჭაპური და შემწვარი გოჭი? თეთრ დათვებთან ჩახუტება მოგინდათ? სად გაქვთ თქვენ მაგისი ჟილკა? ანდა ზონაში დანის ტარებას როგორ ბედავთ? ვის იმეტებთ სასიკვდილოდ? ესენი ხომ კარგი ბიჭებია ყველა, სუჩი ზონა ხომ არ არის, დანებს რომ ინახავთ? რომელ ხელში გეჭირა? მოამტვრიეთ ის ხელი! — გასცემდა განკარგულებას როკი და ერთ საათში ისეთი სიწყნარე, ისეთი სიჩუმე ჩამოწვება კოლონიაში, გეგონებათ უკაცრიელი ალაგაო.

მეორე დილით ოდიშელია კოლონიის უფროსი იიფ თოდუა გამოიძახებს და ეუბნება:

— პანტერა, საქმე უნდა აღვძრა. ერთი ხუთი კაცი მაინც უნდა გავასამართლო, გავასამართლო. ძალიანაც რომ მინდოდეს დამალვა, ეს ამბავი მაინც გაუწიავს. იცი, დაცვის უფროსთან კონფლიქტში ვარ, თხასავით გამყიდის, გამყიდის. სამსახურიდან ტყუილუბრალოდ მომხსნიან.

ჩვენ ადრე ვახსენეთ, ჰორაციუსის გაკვეთილებს ზოგჯერ არ ვემორჩილებით-თქო, ამიტომაც იმედია, იიფ თოდუაზე ლირიკულ გადახვევას მოგვიტევებთ:

იიფ თოდუა ოცდაშვიდი წელია მუშაობს კოლონიის უფროსად. წულუკიძიდან მოყოლებული ლაითურით დამთავრებული სად არ ყოფილა. ყველგან დიდი სიყვარული დაიმსახურა პატიმრებისადმი ჰუმანური დამოკიდებულებით.

ბინას ზონის სიახლოვეს იჭირავენ ხოლმე. იქ გადმოიყვანს საცხოვრებლად მეუღლეს და ულამაზეს ქალიშვილს, გათქვირულ ეთერს.

ჩვევად აქვს გადაქცეული: წინადადებაში ყველაზე მნიშვნელოვან სიტყვას ორჯერ იმეორებს. წოდებით პოლკოვნიკია, თითოეულ პატიმართან შეხუმრებული და დედის გინებით იჭითაც არ ერიდებიან, მაგრამ ასულის აუგად ხსენებას არავის აპატიებს.

თუ ვინმეს იზოლატორში ჩასვამს თხუთმეტი სუტკით, ღამის სამ საათზე მიაკითხავს, გააღებს საკნის კარს, ერთს შეუკურთხებს და ბარაკებისკენ გაიგდებს წინ.

მისი გინება სტანდარტული გახლდათ — მოგიტ...ნი დედის ძუძუ, მარცხენა და მარჯვენა.

ამის გაგონებაზე პატიმრები სიცილისგან იხოცებიან, ოღონდ მთავარია რამენაირად ააღელვონ იგი და იიფ თოდუაც გულისწყრომას უცილობლად აჩემებული ფრაზით დაავიროგვინებს.

— გამოდი კამერიდან შე ჩათლახო! აქ სიცივეში რომ წვალობ, ვერ დავიძინე, ცოდვა ხარ, წადი ზონაში, ზონაში, მეც მოვისვენებ და ჩემი ცოლ-შვილიცო.

თავის კუთხის ხალხზე უზომოდაა შეყვარებული იიფ თოდუა და როცა იზოლატორებიდან ამნისტიას აკეთებს, უწინარესად თვისტომს გაყრის გარეთ, სხვებს შედარებით უჭიანურებს განთავისუფლებას, მაგრამ ბოლოს გული ვეღარ მოუთმენს და იმათაც გამოლალავს.

არავინ უწყის კოლონიის უფროსს, „იიფ თოდუას“ დაძახება რატომ აცოფებს.

დილით პატიმრები სამუშაოზე რომ მიდიან და რაზვოდზემ ათასხუთას კაციანი კოლონა ბრიგადებად დაეწყობა ზონის უფროსის წინაშე, საკმარისია ვინმეს შემთხვევით წამოცდება „იიფ“, ხელად იზოლატორში ჩაახეტქებს,

მაგრამ ბრიგადები გადაულაპარაკებდნენ ერთმანეთს: ერთი, ორი, სამი, იი-იფ თოდუა, იიფ თოდუაო, სჭეჭავენ ერთხმად და პოლკოვნიკიც გველნაკ-ბენივით წამოვარდება, მომუჭულ მარცხენაზე ყოველი სიტყვის შემდეგ გაშლილ მარჯვენა ხელისგულს ატყლაპუნებს:

— მოგიტ...ნით დედის ძუძუს, მარცხენა და მარჯვენა!

ამისი თქმა და მთელი კოლონა ახარხარდება. მხიარული გუნება-განწყობილებით მიდიან სამუშაოზე.

რომელ ზონაში არ ყოფილა იიფ თოდუა, ყველგან დაცვის უფროსებთან აქვს კონფლიქტი, რადგანაც ისინი ტუსალებს არააადამიანურად ექცევიან. ამის გამო დორბლს ჰყრის ხოლმე.

ზონიდან პატიმარი თუ გაიქცევა, გადარეული დადის მთელი თვე:

— დამლუპეთ, თქვე ჩათლახებო?! წოდებას წამართმევენ. პენსიამდე ცოტაღა დამრჩა, მომხსნიან, მომხსნიან!

ხოლო პლანტაციიდან, იგივე ტრასადან თუ იმარჯვებენ ტუსალები, სიხარულით ცას ეწევა, ვინაიდან თვითონ პასუხისმგებელი არ არის და პლუს, დაცვის უფროსს ან გაანთავისუფლებენ სამსახურიდან, ან კიდევ უკეთეს შემთხვევაში სხვაგან გადაიყვანენ.

ასეთნაირიც ხდება: შვიდი კაცი შეტყდება პლანტაციიდან. იიფ თოდუა ხელისგულებს ერთმანეთზე აშირშინებს. ყველა ბარაკი რადიოფიცირებულია. მიუჯდება მიკროფონს და მთელი ხმით ყვირის:

— რაც ციგნებია ზონაში, თავისი გიტარებითა და აკორდიონებით, ადმინისტრაციაში, ადმინისტრაციაში გამოცხადდეს.

ჩამოამწყკრივებს მერმე კაბინეტში თვითნასწავლ მუსიკოსებს და იქაურობას ტაშ-ფანდურათი გადააყრუებს.

— ავშენდი, ავშენდი, ახრანას შვიდი კაცი გაექცა. ახლა მაინც არ მოხსნიან, იმ ჩათლახს?! თქვე, ციგნებო, ერთი კვირა სამუშაოდ არ გახვიდეთ, იბაირამეთ, ოლონდ ეს სპექტაკლი საიდუმლოდ, საიდუმლოდ დარჩეს. ზონაში არ გააცხადოთ, თუ გავიგე რამე წამოგცდათ, მოგიტ...ავთ დედის ძუძუს, მარცხენას და მარჯვენას, — თან იქვე დაამატებს, — გამიგეთ ზუსტად, იმ საცოდავ, გაქცეულ ხალხს თბილად, თბილად თუ ეცვათ, არ გაცივდნენო.

პატიმრების მნახველები გვიან ღამით თუ ჩამოვლენ, ყველას შინ ეპატიყება. ებრალება, ქუჩაში გაიყინებიანო. თვითონ ამდენი ადგილი სად გააჩნიათ და აივანზე იწვა ხოლმე.

ერთხელ რაზვოდისას იიფ თოდუა არესტანტებს გამოუტყდადებს:

— მამულოვი და მთელი სამმართველო ჩამოდის, ჩამოდის. შუტკა სამი დღით შევწყვიტოთ. ვინც იიფ თოდუას დამიძახებს, ორ წელ დაკეტის, დაკეტის გაუფორმებო.

— როგორც გვეტყვი უფროსო ისე იქნებაო, — შეჰპირდებიან.

მთელი კოლონა გავა სამუშაოდ, ხოლო თვრამეტ საათზე ბრიგადები რომ მობრუნდებიან ზონაში, შესასვლელთან მამულოვი და ქურდიანი დახვდებიან თავიანთი ამალით, რომელთაც ზურგს უმაგრებს იიფ თოდუა და აღმინისტრაცია სრული შემადგენლობით.

სტუმრებმა იციან კოლონიის უფროსის გასაჭირი, „იიფს“ რომ ეძახიან. უკვირთ ამდენ ხანს რატომ ხმას არავინ იღებს.

პოლკოვნიკი ზურგს შეაქცევს ტუსალებს, ვითომ ქურდიანს ელაპარაკება, თან ტექნიკურად მარჯვენა ხელისგულს მომუჭულ მარცხენას პერიოდულად ურტყამს, ისე რომ უფროსობამ ვერ შენიშნოს.

არ დამიძახოთ „იიფ თოდუა“, თორემ დედას გიტყვებთო, ემუჭრება პატიმრებს უსიტყვოდ.

ეს წუთია და გვარიანად ჩაპუტკუნებული ზონის უფროსის ქესტებით გინება დაარღვევს დილინდელ აღთქმას, ფილტვებში ქავილი დაეწყება ათას ხუთას კაცს:

— იიფ თოდუა, იიფ თოდუა! — დასცხებენ მარცხნიდან და მარჯვნიდან.

ვერცხლისწყალივით მოძრავი კაცი ელვის სისწრაფით მოტრიალდება კოლონიისკენ, დამაგრებელი ხელები ჭერაც კულმინაციურ პოზაში აქვს, მაგრამ მსწრაფლ ასწევს თავს ზემოთ, რაც არესტანტებს მიანიშნებს, თუ შუტკაა, აბაროტკამ მომაცემინეთო.

მთელი კოლონა გარინდულია.

იიფ თოდუა ორივე ხელისგულს პირზე მეგაფონივით მიიღებს და მთელი ძალით დაიჭეკავს:

— მოგიტ...ნით დედის ძუძუ, მარჯვენა და მარცხენა!

დაწყდება სამმართველოს ხალხი სიცილით. ამის მნახველი პატიმრები მთლად მიწაზე დაცვივდებიან.

— თქვე ჩათლახებო, იცინეთ, თქვენთან რომ არ მიხუმრია, მთელი დღე მოწყენილი, მოწყენილი ვიყავი. სამ სუტკას ნამდვილად ვერ გადავიტანდი, ავად, ავად გავხდებოდი.

ერთხელ იიფ თოდუა ზონის სტომატოლოგთან შემოიყვანს ტანშხართ ეთერის. ტუსალები კისერწაგრძელებული მიაჩერდებიან ხეტექტურით ქვაზედასახლელ გოგოს. მამა აქედან აეფარება შვილს, იქიდან, მაგრამ ჭეირანს ათასი თვალისგან როგორ დამალავ?!

— გაიწიე, თოდუა უფროსო, გვანახე ქალიშვილი, იიფ რა ტან-ფეხი ჰქონია? — ყვირიან ტუსალები.

— რა გინდათ თქვე ჩათლახებო? ჩათლახებო. ეს ჭერ ბავშვია, თან კბილი სტკივა. სტკივა. მთელი დამე არ უძინია, მეც მასთან ერთად, — დაფეთებულვით იყურება ზონის უფროსი მარცხნივ და მარჯვნივ.

— ოოო, კბილი რომ ტკივა ეგ ცუდია თოდუა უფროსო. მეც ვიზიარებ ამ მწუხარებას, მაგრამ რაც შეეხება წლოვანებას, ბავშვი კი არა სუფთა მორფინია ორპროცენტისანი, — ძვალტყავად ქცეულ ამის მთქმელს იბრიდია ჰ

ქვია, მაგრადაა შეხუმრებული თოდუასთან, თუმცა მშობლის გამომეტყველებიდან ხვდება, ვერ არის საქმე კარგად.

— შე ჩათლახო, ჩემი მარწყვივით ბავშვი მორფს შეადარე? ჭიპმოჭრილი მორფინისტი ხარ და სულ ეს გელანდება, ნოქსირონი თუ კოდეინი, მაგრამ შვიდი რიცხვი ყველაფერს, ყველაფერს დაგავიწყებს, რადგან შენი გათქვირული ცოლი ჩამოდის სვიდანიასზე. ცხრამდე გადავუტან შეხვედრას და შენთან მოწვევით ძროხასავით, ძროხასავით შემოვუშვებ, ისე რომ ფეხზე ვერ დგებოდეს. რაც ექვსი თვე შენთან ალერსისთვის ემზადა, ყველაფერს მე და მაგი გავიყოფთ. მოკლედ, პერვიაკი, პერვიაკი მე, ვტარიაკი ან ტრეტიაკი — შენ.

ობრიდიას ფერი წაუფვა, რადგანაც თოდუას ზონაში დიდი მექალთანეს სახელი გავარდნია, ენა — ვასაკას ნაღველაზე მწარე, იმწუთში მოგწამლავს.

არის შემთხვევა, როცა იიფ თოდუას კვიმატურ შეკითხვაზე ცხელ-ცხელი პასუხი ვერ გაუცია, მაგრამ შუალამით გაგაღვიძებს და ისეთს დაგაჯახებს, ტკბილი ძილი მთელი კვირით დაგიფრთხება. მარტივად რომ ვთქვათ, ზამასკაში არ დარჩება.

და აჰა, დადგება იიფ თოდუას პენსიაზე გადასვლის დროც. ოდიშელია უკვე თბილისის დაკეთილშობილი გადასროლილი.

ზონის უფროსი ყველა პატიმარს სასადილოს უშველებელ დარბაზში შეყრის.

— შვილებო, გემშვიდობებით, — ამბობს დაღვრემილი იერით, — კარგად იყავით. მალე თავისუფლებას გისურვებთ. მე წავედი პენსიაზე, პენსიაზე. ვუბრუნდები ჩემს რაიონს, სადაც დავიბადე და გავიზარდე, დრანდას, დრანდას.

დუმილით უგდებენ ყურს. სწყინთ ასეთ ოქრო კაცთან განშორება. ვინ იცის სანაცვლოდ რანაირს მოუგზავნიან, მანიაკს თუ სადისტს?!

იიფ თოდუა ვიდრე მორიგ წინადადებას ჩაამთავრებს ხმა ჩაუწყდება, ცრემლი მოერევა. თავჩაქინდრული მიდის კარებისკენ. უცებ ჩვეული გამოხედვით შემოტრიალდება.

— თქვე ჩათლახებო, ჩათლახებო, რა უნდა მითხრათ?! — მისჩერებია ტუსაღებს სახეგაბადრული.

— იიფ თოდუა, იიფ თოდუა! — აგ უგუნდება დარბაზი.

ზონის ნაუფროსალი ხელს ასწევს და ყველა იყუჩებს.

— ასე, მხიარულად გამაცილები?! მოგიტონით დედის ძუძუ, მარცხენა და მარჯვენა, — იტყვის და გაშლილი ხელისგულის დასარტყმელად მომზადებულ მომუშტულ მარცხენას პირთან იტაკა წამსკდარი სიცილის შესაკავებლად.

აი, როგორი პიროვნება უხმობს როკის დილაუთენია. იცის კაცის გამფუჭებელი ეგ არ არის და თვითონაც მსგავსი სერიოზულობით აცხადებს:

— არაფერია. საშიშროებამ უკვე გადაიარა. დაჭრილები უკეთ გრძობენ თავს. დღესვე სამუშაოზე გავლენ სათითაოდ. სიტყვას გაძლევ, ასეთი რამ მეტჯერ არ განმეორდება და თუ ბევრს მიაწვები, მაშინ იმ ათას ხუთას კაცს აქეთ მოგიბრუნებ, ხუთ წუთში თქვენი ადმინისტრაციის შენობისგან ფიცა-

რიც არ დარჩება. ია ნი ნერჟავეიუ, ნი ნერჟავეიუ,* — იიფ თოდუასებუ-
რად დაასრულებს საუბარს ოდიშელია თავისი საყვარელი ფრაზით.

წეკოს მაგიდაზე შლიდა შაშმანი და უკბილებო ღრძილებზე ენას შემო-
ატარებდა ლაითურის ზონის ორომტრიალის ხსოვნის დასტურად.

ამასობაში გამოჩნდნენ არხიდან მობრუნებული როკი და ლადო.

— მობრძანდებიან ამქვეყნიური ცოდვისგან განწმენდილები. განწმენდი-
ლები, — გასძახა ილონას თირქიამ.

ოდიშელიამ ხელით უხმო ამხანაგს და ისიც წამში წამოიჭრუნტა.

კაცები ბაკთან შეგუფდნენ და გაუმხილეს თუ არა მასპინძელს დინა-
მინჯიას ხალხის ანაკლიაში გამოჩენა, თირქია ღობესთან ჩაცუცქდა.

— ჩემი ღრმა რწმენით, წასვლას ისევ დარჩენა სჯობია, — ამბობდა შაშ-
მანი და მიწატყეპნილზე ნაფოტით ხაზავდა ფარების რუკას, — ამდამ ენ-
გურზე გადასვლა წინდაუხედავობა იქნება, ვინაიდან მინჯორაიას შესაძლოა
ხაფანგი სწორედ იქ ჰქონდეს დაგებული. არხის მხრიდან თავდასხმა თითქმის
გამორიცხულია, რადგანაც მდევრებმა სულ ცოტა სამი-ოთხი კილომეტრი
მაინც უნდა იბოლიალონ ჭაობიან უღრანში, სანამ ჩვენამდე მოაღწევენ. ჩვენი
შუკაც ნაკლებად გამოსადეგია მათთვის, აქედან ხელისგულივით მოჩანს და
მიზანში ამოღებული გვეყოლება. ყანებიდანაც შემოგვეპარებოდნენ, მაგრამ
მეზობლების ძაღლები იქ მაჩვს არ აჭაჭანებენ და არც მაგათ დაადგებათ კარგი
დღე. მომსვლელები თუ არიან, ისევ — თხრილებით, რომელიც შუკას ორივე
მხარეს გასდევს მთელს სიგრძეზე და ახლა სრულიად ამომშრალია. მოკლედ,
თუ გასულელებიან და მაინცდამაინც მოგვიხტებიან, კაი ტურას დაიჭერენ,
ზურგზე ბოლს ავაღენთ.

— შაშმან, რასაც ამბობ ჭკუასთან ახლოსაა, წყალი არ გაუვა, მაგრამ
გასათვალისწინებელია აგრეთვე მინჯორაიას ბუნებაც, — ოდიშელიას დაბ-
ლიდან უმზერდა გეგმილთან კვლავაც ჩაყუნცული თირქია, — გამოცდილე-
ბიდან ვიცი: ტოლიკი პედანტია, სწორხაზოვანი აზროვნების. მისთვის უც-
ხოა ნაცარქექიას გამჭირაობა. საღიზმი ძვალ-რბილში გასჯდომია. გამსრესავ,
ტლანქს, „კატოკს“ ჰგავს, რომელიც მგელივით კისერს ვერ აბრუნებს. მო-
ხერხება ჰქონოდა, უფრო ორგანიზებულად მოაწყობდა ოპერაციას, ავტომა-
ტებით შეაიარაღებდა რაზმს, მაძებარ ძაღლებს შემოიშველიებდა; ანაკლიაში
შუადღისით არ გამოჰქნდებოდა, ივარაუდებდა, რომ მისი გამოჩენის ამბავს
ვინმე მომიტანდა. კულში რომ მომსდევს, ამასაც ეძებნება გამართლება, ვი-
ნაიდან იცის, სანამ ილონა მახლავს, ხელფეხშეკრული ვარ და ჩემი დაკავება
გაცილებით იოლია, — ძაკასებური სიფრთხილით ცხოვრებაში პირველად
მოქმედებდა როკი.

მართალია, ზატონჩიკის განუყრელი სიბრძნეც ამოუტივტივდა წამით

გონებიდან: საუკეთესო თავდაცვა შეტევია, მაგრამ რატომღაც დაღეჭილ, აწონილ-დაწონილ გემას ჩააცვივდა, — მე შემოსასვლელთან დავიმალები, — აგრძელებდა ოდიშელია, — ყანით წამოვლენ, თხრილებით თუ შუკით, ზურგიდან გაფუხსნი ცეცხლს ავტომატით. თქვენ ფარეზიდან ერთდროულად დასცხვებთ ორლულიანიითა და კარაბინით და ვფიქრობ, უმტკივნეულოდ და-ვაყრვენივით იარაღს.

ასეც დათქვეს.

მთვარიანი ღამე ჩამოწვა.

ბებერი თუთა ხან ქათქათებს, ხანაც კუბრისფერ ღრუბლებს ამოეფარება. ფუნქციები დანაწილებულია, ძაღლები — აშვებულნი.

ოდიშელია თავიდან აკოკრილ სიმინდებში მოყურდება, მაგრამ მტვერს, დანამული ფოთლების გლასუნი გააღიზიანებს და სამალავს გამოიცვლის. შუკის თავთან კუზივით ამობურცულ, რუსული პესმაგვარი კონსტრუქციის ბეტონის ხიდქვეშ მოკალათდება არხეინად. ბოლოები ხშირი ბალახით ამობანდღვია. წყალი ძლივს მოვალალებს. მუხლებჩაკეცივით ჩამქდარი ზურგით გრილ კედელს ეყრდნობა, იდაყვები ავტომატისთვის დაუბჯენია. ზურგს უკან ქამარში გაურჭვია „ტიტე“. ესეც სტეპანცევის კარცერის ნაირსახეობაა, ძიუმპეის ქვიშის ორმოს ტყუპისცალი. დრო უსაშველოდ იწელება. იჭაჭებიან ბაყაყბი. კულტკალიების კრუალია. ზღვაური აშრიალებს აქოჩრილ თხმელებს. ნახევარ კოლოფ „პრიმას“ მოსწევს როკი, ვიდრე საბურავები ხრეშს ააჩხრიალებს. ქარსა-ცავი ზოლის კუთხესთან შეაჩერებენ ფარებგამორთულ “რაფს“.

— სანამ იქამდე ფეხით მივალწვედეთ, ძაღლები ახმაურდებიან, — მინჯორაიას ხმა ჩინებულად ესმის ოდიშელიას, — ამასობაში ხელიდან დაგვისხლტება. უმჯობესია მანქანას უკნიდან მივაწვეთ და ხიდზე გადავაგოროთ. ღამის ორ საათზე ადამიანს მკვდარივით სძინავს. ცოტა ხანს ხალასტოით ვიაროთ. მერე დავქოქავთ, ვუმატებთ სიჩქარეს, გავანგრევთ ჭიშკარს და ხელად ალყაში მოვიმწყდევთ.

— რომ დაიმტვრევა?!

„ეს უკვე მძლოლია“, ასკვნის როკი.

— ხომ შეგპირდი, სამმაგად ავინაზლაურებ-მეთქი?! ხაჭაპურის ჭამით ფულის შოვნა არ გამიგონია. მოფამფალებული ხის ჭიშკარის განგრევას რა-ლა უნდა?! დიდი-დიდი ფარები ჩემსხვრეს და გაიკაწროს აქა-იქ.

საუბარი შეწყდება. მილიციელები უკლებლივ ჩამოლაგდებიან ახმახი მინჯორაიას თამადაობით. აწვებიან „რაფს“ და უხმაუროდ მოაგორებენ. ამდღე-ბულ ხიდისთავთან გვარიანად იჯახირებენ. ახლა გატყინებულ შუკაში მისარილებენ მანქანას. როკის გუნებაში ელიმება. იცხონებს ძაკა ბაბუას სულს. ვი-დაც შეპრენტილების საფლავები მოუნახულებია, საკუთარი სისხლ-ხორცისთვის კი აქამდე ვერ მოიცალა. ასეა ყოველთვის. დედამაც ხომ წამოაყვედრა ერთხელ: შენ ჩვენთან კაკანებ და კვერცხს სხვაგან დებო.

— არ გაინძრეთ თორემ დაგხოცავთ! — სჭექა მღვერის ზურგს უკან ამომძვრალმა როკიმ და ავტომატის ჯერი ჰაერში მიუშვა.

მილიციელები ინსტიქტურად მიწაზე დაეყრებიან. „რაფი“ განაგრძობს ინერციით სიარულს. ფარეხიდან ჰახანებს ორღულიანი და კარაბინი.

— არ დამესხენი ხომ, შენი თუქსუსი დედა! იარაღი ბუდიანად მოიძვრეთ. ერთი ზედმეტი მოძრაობა და დაგცხრილავთ განურჩევლად! ჰო, ეგრე, ეგრე.

ტყაპანით ცვივა ოდიშელის შორიახლოს ქაშრებიდან წვალეებით ახსნილი „მაკაროვები“.

— ზოგიერთი ჩემს ადგილას ცურვას დაგაწყებინებდათ და აქა-იქ ჩაყვინთვასაც მოგთხოვდათ, მაგრამ ვიდრე მხიარულ გუნებაზე ვარ ამოშაქრეთ გვარ-სახელები!

— დუნდუა ბენო კაპიტონის ძე, აბაშიდან, — დაიწყებს უკანმომწოლთაგან ერთ-ერთი და ამ სტილში რომ ჩაამთავრებს ტოლიკი, აბაშელი განმარტებასაც დააყოლებს, — რეიდზე შეგვკრიბეს ზუგდიდში სხვადასხვა რაიონიდან. მინჯორაია შემოგვიჩნდა და ხუთას-ხუთას მანეთად დაგვითანხმა ოპერაციაზე წამოვყოლოდით: ადგილობრივია და ოდიშელებს ფეხის დაუსველებლად უნდათ თევზის დაჭერაო. თქვენ აქ არავინ გცნობთ და იოტისოდენა გამბედაობაც თუ გაგაჩნიათ, ხუთასი მანეთი ქუჩაში არ ყრიაო.

— კი, მაგრამ არ გითხრათ, ვისთან მოჰყავდით, ფარეხის მურგვა ძაღლთან თუ პანტერასთან?

— აქაც მოგვატყუა. მართალია, დევნაში კი არის, მაგრამ ერთს რომ დავაქუხებთ, მაშინვე ჩაისვრისო.

— მინჯორაია, ნახიშტარო, — როკი ავტომატის საკეტს აჩხაკუნებს ყასიდად, თან საჭეს დამხოზილ მძღოლსაც ჰკიდებს თვალს მერამდენედ. — სანამ არ გადავრეულვარ, მოუყვი ამ პატიოსან ხალხს, თუ ვისი ბრძანებით შემომიციურე იარაღი პირველად?!

— ამოიღე ხმა, შენი მატყუარა დედა! — ჯგვლიმავენ წიხლებს წინამძღოლს აბაშელები და გეგეჭკორლები.

— კიკორიას დავალებას ვასრულებდი. ჯერ ერთი, მოხერხებულად ჩამოგიშორებდნენ შფოთისთავს. მერედა, გაუხსნელ მკვლელობასაც ჩამოწერდნენ.

— ესმის, პატიოსან საზოგადოებას?! ჩამოწერდნენო. სანაცვლოდ რა მოგცა მაშინ კიკორიამ?!

— ერთი ვარსკვლავი მომიმატა.

— კაკაჩიას ეზოში ვინ ააფეთქა „ლიმონკები“ და რატომ? — ჩაეძება როკი.

— ბებთო კონტუაქემ და კოჭოჭა კულესკირმა. ღიხამინჯიას შეკვეთით და რუბენ ადელუას დავალებით.

— რაო, რა გვინდაო?

— ამ ხერხით ღიხამინჯია სპილოს ჩამოიცილებდა გზიდან, თან კაკაჩია-საც აშინებდა: აქეთკენ ნუ გამოიხედავ, თორემ ჰაერში აფრინდებო. მაგრამ ჯერ შენთან უნდა აღმოგვეჩინა ის ლიმონკები, რათა საქვეყნოდ დადასტურებულყო შენი და სპილოს დანაშაულებრივი კავშირი.

— რამდენს შეგპირდა ღიხამინჯია ჩემს აყვანაში?

— ოცდაათათასს. ათიათასი გამინაღდა და დანარჩენს ოპერაციის წარმატებით დაგვირგვინების შემდეგ მომცემდა.

ფარეხიდან ძაღლების გნისია. ჭიშკართან გამოჩნდნენ შაშმანი და ლა-ლო.

— იყავით მანდ! — გასძახებს ოდიშელია მასპინძლებს, — ამათ უთქვე-ნოდაც მოვუვლი! ადგილ-სამყოფელი ვინ მოგასწავლათ?

— დამსმენის ვინაობა არ ვიცი. ისე ყველაფერი უზუსტესად ჩაუკენჭავს ადელუასთვის, რამდენი კაცი იყავით ფარეხში, რამდენი კარ-ფანჯარა აქვს ნა-გებობას, რანაირად მიედგომება, რითი იყავით შეიარაღებული. მხოლოდ ავ-ტომატის ამბავი არ იყო ნახსენები.

— ესე იგი არ იცი, ხომ? — ისევ ააჩხაკუნა საკეტი ოდიშელიამ და ში-შისგან სულგამძვრალი მღვერები მიწას დაეწებნენ. — კეთილი, ვეღარასდ-როს გაიგებ! ამისთანა ოპერაციაზე ცხრა კაცით მოდიან ჭკუის კოლოფო, ისიც პისტოლეტებით? ეტყობა ზუგდიდის ციხეში რომ დაგაფინთიხე, სკინ-ტლისხელა ის ჭკუაც მთლად გამოგებერტყა თავიდან.

ახლა მიგდეთ ყური სერიოზულად. სანამ გამოვეწყობოდე, ცხენს შევ-კაზმავდე და გამოგენთებოდეთ, გაქვთ გვარიანი დრო, ბითურებო! ბედი თქვე-ნი, მანქანამ თუ არ გიმტყუნათ. სადაც წამოგეწევით, იქვე მიგაბრიდავთ!

შენ, ეი, კუნოსავითმ რომ დამხოზილხარ საქეზე, — უყვირის მძღოლს როკიმ, — მანქანა ჭიშკართან მოატრიალე! თქვენ კი ბიჭებო, — გასძახებს თა-ნამებრძოლებს, — კარგად გაშმონეთ. წავიდა ის ხანა, ნაჩუქარ იარაღზე უარს რომ ვამბობდი.

— აქ ყველაფერი წესრიგშია, — ეხმიანებიან ძაღლების ალიაქოთში მას-პინძლები ოდიშელიას.

ფარეხანთებული „რაფი“ ნელი სვლით უახლოვდება მიწაზე დაყრილებს. ზედ მიამუხრუჭებს.

— აბა, სანამ გადამიფიქრებია შელაგდით სათითაოდ! — გასცემს გან-კარგულებას როკი და ნირწამხდარი მღვერებიც თვინიერად ასრულებენ ბრძანებას.

— არც აწი მოხსნიან? — ჩაილაპარაკებს თავისთვის ოდიშელია, რო-დესაც მანქანა მიმოყრილ იარაღს გადაუვლის და თემშარაზე რალის მო-ნაწილესავით გაღმუვლდება.

პისტოლეტები ნანადირევით მოუგდია მხარზე როკის. მეგობრები კოცნიან. ძაღლები ელაქუცებიან. აქვითინებული ილონა კედელს თავით მიყრდნობია.

— უკვე ჩვენი აქ დარჩენა არაფრით შეიძლება, — ეუბნება შაშმანს ოდიშელია, — საინტერესოა, ვინ დაგვასმინა? ხათაბალაში გაგხვით, მაგრამ ძმა ძმისთვისო, თქმულა. შენ კი ერთი თხოვნა უნდა შემისრულო, — მიუბრუნდება ტიბუას ბიჭს, — ეს „მაკაროვები“ გენადის უნდა მიუტანო ზაქარაიასთვის ჩასაბარებლად. ასე გადასცეს: თავი დამანებონ, თორემ დიხამინჯიას და ადელუას ჰაერში ავიტანთ თავიანთ კაბინეტებიანად.

ჩვენებთან ტელმანის ქუჩით მიდი, ჩიქობავების ეზოდან. ყოველ შემთხვევისათვის სიფრთხილეს თავი არ სტკივა. დანარჩენი — როგორც შევთანხმდით.

ვიდრე იარაღს სათითაოდ გასინჯავდეს ოდიშელია, რუკზაკში ჩაალაგებდეს, ვინემ ტანისამოსს გამოიცვლიდნენ, თირქია ცხენებს უნაგირს დაადგამს, მოსართავეებს მოუჭერს. საღარაზე ხურჯინს გადაკიდებს. დამოკლებული ლაგამით მოჰყავს აფრუტუნებული მერნები შუაში ჩამდგარს.

— ჩვენზე ნუ იდარდება, — ამწვიდებს ოდიშელია ადელვებულ ამხანაგს, — არხს გავუყვებით, მერე ზღვის ნაპირ-ნაპირ ვივლით. ანაკლიასთან ფონებით გადავალთ.

შენც მზად ხარ უკვე, სოსელიას ბიჭო?

— მაშ, — ამბობს ყმაწვილი მკვირცხლად, — აქაურობას ხუთი თითით ვიცნობ. ყანებით გავუპირდაპირებ. მინდორ-მინდორ ჩავაღწევ დარჩელამდე და იქიდან რამეს ვილონებ.

გადაეხვივიან ერთმანეთს.

— ოთხგზის დავალებული ვარ შენგან. გამარჯვებით იარე!

არხის კიდეს მიუყვებიან შაშმანი, ილონა და როკი. სიმინდების დასასრულს ოდიშელია შეჩერდება.

— ამას იქით ჩვენითაც გავიგნებთ გზას, — ეუბნება როკი ცხოვრებაგამწარებულ კაცს. თან ილონასაც მიაშველებს ხელს ცხენზე შეჯდომისას.

— ხომ არაფერი გაუმხელია იმ ბიჭს? — ჰკითხავს ხმაპარვით შაშმანი.

— რას გულისხმობ, რა უნდა ეთქვა? — თავს მოისულელებს ოდიშელია.

— ორ თვეზე მეტია მიხვედრილი ვარ ყველაფერს. ბედს შევურიგდი, როკი. დანები აფხიანებული მაქვს სულ. ორლულიანი თოფი და კარაბინი კედელზე დატენილი ჰკიდა. თუ დამარტყამს ან მესვრის, ქე მაინც უცებ გამათავეებს, მაგრამ იმასაც რაღაც უბორკავს ხელ-ფეხს. ისე, ჩვენში დარჩეს და არ ყოფილა ადვილი, გულგრილად უყურებდე საკუთარ აღსასრულს. იძინებდე იმის რწმენით, რომ არასდროს გაგელდიქება. ჩემი მზე ისედაც ჩასვენებულია, ყმაწვილი

როგორ გავაუბედურო? გამობრუნდება და კიდევ თუ გაუხნელდება ეგ საქმე, მე ვითონ გავუიოლებ.

— აღარ დაბრუნდება ლადო, ჩემო შაშმან! სჯობია შენს თავს მიხედო! გამოჩნდება ვინმე ღვთისნიერი ქალი, მარტობას შეგიმსუბუქებს. ავტომატი, მჭდეები და ვაზნები უკლებლივ მიმაქვს უნებართვოდ. ყუთი დაამტვრიე და ღუმელს შეუკეთე კონდახთან ერთად. ამ დღეებში შეიძლება გაგჩხრიკონ, სანადირო თოფისთვის მწყემსს ვერაფერს გეტყვიან, მაგრამ ავტომატის გულისთვის, ხომ იცი რამხელა სროკია?! კარაბინიც გადამაღე. ზონაში მიბრუნებულა ვაკლია შენ. წავედი ახლა, — იტყვის, მკერდში ჩაიკრავს ამხანაგს, მოახტება ცხენს და კვალში მიჰყვება დაწინაურებულ ბოშა ქალს.

— ხურჯინის მარჯვენა თვალში ღვინოა დოქით, ავჯანდი არ მიარტყა, — ამბობს თირქია და აცრემლებულ თვლებს მალულად იწმენდს ხელისგულით.

შუალამე კარგა ხნის გადასული იყო, როცა ენგურზე ფონებით გაინაპირეს. ხაბოსთავზე წამით შეყრყმანდა ოდიშელია. ორნაირმა აზრმა გაუელვა გონებაში: ზატონიკის მცნებას მიჰყოლოდა, თავდაცვის ნაცვლად შეტევაზე გადასულიყო და დიხამინჯიასთვის ცხვირით მიწა ეხვნევიანებინა თუ კვლავაც მორიდებოდა საფრთხეს.

ზუგდიდში ჩასვლა უწინარესად მისიანებს ააწიოკებდა. განმუხურში, მელორ ქვარაიასთან, უზრუნველი ღამისთევა ელოდა, მაგრამ ეს ფიქრიც განზე მოიტოვა.

ისევ ნაკარღალით ამჯობინა წასვლა. იქ ხაზარიებს შეეფარებოდნენ, ან ცოტა ქვემოთ, როდონაიას ფეშენებლურ კოტეჯში მოისვენებდნენ.

ფრანკო ნერო, როგორც მეტსახელით ეძახდნენ ღუსის, მოხუც მამასთან ერთად იხდიდა სასჯელს რუსთავის მესამე ზონაში ძმის სისხლის აღებისთვის. უბედურება კი ამპარტავნობის გამო აწეწილიყო. ცოლისდის მსხვერპლი შეიქმნა ორი ოჯახი. ამაყმა ხაზარიებმა იუკადრისეს ვალღეტილი დუდარიძის დამოყრება. ოთხ ვაჟიშვილს უმაღლესი განათლება მისცა სოფელმა კაცმა და უკეთესს სიმდიდრეს რას მოიხვეჭდა, რას დააგროვებდა, მაგრამ ხაზარიები აინუნშიაც არ აგდებდნენ ქვისლადმოკიდებულის წითელ დიპლომს თუ ფუნჯსა და მოლბერტს. განსაკუთრებით ფრანკო ნეროს უმცროსი ძმა ბობოქრობდა:

— ქორწილი იქნება თუ ქელები, სადაც მე ვარ იქ ნუ გამოჩნდები, თორემ ცხვირ-პირს უკანალის სიმსხოს გაგიხდი! — შეემუქრა და შეუსრულა კიდევ ქაღილი ერთ წვეულებაზე შემოფეთებულს.

აპატიეს პირველად დუდარიძეებმა, მაგრამ რამდენიმე თვეში კვლავ რომ საჯღომის სიმსხოდ გადაუქციეს სიფათი, მილიციის შივივლეს.

ფრანკო ნეროს ძმა დააპატიმრეს და წულუკიძის კოლონიის ცხოვრებაში ისე წარმართა მისი საქმე, სულ ზონის კარებთან ტრიალებდა უფროსი ძმა. ნაბოლარას ყოპარში წაგებულნი ნთქავდა ოჯახის ძირითად შემოსავალს: თხილს და მანდარინს, ხარ-კამეჩებს თუ ძროხებს. ფრანკო ნეროს მარცხენა

შემოსავალი ბუღალტერიიდან, ძმის გაუთავებელი ვალების გასტუმრებას ვერ აუდიოდა.

ერთხელ ბევრი ირბინა ფრანკო ნერომ, მევახშისგან პროცენტზეც კი ისესხა ფული, მაგრამ რამდენიმე დღით მაინც დააგვიანდა და ფუფულაში გადავარდნილ უმცროს ხაზარას, უღირსი რამე რომ არ ეკადრებინათ, თავი დასაბრედი გაუხდა.

ნაკარდალში ძაკა ოდიშელიას ბადალი პიროვნება საუბედუროდ არ ჰყოლიათ. ესეც გვარიანი ხნის გარდაცვლილი იყო და ახლები, რადგანაც საქციელს ჭკუას ნაკლებად ატანდნენ, ორი ოჯახი სამკვდრო-სასიცოცხლოდ გადაეკიდა ერთმანეთს.

ეზოდან არ გადიოდა უბედური მხატვარი დუდარიძე, მაგრამ ტილოს მიჩერებულზე უკეთესი სამიზნე რაა და ოდიშელიაც სწორედ იმ მამა-შვილისკენ მიემართებოდა.

გაიარეს მურყანების ხშირი კორომი. გათოხარიკდნენ მინდორზე. მერე საურმე გზა კვლავ უსიერში ჩაიკარგა.

გარშემო მოსახლეობა არ ჭაჭანებდა. სოფლის ნათურები ექვსი-შვიდი კილომეტრიდან ციმციმებდნენ. უბრად მიდიოდნენ ილონა და როკი, მაგრამ ფიქრებში ერთურთს ეხმიანებოდნენ.

კაცს სინდისი ქენჯნიდა ასე უპრაგონოდ რომ დააბოდილებდა ბოშა-ქალს ტყე-ღრე. ილონას კი უფრო საზარელი განცდა სტუმრებოდა: ჯოტო ოდიშელიასთანაც, შამშანთანაც იმიტომ მისჩერებოდა კალენდარს გაფაციცებით ხშირხშირად, თავისი ქალური მდგომარეობა ვერ გაერკვია, მაგრამ მდინარის გადმოლახვამდე და მერმეც ბრუალი რომ მოუხშირდა, დაბეჯითებით დაასკვნა — ფეხმძიმედ იყო. მუავეს დახარბებული მალაც ამას ადასტურებდა და ირიბი მთვარის შუქზე გამოჩნდა თუ არა უკაცრიელი ფარდული, ქალმა ლამის მუდარით უთხრა თანამგზავრს:

— როკი, შეგყოვნდეთ, თორემ სადაც არის გული შემიღონდება.

მხედარი სწრაფად ჩამოხტა ცხენიდან, ხელი შეაშველა და ქვასავით დამძიმებული ილონა მიწაზე ჩამოსვა. თხრილს გადააბიჯეს, ბაყაყბს წამით გააკმენდინეს ხმა. ტოლით გადახურულ ფარდულს, რომლის მესამედი ეტყობა სათავსის მოვალეობას ასრულებდა ოდესღაც, ორი კედელი ჯერაც საღი ჰქონდა — ჩრდილოეთ-დასავლეთით, ხოლო დანარჩენი, ჩანს, ნაგვიანვე მგზავრებს დაერღვიათ და შეშად შეეკეთებინათ კოცონისთვის.

რამოდენიმე ნაბიჯი დარჩათ ფარდულამდე, რომ დედაკაცს მუხლები მოეკეცა, გრძნობა დაჰკარგა. ოდიშელია აშკარად დაიბნა. ქალის უნუგემო მდგომარეობამ გული შეუკუმშა. ლოყაზე უტყაპუნებდა ხელისგულს. წყალი ჰქონოდა, აპურებდა და უცბად მოაბრუნებდა ბეზია ბაბილინას კვალბაზე. ცალი ხელით გონმხილვას ბლუჯავდა, მეორით შამშანის გამოტყეულ ხურჯინში თითები მოაფათურა. რაღაც ბოთლისმაგვარს წააწყდა. ღვინით სავსე დოჭი ჩაედგა საგზლად თირქიას. მუხლებში მოიმწყვდია, ხელისგული ღვი-

ნით დაისველა და ქალს ლოყები, შუბლი, ყელი და კისერი დაუსველა მისით. ილონა თანაბრად სუნთქავდა, მაგრამ ამქვეყნიურის არარა ეტყობოდა. როკის ჭურჭელი ჩაუცურდა ფეხებიდან და ბალახებში არაკაკადა. მიხედა დოქს და უმაღლე შურა დეიდას ნათქვამი ამოუტივტივდა გონებაში:

შურა: „გხედავ წაყირავებულ ბოცას, საიდანაც სისხლისფერი ღვინო იღვრება.“

ჭურჭელი შეეშალა მხოლოდ და კიდევ — ფერი. მართლაც მენცარია ეს ხალხი?“

უნაგირის კეხიდან დაგრავნილი ნაბადი ჩამოიღო, ხელს კბილიც მიაშველა და ისე გასსნა ყურუმული კვანძი. ფარდულში შეაბიჯა ქალთან ერთად. ფეხით მიხვეტ-მოხვეტა სიმიდის ჩალის ღერები, თხის კინკორა თუ გამხმარი ნეხვი. გაშალა ნაბადი და ილონა ფრთხილად დააწვინა ზედ. ჯიბეებში ასანთი მოიძია. გაჰკრა. თვალდახუჭულ მანდილოსანს სახე სანთლისფერი გახდომოდა. ზედა ტუჩი ოფლს დაეწინწკლა. მეორე ანთო, მოავლო თვალი იქაურობას. ცენტრში, ორ ლოდს შუა ჩამწვარი მუგუზლები რომ იხილა, შვება იგრძნო. სიმიდის ღერები მობლუჯა. მალე აბრიალდა ცეცხლი. მოძიებული ფიჩხები და მისთანანი წააყარა. მერე ჩრდილოეთის კედელს ფიცარი ააძრო, ჩამოდო ღირეზე, დააბიჯა და გადამტერია შუაზე. ისიც კოცონს შეუკეთა. ცხენები თვინიერად ფრუტუნებდნენ.

ახლა წაყირავებული დოქი გაახსენდა როკის. დაწვდა. სანახევროდლა დაცლილიყო და ამ აღმოჩენით ერთიორად გაიხარა. მოყლუპა პირდაპირ. შემდეგ ჩაიმუხლა გულწასულთან, თავი წამოუწია, იმასაც მიუტანა ტუჩებთან. ილონამ ინსტინქტურად დაალო პირი და როგორც კი ღვინო იგემა, უაზრო თვალეები დაახილა.

— სადა ვართ? — იკითხა გაუბედავად.

— დაწყნარდი, ნურაფრის გეშინია. ამდენმა წოწიალმა გადაგქანცა, ჩემო. მოისვენე, ხვალ უკვე ჩიტვიით იქნები.

— წყული ბიცოლაჩემი! უკანასკნელი იმედიც ხელიდან გამომაცალა! — ქალმა გულსაკლავი ქვითინი ამოუშვა.

ოდიშელიას ცუდად ენიშნა დედაკაცისთვის აქამდე უჩვეულო სისუსტე. ისევ აუწია თავი და ტუჩებთან დოქი მიუახლოვდა, მაგრამ ილონამ კედლისკენ იბრუნა პირისახე.

— ვიცი, რომ გაგამწარე, მაგრამ მთლად ჩემი ბრალი ხომ არ არის?! დარჩენილიყავი ჯოტოსთან, ახლა შენს ბიჭებთან იქნებოდი.

შვილების გაგონებაზე დედა მთლად აზმუკუნდა.

— ყველამ დაჰკრა თითო ქვა პატარა გოგო-ბიჭს. ვხედავ, როგორ ქრება კოცონი ჩემს გულში. მერე რანაირად გინდა მთელი ცხოვრება წყვდიადში იარო?

— ილონა, ნუ მაშინებ. მითხარი რა გჭირს? როცა საფრთხე გვემუქრებოდა, კაჟივით იყავი. სამშვიდობოზე გამოვადწიეთ და ხელით სატარებელი გახდი.

— ეჰ, რა მიუხვედრელი ხართ კაცები?! როგორ ფიქრობ, დაღლილობისგან დამესხა თავბრუ თუ უძილობისგან შემიღონდა გული?! ილონა არ არის იმ ჯიშის, უძილობამ და დაღლილობამ გატეხოს. ხავსს ვეჭვიდებოდი და ისიც ხელიდან გამომეცალა. ჩემი სული ანკარაა კვლავაც. მას შენს მეტი ვერცერთი მამაკაცი დაუფლებოდა, მაგრამ იმხელა კედელი ამოიზარდა ჩვენს შორის ამ ნახევარ საათში, მიჩვენია მკვდარი ვიყო.

— რატომ საყვარელო? რისთვის იმწარებ საწუთროს? განა ვინმემ წავვართვა ჩვენი ბავშვობა?! განა ჩვენში არ სულდგმულობს იგი?! მერე რა, რომ ოჯახის უღელს შევდგომივართ ორივე. ის პატარა გოგო-ბიჭი კვლავაც ჩვენში ფაჩუნობს, კვლავაც დარბიან მდინარის პირას ხელიხელ ჩაჭიდებულნი. ერთად აბანავენ ვჭრილფეხებიან ცხენებს. ერთად აკნატუნებენ მზესუმზირას. ფეხებში ებლანდებიან კარვის ხალხს. გაცელებულნი უმზერენ როგორ ამზადებენ ალისფერ, დეზებიან მამლებს შაქარ-წყლისგან. კუზმას სამკედლოსკენ გარბიან და განცვიფრებულნი მისჩერებიან გავარვარებული ნაღების, თოხების, ცულების თუ ნამგლების უშველებელ გობში შიშის. როგორ ფიქრობ, რა, რანაირი ჯადო-თილისმა მოერევა ამ უბოროტო არსებათა სიახლოვეს?!

რიგ-რიგობით იკბიებიან პასექის ნაჭრებს. ხელები საღებავისგან დასწითლებია იმ ახტაჯანას. წითელი კვერცხი ამოაქვს ბარაქიანი ჯიბიდან. ბიჭი უბიდან ფრთხილად იღებს შედარებით ღია შეფერილობისას. უნდათ შეაჯიბრონ ერთმანეთს. ვაჟი მზად არის დასარტყელად, მაგრამ ასული შუბლს შეიკმუნხის:

ქალი უნდა ურტყამდეს კაცს და არა პირიქითო.

დაემტვრევა ილონას კვერცხი. რა იცის იმან ფისით რომ არის გავსებული მეგობრისა. უშურველად გაუწვდის გულისსწორს. ეს უკანასკნელი კი გაფცქენის, გაყოფს შუაზე და ნახევარს დამარცხებულს შეაჭმევს. კარვიდან ეძახიან პატარა პრინცესას. მართლაც დედოფალივით შემოსილა. ამხანაგივით ჩამოდღეტილი როდია. გოგონამ რა იცის, ორი თვე რომ არ უვლია სკოლაში ბიჭუნას ფორმის უქონლობის გამო?! ფეხს ვერ გაადგმევიანებენ შინიდან, სანამ ახალთახალს არ უყიდიან. თანაც უინტერესოა იქ სიარული, რადგანაც ერგეტის სკოლაშიც იგივე უსწავლია.

აქ ქალაქია, სხვა დონეო და უკან ჩააჩოჩეს. წამებაა მისთვის გაკვეთილებზე ჯდომა. სულ იმის მოლოდინშია, როდის დარეკავენ ზარს. არც ოჯახისკენ მიუწევს გული, რადგანაც ყელში ამოსვლია პილპილითა და მარილით შეკმაზული ეკალას ფხალი. კარვებისკენ წამოსწრაფებულს კი უთუოდ დაასაჩუქრებენ ფოჩიანი კანფეტითა და ქიშმიშიანი ფუნთუშათი.

რატომ გვონია, რომ ხელის ერთი მოსმით აღიგვება ჩვენი სულიდან ეს

ზღაპრული ფერები?! იქნებ პირიქით მოხდეს და ჩვენგან დამოუკიდებლად განაგრძოს სიცოცხლე ჩვენში? განა ვინმეს ან რაიმეს შეუძლია კი ამისი შეფერხება? განა არსებობს დედამიწის ზურგზე ძალა, რომელსაც ერთმანეთში ჩახლართული მათი თითების დაშორიშორება ძალუძდეს?!

მაშ, რაღასთვის ჩამოგიშვია ცხვირი? რამდენი ქალი მყოლია ცხოვრებაში, მაგრამ სად არის ახლა მათი სახსენებელი, მათი ჭაჭანება?! პატარა პრინცესა კი სიყვარულის ტახტრევანზე დაბრძანებულა თავის უფლისწულთან ერთად და გაკვირვებულნი უმზერენ ჩვენს გადასხვაფერებებს: როგორ გვითხელდება ქორი; რაფერ გვეპარება ჭაღარა თმაში; რანაირად გვერყევა ყბებზე კბილები; რარიგად შეგვბოჭავს წელკავი ზოგჯერ. ისინი კი არ ექვემდებარებიან ცვალებადობის კანონს, მარად უზრწნელები იქნებიან უკუნითი უკუნისამდე და ასედაც ამაღლებიან ზეცად, თუ ახლაც არ მკვიდრობენ იქ.

რომელია, აბა, უფრო ნაღდი, უფრო ჭეშმარიტი: ჩვენი ჭკნობაშეპარული სხეულები თუ მათი უზრწნელი არსება?!

— მინდა გისმინო, დაუსრულებლად გისმინო.

— უნაგირს მოვხდი ცხენებს. ისიც მოვიძიოთ შაშმანმა რა გვიწყალობა.

წარბის უნაგირი თავსასთუმლად დაუღო ილონას როკიმ. საღარას აღკაზმულობაზე თვითონ მოკალათდა. ამოალაგა ხურჯინიდან ხბოს ხორცი, ხელსახოცში გახვეული ღომი, ყველი, მწვანელი, კიტრი და პომიდორი. მარილიც არ დავიწყნოდა თირქიას.

ქალს ხელები ღვინით გადააბანინა. ისევ წამოდგა, ჩრდილოეთის კედელს ამჯერად სამი ფიცარი მოაგლიჯა, სიგრძივ შთაუგზნო ცეცხლს. გამხმარი პური ლაშებიდან ლაგამგამოცლილ ცხენებს დაუთმო.

ერთხანობას იფიქრა: ბედაურებს საბალახოდ მივუშვებო, მაგრამ შეიძლება შეჰყვნენ და საჭიროების შემთხვევაში პრობლემა გამიჩინონო, ამიტომაც მიენასკვა ორივე რაში აღვირებით ფარდულის ბოძებზე.

მარჯვენა იდაყვზე დაყრდნობილი ქალი მარცხენათი იციცქნებოდა. ნაყრდებოდნენ და ცეცხლის მოთამაშე ენებს ირეკლავდნენ მათი თვალები. დოქში ჩარჩენილ ღვინოს რიგრიგობით მოკლუპავდნენ. მორჩენილი საგზალი ხურჯინში ჩააბრუნა ოდიშელიამ. დასავლეთ კედლიდან გამოშვერილ ლურსმანზე ჩამოჰკიდა.

— წამოწეკი შენც, — სევდიანი ღიმილით უთხრა ილონამ და უნაგირიანად ჩაიჩოჩა.

როკი დაჰყვა დედაკაცის ნებას.

გვერდიგვერდ მოკალათებულან, პირაღმა, უნაგირებზე თავმიდებულნი. ქალს მის მარცხენა მტევანზე დაუსვენებია გაოფლილი ხელისგული. ოდიშელიას აცვიფრებს საკუთარი სხეულის ჩუმი მდინარება. თითქოს საყვარელ არსებას კი არა, არნაყოლ დას ჩახუტებიაო. კრთომაც ეუფლებო ამის გაც-

ნობიერებაზე. ილონამ მონუსხა მისი ბობოქრობა, ფორნების დედოფლის ნება-სურვილმა სძლია ბოლოს და ბოლოს კოლხური სისხლის ველურ მჩქეფარებას.

სად არის ოდინდელი კანკალი, მდედრის სურნელი და ატმის ბუსუსებისმაგვარი კანის შეხება რომ ანიჭებდა?! სად არის მუხლების ცახცახი ან ხელების თრთოლვა, დიაცის სიახლოვე რომ გვრიდა ხოლმე?! თითქოს შუაზე გაწყვეტილა მისი სხეული: ქამარსქვევითა ნაწილი არ ემორჩილება ზემოურ ბრძანებებს და მითითებებს.

— აქამდეც ვეჭვიანობდი ჭირვეული ორგანიზმის პატრონი, მაგრამ მდინარის გადმოლახვისას თავბრუ რომ დამესხა, საბოლოოდ დავრწმუნდი: ფეხმძიმედ ვარ. ამიტომაც ვჭვითინებდი და ვჭვითინებ ახლაც უჩინარი ცრემლით.

ბიცოლაჩემის მარჩიელობამ ქვეყნის კიდემდე მომსდია. ამას იქით სიკვდილია, რადგანაც ჩვენს შორის უცოდველი ნაყოფი ჩადგა. ვეღარსად გაეჭყვევი ამ სინამდვილეს. აუშხედრდი რამდენიც გინდა საკუთარ მდგომარეობას: სიცხადეს ვერსად წაუხვალ. ოხ, ჩემო, არ იცი, როგორი უბედური ვარ. მე მზარავს და ვწყველი თოვლის გუნდასავით მუცელში გატოკებულ არსებას, რომელმაც შენი თავი საბოლოოდ წამართვა. გთხოვ, ბოლომდე წრფელი იყავი. შენი სიმართლე ახლა ჩემთვის ერთადერთი გადარჩენაა. აქაც თუ ჩაეიჭოლები, ჩემზე საწყალი დედამიწის ზურგზე ვერ იბოგინებს.

საკუთარს გეტყვი გასათამამებლად, და შენი მერე მითხარი. ბოშა ქალი არ უნდა ამბობდეს ამას, მაგრამ სარკეში ჩახედვისა ხომ არ გვრცხვენია, თუნდაც სახე მურიანი გეჭონდეს?! ჰოდა, როცა ერთმანეთში აირეკლები, აქ ბეწვისოდენა საიდუმლოც კი წაშლილია. თითქოს ორეულთან ხარ, რომლისთვისაც მხესავით ნათელია შენი ყოველი დაფარული. თამამად შედიხარ მის საუფლოში, რადგანაც იცი, გულთამხილავი ძალა შენს უნებურადაც ჩინებულად ახერხებს ამას. ყურის ბიბილოები გიხურს სინდისის ქენჯნისგან. გულის ნადების დამალვაც უაზრო ხდება.

ნამდვილი ბოშა ქალის ცხოვრებაში, მის უნებურად, მეორე მამაკაცი არ იქნება-მეთქი რომ ვამბობდი, ეგ სრული სიმართლეა, თუნდაც ჩემი გრძნობებიდან გამომდინარე. ჭვარი დავიწერე ქმარზე, მაგრამ იმ წუთას თვალდახუჭულს შენი სახე მედგა წინ, რუხის ციხესთან რომ დამამახსოვრდი, მამის ილიიდან სასოწარკვეთით მომზირალი. მე მივეჩვიე თამაშს. მე შემოვიტყუე იგი ჩემს ლოგინში, რომელიც ცხრა წელიწადია აღმურით ითანგება. იმ ყმაწვილისგან მე აღვზარდე ჩემი ხატება, ჩემი მბრძანებელი. უშურველად მივართვი ყველა განძი ჩემი ხორცისა და სულისა, რომლის კედლები აღისფერი ხავერდითაა დაფარული და გარეშეთათვის მისი კარები სამუდამოდ დახშულა.

ვნება არ აკლდა ჩემსა და კარლოს ცოლ-ქმრულ ცხოვრებას, მაგრამ მერე და მერე დარწმუნდა იგი, რომ მე სხვისი მხევალი ვიყავი პირველივე შე-

კივლებიდან. ქალის ბუნება ახერხებს ამას თუკი ნამდვილი დედაკაცია და რადგანაც განგებას არ ვემდური საგანძურების მონიჭების მხრივ, ენგურის ხიდან წართმეული ყმაწვილი სამარადისოდ დაბინავდა ჩემში. ალბათ, ეს ნათელიც გმფარველობდა მრავალი განსაცდლის ჟამს, შენი ილონას სიყვარული გმფარველობდა, ჩემო, რომელიც შესაძლოა სრულებით არ გახსოვდა იმ წუთს, მაგრამ დიდია უფლის ძალა და რადგანაც დაუფი ასეთი მკრეხელობა, ქმარი შეყვარებულთან ალერსის საშუალებად გადავაქციე. არ ვიცი, ვამართლებ თუ არა სიტყვას: ჩვენს უნებურად მეორე მამაკაცი რომ არ იქნება-მეთქი, მაგრამ ხომ შეიძლება ასეც მოხდეს: ცხრა ულახი მძლავრობდეს შენზე, თავად კი მიჯნურის ტრფივას ეწაფებოდე?!

როგორია საქმის ვითარება, ვის ერგო შენი სულის წყარო, იმ მოძალადე ცხრას თუ ერთადერთს?! გძინავს?!

— გისმენ, ადამიანო, რა ჯანდაბა დამაძინებს სანეხვეში ნადირივით დაგდებულს?! ეტყობა ქალები წარმოსახვის მეტი უნარით დაგაჯილდოვით ღმერთმა.

— ღმერთი აქ არაფერ შუაშია. თუკი თავად არ ინდომებ ველური განცდებისგან გამოღწევას, რომელიც ცხოველური ჟინის მოკვლისთანავე ქრება ხოლმე და ეკლის ნაჩხვლეტი თითივით ზერელეა მისი ხსოვნა, ნამდვილ სიყვარულამდე ვერასდროს ამაღლდები.

შენ საარაკოდ მიიჩნევ რომეოსა და ჟულიეტას, ბონდოსა და ხანტუერის თავგანწირულ გრძნობებს და შუალედურს იქით ვერ წარმოგიდგენია საკუთარი სულის ქარტეხილები, როცა უფლისგან გზახსნილია თვითონ იყო ორჯერ მცხუნვარეცა და შეძრწუნებულიც ამავედროულად.

მე თვალნათლივ ვამჩნევ სამდღიან გარდასახვას შენში. წისქვილარასა და ამ ფარალალა ფარდულის კოცონთა შორის ჩემდამი ნაპერწკლისხელა სიყვარული შენი ცისკარივით გაღვივდა. წარმოგიდგენია, თავად თურმანიძეების ამაყი ასულის სახსენებელიც კი ნიავ-ქარს გააყოლე: ისე დაემშვიდობე ლევთერს და ლადოს, ცოლისთვის ფარატინა ბარათიც არ მიგიწერია. თვალის დახამხამებაში ზურგი შეგიქცევია წუთიერი გატაცებებისთვის, მაგრამ შენი დამსახურებით როდია ეგ, ჩემით, ჩემით და მხოლოდ ჩემით.

მოვა დრო, როცა გვერდით არ გეყოლები და ნეტარების მწვერვალზე ამოტყორცნილი შენი სული ფრთამომსხვრეულ არწივს დაემსგავსება, რომლისთვის ყოველი ზედმეტი მოძრაობა მიწაზე შურდულებით დანარცხება და თუ აქედანვე არ გასწავლე როგორ ახერხებენ იმ სიმაღლეზე უმტკივნეულო ასვლას და დაშვებას, მეუღლესაც დატანჯავ და საკუთარ თავსაც, რადგანაც შენი სურვილი და შესაძლებლობა ერთმანეთს დაშორდება. ვერავის ჰპოვებ მერე იმ ორი მასულდგმულებელი წყაროს ერთ ჭურჭელში შემგროვებელს. უბადრუკ სინამდვილეში ჩარჩები, სადაც პურს პური ჰქვია, ღვი-

ნოს — ღვინო, ფორანს — ფორანი, კოცონს — კოცონი და ხვევნას — ხვევნა. ხოლო უხილავი ფერებისა და ბგერების ზღაპრული სიმფონია ყოველთვის მიუწვდომელი იქნება შენთვის, როგორც შენივე ნებით დაყრუებულ-დაბრმავებულსთვის.

რამდენადაც გამიგონია, ქალი მრავალი გინახავს ცხოვრებაში, ლამაზიც, უშნოც, ქალწულიცა და მხესუმზირას მოკნატუნე როზა გრეჩანკაც სასიყვარულო თამაშებისას, მაგრამ მათში განსხვავების პოვნა შენ არ გიცდია, ვინაიდან შენი მიზანი სრულიად მარტივი იყო: ცხოველური ჟინის მოკვლა, თვითკმაყოფილება.

თვალეში შემომხედე და ისე მითხარი, რა დაგრჩა იმ ქალებისგან დაუვიწყარი, მოყოლად რომ ღირდეს?!

— მგონი აქამდეც გამიმხელია, იმ წუთამდე მოსათმენი დედაკაცი, მოგვიანებით სრულიად აუტანელი ხდება და მეც თავქუდმოგლეჯილი გავრბივარ მისი აოხშივრებული სხეულიდან-მეთქი.

— დიახ, ყველა მამაკაცი ეგრეა, შეყვარებულის გარდა, ჩემო, რადგანაც ჭეშმარიტი სიყვარული ისეთი გრძნობაა, რომელიც თვალეზე აფარებული სურათივით მხოლოდ ფერთა სიჭრელედ ქცეულა და სახეების გარჩევა ერთობ ძნელია; მაგრამ არც ასეთი სიყვარულია ღვთაებრივი, ვინაიდან ბრმა იგი გარკვეულ დრომდე, მონური თვისების, გონჯს მხეთუნახავად რომ გადაგიქცევს.

უკიდგანო თაკარა ინდოეთიდან გამოღწეული ჩემი წინაპარი მდებრი ზემდიწვენით ფლობდა სიყვარულის ყველა საიდუმლოებას და მის შთამომავალს ზოგი რამ თუ შემომჩენია, ესეც ოდინდელი გულთმისნობის ნამცეცების წყალობაა.

იწვენენ საზიარო ნაბადზე უნაგირებს თავმოდებული როკი და ილონა და რამდენადაც მკრთალდებოდა კოცონი ხელისგაწვდენაზე, ბოშა-ქალის აქამდე მწვანე თვალეები ოდიშელიას დამბურძგლავად და დამქრუანტებლად გამოასხივებდნენ დედალი ავაზის მიმსგავსებით.

ღამე მართლაც კუნაპეტი ჩამოწვა, რადგანაც ისედაც ნამლევი მთვარე ღრუბლის გარსმა შებურა და ახლა ერთადერთი ეს ორი მანათობელი კიანთებდა დუნიაზე, რომელიც შიშისმომგვრელიცაა და ალერსიანიც ამავდროულად შხამში ამოვლებული პატიოსანი თვალივით.

ცხენების ფრუტუნითა და ბაყაყების გამაყრუებელი ყიყინით აღიქვამდა როკი გარესამყაროს, სხვამხრივ, ილონას თვალეების მომნუსხველმა ნათებამ შეიწოვა, შეისრუტა მთელი ცისქვეშეთი.

— სად შევჩერდით ჩვენ? — ჰკითხა უეცრად ქალმა.

— ინდოეთის...

— არა, როდის შეჩერდა ჩვენი სიყვარულის დროის საათი-თქო, უნდა მეთქვა. რუხის ციხესთან, ხომ კი?!

— ნამდვილად.

— მაშინ მომყვი ფეხდაფეხ. შენი ილონა ცამეტი წლისაა. გიძნელდება მისი წარმოსახვა?

— სულაც არა. აგერ, თვალწინ მიდგას. მოკლესახელოებიანი დანაოქმებული ჭრელი კაბა აცვია. კოფოზე ზის ტაძრის შესასვლელისმაგვარ ფორანში. შეძრწუნებული მწვანე თვალებით მიმზერს ხელეგამოწვდილი და როკიო, წივის, წივის დლიდან დღემდე, კვირიდან კვირამდე, თვეობით, წლებით.

— სწორედ, რომ ასეა, — ნიკაპი აუკანკალდა ილონას, — მაგრამ ჩვენი ნება არ არის საითკენ გავამგზავრებთ იმ ფორანს, ჩრდილოეთისკენ თუ სამხრეთისკენ? რატომ უნდა აკლდეს შესაკავშირებლად ციდისხელა ერთმანეთისკენ გაწვდილ ხელებს, შურა დეიდას თუ სხვათა ჭინაზე? დედოფალს მოვუსვათ გვერდით თავისი უფლისწული და მერე რამდენიც ნებავთ იქოთქოთონ ყენიებმა და ვალერიანებმა. ქვეყნიერება რომ გადავებრუნოთ, ახალგაზრდების დასაბნაკებლად წისქვილარზე უკეთეს ადგილს ვერ ვიპოვით. შენ რა აზრის ხარ, მარცხენა ნაპირი უფრო უკაცრიელია, უდაბურიც, ალბათ, იქითკენ აჯობებს კარვის გაშლა.

— ხო.

— მზე დასალიერზეა. გამოხსნილი ცხენები მშვიდად წიწკნიან ბალახს. ფიხს ერთადგილას ახვავებს გოგო-ბიჭი. ქოჩორა ტალღები ელამუნებიან ნაპირს. ქვიშა ნელთბილია, მაგრამ მალე კოცონი აგიზგიზდება და უკუდგებიან ცნობისმოყვარე ხეები. სულს გაკმენდს კბილებაკაწკაწებული მასქური. წავიდა მზე და ბნელ ღამეში კოცონილა აერთებს ცასა და მიწას, მდინარეს და ტყეს. ნელ-ნელა ხდიან ერთმანეთს სამოსელს.

ასული ნიკაპამდე წვდება ვაჟს. თოვლის გუნდასავით ამობურცვია მკერდი. ბიჭს ზედა ტუჩი დაბუსუსებია. არავითარი ხელის აფარება. ხეებს არ რცხვენიათ თავიანთი სიშიშვლის. სამოსელი სატანისგან მოდის და ჭეშმარიტი სიყვარულიც კუთხეში მოისვრის ყოველგვარ აბრეშუმს, დიბაფარჩას. გესმის, ქარი როგორ ეჩურჩულდება ფოთლებს?! ზედ ტუჩებთან ეჩურჩულდება.

— ბიჭს მაინც გაურბის თვალები აფრუტუნებული ცხენებისკენ.

— ეგ იმიტომ, ვინმემ მყუდროება ხომ არ დაგვირღვიაო, მაგრამ მალე მიხვდებიან, რომ მათი სამყოფელი უკაცრიელია, ქარით გადახრილ ხეებს, ფორანის მოშორებით მოფრუტუნე ცხენებს, აჩურჩულებულ ნიავს, სილიანი ნაპირის მოალერსე ტალღებს თუ არ ჩავაგდებთ სათვალავში და კიდეც — მაღალ ღმერთს ცაში, რომელმაც საკუთარი სულიდან ამოიგლოჯა ხორცი, შუაზე გაჰყო, გამოძერწა და ერთმანეთის ნდომა დაანათლა. როცა ისინი ერთიანდებიან, უფალიც უზენაეს ნეტარებაშია. არაფერია აქ განსაკუთრებუ-

ლი, არც — ბუნების კანონებისგან განდგომა, ოღონდ ყოველივე გააზრებულია, ცხოველურ ჟინს არ ემორჩილება ამიერიდან.

აგერ, დატალღულ სილაზე ჩამუხლულა ორივე. კოცონი შორს გასტყორცნის მათ ლანდებს, მაგრამ აქ ძნელია საზღვრის დადგენა: სად იწყება ერთი და სად მთავრდება მეორე.

ზოგიერთისგან განსხვავებით იმ ბიჭმა ჩინებულად იცის სად არის ქალის სული გადანახული. ტყუილად ეპოტინებიან ყურის ბიბილოს, ძუძუს კერტს თუ მარცხენა თეძოს, ესენი წვრილმანი რუები დედაკაცის გრძობათა ნამდვილ ოკეანესთან შედარებით. კეფასთან, კულულებში შეუცურა თითები ბიჭმა და გოგონამაც თვალები განაბა, რადგანაც ახლა იმასაც მოსურვებია ისედაც ზღაპრული გარემოს მეტი ბრჭყვიალებით გაციკროვნება. ამჩნევ თუ არა ასულის სხეულს, შველივით კენარ ფეხებს, ავაზას ღრეკად წელს, ერთმანეთში მჭიდროდ ჩახლართულ თითებს?

— ხელისგულები ხორკლიანია ქვიშისგან.

— არამართო ხელისგულები, მთელი სხეული გახეხეშეშებით ქვიშისგან. ახლა უფრო ხელშესახებია ყოველი ნაკვთი. გაქონილი ბაწარივით როდი გაგისხლტება თითებიდან. ხომ ჩაგძირე უფსკრო მორევში?! ხომ გადაგაფარე წამიერად თვალებზე ბინდი?! მაშ, რატომ არ დაეხსნები პატარა გოგოს სხეულს? ისიც ხომ იმ დედაკაცების ჯიშისაა, ციებიანივით რომ გაურბოდი აღმურების მერე?! გაცამტვერდა თუ არა ბიცოლაჟემის ნაჩხიბი? შენი როკი ილონა, გაივლის ერთ კარს, გაივლის მეორეს, გაივლის მესამეს და არასდროს მოიხედავს უკან, არასდროს დაუბრუნდება გარდასულს, განციდისო. დაბრუნდა იგი, სამუდამოდ დაბრუნდა თავის ილონასთან და აწი მდედრის ახურვებულმა რემამაც რომ შეუტიოს, პატარა გოგოს ნათელს ვერსად წაუვა. დახუჭავს თვალებს და სულის დარბაზები უმაღ მისი უმანკო შუქით გაჩირალნდება. არასოდეს უწერია ამ კაშკაშს ჩაქრობა, რადგანაც ღმერთის შეერთებულების მთლიანობას აღამიანი ვერ დაარღვევს, გნებავთ ასი მახვილით კუწავდნენ.

ვბედავ კენჭებს, ნაფოტებივით რომ ამოტივტივდნენ წყლის ზედაპირზე. ჩამოგეცლება ხვალ-ზეგ ილონა შენი, მაგრამ პატარა გოგონას დაგიტოვებს სულის ლამპრად და წუთისოფლისგან ათასგზის გამწარებულს ყველა იარას მოგიშუშებს ღვთაებრივი შეხებით. მართუკას მიძნელებოდა ორივეს ტვირთის ზიდვა, მაგრამ ტალახში ჩაძირულ ფორანში შებმულს, ფიცხელი კვიცი შემომამწველე და უსასრულო გზამაც კული მოიქნია. დავტოვოთ უკაცრიელ ნაპირზე ქალ-ვაჟი?

— დავტოვოთ! — თქვა ყრუდ როკიმ.

— მაშინ ცოტათი მოიწიე, ჩემო! იქნებ ძილში გათოშილი ძვლები გამილღვეს, — დაიხურჩულა და თავი მხარზე მიახუტა.

ლიმა მათე

მაადშიდ*

769230

მისჯილი საწუთროს მხორკნელი კვეკვე ანთარია მხოლოდ ახლა, ამ ერ-გასსაათიანი ძილქუშის მერმე ერწმუნა საესებით მწუხარე სახის მხედრის ჭმუნვა-გასაჭირს. რაინდული რომანების პათეტიკურ ფეხისხმას აყოლილი დონ კიხანო გვარიანად რომ აჭანჭყარა ომახიანი გმირების ზღაპარულ ბი-ლიკებზე როსინანტით ჩაჭაჭმა, დიახაც უწყის ბარე ორმა წიგნიერმა, მაგ-რამ ბოშა ქალის ფანტასმაგორიებს გულუბრყვილოდ მინდობილი მერომანე ჩვენნი, როგორ ავაგლახა კარავთა დედოფლის ამურული გაკვეთილების სა-კუთარ თავზე გამოცდამ, ღირს მოსათხრობად.

იმ გრიგალიან ღამით მესიტყვე კაცის თაფლობის თვეგამოვლილ მეულ-ლეს შაკიკიანი შუბლი კაშნეთი წაეკრა, მაგრამ უგუნებო ბანოვანის ბასტი-ონები ოთხივ კუთხით რომ დაპყრიდნენ ფარ-ხმალს კვეკვე ანთარიას ექსცენ-ტრიული იერიშების წინაშე, ენაგაბაშლაყბული საბჭოთა პრეზიდენტის სა-უბრის შუაზე გაწყვეტიდანაც ჩინებულად ჩანდა.

მიყოლებით გამორთო ტელევიზორი, მაცივარი, მაშუქი. ფანჯრებზე ხა-ვერდის მწვანე ფარდები ჩარჩოებამდე მიჭიმა. მერმე დურთა თავი ვნების მო-რევში და საკმაოდ ზორბა წარსულიდან საკუთარი სიყმაწვილის გამოხმობა რამდენადაც გაუიოლდა ცდისპირს, იმდენად ეძნელა ქურქში გახვეული შკვითინხეს ოდაბადედან ნევის პროსპექტზე გაყვანა გაწანწალებულ ზამთარ-ში. ვერც პეტრე დიდის ჩამოქვეითება მოუხერხდა ყალყზე შემდგარი მერნი-დან, რათა ბრინჯაოს ტაიჭისთვის დამოკლებული სადავე მიეშვა, უნაგირზე შემოეგდო დედალი ავაზა თვისი და არყის ხეთა შორეული კორომებისკენ გა-ეჭროლებინა ოცნების ასული, თუმცა ჯინაზე ახალგაზრდა წყვილი ერთმა-ნეთის თვალებში ციციხის კმარობდა. ასე რომ, ილონას წარმოსახულ ჰიმე-ნეთი გაწბილებულს, იმნაირად მიეთვლიმა, იმგვარად მიიტაცა ღვთაებრივმა ჰიპნოსმა, მხოლოდ ორმოცდაათი საათის შემდეგ დაახილა თვალები სასტუმ-რო „ოლიშის“ აფორიაქებულ პერსონალში.

დაბნევით მიმოიხედა გარშემო ჩვენმა მერომანემ და შავ-თეთრი რეალო-ბა ძირისძირამდე გააცნობიერა თუ არა, ისეთნაირად იტკიცა შუბლზე ხე-ლი, ელექტრონის მავთულებზე ჩამომწყრივებული მერცხლები კინაღამ ნა-ადრევად აიბარგნენ თბილი ქვეყნებისკენ.

ამისთანა გაცხარების საფუძველი ნამდვილად გააჩნდა ახალგამოღვიძე-ბულს: ზვინში ჩავარდნილი ნემსივით დაკარგვოდა რომანის გმირი და ლა-მის ბიბლიური ნოეს აღკაზმულობით გავარდა საწერი მაგიდისკენ. ფიცხ-

ლად მიეჭრა ფურცლებიდან გამოჩრილ კედლებზემოდლეტილ თუთუნის სასრობ ფარდულს, მაგრამ იქ დასიცხული ძროხებიდა შეფარებოდნენ, რომლებიც კულების ტყლაშუნით იგერიებდნენ აბეზარ, მომწვანო ბუზებს და დროის დასადგენად ნაცრის მოქექვას აზრი არ ჰქონდა.

ოდიშელის სამურზაყანოელ სამოსს ხუთი თითივით იცნობდა მერო-მანე ჩვენი და გმირის მოძრაობას ჩამორჩენილს, ისლა დარჩენოდა, კარდა-კარ წოწილში მისი ადგილსამყოფელი ბოლოს და ბოლოს რამენაირად დაედგინა.

— გმირი დავკარგე, გმირი დავკარგე! — ღმუოდა და თან ბაბაჯანას ქოშებივით მიჰქროდა ხაზარიების სამოსახლოსკენ, მაგრამ აივანზე გამოფენილმა ტრაურმა თვალნათლივ აუწყა ანთარისა, რომ ოჯახს მეორე უბედურება დასტყდომოდა თავზე: ფრანკო ნერო მხატვარ დუდარძის ნაბოლარა ძმას მიპარვით განეგმირა.

სწრაფად მოსცილდა იქაურობას.

როდონაიებისკენ გადაეშვა ჯინისებურად, მაგრამ ფეშენებლური კოტეჯი დაკეტილი დაუხვდა. გაახსენდა სოხუმელი ოსტაპ ბენდერი კვლავაც სასჯელს რომ იხდიდა ჩალიგავას წყალობით.

იქნებ დეიდაშვილებთან იყოსო, ფიქრობდა ერთხანობას, თუმცა ქობალიებისკენ წაკლაკნილ შუკაზე ცხენების ნაფლოქვარი გამადიდებელი შუშითაც რომ ვერ დალანდა, მთლად წამოჭარხლდა ბრაზისგან.

— გმირი დავკარგე! — ღმუოდა ამას და კუთხიდან კუთხეში დაბორიანლებდა.

იგივე დღეში ჰყავდა სასტუმროს პერსონალი თუ თანამეცხედრე. აყრიდნენ ქვეშაგებს, გამოსწევდნენ კარადებს, ტახტს, იჭვრიტებოდნენ ნოხქვეშ. აბაზანის სანაგვე ყუთიც ამოქექეს, გულმოდგინედ ეძებდნენ ჩაწიკწიკებულ ფურცლებს, როცა ანთარის რეალური გმირი გამოცლოდა ხელიდან.

სხვები გამოწრუპული ბოთლების წყალობად მიიჩნევდნენ მერომანეს კუთხიდან კუთხეში უთავბოლო ბოდიას. დაახვიეს თავზე პეტია უბერის ბიჭები: მურთაზ, ნუგზარ, ზურაბ და თემურ. ზოგი ყელ-ყურს ეცა, ზოგიც — მაჯას, ჩამოუხიდეს ქუთუთოები, გამოაყოფინეს მიტკალივით გათეთრებული ენა. ააქშუტუნეს წნევის აპარატი. კარდიოგრამამ კავკასიონის მწვერვალების კონტურები ჩამოაზიგზავა ხელად. ურაკუნეს მუხლზე რკინის ჩაქუჩი. რომელიღაცამ ცერი და შუათითი გაუწკლაპუნა ორგზის მარჯვნივ და მარცხნივ. დაჯდა კონსილიუმად უბერების სახელგანთქმული კვარტეტისა, იშვიათი კოლეგიალობით დაუსვეს ერთობლივი დიაგნოზი, შეუშხაპუნეს რბილსა და ვენაში ეფექტური დამამშვიდებელი საშუალებანი, მაგრამ ანთარის გასაჭირს არაფერი შევლოდა:

— გმირი დავეკარგე! — დაეღო პირი და ხან გოგოხიების ეზო-კარს გადააქოთებდა, ხანაც — აბაშიების მამულს. იქით ნარდაიების კუტიკარში შეიჭვრიტებოდა, აქით — ადამიების შუშაბანდში, თუმცა ოდიშელია თითქოს მიწას ჩაუყლაპაო, აორთქლებულიყო თვალსა და ხელს შუა.

ბოლო იმედად შეთენილი აძიუბუბელი ავიძბები, სტუმართმოყვრული თვინიერებით მიუგდებდნენ ყურს საქართველოს საზღვრების რეკონსტრუქციის პროექტებით წვეულ დესპანებს კავკასიის მთიელ ხალხთა კონფედერაციიდან და ანთარიაც ძლეული ლაშქრის ჯარისკაცებით მილასლასდა აწიოკებულ საწერ მაგიდასთან.

სადათას ძილიდან ახლახან გამოდწეულს საიდან ეცოდინებოდა ბუკა ქავთარაძე ცინცხალი „ჟიგულით“ თუ გააქროლებდა დრანდის აეროდრომისკენ მორდულსთან ილონას თანხლებით ორიოდ საათით ჩამოხდომილ ოდიშელის, საიდან გაიგებდა როგორ ჩაუკაკლავდნენ ძუძუმტეები ვასია ზატონიკისა და ვალერი გლატკოვის ტრაგიკული აღსასრულის ამბავს? ან ვინ, რომელი აუხსნიდა, პანტერა ყოველთვის თან რომ დაატარებდა პასპორტს მანქანის მართვის მოწმობასთან ერთად, რათა საჭიროების შემთხვევაში შეუფერხებლად დანთქმულიყო ჩრდილოეთის უკიდვგანო ოკეანეში მდინარის ანკარა სათავეებიდან დაშვებული კალმახის მსგავსად?!

ამწუთას ვერა, მაგრამ მოგვიანებით კვეკვე ანთარია წვრილად შეიტყობდა, რომ იარალი, ოჯახისთვის გაკრული ხელით მოწერილი ბარათი, ქავთარაძეებისთვის დაეტოვებინა როკის. მათივე წყალობით ჯოტო ოდიშელის ვრცელ ეზოში ბალახს წიწკინდნენ უკვე საკმაოზე მეტად დამამგრალი საღარა და წარბია. გათელილი ნაბადი გაებერტყა ანთელახეს შინდის ჯოხით და აივნის მოაჯირზე გადაეფინა გასამზევებლად.

ყოველივე ამას ზედმიწევნით გამოიძიებდა კვეკვე ანთარია დროთა ვითარებაში, ამჯერად კი ილონას სამოსახლოს უტრიალებდა საკონსერვო ქარხნის უბანში, რომელიც ფეხმძიმე მეუღლის დაქინებით ჩალის ფასად გაეყიდა კარლოს და ვაჟიშვილებთან ერთად კიშინიოვში მომლოდინე ცოლთან გადაბარგებულიყო. ასეთ გაწამაწიაში ჩავარდნილ ჩვენს მერომანეს ბოლოს და ბოლოს წამოუსწრეს პეტია უბერის ბიჭების ინიექციებმა და ყანწებით ომობდილ თამადასავით მიასვენა მაგიდაზე თავი.

თურმანძიების ასული უკვე სასთუმლიდან არ სცილდებოდა მამამთილს. ძირხვენების ნაყენს ასმევდა. ევკალიპტის ზეთით უზელდა კიდურებს აცამზევებელი. როკის ფარატინა წერილმა უფსკრულში გადაუძახა სულისმომწურავ ეჭვებს. მის მიამიტ, ბავშვურ ბუნებაში ისევ მომრავლდა ხალასი ფერები. მთავარ მეტოქეს კარები დაეკეცა და ფორნის ხავსმოკიდებული ბორბლების ხრიალით გამონთებოდა დაწინაურებულ თვისტომს.

ქენიამ ზურგი შეაქცია დაზი ჩიქოვანის კლუბის ბიჭების მიერ მონურ კულტურად შერაცხულ ჩაის პლანტაციებს, რომელმაც მათი თქმით, ქარ-

თველ ქალს საშვილოსნო გაუბერწა, ფეხები მოუღრიცა, მოკაკვა წელში, ბა-
ლანი მოუმრავლა სახეზე და როდესაც მოცალეობის ჟამს, შიფონერის უშ-
ველებელ სარკეში საკუთარ იერს შეავლო მზერა, ორდენოსან დედაკაცს ელ-
და ეცა: ახალგაზრდების ჩამონათვალ თითქმის ყველა სწეულებას მის სხე-
ულში დაესადგურა.

ჯელები იშპერიული ძალების შემოცურებულ სამსალად მიიჩნევდნენ
გიგანტურ მშენებლობებს: თაღოვან კაშხალს, „ვექტორს“, თუ აღვირახსნილ
კომპლექსომანიას. პროლეტარიატის ბელადის მონუმენტს ჯერ კიდევ თავ-
დახრილი ჩაუვლიდნენ, მაგრამ ფელიქს ედმონდოვიჩის ბიუსტს კი მიახალეს
ერთი აღდგომის სამყოფი კვერცხი. შოთა შამათავას ნაშეიერმა რკინის კომი-
სარს კოლხური ოგონიუმი არ აკმარა და ვალერიანას წვეთებში რომ გან-
ბანა, ზაქარაიას ხალხმაც დროულად იზრუნა მისი უსაფრთხოებისთვის,
თორემ ოდიშის საკატეით არმატურამდე დაიფხანდა ოცდაათხ საათში მის
აღმატებულებას.

სანაცვლოდ მეუნარგებისას ცაიშში ჩამოქვეითებული ილიას ხატებამ
სანახევროდ შემოანათა ჭადრების ხეივანში. მართალია, არწივით აპრეხი-
ლი თაბაშირის მხრები ღიმილს ჰგვრიდა ზუგდიდის მკვიდრს თავიდან, მაგ-
რამ ბულვარზე ერის უგვირგვინო მეფის დამკვიდრება საშვილიშვილო საქ-
მედ მიაჩნდათ ახლებს და სკულპტორის უმწიფრობას თვალს უხუჭავდნენ
ბიბლიაშვილის დაჩოქილი ცოტენესგან განსხვავებით.

ახალგაზრდების სათავყრილობოდ დღისით დაზი ჩიქოვანის კლუბი თუ
გახლდათ, ღამით კვეკვე ანთარაის ნომერში გადაინაცვლებდნენ ოდიშელი
მოყმენი და პოლიტიკაზე დილით დაწყებული საუბარი პოლიტიკითვე მთავ-
რდებოდა სასტუმროში მამლების შეხმიანებისას.

მიეჩვივნენ კვეკვე ანთარაის იპოქონდრიებს. იცოდნენ ხელოვნებით სულ-
დგმულობდა და ღიმილით მიუტევებდნენ „კაცის შემოკვდომას“,
„თვითმფრინავის მოტაცებას“, „პერპენტუმ მობილეს — მუდმივი ძრავის აღ-
მოჩენას“, „პროლეტარიატის ბელადის ყველა ძეგლის თავმოყრას ერთ ღამე-
ში მავზოლიუმის წინ □რაც, ალბათ, თვით წმინდა გიორგისაც კი გაუძ-
ნელდებოდა) და თუჯის ნაბიჯებით გამართულ აღლუმს სარკოფაგიდან წა-
მომდგარი მუმიის წინაშე“.

საშა ეგუტისას ნაჩუქარ „ერიკას“ ალიონამდე ურაკუნებდა, მობინადრე-
თა რილით ხმაურის შესამცივრებლად ოთხად გაკეცილ პირსახოცს ამოუღებ-
და საბეჭდ მანქანას, მაშუქს მოიჩოჩებდა და გაქროლდებოდა პერსონაჟების
მხარდამხარ.

პირველი რომანის გმირებს კარგა ხანია ჩამოსცილდა, მაგრამ ზოგიერ-
თი მეორეში გადმოჰყვა თემშარიდან ტროტუარზე შემობიჯებულს, და სოფ-
ლისა და ქალაქის საზღვრების მოშლის მანიაკური იდეოლოგიის საწინააღ-
მდეგოდ, მიუკერძოებლად უნარჩუნებდა თითოეულს საკუთარ ფსიქოლო-
გიას თუ კოლორიტს.

— იპოვე გმირი? — ეხუმრებოდნენ ამხანაგები, — ახლახან ჩამოიტანეს

ამბავი, ტაშკენტში ყოფილა როკი, დიხამინჯიასთვის ცინკის კუბო შეუკვეთია და დღე დღეზე ელიანო.

ქალაქკომის პირველი მდივნის ხსენება უკვე რამდენადმე მივიწყებულ შემთხვევას წამოატივტივებდა საუბარში.

კვეკვე ანთარიას ჭურჭიდან სასტუმრო „ოდიშში“ ჩამობრუნების კვირისთავზე დიხამინჯიას კაბინეტის ფუმფულა კარის ჩარჩოებზე ატყდა ჩაქუჩების ბაგა-ბუფი. დაცვა ფერად ტელევიზორს მიჩოჩებოდა შეფთან ერთად. ყველას ფერი წაუვიდა. ეგონათ ლიმონკებით მოგვივარდა ოდიშელია და აი, ახლა, აი, ახლა ავტურდებით ჰაერშიო. როცა გუგუნის მიწყნარდა და სიმწერის ოფლით შუბლდაცვარულმა ხალხმა თვალებში გვარიანად გამოიხედა, ფეხაკრეფით მიაყურადეს კარებს.

მისაღებიდან ჩამიჩუმი არ ისმოდა, მაგრამ გარეთ გასვლას ვერავინ ბედავდა, ვინაიდან ფიქრობდნენ: ასაფეთქებელი ბომბებია ჩალაგებულიო.

საქალაქო და შიდასამსახურებრივი ტელეფონების ამბავი მოყოლილი გვაქვს და სანამ თბილისიდან ადელუას დაუკავშირდებოდნენ, ეს უკანასკნელი კი ბრიგადის ბიჭებით მოფრინდებოდა ქალაქის ბატონ-პატრონთან, ჭამეს კილოგრამობით შიში კაბინეტში გამომწყვდეულულებმა და როგორც კი მისაღები მუნდირიანების ფეხის ხმამ გამოაცოცხლა, ადელუამ სიცილი ვერ შეიკავა. რა ბომბი, რის ბომბი?! ტყავადაკრული შავი კარები ოთხი ჯიმიანი ფიცრით აეჭვდათ, ისე მკვიდრად და საღიერად, მათი ატყრზიანებისას ძალაყინის მოშველიება გახდა საჭირო. შლეშები და ხელსაწყოები სანაგვეში გადაყარა ხუთეულმა. ნიღბი ორჯერ მეტი იყო კვალის ასახვევად. სათადარიგო შესასვლელით აიპარნენ სასტუმროში. ალიბისთვის კვეკვე ანთარიას კნინა საბეჭდ მანქანაზე ურაკუნებდა გახელებით და მთელი ორმოცი წუთი კორექტურული შეცდომებით გაჭედილი წინადადებები გარბოდა თაბახის ფურცელზე. გვიანობამდე დარჩნენ ბიჭები ნომერში, მაგრამ მათი მყუდროება არავის დაურღვევია. კარების აჭედვის ამბავი კი ელვისებურად გავარდა ქალაქში. ატყდა გადაძახილები ფანჯრებიდან. ტელეფონის აპარატებს ისევ მიეცა მორიგი საზრდო.

მომდევნო დღეს კვეკვე ანთარიამ საგანგებოდ მონახულა ის ფიცრები და ლურსმნები. ანახეს შლეშებიც, ჩაქუჩებიც, ხელთათმანებიც. მართალია, თავად დიხამინჯიას არ გასაუბრებია, მაგრამ მომხდარი ფაქტი ზედმიწევნით დააფიქსირა:

— ოდიშის მატინანეს ერთი ბეწოც არ უნდა დააკლდეს, — ბრძანა და უტია თავის გზას. ხოლო როდესაც სკვერში თავმოყრილ ხალხს გაუსწორდა, მისალმება ძლივს დაემთავრებინა, რომ შეჭმუნული შუბლით განაცხადა:

— ვინმე სანდო ქირურგი ხომ არ გეგულებათ?

— ქირურგის მეტი რაა ზუგდიდში, — უთხრეს აქეთ-იქიდან, — მაგრამ ვისთვის გინდა, სარკოფაგიდან წამომდგარი მუმიისათვის ხომ არა, თუჯის ნაბიჯებით რომ ღებულობს საკუთარი ძეგლების პარადს?

— თქვენ ხუმრობთ და შეიძლება თითი მოსაჭრელი გამიხდეს, — ამბობდა მთელი სერიოზულობით, თან სალოკ, საღ-სალამათ მარცხენა თითს აციკინებდა თვალსაჩინოებისთვის, — დიხამინჯიას კაბინეტის აჭედვისას ისე ვიდლიზე სიბნელეში ჩაქუჩი, ოპერაცია გარდუვალა, — განაცხადა და ჩაწვა ხალხი სიცილისგან. კვეკვე ანთარიამ კი თავი მწარედ გააქნია, აქაოდა, სიტყვებს თუ არ ენდობით, დაჩეჩქვილ თითს მაინც ეციოთ პატივითა და გადაკვეთა ქუჩა დაზი ჩიქოვანის კლუბის მიმართულებით.

ასეთი გაუბედავი ნაბიჯებით იწყებდა ბრძოლას იმპერიის ორთავიანი არწივის წინააღმდეგ მოუხელთებელი იანების თაობა. მაგრამ ქართლოსიანთა ღვიძლს შეჩვეული ზევსის ფრინველი არც ისე დაუძღურებული გახლდათ, აღმოსავლეთ-დასავლეთს მიჩერებულს, სამხრეთის პრობლემები გამორჩენოდა □ჩრდილოეთისა ხომ დაკრიალებული ჰქონდა აკვინდანვე, იმდენი მახე, კაკანათი, ხაფანგი თუ ხუნდი დაეგო კავკასიელი ხალხისთვის თავისუფლების გზაზე ორსაუკუნოვანი ყაშყაშის ყამს, რომ ბარე ორი უფრთხილესი შთამომავლობა გაიხლართებოდა შიგნით სიმწრის ცრემლის საღვრელად, თუმცა როდესაც ამირანის ბორკილები გვარიანი შეთხვლებულია ერთგული ყურშას გამოისობით, დანადრულ წავარნებზე სიარულს არაფრად დაგიდევდნენ ცოტნეს მემკვიდრენი და ყველაფერი ისე კოწიწდებოდა წვეთწვეთობით, სისხლის ხვრეპაში გაწაფული ნისკარტი სწორედ კავკასიაში დაეწვილებინა ორთავიან არწივს.

შამილის დროინდელი მართვე როდი გახლდათ იგი. წლების სიმრავლისგან გვარიანად დამძიმებოდა ფრთები და ამ ხნის მანძილზე გამოცდილება იმდენი დაგროვებოდა, მძლავრი ჭანგები უკიდურეს წუთამდე არ აემოქმედებინა. ბრჭყალები მხოლოდ იმ შემთხვევაში დაიძაბებოდა, როცა მსხვერპლის სამშვიდობოზე გაღწევა უთუო შეიქმნებოდა. მანამდე კი ნელ-ნელა გამოსწევდა კიდურებზე გამობმულ, აბრეშუმის ძაფებისგან დაგრეხილ ბაწრებს და თოკებს.

აი, გული გიფანცქალებს სიხარულისგან რუბიკონის კიდემდე მიღწეულს. კიდევ ერთი ძალისხმევა, კიდევ ერთი ნახტომი და თვითმყოფადობის მარადიულ ოაზისში შეცურდები. დაიძაბები დიახაც სალტომორტალესთვის, მაგრამ ვაგლახ, მარჯვენა უკანა ფეხით ჰაერში გამოეკიდები. ფოლადი გული წინ მიგაქანებს ხის აბჯრიანს, თუმცა საკუთარი სხეული მტრად მოგსდგომია: არც მოსაწყდომად გემეტება, რადგანაც ჰეფესტოს ხვანხვალი სანატრელი გაგხდება ოლიმპოს მთაზე აღწეულ კიდურმოწყვეტილ ღმერთკაცს.

გული კი ხმაურობს, ბორგავს, ეხეტქება იმ დაგრეხილ თოკებს თუ ბაწრებს და ახლა მეორე კიდურით გასაგნდები ჰაერში, თითქოს მიწაგამოც-

ლილი ანთეოსი ხარ, რომლის დათრგუნვა ორთავიან არწივს კი არა ლე-
შისთვის დამიზნებულ ყვავსაც არ გაუძნელდება და თუ კიდევ გეყო ჟინი ავ-
ბედითი საზღვრისკენ წაწევისა, მარჯვენას მოგასხევს არსაკიძესავით და მერ-
მეც უდრეკელმა სულმა უკანასკნელადაც თუ იყოლა აზატობის ფასდაუ-
ღებელი სახელით, მარცხენასაც წაგგლეჯს მწუხარე სახის რაინდის მეხოტბე
საავადრასავით და ვინაიდან ძლევა მოსილ ტანზე ტოტები სავესებით შემოგ-
სხეპვია, ლამის ტორსად ქცეული, ოდესღაც სწორუპოვარი შენი ქანდაკება
საკუთარ სისხლსა და ცრემლში ამოიხრჩობა.

დაახლოებით ასეთი იყო ორთავიანი არწივის ხრიკები სიმბოლოების ენით
თავისუფლებისათვის შობილი კავკასიელი ხალხის მებარაღე საქართველო-
ში, ხოლო იმ მარჯვენა უკანა კიდურს პროზაულად აფხაზეთი ერქვა.

ენათმეცნიერებისა და ანთროპოლოგიის თაობაზე კვეკვე ანთარიას
პროფესიის კაცს ოდიშელიაზე მეტი ცოდნოდა, გასაკვირი არაფერია, ესეც
რომ არა, ჩვენი მერომანე ხომ სამურზაყანოელი გახლდათ დედით, ვისი ალიბ-
ქეც აფხაზების ბუხრების გვერდით აფუტებდა სიყრმიდანვე. აფხაზის წალ-
კოტის ტყემლის მტვერს სამურზაყანოელის ბაღის ალუჩისკენ მოაქროლებ-
და ზენა ქარი. სამურზაყანოელი ღრუბლები აფხაზის ყანებსაც უმწყურვა-
ლებდნენ დაშაშრულ ბაგეებს. დალიძეც პირობითად საზღვრავედა კვეკვე
ანთარიას ორთავიანი არწივის პომუნკულუსი ეთნოსისგან, თორემ მეოცე
საუკუნის გარიჟრაჟზე კი ერთი აფხაზიც არ ცხოვრობდა სოხუმ-ქალაქში
დღევანდელი გაგებით და საკუთარი თავისგან გასამიჯნად კედელი რომელ
ქკუათმოყოფელს აუგებია?!

აფხაზის გაგიჟება თუ გინდა, ნამდვილი სახელი, აფსუა დაუძახე და თავ-
ში ხმლის ნაცვლად კეტი თუ მოგხვდა, მადლობა შესწირე უფალს.

მიაგნო თუ არა ამ ჭეშმარიტებას კვეკვე ანთარიამ, დაილაგა წინ ვო-
რონოების, ტურჩინანოების, ტატიშეების, დუბროვინების თუ სხვათა ნაშ-
რომები და სიღრმისეულად რომ გააანალიზა მათი შორსმიმავალი მიზნები,
თმა ყალყზე დაუდგა.

აფხაზი, რომელიც ისეთივე ქართველია, როგორც — ქართლელი, კა-
ხელი, იმერელი, გურული თუ მეგრელი, აფსუათა ჩამოთესვლის შემდეგ, გუ-
გულის კვერცხის მჩეკავი გამხდარიყო ჭინჭის და ბროლის ელვარებას გამო-
დევნებული უნიათობით, მაგრამ ყოველივე ამას ისეთი ფსევდო-მეცნიერული
ფონი შექმნოდა, საკითხში გაუთვითცნობიერებელი, შეიძლება ჩაეფიქრები-
ნე კიდევ.

ორთავიანი არწივის დაგეშილი დოქტორატურა არაფრად დაგიდევდა
მეცნიერულ პატიოსნებას და იბერიულ-კავკასიური ენის ოჯახიდან ამოგდე-
ბული აფხაზი, სინოტიბეტურ, ენისეიურ, სუბამერიკულ და აფროაზიურ
ეთნოსს გადაამყნო ნახურ-დაღესტნურთან ერთად, რათა მსოფლიოს ხალხ-
თა სათავედ ეგ მხოლოდშობილი ეთნიკური სუბტრაქტი გაბატონებულიყო.
და პლინიუსის რუკაზე ამჟამინდელ ასტრახანსა და დაღესტანს შორის მოქ-
ცეული აფსუას ხიზნად იქცა ძირძველი კოლხი მოსახლეობა.

ორთავიან არწივს ერთი თვალი სიხარულისგან რომ უბრწყინავდა, მეორეთი ცრემლს აღვარღვარებდა; მესამეს ოსტატურად კიჟავდა და მეოთხეთი ახალ სივრცეებზე კრავდა ირაოს. და სულ მალე, როსტოკაკა აფსუას აბაზინური ენა, დოგმად მოვევლინა აფხაზეთის ბიბლიურ მკვიდრს: უსამშობლო აბაზინელების განაყარი აფსუების აფხაზეთში ჩამოთესლვას ყუბანური მიგრაციის სახელით ნიღბავდნენ ოსტატურად. და მოგვიანებით ბოლშევიკური ფორსირებული მეთოდებით ქართული ტოპონიმი „აფხაზი“ ზღვისა და ქალაქის ტერმინის უქონელი აფსუას სინონიმად დამკვიდრდა.

ასე და ამგვარად, ორთავიანი არწივის ფრთებით მონავარდე აფსუამ ძირისძირამდე შეისრუტა საქართველოს აფხას — მხარის მატერიალური თუ სულიერი განქულობანი, თვალიც რომ არ შეუხამხამებია, ნიანგის ცრემლს დაუღვრელად.

აბორიგენი აფხაზის აფსუას ჩიჩაკში გადაშვება უნებურად ეგზიუპერის ნახატს გაგახსენებდათ „პატარა უფლისწულიდან“, ყველა მნახველს ცილინდრი რომ ეგონა, ცეროდენა ხელოვანს კი სპილოგადაყლაპული პითონი წარმოეჩინა თურმე. ჰოდა, სწორედ ამისთანა სახსარში გამობშული ნაცადი თოკი დაუმოკლა ორთავიანმა არწივმა თავისუფლებისკენ წაწეულ საქართველოს.

ოდიშელიასი არ იყოს, ანთარისაც უამრავი მეგობარი ჰყავდა აბშილეთში, რომელთაგან უმეტესი ქართული წარმოშობისა გახლდათ, მაგრამ იმდენად პარადოქსული — შესაძლოა მკითხველი არც ერწმუნოს: ერთი ძმა მეგრული „ჩელათი“ მიერეკებოდა ნახირს წალენჯიხაში და მეორე — აფსუური „შიშნანი“ კვიტოულში; მამას „ბიბლიაზე“ ეთვლიემბოდა და შვილს — „ყურანზე“.

მოჭრილად თუ ვიტყვით, ჩვენი განსაკუთრებული ყურადღება ორი მუხლმაგარი აფხაზური ოჯახის: აგუმააებისა და ავიძების ჯალაბის მიმართ მახვილდება, რომელთაგან პირველს კვეკვე ანთარია ძმადნაფიცობდა და მეორეს როკი ოდიშელია ძუძუმტეობდა.

ორთავიანი არწივის უკუღმართი ლაბორატორიული კინტურმანტური ისე დააჩნდა მთელი სიგრძე-სიგანით ამ ორი კომლეულის სულს, განსაზოგადოებლად უკეთესი მაგალითის მოხმობა შეუძლებელიცაა.

სიჭაბუკის წლებიდან იღებდა სათავეს ჯუმა აგუმაასთან მაჭიდან წამოდენილი სისხლითა და გულიდან ამოღებული ფიცით შეკრული ანთარის გრძნობები. მისი მეგობრის სახელი ხომ ძმას ნიშნავდა მეგრულად, გვარი კი მევენახეობის მფარველი ღვთაების ფორმა-შინაარსს თანხვდებოდა. ესეც რომ არა, ვის მიყრდნობოდა უკეთესს, თუ არა რჩეულთა შორის ურჩეულეს აფხაზს, ავტორს „აბზუსი“ — თავისუფლებისთვის და სამართლიანობისთვის დარახტული მერნისა?!

ორიოდე კვირას დაყოვნდა დიდებულ აფხაზეთში.

აქამდისაც გვითქვამს, ანთარია დედით სამურზაყანოელი რომ გახლდათ, იმ ძირძველი მიწის შვილი, მარადიქვამს ქომავად რომ ედგა აფხაზი და ქართველი კა-

ცის უკუღმართ ბედისტრიალს.

მოიკითხა შინ, მეგობრებში, მაგრამ ჩამოქუფრულ ქალაქში რას იბოვიდა?! გულდაუთელი უფროსი ძმისთვის ფეხი მოეკვეთათ. წრფელად შეწუხდა ანთარია. ესტუმრა ოჯახში გულდამძიმებულ მასპინძლებს, დაუნჯებული სახით, აღალმართლად ჰყებოდნენ მთისას და ბარისას. ხვალინდელი დღის გადარჩენაზე საუბრობდნენ. თავიანთი ბედკრული ხალხების მერმისზე მუსიაფობდნენ. უფრო დიდი უბედურებანი კი კარზე მოსდგომოდათ თურმე, ვინემ „ლიხნის წერილია“ — ვოვა ვეკუას სოხუმი, ძუძუმტეების დალიძვა, თუ მომავალში მშვიდობიანი ქართული მოსახლეობის სისხლიანი კალო გაგრაში.

პატარაობიდანვე მოწინებით ზრდიდნენ კვეკვე ანთარიას აფხაზი კაცის მიმართ. პაპისგან თუ დიდედისგან, ვინ იცის, რამდენი ზღაპარი, რამდენი სიბრძნე გაუგონია ამ სისხლით და ზორციტ ნათესავ ხალხზე.

ჩვენი მერომანეს ცნობიერებას აკვნიდანვე აპოხიერებდნენ აბრსკილები, სათანხე გვაშანი, ინი ჰკვეტერიები, ჰაკი აძებნი, ჰაჯი უსუბები და კაც ზვამბაიები.

— შენი ნუ გაცოდინა და აღარც სხვისთვის მოგესმინოსოო, ასე იწყებლებიან აფხაზები, ბაბაგე, — ეტყოდა ანთარიას ძაკა ოდიშელის ბადალი მუჟაკაი ბაბუა, — ზრდილობის, თავდადების, სამართლიანობის განსახიერება აფხაზი, — შთაუწერგავდა იმთავითვე.

განსაკუთრებით კი ერთი ზღაპარი დაახსომდა ეშმაკსა და ახალგაზრდა რძალზე თქმული:

ერთხელ ჯალაბითა და არვე-ნახირით სავსე ოჯახის უფროსს, მაცილი აუჩნდა თვალწინ თურმე დილაუთენია ბაკში გამოსულს.

— ხრონცო, ბერიკაცო, — აგდებით შეესიტყვა მოხუცს ღობეზე ჩამოკლაკული და სარებს ბანჯგვლიანი მკლავებით ჩაფრენილი ავსული, — ამოირჩიე ერთი რამე გულის საწადელი, ქონება იქნება ეს თუ სხვა. დანარჩენს შეელიე, ნაცარტუტად გიქცევ ყველაფერს! — დაექაღნა და მრავლისმომსწრე მსცოვანმაც უმცროსების ჩაუკითხავად არჩევანი ველარ გაბედა.

— მადროვე, ჩემიანებს დავეთათბირები, — ამ სიტყვით გასცილდა ეშმაკს.

— ჩქარა, ჩქარა, ხრონცო ბერიკაცო! ფეხს ნუ ითრევე, მართა შენს ასაოხრებლად როდი მოვსულვარ! — მისძახოდა შავ-ბნელი ძალა.

შეფიქრიანებულმა მოხუცმა უკლებლივ შემოიკრიბა შინაურები და დაუფარავად გაუმხილა თავსდატეხილი უბედურება.

იმსჯელეს აფორიაქებულებმა. იდავეს, იკამათეს.

— საქონლის იღბალი დაგვიბედოს, — ბრძანა ზოგმა.

— არა, ჯანის მრთლიანობა სჯობია, ხანგრძლივი სიცოცხლეო, — დასკვნეს სხვებმა.

რას არ მიედგ-მოედგნენ, ტაროსიან ამინდებს, ფულის მადლს, ყაირათიანობას და ვინ მოსთვლის. ბოლოს, აქამდე კუთხეში ატუხუშულმა ახალგაზრდა რძალმა, მამაპაპური ადათის მიხედვით ხმის ამოღება რომ ეკრძაღე-

ბოდა, ჩაახველა და როცა გაცეცხვით შემოხედა ყველამ, ერთიანად აყრამი-ზებულმა ძლივძლივობით წამოიწყო:

— მამავ, ბატონო, თუ შეიძლება მეც ვიტყვი ერთს.

ასეთი საბედისწერო წუთი რომ არა, ისროდნენ კარში კინწისკვრით, როგორც თავკერძას, გაუზრდელს, წმიდათა წმიდა ტრადიციის შემბლაღავს, მაგრამ მამამთილმა ლმობიერად დაუქნია თავი თანხმობის ნიშნად.

— ერთმანეთის დაყოლის ნიჭი გვიბოძოს, მამავ, ბატონო, იმ წყეულმა! — დაიჩურჩულა რძალმა და კვლავ გასაგნდა.

— ხრონცო, ბერიკაცო, — მოჰყვა ხელების ფშვნეტას მოხუცის გამოჩენით შეფუცხუნებული ეშმაკი, — მოიფიქრეთ ბოლოს და ბოლოს?! აბა, ჩქარა ამოშაქრე! მარტო შენს ასაოხრებლად როდი მოვსულვარ!

— ბევრს არაფერს ვითხოვთ ჩვენ, — ქისა და ყალიონი დააძრო ოჯახის უფროსმა, — ერთმანეთის დაყოლის ნიჭი გვიბოძე მხოლოდ.

შეტოკდა თხისჩლიქებიანი ბელზებელი. თვალები გადმოეკარკლა. ღრანქი მოექცა. დორბლმა დაუფარა მყრალი ლაშები.

— ჰაიტ, ხრონცო, ბერიკაცო, ერთმანეთის დაყოლის ნიჭს თუ მოგაშავებთ, მერე მე რისი დამკლები ვარ? — გამოსცრა გამოხრულ კბილებში და კოჭლობ-კოჭლობით დაუყვა ორლობეებს მორიგი საკბილოს საქებრად.

ვერავინ იტყვის რატომ გაახსენდა მაინცდამაინც ყაწვილობის ჟამს მოსმენილი ეს მომხიბვლელი ზღაპარი კვეკვე ანთარიას, ან რატომ მოჰყვა იგი დაღვრემილ ჯალაბში.

— ეს ყველაფერი უთუოდ გვენიშნება, ზიმავე, — განაგრძო საუბარი კვეკვე ანთარიამ ძმადნაფიცის მისამართით, — რადგანაც ურთიერთდაყოლაზე უკეთესი ჯილდო ჯერეთ ვერაფერი მოუსაზრებია განგებას, არათუ სისხლით და ტომით ახლობელი, არამედ სრულიად განსხვავებული ზნეჩვეულებისა და სარწმუნოების ადამიანების შესაკავშირებლად. თუმცა როგორც ჩანს, ის გონებანათელი რძალი ვერანაირად შემოვიყვანეთ ოდესდაც ბელელსავსე ჩვენს ძმურ ოჯახში და მესამე ძალა, ცხრაასჯერ ბასრი ჭანგი და ნისკარტი რომ მოუმაღლებია უკუღმართ ყისმათს იმ ბერიკაცს შემოჩენილ ეშმაკთან შედარებით, მუსრი გაგვაგლო თვალსა და ხელს შუა.

ცამეტი წლის უკან ბაკურიანში გამართული ახალგაზრდა შემოქმედთა სიმპოზიუმი გაახსენდა კვეკვე ანთარიას.

ჯუმა იქ გაიცნო პირველად. თვითონ თბილისის სახელმწიფო უნივერსიტეტის ფილოლოგიის დაუსწრებელი ფაკულტეტის მესამე კურსის სტუდენტი „ბაბუა“ გახლდათ, აგ უშაა კი — უკვე საკმაოდ აღიარებული მწერალი, მაგრამ ორივე ერთი მიწა-წყლის შვილი, მზიური აფხაზეთის მოდგმა.

ძმადნაფიცობას მათსას სანოტარო კანტორების დასტურ-ლამალი არ დასჭირვებია, აღარც ეგზოტიკური ფიცვერცხლის ჭამა. თავისთავად, ძალდაუტანებლად მოხდა ყოველივე. კვეკვე ანთარიას ეს თვითნაბადი დამბობილება ყოველთვის ნათლის სვეტივით მიუძღოდა აფხაზეთისკენ დაძრულს, მაგ-

რამ ახლა, ერთი დილოგი მოაგონდა, რომელიც სხვანაირ ელფერს სძენდა დღევანდელ ვითარებას.

საქმე ის გახლდათ, რომ იმ სიმპოზიუმს ჩრდილოეთ კავკასიის წარმომადგენლებიც ესწრებოდნენ. მაშინ კვეკვე ანთარისთვის ზოგადად — ლეკები და დაღესტნელები, თუმცა მერე და მერე შეიტყო, ხალხური ხალასი ინდივიდუალიზმითა და სიბრძნით ცხებული უამრავი თვითმყოფადი ტომი ცხოვრობდა თურმე იქ. მერომანე ჩვენი მაშინ აგუმაას პოლიგოტობამ გააოცა ფრიად. უკვირდა მისიანი აფხაზი როგორ გაესაუბრა სათითაოდ გადამთიელებს და უფროსი ძმადნაფიცის განცვიფრება რომ გაეფანტა, ჯუჰამ ლიმილით მიუგო:

— ჩვენ ხომ ერთნი ვართ!

მართალი ითქვას, რადაცნაირად სული მოეწიწკნა კვეკვე ანთარისა, რადგანც იოტისოდენად არ ემეტებოდა სხვისთვის, ვინაიდან თანშეზრდილივით მიაჩნდა ათადან და ბაბადან, დედულეთი სამურზაყანოს, საკუთარი საქართველოს უშფოთველი ძილის ყურისმიმდებელი, მისი ჯუჰა აგუმაა.

მას აქეთ მრავალი ხანი გამოხდა. ისინი არაერთგზის შეხვედრიან ერთმანეთს სოხუმსა თუ რუხში, რედაქციებსა თუ მარულაზე. შეიყრებოდნენ ოდიშის კურთხეულ მიწაზე, წამორეკავდნენ დარახტულ აბზუებს და ყურდაცქვეტილი სინიბებს; მეგობრობის ყბადაღებული ტრანსპარატებით ააჭრელებდნენ იქაურობას; ციცერონისებურ ცეცხლს შეუნთებდნენ მიკროფონებს; შემუსრავდნენ ხონჩით და ბარქაშით მორთმეულს, მკერდში მჭილისცემითა და კოცნა-პროშნით დასცილდებოდნენ ერთუროს და წლისთავამდე ძლის ჰყოფნიდათ გაბუქებული ფიცის მადლი და სითბო.

შარშან შემოდგომაზე იყო. კახათელების ფარეხში, მამა-პაპურ ოდასახლში საკუთარ თავთან განმარტოებულ კვეკვე ანთარისა, აფხაზების ნალები საზოგადოება ეწვია. განუმეორებელი ჯოტო გუგუჩია წამოძლოლოდა მათ სტუმარი მწერლისკენ. რა დაავიწყებდა იმ საღამოს. მღეროდნენ შეწყობილად ერთი ჩანგივით მომართულები. კითხულობდნენ ლექსებს, მღეროდნენ და თარჯიმანი არ სჭირდებოდათ.

— მორჩები თუ არა რომანს, აფხაზურად ავაქლერებო, — ჰპირდებოდა ძმადნაფიცი.

დრო კი რბოდა. ის მესამე ძალა, მხცოვან აფხაზს ეშმაკის სახით რომ გამოცხანდა გამთენიისას, არ ცხრებოდა, ახალ-ახალ კაკანათს უხვანჯავდა ორივეს, ბაღლამს აწვეთებდა სულელებში, უხსენებელივით დასისინებდა გამულდებით.

მიზეზს რა გამოუღვეს ჩასაფრებულ კაცს.

„ლიხნის წერილის“ საპასუხოდ ილია ჭავჭავაძის საზოგადოების წევრები მთავრობათა სასახლის კიბეებზე დასხდნენ პროტესტის ნიშნად, რათა ერთხელ მაინც გამოქომაგებოდა ხელისუფლება უმრავლესობა ქართული მოსახლეობის აფხაზთაგან ფეხით გათელილ უფლებებს — აფხაზურ უნი-

ვერსიტეტში, აფხაზურ თეატრში, აფხაზურ მწერალთა კავშირში კოლხნი თუ ივერნი ჯორაკიდებულ აქლემებს დაემსგავსნენ. ნაღდაფხაზები, ქართლო-სიანები ჯიშ-ჯილაგით იქამდე შევიწროვებულნიყვნენ თვითმარქვია აფხაზთაგან — აფსუებისგან, ხსენებულ დაწესებულებებსა თუ სხვაგან, არ დაედგომებოდათ უკვე, ერთადერთი საბაბის — ქართველობის გამო. ქართი, იგივე თბილისი მათებურად, ქართველი ზოგადად, რაღაც უსაშველოდ აუტანელს გაუიგივეს მათს წარმოდგენაში ორთავიანი არწივის განუწყვეტელი წასისინებისა და მოშხამვების წყალობით.

აკი, ამბობდა კიდევ დაუფარავად სტალინის დაუძინებელი ოპონენტი ნიკიტა:

— აბაზოვ ნატრავლიუ ნა გრუზინოვ!*

მოწამლეს და მერე როგორ, სრულიად დედამიწის რენიმაციითაა წვეთოვანები ვერ გაფილტრავდა მათ სისხლს ამ სამსალისგან.

— მეშინია ეს კინკლაობანი წყულ ომში არ გადაიზარდოს, ჯიმაგე, — ეუბნებოდა ანთარია ჯუმა აფუმაას, — ომი კი ომია თავისი უმკაცრესი კანონებით. გულზე ხელებს დაუკრფეს იგი მრავალ თოფიანს თუ უთოფოს აქეთაც და იქითაც. სისხლი მეყინება ძარღვებში ორთავიანი არწივის ანკესებზე წამოგებული ჩვენი მრევლის პერსპექტივების შემხედვარეს. ლამის თავისქალა ამეხადოს ჩვენი დოჟლაპიობით. ნუთუ ვერ გაგვიცნობიერებია ის საშინელებანი, რომელიც კარზე მოგვსდგომია?

გაოცებული ვარ, ჯიმაგე, როგორ ეთანაწყობა ალტრუისტი ქრისტიანნი აფხაზის სული კაცთმოძულე ისლამის კლანჭებს?!

რელიგია ყველა პატივსაცემია თუ იგი ჰუმანურია თავისი არსით. აქ კეგელის აპოლოგია არ უპირისპირდება მუჰამედის სჯულს, მაგრამ როგორი ადამიანური განზომილებით გინდა გაამართლო უსასაუკუნეობრივი სიბნელე და სიბეცე გონებისა, როცა ქრისტიანის მოკვდინებისთვის სამოთხის კარიბჭეებს გპირდება მის ზედმიწევნით აღმსრულებელს „ყურანის“ სურა?!

ტამბზე დასხმული ცხელი წყალი ცივით განაზავა ხმელ-ხმელმა მანდილოსანმა. დაუდგა წინ სკამზე მოკალათებულს. კვეკვე ანთარიამ ჩინებულად უწყის, უკადრისობა აქ არ გამოვა, ძმადნაფიცობის მადლს ჩრდილი წაეპარება. მთელმა ქვეყნიერებამ რომ ამოხოცოს ერთმანეთი და მართა ჰექტორი და აქილევსი შერიგდნენ, სამყარო გადარჩენილია.

რძალმა შარვლის ტოტები აუკეცა სტუმარს. ჯორკოთი მიუჯდა მის ფეხებს და აღვარწყალებს ზომიერად განელებული წყლით. ტუჩები უთრთის მერომანეს. შეიძლება კი სამზეოში არსებობდეს მეორე ერი, რომელიც ასე აფასებდეს სტუმარ-მასპინძლობის ადათს?! ამ დროს კი ორთავიანი არწივი მოკიჟული თვალებით ყაწყაშებს ჩრდილოეთიდან, თითქოს უფრო საშინელება მოუსაზრებია მის შუაზე გახლეჩილ გონებასო.

— კონფედერაცია არაფერს დაერიდება, ჯიმაგე, თავისი მიზნების განსახორციელებლად. მისი ნებისმიერი საქმიანობა სანქცირებულია ახლა ორ-

თავიანი არწივისაგან, მაგრამ საჭიროების შემთხვევაში, ბრჭყალებით გადაფატრავს მთიელთა ილუზიურ ზრახვებს ზღვისპირეთისკენ გასასვლელი დერეფნის ძიების გზაზე. შამილისა და შეიხ-მანსურის საუკუნოვანი ოცნებანი ორთავიან არწივს იოტისოდენადაც არ ეპიტნავენ. მეტი სადარდებელი არ აქვს კონფედერატორთა კეთილდღეობისთვის ზრუნავდეს. შეგვაკლავს ერთმანეთს აფხაზ-ქართველობას და ისე მოგვიმწყდევს ჭანგებში, ძველი დრო გვენატრებოდეს. ახლა კონფედერაცია დაბრმავებულია შავ ზღვაზე გასავლელი მონათლული სახრავი ძვლისგან, ამიტომ არაფერს დაერიდება აღთქმულ სივრცეში ფანჯრის გასაჭრელად. მათი დაქირავებული ჯარისკაცები თვალს დაუხუჭავენ ყოველგვარ ადამიანურ გრძობას. თავებს გადაბალთავენ ჩვენს დებსა და დედებს. პეშვით შეხვრებენ ჩვენს სისხლს და ეს ცოდვა საშვილიშვილოდ თქვენს სინდისზე დარჩება, ჯიმაგე.

ჩრდილოეთკავკასიის ხალხთა კონფედერაცია მთების ალყაში მომწყდებულ მდინარესავით ბორგავს ახლა. სამაჩაბლოს გავლით კასპიის ზღვისკენ შარების გამოგნება რადგანაც ჩაეფუშა, ისევე აფხაზეთის მეურვეობას ჩაებლაუჭა. აფხაზი ხალხის ინტერესების დაცვას ამოფარებული აფხაზური პასპორტებითა და ბოხოხებით მოხოხავს ჯერ ჩვენი, ქართველების იავარსაქნელად, მერე — თავად თქვენი, აფხაზების დასანთქავად. აფხაზი ერის მისიაც იქნებ ეგ იყოს, ჯიმაგე, იმ შორეული წლებიდან, იმ ჩამოვაკებიდან მოყოლებული სალამანდრასავით საკუთარი მეობა ანაცვალოს პანისლამიზმის ლავასავით გასრიალებას კავკასიონის გასწვრივ. ჩვენ უნდა მივკვებ დიდ ილიას, რომელიც კავკასიის მთელ მოსახლეობას ერთ ცივილიზაციად აღიქვამდა და არა ტურჩანინოვ-ვორონოვების შოვინისტურ ჩმახებს; თითქოს ძველი წელთაღრიცხვის მეორე ათასწლეულში აფხაზთა იმპერია მოიცავდა აზოვის ზღვიდან ანატოლიამდე გაჭიმულ სივრცეს, რომ ანბანური დამწერლობა ფინიკიელების კი არა, აფხაზი ტყვეების წყალობაა. გურჯიელებისა და მისთანათა მიერ ამგვარი თეორიებით აღჭურვილ ჰიტლერს რა ბედიც ეწია, უცხო არ არის შენთვის. კავკასიის პრობლემების მოგვარება ქართველების იგნორირების გზით არ გამოვა. ჩვენ ზვიადურის სადისტური წამებისთვის თუ ვჭირდებით მხოლოდ, ბარაქალა მათ ქაჯურ ღრეობას. ნუთუ მსოფლიო რელიგიური ანგარიშსწორების უფსკრულამდეა მისული?

— ჩიტსაც აქვს თავისი ბუდე, — თქვა უცებ ჯუმა აგუმამ, — ბაიაზე დამთავრებული ყოველი ქართული გვარი: ეზუგბაია, ყოლბაია, ქეცბაია, ლაკერბაია და კიდევ ვინ იცის, რამდენი, აფხაზური წარმოშობისაა ძალად საქართველების შემწეობით. ამიტომაც გამართლებულად მიმაჩნია დებულება: უმჯობესია დაიხრჩო ოკენეში, ვინემ — მდინარეში. გაიგე?! გასაგებია?!

— მაშინ წერეთლების აფხაზობა ვინა სთქვა, „გამზრდელი“ რომ დაწერა მისმა დიდმა წინაპარმა და ჰაჯი უსუბის დიდსულოვნებას ხოტბა შეასხა, იმიტომ? მეგრელების მასობრივ გააფხაზებას გაათსუებული შარაშია-

ანზბიების მიერ თურქეთში გაყიდვამ და ფიზიკურად განადგურებამაც შეუწყო ხელი. მოგვიანებით აფსუათათვის მოგონილმა გაუგონარმა პრივილეგიებმაც უფრო დააჩქარა ეს პროცესი. აფხაზი მეფის რუსეთის ჯარში რომ არ მიჰყავდათ, დღეს ერთი ძმა ქართველია და მეორე — აფსუა, მაგრამ მთავარზე მთავარი ისაა, ჯიმაგე, წყალნი წავლენ — წამოვლენ და ქართველები და აფხაზები კვლავაც გვერდიგვერდ იცხოვრებენ, როგორც სიკეთისა და მშვიდობის დამამკვიდრებლები; და ვერც იმას ვირწმუნებ, მხადშეფიცულო, ჩემო, ჯუმა, რომ ღმერთმა ნუ ქნას და ოდესმე თუ მოხდა, ქართველი ქალვაჟების ანგარიშწორებას თვალს დაუხუჭავ; რომ მწერლის მოვალეობისამებრ ადამიანობის სადარაჯოზე არ დადგები ჩვეულებისამებრ.

არა, იარაღით არ მოვალ შენსას. არა, არ ავესვეტები ყინაღ, ჯიმაგე, კითხვიან მზერას მოგაპყრობ მხოლოდ და თუ მოიძებნა სადმე დანა ჩემს ყელში გასაყრელად, მიუხედავად დიდი ხატრისა, ვეღარაფრით შევეწირები დარლას. წუთისოფლით ისედაც ნაგვემი ჩემი სული ვერაფრით უზიდავს შეშას და წყალს მის პერსონას საიქიოში!

ისეთი განწყობილებით დაბრუნდა კვეკვე ანთარია აფხაზეთიდან, დანა პირს არ უხსნიდა. კვირაზე მეტი დაჰყო დედულეთში და რომანის გმირებს ჩამორჩენილი მთელი ექვსი დღე არ გამოჩენილა ჭადრების ხეივანში, დაზი ჩიქოვანის კლუბში. თან ჭირვეული მარტივ კულს იქნევდა. ხან თოვლგარეული ჟღელით წამოვიდოდა ციდან, ხანაც სუსხიანი ზღვაური დაუბერავდა; წვრილად წამოწვიმდა მაშინ, სულიერს თუ უსულოს კერიისკენ მისაწრაფებდა, მაგრამ გადავიდა თუ არა ესხირი და თებერვალმა როგორც კი დაიბრუნა თავქარიან შულერს ჩასესხებული დღეები, მზემ თვალში გამოიხედა. ჭადრების ხეივანს ისევ მოუმრავლდა მრევლი. კვეკვე ანთარიას მობეზრდა საშა ეგუტის ნაჩუქარი „ერიკას“ რაკუნს და ჩვეული იუმორით გაერია ხალხში.

— გმირი ვიპოვე, ხალხო, — ამბობდა შთაგონებულის იერით, — ორი ორმოცდათორმეტი ორმოცდასამია? ელაპარაკე მოსკოვსო, მეუბნება ლილი მორიგე. კი გამიკვირდა ცოტათი, რადგანაც დიხამინჯიასი არ იყოს, საქალაქთაშორისო ზარით აქამდე არავის შევეწუხებინე; თანაც ხუმრობ, მოსკოვიდან, მაგრამ ყურმილში დაბოხებული ხმა მომესმა თუ არა, სიხარულისგან ვიფფირე: პანტერა, შენა ხარ დაკარგული? საიდან მელაპარაკები-მეთქი.

მოსკოვიდანო, მითხრა იმან. ჩემები როგორ არიანო: მამა, ბიჭი, დედა, მარინა, ძმები.

ხმას აუწიე, მშვიდობით-მეთქი.

მადლობა უფალსო. მე არა მიშავს, დღე-დღეზე ჩამოსვლას ვაპირებო. გამოზაფხულებას ვუცდი, ახალი „ოცდაოთხით“ მოვდივარ და იმიტომო. ძმა-კაცების ჭავრი ამოვიყარე, ისე რომ არენაზე არც კი გამოვჩენილვარო.

მივხვდი ვასია ზატონიკსა და ვალერი გლატკოვზე მელაპარაკებოდა.

აქაური გაზეთები მოწამლულია ანტიქართული სულისკვეთებითო, —

კვეკვე ანთარიამ სიგარეტი ითხოვა და რამდენიმე ახალგაზრდამ ერთდროულად მიაწოდა კოლოფი. პირველად ხდებოდა რომანის ფურცლებიდან გამოსულ მის განწყობილებას ქოქოლას რომ არ აყრიდნენ, — დიდი და პატარა, წვრილფეხობა თუ მთლად ვეშაბნი პატარა იმპერიისგან, ესე იგი ჩვენგან, ქართველებისგან, დაჩაგრული აფხაზების ქომავლობაშიაო. ნუ აურევთ იქ ჩემს მოსვლამდე, ახლა თქვენიც მითხარო. დიხამინჯია კიდევ კაბინეტშია ჩაკეტილი თუ ბოგინობს კვლავაცო.

კაბინეტის კარები ავუჭედე, მაგრამ იხტიბარს მაინც არ იტყეს, ფანჯრიდან აწვდიან საჭმელს სახანძრო მანქანით, გარშოკს კი იქიდან ცლის პირდაპირ, როცა შუალამე გადავა და ძაღლების ღრიანცელი მოხშირდება მოედანზე-მეთქი.

აქამდე სულგანაბულმა მსმენელებმა სიცილი ვერ შეიკავეს. ბოლოს სტაცეს ხელი და ოდიშელებისკენ გააქანეს მონჯდრეული „ფოფულით“. კი ითრევდა ფეხს გვარიანად კვეკვე ანთარია, მაგრამ ოდიშელი ოთხი ჯეელი რომ დაგეჯაგვურება, მერომანე კი არა, პროლეტარიატის ბელადის ძეგლიც რომ იყო, იმასაც დაგძრავენ ადგილიდან.

შვილის ამბის გაგონებამ ლოგინზე წამოაჯინა ნემსებით ძლივს მობრუნებული ვალერიანი.

გუგუნებდა ბუხარი. სახელდახელო სუფრა მიაჩოჩეს ავადმყოფთან. გააკვირვა შინაურები დამბლაჩაქროლილი კალატოზის დაუჯერებელმა გარდასახვამ. ორი სასწრაფო გამოეძახებინათ. ორასამდე ავარდნილი წნევა უცებ ჩადგა კალაპოტში. მარინამ ღიმილით მოაშორა სამკლავური, დახურა აპარატი და თავისქნევით განაცხადა:

— როგორც ჩანს ჩვენი წნევის მიზეზი სხვა რაღაცა ყოფილა.

რა გახლდათ ეს „სხვა რაღაცა“, არ დაუკონკრეტებია და არც ვინმე გამოდევნებია, რადგანაც მიმხვედრისთვის ისედაც ნათელი იყო ყველაფერი.

წვრილად გამოკითხა ვალერიანმა შვილის ამბავი მერომანეს ჩვენსას.

ტყუილის მთქმელს დიდი მახსოვრობა უნდა ჰქონდესო, იტყვიან და კომპიუტერისთვის შესაშური ხსომიერებით გამორჩეული კვეკვე ანთარიაც სიტყვა-სიტყვით იმეორებდა ჭადრების ხეივანში ბიჭებისთვის გამხელილს. ხორცსავსედ მონაყოლმა იქამდე გაახარა და გაათამამა ოჯახის უფროსი, ერთი ჭიქა წუწულე ადესაც კი დალია. შვილიშვილი გვერდით ეჯდა ბაბუას. პირველად იმას მოაყლუპინა სასმისიდან.

— შენ გაიხარე, — ლოცავდა კვეკვე ანთარიას, — არ გამოვიხედე კაცო, თვალბში?! ქალო, მომიტანე ტანსაცმელი! — გასძახა ჟენიას, მაგრამ ცოლმა ისე დატუქსა ქმარი, „გაფიფინებულმა ყაზაყმაც“ იკადრა ლოგინში შეძრომა. ბალიშებით თავამომალელებული ხარობდა ახლების დაუსრულებელი კამათით, განსაკუთრებით კი ის აღავსებდა სიამაყით, რომ საუბრის ღერძი მისი შუალა ბიჭი იყო დაუსწრებლად.

— აფხაზი რისი მაქნისია რუსი რომ არ ედგეს ზურგს უკან, — თქვა

ერთ-ერთი პაუზის დროს ვალერიანმა, — გადარეულები არიან ახლა. ადრე მსოფლიოს რომ აზანზარებდნენ, სად არის ის ჯანი და ღონე? წინათ ერთი დარტყმით ხარ-კამეჩს ვაქცევდი მეც, მაგრამ დღეს ნიკაც გადმომადგდეს ლოგინიდან, — მტკივანი ხელი ცახცახით წაიღო შვილიშვილის შავი, სრიალა თმისკენ, — გამწარებული ნადირის უნდა გეშინოდეთ შვილებო! დიდი სიფრთხილეა საჭირო. ნეტავ მალე დაბრუნდებოდეს და არაფერს ვჩივი მერე. ახლა დიხამინჯიებს მაგის სადევრად სად სცალიათ, საკუთარი ტყავის გადარჩენისთვის ზრუნავენ. ასეა, ჩასაძირი ხომალდიდან პირველად ვირთხები გარბიან. დიდი ჭკუის გამო როდი მოსდით ეგ. თავდაპირველად მათი სამყოფელი ივსება წყლით და იმიტომ. ვერავინ დავემსგავსეთ ცხონებულ მამაჩემს, ვერც ჩემი ძმები, ვერც მე, ვერც ჩემი შვილები. იქნებ ამ პატარამ გამოასწოროს კოლექტიური შეცდომა, დანაშაული თუ ცოდვა. ნასწავლი არც ის იყო, მაგრამ აგურზე დადებული აგურით ჭედდა სიტყვას. ამაყი კაცი მხოლოდ ერთი კუთხით აფასებს ცხოვრებას.

არიქა, არავინ შემეხოს, არავინ დამჩაგროსო და ყოველთვის ზედმეტად მუშტ შემართულია, მაგრამ უფრო დიდი ტვირთი თავმდაბლობა ყოფილა. რაც მაგას მუხლი მოუყრია ერთმანეთს სამკვდროსასიცოცხლოდ გადაკიდებული ხალხის შესარიგებლად, მთელს ოდიშს ეყოფა საბოდიშოდ ორი საუკუნე, — გაიცინეს რითმასავით რომ გამოუვიდა ვალერიანს, — როგორი საქმეა, ოჯახს ოჯახის ხელი მართებს. მართალია, მსხვერპლი არ ყოფილა აქეთ-იქით, მაგრამ რომელიდაცა ამ ორში განსაკუთრებითაა დაზარალებული. მომენტს უცდის როდის ამოიყრის ჯავრს. ჰოდა, ამისთანა შემთხვევაში, ცხრამეტ ასაკმოყრილ შემრიგებელს წინ მოუძღვის ძაკა ოდიშელია, ფიცარივით თხელი, ქათქათა წვერით. დინჯად მიემართებიან მოვალეობის გულისთვის შემოგებებული მასპინძლებისკენ. ოცი დადგომილი ადამიანის მომღურებაც როგორ იქნება. არადა, იცის, სიჯიუტე წყალშია ჩაყრილი, შერჩა ვილაცას ოჯახის ხელი, თუმცა იხტიბარს არ იტყხს, ეს წუთია და უცებ, გეკიპუროსკეს, ოცივე მუხლზე დაეშვება, მერედა ვის წინაშე?! ძაკა ოდიშელის ფეხის ნაბან წყალზე რომ არ ღირს, მაგრამ სოფელში სიმშვიდე რომ სუფევდეს, ამისთანებს არად დაგიდევთ.

დამჩოქებელი ვიყავი მე, გინდა მთელს ზუგდიდს დაეხოცა ერთმანეთი?! შენ გაიხარე, შვილო! მოვლ-პატრონობა აქამდეც არ მაკლდა საფიცარი რძლისგან, მაგრამ სასიხარულო ამბავმა ხომ ხედავთ, რა მალე გამართა წელში თურმანიძეების ასული?!

ამის თქმა და მარინაც შემოვიდა ლანგრით ხელში, რომელზეც ქმრის წვერსაპარსი მოწყობილობა დაეწყო, შემოვიდა და გაეცინა ყველას.

მაგიდა თავის ადგილს დაუბრუნეს. სუფრას ამრგვალებდნენ, მაგრამ იქამდე მიანც არ წასულან, გვარიანი ხნით მოუპარსავი წვერიდან სანამ მთვა-

რესავით არ გამოანათა ვალერიან ოდიშელიამ.

იმ დღიდან მოყოლებული კვეკვე ანთარიას კვირაში ერთხელ უთუოდ დაურეკავდა როკი და დედაქალაქში დატრიალებული უბედურება რომ არა, ვარდ-ქუჩუჩებში მობრძანებულ აპრილს ძაკას მეშვიდე შვილი შესაძლოა ფეხზეწამომდგარიც შეხვედროდა, მაგრამ მთავრობის სსასახლესთან მომხდარმა ტრაგედიამ ავადმყოფს დამბლა გაუმეორა და აკანკალებული მარჯვენა ხელფეხი მთლად წაართვა.

ოდიშელიებმა სასტუმროში მიაკითხეს კვეკვე ანთარიას: იქნებ როკის მამის გართულებული მდგომარეობა რამენაირად მიაწვდინოსო, მაგრამ ჩვენი მერომანე დედაქალაქში გადაბარგებულიყო; ან ვის მოუთმენდა გული შორიდან ეთვალთვალა საბედისწერო მოვლენებისთვის?!

აფხაზების „ლიხნის წერილის“ საწინააღმდეგოდ ჯერ თავად სოხუმში იმართებოდა მიტინგები. ადგილზე გამობდნენ აფხუა სეპარატისტების დამლუპველ პოლიტიკას. გუდაუთის ექსტრემისტული ფრთა აფხაზეთისა „აიდგილარას“ შოინისტური ლოზუნგებით საჯაროდ შიშვლდებოდა მრავალათასიან საპროტესტო აქციებზე. ეს სულისკვეთება ოდიშის ახალგაზრდობასაც გადმოედო და ფაიფურის ქარხნის ეზოსა თუ ქალაქის ცენტრში, ილია ჭავჭავაძის ბიუსტის სიახლოვეს იწყო დაგუბებულმა სიტყვამ გულიდან ამონთხევა.

აპრილის დამდეგს მთელი საქართველო მოიცვა აფხაზეთიდან მოსალოდნელმა საშიშროებამ. ოფიციალურ მთავრობას ულტიმატუმს წარუყენებდნენ ეროვნული მოძრაობის ლიდერები. საქმე ის გახლდათ, რომ უსაფრთხოების მიზნით აფხაზეთის ქართულ მოსახლეობას ჯაყვაც კი არ შეარჩინეს ჯიბეში სამართალდამცავმა ორგანოებმა მსხლის გასათლელად, როცა აფხუა სეპარატისტების განიარაღებისთვის არავის უზრუნველია.

ოფიციალური ხელისუფლება ადრინდელივით მშვიდობიანად აპირებდა კარზემომდგარი კონფლიქტის მოგვარებას, მაგრამ დაუსრულებელი დათმობებით გათამამებული აფხაზების ჭირვეულობას საზღვარი არ ჰქონდა. მათი ლიდერები საკავშირო პრესითა და ტელევიზიით დაურიდლად ამჟღავნებდნენ თავიანთ ზრახვებს: რომ აფხაზ ხალხს არ სურდა საქართველოს შემადგენლობაში ყოფნა და გადაჭრით მოითხოვდნენ რუსეთთან შეერთებას. „ოკუპანტ ქართველებს“ ურჩევდნენ დროზე გასულიყვნენ საუკუნობით დაპყრობილი ტერიტორიიდან. ამისთანა ვითარებაში გულზე ხელების დაკრეფვა სირაქლემას პოზაზე უარესი იყო ეროვნული მოძრაობის ლიდერებისთვის და ზუსტად ხუთ აპრილს, გასული წლის ნოემბრის აქციებით გულმოცემულმა ქალ-ვაჟებმა მთავრობათა სსასახლის კიბეებზე რომ მოიკალათეს, რაღაც ავის მოლოდინში მთელი საქართველო გაირიდა.

კვეკვე ანთარიაც სწორედ იმ დღეს გაემგზავრა დედაქალაქში ფეხმძიმე მეუღლესთან ერთად.

ჩვენი მერომანეს ცხოვრების პირველ ნახევარზე აქამდეც გვარიანად

გვითქვამს. სკოლაში საერთოდ არ უვლია. სიჭაბუკისას სისხლი ერთხელ არ გამოუღენია ცხვირიდან. უნივერსიტეტის წლებში აკრძალული ლიტერატურა სანთლის შუქზე უკითხავს. მისი პოლიტიკური პლატფორმა ზოგადი მცნებით — სიკეთით ამოიწურებოდა, ამიტომაც გასაკვირი არ არის, კვეკვე ანთარიას მრავლად ჰყოლოდა მეგობარი, როგორც ოფიციალურ ხელისუფლები, ისე — ათას პარტიად დაშლილ ეროვნულ მოძრაობაშიც.

ყველას ქრისტეს საზომით მიუზღავედა. ვასაკას და უხსენებელს თანაბარ პატივს მიაგებდა, როგორც სამყაროს შემადგენელ ნაწილებს. უარყოფითს და დადებითს არსებობის აუცილებელ პირობად მიიჩნევდა და, ალბათ, ესეც გახლდათ მთავარი მიზეზი მისი ორჭოფული სიჭარმაგისა.

თითოეული პარტიის პროგრამისთვის ჰქონდა თვალი გადანავლები. აღიმილებდა მათი მოუწელებელი მსგავსებანი. ნაწვიმარ ტყეში სოკოებივით აღმოცენებულ დაჯგუფებათა ლიდერებს ზოგს ხელის ჩამორთმევით იცნობდა, ზოგსაც — პირზე კოცნით, მაგრამ თავად ყოველთვის გაუბრბოდა შემოთავაზებულ წინადადებებს: მწერლისთვის ამა თუ იმ პლატფორმაზე დადგომას მომაკვდინებლად მიიჩნევდა და დელიკატურად ჩამოიცილებდა ახალგამომცხვარი პარტიის თავფეშუტა მესვეურს.

მოვლენებში ჩაურევლად ასახულ ტოლსტოისეულ სინამდვილეს იზიარებდა, რუსული რევოლუციის სარკეს რომ უწოდებდნენ და ქვეტექსტით კილავენენ კიდევ მიუხმრობლობის გამო სოციალიზმის ცეცხლფარეში.

მეუღლე ჩინებული გამოადგა კვეკვე ანთარიას. ჯერაც სტუდენტი დადუქობალია, ორსულობის მიუხედავად ყველაფერს ასწრებდა: ნაქირავები ბინის დალაგებასაც, საჭმლის გამზადებასაც, გარეცხვა-გაუთავებასაც, მეცადინეობასაც, მერომანეს ჯოჯოხეთური ხელნაწერების კარნახსაც, ილონას გაკვეთილებისგან მოზღუდვასაც.

ოდაბადელი ქალიშვილი სამი წლის წინ სწორედ კვეკვე ანთარიას რეკომენდაციით ჩაირიცხა თბილისის სახელმწიფო უნივერსიტეტში.

მშობლები ყურადღებას არ აკლებდნენ თავიანთი გულჩათხრობილი ასულის მეურვეს, მაგრამ მალე დედა გარდაეცვალა და კვეკვე ანთარიასაც დიდხანს არ უყრყმანია; წლისთავამდე გვარიანად ადრე ხელი მოაწერეს მშაჩის უკაცრიელ განყოფილებაში და ნათესავები უშნოდ ალაპარაკეს აქეთიქით, თუმცა მთავარი ის გახლდათ, ნაოდაბადელი დადუს ღმერთად შეერაცხა თანამეცხედრე და მისი შემოქმედებითი გარემოსთვის თავზე წისკვილის ბორბალს იტრიალებდა.

ყოველდღიურად დადიოდნენ მოშიმშილებთან, რომელიც თანდათან მასშტაბურ ხასიათს იძენდა. ლიდერები მეგაფონებით მოუწოდებდნენ ხალხს ეროვნული დაუმორჩილებლობისკენ. ტრანსპარანტები მოუსავლეითი აქვესკნელებდნენ ორთავიანი არწივის სახსენებელს. უნდობლობას უცხადებდნენ

მარიონეტულ მთავრობას, რომელიც ჯიუტად ადგა ქედმაღლურ გზას და მომიტინგეებთან ჩამობრძანებას უკადრისობდა.

რუსთაველის პროსპექტზე ხალხი ზღვასავით მღვლეარებდა დილიდან საღამომდე. ორმხრივად უტევდნენ არაფორმალების უკიდურეს პროტესტს, როგორც გარედან, ისე — შიგნიდან.

საკავშირო ტელევიზია დაუფარავად ილაშქრებდა საქართველოს ხელისუფლების წინააღმდეგ, აღვირახსნილი ექსტრემიზმის წაყრუებაში ადანაშაულებდა და ამ უკანასკნელსაც ცეცხლს შეუწებებდა გადამჭრელი ღონისძიებისკენ.

ძირითადი მორალური ზეწოლა ინტელეგენციის ფრთიდან წამოვიდა, რომელიც ყველაფერში მოზომილი და ანგარიშიანია. ნაცარქექიას მოხერხებულობას იშველიებდნენ.

— რალა მაინცდამაინც ჩვენ შევასკდეთ ისედაც წაქცევის პირას მისულ ურჩხულს?! — არიგებდნენ ისინი მენტორული ტონით.

ამგვარი ისტერიკული შემოტევის წყალობით მოიხსნა შარშანდელი ნოემბრის აქცია. მაშინ მთავრობამ უამრავ მოთხოვნაზე დაუკრა თავი ეროვნული მოძრაობის ლიდერებს, მაგრამ, აჰა, ხუთი თვე თვალსა და ხელს შუა ისე იწურებოდა, მათ შესასრულებლად თითიც არ გატოკებულა. პირიქით, უფრო გაფუჭდა სიტუაცია შინ თუ გარეთ.

ხელისუფლება თვინიერად ითმენდა გაჯორვებს კრემლიდან. ყრილობაზე წარგზავნილი დეპუტაცია გამოწმენდილიყო ეროვნული თავმოყვარეობისგან, და თუ რაიმე გულსიმოსაფხანს გაიგონებდით, იმასაც პიროვნული ღირსებით შემეკული აღამიანებისგან, ჯერაც რომ არ გაწყვეტოდათ შუბლის ძარღვი, თუმცა თანამდებობრივ მდგომარეობას გვარიანად დაემოკლებინა აღვირი მათი სითამამისათვის.

ნოემბრის აქცია რომ ვახსენეთ, ეროვნულ-დემოკრატიული პარტიის ინიციატივით, პირველი პროტესტი იყო ქართულ, და ალბათ, მთელ საბჭოურ სინამდვილეში. ამისი მსგავსი არაფერი ენახა კვეკვე ანთარას. ვერც კი წარმოიდგენდა სამოცდახუთი მოშიმშილე, რომელთა შორის მისი კალმისმიერი სამი მეგობარიც ერია, სამოცდახუთიათას გულშემმატიკივარს თუ მოიზიდავდა ზესიმძღავრის მაგნიტივით.

იმ დღეებით ალტკინებულმა ჩვენმა მერომანემ მუხლი მოუხარა მაშინ ძაკა ოდიშელიასებურად მოუხელთებელი იანების შემართებას, მაგრამ ამაზე იქნება უფრო დაწვრილებითი საუბარი ოდესმე, ახლა კი თავად აქციის დაშლის მიზეზებს დავსჯერდეთ.

შემოქმედებითი კავშირები, სახალხო ფრონტი, ორდენოსნებისა და ომის ვეტერანების ლაშქარი გაერთიანებული ძალით კრიჭაში ჩაუდგნენ მიტინგის ორგანიზატორებს. დაიწყო შუამავლობა მთავრობასა და ექსტრემისტებს შორის. იმდენი იღვაწეს, იმდენი იმუშაკეს, ეროვნული მოძრაობის ლიდერებმა ლოზუნგების მოუხსნელად აქცია დახურულად გამოაცხადეს და მას გენერალური რეპეტიცია უწოდეს მომავალი ბრძოლების თვალსაწიერიდან.

მაგრამ ახლა, ხუთი თვით პირში ჩალაგამოვლებული მამულიშვილური სულსკვეთება პოზიციებს არაფრისდიდებით თმობდა. უკვე ზეექსტრემისტული ეთქმოდა მეამბოხეთა განწყობილებას.

არაფერს ჭრიდა აქციის კულისებში მთავრობის წვრილფეხობის ჩამოცუნცულება. სახელმძოვნილი მწერლები, მხატვრები, არქიტექტორები და კომპოზიტორები, მსახიობები, მეცნიერნი კვლავაც ჩვეული ტონით გონიერებისკენ მოუწოდებდნენ მომიტინგეთ და მათთან ერთად აგორებული მღელვარების სულისჩამდგმელებს:

მეგაფონები დილიდან საღამომდე შეუსვენებლივ აშიშვლებდნენ და ასამარებდნენ ორთავიანი არწივის მორჭმულობას;

მარიონეტი ხელისუფლებისგან დაჟინებით მოითხოვდნენ მისი კლანჭების საქართველოდან გადაშენებას.

მიაბიჯებდნენ ანთარები რუსთაველზე და სვანური პოეზიის შედეგის, „თამბის“ წერედიანისეულ თარგმანს აუწყობდნენ ფეხს:

ამბავი არის გასაკვირი,
 დიდი ხეები უვლიან ფერხულს,
 ამაზე უფრო საკვირველს ვხედავ,
 ჭიანჭველები აგებენ ციხეს.
 ამაზე უფრო საკვირველს ვხედავ,
 ზურგზე უნაგირს ადგამენ ძროხებს.
 ამაზე უფრო საკვირველს ვხედავ,
 მაღალ ხეებზე შემსხდარან მწყერები.
 ამაზე უფრო საკვირველს ვხედავ,
 ყარაულობენ კატები ერბოს.
 ამაზე უფრო საკვირველს ვხედავ,
 მეცხვარეებად დამდგარან მგლები.
 ამაზე უფრო საკვირველს ვხედავ,
 თხას მისდგომია მატყლისთვის ცხვარი.
 ამაზე უფრო საკვირველს ვხედავ,
 ეჭიდებიან თავგები დათვებს.
 ამაზე უფრო საკვირველს ვხედავ,
 ჩიტი-ჩიორა იტაცებს ორბებს.
 ამაზე უფრო საკვირველს ვხედავ,
 ერთი ნიბლია ამარცხებს ლაშქარს.
 ამაზე უფრო საკვირველს ვხედავ,
 მზე დასავლეთით ამოდის ცაზე,
 ამაზე უფრო საკვირველს ვხედავ,
 მდინარე აღმა მიედინება.
 ამაზე უფრო საკვირველს ვხედავ,
 უსიტყოდ სხედან დედაკაცები.

ამაზე უფრო საკვირველს ვხედავ, — შეყვანდებოდა მერომანე ჩვენი და ყურთასმენაში შემოიჭრებოდა აგუგუნებული ქალაქი.

კვეკვე ანთარია მიუღლის ხელკავიდან გრძობდა მდედრის წიალიდან ჩვილის კიდურების დაუსრულებელ ხვანცალს. ისიც ამ ორომტრიალის უტყუარი მოწმე იყო. დიახ, ყველაფერი საკვირველი გახლდათ, ვინაიდან ჩრდილოეთიდან ამოსული მზეების სუსხის ბინადრებს საკვირველსა და განსაცვიფრებელს რა გამოაუღევდათ.

მომიტიჩგენი კი ძველებური შემართებით ახალ-ახალ ძალებს იკრებდნენ. მთავრობათა სასახლის თუჯის მონუმენტები, შრომის გაფეტიშებული წყილეულებით ჯერაც ზეადმართავდნენ მასონურ უროებს და ნამგლებს.

რუსთაველზე ტრიალებდა სრულიად საქართველო.

უცხოელი ტურისტებიც ზერელე ცნობისმოყვარეობით მიადებდნენ ყურს მის ქვევრისმიერ გუგუნს, მაგრამ ასეთი მღელვარებანი მათთვის ჩვეულებრივი ამბავი იყო ქართველთაგან განსხვავებით და გეორგიანელთა თითოეული კუნთის გატოკება ექსპერიმენტის დონეზე უნდა განგვეხილა, ვინაიდან ორთავიანი არწივი მიკროში გამოცდილს, უმტკივნეულოდ დანერგავდა მერმე მაკრო განზომილებაში.

აქ ორი კუთხით განიჭვრიტებოდა არსებული რეალობა: რა ძალისხმევის ლიდერები წინამძღოლობდნენ საზოგადოების ფენებს და როგორი გამძლეობისა გახლდათ მათი ამტანობა პერესტროიკისა და გლასტნოსტის ფონზე.

უკიდვანო საუფლოში მსგავსი ჭინჭლობანი ვინძლო მომრავლებოდა ორთავიან არწივს ოთხივ კუთხით, ბარემ აქედანვე ეცოდინებოდა სად რა ხერხისთვის მიემართა, ვისთვის ჩამოეფხოჭნა ქვევით, ან სანამდის ჩაესო ჭანგები ზედმეტად აპოპორებულისთვის და ვიდრემდის ეკორტნა აფხიანებული ნისკარტით ჯიუტის ღვიძლი.

საბჭოეთის თუ თავად საქართველოს ნებისმიერი კუთხის გულისყური მთავრობის სასახლესთან მაჭარივით აღუღებულ ახალგაზრდობას მიპყრობოდა. მამდავითიდან ათვალეიერებდი შინაურობაში ვარდისფრად აფითქინებულ ქუჩებს თუ მეტროპოლიტენის ფილტვებიდან აყურადებდი ადამიანებს, მათში ზედმიწევნით აირეკლებოდა მოედნისეული განწყობილებანი. ქართული ყოფიერების არენისკენ კი შეუსვენებლივ მოედინებოდა სრულიად საქართველო საუკეთესო შვილების წინამძღოლობით.

„თქვენთან არის მთელი კახეთი“, გამოჩნდებოდა პროლეტარიატის ბელადის კოჭებთან აღმართული ტრანსპარანტების ქვეშ დარაზმული დღეეგაცია და მომიტინგეთა ერთ სხეულად გადაქცეული ნაწილები დასცხებდნენ სანატრელ გუგუნს:

— სა-ქარ-თვე-ლო!

„სრულიად ქართლი თქვენს გვერდითა“, მოჰყვებოდა პირველ ნაკადს ახალი ტალღა და ისევ დასცხებდნენ:

— სა-ქარ-თვე-ლო!

მომიტინგეთა სხეული შეიკუმშებოდა, შემომყურაოვებდა წელანდელ ზვირთს და მორიგი მდინარება წამოყვლყვდებოდა თუ არა ტრანსპარანტების ჯარის მეთაური ლოზუნგით: „იმერეთი თქვენს გვერდითაა ძმებო!“ ისევ დაიბერავდა ფილტვებს ერთი პირით აბაზანებული მოედანი:

— სა-ქარ-თვე-ლო!

გაივილია რამდენიმე წამი, ტრიბუნაზე თანადგომის გამომხატველი სიტყვათა დასრულება არ დასცალდებოდათ ბალტიისპირულ თუ ვაინახურ დელეგაციებს და გაკრიალებული მონუმენტის წილიდან მორიგი ნიაღვარი წამოთქლაშუნდებოდა:

„თქვენთან არის მთელი გურია!“ დაურიღლად ამქლავნებდა საკუთარ ნება-სურვილს დიდი ვეზირის სამშობლო და საპასუხოდ მოედანიც თვითნასწავლი დირიჟორის ხელების მოძრაობის ფონზე მეტის სიცხოვლით დასქეებდა ორთავიანი არწივის საბუდარის მომშლელ სახელს:

— სა-ქარ-თვე-ლო!

დასასრული არ უჩანდა მსოფლიოს სხვადასხვა კუთხე-კუნჭულიდან წამოსწრაფებულ დეპეშებს. ჯორჯ გორდონ ბაირონის სულისკვეთებით გაფიცებული უწყებანი მოქროდნენ სამეზობლოდან, მახლობელი ევროპიდან და აზიიდან თუ შორეული აფრიკა-ამერიკიდან, ავსტრალია-ანტარქტიდი-დან. მეტი წილი მათი ავტორებისა რიგითი ხალხი იყო, ალალ-მართალი ხალხი მიწასთან და ცასთან, მაგრამ თანამდგომელთა გადმოძახილს ხშირად აედევნებოდა ხელისუფლებისთვის მებრძოლი პარტიების თუ ხელისუფლების შენარჩუნებისთვის დანაცრული ფუნქციონრების ხმებიც, და ამ დროს ამდენი პროტესტისგან ლამის გასაქცევად გამზადებული ბელადის საუფლოდან ფაზისის ღვართქაფავით წამოგლურჯუნდებოდა ცოტნეს თავაწეული შთამომავლობა:

„თქვენთან არის სრულიად სამეგრელო!“ და მოედანიც მეთათსედ აიტაცებდა ნებისმიერი ზღუდის დამანგრეველ სიტყვას:

— სა-ქარ-თვე-ლო!

მომიტინგეთა ნაწილს დიდი ვეზირის იმედიც ასულდგმულებდა:

„ბერლინის კედლის დამნგრევს, ავღანეთის ომის ამლაგმავსა და საერთაშორისო განიარაღების შემოქმედს“ უსაზღვრო რწმენით მისჩერებოდნენ. ალალმართლად სწამდათ, რომ მის სამშობლოს ორთავიანი არწივი კლანჭების გაკვრას ვერ გაუბედავდა, მაგრამ ნათქვამია, ხალხი ბჭობდა, ღმერთი — იცინოდაო და ზევისის წყვილნიკარტა ფრინველის მოკიჟული თვალები უფალმა უწყის, რა ფანდებს ჩხიბავდა რუბიკონისკენ დაძრული საქართველოს შესანარჩუნებლად.

გარდაქმნის სატყუარა, რომელიც ფარეხის ჭერზე ჩამოკიდებულ, კატაჩასმულ გუდას ჰვავდა მოსახლეობის შემაქცევრად, ჯერაც ფერადი ილუზიებით კვებავდა კონსერვატორული აზროვნების ადამიანებს, ამიტომაც ყოველგვარ ექსცესს გამორიცხავდნენ ისინი.

— მართალია, უსანქციო, მაგრამ მშვიდობიანი აქციის დასათრგუნად ოფიციალური მთავრობა ძალადობას თუ მიმართავს, ბოლო წლების მონაპოვართა ყლორტების ზურგში ლახვრის ჩაცემა იქნებაო, — მსჯელობდნენ ხანდაზმულნი, ჭარმაგნი, მაგრამ ახლებს ამ „ყლორტების“ არა თუ დანახვა, გაგონებაც არ უნდოდათ. ვითარება კი დღითი დღე რთულდებოდა. უბედურების წინაღულს ქართველი ინტელიგენციის ნაწილის თხოვნით მთავრობა გარკვეულ დათმობაზე წავიდა — დიალოგი გაემართა მანიფესტაციის ორგანიზატორებთან, მაგრამ შარშანდელი ნოემბრის აღთქმებით ჩალაგამოვლებული პირი ჯერაც ემუშხებოდათ ეროვნული მოძრაობის სულისჩამდგმელებს და კონფორტაციამ დაძაბულობის პიკს მიაღწია.

რადიო-ტელევიზიის საეთერო დრო, პერიოდიკათა მეწინავე თუ პერიფერიული სივრცენი მთლიანად, სავსებით მანიფესტანტების ფსიქოლოგიურ შეტევას დაეთმო. მენტორული ტონი, თითის ქნევა, ჭკუის დარიგება თუ მუდარა განუწყვეტილვ ცვლიდა ერთმანეთს. ძველი ბოლშევიკები, სოციალისტური შრომისა და სამამულო ომის გმირები, კულტურისა და ხელოვნების უმაღლეს ჯილდოთა ლაურეატები ერთსა და იმავეს ჩასჩიჩინებდნენ ამხედრებულებს, რათა დროზე მოგებულიყვნენ გონს, ქაოსითა და ანარქიით მოცული ქვეყანა უფსკრულში არ გადაეჩხვათ.

თოთხმეტ აპრილამდე ექვსად ექვსი დღე რჩებოდა და ხელისუფლებას სწორედ ეს აშინებდა, ვინაიდან ათი წლის წინ თავგანწირვით მოპოვებულ ენობრივ თვითმყოფადობას, შესაძლოა ლოკალური პროტესტისთვის წარმოუდგენელი მასშტაბურობა მიენიჭებინა, და შემდგომ, სიტუაცია აბსოლუტურად უმართავი გამხდარიყო. ამიტომაც ჩქარობდნენ, ამიტომაც სულსწრაფობდნენ. არაფრით უნდა შეხებოდა თოთხმეტი აპრილის თავადერილ ხსოვნას უსანქციო მანიფესტაციის სულისკვეთება. არადა, ამგვარ სიტუაციაში მოქმედების გამოცდილება ფაქტობრივად აღარც ხელისუფლებას გააჩნდა. ადრე, ცხრაასოცდაერთიდან მოყოლებული, ორთავიანი არწივის ჯარისკაცები აღასრულებდნენ შავ სამუშაოებს: ცხრაასოცდაოთხის მემამოხეთა ჩონჩხის კარკასზე აღიმართა მოგვიანებით პრერიას ლომისფერი მთავრობათა სასახლე და კიდევ ოცდაჩვიდმეტში სათითაოდ თუ ჯგუფ-ჯგუფად დამხობილი უქლაგებსა და ვეტლაგებში, და კიდევ ორმოცდათექვსმეტში მტკვარში გადაყრილი სტუდენტობა, პატივყრილ ბელადს რომ გამოესარჩლნენ, სწორედ მათი გასალეწი კალო იყო განუკითხავად.

დიდი ვეზირის გამოცდილება და გამბედაობაც დიხხაც აკლდა ჯიჰონაიების დისშვილს, თორემ საქმეს აქამდე არ გაართულებდა, პირადად ჩამოვიდოდა მოშიმშილეებთან, მაგრამ როგორც მოგვიანებით გამოითქვა აზრი, ამისთანა შემთხვევაში მას კეფაში ტყვია ელოდა.

ყველაფერი ისე იყო გათვლილი, რომ მიტინგის მაჯისცემა მაინცდამაინც ძალადობის ფაქტორს უნდა გაეზომა, რათა შემდგომში ორ-

თავიან არწივს ჰქონდა მცირესთან მოსინჯული გამოცდილების განზო-
გადობის საშუალება.

თვით საქართველოს კათალიკოს-პატრიარქის, წმინდა ილია მეორეს
მობრძანებაც და ლამის მუდარაგარეული ხმით მოწოდება თვინიერებისკენ,
ხუთი თვის წინ დასილაქებული მარცხენა ყვრიმალის სანაცვლოდ მარცხე-
ნას მიგებება უფრო ლაზათიანი ალიყურისთვის, კედელზე ცერცვის შეყრას
დაემგავსა. მიკროფონი ააცალეს ხელიდან და ახლა წერეთლის ბიჭი აღას-
რულებდა „მამაცო ჩვენოს“. ერთ რეგისტრში მოქცეული ეს ხმა აცხცახებდა
ტროლეიბუსის პარალელურ მავთულებს, ჭადრის ბურთულებს, რამდენიმე
დღეში ცვენას რომ დაიწყებდა და თბილისის ქუჩებს ცხინკებითა და თვალე-
ბის ქავილით აავსებდა.

ოდშელისას საგამი არ არის მოცალეობა აპნისის რეჟიემის სრულყო-
ფილი ფსიქოლოგიური ტილოს შესაქმნელად, ჩვენ ზედაპირზე მოელვარე
აისბერგის კონცხს ვესათუთებით, მაგრამ ატმოსფერო, რომელიც შინაგანი
თუ გარეგანი ძალების ურთიერთჭიდილში ჩამოყალიბდა სახნისის აფხიანე-
ბისთვის ცერზე შემდგარი თვის პირველ მესამედში, დიახაც ხასიათდებოდა
მათეს სახარების მეთექვსმეტე თავის მეთვრამეტე მუხლის პათოსით.*

გავა წლები და კვეკვე ანთარისთან ერთად მთელი საქართველო ათას-
ნაირი ინტერპრეტაციით გააშუქებს საკრალური ცხრიანის სიმბოლიკას,
როგორც ტრამპლინს რიცხვთა უსასრულობის სიმფონიისკენ, მაგრამ რო-
დესაც ყველაფერი სასწორზეა შეგდებული ერის საბოლოოდ გამოფხიზლე-
ბისათვის, დიდგორთა მონაპოვრების ფონზე ჭრილობათა წკავწკავი ნამეხა-
რი ტოტების კვენსაა მარტოოდენ, ხვალ-ზეგ ასჯერ და ათასწილ უკეთესი
გაფურჩქენა რომ ელის. ჰოდა, ამ აღტკინებით ცეკვავდნენ ქალ-ვაჟები ბრმა
გოგონათა ფანდურების ჟღერიალში. ვილაც სალამურს არაკრაკებდა. შეწ-
ყობილი ტაში ჭრელ შალითებში გახვეული ფერმიხდილი მოშმშილეების
ქუთუთოებს აღახელდა.

— დაუკარით, რომ ამ ხანჯალს ელდა ეცეს, — კვენსოდა სასოწარკვე-
თილებისა და აღმადრენის ზღვარზე შეგდებული უსინათლო ასულის სუ-
ლი. მას არასდროს ეხილა ქართული ცის მშვენება. სახითდა გრძნობდა სამ-
ხრეთული მზის ლამუნს. ვერც ამ უვარსკვლავობას აღიქვამდა. მთიები გა-
დაკარგულიყვენ შორს, შორს, რათა მოსალოდნელი ხიფათისთვის თვლი
აერიდებინათ, ან უმწეო აღამიანების დასახსნელს რას მოიმოქმედებდნენ სი-
ნათლის წელიწადებით დაშორებულნი?!

— ცხრა ლახვარი რომ დამარტყან ცხრაჯერ გულში, — მოთქმასავით
იყო საგალობელი ესე.

მომიტინგეთა დასარბევად გამოგზავნილი ქალაქის მილიციის სპეცდანიშ-
ნულების ჯგუფის წევრებიც ნიკაპათროლოლებულნი შეჰყურებდნენ ამ გული-
სამაჩუყებელ სურათებს. გარკვეული მიზნით მოსულიყვენ ისინი — მოედ-

ნიდან გაეყარათ აქციის მონაწილენი, მაგრამ როგორც კი არსებული ვითარების შუაგულში მოექცნენ, სისხლის ყვილმა აჯობა სამსახურებრივ მოვალეობას და ის სამასი მილიციელიც ამიერიდან ერისშვილთა სიცოცხლის მოდარაჯებად ჩათვლება და როდესაც ხელისუფლება დარწმუნდა, საკუთარი ძალებით ექსტრემისტებისგან მთავრობათა სასახლის მისადგომების გაწმენდა შეუძლებელი იყო, ორთავიანი არწივის მოკიყულ მზერას მიაჩერდა და აქამდე მძინარე რომ ეგონათ, მოყვითალო ქუთუთოებიდან სისხლიანი შუქი გამოსხლტა, სამართებელზე ბასრი და ჭიშტის თოვლზე ცივ-ყინულიანი.

თითქოს სარკის ანარეკლიაო, თავებმა გაზომეს ერთმანეთის იერი. ნისკარტზე მომდგარი ნერწყვი გადასცდა ორივე სასას, ხოლო ვარდისფერი, მომცრო ენები დაიგრინენ სისხლს მოწყურებული ნეტარებით და თვალებმა გაკვესეს ბელადის ხელის მიმართულებით. გაცემგადა, გაასმაგდა მათი ბრჭყვიალება.

ანთარიების ბინა ნახევარი საათის სავალზე იყო. გახუნებულ პალტოში გახვეულ დაღუს ძვალ-რბილში რომ გაატანა შუალამის სუსხმა, ელბაქიდის ქვაფენილიან დაღმართზე დაეშენენ, იმ მოსაზრებით, რომ ცოლი შინ დარჩებოდა, ხოლო მერომანე ჩვენი გათენებადღე უთანაგრძნობდა შესამჩნევად შეთხელებულ მამულიშვილურ თავყრილობას.

აენთო შუქი ფანჯრებში და კვეკვე ანთარიამაც ფეხს აუჩქარა, მაგრამ მას, როგორც ოდიშელიას, ბედად არ ეწერა ორთავიან არწივთან უთანასწორო შერკინების პერსონაჟობა. მოედნის გუფუნმა და გაურკვეველი შინაარსის ხმიანებამ მთელი სხეული დაუსუსხა.

თავქუდმოგლეჯილი გამორბოდა ორმოციოდღე წუთით მიტოვებული თვისტომისკენ, მაგრამ მისი ბრწყინვალეობა ვერასდროს იგემებდა ორმხრივად ალესილი ნიჩბების ცელისმაგვარ სივილს, და ვერც ჯვაროსნებისდროინდელი ფარებით ჭყლეტაში წაუსწრაფდებოდა ყანყრატოდან სული, და ვეღარც „ჩერიომუხისა“ და „სიესის“ სამსალათი დაეზაფრებოდა სამამულე ფილტვები.

აღმამქროლი კვეკვე ანთარია ფოთოლივით გამოიტაცა უკან ფეხშიშველმა, ტანსაცმელშემოფლეთილმა და თავპირჩამოსისხლიანებულმა ბრბომ, ისე რომ, საქმის ვითარებაში გარკვევაც ვეღარ მოასწრო, თუმცა თანამემამულეთა შეჭირვებული გარემოცვა გუმანით აღაქმევინებდა საერთო უბედურებას.

სიტყვით აღუწერელი განცდა ჯიშ-ჯილაგის სხეულით გადმოცემოდა მის ცნობიერებას. მწუხარებასთან და ამოუყრელ ჯავრთან გადაწული შინაგანი თრთოლვა უხილავი არტერიებით აუხმაურდა გულში. ჩვენი მერომანე ოტებულები მრევლის გვარგვასმა წააფოფინა მტკვრის მარჯვენა სანაპიროსკენ, დაოთხილი ცხენების რემას თქარათქურით რომ გაურბოდა ჯვრაც გაუცნობიერებელ განსაცდელს.

მხოლოდ დილით, კომენდანტის საათის ჭანგებში მოქცეული ქუჩების

ლაბირინთებში გაიკვლევდა გზას იგი ნიჩბებით აკუწული მოედნისკენ და ქაშუეთის ეკლესიის წინ გორაკებად დახვავებული ფესხაცმლების მნახველს, გულამოსკვნით ააქვითინებდა ელიოტის ლექსის ნაცრის გარემო.

ცხრა აპრილის ამბებმა როკის ტბიდან მობრუნებულს მოუსწრო სვეტლანას ბინაში. ლუდოედს და სკარპიონს პოდპოიანსების ადათისამებრ აუგეს წესი.

აძიუბუელ ძუძუძუტეებთანდა მიხვდა ოდიშელია რისთვის გაურბოდა თურმე დიხამინჯიას მღვერებს. მიმალვას იგი ზუგდიდშიც ჩინებულად მოახერხებდა, მაგრამ შინაგანი ხმა კომპასის მაგნიტური ისარივით სულ ჩრდილოეთით და ჩრდილოეთით მისაწრაფებდა. რა იცოდა, თურმე ვასია ზატოჩნიკისა და ვალერი გლატკოვის სულელები მოსძახოდნენ ძმაკაცს შეუბრალებელი შურისგებისათვის?!

გაყინულ ტბაზე სწრაფი ქარი თოვლის თხელ საფარს მიაბორიყბდა. ბურღებით გადასულმა ბიჭებმა ჭა გაამზადეს. საფრთხე მოახლოებული სკარპიონი ნამდვილი მორიელივით ღვანკალებდა, მაგრამ ლუდოედი წარბშეუხრელად იჯდა მანქანის უკანა სალონიში ორ ახმასს შორის, და სრულებით არ ჰგავდა პიროვნებას, რომელიც მუხლებში ჩაუფარდებოდა მტერს ნაჩუქარი სიცოცხლისათვის. დარღასაც რომ არ შეეწირებოდა ეს დაძარღვული კაცი, იმთავითვე ნათელი იყო. არ უმზერდა როკი შურისძიების აღსრულების დეტალებს. თავიდან სკარპიონის გლატკოვისებურად მოკვდინებას ლამობდნენ, მაგრამ მწვალებლობა მის ბუნებას არ ესადაგებოდა.

მტერია?! დაჯახნე, მაგრამ ნუ დაამცირებ!

ამ პრინციპისთვის არასდროს უღალატნია ოდიშელიას. მთელი ექვსი თვე სხვისი პასპორტითა და სახით დადიოდა როკი. როგორც იქნა, მიუწვდინა ხელი ბოროტებას. დასრულდა სკარპიონის ამაო ორთაბრძოლა. დადგა ლოუდოედის ჭერი. ღირსეულად მოაბიჯებდა ტანბრგე ბიჭებს შუა და როდესაც ოდიშელიას „მერსედესს“ გაუსწორდნენ, სალონის უკანა სავარძელში მოკალათებულმა როკიმ მოიძრო ნიღაბი თავ-კისრიდან.

— პანტერა! — ამოიგმინა ლუდოედმა და ბრასლეტიანი ხელებისკენ თავი დახარა, მოკაკულ სალოკ მარჯვენა თითს კბილებით ჩააფრინდა.

ადამიანის სიცოცხლის ხელყოფა არ იყო ოდიშელიას სულიერი ტკობის საგანი; გნებავთ ზღვა სისხლი მართებოდა, დაღეწავდა მუშტებით დამნაშავეს, ხერხემლის ამართვა რომ გამწელებოდა იჭობამდე და მიატოვებდა ასე, მეთევზეთა ჩვეულებისამებრ შხამწართმეულ ზღვის მორიელსავით, მაგრამ ლუდოედის სადიზმის დაუსჯელად დატოვება სატანას შემწყნარებლობას ნიშნავდა მომავალ თაობათა საზიანოდ; ამიტომაც ძარღვის აუტოკებლად გაადევნა ბოლომდე თვალი, თუ რანაირად ჩასრილდა ყინულის ჭაში, ფეხებზე პანტელებგამობმული კაცისპამია. იგი ბოლომდე ერთგული დარჩა თავისი ტიპაჟისა — ერთი ყინულზე ქამარში ძალყინგარჯობილი.

ამგვარი მასტები როკის და ტრამალის მგელის ტოლფარდები არიან.

სანამდის ძალუძთ ძალაყინით დაუჩიქვავენ თავებს მოშურნეთ, და თუ სი-
ცოცხლის შენარჩუნებისა ყველა იმედი გადაეწურათ, დაჰკრავენ იმ ძალაყინს
ფეხქვეშ დრეკად ყინულს, და მასთან ერთად ჩაიტანენ ფსკერში მეტოქეთა
ლაშქარს.

სვეტლანას მშობელი ქალიც გარდაცვლოდა. ძმას დიდძალი თანხა წა-
ეგო და წელიწადნახევარია თურმე მისი ჩამიჩუმე არ ისმოდა. მარტოხელა
დედის მძიმე ჭაპანს შეებოდა და ამ ნახევარ წელიწადში იმდენი მოახერხა ან-
დრონიკოვების ასულმა, მატროშკიდან ამოყვანილ ძამიას მიაართმევდა საჩუქ-
რად დაუდგრომელ კონსტანტინეს.

ცხრა აპრილის ამბებმა მოკაკვული სალოკი თითი ლამის კბილებით გა-
დააკნეტინა ოდიშელიას. შუბლზე მუშტს ირაკუნებდა ფანჯარასთან მიმდ-
გარი და ისე დასცილდა ბავშვატატებულ ქალს, სიტყვა არ დასცდენია. ორ-
მოცდაათიანების დასტა სათამაშოებისკენ გააქანა პატარამ, მაგრამ ილაჯგაწ-
ყვტილ სვეტლანას შვილის გამოდევნების ღონე წართმეოდა, რათა უსაზღ-
ვრო ერთგულებისთვის გადმოგდებული სახრავი ძვალი მაინც შეენახა საი-
მედლოდ.

კილომეტრთა ათასეულები ზურგს უკან იყო. თეთრი „ოცდაოთხით“
შემოსრილდა ყინულეთიდან ედემის ბაღში.

თბილისში უკვე კომენდანტის საათი მოეხსნათ. აფხაზური ხვიშტირი-
კებიც რამდენადმე მიწყარებულიყო, ოკეანეში ზეთგადაღვრილ ტალღები-
კით.

ოჯახის ნოსტალგია, ღვიძლი ადამიანების ცხრა თვიანი უნახაობით დაგ-
როვილი ბოღმა და ნალველი როკის ჩაჩრილი ბურთივით აწვებოდა ყელში.
მანქანაში ორდღიანი ყურყუტისგან სხეული კუნძივით გახდომოდა. საბურავ-
მა მხოლოდ ერთხელ უმტყუნა გზაში, ასე რომ, აძიუბყელი ავიძებების ჭიშ-
კართან მიმდგარს ერთი სული ჰქონდა მისთვის უჩვეულო მოთენთილობას
როდეს ჩამოიშორებდა.

მოსკოვიდან ჩამოფრენისას დრანდაში შემოგვებულ დამხდურებში ავიძ-
ბები სრული შემადგენლობით იყვნენ. ამის თაობაზე ადრე გვითქვამს გაკვ-
რით. მაშინ ვერაფერი უსახსოვრა ოდიშელიამ მორდუს, მარცხენა მხარზე
ამბორის მეტი, ახლა კი სვეტლანას წყალობით, თითოეულისთვის მოსაკით-
ხი ცალ-ცალკე შეეფუთნა პოლიეთილენის პარკით ჯერ კიდევ როდის.

არეულობებით ძარღვებაშლილმა ოჯახმა ორმაგად გაიხარა.

მორდუშვილებმა ჯინსები დაინაწილეს;

რძლებმა საკაბეები შემოიხვიეს ტანზე სარკის წინ;

ბავშვები თოჯინებსა და სათამაშოებს დახარბდნენ მოსკოვურ სატკბა-
რუნებლებთან ერთად;

ისარივით ხერხემალსწორმა, ჭროლათვალემა მოხუცმა, ინალ ავიძბამ,

ფერფლისფერი კარაკულის ბოხოხი შეიშნოვა ყალიონისა და ქისის თან-
ხლებით.

— რა ხდება, ნანაგე, შენებისთვისაც დაიტოვე რამე, — თავზე ხელს
შემოავლებდა შვილობილს ალერსად დაღვრილი მარშანიების ტანსრული
ქალი.

— არც მაგენია დავიწყებული, მორდუ. ზედმიწევნით ავუწერე შენი
აღნაგობა და თუ ყველაფერი წესიერად მოგერგო, ბარაქალა მას! თქვენ, უბე-
დურებს რა გამოგიღევთ აფხაზ და ქართველ დედებს, ამიტომ დროა, შა-
ვებს ერთხელ და სამუდამოდ შეაქციოთ ზურგი. რუსეთის არ გვეგონოს,
ფრანგულია, — ღიმილით მიაწოდა ქვიშისფერი კოსტუმში და ქვედა ტანი,
სადა, მაგრამ ამავედროულად მიმზიდველი. კოპლებიანი პერანგიც იქვე მოპ
ყებოდა. ამას ზედ ლაკის დაბალქუსლიანი ფეხსაცმელიც დაადო და სიხა-
რულისგან სახეგაბრწყინებულმა მანდილოსანმა ოდიშელის თავი მკერდზე
მიიკრა.

— სქან სანთლო, ნანაგე,* რა მაკლია მე ჩემი ბიჭების პატრონს, მაგ-
რამ შენს მორდუს ამით გაამგზავრებენ შორეულ ქვეყანას, იცოდე. აბა, გო-
გონებო, დავტრიალდეთ, თორემ რესტორანისკენ გაიტაცებენ როკის. დღეს
უცხო კაცი არ დამანახოთ ოჯახში, თუ გიყვარდეთ, — უთხრა ბიჭებს, — ერ-
თხელ მაინც მაღირსეთ მონატრებულთან ადამიანური დასაუბრება, — მარ-
შანიების ქალი მკერდთან მიხუტებული საჩუქრებით აივანზე გამოშლილ
რძლებს მხარზე ხელის თათუნით სამზარეულოსკენ გაუძღვა.

ჟენია ქირხემ და მარშანიების ქალმა, ვერამ, ლიძავაში გაიცნეს ერთმა-
ნეთი. ქმარ-შვილებით ჩამოსულიყვნენ დასასვენებლად კურორტში. ორივე
დედაკაცი ორდენოსანი მეჩაიე იყო და უფასო საგზურებს გამოჰყოლოდნენ.
კაცებმა დააბინავეს ცოლები გვერდიგვერდ ოთახებში თუ არა, თავთავიანთ
ოჯახებს მოუბრუნდნენ, ქალები კი ხელად გადაენასკვნენ ერთურთს. ანატო-
ლი და გივი ხუთ-ხუთი წლისანი იყვნენ, ხოლო როკი და დაური ჭერაც ძუ-
ძუს ალლაჰუნებდნენ. კოლხმა მანდილოსნებმა მალე აუღეს ალლო საკურორ-
ტო პირობებს: როცა ჟენია საჭმელს ამზადებდა, ღომს ათუხთუხებდა საერ-
თო სამზარეულოში და ბაჟას კმაზავდა სუნელებით, ვერა ოთხეულს დაფოფი-
ნებდა თავზე, უცაცხანებდა ჩიტირეკია მოზრდილებს და აპურებდა მეძუძუ-
რებს; ან როდესაც სააბაზანოდ მიდიოდა მარშანზე თავხოტორა ბიჭებით,
გაუმიძღარ ჩვილებს ქირხე იტოვებდა და შეხმატკილებულებს თვალსა და
ხელს შუა შემოდანათ ოცდაოთხი დღე. მიატირეს კიდევ ერთმანეთს აძიუბ-
ქასთან განშორებისას. იქიდან მოყოლებული წელი როგორ გავიდოდა ავიძ-
ბები და ოდიშელიები ერთად არ შეყრილიყვნენ ჭირსა თუ ლხინში?! მართა-
ლია, მესამე ვაჟიშვილების შექმნამ ორივე ოჯახს საზრუნავი მოუმატა და
ძველებური მიმოსვლები რამდენადმე შენედა, მაგრამ ძაკა ოდიშელის
გასვენებაზე მთელი ავტობუსი ხალხით ჩამოვიდნენ ავიძბები, გვირგვინითა

და ყვავილებით მიაგეს პატივი ვალერიანის მამის ხსოვნას. ასევე წრფელი ცრემლი დააკურა ოდიშელების სანათესაო-სამეზობლომ ჰაკი ავიძბას. ქორწილებში ოჯახებით პატიჟობდნენ ერთურთს ხოლმე. ფული — ფულად, ძღვენი — ძღვენად. ერთ ზაფხულს ზუგდიდში რომ ჩამოვიდოდნენ ანატოლი და დაური, მომდევნო აგვისტოს აძიუქბაში მიემგზავრებოდნენ გივი და როკი. დაური და ანატოლი თავიანთი დროის შვილები იყვნენ როკი და გივივით, ამიტომაც იქცა ციხე მათთვის მეორე ოჯახად. პირველი პატიმრობისას ანატოლი ერგეტაში თუ იმალებოდა წელიწადზე მეტ ხანს, სამხედრო სამსახურს თავარიდებული როკი აძიუქბელ ძუძუმტეებთან შეიტკობდა თვეობით მორდუბის მადლს. ასე გადაწვნიდა ოდიშელების საწუთრო ავიძბების ყისმათს. მაგრამ მაცილიც ხომ ხვანჯავს ბილიკებს ქვეყანაზე მაცხოვრის კეთილმოსაქმეობის მხარდამხარ და ორი ოჯახის უზადო მეგობრობა და სიყვარული რას გაწვდებოდა ჭრელი ბრბოს მოშხამულ გულს?! ფართე აივანზე ისხდნენ კაცები. უყვარდა როკის ჩამავალი მზის აქედან თვალთვალი. სულგანბული უმზერდა ხოლმე წითელ ამრას, ხეების ლანდებს რომ გაიყოლებდა ახმაურებული ზღვისკენ. მანათობელი დასალიერისკენ გადაქანებულიყო ახლაც. ბალანასლექილ ხბოებს ბომბორა ძაღლი დააკუნტრუშებდა ეზოს კილითკიდემდე.

ოჯახის უფროსს ნაჩუქარი ყალიონი გაემართა და თამბაქოს კვამლში გახვეული, პლაკუნით ელაპარაკებოდა მორდილს:

— დიდი უბედურებაა მომწიფებული ჩვენს თავს, როკი, შვილო. ჩვენმა ოჯახმა ალალმართლად აუნთო სანთლები ორი კვირის წინ ქართველ ქალვაჟთა ზეცაში ასულ წმინდა სულებს, მაგრამ ჭირის დამალვას რაღა აზრი აქვს. როგორც შევიტყვე, ზოგან ღობის ჩხირად მიუჩნევიათ ეს ტრაგედია. ჩემი წინაპრები კავკასიის ქედებიდან ჩამოსულან საუკუნეების მიღმა, რამდენადაც პეპერასაგან ვიცი, მაგრამ აქ ავიდგით ფეხი, ენა. ჩვენი ქალები თქვენ გყავთ რძლებად, თქვენი — ჩვენი ჭირის მკურნალები არიან და როგორია უცებ აფსუა-სეპარატისტის ბრალდებით გარეკვა მოგინდომონ ნაჯაფარი ეზო-კარიდან? ცხრა აპრილის უბედურებას ჩვენ გვაბრალებენ. აფხაზებს და ქართველებს გასაყოფი არაფერი გვაქვს ამ ცის ქვეშ, სხვები რომ არ გვიმღვრედნენ წყალს.

— საქმეც ეგ არის ინალ, ბიძია, — თქვა ოდიშელიამ, — ვიცით ჩვენც, ვინ, რომელი ამღვრევს მდინარის სათავეს. მღვრიე წყალში კი თევზის დაჭერა ადვილია. მე, ანატოლს და დაურს ეგ პრობლემა ნაკლებად გვაღელვებდა ხუთი, ათი, თხუთმეტი წლის წინ, მაგრამ დღეს სიტუაცია გაცილებით გართულებულია და მეტი წინდახედულება გემართებს დიდსაც და პატარასაც.

— რომელ ერს ულხინს ამ ქვეყანაზე, მაგრამ ჩვენსავით ნატანჯი ხალხი მეორე არ იქნება მსოფლიოში, როკი, შვილო. დაახლოებით ასათი წლის წინ, სოხუმიდან კელასურამდე დახოცილი საქონელი ეყარა თურმე ყოველ ფეხის

გადადგმაზე. მძორისგან ყარდა ჩვენი ცა და მიწა. აქა-იქ დაინახავდით ბორ-კილდადებული, განგმირული აფხაზი ვაჟკაცების გვამებს. თურქებმა ვერ მოახერხეს თურმე დიდძალი პირუტყვის გაყვანა და ისევ აფხაზებს დაახოცივნეს. რუსებს მაინც დარჩენიათ ორმოცდაათი ათასი სული, რომელიც წებელდას გზით გაურეკიათ თავიანთკენ.

ცხონებული მამაჩემი ყველაფრის მომსწრე ყოფილა. ათი წლის ბიჭს რა უნდა დავიწყებოდა. რუსეთ-თურქეთის ომის დროს აფხაზს არავინ ექომაგებოდა ამ დუნიაზე. მედიკამენტებს ვინ ჩივის, თუჯის ქვაბებიც კი არ ემეტებოდათ მათთვის, ვინძლო ზღვის წყლისგან მარილი არ მოეხადათ. ერთი კილოგრამი მარილის მოპოვებას მთელი დღე უნდებოდნენ თურმე ჩვენი დედაკაცები. კვამლისგან და მზისგან ზანგებს ემსგავსებოდნენ. გსმენია შენ მუჰაჯირებისგან გულსაკლავი სიმღერა „შიშნანი“. იქ ყველაფერია ნათქვამი ჩვენს უკუღმართ ისტორიაზე. როგორც მამა მიყვებოდა, თორმეტ აგვისტოს ბათუმს მისდგომია საბერძნეთის გემი, რომელზეც ათასორასი ქრისტიანი მუჰაჯირი აფხაზი იმყოფებოდა. მათ სარწმუნოებამაც ვერ უშველა, მიუხედავად თხოვნა-მუდარისა არ შეიწყარეს. მეფის სტრაპეტის ბრძანებით სამხედრო ბუქსირით კვლავ თურქეთის ნაპირებს მიაყენეს, მაგრამ ახლა თავად თურქებმა დაიფრინა ქრისტეს რჯულისთვის თავდადებული ხალხი, სროლა აუტეხა და რვა სექტემბერს ღამით მალულად, ბათუმისგან ოცი მილის მოშორებით გადმოსვეს თურმე ფლატეებზე.

სად არის სასმელი წყალი, სანოვაგე. დედებს ძუძუთა ბავშვები აქამდეც ეხოცებოდათ გემზე, მაგრამ ზღვაში ვერ ყრიდნენ თავიანთ ანგელოზებს, ჭინჭებში გახვეულებს უმალავდნენ მეზღვაურებს, სანამ დიდ-პატარას აყროლებული გვამის სუნი არ შეაწუხებდა. ასე დაწაწალებდნენ მუჰაჯირები თურქეთსა და სამშობლოს შუა. იმ ათასორასიდან ასსამოცდათვრამეტი გზაში დაღუპულა, ორს გაქცევით უშველია თავისთვის და რვაასიოდე გაწამებული ადამიანიდა შეუწყალებია მეფის რუსეთს.

უარესი ზვედრი ერგოთ საძებს და უბიხებს. მ ისინი მთლად აღიგავნენ მიწის პირისგან. ასე დაეხეტებოდნენ კარდაკარ ჩემი ქრისტიანი მუჰაჯირები. ლუკმა-პურს უყოფდნენ მათ თურმე თვითონ ნახევრადმშვიერი გურულები და მეგრელები. გვარად ბაბილუა დედაკაცის გლოვა სიკვდილის კარამდე დაახსომა ცხონებულ მამაჩემს:

ო, საწყალო, მუჰაჯირო, რა დაგემართა, რატომ გაიჭირვე, შენი ქვეყნიდან ვინ გამოგაძევა, სხვის ქვეყანაში რისთვის იტანჯებო, მოსთქვამდა თურმე ის ღვთისნიერი.

ნუ გეშინია შვილო, ჰაკი, მიხვალ შენს ბუღეში, განაახლებ კერიას, რუსს არაყს დავაღვივებ, ისე გამოვბრუყავ, მთელი კავკასია რომ მოპარო, ვერ გაიგოს. ღმერთო, დიდებული, თუკი სადმე მკვიდრობ, თვალებს რატომ უხუჟავ ამ უსამართლობას? გულს ნუ გაიტეხ, შვილო, ჰაკი, ხომ ხედავ შენი საცოდაობით კიდევ ვტირი და კიდევ ვჭვითინებ. თავზე ლაფი გადასხმოდეს

რუსის რიჟამ ხელმწიფეს, ლახვარი და ბორზალი მის უძლებ გულსო, იტყო-
და ამას და ოთხმოცდაათს მიტანებული ქალივით ატირდებოდა.

რიგითი ადამიანებისა და მთავრობის გაიგივება არ შეიძლება, როკი,
შვილო. რამდენად კეთილია გლეხიკაცი, იმდენად ბოროტია მეფე და მისი გა-
რემომცველი წრე. ასე იყო ოდითგან და ასე არის ახლაც. აფხაზებს რუსის
ჯარში რომ არ იწვევდნენ, რაიმე შეღავათებისთვის კი არა, უნდობლობის
გამო. ქართველებს კი რამდენიც გნებავს და ზოგი ჩემი წინაპარი, ქრისტი-
ანი აფხაზების დედაბუდიანად აყრას იმათ მიაწერს, მაგრამ რამდენად მარ-
თალია ეგ, უფალმალა უწყის.

— ნაძირალები ყველგან ურევია ინალ, ბიძია, მაგრამ ქართველი კაცის
ბუნებაში არ ზის სხვისი დაჩაგვრის, სხვისი დამონების მიდრეკილება. იქნებ
პირიქით იყოს საქმე. გაგონილა ასეთ პატარა ქვეყანაში ასამდე ეროვნების ადა-
მინია თავმოყრილი. ებრაელები ოცდაექვსი საუკუნეს საქართველოში ცხოვ-
რობენ, მაგრამ ვინმეს სმენია მათი შევიწროვების ამბავი?! ზედმეტად დამთ-
მობი ბუნება ჩვენი, ქრისტიანული ტრადიციების ნაყოფია. მაინტერესებს
ცხოვრობდნენ თუ არა ზანგები აძიუბუქაში ოდესმე?!

— ოცდაათიან წლებში რამდენიმე ოჯახი დამკვიდრდა. ლტოლვილები გახ-
ლდნენ, ბუნებრივი სტიქიით დაზარალებულნი, მაგრამ მალე დაბრუნდნენ სამ-
შობლოში. საიდან მოგაგონდა? — ჰკითხა როკის გაცეცხულმა ინალ ავიძბამ.

— საიდან, ინალ ბიძია და თქვენს მწერალს, აზიზ დიოსკურს აქვს მოხ-
სენიებული მოთხრობაში, რომლის სახელწოდებაა „რასკაზ მოვეგო ზემ-
ლიაკა“.*

ერთი ახლობელი ქალი სვეტლანა კორექტორად მუშაობს
„ოგონიოკში“. მასალებს შინ კითხულობდა ხოლმე და იმისგან ვიცი. იმ
შედევრის მიხედვით აფხაზები თურმე ეთიოპელი ზანგების შთამომავლები
არიან. აფხაზს ოლონდ ქართველთან ნუ ექნება საერთო და მზად არის აფ-
რიკის კონტინენტიდან მოადგეს ჩვენს ქვეყანას. ეს იუმორი მოსათმენია სად-
ლაც იმ საშინელებასთან შედარებით, რომელიც წესით ჰუმანიზმისთვის
მოვლინებულ შემოქმედს უწერია შავით თეთრზე: შურისძიების ნიადაგზე
აფხაზი სვამს ქართველი შალიკოს სისხლს, და წარმოიდგინეთ, ზეფაშისტური
სულსკვეთების ნაჭღაბნნი ხელმოწერილია რედაქტორის მიერ მეხუთე ნო-
მერში დასაბეჭდად.

დიოსკური, რომელმაც აფხაზურის ინჩიბინჩი არ იცის, სისხლიან
ნადიმზე იწვევს მომავალ თაობებს, აქედან კი კანიბალიზმამდე ერთი ნაბი-
ჯია. ვამპირობას, კაციჰამობას მწერალი რომ ქადაგებდეს, მართლაც იშვი-
ათობაა. რატომ ვერ ხედავთ, თქვენ, ინალ, ბიძია, კავშირს „აფხაზურ წერილ-
სა“ და ცხრა აპრილს შორის?! რომ არა მისი შეურაცხმყოფელი ტონი, ჩვენი
ისტორიული წარსულის ხელოვნური დამახინჯებანი, ხომ არავინ დაჯდებო-
და მთავრობის სასახლის კიბეებზე საშიმშილოდ და ბუნებრივია, არც
შემზარავი ტრაგედია დატრიალდებოდა.

თქვენი მოსკოვური დიასპორა ქუჩა-ქუჩა დააფრიალებს ქართველების დამამცირებელ ჩმახს. ასეულათასი ტირაჟით იბეჭდება. პარლამენტარით დაწყბული, მუშითა და ყარაულთით დამთავრებული, უკვდავების წყაროსავით დაწვაფენ მის გაყალბებულ სიბრძნეს.

თვრამეტი მარტის ლიხნის დეკლარაცია, რომელსაც თურმე ოცდათორმეტ ათასმა კაცმა მოაწერა ხელი, ფაქტობრივად აფხაზების მიერ ქართველებისთვის ომის გამოცხადების ბადალია. მაინტერესებს იმ ოცდათორმეტიათას ქვას ჩემი ძუძუმტეების ოჯახიდანაც ხომ არ გვიღერებს ვინმე?

— ქართველების მადას ხუთი აფხაზეთი არ ეყოფა, — ხმა ამოიღო ნაბოლარა ავიძბამ, — ვისზე არ დაყიდეს ჩვენი მიწები. რამდენჯერ მოგვიწყვეს გენოციდი ჟორდანის მენშევიკური მთავრობიდან მოყოლებული. სტალინმა მუსრი გაგავლო, ბერია მთლად მიწასთან გაგვასწორა. ამისთანა ვითარებაში, მოგილხენია, — წალენჯიხიდან, ჩხოროწყუდან, გეგეჭკორიდან, ხობიდან, რაჭიდან, სვანეთიდან, იმერეთიდან აყარეს მოსახლეობა და სისხლგამოწოვილ აფხაზეთში დასახლეს. ასეთნაირად, ერთის განადგურებით და მეორეს აყვავებით მივიღეთ ხელოვნური დემოგრაფიული სურათი, სადაც აფხაზი ძლივს ჩვიდმეტი პროცენტი, ხოლო ქართველი — ორმოცდაოთხი. ვერ გამიგია, მაინცდამაინც ქართველი უნდა გვაჯდეს თავზე ობკომის მდივიდან დაწყბული დირექტორით დამთავრებული?!

— თანამდებობებს არ უნდა უჩიოდეთ თქვენ, წესით, ალვერ, ძმაო! — შესწორა ოღიშელიამ.

— ეგ ახლა, ამდენი დავიდარაბის შემდეგ. ვერ ამოვედით ქართველების საყვედურებისგან: ტელევიზია მოგეცით, რადიომაუწყებლობაო; თეატრი გაგიხსენით, სკოლებიო. უნივერსიტეტით ხომ მთლად თავი გადაგვჭამეს. აფხაზ ხალხს სამადლო ლუკმა არ სჭირდება. თვითონაც ჩინებულად მოესვენება სად რა გახსნას და როდის. ამოკეტავენ ლესელიძის გასასვლელს და საკუთარი მანდარინი ვერ გაგვიტანია რუსეთში. მოვა დრო და თვითონაც მშვენივრად მივხედავთ ჩვენს პრობლემებს. რაც შეეხება ხელმოწერას, მოვაწერე, აბა, არ მოვაწერდი?! გვიკამათია ამის თაობაზე ოჯახში, მაგრამ როდესაც ძმები არ წამომყენენ, ავდექი და თვითონ მოვისტუმრე ეგ საქმე. ვერავის ვათქმევინებ მე, რომ ოჯახში მტერი მიზის, საერთო საქმის მავნე და ძირგამომთხრელი.

— გამოდის, რომ შენს ჭკუაზე უნდა იაროს მთელმა ოჯახმა, თუნდაც მცდარი იყოს იგი, დამლუბველი?! ნებით თუ უნებლიეთ ქართველების პირისპირ დაგიყენებია ახლობლები, თავიანთი სურვილის წინააღმდეგ. თუკი ამნაირი ხელმოწერებია თქვენს წერილზე, ალვერ ძმაო, გასაგებია საიდან გამოგვივიდათ ესოდენ ჩაპუტყუნებული რაოდენობა, ციფრი — ოცდათორმეტი ათასი. ყველაფერს ისე წარმართავთ, თითქოს განსხვავებული პრობლემები გვქონდეს აფხაზებს და ქართველებს. კი მაფრთხილებდნენ გზადაგზა, გულაუთის ტერიტორიაზე ან რუსი დასვი საქმეზე ან სომეხიო, მაგრამ მე ჩემს

სამშობლოში ქურდულად ვერ შემოვალ. გამაჩერებდნენ და შეურაცხყოფდნენ?! ერთ ოცდაათს მაინც გავიყოლებდი უკან. დაურმა და ანატოლმა უფრო იციან ჩემი ამბავი. ბედზე მთავრობის მანქანების კოლონას მივედევნე და მშვიდობიანად ჩამოვალწვი თქვენამდი.

— მაღლობა ღმერთს! — თქვა ინალ ავიძბამ.

— რატომ უნდა გიკვირდეს, როკი, ძმაო? თქვენ რუსობა გჩაგრავეთ მართო, ჩვენ კი ორ ბატონს უნდა ვუხაროთ ქედი. შეხედე, რა დღეში არიან ჩვენი ბავშვები! აქეთ აფხაზური ხომ უნდა ისწავლონ, იქით — რუსული, დაამატე ახლა ამას ზედ ქართულ-ინგლისური და მიხვდები რანაირად კვლავთ მოზარდში ცოდნის სიყვარულს. შვილები მე თარჯიმნებად, გიდებად კი არ მჭირდება, არამედ — მეცნიერებად, ხელოვნების მუშაკებად, ტექნიკური პროფესიის ხალხად ბოლოს და ბოლოს.

მერედა, ეს ქართული სრულიად უსარგებლოა ჩვენთვის. ოქროს რომ არიგებდნენ ქართში უფასოდ, იქ ჩამსვლელ ხუთ აფხაზს ვერ მოძებნი მთელს ავტონომიაში. მეგრელებს თუ არ მოგბეზრდათ მათ დაკრულზე ცეკვა, მშვიდობაში მოგახმაროთ ღმერთმა, ჩვენ კი დაგვეხსნან. გამოაქვეყნეს ქართული ენის პროგრამა და იგი საყოველთაოდ აქციეს საქართველოს ნებისმიერი ეროვნების მოქალაქისათვის. სამოცდათვრამეტში, როდესაც რუსეთი იგივეს უპირებდა მთელი კავშირის ხალხებს, მაშინ ქართული ჯანყი ამ ვანდალური ფაქტის მიმართ პატრიოტული იყო, პროგრესული. ახლა, როცა მსგავსი სიტუაციაა, ოღონდ შემცირებულ მასშტაბში, აფხაზების ხმის ამაღლება აფსუა-სეპარატისტულია.

მოდის ინფორმაცია ჩვენამდე, რომ ავტონომიის გაუქმება უნდათო, მაგრამ ისედაც უცხონდეთ მამის სული, რაც ეგენი ღალიძგას გამოცდნენ. თქვა ლერმონტოვმა ჩინებულად:

ბეჟალი რობკიე გრუზინიომ და ირბინონ რამდენიც მოეპრიანებათ. კიდევე კარგი, ახლა მაინც არ ჰყავთ სტალინები და ბერიები, თორემ გაგვრეკავდნენ ზღვას იქით.

ოდიშელიას წარბი აუთამამდა. ცუდად ენიშნა ეს ანატოლს და საუბრის სხვა თემაზე გადატანა სცადა.

— „აიდგილარას“ ხალხმა აგირია შენ გონება, ალვერ! სტუმრის მაინც გრცხვენოდეს!

— როკი სტუმარი კი არა, ჩვენი ძმაა.

— ჰო და მიმოხედე გარშემო, ასეთი ქართველია აფხაზეთის ყოველი მეორე მოქალაქე.

— ოცდაათიან-ორმოციან წლებში რომ გაუჟუჟეს მშვიდობიანი მოსახლეობა და მათ ადგილებზე ქართველების ჩამოსახლებით გაბერეს საკუთარი რაოდენობა, იმიტომ, არა?! სტალინისათვის რა იყო ათი, ოცი, ოცდაათი ათასი კაცის ბედ-იღბალი?! ეგერ, მათ მიერ გადასახლებული ნახევარი მილიონი თურქი მესხი კარზე რომ მისდგომიათ, რას ფიქრობენ ნეტავი? არაფრომალემა ისტერიკები დაიწყეს: არა, არ მოგიშვებთ საქართველო-

შო, ყოველ შემთხვევაში იმათ მაინც, ვისაც ქართული ცნობიერება არ გექნებათო. შენ, როკი და დაური, ანატოლ ჩემო, ქურდულ სამყაროში ტრი-ალეზო, ქურდებს კი სამშობლო არ გააჩნიათ. ციხეში არ იცის აფხაზი და ქართველი, გაგაუსი თუ თურქი მესხი, მაგრამ ცხოვრება სხვა რამეა, ძმებო! სამშობლოსთვის სიცოცხლის შემანახველი ამ წამშივე მიწაში ჩამემარხოს ორივე ვაჟიშვილი! სანამ ჩვენ ჩვენი სახელმწიფო არ გვექნება, ყოველთვის ასეთი დაჩაჩანაკებული ვიქნებით.

ავტონომიას გაგიუქმებთო?! აი, დარდი! რა თავში ვიხლი მე სახრავი ძვა-ლივით მოჩვენებითად მოგდებულ ავტონომიას, ყველაფრიანად ქართზე რომ არის დამოკიდებული?! სამინისტროებში სანამ ფულს არ ჩაიტან, ხელის განძრევის საშუალებას არ მოგცემენ. ცხრაას თვრამეტში თქვენმა მენშევიკურმა მთავრობამ სისხლში ჩაახშო აფხაზეთის ბოლშევიკური კომუნა. მერე ოცდაოთხი წლის ოთხ მარტს აღდგენილი რესპუბლიკა მთელი ათი წელიწადი უმკლავდებოდა ქართველთა ფარულ თუ აშკარა შემოტევებს, ვიდრე ავტონომიამდე არ შეგვოზღულდეს სამართლებრივი უფლებები. გვექნება ჩვენი სახელმწიფო და მერე ვნახოთ!

— კი, მაგრამ ადგილობრივ მოსახლეობას რას უპირებ? — გამოექომაგა ანატოლს დაური. ძმებით მაღალი იყო ისიც, ოღონდ რკინისფერი, ფართე სახითა და ჩაჩვრეტილი ნიკაპით.

— იყვნენ ბატონო, ჩვენ არავის ვსდევნით და ვავიწროვებთ ქართველებით, ვინც აფხაზეთის კონსტიტუციას აღიარებს.

— რატომ ვარდები წინააღმდეგობაში, ალვერ? — უფროსმა ძმამ მკლავზე დაადო ხელი უმცროსს. ორივეს თანაბრად გაბანჯვლული მაჯები ჰქონდა, ოღონდ ზედას ვერცხლისფერი შეპარვოდა, — ამბობ შევიწროვებას არ ვაპირებო და უკვე ავიწროვებ. ამაზე იტყვიან: ფიცი მწამს, ბოლო მაკვირვებსო. უმრავლესობას უმცირესობამ გინდა კანონები გამოუქვედო? მერედა, პირველად არ მოგსდის, ერთხელაც ძმურად გირჩევ, ქურდული სამყაროს უადგილოდ წამოძახილს თავი დაანებე! შენ რა იცი იქაური წესების და კანონებისა, კამეჩის მაწონზე გაზრდილმა? კომკავშირის რაიკომიდან პირდაპირ ტრესტის მმართველად დაგსვეს. ჰკითხე, აბა, როკის, დაჯაგრულვართ საქართველოს რომელიმე ზონაში ჩვენი აფხაზობის გამო? გახსოვს ფეხბურთი, პანტერა?

— რა დამავიწყებდა, — თქვა ოდიშელიამ. ერთი სული ჰქონდა როდის მოუჭრიდა სიტყვას თავგასულ ალვერს, მაგრამ ადროვა ანატოლს.

— წულუკიძის ზონაში ყოფნისას ქურდებისა და არიფების გუნდები შევეჯიბრეთ ერთმანეთს. ასეთი ტურნირი იშვიათად იმართებოდა და ორივე მხარე საქმეს სერიოზულად მივუდევქით. იმათ თავიანთი მასტის ხალხი გამოიყვანეს მინდორზე, ჩვენ — ჩვენი რჩეული ბიჭები. ფოსტა გამაზულია. პანტერა, როგორც ყოველთვის, თავისთვისაა, მაყურებლის როლში. დაური მარცხენა ფრთაზეა გარემარბად, მე მარჯვენაზე. თამაში ჩინებულად აეწყო. სამი ბურთის სხვაობით ვიგებთ და დაიწყეს კიდევ უხეშობა ქურდებმა. ხელებით გვიჭერდნენ, გვაქ-

ცევდნენ, ფეხები დაგვამტვრიეს. მერე მთლად მუშტი-კრივზე გადავიდნენ. არა-და, თავიდან დათქმული გვექნა: სუფთად, ჯენტლმენურად გვეთამაშა. მოკლედ, როცა აიშვეს, ისეთი ხელჩართული ბრძოლა გაიმართა, დედა შვილს ხელში ვერ აიყვანდა. ჰოდა, გაგვაზავეს როგორც იქნა. პანტერა ჩაგვედგა შუაში და აი, რას ამბობს, ბიჭებო:

ფეხბურთში კი არა, ყველა აზარტულ თამაშში მოდის დათქმა. ხომ შეთან-ხმდით ერთხელ, რომ თამაშში თანასწორუფლებიანი იქნებოდა? თქვენი მხრი-დან კი ქურდებო, ეს მატჩი ფეხბურთი კი არა, რეგბი უფრო იყო.

— ბაიბუთშიც* ასე მოსდით ხოლმე, — დააკონკრეტა როკიმ, — ქურდს არ ეპიტანვება შულერი. იცის ეს უკანასკნელი პროფესიონალია და უექველ-ზე უგებს, მაგრამ თავს მაინც არ უტყდება. კი, მართალია, შულერი ქურდს მაგნიტზე ვერ დასვამს, ამისი დუხი მაგას არა აქვს, არც ჩაქიმული ზარით გაუმართავს ყომარს, მაგრამ მოხერხებულ დროს, საუბრით გაბრუებულს, კრუტილკას შეაპარებს და დაბზრიალებით ათი გასროლიდან ოთხს მაინც დაუსვამს პირდაპირია ფოსტა გამოსული თუ ვარით.* ასე დამართათ ფეხ-ბურთელებთანაც. არიფების მხრიდან ხომ ფეხბურთს ოცდამეთხუთმეტე სპორტსკოლა გამოვლილი ოთხი პიროვნება თამაშობდა. ეს სკოლა კი სინამდვილეში თბილისის „დინამოს“ ბაზაა. სად მოყვარული და სად პროფე-სიონალი?! ეს იგივეა, რაც ინალ ბიძია და მამაჩემი ვალერიანი სირბილში გაგვეჭიბონ ახლებს.

— მერედა ფინალი? — გადაივიწყა წამით უსიამო თემა ალვერ ავიძბამ.

— ჩაერივნენ პასტარონი ქურდები, ივანა ცალხელა, სხვები და ყველა-ფერი მშვიდობიანად დამთავრდა, რადგან დათქმისამებრ თანაბარი უფლე-ბით უნდა გვეთამაშა. ძმის გულს მეტი მოფრთხილება სჭირდება ხოლმე!

— ძმის პატივისცემას და დაფასებას მე ვერავინ მასწავლის. ძმა რომ ვარ იმიტომ წამოვიწყე ეს არასახარბიელო საუბარი, თორემ რა მრჯიდა?! თქვენ-სავით ფეხბურთსა და მარულაზე დავიწყებდი ლაპარაკს, სირაქლემის მსგავ-სად ქვიშაში ჩავგავდი თავს, ცეცხლმოკიდებულ სახლში გამოვკითხავდი მოსკოვურ ამბებს. დევნილ კაცს სათქმელის მეტი რა ექნებოდა, მაგრამ ამ ოჯახში მხოლოდ მამა ბატონმა და მე ვიცით ოთხზე კუთხით ხანძარი რომ გვიტყვის, ჩვენ კი რატომღაც არ გვინდა ამისი დანახვა. როგორ ფიქრობ, ჩემმა ხალხმა რომ მომთხოვოს: იარაღს მოჰკიდე ხელიო, თავი ჩავდუნო?

არიქა, ბატონო, ენგურს გაღმა ჩვენი ძუძუმტე როკი ოდიშელიას ხათ-რით ბრძოლის ველზე ვერ გამოვალ. დაე, ქართველებმა ჩვენი ბავშვების მო-მავალი უმოწყალოდ გათელონ ფეხით-მეთქი, განვაცხადო, ვიქნები ჰაყის ღი-რსეული შვილიშვილი?

— შენ უკან დასაბრუნებელ ხიდს არ იტოვებ, ძმაო. კიდევ კარგი ყველა

შენს ჭკუაზე არა ვართ, თორემ როკისთან ერთად მიგვაყენებდით, ალბათ, კედელზე, — ჩააჩერდა ანატოლი გამომცდელად.

— თუკი ქვეყანამ მოითხოვა?! — თვალეები დაუვიწროვდა ალვერს, — თუკი აფხაზი ხალხის მომავალმა ინება?! მთელს ოჯახს, ჩემო ანატოლი, მამა ბატონისა და შვილების მეთაურობით. საკუთარ თავსაც და ჰაკი ბაბუას ძვლებსაც კი მივაყენებ იმ კედელთან, უბედური სამშობლოს განსაცდელი ნუ დამაჭირვებს თორემ!

— დამიწყველია ასეთი სამშობლო! — გაცხარდა დაურ ავიძბა.

— ხედავ, როკი, შვილო, სანამდეა საქმე მისული?! — ჩაილაპარაკა ყრულ ოჯახის უფროსმა.

— ალვერი როცა ამას ამბობს, ოზგანებს, ხიჟბებს, ბარციცებს და არძინბებს რა უნდა მოვსთხოვო?! — სიგარეტი ნერვიულად მოქაჩა ანატოლმა.

— ამ უბედური შვილს ბრმა სიყვარულისგან მოსდის ყოველი. ჰგონია, თითქოს ჩვენი სასოწარკვეთილი ისტერიკის მიზეზი მართლაც ქართველობაა, — დაური გაფითრებულ ძუძუმტეს მისჩერებოდა, იცოდა როკის ხასიათი, თუკი მძის მომწამვლელ სიტყვებს რალაცნაირად არ გააბათილებდა, ინცინდენტი გარდუვალი იყო, ოდიშელია არაფრისდიდებით შეარჩენდა ნაბოლარას შეურაცხყოფას, — ის კი ვერ შეუგნია, გულდაუთის იდეოლოგია საშვილიშვილოდ რომ შხამავს ახალგაზრდობას. დაძვრებიან მოსკოვში, შემწვარი გოჭებითა და კონიაკებით. შანიბოვებს კონფედერაციის დელაქაღაქად სოხუმს სთავაზობენ.

შონე მაძირათუქ ეჭოფუა, მ გამიგონია ვერა მაქსიმოვნასგან. გაგნთავისუფლებენ ისინი ქართველებისგან სამშობლოს და ალვერის, ანატოლისა და დაურის ბავშვებს შეარჩენენ მერე ედემის ბაღნარ აფხაზეთს! შენს ქრისტე ღმერთს, ილორის წმინდა გიორგის და ფუძის ანგელოზს, ისეთ ადგილას შეაძვრენენ, აქლემს უფრო გაუადვილდება იმ ყუნწიდან გაღწევა, ვინემ მაგათ.

ბოლოს, რომ მომიწანწალდები კარზე გარუსებული უსამშობლო მუჰ აჯირი, ასევე პირში ჩალაგამოვლებულ, გაივანებულ, უარაფრო მუჰაჯირს, კი, მოგისუტებ მკერდზე ცთომილ მძას, ჩემი სამშობლო ხომ თქვენი და თქვენი ოჯახების ჯამია, ცხადია, წინაპართა ძვლებთან ერთად, სხვა არაფერი; ცრემლიც მომერიოს იქნება, მიწის პირისგან აღგვილი მამულის გამო, მაგრამ ათჯერ რომ მოჰკლან აბელი, კენს არასდროს გაიმეტებს საღანედ. ამიტომაც არის უძლეველი ქრისტიანული სიკეთე. დღეს კი მართლმადიდებელი აფხაზეთი პატივყრილია მაჰმადიანურის მიერ.

— ასეთი ანგელოზი დედ-მამისა და ძმების პატრონს, მიკვირს დაურ, ჩემო, ამდენი ბოლმა გულში საიდან მოუგროვებია? მძას მეძახის და ამ დროს

ავადმყოფი ვალერიანი და თქვენი გიგასხელა ნიკა კედელთან მიმიყენა საკუთარ თავთან თუ ჰაკი ბაბუას ძვლებთან ერთად.

მქონია მე საუბარი მოსკოვში შენისთანების დამქოქავ ხალხთან, — მიუბრუნდა ახლა ალვერს, — ერთი ბოთლი კონიაკის შემდეგ სხვანაირად რომ აჭიკჭიკდებიან ხოლმე. კინოებიდან მაინც გაიხსენე ჰიტლერის ფანატიზმმა გერმანელ ერს წირვა როგორ გამოუყვანა. არც ლენინ-სტალინის უტოპიურმა კომუნისტებმა დააყენა კარგი დღე ჩვენს ხალხებს. გლასტნოსტი და პერესტროიკა დაარქვეს ვითომ ჩვენი საზოგადოების ძირეულ გარდაქმნას. სინამდვილეში შინაარსი იგივე დარჩა. ჭურჭელს რა მნიშვნელობა აქვს თუ ღვინოს მაგივრად ისევე შხამს მომაწვდი?! ვაჟა-ფშაველას სტუმარ-მასპინძელი ხომ წაგიკითხავს?

— კი, ბავშვობაში გვასწავლეს ძალით! — თქვა რამდენადმე შემდრკალმა ალვერ ავიძბამ.

— შეძლიებული ოქრო სპილენძად გადაიქცაო, უყვარდა თქმა ცხონებულ ძაკა ბაბუას. ახლა წარმოიდგინეთ რა დღეში ჩავარდება ის ბაჯაღლო დაძალებულიც თუ არის?! ჯოყოლა ალხასტაიძე გახსოვს იქიდან?

— არა.

— ასეც ვიცოდი. თქვენი ჯიშისაა, ღირსებით აღსავსე პიროვნება. არ გესწავლებათ, მუსულმანურ სამყაროში სტუმრის კულტია საერთოდ და აი, თურმე ძმისმკვლელი ზვიადაური მოუბატიჟნია შინ ქისტ მონადირეს და როდესაც გამყვანდება ხევსურის ამბავი, თემმა აჯობა კონკრეტულ ადამიანს, თუმცა სიმართლე მის მხარეზეც იყო — სტუმარი ხელშეუხებელია იმავე ადათ-წესით. მოკლედ, აჯობა ალხასტაიძეს უმრავლესობამ და შეურაცხყოფილი მასპინძლის სტუმარი საზვარაკო ხარივით დააკლა დარლას საფლავს. იმ ალხასტაიძემ ძმისმკვლელი თუ შეიფარა, ბოლომდე თუ უერთგულა და თავიც კი დასდო მისთვის, შენი სიტყვებიდან გამომდინარე, ძმასავით საყვარელს კედელთან მისაყენებლად მიმეტებ, თუკი ქვეყნის ინტერესებმა მოითხოვა, თუნდაც იგი ანტიადამიანური იყოს?! ააა? სიტყვა უფრო მემწარა, ვიდრე მოსალოდნელი ის ტყვია. ცხონება პაპაშენ ჰაკის, მაგრამ აგერ, ინალ ბიძიაც დამემოწმება, ორი საუკუნეც არ არის გასული, რაც თქვენი ჯიშ-ჯილაგი აფხაზეთში დასახლებულა. მშვენივრად ვიცით ამის თაობაზე, მაგრამ იმპერია პირში ქვას ჩრიდა ჩვენს მეცნიერებს ჩვენი მარიონეტული მთავრობების მეშვეობით. გამოდის, რომ იმ მიწისთვის უნდა მიმაყნო კედელს, ოთხიათას წელიწადზე მეტი ჩემია და შენი მხოლოდ ორი საუკუნე?!

— ეს ყველაფერი ქართველი ისტორიკოსების მოჩმახულია, — გაცხარდა ალვერი, — წაიკითხონ ვორონოვი და ყველაფერს მიხვდებიან.

— ვისი დამქაშები არიან შენი აზრით ვორონოვეები, აფხაზების, ქართველების თუ რუსებისა? ჩვენზე ზრუნვით ძილი გაუკრთეთ ბედოვლათებს იქნება?! ათას რვაას სამოცდა ექვს წელს აფხაზეთში იფეთქა ანტიფეოდა-

ლურმა და ანტიკოლონიალურმა აჯანყებამ. ასეთი რამ სამეგრელოშიც მოხდა უტუ მიქავას ხელმძღვანელობით, ხოდა, მაშინ იყო ათეულათასობით აფხაზი ოსმანთა იმპერიის ფარგლებში რომ გარეკა, განურჩევლად ქრისტიანისა თუ მაჰმადიანისა, მათი მიწები კი გულუხვად დაურიგა თავიანთ ჩინოსნებს. რომ ამბობ რესპუბლიკა დავაარსეთო, ვინ მოგანიჭებდათ თქვენ რესპუბლიკის სტატუსს, მილიონზე მეტი თუ არ იქნებოდით, საბჭოური პრაქტიკიდან გამომდინარე?! მოსახლეობის მიგრაციაც ამიტომ დასჭირდათ, რათა მერე გაეფხაზებინათ და სართანია აფხაზი ძმა სართანია ქართველის წინააღმდეგ გამოეყვანათ. მსგავსი პრეცედენტი მსოფლიოს არ ახსოვს. თქვენი ინგლისელი სიძე, ჯორჯ პიუტი, გვარით კიუტებს რომ ენათესავენ და ფიზიონომიით ღვთაებრივ ბაირონს, ის გენია ფეხით კოჭლობდა, ეგ ბედოვლათი კი — ტვივით, გისისინებთ ბუჩქებიდან:

აბა, დადგეს თქვენს გვერდით ჰაროლდის ავტორივით თუ ბიჭია, მერე არც მე შემეშინდება კედელთან მიყენების ბაბუა ჰაკის წმინდა ძვლებს ჩახუტებულს. საქმე საქმეზე რომ მიდგეს, მე გადავეფარები საიმისო ტყვიას. როცა კაცი ძირფესვიანად გიყვარს, მაშინ სიკვდილი იოლია ჩემო, ალვერ, და ჩემი სათქმელი ბოლომდე რომ გითხრა, ძიძიშვილო, ბრძანე ერთი, ვისი იყო საუკუნის წინ სოჭი?!

— ვისი და ჩვენი!

— კონკრეტულად მიპასუხე.

— ჰეი, ვარა, აფხაზების!

— კარგი, არ ჩაგოჟინიანდები. ჯერ ერთი, საქართველოსი იყო ტერიტორიები ნიკოფსიიდან დარუბანდამდე, მაგრამ ორჯონიკიძეების წყალობით გავასაჩუქრეთ მამაპაპური მიწები. რა ენაზე საუბრობენ ახლა იქ თითზე ჩამოსათვლელი აფხაზები და ქართველები?

— რუსულად.

— აგაშენა ღმერთმა! ამისთანა მაგალითი როცა წინ გიდევს და რატომ გგონია, შენს სააფხაზოს ხვალ და ზეგ სხვა ბედი ელის?! ახლავე ჩამოგივლი რამდენიმე სიტყვას: აპორიადოკ, ანაუკა, აოჩერკ, ასტეპენ, აიაშჩიკ, ვინ შემოგიცურათ ესენი, ქართველებმა თუ რუსებმა? ბრძოლის ფორმები იმპერიას უკიდურესად აქვს დახვეწილი, ძიძიშვილო. გათიშვის მეთოდი რომაელებისგან გადმოიღეს, ხოლო წასისინებისა — ინგლისელებისგან. პიუტებმა ჯერ თავიანთ პრობლემებს მოუყარონ დიდ ბრიტანეთში, ირლანდიელების და შოტლანდიელების პრობლემებს და საჩვენო დრო თუ დარჩათ, ბარაქალა მათ მოცალეობას.

ინგლისელები პატარა ერების განადგურების სპეციალისტები არიან. აპაჩების ტომის ხალხს კამანჩების ისრებით ხოცავდნენ და ასე შეაკლეს ერთმანეთს გულუბრყვილო ინდიელები. ნუთუ ეს გაკვეთილად არ კმარა?! შენ რომ გეთქვა, მორდუშვილო: ასე და ამგვარად ფიქრობს ჩემი თაობა, მაგრამ ვინც ჩვენი ოჯახებისა და ტრადიციების ერთგულთა კედელთან მიყენებას გა-

ბედავს, პირველი მტერი მე ვიქნებო, მაშინ ნაღდ აფხაზად ჩაგთვლიდი და დავრჩებოდი კიდევ სუტკანახევარი პირში ხეირიანი ლუკმაჩაუსვლელი სტუმარი გულლიად მორთმეულ სუფრასთან, მაგრამ სამუდამოდ რომ დაგამახსოვრდეს ღღევანდელი საუბარი და ჩემმა სიტყვებმა იმ კედელთან მიყენებული ხალხის მისამართით თოფმომარჯვებულს სასხლეტის გამოკვრამდე ხელი რომ ავიკანკალოს, იმიტომაც გემშვიდობებთ. ჩვენს უღელტეხილს აფხაზეთში მარტოკა სახელი შერჩა — ჯუბგა, შინაარსი და ხასიათი კი აბსოლუტურად შეეცვალა. იმპერია თქვენი ხელით აპირებს ნაკვერჩხლის აღებას, და ეს რომ ვერ დაინახო, მართლაც ბრმა უნდა იყო, ან გულქვა ეგოისტი, რომლისთვისაც ყველაფერი სულ ერთია: საიდან ჰყავს დედა, მეუღლე, რძლები. იცოდე, ფანატიზმი ორივე ერს უფსკრულის ფსკერზე ამოგვაყოფინებს თავს და იძახე მერე რამდენიც გინდა, მდინარეში დახრჩობას ზღვაში დაქვესკენლება მიჯობსო.

მტრობის დანგრეული სიყვარულს უშენებიაო, ბრძანეს ჩვენებმა და მიუგდე ყური ამ ხმას, მორღუშვილო.

წავედი ახლა, — თქვა მოჭრილად, წამომართა და ატყდა კაცების შელაპარაკებით აივანზე გამოშლილი ქალების წიაჭი, ინალ ავიძბას ბურტყუნნი, უფროს ძმებს კი კრინტი არ დასცდენიათ, მხოლოდ ეგ იყო შეწუხებულნი მოსდევდნენ გუდანაბადაკრეფილ სტუმარს, თან დრო და დრო ნიშნის მოგებით მოხედავდნენ ხოლმე თავჩაქინდრულ ნაბოლარას, უსიტყვოდ კილაავდნენ მოუზომავი რატრატისთვის: ესეც შენი სანაქებო მასპინძლობის მადლიო, თვალებით გმირავდნენ სისხლხორცს.

— დარჩით, დარჩითო, — ეხვეწებოდნენ ეზოში ჩამოშლილი რძლები, ბავშვები, მაგრამ „მალე გინახულებთ, მოვესწრებით, შინ ავადმყოფი მამა მელოდებაო“, პოულობდა უტყუარ საბუთს როკი.

დაძაბულობის განსამუხტავად ოდიშელიამ ჭიშკართან მოგროვილ პატარებს ხუჭუჭ თმაზე მიეფერა სათითაოდ. ჩაჯდა მანქანაში, დაქოქა და ნელი სვლით დაუყვა თემშარას.

ათიოდე წუთში როკი უკვე ცენტრალურ გზატკეცილზე მიქროდა მტრედისფერი „ოცდაოთხით“. სინდისიც ქენჭნიდა სადღაც, ასე გამეტებით რომ აუკრა სუფრაზე ხელი სათაყვანებელ ხალხს, გული რომ დაუკოდა აქვითინებულ მორღუს, რომელმაც ფეხშიშველად მისდია შუკის ბოლომდე.

— ალვერის გამო ხაზი უნდა გადაგვისვათ, ნანაგე, ყველას?! — ქვითინებდა ვერა მარშანია, ორივე ხელით ჩაფრენოდა მინაჩამოწეული კარის ჩარჩოს და ასე აპირებდა ოდიშელიას დაოკებას.

— მორღუ, არ მითქვამს იქ თორემ ალვერის ნაკლები ნაწყენი ვარ, ვინემ — ანატოლის და დაურის. დიდი შეღავათი თვითონ თუ არ მოაწერეს წერილზე ხელი! რატომ წაუყურეს ამისთანა საშინელებას?! მთელი თვეა ხმა არ ამოუღიათ და არც აპირებენ ამას. რატომ, რატომ არ იყვირეს სახალხოდ: არიქა, ხალხნო, აძიუბეკელი ავიძბების ოჯახიდან მხოლოდ უმცროსი

შვილი ალვერი აწერს იმ წერილზე ხელს, თორემ დანარჩენი შვილი ყალბი-
აო?! რატომ არ იყვირეს საქვეყნოდ: წაშაღეთ, ბატონებო, იქიდან მამა — ინალ
ავიძბას, დედა — ვერა მარშანია-ავიძბას, შვილების — ანატოლ და დაურ ავიძ-
ბების, რძლების — ქეთი ანჩაბაძე-ავიძბას, ციური აბაშია-ავიძბას, დალი ლა-
კობა-ავიძბას ხელმოწერებია?! რატომ გამომისვით ყველამ ყელში დანა, მორ-
დუ?! — ცხარე კურცხლებს ყრიდა როკი.

— ჩვენ არავის მოგვიწერია ხელი, ნანაგე. ეს ყველაფერი უხანემ ალვე-
რის ნამოქმედარია. აპატიე შენს მორდუს! ოღონდ ახლა დარჩი, ოღონდ ახ-
ლა მობრუნდი და დედა შვილურად გპირდები, მე თვითონ გამოვასწორებ იმ
შეცდომას. ხვალვე ჩემივე ფეხით ჩავალ სოხუმში, ყველაფერს განვააცხადებ ჩვე-
ნი ოჯახის სახელით, ოღონდ დაბრუნდი!

— იცი შენ ჩემი ხასიათი, მორდუ! იცი, როგორ მიყვარხართ ყველა. სწო-
რედ ეგ მაიძულებს დაგტოვოთ ახლა. დალუპვის გზაზეა შემდგარი მთელი
აფხაზეთი, მთელი საქართველო. შენი მორდილი აქამდეც მდგარა ავიძბების
ღირსების სადარაჯოზე: დანიანი კაცის შინებია და აღარც — თავზეხელა-
ღებული ბრბოსი. იციან ამის შესახებ ბიჭებმა. გულიც ამიტომ მეთუთქება.
შენ არ გვასწავლიდი განა; შვილებო, სამშობლო არის მთავარიო?! შენ არ
გვასწავლიდი განა: ყელში სული რომ გიხანტალებო, ისიც მამულისააო? რა-
ნაირად დაგებრუნდე ახლა ნებით თუ უნებლიეთ ჩემი ქვეყნის დამამხოვლებ-
თან? ღმერთმა ნუ ქნას და ათასებიც რომ წამოვიდეს ავიძბების ოჯახის და-
საქცევად, ყველას გადაეღობება როკი ოდიშელია, მაგრამ ამჯერად უკან მობ-
რუნებას ამაოდ მთხოვ. მე მანქანა არა ვარ, მორდუ, უკან დასაბრუნებელი
სიჩქარე მქონდეს! — ამბობდა როკი და თანდათან უმატებდა სისწრაფეს. ქა-
ლი კვლავაც ორივე ხელით ებლაუჭებოდა მინაჩამოწეული კარის ჩარჩოს.
ოდშელიამ აკოცა იმ ნაჯაფარ და სისხლმოწოლილ თითებს, რომელთაგან
ჯერ მარცხენა ჩამოშორდა ნიკელის ზოლს, მერე — მარჯვენა და საყრდენ-
წართმეული ხელებიც მყისვე თვალებს ეძგერნენ ბრალეული შვილების გა-
მომზრდელთა ცრემლში განსაზიანად.

ავიძბების შუკიდან ცენტრალურ გზატკეცილზე გამოღწეულ როკის
არანაკლები წუხილი გამოჰყვა ძუძუმტეებისგან, ვინემ ცხრა აპრილის თბი-
ლისურმა ტრაგედიამ აგემა. უკვე კბილების ღრჭიალით მიეჩქაროდა აქამდე
აღუსრულებელ საქმეს — არდაშელ ჰალიძონიას მიწასთან გასწორებას მო-
რალურად თუ ფიზიკურად.

ქუთაისის ციხეში ასეთი სურათი დახვდა ოდიშელიას. ციხის უფროსი
კაპანაძე და მისი მოადგილე რეჟიმის დარგში პაიჭაძე ახალი გადმოყვანილ-
დანიშნულები არიან, რათა მსოფლიოში გაუგონარი, პრაქტიკულად განუ-
ხორციელებელი გიჟუას გაქცევის შემდეგ, წესრიგმოშლილი ციხე თავიანთ
ქუაზე მოიყვანონ.

იმ გაქცევის თაობაზე დიდხანს იქაქანებს მსოფლიოს რადიოსადგურე-
ბი სხვადასხვა ტალღაზე. მათ შორის ფლაგმანობას არავის უთმობ

„თავისუფალი ხმა ამერიკიდან“. ეს უკანასკნელი, თითქოს აქაურ პატიმართა თანასაკნელიაო, გასაცარი სიზუსტით გადმოსცემს საბჭოთა ტუსადის ყოველდაუტანელ საცხოვრებელ პირობებზე, ენითაღუწერელ ანტისანიტარიაზე. განსაკუთრებულ ყურადღებას ამახვილებენ პოლიტპატიმრების ფსიქოლოგიურ დაწოლაზე, თუ რა ბარბაროსული მეთოდებით ახერხებენ მათ მოთვინიერებას, როგორ დაუნდობლად ებრძვიან ეროვნული გმირების ავტორიტეტის შელახვას, კომპრომეტირებას.

მათ შორის აღნიშვნის ღირსია ორი: ზვიად გამსახურდიას მონანიების ჩანაწერის მთელს ჯურღმულებში უთვალავჯერ დატრიალება და მერაბ კოსტავას ჯერარსმენილი ამტანობის გასაცამტვერებლად მის მეუღლეზე დაყრილი უხამსი ჭორები, რომლის გამო თავიც კი ჩამოიხრჩო ზრდასრულმა მემკვიდრემ.

ყველდნენ საშინელებებს, თუ მამათმავლების საკნებით როგორ არაჯულებდნენ ურჩებს. გადმოსცემდნენ ამაზრზენ რეალობებს, თუ ერთმა პოლიტპატიმარმა როგორ მოითხვარა სხეული საკუთარი განავლით და რანაირად შეინარჩუნა თვეობით სულის უმწიკვლოება, მაგრამ ჩვენ უმჯობესია გიჟუას საარაკო გაქცევას მოვუბრუნდეთ.

ქუთაისის ციხის შიგაგანაწესის მიხედვით პატიმრები ყოველდღე გაჰყავთ სუფთა ჰაერზე სასეირნოდ ორმოცდახუთი წუთით. საკნებიდან გამოლალავენ ტუსალებს, ჩამოიყვანენ ბაქანზე და იქიდან სასეირნო ეზოში უკრავენ თავს. ვიდრე ლოგინების შმონი მიდიოდა, გიჟუა გაქცევაზე დამხედველებს, აირბენს სახანძრო კიბით ციხის სახურავზე და ტრუსის ამარა მზეს მიეფიცება. რეჟიმი სუსტია ქუთაისის ციხეში. ფულით ხელებგაქონილი ზედამხედველობა ადგილობრივ გიჟუასთან კონფლიქტს ერიდება. შეუდარებელი შემართებისა და რეაქციის პატრონი გახლავთ. ჯანიც საარაკო მოსდგამს განგებით. ბუნებრივ მონაცემებს ყოველდღიური ვარჯიშით უფრო და უფრო ივითარებს, ასე რომ, ყოველ გასეირნების დროს გიჟუა შეაჩვევს ზედამხედველობას სახურავზე ასვლას.

— ვინ არის მანდ რომ ზის? — იკითხავს უფროსობა და ხელად უპასუხებენ:

— გიჟუაა. დამთავრდება ორმოცდახუთი წუთი და ჩამოვა.

ყველა შეეთვისება ამ სიტუაციას, ლამის დაკანონდება. ამ დროს გიჟუა გულხელდაკრფილი არ ზის ციხის სახურავზე მზის კბენია სხივების ხათრით. გულდასმით სწავლობს ცხრაკლიტულის რელიეფს, შენობის სიმაღლეს, მანძილს სახურავიდან ქუჩამდე, დაცვის სიფხიზლის ხარისხს გასეირნების პერიოდში. მერე შეხვედრაზე დაიბარებს გამზრდელ უფროსს და ნათელას და როგორც ბავშვობაში სჩვეოდათ, ტუჩების მოძრაობით ეტყვის: ამ და ამ დღეს, ამ და ამ საათზე, ზუსტად ამ და ამ ადგილას ქვი-

შით დატვირთულ რვაცილინდრიან მანქანას მოაყენებ ზაპრეტკასთან, სწრაფი გაწვევისაა. შენ კაბინაში დარჩები, მძღოლს კი ვითომ ძრავა გაუფუჭდა, დანარჩენი მე ვიცია.

მოვა მორიგი გასეირნების დროც. აჰა, გიჟუაც ჩვეულებისამებრ სახანძრო კიბით მიემართება სახურავისკენ. მერე აკეთებს გარბენს, გადააფრინდება თვრამეტმეტროიან ზაპრეტკას, პირდაპირ ქვიშით დატვირთულ მანქანაზე ეშვება. აქამდე ყელში ძვალგაჩხერილი ძაღლივით ახრიალებულ რვაცილინდრიანს წამში დაქოქავს მძღოლი და გაღმუვლებდა ქალაქის ქუჩებში.

ეს გაქცევა გიჟუას ლეგენდარულ ავტორიტეტს შესძენს. მოგვიანებით იგი კანონიერი ქურდიც გახდება. როკი ფიზიკურად არასდროს შეხვედრია გიჟუას, დაუსწრებლად იცნობენ ერთმანეთს მისი თანამოსაქმისგან, მთელს კავშირში სახელგანთქმული ქურდული მუჟიკისგან, ჯაჯუ ჯანელიძისგან, რომელსაც კალენდრულად მოუხდია ოცდაოთხი წელიწადი. ზალატაუსის დაკეტილს ისე სუფთად გაივლის, ბარე ორი ქართველი ვერ დაიკვებნის. ნაცნობობა თავიდან არც ჯაჯუსა და ოდიშელიას აქვთ. იგი როკის უფროს ძმასთან, გივისთან ერთად იხდის სასჯელს წულუკიძედ მონათლული ხონის პირველ ზონაში, წიაგოს, თაგუნას, ჭიპიასა და სხვების მხარდამხარ. ოდიშელია ამავვე რაიონის მეორე ზონაში ქუხს ცალხელა ივანას, გივია ხონელის, გრიშა დარბაისელის, ძმები ავიძებების თუ ანზორ ალაიანის თანამოსაქმე ქურდული მუჟიკის, დულიკო დონდუას გვერდით. ხოლო როკი ჯაჯუ ჯანელიძეს მოგვიანებით გაიცნობს ზუგდიდ-ქალაქში. ერთი სადავო საქმის გამო ჩამოიყვანენ და ავტორიტეტიან ხალხს მოსკოვიდან ადგილობრივი ქურდები, ჩამოიყვანენ ასსებს, რომლებიც ფაქტობრივად მთელს კავშირში დამნაშავეთა სამყაროს იდეის კლიმატს ქმნიან.

ათი სული ქურდი შეიკრიბება ჭითაწყარის რესტორანში. ხოლო ჯაჯუს და ერთ ხონელ ქურდს დათქმულ ადგილას გამოგზავნიან. საუბარია დიდძალ თანხაზე, რომელსაც შანტაჟით აწერენ როკის განუყრელ ძმაკაცს. ოდიშელია ყოველმხრივ მომზადებულია, ოღონდ არ იცის განეცი, იგივე შიკრიკი ვინ იქნება. კონტრდარტყმა უმალლეს დონეზე მოუფიქრებია. მოკლედ, დახვდებიან ჯაჯუ ჯანელიძეს როკის მეგობრები. წამოიყვანენ ფულის მისაღებად ოდიშელიებთან. ჭიშკარზე მიადგებიან ოცდაოთხით. მგზავრები ერთმანეთს ასხედან. ბიჭები საკმაოდ დამანდრაჟებულან, მაგრამ გამოჩნდება თუ არა ჯინსებსა და ფართეფარფლიან შავ ცილინდრში გამოწყობილი როკი, შვებით ამოისუნთავენ. ეს უცაბედი გარდასახვა სტუმრებსაც არ გამოეპარებათ. ორი „ტეტე“ ქამარში გაურჭვია ოდიშელიას ზურგს უკან. იციან კურტაკის ჯიბეები ლიმონკებით გამოუტენია. რუსული ფულით სავსე დიპლომატი არსად ჩანს. უკიდურესობამდე შემჭიდროვდებიან.

— ახალსოფლის ჩაის პლანტაციამი, თამარა ყუფუნისა ბრიგადაში, —

მიუთითებს სვლა-გეზს როკი. მეჩაიე ქალების დედაბოძი გარდაცვლილია უკვე, მაგრამ უბანს მისი სახელი შემორჩენია კვლავაც. უენია ქირხეს წლების მანძილზე აქ უბრდღენია ჩაი და უკრეფია ეკალა მშეირი ბიჭების დასანაყრებელი ფხალისთვის. ერთობ მივარდნილი აღვლია. გაივლიან სამი კილომეტრს. ირგვლივ ტყვა, შუაში ჩაის მწკრივები.

ოდიშელია მანქანაში ჩაჯდომისთანავე მიუბრუნდება ჯაჭუს და ეტყვის:

— არ შეგეკითხები ვისი გამოგზავნილი ხართ, რადგან ჩვენი ხალხიც კარგად მუშაობს. დაწვრილებით ვიცით როდის შემოხვედით ზუგდიდში, რა მანქანებითა და რანაირი ნომრებით. ახლა რომელ რესტორანში გელოდებათ რვა კაცი. იქ ორი ჩვენი ძმაკაციც ურევია. — ეტყვის ამას და მერე სანამ პლანტაციას არ მიადგებიან კრინტი არავის დასცდება. აქ კი ოდიშელიამ ისევ განაახლებს საუბარს:

— დარწმუნებული ვარ თქვენ და თქვენმა ხალხმა არ იცით სად მოდიხართ შესაწერად, რა კაცთან, თორემ არ იკადრებდით სახელის გატეხვას. იმ ადგილობრივ ახალგაზრდა ქურდს, ვინაც თქვენ შეცდომაში შეგიყვანათ და ამ სიშორიდან შეგაწუხათ, მე თვითონ მოვუვლი. იმან და მისი კუტოკის ბიჭებმა ჩემი მეგობრის წარმოების ბუღალტერია გატეხეს ღამით. საბუთებით გატენილი ექვსი საქალაღე წაიღეს. რომელ წარმოებას ჰქონია დალაგებულად საქმე, ჩემი ძმაკაცისას რომ ჰქონოდა და დაუწყეს ტელეფონით დაშინება: ობეხეს გადავცემთო. დამეთანხმებით, რომ ეს ყოველივე ტიპიური შანტაჟია. ქურდებგარეულ ამისთანა საქმეს განხორციელება არ უწერია, რადგანაც ამგვარ ბოზურ საქციელს ნივრედნი მუჟიკიც არ იკადრებს. ამას მხოლოდ ისეთი ხალხი იკისრებს, როგორც რუსები იტყვიან: ნიჩევი სვეტოვი ნე იმეიუტ.8 და ბოლოს და ბოლოს რომც იკისრონ, რაღა მაგათთან გადაყაროს ასი ათასი მანეთი? ათიათასს დახარჯავს ობეხეში და პირზე კოცნი-თაც დაშორდებიან.

— ჯაჭუ ვარ მე, ჯანელიძე, — ამბობს განეცი.

— მე კიდევ ჩორჩაია პანტერა. სად არის ზუგდიდში შესაწერი ფული? ჩვენი ხალხი კავშირის სხვადასხვა ქალაქებში დადის საშოვრად. ისღა გვაკალია მალალეტკური შანტაჟებით აქედან ფული გავიდეს, — და იქვე დაამატებს, — გადაეცით იმას, ვინც ეს ღრამა კარგად ვერ დადგა, სადაც თავისი დაიკვეხნოს, იქ ჩემიც თქვას!

დამშვიდობების წინ ჯაჭუ და როკი გადაკოცნიან ერთმანეთს და თავთავიანთ გზას ეწივნენ.

ქუთაისის ციხეში კაპანაძისა და პაიჭაძის გადმოყვანის შემდეგ იქაურ პატიმარს ტუსაღს ვერ უწოდებ, უფრო გერმანელების საკონცენტრაციო ბანაკის ტყვეებს ჰგვანან. განსაკუთრებით პაიჭაძემ გაითქვამს სახელს მთელს სამმართველოში, როგორც ნომერ პირველი ჩეკისტი. ხალხს ეტაპში მოყვანის დღეს, განურჩევლად ეროვნებისა და ასაკისა, გისოსების სასინჯი ხის

ურობის ცემით ამახინჯებს. თვალწინ ჩამწყვირებულ პატიმრებს ციხის შენობის პირველი სართულის დერეფანში მარტო თვალის დახამხამების უფლება ჰქონდათ.

ოპერი საბუთების დასტას დაილაგებს პატარა მაგიდაზე. ამოიკითხავს გვარს. გაეპასუხები. გეკითხება დატუსაღების მიზეზს, მიუხედავად იმისა, რომ იქ ყველაფერი ჩინებულად წერია. ზურგს უკან ხელებდაწყობილი პაიჭაძე ბოლთას ცემს ენაგადაყლაპული რიგის წინ. დააკმაყოფილებ ოპერის შეკითხვას და რეჟიმის გამგებელიც მკვეთრად შემოტრიალდება შენსკენ.

— მაშ მოიპარე, არა? — ისე დააგრძელებს ბოლო სიტყვას პაიჭაძე, თითქოს ხაზალიების გარმონი გაჩრია ყელში. პირველი დარტყმის უფლებით, დადიანებისა არ იყოს, პაიჭაძე სარგებლობს. თუ არ წაიქცევი, მაშინვე დაესევიან, დაამტვრევენ უროებით, ააწყულებენ, მისიკვდილებენ, თუმცა უკეთესი დღე არც წაყირავებულს ადგას.

— შენ რაზე ზიხარ? — ჩეძიება ოპერი მომდევნოს.

— ქურდობის მცდელობისთვის, — თავს მოისაწყლებს პატიმარი. ოპერის დასმულ შეკითხვაზე ტუსადი ანგარიშს პაიჭაძეს აბარებს.

— კი, მაგრამ ბაითში შეხვედი, უნაკლოდ ხომ არ ხდება ეგ? დაგაბრმავე ძვირფასეულობამ და ოქროულობამ, არა?! რა ქონება დაუკარგავს ახვარს?! — გამოსცრის კბილებში და რომ გაუქანებს მარჯვენას მკვდარივით დააგდებს ძირს. მერე შედგებიან ფეხებით დანარჩენნი და თინთუშას ლავაშივით დააბრტყლებენ.

— შენ რა გმირობისთვის გვეტუმრე? — დავიწროვებული თვალებით მიისაკუთრებს ოპერის მოვალეობას აზარტში შესული პაიჭაძე.

— გაუპატიურებაზე, უფროსო! — ამოიკნავლებს მოძალადე, — ცოლად მინდოდა, მაგრამ მშობლებმა წამართვეს, — მდგომარეობას იუმჯობესებს ტუსადი.

— კი, მაგრამ დედამ თვრამეტი წელიწადი გამოზარდა ანგელოზივით გოგო. შენისთანა ქეციანი პეტუხისთვის უნდოდა? — დაარტყამს, გაასწორებს მიწასთან და დაყოლებს, — ქოთი მაგას! — ციხის ადმინისტრაციისთვის ეს მითითება სრულიად ზედმეტია, მათ უკვე ჩინებულად აულიათ ალლო თავიანთი მოვალეობისთვის.

— თქვენ რისთვის დაგვდეთ პატივი? — მიაპყრობს პატიმარს ლურსმანივით თვალებს.

— მცდელობისთვის, — საწყალი ღიმილით ლამობს ჯალათის გულის მოღმობიერებას მხრებში ჩამძვრალი დამნაშავე.

— რისი მცდელობისთვის შე ახვარო? — მიაყვირებს არაბუნებრივი ხმით პაიჭაძე და კბილებიდან ოფლგამოჟონილი ტუსადიც სწრაფად მიაძახებს:

— გაუპატიურების, უფროსო!

— მერე ანგელოზივით გოგო გეწვა ქვემოთ, ვერ წაართვი ქალიშვილობა? აბა, რა მამაკაცი ხარ შე პეტუხო? უყურეთ, რა მომენტი გაუშვია ხელი-

დან?! — გადახედავს ესეივლებით გულხელდაკრევილ თავისიანებს. ხევს, და-
აგდებს და გადათქერავს სხვები.

— შენ, ყველის ვაჭარით რომ იღმინჭები? — შარს მოსდებს მამა აბ-
რამის ბატკანივით გაბუნჩულებულ პატიმარს.

— მე ავარიზე, ბატონო, — იტყვის ამდენი წაქცეულისგან სულგამძვ-
რალი შოფერი.

— ბატონო! მნახა აქ სოლომენ მეფე. ამას ჰგონია ავტოკატასტროფის
გამო თავზე ხელს გადავუსვამ. გაიღე შებოდი სადმე და სიცოცხლეს წაართ-
მევედი უმწიკვლო ადამიანს. ვინც შენ მართვის მოწმობა მოგცა იმისი დე-
და... — ამბობს ამას პაიჭაძე და დინჯი ნაბიჯებით მოიწვევა მწკრივის კიდეს-
თან მდგომი, ოთხ კედელს შორის გაჭინთულისმაგვარ მძლოლისკენ, — შენი
გაკეთებული იყო შენი დედა... — ამოჰკრავს ბადექონში ხელებით სახედაფა-
რულს და მოისვრის ორ ნაბიჯზე.

აი, ამისთანა გულისხმიერი მასპინძლების წინ ჩამომწკრივებენ ერთ-
ხელ როკის ეტაპს.

ახალმოსულებმა დაწვრილებით იციან პაიჭაძის სადიზმის თაობაზე.
იგივეა სცენა, დეკორაცია, განათება, კოსტუმები. უცვლელია სპექტაკლის
მთავარი გმირები. მალე მუსიკალური გაფორმებაც ამოიდგამს ენას. განსხ-
ვავება მხოლოდ მწკრივშია და ბუნებრივია, წარმოდგენაც შესაბამისი ნიუ-
ანსებით წარიმართება. აჰა, დაიწყებს სეირნობას რიგის წინ პაიჭაძე, ჯერ
ოპერმა უნდა შეიყვანოს როლში. თითებს აწკლავუნებს. ერთი ტუსალი მოვ-
ლენებს დაასწრო და უკან მობრუნებულ რეჟიმისუხუცესს გაბადრული სა-
ხით ჰკითხავს:

— ვერ მიცანით, ავთო, ბატონო, კოლეგები ვიყავით, — ის გაჭიმული
მილიციის მაიორი თანამდებობის ბოროტად გამოყენებისთვის იხდის სას-
ჯელს, გამუდმებით აპროტესტებს სასამართლოს განაჩენს და ზონებსა და ცი-
ხეებს შორის დააპროწიალებენ აღმა-დაღმა.

— კოლეგაო? — იფეთქებს თავისით ოპერის შეუმზადებლად პაიჭაძე,
— ვის შეჰკადრე ნაცნობობა? დაგახრჩობ შენი დედა... — კიტელს გაიხდის და
კუთხეში მოისვრის. ნავარჯიშევი ბიჭები ჰაერშივე დაიჭირენ აკრობატული
ნახტომით, — შენც მაიორი და მეც?! მთავრობა გენდო, შენ კი დანა გამო-
უსვი ყელში, — ყანყრატოში წვდება. ახროტინებს თვალებგამოკარკულ-
ლს, დააგდებს და წამოაჯდება ზედ. იმხელა შინაგან წვას და გარდასახვებს
ჩააქსოვს ამ მინიატურულ როლს, წუთშესვენება აუცილებელია. მწკრივში
სამოცამდე პატიმარია ჯერ, ხომ უნდა აღიდგინოს ერთბაშად გახარჯული აქტი-
ორული ენერგია?! ხოდა, იკრებს ძალ-ღონეს მომავალი შტურმისთვის. თან
სამოქმედო არენის — რიგის თვალთვალთ ტკბება. თავების სიმძლევზე უმ-
ზერს ტუსალებს, ვის როგორი აქვს ნიკაბი, ყვრიმალი, ცხვირი მუშტის მო-
სადებად. პატიმარსა და პატიმარს შორის მეტრონახევრის სიცარიელეა.

შემჭიდროვდითო, უნდა ამოთქვას, მაგრამ თვალები გაოცებისგან უფარ-
თოვდება. ამჩნევს ოთხი არესტანტი როგორ არხეინად მოკალათებულა ზურგ-
ჩანთაზე, თითქოს რომელიღაც უსახელო მწვერვალის დაულაშქრავთ და უკვე
ჩამოვაკებულნი სხეულებს ასვენებენო. ოთხეულიდან ერთს ჩინებულად იც-
ნობს პაიჭაძე. ორმოცდაათიოდე წლის ჭიჭინაძეს თმა მხრებამდე სცემს ოცე-
ოლასავით. უდრეკლობითაა განთქმული მთელს ქუთაისში. დაატაკებდა თა-
ვის „ბობედას“ გასტრონომის ვიტრინას. მანქანიდან ჩამოუსვლელად ტკიცი-
ნა ოცდახუთმანეთიანს მიაწოდებდა გაფითრებულ გამყიდველს, ბოთლ ლუდს
ან არაქა გამოართმევდა, ხურდას იჭვე უტოვებდა მინის საფასურად. კოლეგის
დამუშავებით გართული პაიჭაძე რას გაიგებდა იაშა ჭიჭინაძის ბიჭებში გადა-
ლაპარაკებას:

— თუ რამე, ბოლომდე ვიჩხუბოთ, ძმებო! — ამოთქვა და ჩამოჯდა რუკ-
ზაკზე. სამოცი კაციდან მხოლოდ სამი მიჰბაძავს ქუთათურს — ოდიშელიამ
ძუძუმტე ავიძბებით.

— რატომ შეჩერდი, დაილაღე ახვარო? — ეუბნება უცერემონიოდ კო-
ლეგაზე წამოსკუპებულს იაშა ჭიჭინაძე, მაგრამ ვინ არის ხმის გამცემი? ამ
თავზეხელაღებულს პაიჭაძეცა და კაპანაძეც საკმარისზე მეტად ცნობენ. სა-
შარო თავი ვისა აქვს?!

— იაშა, ხომ ხედავ რა პატივში მყავს ზოგიერთი პატიმარი? — იკრიჭე-
ბა ოქროთი გამოტენილი პირით პაიჭაძე.

— წადი შენი შაკალი დედაც... — კბილებში გამოსცრის ჭიჭინაძე, —
ვინმეში ხომ არ გეშლები, შენი აკრობატისტი დედა... საცოდავ ხალხს რომ
იბრიყვებ, შენისთანა ქაჯუნებს, არაფერი შეგეშალოს, თორემ ცემით კიბოს
გაგიჩენ. შენს სისხლს ერთ სუტკაში ურნაში გაუშვებენ.

უძალლო ქვეყანაში კატებს აყვებენო: ჩაგიგდია უპატრონო ციხეში
ვლასტიზ და გულაობ. იმ ქურდების დედა... — კვლავ შეიკურთხება იაშა ჭი-
ჭინაძე, — ვინც აქამდე მიგიშვათ და პალაჟენია გაგაფუჭებინათ! სამ დღეში
ჩემს ჭკუაზე მოვიყვან ციხეს.

— კარგი, მორჩი, რას ბუინობ, შენ ხომ არ გეხებია? შემიძლია გადაკე-
ტილში, ერთკაციანში ჩაგსვა, მაგრამ ამას ხომ არ ვაკეთებ?

— რაო, რაო? — ფეხზე წამოდგება იაშა ჭიჭინაძე და მაშინვე სამეფული
მწკრივის ნაკლულ სივრცეს შეავსებს, — დედაშენისა... გაბედე?! ვის ჩასვამ
შე გლახაკო, გაიმეორე?!

— კარგი, მოვრჩეთ, კაბინეტში წამომყვით შენ და შენი ძმაკაცები.

ოთხეული თავიანთი ზურგჩანთებით მიედევნება პაიჭაძეს და ჩამწკრი-
ვებული პატიმრებიც შვებით ამოისუნთქავენ.

— კამერა რომელი გინდათ, ამოირჩიეთ, — მთლად დაშარბათდება რე-
ჟიმთუხუცესი, — პრაფულკას ორსაათიანს მოგცემთ. ყველაფერი წესრიგში

იქნება, დასვენება, პერედაჩები.

— დამთავრდა თქვენებური წესრიგის ვადა, — მიახლის როკი, — არც თქვენი ზედმეტი პერედაჩები უნდა ვინმეს. კუჭის ჭკუაზე ჩვენ არ დავდივართ. უბრალოდ მიკვირს ეს ათასსუთასი კაცი ისე როგორ დააძაბუნეთ, ერთიც არ გამოერია ისეთი კბილები ჩამოგიღონ?

— მთლად იოლი არ არის, — უპასუხებს პაიჭაძე, — სიმძალით მეტ-როოთხმოცდათხუთმეტი ვარ, წონით — ასათი კილოგრამი, აკრობატიკაში პირველთანრიგოსანი. შეხედე, როგორ ვაკეთებ შპაკატს?!⁸ — იტყვის და ჩას-რიალდება იატაკზე.

— კამეჩსაც აქვს ღონე, მაგრამ ურემსშებმულს პატარა ბავშვი მიერე-კება წკნელით, — ამბობს ოდიშელია, თუმცა ბაწარზე დაჭიმული აკრობა-ტისტის გამოთაყვანებული იერის მნახველი დაასკვნის, რომ ყოველივე წყლის ნაყვია, მგლის თავზე სახარების კითხვა. მოკლედ, შეუშვებენ ოთხეულს ორ-მოცდამეთორმეტე საკანში და ოთხოდღე თვეს იქ დაყოვნდება როკი, ვიდრე სხვაგან არ განამწყსენ.

მზე ჯერაც ჭიოტობდა ტყეების ფაფარის გასწვრივ ჩაფერადოვნებულ ჰორიზონტზე. მთელს დასალიერზე ლავასავით გაწოლილიყო დრუბლების ზოლი და აფორიაქებული გუნება-განწყობილება რომ არა, უკეთეს სურათს ვერც ინატრებდი სულის დასამწყალობნებელს, მაგრამ ტრასაზე გამოღწე-ულმა მიხედა ერთხელაც ავიძბების შუკას და შებინდებით დაჩიავებულმა მორდუს სხეულმა გული შეუკუმშა; მოეჩვენა თითქოს დედობილის საუფ-ლოს დრაკონის აჩრდილი გადაფარებოდა. არავინ უწყის როგორ მოინათ-ლებოდა მომავალში მისი მკვეთრი ნაბიჯები, ცეცხლზე ნავთის დასხმად თუ ციებ-ცხელებიანისთვის დალევივებულ ქინაქინად. თვითონაც ვერ უპასუ-ხებდა ამ შეკითხვაზე ჯეროვნად, მაგრამ ერთ რამეში დარწმუნებული იყო — ალღოს ჯერეთ არასდროს უმტყუნია მისთვის. უცდომელი არავინაა. თავად ბაბუამისი ძაკაც, მთელი სიცოცხლე აფთიაქარის სასწორით რომ წონიდა სიტყვას, ცხოვრებაში ერთადერთხელ გამოვიდა წონასწორობიდან, წამოც-და საბედისწერო საყვედური და ემსხვერპლა კიდევ ნათქვამს. ხოლო როკი შინაგანი ბუნების ძახილს მიჰყვებოდა ყოველთვის და ამის გამო თითზე არას-დროს უკბენია. რატომღაც სტეპანცევის ქალივით ლამაზი ოფიცერი გაახ-სენდა ახლა, საცერი ბეჭედი რომ გააწკარუნა ბეტონის იატაკზე.

როცა გათხოვებას დააპირებ, მაგ ბეჭდით დაგნიშნავო, უთხრა მაშინ. კი, ბევრი ტანჯვა იწვნია ამ სიტყვის გამო, მაგრამ „მოდი, ახლა ბატონო, და ძა-კასებური ასჯერ გაზომვით მოვუძებნოთ უკეთესი პასუხიო“, ფიქრობდა ლა-მის უკაცრიელ გზატკეცილზე ოთხმოცდაათსა და ასს შუა მტოკავი ისრის სისწრაფით მქროლი.

რა ელონა, რა ეთქვა? დაიხრები ასაღებად და მორჩენილია საქმე. ყუ-რადღებას არ მიაქცევ?! სხვა მიზეზს გამოგიჩხრევენ, უარესს გამოგიგორე-

ბენ. შეეძლო შუალედური ტონი აერჩია, დავუშვათ ამგვარი — გმადლობთ მეგვარეობას რომ მთავაზობთ, მაგრამ ქორწილამდე სულ რაღაც შეიძლოა ვწელიწადს მოგვიწევს ლოდინი. რა უნდა გამოეძებნა უმჯობესი ტვინის-ქვლეტი? მე ნალბანდი ვარ, კუჭმას შევირდი. იუველირები უკან მომყვებიანო?! ხომ მოაძრობდა ფეხსაცმლის მოღრეცილ ქუსლს სალიკას მაჯაზე დასკუპებული მთვარისხელა ნალს? მერე? გინდა ნალისთვის დახრილხარ და გინდა — ბეჭდისთვის. არა, ბატონებო, გუმანია როკის მფარველი ღვთაება. ბაბილინა ბებიას ანდაზა მისთვის ცხოვრების დევიზად ივარგებს — პირველიან ბედი და უკუთლიან გვერდია. „ღიახაც პირველად მოფრენილი აზრია შენთვის შველა, დანარჩენი — სანახევრო“.

გამორბიან გზის ორივე მხარეს ჩამორიგებული ნაძვის ხეები. საფიქრალის მეტი რა აქვს როკის. ერთ ქვაბშია გადაშვებული ავადმყოფი მამა, სანთელივით დაღუპული დედა, ცხრა თვის უნახავი ნიკა, მუდამ თვალებში მაცქრალი მეუღლე, გულჩათხრობილი ძმები. იქით ორლესული ნიჩბებით აჩეხილი რუსთაველის პროსპექტი; აქეთ დრანდის აეროპორტი, ზედ ტრაპთან მიჩერებული ქავთარაძის ცინცხალი „ფიგული“ და ავიტების ჯალაბი „ოცდაოთხით“. სამჯერ ჩამოეკიდა კისერზე ბოშა ქალი. სამჯერ დაუსველა სახე ცრემლით. ანატოლის ავტორიტეტიც არ ჭრის უკვე. ეკიპაჟს მოთმინების ფილა აევისო. სულისშემგუბველი უკანასკნელი კოცნა და ტელეტიპის ლენტეხით თავში გაელვებული შურა დეიდას სიტყვები:

„ხედავ წაყირავებულ ბოცას, საიდანაც სისხლისფერი ღვინო იღვრება; ვხედავ გზას, მოლიპულს და დაუსრულებელს; ვხედავ ერთმანეთისკენ გაწვდილ ხელებს, რომელთაც სულ ციდიხნელა უკლიათ შეკავშირებად, მაგრამ სხვადასხვა მიმართულებით წასწრაფებული ფორნების გათანასწოების მომენტშია ეს სიახლოვე. გასაგებია?

ღიახ, გასაგებია, გასაგები“.

მერე კიდევ სვეტლანა, მატ აღინოჩკა, მ ქერათმიანი კონსტანტინე, ანდრონიკოვის გვართი რომ წავა გაისად სკოლაში, და კიდევ მთლად უსახელო, ტლინკისმყრელი დედის წიალიდან.

ამწუთას არსებითად ეს სახეები ტრიალებენ ოდიშელიას ცნობიერებაში, ცეცხლზე შემოდგმულ ქვაბს რომ შევადარეთ, მაგრამ მათ კუჭმას ხელი აკლიათ. ჯაჭვად ასმული როდია, თავში წაავლო და ბოლოც ამოგყვეს. არ არსებობს მათთვის რაიმე კანონზომიერება, თანამიმდევრობა, წესრიგი, ბრუნავენ საკუთარი ღერძის გარშემო ცალ-ცალკე და მერმე ერთად, სპორტლოტოს სფეროში ჩაყრილი მომცრო ბურთულების მსგავსად.

გაჩახახებული რესტორანის გამოჩენამ კუჭი აუწვა. შიმშილზე მეტად წყურვილმა შეახსენა თავი. ზედ შესასვლელთან მიამუხრუჭა. საოცარია, „არადუმ“ მოკაკულ სალოკს კბილებით ჩაფრენილი ლუდოედის სახე ამოუტივტივა უცებ. როგორი სინანულით წამოისროლა ერთადერთი სიტყვა „პანტერა!“ ბიჭებს ამ წამოძახილისთვის დიდი ყურადღება არ მიუქცევიათ, რო-

კისთვის კი ხელად გაიშვიფრა მასში ჩაქსოვილი სასოწარკვეთილება, სიმწარე მიუზღვეველი სამაგიეროს გამო:

რატომ გამოძრა, რატომ არ გავითვალისწინე? რატომ არ დავაბრედი-
ნე აბაზიანისხელა ზუგდიდში?! დაახლოებით ამ შინაარსს მოიცავდა ლუდო-
ვდის ამოგმინული.

უკაცრიელი რესტორანიდან მაგიდა გამოეტანათ ოფიციატებს ღია
ცის ქვეშ და ყავას შეექცეოდნენ. როკის გამოჩენაზე კარტოფილის სანთლის
მაგვარ ფეხებზე წამოიშალნენ მიმტანები. მიესალმა გოგონებს ოდიშელია და
გაიკვირვა მათი მოცალეობა.

— ახლა დიდი და პატარა პოლიტიკაზეა გადასული, მგზნებარე სიტყ-
ვით ნაყრდებიან და თვრებიან კიდევ, — თქვა შედარებით ასაკოვანმა, რომ-
ლის სახე ნაცნობადაც კი მოეჩვენა როკის, — ადრე სხვა იყო, ხალხი ბუზი-
ვით გვეხვეოდა, — მანქანას გახედა, — მარტო ყოფილხართ. ყველაფერი გვაქვს
თუ ივანეშვიძემ, შავი კატის გარდა და კიდევ ერთიც, ნიღაბი არ იყოს.

— აჰა, თქვენ ემსახურებოდით იმ სუფრას?

— მქონდა ბედნიერება.

— მაშინ ხილი და ორი შამპანური გამოაყოლე ხელს. ყუათიანი ბუტერ-
ბროლები და ჩაცივებული ორი „ბორჯომი“ გზისთვის.

ოფიციატმა შეკვეთილი სამ წუთში დაალაგა მაგიდაზე. ხიზილალანი
ათიოდევ ბუტერბროდი პოლიეთილენის პარკში ჩადო.

ოდიშელიამ შამპანური გახსნა. ოთხივე ფუჟერი შეავსო.

— ძველ ნაცნობობას გაუმარჯოს! — თქვა და ტუჩმიუკარებლად დად-
გა.

მიმტანმა ხელით ანიშნა, რა ხდება, რაშია საქმეო. როკიმ მარჯვენა სა-
ლოკი თითი ყლთან მიიტკლავუნა, გაშლილი ხელისგულები გადააჯვარედინა
და გაშალა მერე. თავის დადრეკით დაემშვიდობა უკლიენტო ოფიციატებს.
გამოცნაურებული მიმტანი ფეხდაფეხ მიჰყვა.

— მშვიდობაში! — მიულოცა ქალმა მანქანა, გამოალო მარჯვენა კარი
და პარკი ბოთლებითურთ სავარძელზე დადო, — გაგისხნა?

— იყოს, მე თვითონ, — ამბობდა საჭესთან მოკალათებული ოდიშელია.

ოფიციატმა შემოუარა „ოცდაოთხს“, დაუცადა საფულეში თითების
მოძრაობას.

— მაგრად გამოგიღწევა.

— ჰო, გამიმართლა, — როკიმ ტეიცინა ოცდახუთმანეთიანი წინსაფრის
მარჯვენა ჯიბეში ჩაუტყრა, თან თეძოზე მოჭერით აგრძნობინა, ხურდა საჭირო
არ არის, შევხვდებით ოდესმეო.

ოდიშელიამ მოკლეზე ჩაჭრა გზა ქავთარაძეებისკენ. გაიარა ხუმუშქუ-
რი, ზემო ბარლები, ნაბაკევი, ოტობაია, ფიჩორი. ნაკარლელმა მასპინძლებ-
მა გაიხარეს სტუმრის უვნებელი გამოჩენით. ავანშემს. მიართვეს საგულდა-

გულოდ შენახული იარაღი. არ დაუმაღავთ ვალერიანის გართულებული მდგომარეობა.

— დამბლამ გაუმეორა და მარჯვენა ხელ-ფეხი მთლად წაერთვაო, — გაუმხილეს მორიდებით.

ამ ფრაზამ როკის დურუს თხოვნაც დაავიწყა და არდაშელ ჰალიძონი-ას სახსენებელიც. ავტონისპექციამ მხოლოდ ერთხელ გააჩერა, ინგირის აეროდრომთან. რეიდი ყოფილიყო დედაქალაქიდან. კაპიტანმა თოდუამ თავის-თავზე აიღო ოდიშელიას უსაფრთხოება.

ჩემი მეგობარიო, აუხსნა კოლეგებს და მშვიდობიანად გამოატარა.

ავტონისპექტორი თოდუა გულკეთილობითაა ცნობილი მთელს ოდიშში. ტრასაზე ყურყუტით რასაც შოულობს, სულ ამხანაგებში ხარჯავს. იცის ეს დაჩი კეზუამ და ერთ წვიმიან შებინდებულზე დაქირავებული ტაქსით მიადგება. თბილისში მიდის მატარებლით. გამომცემლობაში ჩაბარებული ლექსების კრებულსაც მოიკითხავს. ცოტასაც იმკურნალებს ტუბდის-პანსერში. შაბათი დღე გახლავთ, ჭინჭულიანი. მძღოლს ორ საათს აპროწი-ალებს კეზუა აღმა-დაღმა ნათესავ-მეგობრებში, მაგრამ ყველგან ხელი მოეც-რება. აქეთ უკვე ტაქსომეტრი ოცდაათ მანეთს ურაკუნებს. პოდა, მიესნატება კიდევ თოდუას პოსტს.

— სამკურნალოდ მივიღვარ თბილისში, — მოისაწყლებს თავს საჭირო-ზე მეტად, — უკვე სისხლსაც მახველებს. ორასი მანეთი მჭირდება მატარებ-ლის გასვლამდე, დაგიბრუნებ მერე წიგნის ფულიდან.

— რანაირ დროს მომადგები ხოლმე. ერთი საათია რაც სამუშაოზე გა-მოვედი. ოციოდე მანეთი ძლივს შემიკოწიწებია, — ეუბნება ალაღმართლად თოდუა.

— ეგ ჩემი პრობლემა არ არის. გიშოვნია ორასი მანეთი?! ხომ კარგი, არადა, ჩავუვარდები რომელიმე გამვლელ მანქანას. ფილტვებიც მოისვენებს, წიგნიც, შენი ჯიბეც, მაგრამ ვნახოთ მერე რანაირი სასახელო იქნება შენთ-ვის გენიოსი პოეტის მოკვლა!

შეწუხდება თოდუა. პირიდან სასტვენს არ იშორებს. უპრაგონოდ აჩე-რებს მსუბუქ თუ სატირთო მანქანას. ნახევარი საათი ერთ გაწამაწიაშია. მოდის მერე ერთმანეთზე დალაგებული, დანოტიოებული ფულით.

— აჰა, გამომართვი, ასსამოცდაათია! — უწვდის შემოჩენილ კეზუას.

— რატომ მევაჭრები, კაცო?! ხომ გითხარი ორასს წყალი არ დააკლდე-ბა-მეთქი?

თოდუამ თავზე შემოირტყამს ხელს. მანქანა არსაიდან ჭაჭანებს. გზის გამყოფ ხაზამდე მიღწეული უცებ შემოტრიალდება.

— შენი საბუთები, — ეუბნება ტაქსის არანაკლებ გაწამებულ მძღოლს.

— საბუთები? — ისე შეიცხადებს შოფერი თითქოს ცა ჩამოქცეულა.

— იყოს. მოიტა ოცდაათი მანეთი! ნუ აჯანჯლებ, ჩქარა! — გამოართმევს გვარიანად გაცვეთილ თუმნიანებს, — წადი ახლა შენ, ამას მე სხვა მანქანიოც

გავაგზავნი, — შეუბღვერს. ტაქსისტი ისეთნაირად მოატრიალებს მანქანას, ოცდაათი მანეთის ჭარიმად კი ღირს ნამდვილად.

ასეთმა პიროვნებამ გამომარაგა როკი რეიდს. დამწვიდობების წინ ნახევარხმაზე ეუბნება:

— ვალერიანოვიჩი, ხომ ვიცი ოთხივე კალბაკი იარაღით გამოგიტენია. ნილაბს გაფიცვებ, ერთი დურა* დამითმე!

— გამომიარე ოჯახში ხვალ.

— კოჩანიერი* კაცი ხარ ვალერიანოვიჩი. შენი მტრები გარეთ გამოსვლას ვერ ბედავენ, სოროებში შემძვრალან.

საინფორმაციო პროგრამა „ვრემია“ გვარიანი ხნის დამთავრებული იყო, როცა მშობლიურ კერას მიადგა ოდიშელია. თვალებში მსუბუქი ნისლი მოაწვა. ჭიშკარში შესულს გერმანული ნაგაზი კულის ქიცინით, ლაქუცითა და ნეტარი წკმუტუნით მიეგება.

პატარა ლეკვობიდან გაეზარდა. ფეხებზე ეგლასუნებოდა. წინა კიდურები ორივე მხარზე დააწყია პატრონს და უსაზღვრო სიხარულისგან ლოკავდა ალერსად დაღვრილ კაცს. როკიმ იჯერა გული თვალის ჩინივით მოვლილი ძაღლის მოფერებით. მერე ამოიღო პისტოლეტი, დერჟიო, მ უთხრა, და კბილებში გაუჩარა ტარით. ქოფაკი იმწუთასვე ჩამოხტა და გავარდა ოდიშელიებისკენ. უსიტყვოდ ხვდებოდა პატრონის სურვილებს. ორი წელიწადი წვრთნიდა როკი და რაც ძაღლს მოეთხოვებოდა, ყველაფერს ჩინებულად აკეთებდა. მედიდური ბუნების გამო სახელიც შესაფერისი შეურჩია — ბარონი.

სახლეულები ქვედა სართულზე მისხდომოდნენ გაჩაღებულ ბუხარს. აპრილი იწურებოდა, მაგრამ ცეცხლს ჭერაც არ დაკარგვოდა ძალა. ვალერიანის საწოლიც აქ ჩამოეტანათ. ცეცხლი დილიდან საღამომდე ერთო მარინას წყალობით. ისხდნენ და პატარა ნიკას ტიტინს უგდებდნენ ყურს, ყენია, გივი და გენადი, რძლები. ნაბოლარას ქალ-ვაჟი გაკვეთილებს ამზადებდნენ. ვალერიანი თვლემდა.

ბარონმა კარები რომ შემოანგრია და ოჯახის უფროსის ლოგინთან კული აფათქუნა, როკი მოსულაო, შეჰყვირეს სიხარულისგან და წამოცვივდნენ ადგილიდან. ხვევან-ალერსი რამდენიმე წუთს არ დამცხრალა. ბოლოს გაძღნენ თუ არა გადაკარგული კაცის მოსიყვარულებით აცრემლებული დედა, გაბადრული ძმები, გაცისკროვნებული რძლები, წამოყირმიზებული მეუღლე, ვაშმის თადარიგს შეუდგნენ.

ოდიშელია მუხლზე ჩამოსკუპებული ნიკათი ვალერიანს ჩამოუჭდა საწოლზე. მამას სისუსტე მორეოდა. გაყვითლებოდა სახე. ლოყები ჩაცვენოდა. საღი მარცხენა ხელით ხან შვილიშვილის თავს ეფერებოდა, ხან კიდევ — შუათანა ბიჭის მუხლს. ტუჩები უთრთოდა ზედმეტი ხალისისგან.

ძმებმა მანქანა ეზოში შემოიყვანეს. საბარგულიდან ამოქონდათ საჩუქრებით გამოტენილი პარკები. ავტომატების, ბურთების თუ სამთვლიანი ვე-

ლოსიპედის მნახველმა ნიკამ ცთუნებას ვეღარ გაუძლო და გავარდა ბიძე-ბისკენ.

სუფრას აქვე შლიდნენ, ბუხრის სიახლოვეს. ყოველ შეფუთულს ფლომასტერით ეწერა ადრესატის სახელი. პირველი ნობათი ვალერიანს მიართვეს, შავი წვრილზოლებიანი ინგლისური კოსტუმში, დათბუნებული პლაშში, ბათინკები, სალამანდრები საშემოდგომოდ, ფლანელის პერანგები. ახლა კი ვეღარ გაუძლო ძაკავეიჩმა შვილის ყურადღებას, ქალივით აქვითინდა. იქით ჟენია ააქოთქოთა, აქვით ბიჭები ააჯუჭღუნა. როკი მხარსა და ლოყაზე ხელით ეალერსებოდა.

— ნულარაფრის გეშინია, მამა, თბილისში წაგიყვან, პროფესორებს დაგახვევ თავზე. ნახავ, მალე წამოდგები ფეხზე, — სულ ამას ეუბნებოდა.

ვალერიანი ოჯახის წევრებიდან ყველაზე მეტად უყვარდა როკის. იმასაც გამორჩეული ჰყავდა შვილებისგან შუალა მემკვიდრე. დამტირებელ ძეს ეძახდა, მტრის ჭავრის ამომყრელს.

— კოსტუმში რომ წვდი შენ ტერნუს ჭარგავას, იქ მოისყიდე ჩემი გული სამუდამოდ, — უთქვამს ათასგზის. ახლაც იგივეს უმეორებდა.

ბევრი ცრემლი ღვარა იმ დამეს ვალერიანმა, მერე დაწყნარდა როგორც იქნა, მაგრამ დიდხანს სიტყვა არ ამოუღია, თითქოს რცხვენოდა შვილისა თავისი უმწეობის გამო — ენაწართმეული ძლივს რომ ლულღულდებდა. ბოლოს ამოდერდა რანაირადაც ეხერხებოდა ისე:

— შვილო, როკი, რასაც მე გასწავლიდი ბავშვობიდან, რასაც გინერგავდი, არავის დაუთმო, უკან არ დაიხიო-მეთქი, მაგარი მუშუტი და სალი გონება ამ გადმოსახედიდან ნაწილობრივ არის თურმე მართალი. მაშინ სხვა დრო იყო, სხვანაირი გაგება და გაუნათლებელ კაცს, შვილი რომ არ დამჩაგვროდა, სხვა რა ცოდნა უნდა მიმეცა შენთვის?! რალაცნაირი გამართლება კი ჰქონდა ჩემს დარიგებას, უშეღავათო საქციელისკენ რომ მოგიწოდებდი, მაგრამ ახლა დრო იცვალა და ქმედებაც სათანადო უნდა შეურჩიო. მეტი მოქნილობაა საჭირო. ზოგჯერ დამყოლიც უნდა გახდე, დამთმობიც. გეყოფა, შენს ასაკში რაც სახელი მოიხვეჭე, მთელი სამეგრელოსთვის იკმარებს. გახსოვს დედაჩემმა სასამართლოს წინ როგორ გითხრა: თითო აგური თავისი წილი ყველას ურევია ციხის მშენებლობაში, მაგრამ საძირკვილიდან დაწყებული სახურავამდე ჩემი შვილიშვილები თუ ამოიყვანდნენ მის კედლებს, არ მეგონაო.

ბავშვი დაგიჭირეს, შუახნის კაცი დაბრუნდი. ეს წუთისოფელი სულ წამებაში ხომ არ უნდა გალიო? გაიხედე შენი გავლილი გზიდან თუ რამე ჩანს? სიზმარივით გაგონდება. რა მალე გაიარა ბალლობამ, სიყმაწვილემ. იცი რაზე გეუბნებოდი და რატომ გიკეთებდი ეგეთ ნუშენიას?!* ერთი და, კლასიკური განათლება არ მქონდა, მერე და სოფელში გაზრდილი ვიყავი და პლიუს ამას — შენზე ოცდობილი წლით უფროსი, ყმაწვილკაცი, გამოუსვლელი. მართალია, თქვენ, ძმებს, არასდროს მოგიპარიათ დაქუ* ხილიც კი მეზობლის ბაღიდან. ნარკოტიკს არ გაკარებხართ. სხვის ცუდ საქმეში არ

გარეულხართ. გაჭირვებულს ხელს უმართავთ... ეს ადამიანის ყველაზე დაღებული თვისებებია. გაიხსენე ძაკა ბაბუას სიტყვები:

ერთს ესარჩლები, კარგს უკეთებ?! ათს იმღურებო. ასეა ქვეყანა მოწყობილი. მე არ გეუბნები, თავზე დაისვი დღეიდან ვინმე-მეთქი, უბრალოდ ცოტა მოერიდე სხვის ამბავში ჩარევას. ანგელოზი ცოლ-შვილი გაყავს, — ვალერიანის სვენებ-სვენებით ნათქვამს თვინიერად მიუგდებდნენ ყურს სახლეულები. თითქოს სიტყვებს ეძებსო, წინადადებებს შორის ხანგამოშვებით ჩერდებოდა, პირს უხმოდ აპლაკუნებდა და მხოლოდ რამდენიმე ცდის შემდეგ ამოქაჩავდა სასურველ ფრაზას, — ამათ ვის უტოვებ?! ცოდვები არიან ერთიცა და მეორეც. ბავშვს შენი სურათები დააქვს უბით. ბაბაიას ეძახის. იმისი აზრი ხომ უნდა გქონდეს ესენი უშენოდ რომ დაიზარებინა?! მე უკვე ვკვდები. ჩემი დღეები დათვლილია. შენი უფროსი ძმის ამბავი ხომ იცი, შენზე მეტია ნამჯდარი, თექვსმეტი წელიწადი. ამ ხნის მანძილზე არცერთი დღესასწაული თქვენ ოჯახში ერთად არ გიზეიმიათ. ბავშვები დაშორდით ერთმანეთს და შუახნის ხალხი შეიყარენით. შენ სევერში* იჯექი, ის — იუგში,* შენ აქტიუბინსკში იხდიდი სასჯელს, ის — ნოვოტროიციში. მე თქვენ განახლოვდით ჩემი ფიზიკური შრომით მოპოვებული ფულით. არცერთი სვიდანია* არ გამოცდენია. თვითმფრინავზე რომ არ დამგვიანებოდა, ორი ჩემოდანი ხელით მიმქნდა, მესამე კბილებით მეჭირა. ამხელა გზაგამოვლილს შენი თავი არ მანახეს. მითხრეს, ბურშიაო, კრიტში, პერედაჩი, სვიდანია არ ეკუთვნის, ნარუშენიები* აქვსო. პერედაჩი ვახტაზე დავყარე. ბეზკანოიკები* რქმევიათ თურმე, ისინი დაესივნენ. მე კი ცრემლით სავსე თვალებში ვერ ვიხედებოდი. ქალივით მოვთქვამდი ჩუმად გულში. გამვლელ-გამომვლელს ვეტაკებოდი. აქ დედაშენს ვატყუებდი:

კარგადაა, ორი სუტკა ერთად ვიყავით-მეთქი. ის სიხარულით ტიროდა:

ამდენი ნაშიმშილარი თუ გაძლოა? ეს შვილო, ძაღლური ცხოვრებაა.

აქ ყენიამ მოჰკრა თუ არა ყური ვალერიანის ნათქვამს, შეიცხადა, მუშტივით შეკუმშული დაადგა თავზე:

— აბა, შენ მართლა არ გინახია? მე მატყუებდი?! ბავშვს პერედაჩი არ უჭამია? უსინდისო კაცი, მატყუარა!

— კარგი, გაჩერდი! — ამოხედა ცოლს ლმობიერად ქმარმა, — ეს წარსული დროა. აწი მომავალზე ვიფიქროთ. სჯობს გვიან, ვიდრე — არასდროსო, ჰოდა, ერთი მაგალითი მინდა მოგიყვანო, მარტივი. აი, შენი გაზრდილი ბარონი, ჭაჭვზეა. დამით ავუშვებთ. სამი წლისაა და ბალანი გაუთეთრდა. იცი რატომ? მაგარი ძაღლი ყველა ჭაჭვითაა დაბმული. მთელი დღე ამას ექაჩება, მიზანს ვერ აღწევს, გული გასკდომაზე აქვს. ბალანი უთეთრდება, ადრე ბერდება, ოთხ-ხუთ წელიწადში კვდება. მაგარი ავი ძაღლი, ყველა მძალაწნევიანია და გული უსკდება. ამიტომ არის, რომ მე ყოველ ღამე ვცვირი, აუშ-

ვით-მეთქი. მეცოდება, შენი მოყვანილია, ერთი თვის მერე შვილივით გაზრდილი, ხოლო ეგერ, ბასილაიების, თხუთმეტი წლისაა. ერთი თეთრი არ ურევი. მთელი დღე სძინავს. ზედ ფეხებით რომ გადაუარო, ვერ გააღვიძებ. ის კიდევ ოც წელს იცოცხლებს. იცი შენ რაზე მოგიყვი ყოველივე. შენ ყველაფერი გულთან ახლოს მიგაქვს. ნერვიულობა კლავს ადამიანს. ხომ გაგიგონია დედამიწა ლერძის გარშემო ბრუნავსო. აი, ეს ოჯახიც შენს გარშემო ბრუნავს. შენ ხარ ლერძი. შენი იმედით ვტოვებ ამათ. შენ შუათანა ძმა ხარ, მაგრამ განგებამ ისე ინება, შენი მისახედია ყველა — უფროსიცა და უმცროსიც. ახლა გნახე, სახლში ხარ, აწი სიკვდილი არ მენაღვლება, მიუხედავად იმისა, რომ ხანი არა მაქვს, სამოცდაოთხი წელი დავამთავრე სამი დღის უკან. ბევრი ნამუშევარი ვარ, წამომეწია ყველაფერი. მე ვიცი შენ მაგრად გაგიმართლებს ცხოვრება, მაგრად გაიქაჩები და ყველას უპატრონებ. კიდევ ერთი სათხოვარი მაქვს, თუმცა ეს რჩევა უფროა. ნიკას, შენს შვილს, ნუ ასწავლი იმას, რასაც მე გეჩიხინებოდი. კი, კარგია ნავარჯიშები ბიჭი. გახსოვს ამ ფერდობზე გირებით გარბენინებდი, ოფლში იღვრებოდი, არ მეცოდებოდი, პირიქით — მიხაროდა. ამაში არაფერია ცუდი, მაგრამ მომავალში სხვანაირად თუ ჩაუნერგავ ბავშვს, კაცს ნუ დაჩაგრავ-თქო, ადამიანზე ხელი არ აღმართო, სიტყვიერად აუხსენი-თქო, ერთი-ორად მოგებული დარჩება.

ფიქრობდნენ ოდიშელები ერთ ლამეს მაინც ივანეშემებდნენ ოჯახურ იდილიაში, მაგრამ მეზობლებს როკის ჩამოსვლა შეეტყუთ და მოსაკითხებით შემოლაგდა დიდ-პატარა. ჯერ ერთი მაგიდა მიადგეს სუფრას. არ იკმარა. მერე — მეორე, არც — იმან და შინაურული ვახშამი მალე გვარიან პურობაში გადაიზარდა. იმხიარულეს ზომიერად, როგორც ორპირა, ალესილი ნიჩბებით აჩეხილი შვილების მშობლებს შეშვენოდათ.

— ისეთი სასწაული მოიგონა კვეკვე ანთარიამ, ჩაქუჩი და ლურსმანი არსად იშოვება, — ნაღვლიანად იცინოდნენ როკის მედამხირე მეზობლები, — მას შემდეგ, რაც დიხამინჯიას შენი ჯავრი არ შეაჭამა, კაბინეტის კარების აჭედვა მოლაში შემოვიდა ერთობ. იქიდან მოყოლებული თანამდებობის პირები უბატონოდ ხმას ვერ სცემენ ხელჭევეთებს, მაგრამ აჭედვები ისე მომრავლდა, რკინეულობის მალაზიიდან გაქრა ძალაყინი თუ მარწუხი. ერთი გადაბრუნებული სიტყვა და მაშინვე მიდგებიან კარებს. ამოუქოლავენ შესასვლელს და რაიკომის ახალ მდივანს, შენი ძმაკაცი ხეციას სიძეს, ყურში თუ ჩაეწვეთა, კარი აუჭედესო, ამა თუ იმ ხელმძღვანელ მუშაკს, მიახსნის ეგრევე განურჩევლად.

— ახლა შვილს აწეული ტონით ვეღარ დაელაპარაკები, — სიტყვა ჩამოართვა პირველ მეზობელს მეორემ, — აგიჭედავს ტუალეტის კარებს და უყარე მერე კაკალი. თუ შიგნით არ ხარ, კიდევ არა უშვავს, გავარდები მეზობელთან, მაგრამ ისიც თურმე შენს დღეშია და სანამ ფარდალალა ჩეჩმას იპოვიდე, გათავებულია საქმე.

— არა, ზუგდიდელი ახალგაზრდების ამავს ვერასდროს გადავიხდით, — თქვა ჟენიამ, — წამითაც არ მოგვცილებიან. წამლები, სასმელ-საჭმელი, შეშა, სულ იმათ მოჰქონდათ, შვილო. ყურადღება არც შენი ძმაცაცებისგან გვაკლდა, უჩას და თეიმურაზის ჭირი შემყროდეს, მაგრამ ის ბიჭები სულ თავზე დაგვტრიალებდნენ, ნანა. უშენობა იმათ გადაგვატანინეს. განსაკუთრებით კვეკვე ანთარიას მოტანილი ამბებით გვედგა სული. სიკეთით თუ გადაუხდი თითოეულს, ნამდვილი როკი იქნები, ნამდვილი ოდიშელია.

— ოდიშელიებმა იციან ამაგის დაფასება, — სიტყვა ჩამოართვა ცოლს ვალერიანმა, — ჩვენ კაცები კი არა, ქალებიც განუმეორებელნი გვყვანან. მართო ჯათუ მამიდის ამბავი რად ღირს?! ის სულცხონებული უფროსი შვილი იყო ოჯახში, მაგრამ ობლად დარჩენილი და-ძმანი სანამ სათითაოდ არ დააოჯახა, გათხოვებაზე რომელი ჰკუთამყოფელი ჩამოუგდებდა სიტყვას?! ორმოცს მიტანებული ვაჰყვა ლეხანდრაოელ მეცხენეს. იმ დროს ცხენის ქურდობა დიდ ცოდვად არ მიაჩნდათ, არც — ძარცვა-გლეჯა, მაინცდამაინც, ჰოდა, ჯათუს მახლები ქმართან ერთად ამ ხელობით ირჩენდნენ თურმე თავს. რომელიღაც მთვარიან ღამით გზაზე ჩასაფრებული ხანდრავები ვიღაც შეზარხოშებულ მხედარს ასვეტებიან წინ. ერთ ძმას აღვირში უტაცნია ხელი, მეორეს იარაღი მიუშვერია მგზავრისთვის, მესამე ნესტოში წვდენია იორღას, რათა მოხერხებულად წაეჭკია. მიმხვდარა ცხენოსანი თავის გასაჭირს, მაგრამ არ დაბნეულა, ერთი ხელით დამბაჩა უშიშვლებია და იარაღიანისთვის დაუხლია, მეორეთი — ყამა, რომლის წამახული წვერი გაუკრავს ყურს ქვემოთ ცხენის ნესტოებს ჩაფრენილი ყაჩაღისთვის, მესამესთვის წიხლი ჩაუფარებია სახეში და გაუქუსლებია რაში. ბერდანკების ჭახანით გამოდევნიან დაჭრილი თუ საღ-სალამათი ძმები ხანდრავები. მგზავრი დაწინაურებულა, მაგრამ ნებაზე მიშვებული ტაიჭი ვიღაცის ჭიშკარს მისდგომია, არც დაფიქრებულა ისე გადავლებია და აივანზე გამოსული ფეხმძიმე ქალისთვის თავშესაფარი უთხოვია. იმასაც წაგრძელებულ ყაზარმაში შეუშვია სტუმარი, გარედან ბოქლომი დაუდვია და დალოდებია თავისიანებს. დამბაჩადახლილი მახლისთვის ჭრილობა შეუხვევია ჯათუ მამიდას, მაგრამ ამასობაში საძილე არტერიადაჭრილი ქმარი მოთავებულა და ჩამოსულა დაბლა ოდიშელზე, გაუღია თავლის კარი, თან მგზავრს, აი, რას ეუბნება თურმე:

ხომ ხედავ, ქმარი მომიკალი, მაზლი დამიჭერი, გაუჩენელი შვილი დამიობლე, მაგრამ მაინც გიშვებ გვარსაც არ გეკითხები ისე, ვინაიდან სიმართლე შენს მხარეს არის. სანამ შეგიძლია თავს უშველეო, უთქვამს. აცალა სტუმარს ჭიშკარს გადავლებოდა და მაშინვე წვივლ-კვივლი აუტეხია.

ეგერ, თქვენი ძმის მკვლელი, ხანდრავებო, იყოჩაღეთ შურის მაძიებლები თუ ხართო.

გამოვარდნილან მაზლები, ამხედრებულან მერნებზე, გამოდევნებიან ბერდანების ჭახჭახით, მაგრამ ბუზივით გაუჩინარებულ მოსისხლეს რას მიეწოდნენ? ჰოდა, ქმრის წლისთავის შემდეგ ჩვილი ბავშვით ჩამობრუნებულა ერგეტაში ამაყი ჯათუ მამიდა. მე მაშინ გაჩენილიც არ ვყოფილვარ.

ვალერიანის მონაყოლის მერე როკი სუფრაზე დიდხანს არ დარჩენილა. პატარა ნიკას ბაბუას ლოგინში ჩასძინებოდა. შვილის მდგომარეობით ისარგებლა ოდიშელიამ, თანამეინახეებს მობოდიშებით დაემშვიდობა და ატატებული მემკვიდრითურთ საძინებლისკენ გაემართა.

ლიმა მეთერთმეტე

AD VERITAS

846153

სამი-ოთხი დღე ქალაქში მიიხედ-მოიხედა როკი ოდიშელიამ. მოისვამდა გვერდით ვაჭიშვილს, ჩაიჯენდა კარის მეზობელ რინო ბასილაიას და იერ-შეცვლილ ზუგდიდში აღმა-დაღმა ხეტიალობდნენ. სულ ერთად იყვნენ, სახელდახელო სუფრასა თუ ბირჟაზე, ძმაკაცების საფლაგებთან თუ სასტუმრო „ოდიშიში“, ენგურჰესის კაშხალთან თუ ჯვარზენში.

ვალერიანს რინო შვილებისგან არ ჰყავდა გამორჩეული. მართლაც ჩინებული ბიჭი იყო. სამოხიოს ტალ-კვესს ეძახდნენ დაუზარებლობის გამო მუდამ თმაჩეჩილს. ნიადაგ ხელმოკლეობას უჩიოდა. რასაც იშოვიდა, მყისვე ძმაკაცებში დახარჯავდა. ფანტიაშვილობას წააყვდრიდნენ მშობლები აქა-იქ, მაგრამ მამობილი გამოესარჩლებოდა:

— ნუ შეიკალით ხელში, დაოჯახდება და ყველაფერი კალაპოტში ჩადგება!
— იტყოდა და მსწრაფლ განაიარაღებდა დაქოქილ ბასილაიებს.

აგერ, მოჰკრა თუ არა ყური, ვალერიანი სამკურნალოდ მიჰყავს თბილისში როკისო, დატრიალდა ჩვეულებისამებრ. მანქანა ხელად გააფორმებინა ამხანაგებს ავტონისპექციაში. იღბლიანი ნომრები დაითრია. მინდობილობაც თვითონ მოაგვარა ნოტარიუსთან. მერე ყოველ შემთხვევისათვის ბოქსზე შეაყენებინა ცინცხალი „ოცდაოთხი“, ყველა ქანჩს და ჭანჭიკს მიუწვდინა მზერა, თითქოს ჭიპმოჭრილი ტექნიკოსი ყოფილიყო.

აჰა, დილის ექვსი საათია, გამართულ-გაკრიალებული მანქანა ცამიცულ-მობს. საბარგულში ჩატვირთულია პოლიეთილენის პარკებში შეფუთილი თეთრეული, შალითები, საცვლები და მისთანანი ვალერიანისთვის; აუცილებელი წვრილმანი დედაქალაქისკენ გაურკვეველი ვადით აბარგებული როკის ჯალაბობისთვის — სიმინდის ფქვილი, მთვარისხელა სულსუგუნები, თხილი, ჩაი და ლიმონი; სანთლის არაყი მუხურიდან ცირდავებმა მოართვეს შემოწნული სამ-

ლიტრიანი ბოთლებით. ჯერ კიდევ ბნელა, მაგრამ მთელი სამეზობლო აქ შეყრილა. გაუგიათ ვალერიანი მიჰყავთ თბილისში სამკურნალოდ და თავზე ეხვევიან წინა სალონში მოკალათებულს. მალე გამოჩანმრთელებულ დაბრუნებას უსურვებენ, თან შუათანა შვილის დასანახად კოსტუმის გარეთა მარჯვენა ჯიბეში ფულს ჩაუტყურებენ.

„ესლა აკლდა ნერვებდასუსტებულ კაცს. სულ ნიკაპი უკანკალებს. პატარა რაღაცაზე გული უჩვილდება. რინოს ათმაგად უნდა ვუმაღლოდე. ჯერ ერთი, თბილისისკენ პირველად მივდივარ საკუთარი მანქანით. რიკოთის უღელტეხილის მიხვეულ-მოხვეულებში მშვიდობიანად გაღწევას ეხუმრები? არც აფხაზეთის კლაკნილი გზები იყო მაინცდამაინც იოლი გამოსაღწევი, მაგრამ რიკოთი მეტ პროფესიონალიზმს მოითხოვს. მერე, თუკი დაეჯერება, დედაქალაქის ქუჩებში ისე გრძნობს თავს, როგორც თევზი — წყალში.“

ესეც რომ არა ჭურიაში კვეკვე ანთარიასთან საუბრის შემდეგ როკი ოდიშელიას უჩვეულობა დასჩემდა. ჩამოჯდება სადმე ორიოდ წუთით და ისე გაიტაცებს ოცნება, ისე ჩაითრევს მისდა უნებურად, მანქანას ინსტინქტურად მართავს. რამდენჯერ ავარიული სიტუაცია შეექმნა მოსკოვიდან მომავალს. კვეკვე ანთარია ვახსენეთ, და აჰა, მეათე თვე იწურება, რაც მაგას დაშორდა, მაგრამ რამდენიმე საათის ქაქანმა „ცნობიერების ნაკადზე“ უწყვეტი ფიქრის ზვირთებში მოისროლა. არა, განსჯის მეტი რა უკეთებია მთელი თოთხმეტი წელიწადი, თუმცა კვეკვე ანთარიას თეორიამ სულ სხვანაირი გეზი მიანიჭა მისი სულის მდინარებას. ადრე სწორხაზოვნად აზროვნებდა გარკვეული მიმართულებითა და კონკრეტული მიზანდასახულობით. ვთქვათ და ილონაზე ოცნებობდა. ამისთანა შემთხვევაში, გათქვირული იასამნის სურნელებაში გახვეული, სულ მას დაჰფოფინებდა, მაგრამ კვეკვე ანთარიასთან მუსაიფმა როკი ოდიშელიას წარმოსახვა კუზმას რგოლებად ასხმულ ჯაჭვს დაამსგავსა. სტეპანცევი მოინელა მისმა უდრეკლობამ, ილონასთან განშორებასაც გაუმკლავდა, დიხამინჯიასა და ადელუას ხალხის დევნამ ვერაფერი დააკლო, თვით კვეკვესკირის თავიცა და დურუ ჰალიძონის გაგლეჯილი კატაც დავიწყებას მიეცა თითქოს, მაგრამ, აი, კვეკვე ანთარიას თეორიამ ლამის არის სიცოცხლე გაუმწაროს.

აჰა, გაცდნენ უკვე ზუგდიდის კარიბჭეს; ზურგს უკან დარჩა ფერდინანდი აწეული ხელით. ჭითაწყარის უკაცრიელ, ლარივით გაჭიმულ გზატკეცილზე მიქრიან. ვალერიანი გადმოშუებულ საზურგეზე მოხერხებულად მისვენებულა. როკის ხელმარცხნივ მარინას კალთაში უწევს მძინარე ნიკა. მისრიალებენ ოდნავ დანამულ ასფალტზე და ოდიშელიას გონებაც მართონული ფიქრისთვის ემზადება.

„რატომ არ უკვირდება ეს ხალხი ბუნებას? რა უბრალოდ ხდება ყველაფერი. არავითარი ზედმეტი, არავითარი ნაძალადევი. ისე უმტკივნეულოდ, ისე ხალასად გადადის ერთი ფორმა მეორეში, ზღვარს ვერ უპოვი. დავიწყოთ გამთენიიდან. ამოვა მზე. კავკასიონის მთავრებილი დათოვლილია, სის-

ხლისფერი გადაეღვრება მთელს არემარეს. ფოთლებიდან დილის ცვარ-ნამი წვეთავს. ძლიერდება მანათობელი და ნისლიც თანდათან თხელდება. რამდენი ძალა ემატება პირველს, იმდენი აკლდება მეორეს. გადაივლის ჰორიზონტს, წითელი ფერით ჩაეშვება დასალიერზე, სადაც შორს უხმაურო ზღვა იგულისხმება. საათის კბილანებივითაა მორგებული თითოეული მოვლენა ერთმანეთს. ვაჟამ იცოდა ეგ ხუთ ბალზე, მაგრამ დღევანდელ მწერლებს და ფილოსოფოსებს არაფერი შველით, ისე გააბუქებენ, სიტყვის ისეთ კორიანტელს დააყენებენ, თავბედს გაწყველინებენ.

შენზე ვაპირებ რომანის დაწერასო. არა, ძმაო, ასეთი ტვინის ჭყლეტით თუ განუზრახავს ჩემი ცხოვრების ასახვა, იქიდან მკითხველი ვერ იხიერებს. ვეუბნები, კაცო, არ გებრალება ადამიანები-მეთქი. იმას კი აუჩემებია:

ოცდამეერთე საუკუნისთვის ვწერო. ჯღაბნოს და იკითხოს. სანამ გავიცნობდი, ვიყავი ჩემთვის, ფიქრი ფიქრს ჰგავდა და ოცნება — ოცნებას. ახლა კი მისდა უნებურად, ვთქვათ, ამოვიღებ სავარცხელს და ეგრევე ილონა ამესვეტება თვალწინ. დალალებს ივარცხნის, ფაშფაშა ბიცოლა კი შეიჭერი თმა თორემო და ჩაწეული ხმით რაღაცას ეჩურჩულება. ეს უკანასკნელი მე მომაჩერდება. მადიანად ვილუკმები პურსა და ყველს. ამეებისთვის ნაკლებად მცხელა. არც კი მანტერესებს რა ჩაუბუტუნა ისეთი ფაშფაშა ბიცოლამ, უეცრად რომ წამოაწითლა ეს ზანგის ქალიშვილი. ახლალა ვხვდები, ალბათ, მკბენარები დაგესევო, უთხრა. ო, მკბენარები აქტიუბინსკში რომ იყო ეგაა თუ არის, ჯიშინები. ა, ხომ ხედავ, კინალამ საითკენ გადამისროლა კვეკვე ანთარისა ნაბუტურალმა? სანამ გავაცნობიერებდი, ვიყავი ჩინებულად. მთელი დღე ერთი მიმართულებით შემეძლო მეოცნება და ხელსაც ვერავინ მიშლიდა, მაგრამ ამოტივტივდა სიტყვა „მკბენარები“ და კინალამ აქტიუბინსკის ჯურღმულებში გადავეშვი. არ იცნობდნენ ცნობიერების ნაკადის მეთოდს სერვანტესები და ტოლსტოები, მაგრამ ვინმეს წამოუყვედრებია, ძველმოდურნი არიანო?! აუჩემებია ჯოისი და ფოლკნერი. ცოტა სულს მოვითქვამ და მაგათთვისაც მოვიცლი. სად სიუჟეტის თანამიმდევრობა და სად — ქაოსურ ამბებში ბოდილი?! ასეთნაირად თუ აპირებს ჩემი ცხოვრების გადმოცემას, ჯობია ნურც გაირჯება! დაბეჭდვის უფლებას არ მივცემ. ან როგორი თავისნათქვამაა?! გგონია დაგიტომბს რამეს?! ხანდახან ისე დაგჩხავლებს ყვავივით, მეშინია ხელი არ დამსტყუოს. ისე კი გული არ უნდა დამეწყვიტა.

სახელი არ გიწყობს ხელს, თორემ ნაღდი გენიოსი ხარ-მეთქი, რომ ვეხუმრე. კატუკიასავით ხელებით არ დამიწყო საუბარი?!

რატომ მაგალითად, კვეკვე რითი არის ცუდიო. მე დიდი ჟინი ანთარის შთამომავალი გახლავარ, ბატონოო, ნამდვილი კოლხი, ვინაც სალტესავით შემოეჭდობია დაქუცმაცებული საქართველოს ერთიანობასო. მამულის გადარჩენა დიახაც ანთარიების მისიაა უფლის განგებითო. მეც ენა გამეკცა. რა მრჯიდა?!

კვეკვე კი არა კვეკლა არ გინდა-მეთქი. აი, გიორგი ანთარია მესმის, მდიდრულია, ტევადი.

გვარიანი ხანი სათოფეზე არ მეკარებოდა, მაგრამ ალალ-მართალი ბუნებისა და წყნის გულში ჩახვევა არ უყვარს. ჯანდაბას ყოველივე! ისე კი ხედავ, როგორი პრინციპულია, ფსევდონიმით აპირებს რომანის გამოქვეყნებას, თუმცა მექვევა იმ აბდაუბდას დიდი აღიარება მოჰყვას. დაბეჭდოს, მერა მენაღვლება, ხათაბალაში რომ არ გავხვები. წარმოიდგინეთ ასეთი სცენა, მიდისარ შენთვის რუსთაველის ქუჩით, უცებ კატამ გადაგირბინა და შენც მისვე რეზალნიცაში გადაქანდები. ამჩნევ, როგორ იწელება დურუს ხელეობით საწყალი ცხოველი გიზო ხაზალის გარმონივით. გგონია უცებ დააღწევ თავს ამ ჩვენებას. რამდენ ნაცნობს ჩაუარე უსალმოდ.

ყუპ, ცხვირის აწევა დაუწყაო, მოგადვენებენ ზურგში. შენ კი კვლავაც იმ საზარელ სურათს მისჩერებხარ, ღომი და ყველივით რომ შეექცევა აკნაღვლებული კატის ტანსა და თავს. იქით კომისიის წევრებს გული მისდით. გოგია ახალციხელი და შაურა შარვაშიძე წყლითაა მოსაბრუნებელი. განა მე უკეთეს დღეში ვარ?! გადაჭირ ქუჩას და მოგამუხრუჭებენ მანქანები. ინსპექტორი ხათა თოდუა ყურის დასკდომამდე ჩაჰბერავს სასტვენს. ებოდიშები მძლოლებს, მაგრამ მანქანების ქარავანი ჯერ ფერდინანდის პანაშიდს ამოგითვტივებს გონებიდან, რომელსაც გწადია თუ არა „თუთარჩელადან“ შენი გაქცევის სცენები გადაებმება. გინდა დააღწიო თავი ამ კომმარებს, გაერთო ადამიანურად, დარჩენილი ორიოდე ღერი დღე უშფოთველად გალიო, თუმცა ისეთი მოუნელებელი დურბელა ჩაგასხა სულში საძაგელმა კვეკვემ, ფუპ, სულ კვეკვესკირის თავს მახსენებს, ანთარიამ, ეღირსები ნორმალურ დაბერებას?! ჩაუვლი ლენინის ძეგლს და როდინდელ სურათებს დაეჯახები: ჭადრის ხეზე ამძვრალხარ უბნელ ბიჭებთან ერთად. ხედავ როგორ გამოაბამენ ტროსებს სტალინის მონუმენტს. ცრემლი გახრჩობს ბოლმისგან, რომ ვერაფრით ექომაგები შეურაცხყოფილ ბელადს, თითქოს სულს გივიჯგნიან. რამხელა წრფელი ხარ ამ დროს. ლანდივით გახსოვს უფროსების ზღუქუნნი რადიოს ქვეშ სოფლის ცენტრში. ასეა, დიდი სიმაღლიდან დანარცხებაც ზორბაა. მე კი ვინა ვარ? ჰამლეტით არ დამიწყა ახლა წუთისოფლის განქიქება. წრუქუნას არ გადააწყვეტინეს კაცო, ყოფნა-არყოფნის პრობლემა?! თან რანაირი დამაჯერებლობით უმტკიცებს მეგობარი ფიცხელი:

ყოფნა, წრუქუნჯან, ყოფნაო. კინაღამ საფლავში არ შევატრიალეთ მესპირი?! ისე, პრინციპში რომ ვთქვათ, სამყაროში ადამიანზე საცოდავი ვინმე თუა?! გამოვიგონეთ ღმერთი, რომელსაც ტალახისგან მოვათითხინეთ თავი. მერე კინწისკვრით გამოვაძვებინეთ საკუთარი მეობა ნამდვილ ჯოჯოხეთში, სიცოცხლე რომ ჰქვია და იბტუნავე ახლა რამდენიც გინდა. გარშემო სიკვდილის კედლებია, რომელიც ნელ-ნელა ვიწროვდება შენს გარშემო სტეპანკვის კარცერივით.

აგერ, საწყალი მამაჩემი. რაც ამას ბლოკი ბლოკზე დაუღვია, ჩინეთის სანაჭებო კედელს გადაუჭოკრავედა, მაგრამ ასი წლის შემდეგ და სამარეში ისე ჩავა, ორი თაობის იქით არავინ მოიგონებს. არსაკიძეს კი ძმაო, მისი მესამედიც არ უჭავთა და სამუდამოდ დამკვიდრდა ქართველი კაცის ცნობიერებაში. ვის ახსოვს ახლა ძაკა ბაბუა?! რაც იმან ქურახანაში აგურები აცხო ორ ზუგლიდს ააშენებდა, მაგრამ წავიდა ამ ქვეყნიდან და ნიკასთვისაც კი უცნობია მისი ანიაგანი. როგორი იქნება შენი ბედ-იღბალი როკი ოდიშელია?! შენც უსახელოდ აპირებ სამარეში ჩასვენებას?! მხოლოდ ერთი სიტყვა იყო საკმარისი პეკეტელების საკანში:

კვეკვესკირის თავის მოკვეთის გამო კი არ დამილურსმინა ფეხები და ამომიკერია პირი ათი ნომერი ძაფგაყრილი ნემსით, არამედ ენას რომ გვართმევთ ქართველებს ძალიწვილებო და შენი განდიდების საქმეც მოთავებული იყო. ეგრევე წმინდანად შეგრაცხავდნენ, მაგრამ არ ინდომე ეგ. დიდების საორჭოფო ნამცეცხვებს დასჯერდი. არა ვარ შიპლეტიას და მისი შანტრაპის დამქოქავიო, აიჩემე. მაინც მოგაკერეს შვიდი წელიწადი გაუსამართლებლად. ვინ ხარ შენ ბოლოს და ბოლოს როკი ოდიშელია და რა ადგილი გიკავია ცხოვრებაში?! ვის ემტერები და ექომავები?! ძალაუფლება კი გინდა, მაგრამ პოლიტიკური ხაზით არა. ათკაცთან მწკრივში მეორედ რომ დაგიძახონ ჯავრისგან თვალები დაგიბნელდება. რამდენჯერ შემოგთავაზეს ქურდებმა:

დროა სახელიანი გახდეთ, მაგრამ ყოველ წინადადებას ტაქტიანად გაეცალე. მაშ, ისეთი რა ბედის ვარსკვლავზე გაჩნდიხარ, ფეხი რომ ვერსად მოიკიდე?! როგორ დაგჩხავლა იმ ზონზოროხამ?! გაივლის ერთ კარს, მეორეს, მესამეს და უკან არასდროს მობრუნდებაო?! პოლიტიკურებისკენ გახედვაც არ გინდა. გული გაგისკდება შენს გამოჩენაზე ვინმემ მხარზე დაიდოს ხელი და ზურგი შეგაქციონ. იცი, ისინი ხვალ და ზეგ მთავრობის ხალხია. დღეს კომუნისტები ამწყდევენ, მაგრამ მომავალში შესაძლოა როლები შეიცვალოს. შენ ჭირივით გძულს ნებისმიერი მთავრობა, ვინაიდან ბოლომდე დარწმუნებული ხარ, რომ მშრომელი, მართალი კაცის ქომავი ხელისუფლება ჯერ არ უქნია უფალს და ვერც როდესმე მოესწრება. დაიწყებენ მკერდში მუშტების ბაგუნს, ცათამბჯენებს აუშენებენ ვიდრე სავარძელში მოკალათდებოდნენ. განაღდებენ თავიანთს და მოგჭამა ჭირი ხალხის სატკივარმა. ჩსაფრებული არის სად, როდის, როგორ მოსდოს ბრწყალი დიდ ულუფას, რათა საშვილიშვილოდ განაღდოს საარსებო დრო და სივრცე, როგორც ტყის სამოს ხალხი იტყვის ხოლმე. სახელმწიფო კაცი შენგან ვერ გამოიჩეკება. ჯობდა კი, უკეთესი სამართლიანი ვინ მოვიდოდა, რომელი?! ხამის პერანგით გაღვევი საწუთროს, ცოლ-შვილს პირიდან გამოაცლიდი ლუქმას და გაჭირვებულს მიართმევდი, მაგრამ ჯერ ერთი, თავად სავარძლიანები მოგიღებდნენ ბოლოს, როგორც თეთრ ყორანს. მერედა, ამისთანა საქმეს შინაგანად სათოფეზე არ ეკარები, იმის შიშით, არიქა, ჩემს გამოჩენისას ვინმემ მხარზე

არ დაიღოს ხელი, აქაოდა მთავრობის მომავალი კაციაო. მერე მოხროვედებიან შემთხვევითები, იღლიაში ანგარება რომ ამოუჩრიათ, გოგლიმოგლის ამაზ-რზენი სუნი სდით და დაიწყებენ კანონების ჭედვას:

ფაბრიკა-ქარხნები მუშებსო, გადმოუგდებენ ბრბოს სატყუარას, მიწა გლეხებსო, მაგრამ საქმე საქმეზე რომ მიდგება, თვალბეში ნაცარს შეაყრიან და ორი გაძვალტყავებული ძროხის გულისთვის, ადვილმოსალოდნელია სტეპანცევის ექსპერიმენტულ ზონაში უკრან თავი, კულაკი ხარ ან კომბინატორიო და დაიწყებ თითზე კბენას. მაგრამ ხელისუფლება ძალიან მაღლაა, შენი კბილების ღრჭიალი მის ყურთასმენამდე ვერ მიაღწევს, ან რომც მიაღწიოს, მოგინათრებენ ხომ იცი, ბრასლეტებით მოგადგებიან კარზე და ხუთი თითით ნაცნობ მხარეში გაგისტუმრებენ.

სტეპანცევი. *ასე რომ, მენდე, ოდიშელია, საშენო კოიკა უკვე ქრატუნებს რომელიღაცა ზონაში, ჩვენს მეზობლად თუ ზემორე.*

აქეთ სახელიანად ყოფნაც არ გინდა, ნამდვილი პოდპოიასნი ხარ, ძალაყინი და ქამარი გაკლია თორემ. გულით გწადია უბრალო ადამიანების სადარაჯოზე ყოფნა. კი ახერხებ ამას სადაც ხელი მიგიწვდება, მაგრამ ეგენი ხომ ერთეულები არიან, ათასები კი უარეს საცოდაობაში ჩაცვენილან კანონების მარწუხებისგან და მათი აღმასრულებელი უსულგულო ხალხისგან. რამდენს აართმევდი ნეტავ ცხრა აპრილის დილაბნელზე ორლესულ ნიჩაბს?! ათს? თხუთმეტს? როცა ისინი უთვალავნი არიან. რამდენ შენიანს გადაეფარებოდი, რამდენ დარტყმას მიიღებდი საკუთარ თავზე?! არა, ძმაო, შენ კონკრეტულს იქით ვერ იხედები. ეკალ-ბარდი იმდენია გასაჯავავი, ერთი კი არა ასითასი როკი ოდიშელია ვერ აუვა. ან სტეპანცევთან შიმშილობა რომ გამოაცხადე, ხომ შეგეძლო გეტყვა...

მიმიფურთხებია თქვენი საბჭოური რეჟიმისთვისო, მაგრამ ესეც არ გააკეთე, ვინაიდან მერე გაგიჭირდებოდა ზონაში პირველ კაცად გახდომა, გზა მოგეჭრებოდა აქეთკენ, შლანდორიკიც და კაზბეკაც არ დაილეწებოდნენ გავარვარებული კაჩერკით, არც სალიკას მოეჭუტებოდა სამუდამოდ მარცხენა თვალი. პირველობა გინდა, ხოდა, რადგანაც იცი ზონაში პოლიტიკურები ამას ვერასდროს მიაღწევენ, შენთვის შესაფერის ადგილს ირჩევ, ნამდვილი პოდპოიასნი ხარ. სანტიმეტრით ძვრას ვერაფერი გაგაკეთებინებს. მაშინ ფესვებიანად უნდა ამოგიღონ, სხვა მხრივ დგახარ კლდესავით კუმუტი, ფოთლები არ შეგრჩენია თაკარა მზეში კოჭები რომ განიგრილო, ტოტები შემოგლეწვია გრივალბთან ბრძოლისას, მაგრამ ათას წელიწადს ლერწმად ყოფნას, ერთი დღე ამნაირი ცხოვრება გირჩევნია“.

— როკი, საცვალი მომაწოდე, ბავშვს გაეპარა. ჩემი ბრალია, რატომ არ გადავაყენე? — მარინა კალთას იბერტყავს ღიმილით. გამოუცვალეს ბიჭს. იცინის გაციღვინებულის გამო ოთხივე.

— შეგაწუხეთ, შვილებო, ყველა, — თქვა ყრულ ვალერიანმა, — სამარი-დან მობრუნებული კაცი გინახავთ ვინმეს?! ამხელა გზაზე ნიკას წამოყვანა იქნებოდა?! ღმერთი გადაგიხდით სამაგიეროს. ქალიშვილი არ გვადირსა ზეციერმა, მაგრამ სანაცვლოდ ისეთი რძალი მაჩუქა, ხუთს არ მიორჩევია?! ძინავს პატარა კაცს. რა ქნას, ძალას იკრებს, იმდენს დარბის, დახარჯულ ენერჯიას აღდგენა ხომ უნდა?! ზედგამოჭრილი მამამისია. ამას ძალით დავარბენინებდი გირებით ხელში. ნიკა კი ისეთი გვეზრდება, მგონია როკის აჯობოს, თუმცა ჩვენი სიხარულიც ეგ არ არის, მამებს შვილები გვკობნიდეს?! წიგნი არ გააგდებინოთ ხელიდან!

„ნიკას რა უჭირს, ჩაასველებს და გამოუცვლიან, — აგრძელებს ფიქრს როკი ოდიშელია, — სანამ მე ვდგავარ ფეხზე თავადღურად იცხოვრებს. ამასობაში თვითონაც გაანძრევს თავს, ხელს გამოიღებს. ჩემგან თანადგომა არ მოაკლდება. რამდენი იტირა მარინამ მეორე შვილი რომ მოვაშორებინე?!

ერთადერთზე ვიყოთ მინასკვულო. კოსტიასთვის კი გვარიც არ გავიმეტე. ვნახოთ ცხოვრება როგორ აეწყობა. ჰა, დიდი-დიდი წელიწადი ეყოთ ორმოცდაათი ათასი მანეთი, მეორეც რომ გაუჩნდება შემდეგ მთლად შეეკვრება ხელ-ფეხი. კორექტურობასაც ვერ მოახერხებს. ასათი მანეთით აპირებ შვილების გამოზრდას?!

სვეტლანა. ალო, ალო, კიშინიოვია? ილონას სისხოვეთ. — როკის სიახლოვეს ჩამომჯდარი ქალი ყურმილს ხელს აფარებს, — რა ვუთხრა?

როკი. რაც გინდა ის. ოღონდ მე აქ არა ვარ.

სვეტლანა. ვინ ხართ რომ მკითხოს?

როკი. უთხარი ვინცა ხარ. სალაპარაკოს მეტი რა გაქვს?!

ილონა. ვისმენო. რომელი ბრძანდებით?

სვეტლანა. მე სვეტლანა ვარ მოსკოვიდან. როკის... მეგობარი. მისი თხოვნით გირეკავ. თქვენი მდგომარეობა აინტერესებდა.

პატარა კოსტია დედისკენ მოეშურება ლოგინზე ფეხსაცმლიანად ამოსული. ტერფებში მოიმწყვდევეს კაცი, თითებს უღუტუნებს ილიაში, სმამადლა აცინებს.

ილონა. თვითონ სად არის? კიდევ იმალება? ოჯახს არ მიბრუნებია? — სხაპასხუპით ამბობს ქალი.

სვეტლანა. ახალი წლის შემდეგ აპირებს წასვლას, — ხელს აფარებს ისევ ყურმილს, — შეეშვი თორემ წამოიძახებს შენს სახელს და ჩემი ბრალი არ იყოს.

კოსტია. გამიშვი, ლოკი!

ილონა. ღმერთო ჩემო! — ქვითინებს, — გადაეცი რომ ზუგდიდიდან გადმოვსახლდით. ეზო-კარი ჩალის ფასად გავყიდეთ. სამოთახიანი ბინა შევიძინეთ აქ, მაგრამ ჯერ რემონტი ვერ მოგვითავა-

ბია და კვლავინდებურად ძმასთან ვართ. მარტისთვის ველოდები. თავიდან ცოტა შეუძლოდ ვიყავი, ახლა არა მიშავს რა. შენ გყავს შეილები?

სვეტლანა. ერთი ბიჭი, ხუთი წლის. ფენქიმედ ვარ მეორეზე. ილონა. როკისგან ხომ? გადიო, დამალაპარაკეთ ერთწამს! გვარი მისცა ბავშვს?

სვეტლანა მიხედავს კოსტიას. გაჩუმდით, ანიშნებს ტურზე თითის მიდებით.

სვეტლანა. ჰო, მისგან. ეგ რომ გამინდა როკი სხვაგან იყო. ჯერჯერობით ანდრონიკოვის გვარისაა.

ილონა. ერთი არ გეყოფოდა ჭირად, მეორეც რომ მიგიმატებია. გერ მოიშორე?

სვეტლანა. თვითონ არ ინება, — კვლავ თვალებს უბრიალებს კოსტიას ყურმილზე ხელდაფარებული, — აწი გვიანია. უკვე მეოთხე თვეში ვარ.

ილონა. უბედურ ვარსკვლავზეა გაჩენილი ეგ საბრალთო. ყველაფერი შებრუნებით გამოხდის. უყვარს და სიძულვილს იძკის. ულაპარაკანია რამე ჩემზე?

სვეტლანა. ძალიან ბევრი. ცოტა რომ შეთვრება სულ შენს ხსენებაშია.

ილონა. მაგისტოვის დაღევა არ შეიძლება. კუჭი სტიკივა უბედურს. მისამართი მცოდნიყო წამალს გამოვუგზავნიდი. არის ჩვენში ერთი ექიმბაში ქალი. რაც ბიცოლაჩემმა, ძალი მიაკვდეს სულში, და დეიდა შურამ გვიმარჩიელა, ყველაფერი ცამდე მართალი აღმოჩნდა. გაივლის კარებს ერთს, მეორეს, მესამეს და უკან არასდროს მობრუნდებაო. ჩვენ ხომ უბედური ქალები ვართ ორივე. მაინც რა გითხრა ჩემზე? ნურაფერს დამიძალავ, არ მეწყინება.

სვეტლანას მტევანი დაუფარებია ყურმილისთვის. მიხედავს როკის ერთს, ისიც ხელს აუქნევს, ილაპარაკეო.

სვეტლანა. სულ იმ განშორების ამბავს იხსენებს, რომელიდაც ციხესთან წამოსწვია მამა, მგონი რუხი ჰქვია თუ რა.

ილონა. ჰო, რუხი, ბომბადაცემული! ისეთი შთაბეჭდილება მრჩება, თითქოს ვიღაც გვისმენდეს კიდევ.

სვეტლანა. ჩემი ბიჭია მხოლოდ, — ისევ უგნებელყოფს ყურმილს.

კოსტია. დედი, ლატომ ძალავ ლოკი ძიას?
ილონა. თვითონ რატომ არ დარეკავს?

სვეტლანა. ჰმ, თვითონ! ხუთ თვეში ხუთი სიტყვა არ ექნება ნათქვამი. ფხიხელს ვგულისხმობ. სიმთვრალეში მოგეცა ღხენა, სულ

შენზე საუბარშია. ისეთი რა ჯადო გაუკეთო?! თქვენს მეტი მაგას ქალი არ უყვარს და არც ეყვარება.

ილონა. რა ჯადო, რის ჯადო, პირველი სიყვარული წარუშლელია, სვეტა. სად ჯანდაბაში გავიქცე?! რომ შემქმდოს, ამოვიღებდი ამ სამიწე გულს და ვანაცვალებდი, მაგრამ ევეც რომ არ სერსდება?! გადით-მეთქი, ბებიასთან გადით! ბავშვებს ვუცაცხანებ. მოვა ავერ მარტის თვე და იქნებ ყველაფერი დასრულდეს! სვეტა, მიგდე ყური, ძვირფასო. შენ ახალგაზრდა ქალიშვილი ჩანხარ, ხმაზე გეტყობა — ლამაზი. გეხვეწები, არ მოაკლო ზრუნვა. მას განსაკუთრებით ახლა სჭირდება თანადგომა. კაცის წამალი მოფერებაა და ნურც იმის გამო გაასამართლებ შენი ბიჭი ანდრონიკოვი რომაა. ჩვენს შორის კოცნის მეტი არაფერი ყოფილა, თუმცა ბევრჯერ შეგვექმდო შეგვეტობა. უბიწო სიყვარული არ დავამსხვრიეთ და ამისთვის მიმამჩნია ნამდვილ ქმრად. შენ ხომ ორმაგად ბედნიერი ხარ, საალერსოდაც გყავს, შვილების მამადაც, გემუდარები, თვალის ჩინივით გაუფრთხილდი. მაგას რომ ბედნიერად დაგივუღვებ, მეც გავათრევ ამ წუთისთვის რამენაირად.

საშშაბათია. როკი დილაუთენია ამდგარა. კიბის საფეხურზე წის. ჩაის პლანტაციაში წამსვლელ ავტობუსს ჯერ არ მოუბინებია.

უენია. როკი, შვილო, საჭმელი კარადაშია. გენადი რომ გაიღვიძებს, დააპურე, შენ გტოვებ თჯახის უფროსად.

როკი. მამა და გივი სადლა არიან?

უენია. მიაკვდა იმ დასაწვავ ბაზარს. რამედ მაინც ღირდეს. სარტყელს ასხამენ დღეს და შემომეშველეო სისოვა გივის. გათენებულად არ იყო რომ წავიდნენ.

როკი. დედი, ავტობუსია.

უენია. ახლავე, ახლავე, — ჭილოფის ქუდს და კარანხას დაწვდება. ჭიშკრისკენ გარბის.

როკი ბოლთას სცემს ოთახიდან ოთახში. სამჯერ დახედავს მძინარე ძმას. გახუნებულ რუკზაკში ტანსაცმელს ალაგებს. წიგნების თაროზე იქექება ერთხანს. იბოვის „ვეფხისტყაოსნის“ მინიატურულ გამოცემას, იმასაც ჩადებს. დაფიქრებული იმზირება ჭიშკრისკენ. მერე რაღაც გაახსენდება. აიღებს ტანტაზე დადებულ ჰანტელებს. მათაც რუკზაკში ჩაუშვებს. მოუკრავს თავს. კვლავ შეიხედავს ძმის ოთახში. ფენისგულზე შეუღიტიანებს ნაბოლარას.

როკი. გაიღვიძე ძილისგუდავ! ნახევარი საათია გიტრიალებ და ყურსაც არ იბერტყავ. დედამ საჭმელი კარადაშიაო.

გენადი. შენ სად მიდიხარ, როკი, ან ეგ ზურგჩანთა რაში დაგჭირდა?

როკი. ბევრს გაიგებ — ადრე დაბერდები. თუ მოიწყინო, რინოსთან გადადი. ქალაქში არ დაიწყო ყიალი. ოჯახის უფროსად შენ გტოვებ. მოდი, გაკოცო.

გენადი. როკი, გესვენები, მეც წამიყვანე!

როკი. სად წაგიყვანო, ბიჭო, ექსკურსიაზე კი არ მივდივარ. თუ შემაგვიანდა ნურაფრის შეგეშინდებათ.

გენადი. ერგეტაში მიდიხარ?

როკი. ჩაიცვი დროზე. შეერგეტება ახლა მე?!

გენადი. როკი, იცი, რა თქვა მამამ შენზე ბასილაიებთან?! ჩემი დამტირებელი ბიჭი როკი არისო. ხომ იცი მოფერება არ უყვარს მამას, ხანდახან რომ გიჯავრდება, შენ მართალი არ გეგონოს. ჩემი ყურით გავიგონე, რაღაც ამბავია მაგ ბიჭის თავსო. ხმა ეცვლება, ვარჯიშსაც გულს ვერ უდებსო. თუ ყურადღება მოაკელი, შეიძლება ხელიდან გადასხლტესო. ვივის და გენადის იმდენად არ მეშინია, რამდენადაც მაგისიო. ვენია ბიძიამ არაყი მოატანინა ქსენია დეიდას. საუბარს შეჰყენენ. მეშინია იმ ციგანკამ არ წამართვასო, თქვა ბოლოს.

როკი. ციგანკამაო?!

გენადი. კი, ასე თქვა. ამ დღეებში აპირებენ წასვლას, აიბარგებიან და მეც დავმშვიდდებით. ილონას ხომ არ მიჰყვები მართლა?!

როკი. ხომ ხარ ჩემი ნამდვილი ძმა?!

გენადი. ნეკა თითებს გადააჯვარედინებს.

გენადი. დედა მომკვდომოდეს თუ გაგთქვა.

როკი. ჰო, მივდივარ, მაგრამ იქ კი არ დავრჩები სულ. სიტყვა მაქვს მიცემული. ხომ გვასწავლის მამა, სიტყვის გატეხვას, თავის გატეხვა სჯობიაო.

გენადი. მაშინ მოკლეთუ გადაჭერი, ჩიქობავების მხრიდან. დავინახავენ ქუჩაში ბასილაიები, სხვები ვეშმეშოკით* და ეგრევე მამას მიურბენინებენ ამბავს. შენ სახლზე ნუ იდარდება, კი არ მივატოვებ, რინოს აქეთ დავუძახებ. მოიცა, ყულაბა გავსხნა. ამ ზაფხულს სანდლების გარეშეც იოლას გავაღ. სასკოლოდ მიყიდიან ალბათ. ჯობია მთლიანად წაიღო, არ დაგვფანტება. რაზე რომ იყოს, მამას არ უთხრა, რომ ყველაფერი ვიცოდი, თორემ მისი ხასიათი ხომ იცი, ჭინჭრით გვერდების აჭრელებას არ მაკმარებს, სიმინდის მარცვლებზე დამაჩიქებს მთელი ქუჩის სამასხროდ“.

— როკი, ჩანთა მომაწოდე, გაიღვიძა ბავშვმა, ხაჭაპური მაინც შეჭამოს.

— ო, ნიკალას ვახლავარ, — თავზე მიუალერსა მამამ შვილს.

— ბაბაია, შენი ზღაპრის შემდეგ იცი რამდენ სიზმრებს ვხედავ მე?!

— მაინც? — ეკითხება როკი მემკვიდრეს და ყველით საგვე ხაჭაპურის ნაჭერს უწვდის, ჭერაც თბილს.

— ფრთები არ მაქვს და მანც დავფრინავ, ბაბაია. ზოგჯერ ცეცხლს ვაქრობ კუტუტითაი.

— უყურე შენ, იქით ცეცხლი ჩააქრო და აქეთ ჩვენ დაგვტბორა. მამა, შენ არ შეჭამ ხაჭაპურს?

— ახლა არ მინდა, შვილო.

— მარინა, რინო, შეჭამეთ სანამ გაცივებულა. რიკოთამდე გაჩერება არ იქნება. იქ ოლა-სახლში ვისადილოთ მერე. ძაკავეიჩი, მოხერხებულად წევხარ?

— მე კი, მაგრამ თქვენ გაგაწვალეთ, შვილო.

— შეხედე რა რძალი გყავს, ფიგურას როგორ უფრთხილდება. კი აცხობს ჩინებულ ხაჭაპურს, მაგრამ თვითონ პირს არ აკარებს. ხოდა, წაგვადგა კიდეც.

ჩხოუშის მარჯვენა სანაპიროზე ფორნები ჩამწკრივებულია. უკვე ცხენებს უბამენ. ილონა შორიდან შენიშნავს როკის. ხელს უქნევს. ბიჭმა ზურგჩანთა ფორანში შეაგდო და თვითონაც სწრაფად ახტა. ვოგონამ ბრეზენტი ჩამოუშვა. წინიდან დიაა. რკინის ქალებზე წამოცმული არმატურის ნახევარგოლები ყვავილებით მოურთავს ასულს. დამით დაკრეფილი ვარდები საგრძნობლად შემჭკნარა. ბრეზენტქვეშ ცხელა, თუმცა დილის ცხრა საათი ძლივს იქნება. ჯვარედნულად შეკრული ფუთების ზედახორაა.

ილონა. ჩემი სიტყვის კაცი! გული საგულეში ჩამიდგა.

ტუჩები მცხუნვარეა. ოფლის და ნაფტალინის სუნი ერთმანეთში აღრეულია. ჩამუხლებულნი ეწებებიან ერთურთს. როკი გრძნობს ასულის წამოჩივლულ მკერდს და ილონაც — მამაკაცის ძაღვფენებას. წამოიდეგს სატრფოს ხელისგულს და საკინძეში შეატანინებს.

ილონა. ახლა ეგ იკმარე, მერე ქრისტიანულად ჯვარს რომ დავიწერთ, მთლიანად შენი ვიქნები, შენი.

უცნაურია კაცი. ისედაც როგორ გავივლე გულში გენადის გამცემლობა? ალბათ რინოსთან დააყრანტალა, ან ვენია ბიძიასთან-მეთქი, ვიკვნიტდი ბაგეს. სანამ თვითონ მამამ არ გაამხილა გელოდისთან საუბარში. ილონას ფაშფაშა ბიცოლას ჭოლო მიეგზავნა ვალერიანისთვის თურმე. ბაზრის შესასვლელთან ატუზული გიჟი ხელით მოუხმია ქალს.

სტალინ დო ბერია ქორწიანსა ჭიჭე ფარა ქომუჩია, დაღრეჯია ჭოლო.

მოგცემ, ოლონდ ერთი პირობით, კალატოზ ვალერიანს ხომ იცნობო, ჩაძიებია დედაკაცი.

ზაბორსმ რომ აკეთებსო, უკითხავს ჭოლოს.

ჰო, მაგიო. ასე გადაეცი, შენი ბიჭი ფორანზე ზის რუსეთში წამსვლელად-თქო. ა, გამომართვი მანეთიანი. მეორე მანეთს ისიც მოგცემს, მეტი რალა გინდა. მიწის გულშიც რომ იყოს მოძებნე, ხომ იცი როგორი თავზეხელაღებულაა?! თუ დაგავიწყდა, შენს ბურდლას ვერავინ დაინახავს აქო.

ჭოლო მაშინვე დატრიალებულა, ბევრი უძებნია, მაგრამ ამაოდ. მამა და

გივი სასაილოში საუზმობდნენ თურმე. ვალერიანი ბასილაიების არყისგან პახმელიაზე ყოფილა, ლუღს შეექცეოდა. მისულა ჭოლო, გამასპინძლებიან ლუღით, სასისკით. მერე განშორების წინ დაჯღანულა ჩვეულებისამებრ:

სტალნი დო ბერია ქორწანსდა ჭიჭე ფარა ქომუჩი დო მულგანარენს ქო-
იწინქიაზ. ვალერიანს არ ჰქონია ჯიბეზე ფული. გამოურთმეგვია დახლიდარის-
თვის მანეთიანი. საიმედოდ შეუნახავს ფული ჭოლოს და მხოლოდ მერე მო-
უხსნია გულასთვის თავი. შუბლზე უტყეცია ხელი მამას. ვინ იცის როგორი
იქნებოდა ჩემი ცხოვრება რუსთან რომ არ წამომწეოდა? გელოდი ჩიქოვანის
„ზიმს“ თვალი რომ მოკვარი, ყველაფერს მივხვდი და მაშინვე ბოლმა მომავლა
ყლზე გენადის მიმართ. მიწა გამსკდომოდა მერჩივნა. რა აზრი ჰქონდა ფუ-
თებში დამალვას, აქეთ ილონასი მრცხვენოდა, იქით მთელი ბანაკის — თა-
ვის სასაცილოდ აგდების გამო. ჩემი უსუსურობა მამწარებდა. პირველად მა-
შინ ვუკბინე მოკაკვულ სალოკ თითს. ო, რა ჯოჯოხეთი ჩაუხვევია თურმე
გულში ლუღოედს?! ვაჰ, სამტრედიას გამოვმცდარვართ, აზოსთან შეივლი-
და კაცი, მაგრამ ვიცი მაგისი ამბავი, არ დაგვეხსნება, რესტორანისკენ გაიქა-
ჩება, უმჯობესია ჩვენს საქმეს მივხედოთ.

სვეტლანა. რატომ არ დაელაპარაკე, გულზე მოგეხსნებოდა.

როკი. მერედა, მეშორჩილება ხმა?!

**სვეტლანა. თურმე ტირილიც შეგძლება. დაწყნარდი ესლა. კინა-
დამ წამომცდა, მარჩიელობა არაფერ შუაშია-მეთქი. ყველაფერი წყე-
ული ბიცილაშენის ბრალია. რომ არ დაესმინეთ, ასეთ დღეში არ ჩა-
ვარდებოდით-მეთქი.**

არა, როკი, ბატონო, შენ და რიგითობა ერთ ჭურჭელში ვერ თავსდე-
ბით. ზონაში უცებ მოიხვეჭ პირველობას, მაგრამ თავისუფლებაში როგორ,
რითი გინდა მისაბაძი იყო?

**ზაქარაია. შენი ბედი მადარდებს ვალერიანოვინ. ფეხი ვერსად
მოგიკიდებია. ვასია ბრილიანტი შენ არ ხარ ბოლომდე დაგინდონ;
არც კომუნისტი ჯეშალ გეგეჭკორი, გაჭირვების ჟამს ვინმე ფუნქ-
ციონერმა დახმარების ხელი გამოგიწოდოს; არც ეროვნული მოღვა-
წე, დისიდენტი — მერაბ კოსტავა, მამულისთვის მოწამის გვირგვი-
ნი დაიდგა თავზე და ერის ფარული თუ აშკარა თანაგრძნობით ისულ-
დგმული; ზვიად გამსახურდია საერთოდ არ ახსენა, არადა, რა სწრაფად
ამოტივტივდა?! ეტყობა ამას დიდი კონსტანტინეს ავტორიტეტით უწყობს
ხელს გარკვეულწილად. არც ფილოსოფოსი მამარდაშვილი, ლექციების
წასაკითხად უცხოეთის უნივერსიტეტებში მიგიწვიონ; არც ჩუბინი-
ძე, ღვთიური წარმომავლობის ადამიანზე იოცნებო და უცხოვლანე-
ტელების იმედი იქონიო; არც სიტყვაპაღლიანი ანთარია, საკუთარ
ნაჭურჭში რომ ჩაიკეტო და გულიდან ნაფლეუთად ამოტანილი შე-
მოქმედებითი მადლით დასტკბე; ერთი მე მკითხეთ მაგ მადლისა. არც
ქველმართლმადიდებელი მამა იონა, ანაფორა რომ მოისხა ტანზე,**

ბერის კაბაში შექვრე და იესო მაცხოვრის ჭკრეტაში დაიფერფლო; არც ვიორგი იბერიონელი, დედამიწის ხელმოთრეუდ შეჩერებაზე იფიქრო წაშლილი ოდინდელი ცოდნის რედუქციისთვის. კუნძულს ჰგავხარ ვალერიანოვიჩ, ათასი დინება და ტალღა რომ გიტევს და ბარაქლა შენს გამძლეობას! ხელად, რა ზუსტად გაშიფრა ჩემი ცხოვრება. ნამდვილი პროფესიონალია. კუნძულს ჰგავხარო. განა როკიც იგივე არ არის, მარტო-ხე, პოდპოიასნი, ტრამალის მგელი, გამუდმებით სიკეთეს რომ იქმს, ერთს ესარჩელება და ათს იმღურებს?! ეგერ, ვალერიანს ჯიბეში რომ უღებდნენ თუმნიანებს და ოცდახუთმანეთიანებს, ხომ შეეძლოთ მეზობლებს ჩემი თვალისთვის დაფარულად მოემოქმედნათ ყოველივე, მაგრამ მანამდე აყოვნებდნენ ხელში, სანამ რიგიანად არ შევნიშნე. ახლა ჩემი თვლებისგან ნაყიდა ეს სიკეთე და ამდენად, ნაკლები ღირებულებისაა, ვინაიდან თითოეული მოძრაობისგან დავალბებული ვარ — ხომ უნდა მიაგო სანაცვლო პატივი საჭიროების შემთხვევაში?! დიდზე დიდი პიროვნება უნდა იყო ყველასგან მაღულად მოახერხო ქველმოქმედება, კარგი ქნა, ქვაზე დადო და გაიარო. არა იმის შეგნებით, როდესმე წინ დაგხვდება, შენთვის, შენი სულიერი ამალებისთვის დადო ქვაზე და გაიარო. ასეთი გმირობა მე უფრო ძვირფასი მგონია, ვინემ თუნდაც სამშობლოსთვის სააშკარაოდ გაღებულ სიცოცხლე. ისიც ნაყიდა არღვიწყების თამასუქებით, მაგრამ ფარული თავდადება ხალხს არაფერში ანგია. ქვეყანას თუ არ ეცოდინება ვინ არის მისთვის წამებული, მისი მხსნელი, ქომაგი, ჭირში მოზარე და ლხინში მოზიემე, ვინ გადაარჩინა განსაცდლისგან, მაშინ თავად საფრთხეც არ შეფასდება მართებულად და არც მომავალში აღენთებიათ ათასები პატროფილური ქმედებისთვის. აშკარა გმირობა უწინარესად ერის ინტერესების სამსახურშია და ამდენად — გამართლებული უმრავლესობის პოზიციიდან. აბა, ვნახოთ თუკი ჩაგიდენია მსგავსი რამ ოთხი ათეული წლის მანძილზე?! ბავშვობისას არაფრით გამოირჩეოდი შენი კბილა თანასოფლელებისგან. ფეხშიშველა დარბოდი ტყე-ღრე. თივით დატენილ ბურთს დასდევდი. დრაზობაიას, იგივე ომობანას თამაშობდი, ან ბაბუა ძაკას შეგონებებს უგდებდი ყურს. პირველი რაც დაგახსომდა, ქურახანაა. სიგრძივდაპობილ ურემ შეშას ჩააწყობდნენ შიგნით. აგუგუნდება ქურა, აქეთ ყალიბით გამოჭრილი აგურების ლაშქარია, ჩიტებს, ქათმებს გადაუტრებნიათ და დარჩენილა ზედ მათი ნაკვალევი. ზოგი კაცის ცხოვრებაც იმ ნაფეხურებს ჰგავს. ჩატვირთავენ მერე პურივით ჩამომწკრივებულ კუბიკებს. რბილი, მორუხო მიწა ზაფრანასავით წითელი ხდება. მიურაკუნებს ჩაქუჩს ბაბუა და ზარის ხმას გამოსცემს.

რკინასავით აგურილა, იტყვის თეთრწყვიანი მოხუცი, ქვა შეიძლება დაიშალოს და ეს კი — ნურას უკაცრავადო.

ურმების ქარავანი გახსოვს, ოცი, ორმოცდაათი, ასი, შუკაში გაჭიმული; მათი თვლებისგან ღრმად გაკვალული ბილიკები, ერთმანეთს რომ გადასერავენ. გაწვიმების შემდეგ ბრწყინავენ კლაკნილი ხაზები. სამი წლის ძლივს იქნები. წითელ ვაშლს გჩუქნის ბაბილინა ბებია. ძაკა ბაბუა სანამყენ ფარ-

თეწვერიანი დანით გაგითლის, ისე ჩამოხუტუქდება ის კანი, არსად გაწყდება და ბალახში ჩაყარდნის მაშინვე ყინილები ეტყერებიან. სამზადი გახსოვს, ისლისგან გადახურული, მუდამ კვამლში გახვეული, უშველებელი ქვაბი ნაქაზე, ბებია ბაბილინა ლედვის მოლუნული ტოტით ჯვარს რომ გამოსახავს მის ზედაპირზე. თითქოს ოთხ ნაწილად ყოფს იმ რძეს. დაიწრუქუნებს ორგზის, კვალი კი არ ჩანს. ჩამოღებს იმ ჯოხს მწვანე ლიტრიანის გვერდით. მერე იმ ბოთლიდან ნაქურჩალის საცობს მოაძრობს, მომცროს ქიქაში ჩამოისხამს, ამოიღებს წინსაფრის ჯიბიდან ნივრის თავს, ერთ კბილს გაფცქვნის, დაღეჭავს და მიაყოლებს „მუცლის ტკივილის წამალს“. შენც გაუსინჯავ ერთხელ გემოს იმ ღურბელას. ჩამოცვენილი მსხლებით დანაყრდები უზმოზე, გრილი ნიავე გიბერავს ტრუსის ამარას და დაგიწყებს კიდეც მუცელი ტრიალს. იჭინთები. მშველელს უხმობ, მაგრამ ჯალაბობა გაკრეფილა. გახსენდება ბებიას წამალი. ტაბურეტით შეაბობდები იმ თაროს. წვალებით აივსებ ქიქას და დაცილი. ოდამდე ძლივს მიიტან დაზაფრულ სხეულს, აივანზე ამოაღწევ და მოცულილივით დავარდები იატაკზე. ნაშუადღევს გეღვიძება. თავზე დაგსტრიალებენ. ბაბუა შორიდან იმზირება.

კარგ დროს დაიწყო ჩვენმა როკიმ, რა გვიჭირს აწიო, ილიმის. ვერ ხვდები რა დაიწყე, ან რითი არის ყოველივე კარგი. შენ ხომ ბაბილინა ბებიას „მუცლის ტკივილის წამალი“ დაგიღვივა?! მართლაც რა მალე გიშველა?! იმ დროს ნიკასხელა თუ ხარ. ეგ პროფესორია შენთან შედარებით. სად არის რადიო, ტელევიზორი, მაგნიტოფონი, ვიდეო?! ერთადერთი დაუზარელი გამართობი ბაბუაა მოგეძებება, ჩითისპერანგიანი კაცი, თეთრი წვერით, ქვედა ქუთუთოები რომ ჩამოზიდვია და ხშირად ცხვირსახოცი იმშრალებს იქ ჩამდგარ ცრემლს. პირველი შელაპარაკება ჩაგებეჭდება გონებაში.

კიდეც იჩხუბე ბიჭოო, ეუბნება ძაკა ბაბუა მამას. მთელი ერგეტა გინდა ამიხედროო, ხელს უტრიალებს ცხვირწინ. ვალერიანი კი ტახტაზე ზის, გაზეთის ნაგლეჯში გახვეულ თუთუნს ეწევა. შენ ნელ-ნელა იფართოვებ მოქმედების საზღვრებს. ურმის თვლებით დალიანდაგებულ შუკაში გაღიხარ ზოგჯერ დამოუკიდებლადაც. ჩაყურუმებულ ღელეში იცქირები. იცი ღორჯობითაა საგსე, მაგრამ მათი დაჭერის მოხერხება ჯერეთ არა გაქვს. შაშვების ბუდეებს ეძებ. აგ ურხანიდან ახოებისკენ ჩაუხვევ აქა-იქ.

ერმინე გაბისონიას ბიჭს დაწყლეთილი ვედროთი ლეკვები წამოუყვანია მამის დავალებით, თვალგაუხელელები. ერთმანეთში ირევიან. ცხრა თუ ათი დაუყრია ძუენას. სამი ღედას შეარჩინა თურმე დიდი ხვეწნა-მუდარის შემდეგ. თითო-თითო ჯოჯუებისთვის და ადელუებისთვის მიუცია. ახლა თითმერიებთან გადავა.

თქვენთვის ზვადი მყავს მოტოვებულიო, გეუბნება დიდის ამბით.

სასა თუ აქვს შავიო, ეკითხები შენ.

ოხ, ნახშირივითო, გასაუხობს იგი. აბა, ღელეში ხომ არ გადავყრიდი მართლაც?! გინდა ლეკვი მოგიკლავს და გინდა — ადამიანიო, ბრძენივით მსჯელობს

ერმინეს ბიჭი ნაპო. ხვალი უკვე იცი რაც არის. წაქით აპურებ. კვირაც არ გაივლის და სულ კულში დაგსდევს. ამოიღებს მთვარისხელა ყველს ბები. მოგომტვრევს მუშტისისხოს. ნახევარს ლეკვს უწილადებ, დანარჩენს მაღიანად შექცევი. ან კამეჩის უმ რქეს ტოლჩათი მოგაწვდის. იმასაც შენს ბატარა მეგობარს გაუზიარებ. მოგვიანებით სკოლაში რომ წახვალ გივის ფეხდაფეხ, ის ტანაყრილი ლეკვიც გამოგედევნება მოხრე მილ თემ შარამდე. იქ უფროსი ძმა ქვას მოუღერებს ძაღლს. ბოთურია თავს ჩაღუნავს, უკმაყოფილოდ შეტრიალდება, ათიოდე ნაბიჯს გაივლის და ჩაც უცქდება. დაბრუნდები სკოლიდან და ლაქუციით შემოგეგებება შუკის თავთან. ახლა გივი არ უწყრება. სამნი მოაბიჯებთ. კვლავ უწილადებ შენს ლუკმას და ასე გრძელდება ვიდრე მამა აივნიდან თოფს დაახლის ყარყატების გუნდს და ეზოში ჩამოაბათქუნებს თოვლივით თეთრ ფრინველს. აქედან მოყოლებული ორი მეგობარი გაყავს. ამიერიდან მეტ დროს დაჭირლ გედს უთმობ. ამის გამო მოწყენილია ბოთურია. ზის კიბეებთან და თვინიერად გიმზერს როგორ ელოლიავები თავზე ფრთოსანს. ათასში ერთხელ თუ მიუფერებ, სიხარულისგან აწკმუტუნდება, ხელებს დაგილოკავს. მერე მოდის უსაშველო სევდა — გედი გაგეპარება და კიდევ უფრო საშინელი რეალობა — ტაუ ადელ უას კაკალ გულში მოურტყამს თურმე ჟაკანი. ბუმბული საბალიშედ გადაუნახავთ. ხორცი ჩაუსაცივებიათ. ვალერიანს ძლივს გამოგლეჯენ ხელიდან შეცბუნებულ მონადირეს. შელაპარაკდებიან ამის გამო ბაბუა და მამა. რაღაც ბზარი ჩნდება სულში. სამი დღეც არ გაივლის და ურემზე შეგსვამენ, რომელიც თხილის წკნელებზე გადაჭიმული ბრეზენტითაა გადახურული. იმ წკნელებს ცეცხლში გამორუჯავს ვალერიანი, მერე ჭალებზე ლაფანის კანით მიანასკვავს. ერთმანეთზეც იგივე ლაფანით გადაბამს. გენადის მთელი გზა სძინავს. ლეიბზე წევს. შუალამით გადმოდისხართ შინიდან. სამი ურემი ერთიმეორეს მისდევს. მეწინავეს კოფოზე დედა მოკალათებულა, შუათანას გივი მართავს და ბოლოს — მამა. თითოეულ ურემს ფურ-კამეჩები და ძროხებია გამობმული. ხბოები და ზაქები თავიანთ დედებს ფეხდაფეხ მოჰყვებიან. ცხენიც არის ერთი ფაშატითურთ, მამის ურემს გამოკვანძული და კიდევ — ბოთურია. გადაკეთილ რკინიგზასთან შემოგათენდებთ. სატვირთო მატარებელი სანამ ჩაივლიდეს დგახართ და ელით. შენ ჯერ არ იცი შლაგბაუმი რაა, მატარებელიც მხოლოდ წიგნში გინახავს, ჩაიხრიგინებს და თვალებს აფახულებ. მამა ნერვიანობს, სიგარეტზე სიგარეტს ექაჩება.

ნუ გეშინია ვალოო, აწყნარებს დედა, აგერ არ გაყვარ, ყველაფერი წესრიგში იქნებაო.

მამა კი თავს აქნევს მწარედ.

რა იქნებოდა გამომშვიდობების წინ ხელი მაინც ჩამომერთმია, არასდროს დამავიწყდება მისი აქვითინება, აცახცახებული მხრებიო. ვიცი, ვერ გადაიტანს ამ დარტყმასო.

ვალერიანი არაფერში ცდება. მესამე კლასში ხარ გადასული და ბაბუას სიკვდილის ამბავსაც ჩამოგიტანენ. დედა დაიხკავს ლაწვებს. ამინდიც არ გაუმართლებს საწყალს. შენ და გივი აძიუჭბელ ძუძუმტეებს უმასპინძლდე-

ბით. ეგენი ხელმწიფის შვილებივით გამოიყურებიან. ჩვენ სამგლოვიარო გვაც-
ვია. ქელებსი ხარჯებს მამა კისრულობს. უნდა ამით მაინც გამოისყიდოს
მშობლის წინაშე უნებლიე დანაშაული. ასაშენებელი ორი სახლის ფულს
წინასწარ აიღებს. დიდებულ სუფრას გაუწყობს. მოიტანენ ღვინოს კასრე-
ბით ჭიხაშკარიდან, მაღალი ფუთფულა პურებს ინგირიდან. თავზესაყრელა-
დაა ლობიო, კომბოსტოს მწნილი, მოშუშულხახვიანი მაკარონი. აძიუხტელ
სტუმრებს ცალკე მხარეს დასხამენ. იქ მეტია ხორაგი — თევზის კონსერვები,
ლიმონათი, ჰალვა. ჩვენ წინ მოვუძღვებით პროცესიას. ავიძებებს ისევ ის გვირ-
გვინი მიაქვთ, რომლითაც შემოვიდნენ და მთელი ერგეტა აავიშვიშეს. მორ-
დუც ორ ქალს გაუკავებია, ლოყები იმასაც დაუკაწრავს, ხოლო ინალი ბი-
ძია, როგორც კი შეუდგება მის მიერ ჩამოტანილ სასახლეს, მერე არავის და-
ანებებს, სანამ მოხრეშოდ თემშარაზე არ გავლენ. შავები აცვიათ იმათაც და
ძაკა ბაბუას სურათი მეკრდზე მიუბნევიათ. ამ სურათებს მამა დაამზადებს.
ვალერიანი აძიუხტელების კუბოთი და გვირგვინით მოსვლამდე წვეთი ცრემ-
ლი არ გადმოუგორდება, აქ კი ველარ გაუძლებს და ხარივით აბღავდება.
როგორ გინდა შეხვედ ახლა ამ ხალხს? თავქარიან ალვერს რანაირად აჰყვი
საუბარში?! ბოლოს და ბოლოს მართლაც ხომ არ მოუწერიათ ხელი იმ წყე-
ული წერილისთვის? სულ ნაბოლარა ძმას წიხლავდნენ შენს სასარგებლოდ.
რა იქნებოდა მათთვის ეს დღეები?! გამოჩანმრთელდება მამა და მთელი ოჯა-
ხით ვინახულე. ნიკამაც იცოდეს ვინ ჰყავს მოყვარე ენგურს გაღმა. ძმას ძმის
ხელი თუ არ ეტკინება, არც წალაპარაკება უნდა ჩაიხვიოს გულში. ახლა ეს
ყველაფერი ვალერიანის სინანულს ჰგავს, შლაგბაუმთან რომ ქაჩავდა სიგა-
რეტს და თავს იმართლებდა ბაბუასთან გამოუმშვიდობებლად განშორების გა-
მო. დედაც წყევლის თავის შვილს ზოგჯერ, მაგრამ ნამდვილი კი არ არის ის
წყველა. ერთი წყნინების გამო წყალში უნდა ჩაუყარო ადამიანს ამოდენა ამა-
გი?! არა, შენ და ვალერიანი, გივიც, გენადიც, არაფრით ჰგავხართ ბაბუა ძა-
კას. ეგ სხვანაირად იზამდა, გაგულისებამდე არ მიიყვანდა საქმეს. ეგეთები ბლო-
მად რომ იყვნენ ქვეყანაზე, საერთოდ არ შეიკვრებოდა ხელი მუშტად. სულგ-
რძელობის განსახიერება იყო. წავიდა ბაბუა და ქურახანაც მოიშალა. ზედ ბა-
ლახი ამოვიდა. შუკამაც მოისვენა ურმის თვლებისგან, დაიტკეპნა, ასფალტი-
ვით გახდა. დათიკო ბიძიას სიზარმაცეს ვერ დასწამებ, მაგრამ სად სამი მამაკა-
ცის შეძლება და სად — ერთისა?! სამი სამოსახლოს მოვლას ეხუმრებო?! თა-
ნაც სულ მუქთაზე უნდა იზრომო. მოვლენ რედიკულებით მამიდები და გა-
ტენილი ჩანთებით დატვირთულები ბრუნდებიან. თქვენს ოჯახსაც იქაური მო-
წეული შველის არსებითად. წლიდან წლამდე საყიდელი არ გაქვთ სიმინდი,
ლობიო, ყველი, ხილი. ბაბილინა ბებია მაინც ვერაფრით შეეჩვევა ზუგდიდს.
ოთხი-ხუთი დღე უდარდელია, მაგრამ კვირის მიწურულს კაეშანი მოერევა.
თვალისჩინი წართმევია, არც მუხლები ერჩის ძველებურად, მაინც ერგეტის-
კენ მიუწევს გული.

კაცების საფლავები უყურადღებოდ დამრჩაო, წუწუნებს. მრავლობით-ში ამბობს. სინამდვილეში მხოლოდ ძაკა ბაბუა მარხია იქ. ომშიდაღუპულ შენს ბიძებს იქიდან გლოვობს.

ბაბილინა გასაოცრად მღეროდაო, გსმენია ხანდაზმული ერგეტელების-გან, მაგრამ ისე გარდაიცვლება შენი პატიმრობის წლებში, იმის დაკვნესე-ბულის მოსმენას ვერ ეღირსები. ეს ჭანიები მართლაც ჭიანჭურები არიან. ერმინე გაბისონიას ცოლიც ერთ სოფლად ღირდა წვეულების დროს. ჩონ-გურზე ხინტურ-ხანტური ემარჯვებოდა. მიცვალებული გინდა მიხრწნილი ყოფილიყო, მისი ხმით ნატირალი მდულარე ცრემლს აღვრევიებდა დიდ-პატარას. ბოროტებას ვითომ ერევა სიმღერა და სიყვარული?! არც ისე ხელ-წამოსაკრავი ყოფილა, როგორც ამას უსინათლო მეჩორგურე ამტკიცებდა. აჰა, დამთავრდა შენი ბავშვობის წლები. რა შემოგარჩენია?! ორად ორი სიკე-თე, ორად ორი ნათელი. ერმინეს ბიჭს, ნაპოს, ბრმა ლეკვი რომ გამოართვი, რომელიც შესაძლოა დღეში გადაეგდოთ და დაჭრილი გედი. ორივეს უმე-გობრე, ორივეს დახმარების ხელი გაუწოდე, მაგრამ პირველს ტაუ ადელუამ დაახალა ჟაკანი და სიცოცხლე მოუსწრაფა, ხოლო მეორე, მოგვიანებით, რაც ხოთოს ამძუნებულმა ძაღლებმა წაიტყუეს, მერე შინსიკენ პირი არ უქნია და როგორც ჩანს, სანეპიდსადგურის ხალხის თოფის წერა გახდა. ვინ დაი-ნახა შენი სიკეთე, ან თავად იმათ წაადგა რამეში?! ლუკმას უყოფდი, სულს უზიარებდი, ძილი გაგიკრთა, ცხოვრებამ კი თავისი უღმობელი ხელებით ერ-თსაც და მეორესაც კისერი მოუგრიხა, ისე ოსტატურად, უკეთესად ძაკა ბა-ბუაც ვერ დაგრეხდა ლაფანის კანისგან თოკებს. და კიდევ ქსენია ბიცოლამ იცოდა ასე ქათმებისთვის თავის წაწყვეტა. მარჯვენა ხელში ნისკარტადღებუ-ლი თავი შერჩენია, ტანი კი ბათქუნობს, ხტება ერთი ადგილიდან მეორეზე, მავთულ-ბადეს აწყდება, დაწყნარდება ბოლოს. დურუმ ხომ მთლად გიზო ხა-ზალიას გარმონივით გაწელა და გაგლიჯა კატა. იმ პირმგვალ ცეკვის მასწავ-ლებელს წვერწაწყვეტებული ტუფლები ეცვა გამუდმებით, ციდის სიმადლის ქუსლებით. დაბაკუნობდა სცენაზე თორმეტიოდე მტკაველის ვერცხლისწყა-ლივით მოძრავი კაცი. შენმა მოგვარე გურიელმაც ხომ მისგან ისწავლა გარ-მონის წრიბინი?! თათულის დაჰყვები მეცადინეობაზე. გიზო მოურიდებელია. წამოჩიტულ გოგონებს ისე თამამად ჰკიდებს ხელებს წელზე, მკლავზე, მკერ-დზე, ზურგში, ვითომცდა არაფერი. ერთი, ორი, სამი, ოთხი, ხუთი, ექვსი, შვი-დი, რვა, ითვლის ხაზალია დოლის ბაგუნში, ან გარმონის წრიბინში, მერე და-აგდებს ინსტრუმენტს, იღლიებში შეაფრინდება გოგონას.

უფრო მოქნილად, რამეფრად წელში არ გადატყდევო, ეუბნება და წკნე-ლივით ღუნავს წინ და უკან. ქალიშვილებს სახეზე ალმური გადასდით. მას-წავლებლის ხელების ფათურს აინუნშიაც არ აგდებენ. ის კი არა სიამოვ-ნებთ კიდევ. ასი ასული გყავდეს, ცეკვაზე არასდროს შეიყვანო. თითქოს ილე-თებს ასწავლიან და პწკენა-პწკენაში ქალწულობის ბეჭდები უმისამართოდ

ეკარგებათ. გელოდი ჩიქოვანის „ზიმით“ არქეოლოგების ორმოში რომ გადაეშვები, თათულის ხელები არ უძლიანდება შენი თითების ალერსს. ათი-ოდე წუთში ქართველი რომ გადაივლის, მოგუდული ხმით ეკითხები:

კი, მაგრამ პირველი ვინ იყო-თქო.

რომელი პირველიო, თავს იკატუნებს აცრემლებული, თითქოს ვერ ხედებოდეს რასაც გულისხმობ. ეტყობა იმედიანობს ვერაფერს შენიშნავ და რძლად მიგვრი ოჯახში ვალერიანს, მაგრამ თვალებს რომ დააბრიალებ, მოიკუნტება.

ცეკვის მასწავლებელიო, ამოიკნავლებს.

შენ ხომ მაშინ თხუთმეტი წლისაც არ იყავი-მეთქი.

პო, არ ვიყავი, მაგრამ გვიანობამდე მტოვებდა და ერთხელ მეც ვერ გავუძელი მის შემოტევასო.

ეგ ყველაფერი კარგი, მაგრამ ტუხა ფართალიასთვის ცარცი რისთვის შემაჭმევინე მაშინ ტყუილ-უბრალოდ? ცეკვას ხომ უფრო ადრე დაანებე თავი-მეთქი.

ხმას არ იღებს.

მითხარი-თქო და წაუშკერ მკლავში. ხომ ხედავ რამხელა ორმოა, საფლავიც გასათხრელი არ მექნება-თქო, უბღვერ.

ვერაფერს გპასუხობს.

ახლა ყლისკენ წაიღებ ხელებს. დაფეთებული თვალებს შემოგანათებს.

მინდოდა შენთვის დამემტკიცებინა, რომ ვითომ უკარება ვარ, მიყვარდი და იმიტომო.

გიყვარდი კი არა ის არ გინდა, ხაზალიას ალერსს თუ ითმენდი, ფართალიას მოფერებაც აგეტანა-თქო, თვალებით ანადგურებ.

ოპ, ეგ ცეკვის დროს შემომიჩნდებოდა, როცა აზრზე ვერ მოვდიოდი, ხოლო გოდორა ტუხა მეცადინეობისას დამადგებოდა თავზე, გვერდით მომიჭდებოდა და ლაჯებში მიყოფდა ხელსო.

სხვაობას ვერ ვხედავ-თქო, არბილებ ხმას.

სხვაობა როგორ არ არისო.

აწი რანაირად აპირებ გათხოვებას? ეკითხები ცნობისმოყვარედ.

შენი იმედი მქონდა, მაგრამ ვხედავ წყალში ჩამოცვივდა თეთრად გათენებული ლამეები. ვიღონებ რამეს, გამოჩნდება საჩემოცო.

გოგო, ჯერ ერთი, მე შენ დამძურად მიყვარდი, მეორე ჩემზე წელიწადნახევრით უფროსს ცოლად როგორ მოგიყვანდი?! მესამე ხაზალიას გაბრედილს ვალერიანს მიგვვრიდი ოჯახში?! ასე რამ გამოგატვინა. ახლა კიდევ რომ წაგიტყრო ყელში ორი-სამი კაცის სახელსაც ამოაპრანტალებ, ვინაც ჩემამდე დაგაზონარა-თქო, თვალს თვალში გაუყრი.

სარკმლიდან მიწის კედელს მიაჩერდება. ტირის.

ცრემლით გულს ვერ ამიჩვილებ, უწყრები კვლავ მერე ისევ გებრალე-
ბა, სველ უბეებს ხელისგულთით ამოუმშრალე.

ესე იგი მაინც გყვარებივარ სადღაცო.

აკი, გითხარი დამშურად, გაიგე, ჩასძახი ყურში.

მაშ, ამისშორეზე რისთვის მოგყავდი? დებს როდის იყო ტყე-ღრეში ახე-
ტილებდნენ? როზა გრეჩანკას მაინც არ ვჯობივარო.

ეგეთებს მოეშვი-თქო, ბურღლუნებ. გრძნობ უცებ როგორ წამოგაწით-
ლა. როზაზე ხომ მთელმა ზუგდიდმა გაიარა პრაქტიკა მამაკაცურ საქმეებში.
შენც მათ ამქარში არ გაგრია ხელად?!

ქალების მეტი რა მყოლია? ტყუილად დავდივარ ყოველ ზაფხულს აძი-
უბტაში მორღუშვილებთან. დამსვენებლების მეტი რა ყრია პლაჟზე-თქო, მი-
აჩერდები ჭიქურ.

კარგი, მოვეშვით კინკლაობას, ცოლობას არ გთხოვ, ოღონდ ჩემთან იარე.
შვილსაც არ გაგიჩენ, ბატონო, დედას დიდი ხათრი აქვს შენი, ხელს არ შეგვიშ-
ლის. ხომ არ მიმატოვებ მთლადო.

ვნახოთო, პასუხობ ორჭოფულად.

ის კი იერიშზე გადმოდის. ვის ახსოვს შენი ილონა. სინდისის ქენჯნა გამქ-
რალა. ხვალ ისაც ქარდავას აბანოში ტონა წყალი რომ გადაივლო თავზე, სუ-
ლიდან მოციცქნულ ნათელს ვერაფრით აღიდგენ. შორს არის იგი და ვერასდ-
როს გაიგებს ამ ამბავს, მაგრამ მაღალმა ღმერთმა ხომ უწყის ყოველივე, რომე-
ლიც გამუდმებით ჩაგყიჟინებს ყურში: არ იმრუშო, არ იმრუშო, არ იმრუშო!

ასრულეებს საწადელს თათულიდა. მისავათდება. წევხართ გულადმა გა-
დაკეცილ საზურგეებზე. გრეჩანკასთან პირველი და უკანასკნელი მისვლა გახ-
სენდება. უფულოდ არავის გაიკარებს როზა. ხუთ მანეთზეც ყაბულსაა,
ოღონდ მთლად ხელცარიელი ნუ მიხვალ. ტურნუს ჭარგავა გაქცეულია ბაზ-
რიდან. მოსულიერებულა წყალნაპკურები ლაღი ჭანია. მისი რძალი ბევრს
წყველის და აქვესკნელებს ყჩაღს, მერე იღლიაში შეუდგება. ჩონგურები და ჩანთა
შენ მიგაქვს. ილონა არსად ჩანს. არეულობაში გამქრალა. ავტოსადგურამდე მი-
აცილებ. ჩომახების სასაბილოსკენ გადმოჰრი. ფეხებს თავისით მიჰყავხარ. გრე-
ჩანკას ფანჯარა ზედ ბირჟის თავზეა, ბელადის ძეგლჩამოგდებული პოსტამენ-
ტის პირდაპირ. მისი ბარაქიანი საცვლები დროშებზევით ფრიალებს აივანზე დღე-
მოსწრება. ბაბუა უკვე გვარიანი ხნის დაკრძალულია. კიბეებზე მიაბიჯებ და გუ-
ლი ბაგაბუგით გიცემს. ფულის იმედი გაქვს. დიდი ამბავი ხელცარიელი თუ
მიბრუნდები შინ. საბაბი ჩინებული გაქვს — ტურნუსთან შეფეთება, ლაღი
ჭანიას გამოქომაგება, იქაური დავიდარაბა და წიწვავა-გლეჯა. დაკარგავდი, აბა,
არა?! ვინ ჩაგძიებდა, მით უფრო — სალ-სალამათს?! უკაკუნებ.

ლიაო, გეძახიან შიგნიდან.

შეაღებ კარს. რალაც მძაფრი სუნი გეცემა, რომელსაც ვერაფერი გააქ-
რობს შენი ნესტოებიდან. რამდენ ზონას შემოივლი აქტიუბინსკის ჯურღ-

მულების ჩათვლით, მაგრამ გრეჩანკას ბინის სიმყრალის გადაფარვა აღარაფერს ძალუძს. თმააწეწილია. ფეხები სკამზე შეუწყვია. ჭრელი ხალათის ღილი აწყდომია წელთან და ვარდისფერი საცვალი მოუჩანს ჰიპოთან ერთად. წვეტერიამ სუპს სვრებს და ბარაქიანად ატანს თინთუშას ლავაშს. ჭამის დროს ლუკმას ხან ერთ ლოყას გადმოაბერვინებს, ხან — მეორეს. კარს ზურგით მიაწვები. უხმაუროდ ჩარაზავ.

შენ რა გინდაო, გეკითხება.

ხმას არ იღებ. ასაკით მეტი ხარ, ვიდრე გამოიყურები. გეუბნებიან უფროსი მეგობრები:

სიმძიმეების აწევას შეეშვი, თორემ სიმადლეში ვერ წახვალო. უკვე კარგა ხანია გრძობ საკუთარი ბალნის ფაჩუნს ქიღვაშებთან, ზედა ტუჩზე, ნიკაპთან, სხვაგანაც. ძუძუებში ორი ჟაკანი ჩაგვდომია. შოთა ხუბულავას სიტყვები ყურში გიგუგუნებს. ა, როგორ გითხრა?

გადმოგიფხანდი ისევ ჩვენსას, მაგრამ დაერევი კერუციასავით ამ ჩემს შინაბერა ქალებს და თავს საციხედ გაიხდიო. ისე, გარეთ მოძებნიდე, დროა, დიდხანს თუ გინდა ნამდვილი მამაკაცი იყო, მოშარდვის დროსაც კი ნუ მოპკიდებ ხელს იმ ერთ ადგილსო.

დამუნჯდი კაცო, რა გინდაო, გეკითხება ლუკმით პირგამოტენილი ქალი.

შენ კვლავაც დუმილს ამჯობინებ. რაც შენ ახლა გინდა იმას ტყვიაც რომ დაგახალო, ხმაძილა ვერ გათქმევინებენ.

ფული გაქვსო, მოგაჩერდება ირონიული ღიმილით.

შენ ბლუჯად იღებ საყიდლებისთვის გამოტანებულს და მაგიდაზე ყრი. ის გულმოდგინედ მიქექ-მოქექავს პურიანი ხელით, ქალაღის კუბიურებს ხურდისგან განაცალკევებს. თვლებს ბრიცავს, ტუჩებს იბზუებს. ლამის არის შიშისგან გული გაგისკდეს. ვაითუ იცოტავოსო, კრთი. ბევრი კი არ აკლია იმ თანხას, ოთხი ბულკის და გაზიანი წყლის ღირებულებას.

შედიო, გეუბნება, თან ხელით მიგითითებს საძინებელი ოთახისკენ. ოდნავგამოღებული კარის მინიდან ამჩნევ მის საქმიანობას, თუ როგორ წამოკრეფს ტან-ფეხს. ტუალეტში შეუჩინარდება. რადიატორზე დადებულ პირსახოცს ხალათქვეშ შეიყოფს. წევხართ. შენ გეჩქარება, ის კი აუღელვებლად გისინჯავს ავლა-დიდებას. საქებარ სიტყვებს არ შეინანებს.

შენი ასაკის კვალობაზე შესაშურიოა, გაქვებს და რამდენადაც წყნარია თავიდან, იმდენად გიჟს ემსგავსება ხუთიოდე წუთში. ბორგავს, კენესის, მოჭიდავის ილეთებით გათანგავს. კედელზე მუშტს უბრაგუნებენ, მაგრამ ვისა აქვს ამეების თავი.

ხვალაც გამოიარეო, გეფერება. კარი ჩაკეტილი იქნებაო, გიხსნის. სამჯერ დაუკაკუნეო, გაჩვენებს ლოგინის თავზე მირაკუნებით რანაირად შეეხმინაო: ტუკ, ტუკ-ტუკ, ტუკ. ზანტად ჩადიხარ კიბებზე. მთელი სამყარო შენი გგონია, მაგრამ ხვალ არ შეივლი შენ როზა გრეჩანკასთან და არც ზეგ. ის კი არა მოგვიანებით ბირჟაზე მოხეტებულ თათულისაც უდიერად მოიცილებ თავიდან. ილონას ბიცოლას მართლაც გულთმისნურად უმარჩიელებია შენთვის:

გაივლის ერთ კარს, მეორეს, მესამეს და უკან არასდროს მობრუნდებოა. მართალია, ილონა უკვე წასულია, ვალერიანმა ჩამოგაგლიჯა ყელზე ჩამოკიდებულნი, მაგრამ ქალი უმთავრესად იგადასხვებდა იკავებს შენს ცხოვრებაში. საამისოდ არაფერს იშურებ. შენი კარჩაკეტილობა დავიწყებას მიეცემა. სალომეშვილის ლექსიც რა ხანია მესხიერებიდან გამქრალა. ა, როგორ თქვა?!

ველარ გაიგებ მართლა, მუშტები აქვს თუ ტოკი, ოხრავს, გაექცა რადგან, ერთი ცივანი ძოკი. ცივანი ძოკი ილონაა, იგივე ზაქი. არა ზაქი ბატია, ძოკი უკვე საკმაოდ წამოზრდილს ჰქვია. სად არის ანთარია, თორემ იმას ეცოდინება სახელი. კი არ გაგექცა, გაგხლიჩეს. ერთხანობას გეგონა ქალღმერთს სავსებით არ გაიხედავდი, მაგრამ დრო დიდი მკურნალია თურმე. ქართველი ქალი იმ ამბავში არ უქნია ღმერთს. სხვა ეროვნებისანი უფრო თამამები არიან. ამას, ალბათ, თავისი საფუძველიც აქვს. ოჯახში რძალს თხელი კედლები ჰყოფს დედამთილ-მამამთილისგან, მაზლებისგან. შეიძლება უნდოდეს ვნებიანი კვნესა, წამოკვივლება, მაგრამ ლოგინის გაჭრაჭუნებისაც კი რცხვენია. როზა გრეჩანკას ფეხებზე არ ჰკიდია იკვნესებს თუ ყვირილით გადააყრუებს მთელს ქალაქს?! უბაგუნონ მერე კედლებზე მუშტები რამდენიც უნდათ. ჭერზე უბრაზუნონ ფეხები, ქვემოდან ჯგვლიმონ იატაკის საწმენდი ჯოხით, რაში ენაღვლება, ნათესავი მაგას არა ჰყავს და მოყვარე. პირიქით, სხვების გასაღიზიანებლად სჩადის ამას. ზოგჯერ მამაკაცის ჭაჭანებაც არ არის და მანც ბორგავს ჩვეული ნმით, მეზობლებს აგიჟებს, ბავშვები გადარია. რა არის შენი სიყმაწვილე?! მუშტი და ქალი. გრეჩანკას რა თანადგომა სჭირდება, მაგრამ ილონას ხომ ნამდვილად ვერ უპატრონე?! დაგვაბნეს. მამას წინ ვერ აღუდგე, თვალები ვერ დაუბრიალე, თოთხმეტი წელი კი შეგსრულდება, მაგრამ მერე რა, სხვისი სატარებელი ხარ ჯერაც და ახლაც გიწვივის ყურებში ილონას გაბმული წივილი: როკიი, როკიი. ბევრს ეძებ, ბევრს ივაგლახებ ყუბანსა თუ უკრაინაში, რუსეთის ქალაქებში, მაგრამ მის ასავალ-დასავალს ვერაფრით პოულობ და ფარ-ხმალს დაყრი. წუთისოფელზე გული აგიცრუვდება. თათულისაც ხელს ჰკრავ. ბირჟაზე რომ გაკითხავს გამუდმებით, აჩურჩულდებიან მეზობლები. ეენიას ყურს ჩაეწვეთება, მიუვარდება ბერეშიებს, ბენზინით და ასანთით შეემუქრება და მერე ისიც წავა და წავა ხელიდან. რომელ ერთს გამოვსარჩლე ბოლომდე? რომელ ერთს შეუმსუბუქე ცხოვრების ტვირთი?! ცამდე მართალი თქვა ილონამ:

ყველაფერი შებრუნებით გამოსდის, უყვარს და სიძულვილს იმკისო. მუაზე ვერ გაიჭრები. შენი გული ზანგის გოგონამ დაისაკუთრა. რა ქნას ახლა ამისთანა ქმართან მარინამ?! ეგ ხომ მთლად უცოდველია, ბანტიანი მოიყვანე და ამ ხუთი წლის მანძილზე ხუთჯერ გამოსულა ქალაქში, ისიც ნათესავების თანხლებით. ალბათ, შიშობდა, როკიმ რაიმე საბაბი არ იშოვის და ჯადოქარ ბოშა ქალთან არ გამექცესო. ყველა თავისებურად გიტყვს: თათულისთვის ალერსიც საკმარისია; სვეტლანა შვილებს გიჩენს, ბავშვებით ცდილობს შენს დაოკებას; მარინა კერიასთან ფუსფუსით გიმტკიცებს ერთგულებას; ერ-

თადერთი ვინც არ გეტყვება, ილონაა. სად არის შენი სიმართლე?! ყველას თავს მოაწონებ, გრძნობას ჩაუსახავ და ეგრევე დაუსხლტები. კინაღამ გრეჩანკამაც ამოგიიღლიავა. ზვალ გამომიარეო, გითხრა, თან კარებში მოგაწია სიტყვა, ფული იყოსო. რაღაცას პოულობენ შენში და მაინც მოლიპული ნაპირი ხარ თითოეულისთვის. რომ დალაპარაკებოდი, დაიქცეოდა ქვეყანა?! ან საერთოდ რისთვის დაარეკვინე, უფრო არ ატკინე გული?! ფარდულის ამაღლებული წუთების შემდეგ ვიდაც გადამთიელს ხელმეორედ აორსულებ. მხოლოდ მან შეძლო წუთიერი აღტკინებისგან განეიარაღებინე და იმასაც ნაბიჭვრებით თავს აწონებ. ვითომ რას უმტკიცებდი ამით, მაგარი ვარო, ხომ?! ერთადერთი დასაყრდენი ცოლისთვისდა აღმოჩნდი, ისიც ტრადიციის წყალობით“.

— სარკმელს აუწიე, რინო, — გამოარკვია როკი მარინას ხმამ.

უკვე რიკოთის მომქანცველ ხვეულ აღმართებს მიუყვებთან. ძინავთ ბაბუას და შვილიშვილს.

— ვენიამინოვიჩ, ოდა-სახლთან გაჩერება არ დაგავიწყდეს, უკეთეს ადგილას ვერსად ვისადილებთ.

ჯერ თერთმეტიც არ არის, მაგრამ უღელტეხილზე ცივა. რესტორანს მიადგებიან. მალაყზე მწვადები შიშინებენ. ვალერიანს აქეთ როკი შეუძვრება ილიაში, იქით — რინო და მიუხედავად ავადმყოფის წუწუნისა, სუფრის თავში დასვამენ. საათიც არ გაგრძელდება მათი დანაყრება. ისევ აღმართია, ისევ გზა. ნიკამ უკვე საფუძვლიანად გამოიბერტყა სხეულიდან ძილი და ფიქრისთვის მოიცილი სწორედ. სამი სრულდება. თბილისში ჩასვლა არ ღირს. უმჯობესია რურუებს გაუარონ. მარინა და რომანი ბიძაშვილ-მამიდაშვილები არიან. ქორწილის შემდეგ არ უნახავთ. ჯერ ერთი, ცოლსაც გაახარებს ამით. მერედა, ყველაფერს რომ მოვეშვათ, როკისაც აქვს ბევრი სალაპარაკო ზემელელ ძმაკაცთან. ღირსია თურმანძიების ასული სიურპრიზი მოუმზადოს, ჯვარს დაიწერენ სვეტიცხოველში.

როკიმ ცოლს ხელი გადახვია, მარცხენა ლოყაზე მიეფერა თითებით. ქალმა მხრებსა და ყვრიმალს შუა მოიმწყვდია მისი კორძიანი მტევანი. ასე მისრიალებენ ერთხანს, სანამ ნიკა არ აიწყვეტს. ტიტინებს და ტიტინებს. აგერ, გამოჩნდება საქართველოს გვირგვინი — ჯვრის მონასტერი. მცხეთისკენ გადაუხვევენ. რომანი ნამდვილი ლორდივით ცხოვრობს. სამსართულიანი სახლი წამოუჭიმავს შუაგულ ქართლში. ოლიმპიადებისა და მსოფლიოს მრავალჯის ჩემპიონია ჭიდაობაში. ბუნებით ნაღდი მეურნე კაცია. საკუთარი სტადიონი გააშენა. მიწა თვითმფრინავებით ჩამოიტანა იტალიიდან. ცხვრის ფარა დაუდის ადგილობრივი სარქლების მეურვეობით. იშვიათი ჭიშის იხვებისა და ქათმების სიმრავლეა. ხეხილის ბაღი კირითაა შეთეთრებული. ვენახი გასხლულია. ხასხასებს კონინდარი, მარწყვი. ვარჯიშისთვის ჯერაც არ დაუნებებია თავი. მცხეთაში ცალკე გუნდს ამზადებს სპარტაკიადისათვის, თბილისში ოლიმპიური ნაკრებისთვის ამცადინებს ბიჭებს.

„სპორტსმენებს ადრე უმძიმდებათ სხეული, — ფიქრობს როკი, — ტან-წვრილი ფეხბურთელები, მოკრივეები, მოჭიდავეები და მძლეოსნები სპორტს ჩამოშორდებიან თუ არა, ხელად მოეშვებიან, მოხალვათდებიან. მასპინძელიც ასეა. შემელოტებულა. ჭალარა მომატებია“.

რომანის სიხარულს საზღვარი არა აქვს, ნანატრი ბიძაშვილი სტუმრებია. ცოლ-შვილი თბილისში ჰყავს, მაგრამ მეზობლიან კაცს რა გაუჭირდება. გაცემულია განკარგულებები ციკნისთვის, ჩაქაფულისთვის, ტაბაკა ვარიებისთვის. ვალერიანს სარწეველა სავარძელში გადაიყვანენ უხვრდილიან ტალავერში. ნიკა გადარეულია ნასახსოვრები სამბორბლიანი ველოსიპედით. ნამდვილი ჯადოქრობაა, იტალიელებმა იციან ბავშვის ფსიქოლოგია. ჩაჩქანიც თან მოჰყვება, ავტოინსპექტორის აღკაზმულობაც — ჭრელი ჯოხი, ხელთათმანები, ტელეფონი. შეაჯდება ნიკა თავის მერანს და მამის ზღაპრებიც დაავიწყდება ავადმყოფ ბაბუასთან და მზრუნველ დედასთან ერთად. მარინა, როკი და რინო ფეხდაფეხ დაჰყვებიან მასპინძელს. ყველა ოთახს სათითაოდ შემოვივლიან. მომაჯადოებელია უცხოური ავეჯი, ფაქიზად მოვლილი კედლები და ძვირფასი ხალიჩები ფეხქვეშ. ჩადიან დაბლა სარდაფში, რომელიც სულ კაფელითაა გაკრიალებული. თაროებზე ჩამომწკრივებულია ოცლიტრიანი ბოცები. ზედ ეტიკეტია მიკრული, რომელიც ღვინის ჩამოსხმის თარიღს, სადაურობას და ჯიშს იუწყება. ყოველგვარი სასუსნავ-სატკბარუნებელი იმდენადაა დახვავებული, იფიქრებ, რაღაც განსაცდელის მოლოდინში თადარიგი დაუჭერიაო. იმ ღამეს გვარიანად მოუღხენენ. დილაადრიან კი თბილისისკენ უტევენ. წინ რომანი და ნიკა მიუძღვით. შეეხმიანნენ მცხეთიდან პროფესორ ჯემალ ონიანს და მის კოლეგა მეუღლეს, ცილა ხიჭვანს. დარეკილია მედიცინის მეცნიერებათა დოქტორებთან, ძმებ ჯვებენავებთან. უკვე პალატაც მომზადებულია რესპუბლიკურ საავადმყოფოში. მეორე ღამეს ჯვებენავები არავის დაუთმობენ სტუმრებს, მიუხედავად იმისა, „საქართველოში“ დაჯავშნულია ლუქები ცალკე რინოსთვის და ცალკე — ოდიშელიებისთვის. ცერზეა დაყენებული სახელგანთქმული ნევროლოგები და ვალერიანის ანალიზების გამოკვლევის უმაღ კონსილიუმიც მოეწყობა; მაგრამ ეს ყველაფერი მომავლის საქმეა, ჯერ კი მიჰჭრიან ტრასაზე. როკი ისევ წუხანდელი ფიქრების ტყვეობაშია. მარინას მხარზე მოუყრდნობია თავი და თვლემს. ვალერიანი გარინდულა, ნეტარებად ეღვრება სულში შუათანა ვაჟიშვილის ამავი, რძლის ნათესაური წრე, რომელიც თითისწვერებზე მდგარა დაინვალიდებული კაცის სამარიდან მოსაბრუნებლად.

„შენ რა იღონე ისეთი, ცხრა აპრილი რომ აღკვეთილიყო?! კი, ბატონო, აარიდე თავი სამხედრო სამსახურს, თუმცა მთლად იმისთვის არა, არიქა, შენი წაუსვლელიობით წითელი არმია დაუძღურდება და ეგერ, ორღესულ ნიჩბებს ვერ შემოიქნევსო. სულ სხვა ფსიქოლოგიის თაყვანისცემის გამო იხეტიალე შენ სამ წელიწადს; ხან ჯოტო ოდიშელისა შეაფარე თავი, ხან — ავიბებს და ზემელელ ძმა-ბიჭებს. მთელი საქართველო მოიარე მეროქიკე ბერი-

ვით. ზოგი ჭირი მარგებელი რომ ყოფილა, საკუთარ თავზე გამოსცადე. შარ-შანდლამდე ჭურია არ გენახა, ჩხოროწყუში ჯერაც ნამყოფი არ ხარ. დევნილი კაცის პროფილს შეიფერებდი და არავინ გამადლიდა პურ-ღვინოს, ხელითნაქსოვ ჯემპარს თუ ჯინსებს. გველის პერანგით იცვლიდი სამოსელს. სიკეთის მეტი არაფერი გითესია და სადაც კი ფეხი დააბიჯე, ყველგან უბრალო ადამიანების სიყვარული უხვად მოიმკე. შრომისთვის თავი არ მოგირიდებია. ეს ოჯახში გეზარებოდა მკლავის წაკაპიწება. გივის როცა ქანცი ჰქონდა გაწყვეტილი ვალერიანის ბლოკების თრევით, შენ არხეინად ვარჯიშობდი ჰანტელებით, „ვეფხისტყაოსანს“ იზუთხავდი ან ბირჟაზე ყურყუტში აღამებდი, მაგრამ საკმარისი იყო ვინმეს ბეტონის ჩასხმა მოეფიქრებინა, პირველი ეძგერებოდი ნიჩაბს და არაქათის გამოცვლამდე ხელიდან არ გააგდებდი. გისაყვდურა ამის თაობაზე ერთხელ შენიამ:

ჩვენთან კაკანებს და კვერცხს სხვასთან დებსო. სწორი იყო დიხაც. სხვისთვის სამარეშიც ჩახვიდოდი, მაგრამ ოჯახში ფიჩხს არ გადააბრუნებდი. ყველაფერში პირველობა გეწადა. ამას რუსთველიც გეარნახობდა, როცა სახელის მოხვეჭაზე გამოთქვამს აფორიზმს. იქ არსებითად ომში შესასვლელად კაცის დაქოქვა — ჯაბანი კაცი ქსლის მბეჭველ დიაცთანაა გაიგივებული, მაგრამ მშვიდობიან პირობებში რანაირად უნდა მოიპოვო დიდება, ამეებზე შოთას გამოკვეთილად არ უწერია, მთლიანობაში უნდა გაიაზრო გმირების ქმდებანი, ცხოვრების შინაარსი რომ გამოიტანო. ვაჭრები სძულს ლაჩრული ბუნების გამო. ორპირობას და ორგულობას გმობს. მისი გმირები მუშტისისხო ცრემლს ღვრიან, რაც უმთავრეს ღირსებადაა მიჩნეული მიჯნურთათვის. ცხოვრებული კაკა ჟვანია ამოიჩრია ილიაში წიგნდაკინძულ თარგმანს და ჩომახიების სასადილოში, სიჭინავების ლუდხანასა თუ გივის სალობიეში, როცა გიკითხავდათ ხოლმე უკვდავ სტრიქონებს, მაშინ ჩაიჩნიე გულში, ცოცხალ წიგნად იქეცი-თქო და კიდევ მოახერხე. არ დასჯერდი ამას და ილონასთან განშორებამ მართალია, სკოლის დამთავრება კიდევ ერთი წლით გაგიხანგრძლივა, მაგრამ სანაცვლოდ უკვე ოთხნაირად შეგეძლო მკითხველისთვის ერთი და იმავე ამბის მოთხრობა. განგებას ნამდვილად ვერ დაემდურები ბოძებული მესსიერების გამო, მაგრამ საკითხავია, რაში გამოიყენე იგი?! კი, განაცხადე ლაითურის ზონაში: სწავლა უნდა გავაგრძელოო, თუმცა ეს ყველაფერი ყინულზე მიწერილ ოცნებად დარჩა. მკლავზე პავიაზკა გაგეკეთებინა და შენს კანში დატეულიყვი, შვიდის ნაცვლად სამ წელიწადში გამოაღწევი, მაგრამ ყველაფერში პირველობა გწადა. გული გაგისკდებოდა სხვის დაკრულზე გეცეკვა. დიდებას ეძებდი და პოულობდი კიდევ, ოღონდ იყო კი ჭეშმარიტი?! ამის გასარკვევადც მიემგზავრები თბილისს. უკაცრიელ კუნძულს მოსწრებულად შეგადარა ზაქარაიამ. მართლაც, თუ კი შენს ნაპირს არავინ მოადგა, არავინ დაეწაფა შენი სულის წყაროს, რა ბედენაა აურაცხელი საუნჯე?! კიდევ გვარიან დროს გამოფხიზლდი შენ, როკი ოდიშელია. ბედისწერის სადავეები მთლად ვერ წაგართვეს გადარეულმა ცხენებმა. ჯერაც არ არის გვიან მათი დაურება.

ერთადერთი ფინიში სამშობლოს გულისკენაა და მოატრიალე მერნები მისკენ! არა მკერდში მუშტის ბაგუნი, როგორც ზოგს სჩვევია, არამედ დადექი მამულის ტკივილის სადარაჯოზე! საამისოდ გამოცდილებაც გაგაჩნია. უწიგნური არ გეთქმის. სწავლა სიბერემდეაო, თქმულა. შენ მემკვიდრეობით მოგსდგამს ადამიანებს შორის უშუამავლობა. ამისი დიდოსტატი ძაკა ბაბუა იყო ერგეტაში და ვალდებულიც ხარ გაათართოვო გულთმისანი წინაპრის ასპარეზის საზღვრები. საქმაგოდ და საყრდენად გლესკაცი ამოგირჩევია. მიყურადე მის მაჯისცემას. ნურც საზღაურს მოითხოვ საამისოდ, ნურც — ჯილდოებს და ჯინჯილებს. შენ ჩინებულად იცი ოთხასი გრამი პურის ფასი. მშვენივრად უწყი, როცა ისიც სანატრელია, რანაირი ფრენები მოსდევს ცარიელი კუჭის ყმუილს და ადრე გოლეულივით სავსე თავი უცებ როგორ იჩუტება, როგორ ემორჩილება ცხოველის ბუნებას. დადვი ფიცი საკუთარი სულის წინაშე, რომ ამ გამონათებას არ გადახვალ, შენი ნიკას ბედნიერებისთვის არ გადახვალ. შეპფიცე უზენაესს, ღვიძლი ძმების განსაცდელიც რომ გთხოვდეს, უკან არ დაიხევ, მყარად იდგომები შენს არჩევანზე. აბა, კარგად გაიხსენე ზემელი, ჯემალ გეგეჰკორის ბინა, ბავშვობის მეგობრები გუჯა თათარიშვილი, სამედიცინოს სტაჟიანი სტუდენტი, განუმეორებელი კაული ქობალია. განუყრელი სამი ძმა მირცხულავა, რომან ოშხერელი. სამაიას ბაღში ეცნობი თბილისელ ყოჩებს, წვრილებს და მხარბეჭიანებს — გენო სარჩიმელიას, დათო ხოშტარიას, თავადური მანერების სიომა ბარამიძეს და ნუგზარ მახარაძეს. მათაც ბევრი სმენიათ როკი ოდიშელიაზე. შენს ნაცნობთაგან ყველაზე ტანმაღალი გოგია ახალციხელიც აქ არის. რუსთაველის ძეგლთან უძმაკაცდები ნამდვილ დენდებს, ანზორა მესხსა და მერაბ გიგინეიშვილს. აქ გაიჩენ ერთადერთ დობილს მთელი ცხოვრების მანძილზე, მედიკო მებურიშვილს, რომელიც ობოლი მარგალიტივით ტრიალებს გორაო მძებში და შენი დაპატიმრების დღეებში ტრაგიკულად დაიღუპება. იქ, იმ უშუაგულ დედაქალაქში, შეყრილან თბილისის კოლორიტული პიროვნებები: არსენა მიქელაძე და თამაზ ჯარიაშვილი. კიდევ რამდენს დაუძმობილდები, რამდენ მჩქეფარე სიცოცხლეს დაეწაფები, რამდენ აუზდენელ და დამსხვრეულ ოცნებას დაიტევს შენი მესხიერება?! იმათი უკვდავებისა და არდავიწყების სახელით ვალდებული ხარ გადაახტე საკუთარ თავს, საკუთარ სულს, შენ ხომ ამისთანები გასაოცრად გემარჯვება?! იქნებ ესეც მოახერხო?! გაიხსენე ძმურად გატეხილი პურის გემო, ზელემხანის ჩიტიბიტი, მოლხენა მწირ სუფრასთან. გაიხსენე შოთა აბულაძის ბიჭი ჯემალი სამ რაზმელს რომ მიაწვევს ზემელის დედოფლის უდიერი შეპასუხებისთვის. როგორი დაკადუკი ატყდება ოციოდე წუთში?! „ჩორნი ვორონები“ ყმუიან. არის ღუბინკების ბათქაბუთქი. ლომგულებს წრეში მოუქცევიათ თავიანთი ფერია, ის კი დედალ ავაზასავით მიიწევს ფარაონებისკენ ძმადნაფიცების საშველად. შემოფხრეწილია ტანზე მოღური პერანგები. უკვე საქმე იარაღსა და ბრასლეტებზე რომ მიდგება, თავგანწირული ნახტომით გადააფრინდები ღუბინკების ტყს. პირდაპირ

გადაეშვები ელბაქიდის ფრიალო ფერდობზე ქვის ზორბა გალავნიდან. გესმის როგორ მიაკვივლებს აივანზე გამოშლილ ხალხს და მყისვე დიდ-პატარა მოაჯირის მოაწყდება, შენ კი ცარიელი კასრივით მიკოტრიალებ დაბლა და დაბლა. ხან ნაძვის ტოტს ჩაეჭიდები, ხანაც უმწიფარი გარგარი გრჩება ხელში. დაგორებულ ქვასავითა ხარ, ხავს რომ არ მოიკიდებს. შეგაყოვნებს წამით რომელიმე ხე და შენგანვე წამოშლილი მორაუხო ღორღი საყლოში გიცვივა, თვალეები მისით გეფსობა, ცხვირის ნესტოებში გრძობ გოგირდის მძაფრ სუნს. ისევ მიკოტრიალებ, ისევ მიქანობ ქვევით და ქვევით. აქა-იქ შენი მზერა დაიჭერს ელბაქიდის გალავან-მოაჯირს, რომელიც ე, სად აზიდულა. მილიციელების თავები შაურიანისხელა გამხდარა. თოჯინებად ქცეულან აივანზე გამოფენილი კაზარაინის სახლის მობინდარენი. სახე დაგაკაწვრია. მუხლისთავები და იდაყვები გადაგყვლეფია. ზოგჯერ თვალსაწიერზე გამოკრთება თბოელექტროსადგურის მილები. თუკი უვნებლად გადარჩი, მტკვრის გადაცურვა და ჯათუ პაპიდის ვაჟისთვის თავის შეფარება განგიზრახავს. აჰა, აღმაშენებლის ხეივანიც დაიწყო.“

ნანიჩბარი თბილისი გულსაკლავი შესახედავი იყო. დაუყვებოდნენ რუსთაველის პროსპექტს მამა-შვილი ოდიშელიები, ჯერ მარჯვენა ტროტუარით. ოპერის თეატრიდან მოყოლებული ასწლოვანი ჭადრების ტანი ფარატიანა ფურცლების წყებათაწყებას შეეფოთლა. დედაქალაქელები ლექსებით გამოხატავდნენ უსაზღვრო გულისწყრომას ორთავიანი არწივის უღმობლობის გამო. ვინმეს რომ ეცადა მათი წიგნად შეკონვა, ქართველი კაცის პოეზიის ენით გამოთქმულ მწუხარებას, ასტომეულიც ვერ დაიტევდა. ეს ფურცლები უფრო და უფრო მრავლდებოდა მთავრობათა სასახლისაკენ. უკვე მესამე კვირა იწურებოდა ტრაგედიის დატრიალებიდან, მაგრამ სიკვდილის არენაზე ხალხის ნაკადი არაფრით წყდებოდა. როდიონოვის ბრძანების ოცდაერთი მსხვერპლის წინაშე მუხლს იყრიდა სრულიად საქართველო. ორლესული ნიჩბებით აჩეხილების სურათებთან უწყვეტად ენთო სანთლები. ყვავილების მდინარეს წაელეკა გამზირის მარჯვენა მხარე. დაღუპულთაგან მამაკაცი ოთხილა გახლდათ, დანარჩენი ჩვიდმეტი — ჩვიდმეტი წლის თამრიკო ჭოველიძიდან მოყოლებული ორმოცდაჩვიდმეტის ზაირა კიკვიძეთი დამთავრებული ასული თუ მანდილოსანი.

სხვა მამებრით ზურგზე შეესვა ნიკა როკი ოდიშელიას, ცრემლები ახრჩობდა და ერთიანად გულშეძრული ვაჟიშვილის გაუთავებელ შეკითხვებს ველარაფერს პასუხობდა.

უკან მარცხენა ტროტუარით ბრუნდებოდნენ. უმანკო სისხლი უკვე გადაერეცხა გაზაფხულის პირველ წვიმას, მაგრამ მიმოთელილ გაზონებში მახვილი თვალი ახლაც შენიშნავდა უპატრონო ფეხსაცმლის ცალებს. ოცდაერთი ქართველი შეიწირა ორთავიანი არწივის ორლესული ნიჩბებით ნადიმმა. უცხოეთის სააგენტოები ასეთი მაჩვენებლით შემოატარებდნენ მთელს მსოფლიოს ოცდაერთი ციფრის საბედისწერო შინაარსს კონტინენტიდან

კონტინენტამდე, მაგრამ ეს მონაცემები დღითი დღე გაიზრდებოდა. „ჩერიომუხასგან“ და „სიესიგან“ მოწამლული ასობით ადამიანი ზოგი საკუთარ ჭერქვეშ გარდაიცვლებოდა, ზოგიც — საავადმყოფოს პალატაში ვალერიანის სი-ახლოვეს თუ სხვაგან, სიმართლე კი ველარაფრით დადგინდებოდა.

დღმა ვეზირმა ჭირისუფლის საკადრისი სიტყვა წარმოთქვა რესპუბლიკის კომპარტიის აქტივის კრებაზე. შეიქმნა შთაბეჭდილება, რომ ჯიჭონაიების დისშვილს არავინ დაანებებდა თვითნებურ გადადგომას, მაგრამ ტრაგედიის მთავარი ვილანი ჯერაც მიუკვლეველი იყო. მართალია, ჯიჭონაიების ფესვი კი იძახდა, მოვა დრო და ყველაფერს ვიტყვიო, მაგრამ ისე ჩაივილიდა თვეები და წელიწადნი, რომ ქადილი ქადილად დარჩებოდა, ორთავიან არწივს კი ხელს ვერავინ მიუწვდენდა.

ვალერიანს მომჯობინება აშკარად დაეტყო. პროფესიონალმა მედპერსონალმა მის სნებოვნებას ალღო მალე აუღო. მართებულმა დიაგნოსტიკამ, ეფექტურმა მედიკამენტებმა ნერვებდასუსტებული კაცი თანდათან თვალე-ბში გამოახედეს. ფერზეც მოვიდა, მდაბეც. ხილი, საჭმელ-სასმელი თავზე-საყურელად ჰქონდა ძაკაევიჩს. ავადმყოფობაც თითქოს დაჯაბნა, მოსარიდებელი მხოლოდ რძლის უზომო შეწუხება გახლდათ. მართალია, მარინა ღამით სასტუმროში მიჰყავდა როკი ოდიშელის, მაგრამ დილაუთენია თავზე დაადგებოდა მამამთილს და გვიან საღამომდე ავადმყოფის მოკრძალებულ ნებასურვილს აღასრულებდა.

ამ დღეებში როკი ოდიშელიამ თბილისელი ძმაკაცების შეხმიანებისთვისაც მოიცალა. უჩა ხეცია ხომ წამითაც არ მოსცილებია მეგობარს. კვეკვე ანთარიაც ხშირ-ხშირად შემოუვლიდა მამამის ფეხმძიმე მეუღლესთან ერთად. ნახულობდნენ რომან რურუა, ჯემალ ონიანი და ცილა ხიჭვანი, სხვები, მაგრამ ბურების რეკორდსმენს მოუტრჩენელ იარასავით ჩარჩენოდა სულში რუსთავის მესამე ზონაში, პეკეტეს საკანში, მეტრებს შორის წლების წინანდელი დიალოგის ბუნდოვანება. მისი გონება ხომ სხვაგან ჰქროდა იმ წუთებში. მოგვიანებით ზაქარაიასაც ვერ შეებდა სტენოგრამა მანახეო, არადა, რატომღაც სჯეროდა, რომ სწორედ იმდამინდელ ბაასში გაპარვოდა ყველაზე მთავარი, რაც მის ცხოვრებას მეტი ცხოველმყოფელი შინაარსით დატვირთავდა.

თანასაკნელების მოძიება როკი ოდიშელიამ ჯემალ გეგეჭკორით დაიწყო.

კაზარიანის სასახლის ნაწილი „ივერიის“ წინა მოედნის რეკონსტრუქციას შეწირვოდა. ორი თუ სამი სადარბაზოს ხალხისთვის მიცკვევიჩზე გამოეყო ბინები. ზურა და ზენაბ ჯაშები, გვათუები, ნიაზ დიასამიძის ოჯახი იქ ბინადრობდნენ თურმე. რესტორან „ყაზბეგში“ ჩასულს აუხსნა ყოველივე უბერებელმა მზარეულმა ზელემხანამ.

დაოჯახებას გეგეჭკორი დაეწინარებინა. აღრინდელივით როდი აურდაურედა უკვე სუფრაზე.

ერთხელ ნათესავი ესტუმრა ჯემალს, სატყო მეურნეობის მთავარი ბუღალტერი. წაასხეს „ივერიის“ რესტორანში ზემელის მშვიერ-მწყურვალ ოცამდე ბიჭი. გულუხვად მოაყარა მასპინძელმა სტუმარმა პურ-მარილი სუფრას. იმღერეს შეწყობილად ძმებმა სორდიებმა, კოლკა მაღაზონიამ, ფითული ზარქუამ, თემო და მოხო თოდუებმა, ბურდლუ და ჭკოლა ტიბუებმა, გადი ლომიამ, მაგრამ შუაქეიფი როგორც კი სიმთვრალისკენ გადაიზნიქა, გეგეჭკორმა რალაც სიტყვაზე გამოიჭირა „მამულის ტყეების მომშობი“ ნათესავი.

— რომ იჭიმები, რას იჭიმებიო, — მიახალა, — ნაჭურდალი ფულით რას თავმომწონებო, — და სუფრასაც ცივი წყალი გადაესხა.

ტყაუმ* არ შეიმჩნია წყნა, თითქოს გამრთელდა ბზარი. მოგვიანებით ხელის გადასაბანად სველ წერტილს მიაშურა და ხუთასმანეთიანი პურ-მარილი პირდაფრენილი შეატოვა ჯემალს. აქეთ ეცნენ, იქით, მაგრამ მეტყვე მიწას ჩაეყლაპა და დიდი ჯათა დაადგათ ბიჭებს ის თანხა კარდაკარ შეეკოწიწებინათ.

ცოლად თავისი ასპირანტი გოგონა ეთხოვა. ანთარებისა არ იყოს დიდი გახლდათ ასაკობრივი სხვაობა, მაგრამ სადაც სიყვარულია, იქ წლები კრონოსის ძალმოსილებას აღარ ემორჩილება, ჰოდა, მიაკვლია კიდევ მიცკევიჩის თვრამეტში გეგეჭკორებს ოთხმეტრიან კედელზე გადახტომითა და თერძობა-ნალბანდობით სახელმოხვეჭილმა კაცმა.

მასპინძელმა გაიხარა როკი ოდიშელის გამოჩენით. კოლეგებს გახურებულ ნარდი დაუთმო და ნახევარ საათში მწირი ინფორმაციებით სული მოიმწყურვალეს. აქვე შეიტყო სტუმარმა, რომ კვეკვე ანთარიას დიდი მეგობრობა ჰქონიყო ჯემალთან. ფაქტობრივად მისი დაპატიმრების მერმე გამოჩენილიყო ზემელის არენაზე. უნივერსიტეტის დამთავრების შემდეგ უმუშევარს და თავის დადრეკის უუწაროს, წელიწადნახევარი უყოფდა თურმე ლუკმაპურს ერთოთახიან ბინაში.

ამის გაგებამ გული სიამით აუვსო როკი ოდიშელის. ხედავდა მისი სული როგორ ემსგავსებოდა ოკეანეს, საითკენაც თავამოდებით მოექანებოდა ყველა რუ, ნაკადული თუ მდინარე.

გეგეჭკორისგანვე შეიტყო ისიც, რომ პეკეტეს საკნისეული დიალოგის პერსონაჟთაგან თბილისში მხოლოდ სამნი ყოფილიყვნენ — ვლადიმირ ჩუბინიძე, მამა იონა და თავად. გიორგი ნუნისელი ბერთაკლდეს მიბრუნებოდა მწირად. რაც შეეხება მერაბ მამარდაშვილს, სორბონის უნივერსიტეტში მიეწვიათ ეგზისტენციალიზმის პრობლემებზე ლექციების კურსის წასაკითხად.

— რადგანაც ძალიან მოგწადინებია ჩვენი შეკრება, — ეუბნებოდა როკის ჯემალ გეგეჭკორი, — ვცადოთ, იქნებ გამოგვივიდეს. გიორგი ნუნისელის შევსება ადვილია. აქვე, თბილისში, ცხოვრობს მისი თანამოაზრე გივი ალაზნისპირელი, რომელიც პროფესიით მუსიკოსია, მაგრამ ამავდროულად ჩინებული ჟურნალისტიც. რამდენადაც ჩემს ყურებადმე აღწევს, მგონი მონოგრაფია მზადა აქვს უკვე გამოსაქვეყნებლად ნუნისის ქვათა კომპლექსზე.

ჩვენი მამაო იოანე-იონად იწოდება ახლა. ძველმართლმადიდებელი

ეპისკოპოსის კვალობაზე ანათემასაა გადაცემული ქართული ეკლესიისაგან, თუმცა არც მისი მოძებნა განხელდება მაინცდამაინც. უმცროსი ძმა მწერალთა კავშირის თანამშრომელია და მისამართის დადგენა, ვფიქრობ, მოგვიხერხდება.

ვლადიმირ ჩუბინიძე პროფესიონალურ ცხოვრებას ეწევა, მიწერია ტელეფონის სადღაც, ასე რომ, მოვიყვანთ მგონია. აი, მამარდაშვილის პრობლემა კი არის უნუგეშო ერთი შეხედვით, თუმცა მისი ასპირანტი ლევან ნადირაძე თუ დავიყოლიეთ, ჩინებული საუბარი აეწყობა.

მომდევნო დღეს მამის მომჯობინებით დამშვიდებულმა როკი ოდიშელიამ სასტუმრო „საქართველოს“ რესტორანში სუფრა შეუკვეთა სახვალიოდ. დაადგინეს ტელეფონები, მისამართები, შეხვედრის დრო და ადგილი. მისი მხრიდან იმ სადილს ესწრებოდნენ მარინა, უჩა ხეცია, კვეკვე ანთარია ორსული მეუღლითურთ.

რინო ბასილაიამ თავი მოიკლა და ვალერიანთან დარჩენა ამჯობინა.

სტუმრებიც დროულად მობრძანდნენ.

ვლადიმირ ჩუბინიძეს მეორე ნახევარი მოჰყვებოდა, მიბნედილი სახის ქერა მანდილოსანი.

იოანე-იონას თმა-წვერი გასთეთრებოდა, მაგრამ ეპისკოპოსის რეგალიებით შემოსილი, ახოვნობითა და სათნოებით უცებ ატყვევებდა მნახველს.

ალაზნისპირელი ქოჩორაშეთხელებული ჯმუხი აღნაგობის შუახნის კაცი გახლდათ, შავგვრემანი, ჯინსის შარვლით, წითელი ჰალსტუხით და შავი კოსტუმით. ეტყობა ყოველდღიურობას ოსტატურად აჯვარებდა არისტოკრატიზმთან.

ძველებურად კვერცხით შეკრული ჯემალ გეგეჭკორი ახალგაზრდა თანამეცხედრესთან ეწვია სუფრას. მამარდაშვილის ასპირანტი ლევან ნადირაძე კი თბილისელი ინტელეგენტის სრული განსახიერება იყო, ანზორისებური დახვეწილი მანერებისა, მასავით თხელი, მოკლედ შეკრეჭილი წაბლისფერი თმით და საომარ ლელოზე წარტანილი მშვილდით მოჭიმული.

მარინამ, დადუმ, ლიკამ და ქალბატონმა მარიამმა უცებ გამონახეს საერთო ენა. როგორც კი ერთმანეთს მიუჩოჩდნენ, კაცების სახსენებელი სულ გადაივიწყეს. მოუსვენარი ნიკა კი გიჟივით დააქროლებდა სამბორბლიან ველოსიპედს ვესტიბიულსა და დარბაზს შორის.

ოფიციატმა წასახმსებელი ჩამოატარა. ყავა მიართვა სუფრის წვეგრებს ჩუბინიძისა და როკი ოდიშელიას გამოკლებით. ვახსენეთ, სამზარეულოში წინადღითვე შეეკვეთათ პურ-მარილი და ვიდრე მოზომილი ნაბიჯებით მიჰყვებოდნენ სუფრის მსვლელობას, ფეხზეწამოშლილებმა აცხონეს ცხრა აპრილის ზვარაკეულთა ნეტარი სულები.

— ილამინდელი საუბრების რესტავრაცია არ არის იოლი საქმე, — დაიწყო ვლადიმირ ჩუბინიძემ, თან იოანე-იონას უმშვიდეს, სპეტაკ გამოხედვას მისჩერებოდა მონუსხული, — მეხსიერება რომც არ გვალატობდეს, ათ წელიწადში

გარკვეული ტრანსფორმაცია განიცადეს ჩვენმა შეხედულებებმაც, მაგრამ სალაპარაკო, იცოცხლეთ, მოგვიგროვდა. ერთობ საინტერესო ეპოქაში გვიხდება ცხოვრება. ამისთანა წინააღმდეგობანი ამოტივტივებს ხოლმე ზედაპირზე ფარულ დინებაში მოქცეულ მოვლენებს და პრობლემებს. ანალიზისთვის მარტო ჩვენი სადღეისო სიტუაცია რად ღირს?! მაგრამ ვიდრე საკითხთა წრეს ჩავუწვრილმანდებოდეთ, იქნებ დაგვეფიქსირებინა, დაგვეზუსტებინა ჩვენი პოზიციები?!

— მე, ბატონებო, სამყაროს კვლავაც აღვიჭვამ როგორც დროსა და სივრცეში მოძრავ მატერიას, რომელიც გვემაზომიერად ინთება და ქრება, — თქვა ჯემალ გეგეჭკორმა.

— არც ჩვენთან შეცვლილა რამე, — დინჯად ბრძანა იოანე-იონამ, — სამყაროს ყოველი ფორმა და წესი უფლის ნების გამოვლინებად მიგვიჩნევია, რომელიც ადამიანებში შემოდის ძე ღმრთისა და სულიწმინდის მეშვეობით. სამების ეს პრინციპი დახურული აღმოჩნდა კურაშაიტების გვარის წარმომადგენელი მუ-ჰამედისთვის. როგორც ჩანს, მას უსარგებლია მართლმადიდებლური მოძღვრების რომელიღაც გამრუდებული ვერსიით, მაგრამ ბოლოს და ბოლოს ყველა რელიგია ხომ სრულ თანხმობაშია საერთო უფლის აღიარებასთან. აქ უკვე უმნიშვნელოა კონკრეტულად რანაირი სახელით მონათლება უზენაესი შემოქმედი, იეჰოვათი, კრიშნათი თუ ალაჰით. ერთიანი ღმრთის ცნება ნიშანდობლივია თეოლოგიის ნებისმიერი სკოლისთვის. გამონაკლისია მართლმადიდებლობა, რომელიც აკონკრეტებს უფლის განსხეულებას ადამიანში და ზნეობრივი ჩარჩოებით მიზნობრიობას ანიჭებს თავის მრევლს.

— ამ საკითხებზე ჩვენ მრავლად გვიმსჯელია საქართველოსა თუ შორეულ ჩრდლოეთში, — ჩაერთო საუბარში როკი ოდიშელია, — სხვათა შორის უკეთესი ბიბლიოთეკა, როგორც საპატიმროებშია, დედამიწის ზურგზე ძნელად მოიძებნება ალბათ, რადგანაც ადამიანის უფლებათა დაცვის საერთაშორისო ორგანიზაციები პირველ რიგში სწორედ ბიბლიოთეკებიდან იწყებენ ციხეებისა და ზონების შესწავლას: რა კატეგორიის ლიტერატურაა იქ თავმოყრილი; აქვს თუ არა პატიმარს საშუალება მარქსისტული მოძღვრებების გვერდით შეუფერხებლად გაეცნოს თეოლოგიის საკითხებს, სულის პრობლემებს საერთოდ. გამიგონია, თბილისის საჯარო ბიბლიოთეკაში ყველას როდი მიუწვდება ხელი ნიკმესთვის, ჰაიდეგერისათვის, შტაინერისთვის... გარკვეული პერიოდი კაფკასაც ტაბუ ჰქონია დადებული. პერსტროიკამ და გლასტნოსტმა გარკვეულწილად შეარბილა ცენზურა. იქ კი ნურას უკაცრავად — პატიმარი შეუზღუდავია ამ მხრივ. პარადოქსულია თითქოს, ფიზიკურად გბოჭვას კანონი და სამაგიეროდ არ გაფერხებს სულიერად. იქნებ ესეც არის უმთავრესი მიზეზი საპატიმროებში წიგნის კულტისა. ამას წინათ ფეხის ალაგში, საკმაოდ განათლებულად რომ მიმაჩნდა ისეთ ოჯახში, საჭიროებისთვის გარედან მოჭედებულ საკაკუტე ლურსმანზე გოეთეს „ფაუსტი“ წამოგოთ. იმის შემდეგ, ფულსაც რომ მჩუქნიდნენ, რანაირად შე-

ვიხედავ მათსას?! ასი, ორმოცდაათი წლის წიგნი, ათი ათასი ტუსაღის ხელი რომ გამოუვლია, წარმოუდგენელი სიფაქიზითაა შენახული. ფურცლები გაყვითლებია, ყდა გახუნებია, მაგრამ ნაკაწრი არ ეტყობა. წიგნის უპატივცემლობა თავისუფლებზე მყოფი ადამიანების მოგონილია, რამეთუ არა უწყინან მამაო, ერთადერთი ჭეშმარიტი თავისუფლება სწორედ რომ წიგნი არს იგი. ჩემი აღრეული მიმალვის ჟამს სტუდენტ მშაკაცებს ვაფარებდი თავს, აქ, დედაქალაქში, ქობულეთის აღმართზე. იცის ამის თაობაზე ბატონმა ჯემალმა. ხოდა, იმას ვამბობდი, რამდენი დანჯღრეული წიგნი მინახავს, გახაზულები, ველებზე წარწერებით აჭრელებულნი, დაძინილები გადაფურცვლისგან, გაბითურებულნი. მათ მსგავსს კოლონიებში ერთსაც ვერ იპოვიდით სანთლითაც რომ გველოთ. წიგნი კი გადადის ხელიდან ხელში, მაგრამ რანაირი მოკრძალებით, რანაირი სასოებით. შიგნით ზონარია ჩადებული. აბა, გაბედე და ჩაკეცე ან დანერწყვილი თითი შეახე, თვალს ამოგიდებენ. სატუსაღოები იმითაც არის თავისებური, რომ იქ მეტი მოვალეობაა ამა თუ იმ ნაწარმოების კოლექტიური განხილვისათვის. ვთქვათ, მაგალითისთვის, წელანხსენებულმა გოეთეს „ფაუსტმა“ შემოიარა მთელი საკანი. ოცი-ოცდაორი კაციდან ნაწილმა ჩაიკითხა ბოლომდე, ნაწილი, წიგნთან მწყურალად ვინც არის, დათვალეობას დასჯერდა, სხვებმა ხელისმოწერას ძლივს რომ ახერხებენ, შორიდან თვალის შევლება იკმარეს, ხოდა, სწორედ ამ ბოლო ორი კატეგორიისთვის იწყება თხზულების საჯარო განხილვა. აქ გამოჩნდება ვის მეტი შეუთვისებია ნაწარმოებისგან, რომელი დაუჯილდოებია ბუნებას გადმოცემის უკეთესი უნარით. თავის ქება კიტრად ღირსო, მაგრამ არიან ცოცხალი მოწმეები და იქ ჩემი მონაყოლის შემდეგ, იშვიათად ვინმეს ხმა ამოვლო. თუკი ამ მიმართულებით მოხერხდება ქართველი კაცის, ზოგადად ჩვენი ქვეყნის, გნებავეთ — მთელი ცივილიზაციის ანალიზი დროსა და სივრცეში, მზად ვარ კონსტრუქციული პოლემიკისთვის.

— ჩვენი ანთროპოლოგიური ბიოგრაფია, ახალგაზრდა ერებთან შედარებით საკმაოზე მეტად უახლოვდება წარღვნისმერმინდელი მსოფლიოს ნამუსრევს, — წამოიწყა გივი ალაზნისპირელმა, — ბერთა კლდის სამოსს მიერ, გიორგი იბერიონელის, იგივე ნუნისელის საერთო ხელმძღვანელობით, ბატონებო, სამყაროს დასაბამისეული აღმოჩენაა გაკეთებული. პათეტიკურად ჟღერს, არა?! თორმეტი წელიწადია თავს ვიმტვრევთ. ავტულახიანეთ კარები ევროპის წამყვან აკადემიებს, მაგრამ ჩამიწუმი არსაიდან ისმის. საქმე ისაა, რომ წარღვნის შემდგომი ცივილიზაციების მემკვიდრე ერებს ხელს არ აძლევთ აღიარონ თავიანთი გუმინდელი ჩამოყალიბება, როცა არიან ხალხები, რომელთა თვალწინ გაიარა კაცობრიობის ისტორიაში დატრიალებულმა ყველა კატასტროფამ და კატაკლიზმმა. ერთ-ერთი ასეთი ერი ქართველია ექვმიუტანლად, მაგრამ ამის დასაბუთება მრავალ უხერხულებას იწვევს, უწინარესად — ჩვენდა საზიანოდ: გვაბრალებენ ყოყლოჩინობას, წარსულით

თავმომწონეობას, უმეცრებასაც, მიუხედავად იმისა, რომ ეს არ არის ვორონოვების დაქოქილი აფსუას ამბიციია.

— მოიცა, მოიცა, — შეაწყვეტინა ვლადიმირ ჩუბინიძემ, — ვის შეუძლია უარყოს, რომ კავკასიის მთებმა არ შემოგვინახეს წარღვნის წინარე ცივილიზაციის ნაშთები?! ანთროპოლოგიურად ადელეულები, აფხაზები, ვაინახები, დაღესტნელები თუ ქართველები ერთ ეთნიკურ ოჯახში ერთიანდებიან, თუმცა რამდენიმე ათეულ ენობრივ ფორმირებად დაქუცმაცებულან. კავკასიელებს თითქმის ერთნაირი აქვთ სიმაღლე — ასსამოცდაოთხასსამოცდარვა სანტიმეტრი, თავის ქალის აგებულება. ხოლო ქართველები — და ავარიელების მაჩვენებლები ლამის იდენტურია. ცისფერთვალანობა მათში აკომოვისა და ბუნაქის მონაცემების შეჯერებით თერთმეტი-რვა პროცენტია. ხომ არის ყოველივე, ბატონებო, საკმარისი საბუთი იმისათვის, რომ კავკასიის აურაცხელი ერი ერთ რასად გამოვაცხადოთ?!

— თქვენეული თეორია მისაღებია, რომ არა პოლიგენეზის საკითხი, რომელიც წინააღმდეგობაშია მონოგენეზთან. მთების სისტემა ბევრია დედამიწაზე, კავკასიონზე მძლავრიც, ბადალიც, სუსტიც — ჰიმალი, ტიანშანი, კორდილერები, ანდები, ალპები და თუკი წარღვნის დროს ღვთიურ საზოგადოებაში მცხოვრებმა ღვთიურმა ადამიანმა თავი შეაფარა ამ მწვერვალებს, გამოდის, რომ რასებად ჩამოყალიბებაც მერე მომხდარა. შვიდი, გნებავთ ათათასი წელიწადი საკმარისი არ არის ტიპების, სახეების ფორმირებისთვის, — ალაზნისპირელი გამომცდელად მიაჩერდა ჩუბინიძეს.

— რებიატა, დავაიტე ჟიტ დრუჟნო.* ჯერ ანთროპოლოგიურ საკითხებში გავერკვეთ, თანაც ნურც როკის ინტერესებს დავივიწყებთ. გაიხსენეთ, ქართველი კაციო, ზოგადად ჩვენი ქვეყანაო.

— არაფერიც, მან გარკვევით მიგვანიშნა: გნებავთ მთელი ცივილიზაცია დროსა და სივრცეშიო, — ვეჭილად დაუდგა ანთარია როკი ოდიშელისას.

— მით უკეთესი, — თვალები გაუცისკროვნდა ვლადიმირ ჩუბინიძეს, — თქვენ დღეს სანამ აბსოლუტური ჭეშმარიტების საიდუმლოებით განინათლებოდეთ ჩემგან, ნება მიბოძეთ ანთროპოლოგიის საკითხებს დაუბრუნდეთ. ანთროპოლოგია დიდი ხანია იკვლევს ადამიანის წარმოშობას, მის ბიოლოგიურ პარამეტრებს: სიმაღლეს, წონას, პროპორციებს, კანის შეფერილობას, თავის ქალას აგებულებას და ასე შემდეგ, რომელიც დამახასიათებელია კაცობრიობის სხვადასხვა ეთნიკური ჯგუფისთვის. ბევრი მეცნიერი იმტვრედა თავს ამ მიმართებით და არც თუ ისე უშუალოდ. მე ჩამოგივლით ძირითად მომენტებს ქრონოლოგიურობის დაცვით, მაგრამ მერწმუნეთ, ამ განყნებული საუბრის ყველა მარცვალი ცხრა აპრილის მიმართებაშია. ვაგრძელებ მსჯელობას.

კიუვეს კაცობრიობა დაყოფილი ჰყავს სამი ნიშნით: მელანოდერმი, კსანტოდერმი, ლეიკოდერმი. რაიმე საშინელება არ გვეგონოთ. ჩვენებურად იქნება შავკანიანები, ყვითლკანიანები და თეთრკანიანები. ფერის პრიმატი საკ-

მარისი არ აღმოჩნდა რასებს შორის არსებული განსხვავების დასადგენად.

ტოპინარმა ახალი შტრიხი შეჰმატა ზემოთქმულს, რომ შავკანია-ნებს ცხვირის ფართე ნესტო აქვთ, ყვითლებს — საშუალო და თეთრებს — წვრილი.

ფლოუერმა მეტი სინათლე შეიტანა ამ დაყოფაში: ნეგროიდები, მონგოლოიდები და კავკასიური ტიპები.

გედონმა თმას, ბალნიანობას მიაქცია ყურადღება და კაცობრიობა წარმოგვიჩინა: ულოტრიხებად, კომოტრიხებად და ლეიკოტრიხებად.

გრდლიჩკიმ განავითარა ფლოუერის ორიგინალური მიგნება და ადამიანები ჩატია სამ ტერმინში: ნეგროიდები, მონგოლოიდები, კავკასიიდები. კლასიფიკაცია ამ მიმართებით უფრო დააკონკრეტეს და დახვეწეს იარხომ და დებეცმა: ნეგროიდები, მონგოლოიდები, ევროპოიდები.

ორმოცდაათიან წლებში ჩებაკსაროვმა ანთროპოლოგიაში შემოიტანა ახალი მცნება. აქამდე ადამიანებს შედეგის მიხედვით თუ ახარისხებდნენ, მან გამოიწვევი მიზეზები წამოსწია წინა პლანზე: ეკვატორული, რომელიც აერთიანებს ნეგრო-ავსტრალიურს; აზიურს, იგივე მონგოლოიდური და ევრო-აზიურს, ანუ ევროპოიდული. ეკვატორული მართებულაა აქ, მაგრამ დანარჩენი ორი კვლავ დაზუსტებას მოითხოვს.

აღრინდელი ანთროპოლოგები, ვთქვათ, იზიდორ ჟოფრუა სენტ-ილერი კავკასიურ, მონგოლურ და ეთიოპურს უმატებდა ჰოტენტოტურს.

ლამარკმა კაცობრიობა დაჰყო ექვს რასად: კავკასიურად, მონგოლურად, ეთიოპურად, მალაიურად, ამერიკულად და ჰიპერბორეულად.

გაცილებით მასშტაბურია ჯიუფრიდა როჯერის კლასიფიკაცია. მან კოლექტიური არსება ჰომო საპიენსი დაანაწევრა რვა სახეობად: ჰომო საპიენს ავსტრალიკუს — აქ შემოდინა ავსტრალიელები, ვედები, ტასმანიელები, მელანეზიელები; მეორე სახეობაა ჰომო საპიენს პიგმეუს — იგივე ნეგრიტოსები, ნეგრილები, ბუშმენები და ჰოტენტოტები; მესამე სახეობად დასახელებულია ჰომო საპიენს ინდო-აფრიკანუს — ინდუსები და ეთიოპელები; მეოთხედ მოდის ჰომო საპიენს ნიგერ — ნეგრები, ბატონებო; მესუთე ჩამონათვალშია ჰომო საპიენს ამერიკანუს — იგივე ინდიელები; მეექვსედ შემოთავაზებულია ჰომო საპიენს ავსტრალიკუს — მონგოლოიდური ტიპის ჯგუფები; მეშვიდეა ჰომო საპიენს ოკეანიკუს — აინები და პოლინეზიელები; დასასრულ, მერვე, დააკვირდით ღვთიურობის, უსასრულობის სიმბოლო რვიანს — ჰომო საპიენს ინდო-ევროპეაუს — ევროპული ტიპის ჯგუფები. კავკასიელებიც აქ არიან თავმოყრილნი, ბატონებო, რომლებიც ჰეგელმა ევროპოიდული რასის წინამორბედებად დაასახელა „გონის ფილოსოფიაში“. კი გამოივიდა ყურის გვარიანად მომღლეი ჩამონათვალი, მაგრამ ცოდნა მანანასავით არ ცვივა ციდან. ცოტა ჭაღებსაც მივბამოთ, თორემ დაგვტოვებენ ცარიელ-ტარიელზე, — თავდაჯერებულად გაიცინა ვლადიმირ ჩუბინიძემ და ჯანსაღი კბილები გამოანათა.

ერთხანს წკარუნებდა დანა-ჩანგალი, ფუჟერები, ჭიჭები, მაგრამ ჩუბინიძეს შეწყვეტილ საუბარში არავინ ჩაჩრია, ადროვეს სიტყვის დასრულება. ვლადიმირმა ხუთიოდე წუთში ისევ გააგრძელა:

— ანთროპოლოგებს შორის დიდი პრინციპული დავა მიმდინარეობდა და მიმდინარეობს კვლავაც: რას მიაჩციონ მეტი ყურადღება, სარტყლს, ზონებს, თუ მათ მიერ გამოწვეულ შედეგებს.

რეციუსი მაგალითად, ოთხ ტიპს განარჩევს — ორთოგნათულ-დოლიქოკეფალურს, პროგნათულ-დოლიქოკეფალურს, ორთოგნათულ-ბრაქოკეფალურს და პროგნათულ-ბრაქოკეფალურს. ჩვენებურად ასეა — ყბების შეწეულობა-გამოშვრილობა გრძელთავიანებსა და მოკლეთავიანებს შორის.

იყო დენიკერის სისტემა, რომელიც კაცობრიობას ოცდაცხრა რასად ჰყოფდა, მაგრამ ჩემთვის, ბატონებო, ეს ყველაფერი სუფთა წყლის ნაყვია, ვინაიდან ადამიანი დედამიწაზე დაბამდე ღვთიურ მდგომარეობაში იმყოფებოდა, და აქედან გამომდინარე, სხეულით მშვენიერი სულთ უბადლო, მონოტიპური, ერთსახოვანი გახლდათ, თუმცა დედამიწაზე დაბმის შემდეგ, გაიხსენეთ დასაბამი, რომლის მითოლოგიური, პოეტური გამოცახილია პრომეთეს, პრო მითის — ძველი, წინარე ამბის, იგივე ამირანის კავკასიონის მთებზე მიჯაჭვა, ადამიანები განიბნენ მატერიკებზე. მათზე ზემოქმედებდა მზე, ატმოსფერო, წნევა, საკვები, შეჯვარების ფორმები და მივიღეთ დღევანდელი კაცობრიობა. მაგრამ დავსვავთ საკითხი შემდეგნაირად: ნუთუ არავინ დარჩა იმ ღვთიური არსების პირდაპირი შთამომავალი?! სამყაროში ნებისმიერი პროცესი ხომ ორმხრივი მოძარობისაა — პროგრესულისკენ და რეგრესულისკენ. ამ შემთხვევაში ღვთიურ მდგომარეობაში მყოფმა ადამიანმა გაიარა დაღმავალი გზით: ღმერთი — ნახევარ-ღმერთი — ადამიანი — ცხოველი, სანამდე ბევრიც არ გვიკლია. კავკასიონის მთებზე ამირანის მიჯაჭვის მითის მნიშვნელობას ავიწროვებენ და იგი ზოგჯერ დაჰყავთ ინდო-ევროპულის მიერ პროტოიბერიულის დაურევების დონემდე. ესეც დასაშვებია, მაგრამ ჩვენ უფრო გლობალურ საკითხებზე ვმსჯელობთ. სად გუშინდელი დღე და სად, ეჰე, ათასწლეულებს მიღმინდელი?! ქართველურზე, იბერიულ-კავკასიურზე, პროტოიბერიულზე, იგივე კავკასიურ რასაზე უფრო ძველი, პირდაპირი შთამომავალი ღვთიური მდგომარეობის ადამიანს არა ჰყავს. უფრო სწორად კი ჰყავს, ყველა რასა მისი მემკვიდრეა, ოღონდ გარემოს ზეგავლენების გამო მათ ვერ შეინარჩუნეს თავდაპირველი იერსახე, და თუ კავკასიურმა რასამ მოახერხა ეს, მაინცდამაინც განსაკუთრებული უნარების წყალობით როდი, არამედ — გარემო პირობების მეოხებით, სადაც ნუნისთან პროექტირდება კოსმოსური ნათება. საქართველო ხომ ორმოცდასამ-ორმოცდარო კვადრატშია მოქცეული, იგივე შვიდსა და ექვსში, რომლით იწყება საერთოდ ციფრთა სიმფონია ცამეტზე გაყოფისას.

კავკასიური რასა ის უცთომელი კიბეა, ბატონებო, რომლითაც უმტკივნეულოდ აისვლება ღვთიური მდგომარეობის ადამიანამდე, სხვებითაც

ცხადია, მაგრამ მაშინ გაჭირდება, დიდხანს გაძნელებდა თავდაპირველი წინაპრის რეკონსტრუქცია, რედუქცია.

ბატონ როკის ანტიერესებს ჩვენი ათი წლის წინანდელი საუბრის გაცოცხლება, რაც თითქმის შეუძლებელია, ვინაიდან ჯერ ერთი, შეცვლილია შემადგენლობა. მერედა, ამ ხნის მანძილზე უამრავი მეტამორფოზა განიცადა, როგორც სუბიექტურმა, ისე ობიექტურმა სინამდვილემ. წინ წავიწიეთ თითქოს, გავიზარდეთ შემეცნების თვალსაზრისით. საზოგადოებაც ათასწორად ტრანსფორმირდა. ფაქტის წინაშე დავდექით ყველა, ორლესული ნიშბებით აჩეხილი თავისუფლებისკენ მსწრაფველი ჩვენი სული. მე კი ვამბობ, ბატონებო, რომ სამყაროში ისეთი საქონელი, როგორც დამოუკიდებლობაა, საერთოდ არ არსებობს, რადგანაც მთელი სამყარო — ჩვენი, სხვა ცივილიზაციები, ურთიერთდამოკიდებულებით სულდგმულობენ. ამიტომ ყველა ის, ვინც დამოუკიდებლობისკენ ილტვის, ანუ სინამდვილეში არარსებულისკენ ისწრაფვის, ან უვიცია, ან — გიჟი, ან კიდევ — თვითმკვლეელი.

— კი, მაგრამ ურთიერთდამოკიდებულება, ბატონო ვლადიმირ, დამონებას როდი ნიშნავს? მიკვირს თქვენგან, გონებადაუნჯებელი კაცისგან, როგორ აძლევთ თავს უფლებას ეროვნული მოძრაობის ლიდერებს ამისთანა ბრალდებები წარუყენოთ?! განა ისინი თვითიზოლაციას ქადაგებდნენ?! განა ისინი ნორმალური, თანაბარუფლებიანი ურთიერთობის მოსაპოვებლად არ იბრძოდნენ, რათა დამოკიდებულნი არ ყოფილიყვნენ სამადლოდ გადმოგდებულ ლუქმაზე?! — ლევან ნადირაძემ მღელვარების დასაფარავად ჭიქაში „ბორჯომი“ ჩამოსხა და მოყლაშა.

— ბატონო, ვლადიმირ, იქნებ უმჯობესია გვეთქვა კოლხსო, — სცადა დაძაბულობის განმუხტვა ალაზნისპირელმა, — ვგულისხმობ დვთიური მდგომარეობის ადამიანების მემკვიდრეებად კავკასიური ცივილიზაციის დასახელებას.

— მეგობრებო, — შამპანურის ბოთლს წაავლო ხელი როკი ოდიშელი-ამ და ფუფერების შევსებას მიჰყვა, — უფრო მართებული იქნება, თუკი ჯერ ბატონი ლევანის შეკითხვას დავაკმაყოფილებთ. თქვენი წამოწეული საკითხი ბატონო, გივი, დროებით დავაყოვნოთ, ამ მიმართულებით მოგვიანებით გავგრძელოთ კამათი.

— ბატონო, როკი, — ვლადიმირ ჩუბინიძე თავადერილი მიაწვა სკამის საზურგეს, — კამათით ჭეშმარიტება რომ ვერ დადგინდება, მით უმეტეს აბსოლუტური ჭეშმარიტება, ათი წლის წინანდელმა საუბრებმაც დაამტკიცა და დღევანდლითაც დადასტურდება თქვენს თვალწინ. აბსოლუტურ ჭეშმარიტებას ჯერჯერობით მე ვფლობ, არა მარტო საქართველოში, არამედ — მთელს დედამიწაზე. აქედან გამომდინარე აჯობებდა მეტი მე მესაუბრა. ამბიციურობა როდი მალაპარაკებს — საქმის ინტერესები. თქვენ შეკითხვებით შეეცდებოდით ჩემი არგუმენტების გაბათილებას. სხვანაირად კრილოვის „ლებედ, შუკა ი რაკ“* გამოგვივა.

მოდით, ჯერ ბატონი ლევანის გაფიცვება დავაპურთ. ალბათ, დამეთანხმებით, რომ აბსოლუტური ჭეშმარიტების შეუმეცნებლად დღემდე არსებული ნებისმიერი ესთეტიკური თუ მატერიალური ფასეულობა ყალბია, მცდარი, მოჩვენებითი, გამოუსადეგარი, მავნე, ესე იგი — უვარგისი, რადგანაც დროს გაკარგვინებს, არასწორი გზით გატარებს და იმიტომ. აბსოლუტურ ჭეშმარიტებასთან არათუ დიამეტრალურად დაცილებული რეალობა, თვით ზედმიწევნით მიახლოებულიც კი მცდარია, ვინაიდან ჭეშმარიტი სინამდვილეს მხოლოდ ჭეშმარიტი ცოდნა შეესაბამება, თუმცა ეს საკითხიც დროებით გადავდოთ და ვუპასუხოთ ახალგაზრდა კაცს. ვფიქრობ სადავო არ უნდა იყოს ის ფაქტი, რომ საბჭოთა ხალხების ერთიანობა არ არის დამყარებული ცოდნაზე, ნებაყოფლობით ფაქტორზე და ბუნებრივია, შინაგანი წინააღმდეგობა მძინვარების ფაზაშია. შეკოწიწებული უფრო ვართ, რომელიც ჩანასახშივე გულისხმობს დაპირისპირებას და აქედან გამომდინარე აუცილებლად უნდა დაიშალოს. მაგრამ ეს არ არის საგანგაშო, პირიქით, ლოგიკურია. ის, რაც უცოდინრობით, ხელოვნურად კოწიწდება, უქველად დაიშლება ადრე თუ გვიან. სამაგიეროდ ამ მომენტს ახასიათებს ერთი მნიშვნელოვანი ფაქტორი, — ჩუბინიძემ შამპანურს წიწმატის ფოთლით მოურია და ნება-ნება დაუწყო წრუპვა, — კერძოდ ის, რომ ხელოვნური ურთიერთობის დაშლამ გაგვაცნობიერებინოს ერთობის ჭეშმარიტი ძალა და დასაბამი მიეცეს ნებაყოფლობითი, ჰარმონიული ერთობის ჩამოყალიბებას. მაგრამ ესეც ფუჭი ოცნება იქნება, სანამ არ შევიმეცნებთ აბსოლუტურ ჭეშმარიტებას, ურომლისოდ ფუჭია აისრულო ნებისმიერი სურვილი. სანამ ბოლომდე, სრულფასოვნად არ შეიცნობ მთელს სამყაროს, სანამ ძირფესვიანად არ გაითვითცნობიერებ, თუ რა არსებობს საერთოდ სამყაროში და რა — არა, რისი არსებობაა შეუძლებელი და რისი — არა, ყოველთვის მეტნაკლები, მაგრამ მინც ცთომილებით ვივლით. თუკი დაგვცალდა, გარკვევით დაგისაბუთებთ შემდგომში, რომ სამყაროში საერთოდ არ არსებობს უძრაობა, სიცარიელე, დამოუკიდებლობა. ჩვენ რასაც სიცარიელეს ვეძახით ჩვენივე უმეცრების წყალობით ათასი მატერიალური სხეულითაა გაქმდილი: რადიოაქტიურობით, ველებით, ტალღებით, ულტრასხივებით, ზებგერებით, და კიდევ ვინ მოსთვლის, რამდენი უცნობი მოვლენითა და სიდიდით. ჩვენ კი მაინცდამაინც ვაშლი უნდა დაგვეცეს თავზე, რომ ტვინი გავანძროთ. მოკლედ, სამყაროში ყველაფერი დაუსრულებელ მოძრაობაშია. რომ გგონია უსარგებლო ლოდი აგდია ყორეზე, იმდენი პროცესი თუბთუხებს მასში, მთელი ეშმაკეულობის დასს მოაშობს. დიახ, სამყაროში ყველაფერი მოძრავია. უძრაობა კი არარაობაა — სიცარიელე და ამდენად, სადაც მოძრაობა გაბატონებულია იქ სიცარიელე გამორიცხულია, რამეთუ მისი ადგილი მოძრაობით ანუ მატერიითაა შევსებული და ყველაფერი ტრილიონჯერ ტრილიონი ურთიერთდამოკიდებულებითაა პირობადებული. აქედან გამომდინარე სამყაროში გაფართოების საშუალება არ არსებობს, ვინაიდან მასში ბუნებრივად

არ არსებობს სიცარიელე, ანუ ვაკუუმი და თუ მეცნიერული დაკვირვებების ფონზე სამყაროს გაფართოება მაინც აღინიშნება, ეს სინამდვილეში არის არა სამყაროს გაფართოება, არამედ სიცოცხლის ანუ მოძრაობის სფერულ ტალღებში გავრცელების აღქმა. ესე იგი სამყაროში შეუძლებელია დამოუკიდებლობის არსებობაც კი და ამდენად, ვინც ფიქრობს დამოუკიდებლობის მიღწევაზე, უნდა იცოდეს, რომ ის თვითლიკვიდაციის მიღწევაზე ფიქრობს და ამიტომ მასზე მეოცნებეს თამამად შეიძლება ეწოდოს თვითმკვლეელი, ან გიჟი და ამის გათვალისწინებით არაპატრიოტი, ვინაიდან პატრიოტიზმა მხოლოდ ცოდნაა, ანუ სრული შემეცნება სამყაროში რა არსებობს სინამდვილეში და რა — არა, რისი არსებობის დაშვებაა შესაძლებელი და რისი — არა. ვეჭვობ ჩემზე უკეთესი სახელი ვინმეს ერქვას დედამიწის ზურგზე — ვლადიმირი, არა დაიპყარ მსოფლიო, როგორც ამას ვულგარულად შიფრავენ, არამედ ეუფლე სამყაროს. დიახ, მე ვეუფლები სამყაროს, ბატონებო!

— მაშინ რა ვუყოთ ამ სიტყვებს? — ამბობდა ირონიული ღიმილით ლევან ნადირაძე, — ყოვლადბრძენი უმოქმედოა და იქმს. ვინც აღივსო სიცარიელით აღივსო უდიდესი სიმშვიდით. ვინც ფიქრობს, ყოველივე ვუწყო, არა უწყის რა. ვინც განდიდებას მიეღტვის: ვერ გაწინამძღვრდება. ან კიდევ: ყოვლადბრძენი სრულქმნილია და ხატია ცისქვეშეთის. იგი არ კმარობს მხოლოდ თავის მხილველობას: ამიტომ ნათობს კაცთა შორის. მხოლოდ თავის თავს არ მიიჩნევს სამართლიანად: ამიტომ ფლობს ჭეშმარიტებას. არ დიდკაცობს: ამიტომ ადიდებენ. განდიდებას არ მიეღტვის: ამიტომ მოძღვრობს კაცთა შორის. არ მძლავრობს და უძლეველია ცისქვეშეთში. ყველა სიმდიდრით ავსილა: მე ერთი ვფლობ სიცარიელეს. ყველა საითკენმე მიიჩქარის: მე ერთი ვგავარ ყოვლის უარმყოფელს. ყველა ბრწყინავს და გამოჩინებულია: მე ერთი ვარ ტანი სულელისა. ო, რა ცარიელია იგი! ყველა სინათლით ავსილია: მე ერთი ვგავარ გაწყვდიადებულს. ყველა სიხარულით ავსილია: მხოლოდ მე ვარ მოშიში. ყველას ცნობისწადილი კლავს: ჩემთვის სულ ერთია ყველაფერი. მე ზღვას ვგავარ: უწიადოს და ჩაყამებულს. მე ვსრბი სოფლურ სივრცეში: უსასთუმლო და უნავსაყუდლო. ყველა თავის სარგებელს ეძებს: მე ერთი ვგავარ ბრიყვსა და უგვანს. მხოლოდ მე ვარ: ყველასგან განსხვავებული. მე ვმორჩილობ დაოს დასაბამს.

— როდის გამოვიდა ლაო ძი ქართულად? — იკითხა ვლადიმირ ჩუბინიძემ.

— ლერი ალიმონაკი მეგობარია ჩემი. ხელნაწერებში წამიკითხავს, — თქვა ლევან ნადირაძემ.

— ო, ლაო ძი დიდზე დიდია, მაგრამ იგი სულაც არ არის ჩვენთან წინააღმდეგობაში. მივალთ იქამდეც. ახლა კვლავ ცხრა აპრილის ამბებს დავუბრუნდეთ. ბოლოს და ბოლოს დროა ჩვენ თვითონაც შევიგნოთ და ხალხსაც განვუმარტოთ ის, რომ თამაშითა და შემთხვევით, ანუ შეუგნებლად და წინასწარშემუშავებული სცენარის გარეშე ალარაფერიც ხდება ისევე, რო-

გორც შემთხვევითი და სტიქიური არ იყო ცხრა აპრილი და მისი მსგავსი ამბები, რომელიც ჭაჭკური რეაქციით შემოივლის მთელი სოციალისტური სისტემის ქვეყნებს ხვალ-ზეგ. ეს იყო წინასწარ მოფიქრებული და გათვლილ-განგარიშებული პოლიტიკური აქტი, გამიზნული იმისთვის, რომ ხელოვნურად შექმნილიყო ოფიციალურ „კომუნისტურ“ მთავრობასა და უბრალო მშვიდობიან მოსახლეობას შორის კონფლიქტური სიტუაცია და დაღვრილიყო უდანაშაულო მოსახლეობის სისხლი. რათა ამ უსამართლობის ფაქტით, კომუნისტების მოწინააღმდეგებს მიეღოთ მოტყუებული და გაბრიყვებული ხალხის მხარდაჭერა და ოფიციალურად გაელაშქრათ სოციალისტების წინააღმდეგ. აკი, მართლაც აღიარეს, თანაც ამაყად, ტელევიზორის ეკრანიდან, ის, რომ სახალხო მოძრაობის ლიდერებმა ძალიან კარგად იცოდნენ რა შედეგიც უნდა მოჰყოლოდა ცხრა აპრილისწინა სიტუაციას. მაგრამ არჩიეს მცირე სისხლის ფასად უდიდესი გამარჯვება მოეპოვებინათო. რა თქმა უნდა, მათ სწორად მოიფიქრეს და შეუცდომლადაც გაითამაშეს თავიანთთვის დასახული მიზნის შესაბამისი პოლიტიკური აქტი ცხრა აპრილის სახით, თუმცა საკითხავია, განა ეს შეესაბამებოდა ხალხის საერთო ნებას?! ხალხს ხომ თავიდანვე საყოველთაო თანასწორობა და კეთილდღეობა უნდოდა?! წინასწარ-მოფიქრებული ცხრა აპრილის აქტიც ხომ ხალხის მოსატყუებლად და საზიანოდ ჩატარებული ღონისძიება გახლდათ?! ამიტომაც გამეტეს სამშობლოსთვის პატრიოტულად აღტკინებული, მაგრამ მათივე ბელადების მიერ გაბრიყვებული გულუბრყვილო ხალხი უცილობელი, წინასწარ დაგეგმილი სიკვდილისათვის და მათი შეგნებული გამეტებელი სწორედ რომ ხალხის მტერი იყო, თორემ მოკეთე მოკეთეს შეგნებულად არავითარ შემთხვევაში გასწირავს, იმისთვის რომ მთლიანად უბედურ მდგომარეობაში ჩაყაროს მთელი მისი შთამომავობა.

— ბატონებო, ვლადიმირის ცხრა აპრილის შეფასება პოლიტიკური თვალსაზრისით ცამდე მართალია, ვინაიდან იგი სიგნალია უფრო დიდი შტურმისა სოციალიზმის და აქედან კომუნისტური იდეის წინააღმდეგ. რაც შეეხება ათიოდე წლის წინანდელ საუბრებს, ზოგი რამ დამამახსოვრდა. კერძოდ, გიორგი ნუნისელი, იგივე კაბადოკიელი ლაზი, მაზიაშვილი დედამიწის შეჩერებაზე რომ ამახვილებდა ყურადღებას; რომ იგი დასაშვებად მიიჩნევდა ადამიანის ცხოვრებას მიწისქვეშა სიცარიელეში, სადაც გონიოს პრინციპით ჩაჰყავდათ თურმე ჩვენს წინაპრებს ჩრდილოეთის ცის კოსმოსური ნათება; რომ ის ენერგია თავიდან დადებითი მუხტის მატარებელი იყო, მაგრამ მიწისქვეშა სიცარიელის წყლით ამოვსების შემდეგ უარყოფითად გარდაიქმნა, ადამიანებიც შესაბამისად ლუციფერული ბუნებისანი გახდნენ და კაცობრიობის ცნობიერებიდან ეშმაკეული ცოდნის წასაშლელად ბიბლიურმა ნოემ მოახდინა დედამიწის შეჩერება ნუნისის ჭაზე დაშენებული ქვის კილოზნით.

მიძნელება ახლა აღვადგინო რანაირად ვუპასუხე მაშინ ამისთანა ჩმახებს, მაგრამ ფანტაზიას საზღვარი რომ არა აქვს ჩვენამდეც გარკვეულია.

იგივე დამოკიდებულებაში ვარ ბატონი ვლადიმირის ზოგი პოსტულატის მიმართაც, — ჯემალ გეგეჭკორმა ჩახლეჩილი ხმით მუჭში ჩაახველა. ქალბატონ მარიამს მოუბოდიშა უნებლიე მდგომარეობის გამო, — გლანდები მაქვს ამოსაჭრელი და აქამდე ვერ მომიცილებია. ჰოდა, იმას ვამბობდი, რომ აბსოლუტური ჭეშმარიტების ფლობის პრეტენზია კაცობრიობის ყველაზე დიდ თავს — არისტოტელესაც კი არ განუცხადებია; არც — ჰეგელს და მარქსს. მახსოვს საუბრები ციფრების სიმბოლიკაზე, რომ მარადიულ თორმეტ ექვსნიშნა პერიოდს ვლებულობთ ნატურალური რიცხვების ცამეტზე გაყოფით; რომ მარადიული მოძრაობის სიმბოლო — ჯვარი ქრისტეს სხეულით დაიფარა, რათა ხალხი არ ჩამწვდარიყო ჭეშმარიტებას. პარადოქსულია, მაგრამ, ბატონო, ჰქონდეს არსებობის უფლება, არავის უშავებს რამეს. აი, ადამიანის ღვთიური ჩამომავლობის საკითხის უპასუხოდ დატოვება კი დანაშაული იქნებოდა ჩემს მხრიდან.

დავხატოთ ასეთი სურათი: ვთქვათ, დედამიწაზე საფრენოსნო აპარატით ჩამოსახლდა ღმერთობის, ანუ ყოვლისმცოდნეობის დონის ადამიანი. პლანეტა, რომელიც მნათობის მიმართებაში ცელსიუსის პლუს-მინუს სამოცი გრადუსის ორბიტაზეა, ანუ მოიპოვება ჰუმუსი ცილის არსებობისთვის, სასიცოცხლოდ ყველგან ვარგისია ბიოლოგიურ დონეზე. ჰოდა, ამ ემიგრანტი უცხოპლანეტელებისთვის დედამიწაც იდეალურია საცხოვრებელი პირობების თვალსაზრისით, მაგრამ გადის ხანი, ფიზიკური პროცესები გრძელდება კოლოსალური მასშტაბებით და ღვთიურმა ადამიანმა ერთბაშად დაჰკარგა მის ხელთ არსებული ყოველგვარი აპარატურა: გამოთვლითი მანქანები, საფრენოსნო საშუალებანი, მიკროსკოპები, ტელესკოპები, კოსმოსური გონება — კომპიუტერული მეხსიერება და ასე შემდეგ და ასე შემდეგ, თუმცა ცოდნა ხომ დარჩა მათ შესახებ, თუ ისიც წაშალა წარღვნამ?! ასორმოცდაათ დღეში ხომ ვერ იზამდა ამას?! მაგრამ იმ ასორმოცდაათ დღე-ღამეში ასორმოცდაათათას წელიწადს თუ ვიგულისხმებთ წინააღმდეგობაში ჩავევარდებით, ვინაიდან ასეთ ვითარებაში ჰომო საპიენსი, როგორც ბიოლოგიური სახეობა საერთოდ ამოწყდებოდა. მოკლედ, მივყვით ვერსიას, რომლის მიხედვით კატასტროფა დაახლოებით ხუთ თავს გრძელდებოდა. დროის ამ ვიწრო მონაკვეთში ღვთიური წარმომავლობის ადამიანს კოლოსალური ცოდნა ხელუხლებლად გააჩნია. იბადება კითხვა, რატომ ვერ მოახდინა მან თავისი თავის რეალიზაცია?! რატომ ვერ შექმნა ის აპარატები ხელმეორედ. სამყაროში არსებული ნებისმიერი მატერია ხომ დედამიწის იგივეური შემადგენლობისაა?! რატომ უნდა გადაქცეულიყო გრანდიოზული ცოდნა კასტურ, ზიარებულთა საკუთრებად, მითუმეტეს რისთვის უნდა შეენახათ ენის მეშვეობით, როცა მათ არსებული ცოდნით თავისუფლად შეეძლოთ ძველი ცივილიზაციის რეანიმაცია?! აი, სად იჩინა თავი ბატონი ვლადიმირის ჰიპოთეზის აქტივესის ქუსლებმა. ეს ყველაფერი, ანტიმეცნიერულია, ბატონებო, ალოგიკური. რომელი გადაქტიკიდან, რომელი პლანეტიდანაც მოსულიყო ღვთიური

მდგომარეობის ადამიანი, მას, როგორც ბიოლოგიურ არსებას, იქ, სამშობლოში უნდა გაეარა ჰომო საპიენსის გზა, ანუ ჩვენი ცივილიზაციის გზა, პრიმიტიულიდან, უმარტივესიდან — ურთულესისკენ. უკუმოქცევა არ ახასიათებს ბუნებაში მიმდინარე პროცესებს. ის უმდაბლესი მდგომარეობიდან მიადწევს განვითარების უმაღლეს წერტილს და თუ მოხდა მის სასიცოცხლო არეალში დამანგრეველი კატასტროფა, შეიძლება მოისპოს საერთოდ, როგორც სახეობა, მაგრამ უკან მობრუნება გამორიცხულია. დიახ, ინფანტილურია ჩვენი კაცობრიობის ხანგრძლივი ცხოვრების სურათის დახატვა სქემით: ღვთიური მდგომარეობა — ნახევრად ღვთიური ანუ ღმერთკაცური მდგომარეობა — ადამიანური მდგომარეობა და ბოლოს — მაიმუნური, ცხოველური. შუალედური რგოლის არარსებობა ადამიანსა და მაიმუნს შორის ზუსტად ადასტურებს მატერიალისტური წარმოდგენების სისწორეს ადამიანის გენეზისზე, რომ ადამიან-მაიმუნის მსგავსი არსებები ამოწყდნენ, გაქრნენ. მათ შორის დრო ჩადგა, როგორც ზღვარი და ადამიანურისა და მაიმუნურის ნაპირების შეერთება ის გახლავთ, რისი არსებობის შესაძლებლობას არ ცნობს სამყაროს კანონზომიერებანი, თქვენეული აბსოლუტური ჭეშმარიტება, ბატონო ვლადიმირ. ეს იგივეა, რაც ჩვენი ათი წლის წინანდელი სიტუაციის აღდგენა ვცადოთ, როცა თმაში ნაკლები ჭაღარა გვქონდა, გლანდებიც იშვიათად გვიტევდა, ენერგიაც მეტი მოგვსდგამდა, მაგრამ გონებაც შედარებით მყოფე გაგვაჩნდა.

მოდით, ვიყოთ უფრო ხელშესახებნი. მაინც რამ წარმოშვა უკლასო საზოგადოების იდეა?! მივყვით მოვლენებს თანამიმდევრულად. ადამიანს, როგორც სოციუმს მრავალი მეცნიერება სწავლობს. ადამიანთმცოდნეობის მეცნიერებათა სისტემაში პოლიტიკურ ეკონომიას უთუოდ უნდა მიეკუთვნოს გამორჩეული ადგილი, უკეთეს მისი და მხოლოდ მისი შესწავლის სპეციფიკური საგანია ადამიანური ურთიერთობანი, ანუ როგორ, რა ვითარებაში არის შეუძლებელი ადამიანი მშრომელი გადაიქცეს ადამიან მიზნად, ადამიან შემოქმედად. შრომა თავისთავში შემოქმედებით მომენტს გულისხმობს. დღეს კი ადამიანის საქმიანობა ჯათაა, ოფლისღვრა, უფემოვნო მადლი, იძულებითი, აუცილებლობით ნაკარნახევი ქმედება, რათა მოახდინოს თავისი თავის კვლავწარმოება, მაგრამ ადამიანმა შემოქმედებითად რომ იშრომოს ამისთვის მრავალი წინაპირობაა მოსაგვარებელი; კერძოდ, გასარკვევია საკუთრების ფორმა, თუ ვინ ფლობს წარმოების საშუალებებს. იმის ნაცვლად, რომ ეგრეთწოდებული სოციალიზმის პოლიტეკონომია იყოს კაპიტალიზმის პოლიტეკონომიის მეცნიერული მემკვიდრე და მისი უდავოდ გამგრძელებელი, ის არსებითად კაპიტალიზმის შიშველი ლანძღვა-გინების ფონზე სოციალიზმის მეხოტბედ ქცეულა, რამაც სინამდვილე არათუ გააფერმკრთალა იდეალის წინაშე, არამედ უკიდურესად დამახინჯებულ კარიკატურად აქცია. დიალექტიკის უცოდინრად, ბატონებო, პოლიტიკაზე მსჯელობა, მართლაც მსჯელობის დონეზე რჩება. რატომღაც დავიწყებამს მიეცა ის გარემოება, რომ

საზოგადოების შესახებ ისტორიულ-ლიტერატურული განსწავლულობაც კი ნამდვილი ცოდნის დასაწყისია მხოლოდ და აქ შეიძლება ნაწილობრივ დავეთანხმოთ ბატონ ვლადიმირს იმ თვალსაზრისით, რომ აბსოლუტურად ჭეშმარიტი ვერ იქნება არათუ სანახევროდ, არამედ მასთან თვით ზედმიწევნით მიახლოებულიც კი. ხოლო თავად აბსოლუტური ჭეშმარიტების შესახებ გამაჩნია საკუთარი მოსაზრება, რომ იგი იმდენად გრანდიოზულია, როგორც ვთქვათ, ადამიანის სხეულის უჯრედისა და მისი მასაზრდოებელი გონების შეფარდება. ცალკე აღებული უჯრედი არარაობაა, მათი ლაშქარი აღაშენებს ადამიანის ორგანიზმს და უამრავი ფუნქციის ურთიერთკავშირით მიიღწევა უმაღლესი ორგანო — ტვინი, ასე რომ, მასშტაბებს თუ გავზრდით, სწორედ ადამიანები წარმოჩნდებიან მარტივი უჯრედების როლში, რომლებიც აღაშენებენ ცივილიზაციებს, სამყაროს მასულდგმულებელ ორგანოებს და მათი ერთობლივი ძალისხმევით იქმნება ახალი უნიკალური რეალობა, რასაც აბსოლუტურ გონს, თქვენებურად აბსოლუტურ ჭეშმარიტებას, ბატონო, ვლადიმირ, იოანე-იონას ენაზე ღმერთს რომ ვუწოდებთ. ვფიქრობ ერთი კაცის მხრებისთვის ცოტათი ძიმე ტვირთია ეს ყოველივე. ნებისმიერმა განათლებულმა ადამიანმა იცის ტალიერანის შეგონება, რომ პოლიტიკაში დაშვებული შეცდომა დანაშაულზე მეტია. ეს თუნდაც იმიტომ, პოლიტიკური შეცდომა მილიონთა ბედს ეხება, ხოლო ექიმისა — მხოლოდ ცალკეულ ადამიანს, ავდმყოფს თუ ავადმყოფთა გარკვეულ ნაწილს. პოლიტიკაში დაშვებული შეცდომის შედეგებს თაობები საუკუნოობით იმკიან ხოლმე. თუ რამე გასაგებად ვერ ვთქვი, ბრძანეთ და მზად ვარ უფრო დაწვრილებით გიპასუხოთ.

— ქალბატონების წინაშე მე ვიხდი ბოდიშს ყველას მაგივრად ასეთი ტირადებით რომ ვუმპასინძლდებით სათაყვანებლებს, ლექციას რომ დაემსგავსა ჩვენი სუფრა, მაგრამ იმედია, მოგვიტევენ ჩვიდმეტი მანდილოსნისა და ოთხი ვაჟკაცის ჭირისუფლებს. ქართველი ქალის გამძლეობისა შევსვათ, ბატონებო, მისი უკვდავებისა, და მჯერა, კიდევ ორიოდ წუთით ბუჟუტურის გამო მთლად არ ამოგვირეცხავენ გულიდან, — მამაკაცები ფეხზე წამოიშალნენ და უსიტყვოდ შესვეს ქალების სადღეგრძელო.

მალე სუფრა ძველებურ ამპლუას დაუბრუნდა. მანდილოსნებმა თავიანთი სეპარატისტული საუბრები გააგრძელეს. ნიკა კვლავინდებურად ველოსიპედს დააქროლებდა ვესტიბიულსა და დარბაზს შორის. როკი ოდიშელიამ ისევ განაახლა შეწყვეტილი დიალოგი:

— ჩვენ ცოტა ადრე კოლხეთზე საუბარი განგებ დავაყოვნეთ, რათა ჯერ ბატონი ლევანის შეკითხვა დაგვეკმაყოფილებინა, მაგრამ ახლა ვფიქრობ, მომწიფდა ნიადაგი ერთი მეტად სათუთი პრობლემის გასარკვევად; მაინც რა საბუთები გიკავიათ ხელთ გივი, ბატონო, კოლხეთს რომ წარმოსახავთ დედამიწაზე არსებულ ცივილიზაციათა სათავედ?

— თუ აკვირდებით, ბატონებო, როკი ჩინებულად წარმართავს ჩვენს საუბარს, — ალაზნისპირელმა სიგარეტს მოუყიდა და გააბოლა, — სწორედ

რომ თანადროულია პრობლემის წამოწევა. წარმართული კოლხეთის სამეფო სრულიად საქართველოს, მთელს ამიერკავკასიას რომ მოიცავდა, ეჭვს არ უნდა იწვევდეს. სანიმუშოდ გამოდგება წყნეთის ტოპონიმიკური ანალიზი. დღევანდელი გაგებით ეს საკუთარი სახელი აბსოლუტურად დაცლილია შინაარსისაგან, თუ კოლხურს არ შემოვიშველიებთ, ან მის სამართალმემკვიდრე მეგრულს. თავად წყნეთის ჩამოყალიბების ლინგვისტიკური სურათი დაახლოებით ასეთი უნდა იყოს: ჭყონეთი — ჭყანეთი — წყანეთი — წყნეთი ანუ მუხნარი. ტოპონიმიკა თვალსაჩინოს ხდის ამა თუ იმ ერის ზემოქმედების არეალს. შეხედეთ იმერეთსა და გურიაში არსებულ ტოპონიმიკებს: წყალტუბო, ჭყვიში, ჭიხაიში, ონტოფო, ჭიხანჯირი, ჯუმათი, ოჩხამური, ჩამოთვლა შორს წაგვიყვანს. დიდმა ივანემ მართებულად მიუთითა კოლხიზმების არსებობის თაობაზე ამ რეგიონებში, რომ ქართის ტომების შემოჭრის შემდეგ ორად გაიხლიჩა კოლხეთის სხეული, ხელმარცხნივ დარჩა ლაზიკა-ჭანეთი, ხოლო ხელმარჯვნივ — ოდიშ-სამურზაყანო-აბშილეთი. ეს მიგრაცია სოლივით ჩაესო კოლხეთის სახელმწიფოს, გათიშა მისი ერთიანი სულისკვეთება და უკვე დროისა და ტერიტორიული განსხვავებულობის წყალობით საუკუნეების წინ ერთსახოვანი კოლხური ლამის ორ ენად ჩამოყალიბდა — მეგრულ-ლაზურად.

— კი, მაგრამ მიზანს ვერ ვხედავ, — ჩაერია ისევ როკი ოდიშელია, — ქუჩისა და ფარნავაზის დროინდელ საქართველოში ენობრივი ბარიერი არ უნდა არსებულებოდა წესით, ან თუ არსებობდა უმნიშვნელო ოდენობით, როგორც ხევსურულსა და ფშავურშია დღეს.

— კოლხეთის ქართიზაცია სახელმწიფოებრივი მნიშვნელობის ნაბიჯია, — გააგრძელა ალაზნისპირელმა, — დღევანდელი აფხაზეთი, იგივე აბშილეთი კოლხურად საუბრობდა, მაგრამ აფსუებმა ისარგებლეს კოლხეთის ეროვნული თვითშეგნების უქონლობით და მერე იმპერიის გეგმაზომიერი პოლიტიკითაც აბაზგური გაბატონდა დროთა ვითარებაში. აჰ, თითქოს ერთი შეხედვით რაიმე კატასტროფა არ მომხდარა, სხვა ერებსაც განუცდიათ მსგავსი ტრანსფორმაცია, მაგალითად ლათინებს, როდესაც იტალიურმა დიდიქტმა დანტეს წყალობით შეაფიქროვა ლათინურის საზღვრები და სამეცნიერო ასპარეზამდე დაიყვანა მისი სარბიელი. იგივე სურათია ჩვენთანაც. ერთი მშობლიური პრიმატი შეიცვალა მეორეთი, მაგრამ საკითხავია, იყო თუ არა პროგრესული ეს პროცესი? აგერ, ბატონი გიორგიც დამემოწმება.

— ბოლოდროინდელი ენათმეცნიერული მონაპოვრებიდან ირკვევა, რომ სალიტერატურო ქართულს, რომელიც ძირითადად ქართლურის მიმართულებებისაა, თოთხმეტი ზმნისწინი გააჩნია, — ჩაერთო საუბარში კვეკვე ანთარია, — მათი მეშვეობით წიგნიერი კაცი დაახლოებით ხუთასათას სიტყვას აწარმოებს. აქედან მეოთხედი დაფიქსირებულია ჩიქობავასეულ რვატომეულში, როცა კოლხურს ოთხმოცამდე ზმნისწინი აღმოაჩნდა მამანტი ძა-

ძამიას მიხედვით და მსგავსი ხერხებით თუ მივყვებით მის გრამატიზაციას, კოლხურის ლექსიკა ცხრა მილიონს გადააჭარბებს.

— ამისთანა განცხადებას მეგრულ კაცს ეგრევე სეპარატიზმში ჩამოგართმევნ ვაიპატრიოტები, — თქვა ღიმილით ალაზნისპირელმა, — ჩემისთანა კახელისგან, ვლადიმირისა და ლევანისნაირი იმერლებისგან, მამარდაშვილის-მაგვარი ქართლელისგან უფრო დამაჯერებლად ჟღერს სრულიად საქართველოსთვის; ამიტომაც უწინარესად ჩვენგან უნდა მოდიოდეს ეს ყოველივე ჩვენი ქვეყნის არნახული წინსვლა და გამარჯვება თუ გეწადია. ქართიზაციის პროცესში მხოლოდ ენობრივ დანაკარგებთან როდი გვაქვს საქმე. ჩვენ ვიწრო პარტიკულარული ქმედებით უამრავი საუნჯე გადავულოცეთ დავიწყების ქარტეხილებს. კოლხურია ოქროს მოპოვების წესი და რიგი; კოლხურია რკინის, ფოლადის გამოდნობის მეთოდები, თანამედროვე მეტალურგია დიხხაც რომ კოლხურიდან იღებს სათავეს; კოლხურია, ბატონებო, მედიცინა. ვავილოვმა დღევანდელი ხორბლის ჭიშს შემთხვევით კი არ უწოდა ზანდღური; კოლხურია მეღვინეობა, გაიხსენეთ ბიბლიური ნოე; კოლხურია პოლიფონური საგალობლები. დაბოლოს, ბატონებო, კოლხურია დამწერლობა, ალფაბეტი, რომლითაც დღეს ჩვენ ვსარგებლობთ.

— ამის გამგონეს ბუნებრივია თმა ყალყზე დაუდგება, — განაცხადა მთელი სერიოზულობით როკი ოდიშელიამ.

— მაგრამ რეალობას რომ ვერსად გაექცევი? — გამომცდელად მიაჩერდა ალაზნისპირელი მასპინძელს, — ქართის ტომი აშკარად ვერ აცხადებს პრეტენზიებს ამდენ საგანძურზე, ვინაიდან გუშინდელი ღლაპია. ხოლო კოლხეთის საუნჯეთა იგნორირებით გამოჩნდნენ ერები, უპატრონო ეკლესიის დაუფლებას რომ ლამობენ. პროტოიბერიულის რღვევა წარღვნისმერმინდელი სინამდვილეა. ჰომეროსმა ჩინებულად დაგვისურათხატა ეს პროცესი. „ილიადა“ ფაქტობრივად პანორამული სურათია ორი უზარმაზარი ცივილიზაციის — პროტოიბერიულისა და ინდოევროპულის სამკვდროსასიცოცხლო ბრძოლისა. ხომალდების კატალოგი თვალნათლივ წარმოაჩენს ძალთა თანაფარდობას მათ შორის. ტროელების ერთიანობას, მათ ცხრაწლიან შეუპოვრობას, შინაგანად მფარველობს აქილევის ფეხისათრევა ამ ოდიოზურ, მართონულ ომში. პელევსის ძემ ჩინებულად უწყის თავისი წარმომავლობისა, რომ დღევანდელი ქართველის წინაპართა ნათესავია ტომით და მისი რისხვის უმთავრესი მოტივებიც სწორედ ამ რეალობითაა ნასაზრდოები. ბრისეიდის წაგვრის გამო აქილევის ორომტრიალს ჩამოშორება პოეტური ხერხი როდი იყო მხოლოდ მისი სულიერი წონასწორობის დასარღვევად. შემთხვევით არ შეუღლებიან საიქიოში ნებით თუ უნებლიეთ სამშობლოს დამაქცევარი ორი პიროვნება — აქილევის და მედეა. ან მივმართოთ უფრო ადრინდელ რეალობებს: კოლხეთიდან ოქროს საწმისის გასატაცებლად წამოსულ არგონავტების რაზმს მითებმა ორიგინალურად ჩამოაშორა ჰერაკლე, ვინაიდან ისიც ქართველური წარ-

მოშობისაა. ჰერაკლე ზევსის მიერ კავკასიის ქედზე მიჯაჭვულ პრომეთეს, იგივე ამირანს, ინდო-ევროპელთა ძლიერების სიმბოლოს — არწივს ჩამოაცილებს; ამით ერთგვარად გამოისყიდის აქილევსისა და მედეას დანაშაულს. ხელოვანმა იცოდა ამის თაობაზე და შემოქმედის სინდისმა ვერ მიაჩქმალვინა ჭეშმარიტება, მაგრამ რადგანაც აშკარად ვერ გაამხელდა სინამდვილეს, ყველგან და ყოველთვის არსებული ცენზურის წყალობით, მეტაფორულ საბურველში გაახვია იგი.

— ეს ეჭვები მეც აღმძვრია „ილიადას“ კითხვისას, — შეეპასუხა კვეკვე ანთარია, — ხომალდების კატალოგში მოხსენიებული ჰალიძონების მეთაური ოდიოსი მთლად უსაფუძვლოდ როდი გაუვიგივე ოდიოსს. ქრისტიანობის მიერ სიტყვებწარმეული წარმართული საგალობელი „ოდოია“ დაწმუნებული ვარ ტროაში განგმირული ოდიოსის, იგივე ოდიოსს უკვდავსაყოფი სიმღერა იყო, და არავითარ შემთხვევაში შრომის ჰიმნი, როგორც ქართიზაციის შემდეგ გააფორმეს მომდევნო თაობებმა.

— უფრო მეტს გეტყვით, — ამბობდა საუბრის მულამში შესული ალაზნისპირელი, — კოლხური კირბები აპოლონიოს როდოსელს რომ აქვს მოხსენიებული თავის „არგონავტიკაში“, სხვა არაფერია თუ არა ოქროს საწმისი, იგივე ორე-ქოს — სარწმუნისის ეჭვმიუტანელი საბუთი. კოლხებს ჰქონიათ მამათა და პაპათაგან ნაწერი წიგნები, წერილსვეტები, სამანძილო კირბების სახით, სამკუთხა დაფები, რომელზეც მოცემული იყო გზათა და ხმელთა მაჩვენებელი ნიშნები, ინფორმაცია. აქ ყველაფერი ნათელია. კირბი იგივე კირიბია, ცხვრის შვილი. კრავი, კირბები-კირიბები, ცხვრის ტყავი მრავლობითში. ოქროს საწმისი დიახაც სიბრძნის წიგნი გახლავთ, რომელიც კოლხეთის წილში დაგროვილ კოლოსალურ ცოდნას აერთიანებდა. შესაძლოა მე ავტორიტეტი არ ვიყო, მაგრამ ბატონო, როკი, ძველი წელთა აღრიცხვის მეშვიდე საუკუნის ისტორიკოსს იოანე ანტიოქელს მაინც ხომ დაეჯერება?! აი, რას წერს იგი თავის „მსოფლიო ქრონიკაში“: იასონმა და მისმა მხლებლებმა, პონტოს ზღვით კოლხეთს მიღწეულებმა, მოიპოვეს მედეა და ეგრეთ წოდებული ოქროს საწმისიო. ეს ის კი არ იყო, როგორც პოეტურად გადმოგვცემენ, არამედ წიგნი ტყავებზე ნაწერი, თუ ვით უნდა გაკეთდეს ოქრო ქიმიის საშუალებითო. ამიტომაც დახარბდნენ ბერძნები ოქროს საწმისს, როგორც თავიანთი ერის აღორძინებისა და განდიდების გარანტს. ოქროს საწმისის მნიშვნელობა მეტი თვალსაჩინოებით რომ აღვიქვათ, ეს იგივეა, რაც დღევანდელ ამერიკის შეერთებულ შტატებს ბირთვული იარაღი წაართვას საბჭოეთმა. წარმოვიდგენთ ყოველივეს და ვირწმუნებთ თუ რანაირად შეიცვლებოდა ბალანსი ძალთა თანაფარდობის თვალსაზრისით პროტოიბერიულ სამყაროსა და ინდოევროპულს შორის.

— დაუშვათ რომ ყველაფერი ეგრეა, — დანტერესდა როკი ოდიშელია, — მაგრამ რაში დასჭირდა ფარნავაზ მეფეს ანბანის გამოგონება?

— საქმეც ეგ არის, — ღიმილს არ იცილებდა პირისახიდან ალაზნისპი-

რელი, — თავდაპირველად მთელი საქართველო კოლხური ანბანით ახორციელებდა თავის პოლიტიკას. ახალგაზრდა ქართის ტომს პრიორიტეტი რომ ჩაეგდო ხელში ძველი, გამოჯანდაკებული კოლხის წინაშე, საჭირო იყო მისი დაუყოვნებლივ შეცვლა. ამიტომაც გამოიგონეს კიდევ ასომთავრული, რომელმაც ბოლოს და ბოლოს ვერ დაჯაბნა კოლხური. რამდენიმე საუკუნე კი გადმოჩნაბეს კოლხურიდან ქართის ენაზე არსებული წიგნები თუ მეცნიერული შრომები და როცა ეროვნული თვითშეგნება მოწყდა საკუთარ ფესვებს, გადაქართულებული წიგნები ხელმეორედ გადაიწერა კოლხური ანბანით, მრგვლოვანით, მაგრამ ამის თაობაზე უპრაინა ბატონმა ვლადიმირმა ბრძანოს.

— ეს აღმოჩენა ჩემი არ გახლავთ, ბატონებო, მრგვლოვანი ანბანის გაშიფრვას ვგულისხმობ, — ხელები ფართოდ გაშალა ჩუბინიძემ, თან ოფიციალის ურიკელასაც ჰკიდა წამიერი მზერა. შებრაწული, ფეხზედგომულა ციკანი წინ მოუძლოდა ქერათმიან არტემიდას, — ერთადერთი პიროვნების, შალვა კაჭარავას კუთვნილებაა. როკისთან შეუთანხმებლად მომეხატრა მისი მოპატიჟება, თორემ დღევანდელი საუბარი სულ სხვანაირ ელფერს შეიძენდა.

— იქნებ გამოგვესწრებინა შეცდომა? — თქვა როკი ოდიშელიამ.

— ამწუთში, — დაფაცურდა ვლადიმირ ჩუბინიძე. კოსტუმის გულისხიბიდან ბურთულიანი კალმისტარი ამოიღო, ხელსახოცზე წააწერა ექვსი ციფრი, გვარ-სახელი და გულუხვ მასპინძელს გაუწოდა. იმან ხეციას გადასცა, — კოლხური ანბანის გენიალურობას ისიც ამტკიცებს, რომ ლოგიკური აზროვნების პროდუქტია, რაც ასომთავრულში არ შეინიშნება. მრგვლოვანში საწყის ერთეულად მიღებულია შეკრული წრეწირი, როგორც დახურული, დახშული სამყაროს სიმბოლო, ახლა ბერძნულს რომ ვუწოდებთ ის ო-მიკრონი. აქ შეკრული წრეწირი წარმოდგენილია თავისთავში განსულიერებულ ობადიშად, ოდაბადედ, სამყაროდ. ჯერ ადამიანი არ შექმნილა, პირველი ცოდვაც სადღაც შორეთში იგულისხმება, ჰოდა, ამისთანა ვითარებაში, როგორც კი გაიხსნება კვერცხი, დედის საშო, ო-მიკრონი, ჩნდება სიცოცხლე, ჩნდება შვილი, ჩნდება ანბანიც. კოლხური აღფაბეტის ამოსავალი წერტილი შობის პროცესია, რაც ყველაზე უზუსტესი მომენტია მეთოდის თვალსაზრისით. გაიხსნა ო-მიკრონი და მივიღეთ ანი. აქედან მოყოლებული იწყება მისი ბრუნვა თავისი ღერძის გარშემო და წარმოიქმნება ე-ნი, ი-ნი და ლ-ასი.

უჩა ხეცია ადმინისტრატორისკენ გაემართა. სტუმრებმა და მასპინძლებმა დანა-ჩანგალი ააწკარუნეს. საუბარმა დროებით კერძო ხასიათი შეიძინა. ნიკას ქათმის ბარკალს აჩეჩებდნენ, წითელ ვაშლს უწვდიდნენ, მაგრამ ონავარი ველოსიპედს ვერ ელევოდა.

— აბსოლუტურ ჰემმარიტებაზე საუბარი ბოლოსთვის რომ შემოვიტოვე, ბატონებო, ჩემდა საზიანოდ შემომიტრიალდა, — ოპონენტებისგან მისი

ყოვლისმცოდნეობის ირონიულ-მენტორული ტონით გაქარწყლების მცდელობა ყელში მოსწოლიყო ვლადიმირ ჩუბინიძეს, — თითქოს ამბიციურობა მაღაპარაკებდა, ან ვინმეს ნიშნს ვუგებდი. მე აღმოვაჩინე ციფრი ცამეტის საიდუმლოება, მაგრამ ამისთვის არც გინესის წიგნში შეტანა მომითხოვია და არც — ნობელის პრემიის მონიჭება. მე იგი კაცობრიობისთვის აღმოვაჩინე, უფრო სწორად დიდი ხნის წინ ცნობილი, შემდგომ მიძინებულ, ხელახლა გავაღვიძე. ასეთივეა ჩემი დამოკიდებულება აბსოლუტურ ჭეშმარიტებასთანაც. იქნებ ჩემი ცნობიერება ერთი ნერვია იმ დიადი გონიერებისა, რასაც ბატონი ჯემალი ბრძანებს, მაგრამ მაინც ხომ იმ ნერვით შემოვიდა იგი ჯერ ჩემში და შეაღწევს თქვენშიც გნებავთ თუ არა ეს. ახლა საუბარს ვაგრძელებ იესო ქრისტეს მიმართებაში, ანუ აბსოლუტურ ჭეშმარიტებასთან გაიგივებულ პიროვნებაზე. ქრისტე არამეულად, ანუ იმ ენაზე, რომელიც პროტობერიულის დაშლამდე მისი შემადგენელი ნაწილი იყო, ან ძალიან ახლო მდგომი, უფალს ნიშნავს, მეუფეს. მაგრამ რა არის იესო?! იეს ინგლისურში, როგორც თანამედროვეში, ისე — ძველში თანხმობის, დასტურის მაჩვენებელია. ასევეა რუსული ესტ, გერმანული ისტ. ესენი ვარიაციებია ყველგან: დიახ, კი, ჰოს მნიშვნელობით. მაგრამ რა უნდა იყოს ო?! ჰოდა, ბატონებო, აქ არის სწორედ მოხსნილი ის დილემა, რომელიც ხელს უშლიდა ადამიანს აღეჭვა და გაეგო ის, თუ როგორ შეიძლება ერთი რომელიმე არსება, თუნდაც ყოვლისშემძლე ღმერთიც კი ფლობდეს აბსოლუტურ, ანუ ყოვლისმომცველ ცოდნას, იგივე აბსოლუტურ ჭეშმარიტებას. ვატყობ ვერ ვლაპარაკობ მთლად გარკვევით, მაგრამ განა წიგნით გადმოსაცემი ამბის რამდენიმე წინადადებაში ჩატევა იოლია?! იმისთვის, რომ ყველაფერი იცოდე, საჭირო ყოფილა არა ერთმა თავმა დაიტიო მთლიანად სამყაროსეული ცოდნა, არამედ საკმარისია თვით თავი იმყოფებოდეს სამყაროში, ანუ სამყაროს განუყოფელ ნაწილს წარმოადგენდეს, რაც უდავოდ ასეც არის.

ჩვენ, დღევანდელი ადამიანები, პირდაპირი შთამომავლები ვართ იმ ღმერთებისა, რომლებიც ხსენებული აბსოლუტური ჭეშმარიტების გონებრივი შემეცნებით და ამ ცოდნის შესაბამისი უნივერსალური ტექნიკური საშუალებების ფიზიკური ფლობითაც თავისუფლად გადაადგილებოდნენ უსასრულო სამყაროს ნებისმიერ წერტილში დროით და სივრცით შეუზღუდველნი. დღესაც მრავლად არიან კოსმოსის უკიდევანობაში ასეთი უნიკუმები, რომლებიც კვლავაც განაგრძობენ ღვთიურ ცხოვრებას ღვთიურ საზოგადოებაში. სახელდობრ იმ ორი აუცილებელი ატრიბუტის ფლობით, რომელიც უკლებლივაა საჭირო ღმერთობისათვის, ესე იგი აბსოლუტური ჭეშმარიტების გონებრივი ფლობით და უნივერსალური ცოდნის შესაბამისი უნივერსალური ტექნიკური საშუალებების ფიზიკური ფლობითაც.

ვუბრუნდები იესო ქრისტეს, კონკრეტულად კი ო-ს განმარტებას. ჩვენ აქამდეც მრავალჯერ ვახსენეთ, ო-მიკრონი იგივე სამყაროს სიმბოლოა-თქო,

მისი გრაფიკული შესატყვისობა. შალვა კაჭარავას გენიალური მიხვედრილობით, ბატონებო, სწორედ ქართული ენა და დამწერლობა აღმოჩნდა ის საშუალო არითმეტიკული, რომელიც დედამიწაზე არსებული ყველა ენისა და დამწერლობის გაგების თუ ათვისების საშუალებას იძლევა. ამ მეთოდს მე ენის, სიტყვის არქეოლოგიას ვეძახი, რომელიც განგვანათლებს შეუმცდარი მასწავლებელივით. მივუგდოთ ყური ქრისტეს: „და სცანით ჭეშმარიტი და ჭეშმარიტებამან განგათავისუფლოს თქვენ“. ღმერთს ანუ აბსოლუტურ ჭეშმარიტებას უნდა ახასიათებდეს ადამიანისთვის ნიშანდობლივი ყველა თვისება განუსაზღვრელ მასშტაბებში: მხედველობაა ეს, გემოვნება, ყნოსვა, სმენა თუ შეგრძნება და ამათი ერთობლიობით აზროვნება, ანუ ახალი რეალობის შექმნა. ო პირველწყაროა ყველა ცნობილი თუ უცნობი ასო-ბგერა-ნიშანთა სიმრავლისა. 0-მიკრონი ისეთი ნულია, რომელიც ყველაფერს ამრავლებს, რამეთუ საკუთარ თავში მოიცავს ყველა სიმრავლეს. მაშ, სიტყვები: იესო ქრისტე — იმთავითვე მოიცავდა და გულისხმობდა იმ არსებათა სიმრავლეს, რომლებმაც იეს — ო, ანუ ირწმუნეს ო, შეიმეცნეს ო, შეიმეცნეს სამყარო, შეიმეცნეს აბსოლუტური ჭეშმარიტება და ამით სრულყოფილი მეუფენი ანუ ღმერთები გახდნენ.

— იეს ვლადი მირ, — თქვა ღიმილით ჯემალ გეგეჭკორმა.

— ირონიზებას მოვეშვათ. სხვათა ტომეულების დაზუთხვაც არ არის იოლი საქმე, მაგრამ, აბა, ვსცადოთ საკუთარის, თუნდაც ერთი წინადადების შექმნა და კბილებიდან ოფლისდენაც მერე ნახე.

— კი, მაგრამ ბატონო, ვლადიმერ, საიდან იცით, რომ ათას ცხრაას ოთხმოცდა ცხრა წლის წინ ქრისტეს სახელი იესოდ გამოითქმებოდა?! სამშობლოში მას იეშუას ეძახდნენ და არა იესოს. ხოლო სახარების ძველთუძველეს ტექსტებში ყველგან იესუ სწერია. თქვენი სწავლებით ო კი არა უ შეგვიმეცნებია თურმე. როგორ მოვექცეთ ამ რეალობას?! — ცივი წყალი გადაასხა ვლადიმირის თეორიას კვეკვე ანთარბამ.

— ჯერ ერთი ამას საბუთი სჭირდება, მერედა, მე ვლადიმერი კი არა, ვლადიმირი მქვია.

— გასაგებია, მაგრამ თქვენი სახელი ქართული შესატყვისით თუ წარმოვთქვი, ერთადერთი ჭეშმარიტების გათვალისწინებით, ბატონო, ვლადიმერ, ვინაიდან ვლადი მერ ჩინებულად გამოხატავს ნებისმიერი ადამიანის ქმედების მიმართულებას, ანუ იქონიე ზომიერებაო. რა არის ამაში ცუდი?

— გიორგი! გიორგი! — ხმას აუწია როკი ოდიშელიამ, — ნუ დავივიწყებთ, რომ დღეს ყველანი საერთო ტკივილმა შეგვყარა, ცხრა აპრილის ტრაგედია და ვიყოთ ერთმანეთის მიმართ ღმობიერნი. ნებას თუ მომცემთ აჯობებდა ერთგვარად დაგვეჩამებინა აქამდე ჩვენი საუბარი:

მატერიალისტური კონცეფციით ადამიანი უმარტივესის გამუდმებული გართულების შედეგია, რომელიც გავლილ გზას უკან არასდროს უბრუნდება. მეთანხმებით, ბატონო, ჯემალ?

— თითქმის, — თქვა გეგეჭკორმა, — აღმასვლა სწორხაზოვანი კი არა

სპირალურია. სქემა ასეთია: არწივი — კვერცხი — არწივი, სადაც მეორე არწივი თვისებრივად განსხვავებულია პირველისგან სრულყოფილების თვალსაზრისით, თუნდაც მემილიარდული პროცენტით. ამას სხვანაირად უარყოფის უარყოფის კანონსაც ეძახიან ფილოსოფიაში. ყველაზე ვულგარულად თუ ვიტყვი: ორი ნაბიჯი წინ, ერთი ნაბიჯი უკან და ასე უსასრულოდ.

— გასაგებია. არის მეორე შეხედულება, რომელიც ადამიანს წარმოაჩენს ღმერთის შექმნილად, ეშმაკმა რომ აცდუნა ხე ცნობადის დაგემოვნებით და სამოთხიდან კინწისკვრით გამოისროლეს. ჯვარზე გასვლით ძე უფლისამ იტვირთა კაცობრიობის ცოდვები, მომნანიებელს მისცა შანსი ედემის ბაღში მიბრუნებისა, მაგრამ ცაბათი არ ჩქარობს, ვინაიდან ეშინია უკვდავების ნაყოფიც იგემოს მისმა შემოქმედებამ და მთლად ცარიელზე არ დატოვოს. ეს ბოლო წინადადება ხუმრობით, ცხადია. სწორად ვმსჯელობ, მამაო, იონე-იონა?

— ჭეშმარიტად, როკი, შვილო ჩემო.

— მოგვეძევა კიდევ მესამენაირი მიდგომა საკითხთან, რომლის მიხედვით დედამიწის დღევანდელი კაცობრიობა გახლავთ ღვთიურ საზოგადოებაში მცხოვრები ღვთიური ადამიანის უბადრუკზე უბადრუკი შთამომავლობა, რომელმაც გლობალური კატასტროფის შედეგად დაჰკარგა აბსოლუტური ჭეშმარიტების ცოდნა, დედამიწას მიეჯაჭვა, ჯერ ღმერთ-კაცად იქცა, მერე, ადამიანად და თუ ჭკუას არ მოვუხმობთ, შესაძლოა მომავალში ცხოველურ დონემდე დავეშვათ. გამიგია თუ არა თქვენი ფილოსოფიის არსი, ბატონო ვლადიმირ?

— და მერე როგორ? — ცერი შემართა ჩუბნიძემ.

— ბატონი გივის მოსაზრებით წარღვნის მერმინდელი ცივილიზაცია საქართველოდან განბნეულა, იმერეთიდან, იგივე კოლხეთიდან. მანამდე კი ნუნისის ჭით მიწისქვეშა სიცარიელეში ჩადიოდა თურმე, სადაც კოსმოსური ნათება გროვდება და იმ სხივების ზეგავლენით ღვთიურ მდგომარეობას ინარჩუნებდა, ვიდრე წყლით არ ამოივსო იგი და შესაბამისად ადამიანიც უარყოფითი ენერგიით არ დაიშხტა. ჭვის კიდობანიც იმიტომ დააშენა ნოემ ამ ჭას, დედამიწა უკუღმა დაეტრიალებინა და დამლუპველი ცოდნა წაეშალა კაცობრიობის გონებიდან. მესმის თუ არა საკითხი სწორად?

— ნამდვილად, — მიუგო ალაზნისპირელმა.

— მაშინ მოვძებნოთ ახლა ყველაზე ოპტიმალური ვარიანტი, ამ ურთიერთ გამომრიცხავ თეორიებს ერთ მთელში რომ მოაქცევს. არის კი ამისი შესაძლებლობა?

— არის, ნამდვილად არის, — თქვა ვლადიმირ ჩუბნიძემ, — სამყარო შეუთავსებლის შეთავსებაა. ამას იესო ქრისტეს ჭეშმარიტი სიტყვებიც გვიდასტურებენ: მე მამაჩემში ვარ, ხოლო მამაჩემი ჩემშიო, ბრძანებდა იგი, რაც შემდგენაირად გაიაზრება: მე სამყაროში ვარ, ხოლო სამყარო — ჩემში.

— კი, მაგრამ ვინ გამოდის ბოლოს და ბოლოს ქრისტე, სამყარო — სამყაროში? — გაიკვირვა როკი ოდიშელიამ.

— იგივე ღვთიური წარმოშობის ადამიანის წინაპარი.

— მაინც ადამიანი, ხომ?

— არა, ადამიანი მისი დაკნინებულზე დაკნინებული ფორმაა. ადამიანს აქვს შანსი გახდეს ქრისტე, თუკი იეს-ო-ს განახორციელებს, ანუ შეიმეცნებს გარესამყაროს, მამალმერთს და თავის ბუნებასაც.

— მდააა. ბატონო, ვლადიმირ, სანამ თქვენ საბოლოო სიტყვა წარმოგიტყვამთ აბსოლუტურ ჭეშმარიტებაზე, რომელსაც აქ ირონიით მოეკიდა ზოგი მეგობარი, მე კი სიამოვნებით მოვისმენდი მას, იქნებ ჩვენი რეალური ყოფისთვის შეგვეხედა უფრო ახლოდან, უკეთ, განგვესაზღვრა სად ვიმყოფებით, რა ვითარებაში, რა მოგველის მომავალში და როგორ უნდა ავაცდინოთ რიფეებს ჩვენი ხომალდი — პატარა საქართველო. აქ სურათი შემდეგნაირად იკვეთება: თითქოს ეროვნული მოძრაობის ლიდერებმა ხალხი შეგნებულად წაიფანეს სასაკლავო სკენ. მცირედი მსხვერპლით აპირებდნენ დიდი ბოროტების გადადგმას. ხომ არაფერს ვამუქებ?! კომუნისტური რეჟიმის ჭურღმულებში ისე ღრმად ჩაშვებულვარ, იმის იქით ჯოჯოხეთია და ამ კუთხით ჩემი სიტყვების მართებულება საეჭვო არ გახდება. ადამიანი საპატიმროების ილღიებიდან გადმოვარცხნილი ტილია, რომელსაც ტკაპანს გაადენინებენ რა დროსაც მოისურვებენ. საზოგადოების უმრავლესობა ცხრა აპრილს ეროვნულ ტრაგედიადა კი მიიჩნევს, მაგრამ ამავდროულად — ერის გამოღვიძების, პირველი ზარის ჩამოკვრის დღედაც. აქვე თავად აცხადებთ, რომ ძალადობით დამყარებული ერთობა ფუჭიაო, უმაქნისი, აუცილებლად დაემხოება, რათა მომავალში იგივე ერთობა განხორციელდეს, ოღონდ ნებაყოფლობითო. ჩაეწვდომივარ თქვენს ნააზრევს?

— საესებით, — დაეთანხმა ვლადიმირ ჩუბინიძე.

— მაშინ ისიც ვთქვამთ ბარემ, თუ რატომ უნდა ვუწოდოთ ცხრა აპრილის აქციაზე მოსულ ხალხს მოტყუებულნი? განა ისინი ძალადობით შეყრილები არ გახლავან საბჭოეთის ერთობაში? მე მჩვევია ამისთანა წინააღმდეგობების გამოჭერა, ბატონო, ვლადიმირ. თქვენ ცხრა აპრილის აღმსრულებლებს ფაქტობრივად ასამარებთ, როცა პირიქით, თავიანთსავე გმართებთ, ვინაიდან მათი ქმედება ნაბიჯი უკან არის ბატონი ჭემალის სპირალის კვალობაზე, მაგრამ აუცილებელი ნაბიჯი, რათა მერე ორით წაიწვიოთ წინ. ვილაცხს ხომ უნდა ეთავა ამხელა ვეშაპი ქვეყნის დაშლის უმადური ტვირთი და ასეთიც სწორედ საქართველო, მისი ინტელიგენცია, მისი ასულები და ჭაბუკები რომ აღმოჩნდნენ, განა საამაყო არ უნდა იყოს თითოეული ჩვენგანისთვის?! თურმე მათი ნებისმიერი საქციელი დიალექტიკურადაც ცამდე მართალი ყოფილა და მადლობის მაგიერია?!

არა მგონია საქართველოს დამოუკიდებლობა თვითიზოლაციის გზით წარიმართოს. ჩემზე უკეთ ვინ იცის იმ ხალხს რა შავ-ბნელი დღეები გამო-

უვლიათ?! ჩვენ ბუჩუკებითა და კარცერებით თუ გვიმასპინძლებოდნენ, იმათ-ზე სულ სხვანაირი ზემოქმედებანი არ წყდებოდა თვეობით, წლობით, ერთი და იმავე ხმის ეფექტია ეს, მარქსის ტომებით მომარაგება, სახელის გატეხვა ნათესავების, მეგობრებისა და სამშობლოს თვალში, ბიოქიმიური ზეგავლენები, თუ მამათმავალთა საცნებით დაშინება და ხშირ შემთხვევაში ზოგის გრეზუნად გადაქცევა. მაგრამ უმრავლესობამ ვაჟკაცურად გადაიტანა ყველა პრესი და საკირეთი. მარტო მერაბ კოსტავას დასახელება რად ღირს?! ან კიდევ რუსთაველის პროსპექტზე გაზრდილი სრულიად ნორჩი თამარ ჩხეიძე. ქალიშვილი ცხრაკლიტულში გამოუმწვდიეს და მამა საკუთარი ტყავის გადასარჩენად ისევ რაიკომის მდივნებს უკმევდა გუნდრუკს. მთელი ნახევარი წელიწადი გამსახურდიას მონანიებით გვქონდა ყურები გამოჭედილი. მთავრობა ამისთანა უხამსობაზე როცა მიდის, ხომ უნდა ამოძრავო თავი, რომ საქმე სხვანაირადაა, რომ მხოლოდ და მხოლოდ ძლიერებს, უდრეკელებს ებრძვიან ყველა მეთოდით?! ამისთანა სატყუარაზე ზოგი შეიძლება წამოეგოს კიდევ, მაგრამ როკი ოდიშელია — არაფრისდიდებით. მოკლედ, თანადროულია დავასკვნათ, რომ ცხრა აპრილით ფაქტობრივად ახალი ერა იწყება მსოფლიოში — კაპიტალისტური ცივილიზაციის რესტავრაცია. სულ სხვა საკითხია რამდენად სამართლებრივია იგი, მაგრამ სამკედრო-სასიცოცხლო დაპირისპირებას ყველაფერი სჯობია. ადამიანი კვლავაც იცხოვრებს გაძლღებულად, ჯუნგლების კანონით, სადაც მხოლოდ ძლიერები გააღწევენ ფონს, — როკი ოდიშელიამ ისევ შეავსო ჭიჭები. ახალა შენიშნა მასპინძელმა, რომ სტუმრები ღვინოს კი სვამდნენ ნება-ნება, მაგრამ სადღეგრძელოს არავინ ამბობდა და ამ მომენტმა გაახარა სადღაც. რამდენჯერ უნატრია იმისთანა სუფრაზე მოხვედრა, სადაც გატყლარჭული და დაზეპირებული სადღეგრძელოები არ გაიჭაჭანებდა. აგერ ესეც, — ნაბიჯი უკან გადადგმულია, ბატონო ჯემალ, აწი თქვენზეა წინისკენ ფეხის ორჯერ მონაცვლება. ხომ არაფერს დასძენდით? თქვენ იქ თავში, დელიკატურად შეწყვეტეთ საუბარი.

— თქვენის ნებართვით, ბატონო როკი, ცოტა შორიდან დავიწყებ თეზისების სახით და დასკვნასაც იქიდან გამოვიყვან. დედამიწის თვალსაზრისით სამყარო ცნობიერდება როგორც ბუნების, საზოგადოებისა და აზროვნების ერთიანობა. ეს ყველაფერი კი კანტის ცნობილი გამოთქმით, მრავალერთიანობაა — ფილანქანიტ. სამყაროში მიმდინარე მოვლენები და პროცესები პირობითად ხუთ რიგად იყოფა. ყველაზე მარტივია მექანიკური მოძრაობის ფორმა, რაც თავისი განვითარების გარკვეულ საფეხურზე მთელი აუცილებლობით ფიზიკურ მოვლენებს და პროცესებს იწვევს, ფიზიკური კი სათანადო პირობებში აუცილებლად გადადის ქიმიურში. სამყაროს მთელი ისტორია ცხადყოფს, რომ ქიმიური მოვლენების გარეშე ბიოლოგიურ პროცესებზე საუბარი ზედმეტია. დღემდე მიკვლეულ ცივილიზაციის საუფლოში ჯერ გაჩნდა სიცოცხლე და მხოლოდ რამდენიმე ასეულ ათასი წლის შემდეგ წარმოიშვა ბუნების გვირგვინი ადამიანი. ადამიანი და ადამიანთა საზოგადოება — ეს უკვე ისეთი

ფენომენია, რომელიც აღიმართება წინარე ოთხი მოვლენის საფუძველზე, მაგრამ სწორედ საფუძველშივე უპირისპირდება მას.

— რატომ? რატომ უპირისპირდება საზოგადოებრივი ფორმაცია საბუნებისმეტყველო ფაზებს?

— რადგანაც ბატონო, როკი, პოლიტიკა არის ადამიანთა ურთიერთობისა და საზოგადოებრივ ძალთა თანაფარდობის უმდიდრესი და ურთულესი სამყარო, სადაც მხოლოდ ერთადერთი დეფიციტი არსებობს — გაგების დეფიციტი. ადამიანის რაც უფრო მეტი ნაწილი გამოიჩენს პოლიტიკისადმი ინტერესს, მით უფრო მეტი შესაძლებლობა გაჩნდება მის კანონზომიერებათა შესაცნობად, მაგრამ რაც უფრო მეტი ნაწილი წაეპოტინება ან დაეპატრონება პოლიტიკას, ამ ურთულესი მეცნიერების სიღრმისეული ფენების დაუფლების გარეშე, მით უფრო დამლუპველია შედეგები. მექანიკოსებს, მათემატიკოსებს, ფიზიკოსებს, ქიმიკოსებს, ბიოლოგებს შესაძლოა მჭევრმეტყველურადაც ხელეწიფებოდეთ პოლიტიკაზე მსჯელობა, მაგრამ ერთხელ ხომ უნდა დავფიქრდეთ შემდეგ გარემოზე: მოხერხდება კი სერიოზულად, მეცნიერების დონეზე ილაპარაკოს, ვთქვათ, ეკონომისტმა; ფიზიკის ან ბიოლოგიის საკითხებზე, ეს უკანასკნელნი ხომ თვისებრივი გაგებით გაცილებით მარტივნი არიან ვიდრე საზოგადოებრივი მოვლენები?! მაშ, თუ ეს ასეა, ჩვენი კამათიდან გამომდინარე, ფიზიკოსები თუ მათემატიკოსები პოლიტიკაზე რომ ბჭობენ, გნებავთ არასპეციალისტებიც, ცოტას ხომ არ თავხედობენ?

— გარდა ფილოსოფოსებისა, — თქვა ჩუბინიძემ.

— გააჩნია. რაც შეეხება საქართველოს დაწინაურებას, თუკი მას მართლაც განუზრახავს წინ გაჭრა, მთელი სიგრძე-სიგანით უნდა გაიხზროს თანამედროვე მსოფლიოს მეგა-ტენდენციების ფონზე ეროვნული ეკონომიკისა და პოლიტიკის პრობლემები. ზოგადად კი მთელი კაცობრიობის ხვალისდელი დღის, მისი ყოფნა-არყოფნის საკითხი სხვა არც ერთ დარგზე ისე არ არის დამოკიდებული სადღეისოდ, როგორც პოლიტიკაზე.

მსოფლიოში არსებული მთავარი პოლიტიკური ძალები თუ გაითვალისწინებენ განვითარების ძირითად მიმართულებებს და სწორ, მართებულ ორიენტაციას აიღებენ, მაშინ აყვავდება დედამიწა და ადამიანთა ნამდვილი ცხოვრება დაიწყებს ზეიმს; არადა, კატასტროფა გარდაუვალია. ჩვენი ცივილიზაციის არსებობის მანძილზე პირველად დგება მომენტი, როცა გადამწყვეტ მნიშვნელობას იძენს არა მექანიკის, მათემატიკის, ფიზიკის, ქიმიის, ბიოლოგიის, საერთოდ საბუნებისმეტყველო მეცნიერებათა მიღწევები, არამედ — მათი გამოყენების პოლიტიკური ხასიათი.

— მაინც ვერ ვამბობთ ნათლად სად ვიმყოფებით, განვითარების რომელ სტადიაში; რას წარმოვადგენთ, ან როგორი იქნება ჩვენი მომავალი? — განაცხადა შეწუხებული სახით როკი ოდიშელიამ, — სად დაიკარგე, ბიჭო, ამდენ ხანს? — ჰკითხა ღიმილით უკან მობრუნებულ მეგობარს.

— ბატონი შალვა ქალაქგარეთ წასულა.

— მოიცა, ვნახო მედიკო და გაჩვენებს ქალაქგარეთს. ბატონ შალვას შევ-

ხვდებით როდესმე, ახლა კი იქნებ ამ საკითხებით შეგვეჯამებინა ჩვენი საინტერესო საუბარი?!

— ნება მიბოძეთ მეც მოგახსენოთ ორიოდ სიტყვა, — ჩაერთო მასლა-ათში ლევან ნადირაძე, — ყველაფრის თავი და თავი იყო, არის და იქნება საქართველოს გეო-პოლიტიკური მდებარეობა: რელიგიათა, ტერიტორიათა, სავაჭრო საშუალებათა გზაჯვარედინზე ყოფნა, რაც ცხადია, ზედმიწევნით განაპირობებდა და უნდა განაპირობებდეს წესით მისი პოლიტიკური ორიენტაციის საკითხს.

ჯერ ერთი, გუბაზ მეფის ხანაში, ფარტაზისა და აეტის ცნობილი რიტორიკიდან მოყოლებული, საქართველო დროსა და სივრცეში გახლდათ ორ ზღვას შუა საომარი ლელო. საქართველოს, იშვიათი გამონაკლისის გარდა, ვგულისხმობ დავით აღმაშენებლისა და თამარ მეფის ეპოქებს, არასდროს ჰქონდა საშუალება დამოუკიდებლად ემართა თავისი სახელმწიფო. ის ან რომის ვასალობას ამჯობინებდა, ან მუსულმანურ სამყაროსთან კონტაქტებს.

ეს დილემა უფრო გამოკვეთილად მეთვრამეტე საუკუნეში ამოტივტივდა ერეკლე მეორის ზეობის ჟამს. ცნობილ პოემაში ბარათაშვილმა თვალსაჩინოდ დაგვიხატა ქართული სულის მდგომარეობა: თავისუფლებასაც ვერ ვეღვივით სოფიოსა და ლიონიდის დიალოგისამებრ, მაგრამ არ არსებობს ამ თავისუფლების რეალური შენარჩუნების გარანტიები ერის შიგნით. საჭიროა ქვეყნის დამცავი მექანიზმის პოვნა ფიზიკური განადგურებისგან. კვლავ დილემის წინაშეა ქართველი კაცი.

ვისთან? რომელთან?

მუსულმანურ სამყაროსთან, შენს თვითმყოფადობას იავარქმნით რომ ემუქრება, თუ ერთმორწმუნე რუსეთთან, რომელიც ყოველნაირად შეეცდება შენს ასიმილაციას, მაგრამ არსებობს შანსი, მათმებლობის, ფრთხილი პოლიტიკის წყალობით გადაარჩინო შენი თავისთავადობა?!

აჰა, ჩვენი არსებობის მანძილზე მერამდენედ წამოიჭრა საქართველოს პოლიტიკური ორიენტაციის საკითხი.

ვისთან? ისევ რუსეთთან თუ მუსულმანურ ქვეყნებთან?! სხვანაირი გადაწყვეტა წინდებულ ალტერნატივას არ უწერია.

— გამოდის, რომ თავისი არსებობის მანძილზე საქართველოს დამოუკიდებლობის განხორციელებისთვის ეროვნული ენერგია არ ჰყოფნიდა? — თქვა როკი ოდიშელიამ.

— ცხრაასჩვიდმეტი წლის რუსეთის წაბორძიკებით მოპოვებული ჟორდანიასეული თავისუფლება თუ საბოჭეთის წაბარბაცებით სავარაუდო თავისთავადობა ჩვენი, ტყუპისცალივით დაემგვანება ერთმანეთს, ვინაიდან ორივე შემთხვევაში ჩვენს თავისუფლებას გარეგნული ფაქტორები კვებავდა და კვებავდეს იქნება, და არა შინაგანი კანონზომიერება.

დამოუკიდებლობა ჩვენ რევოლუციის გზით, სახალხო აჯანყებით არ მოგვიპოვებია ცხრაას ჩვიდმეტში და არც ახლა ძალგვიძს იარაღით მისი მოხ-

ვეჭა. ჩვენ დადარაჯებული ვართ სხვის წაქცევას, ჰოდა, ისტორიული გამოცდილებით ადვილად მოპოვებულს ადვილადვე თმობენ. მარტივად თუ ვიტყვით, საქართველოსთვის თავისუფლების მცნება ფუფუნების მსგავსი აბია, ან უკეთეს შემთხვევაში შორეული ოცნება, რომელიც თურმე სხვათა გუნებაგანწყობილებაზე ჰკიდია სავალალოდ. საქართველოს საკუთარი ძალებით აღარ შეუძლია ფეშქაშად ბოძებული დამოუკიდებლობის შენარჩუნება, ვინაიდან მუსულმანურ სამყაროსა და ნიჩბებიანი რუსეთის წინეჭვეშ მომწყვდეულებს დრო არ გვრჩება პატროფილური ხაზის გასატარებლად.

აქ მაგალითისთვის გამოგვადგებოდა რობაქიძე-მიწიშვილის ურთიერთგამომრიცხავი პოზიციები საქართველოს, როგორც მისიის თაობაზე, ან მოვუხმობთ დამატებით ჰეგელი-ვახუშტი ბატონიშვილის ანალიზს, ვიტყვით, ჩინებულს, ქართულ ფენომენზე. ჩვენ რომ საკუთარი პოლიტიკის წარმოებისთვის მზად არა ვართ ჩვენივე გაორების წყალობით, უეჭველია. აქედან გამომდინარე ჩვენი პოლიტიკური კურსის წარმართვა ექვემდებარება გადაულახავ წინააღმდეგობებს, რომელიც ასჯერ და მეტჯერაც აღემატება ჩვენს ხელთ არსებულ რესურსებს. მაშასადამე, გასარკვევია, ვინ უფრო ნაღდია, ჭეშმარიტი; ის, რომელიც „შერეკილების“ მოფამფალეული ურმით მთვარეზე აფრენას გვპირდება, თუ იგი, ვინც იმავე ურმით ტალახიან და აშმორებულ გზიდან გაღწევისთვის გვიყიჟინებს?!

ჩვენ არ ვივიწყებთ დონ კიხოტის პასაჟებს, როცა დროებით თავისუფლებამოპოვებულ ყმაწვილს ორმაგად გააძრობენ ტყავს მწუხარე სახის რაინდის წასვლის შემდეგ. რეალიზმი და არა ფერადი სათვალეები, ბატონებო! ჩვენ ხომ სცილას და ქარიბდას შორის ვიყავით და ვიქნებით კვლავაც ბარე რამდენიმე ათეულ წელიწადს, სანამ თავად რუსეთსა თუ მუსულმანურ სამყაროში არ დამკვიდრდება ჰუმანიზმის კეთილშობილური იდეალები. მანამდე კი თავის შენახვა, დიახ, თავის შენახვა, — თქვა დამარცვლით ლევან ნადირაძემ, — გვმართებს: ფრთხილი საგარეო და აქტიური საშინაო პოლიტიკის გატარება, როგორც ამას ახერხებდა ჰომეროსის რჩეული გმირი ოდისევი, ვინაიდან მხოლოდ მან შეძლო ულევი ჭკუის, გნებავთ ცბიერების წყალობით სიცოცხლის შენარჩუნება და შინ უვნებლად მისვლა სახიფათო მრავალწლიანი ხეტიალის შემდეგ.

ილიას გზა — მამული, ენა, სარწმუნოება — ფორმულაა ჩვენი არსებობისა, მაგრამ ბარემ გადავავლოთ თვალი და ვთქვათ გულახდილად, როგორია ჩვენი ეროვნული კუთრი წონა ამ დებულების შესაბამისობაში?! ტერიტორიული მთლიანობა ჩვენი თავის დროზე მრავლად დაინაღმა ნელი მოქმედების დენით, უკეთ ავტონომიური ფორმირებების ხელოვნური შექმნით იმპერიის მიერ, სამხრეთ ოსეთის, აფხაზეთის, აჭარის სახით და პოტენციაში სავარაუდო სამეგრელოს, სომხეთისა და აზერბაიჯანის ავტონომიების შესაძლებლობებით დასავლეთ საქართველოში, მესხეთსა თუ ქვემო ქართლში. გამოდის, რომ ჩვენი ტერიტორიული მთლიანობა წყალშეყნებულია.

ოდნავი წაბორძიკება და საქმე ასწილად გაგვირთულდება ვიდრე სისხლიან ცხრა აპრილს, — საუბრობდა ლევან ნადირაძე სალოკი თითის განუწყვეტელი მოძრაობით.

— ესე იგი ჩათრევას ჩაყოლა უნდა ვამჯობინოთ? — აღმოხდა როკი ოდიშელისა.

— თავს ზემოთ ძალა არ არის. მოვა სანატრელი დრო აღრე თუ გვიან, მანამდე კი ჩვენი შინაგანი რეორგანიზაციით, დემოგრაფიული ბალანსის აშკარა გაუმჯობესებით, ქართული სულის გამრთვლებით, მსხვილი ქალაქების დეურბანიზაციით და მამაპაპური ტრადიციების აღორძინებით სოფლებში, მივალწევთ სანატრელ თვითმყოფადობას, ჯერ — შინაგანს და მერე — პოლიტიკურ თავისუფლებას.

ახლა, ბატონო, როკი, შევხედოთ რა ვითარებაა ენობრივი თვალსაზრისით. საქართველო დიხაჯ გახლავთ ქართის ტომის ენაზე მოსაუბრე ქვეყანა საუკუნეების მანძილზე, მაგრამ ჩვენი უგუნური პოლიტიკის წყალობით ვერ მოვახერხეთ მეგრულ-სვანური ელემენტების შერწყმა დედაქართულთან. ზოგი დილეტანტი იქამდე გათავხედდა, თავისი უმეცრების გამომზეურებას არც კი ერიდება. ქართული ენის სახელმწიფო პროგრამის გარშემო მსჯელობისას ისეთ კურობულ ფაქტებს წააწყდებით, თმა ყალყზე დაგიდგებათ:

ჩვენ არ უნდა დაგვეშვა მეგრულ-სვანურის განვითარება ენობრივ ფორმებადო, წავიკითხე ამასწინათ ერთ ურაპატრიოტულ გაზეთში, და ახლა, როცა ერთიან ქართულზეა მსჯელობა, ეს პატუა ენები პრეტენზიას აცხადებენ დამოუკიდებელი არსებობისთვისო, წერია შავით თეთრზე.

კოლხურს, რომელსაც თამამად შეიძლება ეწოდოს ქართველურ ენათა სათავე, პატუა ენობასაც კი ჰკადრებს ზოგი ახალგამოჩენილი მეცნიერი. დაღუპულია საქმე, როცა ლინგვისტიკა პოლიტიკურ დროშებს ააფრიალებს. მართლაც საქმე დაწკრიანდებულად რომ არ არის იმთავითვე ნათელია. დიხა, დარღვეულია მონოლითურობის პრინციპი და თუ არ შევეცდებით ჰკვიანური მეთოდებით მეგრულ-სვანურის შემოკავშირებას დედაქართულში, მაშინ მოსალოდნელია მეგრულის გადანასკვა ლაზურთან. მეგრულმა შესაძლოა გენეტიკურად უფრო ახლომდგომ ენასთან ამჯობინოს მომავალში კონტაქტი და მართლაც ათასი ხათაბალა გაგვიჩინოს ამ მხრივ. ამიტომაც აბსოლუტურად ვეთანხმები ბატონ გიორგის ამასწინანდელი წერილის პათოსს, როცა საკითხს წამოჭრის ქართველურ ენათა სინთეზური ლექსიკონის შექმნის თაობაზე, სადაც მეგრული, ლაზური და სვანური დაფიქსირდება, როგორც ძირძველი ქართულის სინონიმები.

მშვენიერია მოსაზრება სალიტერატურო „გოგოს“ პარალელურად მეგრული „ცირას“, ლაზური „კულანის“ და სვანური „დინას“ დამკვიდრების თაობაზე. ეს ენობრივი რეფორმა ჩანასახშივე ჩაახშობს ლაზურ-მეგრულის შეერთების ხარჯზე ქართულისგან გამოცალკევების საშიშროებას. ამასთანავე ათასწილად გაამდიდრებს ჩვენს დედაენას და რაც მთავარია, მოგვევლინება ქვეყნის თვით ეკონომიკური თუ პოლიტიკური აღმავლობის საწინდრად.

რაც შეეხება სარწმუნოებას, აქაც იგივე სურათია, იგივე დაქსაქსულობა, იგივე დანაწევრება: ვიყავით წარმართები. ციურ სხეულებს ვეთაყვანებოდით. მზე დედა ჩემი, მთვარე მამა ჩემი, გაბადრული ვარსკვავები და და ძმა ჩემიო, ვიძახოდით ოციოდე საუკუნის წინ.

ათას შვიდასი წელიწადია ქრისტეს მოძღვრებას გულში ვიხუტებთ, ისლამურ კოცონზედაც გავდივართ არც თუ ისე იშვიათად ქეთევან დედოფალსავით, რისი წყალობითაც ვინარჩუნებდით კიდევ თვითმყოფადობას ჩვენსას;

მოგვიანებით ას ოთხმოცი გრადუსით შემოვტრიალდით მატერიალისტური მსოფლმხედველობისკენ და აგერ, კვლავ ვლევწათ ჩვენს კერპებს. ასეთია ქართველი კაცის შინაგანი ზიგზაგიანი ცხოვრება თეოლოგიისა თუ ათეიზმის გზაზე. ესე იგი ქართველი თავისი გენეტიკური ნატურით წარმართიცაა, ქრისტიანიც, მატერიალისტიც და ისლამის მიმდევარიც, ამდენად, მისი გამოცხადება მხოლოდ ქრისტეს მრევლად წინდაუხედავი პოლიტიკაა. აქ სამაგალითოდ გამოგვადგება დავით აღმაშენებლის შორსმჭვრეტელური გენია, როცა მან ყველა მეზობელ რელიგიას შემწყნარებლობა გამოუცხადა და იხსნა საქართველო სარწმუნოებრივი წარღვნისგან. დასკვნისათვის შემოძლია დავსძინო, რომ საქართველო სამივე განზომილებაში: მამული, ენა, სარწმუნოება,“ რამდენადმე დანაწევრებულია, დაქუცმაცებული ურთიერთგამომრიცხავ ელემენტად და თუ არ განხორციელდება მიზანდასახული, შორსმჭვრეტელური რეფორმები თითოეული მიმართულებით, მართლაც დასადუჰავად გავიწირებით, ბუნებით ნიჭიერი, მაგრამ ელემენტარულ სიბრძნეს მოკლებული ვართ.

მოკლედ, ოცდამეერთე საუკუნეში ერთობ გაგვიჭირდება სახელმწიფოებრივი არსებობა თუ საშვილიშვილო წინდახედულებას არ გამოვიჩინთ.

— ეკუმენიზმი უმთავრესი მტერია მართლმადიდებლობისა, — ხელი აუცახცახდა ეპისკოპოს იოანე-იონას, — თქვენი შეხედულებაც ამისი ნათელი დასტურია, ლევან, შვილო ჩემო. საქართველოს ერთადერთი — ქრისტესმიერი გზა გადაარჩენს, ზნეობრივი გზა. მართლმადიდებლობას გააფთრებით ებრძოდნენ წარსულში და ებრძვიან დღესაც. მისი ყველაზე საშიში მტერი ჭერ-ჭერობით ეკუმენიზმია, რომელიც ყველანაირად ცდილობს ქრისტიანული დოგმების ისლამთან თუ ზოროასტრიზმთან შერწყმას. ეს ყოველივე მასონური ლაშქრობაა ნიკონიდან მოყოლებული. ისინი ერთ ჭერჭვეშ ალოცებენ ქრისტეანსა და ქრისტეს მტერს, წმინდანსა და უწმინდურს, რათა სანაგვეში ჩაახრჩონ მართალი ეკლესია, რამეთუ კარგად იციან, რჯულის კანონის მიხედვით, ერეტკოსთან მლოცველი ერეტკოსი ხდება. გაერთიანების შემთხვევაში მათ ეყოლებათ ერთი ლიდერი, რომელზედაც წმინდა მამები ამბობენ, რომ იგი იქნება ცრუ ბელადი, ანუ ანტიქრისტე.

გაიხსენეთ, შვილნო ჩემნო, იოვანეს გამოცხადება — თუ როგორ გამოუდგა მარიამ ღვთისმშობელს გველეშაპი, რათა დედა და შვილი შთაენთქა, მაგრამ

ლვთისმშობელმა მოისხა დიდი ფრთები და მალალ მთაზე აფრინდა. შემდეგ კი ქრისტე ცეცხლში უკრავს თავს იმ ურჩხულს, იგივე სატანას და მის მოკავშირეებს. ეს არის ანტიქრისტეს ფინალი და თვით საუკუნის დასასრულიც. ამგვარი ბედი ეწევა ქრისტეს წმიდა და სამოციქულო ეკლესიის მოქიშპე-მიმღევარს.

თქვენი მსჯელობანი, გვნებავს, გაცნობიერებულთა თუ არა, თეოლოგიური ომის საშიშროებით შემწყარებლობა ყოველი სარწმუნოებისა, მასონიზმიდან იღებს სათავეს, რომლის მიზანი მსოფლიოში ებრაელთა გაბატონებაა. მაშ, რომელი ეკლესიაა ჭეშმარიტი?! ხომ ყველას თავისი მრწამსი მიაჩნია ერთადერთ მართებულად?! მე კი გეუბნებით შვილებო, რომ სადაც არ ხდება ნათლისღება წყალში სამჯერ შთაფლვით?! რომელსაც არ ამშვენებს ქრისტეს რვა დაბოლოებიანი ჯვარი?! სადაც ასვენია ყალბი ხატები არასწორად გამოხატული თითებით?! სადაც წვერშეკრეჭილი და შელამაზებული მღვდლები სწირავენ; სადაც ფულს იღებენ მღვდელთმსახურებისთვის; სადაც კაცებს არ აცვიათ შარვალზე გადმოშვებული ხალათი, სარცხვენლებს რომ უფარავთ, ხოლო ქალებს თავსაფრით არ წაუკრავთ შუბლი და წელზე ქამარი არ შემოურტყამთ; სადაც არ სრულდება შვიდივე საიდუმლოება, ერეტიკულია, ანუ მასონური.

მასონობას ტოლერანტობა უდევს საფუძვლად. იგი თანაბრად მიაგებს პატივს ათეიზმს თუ ნებისმიერი სარწმუნოების წარმომადგენელს. არ მინდა სიტყვა გამიგრძელდეს, დავსძენდი მხოლოდ, ებრაული წარმოშობის ფრანგი პოლიტიკური მოღვაწის ადოლფ ისააკ კრემეს ნათქვამს. ეს კრემე საფრანგეთის დიდი ლოჟის დიდი ოსტატი იყო:

მოვა დროო, ამბობს იგი, როდესაც დედამიწის მთელი მიწიერი სიმდიდრე ისრაელის შვილების საკუთრებაში გადავა. და კიდევ იქვე დაამატებს: ახალგაზრდა ებრაელი მოდის მსოფლიოში და ხმამაღლა აცხადებს, მე მოვითხოვ ჩემს კუთვნილ ადგილს და ჩემი ადგილი არის მეფობა მსოფლიოში. და თუ არ მივიღებ მე მას, მაშინ დე ცეცხლს შთაუნთქავს მთელი სამყარო.

მასონები პოლიტიკურ მოღვაწეებს მოისყიდიან ხოლმე, მათი ზეგავლენით ლამობენ ქვეყნიერების ზემოდან მართვას. მათ საცეცხლს ვერ გაექცნენ გიგანტი მოაზროვნენი, მარქსი და ენგელსი, დეკაბრისტები; ლენინმა მასონური ნიშანი პენტაგრამა მიაწება პროლეტარიატის დროშაზე და აგრძობინა კოლეგებს, რომ მათი ჯიშისაა.

ცხრა აპრილის მოედანზე თუჯის ურჩხულებს ნამგალი და ურო რომ აღუმართავთ, მასონური სიმბოლოებია. სტალინიცა და ჰიტლერიც გარკვეული პერიოდი მასონები იყვნენ სანამ ძალა-უფლებას ჩაიგდებდნენ ხელში, მერე სასტიკად გაუსწორდნენ მათ. ზედსიძებად მოკიდებულმა დეკაბრისტებმა მასონური ლოჟები გაგვისხნეს თბილისში. ასე რომ, მართლმადიდებლობა გაუფგონარი განსაცდლის წინაშეა. შვილებო, ერეტიზმი ებრძვის მას, მაგრამ დიდია უფლის ნება და ადრე თუ გვიან, ბოროტი გადიყრება ცეცხლის გარსში და ატყდება კბილთა ღრჭიალი.

— თქვენმა სიტყვებმა, მამაო იოანე-იონა, ისეთ გუნებაზე დამაყენა, ლამის ამ გვირგვინოსანი სავარძლით სარკისკენ გავქანდე, არიქა, რაიმე მასონური ხომ არ მომაცხო-თქო. გვიჯობს მოვეშვათ ამ ჯვარცმული ერის განქიქებას. დამისახელეთ სხვა რომელი აღმსდგარა ფენიქსივით ფერფლიდან?! მსოფლიოს ფული და გონება მათ ხელშია. ებრაელების მომღურება იქნება?! ჩვენ ჩვენი ვიტყვით, მამაო. — მიაჩერდა სახეზე ეპისკოპოსს სევდიანი ღიმილით როკი ოდიშელია, — ჩემთვის ბევრჯერ მოუნიჭებია ძალა წმინდა გიორგის ხატებას. სიზმრად მიხილავს მე ის გველეშაპი, მარიამს და ჩვილ ქრისტეს რომ დასდევნებია თურმე, და წარმიწვევტია თავი ტანისგან, მაგრამ საპყრობილეში მუსულმანსა და ქრისტიანს მხარდამხარ უბრძოლიათ უსამართლობის წინააღმდეგ, ისე რომ თავიანთი რწმენისგან ნაბიჯიც არ მოუცვლიათ. როგორ მოვიქცეთ ახლა, მუსულმანმა თუ დაამარცხა ბოროტება, არ ჩავუთვალოთ საკაცობრიო საქმედ?! თქვენი საუბრიდან გამომდინარე ასეთი რამე თუ დაეუწვი, მეც მასონი გამოვდივარ, ლევანიც, ვლადიმირიც, ჯემალიც, გივიც, ანთარიაც, თვით მერაბ მამარდაშვილიც სორბონის უნივერსიტეტში რომ კითხულობს ლექციებს ეგზისტენციალიზმის პრობლემებზე. მართლმადიდებლობის პოზიციიდან მსოფლიოს ორ მესამედს კუპრში მოელის თურმე ქშენანი. კიდევ მეტს, ალბათ, ვინაიდან თავად ქრისტიანული სამყაროც უთვალავ სექტად და განშტოებად დანაწევრებულა. კუპრში ქშენანი მოელით ბაბტისტებს, კათოლიკებს, იეოვველებს, პროტესტანტებს, ბუდისტებს, მუსულმანებს ხომ ისედაც განადღებულნი აქვთ ეს ნეტარება. ზედმეტი კატეგორიულობიდან ფანატიზმამდე ერთი ნაბიჯია.

ამას წინათ სამშობლოს გულისათვის კედელთან მიმაყენა მორღუშვილმა ავიძბამ; საკუთარი ოჯახის წევრებიც იქ მიაშქრივა გარდაცვლილი ბაბუის ძვლებთან ერთად. ვგონებ ასეთი უკიდურესობანი კაცობრიობას წინ ვერაფრით წაიყვანს. რელიგია, რომელიც ჯვაროსნული ლაშქრობით აპირებს მრევლის გამრავლებას, სუსტია და, ალბათ, ბუნებრივია მისი დაქსაქსვა. ჩემი ცოდნა ამ სფეროშიც ზერელეა, მაგრამ ღმერთიც რომ ღმერთია იმის კერპად გადაქცევას ჩემი გონება ვერ უშვებს ახალმონათლულის კვალობაზე. ვნახოთ რას გვეტყვიან ამის თაობაზე ბატონები.

— ოოო, რელიგია დიდი ოპიუმია, — დაიწყა შეუნიღბავი შეტევით ჩუბინიძემ — ზიარებულთა კასტები წარმართავენ მსოფლიოს. ქრისტე ღმერთიც მათი გონების წყალობაა, რათა წინაპართა კოლოსალური ცოდნა დაფარულიყო მისი ჯვარზე გასვლით, მაგრამ სასიკვდილო სულაც არ ყოფილა ის სამსჭვალეები. აღდგომის სასწაულების მერე იესო გზიდან ჩამოიშორეს როგორც ზედმეტი ტვირთი. ქრისტე უმუქველად იყო რეალური პიროვნება, კოლოსალური ენერჯის და ცოდნის პატრონი, აბსოლუტური ჭეშმარიტების მფლობელი, ვთქვათ, როგორც — მე და რადგანაც მან ხალხს ასწავლა საჭიროზე მეტი: ჯვრის სიმბოლიკა, მარადიული მოძრაობის საიდუმლოება, რიცხვი ცამეტის სიბრძნე, დიახაც, ჩამოიშორეს გზიდან, დასაჯეს.

ღმერთი კი, ბატონებო, ადამიანის გონებაში მოცემული აბსოლუტური ჭეშმარიტების ეკვივალენტურია.

— თქვენთან ლაპარაკი შეუძლებელია ცოდვილთა ნაშიერნო, სატანა ღალადებს ახლა თქვენი პირით. მაგისი შედეგი ვიწვინეთ ეგერ მთავრობათა სასახლის წინ ორღესული ნიჩბებისაგან.

— დემაგოგობთ, მამაო, — გაცხარდა ლევან ნადირაძე, — მიეცით საწყალ ადამიანებს განსჯის საშუალება. თქვენ ბრმად მიმყოლის მეტს არავის ცნობთ, მაგრამ ადრე თუ გვიან ადამიანი თვითონვე ჩამოიშორებს ყოველგვარ თეოლოგიურ ზეგავლენას, როდესაც ღვთიურ მდგომარეობას მიაღწევს იგი. თქვენ ადამიანებს გზას უხშობთ ამ მიმართულებით, ამიტომაც გამოიგონეთ იეპოვაც, იუდაც, კრიშნაც, ქრისტეც, ალაჰიც, რათა საკუთარი თავი, საკუთარი მეობა წაართვათ და თქვენს ეგოისტურ ზრახვებს ანაცვალოთ მისი სრულფასოვანი ბედნიერების პერსპექტივა.

სუფრაზე სამარისებური სიჩუმე ჩამოწვა. ქალებმაც კი შეწყვიტეს კერძო მასლაათი. მხოლოდ ნიკა დააქროლებდა სამბორობლიან ველოსიპედს გამოცარიელებულ დარბაზსა თუ ვესტიბიულში.

ეპისკოპოსმა იოანე-იონამ რამდენიმე წამს აწვალა ხელში ჩანგალი, მერმე მკვეთრი მოძრაობით თანამეინახეთა თავს ზემოთ აღიმართა.

— ვილოცებ მე თქვენი ცოდვილი სულებისთვის შვილნო, ჩემნო, — თქვა და ამაყი მხრები წასასვლელად შეამზადა.

— დაბრძანდით, მამაო, — უთხრა აულელვებლად როკი ოდიშელიამ, — მოსვლა თქვენი ნება იყო, მაგრამ აი, წასვლა, — ნურას უკაცრავად. თქვენ თქვენს თავს არ ეკუთვნით უკვე სანამ ამ სუფრაზე ხართ; ამიტომაც იქონიეთ ქრისტესმიერი გამძლეობა, გნებავთ ერეტიკოსების გარემოცვაში გიხდებოდეთ ლოცვის აღვლენა, ჩაავლეთ ხელი თქვენს რვაბოლოიან ჯვარს და ჩამამთავრებინეთ სიტყვა, ვინაიდან ჩავუთქვი: თუკი ერთი კაციც სუფრიდან უპასუხოდ გამექცა, საფიცარი საქართველო დამენგრევა-მეთქი.

— ასეთი საუბრების შემდეგ როკი, შვილო, არ არსებობს ძალა, რომელსაც ჩემი გაჩერება შეეძლოს.

— დაბრძანდით, მამაო, ძალა აღმართს ხნავს, — ხელის მოძრაობაც მიაშველა როკი ოდიშელიამ.

— აღმართს კი, მაგრამ ადამიანის სულს — ვერა, შვილო, როკი.

— ამაზე არ გედავებით, თუმცა დარწმუნებული ვარ ჩემი სიტყვების შემდეგ არათუ დარჩებით, შემეხვეწებით კიდევ მამაო, ცოტა ხანს მამყოფეთო.

— ეგ როგორ? — გაიკვირვა ეპისკოპოსმა.

— ნიკა, შვილო, — გასძახა როკიმ მემკვიდრეს და ბიჭმაც ხელად მოატრიალა ველოსიპედი მამისკენ, — ბაბაია, ავაფეთქოთ კიდევ ერთი შამპანური?

— დედა რომ გაგვიწყრეს?

— გამომართვი, კაცო ეს! — როკიმ შამპანურის გაუხსნელი ბოთლი მი-
აწოდა შვილს, მიუთითა ყრუ კედლისკენ, ქამარზე ხელი გაიკრა და „ტეტე“
ამოაბზრიალა.

ისედაც დაძაბული სუფრა აზეითებულის ჩათვლით იმ მოზიმზიმე რე-
ვოლვერს მიაჩერდა.

— ძალადობა მრავალნაირია, მამაო. ყველაზე მარტივია, როცა მოწინა-
აღმდეგეს იარაღით ემუქრები, რადგანაც კაცს უხვად მოეძევება სიკვდილის
შიშის დამთრგუნავი უნარი. — არის ადამიანზე ირიბი მოჭმედეგის ძალა-
დობაც, მინი ფეხბურთის მსგავსად, კედელს რომ ურტყამენ ბურთს და იქი-
დან გააქვთ კარში გოლი. რიკოშეტი დავარქვით ამისთანას.

არსებობს კიდევ ძალადობის იაპონური მეთოდი, ხარაკირს ეძახიან. რო-
დესაც ვინმეს სულიერი დასჯა სწადიათ, ნაწლაგებს გამოიშინებენ, წრეს შე-
მოავლებენ არასასურველი პიროვნების სახლ-კარს და მერე ტრადიციისამებრ
იმ სისხლიანი რკალის გარღვევა აღარ ძალუძს მარადიული პატიმრობისთ-
ვის განწირულს.

აქ ჩამოთვლილი მეთოდებისგან მამაო, შენს შესაჩერებლად შევარჩევთ
ყველაზე ზომიერს, რიკოშეტს.

ეგერ, ხომ ხედავ ჩვენს ანგელოზს, უცოდველს, კაცობრიობის სულის
ნაწილს და მომავლის რწმენას. მე ვეტყვი, თავს ზემოთ კი არ ასწიოს ბოთ-
ლი, არამედ მხართან მიიხუტოს, ყურისგან ხელისგულის მოშორებით. ხო,
ბატონო, ჩემო და აქვე წინადადებას შემოგთავაზებთ, მამაო იოანე-იონა, რჩე-
ბით თუ დაუღმიზნო და ვესროლო-მეთქი. ვინაიდან თქვენს შესაყოვნებლად
ზემოქმედების უკეთესი საშუალება არ გამაჩნია. ვთქვით და მინც გადაწყვი-
ტეთ წასვლა, თქვენი ყოველი ნაბიჯი მომაკვდავის ფეხის გადადგმას დაემს-
გავსება. სანამ დარბაზიდან გააღწევდეთ შეიძლება მღელვარების გამო ნიშა-
ნი გამიცუდდეს და უცოდველი კრავი სანთელივით ჩაქრეს. ვინ უფრო მეტი
დამნაშავე იქნება აქ, მე თუ თქვენ?! ერეტიკოსი მამა თუ ქრისტეს რჯულის
ზედმიწევნით დამცველი ეპისკოპოსი?! ამიტომაც ვფიქრობ, ეგ შამპანური
ჩვენ იარაღით თავმოსახსნელი არ გაგვიხდება. ჩემი მეთოდი არ გეგონოთ.
ანთარიას ნასწავლია.

მთვრალია ერთხელ თურმე, გაღეწილი. ფეხზე ძლივს დგას და მირბის
სადღაც სახეტილოდ. გაშლილია ძმაცაცთან ლოგინი, დიდი და პატარა გა-
ჩერდით ეხვეწება, მაგრამ არაფერი შველის. არ იცის ასევე ნღვინევა ჭკო-
ლა ტიბუამ რა მოიმიქმედოს. წაეხეტება და ათობით ოჯახს აწიოკებს გზა-
დაგზა. მერე დილით მეგობართან ერთად ექნება სიმწრის ოფლის მოსაწუ-
რი. ხოდა, ბატონებო, მიადგება ფერად ტელევიზორს ჩვენი ჭკოლა და გაც-
ხარებული ეუბნება გიორგის:

თუ წახვალ იცოდე დავაფშენი იატაკზე, სულ ნამცეცებად ვაქცევო. მაგ-
რამ ჩვენი მთვარეული ყურსაც არ იბერტყავს. სხვა რა იღონოს ჭკოლამ,

უცებ თვალს ჰკიდებს მთვრალ მუშაშქუა ტიბუას, ტახტაზე გაუხდელად მიწოლილს. მივარდება მსწრაფლ, წაუჭერს ყელში და ისედაც მისავათებულ ლამის არის გაგულდოს.

წახვალ და დავახრჩობო, ეუბნება. ხომ იცით, გაჭრა. გიორგი ანთარია ხელად გამოფხიზლდება.

ოლონდ მაგას ნუ იზამ და ახლავე ვიძინებო. მეც იგივეს ვაკეთებ მამაო.

ეპისკოპოსის მოწყვეთით დაეშვა სკამზე შეცბუნებული ღიმილით, წარბები უთამამებს. ყველამ შვებით ამოისუნთქა.

— არ ავაფეთქოთ, ბაბაია? — იძახის ნიკა, — აგერ, მთლად თავზე შევიდგამ. დაუმიზნე, მე თვალსაც არ დავახამხამებ.

— მოიტა აქ, ამჭერად საჭირო არ არის.

გაუსწორდა ბავშვი მარინას თუ არა, გულგადაქანებულმა ქალმა ხელი სტაცა შვილს და მკერდზე მიიკრა.

— ქალბატონებო და ბატონებო, ვიდრე ჩუბინიძე თავის აბსოლუტურ ჭეშმარიტებას გვადირსებდეს, ჩემსას მოგახსენებთ. ჭეშმარიტება აქ არის, ჩვენს სუფრაზე, თუმცა სახელი ვერ დაგვირქმევია. სხვანაირად გამოიციხულია. სიკვდილის წამალიც ხომ ლაფაროსთან ხარობს ვერ შეგვიმჩნევია თორემ?! ცაში ამაოდ ვიყურებით, საქართველოც ამ სუფრაზე არის მეგობრებო, გნებავთ მთელი სამყარო, გვიის ნუნისის ჭასთან ერთად თუ ჯემალის კომუნიზმიანად. მე ახლა დიდი მოწიწებით ვეამბორები მას, როგორც აბსოლუტური ჭეშმარიტების ფორმულას, — როკიმ შოთის პური აიღო და აკოცა, — აგერ, ქალბატონებო და ბატონებო, ჩემი ღმერთი და რწმენა, პური ჩვენი არსობისა, რომელსაც უფალი საკუთარ სხეულს უწოდებს და კიდევ — ღვინო, სისხლად რომ ნათლავს იესო მაცხოვარი. დიახ, ნამდვილი ჭეშმარიტების მჭედელი მშრომელი კაცია ჩემებურად. მოდით, ახლა და ამ სიდიდის ფონზე შევხედოთ თქვენს თეორიებს.

ლევანი, განსაკუთრებით კი ჯემალი, მშრომელი კაცის პოზიციაზე დგანან, რომლის კისერზე ვსხედვართ ყველა, ნიკათი დაწყებული და იოანე-იონათი დამთავრებული. როდესაც ნამუსიანი პურ-ღვინო ულევად დახვავდება, მაშინ გიორგი ანთარიაც ნორმალურად დაგვიწერს წიგნებს, უფრო სწორად, იძულებული იქნება ისე გამოხატოს აზრები, როგორც ჭეშმარიტი ფასეულობის შემქმნელს ეკადრება, სადად და კონკრეტულად.

ვლადიმირის შეხედულებებიც ამ ხალხს წამოსწევს წინა პლანზე და ალაზნისპირელისაც. აღვნიშნე უკვე, ჯემალთან და ლევანთან სადავო ნაკლები მაქვს-მეთქი. ახლა დავიწყით გულგახსნილად, რას აძლევს ქრისტიანობა აბსოლუტური ჭეშმარიტების შემოქმედ მშრომელს? მამაო, ხომ მეთანხმებით, რომ მართლმადიდებლობის ძირითადი პრინციპები ათ მცნებაშია მოცემული?!

— ნამდვილად! ათი მცნება ქრისტიანობის ფარი და მახვილია.

— ამას არავინ უარყოფს.

პატივი ეცი შენს მშობლებსო, ჩინებულა.
 არა კაცს ჰკლავო, უკეთესს ვერ ინატრებ.
 არ იმრუშოვო, კეთილი და პატიოსანი. არ იპაროვო, ათიანშია მორტყ-
 მული.

ცილი არ დასწამო ადამიანსო, ნაღდია ესეც.
 ნუ გაგეძქევო თვალები სხვისი ცოლისკენო, ნურც მისი სახლისკენო,
 ნურც ყანისკენ და მონისკენო, ნურც მისი მხევალისკენ და ხარისკენო,
 გიორგი, როგორ იქნება მხევალი?!

— მოახლე, ხელზე მოსამსახურე ქალი, — უბასუხა ანთარიამ.
 — კარგი. ნურც მისი კარაულისკენო. ეგ?
 — კარაული ვირია ახალი ქართულით, — თქვა ისევ ანთარიამ.
 — მოკლედ, ნურათფერს დახარბდები მოყვასისასო, შურიანი ნუ იქნე-
 ბიო. ამაზე უკეთეს რჩევას ადამიანი ინატრებდა? მაგრამ ახლა შევხედოთ ათი
 მცნების სხვა მოთხოვნებსაც:

მე ვარ შენი ერთადერთი უფალი ღმერთი და არავინ გაიკარო ახლოს ჩემს
 გარდაო. მორჩა. არჩევანი, განსჯის უფლება წართმეულია. წამში დაგიმონა,
 იხსელა ჯავით დაგაბა, ასი გმირთაგმირი ამირანიც იყო, ვერ აიწყვეტ.

მომღვენო ორი მცნებაც ამ პირველს აძლიერებს:
 ეკრპი არ შეიქმნაო, როცა უკვე ეკრპად შემოგთავაზა საკუთარი თავი;
 ნუ ეთაყვანები თუნდაც შენს მსგავსსო, ნურც მიწაზე, ნურც ცაში და
 წყალში თუ ქვეყნის წიაღში, არ მოუღრიკო თავი მათ, ვინაიდან ჩემი თაყ-
 ვანისცემა სრულიად საკმარისიაო. ადამიანის სულის სწრაფვის დასაოკებ-
 ლად უკეთესი მუხრუჭის გამოგონება შეიძლებოდა?! ნურას უკაცრავად. ხო-
 ლო რაც შეეხება მეშვიდე დღეს გულზე ხელების დაკრეფვას, ნაკლებ საში-
 შია ადამიანისთვის, რადგანაც ამისთანა დოგმებს მომავალში იგი ადვილად
 უკუაგდებას.

ადამიანი ბუნების შვილია, მისი ნაყოფია და მისივე კანონებით უნდა
 ცხოვრობდეს. ბუნებას არ გააჩნია უქმე დღეები, წითელი პარასკევები და პირ-
 ველი მაისები, აღდგომები და რვა მარტები, შობები და შვიდი ნოემბრები.
 ბუნების პრინციპიდან გამომდინარე ესენი სასაცილო თარიღებია. ადამიანი
 პროფესიონალი სპორტსმენით ყოველდღე უნდა შრომობდეს და ისვენებ-
 დეს კიდევ, მაგრამ ჯაფისთვის კი არა, სიამოვნებისთვის; ოფლისღვრისთვის
 კი არა, ნეტარებისთვის. მხოლოდ ამისთანა ვითარებაში აქვს მოწეულ პურს
 და დაწურულ ღვინოს სამყაროსიეული გაგება.

ღმერთმა თითქოს ადამიანს ზნეობრივ-მორალური კანონები კი შეუქ-
 მნა, მაგრამ ამავდროულად თავის ინტერესებში მოაქცია მისი საქმიანობა, მი-
 სი სწრაფვა. გამოადგება ამისთანა განზომილება აბსოლუტური ჭეშმარიტე-
 ბის მფლობელ მშრომელ კაცს?! მეექვსეა, ბატონებო. დამონებული კაცი,
 თუნდაც აბსოლუტური ჭეშმარიტებისგან იყოს იგი, უმაქნისია. ადამიანი
 თავისუფლებისთვის გაჩენილა და როცა უფალი ჩაგძახის, ვითომცდა მის
 შექმნილს: მხოლოდ მე ერთადერთს მომავალი მზერა და სმენაო, დამთავრე-

ბულია სიმღერა. აქედან გამომდინარე, ყალბია საიქიოს სამოთხე და ჯოჯო-ხეთი, რადგანაც ორივე დედამიწაზეა ცხოვრებისათვის დამახასიათებელი თვისებებით.

ჭიაყელას არ გააჩნია თავისუფლება, ეს ადამიანის უმთავრესი ჯილდოა, დიას, მის ხელთაა თავისუფალი შრომის და აზროვნების მოთხოვნილება ხანმოკლე სიცოცხლის მანძილზე და როგორც უნდა გავწელოთ იგი, გნებავთ მათუხალას გადავუსწროთ წლების სიმრავლით, მაინც სიკვდილის შვილები ვართ.

მაშ, რა ფასეულობებს უნდა ესწრაფვოდეს კაცობრიობა თუ არა თავისუფალ შრომას და ფიქრს?! თქვენებური მსჯელობით უფრო მდიდრულად შეიკაზმებოდა ჩემი სათქმელი, მაგრამ მე გლეხური მირჩენია, ზიზილ-პიპილებისაგან გამოხშირული. მაღალფარდოვნებისა და ფერ-უმარილების დიდოსტატი ჩვენი ანთარიაა, მაგრამ სახეყირმიზ ქალიშვილს რაში სჭირდება საღებავები?! მისი სინორჩისთვის ხომ სრულიად შეუფერებელია ყოველი კოლორი. არც ასაკოვან მანდილოსანს შეეფერება პატარძალივით გამოპრანჭვა, რადგანაც მისი ასაკი, მისი ქალური უნარები შეუსაბამოა გარეგნულ მონაცემებთან. ასეთივე მოთხოვნებს ვუყენებ მწერლობასაც, ფილოსოფიასაც.

ერთ ჩემს მეგობარ მანდილოსანს დავესესხები, რომელსაც ტანსაცმელი ეშმაკის მოგონილად მიაჩნია. რომ დავუკვირდეთ სწორედ ტანსაცმელმა მიაჩნია ადამიანი ქვეშევეშობას, შენიღბვას, აფერისტობას.

ესე იგი სიყალბეს. ხელის გამოჩენის არ გვრცხვენია, არც — ყურებისა და ცხვირ-პირისა. მაშ, რა დაამავა სხეულის სხვა ნაწილმა, რატომ უნდა დაიფაროს ისინი ეკლესიაში შესულმა მლოცველმა მამაკაცმა გადმოშვებული ქსოვილით?! ეს ხომ აბსურდია, ბატონებო. ისე არ ჩამომართვით თითქოს პორნოგრაფიას ვქადაგებდეთ. ვილაპარაკოთ მთავარზე, წვრილმანებზე ხომ უჩვენოდაც ყბედობს მთელი მსოფლიო?!

ადამიანს რკინის ჭიშკარი, ყრუ კედლები კი არა, კარებში გაკეთებული საჭვრეტი აგრძნობინებს ყველაზე მეტად, რომ საპატიმროშია. განა სხეულის გამონათების შეჩერება შეუძლია ქსოვილს, რომელიც თვალისთვის უხილავ მილიარდ სხივს და სპექტრს გამოსცემს სინამდვილეში?! თქვენ კი, ბატონო ვლადიმირ, აფანტაზიორებთ ადამიანის ბიოგრაფიას. მისი ღვთიური წარმომავლობის დასამტკიცებლად არანაირი საბუთი მოგვპოვებათ, ბუზს აქლემად წარმოაჩენთ. აქ სავესებით ვიზიარებ ჯემალის შენიშვნებს თქვენს თეორიაზე. თქვენებური ღმერთი ჩემთვის იგივე სრულყოფილი ადამიანია. ამას კი მილიარდი თაობაც ვერ მიაღწევს ალბათ, მაგრამ სრულქმნის პროცესში დარწმუნებული ვარ ჩვენი მოდგმა თანდათან ჩამოიშორებს ყოველგვარ ზედმეტ ბარგს, რაც განვითარების გზაზე ეღობება. ამიტომაც დაიღწევა ყველა რელიგია, ბუდიზმი იგი, ზოროასტრიზმი, მართლმადიდებლობა თუ ისლამი. აქედან მოყოლებული არც ნუნისის ხვრელში ჩაძვრომა დაგვკირ-

დება და აღარც ნოეს ქვის კიდობნები დედამიწის მოძრაობის შესაჩერებლად. დიახ, მე ვგვრდები მაიმუნის ჯოგიდან გამოღწევის თეორიას, იმ მაიმუნისას, ფულუროში რომ შეჰყო ხელი, კაკალი მომუჭა, მაგრამ გამსხვილებული მუშტი უკან ვერ გამოაქვს, არც ნუგბარი ეთობა, ხოდა, დაიჭერენ მონადირენი ან ტყუური შეჭამს, თუმცა ჩემი წინაპარი ის არის, რომელმაც საფრთხის მოახლოებისთანავე ხელი შეუშვა იმ სატკბარუნებელს და უფრო მთავარი, ტყავი გადაირჩინა.

სასაცილოა, საკუთარი კუჭის გვრემისთვის ვერ მოგვივლია და კოსმოსისკენ გავრბივართ. რაღა ბევრი გავაგრძელო, აგერ, თქვენი საუბრიდან გამომდინარე, ლამის კოლხეთის წარსული სამარიდან ამოვთხაროთ და ჩვენი დღევანდლობა ჩავაწვინოთ შიგნით მის სანაცვლოდ. აქამდისაც მითქვამს, უკიდურესობა, ფანატოზში ღუპავს მაიმუნსაც და ადამიანსაც. ბატონი ჟემალის სწავლებით დილაქტიკა არ ცნობს უკან დაბრუნებას, გარდასულის სიტყვასიტყვით გამეორებას და თუ არის დროებითი უკანდახევა, ესეც ტრამპლინია პროგრესისკენ, ახალი ფორმა-შინაარსისკენ.

დავუშვათ, ბატონებო, რომ კოლხურია ოქროს მოპოვების წესი, ფოლადის გამოდნობის საიდუმლოება, მედიცინა, ანბანი, პური და ღვინო, მრავალხმიანი სიმღერები, კარგად გესმით თქვენ რასაც ნიშნავს ეს ყოველივე?! ხომ გავარკვეით ერთხელ გარდასული არასდროს მეორდებაო?! მაშინ რატომ ვერ ვიცვილებთ თავიდან გაორებებს?

— ეს უკვე კამათი არ არის, მონოლოგია, — თქვა ვლადიმირ ჩუბინიძემ.

— კამათით ჭეშმარიტების დადგენას თქვენც რომ უარყოფთ?! აბსოლუტურ ჭეშმარიტებას ვერ-ვერობით მე ვფლობ არა მარტო საქართველოში, არამედ მთელს დედამიწაზეო. მოვრჩები ორიოდ წუთში და იმონოლოგეთ რამდენიც გნებავთ, ამისი სურვილი თუ გაგიჩნდათ. გეთანხმებით, მართლაც ყუყჩობაა მეგრული და სვანური მარგალიტები მეწყერს გავატანოთ. ჩვენ ეს ენები დიახაც უნდა შემოვიშველიოთ ჩვენი მწერლობის, ჩვენი აზროვნების აშენების პროცესში, მაგრამ წარსულის გაფეტიშება, იგივე ფანატოზშია. დავუშვათ, რომ მთელი კაცობრიობა აქედან წარმოსდგა. მერე?! ვინ ხარ დღეს?! ვინც შენგან წასულა, გენიოსია, ვარსკვლავებს წყვეტს, შენ კი ტალახში მუცლით ღოღავ. ან რომელი ერი გატეხავს შენთან პურს ამისთანა განცხადებების შემდეგ?! აფხაზეთში იარაღის ჟღარაუნს თუ ოსეთში ხმა-აწეულ ლაპარაკს ამნაირი საუბრები უდევს საფუძვლად.

მაინც როგორ მიმართებაში უნდა განვიხილოთ კოლხეთი და საქართველო?! ვთქვათ, დედამ შობა შეილი, ულამაზესმა ქალმა გააჩინა ულამაზესი ასული თუ ძე, ხოდა, გარკვეული წლების შემდეგ მიცვალა კიდევ ბუნებრივი სიკვდილით, შეილი კი აგრძელებს სიცოცხლეს, მაგრამ მთლად ალი-კვალი

ისიც ვერ იქნება თავისი წინაპრისა, რაღაცით ნაკლები, რაღაცით მეტი, მოკლედ, საფლავიდანაც ვერ ავაყენებ ზუსტად ისეთს, როგორც ოდესღაც იყო.

კოლხეთისა და იბერიის ერთიანობამ შექმნა საქართველო. ვისი მეტი აქვს ამ შვილს ნუ გამოვედევნებით, რადგანაც ორივე მშობლისგან მოსდგამს საუკეთესო. გავა ათასწლეულები და საქართველო კვლავ შობს ახალ მემკვიდრეს, მაგრამ შესაძლოა მაშინ უკვე მას სულ სხვა ერქვას სახელად, არც კოლხეთი და იბერია, აღარც — საქართველო, არამედ დავუშვათ, და — გურია, ამ სახელის გარშემო თუ დაირაზმება საქართველოში არსებული ყველა ეთნიკური ჯგუფი, მათი დაქსაქსული ენერგია, სახელმწიფოებრიობაც გურულისთვის დამახასიათებელი ნიშნით წარიმართება უმეტესწილად, ხოლო თავად ქართული დრომოქმული აღმოჩნდება და უფრო ახალს, ენერგიულს დაუთმობს ასპარეზს. ამაზე თავის მტკრევა არ ღირს. უმჯობესია მშრომელ კაცს დაუბრუნდეთ, რომელსაც კისერზე ვასხედვართ ეპისკოპოსიც, მეცნიერიც, მწერალიც, პოლიტიკოსიც, ქურდიც, პოდოიასნიც, მაგრამ ერთხელ ყელში თუ ამოუვიდა სრულყოფილებისკენ მიმავალ ადამიანს და გვითხრას:

მე ნაღდ პურ-ღვინოს გაქმევ-გასმევდით, სამაგიეროდ რა მომაწოდეთ სულის საზრდოდო, ხომ გავასავსავებთ ხელებს უმეტესი?! ბატონებო, თქვენს შესახებ დედაქალაქში კი არა პერიფერიებშიც მოეხსენებათ ზოგი რამ. თქვენ ქმნით საზოგადოებრივ აზრს, მაგრამ ამისთანა ზღაპრებისგან მე ნიკა უძილობით დამისახიჩრდება, ვინაიდან მსგავსი ფანტაზიებით თუ ინტერპრეტაციებით ამ ღლაპის მოტყუებაც ძნელია უკვე.

მოკლედ, არ არსებობს კოლხური ოქროს ზოდი, რომელიც ქართულ სპილენძის შაურიანში გაიცვლებოდეს, რადგანაც პირველი წარსულია, მირაჟი და როგორც უნდა ვატრიალოთ ჯვარი, ქრისტეს სხეულით დაფარული თუ შიშველი, ბზარის მეტს ვერაფერს გვაჩენთ ჩვენი მამულის სულში.

მშრომელი ადამიანის გარშემო, მისი ინტერესების სადარაჯოზე უნდა დავდგეთ ყველა. ქვეყანას ნუ დამიქუცმაცებთო, გვეუბნება ის კაცი. გასაგები ენით აღმიწერეთ გენიალური ამბებიო, გვეჩიჩინება. საზოგადოების მართვის სწორი კანონები და მეთოდები შეიმუშავეთო, გვავალდებულებს. აგერ, მამაო იოანე-იონა, მე განვმუხტე ჩემი „ტეტე“, და ყველას გაძლევთ თითო ვაზნას სამახსოვროდ და ვიდრე თქვენი ნააზრევის გამოქვეყნებას დააპირებდეთ, ერთხელაც დაფიქრდით, საზიანო იქნება თუ სასიკეთო ჩვენი სამშობლოს ერთიანობისთვის ის წიგნი, ის მონოგრაფია. ხოლო მაინც თუ არ დაიშლით და მოჰყვებით ქვეყნის მახრებელი აზრების პროპაგანდას, ჩათვალეთ რომ თქვენ დატენეთ ჩემი „ტეტე“, მაგრამ უკვე არა თავზე შედგმული ბოთლის დასამსხვრევად, არამედ — უშუალოდ ნიკას სასიკვდილოდ. ვესესხები ბატონ ჯემალს და ჩემებურად ვიმეორებ, რომ ტალანტი ქმნის იმას, რაც შე-

უძლია, ხოლო გენიოსი — აუცილებელს. თქვენ ნაღდი ტალანტები ბრძანდებით, ბატონებო, და მოდით, ამიერიდან აუცილებლისათვის ვიფიქროთ ერთობლივად.

დადუმდა ყველა. როკის სიტყვამ პოლემიკურ საზოგადოებას წყალი გადაასხა. ვერც საუბარი აეწყო, წასვლასაც ვერავინ ბედავდა. სადღეგრძელოებიც ნაძალადევი გამოსდიოდათ. აქა-იქ გამოკრთებოდა ფრაგმენტულად სადღეისო ჭირ-ვარამი, მაგრამ როკი ოდიშელის მენტორული ტონის შემდეგ აღრინდელი დიპლომის ბუნებრიობა ჩაქრა და ცხადია, ღვინოვაც ნელ-ნელა აიწვეტა.

მოუსვენარი ნიკა სულ მამის გვერდით იწვა, ზუგდიდშიც, აქაც. დაადებდა თავს მკერდზე მშობელს და სანამ ზღაპარს არ მოისმენდა, არაფრით დაიძინებდა. უკვე მესამე კვირა სრულდებოდა, რაც მძიმე ჭაპანს შეემა როკი ოდიშელია, მაგრამ ბოლოს და ბოლოს შემოელია არაკები. ცეროდენა კი არ ცხრებოდა, თან ერთხელ განაგონს როგორ იკადრებდა პატარა უფლისწული?! ნათქვამია, გაჭირვება მანახე და გაქცევას გიჩვენებო, ჰოდა, კაცსაც ისლა დარჩენოდა, ახალ-ახალი ზღაპარი შეეთხზა შვილის უძლები ბუნებისთვის, რომლის მთავარი პერსონაჟიც ძირითადად თვითონ გახლდათ და რადგანაც თავგადასავლებისთვის ხელი ჯიბეში არ ჰქონდა ჩასაყოფი, როკი ოდიშელის დაჭიმული ცხოვრება ჰიპერბოლური ფერებით მკვიდრდებოდა მოზარდის ხალას ცნობიერებაში.

ნიკას ჩვევად ჰქონდა გადაქცეული, როცა ყურს უგდებდა ზღაპარს, ცერა თითს პირში იღებდა ხოლმე და „კოლი-კოლის“ იძახდა. თუ ბაბაიას მონათხრობი მაგრად მოეწონებოდა, ხმიანების ტემპს მოუმატებდა — „კოლი-კოლი-კოლი-კოლი“. ხოლო სახელდახელო არაკი უდიდამო თუ გამოუვიდოდა მოიგავეს, მაშინ ძლივს გასაგონად ერთხელ იტყოდა „კოლის“. ეს კი ნიშნავდა, რომ საქმე ვერ იყო კარგად. ამისთანა შემთხვევაში ბავშვი მიზეზიანობდა, ჭინჭულობდა, ფეხებით საბანს აყრიდა, მატყუებო, ბორგავდა.

— მოსკოველ ბიძას გეფიცები სრულ სიმართლეს მოგახსენებო, — თავს იმართლებდა მეზღაპრე, მაგრამ არაკი სანამ მიმზიდველი ელფერით არ აციადებოდა პატარასთვის, იჯდა ლოგინზე თვალბეჭეტელი, გნებავთ დილამდე გელოდნა უინტერესო ამბავი და გააწამებდა ჰიმენეს დანატრებულ ცოლქმარს. ასე აეწყო როკი ოდიშელის საქმე: მოვლენებს წახანაგები უნდა წაუბასროს, ფათერაკები მოამრავლოს გზებზე, ურჩხულები ამოსტყორცნოს ჭურღმულებიდან, ხმალამოშიშვლებული გამოენთოს ქარ და ქარ მათ პირსისხლიან თავებს და რადგანაც საპატიმროთა რეალობებს ბევრი არ აკლდა დრაკონულ თვისებამდე, ოდნავი კოსმეტიკის წყალობით ჩინებული ზღაპრები გამოსდიოდა. ყოველ შემთხვევისათვის ნიკას მოთხოვნებს სავსებით აკმაყოფილებდა და ონავარიც ათიოდე წუთში ნაკადულივით მითვლიდა. და,

აჰა, ერთხელ თბილისის ცამაც კოკისპირული წვიმა დაუშვა. სასტუმროს სახურავს უთხლამუნებს. ფანჯრის მინებს აზანზარებს ელვა-ჭექა-ქუხილი და ნიკამაც ნახა ზედგამოჭრილი დრო.

— ჩქარა დავწვეთ, ბაბაია, ზღაპარი მომიყვი! — შეუჩნდა მშობელს.

მიტყუებულ საწოლებში დედ-მამის შუაში მოკალათებულა შავთვალ-წარბა ანგელოზი და მის სიხარულს საზღვარი არა აქვს. სულ იმის მოლოდინშია როდის აუბნდება მამა ჯადოსნური ზღაპრებით.

კაცი ღიმილით გადახედავს ქალს. ქვეტექსტურად კითხულობს მის განწყობილებას, რანაირი ზღაპარი სჯობია, მძაფრსიუყუტიანი თუ დუნე. გარინდული ნიკა მომზადებულია სასმენად. სტარტზე შეუყენებია ცერი. თვალელებში მისჩერებია მშობელს. დაალებს ბაბაია პირს სალაპარაკოდ თუ არა, მალხაზიც იტაკებს თითს საინფორმაციო ნაპრალში და გაინაბება. ჯერ ხმას არ იღებს, გატრუნულია, არ იცის რანაირი ფაბულისას შემოსთავაზებენ, საით გაქროლდება, როგორ.

— ბაბაია, მოგიყვები ჭურიაში რაც გადამხდა, მხეცებითა და ნადირებით სავესე უღრანში.

— კოლი, კოლი, — ორჯერ დაიძახა ნიკამ. გამოდის რომ მოსწონს, ბავშვის ცნობისმოყვარეობა გაღიზიანებულია.

— ერთ ღამეს შეგკაზმე ჩემი შავი რაში, მაღალი, წვრილ ფეხებზე მდგარი, მიწაზე ფლოქვებს რომ დაარტყამს, ნაპერწკლები ცვივა. ლონდონისა და პარიზის ცხენთა შეჯიბრების ორგზის ჩემპიონია. ჩორთით, თოხარიკულად თუ გალოპით მავალს კისერი მშვილდს მიუგავს, ხოლო სირბილში ისარიც ვერ დაეწევა. სადავეს ოდნავ მოჭაჩავ და ეგრევე ყალყზე დგება.

ნიკამ ვერ მოითმინა და დასცხო: — კოლი, კოლი, კოლი, კოლი!

— დავადგი ვერცხლის უნაგირი, — აგრძელებს როკი ოდიშელია, — მოვუჭირე ვერცხლის მოსართავეები. ლაგამის ხრამუნის ხმაზე ბაყაყები წყალში იმალებიან. მხრებზე შავი ნაბადი მოვიგდე, შავი ყაბალახი მოვიხვიე თავზე. მაუზერი და „ტიტე“ ქამარში გავირტყე.

ნიკას სულმა წასძლია, თითი მოაშიშვლა.

— ტყვიები რამდენი გაქვს? — იკითხა და ისევ იტაცა პირში ცერი.

— ტყვიები? ხუთი აათასი.

— კოლი-კოლი-კოლი-კოლი — დასცხო ნიკამ.

— ხოდა, ავტომატიც მხრებზე მოვიგდე.

ბავშვმა ცერი სწრაფად გამოიღო პირიდან;

— ტყვიები რამდენი გაქვს? — ჩაეძია მშობელს და ისევ აღიდგინა ძველებური პოზა.

— ტყვიები, ათი აათასი.

— კოლი-კოლი-კოლი-კოლი, — დასჭექა კვლავ ნიკამ.

— ხო, ბაბაია და ღამეა. თითს თვალთან ვერ მიიტან. ლაგამით ვერ ვაკვებ რაშს. ტორებით მიწას ანაპერწყლებს. ფაფარი ეწეწება. თვალებს გიჟივით აბრიალებს, გაბრაზებულ ჯოჯოს რომ სჩვევია, ისე. გარეთ გრიგალი მძვინვარებს. ეჯახუნება ხეები ხეებს, იღეწება ტოტები. ფხრიწავს ზეცას ელვა-ჭექა-ქუხილი. ცასაწვდენილ მუხების კენწეროებზე მეხისგან აქა-იქ ცეცხლი ჩნდება. ქვეყანა კოკისპირული წვიმისთვის ემზადება. რაში ყალყზე ღგება. მარჯვენათი დავსცხებ მათრახს გავაზე, აღვირს მიეჟშვებ და მოწყდება ადგილიდან. ფლოქვებისგან წამოყრილი ბელტები ბათქაბუთქით ცვივა ზურგს უკან. მარცხენა ხელით სადავესთან ერთად უნაგირის კეხს ჩავეჭიდები. ისარივით მიჭრის მერანი. სირბილით მივსდევ გვერდიგვერდ. მეშინია არ გამისხლტეს. ამასობაში ავიწევი და ზედ მოვევლები. ფეხებს უზანგში შევყავი. კისერთან ზონარით შეკრული ნაბადი ფრთებივით გაიშლება, ფრიალებს. ჰაერის მოწოლისგან თვალებს ვერ ვახელ. დავსცხებ კიდევ, მოვიხედავ და ფლოქვებისგან წამოჭრილი ბელტები ყორნების გუნდით არ მომსდევს უკან?!

აქ ნიკამ ისევ წააყარა კოლი-კოლი-კოლი-კოლი, მაგრამ უცებ შეწყვიტა, პირიდან თითი გამოიღო და იკითხა:

— სად მირბიხარ, ელ-ჭექია, ქუხილი. ისეთი რა გაგჭირვებია, სახლში ვერ დაეტიე?!

— ოოო, — უცებ მოიფიქრა როკიმ, — სად მივდივარ და საჭმელის საშოვრად, სანადიროდ.

— დღისით გენადირა.

— დღისით ვიძალბოდი, მილიცია დამიჭერდა.

— კარგი მაშინ, — დაყბულდა ნიკა და ისევ ჩაიღო ცერი პირში.

— ხოდა, მივჭირვარ მდინარე ჭურჩის ნაპირას. მერანის ქროლვისგან ხასხასა ლერწამი მიწაზე ეფინება. ორივე ხელით მოვწევ ლაგამს. ცხენი ყალყზე შედგება. შორს მრუმე ტყე მოჩანს, ისეთი ხშირი, ისეთი უღრანი, ქენია ბებიას სავარცხლის კბილები რომაა, ნემსს ვერ შეიტან გაუკაწრავად. ჩამოვიხსნი ავტომატს, ერთ ჯერს კენწეროების სიმაღლეზე მიეჟშვებ.

— ეგ რატომ? — იკითხა ნიკამ.

— რატომ, ბაბაია და ვეფხვები, ლომები, ირმები, ტახები დაფროთხე. ტყუარები გარბიან წინ, ზედახორაა, გასწრებაზე არიან. აპაპაპაპა, მივყვი ნადირებს. ზოგს გავუსწრებ კიდევ, მაგრამ იმათ არ მოვკლავ, სუსტები არიან. ხოდა, სამ კილომეტრში უშველებელი მინდორია. იქამდე უნდა გავრეკო. უმოკლესი გზით დავუვლი და მერე დავხოცავ. ერთიანად დამფროთხალი ცხოველები თავზარდაცემულები გარბიან. მიწას გაკრულია სროლაში დიდი და პატარა. მე კი უმოკლესი გზით ჩავჭერი, ჩავუხვევ, მაგრამ ბედი არ გინდა?! უცებ საშიშროებას შევეფეთები.

ნიკა განაბულია, არაფერს იძახის.

— ხოდა, წინ ენგურ-მდინარე გადამელობება, ერთი კილომეტრის სიფართის.

— ძალიან დიდია? — იკითხა, „კოლი-კოლი“ გადავიწყებულმა ნიკამ.

— აი, ჩვენი სახლიდან მანცხვარკარის ეკლესიამდე რომ მანძილია, იმხელა.

— აუჰ! — სიხარულისგან ტაში შემოჰკრა ნიკამ და ჩვეულ პოზიციას დაუბრუნდა.

— სიღრმით ათი ფიჭვი რომ დაადგა ერთმანეთზე იმოდენა. ჩემს ნაბაღზე უფრო შავი, მღვრიე. ხეებს ნაფოტივით მოაქანებს. უშველებელი ბორბალივით ტრიალებს მორევი. სახლისხელა ძაბრი წარმოგიდგენია? ხოდა, ეს არის ერთიანად რომ ნთქავს ყველაფერს, ნავებსაც, ხეებსაც. მოცდის დრო ამოწურულა, მაგრამ მერანი შედრკება, ყალყზე შედგება. ჭიხვინებს და ჭიხვინებს ფაფარაშლილი. მეც შევშინდები თითქოს, ვფიქრობ, ვაითუ დავიხრჩო, ნიკას რა ეშველება, ზღაპარს ვინ მოუყვება, ჯობია უკან დავბრუნდე-მეთქი და მოვატრიალებ ოფლში გახვითქულ რაშს.

ცეროდენამ თითი ელვის სისწრაფით გამოიღო და იყვრა:

— გადახტი, ბაბაია!

— არ შემოიძლია, დავიხრჩობი, ზღაპარს ვინ მოგიყვება? — ჯიუტობს მშობელი.

— გადახტი რომ გეუბნები.

— იარალი დამისველდება.

— არა უშავს, გაწმენდ, — არ თმობს თავისას ნიკა.

— ცხენს გადამიყლაპავს იმხელა მართუ.8

— მეორე ხომ გყავს?! — ჩაერია კამათში ცოლი.

კულისებიდან მოჭიხვინე სათადარიგო ცხენი ისეთ დროს შეახსენა მეუღლემ, შეიძლება ზღაპრის ფაბულა სულ სხვა მიმართულებით გაიშალოს, ახალი პერსონაჟიც შემოიჭრას სცენაზე, სრულიად უადგილო და სახათაბალო, მაგრამ მარინას ჩარევა ტაქტიანიცაა, თითქოს გულუბრყვილოც და ამავე დროს თანამეცხედრეს გამომცდელიც. მეორე სინიბი ხომ უმხედროდაა ნახსენები. თუ შემოიშველია იგი მონადირემ, მაშინ ნაპირსგაღმა დარჩა თურმანიძეების ასულის გულის მაკანკალებელი რეალობა. ასეთია სათადარიგო შავრას ქვეტექსტი. კაცისთვისაც გაცნობიერებულია ეს მოზომილი ნიუანსები.

— კარგი აწი, რას ჯიუტობ, ადამიანს სინამდვილე ეგონება, გადახტი, რა იქნება? — შეუჩნდა ვარდისფერ საღამურიანი ქალი.

— შენ რა გენაღვლება, ჭირიმე. აქ თბილად წევხარ, ფუმფულა ლოგინში, მე კი ქვასავით ცივ წყალში გავიყინები, შეიძლება ფილტვების ანთებაც ავიკიდო. მოუყვები მერე ზღაპრებს ნიკას?!

— გადახტი, ბაბაია, თორემ ნადირები შორს წავლენ, ვეღარ დაეწევი, — ყველაზე უზუსტესი არგუმენტი მოიშველია ცუგრუმელამ.

— ესლა მაკლია ცეცხლის ფლოქებიანი მერნის პატრონს! სად გამეჭკევი-ან, ვუცხუნებ მათრახს რაააშს და გადავეშვები გადარეულ მდინარეში.

— კოლი-კოლი-კოლი-კოლი, — დასცხო აქედან ნიკამაც.

— ცხენიანად წკვერემიაში ჩავექანები. მთავარია ფსკრამდე მივალწიო, თორემ იქ დაჰკრავს მერანი ტორს და ისევ ზემოთ ამომტყორცნის.

უშველებელ მორებს ხელებით იცილებს როკი ოდიშელია. სუნთქვაშეგუბებული ტყვიასავით ეშვება ძირს. ღლაგების ქარავანს ისეთი სისწრაფით ჩაუჭროლებს, უღვაშების აცმაცუნებასაც ვერ მოასწრებენ, და როდესაც ტაიჭი იგრძნობს ფეხქვეშ მიწას, აძგერებს ფლოქებს მძლავრად და საცობივით ამოისვრის ლოქოების მუცლით განათებული მდინარის ზედაპირისკენ, თანაც მთელი ეს დრო ნიკას „კოლი-კოლი“ წამითაც არ მოშორებია მის ყურთასმენას.

— გავალწევი თუ არა ნაპირს, რაში ისე შეიბერტყავს სხეულს, ბალახებს კოკისპირულ წვიმად მოეჩვენათ ტანიდან მოშორებული წყალი. მოკლეზე მივჭრივართ და მივჭრივართ. სრბოლაში სველი ტანსაცმელი შემაშრება, — „კოლი-კოლით“ დაკავებული ნიკა რატომღაც არ კითხულობს მინდორში ნადირები საიდან გაჩნდნენ, ან მდინარე როდის გადმოლახეს, — ხოდა, დავუმიზნებ შველს.

ნიკამ უსწრაფესად გამოიღო თითი.

— შველს არ ესროლო! — თქვა და ისევ იტაკა ცერი პირში.

— კარგი, ახლა დავუმიზნე ირემს.

ბიჭუნამ კვლავ გამოინთავისუფლა პირი სალაპარაკოდ.

— ირემს არ ესროლო!

— აბა, რა ვქნა, ბაბაია? არაფერს მაკვლევიანებ. ისინი მელოდებიან მშვიდრები. ნანადირევი არ წავიღო?

— მგელს ესროლე, ტურას, მელას. ვეფხვს და ლომს არ ესროლო!

— კი, მაგრამ მგელი და ტურა რომ არ იჭმევა?!

— არა, იმათ არ მოგაკვლევიანებ, ლამაზი ცხოველებია.

— დაწევი, თორემ დაგზოცავთ-მეთქი, მივაყვირებ მხეცებს, ავტომატის ერთი ჯერი ჰაერში დავცლი. ყველა მიწაზე დაცვივდება, მართო შველი და ირემი მიყურებენ თვალბში. ცრემლი მოსდით, ტირიან.

— არ ესროლო! — წამოვარდა ნიკა, ყვირის, ღრიალებს.

ბაბაიას შველისთვის დამიზნებული ავტომატი ჰაერში გამეშვებია.

— არ ესროლო! — წიწმატობს ცოლი, — ნუთუ სიბრალულის გრძნობა წაგვერთვა? რას ატირებ ბაღანას, ამაზე მეტი ჭკუა არა გაქვს?!

— შენ ბიძია, გამაძლარი ხარ, ისინი კი მშვიდრები მიციდიან, რა მივუტანო?

— მაინც ვინ, ისინი?!

— ღორს ესროლე, ბაბაია! — იპოვა გამოსავალი ნიკამ.

— ადექით ახლა და დამეკარგეთ თვალთაგან-მეთქი, ვუყვრე ცხოველებს, სადმე არ გადამეყაროთ, თორემ სისხლს დავღვრი, ცოცხალი თავით ვერ გამას-წრებთ. ლომებს და ვეფხვებს რცხვენიათ, თვალს ვერ მისწორებენ. თავჩაქინდ-რულნი მიემართებიან ტყისკენ. შველი და ირემი მადლობის ნიშნად კუნტრუშ-კუნტრუშით გავარდებიან.

— კოლი-კოლი-კოლი-კოლი, — მოზარდის გულისძგერა ცას წვდება სი-ხარულსგან.

— თქვენ, ეი, ღორებო, ღრუტუნებო, დარჩით ადგილზე, არ გაინძრეთ, თო-რემ ამოგზოცავთ ერთიანად. მარტო გოჭები და მოხუცები გამოდით! ვესვრი და ერთ მტკაველშვიან ტახს გავაგორებ. ისეთი ჯაგარი აქვს კილომეტრნახევარი თოკი და ბაწარი დაიგრინება წყალში ჩავარდნილი ჭიანჭველას გადასარჩენად. დავწვდები ჯაგარში ცხენიდან ჩამოუსვლელად, ავთრევე ძლივსძლივობით, უნა-გირის კეხზე გადმოვიდებ, ეს წუთია და წამოვა კოკისპირული წვიმა. თქლამუ-ნებს და თქლამუნებს თავსხმა. რა უნდა გქნა?! ამოვიღებ ზონდიკს,* დავაძვრენ ფარანს, გავინათებ გზას და ჩორთით, თრახათრუხით მოვდივარ უკან.

ნიკამ „კოლი-კოლის“ ტემპი დააგდო, გადმოიღო თითი და ნახევრად მძინა-რემ წარმოთქვა:

— დააგდე ზონდიკი, ფარანი ჩააქრე და შეინახე!

ატყდა ჩხუბი.

— ავტომატიან კაცს ზონდიკი რად უნდა? — იბღვირება ნიკა.

— შენ ეს მთლად პატარა ნუ გგონია, ოთხის გახდება სადაც არის, — ჩა-ერია ისევ ცოლი, — ვის უნახავს ავტომატიანი კაცი ცხენზე ზონდიკით ამხედ-რებულში?! ან ეს ფარანი საიდან მოიტანე, თავიდან რომ არ გქონდა?

— ენგურში ვიპოვე, გადარეული მდინარე ხეებთან ერთად იმასაც მოაცუ-რებდა, მაგრამ დამაცალეს თქმა?!

— კარგი ახლა, ეძინება, ნუ გააგიჟე, გადააგდე წყეული ზონდიკი!

— რატომ არა, თქვენ აქ თბილად წევხართ, მე კი წვიმაში მეორედ დავს-ველდები, — როკი ოდიშელის დაავიწყდა უკან მობრუნებისას მეორედ დავს-ველდებულა. უნდა ეთქვა მესამედო, — გამოჭირდება უსინათლოდ გზის გაგ-ნება, მაგრამ აგერ არა მკაცს ცეცხლისფლოქებიანი რაში? დავსცხებ და დავსცხებ მათრახს, მოსწყდება ისარივით ადგილს.

გაისმა ნიკას „კოლი-კოლი-კო...“, თითი პირში აქვს გაჩრილი. ნებიერ ძილს მიუტაცნია ჯადოსნური ნადირობით დაქანცული ონავარი.

ლიგა მეთორმეტი

მორდუ
923076

ოთხმოციანი წლების კლასიკური ქართული წყველა პოლიტიკური ხასიათისაა, რომელშიც ზედმიწევნით აისახა საბჭოეთის ათაშანგიანი სხეულის რღვევის ტიპური სურათი. სახელმწიფო მოღვაწეთა ბიოგრაფიები ხომ გაჭრილი ყველივით ჰგვანან ერთმანეთს. ისინი ყმაწვილობისას პოეზიაში სინჯავენ ხოლმე კალამს და როდესაც ამ გზაზე სრული ხელმოცარულობა გადაეღობებათ დიდების მწვერვალებისკენ, ეგრევე პოლიტიკას შეეფარებიან, რათა თავიანთი ცხოვრებისა და მოღვაწეობის მინორული აკორდები მემუარების ღავლავეთ ჩასარულონ.

ლექსების წერით შეუდგნენ გაორებულ აღმართებს მარქსები და ენგელსები, ულიანოვები და ჯულაშვილები, სხვანი და სხვანი უცხოური თუ ეროვნული სინამდვილიდან. რომელ ქართლოსიანს არ აძგერებია გული ბალდი სოსელოს „აყვადი ტურფა ქვეყანათი“, მაგრამ ამისთანა პიროვნებათა შემოქმედებითი პალიტრა, როგორც აღინიშნა, „გალობანი სინანულისანით“ მთავრდება, ან უარეს შემთხვევაში სწორუპოვარი მასალაა ლეონიდის ბელეტრისტულ მოტივებზე შექმნილი გურული დედაკაცის წყველაჩაქვესკენელებისა:

— ყამირზე დამარხულს, მცირე მიწა დაგაყარე და აღორძინება არ გღირსებოდესო.

ჰოდა, რომ დაიწყო კაბინეტის კარების აგმანვები ოდიშში, ამ ფაქტმა კოლხურ კრულვალოგიაში ჰპოვა ყველაზე სრულფასოვანი არენა:

— კარებზეჭედილი მენახე! — დაისასტიკებდა ზუგდიდელი მანდილოსანი და წირვას გამოუყვანდა ხელად არასასურველი გვამის ყისმათიანობას.

ბევრი უამისოდაც გარბოდა ვირთხის ალღოიანობით ამერიკული რიფების წყალობით საბჭოეთის ფერდებშელეწილი ხომალდიდან. როკი ოდიშელის კბილის ჯაგრისების თუ დიოგენის ფარნის დარად აბრაილდა ზოგიერთის პარტიბლეთი დღისით, მზისით, მილეთ ხალხში, იმ განსხვავებით, რომ აღარც „აივენჰოებს“ კითხულობდნენ ისინი ჭიოტა შუქზე და აღარც ადამიანებს ეძიებდნენ ოკრობოკრო წუთისოფელში.

დინამინჯია შხამწართმეულ ზღვის მორიელს დაემსგავსა. ზევითკენ არავინ უხმობდა, როცა მთისხელა მუგუზლებს შეუნთებდა ქვემოდან კვირაში ჩვიდმეტჯერ მომიტინგე ახალგაზრდობა. ადრე, უსანქციო დემონსტრაციის დასარბევად მილიციის სრული შემადგენლობა რომ ირაზმებოდა ჩაჩქნებითა და ხელჯოხებით, ახლა თავად პერანგგამოცვლილი უხსენებელივით ქაქა-

ნებდნენ იქ. სიტყვა „არაფორმალმა“ ოქროს წონა შეიძინა. წინათ ქურდის პროფესია რომ გამოარჩევდა ადამიანს საზოგადოებაში და ქორწილსა თუ ქელესში ქალები ხელად აჩურჩულდებოდნენ ამისთანა პიროვნების გამოჩენისას, ახლა „ჩემი შვილი არაფორმალაია“, სიამაყით ამბობდა ლერწმის თვისებით ათასჯერ მხარნაცვალი მამა. გაჩნდა თვალსაწიერზე ახალი ჰორიზონტი ეროვნული საქმეების სახით და ეს ფერნაბრუნები ფარა კოჭლი თხების კვანჭალს უკან მოექცა. ჭეშმარიტი სარქლები კომბლემის ტრიალითა და გადაძახილ-გადმოდახილებით მოერეკებოდნენ თავიანთ სამწყსოს აღთქმული ქვეყნისკენ, მაგრამ სანამ ხვევია ბოტების გარამაგებულ სწრაფვას ჩამოიტოვებდა ცხვრების ქარავანი, ქანანამდე ვერ კიდევ გვარიანი გზა იყო.

დიხამინჯიას ბინიდან დიდი ხანია გუშმაგი მოეხსნათ, რადგანაც რკინის კარების ლურსმნებითა და ფიცრებით აჭედდა რომ ვერ მოხერხდა, გულდასმით ამორჩილეს ჭუჭრუტანის დაუტოვებლად, და ერთხელ წყალჩამოსულ მეზობელს მეხანძრეების გამომძახება მოუხდა მოშვებული ონკანის დასაკეტად.

კაბინეტში საუზმობდა და ვახშმობდა დიხამინჯია. სასადილო ოთახში გადაიტანა ღრუბელგადაკრული ტახტი. შინაბერა მდივანმა შალითები, თეთრეული და მისთანანი მოუსადაგა. ჯამ-ჭურჭლეულობაც მოუთადარიგინა. ძალღური ერთგულებისთვის უხდიდნენ მას გასამრჯელოს და მოზღვავებულ ვნებათაღელვასაც ამეებში ფერფლავდა.

სატელეფონო კავშირების გაბედიებაზე მოგვიხსენებია და პლაგიატობა რომ არ დაგვბრალდეს, დიხამინჯია მარკესის შემოდგომურ პატრიარქს დაემსგავსა თავისი გაფუფილი ნატურით, როგორც ოდიშური ხელიკი კოლუმბიურ ნიანგს. ხავსს ჩაჭიდებული გულწყილი ქვეშევრდომები კვლავაც ექვეშევრდობდნენ მის ტოტებჩამომსხვრეულ და რქებდალეწილ მორკმულობას.

ქალაქში ჭორი დახარხარებდა:

— უკვე ნიჩაბია გამოდებული, მაგრამ რადგანაც იქიდან ტელეფონით ვერ ეხმიანებიან, ხოლო წარმომადგენლობა თავს არიდებს პერიფერიებში ზედმეტ მოძრაობებს, იბოგინოს ცხენისგასაჭენებელ კაბინეტში ყელში ძვალგაჩხერილ ძალღივითო.

ეს კაბინეტები კი მართლაც დასახლებული ცხოველის ჭირთათმენით ხრიალებდნენ და ხრიალებდნენ. არც წერო ჩანდა მგლის ნაშიერის ხახაში ნისკარტის ჩამყოფი და კაბინეტების ქრონიკული ხველებით ძილი გაკრთომოდა ქალაქს.

თბილისიდან მობრუნებულ როკი ოდიშელიას მილიციის უფროსმა ადელუამ ხელქვეითები აახლა შინ ნიანგის ცრემლებით:

— უშიშრობაში იარაღის გამოგზავნით როკიმ თვალი ამიხილა, მივხვდი ტერაქტი მისი მოწყობილი რომ არ იყო, მაგრამ თავიდან ისეთნაირად წარმომიდგინა საქმე დიხამინჯია არაკაცმა, მოვტყუვდი, ავყვი დამპალის ფეხის ხმას და კინაღამ გამოუსყიდველი ცოდვა დამადებინა კისერზეო. მაპატი-

ოს კაცურად, ბოლოს და ბოლოს თანასოფლელები ვართ, ერგეტის მიწის შვილები. რაც შეეხება „ოცდაოთხს“, ნებავს გავურემონტებთ და ისე მივუყვანთ, ნებავს ახალს ვუყიდოთ, ურჩევნია ფულს მივცემთ იმის საფასურს, მოკლედ, როგორც თვითონ იტყვის ისე იქნებაო.

მგზავრობით შელახული ვალერიანის ხათრით, მერედა შუამავლებთან ნორმალური ურთიერთობის წყალობითაც ვერ აკადრა სტუმრებს გადაბრუნებული სიტყვა, მაგრამ განშორებისას ასეთნაირად დააბარა მსტოვრებს თავიანთ მესვეურთან:

— გადაეციოთ ტაუს უმცროს ძმას, ერგეტიდან გაბისონიებმა რომ გაგასახლეს, ეგ ნაკმაზი იქნება-თქო. როკი ოდიშელია გედი არ არის ნიშანში ამოიღონ. ჩემთან შეხვედრას ურჩევნია ეგრევე რეანიმაციულ განყოფილებაში წვებოდეს. ხოლო ჩემი „ოცდაოთხი“ ოცდაოთხ საათში ჭიშკართან ეყენოს ისეთივე ცინცხალი, როგორც ჯოტო ოდიშელისაგან წამოიყვანესო, — და გაშვლიბინდნენ უჯარისკაცო გენერალთან ყმა რიგითებო.

ღიხამინჯაის პატარა ნიკას ჭირვეულობა დასჩემდა, იმ განსხვავებით, რომ ბიჭუნა მხოლოდ ცინცხალი ზღაპრებით თუ იძინებდა „კოლი-კოლის“ დახილით, ეს უკანასკნელი მკერდზე ხუთკეცად გადმოფენილ ღაბაბს ხუთივე თითით ჩაფრენოდა ახალი ანეგდოტის მოსმენის მოლოდინში და სანამ ხითხითთ გულს არ იჯერებდა, თვლენა არც მას მოერეოდა. მესხიერება ჩინებული ჰქონდა ოხუნჯობების დამახსოვრებაში და როდესაც თანამშრომლების სიტყვის საგანძურში ამოიწურა ანეგდოტების მარაგი, დააბრიალა ჩაწითლებული თვალები ქალაქკომის მდივანმა:

— ანეგდოტი, ანეგდოტი-მეთქი, — ღრიალებდა დაჭრილი ნადირივით და ისეთნაირად უბაგუნებდა მუშტს მოყანყალებულ მაგიდაზე, ბელადის მოჭუტულთვალებიანი პორტრეტი შიშისგან ძაგძაგებდა.

სიმწრის ოფლით შუბლდაცვარულმა აგიტაცია-პროპაგანდის განყოფილების გამგემ, ზოსი სონგულიამ, ამოიღო უჯრიდან გვარიანად გაცრეცილი თაბახების შეკვრა, რომელიც ქვესათაურებად იყო დაყოფილი, მაგრამ საერთო ნუმერაციით იუწყებოდა სხარტულათა დასახელებებს.

ვის არ შეხვდებოდით აქ, მოლა ნასრედინს ფაფასთვის გავარდნილი ჯამით, ბარონ მიუნჰაუზენს შამფურზე წამოცმული იხვევით, ზვინგაძეს ფრთამომტვრეული თვითმფრინავიდან გაყოფილი მარჯვენათი, შალიკიას და ჭიჭიკიას, მიხოს თავის ჩაპუტკუნებულ მაროსთან ერთად გოდრითურთ, სარას და აბრაამს მოშეს მიმართებაში, სამშობლოს დასაცავად პანდურით მდინარეში გადადებულ ძუკუს, სეროჟას და რაფიკას, გაბროველებს, მამფორიზმებს, ლობიოს ჭამისგან თავმოძულებულ მამანტი კვრიტიას, ბოძს რომ შემოხვევოდა ხოლმე ნასვამობის ჟამს, აქაოდა, ვამართლებ ჩემი შეჭამადის ბოტანიკურ ჩვეულებასო, ახლახან გარდაცვლილი დაჩი კეხუას ოინბაზობებს, კოკორნას ქილიკობებს თუ ფრთიანი სიტყვის უგვირგვინო მეფის — პეტიკო თოდუას ლაღოსნობებს. ორმოცგვერიანი ანეგდოტების ჩამონათვალი

სათითაოდ დანომრილი იყო ერთიდან ხუთის ჩათვლით, რაც იმისი მაუწყებელი გახლდათ, თუ თითოეულმა ანეგდოტმა დიხამინჯიას რამდენი თითი დაასაქმა ლაბაბის ალერსისას.

ზოსი სონგულიას მთელი ღამე არ უძინია, არც თავისი განყოფილების ხალხი მოასვენა, სულ ტელეფონზე იყვნენ ჩამოკიდებულნი. ვის არ შეეხმინან, რომელს, მაგრამ ახალი ანეგდოტი ვერსაიდან მოიხელთეს. იფშვნიტეს ხელები ინსტრუქტორებმა, მაგრამ სადაც არის დიხამინჯიას სოლოტრაპეზიც დამთავრდებოდა და ვიდრე ლაბაბზე დაიწყებდა თითებს, ცხელ-ცხელ ანეგდოტებს თუ არ მიართმევდი, ისედაც მონჯღრეულ მაგიდას მთლად დაანაფოტებდა მოთითთიმე მუშტის ბრაგუნით.

აქეთ ეცნენ, იქით, იჭყლიტეს თავი, გადარეკეს რაიკომელების შესაბამის განყოფილებაში. ახლა ისინი დატრიალდნენ თავის მხრივ, ხან ერთი გვარი შეახსენეს, ხან — მეორე, თუმცა საუბედურად ეგენი დიდი ხნის წინ აეთვისებინათ აგიტატორებს და ამისთანა შეჭირვებულობის ჟამს, უცებ კირილე გოგოხიაო, გაისმა ყურმილში და ზოსი სონგულიასაც სიხარულის ცქმუტვები შეუჩნდა. გავარდნენ გოგოხიებთან ბლოკნოტთა და კალმისტრით. ნახევარ საათში სავარძელში ჩაშვავებულ დიხამინჯიას შემოსხდომოდა აგიტაცია-პროპაგანდის განყოფილება სრული შემადგენლობით.

ზოსი სონგულიასთვის იუმორის გადმოცემის ნიჭი არ ებოძებინა ზეციერს და ამ წმიდათა წმიდა მოვალეობას მისი მოადგილე, თავმოტვლეპილი და ცხვირმოღუნული მატუას ბიჭი ასრულებდა.

მოიფხანა ხუთივე თითით ლაბაბი დიხამინჯიამ და მატუამაც დააღებს პირს საანეკდოტოდ. დანარჩენი ექვსეული გასუსულია. მდივანს არ უყვარს როცა თავზე ადგანან. საერთოდ ვერ იტანს ფეხზე დგომელა კაცს თუ ქალს, როგორც კორსიკელი ბონაპარტი — წოწლოლა გენერლებს. ამიტომაც არლეკინო-შვიდაცა რბილსაზურგეებიან სავარძლებში მოკალათებულა.

— კირილე გოგოხია გეცნობათ, ალბათ, — წამოიწყა მატუამ, ღრანჭი მოიქცია დიხამინჯიას ლაბაბის დასაშოშმინებლად. სახელდახელოდ ჩაწერილი ანეკდოტებისგან შედარებით ლიფსიტა წამოსწია წინა პლანზე, — პანაშვიდია ჭურღულიების ოჯახში, ხალხმრავლობაა. მიმანგარაფალიმ ლატარია ერთ გაწამაწიაშია. რიგიანობას იცავს, თან სიტყვიერადაც აკვლიანებს დამტირებლებს, ქალები ოთხ-ოთხად დადექითოო. კირილემ სტაცა ხელი მეუღლეს, არიქა, გამოდი დედაკაცო, ოთხზე სხვა ქალები დადგენო.

დიხამინჯიამ ოთხი თითი აძგერა ლაბაბს, მხოლოდ ნიკას საყვარელი ცერი გაშეშებია ჰაერში, ათახთახდა, ბოშების საბერველივით აუქშინდა ფილტვები, თვალებიდან კურცხლები გადმოუცვივდა.

— ოთხზე სხვა ქალებიო, არა? — წყვეტილ-წყვეტილად ხაფხაფებს დიხამინჯია. ზოსი სონგულიამ ანეგდოტის გასწვრივ ოთხიანი ჩაწერა.

— კირილე ერთ თავის ნაცნობს ეუბნება, — აგრძელებს უარესად დაღ-

მენტული მატუა, — შენი ცოლი ძალიან ლამაზია, ჩემს ცოლში გაგიცვლი და ჩემი ნათესავის ცოლსაც ზედ დაგიმატებ ხურდადო, — უმზერენ ჩაფუყებულს. სახეზე სიწითლე მოსწოლია. ნაკეც-ნაკეც ჩამოშლილი ღაბაბი ხაზალები გარმონივით იწვლება, ფრუტუნიც ემატება.

— გაგიცვლი და თან დაგიმატებ ხურდადო?! ხი-ხი-ხი-ხი, — ჩაბჟირებულა ღიხამინჯია.

— კირილე და მისი კარის მეზობელი ემზარ ანთია ნარდის თამაშის დროს წაკინკლავდნენ. კირილემ უთხრა მეზობელს:

არ გნახო ჩემს სახლში შე ციგანო, კამათლის დასმას როგორ მიბედავ მაშის ტოლა კაცსო და გააგდო კარიდან. გავიდა ორი დღე. კირილე ჯვარში მიდის ამხანაგის გასვენებაზე. ჯაბახანა „მოსკვიჩი“ მწყობრიდან გამოსვლია. ამ დროს ანთიას ბიჭმა ჩამოისრიალა ცინცხალი „უიგულით“. კირილემ ხელი დაუქნია და გააჩერა. მეზობელი ეუბნება:

წელან სახლიდან გამაგდე, თვალით არ დამენახვო და ახლა რატომ ჯდები ჩემს მანქანაშიო. კირილემ უპასუხა, შე ბოთევ, მე მაშინისტმ რომ ვემდუროდე, მატარებელში არ უნდა ჩავჯდე? წადი შენ ჯვარში და ერთმანეთს ნუ დაველაპარაკებითო.

ღიხამინჯია ხუთივე თითით ებრდღვნა ღაბაბს, მოსრისა და მოიქვლიმა. ცრემლი ღაბაბლუპით ჩამოსდის სახეზე.

— ნუ დაველაპარაკებითო, არაა?!

— კირილე გოგოხია და დურუ მაქაცარია ოცდაცხრა წლის განმავლობაში მუშაობდნენ მუშათა მომარაგების განყოფილებაში, დურუ — უფროსად და კირილე — მოადგილედ. რაიკომის მდივანმა გამოგზავნა კუკური გეთია მეორე მოადგილედ. გავიდა რამოდენიმე ხანი. კუკური ხედავს, რომ დურუ და კირილე არიან განცხრომით, თვითონ კი ზის გაქუცულ ხელფასზე. ერთ მშვენიერ დღეს მივიდა კირილესთან და ეუბნება: მე ქეციანი ხელფასის მეტი არაფერი მებადია, შენ და დურუს კი ფულებზე ძაღლები გიწვანანო. კირილემ მოჰკიდა ხელი, ჩაიყვანა კანტორის შემოსასვლელ კიბეებზე და აჩვენა აბრა, სადაც რუსული ასოებით აწერია „წყს“, მ თან ასეთნაირად გასუმარტა კოლეგას:

წადი რაიკომის მდივანთან, მიაწერინოს „სამს“ და მერე მოგცემთ წილს. ჯერ კი ეს დაწესებულება ორის არის, ჩემი და დურუ მაქაცარიასიო.

ღიხამინჯია მთელი სხეულით ათახთახდა, თითქოს მართლაც კირილეს „მოსკვიჩი“ ყოფილიყო. სავარძლის საზურგეთი კედელს მიენარცხა.

— ეს ვინ ყოფილა, კაცო! — ჩაუბლუჯავს ღაბაბი, თითებიდან ცომივით გამომსხლტარა სლიპინა კანი, — სამს მიაწერინოსო? მანამდე კი ორის იქნებაო, ხომ? — თვალები ცოფიან ძაღლს მიუგავს როლანდს.

— კირილე ბოლო დროს მუშაობდა შემნახველი სალაროს უფროსად, — მთელი სულსწრაფობით გააგრძელა მატუამ, თან კოტიტა თითების ღვანკალს თვალს არ აცილებს, — სამსახურში დენიკინის დროინდელი „მოსკვიჩი“

ჰყავდა, ძლივს რომ დალოდავდა. ქალაქკომის კიბეებზე შეხვდა გონელი თითმერია, რომელმაც დაწვრილებით იცოდა მანქანის სანიმუშო მდგომარეობა და წაეხუმრა:

კირილე, ბიძია, შენთან გრამტო კვარაცხელიამ გამოგზავნა, თბილისში მიდის სასწრაფო საქმეზე და მანქანა მათხოვოსო.

კირილემ უცბად უპასუხა:

ერთი საათის წინ ივლიანე თოდუას ვათხოვე, გაგრაშია წასული ლეონიდის შესახვედრად და როგორც კი დაბრუნდება, ეგრევე მივაგებებო.

ლაბაბი და თითები ცურავენ ერთმანეთში.

— სპილო მივიდა კირილესთან და სთხოვა, საწყობში მიმიწერე წერილი, — აგრძელებს მატუა, — ფეხსაცმელი უნდა ვიყიდო.

კირილემ ჰკითხა, რა ნომერი გინდაო.

ორმოცდარვა, უპასუხა პალადიევიჩმა.

კირილემ ამოხედა ქვემოდან, მოჭუტული თვალებით და უთხრა, ბიძიკო, ორმოცდარვა ნომერი ტრამვაი მინახავს, მაგრამ ფეხი — არაო.

სპილოს ხსენებაზე დიხამინჯიამ ყურები ცქვიტა, თუმცა ხითხითი ისეთი ინერციით გასჯდომია ფილტვებში, ამისი დაოკება არც ისე იოლი საქმეა. ხოლო რაც შეეხება თითებს, ლაბაბს მოშორებია, მაგიდაზე არაკუნებს ვირტუოზი პიანისტივით. ხან მუშტად შეიკვრება, მაგრამ სწრაფადვე გაიხსნება და ციებ-ციხელებს შენთებია შვიდეულს. გაღვანდვალეული ლაბაბი თითთიმებს ალერსის მოლოდინში. გაიფარჩხება თითები, გაიბადრება შვიდეული აგიტაცია-პროპაგანდის განყოფილებიდან. შეიკუმშება და სხვადასხვა მიმიკით დაიმანჭება თითოეული. მოცდის დრო არ არის. მატუამ სხაპასუხით მიაყრა დიხამინჯიას კირილე გოგობიას მორიგი ენამოსწრებულობა, მაგრამ შუა გზაზე აწყვეტინებს გადაჯვარდინებული მაჯებით მდივანი მოანგდოტეს.

— ეგ რომელი სპილოა? — იკითხა ყრუდ დიხამინჯიამ.

მიხვდა მატუა თუ რა მდულარეში ტუცა ფეხი, მაგრამ რას გააწყობს, გაფრენილ სიტყვას უკან რანაირად დააბრუნებს, არადა, პასუხიც აუცილებელია:

— დედით ქირიაა, — ამბობს აწეული ხმით მატუა, მერე მთელი ოქტავით დაადაბლებს, — მამით — ოდიშელია.

— ვის იგდებთ, თქვენ? გამოჩნდა ოდიშელია და გახვედით თავს! მათხოვრები! — აქამდე ხელჭიდისთვის რომ ამზადებდა თითებს, მომუშტა უცებ და ისეთი სიძლიერით დაჰკრა მაგიდას, შვიდეული დაზი ჩიქოვანის პაიკევივით აახტუნა ჰაერში. ბელადის მოწკაპრულთვალეებიანი პორტრეტიც ჩამოსხლტა ლურსმნის საყრდენიდან და ჩამოკონწიალდა ძაფით მხარეთეძოზე.

— სპილოს ორმოცდარვა ნომერი ფეხსაცმელი მინდა ახლა მე?! მოსისხლე მტრებზე მაცინებთ ხომ?! უჭიციანეთ კული ოდიშელიებს, უჭიციანეთ. გაეთრიეთ სანამ სრულ ჰკუაზე ვარ! უდღეურები! მონები!

— ბატონო, როლანდ, — ტუჩები აუთრთოლდა ზოსი სონგულიას.

— თავიდან, მომწყდი-მეთქი! ბოთეებით რომ აივსო აქაურობა, იმიტომაც გვენგრევა ქვეყანა თავზე! სად არის შენი კომუნისტური სიამაყე?! თუ მიაყოლე ღომს ლობიოს მაგივრად?! ეს არის სამსახურეობრივი მოვალეობის პირნათლად შესრულება?! წადით, წადით ოდიშელიებთან და ხურაუბიანებით აგივსებენ კალთას!

— ბატონო, როლანდ, ერთი ანგლოტი კიდევ დაგვრჩა, — წამოიძახა ნაძალადევი სიმკვირცხლით ზოსი სონგულიამ და დიხამინჯიაც ხელად გადააწვა სავარძლის საზურგეს. ლაბაბი მკერდზე ჩამოეკეცა, თითები ნებიერად გაიშალა გულიანი სიცილის მოლოდინში.

ზოსი სონგულიამ კოსტუმის გულისჯიბე მოიხჩრიკა, ჯერ — მარჯვენა, მერე — მარცხენა, როგორაც იპოვა, საბუთებში იქექებოდა ერთხანს, მერე გვარიანი გაბედული ნაბიჯებით წამოაღდა ფეხი დიხამინჯიასკენ.

ვარდისფერი ლაბაბი ტალღისებური ნაკეცებით ჩამოშლია მკერდზე მდივანს. ზედ ყურისძირას მიეახლა განყოფილების გამგე შეფს. დიხამინჯიამ თვალელები მინაბა ნეტარი ანგლოტის მოლოდინში, ის კი არა თითებიც კი წაიღო ნებიერი გოფრეს მოსავარცხნად, მაგრამ მოულოდნელად ისეთნაირად გალაწუნდა თონთლო კანზე პარტიის მანდატი, სარგადაყოლაპულ ექვსეულს თავზარი დაეცა.

— ამაზე უკეთეს ანგლოტს სანთლით რომ ეძებდე ვერ იპოვი დღევანდელ ზუგდიდში! იტყლაპუნე და იტყლაპუნე აწი, სანამღისაც არ დაიღლებოდე, — მიახალა პეტიკო თოდუას მიმსგავსებით და კაბინეტიდან გამოვარდნილის მოჯახუნებულ კარს დაფეთებული ტყურვივით მიაწყდა ექვსეული აგიტაცია-პროპაგანდის განყოფილებიდან.

— ადელუას დამიძახე, ჩქარა! ადელუა-მეთქი! — ყმოდა ტექნიკური მდივნის მისამართით, — ციხეში ჩავალაპობ! ხედავთ, ნომენკლატურულ პირზე ხელის აღმართვასაც ბედავენ უკვე! დამიძახე ადელუას! — ყვიროდა, მაგრამ ვინ იყო ხმის გამცემი?! დიხამინჯიას დავიწყნოდა კვიკვინზე ადრე რომ დაეთხოვა, ხოლო უბელადო პოსტამენტთან დემურ ანთიას მეგაფონით ამიტინგებულ მოედნიდან, ვინ, რომელი ჭკუათმყოფელი მოიცილიდა მხეცივით აზრახებული ფუნქციონერის პატივყრილ ბრძანებათა დასაკმაყოფილებლად?!

კონსტანტინე გამსახურდიას სახელობის ქართული დრამატული თეატრის წინ მჯდომარე აქციას აწყობს „აფხაზური წერილის“ ტონით აღშფოთებული ქართველი ახალგაზრდობა, საზოგადოების ნაწილი;

ქართველი სტუდენტები უნდობლობას უცხადებენ ლიხნში შემუშავებული პეტიციის ხელისმომწერ ადმინისტრაციას, რომლის მიხედვით აფხაზი მოსახლეობა საქართველოდან გამოყოფას და ცალკე რესპუბლიკად დაარსებას მოითხოვს;

ამას მოჰყვება ლესელიძიდან ავტობუსებით მობრუნებული აქციის

მონაწილეთა დარბევა. ეროვნულ დროშებს წაართმევენ და ფეხით გაუთელავენ;

ქართველი ჭაბუკები და ქალიშვილები ბოიკოტს უცხადებენ აფხაზური უნივერსიტეტის რექტორატს, მარიონეტულ ხელისუფლებას. მომიტინგენი თავიანთი აღმზრდელი პედაგოგების თანხლებით მაისის დამდეგს აფხაზეთის მთავრობათა სასახლის წინ დასხდებიან. აქცია მაგნიტივით მიიზიდავს დიდძალ მასას. ოთხ მაისს ისინი გადაინაცვლებენ ქართული თეატრის შენობისკენ. იქმნება ეროვნული სამართლიანობის კომიტეტი, რომლის ოცდაოთხმუხლიან მოთხოვნას ხელმოწერებისთვის დააგზავნიან ხალხში;

მანიფესტანტების პროტესტის შესაბამისად, საქართველოს მთავრობამ დროა დათმოს სირაქლემას პოზა, მოეშვას „აფხაზური წერილის“ მამალივით დამალვას და იგი გადააქციოს ქართველი ერის ფართო მსჯელობის საგნად; მოითხოვენ: დადგინდეს იმ ქართველების რაოდენობა, რომლებიც ნებით თუ უნებლიეთ აფხაზურ ეთნოსის შემადგენლობაში აღმოჩნდნენ ლორთქიფანიძის ტყემალივით; მოითხოვენ გამოქვეყნდეს ცენტრალური პრესის ფურცლებზე ოციან-ოცდაათიან წლებში რეპრესირებულ აფხაზთა და ქართველთა გვარები ამ ვანდალური აქტის ორგანიზატორებთან ერთად; მოითხოვენ ცხრა აპრილის ტრაგედიის მსხვერპლთა უკვდავსაყოფად აფხაზეთშიც აღიმართოს ობელისკი; მოითხოვენ ქართველმა წვევამდელებმა სამხედრო სამსახურო მხოლოდ საქართველოს ტერიტორიაზე მოიხადონ, ვინაიდან სტალინ-ბერიას სიძულვილის გამო, ან თუთიის კუბოებით ჩამოსვენება უწევთ მშობლებს გაურკვეველ ვითარებაში დაღუპული შვილებისა, ან კიდევ სამუდამოდ თავჩაქინდრული სიარულისთვისაა განწირული მათი მემკვიდრენი.

საპასუხოდ „აფსნი ყფშის“ ცნობით კრემლში გაგზავნილია „მამხილებელი“ წერილი, რომელიც ჭავჭავაძისა და რუსთაველის საზოგადოებებს აბრალებს ქალაქ-სოხუმის პარალიზებას. სინამდვილეში ასეთი განცხადება პროვოკაციულია, გაღმა შედავების პოლიტიკა. ქართველი მოსახლეობა ჩაშვებულია უფროსი ძმის წინაშე ანტიკომუნისტური, ანტირუსული გამოხდომებით: დარაზმულან მენშევიკური დროშის ქვეშ და „ქართველთა ფიცის“ მოვინისტური იდეებით წამლავენ ჰაერსო.

14 მაისს გაფიცულების რაოდენობა ასოცდაათათასს გადააჭარბებს. „აფხაზური წერილის“ პათოსი გაბათილებულია ერთის ოთხთან შეფარდებით. ქართულმა მოსახლეობამ ერთსულოვნად გამოხატა თავისი ნება, რომ საკუთარი იურიდიული თუ მორალური უფლებების დათმობას ცოცხალი თავით არ აპირებს. მიტინგიც ამ სულსკვეთებით დაიშლება მომდევნო დღეს.

აქედან მოყოლებული მოვლენები ელვისებურად გადაებმება ერთმანეთს — ვილანდის ცელი ტრიალებს საქართველოში:

უბატონო სვანეთს დიდთოვლობა მუსრავს, უტევს წყალდიდობა კოლ-

ხეთს, საინგილოს, მაგრამ ყველაფერი მონაგონია თხუთმეტი ივლისის რეალობასთან.

„აკადემიელების“ პროცესორის რწმუნებით, ქვებით, ჯოხებით, რკინის კეტებითა და ნაჯახებით შეიარაღებული ათასამდე აფხაზი თავზე დაესხმის მშვიდობიანი აქციის დაახლოებით ხუთასამდე მონაწილეს. მათ გულს აძლევთ ქართველთა სიმცირე. ინფორმატორია შემთხვევის თვითმხილველი, „არადუს“ დირექტორი ვადელია. ეგზალტირებული ბრბო გაარღვევს უიარაღო მილიციელების ცოცხალ კედელს და მომიტინგეთ დაერევიან.

უკვე მოღწეულია ინფორმაცია იმის თაობაზეც, რომ გულაუთიდან სოხუმში კატარღებით გადმოსროლილია სათანადოდ შეიარაღებული რამდენიმე ასეული კაცი.

ხელისუფლებას ყურთბალიშზე ძინავს. უფრო სწორად, კვლავინდებურად უფრთხის სიტუაციის გამწვავებას, თმობს და თმობს პოზიციებს, ვინემ საქმე ადამიანების სიცოცხლის ხელყოფამდე მივა, მაგრამ დიხამინჯიების პათოსის მთავრობა თითსაც ვერ ატოკებს ქართველების დასაცავად. შეტაკებაში თოთხმეტი ადამიანი იღუპება, აქედან რვა ქართველია და ექვსი — აფხაზი.

ოდიშელი სართანია აფხაზურად გლოვობს მოკლულ ორ ვაჟიშვილს. ბედმა გაუღიმა ჩხოტუების, კობახიძებისა და ავიძბების ოჯახებს — სისხლი ქართველებმა გაიღეს — როლანდ მილორავამ, ვლადიმერ მიქავამ და მალხაზ ჭლამაიამ. უნებლიე დონორები ახლობლების სანახავად ყოფილიყვნენ მისულნი. მალხაზის ძმა ბოტანიკურ ბაღთან ეცემათ ექსტრემისტებს, რომ არა აფხაზი მილიციელების თანადგომა, სულს ამოართმევდნენ ჯოხზე ლურსმანწამოცმული სამსჯვალებით.

მოსახლეობა პანიკას მოუცავს. ოფიციალური ცნობებით გატაცებულია ხუთიათასზე მეტი ცეცხლსასროლი იარაღი მონაკვეთირებიდან, მილიციის ქვე-განყოფილებებიდან, თვით სამხედრო შენაერთებიდანაც კი. ახალ ათონში რკინიგზის ლიანდაგებს აყრიან დეპოელები. მსხვერპლი ორ ათეულს კარგა ხანია გადასცილებულა. რეანიმაციულ განყოფილებაში ასობით მოქალაქეა განთავსებული. ვინმე ტყუბუჩავას ქალი, „ბრუია, ბონდოთი“ რომ აძინებდა თურმე შვილებს გუშინწინ, ნაღდი ქართველობით თავმომწონებდა და ცხრა აპრილის კირთების ჟამს თბილისს წვეული რუსულად ჭუკჭუკებდა გუშინ, დღეს — აფხაზურად ბობოქრობს.

„რატომ? რატომ? — ეკითხებოდა თავისთავს კვეკვე ანთარია და პასუხსაც იქვე პოულობდა, — აფხაზეთის სამეფო დასავლეთ საქართველოს ნიშნავდა ისტორიულად, მაგრამ ჩვენი უბედურება ის არის, რომ სულმოკლეობის ბაცილა ვერაფრით მოგვიშორებია. დღესაც ბოგინებენ ქვეყნად ქართველები, შეცივდეთ, ეროვნული დროშისგან პერანგს შეიკერავენ. მათთვის პატრიოტული სულისკვეთება ზედმეტი ბარგია. ინტერნაციონალიზმის, სინამდვილეში იმპერიის ბაირალის ქვეშ დარაზმულლებს, მამულიშვილობისა

არარა სცხიათ. მანქურთებით გამოტენილ აფხაზეთში კომუნისტურმა რეჟიმმა თავისებურად გაიმეორა ცარიზმის ხრიკი — აფხაზს პრივილეგიები შეუქმნა, განსაკუთრებული უფლებები მიანიჭა, მცირერიცხოვანი ერიო, ჯარში არ იწვევს, და ცდუნდა სულმოკლე ქართველი: შვილი აფხაზად ჩაწერა, მწვანე აღმები აუფრიალა ცხოვრების გზაზე იოლი მსგულლობისთვის.

მოკლედ, ასიმილაციის უკეთეს მეთოდს ვერ მოიფიქრებ. ჟინი ანთარის მონოგრაფიაში აღწერილია ასეთი ექსპერიმენტი: ორგანოფილებიან სათავსის ერთ მხარეს ვირთხებია მოთავსებული, მეორეგან — კატა. ნახვრეტში მხოლოდ ვირთხები ეტევიან. საკვების გამოგებელი კი ფისუნიაა. შიმშილობენ ვირთხები, მაგრამ ბოლოს და ბოლოს გაწყდება მოთმინების ძაფიც და ყველაზე გაბედული წააბიჯებს იმ ერთადერთი ხვრელისკენ, საიდანაც გამუდმებით ისმის თავზარდამცემი ჩხავილი. ჰოდა, გააღწევს მეზობელ საკანში ვირთხა და ხელადვე შეიჭმება, თუმცა უბრძოლველად როდი დათმობს სიცოცხლეს. გვერდით ხუთი-ექვსი მისნაირი მამაციც ჰყოლოდა, კატის დასამალი ვედარსად მოიძებნებოდა და საკვებსაც ადვილად დაეპატრონებოდნენ, თუმცა შიმშილით მისავათებულნი სათითაოდ გავლენ ხვრელში და ექსპერიმენტატორის უკულმართი გონებაც დაასკვნის: შეძენილი შიში გაცილებით მეტია თანდაყოლილზე“.

— ჯერ მე მომკალით და მერე ქართველს ესროლეთ! — ნიანგის ცრემლებს ღვრის გულაუთური იდეოლოგიის მამამთავარი კონსტანტინე ოზგანი.

— თქვენ კიდევ გაგაჩნიათ პრეტენზია ზუგდიდლებისადმი?! — პირში შეაფრინდებიან ვანდალიზმით აღშფოთებული ქართველები „აიდგილარას“ სულისჩამდგმელს.

სიმართლე რომ ითქვას, ოდიშელებს დიხაც მოეძევებათ შემფოთების საბაბი. ამ ორი დღის მანძილზე ისეთ გაუგონარ უბედურებას დაატრიალებენ აფსუები, მიდი და ნუ აბობოქრდები: მოკლულია კურსანტები, ოფიცრები, მშვიდობიანი ადამიანები. რესპუბლიკური საავადმყოფოს ნეიროქირურგი ფიფიას რწმუნებით რეანიმაციულ განყოფილებაში სამოცი მოქალაქეა განთავსებული. მერედა, ვინ არიან ესენი, თუ არა ოდიშელების და-ძმანი, ბიძაშვილ-მამიდაშვილები, სისხლით ნათესავეები, მეგობრები?!

ქრისტიანული აფხაზეთი პატივყრილია მაჰმადიანურის მიერ.

ეს დაურავიძბას სიტყვებია, ჯერ კიდევ როდის თქმული, მაგრამ ობიექტური სინამდვილე სხვებსაც ანაირადვე ალაპარაკებს და რამდენადმე შეირყვია ვლადიმირ ჩუბინიძის წარმოდგენები აბსოლუტური ჭეშმარიტების ერთმფლობელობაზე. ეს იგივეა, რაც ათასი კაცი აღმოსავლეთს უმზერდეს და როდესაც მზე აღმოხდება, ჰკითხო თითოეულს, რა იხილეს, და მათაც განსხვავებულად აღგიწერონ მნათობის ამობრძანების დიდებული სურათი. შინაარსი იდენტურია, თუმცა სინამდვილეში მისი ამოსვლა პირობითი მცნებაა, ეს დედამიწის ტრიალის შედეგია ჰელიოსის მიმართებაში.

რეალობა ასეთია: აფხაზური განხეთქილების ვაშლი რამდენადმე გან-

სხვადგება მითოლოგიურისაგან, ვინაიდან, ჯერ ერთი, ეს უკანასკნელი მშვენიერების გასარკვევად როდი შემოგორებულა იმპერიის მიერ, არამედ სრულიად გეგმაზომიერად, გათვლილად, ხომ ვახსენეთ ზემორე ორთავიანი არწივის საცეცებზე, ჰოდა, ქართველობა ჯიშტად არ იშლის თვითგამორკვევას, გაქცევას უბერსპექტივო ყოველდღიურობისაგან. ჯოჯოხეთს მიესწრაფვის, თუმცა საცდელი ვირთხების მსგავსად გასასვლელს მიღმა თავგასიებული კატა ჩასაფრებულა; ამიტომაც ქართველებს არ სურთ ცალ-ცალკე ჩაუვარდნენ ხახაში ნამარხულევ ციბას — გადიან ერთად, ქუდზე კაცი, დიდი და პატარა. ამ შემთხვევაში აფხაზეთი დიხაც ჩინებული სატყუარაა. ორმოცდაათჯერ ზორბა ჩრდილოეთისთვის აფსუა გათამამებულ ბიჭს ჰგავს. მსგავსი სიტუაცია მრავლად ჰქონიათ ზუგდიდელ ბირჟიკებს. მიუგზავნიდნენ არხეინად მიმავალ ზრდასრულს აბეზარ ცეროდენას. ეს უკანასკნელი გააპამპულებდა დაღვინებულ, აშუმღვრევლ ადამიანს და თუ წონასწორობიდან გამოსული კაციც ონავარს ერთ-ორს წაუთაქებდა, აღნავლებული „დაჩაგრულის“ ქომავალ ხელად გამოჩნდებოდნენ აცენილი ჩველები თავიანთი ნავარჯიშები კუნთებით. სწორედ ამისთანები ეჯავრებოდა როკი ოდიშელის ჭირივით, მაგრამ როგორ გადაეფარები ქალაქის რამდენიმე ათეულ სათავყრილობოს, ვიდრე სრულ ძალაუფლებას არ ჩაიგდებდნენ ხელში; სანამ საკუთარ კანონებს არ გამოჰქედავდნენ; ვინემ თითოეულ ავყიას ჰკუთხას არ დაასწავლი; სანამ ერთის გამოქომაგებით ათს არ მოიმდურებ?!

მოქროდნენ ბაწარადებით აფხაზური ამბები კვეკვე ანთარიას ვინჩესტერისკენ, მაგრამ „აკადემიელები“ დროებით ადგილობრივ პრობლემებში გადაერთვნენ, ვინაიდან თხუთმეტი ივლისიდან მოყოლებული, შუაგულ ოდიშში უფრო მეტი საშინელება იწვეებოდა, ვინემ ექსტრემისტების გადათელილ სოხუმში.

— როკის, როკი ოდიშელის უხმეთო, — გაიძახოდა აბობოქრებული ხალხი. უთავბოლოდ დარბოდნენ. ეროვნული მოძრაობის ლიდერები ჯერაც არ ჩამოჯარულიყვნენ დედაქალაქიდან. ადგილობრივნი — ანთიები და ფიფიები, ტულდუშები და შურღაიები, ჟორჟოლიანები და ქობალიები პირველი დაძახებისთანავე გაკრფილიყვნენ ლალიძგასკენ. ბურთი და მოედანი ქურსუებს და სონგულიებს დარჩენოდათ. სწორედ მათი მითითებით განიარაღდა მილიცია, დაილენა მონკავშირი, „დოსააფი“. გაიტაცეს ავტოპარკებიდან „კამაზები“. მოსახლეობამ იარაღი აისხა.

— როკის, როკის უხმეთო, — გუგუნებდა მაინც ოდიშელის მისამართით უმართავი მასა.

კვლავ კვეკვე ანთარიამ იმარჯვა.

— როკი ოდიშელის საირმეში ჰყავს წაყვანილი ავადმყოფი მამა. ახლახან დამირეკა, ორ საათში მანდ ვიქნებიო, — თქვა ეს და ინფორმაციამ შარბათივით დაურბინა ძარღვებში მთელს ქალაქს.

— მშობლის მოამაგე შვილი! კურორტზე ასვენებს თურმე მომჯობინებულ ვალერიანს. ამწამსვე გვეახლებაო, კვეკვე ანთარიამ, — გადაულაპარაკებდნენ ერთმანეთს.

ცხოვრებაში ისე არაფერი აუცხადდება ჩვენს მერომანეს, როგორც ყასიდად თქმული ეგ სიტყვა.

თბილისური პაპანაქებით დაზაფრული ოდიშელები მართლაც საირმეში გაკრეფილიყვნენ. დაბადების დღეც იქ გადაიხადა როკიმ, ოჯახურ იდილიაში. უკვე თვე მიწურულიყო, რაც ზუგდიდიდან აიბარგნენ.

თვალში გამოიხედა ყველამ, აცაბაცათი მოსიარულე ძაკევიჩმაც, მამამთილის მოვლა-პატრონობით მისავათებულმა მარინამაც, მოუსვენრობით ჩამოდნარმა ნიკამაც, მოლოდინით გაწამებულმა ჟენიამ თუ ჟურღმულების სალაფავეებისგან კუჭგამოფხეკილმა. მაგრამ მოჰკრა თუ არა ყური: აფხაზი ექსტრემისტები დაერევიან ქართველებს და დიდს თუ პატარას განურჩევლად ხოცავენო, ცხოვრებაში მესამედ ჩააფრინდა კბილებით მოკაკვულ სალოკ თითს.

ოდიშისკენ მარტოდმარტო წამოსულსწრაფებულ როკის გადაავიწყდა ყველა და ყველაფერი: მშვიდობიანად მოლოგინებული მწვანეთვალემა ილონაც; ანდრონიკოვის გვარის კოსტიაც ფეხმძიმე დედითურთ. თავად მორდუსთვის მიცემული სიტყვაც მეწყყრმა წარსტაცა, თითქოს საჭიროების შემთხვევაში ავიძებების ოჯახს ავგაროზად გადაეფარებოდა; სწორედ ალვერისნაირების აგორებულად მიიჩნევა ყოველივეს უნებისყოფო ძუძუმტეების — დაურისა და ანატოლის გულგრილობის წყალობით. ინალ ავიძა ხომ ყურებდაცქვეტილი იჯდა ტახტაზე თავიდანვე და ნაბოლარაც მამას უმიზეზოდ როდი იშველებდა კუდივით დასტურ-ლამალად. თითქოს მათ ჯალაბობაში მხოლოდ ჰაკის ძეს ესმოდა აბურღული საქმის ვითარებისა მთელი სიგრძენი.

მოიჩქაროდა როკი ოდიშელია ზუგდიდისკენ. ენგურსგაღმელი თვისტომის გასაჭირით შეძრულ მის გონებას წარხოცვოდა დურაუ ჰალიძოლნიას ხანდაზმული თხოვნის შეუსრულებლობა; არც ქურსუას აცვენილი ბიჭებისთვის იცლიდა მისი ფიჭრი, რომლებიც სულ იმის ცდაში იყვნენ, ტურებვით როდის სცემოდნენ ყელში დაკოდილ ავაზას.

საავდრო ღრუბლებმა შებურეს კაკუსის მრეველი. არც ნიკას ზღაპრებისთვის დააღებდა პირს ამიერიდან ბაბაია, ვინაიდან ჩინებულად უწყოდა გათამამებული ონავრის ზურგს უკან თუ როგორ ჩასაფრებულყო ორთავიანი არწივი: მოუღერებდი ხელს გაყოფილებულ ცეტს და დრაკონიც ხელად ამოიზრდებოდა „დაბეჩავებული“ ყრმის მფარველად. შენ კი ამისთანა ქომაგი არავინ გაყავდა ცისქვეშეთში საკუთარი მოხერხებისა და შიშველი ხელების გარდა.

დაჭრილი ქართველი ჭაბუკის ნათესავეები შველას სთხოვენ საავადმყოფოს მთავარ ექიმს არსენ თარბას, ის კი ირონიული მჭევრმეტყველებით იცილებს თავიდან პაციენტის მშობლებს:

— ვერაფერს დაგეხმარებით, მე მილიცია როდი ვარ!

გაკვირვებულნი უმზერენ ერთმანეთს ქართველები, თითქოს არკვევენ, მილიციამ როდის აქეთ ჩააბარა ჰიპოკრატეს თავისი პროფესიული სინდისიერება.

ზოგი ინფორმატორის ცნობით, როცა ვოვა ვეკუას ჯალათურად უსწორდებოდნენ, ვიღაც ავი ფერია ცოფიანივით გაჰკიოდა თურმე:

— მოჰკალით, ეგ ხომ ქართველთა ლიდერია!

მოქროდა პროცესორისკენ სხვა ეროვნების ადამიანთა გულისტკივილიც. ერთმა რუსმა ლექტორმა ქალბატონმა ლამის გაიმეორა დაურის სიტყვები:

— არა, ეს არ იყო შეტაკება ეროვნულ ნიადაგზე, არამედ — მუსულმანური ანგარიშსწორება ქრისტიანებზე.

ინფორმაციულ ნიაღვარს ზღვარი არ უჩანს.

სულისშემძვრელია წულაიების მოტანილი ამბავი:

მეჭორწილენი სოხუმიდან ქუთაისში ბრუნდებიან. კინდლში აფხაზეებმა გზას გადაუჭრიან. უკან მიატრიალებენ იარაღის მუქარით. ტამიშის ავტოინსპექციის პოსტთან ოთხი შეიარაღებული აფსუა სროლას აუტეხენ. კვლავ კინდლისკენ გამოაბუნძურებენ. ახლა იქიდან დასცხებენ ცოცხალ სამიზნეებს და როდესაც ვერტმფრენის გამოჩენამაც ვერანაირ სიკეთეს არგუნებთ საშველად ხელების ქნევით გარეთ გამოშლილებს, თორმეტი წლის ლაშა გაგარდება თოფიანი კაცებისკენ, მიეჭრა ერთ-ერთს, მაჯაზე წვედება, უკოცნის და სასოწარკვეთილი ხმით ემუდარება:

— ძია, ძია, ნე უბივია!*

დიახ, ეს ქედისმოხრა, სულში გადატეხვა გამოასყიდვინებს მალხაზს მშობლების თუ საკუთარ სიცოცხლეს, მაგრამ რანაირი ეთქმის აწინდელ ცხოვრებას?! ეს ხომ იგივე მთიანეთის მივიწყებულ ტრადიციას ჰგავს, როცა სისხლის ალების შეჩერების მიზნით მუხლებზე დაუსვამენ დაზარალებულის ოჯახის წარმომადგენელ მამაკაცს მემკვიდრეს და მთელი საწუთრო თავიანთ უნული ჩინდრიკით უნდა ჩააძალოს მერმე?!

ადელუასგან დროულად მოგზავნილი გარიწყინებული შავი „ოცლაოთხით“ მოიჩქარის როკი ოდიშელია ჭითაწყარის ტრასაზე. უსალმოდ ჩაუქროლებს ფერდინანდის აწეულ მარჯვენას; არც დიხამინჯიას კბილებაკაწკაწებელი კაბინეტი მოსტაცებს მზერას მეხუთე სართულზე. მთელი ქალაქკომი იქ შეყრილა. ციხის გატეხვის მერმე ფანჯრის ყურეს აწებებულ ხალხს, გამოდითო, ეხვეწება, არიქა, აქეთ არ დაგვიმიზნონო, თუმცა ამეებისთვის სად სცალია როკი ოდიშელიას?!

ცენტრისტების ბირჟისკენ მიისწრაფვის. კვეკვე ანთარიას ნათქვამს ნახევარი საათით გადააცილებს მერამდენედ ნაპოვნი გმირი. როდინდელი ფართოფარფლიანი ცილინდრი ახურავს. გაფაციცებით მისჩერებიან ცოტნეს ავდასახსენებელი ძეგლის გადაშენების მოთავეები — გუძა სოსელია, რენო ალშიბაია, გეგე თოდუა, გაბო მიქავა, ზაქარაიას მიერ მოუხელთებელ იანად

წოდებული, დორა ჯიქიას შვილიშვილი, შუკოჩი, სხვანი და სხვანი. სხაპას-ხუპით მიაყრიან ღალიძგას ამბებს. აქვე არიან დაზი ჩიქოვანი გასათხოვარი ქალიშვილებით, კვეკვე ანთარია ჩვილატატებული მეუღლეთა და ოფისის ფერიებითურთ სანიტარული დღის გამოუცხადებლად „აკადემიელების“ ფანჯრებზე ფარდების გადაწვევა ცის გახსნას ჰგავს). ახლა როკის გონებას ძაკა ბაბუასებური განსჯისთვის არ სცხელა, ვინაიდან ბუდუ ხურცილავა ეს ეს არის დაბრუნებულა ღალიძგადან, სადაც მისი კომბინატელი ამხანაგი შენგელია ბრმა თუ დამიზნებულ ტყვიას განუგმირავს და ყველა იმ ცხედრის ჯავრის ამოსაყრელად ბობოქრობს შუაგულ ოდიშში.

ხალხის სტიქიურ მღელვარებას წინამძღოლობა რომ სჭირდება, როკი ოდიშელიასთვის ცხადზე უცხადესია, მაგრამ ამისთანა საპატიო საქმის პოლიტიკური პასუხისმგებლობის ტვირთს რისთვისაც გაურბის ჩვენთვის ნათელია; ამიტომაც მიატრიალებს ავტომანქანას აფხაზეთისკენ. უხმობს სიყრმისეულ ძმაკაცებს — უჩა ხეციას, თეიმურაზ დარასელს, ემზარ ჭურღულუიას, ვალტერ ჯიქიას.

ემირ პაჭკორია უკვე ღალიძგასკენ გავარდნილა ათასებივით წელს ზემოთ შიშველი.

კვეკვე ანთარია და გენადი დაუპატიჟებლად მოძვრებიან „ოცდაოთხში“.

— მორდუს წერილი ჩამოგვიდა სოხუმიდან, — ამბობს ყურადღების გასაფანტავად ძმის იარაღასხმული ნაბოლარა.

— წერილს განახებ მე შენ. ჟილეტი რა ჭირად გინდოდა?! ანთარიას მიეცი! სამშობლოსთვის, ბიჭებო! — წამოიძახებს ომპიანად და ჯიშ-ჯილაგის დასაცავად გამსხლტართა ზურგს უკან „სა-ქარ-თვე-ლო“-თი აგუგუნდება თოფებიანი ხელების ტყე.

გზატყეცილი „კამაზების“ კოლონებითაა გადაჭედილი, რომლებზეც წელსზემოთ ტიტველი, შავი ნაჭრებით შუბლწაკრული ჯეელები მრისხანებენ. თარხვანტიებით მიიჩქარიან კბილებამდე შეიარაღებული ორთავიანი არწივის ფრთებს შეყუჟული აფსუა-სეპარატისტების წინააღმდეგ, მაგრამ ქართველის კრედო დონკინოტურია: ვაჟკაცსა გული რკინისა, აბჯარი — თუნდაც ხისაო.

ტრასის ორივე მხარეს აცრემლებული ქალები გამოშლილან. მოლაშქრეებს ხელსახოცში გახვეულ საგზალს უწვდიან. ჯოხს დაყრდნობილი ბერიკაცები ცეცხლს შეუნთებენ ჭაბუკებს:

— სამშობლოს მტლად, შვილებო! გამარჯვებით დაგვიბრუნდით!

საომრად აღკაზმულ ახალგაზრდებს ხელებს გაუწვდიან ძარაზე მყოფნი და ბუმბულივით აიტაცებენ.

მოძრაობის წესებს არად დაგიღვევენ. ყველა გასწრებაზეა. პირველობას არავის უთმობენ, მაგრამ ღამის მთელი საქართველო ღალიძგასკენ დაძრულა და ქაოსურ სწრაფვაში მოჩქარეთ უგვიანდებათ.

სასაუბროს მეტი რა აქვთ როკი ოდიშელის თანამგზავრებს, თუმცა უხმოდ სხედან. დანა პირს ვერ უხსნიო. მხოლოდ გენადი მუხტავს ავტომატის მჭდეებს ვაზნებით. მამულმა უხმო შვილებს და ქუღელზე კაციც აიყარა ოდიშიდან, იმერეთიდან, გურიიდან, უბატონო სვანეთიდან. მიუხედავად კარზე მომდგარი უბედურებისა, როკი ოდიშელის ცნობიერება ფიქრის ბურუსში გახვეულა. ეს ერთგვარი განტვირთვაა, ნერვების მოთოკვის უებარი საშუალება.

„დაკა ბაბუასა და ჩუბინიძის ლოგიკით ქართველებს პირში სული არ შეგვრჩება. ვლადიმირის მოძღვრება აშკარად ექომაგება აფხაზებს, როგორც სამყაროს შემადგენელ აუცილებელ ნაწილს. უსამართლოდ დაჩაგრულისთვის ზურგი არასდროს შემიქცევია, მაგრამ როცა შენიანია სულში ჩაფურთხებული, ჭოჭმანის დროა?!

ალაზნისპირელი: გვაბრალებენ ყოყლოინიობას, წარსულით თავმომწონეობას, უმეტრებასაც, მიუხედავად იმისა, რომ ეს არ არის ვორთოვების დაქოქილი აფსუას ამბიცია.

ჩუბინიძე: მოიცა, მოიცა, ვის შეუძლია უარყოს, რომ კავკასიის მთებმა არ შემოგვინახეს წარღვნის წინარე ცივილიზაციის ნაშთები? ანთროპოლოგიურად ადელეკლები, აფხაზები, ვაინაზები, დადესტნელები თუ ქართველები ერთ ეთნიკურ ოჯახში ერთიანდებიან.

ამით ყველაფერია ნათქვამი. თითოეული ერი ტოლფასოვან სიდიდედაა მიჩნეული და ამტკიცებს კიდევ ამას ფილოსოფიური წილსვლებით. ამისთანა ცხელ გულზე ეთქვა, ხომ გაბრღენიღნენ წამში?

ჩუბინიძე: ბატონებო, ენერგია მხოლოდდამხოლოდ მოძრაობაა. ენერგომატარებელია სამყაროში არსებული ნებისმიერი სხეული, რასაც მოძრაობა ახასიათებს. ეს ის ძალაა, რომელიც თვით მოძრავე სხეულს, მატერიას გააჩნია. დიას, ბატონებო, ენერგია მოძრაობაა, რამეთუ მოძრაობა ჭეშმარიტებაა, ხოლო ჭეშმარიტება – ყველაფერი, ანუ ყველაფერი მოძრაობაა.

ღვინო არაფერ შუაში იყო. იმთავითვე ღმერთის სიმაღლიდან დაგვიწყო ლაპარაკი ბიოლოგიურ არსებებს, თუმცა ბოლოს გამოასწორა რამდენადმე.

ჭეშმარიტებაა სამყარო – პლანეტები, სიყვარული, დრო, სივრცე, სიკვდილი, ბოროტება, სიკეთე, მიზიდულობა, მატერია, სული, ფერი, სუნი, სითბო, სიცხე, სიცოცხლე, ადამიანი, რწმენა, მოკლედ, ნებისმიერი ცნობილი თუ ჯერ კიდევ უცნობი მცნება, და თუკი შევუდგებით მათემატიკური სახით მის ჩაწერას – მოძრაობა! ჭეშმარიტებას, ხოლო ზემოთ ჩამოთვლილი სიდიდეები ჭეშმარიტების ტოლნი ანუ იგივე მოძრაობას წარმოადგენენ.

დახს, ბატონებო, სამყაროში ყველაფერი ერთია, რადგან სამყაროც ერთია, ღმერთიც თვით სამყაროა, რადგან ღმერთიც ერთია, ანუ ღმერთიც იგივე მოძარობაა. თქვენ გამოამუღავნეთ ფილოსოფიური ცოდნის სათანადო დონე, მაგრამ ჯერ-ჯერობით იმდენად ბავშვები ხართ სამყაროს შექმენებაში, რომ თქვენზე თამამად შეიძლება გავრცელდეს ძველებური გამოხატულება: ჯერ მიწას არ აცილებინართო.

უბედურება ის განსაკუთრებული ბატონებო, რომ დღემდე ვერ მოვახერხეთ ამ უდიდესი სიბრძნის საშვილიშვილო შეფასება და შესაბამისად გამოყენებაც. დღევანდელი ჩემი მისიაც სწორედ ის განსაკუთრებული, რომ შევძლო ამ კოლოსალური სიბრძნის თქვენთვის მისაღები ფორმით გადმოცემა, რათა ერთობლივი ძალისხმევით მისი სათანადო გამოყენებაც მოხერხდეს. რაკი სივრცეში სამყაროს ადგილი არსებობს, მისი უსასრულობის გამო სხვებისთვის ალაგი აღარ რჩება, ანუ სამყაროს გარეთ აღარაფერი მოიძევება, ანუ სამყარო ყველაფერია და ყველაფერს თავისთავშივე მოიცავს ანუ სწორედ ის არის ერთადერთი ღმერთი, ყოვლის მოქმედი და შემოქმედი.

იმ ალტერნატიულ შესაძლებლობათა უამრავი სიმრავლიდან, რა სიმრავლესაც მოიცავს ჩვენი აწმყოთი განსაზღვრული სამყაროს სივრცის ის წერტილი, რომლიდანაც შეიძლება გამოვიდეს სხვისთა სიმრავლე სამყაროს ყოველი მიმართულებით ანუ სფერული ტაღლით გავრცელების სახით და რა მომენტიც მომენტალურად ცვალებადია მოძრაობის უწყვეტობის ანუ მუდმივობის გამო და შესაბამისად ცვალებადიც, მოძავლის ალტერნატიულ შესაძლებლობათა არჩევანის სიმრავლეს უსასრულობის ტოლია, მაგრამ თუკი დინებას ანუ უწყვეტად მუდმივი მოძრაობის მიმართულებას ბრმად ანუ ინერტულად მივყვებით ის აუცილებლად მიგვიყვანს მისგან უკვე განპირობებულ მოძავლამდე, თუმცა რაჟამს სიბეცეს თავიდან გადავივადებთ და ნათელი გონებით გავაანალიზებთ აწმყომდე განვლილ მანძილს, ანუ წარსულს, თავისუფლად შევძლებთ წინასწარ განვჭვრიტოთ მოძავალი, შევაფასოთ მისი აკარგვიანობა და ამის მიხედვით კორექტივები შევიტანოთ მასში ანუ დროულად შევიცვალოთ და ავიღოთ ჩვენთვის საჭირო მოძავალი სურვილისმიერი მოძრაობის მიმართულება.

შესაძლებელია თუნდაც წარსულის დაბრუნებაც, ანუ წარსულის გამოდევნებაც, რამეთუ წარსულიც ხომ მომენტალურადვე იქცევა ხოლმე აწმყოს გავლის შემდეგ ალტერნატიულ შესაძლებელ მოძავლად? ამიტომაცაა რომ სამყაროში აწმყოც, წარსულიც და მოძავალიც ერთდროულად და თანაც მუდმივად თანაარსებობენ. ასე

რომ, დრო მუდმივია და არა წარმავალი, ანუ დასრულებადი, ანუ საერთოდ არარსებადი. რაც არსებობს, ის ყოველთვის არსებობდა, არსებობს და იარსებებს, რამეთუ ყოველი არსებულეც მთელი უსასრულო სამყაროს ერთიანი განუყოფელი ნაწილია და მისი უმცირესი ნაწილაკის მუდმივად არსებობა აუცილებელია სამყაროს საერთო არსებობისათვის.

დიახ, სამყაროში უმნიშვნელო არაფერია, ისევე როგორც არ არსებობს მთავარი და მეორეხარისხოვანი. ყველა და ყველაფერი სამყაროს უმნიშვნელოვანესი განუყოფელი ნაწილები ვართ, ვინაიდან ერთის არსება უზრუნველყოფს სხვა დანარჩენის არსებობას. ჭეშმარიტად, სამყარო ისეა მოწყობილი, რომ თავისთავად არსებობს ერთი ყველასათვის და ყველა ერთისათვის, სხვანაირად ყოფნა შეუძლებელიცაა. არაფრისგან არაფერი წარმოიქმნება, ამიტომაც ნებისმიერი სიმრავლე იწყება კიდევ ერთიდან და არა ნულიდან. სამყარო არის ერთეული და ერთიანი მასიური სფერული მოცულობის დრეკადი, იგივე კუმშვადი მასა, მატერია, ანუ ნულის ფორმის მქონე სხეული ანუ არსება და არა — არარაობა, არარსებული. ანუ ისეთი ნული, რომელიც ყველაფერს ამრავლებს, რადგან თვითონ წარმოადგენს მამრავლებს ანუ თავისნაირთა უსასრულო სიმრავლეს სამყაროს სახით, მაგრამ ისიც, როგორც წესი, მხოლოდდამხოლოდ მოძრაობაში არსებობს.

სიკვდილი არის ერთი ინდივიდუალური სუბსტანციის, სულის, ანუ სულის მიერ მისი სიცოცხლის პერიოდით განსაზღვრული გარემოდან მოკვლა, მოკლება, ანუ გამოკლება და სხვაში, ადრინდელისგან განსხვავებულ გარემოში, ანუ საიქიოში გადანაცვლება, გაჩენა, დაბადება და მასში ცხოვრების ანუ იგივე მოძრაობის გაგრძელება. აქედან გამომდინარე, სიცოცხლე ანუ არსებობა, იგივე სიკვდილი ანუ გარემომცველობა ანუ მხოლოდდამხოლოდ მოძრაობაა და ამიტომაც თითოეული პიროვნება პირადად ისევე ვერ მოესწრება თავის სიკვდილს, მიუხედავად იმისა, რომ სხვებისას ყოველთვის იხილავს, როგორც ვერ შეძლებს თავისი საკუთარი მეს, ანუ სულის თანსწრების გარეშე იმოგზაუროს რომელიმე სხვა ადგილას ანუ საკუთარ თავს გაექცეს, რამეთუ სწორედ ესაა შეუძლებელი. პირადული სიცოცხლე სინამდვილეში პირად სიკვდილზე უსასრულო დაკვირვებაა“.

— აქედან ახლოს ყოფილა შენი დედულეთი, — უთხრა კვეკვეს ემზარ ჭურულულიამ.

როკის თანაკლასელი გახლდათ სალამოს სკოლაში, შავგვრემანი სახის, თხელი აგებულებისა, სტეპანცევის ექსპერიმენტული ზონიდან ახალგამოსული.

— ფირნიშზე კი აწერია ოცდაორი, მაგრამ სინამდვილეში მეტია, ხოლო გალის ცენტრიდან ოცდათხუთმეტი კილომეტრია. ყველაზე მოსახერხებელი მისასვლელი ზუგდიდიდანაა, კოკის გავლით. ზღაპრული ხიდის აგების შემდეგ ჩვენებურებმა საერთოდ ზურგი შეაქციეს აფხაზეთს.

— იქ ვინ გაყვს ახლა? — ჰკითხა უჩა ხეციამ.

— ნათესავეები ქალაქში ტრიალებენ. შევხვდებით, ალბათ, ღალიძგასთან.

— ისინიც შენსავით უიარაღოდ თუ წამოსულან, კარგად გვჭონია საქმე,

— თქვა სიცილ-სიცილით თეიმურაზ დარასელმა.

— უიარაღო მამლუქი, — ჩაიფხუკუნა უჩა ხეციამ.

— რატომ?! თარხვანტიების შოვნა არც მათ გაუჭირდებოდათ, მაგრამ სისულელეა ეგ ყველაფერი. ქაჯობაა კაცს მიწის გულისთვის ესროლო, რომლადაც ხვალ-ზეგ თავად გადაიქცევი. მე ვერ დავუმიზნებ აფხაზს, ადამიანს ზოგადად, თუნდაც ჩემს გასანადგურებლად მოეშურებოდეს. აფექტში შესაძლოა კაცი შემოგაკვდეს, მაგრამ ამას მოფიქრებულად თუ გავაკეთებ, მერე კალამი უნდა გადავდო, მორალური უფლება არ მექნება ჭალათს, ამადლებულ გრძნობებზე ველაპარაკო ქვეყნიერებას.

— თუნდაც აქეთ გკლავდნენ, დედის მანდილს გირცხვენდნენ, დებს გიბახებდნენ, მაშინაც?! — გაცხებით ჩააცქერდა კვეკვე ანთარიას ემზარ ჭურღულია.

— მე იქ მძანდაფიცი მყავს, ჯუმა აგუმაა. თუკი ერთ მისიანს ტყვიას დავახლი, ეს იმას ნიშნავს, რომ მძანდაფიც მოვარტყი კაკალ გულში.

— ჩვენ არა ვართ შენი ძმაკაცები, თუ მძანდაფიცობა რამე განსაკუთრებული დოზანაა? — გაცხარდა თეიმურაზ დარასელი, — მასე თუ არის, როკის და გენადის ფეხი არ უნდა მოეცვალოთ ზუგდიდიდან აძიუბჟელი მორღუშვილების ხათრით. ამ მიღეთ ხალხში იშვიათად იპოვი კაცს, რომელსაც თითო ნათესავი აფხაზი მაინც არ ჰყავდეს. მაშ, დავიკრიფოთ ყველამ გულზე ხელები მათი რიდით და ვუცქიროთ არხეინად ჰკუადათესლილი სეპარატისტები თუ როგორ აწიოკებენ ჩვენს და-ძმებს?!

— ეგ ხალხი გაბრიყვებულია ჩემო, თემურ...

— დიდი შეღავათი, — სიტყვა გააწყვეტინა მერომანეს თეიმურაზ დარასელმა, — გაბრიყვებული უძახე შენ, გნებავეს გამოთაყვანებული, ჩემთვის აქვს მნიშვნელობა თუკი დამაქცია, დამამხო?! დავუღოთ თავები წინ და ყურებზე ხახვი დავაჭრევიოთ?! არა, შეილოსა, აფხაზია, ოსია, სომეხი თუ თათარი, ყველა თავის კანში დაეტიოს. ხოლო, როცა გხოცავენ, გესვრიან, შენც უნდა ესროლო, თორემ კახური ანეგდოტისა არ იყოს, უ...კო ეგონებით.

ვაჟაზე დიდი ჰუმანისტი არ დაბადებულა, მაგრამ უფდე ყური: სამშობლოს არვის წავართმევთ, ჩვენს ნურვინ შეგვეცილება, თორემ ისეთ დღეს დავაყრით, მკვდარსაც კი გაეცინებაო. რა, ვაჟას უხაროდა კაცის მიერ კაცის კვლა, ჭიანჭველას ფეხს რომ არ აბიჯებდა ისეთ გენიოსს?! მაგრამ როდესაც საქმე ერის ბედ-იღბალს ეხება, უკვე საკუთარ თავს არ ეკუთვნი. შენ მთე-

ლის ნაწილი ხარ, მის ინტერესებს უნდა დაექვემდებარო. ცოფიან ძალს თავზე ხელის გადასმით არ აწყნარებენ. ტყვიას საჭირო, ტყვია!

— ერიპა, დაიწყო ისევ ფილოსოფია. ორი თვეა ჩუბინიძის ტირულტარუ ყურიდან ვერ მომიშორებია. გვაცალეთ, ბატონებო, ადამიანური სიკვდილი! — მოუქცია ვლადიმირისებურად უჩა ხეციამ.

— კვეკვეს რა უჭირს, ხომ დაუთმო ტყვიავაშუშტარი ჟილეტი როკიმ?! დაჯდება სადმე მოფარებულში, ამოიღებს ბლოკნოტს, კალმისტარს და ზედმიწევნით აღწერს თუ როგორ ამოგვეუქვავენ საითთაოდ! — მწარედ იხუმრა გენადმა.

— გენად! — ხმის აწევით აგრძობინა ოდიშელიამ უმცროს ძმას მოუკრეფავში გადასვლა. მერამდენედ გეუბნებით, ამ წყეულ სახელს ნუ გამაგონებთ-მეთქი. გიორგი იგი, პასპორტით, გიორგი ანთარია!

— ჩემი ტყვიავაშუშტარი ჟილეტი სიტყვაა; სხვათაშორის თქვენი გადარჩენის გარანტიც, ბრატვა!

— მთლად ნუ გავმეცნიერდით გლეხები, — ისევ გამოესარჩლა მერომანეს როკი, — ხელოვანია იგი და კაცი მოაზრებულად თუ მოკლა, მერე მისი სისხლიანი სტრიქონების ფასი კაპიკია მომავლის თვალსაწიერიდან. ესაა შემოქმედის უნებლიე გაორება, ლამის ტრაგიკული ხვედრი: ერთის მხრივ ვალდებული ხარ დაიცვა შენი ჯიშ-ჯილაგი და ამავდროულად ზოგადსაკაცობრიო იდეალების სადარაჯოზეც იდგე მყარად. მოკლედ, შეუთავსებელი შეათავსო.

ბიჭები გაჩუმდნენ. უხმოდ მისდევდნენ მანქანების კოლონას.

„ანთარია ჯიგარი ვინმეა. რა ტექნიკურად მოგვიხაზა ხუთივეს?

ილონა: უკან არ მოიხედო თუ გიყვარდე. დაცდილი მაქვს, მგზავრობის წინ ბაზრისკენ გამქეცევა თვალი და მერე ჩათქმული არასდროს მისრულდება. ჩემთან წამოსვლის თაობაზე ხომ არაგისთან დაგცდენია რამე?!

როკი: თქმით არა, მაგრამ გენადი მისვდა საითკენაც მოვიპარებოდი. გენადი სანდო ბიჭია. აი, ფულიც მომცა, დავითვალთ?

ილონა: იყოს. ლამაზი ჩიტია, ნუ დავამტვრევთ. როცა დიდი ხალხი ვიქნებით ერთი ასად დავუბრუნოთ ჩვენს გენადის. მე შენიანები ყველა მიყვარს, მაგათა თვალში რომ არ მოგსდივართ თორემ. ჩვენი ფორანი მეწინავედ ივლის, მტვერი არ შეგვაწუხებს და ყაყანი. შენ გიტარებია ფორანი ოდესმე?!

როკი: მე — არა. ერგეტიდან რომ გადმოვსახლდით, ურმით წამოვედით. კოფოზე გივი იჯდა. მე და გენადი ლეიბზე ვნებივრობდით. ურეში ზოზინაა, ფორანი კი სწრაფი.

ილონა. კუხმას გუშინ დააქედვინა ცხენები მამამ. რვა-რვა ლურსმნით ამოაკრეს ორივეს ნალები. ჩხოუშისას ნაპირას ჩავიყვანე უშენოდ, გავატარ-გამოვატარე. მამამ მითხრა: კარგია, მგზავრობის წინ ნალებს მიეჩვევიანო. შენი აზრით რომელი გზით ვლობა წასვლა?

როკი: ლიანდაგს გავყვეთ. იქითკენ მოძრაობა ნაკლებია. საჯვართოსთან ავუსვავთ და მერე პირდაპირ გადავალთ ენგურის ხიდზე. ილონა: გახსოვს ჩხოუშიაზე რომ ჩავიყვანეთ ცხენები საბანაოდ?!

როკი: გუშინდელ დღესავით.

ილონა: აჩუ! დავიძაროთ! — გასძახებს თავისიანებს, — შენ რომელს გულისხმობ?

როკი: წაბლა რომ დაფრთხა და ღრმაში გვაყურყუმელავა.

ილონა: დაგავიწყდა ტანსაცმელს რომ ვიწურავდი, არ მომხედო-მეთქი და მანც გამოაპარე მზერა. მე სულ ტიტლიკანა ვიყავი. მრცხვენოდა შენი, მაგრამ სიშიშვლის გამოთ კი არა, ქალის ფორმა რომ არ მქონდა ჯერ კიდევ.

როკი: მოხედვით მოგხედე, თუმცა შენი თმების მეტი არაფერი დამინახავს.

ილონა: აღვირი გამოძართვი! ენგურის ხიდაძვე რამენაირად ნუ მოიხედავ, მერე სამშვიდობოს ვართ. გენადი ხომ არაფერს დააყრანტალეებს?

როკი: ნეკა თითები გადააჯვარედინა, დედა მომიკვდესო, დაიფიცა.

ილონა: მაშინ საშიში არაფერია. ჩვენებს მამაშენის დიდი რიდი აქვთ. განსაკუთრებით ყაჩაღი რომ დაიფრინა იმის შემდეგ. გცემდა ხოლმე?

როკი: ერთხელ. ფიზკულტურის მასწავლებელმა თვალის რომ დამიღურჯა, მაშინ.

ილონა: რამდენადაც ვიცი, არც შენ დაგიყრია მაგისთვის კარგი დღე. მეტი რაღა უნდოდა?!

როკი: საკუთარ თავზე ვბრაზობდი, თვალის რანაირად დამიღილაგა-მეთქი. თავის მართლება არც მიცდია და მომსცხო ქამარი.

ილონა: ეგ იმიტომ, ქვეყანაზე შენი მჯობნი არავინ უნდა ჰყავდეს. დედაჩემსაც უყვარს გაჯორვები. დამსგამს სარკესთან და მეტყვის!

შენხედე, ხომ ლამაზი დედიკო გყავს, მაგრამ შენ ასწილად მზეთუნახავი იქნებიო. ბიჭებისგან თავი შორს დაიჭირე, თორემ ჩემივე ხელით მოგკლავთ, სულ ამას მეჩინებთა. როკი კეთილი, ალალ-მართალი ყმაწვილია, მაგრამ ნუ ენდობი, იცოდეთო. თანაც შარშან ბიცოლაჩემმა ცუდი ამბავი მოიტანა შენზე. ბაზრის წინ გამოჩენილხარ თუ არა, გრეჩანკას ქირქილი დაუწყია ქალებში.

რატომ იცინიო, ჩაჟინებია ბიცოლა.

რისთვის?! მამლაყინწას კი ჰგავს, მაგრამ სინამდვილეში ულა-

ყიაო.

იცის ახლა ჩემს ფორანში რომ ზიხარ და ბოლმისგან სკდება. სულ შენს კბენაში იყო ეს წლები.

უბედურებას მოგვიტანსო, გაუწყალა მშობლებს გული. რა იყო, ერთიანად წამოჭარხლდი. თვალებს რისთვის მარიდებ? მართლაც ხომ არ ასულხარ გრეჩანკასთან?

როკი: ერთხელ.

ილონა: შემომხედე-მეთქი. როდის იყო ეგ?!

როკი: ბაზრის რიარიაში რომ დამეკარგე. ბევრი გეკებე, მაგრამ ამაოდ.

ილონა: თვითონ დაგიძახა?!

როკი: არა, ჩემით ავედი.

ბოშა გოგონა სახრეს ზედიზედ გადაუჭერს ცხენებს. ფორანი მოხრეშილ გზაზე წარახრახნდება.

ილონა: ყველაფერი ჩემი ბრალია. შენ ქალი გინდოდა, მე კი დედის შიშით ახლოსაც არ გიკარებდი. თვალებს ნუ მარიდებ. თითქოს არაფერი მომხდარა. მომეცი ხელი. აი, შეხედე, აწი სარბენალი არსად გექნება. როგორ გამიწვალეებიხარ თურმე ეს წლები! არაფერია. აგერ გყავს შენი ილონა. არც ჯვარისწერას დავუცდი. შენი სიტყვა ჩემთვის ღმერთზე მეტია. უკან ხომ არ მოგიხედავს?!

როკი: არა.

ილონა: ჰოდა, დიდებული! ახლოს მოიწი, მოსარიდებელი არაფერი გჭირს!

ჩუბინიძე: თვით აზროვნებაც ისეთივე მატერიალურია, როგორც ყველაფერი მთელს უზარმაზარ სამყაროში და მასაც ისევე შეიძლება ხელით შევეხოთ, როგორც მაგალითად მაგიდას. დღეისათვის ადამიანთა შორის გონებასუსტებისა და თუნდაც გენიოსების გამოვლინების ფაქტებიც არანორმალურ მოვლენადაა მიჩნეული და ესეც თვით ადამიანის მიერ არასწორი აზროვნების გამო გაფუჭებული ეკოლოგიის შედეგია და ამ ანომალიის გაქრობის შესაძლებლობაც რეალურად არსებობს. წარმოიდგინეთ, რომ თქვენი გონება ნამდვილად ფლობს და თავიდანვეც ფლობდა ჭეშმარიტების ცოდნას, მაგრამ რადგანაც ის დაბადებისთანავე მოხვდა ისეთ არანორმალურ ეკოლოგიურ გარემოში, როგორც ჩვენს გაჩენამდე მოღვაწე ადამიანების არასწორი ანუ უცოდინარი ქმედებების შედეგად ჩამოყალიბდა, მოხდა ჯერ კიდევ გაუთვისცნობიერებელი გონების დანაგვიანება ანუ გონების ნათელის დახშობა მასზე არასწორი ინფორმაციების, იგივე გარკვეული სხვადასხვა სიჩქარეებისა და სიზშირეების მოძრავ მატერიალურ მასათა ანუ იგივე მოძრაობათა უამრავი რაო-

დენობით დაყრა-დაფარვის შედეგად, რომლის სისქეც რაღა თქმა უნდა ნებისმიერი ინდივიდუუმის გონებისათვის მეტნაკლებად არათანაბარია, იმისდა მიხედვით თუ როგორ მიკროგარემოში მოხვდა თითოეული. მაგრამ დღეს, როცა ჩემი თავდაუზოგავი მცდელობით ვახდენ არასწორი ინფორმაციებით სქლად დანავიანებულ-დასშული თქვენი გონებიდან ნავის ფენების გარედან გასუფთავებას, ამასთანავე თქვენი გონების ნათელიც თავის მხრივ შიგნიდანაც აგრძელებს გამოღწევის მცდელობას, დარწმუნებული ბრძანდებოდეთ, უკლებლივ ყოველი თქვენგანიც საბოლოოდ აუცილებლად შეძლებს ქეშმარიტების შექმნებას, ანუ საკუთარი გონების გათავისუფლება-გაწმენდას ზედმეტი ნავისაგან და შედეგად რეალური სამყაროს ფხიზელი გონებით თავისუფალ აღქმას, შეგრძნებას. მეოცე საუკუნის ჰერაკლე. რა ჩქარა დაასუფთავა ავგის თავლები?! სამყარო ერთი და ერთიანია. მასში მოქმედებს მხოლოდდამხოლოდ ერთადერთი კანონი, რომლის ზეგავლენის შესაბამისადაც წონასწორდება ანუ გამოვლინდება ყოველი და რომელსაც თამამად შეიძლება მსოფლიო წონასწორობის ანუ ქეშმარიტების კანონი ვუწოდოთ. სამყაროს სივრცის ნებისმიერ ლოკალურ გარემოში არსებული ყოველი სხეული მუდმივად განიცდის უშუალო გარემო დაწოლას იმ მატერიალური მასისაგან, რომლისგანაც შედგება სხეულები გარემო და რომელიც ცდილობს გააძეგოს ეს სხეული და მისი ადგილი დაიკავოს ამ მასითვე, რომლითაც ერთნაირადაა გაჟღერებული მთელი უსასრულო სამყარო და რომელსაც ეთერი ეწოდება. ხოლო ეთერი კი იმ უმცირეს მატერიალურ ნაწილაკათა ერთობლიობაა, რომელთაგან თითოეული ერთეული და ერთიანი მასიური სფერული მოცულობის დრეკადი, იგივე კუმშვადი მასა, მატერია ანუ არსებაა და რომელიც თავისთავად თავისსავე მსგავსი სხეულების ერთობლიობისაგან შემდგარ მასაში მოხვედრილ სხეულს წარმოადგენს და რომელიც ისეა შეკუმშულ-დეფორმირებული, სხვა მისივე მსგავსი სხეულებით გარემოდაწოლისაგან, რომ მათ შორის ცარიელი ადგილის დაშვებაც კი შეუძლებელია და სწორედ ამ ერთმანეთზე ნიადაგ გარედაწოლისაგან გამოწვეული მუდმივი შეკუმშულობა გვევლინება იმ შინაგან ძალად, რომელიც ნიადაგ ცდილობს გაფართოებას და თავისი ეგრეთწოდებული საწყისი პოტენციური ფორმის აღდგენას, რითაც ახდენს დაწოლას მასთან შეხებაში მყოფ ყველა მსგავს სხეულზე, რომლებიც თავისდა წილად მასზევე ახდენენ დაწოლას. აი, სწორედ ამ მდგომარეობის ანუ სამყაროს შემაღვენილი უმცირესი ელემენტარული ნაწილაკების მუდმივი ურთიერთწეწოლის შედეგადაა ჩამოყალიბებული ენერგიით ანუ მოძრაობით წინასწარ გაჯერებული გარემო, რომელიც ყოველთვის საწყისი მიზეზია ნებისმიერი

მოვლენისა და იგივე მოძრაობა ანუ სივრცეში მატერიის ადგილმონაცვლეობა. თვით სივრცეც მატერიალურ ნაწილაკთა მოძრაობითი ერთობაა, რამეთუ ზემოთ ჩამოყალიბებული კანონი ავტომატურად გამოირიცხავს სამყაროში სიცარიელის ბუნებრივად არსებობას და ამდენად, თვით მოძრაობას წარმოადგენს. აქედან გამომდინარე, სამყარო არის მოძრაობა მოძრაობაში, მობილე ინ მობილე, ანუ უსასრულო მობილე ანუ პერპენტუმ მობილე ანუ მუდმივი ძრავა, რომლის მოძრაობასაც არა აქვს დასასრული ანუ არაარსებობა ანუ ნული. ადამიანმა სწორედ განზიდულობის ძალების მოქმედების წყალობით მოახერხა დედამიწის ზედაპირიდან მოწყვეტა და ღია კოსმოსში გასვლა, სადაც გამოაშკარავდა ისიც, რომ ნიუტონის მიერ აღმოჩენილი მსოფლიო მიზიდულობის კანონი სინამდვილეში დედამიწის ზედაპირის იქით არ ვრცელდება და ამდენად მსოფლიო კანონს არ წარმოადგენს. განზიდულობა ქმედება-უკუქმედების კანონში ვლინდება. დიან, სწორედ განზიდულობის ძალებით წონასწორდება სამყაროში ყოველი, ანუ სწორედ ამით ეძლევა ყველაფერს ღია კოსმოსში უწონადობა, რამეთუ თანაბრად გაწონასწორებულია ყოველი სხეული ირგვლივ გარემოდაწოლით და ამის გამო ყველას და ყველაფერს მიჩნეული აქვს თავისი საკუთარი ადგილი, რაც თავისთავად განსაზღვრავს სხვათა შესაბამის ადგილმდებარეობას და ამდენად, არაფერი მიიქაჩება ერთმანეთისაკენ საკუთარი შინაგანი ძალების მეშვეობით, თორემ ეს ასე რომ იყოს, მაშინ ყველა პლანეტა უკვე დიდხნის შეერთებულიც იქნებოდა ერთმანეთთან და აღარც იარსებებდა, მაგრამ სამყაროს არსებობის გარანტი ყოველთვის უსასრულობაში დევს, ანუ მისი სივრცითი უსასრულობის გამო სწორედ რომ ყველაფერი გაწონასწორებულია და ყველაფერს თავისი განსაკუთრებული საკუთარი ადგილი უჭირავს. მოძრაობა არასდროს მთავრდება, რამეთუ სწორედ მისი უსასრულობა ანუ არასრულყოფილება იწვევს მიმდინარე აუცილებელ პერიოდულ კატაკლიზმებს, რომლებიც ქანქარასავით სამყაროს მოძრაობისათვის დაუსრულებელი ბიძგის მიმცემნი არიან და ამდენად, მათი არსებობაც კანონზომიერია, წინასწარგანზიდულებულია, რის გამოც ყველაფერი წონასწორობისაკენ ანუ არარაობისაკენ მიისწრაფვის, მაგრამ რის გამოცვე ვერასდროს აღწევს მას ანუ მუდმივ დაძაბულობას ინარჩუნებს. რახან განზიდულობა მოძრაობაში არსებული სხეულების ურთიერთშეხებით ხდება, იქმნება სხვადასხვა სიჩქარითა და მიმართულებით მოძრავ უძცირეს ნაწილაკთა სხვადასხვა სიდიდით დაჯგუფებითი, მოცულობითი სხეულები, რომლებიც განიცდიან გარემოდაწოლას სხვა მოძრავი სხეულებისაგან შემდგარი ერთგვაროვანი

მატერიისაგან, ეთერისაგან და სამყაროს თითოეული სხეულიც სწორედ ამ ეთერით წონასწორდება ანუ მუდმივი ტრაექტორიით მოძრაობს სამყაროში ანუ დაცურავს თვით ეთერში.

ჭკუშპარიტებაშემცნებულისათვის არ არსებობს „აღბათ და შეფარდებითი“, რადგან მან ზუსტად და კონკრეტულად იცის ყველაფერი და ათვლის წერტილი აზროვნების პუნქტი თითოეული ინდივიდუუმისათვის არის საკუთრივ პირადული და ინდივიდუალური, განუშეთრებელი და ერთადერთი, თვით ნებისმიერი სუბიექტის მე, რამეთუ ყოველი ინდივიდუუმისათვის სამყაროს აღქმა და ათვლა უშუალოდ პირადული მედან იწყება. თითოეული ინდივიდუუმისათვის სწორედ ის არის მხოლოდ სამყაროს აბსოლუტური ცენტრი და უშუალოდ შესების წერტილი, მაგრამ სწორედ ამ წერტილის საშუალებითაა ისე ორგანულად და განუყოფლად დაკავშირებული მთელი სამყაროს ნებისმიერ წერტილთან, როგორც ჩვენი საკუთარი სხეულის ნებისმიერი უჯრედია შეერთებული ჩვენი აღქმის ცენტრთან და რითაც მომენტალურად შევიგრძნობთ და ვფლობთ საერთოდ მთელს საკუთარ სხეულს. სწორედ ამის გამოვე გაგვაჩნია თითოეულ ინდივიდუუმს პოტენციური შესაძლებლობა ამავე წერტილიდან, ანუ საკუთარი ინდივიდუალური, პირადული სუბსტანციიდან, ანუ სულიდან ადვილკამდეთ და ვფლობდეთ მთელს სამყაროს, რადგან ეს საყოველთაობა ხომ თითოეული ამ სუბსტანციისათვის საკუთარ განუყოფელ სხეულს წარმოადგენს, რათა ადვილიდან დაუკრეღად ვგრძნობდეთ მთელს სამყაროს ანუ ვიცოდეთ თუ რა ხდება მთელი სამყაროს ნებისმიერ წერტილში. ბატონებო, სამყაროს სივრცის ნებისმიერ ლოკალურ გარემოში არსებული ყოველი სხეული მუდმივად განიცდის უშუალო გარემოდაწოლას იმ მატერიალური მასისაგან, რომლისგანაც შედგება ხსენებული გარემო და რომელიც ცდილობს გააძევოს ეს სხეული და მისი ადვილი დაიკავოს! ვერ მიმხვდარა ადამიანი იმას, რომ სამყაროს უკიდევანო სივრცის ნებისმიერ ერთეულ მოცულობაში ერთდროულად თანაცხოვრობენ განუსაზღვრელი რაოდენობის სხვადასხვა სახისა და განვითარების დონისა თუ სიციოცხლის გამოვლინების ფორმის არსებანი, ისე რომ ერთმანეთს ვერ ხედავენ, ვერ გრძნობენ ურთიერთშესებას თუ ერთმანეთში ეავლა-გამოვლას და ამიტომ არაფერიც იციან ერთმანეთის შესახებ, რადგან ყოველგვარი მოვლენა ნებისმიერ დამკვირვებელს გამოეცხადება ანუ შეიგრძნობს მოძრაობის სინქარის მხოლოდ იმ დიაპაზონში, რა დიაპაზონშიც ამ დამკვირვებლის მოძრაობის სინქარის აზრობრივ მგრძნობელობას ახასიათებს, ხოლო მოძრავი მატერიის სხვა სინქარეები ანუ მოძრავი მატერიის სხვა გამოვლინებები, მის მიერ ვერ აღიქმება მანამ, სანამ ის თვითონვე არ შეიცვლის დაკ-

ვინგების ანუ თავისივე მოძრაობის სიჩქარეს, რის შედეგადაც იგი დაპკარგავს იმ ხილული სამყაროს აღქმას, რომელსაც ადრინდელი სიჩქარის დროს აღიქვამდა, სხანცვლოდ შეიგრძნობს სულ სხვა მოვლენებს და თვითონაც წარუდგება იმ არსებებს, რომლის აღქმაც ამ ახალ, შეცვლილი სიჩქარის დიაპაზონს შეესაბამება. როგორც დავინახეთ, მიზიდულობა სინამდვილეში განზიდულობაა და საერთოდ ყველაფერი ერთია, რამეთუ ყველაფერი მოძრაობაა და მოძრაობაშივე ვლინდება, მოძრაობა კი ჭეშმარიტებაა, ჭეშმარიტება — ღმერთია, ესე იგი ღმერთი ვარ მეც, მაგრამ ამავე დროს შენც ღმერთი ხარ, რადგან მე და შენ, ანუ ჩვენ, ერთნი ვართ, ჩვენ მთელი სამყარო ვართ. სამყარო ერთი და ერთიანია, რადგან ჩვენითვე ერთიანდება. ამიტომაც ძალა ერთობაშია, მაგრამ ძალაც — მოძრაობაა. ოოო, აი, თურმე რა ძალა ჰქონია ერთობას ანუ „ერთოფა“-ს ანუ „ერთი ო-ს ფა-ს“ ანუ „ერთიანი 0-ს ფრენას“ ანუ 0-მცნებას, ჭეშმარიტებას და მასში, ოცნებაში ჭეშმარიტად ყოფნას!“

კოხორასთან არიან. გზისპირებზე უწყვეტი ჯაჭვივითაა გამოშლილი მოსახლეობა — ქალები, ბავშვები, მოხუცები.

მზე კვლავინდებურად აცხუნებს, თუმცა გვარიანი ხნის გადასულია ჰორიზონტიდან. სიტუაცია ერთნაირია ყველგან. განწყობილება, ერთსულოვნება იდენტურია, მხოლოდ სახეები იცვლება და რეკვიზიტები — ფლორა, რელიეფი, ჭიშკრები, ოდა-სახლები. იგივე შემახილებია,

იგივე გამხნეებანი, იგივე დალოცვანი და საგზლით მომარაგება.

ერთი დაფერდებული ეზოს შუაგულში დეკაკი გამოსულა, ჯოტო ოდიშელიასავით გოლიათი. წელსზემით შიშველია. ჯაგარა თმა მოჰერის ჯემპრით ადგას ტანზე. ცალ მხარზე ორფუთიანი ტყვიამტრქვევი გაუდვია, მეორეზე — მანდიკურად ვაზნებით დამუხტული ლენტი, რომელიც მუხლებამდე დასთრევია. სპეცოკვა შარვლის უთვალავი ჯიბე საჭურვლისგან გამობერვია. ცოკოლზე შეყენებული სახლის აივნისა და ქოქოლას აყრის გაწლიკული ცოლი. ეგ კი ჯიუტად ითმენს დედაკაცის წიწმობას. ეტყობა ოჯახის მეთაური მუყაითობით მაინცდამაინც ვერ დაიკეხნის და მათ ცოლქმრულ სიამტკბილობას შუა მცონარობას და უშვილობას შავ კატასავით გაურბენია.

— წავედი ახლა. ვანახებ მე მაგათ!

— წადი, წადი, აქეთ არ მობრუნებულიყავი!

— თუ დავბრუნდი, მოგივლი! — ბუბუნებს ჯანჯას ულვაშიანი მელოტი დეკაკი. არშინიანი ფეხისკვრით კუტიკარს გამოადირწკინებს, ფისში ამოვლებული ტანით მოემართება. იშვიათი სცენით გამხიარულებული ბიჭები ხელებს გაუწვდიან და ბუმბულივით აიტაცებენ ტყემზიდის ძარაზე.

ამასობაში განახლება გზაზე დროებით შეფერხებული მოძრაობა.

„ჭეშმარიტებაა, რომ სამყარო დროსა და სივრცეში მოძრავი მატერიაა, მაგრამ გაუგებარია ჩემთვის, ჩუბინიძეს რისთვის დაჰყავს ყველაფერი მოძრაობამ-

ლე?! რაიმეს აკვიატებამ, აჩემებამ ბევრ მეცნიერს მოატეხინა კისერი. ჰეგელმა დაიჟინა აბსოლუტური გონი. მერედა მოიგო ამით?! დაადგინა ვითომ ჭეშმარიტების ნამდვილი სახე?! საეჭვოა. ჩვენი ვლადიმირი დუვალისტიცაა ამავედროულად, მატერიასაც აღიარებს და ღმერთსაც, თუმცა მისი უფალი განსხვავებულია, იგი უზენაესს უწოდებს ჭეშმარიტებასეცნობილ ადამიანს.

ილონა: ჩემდა საკვირველად ის ნათელი დაგწვდა, წამოგწია, მივხვდი მართმეფდნენ შენს თავს, მთელი სხეულით წაგებლაუჭე, მაგრამ სავალალოდ ფორანზე დაგდებულ თოკში გავიხლართე და ვწითდი, ვკიოდი, ცრემლად ვიდვრებოდი და ისე გაუჩინარდი წაშში მდინარის თეთრი ქვებით მოფენილი ფსკერივით გამჭვირვალეს ერთხელაც არ მოგიხედავს.

მატერიის მოძრაობის ფორმებზე ჩინებულად ბრძანა ჯემალმა, თუ როგორ გადადის მექანიკური ფიზიკურში, ფიზიკური — ქიმიურში, ქიმიური — ბიოლოგიურში და ეს უკანასკნელი — საზოგადოებრივში. მატერია სპირალური ბუნებით უმარტივესიდან ურთულესისკენ მიემართება და უკეთესს რა მიზანს დაისახავ, თუ არა ჭეშმარიტების შემეცნებას?! აგერ, ალვერ ავიძბა მოითხოვს თავისი ერისთვის საარსებო სივრცეს ქართველების შევეწროვების ხარჯზე. ახლა შევაფასოთ, ვინ უფრო მართალია ჭეშმარიტების პოზიციიდან? სამყაროსთვის ქართველი და აფხაზი თანაბარია, ორივე მისი შვილია, მათი ანთროპოლოგიური მონაცემების თუ რაოდენორივი მაჩვენებლების მიუხედავად. სამყაროს გადასახედიდან უმნიშვნელოა აფხაზი მნათობს ამრას დაუძახებს, მზეს, სოლნცეს თუ ჰელიოსს და აქედან გამომდინარე, კაცობრიობის პროგრესის დამამუხრუჭებელი ენობრივი ბარიერია. ასევე მართლაც დაბმულია ჩუბინიძისეულად დედამიწაზე ადამიანი რელიგიური წარმოდგენებითაც. სამყაროს წარმართველ ძალად ღმერთის, აბსოლუტური გონის, გნებავთ მოძრაობის დასახელება უკვე მიუღებელია ჩემთვის. ბორკილება ცივილიზაციისთვის საზღვრები, რომელიც ბაღდადში აბაზად ღირებულ ვირს კახეთამდე თუმნად გადააქცევს. ცნობიერება, რომელმაც ხუთი საფეხური გამოიარა, ვიდრე ადამიანამდე მოაღწევდა, დედამიწის მექანიკურ მდგომარეობაშივე იგულისხმებოდა, მაგრამ ახლა რომელი დავაყენოთ წინ, ის, რაც მოიცავს ნაგულისხმევ აზრს და მხოლოდ ხუთი ფორმაციის შემდეგ გამოვლინდება თუ ამ იდეის მატარებელი მატერია?! სამყაროში არაფერი იკარგება, მაგრამ ერთი ფორმაციიდან მეორეში გადასვლისას მატერია იკვითება და არასდროს აღსდგება პირვანდელი სახით. ეს გახლავთ მისი გენიალური კანონი. რანაირად შეიძლება ერთ მწკრივში დავაყენოთ წარსული, აწმყო და მომავალი?! როგორ გინდა ალადგინო დანაცრული საზოგადოებანი თავიანთი ომებით, ზეიმებით?! ერიპა, ეს ხომ აბსურდია?! აწმყოს ექსპორტი წარსულსა თუ მომავალში ფანტაზიორობაა და თავის ტყუილუბრალო ატკივება.

ილონა: შენ იოტისოდენადაც არ გეყვარებია ილონა, თორემ საქმეს

ასე არ გაითვალისწინებდი. სამყაროში რომ უმნიშვნელო არაფერია, უდავოა. აფხაზიც, ქართველიც, რუსიც, ჩინელიც, ამერიკელიც აუცილებელი ფენომენია კაცობრიობის მერმისის თვალსაზრისით, მაგრამ მილიარდი ბიოლოგიური არსებიდან მხოლოდდამხოლოდ ადამიანის შტო გამოდგამართებულზე მართებული. თავდაპირველად ყველას ჰქონდა შანსი ჰომო საპიენსის სტადიამდე მიეღწია, თუმცა უზარმაზარი ზეგავლენა იქონია გარემო პირობებმა, საკვებმა, მოკლედ, ეკოსისტემამ. ის წინაპარი ჰქვიანი ადამიანისა გონიერი იმიტომაც აღმოჩნდა, რომ ჯიუტად კი არ ჩაებლაუჭა თავის ბიოლოგიურ თავისებურებებს, არამედ, გამუდმებით იცვლიდა ბუნება-ხასიათს, სხეულის მდგომარეობას, იძენდა ახალ, საჭირო ნიშან-თვისებებს, უარყოფდა ძველს, გამოუსადგარს და სწორედ მომავლის თვალსაწიერიდან იმ ერს არ უწერია გადაშენება, რომელიც ნაკლებად ჩაფრენია საკუთარს. იაპონელები შერეული ქორწინებებით სწრაფად გაიჭრნენ წინ სიმაღლეში, დაეხვეწათ სახე, ტრადიციას გადაამყნეს სრულიად დედამიწის მონაპოვრები და შედეგმაც არ დააყოვნა. ევროპოიდის ჩამოყალიბებასაც განა დაუსრულებელმა მიგრაციებმა არ შეუწყვეს ხელი?! ადამიანი წინ მსწრაფველი ცხოველია, მან უკანდახევაც იცის წინსვლის სასარგებლოდ. თვით სინათლის სხივიც მიიღტვის წინ კოლოსალური სიჩქარით, მაგრამ რაღაც მიკრონებით უკუდგება ეთერის წინაღობით ამ სწრაფვაში. ნებისმიერი მოძრაობა წინსწრაფვაა გარკვეული უკანდახევის წყალობით. **ბოშა ქალი: გაივლის ერთ კარს, გაივლის მეორეს, გაივლის მესამეს და არასდროს მოიხედავს უკან, არასდროს დაუბრუნდება გარდასულს, განცდილს.** ის, რაც ნიშანდობლივია ატომისთვის, ორგანიზმისთვის, ოჯახისთვის, წესით უნდა ახასიათებდეს პლანეტებს, გალაქტიკებს, სამყაროს. მიკროს თვისებები გაბეგრებულ-განვითარებულა მაკროში. ადამიანი კრებს სამყაროს ყველა ნიშან-თვისებას და ახდენს მისი მოძრაობის ფორმებისა თუ შემეცნების სახეების სინთეზს. რატომ უნდა გამოვედევნოთ განუსაზღვრელს, აბსტრაქტულს, როცა კონკრეტული ადამიანი სასრულია, საზოგადოება კი — დაუსაბამო?! ბუნებრივია, სამყაროში არაერთხელ მოხდება გლობალური დაჯახებები, როცა ესა თუ ის პლანეტა ამოვარდება ორბიტიდან და ცეცხლი შთანთქავს, სრული განადგურების საფრთხე შეექმნება გონიერ არსებას, მაგრამ მეექვსეა კაცობრიობამ გულხელდაკრეფილი დაუცადოს თავის აღსასრულს. **იღონა: შენ ჩვენი ფორნების ბორბლებივით არასდროს მოიკიდებ ხავსს, რადგანაც ჩვენი ფორნებით შემოივლი მთელს ქვეყნიერებას.** შევხვდები კაქარავას ოდესმე. მისმა მიგნებებმა თავგზა აუბნია ათეულებს. დამწერლობის შექმნა 0-მიკრონის გახსნას დაუქვემდებარა. 0-მიკრონი ხომ იგივე ნულია თავისი გრაფიკული აღნაგობით და დავასახელოთ კიდევ სამყაროს მოდუსად უდასასრულო სფერო, მაგრამ გაორებაც ხომ თვალსაჩინოა?! სფერო რანაირი მოცულობისაც უნდა იყოს, სასრულია თავისი ფორმა-შინაარსით, რადგანაც გააჩნია ცენტრი, დიამეტრი და აუთვისებელი სივრცე გარშემო-

წერილობის მიღმა. ჭეშმარიტებას მე დავარქმევდი საზოგადოებრივ, საყოველთაო ცოდნას საგნებსა და მოვლენებზე. მას არ სჭირდება საზღვრები, შეფარდებითია ეს თუ აბსოლუტური, ვინაიდან ჭეშმარიტი ნიშნავს ადეკვატურს, არც — მეტი, არც — ნაკლები, ასი პროცენტით აღქმას ობიექტური სინამდვილისას. ცეცხლთან მიტანილი დენთით ვინაა ვუფროსოდეთ მის წარამარა ხსენებას. შეუძლებელია ჭეშმარიტი გვეწოდებინა გეოცენტრული მოძღვრებისათვის, როცა ყველა პლანეტა დედამიწის ჩათვლით მზის გარშემო ბრუნავს ჩვენს გალაქტიკაში, ხოლო რაც შეეხება სიკვდილ-სიცოცხლის იგივეობას, ლეთას ხელში გადასული პიროვნება არავის უნახავს უკან მობრუნებული. კლინიკური სიკვდილის მოშველიება, შავი გვირაბის გავლა სრულებით არ ნიშნავს სუბიექტის დამოუკიდებელ არსებობას, ინდივიდის დაშლის, გარდაცვალების შემდეგ. ეტყობა ბუნებრივი სიკვდილის პროცესი სულიერი ნეტარების უმადლესი ფორმაა. დროის იმ უმოკლეს მონაკვეთში ადამიანი, ალბათ, მთელი სისავსით აჯამებს თავის ცხოვრებას და აქედან გამომდინარე თვითონვე მიუჩენს ადგილს საკუთარ მეს ჭეშმარიტების მიმართებაში, მაგრამ ეს როდი ნიშნავს სხეულწართმეული ცნობიერება ოდესმე განმეორდება: იშვიათად, იცხოვრა, იღვაწა, მიიცვალა და ეს არის სწორედ ინდივიდუალუმი არსებობის გამართლების კონგენიალური კრიტერიუმი. დავუშვათ და ვეგერ, ლალიძგასთან აფსუა-სეპარატისტის ტყვიამ გამაგორა. ჩემი გონება ერთხელაც დაატრიალებს აწ გავლილ საწუთროს, თანდათან ჩამოიშორებს მუქ ფერებს და ყველაზე ნათელი ამ შემთხვევაში შინაგანი ტკბობის პროცესი დაჩქარებულია არაბუნებრივი სიკვდილით. ამიტომაც ამბობს უეჭველად ქრისტი: არა კაც ჰკლავ, რამეთუ სრულფასოვნად ვერ შეიგარძნობს სამყაროს, უკეთ ვერ მოასწრებს მის შეცნობას, გაანალიზებას ძირფესვიანად, მოგონებებით წააბიჯებს იმ კლინიკური მკვდრების გვირაბისაკენ. რა წამყვება იქით, ვინ, ილონას მეტი?! დანარჩენი ყველა ანგარებითია. ეგ დამრჩა ერთადერთი, რომელსაც ყელზე ავგაროზივით ჰკიდია ჩემი ხატება და ამითლა სულდგმულობს. **ილონა: შენ ზანგი გოგოს თეთრი სიკვდილი ხარ. შენ მთავრობა გდევნის, მე — სიყვარული. ყველამ დაჰკრა თითო ქვა ბატარა გოგო-ბიჭს. მწვანე თვალებიანს უფლება აქვს საქმრო თვითონ ამოირჩიოს. მე მაგნიტივით ვარ.** ადამიანის გონებას არაფერი სჭირს ვლადიმირის გამოსახვეტი, რადგანაც რეალურად არსებულზე მეტი ინფორმაცია ნამდვილად არ მოეპოვება. კი, ცხოვრების დაგროვილ გამოცდილებათაგან შესაძლოა ბევრი საჭიროებდეს სანიტარულ ჩარევას, მაგრამ სხვანაირი ჩხირკედელაობა წყლის ნაყვია. მერედა, ზედმეტი სითამამე ხომ არ არის მოძრაობის გაფეტიშება?! **ჩუბინიძე: ფარდობითობის ზოგადმა თეორიამ დაასაბუთა, რომ დროის მიმდინარეობა და სხეულთა განფენილობა დამოკიდებულია ამ სხეულთა მოძრაობის სინქარეზე და რომ ოთხ განზომილებიანი კონტინუუმის* სტრუქტურა ან თვისებები, იცვლება ნივთიერებათა მასების თავმოყრისა და მათ მიერ წარ-**

მოქმნილი მიზიდულობის ველის გავლენით. ჯობდა აქვე განზიდულობაც დასახლებულიყო. ფანატიზმი ყველაფრის გამანადგურებელია, მომსპობი, ფელოსოფიაშიც, საზოგადოებაშიც, ინდივიდშიც. მხოლოდ განზიდულობით შეუძლებელია სამყაროში სხეულები მოძრაობდნენ. ჩვენს პლანეტაზე მეტეორების ცვენა იმიტომაც შეიმჩნევა, რომ მათი მასა, მაგნიტური ველი უსუსურია დედამიწასთან მიმართებაში, ამიტომაც მიიტაცებს ეს უკანასკნელი მასზე ათასჯერ და ათიათასჯერ მცირეს გვერდზე ჩავლისას, მაგრამ ამისი განზოგადოება გაუმართლებელია ტოლფარდი, იდენტური სხეულებისათვის. არიან მეგა სიდიდეები, რომელთათვისაც დედამიწის მსგავსი სხეულები ისეთივე ულუფაა, როგორც ამ შემთხვევაში მეტეორები. სამყარო ცოცხალი ორგანიზმივით სუნთქავს, პერიოდულად ფართოვდება და იკუმშება. აკი, უწოდეს კიდევ მარადიული ცეცხლი, რომელიც კანონზომიერად ინთება და ქრება და რადგანაც ბუნებაში არაფერი იკარგება, ადვილმოსალოდნელია მატერია ვრცელდებოდეს გარკვეულ დონემდე და უკუმოიქცეოდეს, მაგრამ დასადგენია რაა წინაღობა, რომელიც უკუაგდებს, ჩუბინიძისეულად თუ ვიტყვით, მოქაჩავს მატერიას?! თუკი მას განვითარების სპირალურ წესს დავუქვემდებარებთ, ცხადია, მისი რაფინირება უსაზღვროა. მატერიის მოძრაობის ხუთი ფორმით დედამიწაზე მიღწეულია ცნობიერი არსება. მათმა სიძრავლემ და ერთსულოვნებით სიარულმა ერთიანი მიზნისკენ შეუძლებელია არ წარმოქმნას ახალი რეალობა, რომელსაც ჩვენი ვლადიმირი აბსოლუტურ ქეშმარიტებას ეძახის. ასე რომ, ცალმხრივობად მიმანია მხოლოდ მოძრაობის გამოცხადება სამყაროს უმთავრეს ნიშან-თვისებად მატერია-სივრცისგან მოწყვეტით. ჩუბინიძე ორიგინალურია და მე იგი ათას თეოლოგს და იდეალისტს მიჩვენია, როგორც ქეშმარიტების მაძიებელი მოაზროვნე, მაგრამ გვარიანად დავალებულა „მგზავრის წერილებისგან“ და ერთხელ თუ ჩაგითრია საუბარში, მორჩენილია საქმე: საკმევლის სურნელივით გაგაბრუებს და მერე ალილუიასავით ჩაგესმის ყურში აკვიატებული: ანუ, სწორედ, რამეთუ, ესეიგი, სხვათაშორის, ამდენად. ილია მყინვარწვევს უძრავობასთან აიგივებს უკვდავებასავით ცივს და განცხრომასავით ჩუმს. იგი ხილულ მჭექვარებას შეჭხარის თერგის სახით და აიდეალებს კიდევ. არ მიყვარს არც მაგისთანა სიმალლე, არც მაგისთანა განზედ გადგომა, არც მაგისთანა მიუკარებლობა. მოძრაობა და მართო მოძრაობა არის, ჩემო თერგო, ქვეყნის ღონისა და სიცოცხლის მიმცემი. ჩუბინიძემ აღმოაჩინა საკმარისად მივიწყებული ძველი ნებისმიერი სხეულის, მოვლენის, მცნების, კატეგორიის მოძრაობა და სამყაროდ გამოაცხადა მატერიის ერთ-ერთი თვისება. ასეც არის, რადგან მყინვარიც მოძრავია, თუმცა განსხვავებული სიხშირით — მისი ამოზრდა მიწის წიაღიდან სანტიმეტრია საუკუნეში, მაგრამ ხომ არიან გაცილებით ნელი მოძრაობებიც, რომელთა ფონზე ყაზბეგის მოძრაობა თერგზე ასწილ სწრაფად მოგეჩვენება?! ჯემალი ანალიზებს ადამიანის, საზოგადოების ჩამოყალიბების ეტაპებს ამ უკიდევანობაში, მე კი განვჭკვრეტ კოსმოსის სუნთქვას, ხა-

ზალიას გარმონივით რომ წელავს და კუმშავს უჩინარი ხელი, ან კაუჩუკის ბურთივით რომ ირეკლება უხილავი კედლებისგან. როდემდე, რა დონემდე ივრცობა სამყარო, სანამდე შესწევს გამძლეობა მის დაჭიმვას, დაძაბვის ხარისხს?! აქვს კი ზღვარი ამ მიმოქცევის თუ მართლაც ვლადიმირის მატროშკაა — ერთმანეთში ჩალაგებული ასლები სიმცირისკენ და სიდიდისკენ. ფილოსოფოსადაც იბადებთან. შენ უკეთესია ავტომატს მოუჭირო ხელი და უბედური ადამიანები გამოიხსნა ცეცხლის რკალიდან, ხოლო რაც შეეხება კაცობრიობის პერსპექტივებს, მართლაცდა განუზომელია. მჯერა იგი ყოველგვარი მანკიერისგან განიწმინდება და თავისუფალ საზოგადოებაში ადრე თუ გვიან სრულყოფილად დაეუფლება ჭეშმარიტების პრინციპებს. რა ქნას ახლა ანთარამ? გმირი კი ჰყავს ნაპოვნი. არც ტყვიანობა უნდა იქონიეს არ იცვამს სიტყვის იმედით უიარაღო, მაგრამ საინტერესოა, რანაირად მოახერხებს ამ ფიქრების ქაღალდზე გადატანას?“

— გენად, მორდუს წერილი რა უყავი?

— ჰო, მართლაც სულ გამოძრჩა კვე... გიორგი, ცოტა ჩაიჩოჩე, — ეუბნება ანთარას ნაბოლარა ოდიშელია. ჯინსის უკანა მარჯვენა ჯიბიდან შუაზე გაკეცილი, მარკებით აჭრელებული კონვერტი ამოაქვს, — საირემში თქვენი გამგზავრების კვირისთავზე მოგვიტანა ლულა ფოსტალიონმა. ზაკაზნოიოა და სანამ ყურნალში ხელი არ მომაწერინა, არაფრისლიდებით მძლევედა. მანეთიანიც შეიტყაპუნა. მინდოდა გამომეგზავნა, მაგრამ იქითკენ წამსვლელი ვერავინ ვნახე.

— რაო, რას იწერება მორდუს?

— როდის იყო შენს წერილს ოჯახში ვინმე კითხულობდა? — გაიკვირვა გენადმა.

— გააჩნია მომენტს. იქნებ რა უჭირთ?! სხვის იარაღებში კი აფათურებთ ხელებს და... — როკი ოდიშელიამ გამოართვა ძმას დაზღვეული წერილი.

კონვერტი საკმაოზე მეტად გაცრეცილა. ადრესატის რეკვიზიტები ლამაზი ასოებითაა გამოფხანული ქართულად: „ზუგდიდი, მარქსის 56. როკი ოდიშელიას პირადად) მორდუსგან. 10.VI.89 წ. ქსოხუმი“.

— ყუჰ, რა წვრილად უწერია, ამისი წამკითხავი ვარ ახლა?! — როკის მოაგონდა სტეპანცევის ექსპერიმენტული ზონიდან გამონთავისუფლებულმა როგორი სულმოუთქმელობით გადაავლო თვალი დედის სამკუთხა ბარათს. ერთი ფრაზადა ახსოვს იქიდან: „ჩვენ ყველანი კარგად ვართ“. ისე გახუნდა და დაიძინა მერმე ის უჯრედიანი რვეულის ფურცელი, ნორმალურად ვერ ჩაიკითხა თავიდან ბოლომდე. აკი, თქვა შენამ: ჩვენთან კაკანებს და კვერცხს სხვებთან დებსო.

— გიორგი, დამდე პატივი შენი რომანის გმირს!

წერილი ცალხაზიანი რვეულიდან ამოღებულ ოთხ ფურცელზეა შესრულებული. პირველი ხუთი გვერდი გაჭედებულია მიჯრით მიწყობილი სიტყვებით. მეექვსე და მეშვიდე სულ სხვა კალიგრაფია ეტყობა. მერვე მთლად ცარიელია.

— „მორდუ, წერილს ერთ სტუდენტ გოგონას ვაწერინებ, (კვეკვე ანთარია ხმამაღლა კითხულობს ვერა მარშანია-ავიძას მეგრულად გადმოცემულ გულისთქმას, მაგრამ სქოლიოში ჩიჩქნა რომ არ დაგვჭირდეს, ავამეტყველეთ აქვე დედაქართულზე — ქართული მე არ ვიცი, ჩვენებურად შენ ჩინებულად გვისმის, მაგრამ რატომღაც ბაბუა და ბებია რა ენაზეც მეთამაშებოდნენ, ისეთნაირად ვკარნახობ, მეგრულად. ამ მკერდით გამიზრდისხარ და იმიტომ მაქვს დიდი გული შენთან. იცი, შვილებისგან გამორჩეული არ მყავსხარ და მადლობა უფალს, გარჯა შენთან მაინც არ დამკარგვია. კი, გული დამწყვიტე, პამპლვაქივით რომ მიმატოვე იქ, შუკის თავში, მაგრამ ახლა რომ ვუფიქრდები, შენ ყველაფერში ცამდე მართალი ყოფილხარ. მე ტირილი მოვათავე, დავრწმუნდი, დედაშვილობა მართო გაჩენით არ თქმულა. დადარით მეყრებოდა ხელებზე შენი ცრემლი და გამიგებ ალბათ, შინ რანაირი გუნება-განწყობილებით მივბრუნდებოდი. კიბეებამდე სული როგორღაც მივიტანე. საფეხურზე დავეშვი. ბავშვების ტირილი რომ მომესმა, ჩემი გასაჭირი დამავიწყდა. აივნისკენ მივიჩქარი. არის ერთი რიარია. გაუხარელი ალვერი თვალების ბრიალით დაშლიგინობს და შენს მოტანილ საჩუქრებს აგროვებს. რომ ბრაზობენ უფროსი რძლებია. ლაკობას ქალი გაწკვირინებულნი ზის. ჩემს კაცს დიდრონი ყურები გადმოუყრია □გეუფიშქანს), არაფერს იტყვის, არც — გულამოცლილი დაური და ანატოლი. აფუტებენ სიგარეტს და სხედან თავჩაქინდრულები.

რა ამბავია აქ-მეთქი, ამოვიწმინდე თვალეები.

რა დედაჩემო და ჭიაკოკონა უნდა გავმართო, ალვერმა.

რა დროს ჭიაკოკონობაა შვილო, ოც ივლისამდე ქვეყნის დროა-მეთქი.

ეს თქვენებურადო, ჩემებურად კი ჭიაკოკონა მაშინ უნდა გაიმართოს, როცა ოჯახში შურდინაფილიმ შემოგვივაო. გოგირდს უნდა მოუკიდო და მისი სახსენებელი გადააშენო. თავზე დაგვასვარა ყველას და კიდევ იმას ექომაგებაო. მოყოყმანე ძმების გადმობირებას ლამობს. ჩვენს ძუძუმტეობასთან რა ხელი ჰქონდა პოლიტიკურ კამათსო.

ვინ არის ბიჭო შურდინაფილი?! უყურე შენ, როგორ გავიდა თავს?! აქ მოიტანე ჩემი ტანსაცმელი, თორემ ხალხს შეგიყრი-მეთქი.

უცებ არ შემაშინო, იმან. ილღია გამოტენილი აქვს საკაბეში მოქუჩებური ჭინჭებით. ბავშვებისთვის ნამცხვრები, თოჯინები და კანფეტებიც კი გამოუღდღეზია. სამბორბლიანი ველოსიპედიც აულია.

დავეტაკე.

გეუბნები, მომეცი თორემ ხალხს შეგიყრი-მეთქი.

გაგონილა? თავისუფალი ხელით მსუბუქად მიბიძგა და მეც უკადრისი საქციელის დასამძიმებლად კედელს მთელი ძალით მივენარცხები.

მთლად ნუ აიშვიო, მიაყრია ანატოლმა.

ეს დამთხვეული ჯოჯოხეთს სანატრებლად გაგვიხდისო, კბილებში გამოსცრა დაურმა.

ვაი, თქვე გულმოცილებო, დედას გიცემენ და რანაირადაა დაგდებულ-ხართ □გელაგვუთ)-მეთქი.

ნურას უკაცრადავად. ერთიც არ ინძრევა. უფროსი რძლები კი კაპასობენ, მაგრამ მათ წიწმანობას ვინ უგდებს ყურს?!

ბეჩა, ეს რა მუცლის გვრემა გამიჩენია?! იცოდე, ჩემს დაჩაგვრას როკი არ გაბატეხს-მეთქი.

თვალეები დამიბრიალა.

მაგის დაშინებული შენიანებში მოიკითხეო. შეხედეთ, შეხედეთ, შვილო-ბილით არ გვემუქრება ღვიძლ შვილებსო?! როკის გულისთვის სამივეს უფსკრულში გადაგვიძახებსო. თავისიანებით აავსო სახლი. ქართული წიგნების კითხვას შეგვაკლა. დროზე რომ არ დაეპატიმრებინათ, ადას საქმროდ ჰყავდა გამზადებული, ჩაისიძებდა და ოდიშელიებსაც თავზე დაგვაჭენდაო. ჰაკი ბაბუას ნათქვამი ავიძებებზეა ზედგამოჭრილი: ნაჯახი რას დამაკლებდა, ტარად ჩემიანი რომ არ იყოს შიგ გაჩრილიო.

ვაი, ჩემს თავს-მეთქი, ხელები მომსხვრეულივით ჩამომიცივდა, მუხლებ-წართმეული იატაკზე ჩამოვჯექი. შვილიშვილები შემომხევივნენ. მეფერებიან, მაწყნარებენ.

თქრიალით წამოსული ცრემლიდან ბუნდოვნად ვარჩევ როგორი მედი-დურობით ჩაიარა კიბეები, ჭიშკრისკენ მიემართება. ღობესთან მიგდებულ გაცვეთილ საბურავს დასწვდა. ჩემი კაციც მიედევნა. ვფიქრობ ცოტათი ჰკუთაზე მოიყვანს-მეთქი. საბურავი შუაგზაზე დააგდო. უკან მობრუნდა. გული მომეცა, ეტყობა დაწყნარდა-მეთქი. ხომ გახსოვს რანაირი გულფიცხი იყო □ჯღირკალი, ცივ ქვაზე რომ შედგებოდა, ვერაფრით ჩამოიყვანდი. მანქანის საბარგული ახადა. ბენზინის კალისტრა ჩამოიღო. ახლა ვიცი რაც სწადია. კვლავ ჭიშკრისკენ დაადო თავი. მოასხა საბურავზე ბენზინი, გაჰკრა ასანთს და ააბრიალა. ზემოთ შენი მოტანილები დააყარა. ჩემმა კაცმა მთლად გამოაკეთა (გეიშაკვანწ) საქმე, შენი ნაჩუქარი ქისა და ყალიონი იმ ცეცხლის აღს შეუკეთა და მეც თვალისჩინი წამერთვა. ერთხანობას აივნიდან გადავხტებ-მეთქი, გამიელვა გონებაში, მაგრამ ისევ თავი შევიკავე, არ არიან ესენი ჩემი დატირების ღირსნი-მეთქი და მოვრთე კივილი. ცის კამარა დაბლა ჩამომამქვს.

გააჩერეთ, გააჩერეთო, უყვირის ძმებს ალვერი, მაგრამ აწი ჩემი დაოკე-ბა ცხრა უღელ ხარ-კამეჩს არ შეუძლია.

მოცივიდნენ მეზობლები.

ალვერი ჩემს გასაწეწად მოიჩქარის, მაგრამ გაქაჩეს და რკინის ბოძს თავს ურახუნებს.

ხედავთ, ხალხნო, გადამთიელზე გვცვლიან სისხლსა და ხორცსო.

აქ ჩემი ხელით დარჩეულმა უფროსმა რძლებმაც ამიბანეს და ჩამოწყვიტეს ვარსკვლავები ციდან, ვაცანძარა ალვერის ძახილით.

ამის გაგონებაზე მთლად დასაბმელი გახდა. სამივეს ყველაფერი ამოგვიტრიალა (გეიშამკარკახეს).

გადაშენდით აქედან, თქვა ჯუა-გოდირგილეფიამ, კი, ასე ამოგვაძახა მეგ-რულად და მაშინვე ხმა გავიკმინდე. ჩამოვდივარ კიბეზე რანაირადაც მეცვა, იმგვარად. ფეხშიშველი.

ფუი, შენს შვილობას-მეთქი და მივაფუროთხე სახეში.

გამომედევნენ უფროსი რძლები.

ახლა მდულარე გადაესხათ ქმარსაც და ბიჭებსაც, მაგრამ ვინ არის უკან მომხედავი. ბავშვები სხავიან.

ჯანდაბამდის გზაც გქონიათო, მოგვაწყველის ინალი.

მეზობლები გარს გვეხვევიან □ეკმაგვარგვასუნა).

ვერა, დაწყნარდი, ცხელ გულზე მოუვიდა, აპატიე, შენს სავესე ოჯახს ვის უტოვებო.

ბომბა დაცემოდეს კაცის სიკეთით-მეთქი. ზურგზე ხომ არ მკიდია, დედის წყველა კარგი თუა, მაგასაც ვნახავ-მეთქი.

პირზე ხელს მაფარებენ.

მთელს ქვეყანაზე გამოვაჭენებ. სახლი მუსულმანების სასტუმროდ და იარაღის საწყობად რომ გადამიქცია. როკის ხომ იცნობთ, ჩემს მორდის-მეთქი, ვეკითხები მეზობლებს.

როგორ არა, ოქროს ბიჭიაო, მპასუხობენ.

ჰოდა, ორი დღე-ღამე უჭმელი კაცი თავისი შხამიანი ენით გამიქცია, კიდევ აქეთ გვემადლება-მეთქი.

როგორც იქნა წამოვარდნენ უფროსი ბიჭები. დაქოქეს მანქანები და გამოგვეკიდნენ. დარჩნენ უკაცრიელ ეზოში ბატონიშვილი ინალი, გარეუფელი ალვერი, გაწყვარამებული ლაკობხე და აღნავლებული შვილიშვილები.

არც დაურს ჩავუჭექი მანქანაში და აღარც — ანატოლს. მომსდევენ ნელ-ნელა. აცრემლებული მეზობლები არ მესხნებიან, სახეზე მკოცნიან, მხარზე, მიჩოქებენ, ოღონდ დავბრუნდე, მაგრამ აწი ჩემი დაოკება სიკვდილის მეტს აღარაფერს შეუძლია. მივდივარ ფეხშიშველი. თანშეზრდილ ხალხს აქვითინებული დავემშვიდობე. მივდივარ წვრილ კენჭებიან გზისპირზე.

მოდი, დედაო, რომ მეტყვიან, თვალებს დავაკვესებ, თავი დამანებეთ, თორემ მანქანას ჩავუვარდები-მეთქი და ერთიანად დაშინებულები ასეთნაირად ჩავიყვანე აფუძარაში. ვინ ყოფილან ეს ბუზანკალები?! მისი ჭირი მამიდას შეპყროდეს, ადამ გულში ჩამისუტა. დამბანეს, დამვარცხნეს, ჩამაცვეს და დამახურეს და ახლა იმათთან ვარ. ფრჩხილი მომძვრალი მქონდა წვერგაბებლილი მაჰმადიანებისთვის ხაჭაპურების ცხობისგან. ჩემს გამოჩენაზე ხმას ვაკემენდნენ. სახლი იარაღის საწყობად გადამიქციეს. ჩემი და ჩემისთანების ბრალია ყველაფერი, ვიცოდი და ვითმენდი“.

როკი ოდიშელიამ „ოცდაოთხი“ გვერდზე მიაყნა.

ტრასაზე იგივე ხალხმრავლობაა, მანქანების ზედახორა. ტუჩები უთრთის.

- მორჩა? — ეკითხება აკანკალებული ხმით კვეკვე ანთარას.
- ერთი აბზაცილა დარჩა.
- ჩამთავრე თუ კაცი ხარ.

— „დასწყველოს ღმერთმა ადამიანის უკუღმართი ბუნება! მე საჯაროდ შემძლია განვაცხადო, რომ ნამდვილი შვილი შენ მყოლიხარ. იქ შენ რომ ყოფილიყავი, დარწმუნებული ვარ ალვერს არ აპატიებდი ჩემს წაჯიკავებას და გათახსირებას. კვირაც არ გასულა და მაშინდა შემოველოს, ადას სიტყვა დავაწერინე. ხომ შეგპირდი ყველაფერს ვიტყვი-მეთქი? ამისთანა დედაშვილობას თავსლაფი! რა არ ვიღონე ამათთვის: ხელისგულზე კვერცხი არ შევიწვი?! ღამეები თეთრად არ მითენებია?! მშობლიური ენა არ დამივიწყნია?! სული და გული დავაკელი?! ჰოდა, კიდევ მე ვარ ჯუა-გოდირგილი?!

ძაღლის კულის გასწორება არ იქნებაო, უყვარდა თქმა დიანოზ ბაბუას, და რაც გვჭირს, ყველაფერი ჩვენი სისულელის გამოა. ვიცი შენი ამბავი და უცებ ნუ აიფაფრები. მორდუ, მე შვილებს ვერ დავკარგავ, მაგრამ სანამ გონში არ ჩავარდებიან, თვალითაც არ დავინახებ. წერილთან ერთად მიტინგზე წაკითხულ სიტყვასაც გიგზავნი. ამათ დაავიწყდათ თურმე, რომ მე ვერა მარშანხე ვარ!“

- ეგეც წავიკითხო? — შეხედა აღმაცერად კვეკვემ როკი ოდიშელიას. სახემორღვეულმა მძღოლმა თანხმობის ნიშნად თავი დაუქნია.

— ԵՅ-ԵՅ. „აფხაზო, ქალებო, თქვენ მოგმართავთ სამი ვაჟიშვილის დედა, რვა შვილიშვილის ბებია, ვერა მარშანია-ავიძბა, წარმოშობით ისეთივე ქართველი, როგორც მრავალი თქვენგანი, ვისაც აფხაზური წესჩვეულებანი სისხლბორცეულად გაუხდია. ნუ შეგვეშინდება სიმართლის თქმის, ამას გვაგალებს სამშობლო ისევ ჩვენი შთამომავლობის საკეთილდღეოდ. ცოდვა გამხელილი ჯობია; ჩვენ, განურჩევლად ქართველებს თუ აფხაზებს, უფსკრულისკენ მიგვაქანებს გუდაუთური ექსტრემისტული იდეოლოგია. „ლიხნის წერილი“, რომელიც ფაქტობრივად ორი მოძმე ერის დაპირისპირების სამარცხვინო დოკუმენტია, ყალბია ხელმოწერების რაოდენობის თვალსაზრისით. ოცდათორმეტი ათასი აფხაზი ნამდვილად ასე რომ არ ფიქრობს, ამას ჩემი ოჯახის მაგალითითაც დავადასტურებ. იმ წერილისთვის ჩემი უმცროსი ვაჟიშვილის, ალვერ ინალის ძე ავიძბას მეტს ხელი არავის მოგვიწერია. სინამდვილეში კი ჩვენი გვარ-სახელებიც გაბრწყინდა იქ. ხელი არ მომიწერია მე, ვერა მარშანია-ავიძბას; ხელი არ მოუწერია ჩემს ქმარს, ინალ ჰაკის ძე ავიძბას, თუმცა კი თანაუგრძნობს იმ წერილის პათოსს; ხელი არ მოუწერია უმცროს რძალს დალი ლაკობა-ავიძბას, მიუხედავად იმისა, რომ ისიც ლერწამივით ირყევა ომსა და მშვიდობას შორის; ხელი არ მოუწერიათ ჩემს უფროს ვაჟიშვილებს ანატოლ და დაურ ავიძბებს; არც მათ მეუღლეებს — ქეთი ანჩაბაძე-ავიძბას და ციურ აბაშია-ავიძბას. გამოდის რომ რვასულიანი ჩვენი ოჯახიდან მხოლოდ ერთი ხელმოწერაა ნამდვილი, დანარჩენი შვიდი — ყალბი.

აფხაზო, დედებო, ასეთი შემთხვევა ერთი და ორი არ იქნება! სანამ დროა დათრგუნეთ შიში თქვენი შვილებისა, ამხილეთ ბოროტება, თორემ მერე თითზე კბენა დაგვიანებული აღმოჩნდება!

ცეცხლწაკიდებულ სახლში ვცხოვრობთ ყველა და დროზე თუ არ დავიკაპიწებთ ხელებს, დროზე თუ არ მივაპკურებთ მდულარე ცრემლს, ფერფლის მეტი აღარაფერი დაგვრჩება!

სხვანაირად, თავის გაუწირველად, ამ ნიაღვრის შეჩერება არაფერს შეუძლია! მამულიშვილურ საქმეში წმინდა გიორგი და მარიამ ღვთისმშობელი გამფარველობდეთ აფხაზო დედებო!“

როკი ოდიშელიამ მეტს ვერ გაუძლო, გადავიდა „ოცდაოთხიდან“. ნაძვის ხეების ქარსაცავ ზოლს შეერია.

ამხანაგები ადგილიდან არ იძვრიან.

მანქანების კოლონები კვლავინდებურად მიიწვევიან ღალიძკასკენ. „ჟიგულები“ ხვლიკებივით მისხლტებიან ამ გაწამაწიაში. მოსჩანს აქედან ილორის მონასტრის გუმბათი, რომელიც დასავლეთით გადახრილ მზეს ოქროსფრად მოუვარაყუბია. მართლმადიდებლური ჯვრის თავზე ჭილყავები ირევიან.

როკი ოდიშელიამ როგორც იქნა გულჩვილობა ჩამოიშორა. ძირფესვიანად შეცვლილი დაწმენდილი სახით მიუჯდა საქვს და მანქანების კოლონას აედევნა.

„ჩემი ბეთვერია მორდუ, ჩემი თმასპეტაკი. ყენიაც ხომ დედაა, მაგრამ ეგეთი ათასში ერთი გამოერევა. სანამ ასეთები გვყვანან, ქვეყნიერებას ვერაფერი წააქცევს.

ვერა: ცოტა გულდაწყვეტილი კი არის ჩემი როკი, ციგანკა გაექცა, მაგრამ მყავს მე მაგისტვის ანგელოზი გოგო.

ინალ: არ უქნია ვალერიანს კარგი საქმე. როკი აწი ბავშვი კი არ არის, თოკი შეაბა და ბოჩოლასავით ატარო.

ვერა: სხვის საქმეში მესიაკონი ხარ. შეიძლება ანგელოზი იყო ილონა, მაგრამ რანაირი რძლობა უნდა გაეწია ოდიშელებისთვის ქუჩაში გაზრდილს?! მაგისტვის ზედგამოჭრილი ჩემი ადაა.

ინალ: მამამისმა არ გაგიგოს, თორემ ზედგამოჭრილს განახებს.

ვერა: ვითომ რათათ? როკი ვიზე ნაკლებია, კალატონის შვილი რომ არის და პროფესორებში არ ტრიალებს?! შენ მაინც ხარ მოწმე რა სწრაფად აითვისა აფხაზური. დამისახელე მეორე, მისი ასაკის კი არა ზრდასრული თუნდაც, რომელმაც სამ ენაზე ზეპირად იცოდეს შოთა რუსთაველის „ვეფხვის ტყაოსანი“?! აგერ, აფხაზურადაც ისწავლის და გაეჯიბრონ მერე.

სვეტლანა: იქნებ ჯერ ჩვენ მოგვეკითხეთ რივიანად?! ტირის). რედაქტორმა სამსახურიდან გამაგდო. ვის აკითხებდი დიოსკურის მოთხრობებსო. აფხაზები მომივარდნენ, კინალამ კაბინეტი თავზე და-

მამხესო. მართალია, კადრების განყოფილების უფროსს მისამართი არ მიუცია, მაგრამ ტელეფონის ნომერი იცოდა და აწი ჩემი კოორდინატების დადგენას რაღა უნდა. ყოველ ღამე მირეკავენ: სანამ დროა აორთქლდი მოსკოვიდან ქართველების ბოზანდარაო, მემუქრებიან. ზურზე ვერ ჩავსულვარ. ბავშვის მეშინია, თორემ მე ჯანდაბას. შეიძლება გავასხვისო.

როკი: სისულელეებს თავი დაანებე. დღესვე გადავურეკავ ჩემებს, იმათ მწერალს ეშმაკებს რომ დაუფეთებენ, თქვენც დაგეხსნებიან. ერთადგილას კი წამომცდა საუბარში ვამპირულ მოთხრობაზე, მაგრამ ვინ იფიქრებდა ამისთანა სიმდაბლეს გამთიინენდენ. მომსახურების სახლში რკინის კარები შეუკვეთე ყოველ შემთხვევისათვის, თქვენი ისედაც მორყეული იყო. მაცალე და იმ კანიბალს წერის მადას დაგუკარგავ. სამეზობლოში გაიკითხე და კოსტიასთვის ვინმე მომვლელს იშოვი. სამსახურის გამო ნუ დარდობ, ანზორს ვთხოვ ბოლოს და ბოლოს. ყველაფერი მოგვარდება. ფული ხომ გაქვთ?

სვეტლანა: ჯერ კი.

როკი: ჩემი მხარდაჭერის იმედი იქონიე. ილონა როგორ არის-მეთქი, რომ გკითხე, სიტყვა ბანზე რისთვის ამიგდე? ხომ არაფერი უჭირს?

სვეტლანა: მოილოგინა, ბატონო, გეტმანმა, ქალიშვილი ეყოლა. რონა დაურქმევია შენს უკვდავსაყოფად. ისე ცამდე მართალი ყოფილა შენი კნენია. აკი, ბრძანა, უბედურ გარსკვლავეზეა გაჩენილი ეგ საბრალთო, ყველაფერი შებრუნებით გამოსდის, უყვარს და სიძულვილს იმკისო. არ დაელაპარაკები ბიჭს?

როკი: მისარია ამ დღეში რომ ვართ? კოსტია ძველებურად ურევს?!

სვეტლანა: თმა ნელ-ნელა უმუქდება. უგდე ყური.

კოსტია: ლოკი, ია უჟე ბაშლუშნი, პაჩემუ ნე პლიხოდიშ?!*

როკი: დედას მოუფროსილდი, შენ ხომ ნამდვილი ოდიშელია ხარ?!

კოსტია: მამა ტაკაია აგლომნაია, აგლომნაია, კაკ ბუდტო აღბუზ პლაგლატილა.*

როკი: სვეტლანა, ყურმილი გამოართვი, ტელეფონისტკამ ლამის თავი ვადამჭამოს.

სვეტლანა: ორი წუთი გენანება ბავშვისთვის?! იერი ჩემი თუ დაჰყვა, ხასიათით შენი ალი-კვალია. ისე ილონა კვლავინდებურად გენადის ადანაშაულებს თქვენს დაცილებას, დაგვასმინაო. გულმა ველარ მომითმინა და ყველაფერი ბიცოლაშენის დამსახურებაა-მეთქი, ვტიციე. რატომ არ უნდა ცოდნოდა სიმართლე?! ძაღლი მიაკვდეს

სულშით, მიაწყველა. რედაქტორმა ერთი სიკეთე კი მარგუნა. განთავისუფლების შედეგად ამნაირად დამშობდვრა: პატარა იმპერია ტყუილად არ უწოდებით თქვენი ქვეყნისთვისო. ისეთი რა ხართ ეს ქართველები, რომ ყველა ვარბის თქვენგანთ. მაშინ სად მეცალა ამ სიტყვების ანალიზისთვის. მოგვიანებით გაგაცნობიერე, ჩვენი გვარის გენეოლოგიას ჩაგვიძე და აღმოვაჩინე, რომ პაპის პაპა თავადი ქაიხოსრო ანდრთნიკაშვილი მყოლია, ვახტანგ მეექვსესე ამაღლას წევრი. მოკლედ, ჩემს კონსტანტინეს სრული უფლება აქვს განაცხადოს: ქართველი ვარ დედით და მამითო.

რონა. რონა. ალვერივითაა. როკის და ილონას კომპოზიტი. ილორთან რა ესაქმებათ?“

მანქანების ჯგროში გაღწევა შეუძლებელია. როკი ოდიშელია და მისი მეგობრები „ოცდაოთხიდან“ გადმოლაგდებიან.

დაფერდებულ მინდორზე უბორტო ტყემზიდს ზღვა ხალხი შემოჯარვია.

აქა-იქ ეროვნული შინდისფერი დროშები ფრიალებენ. ძარაზე ასული გოლიათები, მერაბ კოსტავა და ირაკლი წერეთელი მიტინგს ამთავრებენ. შიგადაშიგ ნაცნობი სახეები გაკრთება როკი ოდიშელის თვალწინ.

თორი ფიფიას ასზე მეტი რჩეული ვაჟკაცი ჩამოუყვანია ჯვარიდან. კარაბინიან სვანებს ბიჭურად შემოსილი გვაშაყანი მოუძღვის.

მთელი დასავლეთ საქართველო აქ შეყრილა.

საღდაც ენვერ პაჭკორიას და დედით აფხაზ კინტუშა კორტავას შეასწრო მზერა.

ზუგდიდლების საყვარელი ფეხბურთელი ბადრი თუთბერიძეც აქ არის თავის გუნდიანად.

თვალი უმაღლესად აღიქვამს უბატონო გლეხების შთამომავალს, არამხუტუსმაგვარ არსენა მესხიას; ძმებს, ვოვა და თამაზ აბშილავებს, გერო შეროზიას, ზარქუებს წალენჯიხიდან.

აქ მოსწრაფებულა ძალღების დათვალეერების უმეტესი მონაწილე.

ამჩნევს ლიმონისა და თხილის გამყიდველ ბიჭებს დანისლული ლაინერიდან.

ხობელებს ჟორა გერგაიას ვაჟი წამოსძლოლია.

ფოთელები შავტუხა გულუას ხელმძღვანელობით მოსულან.

მარტვილიდან კვეკვე ანთარიას მოგვარეები დაძრულან.

სამურზაყანოელების სიმრავლეა, ერთად შეგგუფებულან კოკი ოყუყავა, საჯაიები, იზორიები, ტუფურები და ჩიკვატიები; აქ არიან ვახტანგ სექანია, დასტაქარი გუნჯუა, ხუმბაბასავით ვეშაპკაცი ვახტანგ შონია, მეტსახელად — ჩოხო, ზაურ გოციირიძე, სახედლარული რუდიკ ცატავა, დათო შენგელია, რუზგენ გოგოხია...

მოზღვავებულან ეკელი ელიაგები და დავითაიები.

აბაშელები მობობოქრებულან მთაკაცი ჭანტურის მეთაურობით. კიდევ რამდენი ნაცნობი სახე მოცურავს როკი ოდიშელისკენ, გვარ-სახელს რომ ვერ იხსენებს?!

ანაფორა გაუხდია მამა ფრიდონს და ორლულიანს ჩაჭიდებია ჯვრის მაგვირად.

ვაკო ჭკადლა საფანტით დაჭრილა. ლალიძგას ხიდზე გაჩხერილი „კამაზის“ გათრევა მოუწადინებია მძლავრი ტყემზიდით. ვასიკო ჭვარაიას აღმოუჩენია თურმე პირველადი დახმარება. ყმაწვილ კაცს ტრადიციით მოსდგამს ასეთი რამეები. აფხაზების ავტომატების კაკანზე მდინარის მარცხენა ფერდობს ეფარებოდნენ გუშინწინ, გუშინ როსტოკაკა ოდიშელები. სწორედ იმ ტყვიათაგან ერთ-ერთმა იმსხვერპლა კომბინატელი შენგელია, ბუღულ ხურცილავას ძმაკაცი. მათი ორლულიანების საფანტი ლალიძგაში ცვიოდა. ორხიდიანი მანქანით მოუწადინებიათ მდინარის გადმოლახვა აფსუებს და რომ არა ჯაგარულვაშა დემურ ანთიას კარაბინის ჭახანი, ვინ იცის, იქნებ დაეტყვევიათ კიდევ ხის აბჯრინი გულფოლადი ოცეული.

მდინარის მარჯვენა ნაპირი წინდაწინვე ბეტონის ფილებით გაუმაგრებიათ აფხაზებს. როგორც ჩანს, ამ წუთისთვის დიდი ხანია ემზადებოდნენ კვეკვე ანთარის მძაღნაფიცისა და ოდიშელების ძუძუმტეების ხალხი. მაგრამ ამისთანა აბობოქრებას, არათუ აფხაზები, თვით ქართველებიც ნამდვილად არ მოელოდნენ.

ასიათასი კაცი მაინც მოჯარებულა მამულის დაძახილზე. მზე ნელ-ნელა ეშვება დასალიერისკენ. ჩვიდმეტი ივლისია. ჭიკოკონობამდე სამი დღე დარჩენილა. თუკი დასცალდა ანახვებს როკი ოდიშელია უმადურ ჩიტირეკიას როგორ უნდა „არული კუდიანებსა“.

ვერა მარშანხე კი გუშინ ამ დროს ალვერისკენ მიიქაროდა.

დაჭრილიაო, რომ უთხრეს, ტანი ერთიანად მოერღვა, კანკალმა აიტანა, მუხლისთავები უცახცახებდა, ცრემლი თქრიალით ჩამოსდიოდა სახეზე. წამში განქარდა მეგვიდრის გულის დამკოდავი სიტყვები. ძმისშვილთან ერთად მისულსწრაფობდა რესპუბლიკური საავადმყოფოსკენ. ქირურგიული განყოფილება მესამე სართულზე გახლდათ. დასასრული არ უჩანდა საფეხურებს. დერეფანში შეკრებილიყვნენ ანატოლი და დაური, რძლები, უფროსი შვილიშვილები, სოხუმელი მეზობლები. სული ეხუთებოდა ვერა მარშანხეს. პირი გამოშრობოდა, ყურები უხურდა. მისი ფანჯარა დილიდან ამოიჩემა სკვინჩამ.

— როგორ არისო, — უნდა ამოეთქვა, მაგრამ ენა არ ემორჩილებოდა, სასოწარკვეთილი გამომეტყველებით მიაჩერდა ღვიძლებს.

— გადავრჩით, — მიეგებნენ დედას უფროსი შვილები, — ბევრი სისხლი ჰქონდა დაკარგული, მაგრამ აწი საშიში არაფერია. ყველაფერს მალხაზ ჭლამაიას უნდა ვუმაღლოდეთ, ნახევარი ლიტრი სისხლი გაიღო.

პალატისკენ წარუძღვენენ მუხლებწართმეულ მშობელს ძმები ავიძები.

მარცხენა მკლავზე წვეთოვანი ეყენა ალვერს. თავი სქლად შეეხვიათ დოლბანდით. მსუსხავი თვალები და ცხვირ-პირი უჩანდა მხოლოდ. დაბინ-ტული გულ-მკერდიდან სისხლს გამოეჟონა. დასუსტებულიყო, თითქოს დამ-ცხრალიყო მისი მბორგავი პირმშო. ვაჟისკენ ნაბიჯი წადგა დედამ.

— ჩემი აღსასრულის სანახავად მოხვედი, ხომ?! შპიონი! შპიკი! აჰა, დას-ტები, არ მინდა შენი დაყვადრებული სისხლი! — აყვირა უცებ და გაფითრე-ბული მარჯვენით წვეთოვანი მოიგლიჯა. მკერდზე შემოჭერილ სახვევს ებრ-ღღვნა, — დასტები, ხომ ხედავ გამოვუშვი!

გაოგნებულ ვერა მარშანხეს ლოყაზე ტკაპანით ეცა სისხლის წვეთი, ტყვიასავით ცხელი და მწველი. ეს ყოველივე ელდასავით მოხდა გახვევებული ძმების თვალწინ. ექიმი და მედღები გონზე ვერ მოსულიყვნენ, მაგრამ პრო-ფესიულმა აღლომ ისინი უცებ გამოარკვია და მშფოთვარე ავადმყოფს მყისვე ხელები დაუჭირეს. ნათესავეები აბობოქრებულ დაჭრილს შემოეხვივნენ.

— ჰაერი, ჰაერი! — ყვიროდა ქირურგი, — გადით პალატიდან, ყველა გადით!

კართან შექუჩდნენ. ძმისშვილი ადაც ალვერის მდგომარეობამ ჩაითრია. ვერა მარშანიასთვის არავის ეცალა.

წელში გაიმართება უცებ. შავი ლეჩაქი მოსძვრომოდა ინსტინქტურად. სპეტაკი თმა ჩამოშლოდა სახეზე. სისხლის წვეთს ლოყა უბამდე გაეხაზა „კატაკალას“ უარყოფითი პერსონაჟის მსგავსად. მანდილი მისრიალებდა მტვრიან იატაკზე და უსუსურ კვალს სტოვებდა. დასავლეთით წითელი, გა-რუმბული მზე ალვის ხეთა კენწეროების შუბებზე წამოგებულიყო. ვერა მარ-შანხეს სხეულს ჯერაც შერჩენოდა უკანასკნელი ამბოხებისთვის სამყოფი ძა-ლა. მოხედა ერთი საკუთარი წიაღის მკვახე ნაყოფს და აუმიღვრევლად გადა-ეშვა ფანჯრიდან.

— მშვიდობით, მორდუ! — ამის თქმალა მოასწრო უბედურმა დედამ და ასფალტზე შურდულივით დაენარცხა.

როკი ოდიშელიას ტანში გააჟრჟოლებს რატომდაც.

ბურანიდან გამორკვეული ტყეშიდის ძარაზე აღზევებულ ლიდერებს მიაჩერდება. სიცოცხლეშივე ლეგენდად ქცეულ მერაბ კოსტავას მარჯვენა ხე-ლი ზე აღუმართავს. მოლაშქრე ასიათასეულს ხმა გაუკმენდია.

— ხალხნო, წინამძღოლად ვის აირჩევთ?! — ბოხბოხებს ზეზეური ეროვ-ნული გმირი.

ეს წუთია და „როკი ოდიშელია“ ერთდროულად წამოიძახებს ასო-ბით ადამიანი, რომელიც თანდათან მონოტონურ გუგუნად გადაიქცევა.

— როკი ოდიშელია! როკი ოდიშელია! — ზანზარებს ილორის ბინდისპი-რული ცა. თითქოს რუხის ციხესთან ილონას ოდინდელ განწირულ ხმას ტემ-ბრი შეცვლია, გაასიათასებულა სიყმაწვილიდან სიჭარმაგეში ზეაღმტაც ძალად.

გზას უთმობენ, მიმოიწევიან. წელს ზემოთ შიშველი მამაკაცების ტალღა შუაზე იპობა, უფრო სწორად, როკი ოდიშელიას სავალ არეში გაიხლიჩება ერთსულოვნებით შეკრული სხეული, გაივლის, გაატარებენ და ხელად გამართლიანდება ზურგს უკან.

დაბნეულია როკი ოდიშელია. ცრემლიც სდის თვალებიდან. არ არის ეს სიხარულის მარგალიტები, რომელიც ავანსად გაღებულ პატივდებას მოსდევს ხოლმე. სიტყვას რომ ვერ უსრულებს მორდუს, ეს უთრთოლებს ნიკაპს უწინარესად. დღეის სწორს ძმებთან ერთად მივა იგი აძიუბჟაში მორდუს სპეტაკი ნეშტის წინაშე მუხლის მოსაყრელად, მაგრამ ახლა უკანდახევა იქნება?! როკი ოდიშელია მანქანა როდია უკუსაქცევი სიჩქარე ჰქონდეს. როკი ხომ გრიგალებს ფარ-მუზარადად მიგებებული ძელქვაა?! იქნებ ამისთანა ყისმათი წინასწარ დააბედა გამჩენმა — მთელი სიცოცხლე ჭირთათმენით ესულდგმულა, რათა ბოლოს სასწაულად ამოღებულყო?! საკუთარ თავს გადახტომოდა აწმყო-წარსულ-მომავლიანა?! როგორ ეძახის ამას სტეპანცევი?! სალტო-მორტალეს, არა?! ეგებ ასე სჯობდეს თავად მორდუსთვის, ძუძუმტე ავიძებების მომავლისთვის?! ტყვიით კი არ სჯიან ავადმყოფს, არამედ მკურნალობენ. ამნაირად განსჯის. აგერ, ეროვნული მოძრაობის ლიდერები უწვდიან ხელებს.

ხტომები როკი ოდიშელიას მოგონილია, მაგრამ ამჟამად დაუხმარებლად მის მუხლებს ნამდვილად არ ძალუძს კოჭებამდე სიმაღლის დაძლევა. ხელებს ხელები შეეშველება. გოლიათებში ჩამდგარა ფართოფარფლიანი ცილინდრით. წელს ზევით შემოსილი, ალბათ, მხოლოდ ეს სამეულია, სხვაგან თეთრად ქათქათებს მთელი სივრცე. როკი ოდიშელია ილორის წმინდა გიორგის საბრძანებლისკენ შემოტრიალდება. თავს ზემოთ ასწევს წუთისოფლისგან ანაყმუვლებ მაჯებს, მერე მარცხენა მოშორდება მარჯვენას, დაჩქება ჰაერში გაყინული. აქამდე აბაბანებული ზღვა ხალხი მსწრაფლ გაილურსება, ისე რომ კაბადოკიელი ლაზის სახელობის ეკლესიის გუმბათის ჯვარიდან აფრენილი, ჯოლოხავების ხარების რჩოლისას ცალი თვალით დაბრმავებული ბუზის გაფრენაც კი არ გამოეპარება დაძაგრულ ყურთასმენას.

შენიშვნები

სონეტი როკის

კლდის წვერზე ვდგავარ, დამეხილი, ვეება როკი,
დაკორძებული, უფოთლებო, ბორჯალებს ვმწყემსავ,
ქარბორიაყებს იანვარში ტოტებით ვგმანავ,
დავტოვე ტყე და ელქეჟისკენ წამოვხრიოკდი.

უკუნეთ ღამით გველეშაპის იწყება ზღაზნვა,
შემომეხვევა, გადამბრწყალავს, ბოძალით ვმსჭვალავ,
ინათებს თვარა ყვაფორნებით ნაბღებს მოვიქსოვ,
აწმეცრემლება — მტერს ყველა გზა გადავუმუსრე.

თაკარა ღღეში თავის ოფლი ჩამსდის ტერფამდი,
ენატრულობ წყაროს, აღარ მსტუმრობს ზღვაური მგზავრი,
მივლულავ თვალებს — წამოზვირთდეს იქნებ სიზმარი.

მაგრამ ძილის ცა ვარსკვლავების ქაცვით ავსილია,
გამაჟრიალებს — ჯერ არვინ ჩანს თვალსაწიერზე,
შელამებამდე მამულს ქედი რომ მოუგრიხოს.

ლიმა — ომი, ბრძოლა (მეგრ.)

ტალკან — პურის ნამცეცებისგან და შაქრის ფხვნილისგან სატუსალოში
დამზადებული ტკბილეული

ნა ვინოდ — გამოდით! (რუს.)

კარაუშკა — საენის კარს დატანებული სარკმელი, საიდანაც საჭმელს აწვდიან
პატიმრებს (რუს.)

პრაშაი, ვასია! — მშვიდობით, ვასია (ძმებო), (რუს.)

ვსემ ჟელაიუ სვობოდუ, ბრატვა! — ყველას გისურვებთ თავისუფლებას,
ძმებო! (რუს.ჟარგ.)

გრებენ — პასიური მამაკაცი, პედერასტი (რუს.ჟარგ.)

ხატა — საკანი (რუს.ჟარგ.)

ბათი — აქ პატიმრის საცხოვრებელი ადგილი (რუს. ჟარგ.)

ზვერი — მხეცები, აქ ქართველები (რუს. ჟარგ.)

დიკარი — ტყუურები, აქ შუააზიელები (რუს.ჟარგ.)

ნენცი — ნენცები, აქ რუსები (რუს.ჟარგ.)

ბურავიკ — ზონაში დანაშაულისთვის გაძლიერებული რეჟიმის საკანში
მჯდომი პატიმარი (რუს. ჟარგ.)

სტატუს ქო — არსებული მდგომარეობა (ლათ.)

ეტნა — ვულკანი იტალიაში

კოიკა — საწოლი (რუს.)

პალაჟენიე — მდგომარეობა (რუს.)

ქსიფა — წერილი, ბარათი (რუს. ჟარგ.)

არესტანტი — პატიმარი, ტუსაღი (რუს.)

- დაბრიდეს**, დაბრიდვა — მოკლეს, მოკვლა, წარმოსდგება კინოფილში
„შესანიშნავი შვიდეულის“ ერთ-ერთი გმირის, ბრიდის სახელისგან, რომელიც და-
ნის სროლით განგმირავდა დუელში გამოწვეულ მოწინააღმდეგეთ (ჟარგ.)
- სევეპე** — პატიმრებისგან შემდგარი შინაგანი წესრიგის საბჭო,
ადმინისტრაციის დასაყრდენი ძალა ზონაში (რუს.)
- მასტი** — მხარდამჭერი (რუს. ჟარგ.)
- კანერკა** — საცეცხლური (რუს. ჟარგ.)
- სტუკან** — ჩამშვები (რუს. ჟარგ.)
- ზაგზონ** — მნე, სამეურნეო ნაწილის გამგე (რუს.)
- პრესხატა** — საკანი, სადაც თავმოყრილია ქურდების მიმართ განაწყნებული
ხალხი (რუს. ჟარგ.)
- სამაგონ** — შინახალი არაყი (რუს.)
- ტარიანი** — შეკეთებული, მოსაწვევი, პაპიროსი ანაშით (ჟარგ.)
- ტრინადცატი, პადგანიტე ბაიან** — მეცამეტე, გამოაგზავნეთ შპრიცი
(რუს.)
- პანტერა პრილეტელ** — პანტერა მოფრინდა, ჩამოვიდა (რუს. ჟარგ.)
- ჩინნარ** — ჩაის ნაყენი (რუს.)
- პადგონიმ განცა** — გამოგზავნით მსტოვარს, შიკრიკს (რუს.)
- ჩიფირ** — მგრად დაყენებული ჩაი
- სვოიაკ** — ქურდი (რუს. ჟარგ.)
- ტფუ, ტვარ!** — პირუტყვი (რუს.)
- ბრასლეთ** — სამაჯური, აქ ხელბორკილი (რუს. ჟარგ.)
- აბერკოტ** — ილეითი კრივში
- ჩორნი ვორონა** — შავი ყვავი, აქ პატიმრების გადასაყვანი მანქანა (რუს. ჟარგ.)
- გრევი** — სასიამოვნო ნობათი (რუს. ჟარგ.)
- ყაზაყი** — მამაკაცი (მეგრ.)
- ბაგაუნია** — საბარგული (რუს.)
- ვერზილა** — მუტრუკი, აყლაყუდა (რუს.)
- პარენ** — ჭაბუკი (რუს.)
- ცეუპ, მედინაფე ბაღანა** — ეხ, დალუპულა ბავშვი (მეგრ.)
- გესერელი** — შემოღამებული, დაგებული (მეგრ.)
- თბიშნა ჭითა** — წითელი პარასკევი (მეგრ.)
- აჭ დო გაჭით** — გამალბით, სწრაფი სიარულით (მეგრ.)
- ზიმოთი** — ბაბანი, გნიასი (მეგრ.)
- განაბი** — ქურდი (ჟარგ.)
- პაბეგ** — გაქცევა (რუს.)
- პადდერჟკა** — მხარდაჭერა, თანადგომა (რუს.)
- კრისალოგ** — პატიმარი, რომელიც ქურდული კანონით აკრძალულ
ადგილას იპარავს (რუს. ჟარგ.)
- ბეშანნი** — ცოფიანი, აქ უშველებელი თანხის გაგებით (რუს. ჟარგ.)
- სხიდეა** — ქურდების თავყრილობა, შეკრება (რუს. ჟარგ.)
- პრიროდნი** — ბუნებრივი (რუს.)
- მიღება** — სამაგიერო დარტყმა (ჟარგ.)
- უპრიოკ** — შენიშვნა უხეშ ფორმებში (რუს. ჟარგ.)
- პეტუს** — პასიური მამაკაცი, მამათმავალი (რუს. ჟარგ.)
- დუდ ტურტურუს** — თავკოტორას (მეგრ.)

ეს ჭარგავა ტურუ, სულელია და უმწიფარი.
 ფეხი სადაც დადგა — ძალმა მიაყმუნლა,
 ვინც კი კარი გაუღო, ლაფში შეაცურა,
 ზურგი რომ შეაქციეს — ცეცხლი წაუკიდა,
 დაშლივინობს ტყიით, ქვეყანა წაბილწა,
 ნათესავი და მოკეთე, ერთიანად მოიძღურა,
 შუბლის ძარღვი გაწყდომია, მიდის, მითავნებობს,
 კატა ზედ მიხრჩობოდეს და ძალი მიკვდომოდეს სულში (მეგრ.)

ბაბკი — ფული (რუს.ჟარგ.)

სროკ — ვადა (რუს.)

ჭიკორკული — ფრინველის კუჭი (მეგრ.)

შშონი — გაჩხრეკვა (რუს.ჟარგ.)

ანაშა — თრიაქი (რუს.)

ზეკი — პატიმარი (რუს.ჟარგ.)

ქესი დაუადეს — ფული მისცეს (ჟარგ.)

კამანდროვკა — მივლინება, აქ პატიმრის რუსეთის ზონაში

გადაყვანა სამშობლოდან (რუს.ჟარგ.)

პერესილა — გამანაწილებელი პუნქტი (რუს.)

ჟილაკა — ჟინი (რუს.)

დუხ — სული, აქ შეუპოვრობა (რუს. ჟარგ.)

შაკალ — ტურა (რუს.)

გლოტკა — სიტყვა-პასუხი, ლაყფი (ჟარგ.)

ფენია — ქარავმა (რუს.ჟარგ.)

პა ვხოდუ დელო — საქმის მსვლელობაში (რუს.)

მუეკი — ქურდული გაგების პატიმარი (რუს.)

ბეზ პიტი მინუტ — ახალგაზრდა, რომელიც წუთი-წუთზე ელის კანონიერი

ქურდის წოდებას (რუს.)

პრიკოლ — შებმა (რუს.)

ფილაკი ესტ? — ფული არის? (რუს.ჟარგ.)

ნიშტიაკ ბიკსა, ვაბშე ბაბა, ტო შტო ნადა — კარგი გოგოა, ნამდვილი

ქალია (რუს.)

ნაჩნიე პასტელ — დამის ლოგინი (რუს.)

ისპოლინიტელ — აღმასრულებელი, აქ სასიკვდილო განაჩენის სისრულეში

მომყვანი (რუს.)

ახვარი — გათახსირებული (ჟარგ.)

ობშიაკი — საერთო (რუს.)

ზაიკნიოტ — წამოცდება (რუს.)

სპროს — პასუხის მოთხოვნა, მოკითხვა (რუს.)

ვზროსლი — ზრდასრული (რუს.)

ზაღატლი პიტორკა — ოქროს ხუთეული (რუს.)

სრკი ვოროვ პიპა ნეტუ — ქურდები თანასწორუფლებიანია (რუს.)

რეზბალნიცა — რესპუბლიკური საავადმყოფო (რუს.ჟარგ.)

უტყენ — აძლევენ (ჟარგ.)

კრიტი — დაკეტილი (რუს.)

- ასობნაკ** — განსხვავებული რეჟიმი (რუს.)
პალასატი — პატიმარი, რომელსაც სამზე მეტი ნასამართლობა აქვს ერთსა და იმავე დანაშაულზე (რუს.)
ლიშიკ — ბიუსპალტერი (რუს.)
ანუკა მეშიკი ნა პოლ — აბა, ტომრები იატაკზე! (რუს.)
ნატა ვარავსკოი? — საკანი ქურდულია? (რუს.ჟარგ.)
ა ჩევო ტი კრისა შურედლივიაი, ნოჟომ ბროდიშ, ვ ნატე რაზ-გულივკაშ? — რა იყო შე ძრომელა ვირთხავ, დანით რომ დაბოლიალობ დაიგვიმები საკანში?! (რუს.)
ბლადსკაია ვაში ხარია, ვსეს ატ ვას სპროს ბუდეტ — ბოზური თქვენი სიფათი, ყველას მოგეკითხებათ! (რუს.)
კტო კტი მახნოვეშინი? — ვინ არიან ეს მახნოველები? (რუს.)
და ნუ ის, პოსლე აბაისნიუ — ერთი მაგათიც, მერე აგისნი (რუს.)
ვაშ ზემლიაკ, ზვერუვა ტო შტო ნადა — თქვენი თანამემამულეა, მხეცივით ბიჭი (რუს.)
ბრიალიანტა აჟიდაემ ნა დნიახ. ვსე ანი ურკი. პაიდიომ, პახნაკომისია — ბრილიანტს დღე დღეზე ველით, ისინი ყველა ქურდია, წავიდეთ, გავეცნოთ ერთმანეთს! (რუს.)
კასიაკ — შეკეთებული, ანაშა (რუს.ჟარგ.)
ქსივა დაწვოდა — წერილი წაართვას (ჟარგ.)
კორინაცია — გვირგვინის დადგმა, აქ ქურდად კურთხევა (რუს.ჟარგ.)
სუტკა — დღე-ღამე (რუს.)
რასნოდ — აქ მიტევა პატიება (რუს.)
მალაღეტკების — არასრულწლოვნების (რუს.)
ვარავსკოი მასტ. კლონიტსია კ უბისტვუ. იმეეტ ნე აბიკნავენ-ნოი სილ. თინე მუდრი — ქურდული გაგებისაა, მიდრეკილება აქვს მკვლელობისკენ. არაჩვეულებრივი ძალ-ღონის პატრონია, ძალიან ჭკვიანი (რუს.)
ნი ზამეტნი — არ ეტყობა (რუს.)
პარაშა — საკნის ღამის ქოთან (რუს.)
ნასეტკა — აღმინისტრაციის მიერ მოსყიდული პატიმარი (რუს.)
ვალჩოკ — საჭვრეტელა საკნის კარზე (რუს.)
თნაგა — ვაცი (მეგრ.)
პომო სოფიეტიკუს — საბჭოთა ადამიანი (ლათ.)
ვისში სორტ გრუზინ — უმაღლესი ხარისხის ქართველი (რუს.)
ნერშინი — სტვენა თითებით, ხელსტვენა (მეგრ.)
ქვეყანა სიცხისგან იწვის. (მეგრ.)
ჯალფეი — ხეები (მეგრ.)

ჰე, ზუგდილო, შე ბედოვლათო,
რა დღესაა რომ უძლებ,
სხვას ჭვიშტარს (ყველიან მჭადს) უცხოობ და
შენ ხშიადს შეგზენებხარ,
სხვას ღვინოს ასმევ და
შენ ჩხოუშის წყალს ნთქავ. (მეგრ.)

ძოკი — შიშავი, ორი-სამი წლის ფურკამეჩი, უშობელი (მეგრ.)
კრიშები — შემწერთაგან მფარველები (რუს.ჟარგ.)

- გულიანკა** — გრიალი, დროსტარება (რუს.ჟარგ.)
პუტანი — მეძავები, რომლებიც ფულზე ჰყიდიან სხეულს (რუს.)
შუტკა — ხუმრობა (რუს.)
მაღიშ — ყრმა (რუს.)
მასორკა — თუთუნის ღერებისგან დამზადებული თამბაქო (რუს.)
კლეისტერი — პურის გულისგან დამზადებული სითხე (რუს.)
ნე ზაბუდუ ბრატა გივი — არ დავივიწყებ მშა გივის (რუს.)
კარონა ბეზ ცარაპენკი — (ასოს) გვირგვინი გაუკაწრავი (რუს.)
რედკოსტ, ჩელოვეკ ნე ზანიშაიუშნი ანანიშმოშ — იშვიათობაა. კაცი, რომელიც არ მისდევს ონანიშმს, ხელცთუნებას (რუს.)
ნე ზაბუდუ მატუშკუ როდინუ — არ დავივიწყებ ღედიკო სამშობლოს (რუს.)
ნარუნიკი — ხელბორკილი (რუს.)
სმერიტელნაია რუბაშკა — თვინიერების პერანგი (რუს.)
ზაგსი — მშაის ბიურო (რუს.)
ვადობლათ, თქვა ღურეღეფი — ნუ მომკლავთ, თქვე (მკვდრებო) მკვდარ-
 ძაღლებო (მეგრ.)
პალადიევიჩ, ვინმოსქილიდე, წიე! — პალადიევიჩ, გადამარჩინე, ბიჭო!
 (მეგრ.)
სოჟიტელნიცა — არაკანონიერი ცოლი (რუს.)
ვარაფაია — ქურდი ქალი (რუს.)
შოკოლადნოე ატნაშენიე — შოკოლადურ, ტკბილ დამოკიდებულებებში
 (რუს. ჟარგ.)
ეტო ნე ზაპოდლო — ეს სასირცხვილო არ არის (რუს.)
ზაბეგალოვკა — სასაუზმე (რუს.)
სტალინ დო ბერია ქორწანსდა, ჭიჭე ფარა ქომუჩია — სტალინი
 და ბერია თუ გწამს, ცოტა ფული მომეციო (მეგრ.)
აღაია — ახტაჯანა ქალი, მოუზრდებელი, ურცხვი (მეგრ.)
პერეღაია — ამანათი საპატიმროში (რუს.)
წურწინს არჩქიღენა — დაწრუწუნებას უგდებენ ყურს, თვინიერები ხდე-
 ბიან (მეგრ.)
ატბთი — დაწოლის დრო (რუს.)
ბეტარი — მამალი თხა, ბოტი (მეგრ.)
ნოზაბსლუგა — სამეურნეო მომსახურება (რუს.)
პადდაგკი — თამაში წაგებაზე შაშში (რუს.)
ნაჩალსტვო — უფროსობა (რუს.)
როსტოშ ნასხაპა — როსტოს გადანახტომი (მეგრ.)
ყველა ქურდი თანაბარია, გინდა — ახალგაზრდა, გინდა — მოხუცი (რუს.)
გრეხი — ცოდვა (რუს.)
შინი — დამლაგებელი (რუს.)
კლიკუნა — მეტსახელი (რუს.)
პეკეტე — საკნის ტიპის შენობა (რუს.)
ნეგრედნიე მუჟიკი — ქურდული გაგების პატიმრები (რუს.)
ზაპასნოი — სათადარიგო (რუს.)
კონფესიონალური — ეკლესიასთან დაკავშირებული, (ლათ.)
 მაჭამე ძუტუ ვერთი სოისი, შენი ღედის უკანალში ბეკლის სოლი! (მეგრ.)
გალიაი — ძველებური სამეჭლისო ცეკვა სწრაფი ტემპისა (ფრანგ.)

- სიმპლექს კონსკი** — იყენებენ, როგორც ნარკოტიკს
სქან ჯგირობუაში, ნანა — შენს სასიკეთოდ, შვილო (მეგრ.)
საბატონიში სისმარი, კაკალ გურსუ — ლისმარი! — შაბათისა სიზ-
მარო, კაკალ გულში — ლურსმანი! (მეგრ.)
აქტიროგა — კომისიის მიერ სიგიჟის დადასტურება პატიმრისათვის (რუს.)
მაცარქალა — ცანცარა, ცერცეტა (მეგრ.)
ამსერ ჩქინი მოჭყუდუსუ, მუშ სისქვამე გოჭყუდუნსუ — ამაღამ
ჩვენს პატარაძალს თავისი სილამაზე გამზითვავს. (მეგრ.)
წიე, ქიდიურჯინე, სქანობრათ, თოლეფი გაგვირინე — ბიჭო, აბო-
ბოქრდი შენებურად, თვალები დაახილე (მეგრ.)
ტინტილა — ხვლიკი (მეგრ.)
ემედე — (МБД) მინისტერსტვო ვნუტრენნიხ დელ — შინარაგან საქმეთა
სამინისტრო (რუს.)
დამსკი პალეცი — დედოფლისთითა, ყურძნის ჯიში (რუს.)
კუკლა — თოჯინა, ფულის შეკვრა, რომელსაც ზემოდან და ქვემოდან კუბიუ-
რებია დადებული, შიგნით კი ქალაღითაა გამოტენილი (რუს. ჟარგ.)
პანკა — შეკვრა (რუს.)
ლისტევი — ფურცლოვანი (რუს.)
ფეშტი — თუნუქი (რუს.)
ზაპრეტკა გახია — აკრძალულ ზონაში შევიდა (ჟარგ.)
ზამინისტრი — ზამესტიტელ მინისტრა, მინისტრის მოადგილე (რუს.)
ტელოხონიტელ — პირადი დაცვა (რუს.)
რიმ-კრიმი — იგულისხმება მრავალგზის პატიმრობა (რუს.)
რაზბორკა — გარჩევა (რუს.)
კარალევა — დედოფალი (რუს.)
ნი ვიჟუ — თვალის არიდება (რუს.)
პაპაშ დონორე — მღვდლის სამოსახლო (მეგრ.)
დაჩა — აგარაკი (რუს.)
აბშენიე — ურთიერთობა (რუს.)
ვიბუსკ — გამოშვება (რუს.)
საფეხური მაღლა, საფეხური დაბლა არანაირი მნიშვნელობისა (რუს.)
ხოზი — ერთგვარი ყველიანი კვერი, მრგვლად მოხარშული (მეგრ.)
ბორჯი — დრო, ჟამი, დანიელ ფიფიას ლექსის სათაური დროვ, ყველაფერი
შენ გაბარია, წარსული, აწმყო და მომავალი. დროვ, სადაა რომ შენ არ ყოფილ-
ხარ, სად არ ამჩნევია შენი ნავალი. მოსრიალეზ განუწყვეტილვ, ყოველთვის ერთნა-
ირად მსრბოლი, შენ იცი, სად ვინ შემცდარა, სად ვის მიუძღვის ჯაფა. შენ გახსოვს
ის, რაც არ ახსოვს არავის ცასა და მიწას შორის. შენ უცქეროდი მზისგან მიწის
სარაკო მოწყვეტას. განა შენ არ გიმზერია მიწის პირველი დატრიალებებისთვის, შენ
გიყურებია პირველი ღამისთვის, პირველი დღის გათენებებისთვის. შენ არავის პატივს
არ მიავებ, სამართალი გაქვს სწორი, მხოლოდ ერთი — შენთან შრომა არავის და-
ეკარგება. კაცი თავის ნათესავს ხესა და ქვას ესვრის, ავის ქება იცის (უყვარს), კარგს
სდევნის და აძაგებს. ყველა ფიქრობს თვითონ აკეთებს სხვა კაცის უმჯობესს, დრომ
არ იცის მოფერება, ყველას აძლევს თავთავისას (მეგრ.)
ნიაბაგი — ასავალ-დასავალი (მეგრ.)
ლოგაფილი — ჩამოქნილი, ნაღდი (მეგრ.)
შიშტიინი — გიჟმაჟი, დაუდგრომელი, ჩხუბისთავი (მეგრ.)
ზნაჩიკი — სამკერდე ნიშანი (რუს.)

- აკობი — სანგარი
 ჩუთუ — ცვედანი (მეგრ.)
 ატმაროჟენი — გაყინული (რუს.)
 ტრიფოგა — განგაში (რუს.)
 ატას — საფრთხის მაუწყებელი ტერმინი
 ღურუ — სიკვდილის ღვთაება კოლხეთში, სიკვდილი (მეგრ.)
 მე ღვთისგან მათხოვრობა არ მიწერიაო, არ უნდა გადამხდესო მათხოვრობა და გარყვნილება. მერე იმ ღამეს სიზმარი უნახავს. „ათ წელიწადს გარყვნილება უნდა ქნაო, ათ წელიწადს — იმათხოვროო. ათ წელიწადსაც კარგად იცხოვრებო“.
 ასეთი სიზმარი უნახავს იმ ღამეს (ჭან.)
 ბიწკის გერე — თითის წვერებზე ღვას (მეგრ.)
 ოცე — ბუკი (მეგრ.)
 გენსეკა — გენერალნი სეკრეტარ, გენერალური მდივანი (რუს.)
 პერესტროიკა — გარდაქმნა (რუს.)
 გლასტნოსტ — დემოკრატია (რუს.)
 ნაჯალური — ბორკილი (მეგრ.)
 ad honoris — ჰონორარისტვის, გასამრჯელოსთვის (ლათ.)
 დეორია — პირის ფაღარათი (ლათ.)
 ზოთიფილია — სექსუალური კავშირის დამყარება ცხოველებთან (ლათ.)
 მენცარკონი — მეცნიერი კაცი, გულთმისანი (მეგრ.)
 სხოლა — ქუჭყი (მეგრ.)
 დიშოვი პასტუპკებით — იაფფასიანი საქციელით (რუს.)
 სუდიმოსტ — მისჯილობა (რუს.)
 ტრასა — აქ ჩაის პლანტაცია.
 მაზიანზე — ფულზე (ყარგ.)
 დრუჩოკი — ხელჯობი (რუს.)
 პარაკი — პატიმრების საცხოვრებელი ზონაში (რუს.)
 რაზოდ — სამუშაოზე გასვლის დრო (რუს.)
 პერვიაკი, ვტარიაკი, ტრეტიაკი — პირველადი, მეორადი, მესამეული (რუს.)
 ია ნი ნერუავეიუ — მე არ ვიჟანგები (რუს.)
 კუნთ — თევზის საქერი ფაცერია (მეგრ.)
 მაადშიდ — ნიშნავს გარკვეული მოქმედების ან თქმის აკრძალვას, ეს იგივე ევფემიზაციაა, ვაშინერს, არ ეგების, არ სახსენებელ არს (სვან.)
 აბნაზოვ ნატრავლიუ ნა გრუზინოვ — აფხაზებს განვაწყობ, მოვშხამავ ქართველების წინააღმდეგ (რუს.)
 მეც გეუბნები შენ: შენა ხარ პეტრე და ამ კლდეზედ ავაშენებ ჩემს ეკლესიას და მას ვერ დაძლევეს ჯოჯოხეთის ბჭენი.
 სქან სანთოლო, ნანაგე — შენს სანაცვლოდ, შვილო (მეგრ.)
 მუჰაჯირი — მეფის რუსეთის მიერ თურქეთში გადასახლებული აფხაზი
 საძები, უბისები — კავკასიური ტომები.
 რიჟა — წითური (რუს.)
 რასსკაზ მოფეო ზემლიაკა — ჩემი თანამემამულეს მონათხრობი (რუს.)
 ობკომი — ობლასტნოს კომიტეტ — საოლქო კომიტეტი (რუს.)
 ბუჟალი რიბკიე გრუზინი — გარბოდნენ მშიშარა ქართველები (რუს.)
 ბაიბუთი — კამათლებით თამაშია ერთგვარი
 ვარით — საწინააღმდეგოდ

- შონე მაძირაფუქ ეჭოფუა** — სვანეთი მნახველებმა დაიპყრესო (მეგრ.)
უნანე — შე არგასაზრდელი (მეგრ.)
ნინელო სვეტოვი ნე იმიუტ — არანაირი წმინდა არ გააჩნიათ (რუს.)
ვლასტ — ძალაუფლება (რუს.)
შაკატ — ბაწარი, ილეთი ტანვარჯიშში (რუს.)
პირველიან ბეგია დო უკულიან გვერდია — რაც პირველი მოგვია
შენი ბედია, შემდგომი — სანახევრო (მეგრ.)
მატ ადინოჩკა — მარტოხელა დედა (რუს.)
უბიცი — მკვლელები (რუს.)
დურა — იარაღი (ქარგ.)
კოჩანიერი — კაცური (მეგრ.)
დერუი — დაიკავე, დაიჭირე (რუს.)
ენუშენიე — ჩაგონება (რუს.)
დაჟე — ისიც კი (რუს.)
სევერ — ჩრდილოეთი (რუს.)
იუგ — სამხრეთი (რუს.)
სვიდანია — პაემანი (რუს.)
ნარუშენია — წესრიგის დარღვევა (რუს.)
ბეზკანოიკი — ადმინისტრაციის ნდობით აღჭურვილი პატიმარი, რომელიც
უბადრაგოდ დადის (რუს.)
ad veritas — ჭეშმარიტებისათვის (ლათ.)
ვეშეშოკი — ზურგჩანთა (რუს.)
ზაბორ — ლობე (რუს.)
მუდგარენს ქოიწინქია — რაღაცას გეტყვია (მეგრ.)
წყვეტურია — წყალწყალა (მეგრ.)
ტყაჩუ — მეტყვე, ეგერი (მეგრ.)
რეზიატა, დავაიტე ფიტ დრუჟნი — ბიჭებო, მოდი ვიცხოვროთ მეგობ-
რულად (რუს.)
ლაბედ, შუკა ი რაკ — გელი, ქარიყლაპია და კიბორჩხალა (რუს.)
მართუ — მორევი (მეგრ.)
ზონდიკ — ქოლგა (რუს.)
მიმანგარაფალი — მიცვალებულთან დამტირებლების მიმცილებელი პიროვ-
ნება (მეგრ.)
მაშინისტ — მემანქანე (რუს.)
ოსრ — ოტდელ რაბოჩეგო სნაბჟენია — მუშათა მომარაგების განყოფილება
(რუს.)
პენტოგრამა — ხუთქიმიანი ვარსკვლავი (ბერძნ.)
ნე უბივაი — ნუ მომკლავ (რუს.)
კონტინუუმი — მოვლენების, პროცესების უწყვეტობა (ლათ.)
შურდინაფილი — გველი, უხსენებელი (მეგრ.)
ჯუა-გოდირგილი — ძუენა-გაბრედილი (მეგრ.)
ლოკი, ია უჟე პაშლეუშნი, პაჩეშუ ნე პლისოდიშ? — ლოკი, მე უკვე
გამგონე ვალ, ლატომ ალ მოდიხალ? (რუს.)
**მამა ტაკაია აგლომნაია, აგლომნაია, კაკ ბუდტო აღბუზ პლაგ-
ლატლა** — დედა ისეთი უშველებელია, უშველებელი, თითქოს საზამთლო გა-
დაუყლაპავსო (რუს.)

სარევი

სონეტი როკის ლიმა პირველი ტალკანი 076923 ბაზარი	005
ლიმა მეორე სტალიპინსკი 153846 ბირჟა	050
ლიმა მესამე კარანტინი 230769	095
ლიმა მეოთხე ლაზარე 307692	140
ლიმა მესუთე ალკრტი 384615	181
ლიმა მეექვსე ცოტნე 461538	226
ლიმა მეშვიდე ილიონა 538461	288
ლიმა მერვე ვეზირი 615384	343
ლიმა მეცხრე შაშმანი 692307	387
ლიმა მუათე მაალშიდ 769230	438
ლიმა მეთერთმეტე AD VERITAS 846153	493
ლიმა მეთორმეტე მორდუ 923076	563
შენიშვნები	602
სარევი	612

GURI OTOBAlA

**FIXED TO
THE LIFE**

Anti thesis

ROCKY

ГУРИ ОТОБАИА

**ОБРЕЧЕННЫЕ
ЖИТЬ**

Anti thesis

РОКИ

გური ოტობაია
სიცოცხლისჯილბო

რომანი-ტრიადა

Anti thesis

როკი

რედაქტორი:

ნანა ხუფენია

წიგნი აიწყო და დაკაბადონდა შპს „აისში“,

პოლიგრაფიული უზრუნველყოფა —

ციფრული ბეჭდვის სტამბა „ბენე“.

ტორაჟი 30 ეგ ზემპლარი.

ფასი — 30 ლარი

თბილისი
2005

